






Class BX2015

Book A2
1822






Printed by P. Wogan

Catholic Church. Liturgy and ritual. Missal.

MISSALE ROMANUM,

EX DECRETO



SACROSANCTI CONCILII TRIDENTINI

RESTITUTUM,

PII V, PONTIFICIS MAXIMI JUSSU EDITUM,

ET

CLEMENTIS VIII, PRIMUM,

NUNC DENUO

URBANI, PAPÆ VIII,

AUCTORITATE RECOGNITUM.

ET NOVORUM FESTORUM MISSIS HUCUSQUE CONCESSIS AUCTUM.

HIS ACCEDUNT FESTA, QUÆ EX INDULTO APOSTOLICO IN
REGNO HIBERNIÆ CELEBRANTUR.

DUBLINII:

EX TYP. RICHARDI COYNE,

IN VIA VULGO DICTA, CAPEL ST. TYPOG. ET BIBLIOP.

R. COLL. MAYNOOTH.

CUM APPROBATIONE ORDINARIJ.

MDCCCXII.

1822

THE LIBRARY
OF CONGRESS
—
WASHINGTON

BX2015
A2
1822



URBANUS, PAPA VIII.

AD PERPETUAM REI MEMORIAM.

771. v. g. 13 u 33

SI quid est in rebus humanis planè divinum quod nobis Superni Cives (si in eos invidia caderet) invidere possent, id certè est Sacrosanctum Missæ Sacrificium, cujus beneficio fit ut homines quadam anticipatione possideant in terris cælum, dum ante oculos habent, et manibus contrectant ipsum cæli, terræque Conditorem. Quò magis est Mortalibus laborandum, ut hoc tantum privilegium cultu, atque honore debito tueantur, caveantque Angelos negligentiae osores, qui sunt æmuli venerationis. Hinc factum est, ut hujus sacri mysterii celebrandi rationem, ac preces, quas Summi Pontifices prædecessores nostri Pius V, et Clemens VIII, diligentissimè recognosci, atque instaurari curaverunt. Nos quoque eorum vestigiis inhærentes, iterùm examinari, et si quid fortè in iis assiduus (quod plerumque contingit) temporis cursus corruperit, restitui jusserimus. Quamobrem sicuti nuper ad divini Officii nitorem reformari Breviarium, ita demum hujus exemplo ad divini sacrificii ornamentum corrigi Missale mandavimus. Et quoniam hasce quasi alas, quas Sacerdos instar Cherubim prisca Mystici tabernaculi quotidie pandit ad verum mundi Propitiatorium decet esse planè geminas, atque uniformes, hujus rei curam commisimus viris eruditis, ac piis, quorum diligentia ita opus perfectum est, ut nihil desiderari amplius possit. Nam rubricæ, quæ sensim ab usu, rituque vetere degeneraverant, in pristinum restitutæ, quæ verò non ita captui legentium accommodatæ videbantur, clariùs explicatæ: præterea collata omnia cum codice Sacræ Scripturæ vulgatæ editionis, quæque diversa irrepserant, ad ejus unius exemplum, normamque correctæ sunt. Verumtamen parum prodesse consuevit solertia Correctorum, nisi ad eam par Typographorum accedat industria; propterea dilecto filio Andree Brogiotto, Typographiæ nostræ Apostolicæ Præfecto, mandavimus, ut Missale ita expurgatum in lucem emittat, sed quæ in posterum extra Urbem imprimi contigerit, ea non aliter, quàm ad exemplar in dicta Typographia nunc editum imprimi posse permittimus, requisita tamen priùs, et in scriptis obtenta dilectorum filiorum Inquisitorum hæreticæ pravitatis in iis locis, in quibus fuerint; ubi verò non fuerint, Ordinariorum locorum facultate, alioquin si absque ea dictum Missale ipsi post hac imprimere, aut Bibliopolæ vendere præsumpserint, Typographi, et Bibliopolæ extra statum nostrum Ecclesiasticum existentes excommunicationis latæ sententiæ, à qua, nisi à Romano Pontifice, præterquam in mortis articulo constituti, absolvi nequeant. In alma verò Urbe, et reliquo statu Ecclesiastico commorantes quingentorum ducatorum auri de Camera, ac amis-

sionis librorum, et typorum omnium Camerae praedictae applicandorum poenas absque alia declaratione irremissibiliter incurrant eo ipso: et nihilominus eorundem Missalium per eos de caetero absque hujusmodi licentia imprimendorum, aut vendendorum usum ubique locorum, et gentium sub eisdem poenis interdiciamus, et prohibemus. Ipsi autem Inquisitores, seu Ordinarii locorum, antequam hujusmodi licentiam, et facultatem concedant, Missalia ab ipsis Typographis imprimenda, et postquam impressa fuerint, cum hoc Missali auctoritate nostra recognito diligentissimè conferant, nec in illis aliquid addi, vel minui, permittant. In ipsa verò licentia originali obtinenda, de collatione facta, et quòd omnino concordent, manu propria attestentur, cujus licentiae copia initio, vel in fine cujusque Missalis semper imprimatur. Quòd si secus fecerint, Inquisitores privationis suorum officiorum, ac inhabilitatis ad illa, et alia in posterum obtinenda, Ordinarii autem locorum suspensionis à divinis, ac interdicti ab ingressu Ecclesiae: eorum verò Vicarii privationis similiter officiorum et beneficiorum suorum, et inhabilitatis ad illa, et alia in posterum obtinenda, ac insuper excommunicationis absque alia declaratione poenas incurrant eo ipso. Caeterum pauperum Ecclesiarum, Clericorum, et personarum Ecclesiasticarum, ac Typographorum, et Bibliopolarum quorumcumque indemnitate ex benignitate Apostolica rationem habentes, eisdem Missalia hactenus impressa penes se habentibus, ut ea retinere, et illis uti, eaque vendere respectivè possint, similiter permittimus, et indulgemus. Non obstantibus licentiis, Indultis, et privilegiis quibuscumque Typographis per Nos, seu Romanos Pontifices praedecessores nostros Missale imprimendi concessis; quae per praesentes expressè revocamus, et revocata esse volumus, necnon constitutionibus, et ordinationibus Apostolicis generalibus, vel specialibus in contrarium praemissorum quomodocumque concessis, approbatis, et confirmatis. Quibus omnibus etiamsi de illis, eorumque totis tenoribus specialis, specifica, et expressa mentio habenda esset, tenores hujusmodi praesentibus pro expressis habentes, hac vice dumtaxat specialiter, et expressè derogamus. Volumus autem, ut praesentium transumptis etiam impressis, manu alicujus Notarii publici subscriptis, et sigillo alicujus personae in dignitate Ecclesiastica constitutae munitis, eadem prorsus fides adhibeatur, quae ipsis praesentibus adhiberetur, si essent exhibitae vel ostensae.

Datum Romae apud Sanctam Mariam Majorem sub Annulo Piscatoris die 2 Septembris, 1634. Pontificatus Nostri Anno duodecimo.

M. A. MARALDUS.

J. SAVENIER.

CLEMENS, PAPA XIII.

URBIS ET ORBIS.

SANCTISSIMUS Dominus noster Clemens, Papa XIII, inter multiplices Apostolatus sui curas, Sacrorum Rituum amplitudinem præ oculis habere non prætermittens, pia meditatione perpendit, quod quamvis compertum sit festis quibusvis diebus Ecclesiam jugi cultu Sacrosanctæ et individue Trinitatis solemnia colere, cum Deum ipsum, qui est Pater, et Filius, et Spiritus Sanctus, rerum omnium opifex, et ad quem omnia referenda sunt, in festis quoque Deiparæ, et aliorum Sanctorum venerari, et glorificare profiteatur; maxime tamen deceat Dominico die, quo Deus ipse lucem condidit, Jesus Christus à mortuis resurrexit, quo sedens ad dexteram Patris Paraclitum Spiritum Sanctum misit de Cœlis, quo proinde ineffabile, et incomprehensibile Trinitatis Mysterium manifestum factum est nobis, quemadmodum in Divino Officio tum ad Primam recitando Symbolum *Quicumque*, tum plerumque in ultimo tertii Nocturni responsorio Augustissimæ Triadis fit commemoratio, idem, et in Missæ Sacrificio peragi, et in ea potissimum parte, qua contestamur dignum, et justum esse Deo gratias agere, eumque collaudere, benedicere, et prædicare; idcirco ad majorem, splendidioremque tanti Mysterii gloriam, ut Fideles quoque, qui die Dominico Missæ interesse debent, latius, atque apertius Sacrosancti ejusdem Mysterii præconia audientes, debitum et ipsi servitutis obsequium supremæ impendant Majestati, statuit, atque decernit, quod singulis Dominicis diebus totius anni, quibus Præfationes propriæ per rubricas non sunt assignatæ, incipiendo à Dominica Sanctissimæ Trinitatis currentis anni M.DCC.LIX. Sacerdotes omnes utriusque Cleri, Secularis nempe atque Regularis, Præfationem de Sanctissima Trinitate, quæ jam inde à vetustissimis temporibus in usu fuisse dignoscitur, in Missa recitare teneantur, et ita inviolabiliter observari mandavit. Hac die tertia Januarii 1759.

D. F. CARD. TAMBURINUS, PREF.

Loco ✠ Sigilli.

M. MAREFUSCUS, S. R. C. SECR.

EX REGISTRO DECRETORUM

SACRÆ RITUUM CONGREGATIONIS.

SACRA Rituum Congregatio inhærendo Decretis aliàs factis, prohibet omnino Missas à S. R. C. non approbatas, et signanter Missas, nuncupatas S. Gregorii pro Vivis et defunctis, Missas quindecim Auxiliatorum, Missam de Patre Æterno, et quascumque alias, ut suprâ, non approbatas, exceptis tamen Missis Rosarii, et de Monte Carmelo, quæ sunt permissæ Regularibus quibusdam, et iisdem dumtaxat, nec possunt ab aliis celebrari etiam in ipsorum Regularium Ecclesiis.

Nemo audeat uti Pileolo in celebratione Missarum sine expressa licentia Sedis Apostolicæ, non obstante quacumque contraria consuetudine.

Item prohibetur usus Rochetti, exceptis tamen quibus de jure competit, et præter hoc statuitur, et declaratur, nemini licere inservire, aut assistere in celebratione Missarum, aut divinorum officiorum cum Rochetto, neque cum Cotta habente manicas angustas ad instar Rochetti: et idem servandum est in Concionibus.

Paramenta non debent sumi de Altari pro celebratione Missarum, cum id competat tantum Episcopis sive solemniter, sive privatim celebrent. Inferioribus verò habentibus usum Pontificalium, non nisi quando in Pontificalibus celebrant.

Demum renovando Decreta alias facta, mandat Sacra Congreg. et in omnibus, et per omnia servari Rubricas Missalis Romani, non obstante quocumque prætextu contraria consuetudine, quam abusum esse declarat.

Et facta relatione horum Decretorum S. D. N. URBANO VIII. Sanctitas Sua annuit, et ab omnibus ubique servari, et in Missali Romano noviter imprimendo apponi mandavit.

JULIUS ROSPIGLIOSIUS, Secret.

DE ANNO, ET EJUS PARTIBUS.

ANNUS menses habet duodecim, hebdomadas duas et quinquaginta, et diem unum : dies verò tercentos sexaginta quinque, et ferè sex horas : tanto enim temporis intervallo Sol Zodiacum perlustrat. Quater autem sex horæ singulis quaternis annis diem constituunt : hinc annus ille intercalaris, Bissextus, vel Bissextilis dicitur.

De Anni correctione, ejusque necessitate, ac Calendario Gregoriano.

QUOD dictum est, Annum continere tercentos, et sexaginta quinque dies, et ferè sex horas intelligendum est, sex horas non esse integras cum ad earum complementum aliqua minuta deficiat.

Ex quorum minorum neglectu progressum est, ac si annus ultra dies 365, contineret integras sex horas, et factum est, ut minuta, quæ ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem, qui causam dederunt, ut Æquinoctium vernum sedem suam mutaverit.

Cui malo occurrens Gregorius XIII, non solum Æquinoctium vernum restituit in pristinam sedem, à qua jam à Concilio Nicæno, decem circiter diebus in anno correctionis, 1582, præcedendo recesserat, quod à Concilio ad xii Kalendas Aprilis fuerat constitutum ; et xiv Lunam Paschalem suo in loco reposuit ; sed viam quoque tradidit, et rationem, qua caveretur, ut in posterum et Æquinoctium vernum, et xiv Lunæ Paschalis à propriis sedibus numquam removerentur.

Ut enim Æquinoctium vernum ad xii Kalendas Aprilis restitueretur statuit, ut dicti decem dies in mense Octobris ipsius anni 1582 eximerentur, ut post quartam diem Octobris, sancto Francisco sacram, sequens dies non esset quinta, sed decima quinta Octobris. Et ita error, qui in præteritum tot annorum circulis irrepererat, in momento temporis fuit correctus.

Ut autem in posterum idem error vitaretur, ne à xii Kalendas Aprilis Æquinoctium vernum recederet, statuit idem Gregorius Bissextum quarto quoque anno (uti

mos est) continuari debere, præterquam in centesimis annis : qui quamvis Bissextilis antea semper fuerint, qualem etiam esse voluit annum 1600. anno correctionis proximum, post eum tamen, qui deinceps consequentur, centesimi non omnes Bissextilis essent, sed in quadringentis quibusque annis primi quique tres centesimi sine Bissexto transigerentur ; quartus verò quisque centesimus esset Bissextilis ; ita ut annus 1700, 1800, 1900. Bissextilis non sint, anno verò 2000. more consueto dies Bissextus intercaletur, Febuario dies 29. continente ; idemque ordo intermittendi intercalandique Bissexto diem in quadringentis quibusque annis perpetuò conservaretur.

Quatuor Tempora.

QUATUOR Tempora celebrantur quarta, et sexta FERIA, ac Sabbato post tertiam Dominicam Adventus, post primam Dominicam Quadragesimæ, post Dominicam Pentecostes, post festum Exaltationis sanctæ Crucis.

Nuptiæ quando celebrari non possint juxta Decretum Concilii Tridentini.

ADOMINICA prima Adventus usque in diem Epiphaniæ, et à FERIA quarta Cinerum usque in Octavam Paschatis inclusivè sancta Synodus solemnitates nuptiarum prohibet. In aliis vero temporibus nuptiis solemniter celebrari permittit.

De Cyclo Decennovennali Aurei Numeri.

CYCLUS decennovennalis Aurei numeri est revolutio numeri 19 annorum ab 1 usque ad 19, qua revolutione peracta iterum ad unitatem reditur. Verbi gratia : Anno 1577, numerus Cycli decennovennalis, qui dicitur Aureus est 1, anno sequenti 1578 est 2, et ita deinceps in sequentibus annis, uno semper amplius, usque ad 19. qui Aureus numerus cadet in annum 1596. post quem iterum ad unitatem redeundum est, ita ut anno 1596, Aureus numerus sit rursus 1, et anno 1597, sit 2, &c.

Igitur ut Aureus numerus quolibet anno proposito inveniatur, composita est sequens tabella Aureorum numerorum, cujus usus incipit ab anno correctionis 1582 inclusivè, duratque in perpetuum. Ex ea enim Aureus numerus cujuslibet anni post annum 1582 reperietur hoc modo.

| | | | | | | | | | |
|-----|-----|-----|-----|-----|-----|-----|-----|-----|----|
| 6. | 7. | 8. | 9. | 10. | 11. | 12. | 13. | 14. | |
| 15. | 16. | 17. | 18. | 19. | 1. | 2. | 3. | 4. | 5. |

Anno 1582 tribuatur primus numerus tabellæ, qui est 6. secundus autem, qui est 7, sequenti anno 1583, et ita deinceps in infinitum, donec ad annum, cujus Aureum numerum quæris, perveniatur, redeundo ad principium tabellæ quotiescumque eam percurrens. Nam numerus, in quem annus propositus cadit, dabit Aureum numerum quæsitum.

De Epactis, et Noviluniis.

EPACTA nihil aliud est, quàm numerus dierum, quibus annus Solaris communis dierum 365 annum communem Lunarem dierum 354 superat : ita ut Epacta primi anni sit 11, cùm hoc numero annis Solaris communis Lunarem annum communem excedat; atque adeò sequenti anno Novilunia contingant 11 diebus priùs, quàm anno primo. Ex quo fit, Epactam secundi anni esse 22, cùm eo anno rursus annus Solaris Lunarem annum superet 11 diebus, qui additi ad 11 dies primi anni, efficiunt 22, ac proinde finito hoc anno, Novilunia contingere 22 diebus priùs, quàm primo anno : Epactam autem tertii anni esse 3, quia si rursus 11 dies ad 22 adjiciantur, efficiunt numerus 33, à quo si rejiciantur 30 dies, qui unam Lunationem Embolismalem constituunt, relinquuntur 3, atque ita deinceps. Progrediuntur enim Epactæ omnes per continuum augmentum 11 dierum, abjectis tamen 30, quando rejici possunt. Solùm quando perventum erit ad ultimam Epactam, Aureo numero 19 respondentem, quæ est 29, adduntur 12, ut abjectis 30 ex composito num. 41 habeatur rursus Epacta 11, ut in principio. Quod idè fit, ut ultima Lunatio Embolismica, currente Aureo num. 19, sit tantùm 29 dierum. Si enim 30 dies contineret, ut aliæ sex Lunationes Embolismicæ non redirent Novilunia post 19 annos Solares ad eosdem dies, sed versus calcem mensium prolaberentur, contingerentque uno die tardiùs quàm ante 19 annos. De qua re plura invenies in libro novæ rationis restituenti Kalendarii Romani. Sunt autem

novemdecim Epactæ, quot et Aurei numeri, respondebantque ipsis Aureis numeris ante Kalendarii correctionem, eo modo, quo in hac tabella dispositæ sunt.

Tabella Epactarum respondentium Aureis numeris ante Kalendarii correctionem.

| | | | | | | | |
|------------------|-------|---------|-------|------|--------|-------|--------|
| <i>Aur. num.</i> | 1. | 2. | 3. | 4. | 5. | 6. | |
| <i>Epactæ.</i> | xi. | xxii. | iii. | xiv. | xxv. | vi. | |
| | 7. | 8. | 9. | 10. | 11. | 12. | 13. |
| | xvii. | xxviii. | ix. | xx. | i. | xii. | xxiii. |
| | 14. | 15. | 16. | 17. | 18. | 19. | |
| | iv. | xv. | xxvi. | vii. | xviii. | xxix. | |

Quia verò cyclus decennovennalis Aurei numeri imperfectus est, cùm Novilunia post 19 annos Solares non præcisè ad eadem loca redeant, ut dictum est, imperfectus etiam erit hic cyclus 19 Epactarum, Quamobrem ita emendata est, ut in posterum loco Aurei numeri, et dictarum 19 Epactarum, utamur 30 numeris Epactalibus ab 1 usque ad 30, ordine progredientibus, quamvis ultima Epacta, sive quæ ordine est trigesima, notata numero non sit, sed signo hoc : * propterea quod nulla Epacta esse possit 30. Variis autem temporibus ex his 30 Epactis respondent decem et novem Aureis numeris variæ decem et novem Epactæ, prout Solaris anni, ac Lunaris æquatio exposuit : quæ quidem decem et novem Epactæ progrediuntur, ut olim, per eundem numerum 11, addunturque semper 12 illi Epactæ, quæ respondet Aureo num. 19, ut habeatur sequens Epacta respondens Aureo numero 1, ob rationem paulò antè dictam. Id quod sequens tabella perspicuum faciet, quæ continet Aureos numeros, et Epactas inter se respondentibus ab anno 1700 inclusivè usque ad annum 1900 exclusive. Quamvis autem vulgares Epactæ mutantur in Martio, re ipsa tamen in principio anni mutandæ sunt, unâ cum Aureo numero, in cujus locum hæ nostræ Epactæ succedunt,

Alia Tabella Epactarum respondentium Aureis numeris ab Anno 1700 inclusivè, usque ad annum 1900 inclusive.

| | | | | | | | |
|------------------|------|-------|------|--------|--------|---------|-------|
| <i>Aur. num.</i> | 10. | 11. | 12. | 13. | 14. | 15. | |
| <i>Epact.</i> | ix. | xx. | i. | xii. | xxiii. | iv. | |
| | 16. | 17. | 18. | 19. | 1. | 2. | 3. |
| | xv. | xxvi. | vii. | xviii. | * | xi. | xxii. |
| | 4. | 5. | 6. | 7. | 8. | 9. | |
| | iii. | xiv. | xxv. | vi. | xvii. | xxviii. | |

Itaque si Epacta quocumque anno proposito invenienda sit, quærendus est Aureus numerus illius anni in superiori ordine illius tabellæ, quæ illi temporis, in quo propositus annus continetur, congruit. Mox enim sub Aureo numero in inferiori ordine tabellæ reperietur Epacta anni propositi, vel certè hoc signum*. Ubi ergo illa Epacta, vel signum* in Calendario inventum fuerit, eo die Novilunium fiet. Invenietur autem Aureus numerus, vel ex antecedente canone, vel ex tabella Epactarum proposito temporis congruente,tribuendo primum Aureum numerum illius tabellæ illi anno à quo usus tabellæ incipit, et secundum Aureum numerum sequenti anno, &c. Eodem modo reperietur Epacta sine Aureo numero, si prima Epacta tabellæ tribuatur illi anno, à quo ejus usus incipit, et secunda Epacta sequenti anno, &c.

Exemplum. Anno 1700 Aureus numerus est 10. nempe primus primæ tabellæ. Erit ergo Epacta ix. quæ sub Aureo numero 10. collocatur: fietque Novilunium die 22. Januarii, 20. Februarii, 22. Martii. Item anno 1701. Aureus numerus est 11. cui in eadem tabella supposita est Epacta xx. quæ toto eo anno in Calendario Novilunium indicabit: ut in Januario die 11. in Febuario die 9. in Martio die 11. &c.

Tabella litterarum Dominicalium ab anno 1700. inclusive usque ad annum 1800. exclusivè.

| | | | | | | | | | | | | | | |
|---|---|---|---|---|---|---|---|---|---|---|---|---|---|---|
| d | b | A | g | f | d | c | b | A | f | e | d | c | | |
| c | | | | e | | | | g | | | | b | | |
| A | g | f | e | c | b | A | g | e | d | c | b | g | f | e |
| | | | d | | | | f | | | A | | | | |

Usus hujus Tabellæ hic est, Anno 1700. tribuatur unica littera inferior c. primæ cellulæ, relicta littera d, superiori, quia annus ille 1700. non est Bissextilis, sed communis. & littera d, fuit Dominicalis præcedenti anno 1699. Anno sequenti 1701. tribuatur littera b, secundæ cellulæ, &c. Item anno 1704. tribuantur geminæ litteræ f, e, quintæ cellulæ, & sic deinceps aliis annis per ordinem aliæ cellulæ tribuantur, donec ad Annum propositum pervenias; redeundo ad principium Tabellæ, quotiescumque eam percurreris: nam cellula, in quam annus propositus cadet, dummodò minor sit, quàm annus 1800, dabit litteram Dominicalem propositi anni: quæ si unica occurrerit, annus erit communis; si vero duplex, Bissextilis: et tunc superior littera Dominicam diem indicabit in Calendario à principio an-

ni usque ad festum S. Mathiæ Apostoli: inferior autem ab hoc festo, usque ad finem Anni.

De Indictione.

INDICTIO est revolutio 15. annorum ab 1. usque ad 15. qua revolutione peracta, iterum reditur ad unitatem, initiumque sumit quilibet annus hujus cycli à Januario in Bullis Pontificiis. Et quoniam Indictionum frequens usus est in Diplomatibus, et scripturis publicis, facilè annum Indictionis currentem quolibet anno proposito inveniemus ex sequenti tabella, cujus usus perpetuus est. initium tamen sumit ab anno correctionis 1582.

Tabella Indictionis ab anno correctionis 1582.

| | | | | | | | |
|-----|-----|-----|-----|-----|-----|----|----|
| 10. | 11. | 12. | 13. | 14. | 15. | 1. | |
| 2. | 3. | 4. | 5. | 6. | 7. | 8. | 9. |

Nam si anno 1582. tribuas primum numerum qui est 10. & sequenti anno 1585 secundum numerum, qui est 11. et sic deinceps usque ad annum propositum, redeundo ad principium tabellæ, quotiescumque eam percurreris, cadet annus propositus in Indictionem, quæ queritur.

De Festis mobilibus.

QUONIAM ex Decreto sacri Concilii Nicæni Pascha, ex quo reliqua Festa mobilia pendent, celebrari debet die Dominico, qui proximè succedit xiv. Lunæ primi mensis, (is verò apud Hebræos vocatur primus mensis, cujus xiv. Luna vel cadit in diem verni Æquinoctii, quod die 21 mensis Martii contingit, vel propius ipsum sequitur) efficitur, ut si Epacta cujusvis anni inveniatur, et ab ea in Calendario notata inter diem octavum Martii inclusivè et quintum Aprilis exclusivè (hujus enim Epactæ xiv. Luna cadit vel in diem Æquinoctii verni, id est, in diem 21. Martii, vel eum propius sequitur) numerentur inclusivè deorsum versus dies quatuordecim, proximus dies Dominicus diem hunc xiv. sequens (ne cum Judæis conveniamus, si fortè dies xiv. Lunæ caderet in diem Dominicum) sit dies Paschæ.

Exemplum. Anno 1605. Epacta est x. et littera Dominicalis b. Et quoniam invenimus Epactam x. inter diem 8. Martii. et 5. Aprilis inclusivè positam esse è regione diei 21. Martii, à quo inclusivè, si deorsum versus numerentur 14. dies, inveniemus xiv. Lunam die 3. Aprilis, quæ

est Dominica, cùm è regione illius sit littera Dominicalis b. Ne igitur cum Judæis conveniamus, qui Pascha celebrant die xiv. Lunæ, sumenda est littera Dominicalis b, quæ sequitur xiv. Lunam. nempe ea quæ è regione diei 10. Aprilis collocatur; atque eo anno Pascha celebrandum erit die 10. Aprilis. Item anno 1604. Epacta est xxix. et duplex littera Dominicalis d, c, cùm annus ille fit Bissextilis. Si igitur ab Epacta xxix. quæ è regione diei 1. Aprilis ponitur inter diem 8. Martii, et 5. Aprilis inclusivè, numerentur dies 14. cadet xiv. Luna in diem 4. Aprilis. Et quia tunc currit posterior littera Dominicalis, nempe c, quæ post diem 14. Aprilis, id est, post xiv. Lunam collocata est è regione diei 18. Aprilis, celebrabitur eo anno Pascha die 18. Aprilis.

Ceterùm ut faciliùs omnia Festa mobilia inveniantur, compositæ sunt duæ sequentes Tabulæ Paschales, una antiqua, et nova altera. Ex antiqua ista Festa mobilia reperientur. In latere sinistro tubulæ accipiatur Epacta currens, et in linea litterarum Dominicalium sumatur littera Dominicalis currens, infra tamen Epactam currentem, ita ut si littera Dominicalis currens reperitur è regione Epactæ currentis, assumenda sit eadem littera Dominicalis proximè inferior. Nam è regione hujus litteræ Dominicalis omnia Festa Mobilia continentur.

Exemplum. Anno 1706. Epacta est xv. et littera Dominicalis c. Si igitur in Tabula antiqua sumatur littera Dominicalis c, quæ primo infra Epactam xv. occurrit, reperietur è regione hujus litteræ Dominica Septuagesimæ die 31. Januarii, dies Cinerum 17. Februarii, Pascha 4. Aprilis, Ascensio Domini 13. Maii, Pentecostes 23. Maii, et Festum Corporis Christi 5. Maii. Dominicæ autem inter Pentecosten, et Adventum eo anno erunt 26. et Adventus celebrabitur die 28. Novembris; et sic de ceteris. Item anno 1710. Epacta est*, et littera Dominicalis e, quæ in tabula reperietur è regione Epactæ*. Quare sumenda est alia littera e, quæ proximè infra Epactam invenitur, è regione cujus invenias Septuagesimam die 16. Februarii, diem Cinerum 5. Martii, et Pascha 20. Aprilis, &c.

Natandum autem est, quòd quemadmodum in anno communi, cadente littera Dominicali è regione Epactæ in tabula antiqua, sumitur eadem littera proxima infra Epactam, ut diximus: ita quoque in anno Bissextili, si alterutra duarum litterarum Dominicalium tunc currentium è regione Epactæ reperiat, assumendæ

sunt aliæ duæ similes litteræ proximè inferiores, ut Festa Mobilia inveniantur.

Ex tabula verò Paschali nova ita eadem Festa mobilia reperientur. In cellula litteræ Dominicalis currentis quæretur Epacta currens. Nam è directo omnia Festa mobilia deprehendentur. Ut anno 1609. in cellula litteræ Dominicalis d, tunc currentis è regione Epactæ xxiv. quæ eodem anno currit, habetur Septuages. die 15. Februarii, die Cinerum 4. Martii, Pascha 19. Aprilis, &c.

Sed sive antiqua, sive nova tabula Paschali utamur, inveniendi sunt omnia Festa Mobilia in annis Bissextilibus per litteram Dominicalem posteriorem, quæ nimirum currit post Festum sancti Mathiæ Apostoli, ne scilicet ambigamus. utra duarum litterarum pro hoc aut illo Festo indagando accipienda sit: ita tamen, ut Septuagesimæ. et diei Cinerum inventæ in Januario, aut Febuario addatur unus dies. Quòd ideò sit. quia ante diem sancti Mathiæ currit prior littera Dominicalis, quæ in Calendario posteriorem semper sequitur: post festum autem sancti Mathiæ in Febuario, licet posterior littera currat, additur tamen tunc dies intercalaris, ita ut dies 24. Februarii dicatur 25. et dies 25. dicatur 26. &c. Quòd si dies Cinerum cadat in Martium, nihil addendum est, quia tunc et littera posterior currit, et dies mensis propriis numeris respondent, cùm dies intercalaris Febuario sit additus. Imò nisi per posteriorem litteram investigarentur, non inveniretur recte Septuages. in anno Bissextili currente Epacta xxiv. vel xxv. et litteræ Dominicales, d, c, ut in secundo ac tertio exemplo perspicuum fiet pro annis 4088. et 5784. Exempli gratia: Anno 2096. Bissextili Epacta erit v. et litteræ Dominicales A. g. Si igitur per posteriorem litteram, quæ est g, Festa mobilia investigentur, reperietur Septuages. die 11. Februarii, et dies Cinerum 28. Februarii. Si autem addatur unus dies, cadet Septuages. in diem 12. Februarii, quæ est Dominica. et dies Cinerum in diem 29. Februarii. quæ est Fera iv. Pascha autem, et reliqua Festa in eisdem dies cadent, qui in Tabula expressi sunt. Item anno 4088. Bissextili Epacta erit xxiv. et litteræ Dominicalis d, c. Si igitur per litteram c, quæ posterior est. inquirantur Festa mobilia invenietur Septuagesima die 21. Februarii et si addatur unus dies, cadet in diem 22. Februarii quæ est Dominica. Dies autem Cinerum cadet in diem 10. Martii: quare nihil additur &c, Rursus anno 5784 Bissextili Epacta erit xxv. et litteræ Dominicales

d, c. Ergo iterum per posteriorem c, reperietur Septuag. die 21. Februarii hoc est. addita 1 die 22. Quòd si per priorem litteram d, in utroque horum duorum annorum agendum esset, nihil efficeretur, cùm infra Epactas xxiv. vel xxv. littera d, indicet Septuages. die 15. Februarii quod falsum esset, cùm eo anno posterior littera c, Pascha offerat die 25. Aprilis, ac proinde Septuages. die 22. Februarii celebranda sit, ut liquidò constat, si à die Paschæ, Dominicæ retrò numerentur usque ad Septuagesimam.

In priori porrò Tabula Paschali antiqua reformata, Epactis ad sinistram præposuimus Aureos numeros eodem ordine, quo ante emendationem Kalendarii collocari solebant, ut ex iis Festa Mobilia invenirentur. Hoc autem idcirco à nobis factum est, ut Pascha, cæteraque Festa Mobilia, à Concilio Nicæno usque ad annum 1582. quilibet indagare possit. Eodem autem prorsus artificio ex Aureis numeris ita distributis Festa Mobilia eruuntur, quo ex Epactis. Sit enim explorandum, exempli causa, quando festa hæc celebrata fuerint

anno 1450. Quoniam eo anno Aureus numerus fuit 7. et littera Dominicalis d, si Aureus numerus 7. in sinistro latere accipiatur, et prima littera, d, infra eum occurrens, reperietur è regione hujus litteræ d, Septuagesima die 1. Februarii, dies Cinerum 18. Februarii, Pascha die 5. Aprilis, &c.

Adventus Domini celebratur semper die Dominico, qui propinquior est festo S. Andree Apostoli. nempe à die 27. Novembris inclusivè, usque ad diem 3. Decembris inclusivè, ita ut littera Dominicalis currens quæ reperitur in Kalendario à die 27. Novembris usque ad diem 3. Decembris, indicet Dominicam Adventus. Ut verbi gratia, si littera Dominicalis est g, Dominica Adventus cadet in diem 2. Decembris, quia ibi est littera g. in Kalendario, &c.

Ad finem tandem Tabularum Paschaliu apposita est Tabula temporaria multorum annorum, è regione quorum omnia Festa mobilia inveniuntur: quæ quidem Tabula ex Tabulis Paschalibus excerpta est, ex quibus infinite aliæ erui possunt pro quibuscumque annis.

TABULA PASCHALIS

ANTIQUA REFORMATA.

| Aur. Num. | Cyclos Epactarum. | Litt. Do- mi- nic. | Sep- tua- ges. | Dies Cin. | Pas- cha. | As- cen- sio. | Pen- tec. | Cor- pus Chr. | Domi- nicæ post Pentec. | Domi- nica prima Adv. | |
|--------------|----------------------|-----------------------------|----------------------|--------------|--------------|---------------------|--------------|---------------------|----------------------------------|--------------------------------|-------|
| 16 | | 23 | Jan. | Feb. | Mar. | Apr. | Maii | Maii | | | |
| 5 | | 22 | 18 | 4 | 22 | 30 | 10 | 21 | 28 | 29 N. | |
| | | 21 | d | 19 | 5 | 23 | 1 Ma. | 11 | 22 | 28 | 30 |
| 13 | | 20 | e | 20 | 6 | 24 | 2 | 12 | 23 | 28 | 1 D. |
| 2 | | 19 | f | 21 | 7 | 25 | 3 | 13 | 24 | 28 | 2 |
| | | 18 | A | 22 | 8 | 26 | 4 | 14 | 25 | 28 | 3 |
| 10 | | 17 | b | 23 | 9 | 27 | 5 | 15 | 26 | 27 | 27 N. |
| | | 16 | c | 24 | 10 | 28 | 6 | 16 | 27 | 27 | 28 |
| 18 | | 15 | d | 25 | 11 | 29 | 7 | 17 | 28 | 27 | 29 |
| 7 | | 14 | e | 26 | 12 | 30 | 8 | 18 | 29 | 27 | 30 |
| | | 13 | f | 27 | 13 | 31 | 9 | 19 | 30 | 27 | 1 D. |
| 15 | | 12 | g | 28 | 14 | 1 A. | 10 | 20 | 31 | 27 | 2 |
| 4 | | 11 | A | 29 | 15 | 2 | 11 | 21 | 1 Ju. | 27 | 3 |
| | | 10 | b | 30 | 16 | 3 | 12 | 22 | 2 | 26 | 27 N. |
| 12 | | 9 | c | 31 | 17 | 4 | 13 | 23 | 3 | 26 | 28 |
| 1 | | 8 | d | 1 F. | 18 | 5 | 14 | 24 | 4 | 26 | 29 |
| | | 7 | e | 2 | 19 | 6 | 15 | 25 | 5 | 26 | 30 |
| 9 | | 6 | f | 3 | 20 | 7 | 16 | 26 | 6 | 26 | 1 D. |
| | | 5 | g | 4 | 21 | 8 | 17 | 27 | 7 | 26 | 2 |
| 17 | | 4 | A | 5 | 22 | 9 | 18 | 28 | 8 | 26 | 3 |
| 6 | 3 | b | 6 | 23 | 10 | 19 | 29 | 9 | 25 | 27 N. | |
| | 2 | c | 7 | 24 | 11 | 20 | 30 | 10 | 25 | 28 | |
| 14 | 1 | d | 8 | 25 | 12 | 21 | 31 | 11 | 25 | 29 | |
| 3 | * | e | 9 | 26 | 13 | 22 | 1 Ju. | 12 | 25 | 30 | |
| | 29 | f | 10 | 27 | 14 | 23 | 2 | 13 | 25 | 1 D. | |
| 11 | 28 | g | 11 | 28 | 15 | 24 | 3 | 14 | 25 | 2 | |
| | 27 | A | 12 | 1 M. | 16 | 25 | 4 | 15 | 25 | 3 | |
| 19 | 26 | b | 13 | 2 | 17 | 26 | 5 | 16 | 24 | 27 N. | |
| | 25 | c | 14 | 3 | 18 | 27 | 6 | 17 | 24 | 28 | |
| 8 | 24 | d | 15 | 4 | 19 | 28 | 7 | 18 | 24 | 29 | |
| | | e | 16 | 5 | 20 | 29 | 8 | 19 | 24 | 30 | |
| | | f | 17 | 6 | 21 | 30 | 9 | 20 | 24 | 1 D. | |
| | | g | 18 | 7 | 22 | 31 | 10 | 21 | 24 | 2 | |
| | | A | 19 | 8 | 23 | 1 Jun. | 11 | 22 | 24 | 3 | |
| | | b | 20 | 9 | 24 | 2 | 12 | 23 | 23 | 27 N. | |
| | | c | 21 | 10 | 25 | 3 | 13 | 24 | 23 | 28 | |

TABULA PASCHALIS.

| Lit. Domini- calis. | Cyclus Epactarum. | Septuage- sima. | Dies Ciner. |
|------------------------|---|--|--|
| D | 23, 22, 21, 20, 19, 18, 17, 16, 15, 14, 13, 12, 11, 10, 9, 8, 7, 6, 5, 4, 3, 2, 1. * 29, 28, 27, 26, xxv. 25, 24. | 18 Jan. 25 Jan. 1 Feb. 8 Feb. 15 Feb. | 4 Feb. 11 Feb. 18 Feb. 25 Feb. 4 Mar. |
| E | 23, 22, 21, 20, 19, 18, 17, 16, 15, 14, 13, 12, 11, 10, 9, 8, 7, 6, 5, 4, 3, 2, 1. * 29, 28, 27, 26, xxv. 25, 24, | 19 Jan. 26 Jan. 2 Feb. 9 Feb. 16 Feb. | 5 Feb. 12 Feb. 19 Feb. 26 Feb. 5 Mar. |
| F | 23, 22, 21, 20, 19, 18, 17, 16, 15, 14, 13, 12, 11, 10, 9, 8, 7, 6, 5, 4, 3, 2, 1. * 29, 28, 27, 26, xxv, 25, 24. | 20 Jan. 27 Jan. 3 Feb. 10 Feb. 17 Feb. | 6 Feb. 13 Feb. 20 Feb. 27 Feb. 6 Mar. |
| G | 23, 22, 21, 20, 19, 18, 17, 16, 15, 14, 13, 12, 11, 10, 9, 8, 7, 6, 5, 4, 3, 2, 1. * 29, 28, 27, 26, xxv. 25, 24, | 21 Jan. 28 Jan. 4 Feb. 11 Feb. 18 Feb. | 7 Feb. 14 Feb. 21 Feb. 28 Feb. 7 Mar. |
| A | 23, 22, 21, 20, 19, 18, 17, 16, 15, 14, 13, 12, 11, 10, 9, 8, 7, 6, 5, 4, 3, 2, 1. * 29, 28, 27, 26, xxv. 25, 24, | 22 Jan. 29 Jan. 5 Feb. 12 Feb. 19 Feb. | 8 Feb. 15 Feb. 22 Feb. 1 Mar. 8 Mar. |
| B | 23, 22, 21, 20, 19, 18, 17, 16, 15, 14, 13, 12, 11, 10, 9, 8, 7, 6, 5, 4, 3, 2, 1. * 29, 28, 27, 26, xxv. 25, 24, | 23 Jan. 30 Jan. 6 Feb. 13 Feb. 20 Feb. | 9 Feb. 16 Feb. 23 Feb. 2 Mar. 9 Mar. |
| C | 23, 22, 21, 20, 19, 18, 17, 16, 15, 14, 13, 12, 11, 10, 9, 8, 7, 6, 5, 4, 3, 2, 1. * 29, 28, 27, 26, xxv. 25, 24, | 24 Jan. 31 Jan. 7 Feb. 14 Feb. 21 Feb. | 10 Feb. 17 Feb. 24 Feb. 3 Mar. 10 Mar. |

NOVA REFORMATATA.

| Pascha. | Ascensio. | Pentecostes. | Corpus Christi. | Dom. post Pentec. | Dom. 1. Advent. |
|---------|-----------|--------------|-----------------|-------------------|-----------------|
| 22 Mar. | 30 Apr. | 10 Maii. | 21 Maii. | 28 | 29 No. |
| 29 Mar. | 7 Maii. | 17 Maii. | 28 Maii. | 27 | 29 |
| 5 Apr. | 14 Maii. | 24 Maii. | 4 Jun. | 26 | 29 |
| 12 Apr. | 21 Maii. | 31 Maii. | 11 Jun. | 25 | 29 |
| 19 Apr. | 28 Maii. | 7 Jun. | 18 Jun. | 24 | 29 |
| 23 Mar. | 1 Maii. | 11 Maii. | 22 Maii. | 28 | 30 No. |
| 30 Mar. | 8 Maii. | 18 Maii. | 29 Maii. | 27 | 30 |
| 6 Apr. | 15 Maii. | 25 Maii. | 5 Jun. | 26 | 30 |
| 13 Apr. | 22 Maii. | 1 Jun. | 12 Jun. | 25 | 30 |
| 20 Apr. | 29 Maii. | 8 Jun. | 19 Jun. | 24 | 30 |
| 24 Mar. | 2 Maii. | 12 Maii. | 23 Maii. | 28 | 1 De. |
| 31 Mar. | 9 Maii. | 19 Maii. | 30 Maii. | 27 | 1 |
| 7 Apr. | 16 Maii. | 26 Maii. | 6 Jun. | 26 | 1 |
| 14 Apr. | 23 Maii. | 2 Jun. | 13 Jun. | 25 | 1 |
| 21 Apr. | 30 Maii. | 9 Jun. | 20 Jun. | 24 | 1 |
| 25 Mar. | 3 Maii. | 13 Maii. | 24 Maii. | 28 | 2 De. |
| 1 Apr. | 10 Maii. | 20 Maii. | 31 Maii. | 27 | 2 |
| 8 Apr. | 17 Maii. | 27 Maii. | 7 Jun. | 26 | 2 |
| 15 Apr. | 24 Maii. | 3 Jun. | 14 Jun. | 25 | 2 |
| 22 Apr. | 31 Maii. | 10 Jun. | 21 Jun. | 24 | 2 |
| 26 Mar. | 4 Maii. | 14 Maii. | 25 Maii. | 28 | 3 De. |
| 2 Apr. | 11 Maii. | 21 Maii. | 1 Jun. | 27 | 3 |
| 9 Apr. | 18 Maii. | 28 Maii. | 8 Jun. | 26 | 3 |
| 16 Apr. | 25 Maii. | 4 Jun. | 15 Jun. | 25 | 3 |
| 23 Apr. | 1 Jun. | 11 Jun. | 22 Jun. | 24 | 3 |
| 27 Mar. | 5 Maii. | 15 Maii. | 26 Maii. | 27 | 27 No. |
| 3 Apr. | 12 Maii. | 22 Maii. | 2 Jun. | 26 | 27 |
| 10 Apr. | 19 Maii. | 29 Maii. | 9 Jun. | 25 | 27 |
| 17 Apr. | 26 Maii. | 5 Jun. | 16 Jun. | 24 | 27 |
| 24 Apr. | 2 Jun. | 12 Jun. | 23 Jun. | 23 | 27 |
| 28 Mar. | 6 Maii. | 16 Maii. | 27 Maii. | 27 | 28 No. |
| 4 Apr. | 13 Maii. | 23 Maii. | 3 Jun. | 26 | 28 |
| 11 Apr. | 20 Maii. | 30 Maii. | 10 Jun. | 25 | 28 |
| 18 Apr. | 27 Maii. | 6 Jun. | 17 Jun. | 24 | 28 |
| 25 Apr. | 3 Jun. | 13 Jun. | 24 Jun. | 23 | 28 |

TABELLA TEMPORARIA.

| Anni Domini. | Litt. Dom. | Aur. Num. | Cyclus Epactar. | Septuagesima. | Dies Cinerum. | Pascha. |
|--------------|------------|-----------|-----------------|---------------|---------------|---------|
| 1820 | b A | 16 | xv | 30 Jan. | 16 Feb. | 2 Apr. |
| 1821 | g | 17 | xxvi | 18 Feb. | 7 Mar. | 22 Apr. |
| 1822 | f | 18 | vii | 3 Feb. | 20 Feb. | 7 Apr. |
| 1823 | e | 19 | xviii | 26 Jan. | 12 Feb. | 30 Mar. |
| 1824 | d c | 1 | * | 15 Feb. | 3 Mar. | 18 Apr. |
| 1825 | b | 2 | xi | 30 Jan. | 16 Feb. | 3 Apr. |
| 1826 | A | 3 | xxii | 22 Jan. | 8 Feb. | 26 Mar. |
| 1827 | g | 4 | iii | 11 Feb. | 28 Feb. | 15 Apr. |
| 1828 | e f | 5 | xiv | 3 Feb. | 20 Feb. | 6 Apr. |
| 1829 | d | 6 | xxv | 15 Feb. | 4 Mar. | 19 Apr. |
| 1830 | c | 7 | vi | 7 Feb. | 24 Feb. | 11 Apr. |
| 1831 | b | 8 | xvii | 30 Jan. | 16 Feb. | 3 Apr. |
| 1832 | A g | 9 | xxviii | 19 Feb. | 7 Mar. | 22 Apr. |
| 1833 | f | 10 | ix | 3 Feb. | 20 Feb. | 7 Apr. |
| 1834 | e | 11 | xx | 26 Jan. | 12 Feb. | 30 Mar. |
| 1835 | d | 12 | i | 15 Feb. | 4 Mar. | 19 Apr. |
| 1836 | c b | 13 | xii | 31 Jan. | 17 Feb. | 3 Apr. |
| 1837 | A | 14 | xxiii | 22 Jan. | 8 Feb. | 26 Mar. |
| 1838 | g | 15 | iv | 11 Feb. | 28 Feb. | 15 Apr. |
| 1839 | f | 16 | xv | 27 Jan. | 13 Feb. | 31 Mar. |
| 1840 | e d | 17 | xxvi | 16 Feb. | 4 Mar. | 19 Apr. |
| 1841 | c | 18 | vii | 7 Feb. | 24 Feb. | 11 Apr. |
| 1842 | b | 19 | xviii | 23 Jan. | 9 Feb. | 27 Mar. |
| 1843 | A | 1 | * | 12 Feb. | 1 Mar. | 16 Apr. |
| 1844 | g f | 2 | xi | 4 Feb. | 21 Feb. | 7 Apr. |
| 1845 | e | 3 | xxii | 19 Jan. | 5 Feb. | 23 Mar. |
| 1846 | d | 4 | iii | 8 Feb. | 25 Feb. | 12 Apr. |
| 1847 | c | 5 | xiv | 31 Jan. | 17 Feb. | 4 Apr. |
| 1848 | b A | 6 | xxv | 20 Feb. | 8 Mar. | 23 Apr. |
| 1849 | g | 7 | vi | 4 Feb. | 21 Feb. | 8 Apr. |
| 1850 | f | 8 | xvii | 27 Jan. | 13 Feb. | 31 Mar. |
| 1851 | e | 9 | xxviii | 16 Feb. | 5 Mar. | 20 Apr. |

FESTORUM MOBILIIUM.

| Anni Domini. | Ascensio. | Pentecostes. | Corpus Christi. | Indictio. | Dom. post Pentec. | Dom. 1. Advent. |
|--------------|-----------|--------------|-----------------|-----------|-------------------|-----------------|
| 1820 | 11 Maii. | 21 Maii. | 1 Jun. | 8 | 27 | 3 Dec. |
| 1821 | 31 Maii. | 10 Jun. | 21 Jun. | 9 | 24 | 2 Dec. |
| 1822 | 16 Maii. | 26 Maii. | 6 Jun. | 10 | 26 | 1 Dec. |
| 1823 | 8 Maii. | 18 Maii. | 29 Maii. | 11 | 27 | 30 Nov. |
| 1824 | 27 Maii. | 6 Jun. | 17 Jun. | 12 | 24 | 28 Nov. |
| 1825 | 12 Maii. | 22 Maii. | 2 Jun. | 13 | 26 | 27 Nov. |
| 1826 | 4 Maii. | 14 Maii. | 25 Maii. | 14 | 28 | 3 Dec. |
| 1827 | 24 Maii. | 3 Jun. | 14 Jun. | 15 | 25 | 2 Dec. |
| 1828 | 15 Maii. | 25 Maii. | 5 Jun. | 1 | 26 | 30 Nov. |
| 1829 | 28 Maii. | 7 Jun. | 18 Jun. | 2 | 24 | 29 Nov. |
| 1830 | 20 Maii. | 30 Maii. | 10 Jun. | 3 | 25 | 28 Nov. |
| 1831 | 12 Maii. | 22 Maii. | 2 Jun. | 4 | 26 | 27 Nov. |
| 1832 | 31 Maii. | 10 Jun. | 21 Jun. | 5 | 24 | 2 Dec. |
| 1833 | 16 Maii. | 26 Maii. | 6 Jun. | 6 | 26 | 1 Dec. |
| 1834 | 8 Maii. | 18 Maii. | 29 Maii. | 7 | 27 | 30 Nov. |
| 1835 | 28 Maii. | 7 Jun. | 18 Jun. | 8 | 24 | 29 Nov. |
| 1836 | 12 Maii. | 22 Maii. | 2 Jun. | 9 | 26 | 27 Nov. |
| 1837 | 4 Maii. | 14 Maii. | 25 Maii. | 10 | 28 | 3 Dec. |
| 1838 | 24 Maii. | 3 Jun. | 14 Jun. | 11 | 25 | 2 Dec. |
| 1839 | 9 Maii. | 19 Maii. | 30 Maii. | 12 | 27 | 1 Dec. |
| 1840 | 28 Maii. | 7 Jun. | 18 Jun. | 13 | 24 | 29 Nov. |
| 1841 | 20 Maii. | 30 Maii. | 10 Jun. | 14 | 25 | 28 Nov. |
| 1842 | 5 Maii. | 15 Maii. | 26 Maii. | 15 | 27 | 27 Nov. |
| 1843 | 25 Maii. | 4 Jun. | 15 Jun. | 1 | 25 | 3 Dec. |
| 1844 | 16 Maii. | 26 Maii. | 6 Jun. | 2 | 26 | 1 Dec. |
| 1845 | 1 Maii. | 11 Maii. | 22 Maii. | 3 | 28 | 30 Nov. |
| 1846 | 21 Maii. | 31 Maii. | 11 Jun. | 4 | 25 | 29 Nov. |
| 1847 | 13 Maii. | 23 Maii. | 3 Jun. | 5 | 26 | 28 Nov. |
| 1848 | 1 Jun. | 11 Jun. | 21 Jun. | 6 | 24 | 3 Dec. |
| 1849 | 17 Maii. | 27 Maii. | 7 Jun. | 7 | 26 | 2 Dec. |
| 1850 | 9 Maii. | 19 Maii. | 30 Maii. | 8 | 27 | 1 Dec. |
| 1851 | 29 Maii. | 8 Jun. | 13 Jun. | 9 | 24 | 30 Nov. |

JANUARIUS.

| CYCLUS EPACT. | L. D. | D. M. | D. |
|------------------|----------|----------|--|
| * | A | Kal. | 1 CIRCUMCISIO DOMINI, <i>duplex</i> . |
| xxix | b | iv | 2 Octava S. Stephani, <i>duplex</i> , cum commem. Octavarum S. Joannis Apostoli, et SS. Innocentium. |
| xxviii | c | iii | 3 Octava S. Joannis, <i>duplex</i> , cum commem. Octavæ SS. Innocentium. |
| xxvii | d | Prid | 4 Octava SS. Innocentium, <i>duplex</i> . |
| xxvi | e | Non. | 5 Vigilia Epiphaniæ, <i>semiduplex</i> , et commem. S. Telesphori Papæ et martyris. |
| 25. xxv | f | viii | 6 EPIPHANIA DOMINI, <i>duplex</i> . |
| xxiv | g | vii | 7 De Octava Epiphaniæ. |
| xxiii | A | vi | 8 De Octava. |
| xxii | b | v | 9 De Octava. |
| xxi | c | iv | 10 De Octava. |
| xx | d | iii | 11 De Octava, et commemor. S. Hygini Papæ et martyris. |
| xix | e | Prid | 12 De Octava. |
| xviii | f | Idib. | 13 Octava Epiphaniæ, <i>duplex</i> . Dominica secunda post Epiphaniam, festum SS. Nominis Jesu, <i>duplex</i> , cum commem. Dominicæ. |
| xvii | g | xix | 14 Hilarii, Episcopi et Confessoris, <i>semiduplex</i> , cum commem. S. Felicis Presbyteri et martyris. |
| xvi | A | xviii | 15 Pauli, primi Eremitæ, Confessoris, <i>duplex</i> , cum commem. S. Mauri, Abbatis. |
| xv | b | xvii | 16 Marcelli, Papæ et martyris, <i>semiduplex</i> . |
| xiv | c | xvi | 17 Antonii, Abbatis, <i>duplex</i> . |
| xiii | d | xv | 18 Cathedra S. Petri, Romæ, <i>duplex</i> , et com- memor. S. Priscæ virginis et martyris. |
| xii | e | xiv | 19 Canuti, martyris, <i>semiduplex</i> , ad libitum, cum commem. SS. martyrum Marii, Marthæ, Audifacis, et Abachum. |
| xi | f | xiii | 20 Fabiani, et Sebastiani, martyris, <i>duplex</i> . |
| x | g | xii | 21 Agnetis virginis et martyris, <i>duplex</i> . |
| ix | A | xi | 22 Vincentii et Anastasii martyris, <i>semiduplex</i> . |
| viii | b | x | 23 Raymundi de Pennafort, Confessoris, <i>semi- duplex</i> , cum commem. S. Emerentianæ, virginis et martyris. |
| vii | c | ix | 24 Timothei, Episcopi et martyris, <i>semiduplex</i> . |
| vi | d | viii | 25 Conversio S. Pauli, Apostoli, <i>duplex</i> . |
| v | e | vii | 26 Polycarpi, Episcopi et martyris, <i>semiduplex</i> . |
| iv | f | vi | 27 Joannis Chrysostomi, Episcopi et Confesso- ris, <i>duplex</i> . |
| iii | g | v | 28 Agnetis secundò. |
| ii | A | iv | 29 Francisci Salesii, Episcopi et Confessoris, <i>duplex</i> . |
| i | b | iii | 30 Martinæ, virginis et martyris, <i>semiduplex</i> . |
| * | c | Prid. | 31 Petri Nolasco, Confessoris, <i>duplex</i> . |

FEBRUARIUS.

| CYCLUS | L. | D. | D. |
|-----------|----|-------|--|
| EPACT. | D. | M. | |
| xxix | d | Kal. | 1 Ignatii, Episcopi et martyris, <i>semiduplex.</i> |
| xxviii | e | iv | 2 PURIFICATIO B. MARIE VIRGINIS, <i>dupl.</i> |
| xxvii | f | iii | 3 Blasii, Episcopi et martyris. |
| 25. xxvi | g | Prid. | 4 Andreae, Corsini Episcopi et Confessoris, <i>duplex.</i> |
| xxv. xxiv | A | Non. | 5 Agathae, virginis et martyris, <i>duplex.</i> |
| xxiii | b | viii | 6 Dorotheae, virginis et martyris. |
| xxii | c | vii | 7 Romualdi, Abbatis, <i>duplex.</i> |
| xxi | d | vi | 8 Joannis de Matha, Confessoris, <i>duplex.</i> |
| xx | e | v | 9 Apolloniae virginis et martyris. |
| xix | f | iv | 10 Scholasticae virginis et martyris, <i>duplex.</i> |
| xviii | g | iii | 11 |
| xvii | A | Prid. | 12 |
| xvi | b | Idib. | 13 |
| xv | c | xvi | 14 Valentini, Presbyteri et martyris. |
| xiv | d | xv | 15 Faustini et Jovite, martyrum. |
| xiii | e | xiv | 16 |
| xii | f | xiii | 17 |
| xi | g | xii | 18 Simeonis Episcopi et martyris. |
| x | A | xi | 19 |
| ix | b | x | 20 |
| viii | c | ix | 21 |
| vii | d | viii | 22 Cathedra S. Petri Antiochiæ, <i>duplex.</i> |
| vi | e | vii | 23 Vigilia. |
| v | f | vi | 24 Mathiæ, Apostoli, <i>duplex.</i> |
| iv | g | v | 25 |
| iii | A | iv | 26 |
| ii | b | iii | 27 |
| i | c | Prid. | 28 |

In Anno Bissextili Februarius est dierum 29, et Festum S. Mathiæ celebratur 25 Februarii, et bis dicitur sexto Kalendas, idest, die 24 et die 25, et littera Dominicalis, quæ assumpta fuit in mense Januario, mutatur in præcedentem: ut si in Januario, littera Dominicalis fuit A, mutatur in præcedentem, quæ est g, &c. et littera f bis servit 24 et 25.

MARTIUS.

| CYCLUS EPACT. | L. D. | D. M. | |
|------------------|----------|----------|---|
| * | d | Kal. | 1 |
| xxix | e | vi | 2 |
| xxviii | f | v | 3 |
| xxvii | g | iv | 4 |
| | | | Casimiri, Confessoris, <i>semiduplex</i> , et com- mem S. Lucii Papæ et martyris. |
| xxvi | A | iii | 5 |
| 25. xxv | b | Prid. | 6 |
| xxiv | c | Non. | 7 |
| | | | Thomæ de Aquino, Confessoris et Ecclesiæ Doctoris, <i>duplex</i> , et commemor. SS. Per- petuæ et Felicitatis martyris. |
| xxiii | d | viii | 8 |
| xxii | e | vii | 9 |
| xxi | f | vi | 10 |
| xx | g | v | 11 |
| xix | A | iv | 12 |
| | | | Gregorii, Papæ et Confessoris, et Ecclesiæ Doctoris, <i>duplex</i> . |
| xviii | b | iii | 13 |
| xvii | c | Prid. | 14 |
| xvi | d | Idib. | 15 |
| xv | e | xvii | 16 |
| xiv | f | xvi | 17 |
| xiii | g | xv | 18 |
| xii | A | xiv | 19 |
| | | | JOSEPH, Sponsi B. V. Mariæ, Confessoris, <i>duplex</i> . |
| xi | b | xiii | 20 |
| x | c | xii | 21 |
| ix | d | xi | 22 |
| viii | e | x | 23 |
| vii | f | ix | 24 |
| vi | g | viii | 25 |
| v | A | vii | 26 |
| iv | b | vi | 27 |
| iii | c | v | 28 |
| ii | d | iv | 29 |
| i | e | iii | 30 |
| * | f | Prid. | 31 |
| | | | ANNUNTIATIO B. V. MARIE, <i>duplex</i> . |

Missa de Septem Doloribus B. M. V. cujus Festum celebratur
Feria vi post Dominicam Passionis, sub ritu Duplici.

A P R I L I S.

| CYCLUS | L. | | D. | |
|-----------|----|-------|----|---|
| EPACT. | D. | | M. | |
| xxix | g | Kal. | 1 | |
| xxviii | A | iv | 2 | Francisci de Paula, Confessoris, <i>duplex.</i> |
| xxvii | b | iii | 3 | |
| 25. xxvi | c | Prid. | 4 | Isidori, Episcopi et Confessoris, <i>duplex.</i> |
| xxv. xxiv | d | Non. | 5 | Vincentii Ferrerii, Confessoris, <i>duplex.</i> |
| xxiii | e | viii | 6 | |
| xxii | f | vii | 7 | |
| xxi | g | vi | 8 | |
| xx | A | v | 9 | |
| xix | b | iv | 10 | |
| xviii | c | iii | 11 | Leonis, Papæ et Confessoris, <i>duplex.</i> |
| xvii | d | Prid. | 12 | |
| xvi | e | Idib. | 13 | Hermenegildi, Regis et martyr, <i>semidupl.</i> |
| xv | f | xviii | 14 | Tiburtii, Valeriani, et Maximi, martyrum. |
| xiv | g | xvii | 15 | |
| xiii | A | xvi | 16 | |
| xii | b | xv | 17 | Aniceti, Papæ et martyr. |
| xi | c | xiv | 18 | |
| x | d | xiii | 19 | |
| ix | e | xii | 20 | |
| viii | f | xi | 21 | Anselmi, Episcopi et Confessoris, <i>duplex.</i> |
| vii | g | x | 22 | Soteris et Caii, Pontificum et martyrum, <i>semiduplex.</i> |
| vi | A | ix | 23 | Georgii, martyr, <i>semiduplex.</i> |
| v | b | viii | 24 | Fidelis a Sigmaringa, martyr, <i>duplex.</i> |
| iv | c | vii | 25 | Marci, Evangelistæ, <i>duplex.</i> |
| iii | d | vi | 26 | Cleti et Marcellini, Pontificum et martyr, <i>semiduplex.</i> |
| ii | e | v | 27 | |
| i | f | iv | 28 | Vitalis, martyr. |
| * | g | iii | 29 | Petri, martyr, <i>duplex.</i> |
| xxix | A | Prid. | 30 | Catharinæ, Senensis, virginis, <i>duplex.</i> |

M A I U S.

| CYCLUS L. | EPACT. | D. | D. | M. | |
|-----------|--------|-------|----|----|--|
| xxviii | b | Kal. | 1 | | PHILIPPI et JACOBI, Apostolorum, <i>duplex</i> . |
| xxvii | c | vi | 2 | | Athanasii, Episcopi et Confessoris, <i>duplex</i> . |
| xxvi | d | v | 3 | | INVENTIO S. CRUCIS, <i>duplex</i> , et commem. SS. Alexandri, Eventii, et Theoduli mar- tyrum ac Juvenalis Episcopi, et Confesso- ris, in Missis privatis tantum. |
| 25. xxv | e | iv | 4 | | Monicæ, viduæ, <i>duplex</i> . |
| xxiv | f | iii | 5 | | Pii, V. Papæ et Confessoris, <i>duplex</i> . |
| xxiii | g | Prid. | 9 | | Joannis ante portam Latinam, <i>duplex</i> . |
| xxii | A | Non. | 7 | | Stanislai, Episc. et martyr, <i>duplex</i> . |
| xxi | b | viii | 8 | | Apparitio S. Michaelis, Archangeli, <i>duplex</i> . |
| xx | c | vii | 9 | | Gregorii Nazianzeni, Episcopi et Confesso- ris, <i>duplex</i> . |
| xix | d | vi | 10 | | Antonini, Episcopi et Confessoris, <i>semidu- plex</i> , cum commemor. SS. Gordiani, et Epimachi, martyrum. |
| xviii | e | v | 11 | | |
| xvii | f | iv | 12 | | Nerei, Achillei, et Domitillæ, virginis at- que Pancratii, martyrum, <i>semiduplex</i> . |
| xvi | g | iii | 13 | | |
| xv | A | Prid. | 14 | | Bonifacii, martyr. |
| xiv | b | Idib. | 15 | | |
| xiii | c | xvii | 16 | | Joannis Nepomuceni, martyr, <i>duplex</i> . |
| xii | d | xvi | 17 | | Paschalis Baylon, Confessoris, <i>duplex</i> . |
| xi | e | xv | 18 | | Venantii, martyr, <i>semiduplex</i> . |
| x | f | xiv | 19 | | Petri Cœlestini, Papæ et Confessoris, <i>duple</i> . cum commemor. S. Pudencianæ, virginis. |
| ix | g | xiii | 20 | | Bernardini Senensis, Confessoris, <i>semidupl.</i> |
| viii | A | xii | 21 | | Ubaldi, Episcopi et Confessoris, <i>semidupl.</i> |
| vii | b | xi | 22 | | |
| vi | c | x | 23 | | |
| v | d | ix | 24 | | |
| iv | e | viii | 25 | | Gregorii VII, Papæ et Confessoris, <i>duplex</i> , cum commemor. S. Urbani, Papæ et mart. |
| iii | f | vii | 26 | | Philippi Nerii, Confessoris, <i>duplex</i> , cum commem. S. Eleutherii, Papæ et martyr. |
| ii | g | vi | 27 | | Mariæ Magdalenæ de Pazzis, virginis, <i>semi- duplex</i> , cum commemor. S. Joannis, Papæ et martyr. |
| i | A | v | 28 | | |
| * | b | iv | 29 | | |
| xxix | c | iii | 30 | | Felicis, Papæ et martyr. |
| xxviii | d | Prid. | 31 | | Petronillæ, virginis. |

JUNIUS.

| CYCLUS L. | EPACT. D. | Kal. | D. | M. | |
|-----------|-----------|-------|----|----|--|
| xxvii | e | Kal. | 1 | | |
| 25. xxvi | f | iv | 2 | | Marcellini, Petri, atque Erasmi, martyrum. |
| xxv. xxiv | g | iii | 3 | | |
| xxiii | A | Prid. | 4 | | Francisci Caracciolo, Confessor, <i>duplex</i> . |
| xxii | b | Non. | 5 | | |
| xxi | c | viii | 6 | | Norberti, Episcopi et Confessoris, <i>duplex</i> . |
| xx | d | vii | 7 | | |
| xix | e | vi | 8 | | |
| xviii | f | v | 9 | | Primi et Feliciani, martyrum. |
| xvii | g | iv | 10 | | Margaritæ, Scotorum Reginae, <i>semiduplex</i> . |
| xvi | A | iii | 11 | | Barnabæ, Apostoli, <i>duplex</i> . |
| xv | b | Prid. | 12 | | Joannis à S. Facundo, Confess. <i>duplex</i> , cum commem. SS. Basilidis, Cyrini, Naboris, et Nazarii, martyrum. |
| viv | c | Idib. | 13 | | Antonii de Padua, Confess. <i>duplex</i> . |
| xiii | d | xviii | 14 | | Basilii Magni, Episc. et Conf. <i>duplex</i> . |
| xii | e | xvii | 15 | | Viti, Modesti, atque Crescentiæ, mart. |
| xi | f | xvi | 16 | | |
| x | g | xv | 17 | | |
| ix | A | xiv | 18 | | Marci et Marcelliani, martyrum. |
| viii | b | xiii | 19 | | Julianæ de Falconeriis, virginis, <i>semiduplex</i> , cum commemor. SS. Gervasii et Protasii, martyrum. |
| vii | c | xii | 20 | | Silverii, Papæ et martyris. |
| vi | d | xi | 21 | | |
| v | e | x | 22 | | Paulini, Episcopi et Confessoris. |
| iv | f | ix | 23 | | Vigilia. |
| iii | g | viii | 24 | | NATIVITAS S. JOANNIS BAPTISTÆ, <i>duple</i> . |
| ii | A | vii | 25 | | Gulielmi, Abbatis, <i>duplex</i> , cum commemor. Octavæ Nativitatis S. Joannis. |
| i | b | vi | 26 | | Joannis et Pauli, martyrum, <i>duplex</i> , cum commem. Octavæ. |
| * | c | v | 27 | | De Octava Nativitatis S. Joannis. |
| xxix | d | iv | 28 | | Leonis, Papæ et Confessoris, <i>semiduplex</i> , cum commemor. Octavæ, et Vigiliæ. |
| xxviii | e | iii | 29 | | PETRI et PAULI, Apostolorum, <i>duplex</i> . |
| xxvii | f | Prid. | 30 | | Commemoratione S. Pauli, Apostoli, <i>duplex</i> , cum commemor. Octavæ Nativit. S. Joannis. |

JULIUS.

| CYCLUS L. | EPACT. D. | | Kal. | D. M. | |
|-----------|-----------|-------|------|-------|---|
| xxvi | g | | | 1 | Octava S. Joannis Baptistæ, <i>duplex</i> , cum commem. Octavæ Apostolorum. |
| 25 xxv. | A | | vi | 2 | Visitatio B. Mariæ Virg. <i>duplex</i> , cum commemor. Octavæ Apostolorum ac SS. Processi, et Martiniani, martyrum. |
| xxiv | b | v | | 3 | De Octava Apostolorum, <i>semiduplex</i> . |
| xxiii | c | iv | | 4 | De Octava. |
| xxii | d | iii | | 5 | De Octava. |
| xxi | e | Prid. | | 6 | Octava Apostolorum Petri et Pauli, <i>duplex</i> . |
| xx | f | Non. | | 7 | |
| xix | g | viii | | 8 | Elisabeth, Regina Portugalliæ, viduæ, <i>semiduplex</i> . |
| xviii | A | vii | | 9 | Beatorum Martyrum Gorcomiensium, Ord. Minor. <i>duplex</i> . |
| xvii | b | vi | | 10 | Septem fratrum martyrum, et SS. Rufinæ ac Secundæ martyrum, <i>semiduplex</i> . |
| xvi | c | v | | 11 | Pii, Papæ et martyris. |
| xv | d | iv | | 12 | Joannis Gualberti, Abbatis, <i>duplex</i> , cum commemor. SS. Naboris et Felicis, mart. |
| xiv | e | iii | | 13 | Anacleti, Papæ et martyris, <i>semiduplex</i> . |
| xiii | f | Prid. | | 14 | Bonaventuræ, Episcopi et Confessoris, et Ecclesiæ Doctoris, <i>duplex</i> . |
| xii | g | Idib. | | 15 | Henrici, Confessoris, <i>semiduplex</i> . |
| xi | A | xvii | | 16 | Commemoratio B. M. V. de Monte Carmelo, <i>duplex</i> . |
| x | b | xvi | | 17 | Alexii, Confessoris, <i>semiduplex</i> . |
| ix | c | xv | | 18 | Camilli de Lellis, Confessoris, <i>duplex</i> , cum commem. S. Symphorosa cum Septem Filiis, martyribus. |
| viii | d | xiv | | 19 | Vincentii à Paulo, Confessoris, <i>duplex</i> . |
| vii | e | xiii | | 20 | Hieronymi Æmiliani, Confessoris, <i>duplex</i> , cum commem. S. Margaritæ, Virg. et mart. |
| vi | f | xii | | 21 | Prædis, virginis. |
| v | g | xi | | 22 | Mariæ Magdalena, <i>duplex</i> . |
| iv | A | x | | 23 | Apollinaris, Episcopi et martyris, <i>duplex</i> , cum commem. S. Liberii Episc. et Conf. |
| iii | b | ix | | 24 | Vigilia, et commem. S. Christina, virg. et mart. |
| ii | c | viii | | 25 | JACOBI, Apostoli, <i>duplex</i> , et commem. S. Christophori martyris in Missis privatis. |
| i | d | vii | | 26 | ANNÆ, matris B. Mariæ virginis, <i>duplex</i> . |
| * | e | vi | | 27 | Pantaleonis, martyris. |
| xxix | f | v | | 28 | Nazarii, Celsi, et Victoris Papæ et martyrum, ac Innocentii Papæ et Confess. <i>semidupl.</i> |
| xxviii | g | iv | | 29 | Marthæ, virginis, <i>semidupl.</i> et commem. SS. Felicis, Simplicii, Faustini, et Beatricis, martyrum. |
| xxvii | A | iii | | 30 | Abdon, et Sennen, martyrum. |
| 25. xxvi | b | Prid. | | 31 | Ignatii, Confessoris, <i>duplex</i> . |

AUGUSTUS.

| CYCLUS L. EPACT. D. | | | D. M. | |
|------------------------|---|-------|----------|--|
| 25. xxiv | c | Kal. | 1 | Petri ad Vincula, <i>duplex</i> , et commem. SS. Machabæorum, martyrum. |
| xxiii | d | iv | 2 | Stephani, Papæ et martyris. |
| xxii | e | iii | 3 | Inventio S. Stephani, Protomart. <i>semidupl.</i> |
| xxi | f | Prid. | 4 | Dominici, Confessoris, <i>duplex</i> . |
| xx | g | Non. | 5 | Dedicatio S. Mariæ ad Nives, <i>duplex</i> . |
| xix | A | viii | 6 | Transfiguratio Domini, <i>dupl.</i> et commem. SS. Xysti, Papæ, Felicissimi, et Agapiti, mart. |
| xviii | b | vii | 7 | Cajetani, Confessoris, <i>dupl.</i> cum commem. S. Donati, Episcopi et martyris. |
| xvii | c | vi | 8 | Cyriaci, Largi, et Smaragdi, mart. <i>semidupl.</i> |
| xvi | d | v | 9 | Vigilia, et commem. S. Romani, martyris. |
| xv | e | iiii | 10 | LAURENTII, martyris, <i>duplex</i> . |
| xiv | f | iii | 11 | De Octava S. Laurentii, <i>semidupl.</i> cum commem. SS. Tiburtii et Susannæ, martyrum. |
| xiii | g | Prid. | 12 | Clarae, virginis, <i>dupl.</i> cum commem. Octavæ. |
| xii | A | Idib. | 13 | De Octava, et commem. SS. Hippolyti et Cassiani, martyrum. |
| xi | b | xix | 14 | Vigilia, cum commem. Octavæ, et S. Eusebii, Confessoris. |
| x | c | xviii | 15 | ASSUMPTIO B. MARIE VIRGINIS, <i>duplex</i> . Dominica infra Octavam Assumptionis, festum S. Joachim, Confess. Patris B. V. Mariæ, <i>dupl.</i> cum commem. Dominicæ, et Oct. |
| ix | d | xvii | 16 | Hyacinthi, Confess. <i>dupl.</i> cum commem. Oct. Assumptionis et S. Laurentii. |
| viii | e | xvi | 17 | Octava S. Laurentii, <i>duplex</i> , et commem. Octavæ Assumptionis. |
| vii | f | xv | 18 | De Octava, et commem. S. Agapiti, martyr. |
| vi | g | xiv | 19 | De Octava. |
| v | A | xiii | 20 | Bernardi, Abbatis, <i>duplex</i> , cum commem. Octavæ Assumptionis. |
| iv | b | xii | 21 | Joannæ Franciscæ Fremiotà Chantal, Viduæ, <i>duplex</i> , cum commem. Oct. Assumptionis. |
| iii | c | xi | 22 | Octava Assumpt. B. M. V. <i>duplex</i> , cum commem. SS. Timothei, Hippolyti, et Symphoriani, martyrum. |
| ii | d | x | 23 | Philippi Benitii, Confessoris, <i>duplex</i> , cum commemor. Vigiliæ. |
| i | e | ix | 24 | BARTHOLOMÆI, Apostoli, <i>duplex</i> , Romæ celebratur die 25. |
| * | f | viii | 25 | Ludovici, Regis Franciæ, Confessoris, <i>semi-duplex</i> , Romæ 26. |
| xxix | g | vii | 26 | Zephyrini, Papæ et martyris. |
| xxviii | A | vi | 27 | Josephii Calasanti, Confessoris, <i>duplex</i> . |
| xxvii | b | v | 28 | Augustini, Episcopi, Confess. et Ecclesiæ Doct. <i>dupl.</i> et commem. S. Hermetis, mart. |
| xxvi | c | iv | 29 | Decollatio S. Joannis Baptistæ, <i>duplex</i> , et commem. S. Sabinæ, martyris. |
| 25. xxv | d | iii | 30 | Rosæ Limanæ, Virg. <i>duplex</i> , cum commem. SS. Felicis et Adacti martyrum. |
| xxiv | e | Prid. | 31 | Raymundi Nonnati, Confessoris, <i>duplex</i> . |

S E P T E M B E R .

| CYCLUS EPACT. | L. D. | D. M. | |
|------------------|----------|----------|--|
| xxiii | f | Kal. | 1 Ægidii, Abbatis, et commem. SS. duodecim Fratrum, martyrum. |
| xxii | g | iv | 2 Stephani, Regis Hungariæ, Conf. <i>semidupl.</i> |
| xxi | A | iii | 3 |
| xx | b | Prid. | 4 |
| xix | c | Non. | 5 Laurentii Justiniani, Episc. et Confessoris, <i>semiduplex.</i> |
| xviii | d | viii | 6 |
| xvii | e | vii | 7 |
| xvi | f | vi | 8 NATIVITAS B. MARIE VIRGINIS, <i>duplex</i> , et commemor. S. Adriani, mart. in Missis privatis. Dominica infra Octav. Nativit. B. Mariæ Virginis, celebratur Festum SS. Nominis B. Mariæ virginis, <i>duplex.</i> |
| xv | g | v | 9 De Octav. Nativit. B. Mariæ, <i>semiduplex</i> , et commemor. S. Gorgonii, martyris. |
| xiv | A | iv | 10 Nicolai de Tolentino, Confess. <i>duplex</i> , cum commemor. Oct. Nativitatis B. Mariæ. |
| xiii | b | iii | 11 De Octava Nativitatis B. Mariæ, et commemor. SS. Proti, et Hyacinthi, martyr. |
| xii | c | Prid. | 12 De Octava. |
| xi | d | Idib. | 13 De Octava. |
| x | e | xviii | 14 Exaltatio S. Crucis, <i>dupl.</i> cum commemor. Oct. Nativitatis B. Mariæ. |
| ix | f | xvii | 15 Octava Nativit. B. Mariæ, <i>duplex</i> , et commemor. S. Nicomedis martyris. |
| viii | g | xvi | 16 Cornelii et Cypriani, Pontif. et martyr. <i>semiduplex</i> , cum commemor. SS. Euphemie, Lucie, et Geminiani, martyrum. |
| vii | A | xv | 17 Sacrorum Stigmatum S. Francisci, <i>duplex.</i> |
| vi | b | xiv | 18 Josephi a Cupertino, Confessoris, <i>duplex.</i> |
| v | c | xiii | 19 Januarii, Episcopi, et sociorum, martyr. <i>dupl.</i> |
| iv | d | xii | 20 Eustachii, et sociorum, martyrum, <i>duplex</i> , cum commemor. Vigilie. |
| iii | e | xi | 21 MATTHÆI, Apostoli et Evang. <i>duplex</i> , |
| ii | f | x | 22 Thomæ a Villanova, Ep. et Conf. <i>dupl.</i> cum commemor. SS. Mauritii et sociorum, mart. |
| | g | ix | 23 Lini, Papæ et martyr. <i>semiduplex</i> , cum commemor. S. Theclæ, virg. et martyris. |
| * | A | viii | 24 Beatæ Mariæ virginis de Mercede, <i>duplex.</i> |
| xxix | b | vii | 25 |
| xxviii | c | vi | 26 Cypriani, et Justinæ, martyrum. |
| xxvii | d | v | 27 Cosmæ et Damiani, martyrum, <i>semiduplex.</i> |
| 25. xxvi | e | iv | 28 Wenceslai martyris, <i>semiduplex.</i> |
| 25. xxiv | f | iii | 29 DEDICATIO S. MICHAELIS ARCHANGELI, <i>duplex.</i> |
| xxiii | g | Prid. | 30 Hieronymi, Presb. Confessoris, et Ecclesiæ Doctoris, <i>duplex.</i> |

OCTOBER.

| CYCLUS EPACT. | L. D. | D. M. | |
|------------------|----------|----------|--|
| | | | Dominica, quæ vel occurrit in Kalendis, vel prima est post Kalendas Octobris, Solemnitas Ss. Rosarii B. Mariæ virginis, <i>dupl.</i> |
| xxii | A | Kal. | 1 Remigii, Episcopis et confessoris, <i>simplex de præcepto, vel semidupl. ad libitum.</i> |
| xxi | b | vi | 2 Angelorum Custodum, <i>duplex.</i> |
| xx | c | v | 3 |
| xix | d | iv | 4 Francisci, Confessoris, <i>duplex.</i> |
| xviii | e | iii | 5 Placidi et sociorum, martyrum. |
| xvii | f | Prid. | 6 Brunonis, Confessoris, <i>duplex.</i> |
| xvi | g | Non. | 7 Marci, Papæ et Confessoris, cum commem. SS. Sergii, Bacchi, Marcelli, et Apulei, martyrum. |
| xv | A | viii | 8 Birgittæ, Viduæ, <i>duplex.</i> |
| xiv | b | vii | 9 Dionysii, Rustici, et Eleutherii, martyrum, <i>semiduplex.</i> |
| xiii | c | vi | 10 Francisci Borgia, Confessoris, <i>semiduplex.</i> |
| xii | d | v | 11 |
| xi | e | iv | 12 |
| x | f | iii | 13 Eduardi, Confessoris, <i>semiduplex.</i> |
| ix | g | Prid. | 14 Callisti, Papæ, et martyris, <i>semiduplex.</i> |
| viii | A | Idib. | 15 Teresiæ, virginis, <i>duplex.</i> |
| vii | b | xvii | 16 |
| vi | c | xvi | 17 Hedvigris, Viduæ, <i>semiduplex.</i> |
| v | d | xv | 18 LUCÆ, Evangelistæ, <i>duplex.</i> |
| iv | e | xiv | 19 Petri de Alcantara, Confessoris, <i>duplex.</i> |
| iii | f | xiii | 20 Joannis Cantii, Confessoris, <i>semiduplex.</i> |
| ii | g | xii | 21 Hilarionis, Abbatis, et commem. SS. Ursulæ, et sociarum, virginum et martyrum. |
| i | A | xi | 22 |
| * | b | x | 23 |
| xxix | c | ix | 24 |
| xxviii | d | viii | 25 Chrysanthi, et Dariæ, martyrum. |
| xxvii | e | vii | 26 Evaristi, Papæ, et martyris. |
| 25. xxvi | f | vi | 27 Vigilia. |
| xxv | g | v | 28 SIMONIS et JUDÆ, Apostolorum, <i>duplex.</i> |
| xxiv | A | iv | 29 |
| xxiii | b | iii | 30 |
| xxii | c | Prid. | 31 Vigilia. |

NOVEMBER.

| CYCLUS EPACT. | L. D. | D. M. | |
|------------------|----------|----------|--|
| xxi | d | Kal. | 1 FESTUM OMNIUM SANCTORUM, <i>duplex</i> . |
| xx | e | iv | 2 Commem. Omnium Fidelium Defunctorum, <i>duplex</i> , et de Octava Omnium Sanctorum. |
| xix | f | iii | 3 De Octava. |
| xviii | g | Prid. | 4 Caroli, Episc. et Confess. <i>dupl.</i> cum com- mem. Oct. et SS. Vitalis et Agricolæ, mart. |
| xvii | A | Non. | 5 De Octava. |
| xvi | b | viii | 6 De Octava. |
| xv | c | vii | 7 De Octava. |
| xiv | d | vi | 8 Octava Omnium SS. <i>duplex</i> , et commem. SS. Quatuor Coronatorum, martyrum. |
| xiii | e | v | 9 Dedicatio Basilicæ Salvatoris, <i>duplex</i> , et commem. S. Theodori, martyris. |
| xii | f | iv | 10 Andreæ Avellini, Confessoris, <i>semiduplex</i> , cum commem. SS. Tryphonis, Respicii, et Nymphæ, martyrum. |
| xi | g | iii | 11 Martini, Episcopi et Confessoris, <i>duplex</i> , et commem. Mennæ, martyris. |
| x | A | Prid. | 12 Martini, Papæ et martyris, <i>semiduplex</i> . |
| ix | b | Idib. | 13 Didaci, Confessoris, <i>semiduplex</i> . |
| viii | c | xviii | 14 |
| vii | d | xvii | 15 Gertrudis, virginis, <i>duplex</i> . |
| vi | e | xvi | 16 |
| v | f | xv | 17 Gregorii Thaumaturgi, Episcopi et Confes- soris, <i>semiduplex</i> . |
| iv | g | xiv | 18 Dedicatio Basilicarum Petri et Pauli, <i>dupl.</i> |
| iii | A | xiii | 19 Elisabeth, Viduæ, <i>duplex</i> , cum commem. S. Pontiani, Papæ et martyris. |
| ii | b | xii | 20 Felicis de Valois, Confessoris, <i>duplex</i> . |
| i | c | xi | 21 Præsentatio B. Mariæ virginis, <i>duplex</i> . |
| * | d | x | 22 Cæciliæ, virginis et martyris, <i>duplex</i> . |
| xxix | e | ix | 23 Clementis, Papæ et martyris, <i>duplex</i> , cum commem. S. Felicitatis, martyris. |
| xxviii | f | viii | 24 Joannis à Cruce, Confessoris, <i>duplex</i> . cum commem. S. Chrysogoni, martyris. |
| xxvii | g | vii | 25 Catharinæ, virginis, et martyris, <i>duplex</i> . |
| 25. xxvi | A | vi | 26 Petri Alexandrini, Episcopi et martyris. |
| 25. xxiv | b | v | 27 |
| xxiii | c | iv | 28 |
| xxii | d | iii | 29 Vigilia, et commem. S. Saturnini, martyris. |
| xxi | e | Prid. | 30 ANDREÆ, Apostoli, <i>duplex</i> . |

DECEMBER.

| CYCLUS | L. | D. | D. | |
|---------|----|--------|----|---|
| EPACT. | D. | M. | M. | |
| xx | f | Kal. | 1 | |
| xix | g | iv | 2 | Bibianæ, virginis et martyris, <i>semiduplex</i> . |
| xviii | A | iii | 3 | Francisci Xaverii, Confessoris, <i>duplex</i> . |
| xvii | b | Prid. | 4 | Petri Chrysologi, Episc. et Confess. <i>dupl.</i> cum commem. S. Barbaræ, virg. et mart. |
| xvi | c | Non. | 5 | Sabbæ, Abbatis, commemoratio. |
| xv | d | viii | 6 | Nicolai, Episcopis, et Confessoris, <i>duplex</i> . |
| xiv | e | vii | 7 | Ambrosii, Episcopi, et Confess. et Ecclesie Doctoris, <i>duplex</i> . |
| xiii | f | vi | 8 | CONCEPTIO B. MARIE VIRGINIS, <i>duplex</i> . |
| xii | g | v | 9 | De Octava. |
| xi | A | iv | 10 | De Octava, cum commem. S. Melchiadis, Papæ et martyris. |
| x | b | iii | 11 | Damasi, Papæ et Confessoris, <i>semiduplex</i> , cum commem. Octavæ. |
| ix | c | Prid. | 12 | De Octava. |
| viii | d | Idib. | 13 | Luciæ, virginis, et martyris, <i>duplex</i> , cum commemor. Octavæ. |
| vii | e | xix | 14 | De Octava. |
| vi | f | xxviii | 15 | Octava Conceptionis, <i>duplex</i> . |
| v | g | xvii | 16 | Eusebii Vercellensis, Episcopis, et martyris, <i>semiduplex</i> . |
| iv | A | xvi | 17 | |
| iii | b | xv | 18 | |
| ii | c | xiv | 19 | |
| i | d | xiii | 20 | Vigilia. |
| * | e | xii | 21 | THOMÆ, Apostoli, <i>duplex</i> . |
| xxix | f | xi | 22 | |
| xxviii | g | x | 23 | |
| xxvii | A | ix | 24 | Vigilia. |
| xxvi | b | viii | 25 | NATIVITAS DOMINI NOSTRI JESU CHRIS- TI, <i>dupl.</i> et commemor. S. Anastasiæ, martyris, in secunda Missa. |
| 25. xxv | c | vii | 26 | STEPHANI, Protomartyris, <i>duplex</i> , cum commemor. Oct. Nativitatis. |
| xxiv | d | vi | 27 | JOANNIS, Apostoli, et Evangelistæ, <i>duplex</i> , cum commem. Octavarum. |
| xxiii | e | v | 28 | SS. INNOCENTIUM, martyrum, <i>duplex</i> , cum mem. Octavarum. |
| xxii | f | iv | 29 | Thomæ Cantuariensis, Episcopi et martyr. <i>semiduplex</i> , cum commem. Octavarum. |
| xxi | g | iii | 30 | De Dominica infra Octavam Nativitatis, vel de Octava Nativitatis, cum commemor. aliarum Octavarum. |
| xx | A | Prid. | 31 | SILVESTRI, Papæ et Confessoris, <i>duplex</i> , cum commemoratione Octavarum. |

RUBRICÆ GENERALES

MISSALIS.

MISSA quotidie dicitur secundum ordinem Officii: de festo Duplici, vel Semiduplici, vel Simplici: de Dominica, vel Feria, vel Vigilia, vel Octava: et extra ordinem Officii, Votiva, vel pro Defunctis.

De Duplici. I.

MISSA dicitur de Duplici illis diebus, quibus in Calendario ponitur hæc nota *Duplex*, et in Festis mobilibus, quandoque Officium est Duplex. In duplicibus dicitur una tantum Oratio, nisi aliqua commemor. fieri debeat. Alia omnia dicuntur, ut in propriis Missis assignatum est. Quando dici debeat *Gloria in excelsis*, et *Credo*, inferius ponitur in propriis Rubricis.

De Semiduplici, et Simplici. II.

MISSA de Semiduplici dicitur, quando in Calendario ponitur hæc vox *Semiduplex*. Præterea in Dominicis, et diebus infra Octavas. In Semid. tam festis, quam Dominicis, et infra Octavas dicuntur plures Orat. ut infra dicitur in Rubr. de Orationibus. Infra Oct. dicitur Missa, sicut in die Festi, nisi propriam Missam habuerit. In Dominicis verò, sicut in propriis locis assignatur. De Simplici dicitur Missa sicut de Semiduplici, ut suis locis ponitur.

De Feria, et Vigilia. III.

MISSA de Feria dicitur, quando non occurrit Festum, vel Octava, vel sabbatum, in quo fiat Officium B. M. In Feriis tamen Quadr. Quat. Temp. Rogat. et Vigiliarum, etiam si duplex vel semidupl. festum, vel Oct. occurrat, in Ecclesiis Cathedralibus, et Collegiatis cantantur duæ Missæ, una de Festo post Tertiam, alia de Feria post Nonam.

2. In Vigiliis autem, et Feriis Quatuor Temp. vel Feria ii Rogat. quæ veniunt infra Octavam Missa dicitur de Vigilia, vel Feriis supradictis cum commem. Oct. præterquam infra Octav. Corporis Christi, in

qua in Ecclesiis Cathedralibus, et Collegiatis cantantur duæ Missæ, una de Oct. post Tertiam, alia de Vigilia post Nonam. In Missis autem privatis dicitur Missa de Octava, cum commem. Vigiliæ. Si autem in die Vigiliæ, vel prædictis Feriis fiat Officium de aliquo Festo, tunc dicitur Missa de festo, cum commem. Oct. et Vigiliæ, vel Feriarum prædictarum. Quod si Vigilia occurrat in die alicujus Festi ex majoribus primæ Classis, in Missa non fit commem. de ea, sicut nec in Officio.

5. Si festum, habens Vigiliam, celebretur Feria secunda, Missa Vigiliæ dicitur in Sabbato, sicut etiam de ea fit Officium; excepta Vigilia Nativitatis Domini, et Epiphaniæ.

4. Missa Vigiliæ in Adventu occurrentis dicitur cum commem. Feriæ Advelicet de ea non sit factum Officium, Vigilia Nativitatis excepta.

5. Si in Quadr. et Quatuor Temporibus occurrat Vig. dicitur Missa de Feria cum commem. Vigiliæ.

6. Tempore Paschali non dicitur Missa de Vigilia: nisi in Vigilia Ascensionis, quæ tamen non jejunatur, sicut nec Vigilia Epiphaniæ.

De Missis Votivis S. Mariæ, et aliis. IV.

IN Sabbatis non impeditis Festo duplici vel semiduplici. Octava, Vigilia, Feriis Quadrages. vel Quatuor Temp. vel Offic. alicujus Dominicæ, quæ supersit, in præcedens Sabbatum translato, dicitur Missa de Sancta Maria secundum varietatem temporum, ut in fine Missalis ponitur.

2. In Adventu autem, licet Offic. non fiat de S. Maria in Sabbato, dicitur tamen Missa principalis de ea cum commem. de Adventu, nisi fuerint Quatuor tempora, vel Vigilia, ut supra.

5. Aliis diebus infra Hebdomadam quando Offic. fit de Feria, et non est resumenda Missa Dominicæ præcedentis, quæ fuerit impedita (exceptis Feriis Adv. Quadrages. Quatuor Temporum, Rogationum, et Vigiliarum) dici potest aliqua ex Missis votivis etiam in principali Missa, quæ vo-

catur Conventualis, secundum ordinem dierum, in fine Missalis assignatum, cum commem. Feriæ, de qua factum est Offic. Quæ tamen Missæ, et omnes aliæ votivæ, in Missis privatis dici possunt pro arbitrio Sacerdotum, quocumque die Offic. non est duplex, aut Dominica, cum commem. ejus, de quo factum est Officium, et commem. item festi simplicis, si de aliquo occurrat eo die fieri commemorationem in Officio. Id verò passim non fiat, nisi rationabili de causa. Et quoad fieri potest, Missa cum Officio conveniat.

De Missis Defunctorum. V.

PRIMA die cujusque mensis (extra Adventum Quadragesimam et tempus Paschale) non impedita Officio duplici, vel Semidupl. dicitur Missa principalis generaliter pro Defunctis sacerdotibus, benefactoribus, et aliis. Si verò in ea fuerit festum Simplex, vel Feria, quæ propriam habeat Missam, aut resumenda sit Missa Dominicæ præcedentis, quæ fuit impedita; et infra Hebdom. non occurrat alius dies in quo resumi possit; in Ecclesiis Cathedralibus, et Collegiatis dicantur duæ Missæ, una pro Defunctis, alia de Festo Simplicis, vel Feria prædicta. Sed in Ecclesiis non Cathedralibus, nec Collegiatis dicitur Missa de die cum commemor. generaliter pro Defunctis.

2. Præterea Feria ii cujusque hebdomadæ, in qua Officium fit de Feria, Missa principalis dici potest pro Defunctis. Si autem fuerit propria Missa de Feria, vel de Festo Simplicis, vel resumenda sit Missa Dominicæ præcedentis, ut supra, in Missa de die fiat commemor. (ut dictum est) pro Defunctis. Excipitur tamen Quadrages. et totum tempus Paschale, et quando per annum Offic. est Duplex, vel Semidupl. quibus temporibus non dicitur Missa Conventualis pro defunctis, (nisi in die depositionis defuncti, et in Anniversario pro Defunctis) neque pro eis fit commemoratio. Missæ autem privatæ pro defunctis quocumque die dici possunt, præterquam in festis duplicibus, et Dominicis diebus.

3. In die commem. Omnium Defunct. et in die depositionis, et in Annivers. defuncti dicitur una tantum Oratio: et similiter in die Tertia, Septima, Trigesima, et quandocumque pro Defunctis solemniter celebratur; in aliis Missis plures, ut de Feriis, et Simplicibus dicitur infra in Rubrica, de Orationibus.

4. Sequentia pro Defunctis dicitur in die Commemorationis Omnium Fidelium Defunct. et Depositionis defuncti, et quandocumque in Missa dicitur una tantum

Oratio: in aliis autem Missis pro Defunctis, dicatur ad arbitrium Sacerdotis.

De Translatione Festorum. VI.

IN dicendis Missis servetur Ordo Breviarii de Translatione festorum duplicium, et semid. quando majori aliquo Festo, seu Dominica impediuntur. In Ecclesiis autem ubi titulus est Ecclesiæ vel concursus populi ad celebrandum festum quod transferri debet, possunt cantari duæ Missæ, una de die, alia de Festo, excepta Dominica prima Adventus, Feria iv Cinerum, Dominica i. Quadragesimæ, Dominica Palmarum cum tota Hebdomada majori, Dominica Resurrectionis, et Dominica Pentecostes, cum duobus diebus sequentibus, die Nativitatis Domini, Epiphaniæ, Ascensionis et festo Corporis Christi.

De Commemorationibus. VII.

COMMEMORATIONES in Missis fiunt sicut in Officio. De festo simplici fit commemor. in Missa, quando de eo in Officio facta est commemor. in i Vesperis. Quando autem de eo fit commemor. tantum ad Laudes, in Missa solemniter non fit commemor. de eo; sed in Missis tantum privatis. Excipitur Dominica Palmarum, et in Vigilia Pentec. in quibus nulla fit commemor. etiam in Missis privatis, de Festo simplici occurrente, licet facta sit in Officio. De Dominica fit commemor. quando in ea agitur de festo duplici. De Oct. fit com. quando infra Oct. celebratur aliquod Festum, nisi illud Festum fuerit de exceptuatis in Rubrica Breviarii de commem. item quando infra Oct. fit de Dominica.

2. De Feria fit commemor. in Adventu, Quadr. Quat. Temp. Rogationibus, et Vigiliis, quando Missa dicenda est de festo illis temporibus occurrente. Sed in Ecclesiis Cathedralibus, et Collegiatis, ubi plures Sacerdotes quotidie celebrant, in Feriis, Rogationibus, et Vigiliis prædictis, quæ habent Missas proprias, dicuntur duæ Missæ, una de festo, alia de feris, Rogationibus, et Vigiliis, absque ulla utrorumque commemoratio in festis tamen majoribus i classis nihil fit de Vigilia occurrente, ut dictum est supra.

3. Quando infra Hebd. dicuntur Missæ votivæ, post primam Orationem semper dicatur Oratio ejus, de quo fit Officium, ut supra explicatum est in propria Rubrica.

4. Quando fit commemor. de Feria Quatuor temporum pro Feriæ commem. dicitur prima Oratio, quæ concordat cum Officio.

5. In faciendis commemor. servetur ordo, ut in Breviario. De Dominica ante diem infra Oct. de die infra Oct. ante Ferias prædictas, de Feriis prædictis ante festum Simplex: de festo Simplici ante Orationes, quæ secundo, vel tertio loco dicendæ assignantur, et hæ dicantur ante Orationes Votivas, in quibus Votivis servetur deinde dignitas Orationum, ut de SS. Trinitate, de Spiritu Sancto, de SS. Sacramento, de S. Cruce ante Votivam de B. Maria, et de Angelis, et de S. Joanne Baptista ante Apostolos, et similiter in aliis.

6. Si facienda sit commemor. pro Defunctis, semper ponitur penultimo loco. In Missis autem Defuncti nulla fit commemor. pro vivis, etiamsi Oratio esset communis pro vivis et defunctis.

7. Quando dicuntur plures Orationes, prima tantum, et ultima cum sua conclusione terminantur: et ante primam, et secundam Orationem tantum dicitur *Oremus*. ante primam dicitur etiam *Dominus vobiscum*.

8. Cum verò dicuntur plures Orationes, et una Oratio eadem sit cum alia ibidem dicenda, Oratio hujusmodi, illa scilicet quæ eadem est, non alia, committetur cum alia de Communi, vel Proprio, quæ sit diversa. Idem servetur in Secretis, et Orationibus post Communionem.

De Introitu, Kyrie eleison, et Gloria in excelsis. VIII.

INTRUITUS semper eodem modo dicitur cum *Gloria Patri* ut in Ordinario. præterquam tempore Passionis et in Missis Defuncti. ut etiam ibi annotatum est.

2. *Kyrie eleison*, dicitur novies post Introitum. alternatim cum ministro, id est, ter *Kyrie eleison*, ter *Christe eleison*, ter *Kyrie eleison*.

5. *Gloria in excelsis*, dicitur quando-cumque in Matutino dictus est Hymnus *Te Deum*, præterquam in Missa Ferie v in Cœna Domini, et Sabbati sancti, in quibus *Gloria in excelsis* dicitur, quamvis in Officio non sit dictum *Te Deum*.

4. In Missis votivis non dicitur, etiam tempore Paschali, vel infra Oct nisi in Missa B. M. in Sabbato, et Angelorum: et nisi Missa votiva solemniter dicenda sit pro re gravi, vel pro publica Ecclesiæ causa, dummodò non dicatur Missa cum paramentis violaceis. Neque dicitur in Missis Defunctorum.

De Orationibus. IX.

IN festis dupl. dicitur una tantum Oratio nisi facienda sit aliqua commemor. ut dicitur est supra.

2. In festis Semidupl. occurrentibus ab Octava Pentec. usque ad Adventum, et à Purificatione usque ad Quadrages. dicitur secunda Oratio *A cunctis*, tertia ad libitum.

3. In festis Semidupl. occurrentibus ab Octava Epiph. usque ad Purificationem, dicitur secunda Oratio, *Deus. qui salutis*, tertia *Ecclesiæ*, vel pro Papa, *Deus, omnium fidèlium*.

4. In festis Semidupl. a Feria iv Cinerum usque ad Dominicam Passionis, secunda Oratio de Feria, tertia *A cunctis*.

5. In Semiduplicibus à Dominica Passionis. usque ad Dominicam Palmarum, secunda Oratio de Feria, tertia *Ecclesiæ tuæ*, vel pro Papa.

6. In festis Semiduplicibus ab Octava Paschæ usque ad Ascensionem, secunda Oratio de S. Maria, *Concede nos*, tertia *Ecclesiæ*, vel pro Papa.

7. In festis Semiduplicibus infra Octavas occurrentibus, secunda Oratio dicitur de Octava, tertia, quæ secundo loco infra Octavam ponitur.

8. Infra Octavas Paschæ, et Pentecostes, in Missa de Oct dicitur duæ tantum Orationes, una de die, alia *Ecclesiæ tuæ*, vel pro Papa.

9. Infra alias Octavas et in Vigiliis, quæ jejuntur (excepta Vig. Nativitatis Domini, et Pentec.) dicitur tres, una de die, secunda de S. Maria, tertia *Ecclesiæ*, vel pro Papa. Sed infra Oct S. M. et in Vigilia et infra Oct. Omnium SS secunda Oratio dicitur de Spiritu sancto, *Deus qui corda*, tertia *Ecclesiæ*, vel pro Papa.

10. In Dominicis infra Oct. occurrentibus dicitur duæ Orationes, una de Dominica, secunda de Octava, et in die Oct. dicitur una tantum Oratio, nisi facienda sit aliqua commemoratio.

11. In Dominica dicitur tres, ut in Ordinario assignantur, quibusdam exceptis, ut suis etiam locis notatur.

12. In festis Simplic. et Feriis per annum, nisi aliter in propriis locis notetur, dicitur tres, ut in Semid. aut quinque, possunt etiam dici septem ad libitum.

13. In feriis Quat. Temp. et ubi plures leguntur Lect. hujusmodi plures Orationes dicitur post ultimam Orationem ante Epistolam ut suis locis in Proprio Missarum de Tempore.

14. In Missis votivis, quando solemniter dicitur pro re gravi, vel pro publica Ecclesiæ causa, dicitur una tantum Oratio: sed in Missa pro gratiarum actione additur alia Oratio, ut in proprio loco notatur. In aliis autem dicitur plures, ut in festis Simplicibus.

15. In votivis B. M. secunda Oratio dicitur de Officio illius diei, et tertia de

Spiritu S. sed in Sabbato, quando de ea factum est Offic. secunda Oratio erit de Spiritu S. tertia *Ecclesiae*, vel pro Papa. In Votivis de Apostolis, quando ponitur Oratio *A cunctis*, ejus loco dicitur Oratio de S. Maria. *Concede nos famulos.*

16. Si, cum plures dicuntur Orationes, occurrat fieri commemorationem alicujus Sancti, ea ponitur secundo loco, et tertia Oratio dicitur, quæ aliàs secundo loco dicenda erat.

17. In conclusione Orationum hic modus servatur. Si Oratio dirigatur ad Patrem concluditur, *Per Dominum nostrum*, &c. Si ad Filium, *Qui vivis et regnas cum Deo Patre*. Si in principio Orationis fiat mentio Filii, concluditur, *Per eundem Dominum nostrum*. Si in fine orationis, ejus fiat mentio, *Qui tecum vivis*. Si facta sit mentio Spiritus Sancti, in conclusione dicitur, *In unitate ejusdem Spiritus Sancti* &c. Alia quoque in dicendis Orationibus serventur, quæ superiùs in Rubrica de Commemorationibus dicta sunt.

De Epistola, Graduali, Alleluia, et Tractu, ac de Evangelio. X.

POST ultimam Orationem dicitur *Epistola*, qua finita, à ministris respondetur *Deo gratias*. Et similiter quando leguntur plures Lectiones, post singulas dicitur, *Deo gratias*, præterquam in fine quintæ Lect. Danielis in sabbatis Quatuor Temporum, et in fine Lectionum Feriæ sextæ in Parasceve et Sabbati sancti.

2. Post Epistolam dicitur *Graduale*, quod semper dicitur, præterquam Tempore Paschali, cujus loco tunc dicuntur duo Versus, ut habetur in Rubrica in Sabbato in Albis.

3. Post Grad. dicuntur duo *Allel.* deinde Versus, et post Versum, unum *Allel.* Temp. Pasch. quando non dicitur *Grad.* dicitur aliud *Allel.* post secundum Versum: et quando dicitur *Sequentia* non dicitur post ultimum versum, sed post *Sequentiam*.

4. A Septuagesima usque ad Sabbatum sanctum non dicitur *Allel.* neque dicitur in Missis de Feria in Adventu, Quat. Temp. et Vigiliis quæ jejunantur, exceptis Vig. Nativ. Domini, si venerit in Dominica, et Vig. Paschæ et Pentec. ac Quat. Temp. Pentec. Nec dicitur in Festo SS. Innocentium, nisi venerit in Dominica.

5. A Septuages. usque ad Pascha, ejus loco dicitur *Tractus*, qui *Tractus* prædicto tempore in aliquibus Feriis non dicitur, ut suis locis ponitur, nec dicitur in Feriis à Septuag. usque ad Quadrag. quando repetitur Missa Dominicæ

6. Dicto *Graduali* seu *Alleluia*, seu *Tractu*, dicitur *Evangelium*. Et in principio Evangelii dicitur *Dominus vobiscum*,

R. Et cum spiritu tuo, deinde, *Sequentia sancti Evangelii secundum N. R. Gloria tibi Domine*, in fine Evangelii à ministro respondetur, *Laus tibi Christe*. quod etiam dicitur in fine illius partis Passionis, quæ legitur in tono Evangelii, præterquam in Parasceve. Postea, si dicendum est, dicitur *Credo*.

De Symbolo. XI.

SYMBOLUM dicitur post Evangelium in omnibus Dominicis per annum, etiam si in illis fiat de festo, in quo aliàs non diceretur, vel Dominica vacet. In tribus Missis de Nativitate Domini, et deinceps usque ad Oct. beati Joannis Apostoli inclusivè. In Epiphania, et per Octavam, Feria v. in Cæna Domini. In Paschate Resurrectionis, et per Oct. In Ascensione Domini, et per Octav. in Pentecoste, et per Octavam. In festo Corporis Christi, et per Oct. In omnibus festis B. M. et per Oct. In festis duodecim Apostolorum, et Evangelistarum, et per Octav. In utraque Cathedrali S. Petri, et in festo S. Petri ad Vincula. In Festis Conversionis et Commemorationis S. Pauli, Apostoli. In festo S. Joannis ante portam Latinam. In festo S. Barnabæ, Apostoli. In festis Inventionis, et Exaltationis Sanctæ Crucis. In Transfiguratione Domini. In festis Angelorum. In festo sanctæ Mariæ Magdalenæ. In festis quatuor Doctorum, videlicet, Gregorii, Ambrosii, Augustini, et Hieronymi, addito festo S. Thomæ de Aquino, et S. Bonaventuræ. Item in festis Doctorum Athanasii, Basilli, Gregorii Nazianzeni, et Joannis Chrysostomi. In die Oct. S. Joannis Baptistæ et S. Laurentii. In festo Omnium Sanctorum, et per Octav. In Dedicationibus S. Salvatoris, et SS. Apostolorum Petri et Pauli. In Anniversario Dedicationis propriæ Ecclesiæ et per Octavam. In die Consecrationis Ecclesiæ, vel Altaris. In festis Sanctorum, quibus dedicata est Ecclesia, et ubi habetur corpus, vel insignis reliquia Sancti, de quo agitur. In die Creationis, et Coronationis Summi Pontificis, et in Anniversario ejusdem diei. In die et anniversario Electionis, et Consecrationis Episcopi. Item in omnibus festis, quæ in Dominica, et infra Oct. celebrantur: in quibus ratione Dominicæ, et Octavæ dici debet. Item in festo Patroni alicujus loci, vel tituli Ecclesiæ (non aptem alicujus Capellæ, vel Altaris) et in festis principalibus Ordinum, et per eorum octav. in Ecclesiis tantum illius Ordinis. Item dicitur *Credo* in Missis votivis, quæ solemniter pro re gravi, vel pro Ecclesiæ causa celebrantur, etiamsi dicantur in paramentis violaceis in Dominica.

De Offertorio, Secretis, Præfationibus, et Canon. XII.

POST Symbolum, vel si non sit dicendum, post Evangelium, dicitur, *Dominus vobiscum, Oremus*, deinde *Offertorium*, postea fit Oblatio cum Orationibus ut in Ordine Missæ. Quæ oblatione facta, dicuntur *Orationes secretæ* secundum numerum Orationum, quæ clara voce in principio dictæ sunt: sed ante primam Orationem non dicitur *Dominus vobiscum* nec aliquid aliud, sed dicto *Accipiat Dominus sacrificium*, absolutè dicuntur: nequè etiam ante secundam Orationem dicitur *Oremus*. Terminatur autem prima et última oratio, ut dictum est suprâ in Rubrica de Orationibus, et secretò dicuntur usque ad illa verba in conclusione. *Per omnia sæcula, &c.* quæ clara voce profertur, et incipitur *Præfatio*.

2. Præfationes autem dicuntur, ut in ordine Missæ annotatum est: et quæ in Quadragesimo Tempore Passionis, et Paschali, et infra octavas, propriæ assignantur, dicuntur etiam in Dominicis, et festis, quæ illis temporibus celebrantur: nisi illa Festa propriam Præfationem habeant.

3. Si infra octavam alicujus Festi quod habet Præfationem propriam, occurrat festum ex majoribus non habens propriam Præfationem, dicitur Præfatio de octava, quamvis de ea nulla fiat commemoratio in Missa.

4. In Missis Votis dicitur etiam Præfatio propria, si propriam habeat: si verò non habuerint, dicitur Præfatio de Tempore, vel Octava, infra quam contigerit hujusmodi Missas celebrari: alioquin Præfatio communis. Et quando aliqua Missa votiva pro causa publica solemniter celebratur, dicitur in cantu solemniter, ut in Duplicibus. In Missis Defunctorum quocumque tempore semper dicitur Præfatio communis.

5. Post Præfationem incipitur *Canon Missæ* secreto: in quo servantur omnia ut in Ordine Missæ. Ubi verò infra actionem, *Communicantes* et *Hanc igitur* vel alia variari contingit, suo loco in propriis Missis adnotatur.

De Communione, Orationibus post Communionem, Ite Missa est, vel Benedicamus Domino, de Benedictione, et Evangelio S. Joannis. XIII.

EXPLETO Canone, et aliis omnibus usque ad Communionem, ea peracta dicitur *Communio* et *Orationes post Communionem*, eodem modo et ordine ut in principio Missæ et repetito, *Dominus vobiscum*, dicitur *Ite Missa est*, vel *Benedicamus Domino*, pro temporis ratione. *Ite*

Missa est, dicitur quocumque dictum est *Gloria in excelsis*, cum non dicitur ejus loco dicitur *Benedicamus Domino*. *R. Deo gratias*, In Missis Defunctorum dicitur, *Requiescant in pace. R. Amen.*

2. Dicto *Placeat datur Benedictio*: quæ à Celebrante semper datur in Missa, præterquam in Missis Defunct. Deinde legitur Evangelium S. Joannes, *In principio*, præmisso, *Dominus vobiscum et Initium*, ut moris est, quod Evangelium nunquam præmittitur in Missa, nisi quando fit de Festo in aliqua Dominica, vel Feria, quæ habet Evangelium proprium, quod legitur ejus loco. Excipitur Dominica iv Adventus, cujus Evangelium non legitur in fine Missæ, quando in eo occurrit Vig. Nativ. Domini, quia nec in Officio lectum est. In tertia Missa de die Nativ. Domini, legitur in fine Evangelium de Epiphania, *Cum natus esset Jesus*. Et in Dominica Palmarum in Missis privatis legitur Evangelium, quod ponitur in benedictione Palmarum, quod etiam lectum est in Officio. In Vigiliis, quæ occurrunt in Quadr. vel Quatuor Temporibus, non legitur Evangelium Vigiliæ in fine Missæ. Et similiter in Missis votivis numquam legitur in fine aliud Evangelium, nisi sancti Joannis.

De ordinanda Missa ex supradictis Rubricis. XIV.

SUPRADICTIS Rubricis cognitis, si quis velit ordinare Missam diei, recurrit ad Ordinarium Missarum de tempore, vel de Sanctis secundum qualitatem Officii. Si proprium non habeat, recurrit ad Commune Sanctorum. Si de feria agendum sit, et propria Missa non fuerit de Feria, dicatur Missa præcedentis Dominicæ, omittis *Gloria in excelsis* et *Symbolo*, præterquam Tempore Paschali, in quo semper dicitur *Gloria in excelsis*, ut suprâ, excepta Missa Rogat. et in Adventu præmittitur *Alleluia* post *Graduale* cum suo versu. Si dicenda sit Missa votiva, requiratur post commune Sanctorum suo loco. Si plures Orationes dicendæ sint, requirantur post Missas votivas suo loco de singulis rebus singulæ. Si pro Defunctis dicenda sit Missa, habetur post Missas votivas, cum Collectis diversis circa finem Missalis. Ordo totius Missæ, cum præfationibus, Canone, et aliis dicendis habetur suo loco cum proprio Missarum de tempore.

De hora celebrandi Missam. XV.

MISSA privata saltem post Matutinum, et Laudes quacumque hora ab aurora usque ad meridiem dici potest.

2. Missa autem Conventualis et solemniter sequenti ordine dici debet. In festis

Duplicibus, et Semidupl. in Dominicis, et infra Octavas, dicta in Choro Hora Tertia. In festis Simplicib. et in Feriis per annum dicta Sexta. In Adventu, Quadrages. Quatuor Temporibus, etiam infra Oct. Pentecostes, et in Vig. quæ jejuntantur, quamvis sint dies solemnes, Missa de tempore debet cantari post Nonam.

3. Missa autem Defunctorum dici debet post Primam diei: ubi verò dicuntur eorum Vigiliæ manè post Matutinum diei dictis hujusmodi Vigiliis cum Laud. immediatè dici potest Missa pro Defunctis. Sed in die Cotemem. Omnium fidelium Defunctorum, Missa Conventualis dicitur post Nonam, quia eo die est principalis. In die autem Depositionis Defuncti, vel Tertio, Septimo, Trigesimo, aut Annivers. solemn. in quo fit concursus populi, poterit similiter dici ultimo loco post Nonam.

4. Excipiuntur ab hoc ordine dicendi Missam Conventualem, Missæ in Nativ. Domini, quarum prima dicitur post mediam noctem, finito *Te Deum laudamus*, in Matutino; secunda in Aurora, dictis Laudibus et Prima, tertia verò in die post Tertiam, vel ubi aliter ex dispensatione Apostolica disponatur.

5. Missæ Votivæ, quia non correspondent Officio, si solemniter celebrentur pro re gravi vel publica Ecclesiæ causa cum populi frequentia, dicantur post Nonam.

De his quæ clara voce, aut secretò dicenda sunt in Missa. XVI.

1. **I**N Missa privata clara voce dicuntur *Antiphona et Psalmus ad Introitum, Confessio, et quæ sequuntur: excepta Oratione Auser à nobis, Oramus te Domine per merita Sanctorum tuorum, &c.* Item *Introitus, Kyrie eleison, Gloria in excelsis, Dominus vobiscum, Oremus, Flectamus genua, Levate, Oratio, vel Orationes, Prophetia, Epistola, Graduale, Versus, Tractus, Sequentia, Evangelium, Credo, Offertorium, Orate fratres, solum hæc duo verba, Præfatio, Nobis quoque peccatoribus, solum hæc tria verba. Item Per omnia sæcula sæculorum, &c. cum Pater noster, Per omnia sæcula sæculorum, Pax Domini, Agnus Dei, Domine non sum dignus, hæc quatuor verba tantum, Communio, Oratio, vel Orationes post Communionem, Humiliate capita vestra Deo, Ite missa est, vel Benedicamus Domino, vel Requiescant in pace, Benedictio, et Evangelium. In principio, vel aliud Evangelium. Alia omnia dicuntur secretò.*

2. Sacerdos autem maxime curare debet, ut ea quæ clara voce dicenda sunt, distinctè, et appositè proferat, non admodum festinanter, ut advertere possit quæ legit, nec nimis morosè, ne audientis tædio

afficiat: neque etiam voce nimis elata, ne perturbet alios, qui fortasse in eadem Ecclesia tunc temporis celebrant, neque tam submissa, ut à circumstantibus audiri non possit, sed mediocri, et gravi, quæ et devotionem moveat, et audientibus ita sit accommodata, ut quæ leguntur, intelligant. Quæ verò secretè dicenda sunt, ita pronuntiet, ut et ipsemet se audiat, et à circumstantibus non audiatur.

3. In Missa solemnè quando dici debent à Celebrante *Gloria in excelsis, et Credo* intonantur et cantantur *Dominus vobiscum, et Orationes* ante Epistolam, *Dominus vobiscum, Oremus* ante Orationes, et ante *Offertorium, Præfatio, Per omnia sæcula sæculorum, cum Pater noster, Per omnia sæcula sæculorum, cum Pax Domini, et Orationes post Communionem.* Alia quæ in Missa private dicuntur clara voce. in Missa solemnè à Celebrante dicuntur submissa voce.

De ordine genuflectendi, sedendi, et standi in Missa privata, et solemnè.

XVII.

1. **I**N Missa privata Sacerdos genuflectit quando legit Evangelium S. Joannis, *In principio*, ad illa verba, *Et Verbum caro factum est*, et in Evangelio Epiphaniæ: *Cum natus esset Jesus*, ad illa verba, *Et procidentes, adoraverunt eum.* Item in Evangelio Feriæ iv post Dominicam quartam Quadrag. ad illa verba in fine, *Et procedens, adoravit eum.* Item genuflectit Dominica Palmarum, et in Missis de Cruce ad illa verba in Epistola, *In nomine Jesu omne genu flectatur, &c.* et quando legitur Passio, ad illa verba *expiravit* vel *emisit spiritum*, ut suis locis notatur. Item genuflectit cum dicit, *Flectamus genua.* Item quando in Quadr. dicit in Tractu V. *Adjuva nos Deus, &c.* et in omnibus Missis de Spiritu Sancto, cum dicit V. *Veni, Sancte Spiritus, &c.* Item quando Sacramentum in Altari discooperitum apparet, genuflectit quoties ante illud transit in medio in Altaris: et quodcumque in Ordine Missæ, et in ritu servando in celebratione Missæ notatur, quòd debeat genuflectere.

2. Circumstantes autem in Missis privatis semper genua flectunt etiam tempore Paschali, præterquam dum legitur Evangelium.

3. In Missa solemnè Celebrans genuflectit ad omnia supradicta, præterquam ad *Flectamus genua*, et tunc ipse solus stat, Diaconus verò et Subdiaconus, et omnes alii genuflectunt. Ad Versum verò *Adjuva nos, Deus, &c.* et ad versum, *Veni, Sancte Spiritus, &c.* genuflectit usque ad finem,

Item genuflectit in die Annuntiationis B. M. et in tribus Missis Nativitatis Domini, quando cantatur in choro, *Et incarnatus est.* &c. Aliis diebus, si sedeat cùm cantantur ea verba, non genuflectit, sed caput tantùm profundè inclinat apertum: si non sedet, genuflectit.

4. Ministri semper genuflectunt cum celebrante, præterquam Subdiaconus tenens librum ad Evangelium, et Acolythi tenentes candelabra, qui tunc non genuflectunt. Et cùm Diaconus cantat illa verba, ad quæ est genuflectendum, ipse versus librum, Celebrans et omnes alii versus Altare genuflectunt.

5. In Choro genuflectitur ab iis, qui non sunt Prælati, ad confessionem cum suo Psalmo. In Missis autem Feriarum Adventus, Quadrage. Quatuor Temp. et Vigil. quæ jejunantur, ac in Missis Defunct. genuflectunt omnes etiam ad Orationes, et dicto per Celebrantem, *Sanctus* usque ad *Pax Domini*, et ad *Orationes post Communionem*, et *Super populum*. excepta Vigilia Paschæ et Pentec. ac Nativit. Domini, et Quatuor Tempor. Pentecost. Et similiter ab omnibus genuflectitur, quando elevatur Sacramentum.

6. In Missa item solemnè celebrans medius inter Diaconum et Subdiaconum sedere potest à cornu Epistolæ juxta Altare eùm cantatur, *Kyrie eleison*, *Gloria in excelsis* et *Credo*, alio tempore stat ad Altare, vel genuflectit, ut suprâ.

7. In Choro non sedent qui actu cantant, reliqui autem possunt sedere, quando Celebrans sedet, et præterea dum cantantur *Epistola* et *Prophetiæ*, *Graduale*, *Tractus*, vel *Alleluia*, cum *versu*, ac *Sequentia*, ab *Offertorio*, usque ad incensationem Chori, et si non incensatur, usque ad *Præfationem*, et ad *Antiphonam*, quæ dicitur *Communio*. Ad alia stant, vel genuflectunt, ut suprâ.

De coloribus Paramentorum. XVIII.

PARAMENTA Altaris, Celebrantis, et ministrorum, debent esse coloris convenientis Officio, et Missæ diei, secundùm usum Romanæ Ecclesiæ: quæ quinque coloribus uti consuevit, Albo, Rubeo, Viridi, Violaceo, et Nigro.

2. Albo colore utitur à Vesperis Vigil. Nativ. Domini usque ad Octav. Epiph. inclusivè, exceptis festis Martyrum, quæ infra eam veniunt, feria quinta in Cœna Domini, et Sabbato Saucto in officio Missæ, et ab illo die usque ad Sabbatum in Vigil. Pentecostes ad Nonam, in officio de Tempore, præterquam in Missa Litaniarum, et Rogationum. In festo SS. Trinitatis. In festo Corporis Christi. In festo

Transfigurationis Domini. In festis beatæ Mariæ Virginis, præterquam in benedictione Candelarum, et Processione, quæ fit in festo Purificationis ejusdem. In festis Angelorum. In Nativit. S. Joannis Baptistæ. In principali festo S. Joannis Evangelistæ, quod celebratur infra oct. Nativ. Domini. In utraque Cathedra S. Petri. In festo S. Petri ad Vincula. In Conversione S. Pauli. In festo Omnium Sanctorum. In festis Confessorum Pontificum, et non Pontificum, et Doctorum. In festis sanctarum Virginum non martyrum, et nec virginum, nec martyrum. In dedicatione, et consecratione Ecclesiæ, vel Altaris, ac in consecratione Summi Pontificis, et in anniversario Creationis, et Coronationis ejusdem, et Electionis, et Consecrationis Episcopi. Item per oct. prædictorum Festorum, quæ octavas habent, quando dicitur Missa de octava, et in Dominicis infra eas occurrentibus, quando in eis fit officium de Dominica, præterquam in illis Dominicis, quibus tributus est color Violaceus. In Missis Votivis supradictorum Festorum, quocumque tempore dicantur, et in Missa pro Sponso et Sponsa.

3. Rubeo colore utitur à Vigilia Pentecostes in Missa usque ad Sabbatum sequens finita Nona in Missa. In festis Sanctæ Crucis. In Decollatione S. Joannis Baptistæ. In natali Apostolorum Petri et Pauli, et in festis aliorum Apostolorum (exceptis festo principali S. Joannis Evangelistæ post Nativit. et festis Conversionis S. Pauli, et Cathedræ S. Petri, et ejus Vinculorum) In festo S. Joannis ante portam Latinam. In Commemoratione S. Pauli, Apostoli. In festis Martyrum, excepto festo Sanctorum Innocentium, quando non venerit in Dominica: si autem in Dominica venerit, utitur Rubeo: in ejus verò die Octava semper utitur Rubeo, quocumque die occurrat. In festis sanctarum Virginum martyrum, et martyrum non Virginum. Item per octavas prædictorum Festorum quæ octavas habent: quando fit de oct. et in Dominicis infra eas oct. occurrentibus eodem modo, ut dictum est suprâ de colore Albo. Item in Missis Votivis supradictorum Festorum, et in Missa pro eligendo Summo Pontifice.

4. Viridi colore utitur ab octava Epiphaniæ usque ad Septuages. et ab oct. Pentec. usque ad Adv. exclusivè, in officio de Tempore, excepta Dominica Trinitatis ut suprâ: ac exceptis Dominicis infra octavas occurrentibus, in quibus color octavarum servatur, exceptis etiam vigiliis, et quatuor Temporibus, ut infra.

5. Violaceo colore utitur à prima Dominica Adventus in primis vespers usque

ad Missam Vigiliæ Nativitatis Domini inclusivè: et à Septuagesima usque ad Sabbatum Sanctum ante Missam inclusivè: in officio de Tempore, excepta Feria quinta in Cœna Domini, in qua utitur Albo: et Feria sexta in Parasceve, in qua utitur Nigro, ut infrà: et benedictione Cerei in Sabbato sancto, in qua Diaconus, illius Præfationem dicens, solus utitur Albo: ea autem finita, Violaço, ut priùs. Item in vigilia Pentecostes ante Missam, à prima Prophetia usque ad benedictionem fontis inclusivè. In Quatuor Temporibus, et Vigiliis, quæ jejuntantur, exceptis Vigiliis, et Quatuor Temporibus Pentecostes. In Missa Litaniarum in die S. Marci Evangelistæ, et Rogationum, et in processionibus, quæ his diebus fiunt. In festo sanctorum Innocentium, quando non venerit in Dominica. In benedictione Candelarum, in die Purificationis B. Mariæ, et in benedictione Cinerum, ac Palmarum, et ipsa Dominica in Palmis, et in eorundem ac generaliter in omnibus processionibus: exceptis processionibus sanctissimi Sacramenti, et quæ fiunt in diebus solemnibus, vel pro gratiarum actione: In Missis de Passione Domini, Pro quacumque necessitate, Pro peccatis, Ad postulandam gratiam benè moriendi. Ad tollendum schisma, Contra paganos, Tempore belli, Pro pace, Pro vitanda mortalitate, Pro iter agentibus, et pro infirmis.

6. Nigro colore utitur Feria sexta in Parasceve, et in omnibus Officiis, et Missis Defunctorum.

De qualitate Paramentorum. XIX.

1. **I**N officio Missæ Celebrans semper utitur Planeta super Albam.

2. Si autem sit Episcopus, et solemniter celebret, super Dalmaticam, et Tunicellam.

3. Pluviali utitur in Processionibus, et benedictionibus, quæ fiunt in Altari. Item in Officio Laudum, et Vesperarum, quando solemniter dicuntur. Eodem utitur Assistens Celebranti in Missa Pontificali. Item quando Celebrans post Missam Defunctorum facit in fine Absolutionem.

4. Cùm Celebrans utitur Pluviali, semper deponit Manipulum, et ubi Pluviale haberi non potest in benedictionibus quæ fiunt in Altari, Celebrans stat sine Planeta, cum Alba, et Stola.

5. Dalmatica, et Tunicella utuntur Diaconus, et Subdiaconus in Missa solemnibus, et Processionibus, et benedictionibus, quando Sa cerdoti ministrant.

6. In diebus verò jejuniorum (præterquam in Vigiliis Sanctorum) et in Dominicis, et Feriis Adventus, et Quadragesimæ, ac in Vigilia Pentecostes ante Missam (exceptis Dominicis *Gaudete*, etiam si ejus Missa infra Hebdomadam repetatur, et Dominica *Lætare*, Vigilia Nativitatis Domini, Sabbato sancto in benedictione Cerei, et in Missa, ac in Quat. Temporibus Pentecostes) item in benedictione candelarum, et Processione in die Purificationis Beatæ Mariæ, et in benedictione Cinerum, ac benedictione Palmarum, et Processione: in Cathedralibus, et præcipuis Ecclesiis utuntur Planetis plicatis ante pectus, quam Planetam Diaconus dimittit, cùm lecturus est Evangelium, eaque tunc super sinistrum humerum super Stolam complicatur; aut ponitur aliud genus Stolæ latoris in modum Planetæ plicatæ, et facta Communionem resumit planetam, ut priùs. Similiter Subdiaconus dimittit eam, cùm lecturus est Epistolam, quam legit in Alba, et ea finita osculataque Celebrantis manu, Planetam resumit, ut priùs.

7. In minoribus autem Ecclesiis prædictis diebus jejuniorum Alba tantum amicti ministrant: Subdiaconus cum manipulo, Diaconus etiam cum Stola ab humero sinistro pendente sub dextrum.

De præparatione Altaris, et ornamentorum ejus. XX.

ALTARE, in quo sacrosanctum Missæ sacrificium celebrandum est, debet esse lapideum, et ab Episcopo consecratum, vel saltem ara lapidea, similiter ab Episcopo consecrata, in eo inserta, quæ tam ampla sit, ut Hostiam, et majorem partem calicis capiat. Hoc Altare operiatur tribus mappis, seu tobaleis mundis ab Episc. vel alio habente potestatem benedictis, superiori saltem oblonga, quæ usque ad terram pertingat, duabus aliis brevioribus, vel una duplicata. Pallio quoque ornetur coloris, quoad fieri potest, diei festo, vel officio convenientis, super Altare collocetur Crux in medio, et candelabra saltem duo cum candelis accensis hinc et inde in utroque ejus latere. Ad Crucis pedem ponatur tabella Secretarum appellata, in cornu Epistolæ cussinus supponendus Missali: et ab eadem parte Epistolæ paretur cereus, ad elevationem Sacramenti accendendus, parva campanula, ampullæ vitæ vini, et aquæ, cum pelvicula, et manutergio mundo in fenestella, seu in parva mensa ad hæc præparata. Super Altare nihil omnino ponatur, quod ad Missæ sacrificium, vel ipsius Altaris ornatum non pertineat.

RITUS SERVANDUS IN CELEBRATIONE MISSÆ.

De præparatione Sacerdotis celebraturi.

I.

1. SACERDOS celebraturus Missam, prævia confessione sacramentali, quando opus est, et saltem Matutino cum Laudibus absoluto, oratione aliquantulum vacet, et Orationes inferiùs positas pro temporis opportunitate dicat. Deinde accedit ad locum in Sacristia, vel alibi præparatum, ubi paramenta, aliaque ad celebrationem necessaria habentur: accipit Missale, perquirat Missam, perlegit, et signacula ordinat ad ea, quæ dicturus est. Postea lavat manus, dicens orationem inferiùs positam, deinde præparat calicem (qui debet esse vel aureus, vel argenteus, aut saltem habere cuppam argenteam intus inauratam, et simul cum Patena itidem inaurata, ab Episcopo consecratus:) super ejus os ponit purificatorium mundum, et super illud Patenam cum hostia integra, quam leviter extergit, si opus est, à fragmentis, et eam tegit parva palla lineæ, tum velo serico: super velo ponit bursam coloris paramentorum, intus habentem Corporale plicatum, quod ex lino tantum esse debet, nec serico, vel auro in medio intextum, sed totum album, et ab Episcopo, vel alio habente facultatem, simul cum palla benedictum.

2. Quibus ita dispositis accedit ad paramenta, quæ non debent esse lacera, aut scissa, sed integra, et decenter munda, ac pulchra, et ab Episcopo item, vel alio facultatem habente benedicta; ubi calceatis pedibus, et indutus vestibus sibi convenientibus, quarum exterior saltem talum pedis attingat: induet se, si sit Prælatus sæcularis, supra rochetum, si sit Prælatus regularis, vel alius Sacerdos sæcularis, supra superpelliceum, si commodè haberi possit, alioquin sine eo supra vestes communes dicens ad singula singulas orationes inferiùs positas.

3. Ac primum accipiens Amictum circa extremitates, et chordulas, osculatur illud in medio, ubi est Crux, et ponit super caput, mox declinat ad collum, et eo vestium collaria circumtegens, ducit chordulas sub brachiis, et circumducens per dorsum, ante pectus reducit, et ligat. Tum Alba induitur, caput submittens, et deinde manicam dexteram brachio dextro, et sinistram sinistro imponens. Albam ipsam corpori adaptat, elevat ante, et à lateribus hinc inde, et

Cingulo per ministrum à tergo sibi porrecto, se cingit. Minister elevat Albam super Cingulum circumcirca, ut honestè dependeat, et tegat vestes: ac ejus funebrias diligenter aptat, ut ad latitudinem digiti, vel circiter supra terram æqualiter fluat. Sacerdos accipit Manipulum, osculatur Crucem in medio, et imponit brachio sinistro. Deinde ambabus manibus accipiens Stolam, simili modo deosculatur, et imponit medium ejus collo, ac transversando eam ante pectus in modum Crucis, ducit partem à sinistro humero pendentem ad dexteram: et partem à dextro humero pendentem ad sinistram. Sicque utramque partem stolæ extremitatibus cinguli hinc inde ipsi cingulo conjungit.

4. Si Celebrans sit Episcopus, non ducit Stolam ante pectus in modum Crucis sed sinit hinc inde utrasque extremitates pendere, et antequam accipiat stolam, accipit parvam Crucem pectoralem, quam osculatur, et collo impositam sinit ante pectus chordulis pendere. Manipulum quoque non accipit ante Stolam nisi in Missis Defunctorum; sed accipit ad Altare cum in confessione dicit, *Indulgentiam*, illumque prius osculatur. Postremò Sacerdos accipit Planetam.

5. Si sit Episcopus, et solemniter celebret, accipit paramenta, et alia ut in Cæremoniali.

De ingressu Sacerdotis ad Altare. II.

SACERDOS omnibus paramentis indutus, accipit manu sinistra calicem, ut supra præparatum, quem portat elevatum ante pectus, bursam manu dextra super Calicem tenens, et facta reverentia Cruci, vel imagini illi, quæ in Sacristia erit, capite cooperto accedit ad Altare; ministro cum Missali, et aliis ad celebrandum necessariis (nisi ante fuerint præparata) procedente superpelliceum induto. Procedit autem oculis demissis, incesso gravi, erecto corpore. Si verò contigerit eum transire ante Altare majus, capite cooperto faciat ad illud reverentiam. Si ante locum Sacramenti, genuflectat. Si ante Altare, ubi celebretur Missa, in qua elevatur, vel tunc ministratur Sacramentum, similiter genuflectat, et detecto capite illud adorat, nec antè surgat, quàm Celebrans deposuerit Calicem super corporale.

2. Cum pervenerit ad Altare, stans ante illius infimum gradum, caput detegit, biretum ministro porrigit, et Altari, seu imagini Crucifixi desuper positæ profundè inclinatur. Si autem in eo sit tabernaculum sanctissimi Sacramenti, genuflectens debitam facit reverentiam. Tunc ascendit ad medium Altaris, ubi ad cornu Evangelii sistit Calicem, extrahit corporale de bursa, quod extendit in medio Altaris, et super illud Calicem velo coopertum collocat, bursum autem ad cornu Evangelii: Si in Altari paramenta accipit, hoc idem facit antequam descendat ab Altari, ut Missam inchoet.

3. Si est consecraturus plures Hostias pro communione faciendâ, quæ ob quantitatem super Patena manere non possint, locat eas super corporale ante Calicem, aut in aliquo Calice consecrato, vel vase mundo benedicto, ponit eas retrò post Calicem, et alia patena seu palla cooperit.

4. Collocato Calice in Altari, accedit ad cornu Epistolæ, Missale super cussino aperit, reperit Missam, et signacula suis locis accommodat. Deinde rediens ad medium Altaris, facta primùm Cruci reverentia, vertens se ad cornu Epistolæ, descendit post infimum gradum Altaris, ut ibi faciat confessionem.

5. In Missa solemnâ Missale apertum super Altare, Calix verò, et alia necessaria præparentur in credentia cooperta linteo, antequam Sacerdos veniat ad Altare. Ipse autem procedit cum Diacono, et Subdiacono, qui capite cooperto simul cum eo tenet manus junctas ante pectus. Acolythi verò ante eos deferunt candelabra cum candelis accensis, quæ deinde collocantur super credentia, et cùm pervenerit ante infimum gradum Altaris ibi medius inter Diaconum à dextris, et Subdiaconum à sinistris, antequam ascendat ad Altare, facit cum ipsis (ut infra) confessionem.

6. In Missa Pontificali omnia servantur, ut in Cæremoniali ordinatur: cujus ordinem Episcopus numquam prætermittat, quoadcumque cum Diacono, et Subdiacono paratis celebrat.

De principio Missæ, et Confessione faciendâ. III.

1. SACERDOS cùm primùm descendit sub infimum gradum Altaris, convertit se ad ipsum Altare, ubi stans in medio, junctis manibus ante pectus, extensis et junctis pariter digitis, et pollice dextro super sinistram posito in modum Crucis (quod semper servatur, quando junguntur manus, præterquam post consecrationem) detecto capite, facta prius Cruci, vel Altari

profunda reverentia, vel si in ea sit tabernaculum sanctissimi Sacramenti, facta genuflexione, erectus incipit Missam.

2. Si celebraturus sit coram Summo Pontifice, sistit se ante infimum gradum Altaris à cornu Evangelii ante ipsum Pontificem, ubi genuflexus expectat: accepta benedictione erigit se, et stans aliquantulum versus ad Altare incipit Missam. Si autem sit coram Cardinali, Legato Sedis Apostolicæ, aut Patriarcha, Archiepiscopo, et Episcopo in eorum residentiis, vel loco jurisdictionis, stans ante infimum gradum à cornu Evangelii, ut supra expectat: dato signo facit profundam reverentiam Prælato, et versus ad Altare incipit Missam.

3. Si autem solemniter celebrat coram Summo Pontifice, aut alio ex Prælati prædictis in Ecclesiis eorum jurisdictionis, stans à sinistris Prælati, facit cum eo confessionem, et alia servat, ut in Cæremoniali ordinatur.

4. Stans igitur Celebrans ante infimum gradum Altaris, ut supra, producens manu dextro à fronte ad pectus signum Crucis, dicit intelligibili voce, *In nomine Patris, et Filii et Spiritus sancti, Amen.* Et postquam id dixerit, non debet advertere quemcumque in alio Altari celebrantem, etiamsi Sacramentum elevet, sed continuatè prosegui Missam suam usque ad finem. Quod item observatur in Missa solemnâ, et simul etiam à ministris.

5. Cùm seipsum signat, semper sinistram ponit infra pectus: in aliis benedictionibus cùm est ad Altare, et benedicit oblata, vel aliquid aliud, ponit eam super Altare, nisi aliter notetur. Seipsam benedicens, vertit ad se palmam manus dextræ, et omnibus illius digitis junctis, et extensis: fronte ad pectus, et ab humero sinistro ad dextrum, signum crucis format. Si vero alios, vel rem aliquam benedicit, parvum digitum vertit ei, cui benedicit, ac benedicens totam manum dextram extendit, omnibus illius digitis pariter junctis, et extensis: quod in omni benedictione observatur.

6. Postquam dixerit, *In nomine Patris, &c.* ut supra, jungens iterum manus ante pectus, pronuntiat clara voce Antiphonam, *Introibo ad Altare Dei.* Minister retrò post eum ad sinistram genuflexus, et in Missa solemnâ ministri hinc inde stantes persequuntur, *Ad Deum qui lætificat juventutem meam.* Deinde Sacerdos eodem modo stans incipit, et proseguit cum ministro, vel ministris alternatim Psalmum, *Judica me, Deus,* usque ad finem, cum *Gloria Patri,* quo finito repetit Antiphonam, *Introibo,* cum ministris, ut supra, Qui Psalmus numquam prætermittitur,

nisi in Missis Defunctorum, et in Missis de Tempore à Dominica Passionis inclusivè, usque ad Sabbatum sanctum exclusivè; in quibus semel tantùm dicta Antiphona, *Introibo*, cum ministris, ut suprà, Sacerdos statim subjungit, *V. Adjutorium nostrum*, &c. ut infra. Cùm in fine Psalmi dicit, *Gloria Patri*, caput Cruci inclinat.

7. Repetita Antiphona. *Introibo*, dextra manu producens signum crucis à fronte ad pectus, dicit *V. Adjutorium nostrum in nomine Domini. R. Qui secit celum et terram*. Deinde Altari se profundè inclinans, junctis manibus dicit, *Confiteor Deo*, ut in Ordine Missæ, et prosequitur eodem modo stans inclinatus, donec à ministro, vel ministris dictum sit *Misereatur*. Cùm incipitur à ministris *Confiteor*, se erigit. Cùm dicit, *mea culpa*: ter pectus dextra manu percutit, sinistra infra pectus posita.

8. Si est coram Pontifice, Cardinale, Legato Sedis Apostolicæ, vel Patriarcha, Archiepiscopo, et Episcopo in eorum provincia, civitate, vel diœcesi constitutis, ubi dicit, *vobis fratres* dicat *tibi Pater*, similiter in fine, ubi dicit, *vos fratres*, dicat *te Pater* quod dicens Summo Pontifici genuflectit, aliis Prælati profundè se inclinat.

9. Cùm minister, et qui intersunt (etiam si ibi fuerit Summus Pontifex) respondent, *Confiteor*, dicunt, *tibi Pater*, et *te Pater*, aliquantulùm conversi ad Celebrantem.

10. Facta à circumstantibus confessione, Celebrans stans respondet, *Misereatur vestri*, &c. Deinde producens manu dextra à fronte ad pectus signum Crucis dicit, *Indulgentiam*, &c. et si est Episcopus accipit manipulum osculando illum in medio. Et stans inclinatus junctis manibus prosequitur, *Deus tu conversus*, et quæ sequuntur in ordine Missæ, clara voce usque ad Orationem, *Aufer à nobis*, &c. et cùm dicit *Oremus*, extendit, et jungit manus.

11. Et tunc si coram Summo Pontifice, aut aliis Prælati, ut suprà, celebret, facta Summo Pontifici genuflectione, aliis Prælati profunda reverentia, accedit ad medium Altaris ante infimum gradum, et ibi incipit secretò, *Aufer à nobis*, ut in Ordine Missæ.

De Introitu, Kyrie eleison, et Gloria in excelsis. IV.

DUM dicit, *Aufer à nobis*, &c. Celebrans junctis manibus ascendit ad medium altaris, et ibi inclinatus, manibusque item junctis super eo positis, ita ut digiti parvi dumtaxat frontem, seu medium anterioris partis tabulæ, seu mensæ Altaris tangerent, residuo manuum inter Altare,

et se retento, pollice dextro super sinistram in modum crucis posito (quæ omnia semper observantur cùm manus junctæ super Altare ponuntur) secretò dicit, *Oramus te Domine*, &c. et cùm dicit, *Quorum reliquæ hic sunt*, osculatur Altare in medio, manibus extensis æqualiter hinc inde super eo positis, quod semper servatur quando osculatur Altare: sed post consecrationem pollices ab indicibus non disjunguntur. In omni etiam deosculatione sive Altaris, sive libri, sive alterius rei, non producitur signum Crucis pollice, vel manu super id, quod osculandum est.

2. Osculato Altari accedit ad cornu ejus sinistrum, id est, Epistolæ, ubi stans versus altare, et producens a fronte ad pectus signum Crucis, incipit intelligibili voce, *Introitum* Missæ, et prosequitur junctis manibus. Cùm dicit, *Gloria Patri*, tenens junctas manus, caput inclinat versus Crucem. Cùm repetit *Introitum*, non signat se ut priùs: et eo repetitò, junctis manibus ante pectus accedit ad medium Altaris, ubi stans versus illud similiter manibus junctis, dicit eadem voce ter *Kyrie eleison*, ter *Christe eleison*, et iterùm ter *Kyrie eleison*, alternatim cum ministro. Si minister, vel qui intersunt, Celebrantì non respondeant, ipse solus novies dicit.

3. Dicto ultimo *Kyrie eleison*, Sacerdos stans in medio altaris, et manus extendens, elevansque usque ad humeros (quod in omni manu elevatione observatur) voce prædicta incipit, si dicendum sit, *Gloria in excelsis*. Cùm dicit, *Adoramus te, Gratias agimus tibi, et Jesu Christe, Suscipe deprecationem nostram*, et iterùm *Jesu Christe*, caput Cruci inclinat. Cùm dicit in fine, *Cum Sancto Spiritu*, seipsum à fronte ad pectus signat, interim absolvens, *In gloria Dei Patris, Amen*.

4. In Missa solemnì Sacerdos facta Confessione ascendit cum ministris ad medium Altaris, ubi dicto *Oramus te, Domine*, et osculato Altari, ponit incensum in Thuribulum. ministrante Diacono naviculam, et Thuriferario Thuribulum. Diaconus parum inclinatus versus Celebrantem, dicit: *Benedicite, Pater reverende*, et osculatur cochlear et manum celebrantis antè et post. Celebrans ter incensum ponit in Thuribulum, dicens interim, *Ab illo benedicaris*, et deposito cochleari, producens manu dextra signum Crucis super thus in Thuribulo, illud benedicit. Postea Diaconus dimissa navicula, accipit Thuribulum, et dat celebranti, osculata priùs catenularum summitate, et manu illius dextera: qui facta Cruci profunda reverentia, eam ter incensat, nihil dicens: et facta iterùm Cruci reverentia, incensat Altare, ter ducens Thu-

ribulum æquali distantia, prout distribuuntur candelabra, à medio ejus usque ad cornu Epistolæ: ubi demissa manu, thurificat illius postremam partem inferiorem, mox superiore, bis ducto Thuribulò et con versus ad altare, elevans manum incensat ejus planitiem, seu mensam in parte anteriori, ter ducens Thuribulum usque ad medium ubi facta Cruci reverentia, procedendo thurificat aliud latus Altaris triplici ductu usque ad cornu Evangelii: et pariter incensata inferiori et superiori parte ipsius cornu Evangelii duplici ductu, adhuc stans ibidem elevat Thuribulum, et ter incensat superiorem tabulæ partem versus medium Altaris, ut fecit in cornu Epistolæ: deinde manu aliquantulum demissa, incensat anteriorem ejus partem sep frontem, ter ducens Thuribulum dum procedit à cornu Evangelii usque ad medium Altaris: et facta Cruci reverentia incensat similiter triplici ductu reliquam partem anteriorem usque ad cornu Epistolæ: ubi reddito Thuribulo ipsi Diacono, ab eo ipse solus incensatur.

5. Si verò in Altari fuerint Reliquiæ, seu Imagines Sanctorum, incensata Cruce, et facta ei reverentia, antequam discedat à medio Altaris, primùm incensat eas quæ à dextris sunt, id est à parte Evangelii prope Crucem, bis ducens Thuribulum, et iterùm facta Cruci reverentia similiter incensat bis alias quæ sunt à sinistris, hoc est à parte Epistolæ: deinde prosequitur incensationem Altaris ut suprâ, ter ducens Thuribulum in unoquoque latere, etiamsi in eo essent plures Reliquiæ, vel imagines, seu etiam plura vel pauciora candelabra.

6. Si in Altari fuerit tabernaculum SS. Sacramenti accepto Thuribulo antequam incipiat incensationem, genuflectit: quod item facit quotiescumque transit ante medium Altaris.

7. Diaconus et Subdiac. hinc inde assistunt Celebranti dum incensat, et cum transeunt ante Crucem, semper genuflectunt. Deinde Celebrans, Diacono à dextris ejus, Subdiacono à dextris Diaconi stantibus in cornu Epistolæ, legit *Introitum et Kyrie eleison*. Cùm verò intonat Hymnum *Gloria in excelsis Deo*. Diaconus et Subdiac. unus post alium, stant à tergo Celebrantis: postea ascendunt ad altare, et hinc inde, Diaconus à dextris, Subdiac. à sinistris, cum Celebrante Hymnum submissa voce prosequuntur usque ad finem. Quod etiam servatur cùm dicitur *Credo*, et cùm dicitur *Dominus vobiscum*, *Oratio*, *Præfatio*, et *Pater noster*, Diaconus et Subdiaconus similiter stant unus post alterum à tergo Celebrantis.

De Oratione. V.

1. **D**ICTO Hymno *Gloria in excelsis*, vel, si non sit dicendus, eo omisso, celebrans osculatur Altare in medio, manibus hinc inde super eo, ut suprâ, extensis, tum illis ante pectus junctis et demissis ad terram oculis, vertit se à sinistro latere ad dextrum versus populum, hoc est, per eam partem quæ respicit cornu Epistolæ, et extendens ac jungens manus ante pectus, ut priùs, dicit voce prædicta *Dominus vobiscum*, vel, si sit Episcopus, *Pax vobis*, quod dicitur tantùm hoc loco, quando dictus est Hymnus *Gloria in excelsis*. R. *Et cum spiritu tuo*, et junctis ut priùs manibus revertitur per eandem viam ad librum, ubi eas extendens et jungens ante pectus, caputque Cruci inclinans dicit, *Oremus*, tum extendit manus ante pectus, ita ut palma unius manus respiciat alteram, et digitis simul junctis, quorum summitas humerorum altitudinem distantiamque non excedat: quod in omni extensione manuum ante pectus servatur. Stans autem, ut suprâ, extensis manibus dicit *Orationem*. Cùm dicit *Per Dominum*, jungit manus, easque junctas tenet usque ad finem. Si aliter concluditur Oratio, *Qui tecum*, vel *Qui vivis*, cum dicit in *unitate*, jungit manus.

2. Cùm nominatur nomen *JESUS*, caput versus Crucem inclinatur: quod etiam facit cùm nominatur in Epistola. Et similiter ubicumque nominatur nomen *B. M.* vel Sanctorum, de quibus dicitur Missa, vel fit commemor. item in Oratione pro Papa, quando nominatur, semper caput inclinatur, non tamen versus Crucem. Si plures Orationes sint dicendæ, idem in eis, in voce, extensione manuum, et capitis inclinatione, quod suprâ dictum est, observatur.

3. Si Altare sit ad Orientem versus populum, Celebrans versa facie ad populum, non vertit humeros ad Altare, cùm dicturus est *Dominus vobiscum*, *Orate fratres*, *He Missa est*, vel daturus benedictionem, sed osculatur Altari in medio, ibi expansis et junctis manibus, ut suprâ, salutatur populum, et dat benedictionem.

4. In Quat. Temp. vel aliàs quando dicendæ sunt plures Orationes cum Prophetiis, dicto *Kyrie eleison*, in medio Altaris, revertitur ad cornu Epistolæ, ubi stans ante librum, extensis et junctis ante pectus manibus, caput Cruci inclinans, dicit *Oremus*, *Flectamus genua*, et illicò manibus super Altare extensis, ut seipsum ad Altare sustineat, genuflectit, et sine mora surgens, eadem voce ministro respondente *Levate*, manibus extensis dicit *Orationem*, ut suprâ,

et in conclusione eas jungit. Dum autem legit Prophetias, tenet manus super librum, vel Altare positas, ut mox dicetur de Epistola.

5. In Missa solemnè cùm dicitur *Dominus vobiscum*, et *Oratio*, Diaconus et Subdiaconus stant retrò post Celebrantem. *Flectamus genua*, dicitur à Diacono, à Subdiacono verò, *Levate*, illo primùm genuflectente, hoc primùm surgente. Celebrans verè non genuflectit.

De Epistola, Graduali, et aliis usque ad Offertorium. VI.

DICTIS Orationibus, Celebrans positus super librum, vel super Altare manibus, ita ut palmæ librum tangant, vel (ut placuerit) librum tenens, legit *Epistolam*. intelligibili voce, et respondetur à ministro *Deo gratias*, et similiter stans eodem modo prosequitur *Graduale, Alleluia, et Tractus*, ac *Sequentia*, si dicenda sint. Quibus dictis, Sacerdos si privatim celebret, ipsemet, seu minister portat Missale ad alteram partem Altaris, in cornu Evangelii; dum transit ante medium Altaris, caput Crucis inclinatur, et Missale, sic lecat, ut posterior pars libri respiciat ipsum cornu Altaris, et non ad parietem, sive ad partem ejus contra se directam.

2. Locato Missali in Altari, Celebrans redit ad medium Altaris, ibique stans junctis manibus ante pectus, levatisque ad Deum oculis, et statim demissis, tum profundè inclinatus, dicit secretò *Munda cor meum*, et *Jube, domine, benedicere, Dominus sit in corde meo*, ut in Ordinario. Quibus dictis vadit ad librum Missalis, ubi stans versus illum junctis manibus ante pectus, dicit intelligibili voce *Dominus vobiscum. R. Et cum spiritu tuo*. Deinde pollice dextræ manus signo Crucis signatur, primò librum super principio Evangelii, quod est lecturus, postea seipsum in fronte, ore, et pectore, dicens *Sequentia*, vel *Initium sancti Evangelii*, &c. *R. Gloria tibi, Domine*. Tum junctis iterùm manibus ante pectus, stans ut suprâ, prosequitur Evangelium usque ad finem. Quo finito, minister stans in cornu Epistolæ post infimum gradum Altaris, respondet *Laus tibi, Christe*, et Sacerdos elevans parumper librum, osculatur principium Evangelii, dicens *Per Evangelica dicta*, &c. præterquam in Missis Defunctorum, et nisi celebret coram Summo Pontifice, Cardinali, et Legato Sedis Apostolicæ, vel Patriarcha, Archiepiscopo, et Episcopo, in eorum residentis: quo casu defertur cuilibet prædictorum osculandus liber, et Celebrans tunc non osculatur illum, nec dicit *Per Evangelica dicta*. Cùm

autem nominatur **JESUS**, caput versus librum inclinatur: et eodem modo versus librum genuflectit: cùm in Evangelio est genuflectendum.

3. Dicto Evangelio stans in medio Altaris versus crucem, elevans et extendens manus, incipit (si dicendum sit) *Credo*, cùm dicit *in unum Deum*, jungit manus, et caput Crucis inclinatur: quo erecto, stans ibidem junctis ante pectus manibus, ut priùs, prosequitur usque ad finem. Cùm dicit *Jesum Christum*, caput Crucis inclinatur. Cùm dicit *Et incarnatus est*, usque ad *Et homo factus est* inclusivè, genuflectit. Cùm dicit *simul adoratur*, caput Crucis inclinatur. Cùm dicit *Et vitam venturi sæculi, Amen*, producit sibi manu dextra signum Crucis à fronte ad pectus.

4. In Missa solemnè Subdiaconus circa finem ultimæ Orationis accipit amababus manibus librum Epistolarum, defrensus illum supra pectus, et facta Altari genuflexione in medio, vadit ad partem Epistolæ contra Altare, et cantat Epistolam, quam etiam Celebrans interim submissa voce legit, assistente sibi Diacono à dextris, et item Graduale, Tractum, &c. usque ad *Munda cor meum*, Epistola cantata Subdiaconus facit iterùm genuflexionem Altari in medio, ac redit ad Celebrantem, et genuflectens osculatur ejus manum: et ab eo benedicatur, præterquam in Missis Defunctorum.

5. Postea idem Subdiaconus accipit Missalis Celebrantis, defert ad cornu Evangelii in Altari, et ibi ministrat celebranti, qui in medio Altaris submissa voce, dicto *Munda cor meum*, &c. et deinde lecto Evangelio, quod in finem osculatur, delato etiam per Diaconum libro Evangeliorum ad Altare, imponit incensum in Thuribulum. Postea Diaconus genuflexus ante altare, dicit *Munda cor meum*, et accipiens librum Evangeliorum de Altari, petit benedictionem à Celebrante similiter genuflexus in superiori gradu Altaris, et osculata illius manu, præcedentibus Thuriferario, et duobus Acolythis cum candelabris accensis de credentia sumptis, vadit cum Subdiacono à sinistris ad locum Evangelii contra Altare versus populum, ubi Subdiacono librum tenente, medio inter duos Acolythos tenentes candelabra accensa, dicit *Dominus vobiscum* junctis manibus. Cùm dicit, *Sequentia*, &c. signat librum in principio Evangelii, frontem os et pectus; postea ter librum incensat, hoc est, in medio, à dextris, et à sinistris, et prosequitur Evangelium junctis manibus. Interim Celebrans post datam Diacono benedictionem retrahens se ad cornu Epistolæ, ibi stat junctis manibus. Et cùm Diaconus dicit *Sequentia sancti*

Evangelii, Sacerdos etiam signat se, et cum nominatur JESUS caput inclinatur versus Altare. Finito Evangelio Sacerdos osculatur librum à Subdiacono sibi delatum, dicens *Per Evangelica dicta*, &c. et à Diacono ter incensatur. Si sit coram Prælo in sua residentia, liber defertur ad Prælatum. ut supra, et ille incensatur, ut in Cæremoniali. Postea stans in medio Altaris versus ad Crucem, incipit, si dicendum sit *Credo*, stantibus post eum Diacono, et Subdiacono: deinde ad Altare accedentibus, et cum eo prosequentibus, ut dictum est ad *Gloria in excelsis*.

6. Si autem sit prædicandum, Concionator finito Evangelio prædicat, et sermone sive concione expleta, dicatur *Credo*, vel si non sit dicendum, cantetur *Offertorium*.

7. Cum verò in Symbolo cantatum fuerit, *Et incarnatus est*. Diaconus, accepta bursa de credentia, ambabus manibus eam defert elevatam cum solitis reverentiis ad medium Altaris, in quo explicat Corporale, et revertitur ad Celebrantem. Cum non dicitur *Credo*, Subdiaconus defert bursam simul cum Calice, ut infra dicitur.

8. Si quandoque Celebrans cantat Missam sine Diacono, et Subdiacono, *Epistolam* cantat in loco consueto aliquis Lector super pelliceo indutus. qui in fine non osculatur manum Celebrantis. *Evangelium* autem cantat ipse celebrans ad cornu Evangelii, qui et in fine Missæ cantat *Ite Missa est*, vel *Benedicamus Domino*, aut *Requiescant in pace*.

De Offertorio, et alia usque ad Canonem.
VII.

I. DICTO Symbolo, vel, si non sit dicendum, post Evangelium Celebrans osculatur altare in medio, junctis manibus ante pectus ibidem à manu sinistra ad dextram (ut dictum est supra) verit se ad populum, et extendens, ac jungens manus, dicit *Domine vobiscum*, et junctis manibus revertitur per eandem viam ad medium Altaris, ubi extendens, et jungens manus, caputque Cruci inclinans, dicit *Oremus*, tum junctis ut prius manibus, dicit *Offertorium*, et omnia quæ usque ad finem Missæ in medio Altaris dicenda sunt, dicit ibidem stans versus ad altare, nisi ubi aliter ordinatur.

2. Dicto *Offertorio*, discooperit Calicem, et ad cornu Epistolæ sistit, et manu dextra amovet parvam pallam desuper Hostiam, accipit Patenam cum Hostia, et ambabus manibus usque ad pectus eam elevatam tenens, oculis ad Deum elevatis, et statim demissis dicit *Suscipe, sancte Pater*, &c.

3. Si fuerint aliæ Hostiæ non super Patenam, sed super Corporale, vel in alio Calice, seu vase pro Communionem populi consecrandæ, Calicem illum seu vas dextra discooperit, et intentionem suam etiam ad illas offerendas, et consecrandas dirigens, dicit ut supra, *Suscipe*, &c. ut in Ordine Missæ. Quo dicto, Patenam utraque manu tenens, cum ea facit signum Crucis super Corporale, et deponit Hostiam circa medium anterioris partis Corporalis ante se, et patenam ad manum dextram aliquantulum subtus Corporale: quam exterso Calice, ut dicitur, cooperit purificatorio. Si autem adsit vas, seu Calix cum aliis Hostiis, ipsum cooperit alia patena, vel palla.

4. Deinde in cornu Epistolæ accipit Calicem, purificatorio extergit: et sinistra tenens illius nodum, accipit ampullam vini de manu ministri (qui osculatur ipsam ampullam, non autem manum Celebrantis) et ponit vinum in Calicem. Deinde eodem modo tenens Calicem, producit signum Crucis super ampulla maque, et dicit *Deus, qui humanæ substantiæ*, et infundens parum aquæ in Calice prosequitur *Da nobis per hujus aquæ, et vini mysterium*, &c. Si vero celebrat pro defunctis, non facit signum crucis super aquam, sed imponit absque benedictione, dicens Orationem, ut supra.

5. Imposita aqua in Calice, et finita Oratione prædicta, accipit manu dextra Calicem discooperit, et stans ante medium Altaris, ipsum ambabus manibus elevatum tenens, videlicet cum sinistra pedem, cum dextra autem nodum infra cuppam, intentis ad Deum oculis offert, dicens *Offerimus tibi, Domine*, &c. Qua oratione dicta, facit signum Crucis cum Calice super corporale, et ipsum in medio post Hostiam collocat, et palla cooperit. Deinde junctis manibus super Altare positis, aliquantulum inclinatus dicit secretò *In spiritu humilitatis*, &c. Postea erectus elevans oculos, manusque expandens, et statim jungens ante pectus, (quod semper facit, quando aliquid est benedicturus) dicit *Veni sanctificator*, et cum dicit et *benelic*, signat manu dextra communiter, super Hostiam et Calicem, sinistra posita super Altare.

6. Tum junctis ante pectus manibus accedit ad cornu Epistolæ, ubi stans, ministro aquam fundente lavat manus, id est, extremitates digitorum pollicis, et indicis, dicens Psalmum *Lavabo inter innocentes, cum Gloria Patri*, &c. qui versus *Gloria Patri* præmittitur in Missis Defunctorum, et in Missis de Tempore à Dominica de Passione usque ad Sabbatum sanctum exclusivè.

7. Celebrans lotis manibus eas tergit, et illis ante pectus junctis, revertitur ad me-

dium Altaris ubi stans oculosque ad Deum elevans, et statim demittens, manibus junctis super Altare, aliquantulum inclinatus dicit secretò Orationem *Suscipe, sancta Trinitas, &c.* Qua dicta, manibus hinc inde extensis, et super Altare positis, osculatur illum in medio tum junctis manibus ante pectus, demissi-que oculis ad terram, à sinistra manu ad dextram vertit se ad populum, et versus eum extendens et jungens manus, dicit voce aliquantulum elata, *Orate Fratres, et secretò prosequens ut meum ac vestrum sacrificium.* &c. perficit circumulum revertens junctis manibus ante pectus à manu dextra ad medium Altaris. Et responso à ministro, vel à circumstantibus, *Suscipiat Dominus sacrificium de manibus tuis, &c.* (alioquin per se ipsum dicens *Sacrificium de manibus meis.*) ipse Celebrans submissa voce dicit, *Amen,* et manibus ante pectus extensis, ut fit ad Orationem, stans in medio Altaris versus librum dicit absolutè sine *Oremus,* et siue alia interpositione *Orationem,* vel *Orationes secretas* Cùm dicit *Per Dominum,* jungit manus, cùm dicit *Jesus Christum,* caput inclinat, quod facit in prima Oratione, et in ultima, si plures sint dicendæ.

8. Pervento autem in conclusione ultimæ Secretæ ad verba illa *Per omnia sæcula sæculorum* exclusivè: Sacerdos stans in medio Altaris, depositis super eo manibus hinc inde extensis, dicit convenienti, et intelligibili voce *Præfationem.* Cùm dicit *Sursum corda,* elevat manus, hinc inde extensas usque ad pectus, ita ut palma unius manus respiciat alteram. Cùm dicit *Grazias agamus Domino,* jungit manus, cùm dicit *Deo nostro,* oculos elevat; et statim Cruci caput inclinat. Responso *Dignum et justum est,* elevatis et extensis, ut priùs, manibus, prosequitur *Præfationem* propriam vel communem, ut tempus requirit. Cùm dicit *Sanctus,* junctis ante pectus manibus, et inclinatus, voce mediocri prosequitur: ministro interim parvam campanulam pulsante. Cùm dicit *Benedictus, qui venit in nomine Domini, &c.* erigit se, et signum Crucis sibi producit à fronte ad pectus.

9. In Missa solemnè dicto *Oremus,* Diaconus, et Subdiaconus accedunt ad Altare, in cornu Epistolæ. Diaconus amovet Calicem, si est in Altari, vel si est in credentia, ut magis decet, accipit eum de manu Subdiaconi, qui illum cum patena, et Hostia, coopertum palla et velo, à collo sibi pendente, manu sinistra tenens, et alteram manum superponens velo, ne aliquid decidat, de credentia detulit, comitatus ab Acolytha ampullas vini et aquæ portante: ipse Diaconus Calicem detegit, et dat Patenam eum Hostia celebranti, osculando ejus ma-

num: Subdiaconus extergit Calicem purificatorio. Diaconus accepta ampulla vini de manu Subdiaconi, imponit vinum in Calice. Subdiaconus interim ampullam aquæ ostendens celebranti dicit, *Benedicite, Pater reverende,* qui factò versus eam signo crucis, dicit Orationem, *Deus, qui humaræ, &c.* interim Subdiaconus infundit paululum aquæ in Calicem. Diaconus illum Celebranti dat, et pedem calicis tangens, seu brachium dextrum celebrantis sustentans, cum eo dicit *Offerimus tibi, Domine, &c.* quem postea positum in Altari, ut suprâ palla cooperit. Subdiacono deinde stanti in cornu Epistolæ ponit in dextra manu Patenam, quam cooperit extremitate veli ab ejus humero pendentis, qui vadit post Celebrantem ante medium Altaris, et facta genuflexione ibi stat, sustinens eam elevatam usque ad finem Orationis Dominicæ, ut dicitur. In Missis autem Defunctorum, et in Feria vi Parasceves, Patena non tenetur à Subdiacono.

10. Dicto *Veni sanctificator,* ut suprâ, celebrans, ministrante Diacono naviculam, et dicente *Benedicite, Pater reverende,* ponit incensum in Thuribulum, dicens: *Per intercessionem, &c.* ut in ordine Missæ. Deinde accepto Thuribulo per manum Diaconi, nullam tunc faciens Cruci reverentiam, incensat oblata, ter ducens Thuribulum super calicem, et Hostiam simul in modum crucis, et ter circum Calicem, et Hostiam, scilicet bis à dextra ad sinistram, et semel à sinistra ad dexteram (Diacono interim pedem Calicis tenente manu dextra) dispensans verba in qualibet incensatione, hoc modo: In prima incensatione, *Incensum istud.* In secunda, *à te benedictum.* In tertia, *ascendat ad te, Domine.* In quarta, *Et descendat super nos.* In quinta et sexta, *miserericordiatua* Deinde facta reverentia, incensat Crucem et Altare, ut dictum est suprâ, assistente eodem Diacono, interim dicens *Dirigatur Domine oratio mea, &c.* et cùm incensatur crux, Diaconus amovet Calicem ad partem Epistolæ, et incensata cruce reponit in loco suo. Cùm reddit Thuribulum Diacono, dicit *Accendat in nobis &c.* et incensatur ab eo: deinde Diaconus incensat chorum, et postremò Subdiaconum tenentem Patenam, et ipse Diaconus incensatur à Thuriferario, et Thuriferarius postea incensat Acolythes, et populum. Celebrans postquam incensatus fuerit, lavat manus, ministrantibus Acolythis ampullam aquæ cum pellicula, et manutergio.

11. Cùm dicitur *Præfatio* Diaconus, et Subdiaconus stant retrò post Celebrantem: et paulò antequam dicatur *Sanctus,* accedunt ad Altare, ubi cum Celebrante hinc inde dicunt *Sanctus,* et quæ sequuntur

usque ad *Canonem*. Deinde Diaconus accedit ad sinistram Celebrantis. ei assistens dum dicitur *Canon*, nisi alius Sacerdos assistat, quia tunc ipse staret ad dextram aliquantulum post Celebrantem. Subdiaconus verò tunc stat post Celebrantem.

De Canone Missæ usque ad consecrationem.

VII.

1. FINITA Præfatione, ut supra, Sacerdos stans ante medium Altaris, versus ad illud aliquantulum elevat manus, oculisque elevatis ad Deum, et sine mora devotè demissis, ac manibus junctis, et super altare positis, profundè inclinatus incipit *Canonem*, secretò dicens *Te igitur*, &c. ut in ordine *Missæ*. Cùm dicit *ut accepta habeas, et benedicas*. priùs osculatur Altare in medio, deinde erigit se, et stat junctis manibus ante pectus. Cùm dicit *Hæc dona, hæc munera, hæc sancta sacrificia*, dextra manu signat ter communiter super Hostiam et Calicem. Deinde extensis manibus ante pectus, prosequitur in *primis*, quæ tibi offerimus, &c.

2. Ubi dicit *una cum famulo tuo Papa nostro N.* exprimit nomen Papæ: Sede autem vacante verba prædicta omittuntur. Ubi dicitur *et Antistite nostro N.* specificatur nomen Patriarchæ, Archiepiscopi, vel Episcopi ordinarii in propria diocesi, et non alterius Superioris, etiam si Celebrans sit omnino exemptus, vel sub alterius Episcopi jurisdictione. Si verò Episcopus ordinarius illius loci, in quo Missa celebratur, sit vita functus, prædicta verba omittuntur quæ etiam omittuntur ab iis, qui Romæ celebrant. Si Celebrans est Episcopus, Archiepisc. vel Patriarcha, omissis prædictis verbis, eorum loco dicit *Et me indigno servo tuo*. Summus autem Pontifex cùm celebrat, omissis verbis *una cum famulo tuo Papa nostro N. et Antistite nostro N.* dicit, *una cum me indigno famulo tuo, quem gregi tuo præesse voluisti*. Et continuant omnes, ut sequitur, et omnibus orthodoxis.

3. Cùm dicit *Memento Domine*, elevans, et jungens manus usque ad faciem, vel pectus, sic junctis manibus stat paulisper in quiete, demisso aliquantulum capite, faciens commemorationem vivorum Christi fidelium ad suam voluntatem, quorum nomina si vult, secretò commemoret: non tamen necesse est ea exprimere, sed mente tantum eorum memoriam habeat. Potest enim Celebrans, si pro pluribus orare intendit, ne circumstantibus sit morosus, ante Missam in animo proponere sibi omnes illos tam vivos, quam Defunctos, pro quibus in ipsa Missa orare intendit, et hoc loco generaliter unico contextu ipsorum vivorum commemo-

morationem agere, pro quibus ante Missam orare proposuit in Missa.

4. Commemoratione vivorum facta, demissis et extensis, ut priùs, manibus continuat *Et omnium circumstantium*, &c. Similiter stans prosequitur, *Communicantes*, cùm dicit *Jesu Christi*, caput Cruci inclinatur: in conclusiōne quando dicit. *Per eundem* jungit manus. Cùm dicit, *Hanc igitur oblationem*, expandit manus simul super oblata, ita ut palmæ sint apertæ versus ac supra calicem, et Hostiam. quas sic tenet usque ad illa verba, *Per Christum Dominum nostrum*, tunc enim jungit manus, et sic prosequitur, *quàm oblationem, tu Deus, in omnibus quæsumus*. et cùm dicit *benedictam ad scriptam, ratam* communiter signat ter super Hostiam et Calicem simul: deinde cùm dicit *ut nobis corpus*, separatim signat semel super Hostiam tantum, et cùm dicit *et Sanguis*, semel super Calicem tantum: deinde elevans, et jungens manus ante pectus prosequitur *sicut dilectissimi Filii tui Domini nostri Jesu Christi*: et inclinans caput Cruci, et extergit, si opus fuerit, pollices, et indices super Corporale, et dicit secretò, ut priùs, *Qui præbe quam pateretur*, et accipiens pollice et indice dexteræ manus Hostiam, et eam cum illis ac indice, et pollice sinistræ manus tenens, stans erectus ante medium Altaris, dicit *Accipit panem in sanctas ac venerabiles manus suas*, elevansque ad cælum oculos, et statim demittens, dicit *et elevatis oculis in cælum ad te, Deum Patrem suum omnipotentem*; caputque aliquantulum inclinans, dicit: *tibi gratias agens*, et tenens Hostiam inter pollicem, et indicem sinistræ manus, dextra producit signum Crucis super eam, dicens *bene dixit, fregit, deditque discipulis suis, dicens: Accipite et manducate ex hoc panes*.

5. Si adsit vas cum aliis Hostiis consecrandis atque accipiat Hostiam, discooperit manu dextra Calicem, seu vas aliarum Hostiarum. Cùm autem finierit supradicta verba, cubitus super Altare positus, stans capite inclinato, distinctè, reverenter, et secretò profert verba consecrationis super Hostiam, et simul super omnes, si plures sint consecrandæ, et Hostiam suam pollicibus, et indicibus tantum tenens, dicit *Hoc est enim corpus meum*. Quibus prolatis, Celebrans tenens Hostiam inter pollices, et indices prædictos super Altare, reliquis manuum digitis extensis, et simul junctis (et Hostiis, si plures sint consecratæ, in loco, in quo à principio Missæ positæ sunt, super Corporali, vel in alio vase, aut calice demissis) genuflexus eam adorat. Tunc se erigens, quantum commodè potest, elevat in altum Hostiam, et intentis in eam oculis

(quod et in elevatione Calicis facit) populo reverenter ostendit adorandam et mox sola manu dextra ipsam reverenter reponit super Corporale in eodem loco unde eam levavit, et deinceps pollices, et indices non disjungit, nisi quando Hostiam consecratam tangere, vel tractare debet, usque ad abluitionem digitorum post Communionem.

6. Reposita Hostia consecrata super Corporale, genuflexus ipsam veneratur: si adsit vas aliarum Hostiarum, Patena, vel palla cooperit, ut suprâ. Interim dum Celebrans elevat Hostiam, accenso prius intortitio (quod non extinguitur nisi postquam Sacerdos Sanguinem sumpserit, vel alios communicaverit, si qui erunt communicandi in Missa) minister manu sinistra elevat fimbrias posteriores Planetæ, ne ipsum Celebrantem impediât in elevatione brachiorum, quod et facit in elevatione Calicis: et manu dextra pulsât campanulam ter ad unamquamque elevationem, vel continuatè quousque Sacerdos deponit Hostiam super Corporale, et similiter postmodum ad elevationem Calicis.

7. Celebrans adorato Sacramento surgit, et discooperit Calicem, in quem, si opus sit, extergit digitos, quod semper faciat, si ali-quod fragmentum digitis adhæreat, et stans erectus dicit *Simili modo postquam cœnatum est*, et ambabus manibus accipiens Calicem juxta nodum infra cuppam: et aliquantulum illum elevans, ac statim deponens, dicit *accipiens et hunc præclarum Calicem, &c.* eum dicit *Item tibi gratias agens*, caput inclinât, eum dicit *benedixit*, sinistra Calicem infra cuppam tenens, dextra signat super eum, et prosequens *de illique discipulis suis*, &c. et ambabus manibus tenens Calicem, videlicet sinistra pedem, dextra nodum infra cuppam, cubitis super Altare positus, et capite inclinato protert attentè, continuatè, et secretò, ut suprâ, verba consecrationis Sanguinis: *Hic est enim Calix, &c.* Quibus dictis reponit Calicem super corporale, dicens secretò *Hæc quotiescumque feceritis, &c.* genuflexus Sanguinem reverenter adorât. Tum se erigit, et accipiens Calicem discooperit eum Sanguine ambabus manibus, ut priùs elevat eum, et erectum, quantum commodè potest, ostendit populo adorandum: mox ipsum reverenter reponit super Corporale in locum pristinum, et manu dextra palla cooperit, ac genuflexus Sacramentum veneratur.

8. In Missa solemnè ad finem Præfationis accenduntur duo saltem intortitia ab Acolythis, quæ extinguntur post elevationem Calicis, nisi aliqui sint communicandi, et tunc extinguntur post Communionem. In diebus etiâ jejuniorum, et in Missis pro Defunctis tenentur accensæ usque ad

Communionem. Cùm autem Celebrans dicit *Quam oblationem, &c.* Diaconus accedit ad ejus dexteram, et ibi in superiori gradu altaris genuflexus, cùm Sacramentum elevatur, fimbrias Planetæ elevat, et quando opus est, se erigens Calicem discooperit, et cooperit, et cum Celebrante genuflectit. Subdiaconus genuflectit in loco suo. Thuriferarius genuflexus in cornu Epistolæ ter incensat Hostiam cùm elevatur, et similiter Calicem, posito incenso in Thuribulum absque benedictione. Reposito Calice, Diaconus redit ad librum, nisi alius assistat. Cæteri surgunt, et stant in locis suis.

De Canone, post Consecrationem usque ad Orationem Dominicam. IX.

1. **R**EPOSITO Calice, et adorato. Sacerdos stans antè Altare, extensis manibus ante pectus dicit secretò, *Unde et memores, &c.* cùm dicit *de tuis donis, ac datis* jungit manus ante pectus: et cùm dicit *Hostiam puram, Hostiam sanctam, Hostiam immaculatam*, manu sinistra posita super Altare intra Corporale, dextra signat ter communiter super Hostiam et Calicem, et semel super Hostiam tantum, dicens, *Panem sanctum vitæ æternæ, et Calicem salutis perpetuæ*, deinde stans, ut priùs, extensis manibus prosequitur, *Supra quæ propitio, &c.* Cum dicit *Supplices te rogamus, &c.* inclinât se ante medium Altaris, manibus junctis super illo positus: cùm dicit *ex hac Altaris participatione*, osculatur Altare, manibus hinc inde super Corporale positus. Cùm dicit *sacrosanctum Filii tui*, jungit manus, et dextra signans semel super Hostiam tantum, et semel super Calicem, sinistra super corporale posita, dicit, *Corpus, et sanguinem sumpserimus: et cùm cicit, omni benedictione celesti*, seipsum signat à fronte ad pectus signo Crucis, sinistra posita infra pectus, et prosequitur, *et gratia repleamur.* Cum dicit *Per eundem*, jungit manus.

2. Cum dicit *Memento, Domine, famularum famularumque tuarum, &c.* extensis, et junctis manibus ante pectus, et usque ad faciem elevatis, et intentis oculis ad Sacramentum super Altare, facit commemorationem fidelium Defunctorum, de quibus sibi videtur eodem modo, ut dictum est de commemoratione vivorum. Qua commemoratione facta, stans ut priùs extensis manibus prosequitur *Ipsis, Domine, et omnibus in Christo, &c.* et in fine ad *Per eundem*, jungit manus, et caput inclinât.

3. Cùm dicit *Nobis quoque peccatoribus*, vocem aliquantulum elevat, et dextra manu

pectus sibi percutit, sinistra posita super Corporale, et prosequitur secretò *famulis tuis*, &c. stans manibus extensis, ut prius. Cùm dicit, *Per Christum Dominum nostrum. Per quem hæc omnia, Domine, semper bona creas*, jungit manus ante pectus: deinde manu dextra ter signans communiter super Hostiam, et Calicem, dicit *Sancti ficas, vivi ficas, bene ficas, et præstas nobis*. Postea discooperit manu dextra Calicem, et genuflexus Sacramentum adorat: tum se erigit, et reverenter accipit Hostiam inter pollicem, et indicem dextræ manus, et cum ea super Calicem, quem manu sinistra tenet circa nodum infra cuppam signat ter à labio ad labium dicens: *Per ipsum, et cum ipso, et in ipso*. Et similiter cum Hostia signat bis inter Calicem et pectus incipiens à labio Calicis, et dicit: *Est tibi Deo Patri omnipotenti, in unitate Spiritus Sancti*. Deinde tenens manu dextra Hostiam super Calicem, sinistra Calicem, elevat eum aliquantulum simul cum Hostia, dicens, *omnis honor, et gloria*, et statim utrumque deponens, Hostiam collocat super Corporale, et si opus sit, digitos extergit, ut supra, ac pollices et indices, ut prius jungens, Calicem palla cooperit, et genuflexus Sacramentum adorat.

4. In Missa solemnè cùm Celebrans dicit *Per quem hæc omnia*, &c. Diaconus facta Sacramento genuflexione, accedit ad dexteram Celebrantis, et quando opus est, discooperit Calicem, et cum Celebrante adorat, similiter cooperit, et iterum genuflectit. Cùm incipit *Pater noster*, idem vadit retrò post Celebrantem, facta prius Sacramento genuflexione, ubi stat, dum dicitur Oratio Dominica.

De Oratione Dominica, et aliis usque ad factam Communionem. X.

CELEBRANS cooperto Calice. adorate Sacramento erigit se, et manibus extensis hic inde super Altare intra corporale positus, dicit intelligibili voce, *Per omnia sæcula sæculorum*, et cùm dicit, *Oremus*, jungit manus, caput Sacramento inclinans. Cùm incipit *ater noster*, extendit manus, stans oculis ad Sacramentum intentis prosequitur usque ad finem. Responso à ministro, *Sed libera nos a malo*, et à Celebrante submissa voce, *Amen*, manu dextra pollice, et indice non disjunctis, patenam aliquantulum purificatorio extergens, eam accipit inter indicem et medium digitos, quam tenens super Altare erectam, sinistra super Corporale posita, dicit secretò *Libera nos, quæsumus*, &c.

2. Antequam Celebrans dicat, *Da propitius pacem*, elevat manu dextra Patenam de Altari, et seipsum cum ea signat signo Crucis, dicens: *da propitius pacem in diebus nostris*. Cùm signat se, manum sinistram ponit infra pectus; deinde Patenam ipsam osculatur et prosequens, *ut ope misericordie tue*, &c. submittit Patenam Hostiæ, quam indice sinistro accommodat super Patenam, discooperit Calicem, et genuflexus Sacramentum adorat: tum se erigens, accipit Hostiam inter pollicem et indicem dextræ manus, et cum illis, ac pollice, et indice sinistra manus eam super Calicem tenens, reverenter frangit per medium dicens: *Per eundem Dominum nostrum Jesum Christum Filium tuum*, et mediam partem, quam inter pollicem et indicem dextræ manus tenet, ponit super Patenam, de alia media, quam sinistra manu tenet, frangit cum pollice et indice dextræ manus particulam prosequens, *Qui tecum vivit et regnat*, &c. et eam inter ipsos dextræ manus pollicem, et indicem retinens, partem majorem, quam sinistra tenet, adjungit mediæ super Patenam positæ, interim dicens, *in unitate Spiritus sancti Deus*; et particulam Hostiæ, quam in dextra manu retinuit, tenens, super Calicem, quem sinistra per nodum infra cuppam retinet, intelligibili voce dicit, *Per omnia sæcula sæculorum. R. Amen*, et cum ipsa particula signans ter à labio ad labium Calicis dicit *Pax Domini sit semper vobiscum*, responso per Ministrum *Et cum spiritu tuo*, particulam, quam dextra manu tenet, immittit in Calicem, dicens secretò *Hæc commixtio, et consecratio Corporis*, &c. Deinde pollices et indices super Calicem aliquantulum tergit et jungit, Calicem palla cooperit, et genuflexus Sacramentum adorat, surgit, et stans junctis manibus, ante pectus capite inclinato versus Sacramentum, dicit intelligibili voce *Agnus Dei, qui tollis peccata mundi*, et dextra percutiens sibi pectus, sinistra super Corporale posita, dicit *miserere nobis*, et deinde non jungit manus, sed iterum percutit sibi pectus, cùm dicit secundo *miserere nobis*, quod et tertio facit, cùm dicit *dona nobis pacem*.

3. Tunc manibus junctis super Altare positus, oculisque ad Sacramentum intentis, inclinatus dicit secretò, *Domine Jesu Christe*, &c. Qua Oratione finita, si est daturus pacem, osculatur Altare in medio, et instrumentum pacis ei porrectum à ministro juxta ipsum ad dextram, hoc est, in cornu Epistolæ genuflexo, et dicit, *Pax tecum*, minister respondet, *Et cum spiritu tuo*. Si non adsit, qui hujusmodi instrumentum pacem recipiat à celebrante, pax non datur, etiam si illius datio Missæ conveniat: nec osculatur Altare, sed dicta præmissa Oratione,

statim subjungit alias Orationes, ut in ordine Missæ.

4. Si verò celebret pro Defunctis, non percutit pectus ad *Agnus Dei*, quia dicit, *dona eis requiem*, nec dicit primam Orationem, *Domine Jesu Christe, qui dixisti Apostolis tuis*, &c. non dat pacem, sed dicit alias duas sequentes Orationes, *Domine Jesu Christe, Fili Dei viri*, et *Perceptio Corporis tui*. Quibus Orationibus dictis genuflectens Sacramentum adorat, et se erigens, dicit secretò *Fanem cælestem accipiam*, &c. quo dicto, dextra manu accipit de Patena reverenter ambas partes Hostiæ, et collocat inter pollicem, et indicem sinistræ manus, quibus Patenam inter eundem indicem et medium digitos supponit, et eadem manu sinistra tenens partes hujusmodi super Patenam inter pectus et Calicem, parùm inclinatus, dextra tribus vicibus percutit pectus suum, interim etiã tribus vicibus dicens voce aliquantulùm elevata, *Domine non sum dignus*, &c. secretò prosequitur, *ut intres*, &c. quibus tertio dictis, ex sinistra accipit ambas partes prædictæ Hostiæ inter pollicem, et indicem dextræ manus, et cum illa supra Patenam signat se ipsum signo Crucis, ita tamen. ut Hostia non egrediatur limites Patenæ, dicens, *Corpus Domini nostri Jesu Christi custodiat animam meam in vitam æternam, Amen*. Et se inclinans, cubitibus super Altare positis reverenter easdem ambas partes sumit, quibus sumptis, deponit Patenam super Corporale. et erigens se junctis indicibus, et pollicibus, ambas quoque manus ante faciem jungit, et aliquantulùm quiescit in meditatione sanctissimi Sacramenti. Deinde depositis manibus, dicit secretò *Quid retribuam Domino pro omnibus, quæ retribuit mihi?* et interim discooperit Calicem, genuflectit, surgit, accipit Patenam, inspicit Corporale, colligit fragmenta cum Patena, si quæ sint in eo, Patenam quoque diligenter cum pollice, et indice dextræ manus super Calicem extergit, et ipsos digitos, ne quid fragmentorum in eis remaneat.

5. Si verò adsint Hostiæ consecratæ super Corporale positæ pro alio tempore conservandæ, facta priùs genuflexione reponit eas in vas ad hoc ordinatum, et diligenter advertit, ne aliquod fragmentum. quantumcumque minimum, remaneat super Corporale: quod si fuerit, accuratè reponit in Calicem. Post extersionem Patenæ, junctis pollicibus, et indicibus Calicem dextra manu infra nodum cuppæ accipit, sinistra Patenam, dicens, *Calicem salutaris*, &c. et signans se signo Crucis cum Calice, dicit *Sanguis Domini nostri*, &c. et manu sinistra supponens Patenam Calici stans reverenter, sumit totum Sanguinem cum particula in

Calice posita. Quibus sumptis dicit secretò. *Quod ore sumpsimus*, &c. et super Altare porrigit Calicem ministro in cornu Epistolæ. quo vinum infundente, se purificat: deinde vino, et aqua abluit pollices, et indices super Calicem, quos abstergit purificatorio, interim dicens *Corpus tuum, Domine, quod sumpsimus*, &c. Ablutionem sumit, et extergit os, et Calicem purificatorio; quo facto, purificatorium extendit super Calicem, et desuper Patenam, ac super Patenam parvam pallam, et plicato Corporali, quod reponit in bursam, cooperit calicem velo, et bursam desuper ponit, et collocat in medio Altaris, ut in principio Missæ.

6. Si qui sint communicandi in Missa, Sacerdos post sumptionem Sanguinis antequam se purificet, facta genuflexione ponat particulas consecratas in pyxide, vel si pauci sint communicandi, super Patenam, nisi à principio positæ fuerint in Pyxide, seu alio calice. Interim minister ante eos extendit linteam, seu velum album, et pro eis facit confessionem, dicens *Confiteor Leo*, &c. Tum Sacerdos iterum genuflectit, et manibus junctis vertens se ad populum in cornu Evangelii, dicit *Misereatur vestri*, et *Indulgentiam, absolutionem, et remissionem peccatorum vestrorum*, &c. et manu dextra facit signum Crucis super eos. Postea genuflectens, accipit manu sinistra pyxidem, seu Patenam cum Sacramento, dextra verò sumit unam particulam, quam inter pollicem, et indicem tenet aliquantulùm elevatam super pyxidem, seu Patenam, et conversus ad communicandos in medio Altaris, dicit *Ecce Agnus Dei, ecce qui tollit peccata mundi*. Deinde dicit *Domine, non sum dignus, ut intres sub tectum meum, sed tantum dic verbo, et sanabitur anima mea*. Quibus verbis tertio repetitis, accedit ad eorum dextram, hoc est ad latus Epistolæ, et unicuique porrigit Sacramentum, faciens cum eo signum Crucis super pyxidem, vel Patenam, et simul dicens: *Corpus Domini nostri Jesu Christi custodiat animam tuam in vitam æternam. Amen*. Omnibus communicatis, revertitur ad Altare, nihil dicens: et non dat eis benedictionem: quia illam daturus est in fine Missæ. Si particula positæ erant super Corporale, extergit illud cum Patena, et si qua in eo fuerint fragmenta, in Calicem immitit. Deinde dicit secretò *Quod ore sumpsimus, Domine*, &c. se purificat dicens: *Corpus tuum, Domine, quod sumpsimus*, et alia facit ut supra. Minister autem dextra manu tenens vas cum vino et aqua, sinistra verò mappulam, aliquantò post Sacerdotem, eis porrigit purificationem et mappulam ad os abstergendum.

7. Si in Altari remaneant particule in

Calice, seu in alio vase usque ad finem Missæ, serventur ea, quæ Feria v, in Cœna Domini præscribuntur circa finem Missæ.

8. In Missa solemnî Diaconus stans retrò post Celebrantem, cùm in Oratione Dominica dicitur: *Et dimitte nobis debita nostra*, facta ibidem genuflexione vadit ad dextram Celebrantis, et Subdiaconus circa finem Orationis Dominicæ, facta itidem genuflexione revertitur ad Altare, et stans in cornu Epistolæ, porrigit Patenam Diacono, qui eam discooperit, et purificatorio abstergens dat Celebranti, illius manum osculando, et quando opus est, discooperit, et cooperit Calicem, et cum Celebrante adorat. Subdiaconus reddita Patena, et deposito velo, quod ab humeris ejus pendeat, genuflectit, et descendit retrò post Celebrantem: et cùm dicitur, *Pax Domini*, iterùm genuflectens accedit ad sinistram Celebrantis, et simul dicunt, *Agnus Dei*, deinde facta ibidem Sacramento genuflexione, redit post Celebrantem. Diaconus verò à dextris genuflexus expectat pacem, et cùm Celebrans osculatur Altare, ipse se erigens simul osculatur illud extra Corporale, et à Celebrante dicente, *Pax tecum*, complexus accipit pacem sinistris genis sibi invicem appropinquantibus, et ei respondet, *Ei cum spiritu tuo*. Postea iterùm Sacramento in Altari adorado, vertit se ad Subdiaconum retrò post Celebrantem, et similiter dat ei pacem Subdiaconus accepta pace à Diacono, et facta Altari genuflexione, comitatus ab Acolyto vadit ad Chorum, et dat pacem primo cujusque ordinis, dignioribus prius, deinde minoribus dignis, et reversus ad Altare, facta genuflexione dat pacem Acolyto, qui ipsum comitaverat, qui et aliis Acolythis circa Altare dat Pacem: ac deinde Subdiaconus vadit ad dextram Celebrantis, et quando opus est, discooperit Calicem, accipit ampullam vini, et infundit quando Celebrans vult purificare. Diaconus post datam pacem Subdiacono vadit ad librum, et dum Celebrans se communicat, stant ipse et Subdiaconus profundè inclinati versus Altare.

9. In Missa Pontificali Assistens accipit, et defert pacem, ut in Cæremionali habetur. Si in Missa solemnî fiat Communio, omnia serventur ut suprâ, sed prius communicet Diaconum, et Subdiaconum, deinde alios per ordinem: et Diaconus purificationem eis ministret. Interim à Choro cantatur Antiphona, quæ dicitur, *Communi*.

De Communionem, et Orationibus post Communionem dicendis. XI.

CELEBRANTE purificato, dum Calicem collocat in Altari, liber Missalis defertur per ministrum ad cornu Epistolæ, et collocatur ut in Introitu. Ipse autem

minister genuflectit juxta cornu Evangelii, ut in principio Missæ. Deinde Celebrans stans junctis manibus legit *Antiphonam*, quæ dicitur *Communi*, qua lecta, junctis itidem manibus ante pectus vadit ad medium Altaris, et eo osculato vertit se ad populum à manu sinistra ad dexteram, et dicit, *Dominus vobiscum*, et per eandem viam redit ad librum, dicit *Orationes post Communionem*, eisdem modo, numero, et ordine, ut suprâ dicte sunt collectæ. Quibus finitis, claudit librum, et jungens manus ante pectus, revertitur ad medium Altaris, ubi eo osculato vertit se ad populum, et dicit, ut suprâ *Dominus vobiscum*, quo dicto, stans junctis manibus ante pectus versus populum dicit si dicendum est, *Ite Missa est*, et per eandem viam revertitur ad Altare. Si verò non sit dicendum, dicto *Dominus vobiscum*, revertitur eodem modo per eandem viam ad medium Altaris, stans versus ad illud, junctis autem pectus manibus, dicit, *Benedicamus Domino*. In Missis autem Defunctorum eodem modo stans versus Altare dicit, *Requiescant in pace*.

2. In Quadragesima autem à Feria quarta Cinerum usque ad Feriam quartam majoris Hebdomadæ, in feriali Officio postquam Celebrans dixit Orationes post Communio nem cum suis solitis conclusionibus antequam dicat, *Dominus vobiscum*, stans in eodem loco ante librum dicit: *Oremus, Humiliate capita vestra Deo*, caput inclinans, et extensis manibus subjungit eadem voce *Orationem super populum*, ibidem positam: quæ finita osculatur Altare, et vertens se ad populum dicit, *Dominus vobiscum*, et alia ut suprâ.

3. In Missa solemnî Diaconus defert librum Missalis ad cornu Epistolæ: deinde vadit retrò post Celebrantem: Subdiaconus verò vadit ad cornu Evangelii ubi Calicem mundat, aptat cum Purificatorio, Patena, et palla cooperit, plicat Corporale, reponit in bursam, et illam ponit super Calicem coopertum velo, quem collocat in Altari, vel super Credentia, ut prius: postea redit ad locum suum retrò post Diaconum, qui cura dicit, *Ite Missa est*, cum Celebrante vertit se ad populum: et in Quadragesima dicto per Celebrantem, *Oremus*, Diaconus in cornu Epistolæ vertens se ad Populum junctis manibus dicit ut suprâ, *Humiliate*, &c quo dicto vertit se versus Altare à tergo Celebrantis, ei Celebrans dicit Orationem super populum.

De benedictione in fine Missæ, et Evangelio sancti Joannis. XII.

DICTO, *Ite Missa est*, vel *Benedicamus Domino* ut suprâ, Celebrans ante medium Altaris stans junctis manibus super

eo, et capite inclinato, dicit secretò, *Placeat tibi, sancta Trinitas, &c.* quo dicto, extensis manibus hinc inde super Altare positus, ipsum in medio osculatur: tum erigens se, adhuc stans versus illud, elevat ad cælum oculos et manus, quas extendit, et jungit, caputque Crucis inclinans, dicit voce intelligibili, *Benedicat vos Omnipotens Deus*, et junctis manibus, ac demissis ad terram oculis, vertens se ad populum à sinistro latere ad dextrum, extensa manu dextra, junctisque digitis, et manu sinistra infra pectus posita, semel benedicit populo, dicens: *Pater, et Filius, et Spiritus sanctus*, R. *Amen*, et circulum perficiens accedit ad cornu Evangelii, ubi dicto. *Domine vobiscum*, et R. *Et cum spiritu tuo*, pollice dextro signans primum signo Crucis Altare, seu librum in principio Evangelii, deinde frontem, os, et pectus, dicit, *Initium sancti Evangelii secundum Joannem*, vel *Sequentia S. Evangelii*, ut dictum est in Rubricis generalibus, et R. *Gloria tibi Domine*, junctis manibus legit Evangelium, *In principio*, vel aliud, ut convenit. Cùm dicit, *Et Verbum caro factum est*, genuflectit versus cornu Evangelii, et surgens prosequitur ut priùs, quo finito, minister stans à parte Epistolæ respondet, *Deo gratias*.

2. Si Celebrans in Altari vertit faciem ad populum, non vertit se, sed stans, ut erat, benedicit populo, ut suprâ in medio Altaris: deinde, accedit ad cornu Evangelium S. Joannis.

5. Si celebravit coram summo Pontifice, Cardinale, et Legato Sedis Apostolicæ, vel Patriarcha, Archiepiscopo, et Episcopo in Provincia, Civitate, vel diœcesi sua existente, Celebrans dicto, *Placeat tibi, sancta Trinitas, &c.* dicit, *Benedicat vos omnipotens Deus*, et convertens se ad summum Pontificem genuflexus, ad Cardinalem verò, et Legatum, vel alium ex supradictis Prælati, capite inclinato, quasi licentiam benedicendi petens, prosequitur, *Pater, et Filius, et Spiritus Sanctus*, benedicens astantes à parte, ubi non adest Pontifex, Cardinalis, Legatus, aut Prælati prædicti. Si autem celebravit coram Patriarcha, Archiepiscopo, et Episcopo, extra eorum provinciam, civitatem, vel diœcesim constitutis, eis absque alio respectu, ut cæteris, qui intersunt, more consueto benedicit.

4. Si autem celebravit pro Defunctis, dicto *Placeat tibi sancta Trinitas*, ut suprâ, et osculato Altari, accedit ad cornu Evangelii, et dicit Evangelium sancti Joannis prætermittit benedictione, quæ in Missis Defunctorum non datur.

5. Finito Evangelio in fine Missæ, si

celebravit coram Summo Pontifice, Cardinale, et Legato Sedis Apostolicæ, vel Patriarcha, Archiepiscopo, et Episcopo, convertit se ad illum, coram quo ex prædictis celebravit, et facit reverentiam convenientem. Si non celebravit coram aliquo prædictorum hujusmodi reverentiam prætermittit.

6. Quibus omnibus absolutis, extinguuntur per ministrum candelæ, interim sacerdos accipit sinistra calicem, dextram ponens super bursam, ne aliquid cadat, descendit ante infimum gradum Altaris. et ibi in medio vertens se ad illud, caput inclinat, (vel, si in eo est Tabernaculum sanctissimi Sacramenti genuflectit,) et facta reverentia, accipit biretum à ministro, caput cooperit, ac præcedente eodem ministro eo modo quo venerat, redit ad Sacristiam, interim dicens Antiphonam, *Trium puerorum* et Canticum *Benedicite*. Si verò sit dimissurus paramenta apud Altare, ubi celebravit, finito Evangelio prædicto ibidem illis se exiit, et dicit Antiphonam *Trium puerorum*, cum Cantico, et aliis Orationibus, ut suo loco ponuntur.

7. In Missa solemnî Celebrans eadem voce et modo, quo in Missis privatis, semel tantùm benedicit populo, nisi sit Episcopus: et dicto Evangelio secundùm Joannem, vel alio ut suprâ, ministrante Subdiacono librum, si opus est, discedit cum ministris ordine, et modo quo venerat.

8. Episcopus autem ter benedicit populo etiam in Missis privatis, ut in Cæremoniali habetur.

De his, quæ omittuntur in Missa pro Defunctis. XIII.

IN Missa pro Defunctis ante Confessionem non dicitur Psalmus, *Judica me Deus*, sed pronuntiata Antiphona, *Introibo ad Altare Dei*, et responso à ministro, *Ad Deum, qui lætificat, &c.* dicitur *Adjutorium nostrum, et Confessio*, cum reliquis, ut suprâ. Cùm Celebrans ad Altare incipit *Introitum* non signat se, sed manu dextra extensa, facit signum Crucis super librum, quasi aliquem benedicens. Non dicitur *Gloria Patri*, sed post Psalmum repetitur, *Requiem æternam*, nec dicitur *Gloria in excelsis*, nec *Alleluia*, nec *Jube domine benedicere*, nec *Domine sit in corde meo*: nec osculatur librum in fine. Non dicitur *Credo*, non benedicitur aqua in Calicem fundenda: dicitur tamen Oratio, *Deus, qui humanæ substantiæ, &c.* Cùm lavat manus, in fine Psalmi *Lavabo inter innocentes*, non dicitur *Gloria Patri*, *Ad Agnus Dei*, non dicitur, *miserere nobis*, cujus loco dicitur, *dona eis requiem*, nec tertio, *dona nobis pacem*, cujus loco dicitur, *dona eis requiem sempiternam*, neque percutitur pec-

tus. Non dicitur prima Oratio ante Communionem. scilicet, *Domine Jesu Christe, qui dixisti Apostolis tuis, &c.* nec datur pax. In fine non dicitur, *Ite Missa est, nec Benedicamus Domino, sed Requiescant in pace.* Et non datur benedictio: sed dicto *Placeat*, et osculato Altari, dicitur ut supra, *In principio erat Verbum, &c.* Alia omnia ut in aliis Missis.

2. In Missa solemni non incensatur Altare ad Introitum, et Subdiaconus finita Epistola non osculatur manum Celebrantis, nec benedicitur Diaconus, non petit benedictionem. nec osculatur Celebrantis manum: non tenentur luminaria ad Evangelium, nec portatur incensum, sed duo tantum Acolythi sine candelabris stant unus à dextris et alter à sinistris Subdiaconi tenentis librum Evangeliorum. Non incensatur liber, nec in fine Celebrans, nec defertur liber Evangeliorum osculandus. Oblata et Altare incensantur ut supra: incensatur solus Celebrans, et non incensantur alii. Subdiaconus non tenet Patenam post Celebrantem, sed tempore elevationis Sacramenti genuflexus in cornu Epistolæ illud incensat. Ministri cum aliquid porrigunt Celebranti, in hac Missa non osculantur ejus manum, neque rem, quæ porrigitur.

3. Si distribuendæ sunt candelæ, distribuuntur post Epistolam, et accendantur ad Evangelium, ad elevationem Sacramenti, et post Missam dum fit absolutio. Si habendus est sermo, habeatur, finita Missa ante Absolutionem.

4. Finita Missa, si faciendæ est Absolutio, Celebrans retrahit se ad cornu Epistolæ, ubi exiit casula, et depositò Manipulo, accipit Pluviale Nigrum. Subdiaconus medius inter duos Acolythos cum candelabris accensis defert Crucem sicut in Processionibus, præcedentibus duobus aliis Acolythis, uno cum Thuribulo et navicula incensi, alio cum vase aquæ benedictæ, et aspersione: sequitur Celebrans, facta prius Altari reverentia, et Diaconus à sinistris ejus. Subdiaconus cum Cruce sistit se ad pedes tumuli, seu lecticæ mortuorum contra Altare, medius inter dictos Acolythes tenentes luminaria: Celebrans verò ex alia parte in capite loci inter Altare, et tumulum aliquantulum versus cornu Epistolæ, ita ut Crucem Subdiaconi respiciat: à sinistris ejus Diaconus; et prope eum alii duo Acolythi deferentes Thuribulum, et vas aquæ benedictæ. Interim cantantur *R. Libera me Domine*, et circa illius finem Celebrans ponit incensum in Thuribulum, benedicens illud more solito, ministrante Diacono naviculam: et finito *Kyrie eleison*, incipit intelligibili voce, *Pater noster*, et

secretè prosequendo reliqua, accipit aspersorium de manu Diaconi, et facta Altari reverentia, comitante eodem Diacono à dextris, et tenente fimbriam anteriorem Pluvialis, circueiens tumulum, aspergit illum aqua benedicta, ter à parte dextra, et ter à sinistra. Cum transit ante Crucem, profundè inclinat, Diaconus verò genuflectit, postea de manu ejusdem Diaconi accipit Thuribulum, et eodem modo quo asperserat, incensat. Et rediens ad pristinum locum Diacono tenente librum junctis manibus, dicit:

✠. Et ne nos inducas in tentationem.

R. Sed libera nos a malo.

✠. A porta inferi.

R. Erue Domine animam ejus.

✠. Requiescat in pace. R. Amen.

✠. Domine exaudi orationem meam.

R. Et clamor meus ad te veniat.

✠. Dominus vobiscum.

R. Et cum spiritu tuo.

Oremus.

ABSOLVE, quæsumus Domine, animam famuli tui N. ab omni vinculo delictorum: ut in resurrectionis gloria, inter Sanctos, et electos tuos resuscitatus respiret. Per Christum Dominum nostrum. R. Amen.

Deinde celebrans faciens Crucem manu dextera super tumulum dicit: ✠. Requiem æternam dona ei Domine.

R. Et lux perpetua luceat ei.

Et dicto per Cantores. Requiescat in pace et R. Amen. Præcedente Cruce redit cum aliis ad Sacristiam.

Si officium fit pro pluribus Defunctis, omnia dicantur in numero plurali.

DE DEFECTIBUS

*In Celebratione Missarum
occurrentibus.*

SACERDOS celebraturus, omnem adhibeat diligentiam, ne desit aliquid ex requisitis ad Sacramentum Eucharistiæ conficiendum. Potest autem defectus contingere ex parte materiæ consecrandæ, et ex parte formæ adhibendæ, et ex parte ministri conficientis. Quidquid enim horum deficit, scilicet materia debita, forma cum intentione, et Ordo Sacerdotalis in conficiente, non conficitur Sacramentum. Et his existentibus, quibuscumque aliis deficientibus, veritas adest Sacramenti. Alii verò sunt defectus, qui in Missæ celebratione occurrentes, et si veritatem Sacramenti

non impediunt: possunt tamen aut cum peccato, aut cum scandalo contingere.

De defectibus materiæ. II.

DEFECTUS ex parte materiæ possunt contingere, si aliquid desit ex iis, quæ ad ipsam requiruntur. Requiritur enim ut sit panis triticeus, et vinum de vite: et ut hujusmodi materia consecranda in actu consecrationis sit coram Sacerdote.

De defectu panis. III.

Si panis non sit triticeus, vel si triticeus, admixtus sit granis alterius generis in tanta quantitate, ut non maneat panis triticeus, vel si alioqui corruptus, non conficitur Sacramentum.

2. Si sit confectus de aqua rosacea, vel alterius distillationis, dubium est an conficiatur.

3. Si cæperit corrumpi, sed non sit corruptus: similiter si non sit azymus, secundum morem Ecclesiæ Latinæ; conficitur, sed conficiens graviter peccat.

4. Si Celebrans ante consecrationem advertit Hostiam esse corruptam, aut non esse triticeam, remota illa Hostia, aliam ponat et facta oblatione, saltem mente concepta, prosequatur ab eo loco, ubi desivit.

5. Si id advertit post consecrationem, etiam post illius Hostiæ sumptionem posita alia, faciat oblationem, ut supra. et à consecratione incipiat, scilicet ab illis verbis: *Qui pridie quam pateretur*, et illam priorem si non sumpsit,umat post sumptionem Corporis, et Sanguinis, vel alii sumendam tradat, vel alicubi reverenter conservet. Si autem sumpsit, nihilominusumat eam, quam consecravit: quia præceptum de perfectione Sacramenti majoris est ponderis, quam quòd à jejunis sumatur.

6. Quòd si hoc contingat post sumptionem Sanguinis, apponi debet rursus novus panis, et vinum cum aqua, et facta prius oblatione, ut supra, Sacerdos consecret, incipiendo ab illis verbis, *Qui pridie*, ac statimumat utrumque, et prosequatur Missam: ne Sacramentum remaneat imperfectum, ut et debitus servetur ordo.

7. Si Hostia consecrata disparet, vel casu aliquo, ut vento, aut miraculo, vel ab aliquo animali accepta, et nequeat reperiri; tunc altera consecratur, ab eo loco incipiendo, *Qui pridie quam pateretur*, facta ejus prius oblatione, ut supra.

De defectu vini. IV.

Si vinum sit factum penitus acetum, vel penitus putridum, vel de uvis acerbis,

seu non maturis expressum, vel ei admixtum tantum aquæ et vinum sit corruptum; non conficitur Sacramentum.

2. Si vinum cæperit acescere, vel corrumpi, vel fuerit aliquantum acre, vel mustum de uvis tunc expressum, vel non fuerit admixta aqua, vel fuerit admixta aqua rosacea, seu alterius distillationis; conficitur Sacramentum, sed conficiens graviter peccat.

3. Si Celebrans ante consecrationem Sanguinis, quamvis post consecrationem Corporis advertat aut vinum, aut aquam, aut utrumque non esse in Calice, debet statim apponere vinum cum aqua, et facta oblatione, ut supra, consecrare, incipiendo ab illis verbis, *Simili modo*, &c.

4. Si post verba consecrationis, advertat vinum non fuisse positum, sed aquam; deposita aqua in aliquod vas, iterum vinum cum aqua ponat in Calice, et consecret, resumendo à verbis prædictis, *Simili modo*, &c.

5. Si hoc advertat post sumptionem Corporis, vel hujusmodi aquæ; apponat aliam Hostiam iterum consecrandam, et vinum cum aqua in Calice, offerat utrumque et consecret, etumat, quamvis non sit jejunus, Vel, si Missa celebretur in loco publico, ubi plures adsint, ad evitandum scandalum poterit apponere vinum cum aqua, et facta oblatione, ut supra, consecrare, ac statim sumere, et prosequi cetera.

6. Si quis percipiat ante consecrationem, vel post consecrationem, totum vinum esse acetum, vel aliàs corruptum, idem servetur quòd supra, ac si deprehenderet non esse positum vinum, vel solam aquam fuisse appositam in Calice.

7. Si autem Celebrans ante consecrationem Calicis advertat non fuisse appositam aquam, statim ponat eam, et proferat verba consecrationis. Si advertat post consecrationem Calicis, nullo modo apponat, quia non est de necessitate Sacramenti.

8. Si materia quæ esset apponenda, ratione defectus vel panis, vel vini, non posset ullo modo haberi, si id sit ante consecrationem Corporis, ulterius procedi non debet: si post consecrationem Corporis, aut etiam vini, deprehenditur defectus alterius speciei, altera jam consecrata: tunc si nullo modo haberi possit, procedendum erit, et Missa absolvenda, ita tamen ut prætermittantur verba, et signa, quæ pertinent ad speciem deficientem. Quòd si expectando aliquamdiu haberi possit, expectandum erit, ne sacrificium remaneat imperfectum.

De defectibus formæ. V.

DEFECTUS ex parte formæ possunt contingere, si aliquid desit ex iis, quæ ad integritatem verborum in ipsa consecra-

tione requiruntur. Verba autem consecrationis, quæ sunt forma hujus Sacramenti, sunt hæc: *Hoc est enim Corpus meum.* Et, *Hic est enim Calix Sanguinis mei, novi et æterni testamenti: mysterium fidei: qui pro vobis et pro multis effundetur in remissionem peccatorum.* Si quis autem aliquid diminuerit, vel immutaret de forma consecrationis Corporis, et Sanguinis, et in ipsa verborum immutatione verba idem non significarent, non conficeret Sacramentum. Si verò aliquid adderet, quod significationem non mutaret, conficeret quidem, sed gravissimè, peccaret.

2. Si Celebrans non recordetur se dixisse ea, quæ in consecratione communiter dicuntur, non debet propterea turbari. Si tamen certò ei constet, se omisisse aliquid eorum, quæ sunt de necessitate Sacramenti, id est, formam consecrationis, seu partem, resumat ipsam formam, et cetera prosequatur per ordinem. Si verò validè probabiliter dubitat se aliquid essentialè omisisse, iteret formam saltem sub tacita conditione. Si autem non sunt de necessitate Sacramenti, non resumat, sed procedat ulteriùs.

De defectibus ministri. VI.

DEFECTUS ex parte Ministri possunt contingere quoad ea, quæ in ipso requiruntur. Hæc autem sunt: In primis intentio, deinde dispositio animæ, dispositio corporis, dispositio vestimentorum, dispositio in ministerio ipso, quoad ea, quæ in ipso possunt occurrere.

De defectu intentionis. VII.

SI quis non intendit conficere, sed delusoriè aliquid agere. Item si aliquæ Hostiæ ex oblivione remaneant in Altari, vel aliqua pars vini, vel aliqua Hostia lateat, cum non intendat consecrare nisi quas videt. Item si quis habeat coram se undecim Hostias, et intendat consecrare solùm decem, non determinans quas decem intendit, in his casibus non consecrat, quia requiritur intentio. Secus si putans quidem esse decem, tamen omnes voluit consecrare, quas coram se habeat: nam tunc omnes erunt consecratæ: atque idèo quilibet Sacerdos talem semper intentionem habere deberet, scilicet consecrandi eas omnes, quas ante se ad consecrandum positas habet.

2. Si Sacerdos putans se tenere unam Hostiam, post consecrationem inveniit fuisse duas simul junctas, in sumptione sumat simul utramque.—Quòd si deprehendat post sumptionem Corporis, et Sanguinis, aut

etiam post ablutioem reliquias aliquas relictas consecratas, eas sumat, sive parvæ sint, sive magnæ, quia ad idem sacrificium spectant.

3. Si verò relicta sit Hostia integra consecrata, eam in tabernaculo cum aliis reponat: si hoc fieri nequit, sequenti Sacerdoti ibi celebraturo in Altari supra Corporale decenter opertam, sumendam unà cum altera, quam est consecraturus, relinquat, vel si neutrum horum fieri possit, in ipso Calice seu Patena decenter conservet, quousque vel in tabernaculo reponatur, vel ab altero sumatur; quòd si non habeat quomodo honestè conservetur, potest eam ipsemet sumere.

4. Si intentio non sit actualis in ipsa consecratione propter evagationem mentis, sed virtualis, cum accedens ad Altare intendat facere quod facit Ecclesia, conficitur Sacramentum, et sic curare debet Sacerdos, ut etiam actualem intentionem adhibeat.

De defectibus dispositionis animæ. VIII.

SI quis suspensus, excommunicatus, degradatus, irregularis, vel aliàs canonicè impeditus, celebret: conficit quidem Sacramentum, sed gravissimè peccat, tam propter Communionem, quam indignè sumit, quam propter executionem Ordinum, quæ sibi erat interdicta.

2. Si quis habens copiam Confessoris celebret in peccato mortali, graviter peccat.

3. Si quis autem in casu necessitatis non habens copiam Confessoris, in peccato mortali absque contritione celebret, graviter peccat, secus si conteratur: debet tamen cum primùm poterit confiteri.

4. Si in ipsa celebratione Missæ, Sacerdos recordetur se esse in peccato mortali, conteratur cum proposito confitendi, et satisfaciendi.

5. Si recordetur se esse excommunicatum, vel suspensum, aut locum esse interdictum: similiter conteratur cum proposito petendi absolutionem. Ante consecrationem autem in supradictis casibus, si non timetur scandalum, debet Missam inceptam deserere.

De defectibus dispositionis corporis. IX.

SI quis non est jejunos post mediam noctem etiam post sumptionem solius aquæ, vel alterius potus, aut cibi, per modum etiam medicinæ, et in quantumcumque parva quantitate, non potest communicare, nec celebrare.

2. Si autem ante mediam noctem cibum, aut potum sumpserit, etiam si postmodum

non dormierit; nec sit digestus, non peccat: sed ob perturbationem mentis, ex qua devotio tollitur, consulitur aliquando abstinendum.

3. Si reliquiæ cibi remanentes in ore transglutiantur, non impediunt Communionem, cum non transglutiantur per modum cibi, sed per modum salivæ. Idem dicendum si lavando os deglutiatur stilla aquæ præter intentionem.

4. Si plures Missas in una die celebret, ut in Nativitate Domini, in unaquaque Missa abluat digitos in aliquo vase mundo, et in ultima tantum percipiat purificationem.

5. Si præcesserit pollutio nocturna, quæ causata fuerit ex præcedenti cogitatione, quæ sit peccatum mortale, vel evenerit propter nimiam crapulam, abstinendum est à communionem, et celebrationem, nisi aliud Confessario videatur. Si dubium est, an in præcedenti cogitatione fuerit peccatum mortale, consulitur abstinendum, extra tamen casum necessitatis. Si autem certum est non fuisse in illa cogitatione peccatum mortale, vel nullam fuisse cogitationem, sed evenisse ex naturali causa, aut ex diabolica illusionem, potest communicare, et celebrare, nisi ex illa corporis commotione tanta evenerit perturbatio mentis, ut abstinendum videatur.

De defectibus in ministerio ipso occurrentibus. X.

POSSUNT etiam defectus occurrere in ministerio ipso, si aliquid ex requisitis ad illud desit: ut si celebretur in loco non sacro, vel non deputato ab Episcopo. vel in Altari non consecrato, vel tribus mappis non cooperto; si non adsint luminaria cerea; si non sit tempus debitum celebrandi, quod est ab aurora usque ad meridiem communiter: si celebrans: saltem Matutinum cum Laudibus non dixerit; si omittat aliquid ex vestibus sacerdotalibus: si vestes sacerdotales, et mappæ non sint ab Episcopo, vel ab alio hanc habente potestatem benedictæ: si non adsit clericus, vel alius deserviens in Missa, vel adsit, qui deservire non debet. ut mulier: si non adsit Calix cum Patena conveniens, cujus cuppa debet esse aurea, vel argentea, vel stannea; non aerea, vel vitrea: si Corporalia non sint munda, quæ debent esse ex lino, nec serico in medio ornata, et ab Episcopo vel ab alio hanc habente potestatem benedicta, ut etiam superius dictum est; si celebret capite cooperto sine dispensatione; si non adsit Missale, licet memoriter sciret Missam, quam intendit dicere.

2. Si Sacerdote celebrante, violetur Ecclesia ante Canonem, dimittatur Missa:

si post Canonem, non dimittatur. Si timeatur incursus hostium, vel alluvionis, vel ruina ruina loci, ubi celebratur, ante consecrationem dimittatur Missa post consecrationem verò sacerdos accelerare poterit sumptionem Sacramenti omissis omnibus aliis.

5. Si sacerdos ante consecrationem graviter infirmetur, vel in syncopen incidit, aut moriatur, prætermittitur Missa: si post consecrationem Corporis tantum, ante consecrationem Sanguinis, vel utroque consecrato id accidit, Missa per alium sacerdotem expleatur ab eo loco, ubi ille desit, et in casu necessitatis etiam per non jejunum: si autem non obierit, sed fuerit infirmus adeò tamen ut possit communicare, et non adsit alia Hostia consecrata, sacerdos qui Missam supplet, dividat Hostiam, et unam partem præbeat infirmo, aliam ipse sumat, Si autem semiprolata forma corporis obiit sacerdos, quia non est facta consecratio, non est necesse, ut Missa per alium suppleatur. Si verò obierit semiprolata forma Sanguis, tunc alter prosequatur Missam, et super eundem Calicem repetat integram formam ab eo loco. *Simili modo postquam cœnatum est*, vel posset super alium Calicem præparatum integram formam proferre, et Hostiam primi sacerdotis, et Sanguinem à se consecratum sumere, ac deinde Calicem relictum semiconsecratum.

4. Si quis extra hujusmodi casus necessitatis, integra Sacramenta non sumpserit, gravissimè peccat.

5. Si musca, vel arnea, vel aliquid aliud ceciderit in Calicem ante consecrationem, projiciat vinum in locum decentem, et aliud ponat in Calice, misceat parum aquæ, offerat, ut supra, et prosequatur Missam: si post consecrationem ceciderit musca, aut aliquid ejusmodi, ea fiat nausea sacerdoti, extrahat eam, et lavet cum vino. finita Missa comburat, et combustio ac lotio hujusmodi in sacrarium projiciatur. Si autem non fuerit ei nausea, nec ullum periculum timeat, sumat, cum sanguine.

6. Si aliquid venenosum ceciderit in Calicem, vel quo provocaret vomitum, vinum consecratum reponendum est in alio Calice, et aliud vinum cum aqua apponendum denuò consecrandum, et finita Missa sanguis repositus in panno lineo, vel stuppa tamdiù servatur, donec species vini fuerint desiccata, et tunc stuppa comburatur, et combustio in sacrarium projiciatur.

7. Si aliquod venenatum contigerit Hostiam consecratam, tunc alteram consecret, et sumat modo quo dictum est et illa servetur in tabernaculo loco separato donec species corruptantur, et corruptæ deinde mittantur in sacrarium.

8. Si sumendo sanguinem particula remanserit in Calice, digito ad labium Calicis eam adducat, et sumat ante purificationem, vel infundat vinum, et sumat.

9. Si Hostia ante consecrationem inveniat fracta, nisi populo evidenter appareat, talis Hostia consecretur: si autem scandalum populo esse possit, alia accipiat, et offeratur: quòd si illius Hostiæ jam erat facta oblatio, eam post ablutioem sumat. Quòd si ante oblationem Hostia appareat confracta, accipiat altera integra, si citra scandalum, aut longam moram fieri poterit.

10. Si propter frigus, vel negligentiam, Hostia consecrata dilabatur in Calicem, propterea nihil est reiterandum, sed Sacerdos Missam prosequatur, faciendo cæremónicas, et signa consueta cum residua parte Hostiæ, quæ non est madefacta sanguine, si commodè potest. Si verò tota fuerit madefacta, non extrahat eam, sed omnia dicat omittendo signa, et sumat pariter Corpus, et sanguinem, signans se cum Calice, dicens: *Corpus et Sanguis Domini nostri, &c.*

11. Si in hieme sanguis congluetur in Calice, involvatur Calix pannis calefactis: si id non proficeret, ponatur in ferventi aqua prope Altare, dummodo in Calicem non intret, donec liquefiat.

12. Si per negligentiam aliquid de Sanguine Christi ceciderit, si quidem super terram, seu super tabulam, lingua lambatur, et locus ipse radatur quantum satis est, et abrasio comburatur; cinis verò in sacrarium recondatur. Si verò super lapidem altaris ceciderit, sorbeat sacerdos stillam, et locus benè abluatur, et ablutio in sacrarium projiciatur. Si super linteum Altaris, et ad

aliud linteum stilla pervenerit: si usque ad tertium, linteamini ter abluantur ubi stilla ceciderit, Calice supposito, et aqua ablutioem in sacrarium projiciatur. Quòd si in ipso solùm corporali, aut si in vestibus ipsis sacerdotalibus ceciderit, debet similiter abluere, et ablutio in sacrarium projici. Si in substrato pedibus panno vel tapeto, bene abluatur, ut suprà.

13. At si contingat totum Sanguinem post consecrationem effundi, si quidem aliquid vel parum remansit, illud sumatur, et de effuso reliquo sanguine fiat ut dictum est. Si verò nihil omnino remansit, ponat iterum vinum, et quam, et consecret ab eo loco. *Simili modo postquam cœnatum est,* facta prius tamen Calicis oblatione, ut suprà.

14. Si Sacerdos evomat Eucharistiam, si species integræ appareant, reverenter sumantur, nisi nausea fiat: tunc enim species consecratæ cautè separentur, et in aliquo loco sacro reponantur, donec corrumpantur, et postea in sacrarium projiciantur. Quòd si species non appareant, comburatur vomitus, et cineres in sacrarium mittantur.

15. Si Hostia consecrata, vel aliqua ejus particula dilabatur in terram, reverenter accipiat, et locus, ubi cecidit mundetur, et aliquantulum abradatur, et pulvis, seu abrasio hujusmodi in sacrarium immittatur. Si ceciderit extra Corporale in mappam, seu alio quovis modo in aliquod linteum, mappa vel linteum hujusmodi diligenter lavetur, et lotio ipsa in sacrarium effundatur.

16. Possunt etiam defectus in ministerio ipso occurrere, si Sacerdos ignoret ritus, et cæremónicas ipsas in eo servandas: de quibus omnibus in superioribus Rubricis copiosè dictum est.

PRÆPARATIO AD MISSAM.

PRO OPPORTUNITATE SACERDOTIS FACIENDA.

Antiphona. Ne reminiscaris, Dómine, de-
sicta nostra, vel paréntum nostrórum : ne-
que vindictam sumas de peccátis nostris.

*Quæ Antiphonã in festis Duplicibus tan-
tum duplicatur : et tempore Paschali addi-
tur in fine, Alleluia.*

Deinde dicuntur sequentes Psalmi.

Psalmus 83.

QUAM dilécta tabernácula tua, Dómine
virtutum ! concupiscit, et déficit ánima
mea in átria Domini.

Cor meum et caro mea exultavérunt in
Deum vivum.

Etenim passer invénit sibi domum : et
turtur nidum sibi, ubi ponat pullos suos
Altária tua, Domine virtutum : Rex
meus, et Deus meus.

Beáti qui hábitant in domo tua, Dómi-
ne : in sæcula sæculórum laudábunt te.

Beátus vir, cujus est auxilium abs te :
ascensiones in corde suo disposuit, in valle
lacrymarum, in loco quem posuit.

Etenim benedictiónem dabit legislátor,
íbut de virtúte in virtútem : vidébitur
Deus deórum in Sion.

Dómine Deus virtutum, exáudi oratiónem
meam : áuribus pèrcipe, Deus Jacob.

Protéctor noster áspice Deus : et r'espice
in faciém Christi tui.

Quia mélior est dies una in átriis tuis
super míllia.

Elégi abjéctus esse in domo Dei mei,
magis quam habitáre in tabernaculis pecca-
tórum.

Quia misericórdiam, et veritátem dili-
git Deus : grátiam, et glóriam dabit Dó-
minus.

Non privábit bonis eos qui ámbulant in
innocéntia : Dómine virtutum, beátus homo
qui sperat in te.

Gloria Patri,

Psalmus 84.

BENEDIXISTI Dómine terram tuam :
avertisti captivitátem Jacob.

Remisisti iniquitátem plebis tuæ : ope-
ruisti ómnia peccáta eórum.

Mitigásti omnem iram tuam : avertísti
ab ira indignatiónis tuæ.

Converte nos, Deus salutáris noster : et
averte iram tuam à nobis.

Numquid in ætérnum irasceris nobis ?
aut extendis iram tuam à generatione in
generatióem ?

Deus tu conversus vivificábis nos : et
plebs tua lætábitur in te.

Osténde nobis, Dómine, misericórdiam
tuam : et salutáre tuum da nobis.

Audiam quid loquátur in me Dóminus
Deus : quóniam loquétur pacem in plebem
suam.

Et super sanctos suos : et in eos qui con-
vertúntur ad cor.

Verúntamen propè tímèntes eum salu-
táre ipsíus : ut inhábitet glória in terra
nostra.

Misericórdia et véritas obviaverunt sibi :
justitia, et pax osculátæ sunt.

Véritas de terra orta est, et justitia de
cælo prospéxit.

Etenim Dóminus dabit benignitátem :
et terra nostra dabit fructum suum.

Justitia antè eum ambulavit : et ponet
in via gressus suos.

Gloria Patri.

Psalmus 85.

INCLINA Domine aurem tuam, et ex-
áudi me : quóniam inops, et pauper sum
ego.

Custódi ánimam meam, quóniam sanctus
sum : salvum fac servum tuum, Deus
meus sperántem in te.

Miserére mei, Dómine, quóniam ad te
clamávi tota die : lætifica ánimam servi
tui, quóniam ad te, Dómine, ánimam meam
levávi.

Quoniam tu Dómine suávis, et mitis : et
multæ misericórdiæ ómnibus invocantibus
te.

Auribus pèrcipe, Dómine, oratiónem me-
am : et intende voci deprecationis meæ.

In die tribulationis meæ clamávi ad te ;
quia exaudisti me.

Non est similis tui in diis, Dómine : et
non est secúndum ópera tua.

Omnes Gentes quascumque fecisti, venient, et adorabunt coram te, Domine: et glorificabunt nomen tuum.

Quoniam magnus es tu, et faciens mirabilia: tu es Deus solus.

Deduc me, Domine, in via tua, et ingrediar in veritate tua: lætetur cor meum, ut timeat nomen tuum.

Confitebor tibi, Domine, Deus meus, in toto corde meo: et glorificabo nomen tuum in æternum.

Quia misericordia tua magna est super me: et eruisti animam meam ex inferno inferiori.

Deus, iniqui insurrexerunt super me, et synagoga potentium quæsiérunt animam meam: et non proposuerunt te in conspectu suo.

Et tu, Domine, Deus miserator, et misericors: pateriens, et multæ misericordiæ, et verax.

Rèspice in me, et miserere mei, da imperium tuum puero tuo: et salvum fac filium ancillæ tuæ.

Fac mecum signum in bonum, ut videant qui oderunt me, et confundantur: quoniam tu, Domine, adjuvisti me, et consolatus es me.

Gloria Patri, et Filio.

Psalmus 115.

CREDIDI, propter quod locutus sum: ego autem humiliatus sum nimis.

Ego dixi in excèssu meo: Omnis homo mendax.

Quid retribuam Domino, pro omnibus quæ retribuit mihi?

Calicem salutáris accipiam: et nomen Domini invocábo.

Vota mea Domino reddam coram omni populo ejus: pretiosa in conspectu Domini mors sanctorum ejus.

O Domine, quia ego servus tuus: ego servus tuus, et filius ancillæ tuæ.

Dirupisti vincula mea: tibi sacrificábo hostiam laudis, et nomen Domini invocábo.

Vota mea Domino reddam in conspectu omnis populi ejus: in atriis domus Domini, in médio tui Jerusalem.

Gloria Patri, et Filio.

Psalmus 129.

DE profúndis clamavi ad te, Domine: Domine, exáudi vocem meam.

Fiant aures tuæ intendentes, in vocem deprecationis meæ.

Si iniquitátes observaveris Domine: Domine, quis sustinèbit?

Quia apud te propitiatio est: et propter legem tuam sustinui te, Domine:

Sustinuit anima mea in verbo ejus: sperávit anima mea in Domino.

A custodia matutina usque ad noctem, speret Israel in Domino.

Quia apud Dominum misericordia: et copiosa apud eum redemptio.

Et ipse redimet Israel, ex omnibus iniquitátibus ejus. Gloria Patri.

Deinde repetitur Antiphona.

Ne reminiscáris, Domine, delicta nostra, vel parentum nostrorum: neque vindictam sumas de peccátis nostris.

Postea Sacerdos dicit, Kyrie eleison, Christe eleison. Kyrie eleison.

Pater noster.

✠. Et ne nos indúcas in tentationem.

R. Sed libera nos á malo. ✠. Ego dixi, Domine, miserere mei. R. Sana animam meam, quia peccávi tibi.

✠. Convertere Domine aliquantulum.

R. Et deprecáre super servos tuos.

✠. Fiat misericordia tua Domine super nos. R. Quemódmodum speravimus in te. ✠. Sacerdotes tui induántur justitiam. R. Et sancti tui exultent. ✠. Ab occultis meis munda me, Domine.

R. Et ab aliénis parce servo tuo.

✠. Domine exáudi orationem meam.

R. Et clamor meus ad te veniat.

✠. Dominus vobiscum.

R. Et cum spíritu tuo.

Orémus.

AURES tuæ pietátis, mitíssime Deus, inclina præcibus nostris, et grátia Sancti Spíritus illumina cor nostrum: ut tuis mystériis dignè ministráre, teque æterna charitáte diligere mereamur.

DEUS, cui omne cor patet, et omnis voluntas loquitur, et quem nullum latet secretum: purifica per infusionem sancti Spíritus cogitationes cordis nostri: ut te perfectè diligere, et dignè laudáre mereamur.

URE igne sancti Spíritus renes nostros et cor nostrum, Domine: ut tibi casto corpore serviámus, et mundo corde placéamus.

MENTES nostras, quæsumus, Domine, Paráclitus, qui á te procedit, illuminet: et indúcat in omnem, sicut tuus promisit Filius, veritatem.

ADSIT nobis, quæsumus, Dómine, virtus Spiritus sancti: quæ et corda nostra clementer expúrget, et ab omnibus tueatur advrsis.

DEUS, qui corda fidélium sancti Spíritus illustratione docuisti: da nobis in eódem Spíritu recta spáere, et de ejus semper consolatióne gaudére.

CONSCIENTIAS nostras, quæsumus, Dómine, visitádo purífica: ut veniens Dominus noster Jesus Christus Filius tuus, parátam sibi in nobis invéniat mansionem. Qui tecum vivit et regnat in unitate Spiritus sancti Deus, per ómnia sæcula æulorum. Amen.

ORATIONES DICENDÆ CUM SACERDOS induitur sacerdotalibus paramentis.

Cùm lavat manus, dicat:

DA, Domine, virtútem manibus meis ad abstergéndam omnem maculam: ut sine pollutione mentis et corporis váleam tibi servire.

Ad Amictum, dum ponitur super caput, dicat:

IMPONE, Domine, cápiti meo gáleam salutis, ad expugnáudos diabólicos incursus.

Ad Albam, cum ea induitur.

DEALBA me, Domine, et munda cor meum: ut in Sanguine Agni dealbatus, gáudiis perfruar sempiternis.

Ad Cingulum, dum se cingit.

PRÆCINGE me Domine cingulo puritatis, et extingue in lumbis meis humorem libidinis: ut maneat in me virtus continentiae, et castitatis.

Ad Manipulum, dum imponitur brachio sinistro.

MEREAR, Domine, portáre manipulum fletus, et doloris, ut cum exultatione recipiam mercedem laboris.

Ad stolam, dum imponitur collo.

REDDE mihi, Domine stolam immortalitatis, quam perdidí in prævaricati-

one primi paréntis: et quamvis indignus accedo ad tuum sacrum mysterium, merear tamen gaudium sempiternum.

Ad Casulam, cum assumitur.

DOMINE, qui dixisti: Jugum meum suave est, et onus meum leve: fac ut istud portáre sic valeam, quòd consequar tuam gratiam. Amen.

ORATIONES DICENDÆ AB EPISCOPO, quando in Pontificalibus celebrat.

Ad Caligas.

CALCEA, Domine, pedes meos in præparationem Evangélii pacis, et protege me in velamento alarum.

Cum exiit Cappam.

EXUE me, Domine, veterem hominem cum moribus et actibus suis: et indue me novum hominem, qui secundum Deum creatus est in justitia, et sanctitate veritatis.

Cùm lavat manus.

DA Domine, virtutem manibus meis abstergéndam omnem maculam immundam: ut sine pollutione mentis et corporis váleam tibi servire.

Ad Amictum.

PONE, Domine, gáleam salutis in capite meo, ad expugnándas omnes diabólicas fraudes, inimicorum omnium versútias superando.

Ad Albam.

DEALBA me, Domine, et à delicto meo munda me: ut cum his qui stolas suas dealbavérunt in Sanguine Agni, gaudiis perfruar sempiternis.

Ad Cingulum,

PRÆCINGE me, Domine, cingulo fidei, et virtute castitatis lumbos meos, et extingue in eis humorem libidinis, ut jugiter maneat in me vigor totius castitatis.

Cùm accipit Crucem pectoralem.

MUNIRE dignéris me, Domine Jesu Christe, ab omnibus insidiis inimi-

cōrum ōnium, signo sanctīssimæ Crucis, tuæ: ac concedere digneris mihi indigno servo tuo, ut sicut hanc Crucem Sanctōrum tuōrum reliquiis refertam ante pectus meum tēno, sic semper mente retineam et inemōriam passiōnis, et sanctōrum victōrias Māryum.

Ad Stolam.

REDDE mihi Dōmine, ōbsecro, stolam immortalitātis, quam pēdidī in prāvaticōne primī parētis: et quamvis indignus accedere presūmo ad tuum sacrum mystērium cum hoc ornamento, præsta ut in eōdem in perpētuum merear lætāri.

Ad Tunicellam.

TUNICA jucunditātis, et indumento lætitiæ induat me Dōminus.

Ad Dalmaticam.

INDUE me, Dōmine, indumento salutis, et vestimento lætitiæ, et Dalmatica justitiæ circumda me semper.

Ad Chirothecas.

CIRCUMDA, Dōmine, manus meas munditia novi hōminis, qui de cælo descēdit: ut, quemadmodum Jacob dilectus tuus, pelliculis hædōrum opertis manibus paternam benedictiōnem, oblato patri cibo potūque gratissimo, impetravit: sic et oblata per manus nostras salutāri hōstia, grātiæ tuæ benedictiōnem merear. Per Dōminum nostrum Jesum Christum Filium tuum: qui in similitudinem carnis peccati pro nobis obtulit semetipsum.

Ad Planetam.

DOMINE, qui dixisti, Jugum meum suave est, et onus meum leve: præsta, ut illud portare sic valeam, quod possim cōsequi tuam grātiā.

Ad Mitram.

MITRAM, Dōmine, et salutis gāleam impōne cāpiti meo: ut contra antiqui hostis, omniūque inimicōrum meōrum insidias inoffēnsus evādam.

Ad Annulum cordis.

CORDIS et cōrporis mei, Dōmine, digitos virtūte decōra, et septiformis Spiritus sanctificatiōne circumda.

Ad Manipulum.

MEREAR, precor, Dōmine, manipulum portare mente flēbili: ut cum exultatiōne portiōnem accipiam cum justis.

GRATIARUM ACTIO POST MISSAM.

Antiphona. Trium puerōrum cantemus hymnum, quem cantābant sancti in camino ignis, benedicentes Dōminum.

Quæ Antiphona in festis Duplicibus tantum duplicatur: et tempore Paschali additur in fine Allelūia.

Canticum trium puerorum.

Dan. 3.

BENEDICITE ōmnia ōpera Dōmini Dōmino: laudate et superexaltate eum in sæcula.

Benedicite Angeli Dōmini Dōmino: benedicite cæli Dōmino.

Benedicite aquæ omnes, quæ super cælos sunt, Dōmino: benedicite omnes virtutes Dōmini Dōmino.

Benedicite sol et luna Dōmino: benedicite stellæ cæli Dōmino.

Benedicite omnis imber et ros Dōmino: benedicite omnes spiritus Dei Dōmino.

Benedicite ignis et æstus Dōmino: benedicite frigus et æstus Dōmino.

Benedicite rores et pruina Dōmino: benedicite gelu et frigus Dōmino.

Benedicite glaciēs et nives Dōmino: benedicite noctes et dies Dōmino.

Benedicite lux et tēnebræ Dōmino: benedicite fulgura et nubes Dōmino.

Benedicat terra Dōminum: laudet et superexaltet eum in sæcula.

Benedicite montes et colles Dōmino: benedicite univērsa germinantia in terra Dōmino.

Benedicite fontes Dōmino: benedicite maria et flūmina Dōmino.

Benedicite cete, et ōmnia, quæ movēntur in aquis Dōmino: benedicite omnes volucres cæli Dōmino.

Benedicite omnes bestię et pecora Dōmino: benedicite filii hōminum Dōmino.

Benedicat Israel Dōminum: laudet et superexaltet eum in sæcula.

Benedicite Sacerdōtes Dōmini Dōmino: benedicite servi Dōmini Dōmino.

Benedicite spiritus, et animæ justōrum Dōmino: benedicite sancti, et humile corce Dōmino.

Benedicite Ananía, Azaría, Misael Dómino: laudáte, et superexaltáte eum in sæcula.

Benedicámus Patrem, et Fílium cum sancto Spirítu: laudémus, et superexaltémus eum in sæcula.

Benedíctus es Dómine in firmaménto cœli: et laudábilis et gloriósius, et superexaltátus in sæcula.

Psalms 150.

LAUDATE Dóminum in sanctis ejus: laudáte eum in firmaménto virtútis ejus.

Laudáte eum in virtútibus ejus: laudáte eum secundùm multitudínem magnítudinis ejus.

Laudáte eum in sono tubæ: laudáte eum in psalterio et cithara.

Laudáte eum in tympano, et choro: laudáte eum in chordis, et órgano.

Laudáte eum in cymbalis benesonántibus: laudáte eum in cymbalis jubilationis: omnis spíritus laudet Dóminum.

Glória Patri.

Deinde repetitur Antiph. Trium puerorum cantémus hymnum: quem cantábant sancti in camíno ignis, benedicéntes Dóminum

Deinde Sacerdos dicit. Kyrie eléison.

Christe eléison. Kyrie eléi-on.

Pater noster. *ꝯ.* Et ne nos indúcas in tentatiónem. R. Sed libera nos à malo. V. Confíteántur tibi, Dómine, ómnia ópera tua. R. Et sancti tui benedicant tibi. *ꝯ.* Exultábunt sancti in glória

R. Lætábúmur in cubilibus suis. *ꝯ.* Non nobis Dómine, non nobis. R. Sed nómini tuo da glóriam. *ꝯ.* Dómine exaudi orationem meam. R. Et clamor meus ad te véniat. *ꝯ.* Dóminus vobiscum. R. Et cum spíritu tuo.

Orémus.

DEUS, qui tribus púeris mitigásti flammam ignium: concéde própitius ut nos fámulos tuos non exúrat flamma vitiorum.

ACTIONES nostras, quæsumus, Dómine, aspirándo præveni, et adjuvándo proséquare: ut curcta nostra oratio, et operatio à te semper incípiat, et per te cœpta finiátur.

DA nobis, quæsumus, Dómine, vitiorum nostrórum flammam extingüere, ut beato Lauréntio tribuísti tormentórum suorum incéndia superáre. Per Christum Dóminum nostrum.

R. Amen.

ORATIONES.

Pro opportunitate Sacerdotis ante celebrationem, et Communionem dicendæ.

Oratio sancti Ambrosii Episcopi.

DIE DOMINICA.

SUMME Sacérdos, et vere Póntifex Jesu Christe: qui te obtulísti Deo Patri hóstitiam puram, et immaculatam in ara crucis pro nobis miseris et peccatóribus, et qui dedísti nobis carnem tuam ad manducándum, et sánguinem tuum ad bibéndum, et posuísti mystérium istud in virtúte Spíritus sancti tui, dicens: Hæc quotiescúmque fecéritis, in mei memóriam faciétis. Rogo per eúmdem sánguinem tuum, magnum salútis nostræ prétiúm: rogo per hanc miram, et ineffábilem charitatém, qua nos miseros, et indignos sic amáre dignátus es, ut laváres nos à peccátis nostris in ságuine tuo: Doce me servum tuum indignum, quem inter cetera dona tua étiam ad officium sacerdotále vocáre dignátus es, nullis meis méritis, sed sola dignatióne misericórdiæ tuæ: doce me, quæso, per Spíritum sanctum tuum, tantum tractáre mystérium ea reveréntia, et honóre, et devotióne, et timóre, quibus opórtet, et decet. Fac me per grátiám tuam semper illud de tanto mystérió crédere, et intelligere, sentíre, et firmiter tenére, dicere, et cogitáre quod tibi placet, et expedit ánimæ meæ. Intret spíritus tuus bonus in cor meum, qui sonet ibi sine sono, et sine strépitu verbórum loquátur omnem veritatém. Profúnda quippe sunt nimis, et sacro tecta velámine. Propter magnam cleméntiam tuam concéde mihi Missárum solémnia mundo corde, et pura mente celebráre. Libera cor meum ab immúndis, et nefándis, vanis, et nóxiis cogitatióibus. Muni me beatórum Angelórum pia et fida custódia, ac tutelá fortíssima, ut hostes ómnium bonórum confúsi discédant. Per virtútem tanti mystérii, et per manum sancti Angeli tui repélle à me, et à cunctis servis tuis duríssimum spíritum supérbie, et cenodoxiæ, invidiæ, et blasphemíæ, fornicatiónis, et immunditiæ, dubietátis, et diffidéntiæ. Confundántur qui nos persequúntur: péreant illi qui nos perdere festinant.

Feria II.

Rex vírginum, et amátor castitátis, et integritátis, cœlesti rore benedictiÓnis tuæ

extingue in corpore meo fõmitem ardentis libidinis: ut mäneat in me tenor castitatis corporis, et animæ. Mortifica in membris meis carnis stimulos, omnisque libidinõsas commotiõnes, et da mihi veram, et perpetuam castitatem cum ceteris donis tuis. quæ tibi placent in veritate. ut sacrificium laudis casto corpore, et mundo corde valeam tibi offerre. Quanta enim cordis contritiõne, et lacrymarum fonte, quanta reverentia, et tremore quanta corporis castitate et animæ puritate istud divinum, et cœlestè sacrificium est celebrandum, ubi caro tua in veritate sumitur, ubi sanguis tuus in veritate bibitur, ubi ima summis, terræna divinis junguntur, ubi adest sanctorum Angelorum presentia. ubi tu es Sacrificium, et Sacerdos mirabiliter et ineffabiliter constitutus.

Feria III.

Quis dignè hoc celebrare poterit, nisi tu Deus omnipotens offerentem feceris dignum? Scio, Domine, et verè scio, et idipsum pietati tuæ confiteor quia non sum dignus accedere ad tantum mysterium, propter nimia peccata mea, et infinitas negligentias meas. Sed scio, et veraciter ex toto corde meo credo, et ore confiteor, quia tu potes me facere dignum, qui solus potes facere mundum de immundo conceptum semine, et de peccatoribus justos, et sanctos. Per hanc omnipotentiam tuam te rogo Deus meus, ut concedas mihi peccatori hoc Sacrificium celebrare cum timore et tremore, cum cordis puritate, et lacrymarum fonte, cum lætitia spiritali, et cœlesti gaudio. Sentiatur mens mea dulcedinem beatissimæ presentia tuæ, et excubiis sanctorum Angelorum tuorum in circuitu meo.

Feria IV.

Ego enim, Domine, memor venerandæ Passiõnis tuæ accedo ad altare tuum, licet peccator, ut offeram tibi Sacrificium, quod tu instituisti, et offerri præcepisti in commemorationem tui pro salute nostra. Suscipe illud quæso, summe Deus, pro Ecclesia sancta tua, et pro populo quem acquisisti Sanguine tuo. Et quoniam me peccatorem inter te, et eundem populum tuum medium esse voluisti, licet in me aliquod boni operis testimonium non agnoscas, officium saltem dispensatiõnis creditæ non recuses; nec per me indignum eorum salutis pereat pretium, pro quibus victima salutaris dignatus es esse redemptio. Profero etiam Domine, (si digneris propitiis intuitu) tribulatiõnes plebium, pericula populorum,

captivorum gemitus, miseria orphanorum, necessitates peregrinorum, inopiam debiliũ, desperatiõnes languentium, defectus senum, suspiria juvenum, vota virginum, laménta viduarum.

Feria V.

Tu enim misereris omnium, Domine; et nihil odisti eorum, quæ fecisti. Memorare. quæ sit nostra substantia: quia tu Pater noster es, quia tu Deus noster es, ne irascaris satis, neque multitudinem viscerum tuorum super nos contineas. Non enim in justificatiõibus nostris prosternimus preces ante faciem tuam, sed in miserationibus tuis multis. Aufer a nobis iniquitates nostras; et ignem sancti Spiritus in nobis clementer accende. Aufer cor lapideum de carne nostra; et da nobis cor carneum, quod te amet, te diligat, te delectetur, te sequatur, te perfruatur. Oramus, Domine, clementiam tuam, ut sereno vultu familiam tuam, aspicere digneris; et ut nullius sit irritum votum, nullius vacua postulatio, tu nobis preces suggere, quas ipse propitius audire, et exaudire delecteris.

Feria VI.

Rogamus etiam te, Domine sancte Pater, et pro spiritibus fidelium defunctorum; ut sit illis salus, sanitas, gaudium, et refrigerium, hoc magnum pietatis sacramentum. Domine, Deus meus, sit illis hodie magnum, et plenum convivium de te pane vivo, qui de celo descendisti, et das vitam mundo, de tua carne sancta, et benedicta. Agni videlicet immaculati, qui tollis peccata mundi quæ de sancto, et glorioso beatæ virginis Mariæ útero est assumpta, et de Spiritu sancto concepta; ac de illo pietatis fonte, qui per lanceam militis ex tuo sacratissimo latere emanavit; ut exinde reflecti, et satiati, refrigerati, et consolati, exultent in laude, et gloria tua. Peto clementiam tuam, Domine, ut descendat super panem tibi sacrificandum plenitudo tuæ benedictiõnis, et sanctificatiõis tuæ divinitatis. Descendat etiam, Domine, illa sancti Spiritus tui invisibilis, incomprehensibilisque majestas, sicut quondam in patrum hostias descendebat, qui et oblatiõnes nostras corpus, et sanguinem tuum efficiat, et me indignum sacerdotem doceat tantum tractare mysterium cum cordis puritate, et lacrymarum devotiõne, cum reverentia, et tremore, ita ut placidè, ac benigne suscipias sacrificium de manibus meis ad salu-

tem omnium, tam vivorum, quàm defunctorum.

Sabbato.

Rogo etiam te, Domine, per ipsum sacrosanctum mysterium Corporis, et Sanguinis tui, quo quotidie in Ecclesia tua pascimur, et potamur, abluimur, et sanctificamur, atque unius summæ divinitatis participes efficimur: da mihi virtutes tuas sanctas, quibus replétus, bona conscientia ad Altare tuum accédam, ita ut hæc cœlestia sacramenta efficiantur mihi salus, et vita. Tu enim dixisti ore tuo sancto, et benedicto: Panis quem ego dabo, caro mea est pro mundi vita. Ego sum panis vivus, qui de cœlo descendi. Si quis manducaverit ex hoc pane, vivet in æternum. Panis dulcissime, sana palatum cordis mei. ut sentiam suavitatem amoris tui. Sana illud ab omni languore, ut nullam præter te sentiam dulcedinem. Panis candidissime, habens omne delectamentum, et omnem saporem, qui nos semper reficis, et nunquam in te deficis; comedat te cor meum, et dulcedine saporis tui replentur viscera animæ meæ. Manducat te Angelus ore pleno, manducet te peregrinus homo pro módulo suo, ne deficere possit in via, tali recreatæ viatico. Panis sancte, panis vive, panis munde, qui descendisti de cœlo, et das vitam mundo, veni in cor meum, et munda me ab omni inquinamento carnis, et spiritus. Intra in animam meam; sana, et munda me intèriùs, et exteriùs. Esto tutamen, et continua salus animæ, et corporis mei. Repelle à me insidiantes mihi hostes; recedant procul à præsentia potentia tuæ. ut foris et intus per te munitus, recto tràmite ad tuum regnum perveniam, ubi non in mysteriis, sicut in hoc tẽmpore ágitur, sed facie ad faciẽm te vidëbimus, cum tradideris regnum Deo et Patri, et eris Deus omnia in omnibus. Tunc enim me de te satiabis satietate mirifica, ita ut nec esuriam, nec sitiam in ætèrnum. Qui cum eodem Deo Patre, et Spĩritu sancto vivis, et regnas, per omnia sæcula sæculorum, Amen.

Alia Oratio ante Missam.

AD mensam dulcissimi convívii tui, pie Domine Jesu Christe, ego peccator de propriis méritis nihil præsumens, sed de tua confidens misericordia, et bonitate accedere véreor, et contremisco. Nam cor et corpus hábeo multis criminibus maculatum, mentem et línguam non cautè custoditam.

Ergo, ò pia Déitas, ò tremenda majestas, ego miser, inter angustias deprehensus, ad te festinans, ad te sub tuam protectionem fúgio; et quem júdicem sustinere nequeo, Salvatorem habere suspiro. Tibi, Dómine, plagas meas ostendo: tibi verecundiam meam détego. Scio peccata mea multa, et magna, pro quibus timeo. Spero in misericordias tuas, quarum non est número. Réspice ergo in me óculis misericordiae tuæ, Dómine Jesu Christe, Rex ætèrne, Deus et homo, crucifixus propter hominem. Exaudi me sperantem in te: miserere mei pleni misèriis et peccatis, tu qui fontem miserationis numquam manare cessabis. Salve, salutaris victima, pro me et omni humano genere in patibulo crucis oblata. Salve nóbilis et pretiose Sanguis, de vulneribus crucifixi Dómini mei Jesu Christi prófluens, et peccata totius mundi ábluens. Recordare Dómine creaturæ tuæ, quam tuo Sanguine redemisti. Pœnitet me peccasse, cupio emendare quod feci. Aufer ergo à me, clementissime Pater, omnes iniquitates, et peccata mea: ut purificatus mente et corpore, dignè degustare merear sancta sanctorum: et concede, ut hæc sancta prælibatio Corporis et Sanguinis tui, quam ego indignus sumere intendo, sit peccatorum meorum remissio, sit delictorum perfecta purgatio, sit turpium cogitationum effugatio, ac bonorum sensuum regeneratio, operumque tibi placentium salubris efficaciam, animæ quoque et corporis contra inimicorum meorum insidias firmissima tutio. Amen.

Oratio S. Thomæ Aquinatis.

OMNIPOTENS sempitèrne Deus ecce accedo ad sacramentum unigeniti Filii tui Dómini nostri Jesu Christi: accedo tamquam infirmus ad medicum vitam, immundus ad fontem misericordiae, caecus ad lumen claritatis ætèrnæ, pauper, et egens ad Dóminum cœli et terræ. Rogo ergo immensam largitatis tuæ abundantiam, quatenus meam curare digneris infirmitatem, lavare foeditatem, illuminare cæcitatem, ditare paupertatem, vestire nuditatem: ut panem Angelorum, Regem regum, et Dóminum dominantium, tanta suscipiam reverentiam et humilitate, tanta contritione et devotione, tanta puritate et fide, tali proposito, et intentione, sicut expedit salutem animæ meæ. Da mihi, quæso, Dominici corporis, et sanguinis non solum suscipere Sacramentum, sed etiam rem et virtutem sacramenti. O mitissime Deus, da mihi

corpus unigéniti Filii tui, Dómini nostri Jesu Christi, quod traxit de virgine María, sic suscipere, ut corpóri suo mystico m rear incorporári, et inter ejus membra connumerári. O amatíssime Pater, concéde mihi diléctum Filium tuum, quem nunc velátum in via suscipere propóno, reveláta tandem facie perpetuò contemplári. Qui tecum vivit et regnat in unitate Spíritus sancti, Deus, per ómnia sæcula sæculorum. Amen.

*Orationes post Celebrationem, et
Communionem dicende.*

Oratio S. Thomæ de Aquino.

GRATIAs tibi ago, Dómine sancte, Pater omnipotens, ætérne Deus, qui me peccatórem indignum famulum tuum, nullis meis méritis, sed sóla dignatione misericórdiæ tuæ satiáre dignátus es pretíoso corpore, et ságuine Filii tui Dómini nostri Jesu Christi. Et precor, ut hæc sancta Commúnió non sit mihi reátus ad pœnam, sed intercésio salutáris ad veniam. Sit mihi armátura fidei, et scutum bonæ voluntátis. Sit vitiórum meórum evacuátio; concupiscéntiæ et libidinis exterminátio; charitátis et paciéntiæ, humilitátis et obediéntiæ, omníumque virtútem augmentátio: contra insidias inimicórum ómnium, tam visibílium, quam invisibílium, firma defensio: mó-tuum meórum tam carnálium quam spirítuálium perfectá quietúo: in te uno ac vero Deo firma adhæsió: atque finis mei felix consummátio. Et precor te, ut ad illud ineffábile convivium me peccatórem perdúcere digneris, ubi tu cum Filio tuo, et Spíritu sancto, Sanctis tuis es lux vera, sá-tietas plena, gáudium sempitérnum, jucú-ditas consummáta, et felicitas perfectá. Per eúndem Christum Dóminum nostrum. Amen.

Alia Oratio S. Bonaventuræ.

TRANSFIGE, dulcíssime Dómine Jesu, medúllas, et viscera animæ meæ suavíssimo, ac salubérrimo amoris tui vúlnerè, vera, serenáque et apostólica sanctíssima charitáte, ut lángueat, et liquefat ánima mea solo semper amore et desidério tui, te concúpiscat, et deficiat in átria tua, cúpiat dissólvi, et esse tecum. Da, ut ánima mea te esúriat, panem Angelórum, refectionem animárum sanctárum, panem nostrum quodtidíanum supersubstantiálem, habéntem omnem dulcédinem, et sapórem, et omne

delectaméntum suavitatís: te, in quem desiderant Angeli prospicere, semper esúriat, et cómedat cor meum, et dulcédine sapóris tui repléantur viscera animæ meæ: te semper sítiat fontem sapiéntiæ et sciéntiæ, fontem ætérni lúminis, torrémentem voluptátis, ubertátém domus Dei: te semper ámbiat, te quærat, te invéniat, ad te tendat, ad te pervéniat, te meditétur, te loquátur, et ómnia operétur in laudem, et glóriam nóminis tui, cum humilitáte et discretiónè, cum dilectione et delectatione, cum facilitáte et afféctu, cum perseverántia usque in finem: et tu sis solus semper spes mea, tota fidúcia mea, divitíæ meæ, delectátio mea, jucúnditas mea, gáudium meum, quies, et tranquillitas mea, pax mea, suávitás mea, odor meus, dulcédó mea, cibus meus, re-fectio mea, refúgium meum, auxílium meum, sapiéntia mea, pórtio mea, possessio mea, thesáurus meus, in qua fixa, et firma, et immobiliter semper sit radicáta meus mea, et cor meum. Amen.

**FORMA GRATIARUM ACTIONIS
post Missam.**

O DULCEDO cordis mei, et vita animæ meæ, et jucúnda requies spíritus mei, dulcis Jesu! Immortáles tibi ago grátias pro ómnibus beneficiis mihi collátis; signánter verum et immaculátum Corpus et Ságuinem tuum pretíousum consecráre, pertractáre, illúque tibi effère in memóriam tuórum mirabílium, ad tuam glóriam, et in remissionem ómnium peccatórum tam meórum, quam illórum, pro quibus oráre, sacrificáre, et offérre proposuí, illóque in salutem animæ meæ cibári et nutriri; quaprópter verè dicere áudeo: Cibus meus Christus, et ego ejus. Multiplico ergo, et quotiescúmque respiro, multiplicáre inténdo meam voluntátem in infinitum in tuis láudibus. Precóque beatíssimam Virginem, Angelos Sanctos, Sanctas, et creatúras univérsas, pro me imménsas tibi reférre grátias: imò quia ista minimè sufficiunt, te súpplico, tibi ipsi grátias ágere, te laudáre, et glorificáre compláceas: et quia dignátus es istam indignam, tuam tamen fácere habitatiónem, dignáre quoque apud ipsam perpétuam fácere mansiónem, éfficere me hóminem secundum cor tuum. Uni me tibi intimè, et totum transfórma et traumúta in te. Salva me Jesu Christi, et cunctam à me hostis antiqui depélle nequitiam per tuam innocentíssimam passiónem. Oro tandem ut digneris grátias, et indulgéntias omnes quas hoc sacrificio, vel communióne mediánte acquirere et lucrari

possum, concedere, tam mihi, quàm aliis, vivis, et defunctis, quibus applicare propòsui, quia te ipsum et pro ipsis exoro, pro quibus. et tu vis, et Sanctissimus Pòntifex inténdit hac de causa me debere orare. Amen.

ADJUVET nos grátia tua omnipotens Deus, ut qui officium Sacerdotále suscepimus, dignè ac devotè in omni puritate et conscientia bona tibi famulari valeamus. Et si non possumus in tanta innocènti vitæ conversari ut debemus, concede nobis tamen dignè flere mala quæ gessimus, et in spíritu humilitátis, ac bonæ voluntátis proposito tibi ferventiùs de cetero deservire. Per Christum Dòminum nostrum. Amen.

Oratio.

OMNIPOTENS sempitèrne Deus, conservator animarum, mundique Redemptor, me famulum tuum ante majestatem tuam prostratum benignissimè respice: et Sacrificium, quod in honore nominis tui pro salute fidelium, tam vivorum quàm etiam defunctorum, et pro peccatis, et offensionibus meis obtuli, piissime respice: iram tuam à me remove grátiam et misericordiam mihi concede: januam paradisi mihi pande, ab omnibus malis me potènter eripe: et quidquid proprio commisi reatu, clemènter indúlge. Sic in hoc saculo in præceptis tuis fac me perseverare,

ut dignus electorum gregi copulari efficiar, te præstante Deus meus, cujus nomen benedictum, honor, atque regnum permanet in sæcula sæculorum. Amen,

Rythmus S. Thomæ ad sacram Eucharistiam.

ADORO te devotè. latens Dèitas,
 Quæ sub his figuris verè látitas:
 Tibi se cor meum totum súbjicit,
 Quia te contèmplans, totum déficit.
 Visus, tactus, gustus in te fállitur.
 Sed auditu solo tutò créditur.
 Credo quidquid dixit Dei Filius,
 Nil hoc verbo veritátis vérus.
 In cruce latébat sola Dèitas,
 At hic latet simul et humánitas.
 Ambo tamen credens, atque cónfitemens,
 Peto quod petivit latro pœnitens.
 Plagas, sicut Thomas, non intúeor,
 Deum tamen meum te cónfiteor:
 Fac me tibi semper magis crédere,
 In te spem habère, te diligere.
 O memoriále mortis Dòmini,
 Panis vivus, vitam præstans hómini;
 Præsta meæ menti de te vívere,
 Et te illi semper dulce sápere.
 Pie pellicáne, Jesu Dòmine,
 Me immúndum munda tuo sángine;
 Cujus una stilla salvum fácere
 Torum mundum quit ab omni scélere.
 Jesu, quem velátum nunc aspicio,
 Oro fiat illud, quod tam sítio:
 Ut te reveláta cernens fácie,
 Visu sim beátus tuæ glóriæ. Amen.



PROPRIUM

M I S S A R U M

DE TEMPORE.

DOMINICA I. ADVENTUS.

Statio ad S. Mariam majorem.

Ad Missam. Introitus. Ps. 24.

AD te levavi animam meam: Deus meus, in te confido, non erubescam: neque irrideant me inimici mei; etenim universi, qui te expectant, non confundentur.

Psalm. ibid. Vias tuas, Domine, demonstra mihi: et semitas tuas edoce me.

V. Glória Patri, & Filio, et Spiritui sancto; Sicut erat in principio, et nunc, et semper, et in sæcula sæculorum, Amen.

Quo finito, repetitur, Ad te levavi, usque ad Psalmum.

¶ *Hic modus repetendi Introitum servatur per totum annum.*

Non dicitur Glória in excelsis, ab hac Dominica usque ad Nativit. Domini, nisi in Festis.

Orémus. *Oratio.*

EXCITA, quæsumus Domine, potentiam tuam, & veni: ut ab imminéntibus peccatorum nostrorum periculis, te mereamur protegente eripi, te liberante salvári. Qui vivis et regnas cum Deo Patre in unitate Spiritus sancti Deus, per ómnia sæcula sæculorum.
R. Amen.

¶ *Ab hac die usque ad Vigiliam Nativ. Domini, post Orationem diei dicitur Oratio. Deus, qui de beatæ Mariæ. et Ecclesiæ tuæ. vel Deus ómnium fidélium. ut infrà.*

¶ *Si autem facienda sit commemoratio alicujus Festi simplicis occurrentis, post Orationem diei dicitur Oratio de Sancto, et tertia de Sancta Maria.*

De S. Maria. Oratio.

DEUS, qui de beatæ Mariæ Virginis útero, Verbum tuum, Angelo nuntiante, carnem suscipere voluisti: præsta supplicibus tuis; ut qui verè eam genitricem Dei credimus, ejus apud te intercessiónibus adjuvémur.

Contra persecutores Ecclesiæ. Oratio.

ECCLESIAE tuæ, quæsumus Domine, preces placatus admitte: ut destructis adversitatibus et erroribus universis, secúra tibi sérviat libertate. Per Dóminum nostrum Jesum Christum Fílium tuum: Qui tecum vivit, et regnat in unitate Spíritus sancti Deus, per ómnia sæcula sæculorum

R. Amen.

Vel pro Papa. Oratio.

DEUS, ómnium fidélium pastor et rector, famulum tuum N. quem pastórem Ec-

clésiæ tuæ præesse voluisti, propitius respice: da ei quæsumus, verbo et exemplo, quibus præest, proficere; ut ad vitam, unà cum grege sibi crédito, perveniat sempiternam. Per Dóminum nostrum.

¶ *Infra Hebdomadas Adv. quando dicitur Missa de Festo Semiduplici, secunda Oratio erit de Adventu, tertia de S. Maria, quæ terminatur sic: Per eúdem Dóminum, &c.*

¶ *Si autem dicitur Missa de Festo Duplici, post Orationem Festi dicitur Oratio tantum de Adventu.*

¶ *De Festis simplicibus in Adventu occurrentibus fit tantum commemoratio.*

Lectio Epistolæ B. Pauli Apostoli ad Romános. *Rom. 13. d.*

F RATRES, Sciéntes, quia hora est jam nos de somno surgere. Nunc enim propior est nostra salus, quàm cum credidimus. Nox præcëssit, dies autem appropinquávit. Abjiciámus ergo ópera tenebrarum, et induámur arma lucis. Sicut in die honestè ambulémus: non in commessationibus et ebrietatibus, non in cubilibus et impudiciis, non in contentiône et æmulatione: sed induímini Dóminum Jesum Christum.

Graduale. Ps. 24. Unívrsi, qui te expéctant, non confundentur, Dómine.

¶ *Vias tuas, Dómine, notas fac mihi: & sémitas tuas édoce me. Allelúia, allelúia.*

Psal. 84. ¶ Osténde nobis Dómine misericórdiam tuam: et salutáre tuum da nobis. Allel.

¶ *In Feriis Adv. quando per Hebdomadam resumitur Missa de Dominica, non dicitur Alle-*

luia, nec Versus sequens, sed tantum Graduale.

Sequéntia S. Evangélii secundum Lucam *Luc. 21.*

IN illo témpore: dixit Jesus discipulis suis: Erunt signa in sole, et luna, et stellis, et in terris pressúra Gentium præ confusiône sónitus maris, et fluctuum, arescéntibus hominibus præ timóre, et expectatiône, quæ supervénient univérso orbi: nam virtútes cælórum movebúntur, et tunc vidébunt Fílium hóminis veniéntem in nube cum potestáte magna, et majestáte. His autem fieri incipiéntibus, respicite, et leváte cápita vestra: quóniam appropínquat redemptio vestra. Et dixit illis similitúdinem: Vidéte ficúlneam, & omnes árbores: cum producunt jam ex se fructum, scitis quóniam propè est æstas. Ita et vos cum vidéritis hæc fieri, scitóte quóniam propè est regnum Dei. Amen dico vobis, quia non præteribit generatio hæc, donec ómnia fiant. Cælum et terra transibunt: verba autem mea non transibunt. Credo.

Offertorium. Psal. 24. Ad te levávi ánimam meam: Deus meus, in te confido, non erubescam: neque irrideant me inimíci mei: étenim unívrsi, qui te expéctant, non confundentur.

Secreta.

HÆC sacra nos, Dómine, poténti virtúte mundátos, ad suum fáciant puriôres venire princípium. Per Dóminum.

De S. Maria. Secreta.

IN méntibus nostris, quæsumus Dómine, veræ fidei

sacraménta confirma: ut, qui concéptum de Virgine Deum verum et hóminem confitémur; per ejus salutiferæ resurrectiónis poténtiam, ad ætérnam mereámur pervenire lætítiam. Per eúndem Dóminum nostrum.

Contra persecutores Ecclesiæ.

Secreta.

PROTEGENOS Dómine, tuis mystériis serviéntes, ut divinis rebus inhæréntes, et corpore tibi famulémur, et mente. Per Dóminum.

Vel pro Papa. Secreta.

OBLATIS, quæsumus Dómine, placáre munéribus: et famulum tuum N. quem pastórem Ecclesiæ tuæ præesse voluisti, assídua protectióne guberná. Per Dominum.

Communio. Ps. 84. Dóminus dabit benignitátem: et terra nostra dabit fructum suum.

Postcommunio.

SUSCIPIAMUS, Dómine, misericórdiam tuam in médio templi tui: ut reparatiónis nostræ ventúra solémnia, congruis honóribus præcedámus. Per Dominum.

De S. Maria. Postcommunio.

GRATIAM tuam, quæsumus Dómine, mentibus nostris infúnde: ut, qui Angelo nuntiánte, Christi Fílii tui incarnatiónem cognóvimus; per passiónem ejus et crucem, ad resurrectiÓnis glóriam perducámur. Per eundem Dóminum. *si dicatur ultimo loco.*

Contra persecutores Ecclesiæ.

Postcommunio.

QUÆSUMUS Dómine Deus noster: ut quos divína tribuis participatiÓne gaudere, humánis non sinas subjacere periculis. Per Dóminum nostrum.

Vel pro Papa. Postcomm.

HÆC nos, quæsumus Dómine, divíni sacraménti percéptio próteget: et famulum tuum N. quem pastórem Ecclesiæ tuæ præesse voluisti, unà cum commisso sibi grege salvet semper, et múniat. Per Dóminum nostrum.

Dicitur Benedicámus Dómino. Et sic servatur quoties non dicitur Glória in excélsis.

¶ *Infra Hebdomadam si dicenda sit Missa de Feria, resumitur Missa de Dominica præcedenti, nisi propria Missa assignetur.*

¶ *Cùm verò in Adv. Quadragesima, Quatuor Temporibus Vigiliis, et Rogationibus dicitur Missa de Festo Duplici, vel Semid. occurrente, semper fit commemor. de Feria. Et pro commemor. Feriarum Adv. dicitur Oratio Dominicæ præced. nisi sint Quat. Tempora, in quibus habetur Oratio propria.*

DOM. II. ADVENTUS.

Statio ad S. Crucem in Jerusalem.

Introitus. Is. 30.

POPULUS Sion, ecce Dóminus véniet ad salvándas Gentes: et auditam fáciat Dóminus glóriam vocis suæ in lætítia cordis vestri.

Psalmus 79. Qui regis Israëli, inténde: qui dedúcis, velut ovem, Joseph. V. Glória.

Non dicitur Glória in excélsis.

Oratio.

EXCITA, Domine, corda nostra ad præparándas Unigéniti tui vias: ut per ejus

advéntum purificátis tibi mén-
tibus servíre mereámur. Qui
tecum vivit et regnat.

Secunda Oratio de S. Maria.
Deus, qui de beátæ Mariæ.
*Tertia pro Ecclesia, vel pro Pa-
pa, fol. 1.*

Léctio Epístolæ B. Pauli Apó-
stoli ad Romános. *Rom. 15.*

FRATRES, Quæcumque
scripta sunt, ad nostram
doctrinam scripta sunt, ut per
patiéntiam, et consolatióem
Scripturárum, spem habeá-
mus. Deus autem paciéntiæ et
solátii det vobis idípsum sá-
pere in altérutrum secúndum
Jesum Christum: ut unáni-
mes, uno ore honorificétis De-
um, et Patrem Dómini nostri
Jesu Christi. Propter quod
suscipite invicem, sicut et
Christus suscepit vos in honó-
rem Dei. Dico enim Christum
Jesum mínistrum fuisse cir-
cumcisiónis propter veritatem
Dei, ad confirmándas promi-
siónes patrum: Gentes autem
super misericórdia honoráre
Deum, sicut scriptum est:
Propterea confitébor tibi in
Géntibus, Dómine, et nómini
tuo cantábo. Et iterum dicit:
Lætámini Gentes cum plebe
ejus. Et iterum: Laudáte om-
nes Gentes Dóminum: et
magnificáte eum omnes pópu-
li. Et rursus Isaías ait: Erit
radix Jesse, et qui exúrget
régere Gentes, in eum Gen-
tes sperábunt. Deus autem
spei répleat vos omni gáudio,
& pace in credéndo: ut abun-
détis in spe, et virtúte Spíri-
tus sancti.

Graduale. Ps. 49. Ex Sion
spécies decóris ejus: Deus ma-
nifestè véniet. *V.* Congregáte
illi sanctos ejus, qui ordinave-

runt testaméntum ejus super
sacrificia. Allelúia, allelúia.

V. Lætátus sum in his, quæ
dicta sunt mihi: in domum
Dómini íbimus. Alleluia.

Sequéntia S. Evangelii secún-
dum Matthæum. *Matt. 11.*

IN illo témpore: Cùm au-
disset Joánnes in vínculis
ópera Christi, mittens duos
de discípulis suis, ait illi: Tu
es, qui ventúrus es, an álium
expectámus? Et respóndens
Jesus, ait illi: Eúntes renun-
tiáte Joánni, quæ audístis, et
vidístis. Cæci vident, claudi
ámbulant, leprósi mundántur,
surdi áudiunt, mórtui resúr-
gunt, páuperes evangelizán-
tur: et beátus est, qui non fú-
erit scandalizátus in me. Illis
autem abeúntibus, cœpit Jesus
dicere ad turbas de Joánne:
Quid exístis in desértum vi-
dére? arúndinem vento agitá-
tam? Sed quid exístis vidére?
hóminem móllibus vestítum?
Ecce qui móllibus vestiúntur,
in dómibus Regum sunt. Sed
quid exístis vidére? Prophé-
tam? Etiam dico vobis, et plus
quàm Prophétam. Hic est enim,
de quo scriptum est:
Ecce ego mitto Angelum
meum ante fáciem tuam, qui
præparábit viam tuam ante te.
Credo.

Offertorium. Ps. 84. Deus,
tu convértens vivificábis nos,
et plebs tua lætábitur in te:
osténde nobis, Dómine, mise-
ricórdiam tuam, et salutáre
tuum da nobis.

Secreta.

PLACARE, quæsumus,
Dómine, humilitátis nos-
træ précibus et hóstiis: et ubi
nulla súppetunt suffrágia me-

ritórum, tuis nobis succúrre præsiðiis. Per Dominum.

Secunda Secreta de S. Maria, tertia pro Ecclesia, vel pro Papa. fol. 2.

Communio. Baruch 4. et 5.
Jerúsalem surge, et sta in excélsó: et vide jucunditátem, quæ véniet tibi à Deo tuo.

Postcommunio.

REPLETI cibo spirituális alimóniæ súpplices te, Dómine, deprecámur: ut hujus participatióne mystérii, dóceas nos terréna despícere, et amáre coeléstiá. Per Dóminum nostrum.

Secunda Postcommunio de S. Maria, tertia pro Ecclesia, vel pro Papa. fol. 3.

DOM. III. ADVENTUS.

Statio ad sanctum Petrum.

Introitus. Phil. 4.

GAUDETE in Dómino semper: iterúm dico, gaudéte: modéstia vestra nota sit ómnibus homínibus: Dóminus enim propè est: nihil solíciti sitis; sed in omni oratióne petitiones vestræ innotéscant apud Deum.

Psalm. 84. Benedixísti, Dómine, terram tuam: avertísti captivitátem Jacob.

V. Glória Patri.

Non dicitur Glória in excélsis.

Oratio.

AUREM tuam, quæsumus, Dómine, précibus nostris accómmoda: et mentis nostræ ténébras, grátia tuæ visitatiónis illústra. Qui vivis et regnas cum Deo Patre.

Secunda Oratio de S. Maria, tertia pro Ecclesia, vel pro Papa. fol. 1.

Léctio Epistolæ B. Pauli Apóstoli ad Philippenses. Phil. 4.

FRATRES, Gaudéte in Dómino semper: iterúm dico, gaudéte. Modéstia vestra nota sit ómnibus homínibus: Dóminus propè est. Nihil solíciti sitis; sed in omni oratióne, et obsecratióne, cum grátiarum actióne, petitiónes vestræ innotéscant apud Deum, Et pax Dei, quæ exúperat omnem sensum, custódiat corda vestra, et intelligéntias vestras: in Christo Jesu Dómino nostro.

Graduale. Psalm. 79. Qui sedes, Dómine, super Chéribim, éxcita poténtiam tuam, et veni. *V.* Qui regis Israél, inténde: qui dedúcis, velut ovem, Joseph.

Allelúia, alleluia.

V. Excita Dómine poténtiam tuam, et veni: ut salvos fácias nos. *Allelúia.*

Sequéntia S. Evangélii secundum Joánnem.

Joan. 1.

IN illo témpore: Misérunt Judæi ab Jerosólymis sacerdótes et Levítas ad Joánnem, ut interrogárent eum: Tu quis es? Et conféssus est, et non negávit: et conféssus est: Quia non sum ego Christus. Et interrogavérunt eum: Quid ergo? Elías es tu? Et dixit: Non sum. Prophéta es tu? Et respóndit: Non. Dixérunt ergo ei: Quis es, ut respónsum demus his, qui misérunt nos? Quid dicis de te ipso? Ait: Ego vox

clamantis in deserto, dirigite viam Dómini, sicut dixit Isaias Prophéta. Et qui missi fuerant, erant ex Pharisæis. Et interrogaverunt eum, et dixerunt ei: Quid ergo baptizas, si tu non es Christus, neque Elías, neque Prophéta? Respondit eis Joánnes, dicens: Ego baptizo in aqua: médius autem vestrum stetit, quem vos nescitis. Ipse est, qui post me venturus est, qui ante me factus est: cujus ego non sum dignus, ut solvam ejus corrigiam calceamenti. Hæc in Bethánia facta sunt trans Jordánem, ubi erat Joánnes baptizans. Credo.

Offertorium. Psal. 84. Benedixisti, Dómine, terram tuam: avertisti captivitatem Jacob: remisisti iniquitatem plebis tuæ.

Secreta.

DEVOTIONIS nostræ tibi, quæsumus Dómine, hostia júgiter immolétur: quæ et sacri péragat institúta mystérii, et salutáre tuum in nobis mirabiliter operétur. Per Dóminum, &c.

Secunda Secreta de S. Maria; tertia pro Ecclesia, vel pro Papa. fol. 2.

Communio. Isai. 35. Dicite, pusillánimes: Confortámini, et nolíte timére: ecce Deus noster véniet, et salvábit nos.

Postcommunio.

IMPLORAMUS, Dómine, cleméntiam tuam: ut hæc divina subsidia à vítiis expiátos, ad festa ventúra nos præparent. Per Dóminum nostrum.

Secunda Postcomm. de S. Maria; tertia pro Ecclesia, vel pro Papa. fol. 3.

FERIA IV. QUATUOR TEMP. ADVENTUS.

Statio ad S. Mariam majorem.

Introitus. Isa. 45.

RORATE cœli désuper, et nubes pluant justum: aperiátur terra, et gérminet Salvatórem.

Psalm. 18. Cœli enarrant glóriam Dei, et ópera mánuum ejus annúntiat firmaméntum.

V. Glória Patri.

Post Kyrie eléïson, immediate dicitur, Orémus. Flectámus génuá. R. Leváte.

Oratio.

PRÆSTA, quæsumus, omnipotens Deus: ut redemptionis nostræ ventúra solémnitas, et præsentis nobis vitæ subsidia cónferat, et æternæ beatitudinis præmia largiátur. Per Dóminum.

Lectio Isaiæ Prophætæ.

Isaiæ 2.

IN diébus illis: Dixit Isaias Prophéta: Erit in novissimis diébus præparátus mons domus Dómini in vértice móntium, et elevábitur super colles, et fluent ad eum omnes Gentes. Et ibunt pópuli multi, et dicent: Veníte, et ascendámus ad montem Dómini, et ad domum Dei Jacob: et docébit nos vias suas, et ambulábit in sémitis ejus: quia de Sion exíbit lex, et verbum Dómini de Jerúsalem. Et judicábit Gentes, et árguet pópulos multos, et conflábunt gládios suos in vómeres, et lanceas suas in falces: non levábit gens contra gentem gládium: nec exercebúntur ultrà ad prælium. Domus Jacob veníte, et

ambulémus in lumine Dómini Dei nostri.

Graduale. Ps. 23. Tóllite portas, príncipes, vestras: et elevámini portæ æternáles, et introíbit Rex glóriæ. *V.* Quis ascéndet in montem Dómini, aut quis stabit in loco sancto ejus: innocens mánibus, et mundo corde.

Hic dicitur V. Dóminus vobiscum, *sine* Flectámus génuá.

Oratio.

FESTINA, quæsumus Dómine, ne tardáveris: et auxiliúm nobis supérnæ virtútis impénde: ut advéntus tui consolatióibus sublevéntur, qui in tua pietáte confidunt. Qui vivis, &c.

Secunda Oratio de S. Maria; tertia pro Ecclesia, vel pro Papa. fol. 1.

Léctio Isaíæ Prophétæ.

Isaíæ 7. b.

IN diébus illis: Locútus est Dóminus ad Achaz, dicens: Pete tibi signum à Dómino Deo tuo in profúndum inférni, sive in excélsum suprà. Et dixit Achaz: Non petam, et non tentábo Dóminum. Et dixit: Audíte ergo domus David: Numquid parum vobis est, moléstos esse hominibus, quia molésti estis et Deo meo? Propter hoc dabit Dóminus ipse vobis signum. Ecce Virgo concípíet, et páriet Fílium, et vocábitur nomen ejus Emmánuël. Butyrum et mel cómedet, ut sciat reprobare malum, et eligere bonum.

Graduale. Psal. 144. Propè est Dóminus ómnibus invocántibus eum, ómnibus qui invocant eum in veritáte.

V. Laudem Dómini loquétur

os meum: et benedicat omnis caro nomen sanctum ejus.

Sequéntia S. Evangélii secúndum Lucam. *Luc. 1. c.*

IN illo témpore: Missus est Angelus Gábriël à Deo in civitátem Galilææ, cui nomen Názareth, ad Virgíne desponsátam viro, cui nomen erat Joseph, de domo David, et nomen Virgínis Maria. Et ingrèssus Angelus ad eam, dixit: Ave grátia plena: Dóminus tecum: Benedicta tu in muliéribus. Quæ cùm audísset, turbáta est in sermóne ejus, et cogitábat qualis esset ista salutátio. Et ait Angelus ei: Ne tíneas María; invenísti enim grátiam apud Deum: ecce concípies in útero, et páries fílium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábít in domo Jacob in ætérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognosco? Et respóndens Angelus, dixit ei: Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elisabeth cognáta tua, et ipsa concépit fílium in senectúte sua: et hic mensis sextus est illi, quæ vocátur stérilis: quia non erit impossíbile apud Deum omne verbum. Dixit autem María: Ecce ancílla Dómini, fiat mihi secúndum verbum tuum.

Offertórium. Isa. 35. Confortámini, et jam nolíte timére:

ecce enim Deus noster retribuēt iudiciū : ipse veniet, et salvos nos faciet.

Secreta.

ACCEPTA tibi sint, quæsumus Dómine, nostra jejúnia : quæ et expiādo nos tuā grātiā dignos efficiant, et ad sempiterna promissa perducant. Per Dóminum.

Secunda Secr. de S. Maria. iii. pro Eccles. vel pro Papa. fol. 2.

Communio. Is. 7. Ecce Virgo concipiet, et páriet filium : et vocábitur nomen ejus Emmánuël.

Postcommunio.

SALUTARIS tui, Dómine, múnere satiāti, súpplices deprecámur : ut, cujus lætámur gustu, renovémur effectū. Per Dóminum.

Secunda Postcommun. de S. Maria, tertia pro Ecclesia, vel pro Papa. fol. 3.

FERIA VI. QUATUOR TEMP. ADVENTUS.

Statio ad SS. duodecim Apostolos.

Introitus. Ps. 118.

PROPE es tu Dómine, et omnes viæ tuæ veritas : inítio cognóvi de testimóniis tuis, quia in ætérnum tu es.

Psal. ibid. Beáti immaculáti in via : qui ámbulant in lege Dómini. *V. Glória Patri.*

Oratio.

EXCITA quæsumus Dómine, poténtiam tuam, et veni : ut hi, qui in tua pietáte confidunt, ab omni citiús adversitate liberéntur. Qui vivis.

Secunda Oratio de S. Maria, tertia pro Ecclesia, vel pro Papa. fol. 1.

Léctio Isaíæ Prophétæ.

Isaie 11.

HÆC dicit Dóminus Deus : Egrediétur virga de radice Jesse, et flos de radice ejus ascéndet. Et requiescet super eum spíritus Dómini : spíritus sapiéntiæ, et intelléctus : spíritus consilii, et fortitúdinis : spíritus sciéntiæ, et pietátis : et replébit eum spíritus timóris Dómini : non secúndum visiónem oculórum iudicábit, neque secúndum auditum áurium árguet ; sed iudicábit in justitia páuperes, et árguet in æquitáte pro mansuétis terræ : et percútiét terram virgá oris sui, et spíritu labiórum suórum interficiét impium. Et erit justitia cingulum lumbórum ejus ; et fides cinctórium renū ejus.

Graduale. Psal. 84. Osténde nobis, Dómine, misericórdiam tuam : et salutáre tuum da nobis. *V. ibid.* Benedixisti, Dómine, terram tuam : avertisti captivitátem Jacob.

Sequéntia S. Evangélii secúndum Lucam. Luc. 1. d.

IN illo tempore : Exúrgens María, ábiit in montána cum festinátione in civitátem Juda : Et intrávit in domum Zachariæ, et salutávit Elisabeth. Et factum est, ut áudiit salutátionem Mariæ Elisabeth, exultavit infans in útero ejus : et repléta est Spíritu sancto Elisabeth : et exclamávit voce magnà, et dixit : Benedicta tu inter mulieres, et benedictus fructus ventris tui. Et unde hoc mihi, ut veniat mater Dómini mei ad me ? Ecce enim, ut facta est vox saluta-

tiónis tuæ in áuribus meis, exultávit in gáudio infans in útero meo. Et beáta quæ credidisti, quóniam perficiéntur ea, quæ dicta sunt tibi à Dómino. Et ait María: Magnificat ánima mea Dóminum, et exultávit spíritus meus in Deo salutári meo.

Offertorium. Ps. 84. Deus tu convertens vivificábis nos, et plebs tua lætábitur in te: osténde nobis Dómine misericórdiam tuam, et salutáre tuum da nobis.

Secreta.

MUNERIBUS nostris, quæsumus Dómine precibúsque susceptis: et cœlestibus nos munda mystériis, et cleménter exáudi. Per Dóminum.

Secunda Secreta de S. Maria, tertia pro Ecclesia, vel pro Papa. fol. 2.

Communio. Zach. 14. Ecce Dóminus véniet, et omnes Sancti ejus cum eo: et erit in die illa lux magna.

Postcommunio.

TUI nos, Dómine, sacraménti libátio sancta restáuret: et à vetustáte purgátos, in mystérii salutáris faciat transire consórtium. Per Dóminum.

Secunda Postcomm. de S. Maria, tertia. Quæsumus, vel pro Papa. fol. 3.

SABBATO QUATUOR TEMP. ADVENTUS.

Statio ad Sanctum Petrum.

Introitus. Psal. 79.

VENI, et osténde nobis fáciem tuam, Dómine, qui sedes super Chérubim: et salvi érimus.

Psal. ibid. Qui regis Israël, inténde: qui dedúcis, velut ovem, Joseph. V. Glória Patri.

Post Kyrie eléison, dicitur, Orémus. Flectámus gœna
R. Leváte.

Oratio.

DEUS, qui cœnspicis, quia ex nostra pravitáte affligimur: concéde propítius; ut ex tua visitatióne consolémur. Qui vivis et regnas, &c.

Lectio Isaiaë Prophétæ.

Isaiaë 19. d.

IN diébus illis: Clamábunt ad Dóminum à fácie tribulántis, et mittet eis Salvatórem, et propugnatórem, qui liberet eos. Et cognoscétur Dominus ab Ægypto, et cognóscent Ægyptii Dóminum in die illa: et colent eum in hóstiis, et in munéribus: et vota vovébunt Dómino, et solvent. Et percútiet Dóminus Ægyptum plagâ, et sanábit eam: et reverténtur ad Dóminum, et placábitur eis, et sanábit eos Dóminus Deus noster.

Graduale. Psal. 18. A summo cœlo egressio ejus: et occúrsus ejus usque ad summum ejus.

V. Cœli enarrant glóriam Dei: et ópera mánuum ejus annúntiat firmaméntum.

Orémus. Flectámus gœna.
R. Leváte.

Oratio,

CONCEDE quæsumus omnípotens Deus: ut, qui sub peccáti jugo, ex vetústa servitúte deprímimur; expectátà unigéniti Fílii tui nová natiuitáte liberémur. Qui tecum vivit et regnat.

Lectio Isaiaë Prophétæ.

Isaiaë 35.

HÆC dicit Dóminus; Lætabitur déserta et invia,

et exultabit solitudo, et flo-
 rebit quasi lilium. Germinans
 germinabit, et exultabit læta-
 bunda et laudans: gloria Lí-
 bani data est ei, decor Carmé-
 li, et Saron: ipsi videbunt gló-
 riam Dómini, et decorem Dei
 nostri. Confortate manus dis-
 solutas, et gēna debilia robo-
 rate. Dicite pusillánimis: Con-
 fortámini, et nolite timere: ec-
 ce Deus vester ultiónem ad-
 ducet retributiónis: Deus ipse
 veniet, et salvabit vos. Tunc
 aperientur óculi cæcorum, et
 aures surdorum patēbunt.
 Tunc saliet sicut cervus clau-
 dus, et apēta erit lingua mu-
 tórum: quia scissæ sunt in de-
 serto aquæ, et torrentes in so-
 litudine. Et quæ erat arida,
 erit in stagnum, et sitiens, in
 fontes aquarum. Ait Dóminus
 omnipotens.

Graduale. Psal. 18. In sole
 pósuit tabernaculum suum: et
 ipse tamquam sponsus procé-
 dens de thálamo suo. *V.* A
 summo cœlo egressio ejus: et
 occursus ejus usque ad sum-
 mum ejus. Orémus. Flectá-
 mus gēna. *R.* Leváte.

Oratio.

INDIGNOS nos, quæsumus
 Dómine, fámulos tuos,
 quos actiõnis próprie culpa
 contristat, unigéniti Filii tui
 advéntu lætífica. Qui tecum
 vivit et regnat in unitate Spí-
 ritus sancti Deus.

Lectio Isaiaë Prophætæ:

Isaiaë 40. b.

HÆC dicit Dóminus: Su-
 per montem excelsum
 ascende tu, qui evangelizas
 Sion: exalta in fortitudine vo-
 cem tuam, qui evangelizas Je-
 rúsalem: exalta, noli temere.
 Dic civitatibus Juda: Ecce

Deus vester: Ecce Dóminus
 Deus in fortitudine veniet, et
 bráchium ejus dominabitur:
 Ecce merces ejus cum eo, et
 opus illius coram illo. Sicut
 pastor gregem suum pascet: in
 bráchio suo congregabit agnos,
 et in sinu suo levabit, Dóminus
 Deus noster.

Graduale. Psalm. 79. Dó-
 mine Deus virtutum convérte
 nos: et ostēde faciē tuam,
 et salvi érimus. *V.* Excita
 Dómine potētiā tuā, et
 veni: ut salvos faciās nos.
 Orémus. Flectámus gēna.
R. Leváte.

Oratio.

PRÆSTA quæsumus omni-
 potens Deus: ut Filii tui
 ventúra solémnitas, et præsen-
 tis nobis vitæ remédia cónferat,
 et præmia ætérna concédāt.
 Per eúndem Dóminum.

Lectio Isaiaë Prophætæ. *Is. 45.*

HÆC dicit Dóminus christo
 meo Cyro, cujus apprehē-
 dēdi dexteram, ut subjiciam
 ante faciē ejus Gentes, et
 dorsa regum vertam, et apēri-
 am coram eo jánuas, et portæ
 non claudētur. Ego ante te
 ibo, gloriósos terræ humiliábo:
 portas æreas cónferam, et vec-
 tes férreos confringam. Et
 dabo tibi thesáuros abscondi-
 tos, et arcána secretórum: ut
 scias, quia ego Dóminus, qui
 voco nomen tuum, Deus Israël.
 Propter servum meum Jacob,
 et Israël eléctum meum, et vo-
 cavi te nómine tuo: assimilávi
 te, et non cognovisti me. Ego
 Dóminus, et non est ámplius:
 extra me non est Deus: ac-
 cínxi te, et non cognovisti me:
 Ut sciánt hi, qui ab ortu solis,
 et qui ab occidente, quóniam
 absque me non est. Ego Dó-

minus, et non est alter, formans lucem, et creans tenebras, faciens pacem, et creans malum: Ego Dominus faciens omnia hæc. Rorate cœli desuper, et nubes pluant justum: aperiat terra, et germinet Salvatorem: et justitia oriatur simul: Ego Dominus creavi eum.

Graduale. Psal. 79. Excita, Domine, potentiam tuam, et veni, ut salvos facias nos.

V. Qui regis Israël, intende, qui deducis, velut ovem, Joseph: qui sedes super Cherubim, appare coram Ephraim, Benjamin, et Manasse.

Orémus. Flectamus genua.

R. Levate.

Oratio.

PRECES populi tui, quæsumus Domine, clementer exaudi: ut qui justè pro peccatis nostris affligimur, pietatis tuæ visitatione consolémur. Qui vivis et regnas cum Deo.

Lectio Daniélis Prophætæ.

Dan. 3. c.

IN dièbus illis: Angelus Domini descendit cum Azaria, et sociis ejus in fornacem: et excussit flammam ignis de fornace, et fecit médium fornacis quasi ventum roris flantem. Flamma autem effundebatur super fornacem cubitis quadraginta novem: et erupit, et incendit quos reperit juxta fornacem de Chaldæis ministros regis, qui eam incendebant. Et non tetigit eos omnino ignis, neque contristavit, nec quidquam molestiæ intulit. Tunc hi tres quasi ex uno ore laudabant, et glorificabant, et benedicébant Deum in fornace, dicentes:

Hic non respondetur Deo gratias.

Hymnus. Ibid.

BENEDICTUS es Domine Deus patrum nostrorum. Et laudabilis et gloriosus in sæcula.

Et benedictum nomen gloriæ tuæ, quod est sanctum. Et laudabile et gloriosum in sæcula.

Benedictus es in templo sancto gloriæ tuæ. Et laudabilis et gloriosus in sæcula.

Benedictus es super thronum sanctum regni tui. Et laudabilis, et gloriosus in sæcula.

Benedictus es super sceptrum Divinitatis tuæ. Et laudabilis et gloriosus in sæcula.

Benedictus es, qui sedes super Cherubim, intuens abyssos. Et laudabilis et gloriosus in sæcula.

Benedictus es, qui ambulas super pennas ventorum, et super undas maris. Et laudabilis et gloriosus in sæcula.

Benedicant te omnes Angeli, et Sancti tui. Et laudent te et glorificent in sæcula.

Benedicant te cœli, terra, mare et omnia, quæ in eis sunt. Et laudent te et glorificent in sæcula.

Gloria Patri, et Filio, et Spiritui sancto. Et laudabili et glorioso in sæcula.

Sicut erat in principio, et nunc, et semper, et in sæcula sæculorum, Amen. Et laudabili et glorioso in sæcula.

Benedictus es Domine Deus Patrum nostrorum. Et laudabilis et gloriosus in sæcula.

Hic dicitur, Dominus vobiscum, sine Flectamus genua.

Orémus. *Oratio.*

DEUS, qui tribus pueris mitigasti flammam ignium:

concede propitius; ut nos famulos tuos non exurat flamma vitiorum. Per Dominum.

De S. Maria. Oratio.

DEUS, qui de beatæ Mariæ Virginis útero, Verbum tuum, Angelo nuntiante, carnem suscipere voluisti: præsta supplicibus tuis; ut qui verè eam genitricem Dei credimus, ejus apud te intercessionibus adjuvemur.

Pro Papa. Oratio.

DEUS omnium fidelium pastor et rector, famulum tuum *N.* quem pastorem Ecclesiæ tuæ præesse voluisti, propitius respice: da ei, quaesumus, verbo et exemplo, quibus præest, proficere; ut ad vitam, unà cum grege sibi credito, perveniat sempiternam. Per Dominum nostrum.

Vel contra persecutores Ecclesiæ, Oratio. Ecclesiæ tuæ. ut in Dominica 1. Adv. fol. 1.

Lectio Epistolæ beati Pauli Apóstoli ad Thessalonicenses. *2 Thess. 2.*

FRATRES, Rogamus vos per adventum Domini nostri Jesu Christi, et nostræ congregationis in ipsum: ut non citò moveamini à vestro sensu, neque terreamini, neque per spiritum, neque per sermonem, neque per epistolam tamquam per nos missam, quasi instet dies Domini. Ne quis vos seducat ullo modo: quoniam nisi venerit discéssio primùm, et revelátus fuerit homo peccati, filius perditionis, qui adversatur, et extollitur supra omne quod dicitur Deus, aut quod colitur, ita ut in templo Dei sedeat ostendens se tamquam sit Deus. Non retinétis,

quòd cum adhuc essem apud vos, hæc dicebam vobis? Et nunc quid detineat scitis, ut revelétur in suo tempore. Nam mysterium jam operatur iniquitatis: tantum ut qui tenet nunc, teneat, donec de medio fiat. Et tunc revelabitur ille iniquus, quem Dominus Jesus interficiet spiritu oris sui, et destruet illustratione adventus sui.

Tractus Psal. 79. Qui regis Israël, inténde: qui dedúcis, velut ovem, Joseph. *Y.* Qui sedes super Chérubim, appare coram Ephraim. Bénéjamin, et Manásse. *Y.* Excita, Domine poténtiam tuam, et veni, ut salvos facias nos.

Sequéntia sancti Evangelii secundum Lucam.

Luca 3.

ANNO quintodécimo imperii Tibérii Cæsaris procurante Póntio Pilátio Judæam, tetrárcha autem Galilææ Heróde, Philíppo autem fratre ejus tetrárcha Iturææ, et Trachonítidis regiónis et Lysánia Abilínæ tetrárcha, sub princípibus sacerdotum Anna et Cáipha: factum est verbum Domini super Joánnem, Zachariæ filium, in deserto. Et venit in omnem regiónem Jordánis prædicans baptísmum pœnitentiæ in remissionem peccatorum, sicut scriptum est in libro sermonum Isaïæ Prophætæ: Vox clamantis in deserto: Parate viam Domini: rectas facite semitas ejus: omnis vallis implébitur, et omnis mons et collis humiliabitur: et erunt prava in directa, et áspera in

vias planas: et vidébit omnis caro salutáre Dei.

Offertorium. Zach. 9. Exúlta satis, filia Sion, prædica filia Jerúsalem: ecce Rex tuus venit tibi sanctus, et salvátor.

Secreta.

SACRIFICIIS præsentibus, quæsumus Dómine, placatus inténde: ut et devotióni nostræ proficiant, et salúti. Per Dóminum.

De sancta Maria. Secreta.

IN méntibus nostris, quæsumus Dómine, veræ fidei sacraménta confirma: ut qui concéptum de Virgine Deum verum et hóminem confitémur: per ejus salutíferæ resurrectionis poténtiam, ad ætérnam mereámur pervenire lætítiam.

Pro Papa. Secreta.

OBLATIS, quæsumus Dómine, placáre munéribus: et fámulum tuum *N.* quem pastórem Ecclesiæ tuæ præesse voluisti, assidua protectiône gubérna. Per Dóminum.

Vel contra persecutores Ecclesiæ, Secreta. Prótege nos Dómine, ut in *Dominica prima Adventus.* fol. 3.

Communio. Psal. 18. Exultávit ut gigas ad curréndam viam: à summo cœlo egréssio ejus, et occúrsum ejus usque ad summum ejus.

Postcommunio.

QUÆSUMUS, Dómine Deus noster: ut sacrosáncta mystéria, quæ pro reparationis nostræ munímine contulisti; et præsens nobis remédium esse fácias, et futúrum. Per Dóminum nostrum.

De S. Maria. Postcommunio.

GRATIAM tuam, quæsumus Dómine, méntibus

nostris infúnde: ut qui, Angelo nuntiánte, Christi Fílii tui incarnationem cognóvimus; per passióem ejus et crucem, ad resurrectionis glóriam perducámur.

Pro Papa. Postcommunio.

HÆC nos, quæsumus Dómine, divini sacraménti percéptio próteget: et fámulum tuum *N.* quem pastórem Ecclesiæ tuæ præesse voluisti, unà cum commisso sibi grege salvét semper, et múniat. Per Dóminum.

Vel contra persecutores Ecclesiæ, Postcommunio. Quæsumus Dómine, ut in *Dominica prima Adventus.* fol. 3.

DOM. IV. ADVENTUS.

Statio ad SS. duodecim Apostolos.

Introitus. Isaia 45.

RORATE cœli désuper, et nubes pluant justum: aperiátur terra, et gérmínet salvatórem.

Psal. 18. Cœli enarrant glóriam Dei: et ópera mánuum ejus annúnciat firmaméntum.

℟. Glória Patri.

Oratio.

EXCITA, quæsumus Dómine, poténtiam tuam, et veni, et magna nobis virtúte succúrre; ut per auxiliúm grátiae tuæ, quod nostra peccáta præpédiunt, indulgéntia tuæ propitiatiónis accéleret. Qui vivis et regnas cum Deo Patre.

De S. Maria. Oratio.

DEUS, qui de beátæ Mariæ Virginis útero, Verbum tuum, Angelo nuntiánte, carnem suscipere voluisti; præsta

supplicibus tuis; ut qui verè eam genitricem Dei credimus, ejus apud te intercessionibus adjuvemur.

Contra persecutores Ecclesie.

Oratio.

ECCLESIE tuæ, quæsumus Dómine, preces placatus admitte: ut destructis adversitatibus et erroribus universis, secúra tibi sérviat libertate. Per Dóminum.

Vel pro Papa. Oratio.

DEUS ómnium fidélium pastor et rector, famulum tuum N. quem pastorem Ecclesiæ tuæ præesse voluisti, propitiis respice: da ei, quæsumas, verbo et exemplo, quibus præest, proficere; ut ad vitam, unà cum grege sibi crédito, perveniat sempiternam. Per Dóminum nostrum Jesum Christum.

Lectio Epistolæ beati Pauli Apóstoli ad Corínthios.

1 Cor. 4.

FRATRES, Sic nos existimet homo, ut ministros Christi, et dispensatores mysteriorum Dei. Hic jam quaeritur inter dispensatores: ut fidelis quis inveniatur. Mihi autem pro minimo est, ut à vobis júdicer, aut ab humano die: sed neque meípsum júdico. Nihil enim mihi cóncius sum: sed non in hoc justificatus sum: qui autem júdicat me, Dóminus est. Itaque nolite ante tempus júdicare, quoadúsque veniat Dóminus: qui et illuminabit abscondita tenebrarum, et manifestabit consilia córdium: et tunc laus erit unicuique à Deo.

Graduale. Psal. 144. Propè est Dóminus omnibus invocán-

tibus eum, ómnibus qui invocant eum in veritate.

℣. Laudem Dómini loquatur os meum, et benedicat omnis caro nomen sanctum ejus. Allelúia, allelúia.

℟. Veni Dómine, et noli tardare: reláxa facinora plebis tuæ Israël. Allelúia.

Sequéntia sancti Evangélii secundum Lucam. *Lucæ 3.*

ANNO quintodécimo imperii Tibérii Cæsaris procurante Póntio Piláto Judæam, tetrárcha autem Galilææ Heróde, Philíppo autem fratre ejus tetrárcha Iturææ, et Trachonitidis regiónis, et Lysánia Abilínæ tetrárcha, sub princípibus sacerdotum Anna et Cáipha: factum est verbum Dómini super Joánnem, Zachariæ filium, in deserto: Et venit in omnem regiónem Jordánis prædicans baptismum poenitentiae in remissionem peccatorum, sicut scriptum est in libro sermonum Isaiaë Prophætæ: Vox clamantis in deserto: Parate viam Dómini: rectas facite semitas ejus: omnis vallis implébitur, et omnis mons et collis humiliábitur: et erunt prava in directata, et áspera in vias planas: et vidébit omnis caro salutare Dei. Credo.

Offertorium. Lucæ 1. Ave Maria, grátia plena, Dóminus tecum: Benedicta tu in mulieribus, et benedictus fructus ventris tui.

Secreta.

SACRIFICIIS præsentibus, quæsumus Dómine, placatus inténde: ut et devotioni nostræ proficiant, et salúti. Per Dóminum nostrum.

De S. Maria. Secreta.

IN méntibus nostris, quæsumus Dómine, veræ fidei sacraménta confirma: ut qui concéptum de Vírgine Deum verum et hóminem confitémur; per ejus salutíferæ resurrectionis poténtiam, ad ætérnam mereámur pervenire lætítiam.

Contra persecutores Ecclesiæ. Secreta.

PROTEGE nos Dómine, tuis mystériis serviéntes: ut divinis rebus inhæréntes: et corpore tibi famulémur et mente. Per Dóminum.

Vel pro Papa. Secreta.

OBLATIS, quæsumus Dómine, placáre munéribus: et famulum tuum *N.* quem pastórem Ecclesiæ tuæ præesse voluisti, assídua protectione gubérna. Per Dóminum.

Communio. Isaie 7. Ecce Virgo concépiet, et páriet Fílium: et vocábitur nomen ejus Emmánuël.

Postcommunio.

SUMPTIS munéribus, quæsumus Dómine, ut cum frequentatióne mystérii crescat nostræ salutis effectus. Per Dóminum nostrum.

De S. Maria. Postcommunio.

GRATIAM tuam, quæsumus Dómine, méntibus nostris infúnde: ut qui, Angelo nuntiánte, Christi Fílii tui incarnationem cognóvimus; per passiónem ejus et crucem, ad resurrectionis glóriam perduámur.

Contra persecutores Ecclesiæ. Postcommunio.

QUÆSUMUS, Dómine Deus noster: ut quos divina tríbuis, participatióne gau-

dere, humánis non sinas subjacere periculis. Per Dóminum nostrum.

Vel pro Papa. Postcommunio.

HÆC nos, quæsumus Dómine, divini sacraménti percéptio próteget: et famulum tuum *N.* quem pastórem Ecclesiæ tuæ præesse voluisti, unà cum commisso sibi grege salvet semper, et múniat. Per Dóminum.

¶ Si Vigilia Nativitatis Domini venerit in Dominica, totum Officium Missæ fit de Vigilia, cum commemoratione Dominicæ: sed non legitur ejus Evangelium in fine.

IN VIGILIA NATIVITATIS DOMINI.

Statio ad Sanctam Mariam majorem.

Introitus. Exod. 16.

HODIE sciétis, quia véniet Dóminus, et salvabit nos: et manè vidébitis glóriam ejus.

Psal. 23. Dómini est terra, et plenitúdo ejus; orbis terrarum, et univérsi qui hábitant in eo. *V.* Glória Patri.

Oratio.

DEUS, qui nos redemptiόνis nostræ ánnua expectatióne lætíficas: præsta; ut Unigénitum tuum, quem Redemptórem læti suscipimus, veniéntem quoque judicem scúri videámus, Dóminum nostrum Jesum Christum Fílium tuum. Qui tecum vivit et regnat.

Et dicitur hæc Oratio tantùm, nisi Vigilia venerit in Dominica.

Léctio Epístolæ beáti Pauli
Apóstoli ad Romános.

Rom. 1.

PAULUS, servus Jesu Christi, vocátus Apóstolus, segregátus in Evangélium Dei, quod anté promiserat per Prophétas suos in Scriptúris sanctis de Filio suo, qui factus est ei ex sémine David secúndum carnem, qui prædestinátus est Fílius Dei in virtúte secúndum spíritum sanctificatiónis ex resurrectione mortuorum Jesu Christi Dómini nostri. Per quem accépinus grátiam, et Apostolátum ad obediéndum fidei in ómnibus Géntibus pro nómine ejus, in quibus estis et vos vocáti Jesu Christi Dómini nostri.

Graduale. Exod. 16. Hódie sciétis, qui véniet Dóminus, et salvábit nos: et manè vidébitis glóriam ejus. *V.* Qui regis Israél inténde, qui dedúcis, velut ovem, Joseph: qui sedes super Chérubim, appáre coram Ephraim, Bénjamin, et Manásse.

Non dicitur Allelúia, cum sequenti V. nisi hæc Vigília venerit in Dominica.

Allelúia, allelúia. *V.* Crástinâ die delébitur iniquitas terræ: et regnábit super nos Salvátor mundi. Allelúia.

Sequéntia sancti Evangélii secúndum Matthæum.

Matth. 1. c.

CUM esset desponsátamater Jesu María Joseph, ántequam convenirent, invénta

est in útero habens de Spíritu sancto. Joseph autem vir ejus, cùm esset justus, et nollet eam tradúcere, vóluit occultè dimittere eam. Hæc autem eo cogitánte, ecce Angélus Dómini appáruit in somnis ei: dicens: Joseph fili David, noli timére accipere Mariám conjugem tuam: quod enim in ea natum est, de Spíritu sancto est. Páriet autem filium: et vocábis nomen ejus Jesum. Ipse enim salvum faciet pópulum suum à peccátis eorum.

Offertorium. Psal. 23. Tóllite portas, principes, vestras, et elevámini portæ æternáles, et introibit Rex glóriæ.

Secreta.

DA nobis, quæsumus omnípotens Deus: ut sicut adoránda Filii tui natalítia prævenimus, sic ejus múnera capiámus sempitérna gaudéntes. Qui tecum vivit, et regnat.

Communio. Isaïæ 40. Revelábitur glória Dómini, et vidébit omnis caro salutáre Dei nostri.

Postcommunio.

DA nobis, quæsumus Dómine, unigéniti Filii tui recensíta nativitate respiráre: cujus coelésti mystério páscimur et potámur. Per eúndem Dóminum.

¶ Sacerdos, quoniam in die Nativit. Domini celebrat tres Missas, in prima et secunda Missa non sumat purificationem, sed in tertia Missa tantum, et in prima et secunda abluat digitos in aliquo vase mundo.

NATIVITATE DOMINI.

AD PRIMAM MISSAM IN NOCTE.

*Statio ad S. Mariam Majorem
ad Præsepe.*

Introitus. Psal. 2.

DOMINUS dixit ad me:
Filius meus es tu, ego hodie
genui te.

Psalm. Quare fremuerunt
Gentes: et populi meditati
sunt inania? *V.* Glória Patri,
et Filio, et Spiritui sancto.

Oratio.

DEUS, qui hanc sacratissi-
mam noctem veri lúmi-
nis fecisti illustratióne claré-
scere: da quæsumus; ut cujus
lucis mystéria in terra cognó-
vinus, ejus quoque gaudiis in
cælo perfruámur. Qui tecum
vivit et regnat.

Lectio Epístolæ beati Pauli
Apóstoli ad Titum. *Tit. 2. c.*

CHARISSIME, Appáruit
grátia Dei Salvatoris nostri
ómnibus homínibus erúdiens
nos, ut abnegántes impietá-
tem, et sæcularia desidéria, só-
briè, et justè, et piè vivámus
in hoc sæculo, expectántes
beátam spem, et advéntum gló-
riæ magni Dei, et Salvatoris
nostri Jesu Christi: qui dedit
semetípsum pro nobis, ut nos
redímeret ab omni iniquitate,
et mundáret sibi populum ac-
ceptábilem, sectatórem bonó-
rum óperum. Hæc loquere, et

exhortáre in Christo Jesu Dó-
mino nostro.

Graduale Psal. 109. Tecum
princípium in die virtútis tuæ
in splendóribus sanctórum, ex
útero ante lucíferum genui te.

V. Dixit Dóminus Dómino
meo: Sede à dextris meis: do-
nec ponam inimicos tuos, sca-
bèllum pedum tuórum. Alle-
lúia, allel. *V.* Dóminus dixit
ad me: Filius meus es tu, ego
hódie genui te. Allelúia.

Sequéntia sancti Evangélli se-
cúndum Lucam. *Luc. 2.*

IN illo témpore: Exiit edíc-
tum à Cæsare Augústo,
ut describerétur univérsus or-
bis. Hæc descriptio prima fac-
ta est à præside Syriæ Cyrí-
no: et ibant omnes, ut pro-
fiteréntur sínguli in suam ci-
vitátem. Ascéndit autem et
Joseph à Galilæa de civitate
Názareth in Judæam in civi-
tátem David, quæ vocátur
Béthlehem: eò quòd esset de
domo et família David, ut
profiterétur cum María de-
sponsáta sibi uxóre prægnánte.
Factum est autem, cum es-
sent ibi, impléti sunt dies ut
páreret. Et péperit filium suum
primogénitum, et pannis eum
invólvit, et reclinávit eum in
præsépio: quia non erat eis

locus in diversório. Et pastóres erant in regióne eádem vigilántes, et custodiéntes vigílias noctis super gregem suum. Et ecce Angelus Dómini stetit juxta illos, et claritas Dei circumfúlsit illos, et timuérum timóre magno. Et dixit illis Angelus; Nolite timére: ecce enim evangelizo vobis gáudium magnum, quod erit omni pópulo: quia natus est vobis hódie Salvátor, qui est Christus Dóminus, in civitáte David. Et hoc vobis signum: Inveníetis infántem pannis involútum, et pósitum in præsepío. Et súbitò facta est cum Angelo multitúdo militiæ cœlestis laudántium Deum, et dicéntium: Glória in altíssimis Deo, et in terra pax homínibus bonæ voluntátis. Credo.

Offertorium. Psal 95. Læténtur cœli, et exúltet terra ante faciém Dómini: quóniam venit.

Secreta.

ACCEPTA tibi sit, Dómine quæsumus, hodiernæ festivitátis oblátio: ut tuâ gratiâ largiénte, per hæc sacrosancta commércia, in illius inveniamur forma, in quo tecum est nostra substántia. Qui tecum vivit et regnat.

Præfatio. Quia per incarnáti.

Et dicitur quotidie usque ad Epiphaniam, præterquam in die Oct. S. Joannis.

Infra actionem. Communiántes, et noctem sacratíssimam celebrántes. *Et dicitur quotidie usque ad Oct. Na. inclusivè, sed in hac Missa tantùm dicitur noctem, deinceps veró diem.*

Communio. Psalm. 109. In splendóribus sanctorum, ex útero ante lucíferum genui te.

Postcommunio.

DA nobis, quæsumus Dómine Deus noster: ut qui nativitém Dómini nostri Jesu Christi mystériis nos frequentáre gaudémus; dignis conversatió nibus ad ejus mereámur pervenire consórtium. Qui tecum vivit.

¶ *Debet Sacerdos etiam ante sequentes Missas confessionem dicere, et in fine cujuslibet populo benedicere, et Evangelium S. Joannis, In principio erat Verbum, legere, et infra, fol. 20.*

Post tertiam verò Missam, loco prædicti Evangelii dicitur Evan. Cúm natus esset Jesus. quod habetur in die Epiph. fol. 38.

AD SECUNDAM MISSAM IN AURORA.

Statio ad S. Anastasiam.

Introitus. Isa. 9.

LUX fulgébit hódie super nos: quia natus est nobis Dóminus: et vocábitur Admirábilis, Deus, Princeps pacis, Pater futúri sæculi: cujus regni non erit finis.

Osai. 92. Dóminus regnávít, decórem indútus est: indútus est Dóminus fortitúdinem, et præcínxit se.

℟. Gloria Patri.

Oratio.

DA nobis, quæsumus omnípotens Deus: ut qui novâ incarnáti Verbi tui luce perfúndimur: hoc in nostro resplédeat ópere, quod per fidem fulget in mente. Per eúndem Dóminum.

Pro commem. S. Anastasiæ.

Oratio.

DA, quæsumus, omnípotens Deus: ut qui beatæ Ana-

stásiae mártiris tuæ solémnia cólimus, ejus apud te patrocínia sentiámus. Per Dóminum.

Léctio Epistolæ beáti Pauli Apóstoli ad Titum. *Tit. 3. b.*

CHARISSIME, Appáruit benignitas et humánitas Salvatóris nostri Dei: non ex opéribus justítiae, quæ fécimur nos, sed secúndum suam misericordiam salvos nos fecit per lavácrum regeneratiónis et renovatiónis Spíritus sancti, quem effúdit in nos abúndè per Jesum Christum Salvátorem nostrum: ut justificáti grátia ipsíus, hærédes simus secúndum spem vitæ æternæ, in Christo Jesu Dómino nostro.

Graduale. Psal. 117. Benedíctus, qui venit in nómine Dómini: Deus Dóminus, et illúxit nobis. *V.* A Dómino factum est istud, et est mirábile in óculis nostris.

Allelúia, allelúia.

Psal. 92. V. Dóminus regnávít, decórem índuit: índuit Dóminus fortitúdinem, et præciúxit se virtúte. Allelúia.

Sequéntia sancti Evangélli secúndum Lucam. *Luc. 2. b.*

IN illo témpore: Pastóres loquebántur ad ínvicem: Transeámus usque Béthlehem, et videámus hoc verbum, quod factum est, quod Dóminus osténdit nobis. Et venérunt festinántes, et invenérunt Mariám, et Joseph, et infántem pósito in præsépio. Vidéntes autem cognovérunt de verbo, quod dictum erat illis de púero hoc. Et omnes, qui audiérunt, miráti sunt: et de his, quæ dicta erant à pastóribus ad ipsos. María autem conservábat ómnia verba hæc,

cónferens in corde suo. Et revérsi sunt pastóres glorificántes et laudántes Deum in ómnibus, quæ audierant, et viderant, sicut dictum est ad illos. Credo.

Offertorium. Psal. 92. Deus firmavit orbem terræ, qui non commovébitur: paráta sedes tua, Deus, ex tunc, à sæcula tu es.

Secreta.

MUNERA nostra, quæsumus Dómine, nativitatís hodiérnæ mystériis apta proveniant, et pacem nobis semper infúndant: ut sicut homo génitus idem refúlsit et Deus, sic nobis hæc terréna substántia cónferat quod divínium est. Per eúndem Dóminum.

Pro S. Anastasia. Secreta.

ACCIPE, quæsumus, Dómine, múnera dignánter obláta: et beátæ Anastásie mártiris tuæ suffragántibus méritis, ad nostræ salutis auxiliium provenire concéde. Per Dóminum nostrum.

Præfatio, et Communicantes. ut suprâ in prima Missa.

Communio. Zach. 9. Exúlta, filia Sion, lauda, filia Jerúsalem: ecce Rex tuus venit sanctus, et Salvátor mundi.

Postcommunio.

IIJJUS nos, Dómine, sacraménti semper nóvitas natális instáuret: cujus nativitas singularis humánam repulit vetustátem. Per eúndem Dóminum.

Pro S. Anastasia. Postcomm.

SATIASTI, Dómine, famíliam tuam munéribus sacris: ejus, quæsumus, intervéntiône nos réfove, cujus solémnia celebrámus. Per Dóminum.

AD TERTIAM MISSAM
IN DIE NATIV. DOMINI.

Statio ad S. Mariam majorem.

Introitus.

Isa. 9.

PUER natus est nobis, et filius datus est nobis: cujus impérium super húmerum ejus: et vocábitur nomen ejus magni consilii Angelus.

Psalm. 97. Cantáte Domino cánticum novum: quia mirabilia fecit. *℣.* Glória.

Oratio.

CONCEDE, quæsumus, Omnipotens Deus: ut nos Unigéniti tui nova per carnem nativitas liberet: quos sub peccáti jugo vetústa sérvitus tenet. Per eúndem Dóminum nostrum.

Léctio Epístolæ beáti Pauli Apóstoli ad Hebræos. *Heb. 1.*

MULTIFARIAM, multisque modis olim Deus loquens pátribus in Prophétis: novissimè diébus istis locúsus est nobis in Filio, quem constituit hærédem universórum, per quem fecit et sæcula: qui cùm sit splendor glóriæ, et figúra substántiæ ejus, portánsque ómnia verbo virtúsis suæ, purgatiónem peccatórum faciens, sedet ad dexteram majestátis in excélsis, tantò melior Angelis effectus, quantò differentius præ illis nomen hæreditávit. Cui enim dixit aliquándo Angelórum: Filius meus es tu, ego hódie genui te? Et rursùm: Ego ero illi in patrem, et ipse erit mihi in filium? Et cùm iterum introducit primogénitum in orbem terræ, dicit: Et adorent eum omnes Angeli Dei. Et ad An-

gelos quidem dicit: Qui facit Angelos suos spíritus et ministros suos, flammam ignis. Ad Filium autem: Thronus tuus Deus in sæculum sæculi: virga æquitátis, virga regni tui. Dilexisti justítiam, et odisti iniquitatem: propterea unxit te Deus, Deus tuus, óleo exultatiónis præ participibus tuis. Et, Tu in principio, Dómine, terram fundásti: et ópera mánuum tuárum sunt cœli. Ipsi peribunt, tu autem permanébis, et omnes ut vestiméntum veteráscent. Et velut amíctum mutábis eos, et mutabúntur: tu autem idem ipse es, et anni tui non deficient.

Graduale. Psalm. 97. Vidérunt omnes fines terræ salutáre Dei nostri: jubiláte Deo omnis terra. *℣.* Notum fecit Dóminus salutáre suum: ante conspéctum Géntium revelávit justítiam suam.

Allelúia, allelúia.

℣. Dies sanctificátus illúxit nobis: veníte Gentes, et adoráte Dóminum: quia hódie descéndit lux magna super terram. *Allelúia.*

Inítium sancti Evangélii secundum Joánnem. *Joan. 1.*

IN principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt: et sine ipso factum est nihil, quod factum est: in ipso vita erat, et vita erat lux hóminum: et lux in ténebris lucet, et ténebræ eam non comprehendérunt. Fuit homo missus à Deo, cui nomen erat Joánnes. Hic venit

in testimónium, ut testimónium perhiberet de lumine, ut omnes crederent per illum. Non erat ille lux, sed ut testimónium perhiberet de lumine. Erat lux vera, quæ illuminat omnem hóminem venientem in hunc mundum. In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt. Quotquót autem recepérunt eum, dedit eis potestátem filios Dei fieri, his, qui credunt in nómine ejus: qui non ex sanguinibus, neque ex voluntáte carnis, neque ex volantáte viri, sed ex Deo nati sunt. *Hic genuflectitur:* Et verbum caro factum est, et habitávit in nobis, et vídimus glóriam ejus, glóriam quasi unigéniti à Patre, plenum grátiae et veritátis. Credo.

Offertorium. Psalm. 88. Tui sunt caeli, et tua est terra: orbem terrárum et plenitudinem ejus tu fundásti; justítia et júdicium præparátio sedis tuæ.

Secreta.

OBLATA Dómine múnera, novâ Unigéniti tui nativitate sanctífica: nosque à peccatórum nostrórum máculis emúnda. Per eúndem Dóminum. *Præfatio, et Communicantes. ut supra in prima Missa.*

Communio. Psalm. 97. Vidérunt omnes fines terræ salutáre Dei nostri.

Postcommunio.

PRÆSTA quæsumus omnítenus Deus: ut natus hódie Salvátor mundi, sicut divinæ nobis generatiónis est auctor; ita et immortalitátis sit ipse largitor. Qui tecum vivit.

IN FESTO S. STEPHANI PROTOMARTYRIS.

Statio ad S. Stephanum in Caelio monte.

Introitus. Psalm. 118.

SEDERUNT príncipes, et advérsus me loquebántur: et iníqui persecúti sunt me: ádjuva me, Dómine Deus meus, quia servus tuus exercebátur in tuis justificatió nibus.

Ps. ib. Beáti immaculáti in via: qui ámbulant in lege Dómini. *V. Glória Patri.*

Oratio.

DA nobis, quæsumus Dómine, imitari quod cólimus, ut discámus et inimicos diligere: quia ejus natalitia celebrámus, qui novit étiam pro persecutóribus exoráre Dóminum nostrum Jesum Christum Filium tuum. Qui tecum vivit.

Et fit commemoratio de Nativitate.

Oratio.

CONCEDE, quæsumus omnípotens Deus: ut nos Unigéniti tui nova per carnem nativitas liberet; quos sub peccáti jugo vetústa sérvitus tenet. Per eúndem Dóminum.

Lectio Actuum Apost. Act 6.

IN diébus illis: Stéphanus plenus grátia et fortitudine, faciébat prodigia et signa magna in pópulo. Surrexérunt autem quidam de Synagóga, quæ appellátur Libertinórum, et Cyrenénsium, et Alexandrinórum, et eórum qui erant à Cilicia, et Asia, disputántes cum Stéphanó: et non póterant resistere sapiéntiae, et Spiritui qui loquebátur. Audiéntes autem hæc dissecabántur córdibus suis, et stridébant dénti-

bus in eum. Cùm autem esset Stéphanus plenus Spírítu sancto, inténdens in cœlum, vidit glóriam Dei, et Jesum stantem à dextris Dei. Et ait : Ecce video cœlos apértos, et Fílium hóminis stantem à dextris Dei. Exclamántes autem voce magnâ continuérunt aures suas, et impetum fecérunt unanimiter in eum. Et ejiéntes eum extra civitátem lapidábant : et testes deposuérunt vestiménta sua secus pedes adulescéntis, qui vocabátur Saulus. Et lapidábant Stéphanum invocántem, et dicéntem : Dómine Jesu súscipe spírítum meum. Pósitis autem génibus, clamávit voce magná, dicens : Dómine, ne státuas illis hoc peccátum. Et cùm hoc dixisset, obdormívit in Dómino.

Graduale. Psal. 118. Sedérunt príncipes, et advérsus me loquebántur : et iniqui persecúti sunt me. *V.* Adjuva me, Dómine Deus meus : salvum me fac propter misericórdiam tuam. Allelúia, allelúia.

V. Video cœlos apértos, et Jesum stantem à dextris virtútis Dei. Allelúia.

Sequéntia sancti Evangéllii secúndum Matthæum.

Matth. 23. d.

IN illo témpore : Dicébat Jesus Scribis et Pharisæis : Ecce ego mitto ad vos Prophétas, et Sapiéntes, et Scribas, et ex illis occidétis, et crucifigétis, et ex eis flagellábitis in synagógis vestris, et sequémini de civitáte in civitátem : ut véniat super vos omnis sanguis justus, qui effusus est super terram, à sánguine Abel justí usque ad sánguinem

Zachariæ, filii Barachíæ, quem occidistis inter templum et altáre. Amen dico vobis, vénient hæc ómnia super generatíonem istam. Jerúsalem, Jerúsalem, quæ occidis Prophétas, et lapidas eos qui ad te missi sunt, quóties vólui congregáre filios tuos, quemádmódu gallína cóngregat pullos suos sub alas, et nolúisti ? Ecce, relinquétur vobis domus vestra déserta. Dico enim vobis, non me vidébitis ámodò, donec dicátis : Benedíctus, qui venit in nómine Dómini. Credo.

Offertorium. Act. 6. et 7. Elegérunt Apóstoli Stéphanum levítam, plenum fide et Spírítu sancto, quem lapidavérunt Judæi orántem, et dicéntem : Dómine Jesu, áccipe spírítum meum. Allelúia.

Secreta.

SUSCIPE Dómine munera, pro tuórum commemoratíone sanctórum : ut sicut illos pássio gloriósos effécit, ita nos devótio reddat innócuos. Per Dóminum.

De Nativitate. Secreta.

OBLATA, Dómine, múnera, novâ Unigéniti tui nativité sanctífica ; nosque à peccatórum nostrórum máculis emúnda. Per eúndem Dóminum.

Communio. Act. 7. Video cœlos apértos, et Jesum stantem à dextris virtútis Dei. Dómine Jesu, áccipe spiritum meum, et ne státuas illis hoc peccátum.

Postcommunio.

AUXILIENTUR nobis, Dómine, sumpta mystéria : et intercedente beáto Stéphanó mártire tuo, sempitérna protectíone confirment. Per Dóminum.

De Nativitate. Postcommunio.

PRÆSTA, quæsumus, omnipotens Deus: ut natus hodie Salvator mundi, sicut divinitus nobis generationis est auctor; ita et immortalitatis sit ipse largitor. Qui tecum vivit.

IN FESTO S. JOANNIS,
Apostoli et Evangelistæ.

Statio ad S. Mariam majorem.

Introitus. Eccl. 15.

IN medio Ecclesiæ aperuit os ejus: et implévit eum Dominus spiritu sapientiæ et intelléctus: stolam gloriæ induit eum.

Psalm. 91. Bonum est confitèri Dómino: et psállere nómini tuo, Altissime.

℣. Glória Patri.

Oratio.

ECCLESIAM tuam, Dómine, benignus illustra: ut beáti Joánnis Apóstoli tui et Evangelistæ illumináta doctrínis, ad dona pervéníat sempiterna. Per Dóminum.

De Nativitate. Oratio.

CONCEDE, quæsumus, omnipotens Deus: ut nos Unigéniti tui nova per carnem nativitas liberet: quos sub peccáti jugo vetústa sérvitus tenet.

De S. Stephano. Oratio.

DA nobis, quæsumus, Dómine, imitari quod cólimus, ut discámus et inimicos diligere: quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Fílium tuum. Qui tecum.

Lectio libri Sapientiæ.

Eccl. 15.

QUI timet Deum, fáciat bona: et qui cóntinens

est justitiæ, apprehéndet illam, et obviábit illi quasi mater honorificáta. Cibábit illum pane vitæ et intelléctus, et aquá sapientiæ salutáris potábit illum, et firmábitur in illo, et non flectétur: et continébit illum, et non confundétur: et exaltábit illum apud próximos suos, et in médio Ecclesiæ apériet os ejus, et adimplébit illum spíritu sapientiæ et intelléctus, et stolâ gloriæ véstiet illum. Jucunditatem et exultationem thesaurizábit super illum, et nómine ætérno hæreditábit illum, Dóminus Deus noster.

Graduale. Joan. 21. Exiit sermo inter fratres, quòd discipulus ille non móritur: et non dixit Jesus, Non móritur.

℣. Sed sic eum volo manére, donec véniam: tu me séqueré.

Allelúia, allelúia.

℣. *Ibid.* Hic est discipulus ille, qui testimónium pérhíbet de his: et scimus, quia verum est testimónium ejus. Allelúia,

Sequéntia sancti Evangelíi secúndum Joánnem.

Joan. 21. d.

IN illo témpore: Dixit Jesus Petro. Séquere me. Convérsus Petrus vidit illum discipulum, quem diligébat Jesus, sequéntem, qui et recúbuit in cœna super pectus ejus, et dixit: Dómine, quis est qui tradet te? Hunc ergo cùm vidisset Petrus, dixit Jesu: Dómine, hic autem quid? Dicit ei Jesus: Sic eum volo manére, donec véniam, quid ad te? tu me séquere. Exiit ergo sermo iste inter fratres, quia discipulus ille non móritur. Et non dixit

ei Jesus : Non moritur ; Sed : Sic eum volo manere donec veniam, quid ad te ? Hic est discipulus ille, qui testimonium perhibet de his, et scripsit hæc : et scimus, quia verum est testimonium ejus. Credo.

Offertorium. Psal. 91. Justus ut palma florébit : sicut cedrus, quæ in Líbano est, multiplicábitur.

Secreta.

SUSCIPE, Dómine, múnera, quæ in ejus tibi solemnitáte deférimus, cujus nos confidimus patrocínio liberári. Per Dóminum.

De Nativitate. Secreta.

OBLATA, Dómine, múnera, nová Unigéniti tui nativitate, sanctífica : nosque à peccatórum nostrórum máculis emúnda.

De S. Stephano. Secreta.

SUSCIPE, Dómine, múnera, pro tuórum commemoratióne sanctorum : ut sicut illos passio gloriósa effécit, ita nos devóto reddat innocuos. Per Dóminum nostrum.

Præfatio, et Communicantes. de Nativitate.

Communio Joan. 21. Exiit sermo inter fratres, quòd discipulus ille non moritur : et non dixit Jesus, Non moritur : sed, Sic eum volo manere, donec veniam.

Postcommunio.

REFFECTI cibo potúque cœlesti, Deus noster, te supplices deprecámur : ut in cujus hæc commemoratióne percépimus, ejus muniámur et precibus. Per Dóminum nostrum.

De Nativitate. Postcommunio.

PRÆSTA, quæsumus, omnipotens Deus : ut natus

hódie Salvátor mundi, sicut divínæ nobis generatiónis est auctor ; ita et immortalitátis sit ipse largitor.

De S. Stephano. Postcommunio.

AUXILIENTUR nobis, Dómine, sumpta mystéria : et intercedente beáto Stéphano mártire tuo, sempitérna protectiõe confirmet. Per Dóminum nostrum.

IN FESTO SS. INNOCENTIIUM.

Statio ad sanctum Paulum.

Introitus. Psalm. 8.

EX ore infántium, Deus, et lacténtium perfecisti laudem propter inimicos tuos.

Psal. ibid. Dómine Dóminus noster, quàm admirabile est nomen tuum in univérta terra ! *V. Glória. Non dicitur, Glória in excélsis, nec Allelúia, nec Ite missa est, nisi hoc Festum venerit in Dominica : sed in Octava semper dicuntur.*

Oratio.

DEUS, cujus hodiérna die præcónium Innocétes mártires, non loquendo, sed moriendo conféssi sunt ; ómnia in nobis vitiórum mala mortífica ; ut fidem tuam, quam lingua nostra lóquitur, étiam moribus vita fateatur. Per Dóminum.

De Nativitate. Oratio.

CONCEDE quæsumus, omnipotens Deus : ut nos Unigéniti tui nova per carnem nativitas liberet ; quos sub peccati jugo vetústa sérvitus tenet.

De S. Stephano. Oratio.

DA nobis, quæsumus, Dómine, imitari quod cólimus, ut discámus et inimicos diligere : quia ejus natalitia

celebrámus, qui novit étiam pro persecutóribus exoráre Dóminum nostrum Jesum Christum Fílium tuum.

De S. Joanne. Oratio.

ECCLESIAM tuam, Dómine, benígnus illústra: ut beáti Joánnis Apóstoli tui et Evangelistæ illumináta doctrinis, ad dona pervéniat sempitérna. Per Dóminum.

Léctio libri Apocalypsis beáti Joánnis Apóstoli.

Apoc. 14.

IN diébus illis: Vidi supra montem Sion Agnum stantem, et cum eo centum quadraginta quátuor míllia habéntes nomen ejus, et nomen Patris ejus scriptum in fróntibus suis. Et audivi vocem de cœlo, tamquam vocem aquárum multárum, et tamquam vocem tonítrui magni: et vocem, quam audivi, sicut citharœdórum citharizántium in citharis suis. Et cantábant quasi cánticum novum ante sedem, et ante quátuor animália, et senióres: et nemo póterat dicere cánticum, nisi illa centum quadraginta quátuor míllia, qui empti sunt de terra. Hi sunt, qui cum muliéribus non sunt coinquináti: Vírgines enim sunt. Hi sequúntur Agnum, quocúmque íerit. Hi empti sunt ex homínibus primitiæ Deo et Agno, et in ore eórum non est invéntum mendácium: sine mácula enim sunt ante thronum Dei.

Graduale. Psal. 123. Anima nostra, sicut passer, erépta est de láqueo venántium.

Ÿ. Láqueus contrítus est, et nos liberáti sumus: adjutó-

rium nostrum in nómine Dómini, qui fecit cœlum et terram.

Tractus. Psal. 78. Effuderunt sánguinem Sanctórum, velut aquam, in circúitu Jerúsalem.

Ÿ. Et non erat qui sepelíret.

Ÿ. Víndica, Dómine, sánguinem Sanctórum tuórum, qui effusus est super terram.

Si verò fuerit Dominica, tunc omisso Tractu, ejus loco dicitur Allelúia, allelúia.

Ÿ. *Psal. 112.* Laudáte púeri Dóminum, laudáte nomen Dómini. Allelúia.

Sequéntia sancti Evangélii secúndum Matthæum.

Matth. 2. b.

IN illo témpore: Angelus Dómini apparuit in somnis Joseph, dicens: Surge, et accipe púerum, et matrem ejus, et fuge in Ægyptum, et esto ibi usque dum dicam tibi. Futúrum est enim, ut Heródes quærat púerum ad perdéndum eum. Qui consúrgens accépit púerum, et matrem ejus nocte, et secéssit in Ægyptum: et erat ibi usque ad óbitum Heródis: ut adinplerétur quod dictum est à Dómino per Prophétam dicéntem: Ex Ægypto vocávi filium meum. Tunc Heródes videns, quóniam illúsus esset à Magis, irátus est valdè, et mittens occídit omnes púeros, qui erant in Béthlehem, et in ómnibus finibus ejus, à bimátu et infrà, secúndum tempus, quod exquisierat à Magis. Tunc adimplétum est, quod dictum est per Jeremíam Prophétam dicéntem: Vox in Rama audita est, plorátus et ululátus multus: Rachel plorans filios suos, et nó-

luit consolári, quia non sunt.
Credo.

Offertorium. Psal. 123. Anima nostra, sicut passer, erépta est de láqueo venántium: láqueus contritus est, et nos liberáti sumus.

Secreta.

SANCTORUM tuórum, Dómine, nobis pia non desit oratio: quæ et múnera nostra concíliet, et tuam nobis indulgéntiam semper obtíneat. Per Dóminum.

De Nativitate. Secreta.

OBLATA, Dómine, múnera, novâ Unigéniti tui nativité sanctifica: nosque à peccatórum nostrórum máculis emúnda.

De S. Stephano. Secreta.

SUSCIPE, Dómine, múnera, pro tuórum commemoratióne Sanctórum: ut sicut illos pássio gloriósa effécit, ita nos devótió reddat innócuos.

De S. Joanne. Secreta.

SUSCIPE, Dómine, múnera, quæ in ejus tibi solemnitáte deférimus, cujus nos confidimus patrocínio liberári. Per Dóminum.

Communio. Matth. 2. Vox in Rama audíta est, plorátus et ululátus, Rachel plorans filios suos, et nóluit consolári, quia non sunt.

Postcommunio.

VOTIVA, Dómine, dona percépimus: quæ Sanctórum nobis précibus, et præsentis quæsumus vitæ páriter, et æternæ tribue conférre subsidium. Per Dóminum.

De Nativitaté. Postcommunio.

PRÆSTA, quæsumus, omnipotens Deus: ut natus hódie Salvátor mundi, sicut divi-næ nobis generatiónis est auc-

tor; ita et immortalitátis sit ipse largitor.

De S. Stephano. Postcomm.

AUXILIENTUR nobis, Dómine, sumpta mystéria: et intercedente beáto Stéphano mártire tuo, sempiterna protectione confirment.

De S. Joanne. Postcommunio.

REFFECTI cibo potúque cœlesti, Deus noster, te súpplices deprecámur: ut in cujus hæc commemoratióne percépimus, ejus muniámur et précibus. Per Dóminum.

¶ *Si festum S. Thomæ venerit in Dominica, transfertur in sequentem diem.*

IN FESTO S. THOMÆ Episcopi et martyris.

Introitus.

GAUDEAMUS omnes in Dómino, diem festum celebrántes sub honóre beáti Thomæ martyris: de cujus passióne gaudent Angeli, et collaudant Filium Dei.

Psalm. 32. Exultáte justi in Dómino: rectos decet collaudátio. V. Glória Patri.

Oratio.

DEUS, pro cujus Ecclésia gloriósus Póntifex Thomas gládiis impiórum occúbuit: præsta, quæsumus; ut omnes, qui ejus implórant auxiliium, petitiónis suæ salutárem consequántur effectum. Per Dóminum.

De Nativitate. Oratio.

CONCEDE, quæsumus, omnípotens Deus: ut nos Unigéniti tui nova per carnem nativitas liberet: quos sub peccáti jugo vetústa sérvitus tenet.

De S. Stephano. Oratio.

DA nobis, quæsumus, Dómine, imitári quod cólimus, ut discámus et inimícos diligere: quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Fílium tuum.

De S. Joanne. Oratio.

ECCELESÍAM tuam Dómine, benígnus illústra: ut beáti Joánnis Apóstoli tui et Evangelistæ illumináta doctrinis, ad dona pervéniat sempitérna.

De SS. Innocentibus. Oratio.

DEUS, cujus hodiérna die præcónium Innocéntes mártires, non loquendo, sed moriendo conféssi sunt: ómnia in nobis vitiórum mala mortífica; ut fidem tuam, quam lingua nostra lóquitur, étiam móribus vita fateátur. Per Dóminum.

Léctio Epístolæ beáti Pauli Apóstoli ad Hebræos.

Hebr. 5.

FRATRES, Omnis pón-tifex, pro homínibus assúptus, pro homínibus constitúitur in iis, quæ sunt ad Deum, ut offerat dona et sacrificia pro peccátis: qui condolere possit iis, qui ignórant et errant: quóniam et ipse circúmdatus est infirmitáte: et propterea debet, quemádmódum pro pópulo, ita étiam et pro semetípso offerre pro peccátis. Nec quisquam sumit sibi honórem, sed qui vocátur à Deo, tamquam Aaron. Sic et Christus, non semetípsum clarificávit, ut pón-tifex fieret: sed qui locútus est ad eum: Fílius meus es tu, ego hódie génuí te. Quemád-

modum et in álio loco dicit: Tu es sacérdos in ætérnum secúndum ór-dinem Melchisedech.

Graduale. Eccles. 44. Ecce sacérdos magnus, qui in diébus suis plácuit Deo. *V.* Non est invéntus símilis illi, qui conserváret legem Excélsi. Allelúia, allelúia. *V. Joan. 10.* Ego sum pastor bonus: et cognósc-o oves meas, et cognóscunt me meæ. Allelúia.

Sequéntia sancti Evangélii secúndum Joánnem.

Joan. 10. b.

IN illo témpore: Dixit Jesus Pharisæis: Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cujus non sunt oves própriae, videt lupum veniéntem, et dimíttit oves, et fugit: et lupus rapit, et dispérgit oves: mercenárius autem fugit, quia mercenárius est, et non pértinet ad eum de óvibus. Ego sum pastor bonus: et cognósc-o meas, et cognóscunt me meæ. Sicut novit me Pater, et ego agnósc-o Patrem, et ánimam meam pono pro óvibus meis. Et álias oves hábeo, quæ non sunt ex hoc ovíli: et illas opórtet me addúcere, et vocem meam áudient, et fiet unum ovíle, et unus pastor. Credo.

Offertorium. Psalm. 20. Posuisti, Dómine, in cápite ejus corónam de lápide pretiós-o: vitam pétiit à te, et tribuisti ei, allelúia.

Secreta.

MUNERA tibi, Dómine, dicáta sanctífica: et intercedénto beáto Thoma mártire tuó atque Pón-tífice, per éadem

nos placatus inténde. Per
Dóminum nostrum.

De Nativitate. Secreta.

OBLATA, Dómine, múnera,
novâ Unigéniti tui nati-
vitáte sanctifica; nosque à pec-
catórum nostrórum máculis
emúnda.

De S. Stephano. Secreta.

SUSCIPE, Dómine, múnera,
pro tuórum commemora-
tíone Sanctórum: ut sicut illos
pássio gloriósos effécit, ita nos
devótio reddat innócuos.

De S. Joanne. Secreta.

SUSCIPE, Dómine, múnera,
quæ in ejus tibi solemni-
táte deférimus, cujus nos con-
fidimus patrocínio liberári.

De SS. Innocentibus

Secreta.

SANCTORIUM tuórum,
Dómine, nobis pia non
desit orátio: quæ et múnera
nostra concíliet, et tuam nobis
indulgéntiam semper obtíneat.
Per Dóminum.

Communio. Joan. 10. Ego
sum pástor bonus, et cognóscó
oves meas, et cognóscunt me
meæ.

Postcommunio.

HÆC nos commúnio, Dó-
mine, purget à crimine:
et intercedénte beáto Thoma
mártire tuo atque Pontífice:
coeléstis remédii fáciat esse
consórtes. Per Dóminum.

De Nativitate. Postcommunio.

PRÆSTA, quæsumus, om-
nipotens Deus: ut natus
hódie Salvátor mundi, sicut di-
vínæ nobis generatiónis est
auctor; ita et immortalitátis
sit ipse largítor.

De S. Stephano. Postcomm.

AUXILIENTUR nobis,
Dómine, sumpta mysté-
ria: et intercedénte beáto Sté-

phano mártire tuo, sempitérna
protectióne confirment.

De S. Joanne. Postcomm.

REFACTI cibo potúque
coelésti, Deus noster, te
súpplíces deprecámur: ut in
cujus hæc commemoratíone
percépinus, ejus muniámur et
précibus.

De SS. Innocentibus. Postcom.

VOTIVA, Dómine, dona
percépinus: quæ Sanc-
tórum nobis précibus, et præ-
séntis, quæsumus, vitæ páriter,
et æternæ tribue conférre sub-
sídium. Per Dóminum.

¶ *Si festum Nativit. Domini,
S. Stephani, S. Joannis Evang.
et SS. Innocent. venerit in Do-
minica, ipsa die nihil fit de Do-
minica: sed die proximo post
festum S. Thomæ mart. dicitur
Missa de Dominica. Si autem
festum S. Thomæ venerit in Do-
minica, dicitur Missa de Domi-
nica, cum commem. aliarum Oct.
et festum S. Thomæ transfertur
in secundam Feriam.*

¶ *Si verò post Festum S. Tho-
mæ fuerit Sabbatum, ipsa die
Sabbati dicitur Missa de Oct.
Nativit. cum commem. aliarum
Octavarum: et in die S. Silves-
tri fit Officium de eo, cum com-
mem. Dominicæ, et Octavarum.*

DOMINICA INFRA OCT. NATIVITATIS DOMINI.

Introitus. Sap. 18.

DUM médiura siléntium
tenérent ómnia, et nox
in suo cursu médiu iter ha-
béret, omnípotens sermo tuus,
Dómine, de coelis à regálibus
fédibus venit.

Psal. 91. Dóminus regná-

vit decórem indútus est: indútus est Dóminus fortitúdinem, et præcínxit se.

℣. Glória Patri.

Oratio.

OMNIPOTENS sempitérne Deus, dirige actus nostros in beneplácito tuo: ut in nómine dilécti Fílii tui, mereámur bonis opéribus abundáre. Qui tecum vivit.

Commemorationes quatuor Octavarum, ut in Missa S. Thomæ. fol. 26.

Léctio Epístolæ beáti Pauli Apóstoli ad Gálatas.

Galat. 4.

FRATRES, Quanto tēpore hæres párvulus est, nihil differt à servo, cūm sit dóminus ómnium: sed sub tutoribus et actoribus est, usque ad præfínitum tempus à patre: ita et nos cūm essémus párvuli, sub eleméntis mundi erámus serviétes. At ubi venit plenitúdo tēporis, misit Deus Fílium suum, factum ex muliere, factum sub lege, ut eos qui sub lege erant, redimeret, ut adoptionem filiórum reciperémus. Quóniam autem estis Fílii, misit Deus Spíritum sui in corda vestra clamántem: Abba, Pater. Itaque jam non est servus, sed filius: quód si filius, et hæres per Deum.

Graduale. Psal. 44. Speciósus formá præ filiis hóminum: diffusa est grátia in lábiis tuis.

℣. Eructávit cor meum verbum bonum, dico ego ópera mea regi: lingua mea cálamus scribæ velóciter scribéntis.

Allelúia, allelúia,

℣. Dóminus regnávít, decórem induit: induit Dóminus fortitúdinem, et præcínxit se virtúte. Allelúia.

Sequéntia sancti Evangélii secúndum Lucam. *Luc. 2. c.*

IN illo tēpore: Erat Joseph, et María mater Jesu, mirántes super his, quæ dicebantur de illo. Et benedíxit illis Símeon, et dixit ad Mariam matrem ejus: Ecce pósitus est hic in ruínam, et in resurrectionem multórum in Israél: et in signum, cui contradicétur, et tuam ipsíus ánimam pertransíbit gládus, ut reveléntur ex multis córdibus cogitationés. Et erat Anna Prophetíssa, filia Phánuël, de tribu Aser: hæc procésserat in diébus multis, et víxerat cum viro suo annis septem à virginitáte sua. Et hæc vídua usque ad annos octogintaquátuor: quæ non discedébat de templo, jejúniis et obsecrationibus serviens nocte ac die. Et hæc, ipsâ horâ supervéniens, confitebátur Dómino, et loquebátur de illo ómnibus, qui expectábant redemptionem Israél. Et ut perfecérunt ómnia secúndum legem Dómini, revérsi sunt in Galilæam in civitátem suam Náza-reth. Puer autem crescébat et confortabátur plenus sapiéntiá: et grátia Dei erat in illo. Credo.

Offert. Psal. 92. Deus firmávit orbem terræ, qui non commovébitur: paráta sedes tua, Deus, ex tunc, à sæculo tu es.

Secreta.

CONCEDE, quæsumus, omnipotens Deus: ut óculis tuæ majestátis munus oblátum, et grátiam nobis piæ devotiósni obtíneat, et efféctum beátæ perennitátis acquirat. Per Dóminum.

Secretæ quatuor Octavarum,

ut ordinantur in Missa S. Thomæ. fol. 28.

Communio. Matth. 2. Tolle puerum, et matrem ejus, et vade in terram Israël: defuncti sunt enim qui quærebant animam pueri.

Postcommunio.

PER hujus, Dómine, operationem mystérii, et vitia nostra purgéntur, et justa desideria compleántur. Per Dóminum nostrum.

Postcommuniones quatuor Octavarum, ut in Missa S. Thomæ. fol. 28.

MISSA DE OCTAVA NATIVITATIS DOMINI.

Introitus.

Isa. 9.

PUER natus est nobis, et filius datus est nobis: cujus impérium super humerum ejus: et vocábitur nomen ejus magni consilii Angelus.

Psal. 97. Cantáte Dómino cánticum novum: quia mirabilia fecit. *V.* Glória Patri.

Oratio.

CONCEDE, quæsumus, Omnipotens Deus: ut nos Unigéniti tui nova per carnem nativitas liberet; quos sub peccáti jugo vetústa sérvitus tenet. Per eúndem Dóminum.

Commemoraciones SS. Stephani, Joannis, et Innocentium, ut suprà in Missa S. Thomæ. fol. 26.

Lectio Epístolæ beáti Pauli Apóstoli ad Titum. *Tit. 3.*

CHARISSIME, Appáruit benignitas et humanitas Salvatoris nostri Dei: non ex opéribus justitiæ, quæ fécimur nos, sed secúndum suam misericórdiam salvos nos fecit per

lavácrum regeneratiónis et renovatiónis Spíritus sancti, quem effúdit in nos abúndè per Jesum Christum Salvátorem nostrum: ut justificáti grátiâ ipsius, hærédes simus secúndum spem vitæ æternæ: in Christo Jesu Dómino nostro.

Graduale. Psal. 97. Vidérunt omnes fines terræ salutáre Dei nostri: jubiláte Deo omnis terra. *V.* Notum fecit Dóminus salutáre suum: ante conspéc-tum Géntium revelávit justiti-am suam. Allelúia, allelúia. *V.* Dies sanctificátus illúxit nobis: veníte Gentes, et adoráte Dóminum: quia hódie descendit lux magna super terram. Allelúia, allelúia.

Sequéntia sancti Evangélii secúndum Lucam.

Luc. 2. b.

IN illo tempóre: Pastóres loquebántur ad ívicem: Transeámus usque Bétlehem, et videámus hoc verbum, quod factum est, quod Dóminus osténdit nobis. Et venérunt festinántes, et invenérunt Mariám, et Joseph, et infántem pósito in præsépio. Vidéntes autem cognovérunt de verbo, quod dictum erat illis de púero hoc. Et omnes, qui audierunt, miráti sunt: et de his, quæ dicta erant à pastóribus ad ipsos. María autem conservábat ómnia verba hæc, cónferens in corde suo. Et revérsi sunt postóres glorificántes et laudántes Deum in ómnibus, quæ audierant, et víde-rant, sicut dictum est ad illos. Credo.

Offertorium. Ps. 88. Tui sunt cœli, et tua est terra: orbem terrárum, et plenitudinem

ejus tu fundásti: justítia et júdicium præparátio sedis tuæ.

Secreta.

OBLATA, Dómine, múnérâ, novâ Unigéniti tui nativité sanctifica: nosque à peccatórum nostrórum máculis emúnda. Per eúndem Dóminum.

Secretæ SS. Stephani, Joannis, et Innocentium, ut suprâ in Missa S. Thomæ. fol. 28.

Communio. Psal. 97. Vidérunt omnes fines terræ salutáre Dei nostri.

Postcommunio.

PRÆSTA quæsumus, omnípotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largitor. Qui tecum vivit.

Postcommuniones SS. Stephani, Joannis et Innocentium, ut suprâ in Missa S. Thomæ. fol. 28.

¶ *Si festum S. Silvestri venerit in Dominica, dicitur Missa de eo, cum commemoratione Donnicæ, et Octavarum.*

IN FESTO S. SILVESTRI
Papæ et Confessoris.

Introitus. Psalm. 131.

SACERDOTES tui, Dómine, induant justítiam, et sancti tui exúltent: propter David servum tuum non avértas faciém Christi tui.

Psal. ibid. Meménto, Dómine, David, et omnis mansuetúdinis ejus. V. Glória Patri.

Oratio.

DA, quæsumus, omnípotens Deus; ut beáti Silvestri Confessoris tui, atque Pontificis veneránda solémni-

tas, et devotióne nobis áugeat, et salutém. Per Dóminum nostrum.

Orationes de Nativitate, de S. Stephano, de S. Joanne, et de SS. Innocentibus, ut suprâ. fol. 28.

Léctio Epístolæ beáti Pauli Apóstoli ad Timótheum.

2. *Timoth. 4.*

CHARISSIME, Testificor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus: prædica verbum, insta opportunè, importúnè: árgue, óbseca, increpa in omni paciéntia et doctrína. Erit enim tempus, cùm sanam doctrinam non sustinébunt, sed ad sua desidéria coacervábunt sibi magístros, prurientes áuribus: et à veritate quidem auditum avértent, ad fábulas autem converténtur. Tu verò vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delíbor, et tempus resolutiÓnis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die justus júdex: non solúm autem mihi, sed et iis, qui díligunt advéntum ejus.

Graduale. Eccli. 44. Ecce sacerdos magnus, qui in diébus suis plácuit Deo. V. Non est invéntus símilis illi, qui conserváret legem Excélsi.

Allelúia, allelúia.

V. *Psal. 88. Inveni David servum meum, óleo sancto meo unxi eum. Allelúia.*

Sequéntia sancti Evangélii secúndum Lucam.

Luc. 12. c.

IN illo témpore : Dixit Jesus discipulis suis : Sint lumbi vestri præcincti, et lucernæ ardéntes in mânibus vestris, et vos símiles homínibus expectántibus dómimum suum quando revertátur à núptiis : ut, cum vénerit, et pulsáverit, conféstim apériant ei. Beáti servi illi, quos, cum vénerit dómimus, invénerit vigilántes : Amen dico vobis, quòd præcinget se, et fáciat illos discumbere, et tránsiens ministrábit illis. Et si vénerit in secúnda vigília, et si in tértia vigilia vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, quâ horâ fur veníret, vigiláret útique, et non síneret pérfodi domum suam. Et vos estóte paráti, quia, quâ horâ non putátis, Filius hóminis véniet. Credo.

Offertorium. Psal. 88. Invéni David servum meum, óleo

sancto meo unxi eum : manus enim mea auxiliábitur ei, et bráchium meum confortábit eum.

Secreta.

SANCTI tui nos, Dómine, quæsumus, ubique lætificent : ut dum eórum mérita recólimus, patrocínia sentiámus. Per Dómimum.

Secretæ quatuor Octavorum, ut ordinantur in Missa S. Thomæ, supra. fol. 28.

Communio. Matth. 24. Beátus servus, quem, cum vénerit dómimus, invénerit vigilántem : Amen dico vobis, super ómnia bona sua constituet eum.

Postcommunio.

PRÆSTA, quæsumus, omnipotens Deus : ut de percéptis munéribus grátias exhibéntes, intercedénte beáto Silvestro Confessóre tuo atque Pontífice, beneficia potióra sumámus. Per Dómimum.

Postcommuniones de Nativitate, de S. Stephano, de S. Joanne, et de S.S. Innocentibus, ut supra, fol. 28.

IN
CIRCUMCISIONE
D O M I N I,
ET OCTAVA NATIVITATIS.

Statio ad S. Mariam trans Tiberim.

Introitus. Isa. 9.

PUER natus est nobis, et Filius datus est nobis: cujus impérium super húmerum ejus: et vocábitur nomen ejus magni consilii Angelus.

Psal. 97. Contáte Dómino cánticum novum: quia mirabilia fecit. V. Glória.

Oratio.

DEUS, qui salutis æternæ, beatæ Mariæ virginitate foecúnda, humano géneri præmia præstitisti: tribue quæsumus; ut ipsam pro nobis intercedere sentiámus, per quam meruimus auctórem vitæ suscipere, Dóminum nostrum Jesum Christum Filium tuum: Qui tecum vivit.

Lectio Epistolæ beáti Pauli Apóstoli ad Titum. Tit. 2. c.

CHARISSIME, Appáruit grátia Dei Salvatóris nostri ómnibus homínibus, erúdiens nos, ut abnegántes impietátem et sæculária desidéria, sóbriè, et justè, et piè vivámus in hoc sæculo, expectántes beátam spem, et advéntum glóriæ magni Dei, et Salvatóris nostri Jesu Christi: qui dedit sometípsum pro nobis, ut nos redímeret ab omni iniquitáte, et mundáret sibi pópulum acceptábilem, sectatórem bonórum óperum. Hæc lóquere, et exhortáre: in Christo Jesu Dómino nostro.

Graduale. Psal. 97. Vidérunt omnes fines terræ salutáre Dei nostri: jubilate Deo omnis terra. V. Notum fecit Dóminus salutáre suum: ante conspéc-tum Géntium revelávit justítiam suam. Allelúia, allelúia.

V. Heb. 1. Multifáriè olim Deus loquens pátribus in Prophétis, novíssimè diébus istis locútus est nobis in Filio. Allelúia.

Sequéntia sancti Evangélii secundum Lucam. Luc. 2. c.

IN illo témpore: Postquam consummáti sunt dies octo, ut circumciderétur puer: vocátum est nomen ejus Jesus, quod vocátum est ab Angelo, priúsqum in útero conciperétur. Credo.

Offertorium. Ps. 88. Tui sunt cœli, et tua est terra: orbem terrarum, et plenitúdinem ejus tu fundásti: justítia et júdicium præparátio sedis tuæ.

Secreta.

MUNERIBUS nostris, quæsumus, Dómine, precibúsqum susceptis: et cœlestibus nos munda mystériis, et cleménter exáudi. Per Dóminum.

Communio. Ps. 97. Vidérunt omnes fines terræ salutáre Dei nostri.

Postcommunio.

HÆC nos commúnio, Dómine, purget à crimine: et intercedénte beáta Vírgine Dei genitrice María, cœlestis

remédiū faciāt esse consórtes. Per eúmdem Dóminum.

Si aliqua ex sequentibus Octavis in Dominica venerit, dicitur Missa de Octava; de Dominica verò nihil fit.

¶ *In Octava S. Stephani totum Officium Missæ dicitur sicut in die, præter Orationem, quæ sequitur.*

Oratio.

OMNIPOTENS sempitérne Deus, qui primítias mártýrum in beáti levítæ Stéphani sángine dedicásti: tribue quæsumus; ut pro nobis intercessór existat, qui pro suis étiam persecutóribus exorávit Dóminum nostrum Jesum Christum Filium tuum: Qui tecum vivit.

Et fit commem. de Octava S. Joannis, et SS. Innocentium. Dicitur Credo, et Præfatio de Nativitate.

¶ *In Octava S. Joannis Missa dicitur sicut in ejus Festo, cum commemor. de Innocentibus tantum. Et dicitur Credo, et Præfatio de Apostolis.*

¶ *In Oct. SS. Innocentium Officium Missæ fit sicut in die, excepto quod Glória in excelsis, Allelúia, et Ite Missa est, dicuntur: et non dicitur Credo, nisi venerit in Dominica.*

IN VIGILIA EPIPHANIÆ.

Introitus. Sap. 18.

DUM médium siléntium tenérent ómnia, et nox in suo cursu médium iter habéret, omnípotens sermo tuus, Dómine, de cœlis à regálibus sédibus venit.

Psal. 92. Dóminus regnâvit, decórem indútus est: in-

dutus est Dóminus fortitudinē, et præcinxit se.

V. Glória Patri.

Oratio.

OMNIPOTENS sempitérne Deus, dirige actus nostros in beneplácito tuo: ut in nómine dilécti Filii tui, mereámur bonis opéribus abundáre. Quí tecum vivit.

Pro commem. S. Telesphori Papæ et mart. Oratio.

DEUS, qui nos beáti Teléspthori mártýris tui atque Pontíficis ánnua solemnitate lætificas: concède propítius; ut ejusdem étiam protectióne gaudeámus.

De S. Maria. Oratio.

DEUS, qui salutis æternæ beátæ Mariæ virginitate foecúnda, humano géneri præmia præstitísti: tribue quæsumus: ut ipsam pro nobis intercedere sentiámus, per quam merúimus auctórem vitæ suscipere, Dóminum nostrum Jesum Christum Filium tuum. Qui tecum vivit, &c.

Lectio Epistolæ beáti Pauli Apóstoli ad Gálatas.

Galat. 4.

FRATRES, quanto tēpore hæres párvulus est, nihil differt á servo, cū sit Dóminus ómnium; sed sub tutóribus et actóribus est, usque ad præfínitum tempus à patre: ita et nos cū essémus párvuli, sub eleméntis mundi erámus serviétes. At ubi venit plenitúdo tēporis, misit Deus Filium suum, factum ex muliere, factum sub lege, ut eos, qui sub lege erant, redimeret, ut adoptionem filiórū reciperémus. Quóniam autem estis Filii, misit Deus Spiritum Filii sui in

corda vestra clamantem: Abba, Pater. Itaque jam non est servus, sed filius: quod si filius, et hæres per Deum.

Graduale. Psal. 44. Speciosus forma præ filiis hominum: diffusa est gratia in labiis tuis.

¶ Eructavit cor meum verbum bonum, dico ego opera mea regi: lingua mea calamus scribæ velociter scribens.

Alleluia, allel. ¶ *Ps. 92.* Dominus regnavit, decorem induit: induit Dominus fortitudinem, et præcinxit se virtute. Alleluia.

Sequencia sancti Evangelii secundum Matthæum.

Matth. 2. d.

IN illo tempore: Defuncto Herode, ecce Angelus Domini apparuit in somnis Joseph in Ægypto, dicens: Surge, et accipe puerum, et matrem ejus, et vade in terram Israël: defuncti sunt enim qui quærebant animam pueri. Qui consurgens, accepit puerum, et matrem ejus, et venit in terram Israël. Audiens autem quod Archelæus regnaret in Judæa pro Herode patre suo, timuit illò ire: et admònitus in somnis, secéssit in partes Galilææ. Et veniens habitavit in civitate, quæ vocatur Nazareth: ut adimpleretur quod dictum est per Prophétas: Quoniam Nazaræus vocabitur.

Offertorium, Psal. 92. Deus firmavit orbem terræ, qui non commovebitur: parata sedes tua Deus ex tunc, à sæculo tu es.

Secreta.

CONCEDE quæsumus omnipotens Deus: ut oculis tuæ majestatis munus oblatum,

et gratiam nobis piæ devotio- nis obtineat, et effectum beatae perennitatis acquirat. Per Dóminum.

De S. Telesphoro. Secreta.

MUNERA tibi Dómine dicata sanctifica; et intercedente beato Telesphoro martyre tuo, atque Pontífice, per eadem nos placatus intende.

De S. Maria. Secreta.

MUNERIBUS nostris, quæsumus Dómine, precibusque susceptis: et cœlestibus nos munda mysteriis, et clementer exaudi. Per Dóminum.

Communio. Matth. 2. Tolle puerum, et matrem ejus, et vade in terram Israël: defuncti sunt enim qui quærebant animam pueri.

Postcommunio.

PER hujus Dómine operationem mysterii, et vitia nostra purgentur, et justa desideria compleantur. Per Dóminum nostrum.

De S. Telesphoro. Postcomm.

REPECTI participatione muneris sacri, quæsumus Dómine, Deus noster: ut, cujus exequimur cultum, intercedente beato Telesphoro martyre tuo atque Pontífice, sentiamus effectum.

De S. Maria. Postcommunio.

HÆC nos commúnio, Dómine, purget à crimine: et intercedente beata Virgine Dei Genitrice María, cœlestis remédii faciat esse consortes. Per eúdem Dóminum nostrum Jesum Christum Filium tuum: Qui tecum vivit, &c.

IN
EPIPHANIA
D O M I N I .

Statio ad sanctum Petrum.

Introitus. Mal. 3.

ECCE advénit dominátor Dóminus: et regnum in manu ejus, et potéstas, et impérium.

Psalm. 71. Deus júdicium tuum regi da: et justítiam tuam Fílio regis. *V.* Glória Patri.

Oratio.

DEUS qui hodiérna die Unigénitum tuum Géntibus stella duce revelásti: concéde propítius; ut qui jam te ex fide cognóvimus, usque ad contemplándam spéciem tuæ celsitúdinis perducámur. Per eúmdem Dóminum.

Lectio Isaíæ Prophétæ. Is. 60.

SURGE, illumináre Jerúsalem: quia venit lumen tuum, et glória Dómini super te orta est. Quia ecce ténebræ opérient terram, et caligo pópulos: super te autem oriétur Dóminus, et glória ejus in te vidébitur. Et ambulábunt Gentes in lúmine tuo, et reges in splendóre ortus tui. Leva in circúitu óculos tuos, et vide, omnes isti congregáti sunt, venérunt tibi: filii tui de longè vénient, et filíæ tuæ de látere surgent. Tunc vidébis, et áfflues, et mirábitur et dilatábitur cor tuum, quando convérsa fúerit ad te multitúdo maris, fortitúdo Géntium venérít tibi. Inundátio camelórum opériet te, dromedárii Mádian et Epha: omnes de Saba véniunt, aurum et thus deferén-

tes, et laudem Dómino annuntiántes.

Gradual. ibid. Omnes de Saba vénient, aurum et thus deferéntes, et laudem Dómino annuntiántes. *V.* Surge, et illumináre Jerúsalem: quia glória Dómini super te orta est. Allelúia, allelúia.

V. Matth. 2. Vidimus stellam ejus in Oriénte: et vénimus cum munéribus adoráre Dóminum. Allelúia.

Sequéntia sancti Evangélii secúndum Matthæum.

Matth. 2.

CUM natus esset Jesus in Bétlehem Juda in diébus Heródis regis, ecce Magi ab Oriénte venérunt Jerosólymam, dicéntes: Ubi est qui natus est rex Judæórum: Vidimus enim stellam ejus in Oriénte, et vénimus adoráre eum. Audiens autem Heródes rex, turbátus est, et omnis Jerosólýma cum illo. Et cóngregans omnes príncipes sacerdotum, et Scribas pópuli, sciscitabátur ab eis, ubi Christus nascerétur. At illi dixérunt ei. In Bétlehem Judæ. Sic enim scriptum est per Prophétam: Et tu Bétlehem terra Juda, nequáquam mínima es in príncipibus Juda: ex te enim éxiet dux, qui regat pópulum meum Israël. Tunc Heródes, clam vocátis Magis diligénter didícit ab eis tempus stellæ, quæ apparuit eis: et mittens illos in Bétlehem, dixit: Ite,

et interrogáte diligénter de púero: et cùm invenéritis, renuntiáte mihi, ut et ego véniens, adórem eum. Qui cùm audissent regem, abiérunt. Et ecce stella, quam viderant in Oriénte, antecédebat eos, usque dum véniens staret suprà ubi erat puer. Vidéntes autem stellam gavísi sunt gáudio magno valdè. Et intrántes domum, invenérunt púerum cum María matre ejus, *Hic genuflectitur*, et procidéntes, adoravérunt eum. Et apértis thesáuris suis obtulérunt ei múnera, aurem, thus, et myrrham. Et respónso accépto in somnis ne redírent ad Heródem, per áliam viam revérsi sunt in regiónem suam. Credo.

Offertorium. Psal. 71. Reges Tharsis et insúlæ múnera ófferent reges Arabum, et Saba dona addúcent: et adorábunt eum omnes reges terræ, omnes Gentes sérvient ei.

Secreta.

ECCLESIAE tuæ, quæsumus Dómine, dona propítius intuére, quibus non jam aurum, thus, et myrrha profératur; sed quod eisdem munéribus declaráture, immoláture, et súmitur, Jesus Christus Fílius tuus Dóminus noster. Qui tecum vivit.

Præfatio. Quia cùm Unigénitus. *Et infra acciónem.* Communícantes, et diem sacratíssimum &c. *ut in Præfationibus. Et dicuntur per totam Octavam.*

Communio. Matt. 2. Vidimus stellam ejus in Oriénte: et vénimus cum munéribus adoráre Dóminum.

Postcommunio.

PRÆSTA quæsumus omnipotens Deus: ut quæ so-

lémni celebrámus officio, purificátæ mentis intelligéntia consequámur. Per Dóminum.

Infra Oct. Epiphaniæ fit idem Officium, quod in die: et post Orationem diei dicuntur Orationes, Deus, qui salutis, et Ecclesiæ tuæ, vel pro Papa, Deus ómnium fidélium, ut infrà in Dominica ii. post Epiphaniam.

De festis Duplicibus, et Semid. quæ infra Octavam veniunt nihil tunc agitur, (nisi tantum de Patrono vel Titulari Ecclesiæ, et de Dedicatione ejusdem, in propria Ecclesia, non tamen in die Oct.) sed peracta Oct. celebrantur: de Simplicibus verò fit tantum commemor.

In Dominica infra Oct. Missa dicitur ut infrà. Quod si Epiphania venerit in Dominica, ipsa Missa Dominicæ dicitur in Sabato infra Octavam, et in die Octava nihil fit de Dominica.

DOMINICA INFRA OCTAVAM EPIPHANIÆ.

Introitus.

IN excéso throno vidi sedére virum, quem adorat multitúdo Angelórum psalléntes in unum: ecce cujus impérii nomen est in ætérnum.

Psalm. 99. Jubiláte Deo omnis terra: servite Dómino in lætítia. *V. Glória Patri.*

Oratio.

VOTA, quæsumus Dómine, supplicántis pópuli cœlesti pietáte proséquere: ut, et quæ agénda sunt, vídeant; et ad adimplénda, quæ viderint, convalescant. Per Dominum.

Secunda Oratio de Epiphania, suprà. fol. 36.

Lectio Epistolæ beati Pauli
Apóstoli ad Romános.

Rom. 12.

FRATRES, Obsecro vos per misericórdiam Dei, ut exhibeátis corpora vestra hóstiam vivéntem, sanctam, Deo placéntem, rationábile obséquium vestrum. Et nolíte conformári huic sæculo, sed reformámini in novitate sensus vestri: ut probétis quæ sit voluntas Dei bona, et benéplacens, et perfécta. Dico enim per grátiam, quæ data est mihi ómnibus qui sunt inter vos: Non plus sápere, quàm opórtet sápere, sed sápere ad sobrietátem: et unicuique sicut Deus divisit mensúram fidei. Sicut enim in uno córpore multa membra habémus, ómnia autem membra non eúmdem actum habent: ita multi unum corpus sumus in Christo, singuli autem alter altérius membra: in Christo Jesu Dómino nostro.

Graduale. Psal. 71. Benedic-tus Dóminus Deus Israël, qui facit mirabilia magna solus à sæculo. *V.* Suscípiant montes pacem populo tuo, et colles justítiam. Allelúia, allelúia.

V. Psal. 91. Jubiláte Deo omnis terra: servíte Dómino in lætítia. Allelúia.

Sequéntia sancti Evangélii se-cúndum Lucam.

Luc. 2. f.

CUM factus esset Jesus an-nórum duódecim, ascen-déntibus illis Jerosólymam se-cúndum consuetúdinem diéi festi, consummátisque diébus, cùm redirent, remansit puer Jesus in Jerúsalem, et non cog-novérunt paréntes ejus. Exis-timántes autem illum esse in

comitátu, venérunt iter dièi, et requirébant eum inter cog-nátos et notos. Et non inve-niéntes, regréssi sunt in Jerú-salem requiréntes eum. Et factum est, post trídium inve-nérunt illum in templo sedén-tem in médio Doctórum, audi-ántem illos, et interrogántem eos. Stupébant autem omnes, qui eum audiébant, super pru-déntia et respónsis ejus. Et vidéntes admiráti sunt. Et dixit mater ejus ad illum: Fili, quid fecísti nobis sic? Ecce pater tuus, et ego doléntes quærebámus te. Et ait ad il-los: Quid est, quòd me quæ-rebátis? nesciebátis, quia in his, quæ Patris mei sunt, opór-tet me esse? Et ipsi non intel-lexérunt verbum, quod locú-tus est ad eos. Et descendit cum eis, et venit Náza-reth: et erat súbditus illis. Et mater ejus conservábat ómnia verba hæc in corde suo. Et Jesus proficiebat sapiéntia, et ætáte, et grátia apud Deum et hómi-nes. Credo.

Offertorium. Psal. 99. Ju-biláte Deo omnis terra, servíte Dómino in lætítia: intráte in conspéctu ejus in exultatióne, quia Dóminus ipse est Deus.

Secreta.

OBLATUM tibi, Dómine, sacrificium, vivíficet nos semper et múniat. Per Dó-minum nostrum.

Secunda Secreta de Epipha-nia, ut suprà, fol. 37.

Communio. Luc. 2. Fili, quid fecísti nobis sic? ego et pater tuus doléntes quærebámus te. Et quid est, quòd me quæ-rebátis? nesciebátis, quia in his, quæ Patris mei sunt, opórtet me esse?

Postcommunio.

SUPPLICES te rogâmus, Omnipotens Deus: ut quos tuis réficis sacraméntis, tibi étiam plácitis móribus dignânter deservíre concédas. Per Dóminum.

Secunda Postcomm. de Epiphania, ut suprâ. fol. 37.

IN OCTAVA EPIPHANIÆ.

Introitus. Mal. 3.

ECCE advénit dominátor Dóminus: et regnum in manu ejus, et potéstas, et impérium.

Psal. 71. Deus judicium tuum Regi da: et justítiam tuam Filio Regis. V. Glória.

Oratio.

DEUS, cujus Unigénitus in substántia nostræ carnis apparuit: præsta quæsumus; ut per eum, quem símilem nobis foris agnóvimus, intus reformári meréamur. Qui tecum vivit et regnat.

Lectio Isaïæ Prophætæ.

Isaïæ 60.

SURGE, illumináre, Jerúsalem: quia venit lumen tuum, et glória Dómini super te orta est. Quia ecce ténebræ opérient terram, et caligo pópulos: super te autem oriétur Dóminus, et glória ejus in te vidébitur. Et ambulábunt Gentes in lúmine tuo, et reges in splendóre ortus tui. Leva in circúitu óculos tuos, et vide, omnes isti congregáti sunt, vénérunt tibi: filii tui de longè vénient, et filia tuæ de látere surgent. Tunc vidébis, et áfflues, et mirábitur et dilatábitur cor tuum, quando convér-

sa fuerit ad te multitúdo maris, fortitúdo Géntium vénerit tibi. Inundátio camelórum opériet te, dromedárii Mádian et Epha: omnes de Saba vénient, aurum et thus deferéntes, et laudem Dómino annuntiántes.

Graduale. ibid. Omnes de Saba vénient, aurum et thus deferéntes, et laudem Dómino annuntiántes. V. Surge, et illumináre, Jerúsalem: quia glória Dómini super te orta est.

Allelúia, allelúia.

V. *Matth. 2.* Vidimus stellam ejus in Oriénte: et vénimus cum munéribus adoráre Dóminum. Allelúia.

Sequéntia sancti Evangélii secúndum Joánnem.

Joan. 1. d.

IN illo tempore: Vidit Joánes Jesum venientem ad se, et ait: Ecce Agnus Dei, ecce qui tollit peccátum mundi. Hic est, de quo dixi: Post me venit vir, qui ante me factus est: quia prior me erat. Et ego nesciébam eum, sed ut manifestétur in Israël, proptérea veni ego in aqua baptizans. Et testimónium perhibuit Joánes, dicens: Quia vidi Spíritum descendentem quasi columbam de cœlo, et mansit super eum. Et ego nesciébam eum: sed qui misit me baptizáre in aqua, ille mihi dixit: Super quem videris Spíritum descendentem, et manentem super eum, hic est, qui baptizat in Spiritu sancto. Et ego vidi: et testimónium perhibui, quia hic est Filius Dei. Credo.

Offertorium. Psal. 71. Reges Tharsis et insulæ múnera offerent: reges Arabum et Saba

dona addúcent: et adorábuut eum omnes reges terræ, omnes Gentes sérvient ei.

Secreta.

HOSTIAS tibi Dómine, pro nati Filii tui apparitióne deférimus, suppliciter exorántes: ut sicut ipse nostrórum auctor est múnere; ita sit ipse miséricors et suscéptor, Jesus Christus Dóminus noster. Qui tecum vivit.

Communio. Matth. 2. Vidi-mus stellam ejus in Oriénte: et vénimus cum munéribus adoráre Dóminum.

Postcommunio.

CELESTI lúmine, quæsumus Dómine, semper et ubique nos præveni: ut mystérium, cujus nos partícipes esse vólúisti, et puro cernámus intuitu, et digno percipiámus afféctu. Per Dóminum.

¶ *Ab Oct. Epiphaniæ usque ad Purificationem nisi fuerit Duplex, post Orationem diei dicuntur istæ Orationes, Deus, qui salutis æternæ, et Ecclésiæ tuæ, vel Deus ómnium fidélium. ut infrà in Dominica ii. post Epiphaniam.*

¶ *Si tempus breve fuerit ab Oct. Epiphaniæ usque ad Septuagesimam, ita ut Officia sequentium Dominicarum non possint expleri suis diebus, Officia illarum quæ supersunt post Dominicam ii. post Epiphaniam, eo anno omittuntur, et resumuntur (quoad Orationem, Epistolam et Evangelium duntaxat) post Dominicam xxiii. post Pentec. ut ibi dicitur in Rubr.*

¶ *Si Dominica Septuag. venerit sequenti Dominica post Octavam Epiph. in præced. Sabbato: si non est impeditum Festo semid. dicitur Missa de Domi-*

nica ii. post Epiph. cum commem. Festi Simplicis, si in eo occurrat. Si verò Sabbatum fuerit impeditum Festo Semiduplici, tunc prima die post Oct. Epiphaniæ, in qua non sit Festum Duplex, dicitur Missa de ii. Dominica, et Festum Semidupl. in ea occurrens, transfertur in primam diem similiter non impeditam.

DOMINICA SECUNDA POST EPIPHANIAM.

Introitis.

Psal. 65.

OMNIS terra adóret te, Deus, et psallat tibi; psalmum dicat nómini tuo, Altissime.

Psal. ibid. Jubiláte Deo omnis terra, psalmum dícite nómini ejus: date glóriam laudi ejus. V. Glória Patri.

Dicitur Glória in excelsis. in Dominicis usque ad Septuag. exclusivè; in Ferialibus verò diebus, quando resumitur Missa de Dominica Præcedenti, non dicitur. Quod servatur et post Pentecosten.

Oratio.

OMNIPOTENS sempitérne Deus: qui cœlestia simul et terréna moderáris: supplicatiónes pópuli tui cleménter exáudi, et pacem tuam nostris concéde tempóribus. Per Dóminum nostrum.

De S. Maria.

Oratio.

DEUS, qui salutis æternæ, beátæ Mariæ virginitáte fecúnda, humano géneri præmia præstitisti: tribue quæsumus; ut ipsam pro nobis intercédere sentiámus, per quam merúimus auctórem vitæ suscipere, Dóminum nostrum Jesum Christum Filium tuum.

Contra persecutores Ecclesiæ.

Oratio.

ECCLESIAE tuæ, quæsumus Dómine, preces placatus admitte: ut destrúctis adversitatibus et erróribus universis, secúra tibi sérviat libertate. Per Dóminum.

Vel pro papa. Oratio.

DEUS ómium fidélium pastor et rector, fámulum tuum *N.* quem pastórem Ecclesiæ tuæ præesse voluisti, propítius respice: da ei, quæsumus, verbo et exémplo, quibus præest, proficere; ut ad vitam, unà cum grege sibi crédito, pervéniat sempiternam. Per Dóminum.

Léctio Epistolæ beáti Pauli Apóstoli ad Romános.

Rom. 12. b.

FRATRES, Habéntes donatiónes secúndum grátiam, quæ data est nobis, differéntes: sive prophetiam secúndum ratiónem fidei, sive ministérium in ministrádo, sive qui docet in doctrína, qui exhortátur in exhortádo, qui tríbuit in simplicitáte, qui præest in sollicitúdone, qui miserétur in hilaritáte. Diléctio sine simulatióne. Odiéntes malum, adhæréntes bono: Charitáte fraternitátis ínvicem diligéntes: Honóre ínvicem præveniéntes: Sollicitúdone non pigri: Spíritu ferventes: Dómino serviéntes: Spe gaudéntes; In tribulatióne patientes: Oratióni instántes: Necessitatibus sanctórum communicántes: Hospitalitátem sectántes. Benedícite persequéntibus vos: benedícite, et nolíte maledícere. Gaudére cum gaudéntibus: fere cum fléntibus: Idípsum ínvicem sentiéntes: Non

alta sapiéntes, sed humílibus consentiéntes.

Graduale. Psal. 106. Misit Dóminus verbum suum, et sanávit eos: et erípuit eos de intéritu eórum. *V.* Confiteántur Dómino misericórdiæ ejus: et mirabilia ejus filiis hóminum. Allelúia, allelúia.

X. Psal. 148. Laudáte Dóminum omnes Angeli ejus, laudáte eum omnes virtutes ejus. Allelúia.

¶ *Sic dicitur Allelúia cum Versu post Graduale, ab Oct. Epiph. usque ad Septuagesimam, et ab Oct. Pentec. usque ad Adventum, etiam infra Hebdomadam, quando refumitur Missa de Dominica.*

Sequéntia sancti Evangélii secúndum Joánnem.

Joan. 2.

IN illo témpore: Nuptiæ factæ sunt in Cano Galilææ, et erat mater Jesu ibi. Vocatus est autem et Jesus, et discípuli ejus ad núptias. Et deficiente vino, dicit mater Jesu ad eum: Vinum non habent. Et dicit ei Jesus: Quid mihi et tibi est mília? nondum venit hora mea. Dicit mater ejus ministris. Quodcúmque dixerit vobis, fácite. Erant autem ibi lapídeæ hydriæ sex, positæ secúndum purificatióne Judæórum, capiéntes singulæ metretas binas, vel ternas. Dicit eis Jesus: Impléte hydrias aqua. Et implevérunt eas usque ad summum. Et dicit eis Jesus: Haurite nunc, et ferte architriclino. Et tulérunt. Ut autem gustávit architriclinus aquam vinum factam, et non sciébat unde esset, ministri autem sciébant, qui háuserant

aquam : vocat sponsum architríclínus, et dicit ei : Omnis homo primùm bonum vinum ponit : et cùm inebriáti fuerint, tunc id, quod detérius est : Tu autem servásti bonum vinum usque adhuc. Hoc fecit iní-tium signórum Jesus in Cana Galilææ : et manifestávit glóriam suam, et credidérunt in eum discipuli ejus. Credo.

Offertorium. Psal. 65. Jubilate Deo univérſa terra : psallimus dicite nómini ejus : venite, et audite, et narrábo vobis, omnes, qui timétis Deum, quanta fecit Dóminus ánimæ meæ, alleluía.

Secreta.

OBLATA, Dómine, múnera sanctifica : nosque à peccatórum nostrórum máculis emúnda. Per Dóminum.

De S. Maria. Secreta.

MUNERIBUS nostris, quæsumus Dómine, precibúſque susceptis, et cœlestibus nos munda mystériis, et cleménter exáudi.

Contra persec. Eccles. Secreta.

PROTEGE nos Dómine, tuis mystériis serviéntes : ut divinis rebus inhæréntes, et córpore tibi famulémur, et mente. Per Dóminum.

Vel pro Papa. Secreta.

OBLATIS, quæsumus Dómine, placáre munéribus, et famulum tuum N. quem pastórem Ecclésiæ tuæ præesse voluisti, assídua protectione gubérna, Per Dóminum.

Communio. Joan. 2. Dicit Dóminus : Impléte hydrias aqua, et ferte architríclíno : cùm gustáſset architríclínus aquam vinum factam, dicit sponſo : Servásti bonum vinum usque

adhuc : hoc signum fecit Jesus primùm coram discipulis suis.

Postcommunio.

AUGEATUR in nobis, quæsumus Dómine, tuæ virtútis operátio : ut divinis vegetáti sacraméntis, ad eórum promissa capiéndá, tuo múnere præparémur. Per Dóminum.

De S. Maria. Postcommunio.

HÆC nos commúnio, Dómine, purget à crimine : et intercedénte beáta Vírgine Dei Genitrice María cœlestis remédii faciat esse consórtes.

Contra persecutores Ecclesiæ.

Postcommunio.

QUÆSUMUS, Dómine, Deus noster : ut quos divína tribuis participátione gaudére, húmánis non sinas subjacére periculis. Per Dóminum.

Vel pro Papa. Postcomm.

HÆC nos, quæsumus Dómine, divini sacraménti percéptio próteget : et famulum tuum N. quem pastórem Ecclésiæ tuæ præesse voluisti, uná cum commisso sibi grege salvet semper, et múniat. Per Dóminum.

DOMINICA III. POST EPIPHANIAM.

Intróitus. Ps. 96.

ADORATE Deum omnes Angeli ejus : audívit, et lætáta est Sion : et exultavérunt filiæ Judæ.

Psal. ibid. Dóminus regnávít, exúltet terra : læténtur insulæ multæ. V. Glória Patri, et Fílio.

Oratio.

OMNIPOTENS sempitérne Deus, infirmitátem nostram propítius réſpice : at-

que ad protegendum nos dexteram tuæ majestatis extende. Per Dominum nostrum Jesum Christum Filium tuum.

Secunda Oratio de S. Maria, Deus, qui salutis. tertia, Ecclesiæ, vel pro Papa. fol. 40.

Lectio Epistolæ beati Pauli Apostoli ad Romanos.

Rom. 12. d.

FRATRES, Nolite esse prudentes apud vosmetipsos: Nulli malum pro malo reddentes: providentes bona non tantum coram Deo, sed etiam coram omnibus hominibus. Si fieri potest, quod ex vobis est, cum omnibus hominibus pacem habentes. Non vosmetipsos defendentes, charissimi, sed date locum iræ. Scriptum est enim: Mihi vindicta; ego retribuam, dicit Dominus. Sed si esurierit inimicus tuus, ciba illum: si sitit, potum da illi: hoc enim faciens, carbones ignis congeres super caput ejus. Noli vinci à malo, sed vince in bono malum.

Graduale. Psal. 101. Timébunt Gentes nomen tuum Domine, et omnes reges terræ glóriam tuam. *V.* Quóniam ædificávit Dominus Sion, et vidébitur in majestáte sua. Allelúia, allelúia.

V. Psal. 97. Dominus regnavit, exúltet terra: læténtur insulæ multæ. Allelúia.

Sequéntia sancti Evangelii secundum Matthæum.

Matth. 8.

IN illo tempore: Cùm descendisset Jesus de monte, secútæ sunt eum turbæ multæ: et ecce leprósus véniens, adorábat eum, dicens: Domine, si vis, potes me mundáre. Et

exténdens Jesus manum, tétigit eum, dicens: Volo, mundáre. Et conféstim mundáta est lepra ejus. Et ait illi Jesus: Vide, némini dixeris: sed vade, osténde te sacerdoti, et offer munus, quod præcepit Móyses, in testimónium illis. Cùm autem introisset Caphárnaum, accessit ad eum Centúrio, rogans eum, et dicens: Domine, puer meus jacet in dómo paralyticus, et malè torquétur. Et ait illi Jesus: ego véniam, et curábo eum. Et respóndens Centúrio, ait: Domine, non sum dignus, ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites, et dico huic: Vade, et vadit: et alii, Veni, et venit: et servo meo, Fac hoc, et facit. Audiens autem Jesus, mirátus est, et sequéntibus se, dixit: Amen dico vobis, non invéni tantam fidem in Israél. Dico autem vobis, quòd multi ab Oriénte, et Occidénte vénient, et recumbent cum Abraham, et Isaac, et Jacob in regno cœlorum: filii autem regni ejiciéntur in ténebras exterióres: ibi erit fletus, et stridor dentium. Et dixit Jesus Centurióni: Vade, et sicut credidisti, fiat tibi. Et sanátus est puer in illa hora. Credo.

Offertorium. Psal. 117. Dextera Domini fecit virtútem, dextera Domini exaltávit me: non móriar, sed vivam, et narrábo ópera Domini.

Secreta.

HÆC hóstia, Domine quæsumus, emúndet nostra delicta: et ad sacrificium celebrándum, subditórum tibi cór-

pora mentésque sanctificet.
Per Dóminum.

Secunda Secreta de S. Maria, Munéribus tertia, Protege. vel pro Papa. fol. 42.

Communio. Luc. 4. Mirabántur omnes de his, quæ procedébant de ore Dei.

Postcommunio.

QUOS tantis, Dómine, largiris uti mystériis : quæsumus : ut efféctibus nos eórum veráciter aptáre dignéris. Per Dóminum.

Secunda Postcomm. de S. Maria. Hæc nos. tertia, Quæsumus. vel pro Papa. fol. 42.

DOMINICA IV. POST EPIPHANIAM.

Introitus. Psalm. 96.

ADORATE Deum omnes Angeli ejus : audívit, et lætáta est Sion : et exultáverunt filiæ Judæ.

Psal. ibid. Dóminus regnavit, exúltet terra : læténtur insulæ multæ. V. Glória Patri.

Oratio.

DEUS, qui nos tantis periculis constitútos, pro humana scis fragilitáte non posse subsistere : da nobis salutem mentis et córporis ; ut ea, quæ pro peccátis nostris pátimur, te adjuvánte, vincámus. Per Dóminum.

Secunda Oratio de S. Maria, Deus qui salutis. tertia, Ecclesiæ. vel pro Papa. fol. 40.

Si autem hæc Dominica venerit post festum Purificationis, dicitur secunda Oratio. A cunctis, ut infrà in Dominica sequenti. fol. 45. et tertia ad libitum Sacerdotis.

Léctio Epístolæ beáti Pauli Apóstoli ad Romános.

Rom. 13. b.

FRATRES, Némini quidquam debeátis, nisi ut invicem diligátis : qui enim diligit proximum, legem implévit. Nam : Non adulterábis : Non occídes : Non furáberis : Non falsum testimónium dices : Non concupísces, et si quód est áliud mandátum, in hoc verbo instaurátur : Diliges próximum tuum sicut teípsum. Diléctio próximi malum non operátur. Plenitúdo ergo legis est diléctio.

Graduale. Psal. 101. Timébunt Gentes nomen tuum Dómine, et omnes reges terræ glóriam tuam. V. Quóniam ædificávit Dóminus Sion, et vidébitur in majestáte sua. Allelúia, allelúia.

V. Psal. 96. Dóminus regnavit, exúltet terra : læténtur insulæ multæ. Allelúia.

Sequéntia sancti Evangélii secúndum Matthæum.

Matth. 8. c.

IN illo tẽpore : Ascéndente Jesu in navículam, secúti sunt eum discípuli ejus, et ecce motus magnus factus est in mari, ita ut navícula operirétur flúctibus, ipse verò dormiébat. Et accessérunt ad eum discípuli ejus, et suscitáverunt eum, dicéntes : Dómine, salva nos, perimus. Et dicit eis Jesus : Quid tímidi estis, módicæ fidei ? Tunc surgens, imperávit ventis et mari, et facta est tranquillitas magna. Porrò hómines miráti sunt, dicéntes : Qualis est hic, quia venti, et mare obédiunt ei ? Credo.

Offertorium. Psal. 117. Déxtera Dómini fecit virtútem,

déxtera Dómini exaltávit me : non móriar, sed vivam, et narrábo ópera Dómini.

Secreta.

CONCEDE quæsumus omnípotens Deus : ut hujus sacrificii munus oblátum, fragilitátem nostram ab omni malo purget semper, et múníat. Per Dóminum.

Secunda Secreta de S. Maria, Munéribus, tertia, Prótege. vel pro Papa. fol. 42.

Communio. Lucæ 4. Mirábantur omnes de his, quæ procedébant de ore Dei.

Postcommunio.

MUNERA tua nos, Deus, à delectatióibus terrenis expédiant : et cœléstibus semper instáurent aliméntis. Per Dóminum.

Secunda Postcomm. de S. Maria, Hæc nos tertia, Quæsumus. vel pro Papa. fol. 42.

DOMINICA V. POST EPIPHANIAM.

Introitus. Psal. 96.

ADORATE Deum omnes Angeli ejus : audívit, et lætáta est Sion : et exultáverunt filiæ Judæ.

Psal. ibid. Dóminus regnávit, exúltet terra : læténtur insulæ multæ. V. Glória Patri.

Oratio.

FAMILIAM tuam, quæsumus Dómine, continua pietáte custódi : ut quæ in sola spe grátiae cœléstis innítitur, tua semper protectiõe muniátur. Per Dóminum.

Ad poscenda suffragia Sanctorum.

Oratio.

ACUNCTIS nos, quæsumus Dómine, mentis et

córpore defénde periculis : et intercedénte beáta et gloriósa semper vírgine Dei genitrice María cum beáteis Apóstolis tuis Petro et Paulo, atque beáto N. et omnibus Sanctis, salutem nobis tríbue benígnus, et pacem ; ut destructis adversitátibus et erróribus univérsis, Ecclésia tua secúra tibi sérvíat libertáte.

In hac Oratione nomina SS. Michælis, et Joannis Baptistæ præponuntur Apostolis.

Tertia Oratio dicitur ad libitum Sacerdotis.

Léctio Epístolæ beáti Pauli Apóstoli ad Colossénses.

Col. 3. b.

FRATRES, Indúite vos sicut elécti Dei, sancti, et dilécti, víscera misericórdiæ, benignitátem, humilitátem, modéstiam, paciéntiam : supportántes invicem, et donántes vobismetípsis, si quis advérsus áliquem habet querélam : sicut et Dóminus donávit vobis, ita et vos. Super ómnia autem hæc, charitátem habéte, quod est vínculum perfectiõnis : et pax Christi exúltet in cordibus vestris, in qua et vocáti estis in uno córpore : et grati estóte. Verbum Christi hábitet in vobis abundánter, in omni sapientiá, docétes, et commonétes vosmetípsos psalmis, hymnis, et cánticis spirituálibus, in grátia cantántes in córdibus vestris Deo. Omne quodcúmque fáctis in verbo aut in ópere, ómnia in nómine Dómini Jesu Christi, grátias ágéntes Deo, et Patri per Jesum Christum Dóminum nostrum.

Graduale. Ps. 101. Timébunt Gentes nomen tuum Dómine, et omnes reges terræ glóriam

tuam. *V.* Quóniam ædificávit Dóminus Sion, et vidébitur in majestáte sua.

Allelúí, allelúía.

V. Psal. 99. Dóminus regnávít, exúltet terra: læténtur ínsulæ multæ. Allelúía.

Sequéntia sancti Evangéllii secúndum Matthæum.

Matth. 13. c.

IN illo témpore: Dixit Jesus turbis parabolam hanc: Simile factum est regnum cœlorum hómini, qui seminávit bonum semen in agro suo. Cùm autem dormírent hómines, venit inímicus ejus, et supereminávit zizánia in médio trítici, et abiit. Cùm autem crevísset herba, et fructum fecísset, tunc apparuérunt et zizánia. Accedéntes autem servi patrisfamilias, dixerunt ei: Dómine, nóne bonum semen seminásti in agro tuo? Unde ergo habet zizánia? Et ait illis: Inímicus homo hoc fecit. Servi autem dixerunt ei: Vis, imus, et collígimus ea? Et ait: Non: ne fortè collígentes zizánia, eradicéti simul cum eis et tríticum. Sinite útraque créscere usque ad messem, et in témpore messis dicam mæssóribus: Collígite primùm zizánia, et alligáte ea in fascículos ad comburéndum, tríticum autem congregáte in hórreum meum. Credo.

Offertorium. Psal. 117. Déxtera Dómini fecit virtútem, déxtera Dómini exaltávit me: non móriar, sed vivam, et narrábo ópera Dómini.

Secreta.

HOSTIAS tibi, Dómine, placatiónis offerimus, et ut delicta nostra miserátus ab-

sólvas, et nutántia corda tu dírigas. Per Dóminum.

Ad poscenda suffragia Sanctorum.

Secreta.

EXAUDI nos Deus salutaris noster: ut per hujus sacraménti virtútem, à cunctis nos mentis et córporis hóstibus tueáris, grátiam tribuens in præsénti, et glóriam in futúro.

Tertia ad libitum.

Communio. Luc. 4. Mirabántur omnes de his, quæ procedébant de ore Dei.

Postcommunio.

QUÆSUMUS omnipotens Deus: ut illíus salutáris capiámus afféctum, cujus per hæc mystéria pignus accépimus Per Dóminum.

Ad poscenda suffragia Sanctorum.

Postcommunio.

MUNDET et móniat nos, quæsumus Dómine, divíni sacraménti munus oblátum: et intercedénte beáta virgine Dei genitrice María, cum beátis Apóstolis tuis Petro et Paulo, atque beáto *N.* et ómnibus Sanctis; à cunctis nos reddat et perversitatibus expiátos, et adversitatibus expeditos.

Tertia ad libitum.

DOMINICA VI. POST EPIPHANIAM.

Introitus. Psal. 96.

ADORATE Deum omnes Angeli ejus: audívit, et lætáta est Sion: et exultavérunt filiaé Judæ.

Psal. ibid. Dóminus regnávít, exúltet terra: læténtur ínsulæ multæ. *V.* Glória Patri.

Oratio.

PRÆSTA quæsumus omnipotens Deus: ut semper ra-

tionabilia meditantés, quæ tibi sunt placita, et dictis exequamur et factis. Per Dóminum.

Secunda Oratio. A cunctis. *ut suprà.* fol. 45.

Tertiti ad libitum.

Léctio Epistolæ beáti Pauli Apóstoli ad Thessalonicénses.

1 *Thess.* 1.

FRATRES, Grátias, ágimus Deo semper pro ómnibus vobis, memóriam vestri faciéntes in oratióibus nostris sine intermissióne, mémores óperis fidei vestræ, et labóris, et charitátis, sustinéntiæ spei Dómini nostri Jesu Christi, ante Deum et Patrem nostrum: sciéntes fratres dilécti à Deo, electiõnem vestram: quia Evangélium nostrum non fuit ad vos in sermóne tantum, sed et in virtúte, et in Spíritu sancto, et in plenitúdine multa, sicut scitis quales fuérimus in vobis propter vos. Et vos imitatóres nostri facti estis, et Dómini, excipiéntes verbum in tribulatióne multa, cum gáudio Spíritus sancti: ita ut facti sitis forma ómnibus credéntibus in Macedónia, et in Acháia. A vobis enim diffamátus est sermo Dómini, non solùm in Macedónia et in Acháia, sed et in omni loco fides vestra, quæ est ad Deum, profécta est, ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos: et quómodo convérsi estis ad Deum à simulácris, servíre Deo vivo et vero, et expectáre Fílium ejus de cœlis (quem suscitávit ex mórtuis) Jesum, qui erípuit nos ab ira ventúra.

Graduale. Psal. 101. Timébunt Gentes nomen tuum Dó-

mine, et omnes reges terræ glóriam tuam. *V.* Quóniam ædificávit Dóminus Sion, et vidébitur in majestáte sua. Allelúia, allelúia.

V. Psal. 96. Dóminus regnávít, exúltet terra: læténtur insulæ multæ. Allelúia.

Sequéntia sancti Evangélii se-cúndum Matthæum.

Matth. 13. d.

IN illo témpore: Dixit Jesus turbis parábolam hanc: Símile est regnum cœlorum grano sinápis, quod accípiens homo seminávit in agro suo: quod mínimum quidem est ómnibus semínibus: cùm autem créverit, majus est ómnibus oléribus, et fit arbor, ita ut vólucres cœli véniant, et hàbitent in ramis ejus. Aliam parábolam locútus est eis: Símile est regnum cœlórum fermento, quod accéptum múlier abscondit in farínæ satis tribus, donec fermentátum est totum. Hæc ómnia locútus est Jesus in parábolis ad turbas: et sine parábolis non loquebátur eis: ut implerétur quod dictum erat per Prophétam dicéntem: Apériam in parábolis os meum, eructábo abscondita à constitutióne mundi. Credo.

Offertorium. Psal. 117. Déxtera Dómini fecit virtútem, déxtera Dómini exaltávit me: non móriar, sed vivam, et narrábo ópera Dómini.

Secreta.

HÆC nos oblátio, Deus, mundet, quæsumus, et rénovet, gubérnet, et prótegat. Per Dóminum.

Secunda Secreta. Exáudi nos. *ut suprà.* fol. 46.

Tertia ad libitum.

Communio. Lucae 4. Mirábantur omnes de his, quæ procedébant de ore Dei.

Postcommunio.

CŒLESTIBUS Dómine pasti deliciis : quæsumus, ut semper éadem, per quæ véraciter vívimus, appetámus. Per Dóminum nostrum.

Secunda Postcomm. Mundet. fol. 46.

Tertia ad libitum.

DOMINICA IN SEPTUAGESIMA.

Statio ad S. Laurentium extra muros.

Introitus. Psal. 17.

CIRCUMDEDERUNT me gémitus mortis, dolóres inférni circumdederunt me : et in tribulatióne mea invocávi Dóminum, et exaudivit de templo sancto suo vocem meam.

Psal. ibid. Díligam te Dómine fortitúdo mea : Dóminus firmaméntum meum, et refúgium meum, et liberátor meus. *V. Glória Patri.*

Non dicitur Glória in excélsis, ab hac Dominica usque ad Pascha, exceptis Fer. v. in Cæna Domini, et Sabbato sancto, et quando dicitur Missa de Festo.

Oratio.

PRECES pópuli tui, quæsumus Dómine, cleménter exáudi : ut qui justè pro peccátis nostris affligimur, pro tui nóminis glória misericórditer liberémur. Per Dóminum.

Secunda Oratio. A cunctis. ut suprà. fol. 45.

Tertia ad libitum.

¶ *Sic dicitur secunda et tertia Oratio à festo Purificationis usque ad Fer. iv. Cinerum exclusivè, quando non est Duplex : nisi Dominica Septuag. venerit ante festum Purificationis, vel in ipsa die Purificationis : quia tunc dicuntur Orationes sicut in Dominica ii. post Epiphan. de S. Maria, et contra persecut. Eccles. vel pro Papa. fol. 40.*

Simili modo fiat in Sexagesima, et Quinquagesima.

Lectio Epistolæ beáti Pauli Apóstoli ad Corinthios.

1 Cor. 9. d. et 10.

FRATRES, Nescítis quód ii qui in stádio currunt, omnes quidem currunt, sed unus áccipit bravíum : Sic currite ut comprehendátis. Omnis autem, qui in agóne conténdit, ab omnibus se ábstinet : et illi quidem ut corruptibilem corónam accípiant : nos autem incorruptam. Ego ígitur sic curro, non quasi in incértum : sic pugno, non quasi áerem vérberans : sed castigo corpus meum, et in servitútem rédigo : ne fortè cùm áliis prædicáverim, ipse réprobus efficiar. Nolo enim vos ignoráre fratres, quóniam patres nostri omnes sub nube fuérunt, et omnes mare transiérunt, et omnes in Móyse baptizáti sunt in nube et in mari ; et omnes eámdem escam spiritalém manducavérunt, et omnes eúmdem potum spiritalém bibérunt : (bibébant autem de spiritali, consequénte eos petra : petra autem erat Christus) sed non in plúribus eórem benepláci- tum est Deo.

Graduale. Psal. 9. Adjútor in opportunitátibus, in tribula-

tióne : sperent in te qui novérunt te : quóniam non derelínquis quæréntes te, Dómine. *V.* Quóniam non in finem obli-vio erit páuperis : patiéntia páuperum non períbit in ætérnum : exúrge Dómine, non præváleat homo.

Tractus. Psal. 129. De profúndis clamávi ad te Dómine, Dómine exáudi vocem meam *V.* Fiant aures tuæ intendéntes in oratióne servi tui.

V. Si iniquitátes observáveris Dómine, Dómine quis sustinébít? *V.* Quia apud te propitiátió est, et propter legem tuam sustinui te Dómine.

¶ *A Septuagesima usque ad Fer. iv. Cinerum, Tractus dicitur tantum in Dominicis, et Festis: in Feriis autem, quando repetitur Missa de Dominica, non dicitur, sed tantum Graduale.*

Sequéntia sancti Evangélíi secúndum Matthæum.

Matth. 20.

IN illo témpore : Dixit Jesus discipulis suis parábola hanc : Símile est regnum coelórum hómini patrifamílias, qui éxiit primo manè condúcere operários in vineam suam. Conventióne autem facta cum operáriis ex denáριο diúrno, misit eos in vineam suam. Et egréssus circa horam tértiam, vidit álios stantes in foro otíosos, et dixit illis : Ite et vos in vineam meam, et quod justum fúerit, dabo vobis. Illi autem abiérunt. Iterum autem éxiit circa sextam, et nonam horam : et fecit similiter. Circa undécimam verò éxiit, et invénit álios stantes, et dicit illis : Quid híc statis tota die otíosi? Dicunt

ei : Quia nemo nos condúxit. Dicit illis : Ite et vos in vineam meam. Cùm serò autem factum esset, dicit dóminus vineæ procuratóri suo : Voca operários, et redde illis mercedem : incípiens à novíssimis usque ad primos. Cùm veníssent ergo qui circa undécimam horam vénerant, accepérunt singulos denários. Veniéntes autem et primi, arbitrátí sunt, quòd plus essent acceptúri : accepérunt autem et ipsi singulos denários. Et accipiéntes murmurábant advérsus patremfamílias, dicéntes : Hí novíssimi una hora fecérunt, et pares illos nobis fecísti, qui portávimus pondus diei et æstus. At ille respóndens uni eórum, dixit : Amíce non fácio tibi injúriam : nonne ex denáριο convenísti mecum? Tolle quod tuum est, et vade : volo autem et huic novíssimo dare sicut et tibi. Aut non licet mihi, quod volo, fácere? an óculus tuus nequam est, quia ego bonus sum? Sic erunt novíssimi primi, et primi novíssimi. Multi enim sunt vocátí, pauci verò elécti. Credo.

Offertorium. Psal. 91. Bonum est confitéri Dómino, et psállere nómini tuo, Altissime.

Secreta.

MUNERIBUS nostris, quæsumus, Dómine, precibúque susceptis : et cœlestibus nos munda mystériis, et cleménter exáudi. Per Dominum.

Si Dominica Septuag. venerit ante festum Purificat, vel ipsa die Purificationis, Secreta de S. Maria erit : Tua Dómine, ut in ejusdem Missa votiva,

Secunda Secreta. Exáudi nos
ut *suprà.* fol. 55.

Tertia ad libitum.

Communio. *Psal.* 30. Illúmina
fáciem tuam super servum
tuum, et salvum me fac in tua
misericórdia: Dómine non con-
fúndar, quóniam invocávi te.

Postcommunio.

FIDELES tui, Deus, per
tua dona firméntur: ut
éadem et percipiéndò requirant,
et quæréndo sine fine percipi-
ant. Per Dóminum.

Secunda Postcomm. Mundet
et múniat. fol. 46.

Tertia ad libitum.

Benedicámus Dómino.

℞. Deo grátias.

DOMINICA IN SEXAGE- SIMA.

Statio ad sanctum Paulum.

Introitus. *Psal.* 43.

EXURGE, quare obdórmis
Dómine? exúrge, et ne
repélles in finem: quare fá-
ciem tuam avértis, oblivísceris
tribulatióem nostram? adhæ-
sit in terra venter noster: ex-
úrge Dómine, ádjuva nos, et
libera nos.

Psal. *ibid.* Deus áuribus
nostris audívimus: patres nos-
tri annuntiavérunt nobis.

℞. Glória Patri.

Oratio.

DEUS, qui cónspicis, quia
ex nulla nostra actiône
confidimus: concéde propí-
tius; ut contra advérsa ómnia
Doctóris Géntium protectiône
muniámur. Per Dóminum.

Secunda Oratio. A cunctis.
ut *suprà.* fol. 45.

Tertia ad libitum.

Léctio Epístolæ beáti Pauli
Apóstoli ad Corínthios.

2 Cor. 11. d. et 12.

FRATRES, Libénter suf-
fértis insipiéntes: cùm si-
tis ipsi sapiéntes. Sustinétis
enim si quis vos in servitútem
rédiigit, si quis dévorat, si quis
accipit, si quis extóllitur, si
quis in fáciem vos cædit. Se-
cúndum ignobilitátem dico,
quasi nos infirmi fuérimus in
hac parte. In quo quis audet
(in insipiéntia dico) áudeo et
ego: Hebræi sunt, et ego: Is-
raelitæ sunt, et ego: Semen
Abrahæ sunt, et ego: Ministri
Christi sunt, (ut minùs sápiens
dico) plus ego: in labóribus
plúrimis, in carcéribus abund-
ántius, in plagis supramodum,
in mórtibus frequénter. A Ju-
dæis quínquies, quadragénas,
una minus, accépi. Ter virgis
cæsus sum, semel lapidátus
sum, ter naufrágium feci, nocte
et die in profúndo maris fui, in
itinéribus sæpè, perículis flumi-
num, perículis latrónum, perí-
culis ex gènere, perículis ex
Géntibus, perículis in civitáte,
perículis in solítudine, perículis
in mari, perículis in falsis frá-
tribus: in labóre et ærúmna, in
vigíliis multis, in fame et siti, in
jejúniis multis, in frigore et
nuditate: præter illa quæ ex-
trínsecùs sunt, instántia mea
quotidiána, sollicitúdo ómnium
Ecclesiárum. Quis infirmátur,
et ego non infirmor: quis scan-
dalizátur, et ego non uror?
Si gloriári opórtet: quæ infir-
mitátis meæ sunt, gloriabor.
Deus et Pater Dómini nostri
Jesu Christi, qui est benedictus
in sæcula, scit quòd non mén-
tior. Damásci præpósitus Gen-

tis Aretæ regis, custodiébat civitatem Damascénorum, ut me comprehénderet: et per fenestram in sporta demissus sum per murum, et sic effugi manus ejus. Si gloriári oportet (non expedit quidem:) veniam autem ad visiones et revelatiónes Dómini. Scio hóminem in Christo ante annos quatuórdecim (sive in corpore nescio, sive extra corpus nescio, Deus scit) raptum hujusmodi usque ad tertium cœlum. Et scio hujusmodi hóminem (sive in corpore, sive extra corpus nescio, Deus scit) quóniam raptus est in Paradisum: et audivit arcána verba, quæ non licet hómini loqui. Pro hujusmodi gloriabor: pro me autem nihil gloriabor, nisi in infirmitatibus meis. Nam et si volúero gloriári, non ero insípiens: veritatem enim dicam: parco autem, ne quis me existimet supra id, quod videt in me, aut aliquid audit ex me. Et ne magnitúdo revelatiónum extóllat me, datus est mihi stimulus carnis meæ, ángelus sátanæ, qui me colaphizet. Propter quod ter Dóminum rogávi, ut discéderet à me: et dixit mihi: Súfficit tibi grátiâ mea, nam virtus in infirmitate perficitur. Libénter igitur gloriabor in infirmitatibus meis, ut inhábitet in me virtus Christi.

Graduale. Psal. 82. Sciant Gentes, quóniam nomen tibi Deus: tu solus Altíssimus super omnem terram. *V.* Deus meus, pone illos ut rotam, et sicut stípulam ante fáciem venti.

Tractus. Psal. 59. Commovisti Dómine terram, et contritiónes ejus, quia mota est.

V. Ut fúgiant à fácie arcus; ut liberéntur elécti tui.

Sequéntia sancti Evangélii secúndum Lucam.

Lucæ 8.

IN illo témpore: Cùm turba plúrima convenirent, et de civitatibus properarent ad Jesum, dixit per similitúdinem: Exiit, qui séminat, semináre semen suum: et dum séminat, áliud cécidit secus viam, et conculcátum est, et volucres cœli comedérunt illud. Et áliud cécidit supra petram: et natum áruit, quia non habébat humórem. Et áliud cécidit inter spinas: et simul exórtæ spinæ suffocavérunt illud. Et aliud cécidit in terram bonam: et ortum fecit fructum céntuplum. Hæc dicens, clamábat: Qui habet aures audiéndi, áudiat. Interrogábant autem eum discípluli ejus, quæ esset hæc parábola. Quibus ipse dixit: Vobis datum est nosse mystérium regni Dei, céteris autem in parábolis: ut vidéntes non vídeant, et audiéntes non intélligant. Est autem hæc parábola: Semen est verbum Dei. Qui autem secus viam, hi sunt qui áudiunt: deinde venit diábolus, et tollit verbum de corde éorum, ne credéntes salvi fiant. Nam, qui supra petram: qui cùm audierint, cum gáudio suscipiunt verbum: et hi radices non habent: quia ad tempus credunt; et in témpore tentatiónis recédunt. Quod autem in spinas cécidit: hi sunt qui audiérunt, et à sollicitudinibus, et divítiis, et voluptátibus vitæ eúntes, suffocántur, et non réferunt fructum. Quod

autem in bonam terram: hi sunt, qui in corde bono et optimo audiéntes verbum réti-
nent, et fructum áfferent in
patiéntia. Credo.

Offertorium. Psal. 16. Pérfice
gressus meos in sémitis tuis, ut
non moveántur vestígia mea:
inclína aurem tuam, et exáudi
verba mea: mirífica misericór-
dias tuas, qui salvos facis spe-
rántes in te, Dómine.

Secreta.

OBLATUM tibi, Dómine,
sacrificium, vivíficet nos
semper et múniat. Per Dómi-
num nostrum.

Secunda Secreta. Exáudi
nos. 46.

Tertia ad libitum.

Communio. Psal. 42. Introibo
ad altáre Dei, ad Deum qui
lætificat juventútem meam.

Postcommunio.

SUPPLICES te rogámus
omnípotens Deus: ut quos
tuis réficis sacraméntis, tibi
étiam plácitis móribus dignán-
ter deservíre concédas. Per
Dóminum.

Secunda Postcomm. Mundet
et múniat. 46.

Tertia ad libitum.

Benedicámus Dómino.

DOMINICA IN QUIN- QUAGESIMA.

Statio ad sanctum Petrum.

Introitus. Psal. 30.

ESTO mihi in Deum protec-
tórem, et in locum re-
fúgii, ut salvum me fácias:
quóniam firmaméntum meum,
et refúgium meum es tu: et
propter nomen tuum dux mihi

eris, et enútries me. *Psal. ibid.*
In te Dómine sperávi, non
confúndar in ætérnum: in jus-
títia tua libera me, et éripe me.

V. Glória Patri.

Oratio.

PRECES nostras, quæsu-
mus Dómine, clémenter
exáudi: atque à peccatórum
vínculis absolútos, ab omni
nos adversitaté custódi. Per
Dóminum.

Secunda Oratio. A cunctis
nos. fol. 45.

Tertia ad libitum.

Léctio Epistolæ beáti Pauli
Apóstoli ad Corínthios.

1 Cor. 13.

FRATRES, Si linguis hó-
minum loquar, et Angeló-
rum, charitátem autem non há-
beam, factus sum velut æs so-
nans, aut cymbalum tinniens.
Et si habúero prophetiam, et
nóverim mystéria ómnia, et
omnem sciéntiam, et si habúero
omnem fidem, ita ut montes
tránsferam, charitatem autem
non habúero, nihil sum. Et si
distribúero in cibos páuperum
omnes facultátes meas, et si
tradidero corpus meum, ita ut
árdeam, charitátem autem non
habúero, nihil mihi prodest.
Cháritas pátiens est, benígna
est: Cháritas non æmulátur,
non agit pérperám, non inflá-
tur, non est ambitiósá, non
quærit quæ sua sunt, non irri-
tátur, non cógitat malum, non
gaudet super iniquitaté, con-
gáudet autem veritatí: ómnia
suffert, ómnia credit, ómnia
sperat, ómnia sústinet. Chá-
ritas numquam éxcidit: sive
prophetiæ evacuabúntur, sive
linguæ cessábunt, sive sciéntia
destruétur. Ex parte enim

cognoscimus, et ex parte prophetamus. Cum autem venerit quod perfectum est, evacuabitur quod ex parte est. Cum essem parvulus, loquebar ut parvulus, sapiebam ut parvulus, cogitabam ut parvulus. Quando autem factus sum vir, evacuavi quæ erant parvuli. Videmus nunc per speculum in ænigmate: tunc autem facie ad faciem. Nunc cognosco ex parte: tunc autem cognoscam, sicut et cognitus sum. Nunc autem manent, fides, spes, charitas, tria hæc: major autem horum est charitas.

Graduale. Psalm. 76. Tu es Deus, qui facis mirabilia solus: notam fecisti in Gentibus virtutem tuam.

V. Liberasti in brachio tuo populum tuum, filios Israël, et Joseph.

Tractus. Ps. 99. Jubiláte Deo omnis terra: servíte Dómino, in lætítia. *V.* Intráte in conspéctu ejus in exultatióne: scitóté quòd Dóminus ipse est Deus. *V.* Ipse fecit nos, et non ipsi nos: nos autem populus ejus, et oves pascuæ ejus.

Sequéntia sancti Evangélii secúndum Lucam.

Luc. 18.

IN illo témpore: Assúpsit Jesus duódecim, et ait illis: Ecce ascéndimus Jerosólymam, et consummabúntur ómnia, quæ scripta sunt per Prophétas de Filio hóminis. Tradétur enim Géntibus, et illudétur, et flagellábitur, et conspuétur, et postquam flagelláverint, occídent eum, et tértia die resúrget. Et ipsi nihil horum intellexérunt, et erat verbum istud absconditum ab eis,

et non intelligébant quæ dicebántur. Factum est autem, cum appropinquáret Jéricho, cæcus quidam sedébat secus viam, mendicans. Et cum audíret turbam prætereúntem, interrogábat quid hoc esset. Dixérunt autem ei, quòd Jesus Nazarénus transíret. Et clamávit, dicens: Jesu fili David, miserére mei. Et qui præíbant, increpábant eum, ut tacéret. Ipse verò multò magis clamábat: Fili David, miserére mei. Stans autem Jæus, jussit illum addúci ad se. Et cum appropinquásset, interrogávit illum, dicens: Quid tibi vis fáciam? At ille dixit: Dómine ut vídeam. Et Jesus dixit illi: Réspice, fides tua te salvum fecit. Et conféstim vidit, et sequebátur illum magnificans Deum. Et omnis plebs ut vidit, dedit laudem Deo. Credo.

Offertorium. Psalm. 118. Benedictus es Dómine, doce me justificatióne tuas: in lábiis meis pronuntiávi ómnia júdicia oris tui.

Secreta.

HÆC hóstia, Dómine, quæsumus, emúndet nostra delícta: et ad sacrificium celebrándum subditórum tibi córpora mentésque sanctíficet. Per Dóminum.

Secunda Secreta. Exáudi nos. 46.

Tertia ad libitum.

Communio. Ps. 77. Manducáverunt, et saturáti sunt nimis, et desidérium eórum áttulit eis Dóminus: non sunt fraudáti à desidério suo.

Postcommunio.

QUÆSUMUS omnipotens Deus: ut, qui cœlestia aliménta percépimus, per hæc

contra ómnia advérſa muniá-
mur. Per Dóminum.

Secunda Postcomm. Mundet
et muniat. fol. 46.

Tertia ad libitum.

Benedicámus Dómino.

FERIA IV. CINERUM.

*Ante Missam benedicuntur
Cineres facti de ramis olivarum,
sive aliarum arborum, præce-
denti anno benedictis, hoc modo.*

*Finita Nona, Sacerdos indu-
tus pluviali violaceo, vel sine ca-
sula, cum ministris similiter in-
dutus, procedit ad benedicendum
cineres in vase aliquo super al-
tare posito. Et primò cantatur
à Choro sequens Antiphona.*

Psalmus 68.

EXAUDI nos, Dómine,
quóniam benigna est mi-
sericórdia tua: et secundùm
multitudinem miseratiónum
tuarum respice nos Dómine.

Psal. ib. Salvum me fac De-
us: quóniam intravérunt aquæ
usque ad ánimam meam.

Gloria Patri.

Repetitur. Exáudi nos.

*Deinde Sacerdos in cornu
Epistolæ, non vertens se ad po-
pulum, manibus junctis (quod
servatur etiam in Orationibus
omnium benedictionum quoad
manus junctas) dicit:*

Dóminus vobiscum.

℞. Et cum spiritu tuo.

Orémus. Oratio.

OMNIPOTENS sempi-
térne Deus, parce pœni-
téntibus, propitiare supplicán-
tibus: et mittere dignéris sanc-
tum Angelum tuum de cœlis, qui
bene-✠dicat, et sancti-✠ficet
hos cineres, ut sint remédium
salúbre ómnibus nomen sanc-

tum tuum humiliter implorán-
tibus, ac semetipsos, pro con-
sciéntia delictórum suórum ac-
cusántibus, antè conspéctum
divinæ cleméntiæ tuæ facinora
sua deplorántibus, vel serenís-
simam pietátem tuam supplici-
ter obnixéque flagitántibus: et
præsta per invocatiónem sanc-
tissimi nóminis tui: ut quicúm-
que per eos aspérsi fuerint,
pro redemptiône peccatórum
suórum, corpóris sanitátem, et
ánimæ tutelam percípiant. Per
Christum Dóminum nostrum.

℞. Amen.

Orémus.

DEUS, qui non mortem, sed
pœniténtiam desideras
peccatórum: fragilitátem condi-
tiónis humanæ benigníssimè
respice: et hos cineres, quos
causa proferéndæ humilitátis,
atque promeréndæ véniæ, ca-
pítibus nostris impóni decérni-
mus, bene-✠dicere pro tua pi-
etáte dignáre: ut, qui nos cine-
rem esse, et ob pravitátis nos-
træ deméritum in púlverem
reversúros cognóscimus: pec-
catórum ómnium véniam, et
præmia pœniténtibus repro-
missa, misericórditer cónsequi
mereámur. Per Christum Dó-
minum nostrum.

℞. Amen.

Orémus.

DEUS, qui humiliatióne
fléctéris, et satisfactiône
placáris; aurem tuæ pietátis
inclína précibus nostris: et ca-
pítibus servórum tuórum, hó-
rum cinerum aspersione con-
táctis, effúnde propítius grá-
tiam tuæ benedictiónis: ut eos
et spiritu compunctiónis re-
pleas, et quæ justè postulá-
verint, effícaciter tríbuas; et

concessa perpétuò stabilita et intácta manére decérnas. Per Christum Dóminum nostrum.

R. Amen.

Orémus.

OMNIPOTENS sempitérne Deus, qui Ninivítis in cínere et cilício pœniténtibus, indulgéntiæ tuæ remédia præstitísti: concéde propítius; ut sic eos imitémur hábitu, quántenus véniaæ prosequámur obténtu. Per Dóminum.

¶ *Posteà Celebrans imposito incenso in thuribulo, ter aspergit Cineres aqua benedicta, dicendo Antiphonam. Aspérges. Sine cantu, et sine Psalmo, et ter adolet incenso. Deinde dignior Sacerdos ex Clero accedens ad Altare, imponit Cinere Celebranti non genuflexo. Si verò non adsit alius Sacerdos, ipsemet Celebrans, genibus flexis coram Altari sibi ipsi Cineres imponit in capite, nihil dicens: et cantatur statim à Choro Antiphon. Joel. 2.*

IMMUTEMUR hábitu, in cínere et cilício: jejunémus et plorémus ante Dóminum: quia multum miséricors est dimittere peccáta nostra Deus noster.

Alia Antiphon. Joel. 2. Inter vestibulum et Altáre plorábunt Sacerdótes ministri Dómini, et dicent: Parce Dómine, parce pópulo tuo: et ne claudas ora canéntium te Dómine.

Sequitur R. Joel. 2. Emendémus in mélius quæ ignoránte peccávimus; ne súbitò præoccupáti die mortis, quæramus spátium pœniténtiæ, et invenire non possimus. Atténde Dómine, et miserére, quia peccávimus tibi.

¶ *Psal. 78. Adjuva nos Deus salutáris noster, et propter ho-*

nórem nóminis tui Dómine líbera nos. Atténde Dómine.

¶ *Glória Patri, et Fílio, et Spiritui sancto. Atténde Dómine.*

¶ *Sacerdos verò, dum cantatur Antiphonæ, et Responsorium, detecto capite, primò imponit Cineres digniori Sacerdoti, à quo ipse accepit, deinde ministris paratis, genibus flexis coram Altari, dicens: Meménto homo, quia pulvis es, et in púlverem revertéris.*

Posteà veniunt alii, primò Clerus per ordinem, deinde populus: et genibus flexis ante Altare singulatim recipiunt Cineres à Sacerdote, ut dictum est de Ministris. Completa Cinerum impositione, Sacerdos dicit: Dóminus vobiscum.

Orémus.

CONCEDE nobis Dómine, præsidia militiæ Christiánæ sanctis inchoáre jejúniis: ut contra spiritáles nequítias pugnatúri, continéntiæ muniámur auxiliis. Per Christum Dóminum nostrum.

R. Amen.

Deinde dicitur Missa.

Statio ad sanctam Sabinam.

Introitus. Sap. 11.

MISERERIS ómnium Dómine, et nihil odísti eórum quæ fecísti: dissimulans peccáta hóminum propter pœniténtiam, et parcens illis: quia tu es Dóminus Deus noster.

Psal. 56. Miserére mei Deus, miserére mei: quóniam in te confidit ánima mea.

¶ *Glória Patri.*

Oratio.

PRÆSTA, Dómine, fidélibus tuis: ut jejuniórum veneránda sólemnia, et cóngrua

pietate suscipiant, et secura devotione percurrant. Per Dominum.

¶ *Ab hac die usque ad Dominicam de Passione, post Orationem diei dicuntur duae sequentes Orationes.*

Ad poscenda suffragia Sanctorum. Oratio.

ACUNCTIS nos, quaesumus Domine, mentis et corporis defende periculis: et intercedente beata et gloriosa semper virgine Dei genitrice Maria, cum beatis Apostolis tuis Petro et Paulo, atque beato N. et omnibus Sanctis, salutem nobis tribue benignus, et pacem; ut destructis adversitatibus et erroribus universis, Ecclesia tua secura tibi serviat libertate.

Pro vivis et defunctis.

Oratio.

OMNIPOTENS sempiternus Deus, qui vivorum dominaris simul et mortuorum, omniumque miseris, quos tuos fide et opere futuros esse praenoscis: te supplices exoramus; ut pro quibus effundere preces decrevimus, quosque vel praesens saeculum adhuc in carne retinet, vel futurum jam exutos corpore suscepit: intercedentibus omnibus Sanctis tuis, pietatis tuae clementia, omnium delictorum suorum veniam consequantur. Per Dominum.

Lectio Joëlis Prophetae.

Joel. 2.

HAEC dicit Dominus: Convertimini ad me in toto corde vestro, in jejunio, et in fletu, et in planctu. Et scindite corda vestra, et non vestimenta vestra, et convertimini ad Dominum Deum vestrum: quia

benignus et misericors est, patiens, et multae misericordiae et praestabilis super malitia. Quis scit, si convertatur, et ignoscat, et relinquat post se benedictionem, sacrificium, et libamen Domino Deo vestro? Canite tuba in Sion, sanctificate jejunium, vocate coetum, congregate populum, sanctificate Ecclesiam, coadunate senes, congregate parvulos, et sugentes ubera: egrediatur sponsus de cubili suo, et sponsa de thalamo suo. Inter vestibulum et altare plorabunt sacerdotes ministri Domini, et dicent: Parce Domine, parce populo tuo, et ne des hereditatem tuam in opprobrium, ut dominentur eis nationes. Quare dicunt in populis: Ubi est Deus eorum? Zelatus est Dominus terram suam, et pepercit populo suo. Et respondit Dominus, et dixit populo suo: Ecce ego mittam vobis frumentum, et vinum, et oleum, et replebimini eis: et non dabo vos ultra opprobrium in Gentibus: dicit Dominus omnipotens.

Graduale. Psal. 56. Miserere mei Deus, miserere mei, quoniam in te confidit anima mea. V. Misit de caelo, et liberavit me: dedit in opprobrium conculcantes me.

Tractus. Psal. 102. Domine, non secundum peccata nostra, quae fecimus nos: neque secundum iniquitates nostras retribuas nobis.

V. Psal. 78. Domine, ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis.

V. Hic genuflectitur. Adjuva

nos Deus salutáris noster: et propter glóriam nóminis tui Dómine libera nos, et propítius esto peccátis nostris, propter nomen tuum.

¶ *Supradictus Tractus ab hac die dicitur Feria ii. iv. et vi. usque ad Fer. iv. majoris Hebdomadæ, nisi proprius assignetur.*

Sequéntia sancti Evangélii secúndum Matthæum.

Matt. 6. b.

IN illo témpore: Dixit Jesus discipulis suis: Cùm jejúnatis, nolíte fieri sicut hypócritæ, tristes. Extérminant enim fácies suas, ut appareant homínibus jejúnantes. Amen dico vobis, quia recepérunt mercédem suam. Tu autem, cùm jejúnas, unge caput tuum, et fáciem tuam lava, ne videáris homínibus jejúnans, sed Patri tuo, qui est in abscondito: et Pater tuus, qui videt in abscondito, reddet tibi. Nolíte thesaurizáre vobis thesauros in terra: ubi ærúgo et tínea demolítur: et ubi fures effódiunt, et furántur. The-saurizáte autem vobis thesauros in cœlo, ubi neque ærúgo, neque tínea demolítur, et ubi fures non effódiunt, nec furántur. Ubi enim est thesaurus tuus, ibi est et cor tuum.

Offertorium. Psal. 29. Exaltábo te Dómine, quóniam suscepísti me, nec delectásti inimícos meos super me: Dómine clamávi ad te, et sanásti me.

Secreta.

FAC nos, quæsumus Dómine, his munéribus offeréndis conveniénter aptári: quibus ipsíus venerábilis Sa-

craménti celebrámus exórdium. Per Dóminum.

Aliæ Secretæ usque ad Dominicam Passionis.

EXAUDI nos Deus salutáris noster: ut per hujus sacraménti virtútem, à cunctis nos mentis et córporis hóstibus tueár grátiam tribuens in præ-sénti, et glóriam in futuro.

DEUS, cui soli cógnitus est númerus electórum in supérna felicitáte locándus: tribue quæsumus; ut intercedéntibus ómnibus Sanctis tuis, universórum, quos in oratióne commendátos suscepimus, et ómnium fidélium nómina, beátæ prædestinatiónis liber adscrípta retineat. Per Dóminum.

Prefatio. Qui corporáli jejúnio. *Et dicitur quotidie usque ad Dominicam Passionis, etiam in Festis, si in eis propria non habeatur.*

Communio. Psal. 1. Qui meditábitur in lege Dómini die ac nocte, dabit fructum suum in témpore suo.

Postcommunio.

PERCEPTA nobis, Dómine, præbeant sacraménta subsidium: ut tibi grata sint nostra jejúnia, et nobis próficiant ad medélam. Per Dóminum.

Aliæ Postcommuniones.

MUNDET et múniat nos, quæsumus Dómine, divíni sacraménti munus oblátum: et intercedénte beáta vírgine Dei genitrice María, cum beátis Apóstolis tuis Petro et Paulo, atque beáto N. et ómnibus Sanctis: à cunctis nos reddat et perversitatibus expiátos, et adversitatibus expeditos.

PURIFICENT nos, quæsumus omnipotens et misericors Deus, Sacramenta, quæ sumpsimus: et intercedentibus omnibus Sanctis tuis, præsta: ut hoc tuum sacramentum non sit nobis reatus ad pœnam, sed intercessio salutaris ad véniam: sit ablutio scelerum, sit fortitudo fragilium, sit contra omnia mundi pericula firmamentum: sit vivorum, atque mortuorum fidelium remissio omnium delictorum. Per Dóminum.

Deinde Sacerdos absolutè dicit: Orémus. Et Diaconus (si in officio Diaconus serviat) versus ad populum junctis manibus dicit: Humiliáte cápita vestra Deo, Alioquin ipse Sacerdos, stans in eodem loco ante librum, et non vertens se ad populum.

INCLINANTES se, Dómine, majestati tuæ, propitiatus inténde: ut qui divino múnere sunt refecti, cœlestibus sempernutriantur auxiliis. Per Dóminum nostrum.

Et hic modus dicendi Orationem super populum servatur tantummodò in Missis de Feria, usque ad quartam Feriam majoris Hebdomadæ.

Deinde Benedicámus Dómino.

R. Deo grátias.

FERIA QUINTA.

Statio ad sanctum Georgium.

Introitus. Psalm. 54.

DUM clamárem ad Dóminum, exaudivit vocem meam ab his, qui appropinquant mihi: et humiliávit eos, qui est ante sæcula, et manet in ætérnum: jacta cogitatum tuum in Dómino, et ipse te enútriet.

Psalm. ibid. Exáudi Deus orationem meam, et ne despéxeris deprecationem meam: inténde, mihi, et exáudi me.

V. Glória Patri.

Oratio.

DEUS, qui culpa offenderis, poenitèntia placáris: preces pópuli tui supplicántis propítius réspice: et flagélla tuæ iracúndiæ, quæ pro peccátis nostris merémur, avérte. Per Dóminum.

Alia Orationes, ut suprà in Feria quarta Cinerum. fol. 56.

Lectio Isaíæ Prophétæ.

Isaíæ 38.

IN diébus illis: Ægrotávit Ezechías usque ad mortem, et introívit ad eum Isaías filius Amos Prophéta, et dixit ei: Hæc dicit Dóminus: Dispóne dómui tuæ, quia moriérís tu, et non vives. Et convértit Ezechías fáciem suam ad parietem, et orávit ad Dóminum, et dixit: Obsecro Dómine, memento, quæso, quómodo ambuláverim coram te in veritate, et in corde perfécto, et quod bonum est in óculis tuis fécerim. Et flevit Ezechías fletu magno. Et factum est verbum Dómini ad Isaíam, dicens: Vade, et dic Ezechíæ: Hæc dicit Dóminus Deus David patris tui: Audivi orationem tuam, et vidi lácrymas tuas: ecce ego adjíciam super dies tuos quíndecim annos: et de manu regis Assyriórum éruam te, et civitátem istam, et prótegam eam, ait Dóminus omnipotens.

Graduale. Psal. 54. Jacta cogitatum tuum in Dómino, et ipse te enútriet. V. Dum clamárem ad Dóminum, exaudivit vocem meam ab his, qui appropinquant mihi.

Sequéntia sancti Evangélii se-
cúndum Matthæum.

Matth. 8.

IN illo témpore: Cùm in-
troisset Jesus Caphárnaum,
accéssit ad eum Centúrio, ro-
gans eum, et dicens: Dómine,
puer meus jacet in domo para-
lyticus, et malè torquétur.
Et ait illi Jesus: Ego véniam,
et curábo eum. Et respóndens
Centúrio, ait: Dómine non
sum dignus ut intres sub tec-
tum meum: sed tantùm dic
verbo: et sanábitur puer meus.
Nam et ego homo sum sub po-
testáte constitútus, habens sub
me mílites, et dico huic: Vade,
et vadit: et álii, Veni, et ve-
nit: et servo meo, Fac hoc,
et facit. Audiens autem Jesus
mirátus est, et sequéntibus se,
dixit: Amen dico vobis, non
invéni tantam fidem in Israél.
Dico autem vobis, quòd multi
ab Oriénte et Occidénte vé-
nient, et recúmbent cum Abra-
ham, et Isaac, et Jacob in re-
gno cœlórum: filii autem regni
ejiciéntur in ténebras exterió-
res: ibi erit fletus, et stridor
déntium. Et dixit Jesus Cen-
turióni: Vade, et sicut credi-
disti, fiat tibi. Et sanátus est
puer in illa hora.

Offertorium. Psalm. 24. Ad
te Dómine levávi ánimam me-
am: Deus meus in te confido,
non erubéscam: neque irríde-
ant me inimíci mei: étenim
univérsi, qui te expéctant, non
confundéntur.

Secreta.

SACRIFICIIS præsentí-
bus, Dómine quæsumus,
inténde placátus: ut et devo-
tióni nostræ proficiant, et sa-
lúti. Per Dóminum.

Alie Secreta ut in Fer. iv.
Cinerum. fol. 57.

Communio. Ps. 50. Acceptá-
bis sacrificium justítiæ, obla-
tiónes, et holocáusta, super
altáre tuum Dómine.

Postcommunio.

CŒLESTIS doni benedic-
tióné percépta, súpplíces
te Deus omnípotens deprecá-
mur: ut hoc idem nobis et sa-
craménti causa sit et salútis.
Per Dóminum.

Alie Postcomm. ut in Fer. iv.
Cinerum. fol. 57.

Super populum. Oremus.
Humilitáte cápita vestra Deo.

Oratio.

PARCE Dómine, parce pó-
pulo tuo: ut dignis flágel-
latiónibus castigátus, in tua
miseratióne respíret. Per Dó-
minum.

FERIA SEXTA.

*Statio ad SS. Joannem et Pau-
lum.*

Introitus. Psal. 29.

AUDIVIT Dóminus, et mi-
sértus est mihi: Dómi-
nus factus est adjútor meus.

Psalm. ibid. Exaltábo te
Dómine, quóniam suscepísti
me, nec delectásti inimícos
meos super me.

✠. Glória Patri.

Oratio.

INCHOATA jejúnia, quæ-
sumus Dómine, benigno fa-
vóre proséquere: ut observán-
tiam, quam corporáliter exhib-
émus, méntibus étiam sincéris
exercére valeámus. Per Dó-
minum nostrum.

Alie Orationes ut in Fer. iv.
Cinerum. fol. 56.

Lectio Isaíæ Prophétæ. Is. 58.

HÆC dicit Dóminus Deus:
Clama, ne cesses: quasi

tuba, exalta vocem tuam, et annuntia populo meo scelera eorum, et domui Jacob peccata eorum. Me etenim de die in diem quaerunt, et scire vias meas volunt, quasi gens quae justitiam fecerit, et iudicium Dei sui non dereliquerit: rogant me iudicia iustitiae, appropinquare Deo volunt. Quare jejunavimus, et non aspexisti? humiliavimus animas nostras, et nescisti? Ecce in die jejunii vestri invenitur voluntas vestra, et omnes debitores vestros repetitis. Ecce ad lites et contentiones jejunatis, et percutitis pugno impiè. Nolite jejunare sicut usque ad hanc diem, ut audiatur in excelsis clamor vester. Numquid tale est jejunium, quod elegeri, per diem affligere hominem animam suam? Numquid contorque, quasi circumlum caput suum, et saccum et cinerem sternere? Numquid istud vocabis jejunium, et diem acceptabilem Domino? Nonne hoc est magis jejunium, quod elegeri? Dissolve colligationes impietatis, solve fasciculos deprimentes: dimitte eos, qui confracti sunt, liberos, et omne onus dirumpe. Frange esurienti panem tuum, et egenos vagosque induc in domum tuam: cum videris nudum, operi eum, et carnem tuam ne despexeris. Tunc erumpet quasi manè lumen tuum, et sanitas tua citius oriatur, et anteibit faciem tuam justitia tua, et gloria Domini colliget te. Tunc invocabis, et Dominus exaudiet: clamabis, et dicet: Ecce adsum. Quia misericors sum, Dominus Deus tuus.

Graduale. Ps. 26. Unam petii

à Domino, hanc requiram, ut inhabitem in domo Domini. V. Ut videam voluptatem Domini: et protegar à templo sancto ejus.

Tractus. Psal. 102. Domine; non secundum peccata nostra, quae fecimus nos: neque secundum iniquitates nostras retribuas nos. V. *Ps. 78. Domine,* ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis. V. *Hic genuflectitur.* Adjuva nos Deus salutaris noster: et propter gloriam nominis tui Domine libera nos: et propitius esto peccatis nostris, propter nomen tuum.

Sequentia sancti Evangelii secundum Matthaeum.

Matth. 5. g.

In illo tempore: Dixit Jesus discipulis suis: Audistis, quia dictum est: Diliges proximum tuum, et odio habebis inimicum tuum. Ego autem dico vobis: Diligite inimicos vestros, benefacite his, qui oderunt vos, et orate pro persecutibus, et calumniantibus vos: ut sitis filii Patris vestri, qui in caelis est, qui solem suum oriri facit super bonos et malos, et pluit super justos et injustos. Si enim diligitis eos, qui vos diligunt, quam mercedem habebitis? nonne et publicani hoc faciunt? Et si salvaveritis fratres vestros tantum, quid amplius facitis? nonne et ethnici hoc faciunt? Estote ergo vos perfecti, sicut et Pater vester coelestis perfectus est. Attendite ne justitiam vestram faciatis coram hominibus, ut videamini ab eis: alioquin mer-

cédem non habébitis apud Patrem vestrum, qui in cœlis est. Cùm ergo facis eleemósynam, noli tuba cãnere ante te, sicut hypócritæ faciunt in synagógis, et in vicis, ut honorificéntur ab homínibus. Amen dico vobis, recepérunt mercédem suam. Te autem faciente eleemósynam, nésciat sinistra tua quid sit eleemósyna tua in abscondito, et Pater tuus, qui videt in abscondito, reddet tibi.

Offertorium. Psal. 118. Dómine, vivifica me secúndum elóquium tuum: ut sciam testimónia tua.

Secreta.

SACRIFICIUM, Dómine, observántiæ quadragesimális, quod offérimus; præsta quæsumus; ut tibi et mentes nostras reddat accéptas, et continéntiæ promptiôris nobis tribuat facultátem. Per Dóminum.

Alie Secretæ ut in Feria iv. Cinerum. fol. 57.

Communio. Psal. 2. Servíte Dómino in timóre, et exultáte ei cum tremóre: apprehéndite disciplínam, ne pereátis de via justa.

Postcommunio.

SPIRITUM nobis, Dómine, tuæ charitátis infúnde: ut, quos uno pane cœlesti satiásti, tua facias pietáte concórdes. Per Dóminum In unitáte ejúdem Spíritus sancti Deus.

Alie Postcom. ut in Feria iv. Cinerum. fol. 57.

Super populum. Orémus. Humiliáte cápita vestra Deo.

Oratio.

TUERE Dómine pópulum tuum, et ab omnibus peccátis cleménter emúnda: quia nulla ei nocébit advérsitas, si

nulla ei dominétur iniquitas. Per Dóminum.

SABBATO.

Statio ad S. Tryphonem.

Introitus.

Psal.

AUDIVIT Dóminus, et miseruus est mihi: Dóminus factus est adjutor meus.

Psal. ibid. Exaltábo te Dómine, quóniam suscepisti me; nec delectásti inimicos meos super me. *V.* Glória Patri.

Oratio.

ADESTO Dómine supplicatióibus nostris, et concede: ut hoc solémne jejúnium, quod animábus corporibusque curándis salúbriter institútum est, devóto servítio celebrémus. Per Dóminum.

Alie Orationes ut in Feria iv. Cinerum. fol. 56.

Léctio Isaíæ Prophétæ.

Isaíæ 58. c.

HÆC dicit Dóminus Deus: Si abstúleris de médio tui caténam, et desieris exténdere dígitum, et loqui quod non prodest. Cùm effúderis efuriénti ánimam tuam, et ánimam afflíctam repléveris, oriétur in ténebris lux tua, et ténebræ tuæ erunt sicut merídiés. Et réquiem tibi dabit Dóminus sempér, et implébit splendoribus ánimam tuam, et ossa tua liberábit, et eris quasi fons hortus irriguus, et sicut fons aquárum, cujus non deficient aquæ. Et ædificabúntur in te déserta sæculórum: fundaménta generatiónis et generatiónis suscitábis: et vocáberis ædificátor septium, avértens semitas in qui-

étem. Si avérteris à sábbato pedem tuum, fácere voluntatem tuam in die sancto meo, et vocáveris sábbatum delicátum, et sanctum Dómini gloriósum, et glorificáveris eum, dum non facis vias tuas, et non invenitur volúntas tua, ut loquáris sermónem. Tunc delectáberis super Dómino, et sustóllam te super altitúdines terræ, et cibábo de hæreditáte Jacob patris tui. Os enim Dómini locútum est.

Graduale. Psal. 26. Unam pètíi à Dómine, hanc requíram, ut inhabitem in domo Dómini.

Ÿ. Ut vídeam voluptátem Dómini : et prótegar à templo sancto ejus.

Sequéntia sancti Evangéllii secúndum Marcum.

Marc. 6. f.

IN illo témpore : Cùm serò esset, erat navis in médio mari, et Jesus solus in terra. Et videns discípulos suos laborántes in remigándo, (erat enim ventus contrárius eis) et circa quartam vigiliam noctis venit ad eos ámbulans supra mare : et volébat præteríre eos. At illi ut vidérunt eum ambulántem supra mare, putavérunt phantásma esse, et exclamavérunt. Omnes enim vidérunt eum, et conturbáti sunt. Et statim locútus est cum eis, et dixit eis : Confidite, ego sum, nolíte temére. Et ascéndit ad illos in navim, et cessávit ventus. Et plus magis intra se stupébant : non enim intellexérunt de pánibus : erat enim cor eórum obcæcátum. Et cùm transfretássent, venérunt in terram Genésareth : et applicuérunt. Cùmque egréssi

essent de navi, continuò cognovérunt eum : et percurrétes univérsam regiónem illam, cœpérunt in grabátis eos, qui se malè habébant, circumferre ubi audiébant eum esse. Et quocúmque introíbat, in vicos, vel in villas, aut civitates, in platéis ponébant infirmós, et deprecabántur eum, ut vel fimbriam vestiménti ejus tänge- rent : et quotquot tangébant eum, salvi fiébant.

Offertorium. Psal. 118. Dómine, vivífica me secúndum elóquium tuum : ut sciam testimónia tua.

Secreta.

SUSCIPE Dómine sacrificium, cujus te voluisti dignánter immolatióne placári : præsta quæsumus ; ut hujus operatióne mundáti, beneplácitum tibi nostræ mentis offerámus afféctum. Per Dóminum.

Aliæ Secreta ut in Feria quarta Cinerum. fol. 57.

Communio. Psal. 2. Servite Dómino in timóre, et exultáte ei cum tremóre : apprehéndite disciplinam, ne pereátis, de via justa.

Postcommunio.

CŒLESTIS vitæ múnere vegetáti, quæsumus Dómine : ut quod est nobis in præsénti vita mystérium, fiat æternitátis auxiliium. Per Dóminum.

Aliæ Postcomm. ut in Feria quarta Cinerum. fol. 57.

Super populum. Orámus. Humiliáte cápita vestra Deo.

Oratio.

FIDELES tui, Deus, per tua dona firméntur : ut éadem et percipiéndò requírant, et quæréndo sine fine percipi- ant. Per Dóminum.

DOMINICA I. IN QUADRAGESIMA.

*Statio ad S. Joannem in Lateran.**Introitus. Psal. 90.*

INVOCABIT me, et ego exaudiam eum: eripiam eum, et glorificabo eum: longitúdine diérum adimplébo eum.

Psal. Ibid. Qui hábitat in adjutório Altíssimi: in protectióne Dei cœli commorábitur.

℣. Glória Patri.

Oratio.

DEUS, qui Ecclésiám tuam ánnua quadragesimáli observatióne purificas: præsta familiæ tuæ; ut quod à te obtinere abstinéndo nítitur, hoc bonis opéribus exquátur. Per Dóminum.

Aliæ Orationes ut in Feria quarta Cinerum. fol. 50.

Lectio Epistolæ beati Pauli Apóstoli ad Corinthios.

2 Cor. 6.

FRATRES, Hortámur vos, ne in vácuum grátiam Dei recipiátis. Ait enim: Témpore accépto exaudivi te, et in die salutis adjúvi te. Ecce nunc tempus acceptábile, ecce nunc dies salutis. Némini dantes ullum offensiónem, ut non vituperétur ministérium nostrum: sed in ómnibus exhibeámus nosmetípsos sicut Dei ministros, in multa paciéntia, in tribulatióibus, in necessitatibus, in augústiis, in plagis, in carcéribus, in seditiÓibus, in labóribus, in vigíliis, in jejúniis, in castitate, in sciéntia, in longanimitate, in suavitate, in Spíritu sancto, in charitate non ficta, in verbo veritátis, in virtúte Dei, per arma justitiæ à dextris, et à sinístris,

per glóriam, et ignobilitátem, per infámiam, et bonam famam: ut seductóres, et veraces, sicut qui ignóti, et cÓgniti: quasi moriéntes, et ecce vivimus: ut castigáti, et non mortificáti: quasi tristes, semper autem gaudétes: sicut egéntes, multos autem locupletátes: tanquam nihil habentes, et ómnia possidétes.

Graduale. Psal. 90. Angelis suis Deus mandávit de te, ut custódiánt te in ómnibus viis tuis. ℣. In manibus portábunt te, ne umquam offéndas ad lápidem pedem tuum.

Tractus. ibid. Qui hábitat in adjutório Altíssimi, in protectióne Dei cœli commorábitur.

℣. Dicet Dómino: Suscéptor meus es tu, et refúgium meum, Deus meus, sperábo in eum. ℣. Quóniam ipse liberávit me de láqueo venántium, et à verbo áspero. ℣. Scápolis suis obumbrábit tibi, et sub pennis ejus sperábis. ℣. Scuto circúmdabit te veritas ejus: non timébis à timóre noctúrno. ℣. A sagítta volante per diem, à negótio perambulánte in ténebris, à ruina et dæmónio meridiano. ℣. Cadent à látere tuo mille: et decem millia à dextris tuis: tibi autem non appropinquábit. ℣. Quóniam Angelis suis mandávit de te, ut custódiánt te in ómnibus viis tuis. ℣. In máibus portábunt te, ne umquam offéndas ad lápidem pedem tuum. ℣. Super áspidem, et basilíscum ambulábis, et conculcábis leónem et dracónem. ℣. Quóniam in me sperávit, liberábo eum: prótegam eum, quóniam cognóvit nomen meum. ℣. Invocábit me, et

ego exaudiam eum, cum ipso sum in tribulatione.

¶ Eripiam eum, et glorificabo eum: longitudine dierum adimplebo eum, et ostendam illi salutare meum.

Sequentia sancti Evangelii secundum Matthæum.

Matth. 4.

IN illo tempore: Ductus est Jesus in desertum a Spiritu, ut tentaretur a diabolo. Et cum jejunasset quadraginta diebus et quadraginta noctibus, postea esuriit. Et accedens tentator, dixit ei: Si Filius Dei es, dic ut lapides isti panes fiant. Qui respondens, dixit: Scriptum est: Non in solo pane vivit homo: sed in omni verbo, quod procedit de ore Dei. Tunc assumpsit eum diabolus in sanctam civitatem, et statuit eum super pinnaculum templi, et dixit ei: Si Filius Dei es, mitte te deorsum. Scriptum est enim: Quia Angelis suis mandavit de te, et in manibus tolent te, ne forte offendas ad lapidem pedem tuum. Ait illi Jesus: Rursum scriptum est: Non tentabis Dominum Deum tuum. Iterum assumpsit eum diabolus in montem excelsum valde: et ostendit ei omnia regna mundi, et gloriam eorum, et dixit ei: Hæc omnia tibi dabo, si cadens adoraveris me. Tunc dicit ei Jesus: Vade Sætana: Scriptum est enim: Dominum Deum tuum adorabis, et illi soli servies. Tunc reliquit eum diabolus: et ecce Angeli accesserunt, et ministrabant ei. Credo.

Offertorium. Psal. 90. Scapulis suis obumbrabit tibi sperabis:

scuto circumdabit te veritas ejus.

Secreta.

SACRIFICIUM quadragesimalis inivitii solemniter immolamus, te Domine deprecantes: ut cum epularum restrictione carnalium a noxiis quoque voluptatibus temperemus. Per Dominum.

Alia Secreta ut in Feria iv. Cinerum. fol. 57.

Communio. Ps. ibid. Scapulis suis obumbrabit tibi Dominus, et sub pennis ejus sperabis: scuto circumdabit te veritas ejus.

Postcommunio.

TUI nos, Domine, sacramenti libatio sancta restauret: et a vetustate purgatos, in mysterii salutaris faciat transire consortium. Per Dominum.

Alia Postcommuniones ut in Feria iv. Cinerum. fol. 57.

FERIA SECUNDA.

Statio ad S. Petrum ad Vincula.

Introitus. Psal. 122.

SICUT oculi servorum in manibus dominorum suorum: ita oculi nostri ad Dominum Deum nostrum, donec misereatur nobis: miserere nobis Domine, miserere nobis.

Psal. ibid. Ad te levavi oculos meos: qui habitas in caelis.

¶ Glória Patri.

Oratio.

CONVERTE nos Deus salutaris noster: et ut nobis jejunium Quadragesimale proficiat, mentes nostras celestibus instrue disciplinis. Per Dominum.

Alia Orationes ut in Feria iv. Cinerum. fol. 56.

Lectio Ezechiélis Prophétæ.

Ezech. 34. c.

HÆC dicit Dóminus Deus: Ecce ego ipse requiram oves meas, et visitábo eas. Sicut visitat pastor gregem suum in die, quando fúerit in médio óvium suárum dissipátárum: sic visitábo oves meas, et liberábo eas de ómnibus locis, in quibus dispérsæ fúerant in die nubis et caliginis. Et edúcam eas de pópulis, et congregábo eas de terris, et indúcam eas in terram suam: et pascam eas in móntibus Israël, in rivis, et in cunctis sédibus terræ. In páscuis ubérrimis pascam eas, et in móntibus excélsis Israël erunt páscua eárum. ibi requiescent in herbis viréntibus, et in páscuis pinguibus pascéntur super montes Iraël. Ego pascam oves meas: et ego eas accubáre faciám, dicit Dóminus Deus. Quod perierat, requiram: et quod abjéctum erat, redúcam; et quod confráctum fúerat, alligábo; et quod infirmum fúerat, consolidábo; et quod pingue et forte, custódiam: et pascam illas in iudicio, dicit Dóminus omnipotens.

Graduale. Psal. 83. Protéctor noster áspice Deus, et respice super servos tuos.

Ÿ. Dómine Deus virtútum, exáudi preces servórum tuórum.

Tractus. Psal. 102. Dómine, non secúndum peccáta nostra, quæ fécimur nos: neque secúndum iniquitates nostras retribuás nobis. Ÿ. *Ps. 78.* Dómine, ne memíneris iniquitátum nostrárum antiquárum: citó anticipent nos misericórdiæ tuæ, quia páuperes facti sumus nimis.

Ÿ. *Hic genuflectitur.* Adjuva nos Deus salutáris noster: et propter glóriam nóminis tui Dómine libera nos: et propítius esto peccátis nostris, propter nomen tuum.

Sequéntia sancti Evangélii secúndum Matthæum.

Matth. 25. c.

In illo témpore: Dixit Jesus discipulis suis: Cúm vénerit Filius hóminis in majestáte sua, et omnes Angeli cum eo, tunc sedébit super sedem majestátis suæ: et congregabúntur ante eum omnes Gentes, et separábit eos ab invicem, sicut pastor ségregat oves ab hœdis: et státuet oves quidem à dextris suis, hœdos autem à sinístris. Tunc dicet Rex his, qui à dextris ejus erunt: Veníte benedícti Patris mei, possidéte parátum vobis regnum à constitutióne mundi. Esurivi enim, et dedístis mihi manducáre: sitiivi, et dedístis mihi bíbere: hospes eram, et collegístis me: nudus, et cooperuístis me: infirmus, et visitástis me: in cárcere eram, et venístis ad me. Tunc respondébunt ei justi, dicétes: Dómine, quando te vidimus esuriéntem, et pávimus te: sitiéntem, et dedimus tibi potum? Quando autem te vidimus hóspitem, et collégimus te: aut nudum, et cooperuimus te? Aut quando te vidimus infirmum, aut in cárcere, et vénimus ad te? Et respóndens Rex, dicit illis: Amen dico vobis, quámdui fecístis uni ex his frátribus meis mínimis, mihi fecístis. Tunc dicet et his, qui à sinístris erunt: Discédite à me male-

dicti in ignem ætérnum, qui parátus est diábolo, et ángelis ejus. Esurivi enim, et non dedístis mihi mandúcare: sitívi, et non dedístis mihi potum: hospes eram, et non collegístis me: nudus, et non cooperuístis me: infirmus, et in cárcere, et non visitástis me. Tunc respondébunt ei et ipsi, dicéntes: Dómine, quando te vídimus esuriéntem, aut sitiéntem, aut hóspitem, aut nudum, aut infirmum, aut in cárcere, et non ministrávimus tibi: Tunc respondébit illis, dicens: Amen dico vobis, quámdiu non fecístis uni de minóribus his, nec mihi fecístis. Et ibunt hi in supplicium ætérnum: justi autem in vitam ætérnam.

Offertorium. Ps. 118. Levábo óculos meos, et considerábo mirabilia tua Dómine, ut dóceas me justítias tuas: da mihi intellectum, et discam mandáta tua.

Secreta.

MUNERA tibi Dómine obláta sanctífica: nosque à peccatórum nostrórum máculis emúnda. Per Dóminum.

Alie Secretæ ut in Feria iv. Cinerum. fol. 57.

Communio. Matth. 25. Amen dico vobis: quod uni ex mínimis meis fecístis, mihi fecístis: veníte benedicti Patris mei, possidéte parátum vobis regnum ab inítio sæculi.

Postcommunio.

SALUTARIS tui Dómine, múnere satiáti súpplices exorámus: ut cujus lætámur gustu, renovémur efféctu. Per Dóminum.

Alie Postcomm. ut in Feria iv. Cinerum. fol. 57.

Super populum. Orémus
Humiliáte cápita vestra Deo.

Oratio.

ABSOLVE quæsumus Dómine, nostrórum víncula peccatórum: et quidquid pro eis merémur, propitiátus avérte. Per Dóminum.

FERIA TERTIA.

Statio ad sanctam Anastasiam.

Introitus. Psal. 89.

DOMINE, refúgium factus es nobis à generatióne et progénie: à sæculo, et in sæculum tu es.

Psal. ib. Priúsqvam montes fierent, aut formarétur terrá et orbis: à sæculo et usque in sæculum tu es Deus.

V. Glória Patri.

Oratio.

RESPICE Dómine famíliam, et præsta: ut apud te mens nostra tuo desidério fúlgeat, quæ se carnis maceratióne castígat. Per Dóminum.

Alie Orationes ut in Feria iv. Cinerum. fol. 56.

Lectio Isaíæ Prophétæ.

Isaia 55. b.

IN diébus illis: Locútus est Isaías Prophéta, dicens: Quærite Dóminum, dum inveníri potest: invocáte eum, dum propè est. Derelínquat impius viam suam, et vir iníquus cogitatiónes suas, et revertátur ad Dóminum, et miserébitur ejus, et ad Deum nostrum: quóniam multus est ad ignoscéndum. Non enim cogitatiónes meæ, cegitatiónes vestræ: neque viæ vestræ, viæ meæ, dicit Dóminus. Quia sicut exaltántur cœli à terra, sic exaltátæ sunt viæ meæ à viis vestris, et cogitatiónes meæ à cogitatióibus

vestris. Et quomodo descendit imber, et nix de cœlo, et illuc ultra non revertitur, sed inebriat terram, et infundit eam, et germinare eam facit, et dat semen serenti, et panem comedenti: Sic erit verbum meum, quod egrediatur de ore meo: non revertetur ad me vacuum, sed faciet quaecumque volui, et prosperabitur in his, ad quæ misi illud: ait Dominus omnipotens.

Graduale. Psal. 140. Dirigatur oratio mea, sicut incensum in conspectu tuo, Domine.

¶. Elevatio manuum mearum, sacrificium vespertinum.

Sequentia sancti Evangelii secundum Matthæum.

Matth. 21. b.

IN illo tempore: Cùm intrasset Jesus Jerosolymam, commota est univèrsa civitas, dicens: Quis est hic? Pòpuli autem dicebant: Hic est Jesus Propheta à Nazareth Galilææ. Et intravit Jesus in templum Dei, et eiciebat omnes vendentes, et ementes in templo, et mensas numulariorum, et cathedras vendentium columbas evertit, et dicit eis: Scriptum est: Domus mea domus orationis vocabitur; vos autem fecistis illam speluncam latronum. Et accesserunt ad eum cæci, et claudi in templo, et sanavit eos. Videntes autem Principes sacerdotum, et Scribæ mirabilia, quæ fecit, et pueros clamantes in templo, et dicentes: Hosanna filio David: indignati sunt, et dixerunt ei: Audis quid isti dicunt? Jesus autem dixit eis: Utique. Numquam legistis: Quia ex ore infantium et lactentium perfè-

cisti laudem? Et relictis illis, abiit foras extra civitatem in Bethaniam: ibique mansit.

Offertorium. Psalm. 30. In te speravi Domine: dixi: Tu es Deus meus, in manibus tuis tempora mea.

Secreta.

OBLATIS, quæsumus Domine, placare munèribus: et à cunctis nos defende periculis. Per Dominum.

Alia Secreta ut in Feria iv. Cinerum. fol. 57.

Communio. Ps. 4. Cùm invocarem te, exaudisti me, Deus justitiæ meæ: in tribulatione dilatasti me: miserere mihi Domine, et exaudi orationem meam.

Postcommunio.

QUÆSUMUS omnipotens Deus: ut illius salutaris capiamus effectum, cujus per hæc mysteria pignus accepimus. Per Dominum.

Alia Postcommuniones ut in Feria iv. Cinerum. fol. 57.

Super populum. Orémus. Humiliate capita vestra Deo.

Oratio.

ASCENDANT ad te, Domine, preces nostræ: et ab Ecclèsia tua cunctam repelle nequitiam. Per Dominum.

FERIA IV. QUATUOR TEMP. QUADRAG.

Statio ad S. Mariam majorem.

Introitus. Psalm. 24.

REMINISCERE miseratidnum tuarum Domine, et misericordiæ tuæ, quæ à sæculo sunt, ne umquam dominentur nobis inimici nostri: libera nos Deus Israël ex omnibus angustis nostris.

Psal. ibid. Ad te Domine levavi animam meam: Deus

meus in te confido, non erubescam. *V.* Glória Patri.

Post Kyrie eleison. Dicitur,
Orémus. Flectámus genua.
R. Leváte.

Oratio.

PRECES nostras, quæsumus Dómine, cleménter exáudi: et contra cuncta nobis adversántia, dexteram tuæ majestátis exténde. Per Dóminum.

Léctio libri Exodi.

Exod. 24. c.

IN diebus illis: Dixit Dóminus ad Móysen: Ascende ad me in montem, et esto ibi, dabóque tibi tábulas lapideas, et legem, ac mandáta, quæ scripsi; ut dóceas filios Israël. Surrexérunt Móyses, et Jósue mínister ejus: ascendénsque Móyses in montem Dei, senióribus ait: Expectáte hic donec revertámur ad vos. Habétis Aaron, et Hur vobiscum: si quid natum fúerit quæstiónis, referétis ad eos. Cúmque ascendisset Móyses, operuit nubes montem, et habitávit glória Dómini super Sínai, tegens illum nube sex diébus: séptimo autem die vocávit eum de médio caliginis. Erat autem species glóriæ Dómini, quasi ignis ardens super vérticem montis in conspéctu filiórum Israël. Ingressúsque Móyses médium nébulæ, ascendit in montem: et fuit ibi quadragínta diébus, et quadragínta nóctibus.

Graduale. Psal. 24. Tribulatiónes cordis mei dilatátæ sunt: de necessitatibus meis éripe me Dómine. *V.* Vide humilitátem meam, et labórem meum: et dimítte ómnia peccáta mea.

Hic non dicitur, Flectámus genua. *sed V.* Dóminus vobiscum.

Orémus. Oratio.

DEVOTIONEM populi tui, quæsumus Dómine, benignus inténde, ut qui per abstinentiam macerántur in corpore, per fructum boni óperis reficiántur in mente. Per Dóminum.

Aliæ Orationes ut in Feria iv. Cinerum. fol. 56.

Léctio libri Regum.

3. Reg. 19.

IN diébus illis: Venit Elias in Bersebée Juda, et dimísit ibi púerum suum, et perréxit in désertum, viam unius diéi. Cúmque venisset, et sedéret subter unam juníperum, petívit ánimæ suæ ut morerétur, et ait: Súfficit mihi Dómine, tolle ánimam meam: neque enim mélior sum, quàm patres mei. Projecitque se, et obdormívit in umbra juníperi: et ecce Angelus Dómini tétigit eum, et dixit illi: Surge, et cómede. Respéxit, et ecce ad caput suum subcinericius panis, et vas aquæ: comédit ergo, et bibit, et rursus obdormívit. Reversúsque est Angelus Dómini secúndo, et tétigit eum, dixítque illi: Surge, cómede: grandis enim tibi restat via. Qui cùm surrexisset, comédit, et bibit, et ambulávit in fortitúdine cibi illius quadragínta diébus, et quadragínta nóctibus, usque ad montem Dei Horeb.

Tractus. Psal. 24. De necessitatibus meis éripe me Dómine: vide humilitátem meam, et labórem meum, et dimítte ómnia peccáta mea. *V.* Ad te Dómine levávi ánimam meam, Deus meus in te confido, non erubescam: neque

irrideant me inimici mei. *V.* Eténim univérſi, qui te ex-
péctant, non confundéntur:
confundántur omnes faciéntes
vana.

Sequéntia sancti Evangélii se-
cúndum Matthæum.

Matth. 12.

IN illo témpore: Respondé-
runt Jesu quidam de Scribis
et Pharisæis, dicéntes: Magi-
ster, vólumus à te signum ví-
dere. Qui respóndens, ait il-
lis: Generátio mala et adúltera
signum quærit: et signum
non dábitur ei, nisi signum
Jonæ Prophétæ. Sicut enim
fuit Jonas in ventre ceti tribus
diébus et tribus nóctibus: sic
erit Fílius hóminis in corde
terræ tribus diébus, et tribus
nóctibus. Viri Ninivítæ sur-
gent in iudicio cum genera-
tione ista, et condemnábunt
eam: quio pœniténtiam egé-
runt in prædicátione Jonæ. Et
ecce plus quàm Jonas hic. Re-
gina Austri surget in iudicio
cum generatione ista, et con-
demnábunt eam: quia venit à
finibus terræ audire sapiéntiam
Salomónis, et ecce plus
quàm Sálomon hic. Cùm au-
tem immúndus spíritus exie-
rit ab hómine, ámbulat per
loca árida, quærens réquiem,
et non invenit. Tunc dicit:
Revértar in domum meam,
unde exívi. Et véniens, in-
venit eam vacántem, scopis
mundátam, et ornátam. Tunc
vadit, et assúmit septem álios
spíritus secum nequióres se, et
infrántes hábitant ibi: et fiunt
novíſſima hóminis illius pejóra
prióribus. Sic erit et genera-
tióni huic péssimæ. Adhuc eo
loquente ad turbas, ecce ma-

ter ejus, et fratres stabant fo-
ris, quæréntes loqui ei. Dixit
autem ei quidam: Ecce mater
tua, et fratres tui foris stant,
quæréntes te. At ipse respón-
dens dicénte sibi, ait: Quæ est
mater mea, et qui sunt fratres
mei? Et exténdens manum in
discípulos suos, dixit: Ecce
mater mea, et fratres mei.
Quicumque enim fécerit vo-
luntátem Patris mei, qui in
cœlis est: ipse meus frater, et
soror, et mater est.

Offertorium. Psal. 118. Me-
ditábor in mandátis tuis, quæ
diléxi valdè: et levábo manus
meas ad mandáta tua, quæ
diléxi.

Secreta.

HOSTIAS tibi Dómine
placatiónis offérimus: ut
et delicta nostra miserátus ab-
sólvas, et nutántia corda tu dí-
rigas. Per Dóminum.

*Alie Secretæ ut in Feria iv.
Cinerum. fol. 57.*

Communio. Psal. 5. Intéllige
clámorem meum, inténde voci
oratiónis meæ, Rex meus et
Deus meus: quóniam ad te
orábo Dómine.

Postcommunio.

TUI Dómine perceptiône
sacraménti, et à nostris
mundemur occúltis, et ab hós-
tium liberémur insídiis. Per
Dóminum.

*Alie Postcommuniones ut in
Feria iv. Cinerum. fol. 57.*

Super populum. Orémus.
Humiliáte cápita vestra Deo.

Oratio.

MENTES nostras, quæsu-
mus Dómine, lúmine
tuæ claritátis illústra: ut vi-
dère póssimus quæ agénda
sunt; et quæ recta sunt, agere
valeámus. Per Dóminum.

FERIA QUINTA.

*Statio ad S. Laurentium in Pa-
neperna.*

Introitus. Psal. 95.

CONFESSIO et pulchri-
túdo in conspéctu ejus:
sánctitas et magnificéntia in
sanctificatióne ejus. *Psal. ibid.*
Cantáte Dómino cánticum no-
vum: cantáte Dómino omnis
terra. *¶ Glória Patri.*

Oratio.

DEVOTIONEM pópuli
tui, quæsumus Dómine,
benígnus inténde: ut, qui per
abstinéntiam macerántur in
córpo, per fructum boni
óperis reficiántur in mente.
Per Dóminum.

Lectio Ezechiélis Prophétæ.

Ezech. 18.

IN diébus illis: Factus est
sermo Dómini ad me, di-
cens: Quid est, quòd inter vos
parábolam vértitis in provér-
bium istud in terra Israël, di-
céntes: Patres comedérunt
uvam acérbam: et dentes fili-
órum obstupéscunt? Vivo ego,
dicit Dóminus Deus: si erit
ultrà vobis parábola hæc in
provérbium in Israël. Ecce
ómnès ánimæ meæ sunt: ut
ánima patris, ita et anima filii
mea est: ánima quæ peccáve-
rit, ipsa moriétur. Et vir, si
fúerit justus, et fécerit judi-
cium et justitiam, in móntibus
non coméderit, et óculos suos
non leváverit ad idóla domus
Israël: et uxórem próximi sui
non violáverit, et ad mulièrem
menstruátam non accésserit: et
hóminem non contristáverit:
pignus debitóri reddíderit, per

vim nihil rapúerit: panem suum
esuriénti déderit, et nudum
operúerit vestiménto: ad usú-
ram non commodáverit, et ám-
pliùs non accéperit: ab iniqui-
táte avérterit manum suam, et
judícium verum fécerit inter
virum et virum: in præcéptis
meis ambuláverit, et judícia
mea custodierit, ut fáciat veri-
tátem: hic justus est, vita vi-
vet, ait Dóminus omnípotens.

Graduale. Psal. 16. Custódi
me Dómine, ut pupíllam óculi:
sub umbra alárum tuárum pró-
tége me. *¶ De vultu tuo judi-
cium meam pródeat: óculi
tui videant æquitátem.*

*Sequéntia sancti Evangélii se-
cúndum Matthæum.*

Matth. 15. c.

IN illo témpore: Egréssus
Jesus secéssit in partes
Tyri et Sidónis. Et ecce mú-
lier Chananæa à finibus illis
egréssa clamávit, dicens ei:
Miserére mei Dómine fili Da-
vid: filia mea malè à dæmónio
vexátur. Qui non respóndit ei
verbum. Et accedéntes disci-
puli ejus rogábant eum, dicen-
tes: Dimítte eam, quia clamat
post nos. Ipse autem respón-
dens, ait: Non sum missus nisi
ad oves, quæ periérunt, domus
Israël. At illa venit, et adorá-
vit eum, dicens: Dómine ádju-
va me. Qui respóndens, ait:
Non est bonum súmerè panem
filiórum, et mittere cánibus.
At illa dixit: Etiam Dómine:
nam et catélli edunt de micis,
quæ cadunt de mensa dominó-
rum suórum. Tunc respón-
dens Jesus, ait illi: O múlier,
magna est fides tua: fiat tibi
sicut vis. Et sanáta est filia
ejus ex illa hora.

Offertorium. Ps. 33. Immittet Angelus Dómini in circúitu timéntium eum, et erípiet eos: gustáte, et vidéte, quóniam suávis est Dóminus.

Secreta.

SACRIFICIA, Dómine quæsumus, propítius ista nos salvent, quæ medicínalibus sunt institúta jejúniis. Per Dóminum nostrum.

Alia Secreta ut in Feria iv. Cinerum. fol. 57.

Communio. Joan. 6. Panis quem ego dédero, caro mea est pro sæculi vita.

Postcommunio.

TUORUM nos, Dómine, largitáte donórum, et temporálibus attólle præsídiis, et rénova sempitérnis. Per Dóminum.

Alia Postcommuniones ut in Feria iv. Cinerum. fol. 57.

Super populum. Oremus. Humiliáte cápita vestra Dec.

Oratio.

DA, quæsumus Dómine, pópulis Christiánis, et quæ profiténtur agnóscere, et cœléste munus diligere, quod frequéntant. Per Dóminum.

FERIA VI. QUATUOR TEMP. QUADRAG.

Statio ad SS. duodecim Apostolos.

Introitus. Psal. 24.

DE necessitatibus meis éripe Dómine: vide humilitátem meam, et labórem meum, et dimítte ómnia peccáta mea.

Psal. ibid. Ad te Dómine levávi ánimam meam: Deus meus in te cónfido, non erubescam.

∇. Glória Patri.

Oratio.

ESTO Dómine propítius plebi tuæ: et quam tibi facis esse devótam, benigno réfove miserátus auxilió. Per Dóminum nostrum.

Alia Orationes ut in Feria iv. Cinerum. fol. 56.

Léctio Ezechiélis Prophétæ.

Ezech. 18.

HÆC dicit Dóminus Deus: Anima quæ peccáverit, ipsa moriétur: filius non portábit iniquitátem patris, et pater non portábit iniquitátem filii: justítia justi super eum erit, et impietas ímpii erit super eum. Si autem ímpius égerit pœniténtiam ab ómnibus peccátis suis, quæ operátus est, et custodiérit ómnia præcépta mea, et fécerit judícium, et justítiam: vita vivet, et non moriétur. Omnium iniquitátum ejus, quas operátus est, non recordábor: in justítia sua, quam operátus est, vivet. Numquid voluntátis meæ est mors ímpii, dicit Dóminus Deus, et non ut convertátur à viis suis, et vivat? Si autem avérterit se justus à justítia sua, et fécerit iniquitátem secúndum omnes abominatiónes, quas operári solet ímpius, numquid vivet? omnes justítie ejus, quas fécerat, non recordabuntur: in prævaricatióne, qua prævaricátus est, et in peccáto suo quod peccávit, in ípsis moriétur. Et dixístis: Non est æqua via Dómini. Audíte ergo domus Israél: Numquid via mea non est æqua, et non magis viæ vestræ pravæ sunt? Cùm enim avérterit se justus à justítia sua, et fécerit iniquitá-

tem, moriétur in eis: in injus-
titiâ, quam operátus est, mori-
riétur. Et cùm avérterit se im-
pius ab impietate sua, quam
operátus est, et fécerit judici-
um, et justitiam: ipse ánimam
suam vivificábit. Considerans
enim, et avértens se ab ómni-
bus iniquitatibus suis, quas
operátus est, vita vivet, et non
moriétur, ait Dóminus omni-
potens.

Graduale. Psal. 85. Salvum
fac pópulum tuum Deus meus
sperántem in te.

V. Auribus pércipe Dómine
oratióem meam.

Tractus. Psal. 102. Dómine
non secúndum peccáta nostra,
quæ fécimus nos: neque se-
cúndum iniquitates nostras re-
tribuas nobis. *V. Psal. 78.*
Dómine, ne memneris iniqui-
tatum nostrárum antiquárum:
citò anticipent nos misericór-
diæ tuæ, quia páuperes facti
sumus nimis.

V. Hic genuflectitur. Adjuva
nos Deus salutáris noster: et
propter glóriam nóminis tui
Dómine, libera nos: et propi-
tius esto peccátis nostris, prop-
ter nomen tuum.

Sequéntia sancti Evangélii se-
cúndum Joánnem.

Joan. 5.

IN illo témpore: Erat dies
festus Judæórum, et ascén-
dit Jesus Jerosólymam. Est
autem Jerosólymis Probática
piscina, quæ cognominátur
Hebráicè Bethsáida, quinque
pórticus habens. In his jacé-
bat multitúdo magna lan-
guéntium cæcorum, claudó-
rum, aridórum, expectántium
aquæ motum. Angelus autem
Dómini descendébat secún-

dum tempus in piscinam: et
movebátur aqua. Et qui prior
descendisset in piscinam post
motiónem aquæ, sanus fiébat
à quacúmque detinebátur in-
firmitate. Erat autem quidam
homo ibi trigínta et octo an-
nos habens in infirmitate sua.
Hunc cùm vidisset Jesus ja-
céntem, et cognovisset, quia
jam multum tempus habéret,
dicit ei: Vis sanus fieri? Re-
spóndit ei lánguidus: Dó-
mine, hómínem non hábeo, ut
cùm turbata fuérit aqua, mit-
tat me in piscinam: dum vé-
nio enim ego, álius ante me
descéndit. Dicit ei Jesus:
Surge, tolle grabátum tuum,
et ámbula. Et statim sanus
factus est homo ille: et sú-
tulit grabátum suum, et am-
bulábat. Erat autem sábbat-
um in die illo. Dicébant er-
go Judæi illi, qui sanátus fue-
rat: Sábbatum est, non licet
tibi tollere grabátum tuum.
Respóndit eis: Qui me sanum
fecit, ille mihi dixit: Tolle
grabátum tuum, et ámbula.
Interrogavérunt ergo eum:
Quis est ille homo, qui dixit
tibi, Tolle grabátum tuum, et
ámbula? Is autem, qui sanus
fúerat efféctus, nesciébat quis
esset. Jesus enim declinávit
à turba constitúta in loco.
Póstea invénit eum Jesus in
templo, et dixit illi: Ecce sanus
factus es: jam noli peccáre, ne
detérius tibi áliquid contingat.
Abiit ille homo, et nuntiávit
Judæis, quia Jesus esset, qui
fecit eum sanum.

Offertorium. Psal. 102. Bé-
nedic ánima mea Dómino, et
noli oblivisci omnes retributi-
ónes ejus: et renovábitur sicut
áquilæ, juvéntus tua.

Secreta.

SUSCIPE, quæsumus, Dómine, múnera nostris oblata servitiis, et tua propítius dona sanctifica. Per Dóminum nostrum.

Alicæ Secretæ ut in Feria iv. Cinerum. fol. 57.

Communio. Psal. 6. Erubescant, et conturbentur omnes inimici mei : avertantur retrorsum, et erubescant valdè velociter.

Postcommunio.

PER hujus, Dómine, operationem mystérii, et vitia nostra purgentur, et justa desideria compleantur. Per Dóminum nostrum.

Alicæ Postcommuniones ut in Feria iv. Cinerum. fol. 57.

Super populum. Orémus. Humiliáte cápita vestra Deo.

Oratio.

EXAUDI nos miséricors Deus : et méntibus nostris grátiae tuæ lumen osténde. Per Dóminum.

SABBATO QUATUOR TEMP. QUADRAG.

Statio ad sanctum Petrum.

Introitus. Ps. 87.

INTRET oratio mea in conspectu tuo : inclína aurem tuam ad precem meam, Dómine. *Psal. ibid.* Dómine Deus salutis meæ : in die clamávi, et nocte coram te.

℣. Gloria, *Post Kyrie* elíison. *Dicitur,* Orémus. Flectámus génuá. R. Leváte.

Oratio.

POPULUM tuum, quæsumus Dómine, propítius respice, atque ab eo flagélla tuæ

iracúndiæ cleménter avérte. Per Dóminum.

Léctio libri Deuteronomii.

Deuter. 26. c.

IN diébus illis : Locútus est Móyses ad pópulum, dicens : Quando compléveris decimam cunctárum frugum tuárum, loquéris in conspéctu Dómini Dei tui : Abstuli, quod sanctificátum est de domo mea, et dedi illud Levítæ, et ádvenæ, et pupillo, ac víduæ, sicut jussisti mihi : non præterívi mandáta tua, nec sum oblitus impérii tui. Obedívi voci Dómini Dei mei, et feci ómnia sicut præcepísti mihi. Réspice de sanctuário tuo, et de excélsó cælórum habitáculo, et benedic pópulo tuo Israël, et terræ, quam dedisti nobis, sicut jurásti pátribus nostris, terræ lacte et melle manánti. Hódie Dóminus Deus tuus præcepit tibi, ut fácias mandáta hæc, atque júdicia : et custodias, et impleas ex toto corde tuo, et ex tota ánima tua. Dóminum elegísti hódie, ut sit tibi Deus, et ámbules in viis ejus et custódias cæremónias illius, et mandáta, atque júdicia, et obédias ejus império. Et Dóminus elégit te hódie, ut sis ei populus peculiáris, sicut locútus est tibi, et custódias ómnia præcépta illius : et fáciat te excelsiórem cunctis Géntibus, quas creávit in laudem, et nomen et glóriam suam : ut sis pópulus sanctus Dómini Dei tui, sicut locútus est.

Graduale. Ps. 78. Propítius esto Dómine peccátis nostris : ne quando dicant Gentes, Ubi est Deus eórum ? ℣. *Hic genuflectitur.* Adjuva nos Deus sa-

lutáris noster, et propter honórem nóminis tui Dómine libera nos. Orémus. Flectámus génuá. R̄. Leváte.

Oratio.

PROTECTOR noster aspice Deus : ut qui malórum nostrórum póndere préimur, percépta misericórdia libera tibi mente famulémur. Per Dóminum.

Léctio libri Deuteronomii.

Deuter. 11. c.

IN diébus illis : Dixit Móyses filiis Israél : Si custodiéritis mandáta, quæ ego præcipio vobis, et fecéritis ea, ut diligátis Dóminum Deum vestrum, et ambulétis in ómnibus viis ejus, adhæréntes ei, dispédet Dóminus omnes Gentes istas ante faciém vestram, et possidébitis eas, quæ majóres et fortióres vobis sunt. Omnis locus, quem calváverit pes vester, vester erit. A désérto, et à Líbano, à flúmine magno Euphráte, usque ad mare Occidentále erunt términi vestri. Nullus stabit contra vos : terrórem vestrum, et formídinem dabit Dóminus Deus vester super omnem terram, quam calcátúri estis, sicut locútus est vobis Dóminus Deus vester.

Graduale. Psal. 83. Protéctor noster aspice Deus, et respice super servos tuos.

V̄. Dómine Deus virtútum, exáudi perces servórum tuórum. Orémus. Flectámus génuá. R̄. Leváte.

Oratio.

ADESTO, quæsumus Dómine, supplicatióibus nostris : ut esse, te largiénte, mereámur et inter próspéra húmiles, et inter advérsa secúri. Per Dóminum.

Léctio libri Machabæórum.

2 Mach. 1. f.

IN diébus illis : Oratióem faciébant omnes sacerdotés, dum consummarétur sacrificium, Jónatha inchoánte, céteris autem respondéntibus. Et Nehemíæ erat orátio hunc habens modum : Dómine Deus ómnium créator, terribilis et fortis, justus et miséricors, qui solus es bonus Rex, solus præstans, solus justus, et omnípotens, et ætérnus, qui liberas Israél de omni malo, qui fecísti patres eléctos, et sanctificásti eos : accipe sacrificium pro univérso pópulo tuo Israél, et custódi partem tuam, et sanctífica : ut sciant Gentes, quia tu es Deus noster.

Graduale. Psal. 89. Convérttere Dómine aliquántulum : et deprecáre super servos tuos. V̄. Dómine refúgium factus es nobis á generatióne et progénie. Orémus. Flectámus génuá. R̄. Leváte.

Oratio.

PRECES pópuli tui, quæsumus Dómine, cleménte exáudi : ut, qui justè pro peccáteis nostris affligimur, pro tui nominis gloria misericórditer liberémur. Per Dóminum.

Léctio libri Sapiéntiæ.

Eclli. 36.

MISERERE nostri Deus ómnium, et réspice nos, et osténde nobis lucem miseratiónum tuárum : et immítte timórem tuum super Gentes, quæ non exquisiérunt te, ut cognóscant, quia non est Deus, nisi tu, et enárrent magnália tua. Alleva manum tuam super Gentes aliénas, ut vídeant poténtiam tuam. Sicut enim in conspéctu éorum sanctificátus

es in nobis, sic in conspectu nostro magnificaberis in eis, ut cognoscant te sicut et nos cognovimus, quoniam non est Deus praeter te Domine. Innova signa, et immuta mirabilia. Glorifica manum, et brachium dextrum. Excita furorem, et effunde iram. Tolle adversarium, et afflige inimicum. Festina tempus, et memento finis, ut enarrent mirabilia tua, Domine Deus noster.

Graduale. Ps. 140. Dirigatur oratio mea, sicut incensum in conspectu tuo, Domine.

℣. Elevatio manuum mearum sacrificium vespertinum. Orémus. Flectamus genua. ℞. Levate.

Oratio.

ACTIONES nostras, quasumus Domine, aspirando praevieni, et adjuvando proseguere: ut cuncta nostra oratio et operatio a te semper incipiat, et per te coepta finiatur. Per Dominum.

Lectio Daniélis Prophetae.

Dan. 3. c.

IN diebus illis: Angelus Domini descendit cum Azaria, et sociis ejus in fornacem: et excussit flammam ignis de fornace, et fecit medium fornacis quasi ventum roris flantem. Flamma autem effundebatur super fornacem cubitis quadraginta novem: et erupit, et incendit quos reperit juxta fornacem de Chaldaeis ministros regis, qui eam incendebant. Et non tetigit eos omnino ignis, neque contristavit, nec quidquam molestiae intulit. Tunc hi tres quasi ex uno ore laudabant, et glorificabant, et benedicebant Deum in fornace, dicentes: *Hic non respondetur*, Deo gratias.

Hymnus. ibid.

BENEDICTUS es Domine Deus patrum nostrorum. Et laudabilis et gloriosus in saecula.

Et benedictum nomen gloriae tuae, quod est sanctum. Et laudabile et gloriosum in saecula.

Benedictus es in templo sancto gloriae tuae. Et laudabilis et gloriosus in saecula.

Benedictus es super thronum sanctum regni tui. Et laudabilis et gloriosus in saecula.

Benedictus es super sceptrum Divinitatis tuae. Et laudabilis et gloriosus in saecula.

Benedictus es, qui sedes super Cherubim, intuens abyssos. Et laudabilis et gloriosus in saecula.

Benedictus es, qui ambulas super pennas ventorum, et super undas maris. Et laudabilis et gloriosus in saecula.

Benedicant te omnes Angeli, et Sancti tui. Et laudent te et glorificent in saecula.

Benedicant te caeli, terra, mare, et omnia, quae in eis sunt. Et laudent te et glorificent in saecula.

Gloria Patri, et Filio, et Spiritui sancto. Et laudabili et glorioso in saecula.

Sicut erat in principio, et nunc, et semper: et in saecula saeculorum, Amen. Et laudabili et glorioso in saecula.

Benedictus es Domine Deus Patrum nostrorum. Et laudabilis et gloriosus in saecula.

Hic non dicitur, Flectamus genua. *sed* ℣. Dominus vobiscum. Orémus.

Oratio.

DEUS, qui tribus pueris mitigasti flammam ignium: concede propitius: ut nos fá-

mulos tuos non exurat flamma vitiorum. Per Dominum.

Aliæ Orationes ut in Feria iv. Cinerum. fol. 56.

Lectio Epistolæ beati Pauli Apostoli ad Thessalonicenses.

1 *Thess. 5.*

FRATRES, Rogamus vos, corripite inquietos, consolamini pusillanimes, suscipite infirmos, patientes estote ad omnes. Videte, ne quis malum pro malo alicui reddat: sed semper quod bonum est sectamini in invicem, et in omnes. Semper gaudete. Sine intermissione orate. In omnibus gratias agite: hæc est enim voluntas Dei in Christo Jesu in omnibus vobis. Spiritum nolite extinguere. Prophetias nolite spernere. Omnia autem probate: quod bonum est, tenete. Ab omni specie mala abstinete vos. Ipse autem Deus pacis sanctificet vos per omnia: ut integer spiritus vester, et anima, et corpus sine querela, in adventu Domini nostri Jesu Christi servetur.

Tractus. Psal. 116. Laudate Dominum omnes Gentes; et collaudate eum omnes populi. *V.* Quoniam confirmata est super nos misericordia ejus: et veritas Domini manet in æternum.

Evangelium. In illo tempore: Assumpsit Jesus Petrum, et Jacobum. *ut infra. fol. 77.*

Offertorium. Ps. 87. Domine Deus salutis meæ, in die clamavi et nocte coram te: intret oratio mea in conspectu tuo Domine.

Secreta.

PRÆSENTIBUS sacrificiis, quæsumus Domine,

jejunia nostra sanctifica: ut quod observantia nostra proficitur extrinsecus, intèrius operetur. Per Dominum.

Aliæ Secreta ut in Feria iv. Cinerum. fol. 57.

Communio. Psal. 7. Domine Deus meus in te speravi, libera me ab omnibus persecutibus me, et eripe me.

Postcommunio.

SANCTIFICATIONIBUS tuis, omnipotens Deus, et vitia nostra curentur, et remedia nobis æterna provéniant. Per Dominum.

Aliæ Postcomm. ut in Feria iv. Cinerum. fol. 57.

Super populum. Orémus. Humiliate capita vestra Deo.

Oratio.

FIDELES tuos, Deus, benedictio desiderata confirmet: quæ eos et à tua voluntate numquam faciat discrepare, et tuis semper indulgeat beneficiis gratulari. Per Dominum.

DOMINICA SECUNDA IN QUADRAGESIMA.

Statio ad S. Mariam in Dominica.

Introitus. Psal. 24.

REMINISCERE miserationum tuarum, Domine, et misericordiæ tuæ, quæ à sæculo sunt, ne umquam dominentur nobis inimici nostri: libera nos Deus Israël ex omnibus angustiis nostris. *Psal. ibid.* Ad te Domine levavi animam meam: Deus meus in te confido, non erubescam. *V.* Glória Patri.

Oratio.

DEUS, qui conspicias omni nos virtute destitui, intèrius exteriúsque custodi: ut ab omnibus adversitatibus muniá-

mur in corpore, et à pravis cogitationibus mundemur in mente. Per Dóminum.

Alia Orationes ut in Feria iv. Cinerum. fol. 56.

Lectio Epístolæ beáti Pauli Apóstoli ad Thessalonicenses.

1. *Thess. 4.*

FRATRES, Rogamus vos, et obsecramus in Dómino Jesu, ut quemádmódu accepistis à nobis, quómodo oporteat vos ambulare, et placere Deo, sic et ambulétis, ut abundétis magis. Scitis enim quæ præcepta déderim vobis per Dóminum Jesum. Hæc est enim volúntas Dei, sanctificatio vestra, ut abstinéatis vos à fornicatione, ut sciat unusquisque vestrum, vas suum possidere in sanctificatione, et honore: non in passione desidérii, sicut et Gentes, quæ ignorant Deum: et ne quis supergrediatur, neque circumvéniat in negotio fratrem suum: quóniam vindex est Dóminus de his ómnibus, sicut prædiximus vobis, et testificati sumus. Non enim vocávit nos Deus in imunditiam, sed in sanctificationem: in Christo Jesu Dómino nostro.

Graduale. Ps. 24. Tribulationes cordis mei dilatatae sunt: de necessitatibus meis eripe me Dómine. *V.* Vide humilitatem meam, et laborem meum: et dimitte ómnia peccata mea.

Tractus. Ps. 105. Confitemini Dómino, quóniam bonus: quóniam in sæculum misericordia ejus. *V.* Quis loquétur poténtias Dómini: audítas faciet omnes laudes ejus?

V. Beáti qui custódiunt iudicium, et faciunt justitiam in omni tempore. *V.* Meménto

nostri Dómine in beneplácito pópuli tui: visita nos in salutári tuo.

Sequéntia sancti Evangélii secundum Matthæum.

Matth. 17.

IN illo tempore: Assumpsit Jesus Petrum, et Jacobum, et Joánnem fratrem ejus, et duxit illos in montem excelsum seorsum: et transfiguratus est ante eos. Et resplénduit facies ejus sicut sol: vestiménta autem ejus facta sunt alba sicut nix. Et ecce apparuerunt illis Móyses, et Eliás cum eo loquéntes. Respondens autem Petrus, dixit ad Jesum: Dómine, bonum est nos hic esse: si vis, faciámus híc tria tabernacula, tibi unum, Móysi unum, et Eliæ unum. Adhuc eo loquente, ecce nubes lúcida obumbrávit eos. Et ecce vox de nube, dicens: Hic est Filius meus diléctus, in quo mihi benè complácu: ipsum audíte. Et audiéntes discipuli, ceciderunt in faciem suam, et timuerunt valdè. Et accessit Jesus, et tetigit eos, dixítque eis: Súrgite, et nolite timére. Levantes autem óculos suos, néminem viderunt, nisi solum Jesum. Et descendéntibus illis de monte, præcepit eis Jesus, dicens: Némini dixéritis visionem, donec Filius hóminis à mórtuis resúrgat. Credo.

Offert. Ps. 118. Meditabor in mandátis tuis, quæ diléxi valdè: et levábo manus meas ad mandata tua, quæ diléxi.

Secreta.

SACRIFICIIS præsentibus, quæsumus Dómine, inténde placátus: ut et devotióni nostræ proficiant et salutí. Per Dóminum.

Aliæ Secretæ ut in Feria iv. Cinerum. fol. 57.

Communio. Psal. 5. Intellige clamorem meum: inténde voci orationis meæ, Rex meus, et Deus meus: quóniam ad te orábo Dómine.

Postcommunio.

SUPPLICES te rogámus, omnipotens Deus: ut quos tuis réficis sacraméntis, tibi étiam plácitis moribus dignánter deservíre concédas. Per Dóminum.

Aliæ Postcommuniones ut in Feria iv. Cinerum. fol. 57.

FERIA SECUNDA.

Statio ad S. Clementem.

Introitus.

Psal. 25.

REDIME me Dómine, et miserére mei: pes enim meus stetit in via recta: in ecclé-sis benedicam Dóminum.

Psal. ibid. Júdica me Dómine, quóniam ego in innocéntia mea ingressus sum: et in Dómino sperans, non infirmábor. *℣. Glória.*

Oratio.

PRÆSTA quæsumus omnipotens Deus: ut fámilia tua, quæ se, affligéndo carnem, abaliméntis ábstinet: sectándo justítiam, à culpa jejúnet. Per Dóminum.

Aliæ Orationes ut in Feria iv. Cinerum. fol. 56.

Léctio Jeremiæ Prophétæ.

Dan. 9. d.

IN diébus illis: Orávit Dániel Dóminum, dicens: Dómine Deus noster, qui eduxísti pópulum tuum de terra Ægypti in manu forti, et fecísti

tibi nomen secúndum diem hanc: peccávimus, iniquitátem fécimus, Dómine, in omnem justítiam tuam: Avertátur, óbsecro, ira tua, et furor tuus à civitáte tua Jerúsalem, et monte sancto tuo. Propter peccáta enim nostra, et iniquitátes patrum nostrórum, Jerúsalem, et pópulus tuus in oppróbrium sunt ómnibus per circúitum nostrum. Nunc ergo exáudi Deus noster orationem servi tui, et preces ejus: et osténde fáciem tuam super sanctuárium tuum, quod desértum est, propter temetípsum. Inclína Deus meus aurem tuam, et audi: áperi óculos tuos, et vide desolationem nostram, et civitátem, super quam invocátum est nomen tuum: neque enim in justificatióibus nostris prostérnimus preces ante fáciem tuam, sed in miseratióibus tuis multis. Exáudi Dómine, placáre Dómine: atténde et fac. Ne moréris propter temetípsum Deus meus: quia nomen tuum invocátum est super civitátem, et super pópulum tuum, Dómine Deus noster.

Graduale. Psal. 69. Adjútor meus, et liberátor meus esto: Dómine ne tardáveris.

℣. Confundántur et reveré-antur inimíci mei, qui quærunt ánimam meam.

Tractus. Psal. 102. Dómine non secúndum peccáta nostra, quæ fécimus nos: neque secúndum iniquitátes nostras retribu-as nobis. *℣. Ps. 78.* Dómine, ne memíneris iniquitátum nostrarum antiquárum, citò anticipent nos misericórdiæ tuæ, quia páuperes facti sumus nimis.

℣. Hic genuflectitur. Adjuva nos Deus salutáris noster: et

propter glóriam nóminis tui Dómine, libera nos: et propítius esto peccátis nostris, propter nomen tuum.

Sequéntia sancti Evangéllii secúndum Joánnem.

Joan. 8. c.

IN illo témpore: Dixit Jesus turbis Judæórum: Ego vado, et quærétis me, et in peccáto vestro moriémmini. Quò ego vado, vos non potéstis venire. Dicébant ergo Judæi: Numquid interficiet semetípsum, quia dicit: Quò ego vado, vos non potéstis venire? Et dicébant eis: Vos de deórsum estis, ego de supérnis sum. Vos de mundo hoc estis, ego non sum de hoc mundo. Dixi ergo vobis, quia moriémmini in peccátis vestris: si enim non credidérítis quia ego sum, moriémmini in peccáto vestro. Dicébant ergo ei: Tu quis es: Dixit eis Jesus: Príncipium, qui et loquor vobis. Multa hábeo de vobis loqui, et judicáre. Sed qui me misit verax est: et ego quæ audivi ab eo, hæc loquor in mundo. Et non cognovérunt quia Patrem ejus dicébat Deum. Dixit ergo eis Jesus: Cùm exaltavérítis Fílium hóminis, tunc cognoscétis, quia ego sum, et à méipso fácio nihil: sed sicut dócuit me Pater, hæc loquor: et qui me misit, mecum est, et non reliquit me solum: quia ego, quæ plácita sunt ei, fácio semper.

Offertorium. Psal. 15. Benedicám Dóminum, qui tríbuit mihi intelléctum, providébam Dóminum in conspéctu meo semper: quóniam à dextris est mihi, ne commóvear.

Secreta.

HÆC hóstia, Dómine, platiónis et laudis, tua nos protectióne dignos efficiat. Per Dóminum.

Alic Secretæ ut in Feria iv. Cinerum. fol. 57.

Communio. Psal. 8. Dómine Dóminus noster, quàm admirábile est nomen tuum in unívérsa terra!

Postcommunio.

HÆC nos commúnio Dómine, purget à crimine: et coeléstis remédii fáciat esse consórtes. Per Dóminum.

Alic Postcommuniones ut in Feria iv. Cinerum. fol. 57.

Super populum. Orémus. Húmiliáte cápita vestra Deo.

Oratio.

ADESTO, supplicationibus nostris omnípotens Deus: et quibus fidúciam sperándæ pietátis indúlges, consuétæ misericórdiæ tríbue benignus effectum. Per Dóminum.

FERIA TERTIA.

Statio ad sanctum Balbinam.

Introitus. Psal. 26.

TIBI dixit cor meum: quæsi ví vultum tuum, vultum tuum Dómine requíram: ne avértas faciém tuam à me. *Psal. ibid.* Dóminus illuminátió mea, et salus mea: quem timébo?

V. Glória Patri.

Oratio.

PERFICE, quæsumus Dómine, benignus in nobis observántiæ sanctæ subsidiúm: ut, quæ te auctóre faciéndam cognóvimus, te operánte impleámus. Per Dóminum.

Alie Orationes ut in Feria iv. Cinerum. fol. 56.

Lectio libri Regum.

3. Reg. 17.

IN diébus illis: Factus est sermo Dómini ad Eliam Thesbítén, dicens: Surge, et vade in Saréphtha Sidoniórum, et manébis ibi: præcépi enim ibi mulieri víduæ, ut pascat te. Surréxit, et ábiit in Saréphtha. Cúmque venisset ad portam civitátis, apparuit ei múlier vídua cólligens ligna, et vocávit eam, dixítque ei: Da mihi páululum aquæ in vase, ut bibam. Cúmque illa pérgeret ut afférret, clamávit post tergum ejus, dicens: Afser mihi, óbsecro, et buccéllam panis in manu tua. Quæ respóndit: Vivit Dóminus Deus tuus, quia non hábeo panem, nisi quantum pugíllus cápere potest farínæ in hydria, et páululum ólei in lécytho: en cólloigo duo ligna, ut ingrédíar, et fáciam illud mihi et filio meo, ut comedámus, et moriámur. Ad quam Eliás ait: Noli timére, sed vade, et fac sicut dixísti: verúm tamem mihi primùm fac de ipsa farínula subcinerícium panem párvulum, et affer ad me: tibi autem et filio tuo fácies pósteà. Hæc autem dicit Dóminus Deus Israél: Hydria farínæ non deficiet, nec lécythus ólei minuétur, usque ad diem, in qua Dóminus datúrus est plúviam super fáciem terræ. Quæ ábiit, et fecit juxta verbum Eliæ: et comédit ipse, et illa, et domus ejus: et ex illa die hydria farínæ non defécit, et lécythus ólei non est immínútus, juxta verbum Dómini, quod locútus fúerat in manu Eliæ.

Graduale. Psal. 54. Jacta cogitátum tuum in Dómino, et ipse te enútriet. V. Dum clamárem ad Dóminum, exaudivit vocem meam ab his, qui appropínquant mihi.

Sequéntia sancti Evangélij secúndum Matthæum.

Matth. 23.

IN illo témpore: Locútus est Jesus ad turbas, et ad discípulos suos, dicens: Super cáthedram Móysi sedérunt Scribæ et Pharisæi. Omnia ergo quæcúmque dixerint vobis, serváte, et fácite: secúndum ópera verò eórum nolite fácere: dicunt enim, et non faciunt. Alligant enim ónera gravia, et importabilia, et impónunt in húmeros hóminum: dígito autem suo nolunt ea movére. Omnia verò ópera sua faciunt, ut videántur ab homínibus: dilátant enim phylactéria sua, et magnificánt simbrías. Amant autem primos recúbitus in cœnis, et primas cáthedras in synagógis, et salutatiónes in foro, et vocári ab homínibus Rabbi. Vos autem nolite vocári Rabbi. Unus est enim Magister vester, omnes autem vos fratres estis. Et patrem nolite vocáre vobis super terram; unus est enim Pater vester, qui in cœlis est. Nec vocémini magístri, quia Magister vester unus est Christus. Qui major est vestrúm, erit mínister vester. Qui autem se exaltáverit, humiliábitur: et qui se humiliáverit, exaltábitur.

Offertorium. Psal. 50. Misérére mei Dómine secúndum magnam misericórdiam, tuam: dele, Dómine, iniquitátem meam.

Secreta.

SANCTIFICATIONEM tuam nobis, Dómine, his mystériis operáre placátus : quæ nos et à terrénis purget vítiis, et ad cœlestia dona perducát. Per Dóminum.

Alicæ Secretæ ut in Feria iv. Cinerum. fol. 57.

Communio. Psal. 9. Narrábo ómnia mirabilia tua : lætabor et exultábo in te : psallam nómini tuo, Altíssime.

Postcommunio.

UT sacris, Dómine, reddámur digni munéribus, fac nos tuis quæsumus semper obedire mandátis. Per Dóminum.

Alicæ Postcommuniones ut in Feria iv. Cinerum. fol. 57.

Super populum. Orémus. Humiliáte capita vestra Deo.

Oratio.

PROPITIARE Dómine supplicatióibus nostris, et animárum nostrárum medére languóribus : ut remissióne percepta, in tua semper benedictióne lætémur. Per Dóminum.

FERIA QUARTA.

Statio ad S. Cæciliam.

Introitus. Psal. 37.

NE derelinquas me, Dómine Deus meus, ne discédas à me : inténde in adjutórium meum, Dómine virtus salútis meæ.

Psalmus. ibid. Dómine ne in furóre tuo árguas me, neque in ira tua corrípias me.

℣. Glória Patri.

Oratio.

POPULUM tuum, quæsumus Dómine, propítius respice : et quos ab escis carnálibus præcipis abstinére, à

noxiiis quoque vítiis cessáre concéde. Per Dóminum.

Alicæ Orationes ut in Feria iv. Cinerum. fol. 56.

Lectio libri Esther.

Esth. 13. c.

IN diébus illis : Orávit Mardocheus ad Dóminum, dicens : Dómine Deus Rex omnipotens ; in ditióne enim tua cuncta sunt pósito : et non est qui possit tuæ resistere voluntáti, si decreveris salváre Israël. Tu fecisti cœlum et terram, et quidquid cœli ámbitu continétur. Dóminus ómnium es, nec est qui resistat majestáti tuæ. Et nunc Dómine Rex Deus Abraham, miserére pópuli tui, quia volunt nos inimíci nostri pérdere, et hæreditátem tuam delére. Ne despicias partem tuam, quam redemísti tibi de Ægypto. Exáudi deprecationem meam, et propítius esto sorti et funículo tuo, et convérte luctum nostrum in gáudium, ut vivéntes laudémus nomen tuum Dómine, et ne claudas ora te canéntium, Dómine Deus noster.

Graduale. Ps. 27. Salvum fac pópulum tuum Dómine, et benedic hæreditáti tuæ. ℣. Ad te Dómine clamávi, Deus meus ne síleas á me, et ero similis descendéntibus in lacum.

Tractus. Psal. 102. Dómine non secúndum peccáta nostra, quæ fécimur nos : neque secúndum iniquitátes nostras retribuas nobis. ℣. *Psal. 78.* Dómine, ne memíneris iniquitátum nostrárum antiquárum, citò anticipent nos misericórdiæ tuæ, quia páuperes facti sumus nimis.

℣. *Hic genuflectitur.* Adjuva nos Deus salutaris noster : et

propter glóriam nóminis tui Dómine, libera nos: et propítius esto peccátis nostris, propter nomen tuum.

Sequéntia sancti Evangélii secúndum Matthæum.

Matth. 20. b.

IN illo tẽpore: Ascéndens Iesus Jerosólymam, assumpsit duódecim discipulos secréto, et ait illis: Ecce ascéndimus Jerosólymam, et Filius hóminis tradétur Principibus sacerdotum et Scribis, et condemnábunt eum morte, et tradent eum Géntibus ad illudéndum, et flagellándum, et crucifigéndum, et tertia die resúrget. Tunc accessit ad eum mater filiórum Zebedæi cum filiis suis, adorans et petens áliquid ab eo. Qui dixit ei: Quid vis? Ait illi: Dic, ut sédeant hi duo filii mei, unus ad dexteram tuam et unus ad sinístram in regno tuo. Respóndens autem Iesus, dixit: Nescítis quid petátis. Potéstis bibere cálicem, quem ego bibíturus sum? Dicunt ei: Póssumus. Ait illis: Cálicem quidem meum bibétis: sedére autem ad dexteram meam, vel sinístram non est meum dare vobis, sed quibus parátum est á Patre meo. Et audiéntes decem, indignáti sunt de duóbùs frátribus. Iesus autem vocávit eos ad se, et ait: Scítis quia príncipes Géntium dominantur eórum: et qui majóres sunt, protestátem exércent in eos. Non ita erit inter vos: sed quicúmque volúerit inter vos major fieri, sit vester mínister: et qui volúerit inter vos primus esse, erit vester servus. Sicut filius hóminis non venit ministrári, sed ministráre,

et dare ánimam suam, redemptiónem pro multis.

Offertorium. Psal. 24. Ad te Dómine levávi ánimam meam, Deus meus in te confido, non erubéscam, neque irrideant me inimíci mei: étenim univérsti, qui te expéctant, non confundéntur.

Secreta.

HOSTIAS, Dómine, quas tibi offérimus, propítius réspice: et per hæc sancta commércia, vincula peccátorum nostrórum absólve. Per Dóminum.

Alie Secretæ ut in Feria iv. Cinerum. fol. 57.

Communio. Psal. 10. Justus Dóminus, et justítiam diléxit: æquitátem vidit vultus ejus.

Postcommunio.

SUMPTIS Dómine sacraméntis, ad redemptiónis æternæ, quæsumus, proficiámus augméntum. Per Dóminum.

Alie Postcommuniones ut in Feria iv. Cinerum. fol. 57.

Super populum. Orémus. Humiliáte cápita vestra Deo.

Oratio.

DEUS innocentix restitutor et amator, dirige ad te tuórum corda servórum: ut spíritus tui fervóre, concépto, et in fide inveniántur stábiles, et in ópere effícaces. Per Dóminum, in unitáte ejúsdem.

FERIA QUINTA.

Statio ad S. Mariam trans Tiberim.

Introitus. Psal. 69.

DEUS in adjutórium meum inténde, Dómine ad adjuvándum me festína: confundántur et reveréantur inimíci

mei, qui quærunť animam meam. *Psal. ibid.* Avertantur retrórsim, et erubescant qui cógitant mihi mala.

V. Glória Patri.

Oratio.

PRÆSTA nobis, quæsumus Dómine, auxiliũ grátie tuæ: ut jejuniis, et orationibus conveniénter intéti, liberémur ab hóstibus mentis et córporis. Per Dóminum.

Aliæ Orationes ut in Feria iv. Cinerum. fol. 56.

Lectio Jeremiæ Prophætæ.

Jer. 17.

HÆC dicit Dóminus Deus: Maledictus homo, qui confidit in hómine, et ponit carnem bráchium suum, et à Dómino recédit cor ejus. Erit enim quasi myricæ in desérto, et non vidébit, cùm vénerit bonum: sed habitábit in siccitate in desérto, in terra salsúginis, et inhabitábili. Benedictus vir, qui confidit in Dómino, et erit Dóminus fidúcia ejus. Et erit quasi lignum quod transplantátur super aquas, quod ad humórem mittit radices suas: et non timébit cùm vénerit æstus. Et erit fólium ejus víride, et in témpore siccitátis non erit sollicitum, nec aliquándo désinet fácere fructum. Pravum est cor ómnium, et inscrutábile: quis cognóscet illud? Ego Dóminus scrutans cor, et probans renes: qui do unicuique juxta viam suam, et juxta fructum adinventiónum suárum: dicit Dóminus omnipotens.

Graduale. Psal. 78. Propítius esto Dómine peccátis nostris: ne quando dicant Gentes, Ubi est Deus eórum? V. Ad-

juva nos Deus salutáris noster, et própter honórem nóminis tui Dómine, libera nos.

Sequéntia sancti Evangélli secundum Lucam.

Luc. 16. c.

IN illo témpore: Dixit Jesus Pharisæis: Homo quidam erat dives, qui induebátur púrpura et bysso, et epulabátur quotidie spléndidè. Et erat quidam mendícus, nómine Lázarus, qui jacébat ad jánuam ejus, ulcéribus plenus, cupiens saturári de micis, quæ cadébant de mensa divitis, et nemo illi dabat: sed et canes veniébant, et lingébant úlcera ejus. Factum est autem, ut morerétur mendícus, et portarétur ab Angelis in sinum Abraham. Mórto us est autem et dives, et sepúltus est in inférno. Elevans autem óculos suos, cùm esset in torméntis vidit Abraham à longè, et Lázarum in sinu ejus, et ipse clamans, dixit: Pater Abraham, miserere mei, et mitte Lázarum, ut intíngat extrémum dígiti sui in aquam, ut refrígeret linguam meam, quia crucior in hac flamma. Et dixit illi Abraham: Fili, recordáre quia recepísti bona in vita tua, et Lázarus simfliter mala: nunc autem hic consolátur, tu verò cruciáris. Et in his ómnibus inter nos et vos chaos magnum firmátum est: ut hi, qui volunt hinc transire ad vos, non possint, neque inde huc transmeáre. Et ait: Rogo ergo te, pater, ut mittas eum in domum patris mei. Hábeo enim quinque fratres, ut testétur illis, ne et ipsi véniant in hunc locum torméntorum. Et ait illi Abraham:

Habent Móysen et Prophétas, áudiant illos. At ille dixit: Non, Pater Abraham: sed si quis ex mórtuis íerit ad eos, pœniténtiam agent. Ait autem illi: Si Móysen et Prophétas non áudiunt, neque si quis ex mórtuis resurréxerit, credent.

Offertorium. Exodi 32. Precátus est Móyses in conspéctu Dómini Dei sui, et dixit: Quare Dómine irásceris in pópulo tuo? parce iræ ánimæ tuæ: meménto Abraham, Isaac, et Jacob, quibus jurásti dare terram fluentem lac et mel. Et placátus est Dóminus de malignitáte, quam dixit fácere pópulo suo.

Secreta.

PRÆSENTI sacrificio, nómini tuo, nos, Dómine, jejúnia dicáta sanctificent: ut quod observántia nostra profítétur extérius, intérius operétur efféctu. Per Dóminum.

Aliæ Secretæ ut in FERIA iv. Cinerum. fol. 57.

Communio. Joan. 6. Qui manducat meam carnem, et bibit meum sanguinem, in me manet, et ego in eo, dicit Dóminus.

Postcommunio.

GRATIA tua nos, quæsumus Dómine, non derelínquat: quæ et sacræ nos déditos faciát servitúti, et tuam nobis opem semper acquírat. Per Dóminum.

Aliæ Postcommuniones ut in FERIA iv. Cinerum. fol. 57.

Super populum. Orémus. Humiliáte cápita vestra Deo.

Oratio.

ADESTO Dómine famulibus tuis, et perpétuam benignitátem largire poscéntibus: ut iis, qui te auctóre et gubernatóre gloriántur, et congre-

gata restáures, et restauráta consérves. Per Dóminum.

FERIA SEXTA.

Statio ad sanctam Vitalem.

Introitus. Psal. 16.

EGO autem cum justítia apparébo in conspéctu tuo: satiabor, dum manifestábitur glória tua.

Psal. ibid. Exáudi Dómine justítiam meam: inténde deprecationi meæ.

V. Glória Patri.

Oratio.

DA quæsumus omnipotens Deus: ut sacro nos purificánte jejúnio, sincéris méntibus ad sancta ventúra faciás perveniré. Per Dóminum.

Aliæ Orationes ut in FERIA iv. Cinerum. fol. 56.

Léctio libri Génesis.

Gen. 37.

IN diébus illis: Dixit Joseph frátribus suis: Audíte sómnum meum, quod vidi: Putábam nos ligáre manípulos in agro, et quasi consúrgere manípulum meum, et stare, vestrosque manípulos circumstántes adoráre manípulum meum. Respondérunt fratres ejus: Numquid rex noster eris? aut subjiciémur ditióni tuæ? Hæc ergo causa somniórum, atque sermónum, invidiæ et ódii sómitem ministrávit. Aliud quoque vidit sómnum, quod narrans frátribus, ait: Vidi per sómnum quasi solem et lunam, et stellas undecim adoráre me. Quod cùm patri suo, et frátribus retulisset, increpávit eum pater suus, et dixit: Quid sibi

vult hoc sómniū, quod vidisti? num ego, et mater tua, et fratres tui adorábimus te super terram? Invidébant ei igitur fratres sui: pater verò rem táctus considerábat. Cùmque fratres illius in pascendis grégibus patris moraréntur in Sichem, dixit ad eum Israël: Fratres tui pascunt oves in Sichimis: veni, mittam te ad eos. Quo respondénte, Præstò sum: ait ei: Vade, et vide si cuncta próspéra sint erga fratres tuos, et pécora: et renúntia mihi, quid agátur. Missus de valle Hebron, venit in Schem: invenítque eum vir errántem in agro, et interrogávit quid quæreret. At ille respóndit: Fratres meos quæro: índica mihi ubi pascant greges. Dixítque ei vir: Recessérunt de loco isto: aúdivi autem eos dicétes: Eámus in Dóthain. Perréxit ergo Joseph post fratres suos, et invénit eos in Dóthain. Qui cùm vidíssent eum procul, ántequam accéderet ad eos, cogitavérunt illum occidere: et mútuò loquebántur: Ecce somniátor venit: veníte, occidámus eum, et mittámus in cistérnam véterem: dicémusque, Fera péssima devorávit eum: et tunc apparébit quid illi prosint sómnia sua. Audiens autem hoc Ruben, nitebátur liberáre eum de mánibus eórum, et dicébat: Non interficiátis ánimam ejus, nec effundátis sánguinem: sed projícite eum in cistérnam hanc, quæ est in solitúdine, manúsque vestras serváte innóxias. Hoc autem dicébat, volens erípere eum de mánibus eórum, et réddere patri suo.

Graduale. Psal. 119. Ad Dóminum cùm tribulárer clama-

vi, et exáudivit me. *V.* Dómine líbera ánimam meam à lábiis iníquis, et à lingua dolósa.

Tractus. Psal. 102. Dómine, non secúndum peccáta nostra, quæ fécimus nos: neque secúndum iniquitátes nostras retríbuas nobis.

V. Psal. 78. Dómine ne memíneris iniquitátum nostrárum antiquárum, citò anticipent nos misericórdiæ tuæ, quia páuperes facti sumus nimis. *V. Hic genuflectitur.* Adjuva nos Deus salutáris noster: et propter glóriam nóminis tui Dómine, líbera nos: et propítius esto peccátis nostris, propter nomen tuum.

Sequéntia sancti Evangélii secúndum Matthæum.

Matth. 21. d.

IN illo témpore: Dixit Jesus turbis Judæórum, et princípibus sacerdotum parábolam hanc: Homo erat pater famílias, qui plantávit véneam, et sepem circúmdedit ei, et fodit in ea tórcular, et ædificávit turrim, et locávit eam agricolis, et péregrè proféctus est. Cùm autem tempus frúctuum appropinquáset, misit servos suos ad agrícolas, ut accíperent fructus ejus. Et agricolæ, apprehénsis servis ejus, álium cecidérunt, álium occidérunt, álium verò lapidavérunt. Iterum misit álios servos plures prióribus, et fecérunt illis simíliter. Novíssimè autem misit ad eos filium suum, dicens: Verebúntur filium meum. Agricolæ autem vidéntes filium, dixerunt intra se: Hic est hæres, veníte, occidámus eum, et habébitus hæreditátem ejus. Et apprehénsus eum ejecérunt extra

vineam, et occiderunt. Cùm ergo venerit dñs vineæ, quid faciet agricolis illis? Ajunt illi: Malos malè perdet: et vineam suam locabit aliis agricolis, qui reddant ei fructum temporibus suis. Dicit illis Jesus: Numquam legistis in Scripturis: Lapidem, quem reprobaverunt edificantes, hic factus est in caput anguli? A Dño factum est istud, et est mirabile in oculis nostris: ideo dico vobis, quia auferetur et vobis regnum Dei, et dabitur Genti facienti fructus ejus. Et qui cecideret super lapidem istum, confringetur: super quem verò ceciderit, conteret eum. Et cùm audissent principes sacerdotum et Pharisei parabolas ejus, cognoverunt quòd de ipsis diceret. Et quærentes eum tenere, timuerunt turbas, quoniam sicut Prophetam eum habebant.

Offertorium. Ps. 39. Dñe in auxilium meum respice: confundantur et reverentur qui quærent animam meam, ut auferant eam: Dñe in auxilium meum respice.

Secreta.

HÆC in nobis sacrificia Deus, et actione permanent, et operatione firmantur. Per Dñm.

Alia Secreta ut in Feria iv. Cinerum. fol. 57.

Communio. Ps. 11. Tu Dñe servabis nos, et custodies nos à generatione hac in æternum.

Postcommunio.

FAC nos, quæsumus Dñe, accepto pignore salutis æternæ, sic tendere congruenter: ut ad eam pervenire possimus. Per Dñm.

Alia Postcommuniones ut in Feria iv. Cinerum. fol. 57.

Super populum. Orémus. Humiliate capita vestra Deo.

Oratio.

DA, quæsumus Dñe, populo tuo salutem mentis et corporis: ut bonis operibus inhaerendo tuæ semper virtutis mereatur protectione defendi. Per Dñm.

SABBATO.

Statio ad SS. Marcellinum et Petrum.

Introitus. Psal. 18.

LEX Dñi irreprehensibilis, convertens animas: testimonium Dñi fidèle, sapientiam præstans parvulis.

Psal. ibid. Cœli enarrant gloriam Dei: et opera manuum ejus annuntiat firmamentum.

V. Glória Patri.

Oratio.

DA, quæsumus Dñe, nostris effectum jejuniis salutarem: ut castigatio carnis assumpta, ad nostrarum vegetationem transeat animarum. Per Dñm.

Alia Orationes ut in Feria iv. Cinerum. 56.

Lectio libri Exodi.

Gen. 27.

IN diebus illis: Dixit Rebecca filio suo Jacob: Audivi patrem tuum loquentem cum Esau fratre tuo, et dicentem ei: Affer mihi de venatione tua, et fac cibos, ut comedam, et benedicam tibi coram Dño antequam moriar. Nunc ergo fili mi, acquiesce consilii meis: et pergens ad gregem, affer mihi duos hædos optimos,

ut faciam ex eis escas patri tuo quibus libenter vescitur: quas cum intuleris, et comederit, benedicat tibi priusquam moriatur. Cui ille respondit: Nosti quod Esau frater meus homo pilosus sit, et ego lenis: si attraxerit me pater meus, et senserit, timeo ne putet me sibi voluisse illudere, et inducam super me maledictionem pro benedictione. Ad quem mater: In me sit, ait, ista maledictio, fili mi; tantum audi vocem meam, et pergens, affer quae dixi. Abiit, et attulit, deditque matri. Paravit illa cibos, sicut velle noverat patrem illius. Et vestibus Esau valde bonis, quas apud se habebat domi, induit eum: pelliculasque hœdorum circumdedit manibus, et colli nuda protexit. Deditque pulmentum, et panes, quos coxerat, tradidit. Quibus illatis, dixit: Pater mi? At ille respondit: Audio, quis es tu fili mi? Dixitque Jacob: Ego sum primogenitus tuus Esau: feci sicut præcepisti mihi: surge, sede, et comede de venatione mea, ut benedicat mihi anima tua. Rursusque Isaac ad filium suum: Quomodo, inquit, tam citò invenire potuisti fili mi? Qui respondit: Voluntas Dei fuit, ut citò occurreret mihi quod volebam. Dixitque Isaac: Accede huc, ut tangam te fili mi, et probem utrum tu sis filius meus Esau, an non. Accessit ille ad patrem, et palpato eo, dixit Isaac: Vox quidem, vox Jacob est: sed manus, manus sunt Esau. Et non cognovit eum, quia pilosæ manus similitudinem majoris expresserant. Benedicens ergo illi, ait: Tu

es filius meus Esau? Respondit: Ego sum. At ille: Affer mihi, inquit, cibos de venatione tua, fili mi, ut benedicat tibi anima mea. Quos cum oblatos comedisset, obtulit ei etiam vinum. Quo hausto, dixit ad eum: Accede ad me, et da mihi osculum, fili mi. Accessit, et osculatus est eum. Statimque ut sensit vestimentorum illius fragrantiam, benedicens illi, ait: Ecce odor filii mei, sicut odor agri pleni, cui benedixit Dominus. Det tibi Deus de rore cœli, et de pinguedine terræ abundantiam frumenti et vini. Et serviant tibi populi, et adorent te tribus: esto dominus fratrum tuorum, et incurventur ante te filii matris tuæ. Qui maledixerit tibi, sit ille maledictus: et qui benedixerit tibi, benedictionibus repleatur. Vix Isaac sermonem implèverat: et egresso Jacob foras, venit Esau, coctosque de venatione cibos intulit patri, dicens: Surge, pater mi, et comede de venatione filii tui, ut benedicat mihi anima tua. Dixitque illi Isaac: Quis enim es tu? Qui respondit: Ego sum filius tuus promogenitus Esau. Expavit Isaac stupore vehementi, et ultra quàm credi potest, admirans, ait: Quis igitur ille est, qui dudum captam venationem attulit mihi: et comedi ex omnibus priusquam tu venires? benedixitque ei, et erit benedictus. Auditis Esau sermonibus patris, irrugiit clamore magno, et consternatus, ait: Benedic etiam et mihi, pater mi. Qui ait: Venit germanus tuus fraudulenter, et ac-

cépít benedictionem tuam. At ille subjúnxit : Justè vocátum est nomen ejus Jacob : supplantávit enim me en áltera vice : primogénita mea antè tulit, et nunc secúndò surripuit benedictionem meam. Rursúmque ad patrem : Numquid non reservásti, ait, et mihi benedictionem ? Respóndit Isaac : dómínus tuum illum constitui, et omnes fratres ejus servitúti illíus subjugávi : fruménto, et vino stabilivi eum, et tibi post hæc, fili mi, ultrà quid fáciam ? Cui Esau : Num unam, inquit, tantum benedictionem habes, pater ? Mihi quoque, óbsecro, ut benedícas. Cúmque eJulátu magno fleret, motus Isaac, dixit ad eum : In pinguédine terræ, et in rore coeli désuper erit benedictio tua.

Graduale. Psal. 91. Bonum est confitèri Dómino, et psállere nómini tuo, Altíssime.

¶ Ad annuntiándum manè misericórdiam tuam, et veritatem tuam per noctem.

Sequéntia sancti Evangéllii secúndum Lucam.

Luc. 15. c.

IN illo témpore : Dixit Jesus Pharisæis et Scribis parabolam istam : Homo quidam hábuit duos, filios, et dixit adolescéntior ex illis patri : Pater, da mihi portiõnem substantiæ, quæ me contingit. Dt divisit illis substantiam. Et non post multos dies congregáti omnibus, adolescéntior filius péregrè proféctus est in regiónem longínquam, et ibi dissipávit substantiam suam, vivéndoluxuriósè. Et postquam ómnia consummáset, facta est fames

válida in regiónè illa, et ipse cœpit egére. Et ábiit, et adhæsít unicívium regiónis illíus. Et misit illum in villam suam, ut pásceret porcos. Et cupiébat implére ventrem suum de síliquis, quas porci manducábant : et nemo illi dabat. In se autem revérsus, dixit : Quanti mercenárii in domo patris mei abúndant panibus, ego autem híc fame péreo. Surgam, et ibo ad patrem meum, et dicam ei : Pater, peccávi in cœlum, et coram te, jam non sum dignus vocári filius tuus : fac me sicut unum de mercenáriis tuis. Et surgens, venit ad patrem suum. Cúm autem adhuc longè esset, vidit illum pater ipsíus, et misericórdia motus est, et accurrens oscúdit super collum ejus, et oscúlátus est eum. Dixítque ei filius : Pater, peccávi in cœlum, et coram te ; jam non sum dignus vocári filius tuus. Dixit autem pater ad servos suos : Citò proférte stolam primam, et indúite illum, et date ánnulum in manum ejus, et calceaménta in pedes ejus : et addúcite vítulum saginátum, et occídite, et manducémus, et epulémur : quia hic filius meus mórtuus erat, et revíxit : perierat, et invéntus est. Et cœpérunt epulári. Erat autem fílius ejus sénior in agro, et cùm veníret, et appropinquáret dómui, audívit symphoniam, et chorum : et vocávit unum de servis, et interrogávit, quid hæc essent. Isque dixit illi : Frater tuus venit, et occídit pater tuus vítulum saginátum, quia salvum illum recépít. Indignátus est autem, et nolébat introire. Pater ergo illius egréssus, cœpit

rogare illum. At ille respondens, dixit patri suo: Ecce tot annis servo tibi, et nunquam mandatum tuum præterivi, et nunquam dedisti mihi hædum, ut cum amicis meis epularer, sed postquam filius tuus hic, qui devoravit substantiam suam cum meretricibus, venit, occidisti illi vitulum saginatum. At ipse dixit illi: Fili, tu semper mecum es: et omnia mea tua sunt; epulari autem, et gaudere oportebat, quia frater tuus hic mortuus erat, et revixit: perierat, et inventus est.

Offertorium. Ps. 12. Illumina oculos meos, ne umquam obdormiam in morte: nequando dicat inimicus meus, Prævalui adversus eum.

Secreta.

HIS sacrificiis, Domine, concede placatus: ut, qui propriis oramus absolvi delictis, non gravemur externis. Per Dominum.

Alie Secretæ ut in Feria iv. Cinerum. fol. 57.

Communio. Luc. 15. Oportet te, fili, gaudere, quia frater tuus mortuus fuerat, et revixit: perierat, et inventus est.

Postcommunio.

SACRAMENTI tui, Domine, divina libatio, penetrabilia nostri cordis infundat: et sui nos participes potenter efficiat. Per Dominum.

Alie Postcomm. ut in Fer. iv. Cinerum. fol. 57.

Super populum. Oremus. Humiliate capita vestra Deo.

Oratio.

FAMILIAM tuam, quesumus Domine, continua pietate custodi: ut quæ in sola spe gratiæ cœlestis innititur, cœlesti etiam protectione muniat. Per Dominum.

DOMINICA III. IN QUADRAGESIMA.

Statio ad S. Laurentium extra muros.

Introitus. Psal. 24.

OCULI mei semper ad Dominum, quia ipse evellet de læqueo pedes meos: respice in me, et miserere mei, quoniam unicus, et pauper sum ego.

Psal. ibid. Ad te Domine levavi animam meam: Deus meus in te confido, non erubescam.

V. Glória Patri.

Oratio.

QUESUMUS omnipotens Deus, vota humilium respice: atque ad defensionem nostram, dexteram tuæ majestatis extende. Per Dominum.

Alie Orationes ut in Feria iv. Cinerum. fol. 56.

Lectio Epistolæ beati Pauli Apostoli ad Ephésios.

Ephes. 5.

FRATRES, Estote imitatores Dei, sicut filii charissimi: et ambuláte in dilectione, sicut et Christus dilexit nos, et tradidit semetipsum pro nobis oblationem, et hostiam Deo in odorem suavitatis. Fornicatio autem, et omnis immunditia, aut avaritia nec nominetur in vobis, sicut decet sanctos: aut turpitudò, aut stultiloquium, aut scurrilitas, quæ ad rem non pertinet: sed magis gratiarum actio. Hoc enim scitote intelligentes: quòd omnis fornicator, aut immundus, aut avarus, quod est idolòrum servitus, non habet hæreditatem in regno Christi et Dei. Nemo

vós seducat inánibus verbis: propter hæc enim venit ira Dei in filios diffidéntiæ. Nolite ergo éffici participes eórum. Erátis enim aliquándo ténebræ: nunc autem lux in Dómino. Ut filii lucis ambuláte: fructus enim lucis est in omni bonitáte, et justítia, et veritáte.

Graduale. Psal. 9. Exúrge Dómine, non prævaleat homo: judicéntur Gentes in conspéctu tuo. *V.* In converténdo inimicum meum retrórsus, infirmabúntur, et períbunt à fácie tua.

Tractus. Psal. 122. Ad te levávi óculos meos, qui hábitas in cœlis. *V.* Ecce sicut óculi servórum in mánibus dominórum suórum. *V.* Et sicut óculi ancillæ in mánibus dómínæ suæ: ita óculi nostri ad Dóminum Deum nostrum, donec misereátur nostri.

V. Miserére nobis Dómine, miserére nobis.

Sequéntia sancti Evangéllii secúndum Lucam:

Luc. 11. b.

IN illo témpore: Erat Jesus ejiciens dæmónium, et illud erat mutum. Et cùm eiecisset dæmónium, locútus est mutus, et admirátæ sunt turbæ. Quidam autem ex eis dixerunt: in Beélzebub príncipe dæmoniór-um ejicit dæmónia. Et álíi tentántes, signum de cœlo quærébant ab eo. Ipse autem ut vidit cogitátiones eórum, dixit eis: Omne regnum in seípsum divísus, desolábitur, et domus supra domum cadet. Si autem et sátanas in seípsum divísus est, quómodo stabit

regnum ejus? quia dicitis, in Beélzebub me ejicere dæmónia. Si autem ego in Beéizebub ejicio dæmónia: filii vestri in quo ejiciunt? Ideò ipsi júdices vestri erunt. Porrò si in dígito Dei ejicio dæmónia: profectò pervénit in vos regnum Dei. Cùm fortis armátus custódit átrium suum, in pace sunt ea, quæ póssidet. Si autem fórtior eo supervniens vícerit eum, univérsa arma ejus áuferet, in quibus confidébat, et spólia ejus distribuet. Qui non est mecum, contra me est: et qui non cól- ligit mecum, dispérgit. Cùm immúndus spíritus exierit de hómine, ámbulat per loca inaquósa, quærens requiem, et non invéniens, dicit: Révértar in domum meam unde exívi. Et cùm vénerit, invenit eam scopis mundátam et ornátam. Tunc vadit, et assúmit septem álíos spíritus secum, nequióres se, et ingressi hábitant ibi. Et fiunt novíssima hómínis illíus pejóra prióribus. Factum est autem, cùm hæc diceret: extóllens vocem quædam múlíer de turba dixit illi: Beátus venter, qui te portávit, et úbera, quæ suxísti. At ille dixit: Quinimò beáti, qui áudiunt verbum Dei, et custódiunt illud. Credo.

Offertorium. Ps. 18. Justítie Dómini rectæ, lætificántes corda, et júdicia ejus dulcióra super mel et favum: nam et servus tuus custódit ea.

Secreta.

HÆC hóstia, Dómine quæsumus, emúndet nostra delicta: et ad sacrificium celebrándum subditórum tibi cór-

pora mentésque sanctíficet.
Per Dóminum.

*Alic Secretæ ut in Feria iv.
Cinerum. fol. 57.*

Communio. Psal. 83. Passer
invenit sibi domum, et turtur
nidum, ubi repónat pullos suos:
altária tua Dómine virtútum,
Rex meus, et Deus meus: be-
átí qui hábitant in domo tua,
in sæculum sæculi laudábunt te.

Postcommunio.

A CUNCTIS nos, quæsu-
mus Dómine, reátibus et
periculis propitiátus absolve:
quos tanti mystérii tribuis esse
partícipes. Per Dóminum.

*Alic Postcomm. ut in Feria iv.
Cinerum. fol. 57.*

FERIA SECUNDA.

Statio ad sanctum Marcum.

Introitus. Psal. 55.

IN Deo laudábo verbum, in
Dómino laudábo sermó-
nem, in Deo sperábo, non ti-
mébo quid faciát mihi homo.

Psal. ibid. Miserére mei
Deus, quóniam conculcávit me
homo: tota die bellans tribu-
lávit me. *V. Glória.*

Oratio.

CORDIBUS nostris, quæ-
sumus Dómine, grátiam
tuam benígnus infúnde: ut
sicut ab escis carnálibus absti-
némus; ita sensus quoque nos-
tros à nóxiis retrahámus ex-
cèssibus. Per Dóminum.

*Alic Orationes ut in Feria iv.
Cinerum. fol. 56.*

Lectio libri Regum.

4 Reg. 5.

IN diébus illis: Náaman
princeps militiæ regis Sy-

riæ, erat vir magnus apud dó-
minum suum, et honorátus:
per illum enim dedit Dóminus
salútem Syriæ: erat autem vir
fortis, et dives, sed leprósus.
Porrò de Syria egréssi fúerant
latrúnculi, et captivam duxé-
runt de terra Israël puéllam
párvulam, quæ erat in obsé-
quio uxóris Náaman, quæ ait
ad dóminam suam: Utinam
fúisset dóminus meus ad Pro-
phétam, qui est in Samaria:
proféctò curásset eum à lepra,
quam habet. Ingréssus est ita-
que Náaman ad dóminum su-
um, et nuntiávit ei, dicens:
Sic et sic locúta est puélla de
terra Israël. Dixitque ei rex
Syriæ: Vade, et mittam lí-
teras ad regem Israël. Qui
cùm proféctus esset, et tulís-
set secum decem talénta ar-
génti, et sex millia áureos, et
decem mutatória vestimentó-
rum, détulit líteras ad regem
Israël, in hæc verba: Cùm
accéperis epístolam hanc, scito
quòd miserim ad te Náaman
servum meum, ut cures eum à
lepra sua. Cùmque legísset rex
Israël líteras, scidit vestimén-
ta sua, et ait: Numquid Deus
ego sum, ut occídere possim, et
vivificáre, quia iste misit ad
me, ut curesm hómínem à le-
pra sua? animadvértite, et vi-
dète quòd occasiónes quærat
advérsus me. Quod cùm au-
dísset Eliséus vir Dei, scidisse
vidélicit regem Israël vesti-
ménta sua, misit ad eum, di-
cens: Quare scidísti vestimén-
ta tua? véniat ad me, et sciat
esse Prophétam in Israël. Ven-
nit ergo Náaman cum equis,
et curríbus, et stetit ad óstium
domus Eliséi: misitque ad
eum Eliséus nuntiúm, dicens:

Vade, et lavare sépties in Jordáne, et recipiet sanitátem caro tua, atque mundáberis. Irátus Náaman recedébat, dicens: Putábam quòd egredérétur ad me, et stans invocáret nomen Dómini Dei sui, et tangeret manu sua locum lepræ, et curáret me. Numquid non meliôres sunt Abana et Pharphar flúvii Damásci ómnibus aquis Israël, ut laver in eis, et munder? Cùm ergo vertisset se, et abíret indignans, accessérunt ad eum servi sui, et locúti sunt ei: Pater, et si rem grandem dixisset tibi Prophéta, certè fácere debúefas: quantò magis quia nunc dixit tibi: Lavare, et mundáberis? Descéndit, et lavit in Jordáne sépties juxta sermónem viri Dei, et restitúta est caro ejus, sicut caro púeri párvuli, et mundátus est. Reversúsque ad virum Dei cum univérso comitátu suo, venit, et stetit coram eo, et ait: Verè scio, quòd non sit álius Deus in univérsa terra, nisi tantùm in Israël.

Graduale. Psal. 55. Deus, vitam meam annuntiávi tibi: posuísti lácrymas meas in conspéctu tuo. *V.* Miserére mei Dómine, quóniam conculcávit me homo: tota die bellans tribulávit me.

Tractus. Ps. 102. Dómine, non secúndum peccáta nostra, quæ fécimur nos: neque secúndum iniquitates nostras retribuas nobis.

V. *Ps. 78.* Dómine, ne mémineris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis.

V. *Hic genuflectitur.* Adjuva

nos Deus salutáris noster: et propter glóriam nóminis tui Dómine, libera nos: et propítius esto peccáti nostris, propter nomen tuum.

Sequéntia sancti Evangélii secúndum Lucam.

Luc. 4. c.

IN illo témpore: Dixit Jesus Pharisæis: Utique dicétis mihi hanc similitúdinem: Médice cura teípsum: quanta audívimus facta in Caphárnaum, fac et híc in pátria tua. Ait autem: Amen dico vobis, quia nemo Prophéta accéptus est in pátria sua. In veritate dico vobis, multæ víduæ erant in diébus Eliæ in Israël, quando clausum est cœlum annis tribus, et ménsibus sex, cùm facta esset fames magna in omni terra: et ad nullam illárum missus est Eliás, nisi in Sarépta Sidóniæ, ad mulierem víduam. Et multi leprósi erant in Israël sub Eliséo Prophéta: et nemo eórum mundátus est nisi Náaman Syrus. Et repléti sunt omnes in synagóga ira, hæc audiéntes. Et surrexérunt, et ejecérunt illum extra civitátem, et duxérunt illum usque ad supercilium montis, super quem civitas illórum erat ædificáta, ut præcipitarent eum. Ipse autem tránsiens per médium illórum, ibat.

Offertorium. Psal. 54. Exáudi Deus oratióem meam, et ne despéxeris deprecationem meam: inténde in me, et exáudi me.

Secreta.

MUNUS, quod tibi Dómine nostræ servitútis offerimus, tu salutáre nobis per-

fice sacramentum. Per Dóminum nostrum.

Alie Secretæ ut in Feria iv. Cinerum. fol. 57.

Communio. Psal. 13. Quis dabit ex Sion salutáre Israëli? cùm avérterit Dóminus captivitátem plebis suæ, exultábit Jacob, et lætábitur Israëli.

Postcommunio.

PRÆSTA quæsumus omnipotens et miséricors Deus: ut quod ore contíngimus, pure mente capiámus. Per Dóminum nostrum.

Alie Postcommuniones ut in Feria iv. Cinerum. fol. 57.

Super populum. Orémus. Humiliate cápita vestra Deo.

Oratio.

SUBVENIAT nobis, Dómine, misericórdia tua: ut ab imminéntibus peccatórum nostrórum periculis, te mereámur protegénte éripi, te liberánte, salvári. Per Dóminum.

FERIA TERTIA.

Statio ad S. Pudentianam.

Introitus. Psal. 16.

EGO clamávi, quóniam exaudísti me Deus: inclína aurem tuam, et exáudi verba mea: custódi me Dómine, ut pupillam óculi: sub umbra alárum tuárum prótege me.

Psal. ibid. Exáudi Dómine justítiam meam: inténde deprecátionem meam.

℟. Glória Patri.

Oratio.

EXAUDI nos omnipotens et miséricors Deus: et

continéntiæ salutáris propítius nobis dona concéde. Per Dóminum.

Alie Orationes ut in Feria iv. Cinerum. fol. 56.

Léctio libri Regum.

4 Reg. 4.

IN diébus illis: Múlier quædam clamábat ad Eliséum Prophétam, dicens: Servus tuus vir meus mórtuus est, et tu nosti quia servus tuus fuit timens Dóminum: et ecce créditor venit ut tollat duos filios meos ad serviéndum sibi. Cui dixit Eliséus: Quid vis ut fáciam tibi? Dic mihi, quid habes in domo tua? At illa respóndit: Non hábeo ancilla tua quidquam in domo mea, nisi parum ólei, quo ungar. Cui ait: Vade, pete mútuò ab ómnibus vicinís tuis vasa vácuá non pauca. Et ingrédere, et claude óstium tuum, cùm intrísecus fúeris tu, et filii tui: et mitte inde in ómnia vasa hæc: et cùm plena fúerint, tolles. Ivit itaque múlier, et clausit óstium super se et super filios suos: illi offerébant vasa, et illa infundebat. Cùmque plena fuissent vasa, dixit ad filium suum: Affer mini adhuc vas. Et ille respóndit: Non hábeo. Stetítque óleum. Venit autem illa, et indicávit hómini Dei. Et ille, Vade, inquit, vende óleum, et redde creditóri tuo: tu autem, et filii tui vívite de réliquo.

Graduale. Psal. 18. Ab ocúltis meis munda me Dómine: et ab aliénis parce servo tuo. ℟. Si mei non fúerint domináti, tunc immaculátus ero: et emundábor à delictó máximo.

Sequéntia sancti Evangélij se-
cúndum Matthæum.

Matth. 18. d.

IN illo témpore: Dixit Je-
sus discipulis suis: Si pec-
cáverit in te frater tuus, vade,
et córripe eum inter te et ip-
sum solum. Si te audierit,
lucrátus eris fratrem tuum.
Si autem te non audierit,
ádhibe tecum adhuc unum,
vel duos, ut in óre duórum,
vel trium téstium stet omne
verbum. Quòd si non audierit
eos, dic Ecclésiæ. Si autem
Ecclésiám non audierit,
sit tibi sicut éthnicus et publi-
cánus. Amen dico vobis, quæ-
cúmque alligavéritis super ter-
ram, erunt ligáta et in cælo:
et quæcúmque solvéritis super
terram, erunt solúta et in cælo.
Iterúm dico vobis, quia si duo
ex vobis consenserint super
terram, de omni re quamcúm-
que petierint, fiet illis à Patre
meo, qui in cælis est. Ubi
enim sunt duo vel tres con-
gregáti in nómine meo, ibi sum
in médio eórum. Tunc accé-
dens Petrus ad eum, dixit:
Dómine quóties peccábit in
me frater meus, et dimittam
ei? usque sépties? Dicit illi
Jesus: Non dico tibi usque
sépties; sed usque septuágies
sépties.

Offertorium. Psal. 117. Dex-
tera Dómini fecit virtútem,
dextera Dómini exaltávit me:
non móriar, sed vivam, et nar-
rábo ópera Dómini.

Secreta.

PER hæc véniat, quæsumus
Dómine, sacraménta, nos-
træ redemptionis efféctus:
qui nos et ab humánis rétra-
hat semper excéssibus, et ad

salutária dona perdúcat. Per
Dóminum.

*Aliæ Secretæ ut in Feria iv.
Cinerum. fol. 57.*

Communio. Ps. 14. Dómine
quis habitábit in tabernáculo
tuo? aut quis requiescet in
monte sancto tuo? Qui ingrédit-
ur sine mácula, et operátur
justítiam.

Postcommunio.

SACRIS, Dómine, mystériis
expiáti: et véniam, quæ-
sumus, cónsequámur, et grá-
tiam. Per Dóminum.

*Aliæ Postcomm. ut in Feria iv.
Cinerum. fol. 57.*

Super populum. Orémus.
Humiliáte cápita vestra Deo.

Oratio.

TUA nos, Dómine, protec-
tione defénde, et ab omni
semper iniquitate custódi. Per
Dóminum.

FERIA QUARTA.

Statio ad sanctum Xystum.

Introitus. Psal. 30.

EGO autem in Dómino
sperábo: exultábo et
lætábor in tua misericórdia:
quia respexisti humilitátem
meam. *Psal. ibid.* In te Dó-
mine sperávi, non confúndar
in ætérnum: in justítia tua lí-
bera me, et éripe me. ✠. Gló-
ria Patri.

Oratio.

PRÆSTA nobis, quæsumus
Dómine: ut salutáribus
jejúniis erudítí, à nóxiis quo-
que vítiis abstinéntes, propiti-
atiónem tuam facilius impetré-
mus. Per Dóminum.

*Aliæ Orationes ut in Feria iv.
Cinerum. fol. 56.*

Lectio libri Génesis.

Exod. 20. b.

HÆC dicit Dóminus Deus: Honóra patrem tuum et matrem tuam, ut sis longævus super terram, quam Dóminus Deus tuus dabit tibi. Non occides. Non mœchaberis. Non furtum fácies. Non loqueris contra próximum tuum falsum testimónium. Non concupisces domum próximi tui. Nec desiderábis uxórem ejus, non servum, non ancíllam, non bovem, non ásinum, nec ómnia, quæ illius sunt. Cunctus autem pópulus vidébat voces, et lámpades, et sónitum búccinæ, montémque fumántem: et pertérriti, ac pavóre concússi, steterunt procul, dicéntes Móysi: Lóquere tu nobis, et audiémus: non loquátur nobis Dóminus, ne fortè moriámur. Et ait Móyses ad pópulum: Nolíte timére: ut enim probáret vos, venit Deus, et ut terror illius esset in vobis, et non peccarétis. Stetítque pópulus de longè. Móyses autem accéssit ad caliginem, in qua erat Deus. Dixit prætereà Dóminus ad Móysen: Hæc dices filiis Israël: Vos vidístis, quòd de cælo locútus sim vobis. Non faciétis deos argénteos, nec deos áureos faciétis vobis. Altáre de terra faciétis mihi, et offerétis super eo holocáusta et pacífica vestra, oves vestras, et boves in omni loco, in quo memória fúerit nóminis mei.

Graduale. Psal. 6. Miserére mei Dómine, quóniam infirmus sum: sana me Dómine.

V. Conturbáta sunt ómnia ossa mea: et ánima mea turbáta est valdè.

Tractus. Psal. 102. Dómine non secúndum peccáta nostra, quæ fécimus nos: neque secúndum iniquitátes nostras retribuas nobis. *V. Psal. 78.* Dómine, ne memineris iniquitátem nostrárum antiquárum: citò anticipent nos misericórdiæ tuæ, quia páuperes facti sumus nimis.

V. Hic genuflectitur. Adjuva nos Deus salutáris noster: et propter glóriam nóminis tui Dómine, libera nos: et propítius esto peccátis nostris, propter nomen tuum.

Sequéntia sancti Evangélii secúndum Matthæum.

Matth. 15.

IN illo témpore: Accessérunt ad Jesum ab Jerosólymis Scribæ et Pharisæi, dicéntes: Quare discipuli tui transgrediúntur tradiónem seniórum? non enim lavant manus suas cùm panem mandúcant. Ipse autem respóndens, ait illis: Quare et vos transgredímini mandatum Dei propter tradiónem vestram? Nam Deus dixit: Honóra patrem et matrem. Et: qui maledíxerit patri vel matri, morte moriátur. Vos autem dicitis: Quicúmque díxerit patri vel matri: Munus quocúmque est ex me, tibi próderit: et non honorificábit patrem suum, aut matrem suam: et írritum fecístis mandátum Dei propter tradiónem vestram. Hypócritæ, benè prophetávit de vobis Isaías, dicens: Pópulus hic lábiis me honórat: cor autem eórum longè est à me. Sine causa autem colunt me, docéntes doctrínas et mandátá hóminum. Et convocátis ad se

turbis, dixit eis: Audíte, et intelligite: Non quod intrat in os, coínquinat hóminem: sed quod procedit ex ore, hoc coínquinat hóminem. Tunc accedentes discipuli ejus, dixerunt ei: Scis quia Pharisæi, audito verbo hoc, scandalizati sunt? At ille respóndens, ait: Omnis plantatio, quam non plantávit Pater meus cœlestis, eradicábitur. Sinite illos: cæci sunt, et duces cæcorum. Cæcus autem si cæco ducátum præstet, ambo in fóveam cadunt. Respóndens autem Petrus, dixit ei: Edissere nobis parábolam istam. At ille dixit: Adhuc et vos sine intellectu estis? Non intelligítis, qui omne, quod in os intrat, in ventrem vadit, et in secéssum emíttitur? Quæ autem procedunt de ore, de corde éxeunt, et ea coínquinant hóminem: de corde enim éxeunt cogitationes malæ, homicidia, adultéria, fornicationes, furta, falsa testimónia, blasphemíæ. Hæc sunt, quæ coínquinant hóminem. Non lotis autem mánibus manducáre, non coínquinat hóminem.

Offertorium. Psal. 108 Dómine fac mecum misericórdiam tuam propter nomen tuum: quia suávis est misericórdia tua.

Secreta.

SUSCIPE, quæsumus Dómine, preces pópuli tui cum oblationibus hostiarum: et tua mystéria celebrantes, ab ómnibus nos defénde periculis. Per Dóminum.

Aliæ Secretæ ut in Feria iv. Cinerum, fol. 57.

Communio. Psal. 15. Notas mihi fecisti vias vitæ: adimplébis me lætítia cum vultu tuo, Dómine.

Postcommunio.

SANCTIFICET nos, Dómine, qua pasti sumus, mensa cœlestis: et à cunctis erróribus expiátos, supernis promissionibus reddat accéptos. Per Dóminum.

Aliæ Postcommuniones ut in Feria iv. Cinerum, fol. 57.

Super populum. Orémus
Humiliáte cápita vestra Deo.

Oratio.

CONCEDE quæsumus omnipotens Deus: ut qui protectionis tuæ grátiam quærimus, liberáti à malis ómnibus, secúra tibi mente serviámus. Per Dóminum.

FERIA QUINTA.

Statio ad SS. Cosman et Damianum.

Introitus.

SALUS pópuli ego sum, dicit Dóminus: de quacúmque tribulatione clamáverint ad me, exáudiam eos: et ero illórum Dóminus in perpétuum.

Psal. 77. Atténdite pópule meus legem meam: inclináte aurem vestram in verba oris mei.
V. Glória Patri.

Oratio.

MAGNIFICET te Dómine, sanctorum tuorum Cosmæ et Damiáni beata solémnitas: qua et illis glóriam sempitérnam, et opem nobis infábili providéntia contulisti. Per Dóminum.

Aliæ Orationes ut in Feria iv. Cinerum, fol. 56.

Léctio Jeremíæ Prophætæ.

Jer. 7.

IN diébus illis: Factum est verbum Dómini ad me,

dicens : Sta in porta domus Dómini, et prædica ibi verbum istud, et dic : Audíte verbum Dómini, omnis Juda, qui ingredimini per portas has, ut adorétis Dominum. Hæc dicit Dóminus exercituum Deus Israël : Bonas fácite vias vestras, et stúdia vestra : et habitábo vobiscum in loco isto. Nolíte confidere in verbis mendáccii, dicéntes : Templum Dómini, templum Dómini, templum Dómini est. Quóniam si benè direxéritis vias vestras, et stúdia vestra : si fecéritis iudícium inter virum et próximum ejus : ádvenæ, et pupillo, et viduæ non fecéritis calúnniam, nec sánguinem innocéntem effuderitis in loco hoc, et post deos aliénos non ambulavéritis in malum vobismetípsis, habitábo vobiscum in loco isto ; in terra, quam dedi pátribus vestris à sæculo, et usque in sæculum : ait Dóminus omnipotens.

Graduale. Psal. 144. Oculi ómnium in te sperant, Dómine : et tu das illis escam in témpore opportúno. *V.* Aperis tu manum tuam, et imples omne ánimál benedictióne.

Sequéntia sancti Evangélii secúndum Lucam.

Luc. 4. f.

IN illo témpore : Surgens Jesus de Synagóga, introívit in domum Simónis. Socrus autem Simónis tenebátur magnis fébribus, et rogavérunt illum pro ea. Et stans super illam, imperávit feбри, et dimísit illam. Et continuò surgens, ministrábat illis. Cùm autem sol occidisset, omnes qui habébant infirmos váriis languóri-

bus, ducébant illos ad eum. At ille síngulis manus impónens, curábat eos. Exíbant autem dæmónia à multis, clamántia, et dicéntia : Quia tu es Fílius Dei : et increpans, non sinébat ea loqui, quia sciébant ipsum esse Christum. Facta autem die, egréssus ibat in désertum locum, et turbæ requirébant eum, et venérunt usque ad ipsum, et detinébant illum, ne discéderet ab eis. Quibus ille ait : Quia et áliis civitátibus opórtet me evangelizáre regnum Dei : quia idéò missus sum. Et erat prædicans in Synagógis Galilææ.

Offertorium. Ps. 137. Si ambulávero in médio tribulatiónis, vivificábis me Dómine, et super iram inimicórum meórum exténdes manum tuam, et salvum me fáciet déxtera tua.

Secreta.

IN tuórum, Dómine, pretiósá morte justórum sacrificium illud offérimus, de quo martyrium sumpsit omne príncípium. Per Dóminum.

Aliæ Secretæ ut in Feria iv. Cinerum. fol. 57.

Communio. Tu mandásti mandáta tua custodíri nimis : útinam dirigántur viæ meæ ad custodiéndas justificatiónes tuas.

Postcommunio.

SIT nobis Dómine sacraménti tui certa salvátio : quæ cum beatórum mártýrum tuórum Cosmæ et Damiáni méritis implorátur. Pér Dóminum.

Aliæ Postcommuniones ut in Feria iv. Cinerum. fol. 57.

Super populum. Orémus. Humiliáte cápita vestra Deo.

Oratio.

SUBJECTUM tibi pópulum, quæsumus Dómine,

propitiatio cœlestis amplifcet, et tuis semper fáciat servíre mandátis. Per Dominum.

FERIA SEXTA.

Statio ad S. Laurentium in Lucina.

Introitus. Psal. 85.

FAC mecum, Dómine, signum, in bonum: ut videant qui me odérunt, et confundántur, quóniam tu Dómine adjuvísti me, et consolátus es me.

Psal. ibid. Inclína Dómine aurem tuam, et exáudi me: quóniam inops, et pauper sum ego.

℣. Glória Patri.

Oratio.

JEJUNIA nostra, quæsumus Dómine, benigno favóre proséquere, ut sicut ab aliméntis abstinémus in corpore, ita à vítiis jejunémus in mente. Per Dóminum.

Aliæ Orationes ut in FERIA IV. Cinerum. fol. 56.

Lectio libri Númeri.

Num. 20.

IN diébus illis: Convenérunt filii Israël advérsus Móysen et Aaron: et versi in seditiónem, dixérunt: Date nobis aquam, ut bibámus. Ingressúsque Móyses et Aaron, dimíssa multitúdine, tabernáculum fœderis, corruérunt proni in terram, clamaverúntque ad Dóminum, atque dixérunt: Dómine Deus, audi clamórem hujus pópuli, et áperi eis thesáurum tuum, fontem aquæ vivæ, ut satiáti, cesset murmuratio eórum. Et apparúit glória

Dómini super eos. Locútusque est Dóminus ad Móysen, dicens: Tolle virgam, et cóngrega pópulum tu et Aaron frater tuus, et loquímini ad petram coram eis, et illa dabit aquas. Cúmque edúxeris aquam de petra, bibet omnis multitúdo, et juménta ejus. Tulit igitur Móyses virgam, quæ erat in conspéctu Dómini, sicut præcéperat ei, congregáta multitúdine ante petram, dixítque eis: Audíte rebélles et increduli: Num de petra hac vobis aquam poterimus ejícere? Cúmque elevásset Móyses manus, percútiens virga bis sílicem, egressæ sunt aquæ largíssimæ, ita ut pópulus biberet et juménta. Dixítque Dóminus ad Móysen et Aaron: Quia non credidístis mihi, ut sanctificáretis me coram filiis Israël, non introducétis hos pópulos in terram, quam dabo eis. Hæc est aqua contraditiónis, ubi jurgáti sunt filii Israël contra Dóminum, et sanctificátus est in eis.

Graduale. Psal. 27. In Deo sperávit cor meum, et adjútus sum, et reflóruit caro mea, et ex voluntáte mea confitébor illi. ℣. Ad te, Dómine, clamávi: Deus meus ne síleas: ne discédas à me.

Tractus. Ps. 102. Dómine, non secúndum peccáta nostra, quæ fécimus nos: neque secúndum iniquitátes nostras retribuas nobis. ℣. *Ps. 78.* Dómine, ne memneris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis. ℣. *Hic genuflectitur.* Adjuva nos Deus salutáris noster, et propter glóriam nóminis

tui Dómine, libera nos: et propitius esto peccáti nostris, propter nomen tuum.

Sequéntia sancti Evangélii secundùm Joánnem.

Joan. 4.

IN illo tẽpore: Venit Jesus in civitatem Samaríæ, quæ dicitur Sichar: juxta prædium, quod dedit Jacob Joseph filio suo. Erat autem ibi fons Jacob. Jesus ergo fatigátus ex itinere, sedébat sic supra fontem. Hora erat quasi sexta. Venit mûlier de Samaría haurire aquam. Dicit ei Jesus: Da mihi bibere. (Discípuli enim ejus abierant in civitatem, ut cibos émerent.) Dicit ergo ei mûlier illa Samaritána: Quomodo tu Judæus cum sis, bibere à me poscis, quæ sum mûlier Samaritána? non enim cõtùntur Judæi Samaritánis. Respõdit Jesus, et dixit ei: Si scires donum Dei, et quis est qui dicit tibi, Da mihi bibere: tu forsitan petisses ab eo, et dedisset tibi aquam vivam. Dicit ei mûlier: Dómine, neque in quo háurias habes, et púteus altus est: unde ergo habes aquam vivam? Numquid tu major es patre nostro Jacob, qui dedit nobis púteum, et ipse ex eo bibit, et filii ejus, et pecora ejus? Respõdit Jesus, et dixit ei: Omnis qui bibit ex aqua hac, sitiet iterum: qui autem híberit ex aqua, quam ego dabo ei, non sitiet in ætérnum: sed aqua, quam ego dabo ei, fiet in eo fons aquæ salientis in vitam ætérnam. Dicit ad eum mûlier: Dómine da mihi hanc aquam, ut non sitiam, neque véniam huc haurire. Dicit ei Jesus: Vade, voca virum tuum,

et veni huc. Respõdit mûlier, et dixit: Non hábeo virum. Dicit ei Jesus: Benè dixisti, quia non hábeo virum: quinque enim viros habuisti, et nunc, quem habes, non est tuus vir: hoc verè dixisti. Dicit ei mûlier: Dómine, vídeo, quia Prophéta es tu. Patres nostri in monte hoc adoráverunt, et vos dicitis, quia Jerosólymis est locus, ubi adorare opórtet. Dicit ei Jesus: Mûlier, crede mihi, quia venit hora, quando neque in monte hoc, neque in Jerosólymis adorábitis Patrem. Vos adorátis quod nescitis: nos adorámus quod scimus, quia salus ex Judæis est. Sed venit hora, et nunc est, quando veri adoratóres adorábunt Patrem in spíritu et veritate. Nam et Pater tales quærit, qui adórent eum. Spiritus est Deus: et eos, qui adórant eum, in spíritu et veritate opórtet adorare. Dicit ei mûlier: Scio, quia Messías venit (qui dicitur Christus.) Cum ergo vénerit ille, nobis annuntiábit ómnia. Dicit ei Jesus: Ego sum, qui loquor tecum. Ei contínuò venérunt discípuli ejus: et mirabántur, quia cum muliere loquebátur. Nemo tamen dixit: Quid quæris, aut quid loqueris cum ea? Reliquit ergo hydriam suam mûlier, et abiit in civitatem, et dicit illis homínibus: Veníte, et vidéte hominem, qui dixit mihi ómnia quæcúmque feci: numquid ipse est Christus? Exiérunt ergo de civitate, et veniebant ad eum. Interea rogábant eum discípuli, dicentes: Rabbi, mandúca. Ille autem dicit eis: Ego cibum hábeo manducare, quem vos

nescítis. Dicébant ergo discipuli ad invicem: Numquid áliquis áttulit ei manducáre? Dicit eis Jesus: Meus cibus est, ut fáciam voluntátem ejus, qui misit me, ut perficiam opus ejus. Nónne vos dicitis, quòd adhuc quátuor menses sunt, et messis venit? Ecce dico vobis: Leváte óculos vestros, et vidéte regiónes, quia albæ sunt jam ad messem. Et qui metit, mercédem áccipit, et cóngregat fructum in vitam ætérnam: ut et qui séminat, simul gáudeat et qui metit. In hoc enim est verbum verum: quia álius est qui séminat, et álius est qui metit. Ego misi vos métere, quod vos nos laborástis: álii laboravérunt, et vos in labóres eórum introistis. Ex civitáte autem illa multi credidérunt in eum Samaritanórum, propter verbum mulieris testimónium perhibéntis: Quia dixit mihi ómnia quæcúmque feci. Cùm venissent ergo ad illum Samaritáni, rogavérunt eum, ut ibi manéret. Et mansit ibi duos dies. Et multò plures credidérunt in eum propter sermónem ejus. Et mulieri dicébant: Quia jam non propter tuam loquélam crédimus: ipsi enim audívimus, et scimus, quia hic est verè Salvátor mundi.

Offertorium. Psal. 5. Inténde voci oratiónis meæ, Rex meus, et Deus meus: quóniam ad te orábo, Dómine.

Secreta.

RESPICE, quæsumus Dómine, propítius ad múnera, quæ sacrámus: ut tibi grata sint, et nobis salutária semper existant. Per Dóminum.

Aliæ Secretæ ut in Feria iv. Cinerum. fol. 57.

Communio. Joan. 4. Qui bíberit aquam, quam ego dabo ei, dicit Dóminus, fiet in eo fons aquæ salientis in vitam ætérnam.

Postcommunio.

HUJUS nos, Dómine, perceptio sacraménti mundet à crimine: et ad coeléstia regna perdúcat. Per Dóminum.

Aliæ Postcommuniones ut in Feria iv. Cinerum. fol. 57.

Super populum. Orémus. Humiliáte cápita vestra Deo.

Oratio.

PRÆSTA quæsumus omnipotens Deus: ut qui in tua protectióne confidimus, cuncta nobis adversántia, te adjuvánte, vincámus. Per Dóminum nostrum.

SABBATO.

Statio ad S. Susannam.

Introitus. Psal. 5.

VERBA mea áuribus précipe Dómine, intéllige clamórem meum: inténde voci oratiónis meæ, Rex meus, et Deus meus.

Psal. ibid. Quóniam ad te orábo Dómine: manè exáudies vocem meam.

✠. Glória Patri.

Oratio.

PRÆSTA quæsumus omnipotens Deus: ut qui se, affligéndo carnem, ab áliméntis ábstinent; sectándo justítiam, à culpa jejúment. Per Dóminum.

Aliæ Orationes ut in Feria iv. Cinerum. fol. 56.

Léctio Daniélis Prophétæ.

Dan. 13.

IN diébus illis: Erat vir habitans in Babylóne, et no-

men ejus Jóakim: et accépit uxórem nómine Susánnam, filiam Helcíæ pulchram nimis, et tíméntem Deum: paréntes enim illíus, cùm essent justí, erudiérunt filiam suam secúndum legem Móysi. Erat autem Jóakim dives valdè, et erat ei pomárium vicínium dómui suæ, et ad ipsum confluébunt Judæi, eò quod esset honorabilior ómnium. Et constitúti sunt de pópulo duo senes júdices in illo anno: de quibus locútus est Dóminus: Quia egressa est iniquitas de Babylóne ad seniórius judicibus, qui videbántur régere pópulum. Isti frequentábant domum Jóakim, et veniebant ad eos omnes, qui habebant júdicia. Cùm autem pópulus revertisset per merídiem, ingrediebátur Susánna, et deambulábat in pomário viri sui. Et videbant eam senes quotídie ingrediéntem, et deambulántem: et exarsérunt in concupiscéntiam ejus; et evertérunt sensum suum, et declinavérunt óculos suos, ut non vidérunt cælum, neque recordaréntur júdiciórum justórum. Factum est autem, cùm observárent diem aptum, ingressa est aliquándó sicut heri et nudistértius cum duábus solis puéllis, volúitque lavári in pomário: æstus quippe erat: et non erat ibi quisquam præter duos senes absconditos, et contemplátes eam. Dixit ergo puéllis: Aférte mihi óleum et smígnata, et óstia pomárii cláudite, ut laver. Cùm autem egressæ essent puéllæ, surrêxerunt duo senes, et accurrérunt ad eam, et dixerunt: Ecce óstia pomárii clausa sunt, et nemo nos videt, et nos in concupiscéntia tui su-

mus: quámobrem assentíre nobis, et commiscére nobiscum. Quòd si nolúeris, dicémus contra te testimónium, quòd fúerit tecum júvenis, et ob hanc causam emíseris puéllas à te. Ingémuit Susánna, et ait: Angústia sunt mihi úndique: si enim hoc égero, mors mihi est: si autem non égero, non effúgiam manus vestras. Sed mélius est mihi absque ópere incidere in manus vestras quàm peccáre in conspéctu Dómini. Et exclamávit voce magna Susánna: exclamavérunt autem et senes advérsus eam. Et cucúrrit unus ad óstia pomárii, et apéruit. Cùm ergo audíssent clamórem fámuli domus in pomário, irruérunt per pósticum ut vidérunt quídam esset. Postquam autem senes locúti sunt, erubuérunt servivehémenter: quia numquam dictus fúerat sermò hujuscémodi de Susánna. Et facta est dies crástina. Cùmque venisset pópulus ad Jóakim virum ejus, venérunt et duo senióres pleni iníqua cogitátione advérsus Susánnam, ut interficerent eam. Et dixerunt coram pópulo: Míttite ad Susánnam filiam Helcíæ, uxórem Jóakim. Et statim misérunt. Et venit cum paréntibus, et filiis, et univérsis cognátis suis. Flebant ígitur sui, et omnes, qui nóverant eam. Consurgéntes autem duo senióres in médio pópuli, posuérunt manus suas super caput ejus. Quæ flens suspéxit ad cælum: erat enim cor ejus fidúciam habens in Dómino. Et dixerunt senióres: Cùm deambularémus in pomário soli, ingressa est hæc cum duábus puéllis, et clausit óstia pomárii, et dimísit à se

puéllas. Venítque ad eam adoléscent, qui erat absconditus, et concúbuit cum eá. Porro nos cùm essémus in ángulo pomárii, vidéntes iniquitátem, cucúrrimus ad eos, et vidimus eos páriter commiscéri. Et illum quidem non quívimus comprehéndere, quia fórtior nobis erat, et apértis óstii exilívit: hanc autem cùm apprehendissémus, interrogávimus, quisnam esset adoléscent, et nóluit indicáre nobis: hujus rei testes sumus. Crédidit eis multitúdo quasi sénibus et iudicibus pópuli, et condemnáverunt eam ad mortem. Exclamávit autem voce magna Susánna, et dixit: Deus ætérne, qui absconditórum es cóg-nitor, qui nosti ómnia ántequam fiant, tu scis quóniam falsum testimónium tulérunt contra me: et ecce mórior, eùm nihil horum fécerim, quæ isti malitiósè composuérunt advérsus me. Exaudivit autem Dóminus vocem ejus. Cùmque ducerétur ad mortem, suscitávit Dóminus spíritum sanctum púeri junióris, cujus nomen Dániel: Et exclamávit voce magna: Mundus ego sum à ságuine hujus. Et convérsus omnis pópulus ad eum, dixit: Quis est iste sermo, quem tu locútus es? Qui cùm staret in médio eórum, ait: Sic fátui filii Israël, non judicántes, neque quod verum est cognoscéntes, condemnástis, filiam Israël? Revertímini ad iudicium, quia falsum testimónium locúti sunt advérsus eam. Revérsus est ergo pópulus cùm festinátione. Et dixit ad eos Dániel: Separáte illos ab invicem procul, et dijudicábo

eos. Cùm ergo divísi essent alter ab áltero, vocávit unum de eis, et dixit ad eum: Inverátate díerum malórum, nunc venérunt peccáta tua, quæ operabáris priùs, júdicans júdicia injústa, innocéntes ópprimens, et dimíttens nóxios, dicénte Dómino: Innocéntem et justum non interficies. Nunc ergo si vidísti eam, dic sub qua árbore víderis eos colloquentes sibi. Qui ait: Sub schino. Dixit autem Dániel: Rectè mentítus es in caput tuum. Ecce enim Angelus Dei, accépta senténtia ab eo, scindet te médium. Et amóto eo, jussit veníre álium, et dixit ei: Semen Chánaan, et non Juda, spécies decépit te, et concupiscéntia subvértit cor tuum: sic faciebátis filiábus Israël, et illæ tíméntes loquebántur, vobis: sed filia Juda non sustínuit iniquitátem vestram. Nunc ergo dic mihi, sub qua árbore comprehénderis eos loquéntes sibi. Qui ait: Sub pino. Dixit autem ei Dániel: Rectè mentítus es et tu in caput tuum: manet enim Angelus Dómini, gládium habens, ut secet se médium, et interficiat vos. Exclamávit itaque omnis cœtus voce magna, et benedixérunt Deum, qui salvat sperántes in se. Et consurrexérunt advérsus duos senióres (convícerat enim eos Dániel, ex ore suo falsum dixísse testimónium) fecéruntque eis sicut malè égerant advérsus próximum, et interfecérunt eos, et salvátus est sanguis innóxus in die illa.

Graduale. Ps. 22. Si ámbulem in médio umbrae mortis, non tímébo mala: quóniam tu mecum es, Dómine. V. Virga

tua, et báculo tuus, ipsa me consolata sunt.

Sequentia sancti Evangelii secundum Joannem.

Joann. 8.

IN illo tempore: Perrexit Jesus in montem Oliveti, et diluculo iterum venit in templum, et omnis populus venit ad eum, et sedens docebat eos. Adducunt autem Scribae et Pharisei mulierem in adultério deprehensam: et statuerunt eam in medio, et dixerunt ei: Magister, haec mulier modo deprehensa est in adultério. In lege autem Moyses mandavit nobis hujusmodi lapidare. Tu ergo quid dicis? Hoc autem dicebant tentantes eum, ut possent accusare eum. Jesus autem inclinans se deorsum, digito scribebat in terra. Cum ergo perseverarent interrogantes eum, erexit se, et dixit eis: Qui sine peccato est vestrum, primus in illam lapidem mittat. Et iterum se inclinans, scribebat in terra. Audiētes autem unus post unum exibant incipientes à senioribus: et remansit solus Jesus, et mulier in medio stans. Erigens autem se Jesus, dixit ei: Mulier, ubi sunt, qui te accusabant? nemo te condemnavit? Quae dixit: Nemo, Domine. Dixit autem Jesus: Nec ego te condemnabo: Vade, et jam amplius noli peccare.

Offertorium. Ps. 118. Gressus meos dirige secundum eloquium tuum: ut non dominetur mei omnis injustitia, Domine.

Secreta.

CONCEDE quaesumus omnipotens Deus: ut hujus sacrificii munus oblatum, fragilitatem nostram ab omni malo purget semper et muniat. Per Dominum.

Aliae Secretae ut in Feria iv. Cinerum. fol. 57.

Communio. Joan 8. Nemo te condemnavit, mulier? nemo, Domine: nec ego te condemnabo: jam amplius noli peccare.

Postcommunio.

QUÆSUMUS omnipotens Deus: ut inter ejus membra numeremur, cujus corpori communicamus et sanguini. Qui tecum vivit.

Aliae Postcommuniones ut in Feria iv. Cinerum. fol. 57.

Super populum. Oremus. Humiliate capita vestra Deo.

Oratio.

PRÆTENDE Domine fidelibus tuis dexteram caelestis auxilii: ut te toto corde perquirant; et quae dignè postulant, consequi mereantur. Per Dominum.

DOMINICA IV. IN QUADRAGESIMA.

Statio ad S. Crucem in Jerusalem.

Introitus. Isaia. 66.

LÆTARE Jerusalem: et conventum facite omnes, qui diligitis eam: gaudete cum lætitia, qui in tristitia fuistis: ut exultetis, et satiēmini ab ubéribus consolationis vestrae.

Psal. 121. Lætatus sum in his quae dicta sunt mihi: in

domum Dómini íbimus. *℣.*
Glória Patri.

Oratio.

CONCEDE quæsumus om-
nipotens Deus: ut qui ex
mérito nostræ actiónis affligi-
mur, tuæ grátiaē consolatióne
respirémus. Per Dóminnm.

*Aliæ Orationes ut in Feria iv.
Cinerum. fol. 56.*

Léctio Epístolæ beáti Pauli
Apóstoli ad Gálatas.

Gal. 4. c.

FRATRES, Scriptum est:
Quóniam Abraham duos
filios habuit: unum de ancílla,
et unum de líbera. Sed qui
de ancílla, secúndum carnem
natus est: qui autem de líbera,
per repromissionem, quæ sunt
per allegoríam dicta. Hæc
enim sunt duo testaménta.
Unum quidem in monte Sina,
in servitútem génerans, quæ est
Agar: (Sina enim mons est in
Arábia, qui conjúctus est ei,
quæ nunc est Jerúsalem,) et
servit cum filiis suis. Illa au-
tem, quæ sursúm est Jerúsalem,
líbera est, quæ est mater nos-
tra. Scriptum est enim: Læ-
táre stérilis, quæ non parit:
erúmpe, et clama, quæ non
párturis: quia multi filii de-
sertæ, magis quàm ejus, quæ
habet virum. Nos autem, fra-
tres, secúndum Isaac, pomis-
sionis filii sumus. Sed quó-
modo tunc is, qui secúndum
carnem natus fúerat, perfe-
quebátur eum, qui secúndum
spíritum: ita et nunc. Sed
quid dicit Scriptúra? Ejíce an-
cillam, et filium ejus: non enim
hæres erit filius ancillæ cum
filio liberæ. Itaque, fratres,
non sumus ancillæ filii, sed

liberæ: qua libertáte Christus
nos liberávit.

Graduale. Ps. 121. Lætátus
sum in his, quæ dicta sunt mi-
hi: in domum Dómini íbimus.

℣. Fiat pax in virtúte tua, et
abundántia in túrribus tuis.

Tractus. Ps. 124. Qui con-
fidunt in Dómino, sicut mons
Sion: non commovébitur in
ætérum, qui hábitat in Jerú-
salem. *℣.* Montes in eircúitu
ejus, et Dóminus in circúitu
pópuli sui, ex hoc nunc, et
usque in sæculum.

Sequéntia sancti Evangéllii se-
cúndum Joánnem.

Joann. 6.

IN illo témpore: Abiit Jesus
trans mare Galilææ, quod
est Tiberiádis: et sequebátur
eum multitúdo magna, quia
vidébant signa, quæ faciébant
super his, qui infirmabántur
Súbiit ergo in montem Jesus:
et ibi sedébat cum discípulis
suis. Erat autem próximum
Pascha dies festus Jndæórum.
Cúm sublevásset ergo óculos
Jesus, et vidísset, quia multi-
túdo máxima venit ad eum,
dixit ad Philíppum: Unde
emémus panes, ut mandúcent
hi? Hæc autem dicébat ten-
tans eum: ipse enim sciébat
quid esset factúrus. Respón-
dit ei Philíppus: Ducentó-
rum denariórum panes non
sufficiunt eis, ut unusquisque
módicum quid accípiat. Di-
cit ei unus ex discípulis ejus,
Andréas frater Simónis Pe-
tri: Est puer unus híc, qui
habet quinque panes hordeá-
ceos, et duos pisces: sed hæc
quid sunt inter tantos? Dixit
ergo Jesus: Fácite hómines
discúmbere. Erat autem fœnum

multum in loco. Discubuérunt ergo viri, número quasi quinque millia. Accépit ergo Jesus panes : et cùm grátias egisset, distribuit discumbéntibus : similiter et ex piscibus quantum volébant. Ut autem impléti sunt, dixit discipulis suis : Colligite quæ superavérunt fragmentá, ne péreant. Collegérunt ergo, et implevérunt duódecim cóphinos fragmentórum ex quinque pánibus hordeáceis, quæ superfuérunt his, qui manducáverant. Illi ergo hómines cùm vidissent quòd Jesus fécerat signum, dicébant : Quia hic est verè Prophéta, qui ventúrus est in mundum. Jesus ergo cùm cognovisset, quia ventúri essent, ut ráperent eum, et fácerent eum regem, fugit iterùm in montem ipse solus. Credo.

Offertorium. Ps. 134. Laudáte Dóminum, quia benígnus est : psállite nómini ejus, quóniam suávis est : ómnia quæcúmque voluit, fecit in cœlo et in terra.

Secreta.

SACRIFICIIS præsentibus, Dómine, quæsumus, inténde placátus : ut et devotióni nostræ proficiant et salúti. Per Dóminum.

Aliæ Secretæ ut in Feria iv. Cinerum. fol. 57.

Communio. Ps. 121. Jerúsalem, quæ ædificátur ut civitas, cujus participátio ejus in idípsum : illuc enim ascendérunt tribus, tribus Dómini, ad confiténdum nómini tuo, Dómine.

Postcommunio.

DA nobis, quæsumus miséricors Deus : ut sancta tua, quibus incessánter explémur, sincéris tractémus obséquijs, et fidéli semper mente sumámus. Per Dóminum.

Aliæ Postcommuniones ut in Feria iv. Cinerum. fol. 57.

FERIA SECUNDA.

Statio ad sanctos Quatuor Coronatos.

Introitus. Psal. 53.

DEUS in nómine tuo salvum me fac, et in virtúte tua libera me : Deus exáudi oratiónem meam : áuribus percípe verba oris mei.

Psalm. ibid. Quóniam aliéni insurrexérunt in me : et fortes quæsiérunt ánimam meam.

V. Glória Patri.

Oratio.

PRÆSTA quæsumus omnipotens Deus : ut observatiónes sacras ánnua devotiónem recoléntes, et córpore tibi placeámus et mente. Per Dóminum nostrum.

Aliæ Orationes ut in Feria iv. Cinerum. fol. 56.

Lectio libri Regum.

3 Reg. 3. c.

IN diébus illis : Venérunt duæ mulieres meretrices ad regem Salomónem, steterúntque coram eo : quarum una ait : Obsecro, mi dómine, ego et mulier hæc habitabámus in domo una, et péperi apud eam in cubículo. Tértia autem die postquam ego péperi, péperit et hæc : et erámus simul, nullúsque álius nobiscúm in domo, excéptis nobis duábus. Mórtnus est autem filíus mulieris hujus nocte. Dórmienti quippe oppressit eum. Et consúrgens intempéstæ noctis siléntio, tulit

filium meum de látere meo ancillæ tuæ dormiéntis, et collocávit in sinu suo: suum autem filium, qui erat mórtuus, pósuit in sinu meo. Cùmque surrexissem manè, ut darem lac filio meo, apparuit mórtuus: quem diligéntius intuens clara luce, deprehénderi non esse meum, quem genúeram. Responditque áltera mulier: Non est ita ut dicis, sed filius tuus mórtuus est: meus autem vivit. E contrario illa dicébat: Mentiris: filius quippe meus vivit, et filius tuus mórtuus est. Atque in hunc modum contendébant coram rege. Tunc rex ait: Hæc dicit, Filius meus vivit, et filius tuus mórtuus est. Et ista respóndit. Non, sed filius tuus mórtuus est, meus autem vivit. Dixit ergo rex: Afférte mihi gládium. Cùmque attulissent gládium coram rege, Dividite, inquit, infántem vivum in duas partes, et date dimídiam partem uni, et dimídiam partem álteri. Dixit autem mulier, cujus filius erat vivus ad regem: (commóta sunt quippe víscera ejus super filio suo:) Obsecro dómine, date illi infántem vivum, et nolite interficere eum. E contrario illa dicébat: Nec mihi, nec tibi sit, sed dividátur. Respóndit rex, et ait: Date huic infántem vivum, et non occidátur: hæc est enim mater ejus. Audívit itaque omnis Israël judícium, quod judicásset rex, et timúerunt regem, vidéntes sapiéntiam Dei esse in eo ad faciéndum judícium.

Graduale. Ps. 30. Esto mihi in Deum protectórem, et in locum refúgii, ut salvum me fácias. *V. Psal. 70.* Deus in

te sperávi: Dómine, non confundar in ætérnum.

Tractus. Psal. 102. Dómine, non secúndum peccáta nostra, quæ fécimur nos: neque secúndum iniquitátes nostras retribuas nobis.

V. Ps. 78. Dómine, ne mémeris iniquitátam nostrárum antiquarum, citò anticipent nos misericórdiæ tuæ, quia páuperes facti sumus nimis.

V. Hic genuflectitur. Adjuva nos Deus salutáris noster: et propter glóriam nóminis tui Dómine, libera nos: et propítius esto peccátis nostris, propter nomen tuum.

Sequentia sancti Evangéllii secúndum Joánnem.

Joann. 2.

IN illo témpore: Propè erat Pascha Judæórum, et ascendit Jesus Jerosólymam, et invénit in templo vendétes boves, et oves, et colúmbas, et numulários sedétes. Et cùm fecisset quasi flagéllum de funículis, omnes ejécit de templo, oves, quoque, et boves, et numuláriórum effúdit æs, et mensas subvértit. Et his, qui colúmbas vendébant, dixit: Auférte ista hinc, et nolite fácere domum Patris mei, domum negotiatiónis. Recordáti sunt verò discípuli ejus, quia scriptum est: Zelus domus tuæ comédit me. Respondérunt ergo Judæi, et dixerunt ei: Quod signum ostédis nobis, quia hæc facis? Respóndit Jesus et dixit eis: Sólvite templum hoc, et in tribus diébus excitábo illud. Dixerunt ergo Judæi: Quadraginta et sex annis ædificátum est templum hoc, et tu in tribus diébus ex-

citábis illud? Ille autem dicébat de templo córporis sui. Cùm ergo resurrexisset à mórtuis, recordáti sunt discípuli ejus, quia hoc dicébat, et credidérunt Scriptúræ et sermóni, quem dixit Jesus. Cùm autem esset Jerosólymis in Pascha in die festo, multi credidérunt in nómine ejus, vidéntes signa ejus, quæ faciébat. Ipse autem Jesus non credébat semetípsum eis, eò quòd ipse nosset omnes, et quia opus ei non erat, ut quis testimoniúm perhiberet de hómine: ipse enim sciébat quid esset in hómine.

Offertorium. Psal. 99. Jubilate Deo omnis terra, servite Dómino in lætítia: intráte in conspéctu ejus in exultatióne: quia Dóminus ipse est Deus.

Secreta.

OBLATUM tibi, Dómine, sacrificium vivíficet nos semper et múniat. Per Dóminum.

Alie Secretæ ut in Feria iv. Cinerum. fol. 57.

Communio. Ps. 18. Ab occúltis meis munda me Dómine: et ab aliénis parce servo tuo.

Postcommunio.

SUMPTIS, Dómine, salutaribus sacraméntis, ad redemptionis æternæ, quæsumus, proficiámus augméntum. Per Dóminum.

Alie Postcommuniones ut in Feria iv. Cinerum. fol. 57.

Super populum. Orémus. Humiliate cápita vestra Deo.

Oratio.

DEPRECATIONEM nostram, quæsumus Dómine, benignusexáudi, et quibus supplicándi præstas afféctum, tribue defénsionis auxílium. Per Dóminum.

FERIA TERTIA.

Statio ad S. Laurentium in Damaso.

Introitus. Psal. 54.

EXAUDI Deus oratiómem meam, et ne despéxeris deprecationem meam: inténde in me, et exáudi me. *Psal. ib.* Contristátus sum in exercitatióne mea: et conturbátus sum à voce inimíci, et à tribulatióne peccatóris.

¶ Glória Patri.

Oratio.

SACRÆ nobis, quæsumus Dómine, observatiónis jejúnia, et piæ conversatiónis augméntum, et tuæ propitiatiónis contínuum præstent auxílium. Per Dóminum.

Alie Orationes ut in Feria iv. Cinerum. fol. 56.

Léctio libri Exodi.

Exod. 32. b.

IN diébus illis: Locútus est Dóminus ad Móysen, dicens: Descénde de monte: peccávit pópulus tuus, quem eduxísti de terra Ægypti. Recessérunt citò de via, quam ostendísti eis: fecerúntque sibi vítulum conflátilem et adoravérunt, atque immolántes ei hóstias, dixerunt: Isti sunt dii tui Israél, qui et eduxérunt de terra Ægypti. Rursúmque ait Dóminus ad Móysen: Cerno quòd pópulis iste duræ cervicis sit: dimitte me, ut irascatur furor meus contra eos, et déleam eos, faciámque te in gentem magnam. Móyses autem orábat Dóminum Deum suum, dicens: Cur, Dómine, iráscitur furor tuus contra pópulum tuum, quem eduxísti de

terra Ægypti, in fortitudine magna, et in manu robusta? Ne, quæso, dicant Ægyptii: Cællidè eduxit eos, ut interficeret in montibus, et deleret è terra: quiescat ira tua, et esto placabilis super nequitiã populi tui. Recordare Abraham, Isaac, et Israël servorum tuorum, quibus jurasti per te metipsum, dicens: Multiplicabo semen vestrum sicut stellas cœli: et universam terram hanc, de qua locutus sum, dabo seminibus vestris, et possidebitis eam semper. Placatusque est Dominus, ne faceret malum, quod locutus fuerat adversus populum suum.

Graduale. Psal. 14. Exurge Domine, fer opem nobis: et libera nos propter nomen tuum. V. Deus, auribus nostris audivimus: et patres nostri annuntiaverunt nobis opus, quod operatus es in diebus eorum, et in diebus antiquis.

Sequentia sancti Evangelii secundum Joannem.

Joan. 7. b.

IN illo tempore: Jam die festo mediante, ascendit Jesus in templum, et docerat. Et mirabantur Judæi, dicentes: Quomodo hic litteras scit, cum non didicerit? Respondit eis Jesus, et dixit: Mea doctrina non est mea, sed ejus, qui misit me. Si quis voluerit voluntatem ejus facere, cognoscet de doctrina, utrum ex Deo sit, an ego, à meipso loquar. Qui à semetipso loquitur, gloriam propriam querit. Qui autem querit gloriam ejus, qui misit eum, hic verax est, et injustitia in illo non est. Nonne Moyses dedit vo-

bis legem: et neme ex vobis facit legem? quid me queritis interficere? Respondit turba, et dixit: Dæmonium habes: quis te querit interficere? Respondit Jesus, et dixit eis: Unum opus feci, et omnes miramini. Propterea Moyses dedit vobis circumcisionem: (non quia ex Moysè est, sed ex patribus) et in Sabbato circumciditis hominem. Si circumcisionem accipit homo in Sabbato, ut non solvatur lex Moysi: mihi indignamini, quia totum hominem sanum feci in Sabbato? Nolite judicare secundum faciem, sed justum judicium judicate. Dicebant ergo quidam ex Jerosolymis: Nonne hic est, quem querunt interficere? Et ecce palam loquitur, nihil ei dicunt. Numquid verè cognoverunt principes, quia hic est Christus? Sed hunc scimus unde sit: Christus autem cum venerit, nemo scit unde sit. Clamabat ergo Jesus in templo docens, et dicens: Et me scitis, et unde sim scitis, et à meipso non veni, sed est verus, qui misit me, quem vos noscitis. Ego scio eum: quia ab ipso sum, et ipse me misit. Querèbant ergo eum apprehendere: et nemo misit in illum manus, quia nondum venerat hora ejus. De turba autem multi crediderunt in eum.

Offertorium. Psal. 39. Expectans expectavi Dominum, et respexit me: et exaudivit deprecationem meam: et immisit in os meum canticum novum, hymnum Deo nostro.

Secreta:

HÆC hostia, Domine quæsumus, emundet nostra

delicta, et ad sacrificium celebrandum, subditorum tibi corpora mentesque sanctificet. Per Dominum.

Alie Secretæ ut in Feria iv. Cinerum. fol. 57.

Communio. Psalm. 19. Lætâbimur in salutari tuo: et in nomine Domini Dei nostri magnificâbimur.

Postcommunio.

HUJUS nos Domine, perceptio sacramenti mundet à crimine: et ad cœlestia regna perducât. Per Dominum nostrum.

Alie Postcom. ut in Feria iv. Cinerum. fol. 57.

Super populum. Orémus. Humiliâtê cápita vestra Deo.

Oratio.

MISERERE, Domine, populo tuo: et continuis tribulationibus laborantem, propitius respirare concede. Per Dominum.

FERIA QUARTA.

Statio ad Sanctum Paulum.

Introitus. Ezech. 36.

CUM sanctificatus fuero in vobis, congregabo vos de universis terris: et effundam super vos aquam mundam, et mundabimini ab omnibus inquinamentis vestris: et dabo vobis spiritum novum.

Ps. 33. Benedicam Domino in omni tempore: semper laus ejus in ore meo. V. Glória.

Post Kyrie elíson. dicitur. Orémus. Flectâmus genua. R. Levâte.

Oratio.

DEUS, qui et justis præmia meritorum, et peccatori-

bus per jejuniu veniam præbes: miserere supplicibus tuis; ut reatus nostri confessio, in dulgentiam valeat percipere delictorum. Per Dominum.

Lectio Ezechielis Prophætæ.

Ezech. 36. c.

HÆC dicit Dominus Deus: Sanctificabo nomen meum magnum, quod pollutum est inter Gentes, quod polluistis in medio earum: ut sciant Gentes, quia ego Dominus, cum sanctificatus fuero in vobis coram eis. Tollam quippe vos de Gentibus, et congregabo vos de universis terris, et adducam vos in terram vestram. Et effundam super vos aquam mundam, et mundabimini ab omnibus inquinamentis vestris, et ab universis idolis vestris mundabo vos. Et dabo vobis cor novum, et spiritum novum ponam in medio vestri: et auferam cor lapideum de carne vestra, et dabo vobis cor carneum. Et spiritum meum ponam in medio vestri: et faciam, ut in præceptis meis ambulatis, et iudicia mea custodiatis, et operemini. Et habitabitis in terra, quam dedi patribus vestris: et eritis mihi in populum, et ego ero vobis in Deum: dicit Dominus omnipotens.

Graduale. Ps. 33. Venite, filii, audite me: timorem Domini docebo vos. V. Accedite ad eum, et illuminamini: et facies vestræ non confundentur. *Hic dicitur Dominus vobiscum. Sine Flectâmus genua.*

Orémus.

Oratio.

PRÆSTA quæsumus omnipotens Deus: ut quos jejunia votiva castigant, ipsa quo-

que devotio sancta lætificet :
ut terrenis affectibus mitigatis,
facilius cœlestia capiāmus.
Per Dōminum.

*Alia Oratio ut in Feria iv.
Cinerum. fol. 56.*

Lectio Isaiāe Prophetāe.

Isaiāe 1. d.

HÆC dicit Dōminus Deus :
Lavāmini, mundi estote,
auferte malum cogitationum
vestrarum ab oculis meis :
quiescite agere perversè, di-
scite benefacere : quærite ju-
diciū, subvenite oppresso, ju-
dicatē pupillo, defendite vi-
duam. Et venite, et arguite
me, dicit Dōminus : si fuerint
peccata vestra ut coccinum,
quasi nix dealbabuntur : et si
fuerint rubra quasi vermācu-
lus, velut lana alba erunt. Si
volueritis, et audieritis me,
bona terræ comedētis : dicit
Dōminus omnipotens.

Graduale. Psalm. 32. Beata
gens, cujus est Dōminus Deus
eorum : pōpulus quem eligit
Dōminus in hæreditatem sibi.
V. Verbo Dōmini cœli firmati
sunt : et spiritu oris ejus om-
nis virtus eorum.

Tractus, Ps. 102. Dōmine,
non secundum peccata nostra,
quæ fecimus nos : neque se-
cundum iniquitates nostras re-
tribuas nobis.

V. *Ps. 78.* Dōmine, ne me-
mineris iniquitatum nostrarum
antiquarum : citò anticipent
nos misericordiæ tuæ, quia
pauperes facti sumus nimis.

V. *Hic genuflectitur.* Adjuva
nos Deus salutaris noster : et
propter gloriā nominis tui
Dōmini, libera nos : et propi-
tius esto peccatis nostris,
propter nomen tuum.

Sequētia sancti Evangelii se-
cundum Joānnem.

Joan. 9.

IN illo tempore : Præte-
riens Jesus, vidit hōinem
cæcum à nativitate : et inter-
rogaverunt eum discipuli ejus :
Rabbi, quis peccavit, hic, aut
parētes ejus, ut cæcus nas-
ceretur ? Respondit Jesus :
Neque hic peccavit, neque pa-
rētes ejus : sed ut manifest-
entur opera Dei in illo. Me
oportet operari opera ejus, qui
misit me, donec dies est : venit
nox, quando nemo potest ope-
rari. Quāmdiu sum in mundo,
lux sum mundi. Hæc cū
dixisset, expuit in terram, et
fecit lutum ex sputo, et linivit
lutum super oculos ejus, et
dixit ei : Vade, et lava in na-
tatoria Siloe (quod interpre-
tatur Missus.) Abiit ergo, et
lavit, et venit videns. Itaque
vicini, et qui viderant eum
prius, quia mendicus erat,
dicebant : Nōne hic est, qui
sedebat, et mendicabat : Alii
dicebant : Quia hic est. Alii
autem : Nequaquam, sed simi-
lis est ei. Ille verò dicebat :
Quia ego sum. Dicebant ergo
ei : Quōmodo aperti sunt tibi
oculi ? Respondit : Ille homo,
qui dicitur Jesus, lutum fecit,
et unxit oculos meos, et dixit
michi : Vade ad natatoria Siloe,
et lava. Et abii, lavi, et video.
Et dixerunt ei : Ubi est ille ?
Ait : Nescio. Adducunt eum
ad Pharisæos, qui cæcus fue-
rat. Erat autem sabbatum
quando lutum fecit Jesus, et
aperuit oculos ejus. Iterum
ergo interrogabant eum Pha-
risæi, quōmodo vidisset. Ille
autem dixit eis : Lutum mihi

pósuit super óculos, et lavi, et video. Dicébant ergo ex Pharisæis quidam: Non est hic home à Deo, qui sábbatum non custódit. Alii autem dicébant: Quómodo potest homo peccátor hæc signa fácere? Et schisma erat inter eos. Dicunt ergo cæco íterum: Tu quid dicis de illo, qui apéruit óculos tuos? Ille autem dixit: Quia Prophéta est. Non credidérunt ergo Judæi de illo, quia cæcus fuisset, et vidisset, donec vocavérunt paréntes ejus, qui viderat: et interrogavérunt eos, dicéntes: Hic est filius vester quem vos dicitis, quia cæcus natus est? Quómodo ergo nunc videt? Respondérunt eis paréntes ejus, et dixerunt: Scimus, quia hic est filius noster, et quia cæcus natus est; quómodo autem nunc vídeat, nescimus, aut quis ejus apéruit óculos, nos nescimus: ipsum interrogáte: ætátem habet, ipse de se loquátur. Hæc dixerunt paréntes ejus, quóniam timébant Judæos; jam enim conspiráverant Judæi, ut si quis eum confiterétur esse Christum, extra synagógam fieret. Propterea paréntes ejus dixerunt: Quia ætátem habet, ipsum interrogáte. Vocavérunt ergo rursùm hóminem, qui fúerat cæcus, et dixerunt ei: Da glóriam Deo. Nos scimus, quia hic homo peccátor est. Dixit ergo eis ille: Si peccátor est, nescio: unum scio, quia cæcus cùm essem, modò video. Dixerunt ergo illi: Quid fecit tibi? quómodo apéruit tibi óculos? Respondit eis: Dixi vobis jam, et audistis: quid íterum

vultis audire? numquid et vos vultis discipuli ejus fieri? Maledixerunt ergo ei, et dixerunt: Tu discipulus illius sis: nos autem Móysi discipuli sumus. Nos scimus, quia Móysi locútus est Deus: hunc autem nescimus unde sit. Respondit ille homo, et dixit eis: In hoc enim mirábile est, quia vos nescitis unde sit, et apéruit meos óculos: scimus autem quia peccátóres Deus non audit: sed si quis Dei cultor est, et voluntátem ejus facit, hunc exáudit. A sæculo non est auditum quia quis apéruit óculos cæci nati. Nisi esset hic à Deo, non póterat facere quidquam. Respondérunt, et dixerunt ei: In peccátis natus es totus, et tu doces nos? Et ejecérunt eum foras. Audívit Jesus, quia ejecérunt eum foras, et cùm invenisset eum, dixit ei: Tu credis in Filium Dei? Respondit ille, et dixit: Quis est, Dómine, ut credam in eum? Et dixit ei Jesus: Et vidisti eum, et qui loquitur tecum, ipse est. At ille ait: Credo, Dómine. *Hic genuflectitur.* Et prócidens adorávit eum.

Offertorium. Psal. 65. Benedicite Gentes Dóminum Deum nostrum, ei obaudíte vocem laudis ejus: qui pósuit animam meam ad vitam, et non dedit commovéri pedes meos: benedictus Dóminus, qui non amóvit deprecationem meam, et misericórdiam suam à me.

Secreta.

SUPPLICES te rogámus, omnipotens Deus: ut his sacrificiis peccáta nostra mudentur: quia tunc veram nobis tríbuis et mentis et cór-

poris sanitatem. Per Dóminum.

Alie Secretæ ut in Feria iv. Cinerum. fol. 57.

Communio. Joan. 9. Lutum fecit ex sputo Dóminus, et linivit óculos meos, et ábii, et lavi, et vidi, et crédidi Deo.

Postcommunio.

SACRAMENTA, quæ sumpsimus, Dómine Deus noster, et spiritalibus nos répleant aliméntis, et corporálibus tueántur auxiliis. Per Dóminum.

Alie Postcommuniones ut in Feria iv. Cinerum. fol. 57.

Super populum. Orémus. Húmiliáte cápita vestra Deo.

Oratio.

PATEANT aures misericórdiæ tuæ, Dómine, précibus supplicántium: et ut peténtibus desideráta concédas, fac eos quæ tibi sunt plácita, postuláre. Per Dóminum.

FERIA QUINTA.

Statio ad sanctos Silvestrum et Martinum.

Introitus. Psal. 104.

LÆTETUR cor quæréntium Dóminum: quærite Dóminum, et confirmámini: quærite faciem ejus semper.

Psal. ibid. Confiémini Dómino, et invocáte nomen ejus, annuntiáte inter Gentes ópera ejus.

V. Glória Patri.

Oratio.

PRÆSTA quæsumus omnípotens Deus: ut quos jejunia votíva castigant, ipsa quoque devótio sancta lætifícet; ut terrénis affectibus mi-

tigátis, faciélius coeléstia capiámus. Per Dóminum.

Alie Orationes ut in Feria iv. Cinerum. fol. 56.

Léctio libri Regum. 4 Reg. 4.

IN diébus illis: Venit múlier Sunamítis ad Eliséum in montem Carméli: cùmque vidisset eam vir Dei ecóntrà, ait ad Giézi púerum suum: Ecce Sunamítis illa. Vade ergo in occúrsum ejus, et dic ei: Rectène ágitur circa te, et circa virum tuum, et circa filium tuum? Quæ respóndit: Rectè. Cùmque venisset ad virum Dei in montem, apprehéndit pedes ejus: et accessit Giézi ut amovéret eam. Et ait homo Dei: Dimítte illam: ánima enim ejus in amaritúdine est, et Dóminus celávit à me, et non indicávit mihi. Quæ dixit illi: Numquid petívi filium à Dómino meo? Numquid non dixi tibi: Ne illúdas me? Et ille ait ad Giézi: Accínge lumbos tuos, et tolle báculum meum in manu tua, et vade. Si occurrerit tibi homo, non salútes eum: et si salutáverit te quispiam, non respóndas illi: et pones báculum meum super faciém púeri. Porrò mater púeri ait: Vivit Dóminus, et vivit ánima tua, non dimíttam te. Surréxit ergo, et secútus est eam. Giézi autem præcés-serat ante eos, et posúerat báculum super faciém púeri, et non erat vox, neque sensus: reversúsque est in occúrsum ejus, et nuntiávit ei, dicens: Non surréxit puer. Ingréssus est ergo Eliséus domum, et ecce puer mórtuus jacébat in léctulo ejus: ingres-

súsque clausit óstium super se, et super púerum, et orávit ad Dóminum. Et ascéndit, et incúbuit super púerum: posuítque os suum super os ejus, et ocúlos suos super ocúlos ejus, et manus suas super manus ejus: et incurvávit se super eum, et calefacta est caro púeri. At ille revérsus, deambulávit in domo, semel huc, atque illuc: et ascéndit, et incúbuit super eum: et oscitávit puer sépties, aperuitque ocúlos. At ille vocávit Giézi, et dixit ei: Voca Sunamítidem hanc. Quæ vocáta, ingrèssa est ad eum. Qui ait: Tolle filium tuum. Venit illa, et córruit ad pedes ejus, et adorávit super terram: tulítque filium suum, et egrèssa est, et Eliséus revérsus est in Gálgala.

Graduale. Psal. 73. Réspice Dómine in testaméntum tuum, et ánimas páuperum tuórum ne obliviscáris in finem. *V.* Exúrge Dómine, júdica causam tuam: memor esto oppróbrii servórum tuórum.

Sequéntia sancti Evangélli secúndum Lucam.

Luc. 7.

IN illo témpore: Ibat Jesus in civitátem, quæ vocátur Naim: et ibant cum eo discípuli ejus, et turba copiósá. Cúm autem appropinquáret portæ civitátis, ecce defúnctus efferebátur filius únicus matris suæ, et hæc vídua erat, et turba civitátis multa cum illa. Quam cùm vidisset Dóminus misericórdia motus super eam, dixit illi: Noli flere. Et accessit, et tétigit lóculum. (Hi autem, qui portábant,

stetérunt.) Et ait: Adolèscens, tibi dico, surge: Et resédit qui erat mórtuus, et cœpit loqui. Et dedit illum matri suæ. Accépit autem omnes timor: et magnificábant Deum, dicétes: Quia Prophéta magnus surréxit in nobis, et quia Deus visitávit plebem suam.

Offertorium. Psal. 69. Dómine ad adjuvándum me festína: confundántur omnes, qui cógitant servis tuis mala.

Secreta.

PURIFICA nos miséricors Deus: ut Ecclésiæ tuæ preces, quæ tibi gratæ sunt, pia múnera deferétes, fiant expiátis méntibus gratiósos. Per Dóminum nostrum.

Alia Secreta ut in Feria iv. Cinerum. fol. 57.

Communio. Psal. 70. Dómine memorábor justítiæ tuæ solius: Deus docuísti me à juventúte mea, et usque in senéctam et sénium, Deus ne derelinquas me.

Postcommunio.

CELESTIA dona capiéntibus quæsumus Dómine, non ad júdiciu[m] provenire patiáris, quæ fidélibus tuis ad remédiu[m] providísti. Per Dóminu[m].

Alia Postcommuniones ut in Feria iv. Cinerum. fol. 57.

Super populum. Orémus. Humiliáte cápita vestra Deo.

Oratio.

POPULI tui Deus institátor et rector, peccáta, quibus impugnátur, expélle: ut semper tibi plácitus et tuo munímine sit secúrus. Per Dóminu[m] nostru[m].

FERIA SEXTA.

*Statio ad sanctum Eusebium.**Introitus. Psal. 18.*

MEDITATIO cordis mei in conspéctu tuo semper: Dómine adjútor meus, et redemptor meus.

Psal. ib. Coeli enarrant glóriam Dei: et ópera mánuum ejus annúntiat firmaméntum.

✠. Glória Patri.

Oratio.

DEUS, qui ineffábilibus mundum rénovas sacraméntis: præsta quæsumus; ut Ecclesia tua, et ætérnis proficiat institútis, et temporálibus non destituátur auxiliis. Per Dóminum.

Alie Orationes ut in Feria iv. Cinerum. fol. 56.

Léctio libri Regum.

3 Reg. 17.

IN diébus illis: Ægrotávit filius mulieris matrisfamilias, et erat languor fortíssimus, ita ut non remanéret in eo hálitus. Dixit ergo ad Eliám. Quid mihi et tibi vir Dei? Ingressus es ad me, ut rememorárentur iniquitátes meæ, et interficeres filium meum? Et ait ad eam Eliás: Da mihi filium tuum. Tulítque eum de sinu ejus, et portávit in coenaculum, ubi ipse manébat, et pósuit super léctulum suum, et clamávit ad Dóminum, et dixit: Dómine Deus meus: etiámne víduam, apud quam ego utcúmque susténtor, afflíxisti, ut interficeres filium ejus? Et expándit se, atque mensus est super púerum tribus vicibus, et clamávit ad Dóminum, et ait: Dómine

Deus meus, revertátur, óbscuro, ánima púeri hujus in víscera ejus. Et exaudivit Dóminus vocem Eliæ, et revérsa est ánima púeri intra eum, et revíxit. Tulítque Eliás púerum, et depósuit eum de cænáculo in inferiorem domum, et trádidit matri suæ, et ait illi: En vivit filius tuus. Dixítque múlier ad Eliám: Nunc in isto cognóvi, quóniam vir Dei es tu, et verbum Dómini in ore tuo verum est.

Graduale. Ps. 117. Bonum est confidere in Dómino, quàm confidere in hómine. ✠. Bonum est speráre in Dómino, quàm speráre in princípibus.

Tractus. Ps. 102. Dómine, non secúndum peccáta nostra, quæ fécimus nos: neque secúndum iniquitátes nostras retribuas nobis. ✠. *Psal. 78.* Dómine, ne memíneris iniquitátum nostrárum antiquárum: citó anticipent nos misericórdiæ tuæ, quia páuperes facti sumus nimis.

✠. *Hic genuflectitur.* Adjuva nos Deus salutáris noster: et propter glóriam nóminis tui Dómine libera nos: et propítius esto peccátis nostris, propter nomen tuum.

Sequéntia sancti Evangéllii secúndum Joánnem.

Joan. 11.

IN illo témpore: Erat quidam languens Lázarus à Bethánia, de castélló Mariæ, et Marthæ soróris ejus. (Maria autem erat, quæ unxit Dóminum unguénto, et extérsit pedes ejus capíllis suis: cujus frater Lázarus infirmabátur.) Misérunt ergo soróres ejus ad eum, dicéntes: Dómine, ecce quem

amas, infirmáture. Audiens autem Jesus, dixit eis: Infirmas hæc non est ad mortem, sed pro glória Dei, ut glorificétur Filius Dei per eam. Diligebat autem Jesus Martham, et sorórem ejus Mariam, et Lázarum. Ut ergo audivit, quia infirmabatur, tunc quidem mansit in eodem loco duobus diebus. Deinde post hæc dixit discipulis suis: Eamus in Judæam iterum. Dicunt ei discipuli: Rabbi, nunc quærebant te Judæi lapidare, et iterum vadis illuc? Respondit Jesus: Nónne duodecim sunt horæ diéi? Si quis ambulaverit in die, non offéndit, quia lucem hujus mundi videt: si autem ambulaverit in nocte, offéndit, quia lux non est in eo. Hæc ait, et post hæc dixit eis: Lázarus amicus noster dormit: sed vado ut à somno excitem eum. Dixérunt ergo discipuli ejus: Dómine, si dormit, salvus erit. Dixerat autem Jesus de morte ejus: illi autem putavérunt quia de dormitióne somni diceret. Tunc ergo Jesus dixit eis manifestè: Lázarus mórtuus est, et gaudeo propter vos, ut credátis, quóniam non eram ibi. Sed eamus ad eum. Dixit ergo Thomas, qui dicitur Didymus, ad condiscipulos: Eamus et nos, ut moriamur cum eo. Venit itaque Jesus, et invénit eum quatuor dies jam in monumento habentem. (Erat autem Bethánia juxta Jerosólymam quasi stádiis quíndecim.) Multi autem ex Judæis vénerant ad Martham, et Mariam, ut consolarentur eas de fratre suo. Martha

ergo ut audivit, quia Jesus venit occúrrit illi: María autem domi sedébat. Dixit ergo Martha ad Jesum: Dómine si fuisses híc, frater meus non fuisset mórtuus. Sed et nunc scio, quia quæcúmque popósceris à Deo, dabit tibi Deus. Dicit illi Jesus: Resúrget frater tuus. Dixit ei Martha: Scio quia resúrget in resurrectione in novíssimo die. Dixit ei Jesus: Ego sum resurrectio, et vita: qui credit in me, étiam si mórtuus fuerit, vivit: et omnis, qui vivit, et credit in me, non moriétur in ætérnum. Credis hoc? Ait illi: Utique Dómine, ego credidi, quia tu es Christus Filius Dei vivi, qui in hunc mundum venísti. Et cum hæc dixisset, abiit, et vocávit Mariam sorórem suam silentio, dicens: Magister adest, et vocat te. Illa ut audivit, surgit citò, et venit ad eum: nondum enim vénerat Jesus in castéllum: sed erat adhuc in illo loco, ubi occúrrerat ei Martha. Judæi ergo, qui erant cum ea in domo, et consolabántur eam, cum vidissent Mariam, quia citò surréxit, et éxiit, secúti sunt eam, dicéntes: Quia vadit ad monumentum, ut ploret ibi. María ergo, cum venisset ubi erat Jesus, videns eum, cecidit ad pedes ejus, et dicit ei: Dómine, si fuisses híc, non esset mórtuus frater meus. Jesus ergo, ut vidit eam plorantem, et Judæos, qui vénerant cum ea, plorantes, infrémuit spírítu, et turbávit se ipsum, et dixit: Ubi posuístis eum? Dicunt ei: Dómine, veni, et vide. Et lacrymátus est Jesus.

Dixerunt ergo Judæi: Ecce quomodo amabat eum. Quidam autem ex ipsis dixerunt: Non poterat hic, qui aperuit oculos cæci nati, facere ut hic non moreretur? Jesus ergo rursus fremens in semetipso, venit ad monumentum. Erat autem spelunca: et lapis superpositus erat ei. Ait Jesus: Tollite lapidem. Dicit ei Martha soror ejus, qui mortuus fuerat: Domine, jam foetet: quatríduanus est enim. Dicit ei Jesus: Nónne dixi tibi, quóniam si credideris, vidébis glóriam Dei? Tulérunt ergo lapidem. Jesus autem elevatis sursum oculis, dixit: Pater grátias ego tibi, quóniam audisti me. Ego autem sciébam, quia semper me audis, sed propter pópulum, qui circumstat, dixi: ut credant, quia tu me misisti. Hæc cum dixisset, voce magna clamavit: Lázare veni foras. Et statim pródiit, qui fuerat mortuus ligatus, pedes et manus institis, et facies illius sudário erat ligata. Dixit ei Jesus: Sóluite eum, et sínite abire. Multi ergo ex Judæis, qui vénerant ad Mariam et Martham, et viderant quæ fecit Jesus, crediderunt in eum.

Offertorium. Psal. 17. Pópulum húmitem salvum facies Domine, et oculos superbórum humiliabis: quóniam quis Deus præter te, Domine?

Secreta.

MUNERA nos, Domine quæsumus, oblata purificent: et te nobis júgiter faciant esse placatum. Per Dóminum nostrum.

Aliæ Secretæ ut in Feria iv. Cinerum. fol. 57.

Communio. Joan. 11. Videns Dóminus flentes soróres Lázari ad monumentum, lacrymátus est coram Judæis, et exclamavit: Lázare, veni foras: et pródiit, ligatis manibus et pedibus, qui fuerat quatríduanus mortuus.

Postcommunio.

HÆC nos, quæsumus Domine, participatio sacraménti, et à propriis reatibus indesinenter expédiat, et ab ómnibus tueatur advérsis. Per Dóminum.

Aliæ Postcommuniones ut in Feria iv. Cinerum. fol. 57.

Super populum. Orémus. Humiliáte cápita vestra Deo.

Oratio.

DA nobis, quæsumus omnípotens Deus: ut qui infirmitátis nostræ cónscii, de tua virtúte confidimus, sub tua semper pietáte gaudeámus. Per Dóminum.

SABBATO.

Statio ad S. Nicolaum in carcere.

Introitus. Isaia 55.

SITIENTES veníte ad aquas, dicit Dóminus: et qui non habétis prétium, veníte, et bíbite cum lætítia.

Psal. 77. Atténdite pópule meus legem meam: inclináte aurem vestram in verba oris mei.

℣. Glória Patri.

Oratio.

FIAT, Domine quæsumus, per grátiam tuam fructuó-

sus nostræ devotiõnis afféctus : quia tunc nobis próderunt suscepta jejúnia, si tuæ sint plácita pietáti. Per Dóminum.

Aliæ Orationes ut in Feria iv. Cinerum. fol. 56.

Léctio Isaíæ Prophétæ.

Isa. 49. c.

HÆC dicit Dóminus : In témpore plácito exaudi vi te, et in die salutis auxiliátus sum tui, et servávi te, et dedi te in fœdus pópuli, ut suscitáres terram, et possidéres hæreditátes dissipátas : ut diceres his, qui vincti sunt : Exíte, et his qui in ténebris : Revelámini. Super vias pascéntur, et in ómnibus planis páscua eórum. Non esúrient, neque sítient, et non percútiét eos æstus et sol : quia miserátor eórum reget eos, et ad fontes aquárum potábit eos. Et ponam omnes montes meos in viam, et sémitæ meæ exaltabúntur. Ecce isti de longè vénient, et ecce illi ab Aquilóne, et mari, et isti de terra Austráli. Laudáte cœli, et exúlta terra, jubilate montes laudem : quia consolátus est Dóminus pópulum suum, et páuperum suórum miserébitur. Et dixit Sion : Dereliquit me Dóminus, et Dóminus oblítus est mei. Numquid oblivisci potest múlier infántem suum, ut non misereátur filio úteri sui ? et si illa oblíta fúerit, ego tamen non oblivíscar tui, dicit Dóminus omnípotens.

Graduale. Psal. 9. Tibi Dómine derelictus est pauper : pupillo tu eris adjútor. *V.* Ut quid Dómine recessísti longè, déspicis in opportunitátibus,

in tribulatióne ? dum superbit impius, incénditur pauper.

Sequéntia sancti Evangélli secúndum Joánnem.

Joan. 8. b.

IN illo témpore : Locútus est Jesus turbis Judæórum, dicens : Ego sum lux mundi : qui séquitur me, non ámbulat in ténebris, sed habébit lumen vitæ. Dixérunt ergo ei Pharisæi : Tu de te ipso testimónium pérhibes : testimónium tuum non est verum. Respóndit Jesus, et dixit eis : Et si ego testimónium perhibeo de me ipso, verum est testimónium meum, quia scio unde veni, et quò vado : vos autem nescítis unde vénio, aut quò vado. Vos secúndum carnem judicátis : ego non júdico quemquam : et si júdico ego, júdiciam meum verum est, quia solus non sum : sed ego, et qui misit me, Pater. Et in lege vestra scriptum est, quia duórum hóminum testimónium verum est. Ego sum, qui testimónium perhibeo de me ipso, et testimónium pérhibet de me, qui misit me, Pater. Dicébant ergo ei : Ubi est Pater tuus ? Respóndit Jesus : Neque me scitis, neque Patrem meum : si me scirétis, fórsitán et Patrem meum scirétis. Hæc verba locútus est Jesus in gazophylácio, docens in templo : et nemo apprehéndit eum, quia necdum vénerat hora ejus.

Offertórium. Psal. 17. Factus est Dóminus firmaméntum méum, et refugium meum, et liberátor meus, et sperábo in eum.

Secreta.

QUÆSUMUS nostris, quæsumus Dómine, placare susceptis: et ad te nostras étiam rebelles compelle propítius voluntates. Per Dóminum.

Aliæ Secretæ ut in Feria iv. Cinerum. fol. 57.

Communio. Psal. 22. Dóminus regit me, et nihil mihi déerit: in loco páscuæ ibi me collocávit: super aquam refectionis educávit me.

Postcommunio.

TUA nos, quæsumus Dómine, sancta purificent: et operatióne sua tibi plácitos esse perficiant. Per Dóminum.

Aliæ Postcomm. ut in Feria iv. Cinerum. fol. 57.

Super populum. Orémus. Humiliáte cápita vestra Deo.

Oratio.

DEUS, qui sperántibus in te miseréri pótius éligis, quàm irásci: da nobis dignè flere mala, quæ fécimur, ut tuæ consolatiónis grátiam inveníre mereámur. Per Dóminum.

Ante Vesperas cooperiuntur Cruces, et Imagines.

Ab hac die usque ad Sabbatum sanctum exclusivè non dicitur Psalm. Júdica me, ante Confessionem: neque Glória Patri, ad Lavábo.

DOM. DE PASSIONE.

Statio ad sanctum Petrum.

Introitus. Psal. 42.

JUDICA me Deua, et discérne causam meam de gente non sancta: ab hómine iniquo, et dolóso éripe me: quia tu es Deus meus, et fortitúdo mea. *Psal. ibid.* Emítte lucem

tuam, et veritátem tuam: ipsa me deduxérunt, et adduxérunt in montem sanctum tuum, et in tabernácula tua. Júdica.

Non dicitur, Glória Patri. ad Introitum usque ad Pascha, nisi in Missa de Festo, si occurrerit: sed finito Psalmo, absolutè repetitur Introitus usque ad Psalmum.

Oratio.

QUÆSUMUS omnipotens Deus, familiam tuam propítius respice: ut te largiénte, regátur in corpore; et te servánte, custodiátur in mente. Per Dóminum.

Ab hac die usque ad Feria v. in Coena Domini, post Orationem diei dicitur, vel contra persecutores Ecclesiæ.

Oratio.

ECCLESIAE tuæ, quæsumus Dómine, preces placátus admitte: ut destrúctis adversitatibus, et erroribus universis, secúra tibi sérviat libertáte. Per Dóminum.

Vel pro Papa. Oratio.

DEUS, ómnium fidélium pastor et rector, fámulum tuum *N.* quem pastórem Ecclesiæ tuæ præesse voluísti, propítius respice: da ei, quæsumus, verbo et exémplo, quibus præest, proficere; ut ad vitam, unà cum grege sibi crédito, pervéniat sempiténam. Per Dóminum.

Non dicitur tertia Oratio.

Léctio Epístolæ beáti Pauli Apóstoli ad Hebræos.

Hebr. 9. c.

FRATRES, Christus assíctens Póntifex futurórum bonórum, per ámplius et perféctius tabernáculum non manufáctum, idest, non hujus

creatiónis : neque per sánguinem hircórum, aut vitulórum, sed per próprium sánguinem introívit semel in Sancta, ætérra redemptióne invénta. Si enim sanguis hircórum, et taurórum, et cinis vitulæ aspérsus inquinátos sanctificat ad emundatiónem carnis : quantò magis sanguis Christi, qui per Spíritum sanctum semetípsum obtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti? Et ideò novi testaménti mediátor est : ut morte intercedénte, in redemptiõem eárum prævaricatiónum, quæ erant sub prióri testaménto : repromissiónem accípiant, qui vocáti sunt, ætérræ hæreditátis in Christo Jesu Dómino nostro.

Graduale. Psal. 142. Eripe me Dómine de inimícis meis : doce me fácere voluntátem tuam.

V. Psal. 17. Liberátor meus, Dómine, de géntibus iracúndis : ab insurgéntibus in me exaltábis me : à viro iníquo erípies me.

Tractus. Psal. 128. Sæpè expugnáverunt me à juventúte mea. *V.* Dicat nunc Israël : sæpè expugnáverunt me à juventúte mea. *V.* Etenim non potuérunt mihi : supra dorsum meum fabricáverunt peccátóres. *V.* Prolongáverunt iniquitátes suas : Dóminus justus concídet cervices peccátórum.

Sequéntia sancti Evangéllii secúndum Joánnem.

Joan. 8. f.

IN illo témpore : Dicébat Jesus turbis Judæórum : Quis ex vobis árguet me de

peccáto? Si veritátem dico vobis, quare non créditis mihi? Qui ex Deo est, verba Dei audit. Propterea vos non auditis, quia ex Deo non estis. Respondérunt ergo Judæi, et dixerunt ei : Nónne benè dícimus nos, quia Samaritánus es tu, et dæmónium habes? Respondit Jesus : Ego dæmónium non hábeo : sed honorífico Patrem meum, et vos inhonorástis me. Ego autem non quæro glóriam meam : est qui quærat, et judicet. Amen, amen dico vobis : si quis sermónem meum serváverit, mortem non vidébit in ætérnum. Dixerunt ergo Judæi : Nunc cognóvimus, quia dæmónium habes. Abraham mórtuus est, et Prophætæ : et tu dicis : Si quis sermónem meum serváverit, non gustábit mortem in ætérnum. Numquid tu major es patre nostro Abraham, qui mórtuus est? et Prophætæ mórtui sunt. Quem teípsum facis? Respondit Jesus : Si ego glorífico meípsum, glória mea nihil est : est Pater meus, qui glorificat me, quem vos dicitis, quia Deus vester est, et non cognovistis eum : ego autem novi eum. Et si dixeró, quia non scio eum, ero símilis vobis mendax. Sed scio eum, et sermónem ejus servo. Abraham pater vester exultávit, ut vidéret diem meum : vidit, et gávisus est. Dixerunt ergo Judæi ad eum : Quinquagínta annos nondum habes, et Abraham vidísti? Dixit eis Jesus : Amen, amen dico vobis, ántequam Abraham fieret, ego sum. Tulérunt ergo lápidés, ut jácèrent in eum : Jesus autem

abscondit se, et exiit de templo. Credo.

Offertorium. Psal. 118. Confitebor tibi Dómine in toto corde meo: retribue servo tuo, vivam et custodiam sermões tuos: vivifica me secúndum verbum tuum Dómine.

Secreta.

HÆC múnera, quæsumus Dómine, et víncula nostræ pravitatís absólvant, et tuæ nobis misericórdiæ dona concílient. Pei Dóminum nostrum.

Altera Secreta, vel contra persecutores Ecclesiæ.

PROTEGE nos, Dómine, tuis mystériis serviéntes: ut divinis rebus inhæréntes, et corpore tibi famulémur et mente. Per Dóminum.

Vel pro Papa.

OBLATIS, quæsumus Dómine, placáre munéribus: et famulum tuum *N.* quem pastórem Ecclesiæ tuæ præesse voluisti, assídua protectióne gubérna. Per Dóminum.

Prefatio de Cruce, quæ dicitur quotidie usque ad Feriam v. in Cena Domini, etiam in Missa de Festo, nisi propriam haberit.

Communio. 1 Cor. 11. Hoc corpus, quod pro vobis tradétur: hic calix novi Testaménti est in meo ságuine, dicit Dóminus: hoc fácite, quotiescúmque súmitis, in meam commemoratióne.

Postcommunio.

ADESTO nobis Dómine Deus noster: et quos tuis mystériis recreásti, perpétuis defénde subsidiis. Per Dóminum nostrum.

Altera Postcommunio, vel contra persecutores Ecclesiæ.

Postcommunio.

QUÆSUMUS Dómine Deus noster: ut quos divína tribuis participatióne gaudére, humanis non sinas subjacére periculis. Per Dóminum.

Vel pro papa.

HÆC nos, quæsumus Dómine, divini sacraménti percéptio próteget: et famulum tuum *N.* quem pastórem Ecclesiæ tuæ præesse voluisti, unà cum commisso sibi grege, salvet semper et múniat. Per Dóminum.

FERIA SECUNDA.

Statio ad S. Chrysogonum.

Introitus. Psal. 55.

MISERERE mihi Dómine, quóniam conculcávit me homo: tota die bellans tribulávit me. *Psal. ibid.* Conculcáverunt me inimíci mei tota die: quóniam multi bellántes advérsum me.

Miserére mihi.

Oratio.

SANCTIFICA, quæsumus Dómine, nostra jejúnia: et cunctárum nobis indulgéntiam propítius largire culpárum. Per Dóminum.

Posteà Oratio. Ecclesiæ tuæ. vel Deus ómnium. ut supra in Dominica Passionis. fol. 118.

Léctio Jonæ Prophétæ.

Jonæ 3.

IN diébus illis: Factum est verbum Dómini ad Jonam Prophétam secúndò, dicens: Surge, et vade in Níniven civitátem magnam: et prædica in ea prædicatióne, quam

ego loquor ad te. Et surrexit Jonas, et abiit in Ninivem juxta verbum Dómini. Et Ninive erat civitas magna itinere trium diérum. Et cœpit Jonas introire in civitatem itinere diéi unius: et clamavit, et dixit: Adhuc quadraginta dies, et Ninive subvertetur. Et crediderunt viri Ninivite in Deum: et prædicaverunt jejúnium, et vestiti sunt saccis à majóre usque ad minórem. Et pervénit verbum ad regem Ninive: et surrexit de sólio suo, et abjécit vestiméntum suum à se, et indútus est sacco, et sedit in cinere. Et clamavit, et dixit in Ninive ex ore regis, et principum ejus, dicens: Hómines, et juménta, et boves, et pécora non gustent quidquam, nec pascántur, et aquam non bibant. Et operiántur saccis hómines, et juménta, et clament ad Dóminum in fortitúdine: et convertátur vir à via sua mala, et ab iniquitate, quæ est in mánibus eórum. Quis scit, si convertátur, et ignóscat Deus: et revertátur à furóre iræ suæ, et non peribimus? Et vidit Deus ópera eórum, quia conversi sunt de via sua mala: et misértus est pópulo suo Dóminus Deus noster.

Graduale. Ps. 53. Deus exáudi orationem meam: auri- bus pércipe verba oris mei. *V.* Deus in nómine tuo salvum me fac, et in virtúte tua libera me.

Tractus. Ps. 102. Dómine, non secúndum peccáta nostra, quæ fécimus nos: neque secúndum iniquitates nostras retríbas nobis. *V. Psal. 78.* Dómine, ne memíneris iniquitátum nostrárum antiquárum, citò anticipent nos misericórdiæ

tuæ, quia páuperes facti sumus nimis. *V. Hic genuflectitur.* Adjuva nos Deus salutáris noster, et propter glóriam nóminis tui Dómine, libera nos: et propítius esto peccátis nostris, propter nomen tuum.

Sequéntia sancti Evangélli secúndum Joánnem.

Joan. 7. e.

IN illo tempore: Misérunt príncipes et Pharisæi ministros, ut apprehénderent Jesum. Dixit ergo eis Jesus: Adhuc módicum tempus vobiscum sum: et vado ad eum, qui me misit. Quærétis me, et non inveniétis: et ubi ego sum, vos non potéstis venire. Dixérunt ergo Judæi ad semetipsos: Quò hic itúrus est, quia non inveniémus eum? Numquid in dispersiónem Gén- tium itúrus est, et doctúrus Gentes? Quis est hic sermo, quem dixit: Quærétis me, et non inveniétis: et ubi sum ego, vos non potéstis venire? In novíssimo autem die magno festivitátis stabat Jesus, et clamábat, dicens: Si quis sitit, véniat ad me, et bibat. Qui credit in me, sicut dicit Scriptúra, flúmina de ventre ejus fluent aquæ vivæ. Hoc autem dixit de Spíritu, quem accep- túri erant credéntes in eum.

Offertorium. Psal. 6. Dómine convertere, et éripe ánimam meam: salvum me fac propter misericórdiam tuam.

Secreta.

CONCEDE nobis, Dómine Deus noster: ut hæc hóstia salutáris, et nostrórum fiat purgátio delictórum, et tuæ propitiátio majestátis. Per Dóminum.

Posteà Secreta, vel Prôtege. vel Oblâtis, quæsumus. fol. 120.

Communio. Psal. 23. Dóminus virtútum ipse est Rex glóriæ.

Postcommunio.

SACRAMENTI tui, quæsumus Dómine, participátio salutáris, et purificatióem nobis tríbuat, et medélam. Per Dóminum.

Posteà vel Quæsumus Dómine. vel Hæc nos, quæsumus. fol. 120.

Super populum. Orémus. Húmiliátæ cápita vestra Deo.

Oratio.

DA, quæsumus Dómine, pópulo tuo salutem mentis et córporis: ut bonis opéribus inhæréndo, tua semper mereátur protectiône deféndi. Per Dóminum.

FERIA TERTIA.

Statio ad S. Cyriacum.

Introitus. Psal. 26.

EXPECTA Dóminum, viriliter age: et confortétur cor tuum, et sústine Dóminum. *Psal. ibid. Dóminus illuminátio mea, et salus mea: quem timébo? Expécta Dóminum.*

Oratio.

NOSTRA tibi, Dómine quæsumus, sint accépta jejúnia: quæ nos et expiándo, grátia tua dignos efficiant, et ad remédia perdúcant æterna. Per Dóminum.

Deinde vel Ecclésiæ tuæ. vel Deus ómnium fidélium. f. 118.

Léctio Daniélis Prophétæ.

Dan. 14. c.

IN diébus illis: Congregáti sunt Babylónii ad regem,

et dixerunt ei: Trade nobis Daniélem, qui Bel destrúxit, et dracónem interlécit, alióquin interficiémus te, et domum tuam. Vidit érgo rex, quòd irrúerent in eum veheménter: et necessitáte compúlsus trádidit eis Daniélem. Qui miserunt eum in lacum leónum, et erat ibi diébus sex. Porrò in lacu erant leónes septem, et dabántur eis duo córpora quotidie, et duæ oves: et tunc non data sunt eis, ut devorárent Daniélem. Erat autem Hábacuc Prophéta in Judæa, et ipse cóxerat pulméntum, et intríverat panes in alvéolo: et ibat in campum, ut ferret messóribus. Dixitque Angelus Dómini ad Hábacuc: Fer prándium, quod habes, in Babylónem Daniéli, qui est in lacu leónum. Et dixit Hábacuc: Dómine, Babylónem non vidi, et lacum néscio. Et apprehéndit eum Angelus Dómini in vértice ejus, et portávit eum in capíllo cápitis sui, posuitque eum in Babylóne supra lacum in ímpetu spíritus sui. Et clamávit Hábacuc, dicéns: Dániel serve Dei, tolle prándium, quod misit tibi Deus. Et ait Dániel: Recordátus es mei Deus, et non dereliquisti diligétes te. Surgénsque Dániel comédit. Porrò Angelus Dómini restituit Hábacuc conféstim in loco suo. Venit ergo rex die séptimo, ut lugéret Daniélem: et venit ad lacum, et introspéxit: et ecce Dániel sedens in médio leónum. Et exclamávit voce magna rex, dicens: magnus es Dómine Deus Daniélis. Et extráxit eum de lacu leónum. Porrò illos, qui perditiónis ejus causa

fuerant, intromisit in lacum, et devorati sunt in momento coram eo. Tunc rex ait: Paveant omnes habitantes in universa terra Deum Daniélis: quia ipse est Salvator, faciens signa, et mirabilia in terra: qui liberavit Daniélem de lacu leonum.

Graduale. Psal. 42. Discerne causam meam Domine: ab homine iniquo et doloso eripe me. V. Emitte lucem tuam, et veritatem tuam: ipsa me deduxerunt, et adduxerunt in montem sanctum tuum.

Sequentia sancti Evangelii secundum Joannem.

Joan. 7.

IN illo tempore: Ambulabat Jesus in Galilæam; non enim volebat in Judæam ambulare, quia querebant eum Judæi interficere. Erat autem in proximo dies festus Judæorum, Scenopégia. Dixerunt autem ad eum fratres ejus: Transi hinc, et vade in Judæam, ut et discipuli tui videant opera tua, quæ facis: nemo quippe in occulto quid facit, et querit ipse in palam esse: si hæc facis, manifesta teipsum mundo. Neque enim fratres ejus credebant in eum: Dicit ergo eis Jesus: Tempus meum nondum advénit: tempus autem vestrum semper est paratum. Non potest mundus odisse vos: me autem odit, quia ego testimonium perhibeo de illo, quod opera ejus mala sunt. Vos ascendite ad diem festum hunc, ego autem non ascendo ad diem festum istum: quia meum tempus nondum impletum est. Hæc cum dixisset,

ipse mansit in Galilæa. Ut autem ascenderunt fratres ejus, tunc et ipse ascendit ad diem festum, non manifestè, sed quasi in occulto. Judæi ergo querebant eum in die festo, et dicebant: Ubi est ille? Et murmur multum erat in turba de eo. Quidam enim dicebant: Quia bonus est. Alii autem dicebant: Non, sed seducit turbas, Nemo, tamen palam loquebatur de illo propter metum Judæorum.

Offertorium. Psal. 9. Sperent in te omnes, qui novèrunt nomen tuum, Domine, quoniam non derelinquis quærentes te: psallite Domino, qui habitat in Sion: quoniam non est oblitus orationes pauperum.

Secreta.

HOSTIAS tibi, Domine, deférimus immolandas: quæ temporalem consolationem significent, ut promissa non desperemus æterna. Per Dominum.

Deinde vel Prôtege. vel Oblâtis, quæsumus fol. 120.

Communio. Psal. 24. Rêdime me, Deus Israël, ex omnibus angustis meis.

Postcommunio.

DA quæsumus omnipotens Deus: ut, quæ divina sunt, jûgiter exequentes, donis mereamur cœlestibus propinquare. Per Dominum.

Deinde vel Quæsumus Domine. vel Hæc nos quæsumus. fol. 120.

Super populum. Orémus. Humiliâte capita vestra Deo.

Oratio.

DA nobis quæsumus Domine, perseverantem in tua voluntate famulatum: ut in dièbus nostris, et mérito et

número, pópulus tibi serviens augeátur. Per Dóminum.

FERIA QUARTA.

Statio ad S. Marcellum.

Introitus. Psal. 17.

LIBERATOR meus de Géntibus iracúndis: ab insurgéntibus in me exaltábis me: à viro iníquo erípies me Dómine.

Psal. ibid. Diligam te Dómine virtus mea: Dóminus firmaméntum meum, et refúgium meum, et liberátor meus. Liberátor.

Oratio.

SANCTIFICATO hoc jejúnio, Deus, tuórum corda fidélium miserátor illústra: et quibus devotiónis præstas afféctum, præbe supplicántibus pium benignus audítum. Per Dóminum.

Posteà vel Ecclésiæ tuæ, vel Deus ómnium fidélium. f. 118.

Léctio libri Levítici.

Lev. 19.

IN diébus illis: Locútus est Dóminus ad Móysen, dicens: Lóquere ad omnem cœtum filiórum Israël, et dices ad eos: Ego Dóminus Deus vester. Non faciétis furtum. Non mentiémini, nec decipiet unusquisque próximum suum. Non perjurábis in nómine meo, nec póllues nomen Dei tui. Ego Dóminus. Non fácies calúnniam próximo tuo: nec vi ópprimes eum. Non morábitur opus mercénarii tui apud te usque manè. Non maledices surdo, nec coram cæco pones offendículum: sed timébis Dóminum Deum tuum, quia ego sum Dóminus. Non

fácies quod iniquum est: nec injustè judicábis. Non consíderes persónam páuperis, nec honóres vultum poténtis. Justè judica próximo tuo. Non eris criminátor, nec susúrro in pópulo. Non stabis contra sanguinem próximi tui. Ego Dóminus. Non óderis fratrem tuum in corde tuo, sed públicè árgue eum, ne hábeas super illo peccátum. Non quæras ultiónem, nec memor eris injúriæ civium tuórum. Diliges amicum tuum sicut teípsum. Ego Dóminus. Leges meas custodíte. Ego enim sum Dóminus Deus vester.

Graduale. Psal. 29. Exaltábo te Dómine, quóniam suscepisti me: nec delectásti inimicos meos super me. *V.* Dómine Deus meus clamávi ad te, et sanásti me: Dómine, abstraxísti ab ínferis ánimam meam, salvásti me à descendéntibus in lacum.

Tractus. Psal. 102. Dómine, non secúndum peccáta nostra, quæ fécimur nos: neque secúndum iniquitátes nostras retríbuas nobis. *V.* *Psal. 78.* Dómine, ne memíneris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis. *V.* *Hic genus flectitur.* Adjuva nos, Deus salutaris noster, et propter glóriam nóminis tui Dómine, libera nos: et propítius esto peccátis nostris, propter nomen tuum.

Sequéntia sancti Evangélii secúndum Joánnem.

Joan. 10. d.

IN illo témpore: Facta sunt Encænía in Jerosólymis: et hiems erat. Et ambulábat

Jesus in templo, in pórticu Salomónis. Circumdedérunt ergo eum Judæi, et dicébant ei: Quoúsque ánimam nostram tollis? si tu es Christus, dic nobis palàm. Respóndit eis Jesus: Loquor vobis, et non créditis. Opéra, quæ ego fácio in nómine Patris mei, hæc testimónium pérhibent de me. Sed vos non créditis, quia non estis ex óvibus meis. Oves meæ vocem meam áudiunt: et ego cognósko eas, et sequúntur me, et ego vitam ætérnam do eis: et non períbunt in ætérnum, et non rápiet eas quisquam de manu mea. Pater meus, quod dedit mihi, majus ómnibus est: et nemo potest rápere de manu Patris mei. Ego, et Pater unum sumus. Sustulérunt ergo lápides Judæi, ut lapidárent eum. Respóndit eis Jesus: Multa bona ópera osténdi vobis ex Patre meo, propter quod eórum opus me lapidátis? Respóndérunt ei Judæi: De bono ópere non lapidámus te, sed de blasphemía: et quia tu homo cùm sis, facis teipsum Deum. Respóndit eis Jesus: Nónne scriptum est in lege vestra: quia Ego dixi, dii estis: Si illos dixit deos, ad quos sermo Dei factus est, et non potest solvi Scriptúra: quem Pater sanctificávit, et misit in mundum, vos dicitis: Quia blasphemás: quia dixi, Fílius Dei sum? Si non fácio ópera Patris mei, nolíte crédere mihi. Si autem fácio: et si mihi non vultis crédere, opéribus crédate, ut cognoscátis, et credátis, quia Pater in me est, et ego in Patre.

Offertorium. Psal. 58. Eripe me de inimícis meis Deus

meus: et ab insurgéntibus in me libera me Dómine.

Secreta.

A NNUE miséricors Deus: ut hóstias placatiónis et laudis, sincéro tibi deferámus obséquio. Per Dóminum.

Deinde vel Prótege nos. *vel* Oblátis, quæsumus. fol. 120.

Communio. Ps. 25. Lavábo inter innocéntes manus meas, et circuibo altáre tuum Dómine: ut áudiam vocem láudis tuæ, et enárrem univérsa mirabilia tua.

Postcommunio.

CŒLESTIS doni benedictióne percépta, súpplices te, Deus omnipotens deprecámur: ut hoc idem nobis et sacraménti causa sit, et salútis. Per Dóminum.

Posteà vel Quæsumus Dómine. *vel* Hæc nos, quæsumus. fol. 120.

Super populum. Orémus. Humiliáte cápita vestra Deo.

Oratio.

A DESTO supplicatióibus nostris omnipotens Deus: et quibus fidúciam sperándæ pietátis indulges: consuétæ misericórdiæ tribue benignus effectum. Per Dóminum.

FERIA QUINTA.

Statio ad S. Apollinarem.

O MNIA, quæ fecísti nobis, Dómine, in vero júdicio fecísti: quia peccávimus tibi, et mandátis tuis non obedivimus: sed da glóriam nómini tuo, et fac nobiscum secúndum multitudinem misericórdiæ tuæ.

Psal. 118. Beáti immaculáti in via: quia ámbulant in

lege Dómini. Omnia, quæ fecisti.

Oratio.

PRÆSTA quæsumus omnipotens Deus: ut dignitas conditionis humanæ per immoderantiam sauciata, medicinalis parsimoniam studio reformetur. Per Dóminum.

Posteà vel Ecclesiæ tuæ. vel Deus omnium fidelium. f. 118.

Lectio Daniélis Prophætæ.

Dan. 3. c.

IN dièbus illis: Oravit Azarias Dóminum, dicens: Dómine Deus noster: ne, quæsumus, tradas nos in perpetuum propter nomen tuum, et ne dissipés testamentum tuum. Neque auferas misericordiam tuam à nobis propter Abraham dilectum tuum, et Isaac servum tuum, et Israël sanctum tuum: quibus locutus es, pollicens quòd multiplicáres semen eorum sicut stellas cœli, et sicut arénam, quæ est in littore maris: quia Dómine imminúti sumus plusquam omnes gentes, sumusque húmiles in univèrsa terra hódie propter peccata nostra. Et non est in tẽpore hoc princeps, et dux, et Prophéta, neque holocáustum, neque sacrificium, neque oblátio, neque incensum, neque locus primitiarum coram te, ut possimus invenire misericordiam tuam: sed in ánimo contrito, et spiritu humilitatis suscipiamur. Sicut in holocáusto arietum, et taurorum, et sicut in millibus agnorum pinguium: sic fiat sacrificium nostrum in conspèctu tuo hódie, ut pláceat tibi: quoniam non est confusio confidentibus in te. Et nunc sé-

quimur te in toto corde, et timemus te, et quærimus faciẽm tuam. Ne confundas nos: sed fac nobiscum juxta mansuetudinem tuam, et secundum multitudinem misericordiæ tuæ. Et erue nos in mirabilibus tuis, et da glóriam nomini tuo Dómine: et confundantur omnes, qui ostendunt servis tuis mala, confundantur in omnipotẽtia tua, et robur eorum conteratur: et sciant, quia tu es Dóminus Deus solus, et glóriusus per orbem terrarum, Dómine Deus noster.

Graduale. Psal. 95. Tóllite hóstias, et introite in átria ejus: adoráte Dóminum in aula sancta ejus.

V. Psal. 28. Revelábit Dóminus condensa: et in templo ejus omnes dicent glóriam.

Sequẽtia sancti Evangélii secundum Lucam.

Luc. 7. f.

IN illo tẽpore: Rogabat Jesum quidam de Pharisæis, ut manducáret cum illo. Et ingressus domum Pharisæi, discubuit. Et ecce mulier, quæ erat in civitate peccatrix, ut cognóvit quòd accubuisset in domo Pharisæi, áttulit alabástrum unguenti: et stans retrò secus pedes ejus, lácrymis cœpit rigare pedes ejus, et capillis cápitis sui tergebat, et osculabatur pedes ejus, et unguento ungebat. Videns autem Pharisæus, qui vocaverat eum, ait intra se, dicens: Hic si esset Prophéta, sciret útique, quæ et qualis est mulier, quæ tangit eum: quia peccatrix est. Et respondens Jesus, dixit ad

illum: Simon, hábeo tibi ali-
quid dicere. At ille ait: Ma-
gister, dic. Duo debitóres
erant cuidam fœneratóri: unus
debébat denários quingéntos,
et alius quinquaginta. Non
habéntibus illis unde rédde-
rent, donávit utrisque. Quis
ergo eum plus diligit? Res-
póndens Simon, dixit: Æsti-
mo quia is, cui plus donávit.
At ille dixit ei: Rectè judi-
cásti. Et convérsus ad muli-
erem, dixit Simóni: Vides
hanc muliérem? Intrávi in do-
mum tuam: aquam pédibus
meis non dedísti: hæc autem
lácrymis rigávit pedes meos,
et capíllis suis tersit. Osculum
mihi non dedísti: hæc au-
tem, ex quo intrávit, non
cessávit osculári pedes meos.
Oleo caput meum non unx-
ísti: hæc autem unguénto
unxit pedes meos: Propter
quod dico tibi: Remittúntur
ei peccáta multa, quóniam di-
léxit multum. Cui autem mi-
nus dimíttitur, minus diligit.
Dixit autem ad illam: Remit-
túntur tibi peccáta. Et cœpe-
runt, qui simul accumbébant,
dicere intra se: Quis est hic,
qui étiam peccáta dimíttit:
Dixit autem ad mulierem:
Fides tu te salvam fecit: vade
in pace.

Offertorium. Ps. 136. Super
flúmina Babylónis illic sédi-
mus, et flévimus, dum recor-
darémur tui Sion.

Secreta.

DOMINE Deus noster, qui
in his pótius creatúris,
quas ad fragilitátis nostræ sub-
sídium condidísti, tuo quo-
que nómini munera jussísti di-
canda constitúti; tríbue, quæ-

sumus, ut et vitæ nobis præ-
séntis auxiliúm, et æternitátis
efficiant sacraméntum. Per
Dóminum.

Deinde vel Prótege nos. *vel*
Oblátis quæsumus. fol. 120.

Communio. Psal. 118. Me-
ménto verbi tui servo tuo, Dó-
mine, in quo mihi spem de-
dísti: hæc me consoláta est in
humilitáte mea.

Postcommunio.

QUOD ore sumpsimus, Dó-
mine, pura mente capiá-
mus: et de múnere temporáli,
fiat nobis remédiúm sempitér-
num. Per Dóminum nostrum.

Posteà vel Quæsumus, Dó-
mine. *vel* Hæc nos quæsumus.
fol. 120.

Super populum. Orémus.
Humiliáte cápita vestra Deo.

Oratio.

ESTO, quæsumus Dómine,
propítius plebi tuæ: ut,
quæ tibi non placent, respu-
éntes, tuórum pótius reple-
ántur delectatióibus manda-
tórum. Per Dóminum.

FERIA SEXTA.

*Statio ad S. Stephanum in Cœ-
lio monte.*

Introitus. Psal. 30.

MISERERE mihi Dómine,
quóniam tribulor: libe-
ra me, et éripe me de má nibus
inimicórum meórum, et à per-
sequéntibus me: Dómine non
confúndar quóniam invocávi
te.

Ps. ib. In te Dómine sperá-
vi, non confúndar in ætérnum:

in justitia tua libera me. Miserere mihi.

Oratio.

CORDIBUS nostris, quæsumus Dómine, gratiam tuam benignus infunde: ut peccáta nostra castigatióne voluntária cohibéntes, temporáliter pótius macerémur, quàm supplicíis deputémur, ætérnis. Per Dóminum.

Deinde vel Ecclésiæ tuæ. vel Deus ómnium fidélium. f. 118.

Lectio Jeremiæ Prophætæ.

Jerem. 17. b.

IN diébus illis: Dixit Jeremias: Dómine, omnes qui te derelinquunt, confundéntur: recedéntes à te, in terra scribéntur: quóniam dereliquerunt venam aquarum vivéntium Dóminum. Sana me Dómine, et sanabor: salvum me fac, et salvus ero: quóniam laus mea tu es. Ecce ipsi dicunt ad me: Ubi est verbum Dómini? Véniat. Et ego non sum turbátus, te pastórem sequens: et diem hóminis non desiderávi, tu scis. Quodegressum est de lábiis meis, rectum in conspéctu tuo fuit. Non sis tu mihi formídini, spes mea tu in die afflictiónis. Confundántur qui me persecúntur, et non confundar ego: páveant illi, et non páveam ego: induc super eos diem afflictiónis, et dúplici contritióne cóntere eos. Dómine Deus noster.

Graduale. Ps. 34. Pacíficè loquebántur mihi inimíci mei, et in ira molésti erant mihi.

V. Vidísti Dómine, ne síleas, ne discédas à me.

Tractus. Ps. 102. Dómine, non secúndum peccáta nostra,

quæ fécimus nos: neque secúndum iniquitátes nostras retribuas nobis.

V. Ps. 78. Dómine, ne merneris iniquitátum nostrarum antiquarum, citò anticipent nos misericórdiæ tuæ, quia páuperes facti sumus nimis.

V. Hic genuflectitur. Adjuva nos Deus salutáris noster: et propter glóriam nóminis tui Dómine libera nos: et propítius esto peccátis nostris, propter nomen tuum.

Sequéntia sancti Evangélii secúndum Joánnem.

Joan. 11. f.

IN illo tēpore: Collegérunt Pontífices et Pharisæi concílium advérsus Jesum, et dicébant: Quid fácimus, quia hic homo multa signa facit? Si dimíttimus eum sic, omnes credent in eum: et vénient Románi, et tollent nostrum locum, et gentem. Unus autem ex ipsis Cáiphas nómine, cū esset Póntifex anni illius, dixit eis: Vos nescítis quidquam: nec cogítatis, quia expedit vobis, ut unus moriátur homo pro pópulo, et non tota gens péreat. Hoc autem à semetípso non dixit: sed cū esset Póntifex anni illius, prophetávit, quòd Jesus moritúrus erat pro gente, et non tantum pro gente, sed ut filios Dei, qui erant dispérsi, congregáret in unum. Ab illo ergo die cogitavérunt, ut interficerent eum. Jesus ergo jam non in palàm ambulábat apud Judæos, sed ábiit in regiónem juxta désertum, in civitátem, quæ dicitur Ephrem, et ibi morabátur cum discípulis suis.

Offertorium. Ps. 118. Benedictus es Dómine, doce me justificatiónes tuas: et non tradas calumniántibus me superbis: et respondiéro exprobrántibus mihi verbum.

Secreta.

PRÆSTA nobis miséricors Deus: ut dignè tuis servíre semper altáribus mereámur, et eórum perpétua participatióne salvári. Per Dóminum.

Deinde vel Prótege nos. *vel* Oblátis, quæsumus. fol. 120.

Communio. Ps. 26. Ne tradideris me Dómine, in ánimas persequéntium me: quóniam insurrexérunt in me testes iníqui, et mentita est iniquitas sibi.

Postcommunio.

SUMPTI sacrificii, Dómine, perpétua nos tuitio non derelinquat: et nóxia semper à nobis cuncta depéllat. Per Dóminum.

Posteà vel Quæsumus Dómine. *vel* Hæc nos quæsumus. fol. 120.

Super populum. Orémus. Humiliáte cápita vestra Deo.

Oratio.

CONCEDE quæsumus omnipotens Deus, ut qui protectiÓnis tuæ grátiam quærimus, liberáti à malis ómnibus, secúra tibi mente servíamus. Per Dóminum.

SABBATO.

Statio ad S. Joannem ante Portam Latinam.

Introitus. Psal. 30.

MISERERE mihi Dómino, quóniam tríbulor: libera me, et éripe me de mánibus inimicórum meórum, et à persequéntibus me: Dó-

mine non confúndar, quoniam invocávi te.

Ps. ibid. In te Dómine, sperávi, non confúndar in ætérnum: in justítia tua libera me. Miserére mihi.

Oratio.

PROFICIAT, quæsumus Dómine plebs tibi dicáta piæ devotiÓnis afféctu: ut sacris actiÓnibus erudíta, quantò majestáti tuæ fit grátior, tantò donis potiÓribus augeátur. Per Dóminum.

Posteà vel Ecclésiæ tuæ. *vel* Deus ómnium fidélium. f. 188.

Lectio Jeremiæ Prophétæ.

Jer. 18. c.

IN diébus illis: Dixérunt impii Judæi ad invicem: Veníte, et cogitémus contra justum cogitatiÓnes; non enim peribit lex à sacerdóte, neque consilium à sapiénte, nec sermo à Prophéta: veníte, et percutiámus eum lingua, et non attendámus ad univérso s sermónes ejus. Atténde Dómine ad me, et audi vocem adversariórum meórum. Numquid rédditur pro bono malum, quia fodérunt fóveam ánimæ meæ? Recordáre quòd stéterim in conspéctu tuo, ut lóquerer pro eis bonum, et avérterem indignatiÓnem tuam ab eis. Propterea da filios eórum in famem, et deduc eos in manus gládii: fiant uxóres eórum absque liberis, et víduæ: et viri eárum interficiántur morte: júvenes eórum confodiántur gládio in prælio. Audiátur clamor de dómibus eórum: addúces enim super eos latrónem repénte, quia fodérunt fóveam, ut cáperent me, et láqueos absconderunt pédibus meis. Tu autem Dómine scis omne consi-

lium eórum advérsus me in mortem: ne propitiéris iniquitati eórum, et peccátum eórum à fácie tua non deleátur: fiant corruéntes in conspéctu tuo, in témpore furóris tui abútere eis, Dóminè Deus noster.

Graduale. Ps. 34. Pacificé loquebántur mihi inimici mei, et in ira molésti erant mihi. *V.* Vidísti Dómine, ne sileas, ne discédas à me.

Sequéntia sancti Evangéllii secúndum Joánnem.

Joan. 12. h.

IN illo témpore: Cogitavérunt príncipes sacerdotum, ut et Lázarum interficerent: quia multi propter illum abibant ex Judæis, et credébant in Jesum. In crástinum autem turba multa, quæ vénerat ad diem festum, cùm audissent, quia venit Jesus Jerosólymam, acceperunt ramos palmárum, et processérunt óbviám ei, et clamábant: Hosánna, benedictus qui venit in nómine Dómini, Rex Israél. Et invenit Jesus asélum, et sedit super eum, sicut scriptum est: Noli timére filia Sion: ecce rex tuus venit sedens super pullum ásinæ. Hæc non cognovérunt discipuli ejus primùm: sed quando glorificátus est Jesus, tunc recórdáti sunt, quia hæc erant scripta de eo, et hæc fecérunt ei. Testimónium ergo perhibébat turba, quæ erat cum eo, quando Lázarum vocávit de monumento, et suscitávit eum à mórtuis. Propterea et óbviám venit ei turba: quia audierunt

eum fecísse hoc signum. Pharisæi ergo dixerunt ad semetipsos: Vidétis, quia nihil proficimus? ecce mundus totus post eum ábiit. Erant autem quidam Gentiles ex his, qui ascénderant, ut adorárent in die festo. Hi ergo accessérunt ad Philippum, qui erat à Bethsáida Galilææ, et rogábant eum, dicéntes: Dómine, vólumus Jesum vidére. Venit Philippus, et dicit Andréæ: Andréas rursus et Philippus dixerunt Jesu. Jesus autem respóndit eis, dicens: Venit hora, ut clarificétur Filius hóminis. Amen, amen dico vobis, nisi granum fruménti cadens in terram, mórtuum fúerit, ipsum solum manet. Si autem mórtuum fúerit, multum fructum affert. Qui amat ánimam suam, perdet eam: et qui odit ánimam suam in hoc mundo, in vitam ætérnam custódit eam. Si quis mihi ministrat, me sequátur: et ubi sum ego, illic et minister meus erit. Si quis mihi ministráverit, honorificábit eum Pater meus. Nunc ánimá mea turbáta est. Et quid dicam? Pater, salvífica me ex hac hora. Sed propterea veni in horam hanc. Pater, clarífica nomen tuum. Venit ergo vox de cœlo: Et clarificávi, et iterum clarificábo. Turba ergo, quæ stabat, et audierat, dicébat tonítrum esse factum. Alii dicébant: Angelus ei locútus est. Respóndit Jesus, et dixit: Non propter me hæc vox venit, sed propter vos. Nunc iudicium est mundi: nunc princeps hujus mundi ejiciétur foras. Et ego si exaltátus fúero à terra, ómnia traham ad

me ipsum: (hoc autem dicebat, significans qua morte esset moriturus.) Respondit ei turba: Nos audivimus ex lege, quia Christus manet in æternum: et quomodo tu dicis: Opórtet exaltári Filium hóminis? Quis est iste Filius hóminis? Dixit ergo eis Jesus: Adhuc módicum lumen in vobis est. Ambuláte dum lucem habétis, ut non vos ténebræ comprehéndant: et qui ámbulat in ténebris, nescit quò vadat. Dum lucem habétis, créдите in lucem, ut filii lucis sitis. Hæc locútus est Jesus: et ábiit, et abscondit se ab eis.

Offertorium. Psal. 118. Benedictus es Dómine, doce me justificatiónes tuas: et non tradas calumniántibus me supérbis: et respondébo exprobrántibus mihi verbum.

Secreta.

ACUNCTIS nos, quæsumus Dómine, reátibus et periculis propitiátus absólve: quos tanti mystérii tríbuis esse consórtes. Per Dóminum.

Deinde vel Protége nos. *vel* Oblátis, quæsumus. fol. 120.

Communio. Psal. 26. Ne tradideris me, Dómine, in ánimas persecuéntium me: quóniam insurrexérunt in me testes iníqui, et mentíta est iniquitas sibi.

Postcommunio.

DIVINI múnaris largitáte satiáti, quæsumus Dómine Deus noster: ut hujus semper participatióne vivámus. Per Dóminum.

Posteà vel Quæsumus Dómine. *vel* Hæc nos quæsumus. fol. 120.

Super populum. Orémus. Humiliáte cápita vestra Deo.

Oratio.

TUEATUR, quæsumus Dómine, dextera tua populum deprecántem, et purificátum dignántur erúdiat: ut consolatióne præsénti, ad futúra bona proficiat. Per Dóminum nostrum.

DOMINICA IN PALMIS.

Completa Tertia, et facta aspersione aquæ, more solito, Sacerdos indutus pluviali violaceo, vel sine casula, cum ministris similiter indutis, procedit ad benedicendum ramos palmarum, et olivarum, five aliarum arborum, in medio ante Altare, vel ad cornu Epistolæ positos. Et primò cantatur à Choro Antiphona.

Matth. 21.

HOSANNA filio David: benedictus qui venit in nómine Dómini. O Rex Israël: Hosánna in excélsis.

Deinde Sacerdos stans in cornu Epistolæ, non vertens se ad populum, dicit in tono Orationis Missæ ferialis: Dóminus vobiscum. R. Et cum spiritu tuo.

Orémus.

Oratio.

DEUS, quem diligere et amáre, justítia est: ineffábilis grátia tuæ in nobis dona multiplica: et qui fecisti nos in morte Filii tui speráre quæ crédimus; fac nos eódem resurgénte pervenire quò ténedimus. Qui tecum vivit et regnat, &c.

Posteà Subdiaconus in loco solito cantat sequentem Lectiorem in tono Epistolæ, et in fine osculatur manum Sacerdotis.

Lectio libri Exodi, *Exod. 15. d.*

IN diébus illis: Venérunt filii Israël in Elim, ubi erant duódecim fontes aquárum, et septuaginta palmæ: et castrametáti sunt juxta aquas. Profectique sunt de Elim, et venit omnis multitúdo filiórum Israël in desértum Sin, quod est inter Elim et Sínai, quíntodécimo die mensis secúndi, postquam egressi sunt de terra Ægypti. Et murmurávit omnis congregátio filiórum Israël contra Móysen et Aaron in solitúdine. Dixerúntque filii Israël ad eos: Utinam mórtui essémus per manum Dómini in terra Ægypti, quando sedebámus super ollas cárnium; et comedebámus panem in saturitáte: cur eduxístis nos in desértum istud, ut occiderétis omnem multitúdinem fame? Dixit autem Dóminus ad Móysen: Ecce ego pluam vobis panes de cælo: egrediátur pópulus, et cólligat quæ sufficiunt per singulos diés; ut tentem eum utrùm ámbulet in lege mea, an non. Die autem sexto parent quod inferant: et sit duplum, quàm colligere solébant per singulos diés. Dixerúntque Móyses et Aaron ad omnes filios Israël: Véspere sciétis, quòd Dóminus edúxerit vos de Terra Ægypti: et manè vidébitis glóriam Dómini.

Deinde cantatur pro Graduali, R. Joan. 11. Collegérunt Pontífices et Pharisæi concilium, et dixerunt: Quid fá-cimus, quia hic homo multa signa facit? Si dimíttimus eum sic, omnes credent in eum: * Et vénient Románi,

et tollent nostrum locum, et gentem. *V.* Unus autem ex illis, Cáiphas nómine, cùm esset Póntifex anni illius, prophétávit, dicens: Expedit vobis, ut unus moriátur homo pro pópulo, et non tota gens péreat. Ab illo ergo die cogitavérunt interficere eum, dicentes. Et vénient.

Vel aliud R. Matth. 26. In monte Olivéti orávit ad Patrem: Pater, si fieri potest, tránseat à me calix iste. * Spiritus quidem promptus est, caro autem infirma: fiat volúntas tua. *V.* Vigiláte, et oráte, ut non intrétis in tentatiónem. Spiritus.

Interim dum cantatur V. Diaconus ponit librum Evangeliorum super Altare: et Sacerdos, ministrante Diacono naviculam, ponit incensum in thuribulo. Deinde Diaconus dicit, Munda cor meum, accipit librum de Altari, petit benedictionem à Sacerdote: postea Subdiacono librum tenente, medius inter duos Acolythos tenentes candelabra accensa, signat librum, incensat, et cantat Evangelium, ut infra more consueto: quo finito, Subdiaconus defert librum osculandum Sacerdoti, qui et incensatur à Diacono.

Sequéntia sancti Evángelii secúndum Matthæum.

Matth. 21.

IN illo tēpore: Cūm ap propinquasset Jesus Jerosólimis, et vinisset Bétphage ad montem Olivéti: tunc misit duos discipulos suos, dicens eis: Ite in castéllum, quod contra vos est, et statim inve-

niētis ásinam alligátam, et pullum cum ea: sólvite, et addúcite mihi: et si quis vobis áliquíd dixerit, dicite quia Dóminus his opus habet: et conféstum dimittet eos. Hoc autem totum factum est, ut adimplerétur quod dictum est per Prophétam, dicentem: Dicite filiæ Sion: Ecce Rex tuus venit tibi mansuétus, sedens super ásinam et pullum, filium subjugális. Eúntes autem discípuli, fecérunt sicut præcépit illis Jesus. Et adduxérunt ásinam, et pullum: et imposuérunt super eos vestiménta sua, et eum désuper sedére fecérunt. Plúrima autem turba straverunt vestiménta sua in via: álii autem cædebant ramos de arbóribus, et sternébant in via: turbæ autem, quæ præcedébant, et quæ sequebántur, clamábant, dicentes: Hosánna filio David: benedictus, qui venit in nómine Dómini.

Post hæc benedicuntur rami. Sacerdos stans in eodem cornu Epistolæ, dicit in tono Orationis ferialis. Dóminus vobiscum. R. Et cum spíritu tuo.

Orémus. Oratio.

AUGE fidem in te sperantium Deus, et supplicum preces cleménter exaudi: véniat super nos múltiplex misericórdia tua: bene-**+**dicántur et hi palmítes palmárum, seu olivárum: et sicut in figura Ecclésiæ multiplicásti Noe egredientem de arca, et Móysen exeúntem de Ægypto cum filiis Israél: ita nos portántes palmas et ramos olivárum, bonis áctibus occurrámus óbviam Christo, et per ipsum in gáu-

dium introeámus ætérnum. Qui tecum vivit et regnat.

PER ómnia sæcula sæculórum. R. Amen.

V. Dóminus vobiscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est.

Verè dignum et justum est, æquum et salutáre, nos tibi semper, et ubique grátias ágere, Dómine sancte, Pater omnípotens, ætérne Deus. Qui gloriáris in consílio sanctorum tuórum. Tibi enim sérvíunt creaturæ tuæ: quia te solum auctórem et Deum cognóscunt: et omnis factúra tua te colláudat, et benedícunt te sancti tui. Quia illud magnum Unigéniti tui nomen coram régibus et potestátibus hujus sæculi, líbera voce confiténtur. Cui assístunt Angeli et Archángeli, Throni et Dóminationes: cumque omni militiá cœlestis exercitus, hymnum glóriæ tuæ cóncinunt, sine fine dicentes.

Et cantatur Sanctus à Choro.

Sanctus, Sanctus, Sanctus, Dóminus Deus Sábaoth. Pleni sunt cœli et terra glória tua, Hosanna in excélsis. Benedictus qui venit in nómine Dómini, Hosanna in excélsis.

Sequitur: Dóminus vobiscum.

R. Et cum spíritu tuo.

Orémus. Oratio.

PETIMUS, Dómine sancte, Pater omnípotens, ætérne Deus: ut hanc creatúram

olivæ, quam ex ligni matéria prodire jussisti, quamque colúmba rédiens ad arcam próprio pértulit ore, bene-✠dicere, et sancti-✠ficáre digneris : ut quicumque ex ea recéperint, accipiant sibi protecti-
onem animæ et córporis : fiatque, Dómine, nostræ salutis remédium, tuæ grátie sacraméntum. Per Dóminum nostrum Jesum Christum Fílium tuum : Qui tecum vivit et regnat, in unitáte Spíritus sancti Deus, per ómnia sæcula sæculórum.

R. Amen.

Orémus. Oratio.

DEUS, qui dispérsa cón-
gregas, et congregáta consérvas : qui pópulis óbviám Jesu ramos portántibus benedixísti : bene-✠dic étiam hos ramos palmæ et olivæ, quos tui fámuli ad honórem nóminis tui fidéliter suscipiunt : ut in quemcúmque locum introducti fúerint, tuam benedicti-
onem habitatóres loci illius consequántur : et omni adversitate effugáta, dextera tua prótegat, quos redémit Jesus Christus Fílius tuus Dóminus noster. Qui tecum vivit et regnat.

Orémus.

DEUS qui miro dispositi-
onis órdine, ex rebus étiam insensibílibus, dispensati-
onem nostræ salutis ostén-
dere voluísti : da, quæsumus, ut devóta tuórum corda fidé-
lium salúbriter intélligant, quid mysticè désignet in facto, quòd hódie cœlésti lúmine afflata, Redemptóri óbviám procé-
dens, palmárum atque olivá-
rum ramos vestigiis ejus turba

substrávit. Palmárum igitur rami de mortis príncipe tri-
úmphos expéctant : sírculi verò olivárum, spirituálem uncti-
onem advenísse quodám-
modo clamant. Intélléxit enim jam tunc illa hómínium beáta multitúdo præfigurári : quia Redemptor noster humanis cón-
dolens misériis, pro totius mundi vita cum mortis príncipe esset pugnatúrus, ac moriéndó triumphatúrus. Et ídeò tália óbsequens administrávit, quæ in illo et triúmphos victóriæ, et misericórdiæ pinguédinem declarárent. Quod nos quoque plena fide, et factum, et significátum retinéntes, te Dómine sancte, Pater omnipotens, ætérne Deus, per eúmdem Dóminum nostrum Jesum Christum suppliciter exorámus : ut in ipso, atque per ipsum, cujus nos membra fieri voluísti, de mortis império victóriam reportántes, ipsius gloriósæ resurrecti-
onis participes esse mereámur. Qui tecum vivit et regnat in unitáte, &c.

Orémus.

DEUS, qui per olivæ ra-
mum, pacem terris colúmbam nuntiáre jussísti : præsta, quæsumus, ut hos olivæ, ceterarúmque arborum ramos, cœlésti bene-✠dictione sanctífices, ut cuncto populo tuo proficiant ad salutem. Per Christum Dóminum nostrum.

R. Amen.

Orémus.

BENE-✠DIC, quæsumus Dómine, hos palmárum, seu olivárum ramos, et præsta : ut quod pópulus tuus in tui ve-

neratió nem hodiérna die corporaliter agit, hoc spirituáliter summa devotió ne perficiat, de hoste victóriam reportá ndo, et opus misericó diæ summó pe ré diligé ndo. Per Dó minum nostrum, &c.

Hic celebrans ponit incensum in thuribulum, deinde ter aspergit ramos aqua benedicta, dicendo Antiphonam, Aspér ges me. Sine cantu, et sine Psalmo: et ter adolet incensum. Postea dicit: Dó minus vobiscum.

℞. Et cum spír ito tuo.

Orémus.

DEUS, qui Filium tuum Jesum Christum Dó minum nostrum, pro salú te nostra in hunc mundum misisti, ut se humiliá ret ad nos, et nos revocá ret ad te: cui étiam, dum Jerúsalem vení ret, ut adimplé ret Scriptú ras, credé ntium populó rum turba, fidelí ssima devotió ne vestimé ta sua cum ramis palmá rum in via sterné bant: præ sta, quæ sumus: ut illi, fidei viam præ paré mus, de qua, remó to láp ide offensió nis, et petra scá ndali, frón deant apud te ó pera nostra justitiæ ramis; ut ejus vesti gia sequi mereá mur. Qui tecum vivit et regnat.

Completa benedictione, dignior ex Clero accedit ad Altare, et dat ramum benedictum Celebranti, qui non genuflectit, nec osculatur manum dantis. Postea Celebrans stans ante Altare versus ad populum, distribuit ramos, primum digniori, à quo ipse accepit, deinde Diacono et Subdiacono paratis, et aliis Clericis singulatim per ordinem, ultimò laicis: omnibus genuflecten-

tibus, et ramum ac manum Celebrantis osculantibus, exceptis Præ latis, si adsint. Et cum inceperit distribuere, à Choro cantantur sequentes Antiphon. Pú eri Hebræó rum portá ntes ramos olivá rum obviá verunt Dó mino, clamá ntes, et dicé ntes: Hosá nna in excé lsis.

Alia Antiph. Pú eri Hebræó rum vestimé ta prosterné bant in via, et clamá bant, dicé ntes: Hosanna filio David: benedictus qui venit in nó mine Dó mini.

Que si non sufficiant, repetantur quousque ramorum distributio finiatur.

Deinde Sacerdos dicit. V. Dó minus vobiscum. ℞. Et cum spír ito tuo.

Orémus.

OMNIPOTENS sempitérne Deus, qui Dó minum nostrum Jesum Christum super pullum á sinæ sedere fecisti, et turbas populó rum vestimé ta, vel ramos á rborum in via stér nere, et hosá nna decantá re in laudem ipsí us docuisti: da, quæ sumus, ut illó rum innocé ntiam imitá ri possí mus, et eó rum mé ritum cónsequi mereá mur. Per eú ndem Christum Dó minum nostrum.

℞. Amen.

Postea fit Processio. Et primò Celebrans imponit incensum in thuribulum: et Diaconus ver tens se ad populum, dicit: Pro cedá mus in pace. Et Chorus respondet, In nó mine Christi, Amen.

Præ cedit thuriferarius cum thuribulo fumigante: deinde Subdiaconus paratus, deferens Crucem, medi us inter duos Acolythos cam candelabris accensis: sequi-

tur Clerus per ordinem, ultimo Celebrans cum Diacono à sinistris, omnes cum ramis in manibus: et cantantur sequentes Antiphonæ, vel omnes, vel aliquæ; quousque durat Processio.

Antiph. Matth. 21. Cùm appropinquaret Dóminus Jerosólymam, misit duos ex discipulis suis, dicens: Ite in castéllum, quod contra vos est: et inveniétis pullum ásinæ alligátum, super quem nullus hóminum sedit: sólvite, et addúcite mihi. Si quis vos interrogáverit, dicite: Opus Dómino est. Solvéntes adduxérunt ad Jesum: et imposuérunt illi vestiménta sua, ei sedit super eum: álii expandébant vestiménta sua in via: álii ramos de arbóribus sternébant: et qui sequebántur, clamábant: Hosánna, benedíctus qui venit in nómine Dómini: benedíctum regnum patris nostri David: Hosánna in excélsis: miserére nobis fili David.

Alia Antiphona. Cùm audisset pópulus, quia Jesus venit Jerosólymam, accepérunt ramos palmárum: et exiérunt ei óbviám, et clamábant púeri, dicétes: Hic est, qui ventúrus est in salutém pópuli. Hic est salus nostra, et redéptio Israél. Quantus est iste, cui Throni et Dominatiónes occúrrunt? Noli timére filia Sion: ecce Rex tuus venit tibi, sedens super pullum ásinæ: sicut scriptum est: Salve Rex fabricátor mundi, qui venísti redímere nos.

Alia Antiph. Joan. 12. Ante sex dies solénnis Paschæ, quando venit Dóminus in civitátem Jerúsalem, occurrérunt ei púeri, et in mánibus

portábant ramos palmárum, et clamábant voce magna, dicétes: Hosánna in excélsis: benedíctus qui venísti in multítudine misericórdiæ tuæ: Hosánna in excélsis.

Alia Antiph. Occúrrunt turbæ cum flóribus, et palmis Redemptóri óbviám: et victóri triumphánti digna dant obséquia: Fílium Dei ore gentes prædicant: et in laudem Christi voces tonant per núbila: Hosánna in excélsis.

Alia Antiphona. Cum Angelis et púeris fídeles inveniámur, triumphatóri mortis clamántes: Hosánna in excélsis.

Alia Antiphona. Turba multa, quæ convénerat ad diem festum, clamábat Dómino: Benedíctus qui venit in nómine Dómini: Hosánna in excélsis.

¶ *In reversione Processionis, duo vel quatuor cantores intrant in Ecclesiam, et clauso ostio stantes versa facie ad Processionem, incipiunt V. Glória, laus. et decantant duos primos versus. Sacerdos verò cum aliis extra Ecclesiam, repetit eosdem. Deinde qui sunt intus, cantant alios versus sequentes, vel omnes, vel partem, prout videbitur: et qui sunt extra, ad quoslibet duos versus respondent: Glória, laus. sicut à principio. V.*

GLÓRIA, laus, et honor tibi sit, Rex Christe Redemptor:

Cui puerile decus prompsit Hosánna pium.

Israél es tu Rex, Davidis et inclyta proles:

Nómine qui in Dómini Rex benedícte venis.

R. Glória, laus.

Cœtus in excelsis te laudat
cœlicus omnis,

Et mortâlis homo, et cuncta
creata simul.

R. Glória, laus.

Plebs Hebræa tibi cum palmis
ôbvia venit;

Cum prece, voto, hymnis, ad-
sumus ecce tibi.

R. Glória, laus.

Hi tibi passûro solvébant mú-
nia laudis :

Nos tibi regnâti pângimus
ecce melos.

R. Glória, laus.

Hi placuere tibi, placeat de-
votio nostra :

Rex bone, Rex clemens, cui
bona cuncta placent.

R. Glória, laus.

*Posteà Subdiaconus hastili
Crucis percutit portam : qua
statim aperta, Processio intrat
Ecclesiam, cantando R. Ingredi-
ente Dómino in sanctam civi-
tatem, Hebræorum pûeri re-
surrectionem vitæ pronunti-
antes, * Cum ramis palmá-
rum Hosanna clamábant in ex-
celsis. N. Cum audisset póp-
ulus, quòd Jesus veniret Jero-
sólymam, exiérunt ôbviàm ei.
Cum ramis.*

Et non dicitur, Glória Patri.

*Deinde celebratur Missa, et
rami tenentur in manibus dum
cantatur Passio et Evangelium
tantum.*

*Statio ad S. Joannem in Late-
rano.*

Introitus. Psal. 21.

DOMINE, ne longè faciás
auxilium tuum à me, ad
defensionem meam aspice : li-
bera me de ore leónis, et à

córnicibus unicórnicium humilitá-
tem meam.

Psal. ibid. Deus Deus meus
respice in me, quare me dere-
liquisti ? longè à salute mea
verba delictórum meórum.
Dómine, ne longè.

Oratio.

OMNIPOTENS sempí-
térne Deus, qui humano
géneri ad imitándum humilitá-
tis exéplum, Salvatórem nos-
trum carnem súmere, et crucem
subire fecisti : concède propi-
tius, ut et patientiæ ipsíus habé-
re documenta, et resurrec-
tiónis consórtia mereámur.
Per eúndem Dóminum.

Et hæc Oratio tantum dicitur.

Léctio Epístolæ beáti Pauli
Apóstoli ad Philippéenses.

Philip. 2.

FRATRES, Hoc enim sen-
títe in vobis, quod et in
Christo Jesu : qui cùm in for-
ma Dei esset, non rapinam ar-
bitrátus est esse se æquálem
Deo : sed semetípsum exinan-
ívit, formam servi accípiens, in
similitúdinem hóminum factus,
et hábitu invéntus ut homo.
Humiliávit semetípsum, factus
obédiens usque ad mortem,
mortem autem crucis. Prop-
ter quod et Deus exaltávit il-
lum, et donávit illi nomen, quod
est super omne nomen : *Hic
genus flectitur.* ut in nómine Jesu
omne genu flectátur, cœléstium,
terrétrium, et infernórum : et
omnis lingua confiteatur, quia
Dóminus Jesus Christus in
glória est Dei Patris.

Graduale. Psal. 72. Tenuisti
manum dexteram meam, et in
voluntáte tua deduxisti me : et
cum glória assumpsisti me. N.

Quám bonus Israël Deus rec-
tis corde : mei autem penè
móti sunt pedes : penè effúsi
sunt gressus mei : quia zelávi
in peccatóribus, pacem pecca-
tórum videns.

Tractus. Ps. 21. Deus Deus
meus, réspice in me, quare me
dereliquísti? *V.* Longè à salute
mea verba delictórum meórum.
V. Deus meus clamábo per
diem, nec exáudies : in nocte,
et non ad insipiéntiam mihi.
V. Tu autem in sancto hábitas,
Laus Israël.

V. In te speravérunt patres
nostri : speravérunt, et libe-
rásti eos.

V. Ad te clamavérunt, et
salvi facti sunt : in te speravé-
runt, et non sunt confúsi.

V. Ego autem sum vermis,
et non homo : oppróbrium hó-
minum, et abjéctio plebis.

V. Omnes qui vidébant me,
aspernabántur me : locúti sunt
lábiis, et movérunt caput. *V.*
Sperávit in Dómino, erípiat
eum : salvum fáciat eum, quo-
niam vult eum.

V. Ipsi verò consideravérunt
et conspexérunt me : divisérunt
sibi vestiménta mea, et super
vestem meam misérunt sórtem.
V. Libera me de ore leónis : et
à cónibus unicórnium humili-
tátem meam.

V. Qui timétis Dóminum,
laudáte eum : univérsum semen
Jacob magnificáte eum.

V. Annuntiábitur Dómino
generátio ventúra : et annun-
tiábunt cœli justítiam ejus.

V. Populo qui nascétur,
quem fecit Dóminus.

¶ *Passio Domini incipitur ab-
solutè : non dicitur, Munda cor
meum, non petitur benedictio,
non deferuntur luminaria, nec in-*

*censum : non dicitur, Dóminus
vóbiscum. nec respondetur, Gló-
ria tibi Dómine. et Celebrans,
seu Diaconus, dum pronuntiat,
Pássio Dómini nostri. non signat
librum, neque seipsum. Quòd
et in aliis diebus servatur, quan-
do legitur Passio.*

Pássio Dómini nostri Jesu
Christi secúndum Matthæum.

Matth. 26.

IN illo tẽpore : Dixit Je-
sus discipulis suis : † Sci-
tis, quia post bíduum Pascha
fiet, et Fílius hóminis tradétur
ut crucifigátur. *C.* Tunc con-
gregáti sunt príncipes sacerdotũ,
et seniõres pópuli in átri-
um príncipis sacerdotũ, qui
dicebátur Cáiphas : et consí-
lium fecérunt, ut Jesum dolo
tenérent, et occiderent. *D.*
Dicébant autem : *S.* Non in die
festo, ne fortè tumultus fieret
in pópulo. *C.* Cũ autem Je-
sus esset in Bethánia, in domo
Simónis leprósi, accessit ad
eum múlier habens alabástrũ
unguẽti pretiósi, et effúdit su-
per caput ipsius recumbẽntis.
Vidẽtes autem discipuli, in-
dignáti sunt, dicẽtes : *S.* Ut
quid perditio hæc ? pótuít enim
istud venũdari multo, et dari
paupéribus. *C.* Sciens autem
Jesus, ait illis : † Quid molésti
estis huic mulieri ? opus enim
bonum operáta est in me. Nam
semper páuperes habéti vobis-
cum : me autem non semper
habéti. Mittens enim hæc
unguẽntum hoc in corpus me-
um, ad sepeliẽdum me fecit.
Amen dico vobis, ubicũque
prædicátum fúerit hoc Evan-
gélium in toto mundo, dicétur
et quòd hæc fecit in memóri-
am ejus. *C.* Tunc ábiit unus

de duódecim, qui dicébat^{ur} Judas Iscariótes, ad príncipes sacerdotum, et ait illis: *S.* Quid vultis mihi dare, et ego vobis eum tradam? *C.* At illi constituerunt ei triginta argenteos. Et exínde quærébat opportunitatem, ut eum tráderet. Prima autem die Azymorum accesserunt discipuli ad Jesum, dicentes: *S.* Ubi vis parémus tibi comédere Pascha? *C.* At Jesus dixit: ✠ Ite in civitatem ad quemdam, et dicite ei: Magister dicit: Tempus meum propè est, apud te fácio Pascha cum discipulis meis. *C.* Et fecerunt discipuli, sicut constituit illis Jesus, et paraverunt Pascha. Vespere autem facto, discumbébat cum duódecim discipulis suis. Et edéntibus illis, dixit: ✠ Amen dico vobis, quia unus vestrum me traditurus est. *C.* Et contristati valdè, cœperunt singuli dicere: *S.* Numquid ego sum Dómine? *C.* At ipse respóndens, ait: ✠ Qui intíngit mecum manum in parópside, hic me tradet. Filius quidem hóminis vadit, sicut scriptum est de illo: væ autem hómini illi, per quem Filius hóminis tradétur: bonum erat ei, si natus non fuisset homo ille. *C.* Respóndens autem Judas, qui tradidit eum, dixit: *S.* Numquid ego sum, Rabbi? *C.* Ait illi: ✠ Tu dixisti. *C.* Cœnantibus autem eis, accépit Jesus panem, et benedixit, ac fregit, deditque discipulis suis, et ait: ✠ Accípíte, et comédite: hoc est corpus meum. *C.* Et accípiens cálicem, grátias egit: et dedit illis, dicens: ✠ Bíbite ex hoc omnes. Hic est enim sanguis meus novi testaménti, qui pro

multis effundétur in remissionem peccatorum. Dico autem vobis: non bibam ámodò de hoc genímine vitis usque in diem illum, cùm illud bibam vobiscum novum in regno Patris mei. *C.* Et hymno dicto, exierunt in montem Olivéti. Tunc dicit illis Jesus: ✠ Omnes vos scándalum patiemini in me in ista nocte. Scriptum est enim: Percúttiam pastórem, et dispergéntur oves gregis. Postquam autem resurréxero, præcedam vos in Galilæam. *C.* Respondens autem Petrus, ait illi: *S.* Et si omnes scandalizati fuerint in te, ego numquam scandalizabor. *C.* Ait illi Jesus: ✠ Amen dico tibi, quia in hac nocte, ántequam gallus cantet, ter me negabis. *C.* Ait illi Petrus: *S.* Etiam si oportuerit me mori tecum, non te negábo. *C.* Similiter et omnes discipuli dixerunt. Tunc venit Jesus cum illis in villam, quæ dicitur Gethsémani, et dixit discipulis suis: ✠ Sedéte hic, donec vadam illuc, et orem. *C.* Et assumpto Petro, et duóbus filiis Zebedæi, cœpit contristári, et moestus esse. Tunc ait illis: ✠ Tristis est ánima mea usque ad mortem: sustinéte hic, et vigiláte mecum. *C.* Et progressus pusillum, prócidit in fáciem suam, orans, et dicens: ✠ Pater mi, si possibile est, tránseat à me calix iste. Verúmtamen non sicut ego volo, sed sicut tu. *C.* Et venit ad discipulos suos, et invenit eos dormientes, et dicit Petro: ✠ Sic, non potuístis una hora vigilare mecum? Vigiláte et oráte, ut non intrétis in tentationem. Spiritus qui-

dem promptus est, caro autem infirma : *C.* Iterum secundo abiit, et oravit, dicens : ✠ Pater mi, si non potest hic calix transire, nisi bibam illum, fiat voluntas tua. *C.* Et venit iterum, et invenit eos dormientes : erant enim oculi eorum gravati. Et relictis illis, iterum abiit, et oravit tertio, eundem sermonem dicens. Tunc venit ad discipulos suos, et dicit illis : ✠ Dormite jam, et requiescite : ecce appropinquavit hora, et Filius hominis tradetur in manus peccatorum. Surgite, eamus : ecce appropinquavit qui me tradet. *C.* Adhuc eo loquente, ecce Judas unus de duodecim venit, et cum eo turba multa cum gladiis et fustibus, missi a principibus sacerdotum, et senioribus populi. Qui autem tradidit eum, dedit illis signum, dicens : *S.* Quemcumque osculatus fuero, ipse est, tenete eum. *C.* Et confestim accedens ad Jesum, dixit : *S.* Ave Rabbi. *C.* Et osculatus est eum. Dixitque illi Jesus : ✠ Amice, ad quid venisti ? *C.* Tunc accesserunt, et manus iniecerunt in Jesum, et tenuerunt eum. Et ecce unus ex his, qui erant cum Jesu, extendens manum, exemit gladium suum, et percutiens servum principis sacerdotum, amputavit auriculam ejus. Tunc ait illi Jesus : ✠ Converterte gladium tuum in locum suum. Omnes enim, qui acceperint gladium, gladio peribunt. An putas, quia non possum rogare Patrem meum, et exhibebit mihi modò plusquam duodecim legiones An-

gelorum ? Quomodo ergo implebuntur Scripturae, quia sic oportet fieri ? *C.* In illa hora dixit Jesus turbis : ✠ Tamquam ad latronem existis cum gladiis et fustibus comprehendere me : quotidie apud vos sedebam docens in templo, et non me tenuistis. *C.* Hoc autem totum factum est, ut adimplerentur Scripturae Prophetarum. Tunc discipuli omnes, relicto eo, fugerunt. At illi tenentes Jesum, duxerunt ad Caipham principem sacerdotum, ubi Scribae et seniores convenerant. Petrus autem sequebatur eum à longè, usque in atrium principis sacerdotum. Et ingressus intrò, sedebat cum ministris, ut videret finem. Principes autem sacerdotum, et omne concilium querebant falsum testimonium contra Jesum, ut eum morti traderent : et non inveniunt, cum multi falsi testes accessissent. Novissimè autem venerunt duo falsi testes, et dixerunt : *S.* Hic dixit : Possum destruire templum Dei, et post triduum reaedificare illud. *C.* Et surgens princeps sacerdotum, ait illi : *S.* Nihil respondes ad ea, quae isti adversum te testificantur ? *C.* Jesus autem tacebat. Et princeps sacerdotum ait illi : *S.* Adjuro te per Deum vivum, ut dicas nobis, si tu es Christus Filius Dei. *C.* Dicit illi Jesus : ✠ Tu dixisti. Verumtamen dico vobis, amodò videbitis Filium hominis sedentem à dextris virtutis Dei, et venientem in nubibus caeli. *C.* Tunc princeps sacerdotum

scidit vestiménta sua, dicens: *S.* Blasphemávit: quid adhuc egémus téstibus? Ecce nunc audístis blasphemíam: quid vobis vidétur: *C.* At illi respondéntes, dixerunt: *S.* Reus est mortis. *C.* Tunc expuerunt in fáciem ejus, et cólaphis eum cæcidérunt, álii autem palmas in fáciem ejus dedérunt, dicéntes: *S.* Prophetiza nobis Christe, quis est, qui te percússit: *C.* Petrus verò sedébat foris in átrio: et accessit ad eum una ancilla, dicens: *S.* Et tu cum Jesu Galilæo eras. *C.* At ille negávit coram ómnibus, dicens: *S.* Nescio quid dicis. *C.* Exeúnte autem illo jánuam, vidit eum ália ancilla, et ait his qui erant ibi: *S.* Et hic erat cum Jesu Nazaréno. *C.* Et iterum negávit cum juraménto, Quia non novi hóminem. Et post pusillum accessérunt qui stabant, et dixerunt Petro: *S.* Verè et tu ex illis es: nam et loquela tua manifestum te facit. *C.* Tunc cœpit detestári, et juráre, quia non novisset hóminem. Et continuò gallus cantávit. Et recordátus est Petrus verbi Jesu, quod dixerat: Priúsqvam gallus cantet, ter me negábis. Et egressus foras, fievit amárè. Manè autem facto, consilium inierunt omnes principes sacerdotum, et senióres pópuli advérsus Jesum, ut eum morti tráderent. Et vinctum adduxérunt eum, et tradidérunt Póntio Piláto Præsidi. Tunc videns Judas, quia eum trádidit, quòd damnátus esset: poeniténtia ductus, rétulit triginta argéteos princí-

pibus sacerdotum, et senióribus, dicens: *S.* Peccávi, tradens sánguinem justum. *C.* At illi dixerunt: *S.* Quid ad nos? Tu videris. *C.* Et prójectis argéteis in templo, recésit: et ábiens, láqueo se suspéndit. Príncipes autem sacerdotum, accéptis argéteis, dixerunt: *S.* non licet eos mittere in córbonam: quia prétium sánguinis est. *C.* Consílio autem ínito, emérunt ex illis agrum figuli, in sepultúram peregrinórum. Propter hoc vocátus est ager ille, Hacéldama, hoc est, ager sánguinis, usque in hodiérnum diem. Tunc implétum est, quod dictum est per Jeremíam Prophétam, dicéntem: Et accepérunt triginta argéteos prétium appretiáti, quem appretiavérunt à filiis Israél: et dedérunt eos in agrum figuli, sicut constituit mihi Dóminus. Jesus autem stetit ante Præsides: et interrogávit eum Præses, dicens: *S.* Tu es Rex Judæórum? *C.* Dicit illi Jesus: ✠ Tu dicis. *C.* Et cùm accusarétur à principibus sacerdotum, et senióribus, nihil respóndit. Tunc dicit illi Pilátus: *S.* Non audis quanta advérsus te dicunt testimónia? *C.* Et non respóndit ei ad ullum verbum, ita ut mirarétur Præses vehementer. Per diem autem solémnem consuéverat Præses pópulo dimíttre unum vinctum, quem voluissent. Habébat autem tunc vinctum insignem, qui dicebátur Barábbas. Congregátis ergo illis, dixit Pilátus: *S.* Quem vultis dimíttam vobis: Baráb-

bam, an Jesum, qui dicitur Christus: *C.* Sciébat enim, quòd per invidiam tradidissent eum. Sedente autem illo pro tribunáli, misit ad eum uxor ejus, dicens: *S.* Nihil tibi, et justo illi. Multa enim passa sum hódie per visum propter eum. *C.* Príncipes autem sacerdotum, et seniôres persuaserunt pópulis, ut péterent Barábbam, Jesum verò pérderent. Respóndens autem Præses, ait illis: *S.* Quem vultis vobis de duóbus dimitti? *C.* At illi dixerunt: *S.* Barábbam. *C.* Dicit illis Pilátus: *S.* Quid igitur fáciam de Jesu, qui dicitur Christus? *C.* Dicunt omnes: *S.* Crucifigátur. *C.* Ait illis Præses: *S.* Quid enim mali fecit? *C.* At illi magis clamábant, dicéntes: *S.* Crucifigátur. *C.* Videns autem Pilátus, quia nihil proficeret, sed magis tumultus fieret: accépta aqua, lavit manus coram pópulo, dicens: *S.* Innocens ego sum à sanguine justi hujus: vos vidéritis. *C.* Et respóndens univérsus pópulus, dixit: *S.* Sanguis ejus super nos, et super filios nostros. *C.* Tunc dimisit illis Barábbam: Jesum autem flagellátum trádedit eis, ut crucifigerétur. Tunc mílites Præsidis suscipiéntes Jesum in prætóríum, congregáverunt ad eum univérsam cohórtem: et exuéntes eum, chlámymdem coccíneam circumdedérunt ei: et plecténtes corónam de spinis, posuérunt super caput ejus, et arúndinem in dextera ejus. Et genu flexo ante eum, illudébant ei, dicéntes: *S.* Ave

Rex Judæórum. *C.* Et expuéntes in eum, accepérunt arúndinem, et percutiébant caput ejus. Et postquam illusérunt ei, exuérunt eum chlámymde, et induérunt eum vestiméntis ejus, et duxérunt eum ut crucifigerent. Exeúntes autem, invenérunt hómí-nem Cyrenæum, nómine Simónem: hunc angariavérunt, ut tólleret crucem ejus. Et venérunt in locum, qui dicitur Gólgotha, quod est, Calváriæ locus. Et dedérunt ei vinum bíbere cum felle mistum. Et cùm gustásset, nóluit bibere. Postquam autem crucifixerunt eum, divisérunt vestiménta ejus, sortem mitténtes: ut implerétur quod dictum est per Prophétam dicéntem: Divisérunt sibi vestiménta mea, et super vestem meam miserunt sortem. Et sedéntes, servábant eum. Et imposuérunt super caput ejus causam ipsíus scriptam: Hic est Jesus Rex Judæórum. Tunc crucifixi sunt cum eo duo latrónes: unus á dextris, et unus á sinístris. Prætereúntes autem blasphemábant eum, movéntes cápita sua, et dicéntes: *S.* Vah qui déstruis templum Dei, et in tríduo illud reædíficas: salva temetípsum. Si Filius Dei es, descénde de cruce. *C.* Simíliter et príncipes sacerdotum illudéntes cum Scribis et seniôribus, dicébant: *S.* Alios salvos fecit, seípsum non potest salvum fácere: si Rex Isráël est, descéndat nunc de cruce, et crédimus ei: confidit in Deo, liberet nunc, si vult, eum: dixit enim: Quia Filius Dei sum.

C. Idípsum autem et latrónes, qui crucifixi erant cum eo, improperábant ei. A sexta autem hora ténebræ factæ sunt super unívर्सam terram, usque ad horam nonam. Et circa horam nonam clamávit Jesus voce magna, dicens: ✠ Eli, Eli, lamma sabactháni? C. Hoc est: ✠ Deus meus, Deus meus, ut quid dereliquísti me? C. Quidam autem illic stantes, et audiéntes, dicé-bant: S. Eliam vocat iste. C. Et continuò currens unus ex eis, accéptam spóngiam implévit acéto, et impósuit arúndini, et dabat ei bíbere. Céteri verò dicébant: S. Sine, videámus an véniat Elías líberans eum. C. Jesus autem íterùm clamans voce magna, emísit spíritum. (*Hic genu-flectitur, et pausatúr aliquantulùm.*) Et ecce velum templi scissum est in duas partes, à summo usque deórsum, et terra mota est, et petræ scissæ sunt, et monumenta apérta sunt: et multa córpora sanctórum, qui dormierant, surrexérunt. Et exeúntes de monuméntis post resurrectionem ejus, venérunt in sanctam civitátem, et apparuérunt multis. Centúriò autem, et qui cum eo erant, custodiéntes Jesum, viso terrémótu, et his, quæ fiébant, timuérunt valdè, dicéntes: S. Verè Filius Dei erat iste. C. Erant autem ibi mulieres multæ à longè, quæ secútæ erant Jesum à Galilæa, ministrántes ei: inter quas erat María Magdaléne, et María Jacóbi, et Joseph mater, et mater filiórum Zebedæi. Cùm autem serò factum esset, venit qui-

dam homo dives ab Arimathæa, nómine Joseph, qui et ipse discípus erat Jesu. Hic accessit ad Pilátum, et pétiit corpus Jesu. Tunc Pilátus jussit reddi corpus. Et accépto corpore, Joseph invól-vit illud in sindone munda. Et pósuit illud in monuménto suo novo, quod exciderat in petra. Et advólvit saxum magnum ad óstium monuménti, et ábiit. Erat autem ibi María Magdaléne, et áltera María, sedéntes contra sepúlchrum.

Hic dicitur Munda cor meum. petitur benedictio, defertur incensum sine luminaribus, et incensatur liber: non dicitur, Dóminus vobiscum. et Celebrans, aut Diaconus non signat librum, neque seipsum: et quod sequitur, cantatur in tono Evangelii, in cujus fine celebrans osculatur librum, et insensatur. Quæ omnia et in aliis Passionibus servantur, præterquam Feria sexta in Parasceve.

ALTERA autem die, quæ est post Parasceven, convenérunt príncipes sacerdotum, et Pharisæi ad Pilátum, dicéntes: Dómine, recordáti sumus, quia sedúctor ille dixit adhuc vivens: Post tres dies resúrgam. Jube ergo custodíri sepúlchrum usque in diem tertium: ne fortè véniant discipuli ejus, et furéntur eum, et dicant plebi: Surrexit à mórtuis. Et erit novíssimus error pejor prióre. Ait illis Pilátus: Habéti custódiám: ite, custodíte sicut sciti. Illi autem abeúntes, muniérunt sepúlchrum, signántes lápidem cum custódis. Credo.

Offertorium. Psal. 8. Improperium expectavit cor meum, et miseriam: et sustinui qui simul mecum contristarétur, et non fuit: consolantem me quæsivi, et non invéni: et dederunt in escam meam fel, et in siti mea potaverunt me acéto.

Secreta.

CONCEDE, quæsumus Dómine: ut óculis tuæ majestátis munus oblátum, et grátiam nobis devotiõnis obtíneat, et efféctum beátæ perennitátis, acquirat. Per Dóminum.

Communio. Matth. 26. Pater, si non potest hic calix transíre, nisi bibam illum: fiat volúntas tua.

Postcommunio.

PER hujus, Dómine, operatiõnem mystérii, et vítia nostra purgéntur, et justa desidéria compleántur. Per Dóminum.

In Missis privatis legitur in fine Evangelium; Cùm appropinquasset. ut suprâ in benedictione Palmarum. fol. 132.

FERIA II. MAJORIS HEBDOMADÆ.

Statio ad sanctam Praxedem.

Introitus. Psal. 34.

JUDICA Dómine nocentes me, expúgna impugnantes me: apprehénde arma et scutum, et exúrge in adjutórium meum, Dómine virtus salútis meæ.

Ps. ibid. Effúnde frámeam et conclúde advérsus eos, qui persequúntur me: dic ánimæ meæ, Salus tua ego sum. Júdica Dómine.

Oratio.

DA, quæsumus omnipotens Deus, ut qui in tot advérsis ex nostra infirmitate deficimus: intercedente unigéniti Filii tui passióne respirémus. Qui tecum vivit, &c.

Posteà vel Ecclésiæ tuæ. vel Deus ómnium fidélium. ut suprâ in Dominica Passionis. fol. 118.

Lectio Isaíæ Prophétæ.

Isa. 50. b.

IN diébus illis: Dixit Isaías: Dóminus Deus aperuit mihi aurem, ego autem non contradico: retrórsus non ábii. Corpus meum dedi percutiéntibus, et genas meas velléntibus: faciém meam non avérti ab increpántibus et conspuéntibus in me. Dóminus Deus auxiliátor meus, idéò non sum confúsus: idéò pósui faciém meam, ut petram duríssimam, et scio quóniam non confúndar. Juxtà est qui justificat me, quis contradíctet mihi? Stemus simul, quis est advérsarius meus? Accédad ad me. Ecce Dóminus Deus auxiliátor meus: quis est qui condémnet me? Ecce omnes quasi vestiméntum conteréntur, tinea cómedet eos. Quis ex vobis timens Dóminum, áudiens vocem servi sui? qui ambulávit in ténebris, et non est lumen ei, speret in nómine Dómini, et innitátur super Deum suum.

Graduale Psal. 34. Exúrge Dómine, et inténde juicio meo, Deus meus, et Dóminus meus in causam meam.

V. Effúnde frámeam, et conclúde advérsus eos, qui me persequúntur.

Tractus. Psal. 102. Dómine, non secúndum peccáta nostra, quæ fécimur nos: neque secúndum iniquitátes nostras retribuas nobis. *V. Ps. 78.* Dómine, ne memíneris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis. (*Hic genuflectitur.*) *V.* Adjuva nos Deus salutáris noster: et propter glóriam nóminis tui, Dómine, libera nos: et propítius esto peccátis nostris, propter nomen tuum.

Sequéntia sancti Evangélij secúndum Joánnem.

Joan. 12.

ANTE sex dies Paschæ venit Jesus Bethániam, ubi Lázarus fúerit mórtuus, quem suscitávit Jesus. Fecerunt autem ei cœnam ibi: et Martha ministrábat, Lázarus verò unus erat ex discumbéntibus cum eo. María ergo accépit libram unguénti nardi pístici pretiósí, et unxit pedes Jesu, et extérsit pedes ejus capíllis suis: et domus impléta est ex odóre unguénti. Dixit ergo unus ex discipulis ejus, Judas Iscariótes, qui erat eum traditúrus: Quare hoc unguéntum non vœniit trecéntis denáriis, et datum est egénis? Dixit autem hoc, non quia de egénis pertinébat ad eum, sed quia fur erat, et lóculos habens, ea, quæ mittebantur, portabat. Dixit ergo Jesus: Sínite illam, ut in die sepultúræ meæ servet illud. Páuperes enim semper habétis vobíscum: me autem non semper habétis. Cognóvit ergo turba multa ex Judæis, quia

illic est: et venérunt, non propter Jesum tantum, sed ut Lázarus vidérent, quem suscitávit à mórtuis.

Offertorium. Ps. 142. Eripe me de inimícis meis Dómine: ad te confúgi, doce me fácere voluntátem tuam: quia Deus meus es tu.

Secreta.

HÆC sacrificia nos, omnípotens Deus, poténti virtúte mundátos, ad suum fáciant puriôres veníre princípium. Per Dóminum.

Deinde vel Prótege nos. *vel* Oblátis, quæsumus. fol. 120.

Communio. Ps. 34. Erubescant, et revereántur simul, qui gratulántur malis meis: induántur pudóre, et reveréntia, qui maligna loquúntur advérsus me.

Postcommunio.

PRÆBEANT nobis, Dómine, divínium tua sancta fervórem: quo eórum páriter et actu delectémur, et fructu Per Dóminum.

Posteà vel Quæsumus Dómine. *vel* Hæc nos. fol. 120.

Super populum. Orémus. Humiliáte cápita vestra Deo.

Oratio.

ADJUVA nos Deus salutáris noster: et ad beneficia recolénda, quibus nos instauráre dignátus es, tribue veníre gaudéntes. Per Dóminum.

FERIA TERTIA.

Statio ad S. Priscam.

Introitus.

Gal. 6.

NOS autem gloriári oportet in cruce Dómini nostri Jesu Christi: in quo est

salus, vita et resurréctio nostra: per quam salváti, et liberáti sumus. *Psal.* 66. Deus misereátur nostri, et benedicat nobis: illúminet vultum suum super nos, et misereátur nostri. Nos autem.

Oratio.

OMNIPOTENS sempitérne Deus, da nobis ita Dómicæ passiónis sacraménta perágere, ut indulgéntiam percipere mereámur. Per eúdem Dóminum nostrum.

Posteà vel. Ecclésiæ tuæ. vel Deus ómnium fidélium. fol. 118.

Léctio Jeremíæ Prophétæ.

Jerem. 11. d.

IN diébus illis: Dixit Jeremias: Dómine demonstrásti mihi, et cognóvi: tunc ostendísti mihi stúdia eórum. Et ego quasi agnus mansuétus, qui portátur ad victimam: et non cognóvi, quia cogitavérunt super me consília, dicéntes: Mittámus lignum in panem ejus, et eradámus eum de terra vivéntium, et nomen ejus non memorétur ámpliùs. Tu autem Dómine Sábaoth, qui júdicas justè, et probas renes et corda, vídeam ultiónem tuam ex eis: tibi enim revelávi causam meam, Dómine Deus meus.

Graduale. Psal. 34. Ego autem, dum mihi molésti essent, induébam me cilicio, et humiliábam in jejúnio ánimam meam: et orátio mea in sinu meo convertétur.

V. Júdica Dómine nocéntes me, expúgna impugnántes me: apprehénde arma et scutum, et exúrge in adjutórium mihi.

Pássio Dómini nostri Jesu Christi secúndum Marcum.

Marc. 14.

IN illo témpore: Erat Pascha, et Azyma post bídium: et quærébant summi sacerdótes et Scribæ quómodo Jesum dolo tenérent, et occiderent. Dicébant autem: *S.* Non in die festo, ne forté tumúltus fieret in pópulo. *C.* Et cùm esset Jesus Bethánia in domo Simónis leprósi, et recumberet: venit mulier habens alabástrum unguénti nardi spicáti pretiósí, et fracto alabástro, effúdit super caput ejus. Erant autem quidam indignè feréntes intra semetipsos, et dicéntes: *S.* Ut quid perditio ista unguénti facta est? Póterat enim unguéntum istud venúndari plus quàm trecéntis denáriis, et dari paupéribus. *C.* Et fremébant in eam. Jesus autem dixit: ✠ Sínite eam, quid illi molésti estis? Bonum opus operáta est in me. Semper enim páuperes habétis vobíscum: et cùm voléritis, potéstis illis benefácere: me autem non semper habétis. Quod hábuit hæc, fecit: prævenit úngere corpus meum in sepultúram. Amen dico vobis: Ubi cúmq; prædicátum fúerit Evángélium istud in univérso mundo, et quod fecit hæc, narrábitur in memóriam ejus. *C.* Et Judas Iscariótes unus de duódecim ábiit ad summos sacerdótes, ut próderet eum illis. Qui audiéntes; gravisi sunt: et promisérunt ei pecúniam se datúros. Et quærébat

quómo modo illum opportunè tráderet. Et primo die Azymórum, quando Pascha imolábant, dicunt ei discipuli: *S.* Quò vis eámus, et parémus tibi, ut mandúces Paschá? *C.* Et mittit duos ex discipulis suis et dicit eis: ✠ Ite in civitátem, et occurret vobis homo, lagénam aquæ bájulans: sequimini eum: et quocúmque introierit, dícite dómino domus, quia magíster dicit: Ubi est reféctio mea, ubi Pascha cum discipulis meis mandúcem? Et ipse vobis demonstrábit coenáculum grande stratum: et illic paráte nobis. *C.* Et abiérunt discipuli ejus, et venérunt in civitátem: et invenérunt sicut dixerat illis, et paravérunt Pascha. Véspere autem facto venit cum duódecim. Et discumbéntibus eis, et manducántibus, ait Jesus: ✠ Amen dico vobis, quia unus ex vobis tradet me, qui mandúcat mecum. *C.* At illi cœpérunt contristári, et dicere ei singulátim: *S.* Numquid ego? *C.* Qui ait illis: ✠ Unus ex duódecim, qui intíngit mecum manum in catino. Et Fílius quidem hóminis vadit, sicut scriptum est de eo: væ autem hómini illi, per quem Fílius hóminis tradétur. Bonum erat ei, si non esset natus homo ille. *C.* Et manducántibus illis, accépit Jesus panem: et benedicens fregit, et dedit eis, et ait: ✠ Súmite, hoc est corpus meum. *C.* Et accépto cálice, grátias agens dedit eis: et bibérunt ex illo omnes. Et ait illis: ✠ Hic est sanguis meus novi testaménti, qui pro

multis effundétur. Amen dico vobis, quia jam non bibam de hoc genímine vitis usque in diem illum, cùm illud bibam novum in regno Dei. *C.* Et hymno dicto, exiérunt in montem Olivárum. Et ait eis Jesus: ✠ Omnes scandalizabímini in me in nocte ista: quia scriptum est: Percútiam pastórem, et dispergéntur oves. Sed postquam resurréxero: præcédam vos in Galilæam, *C.* Petrus autem ait illi: *S.* Et si omnes scandalizáti fúerint in te, sed non ego. *C.* Et ait illi Jesus: ✠ Amen dico tibi, quia tu hódie in nocte hac, priúsquam gallus vocem bis déderit, ter me es negáturus. *C.* At ille ámpliùs loquebátur: *S.* Et si oportúerit me simul cómmori tibi, non te negábo. *C.* Simíliter autem et omnes dicébant. Et véniunt in prædium, cui nomen Gethsémani. Et ait discipulis suis: ✠ Sedéte híc, donec orem. *C.* Et assúmit Petrum, et Jacóbum, et Joánnem secum: et cœpit pavére, et tædére. Et ait illis: ✠ Tristis est ánima mea usque ad mortem: sustinéte híc, et vigiláte. *C.* Et cùm processisset páululùm, prócidit super terram, et orábat, ut si fieri posset transiret ab eo hora, et dixit: ✠ Abba, Pater, ómnia tibi possibília sunt, transfer cálicem huic à me, sed non quod ego volo, sed quod tu. *C.* Et venit, et invénit eos dormiéntes. Et ait Petro: ✠ Simon dormis? non potuísti una hora vigiláre? Vigiláte, et oráte, ut non intrétis in tentatiónem. Spíritus quidem promptus est, caro verò

infirmā. *C.* Et iterum abiens oravit, eundem sermonem dicens. Et reversus, nudo invenit eos dormientes, (erant enim oculi eorum gravati,) et ignorabant quid responderent ei. Et venit tertio, et ait illis: ✠ Dormite jam, et requiescite. Sufficit: venit hora: ecce Filius hominis tradetur in manus peccatorum. Surgite, eamus. Ecce qui me tradet, prope est. *C.* Et adhuc eo loquente, venit Judas Iscariotes unus de duodecim, et cum eo turba multa cum gladiis et lignis, à summis sacerdotibus, et Scribis, et senioribus. Dedit autem traditor ejus signum eis, dicens: *S.* Quemcumque osculatus fuero, ipse est, tenete eum, et ducite caute. *C.* Et cum venisset statim accedens ad eum, ait: *S.* Ave Rabbi. *C.* Et osculatus est eum. At illi manus iniecerunt in eum, et tenuerunt eum. Unus autem quidam de circumstantibus educens gladium, percussit servum summi sacerdotis, et amputavit illi auriculam. Et respondens Jesus, ait illis: ✠ Tamquam ad latronem existis cum gladiis, et lignis comprehendere me: quotidie eram apud vos in templo docens, et non me tenuistis. Sed ut impleantur Scripturæ. *C.* Tunc discipuli ejus relinquentes eum, omnes fugerunt. Adolescens autem quidam sequebatur eum amictus sindone super nudo: et tenuerunt eum. At ille rejecta sindone, nudus profugit ab eis. Et adduxerunt Jesum ad summum sacerdotem:

et convenerunt omnes Sacerdotes, et Scribæ, et seniores. Petrus autem à longè secutus est eum usque intro in atrium summi sacerdotis: et sedebat cum ministris ad ignem, et calefaciebat se. Summi verò sacerdotes, et omne concilium querebant adversus Jesum testimonium, ut eum morti traderent, nec inveniebant. Multi enim testimonium falsum dicebant adversus eum: et convenientia testimonia non erant. Et quidam surgentes, falsum testimonium ferebant adversus eum, dicens: *S.* Quoniam nos audivimus eum dicentem: Ego dissolvam templum hoc manufactum, et per triduum aliud non manufactum edificabo. *C.* Et non erat conveniens testimonium illorum. Et exurgens summus sacerdos in medium, interrogavit Jesum, dicens: *S.* Non respondes quidquam ad ea, quæ tibi objiciuntur ab his? *C.* Ille autem tacebat, et nihil respondit. Rursum summus sacerdos interrogabat eum, et dixit ei: *S.* Tu es Christus Filius Dei benedicti? *C.* Jesus autem dixit illi: ✠ Ego sum: et videbitis Filium hominis sedentem à dextris virtutis Dei, et venientem cum nubibus caeli. *C.* Summus autem sacerdos scindens vestimenta sua, ait: *S.* Quid adhuc desideramus testes? Audistis blasphemiam: quid vobis videtur? *C.* Qui omnes condemnaverunt eum esse reum mortis. Et coeperunt quidam conspuere eum, et velare faciem ejus, et cola-

phis eum cædere, et dicere ei : *S.* Prophetiza. *C.* Et ministri alapis eum cædebant. Et cum esset Petrus in atrio deorsum, venit una ex ancillis summi sacerdotis : et cum vidisset Petrum calefacientem se, aspiciens illum, ait : *S.* Et tu cum Jesu Nazaræno eras. *C.* At ille negavit, dicens : *S.* Neque scio, neque novi quid dicas. *C.* Et exiit foras ante atrium, et gallus cantavit. Rursus autem cum vidisset illum ancilla, cœpit dicere circumstantibus : Quia hic ex illis est. At ille iterum negavit. Et post pusillum rursus qui astabant, dicebant Petro : *S.* Verè ex illis es : nam et Galilæus es. *C.* Ille autem cœpit anathematizare, et jurare : Quia nescio hominem istum, quem dicitis. Et statim gallus iterum cantavit. Et recordatus est Petrus verbi, quod dixerat ei Jesus : Priusquam gallus cantet bis, ter me negabis. Et cœpit flere. Et confestim, manè consilium facientes summi sacerdotes cum senioribus, et Scribis, et universo concilio, vincientes Jesum, duxerunt, et tradiderunt Pilato. Et interrogavit eum Pilatus : *S.* Tu es Rex Judæorum ? *C.* At ille respondens, ait illi : ✠ Tu dicis. *C.* Et accusabant eum summi sacerdotes in multis. Pilatus autem rursus interrogavit eum, dicens : *S.* Non respondes quidquam ? vide in quantis te accusant. *C.* Jesus autem amplius nihil respondit, ita ut miraretur Pilatus. Per diem autem festum solébat dimittere illis unum ex vinc-

tis, quemcúmque petissent. Erat autem qui dicebatur Barabbas, qui cum seditione erat vinctus, qui in seditione fecerat homicidium. Et cum ascendisset turba, cœpit rogare, sicut semper faciebat illis. Pilatus autem respondit eis, et dixit : *S.* Vultis dimittam vobis Regem Judæorum ? *C.* Sciebat enim quod per invidiam tradidissent eum summi sacerdotes. Pontifices autem concitaverunt turbam, ut magis Barabbam dimitteret eis. Pilatus autem iterum respondens, ait illis : *S.* Quid ergo vultis faciam Regi Judæorum ? *C.* Et illi iterum clamaverunt : *S.* Crucifige eum. *C.* Pilatus verò dicebat illis : *S.* Quid enim mali fecit ? *C.* At illi magis clamabant : *S.* Crucifige eum. *C.* Pilatus autem volens populo satisfacere, dimisit illis Barabbam, et tradidit Jesum flagellis cæsum, ut crucifigeretur. Milites autem duxerunt eum in atrium prætorii, et convocant totam cohortem, et induunt eum purpura, et imponunt ei, plectentes spineam coronam. Et cœperunt salutare eum : Ave Rex Judæorum. Et percutiebant caput ejus arundine, et conspuébant eum : et ponentes genua, adorabant eum. Et postquam illuserunt ei, exuerunt illum purpura, et induerunt eum vestimentis suis : et educunt illum, ut crucifigerent eum. Et angariaverunt prætereuntem quempiam Simónem Cyrenæum venientem de villa, patrem Alexandri et Rufi, ut tolleret crucem ejus. Et perducunt

illum in Gólgotha locum : quod est interpretátum Calváriae locus. Et dabant ei bibere myrrhátum vinum : et non accépit. Et crucifigéntes eum divisérunt vestiménta ejus, mitténtes sortem super eis, quis quid tólleret. Erat autem hora tértia : et crucifixérunt eum. Et erat titulus causæ ejus inscriptus : Rex Judæórum. Et cum eo crucifigunt duos latrónes : unum à dextris, et álium à sinistris ejus. Et impléta est Scriptúra, quæ dicit : Et cum iníquis reputátus est. Et prætereúntes blasphemábant eum, movéntes cápita sua et dicéntes : S. Vah qui destruis templum Dei, et in tribus diébus reedíficas : salvum fac temetípsum descéndens de cruce. C. Simíliter et summi sacerdótes illudéntes, ad altérutrum cum Scribis dicébant : S. Alios salvos fecit, seípsum non potest salvum fácere. Christus Rex Israël descéndat nunc de cruce, ut videámus, et credámus. C. Et qui cum eo crucifixi erant, convitiabántur ei. Et facta hora sexta, ténebræ factæ sunt per totam terram, usque in horam nonam. Et hora nona exclamávit Jesus voce magna, dicens : ✠ Eloi, Eloi, lamma sabactháni ? C. Quod est interpretátum : ✠ Deus meus, Deus meus, ut quid dereliquisti me ? C. Et quidam de circumstántibus audiéntes, dicébant : Ecce, Eliám vocat. C. Carréns autem unus, et implens spóngiam acéto, circumponénsque cálamo, potum dabat ei, dicens : S. Sinite, videámus si véniat Eliás ad depónéndum eum. C. Jesus autem

emíssa voce magna, expirávit. (*Hic genuflectitur, et pausatúr aliquantulum.*) Et velum templi scissum est in duo, à summo usque deórsum. Videns autem Centúrio, qui ex advérso stabat, quia sic clamans expirásset, ait : S. Verè hic homo Filius Dei erat. C. Erant autem et mulieres de longe aspiciéntes, inter quas erat María Magdaléne, et María Jacóbi minóris, et Joseph mater, et Salóme : et cùm esset in Galilæa, sequebántur eum, et ministrábant ei, et áliæ multæ, quæ simul cum eo ascéndérant Jerosólýmam.

Quod sequitur, cantatur in tono, Evangelii : et alia fiunt ut suprâ.

ET cùm jam serò esset factum (quia erat Parascève, quod est ante sábbatum) venit Joseph ab Arimathæa nóbilis decúrio, qui et ipse erat expectans regnum Dei, et audácter introívit ad Pilátum, et pétiit corpus Jesu. Pilátus autem mirabátur, si jam obiisset. Et interrogávit Centurióne, interrogávit eum, si jam mórtuus esset. Et cùm cognovisset à Centurióne, donávit corpus Joseph. Joseph autem mercátus síndonem, et depónens eum invólvit sídone, et pósuit eum in monuménto, quod erat excísium de petra, et advólvit lápidem ad óstium monuménti.

Offertorium. Ps. 139. Custódi me, Dómine, de manu peccatóris : et ab homínibus iníquis éripe me.

Secreta.

SACRIFICIA nos, quæsumus Dómine, propénsius ista restáurent : quæ mediciná-

libus sunt instituta jejuniis.
Per Dóminum.

Posteà vel Prótege nos. *vel*
Oblátis, quæsumus. fol. 120.

Communio. Psal. 68. Advérsum me exercebántur, qui sedébant in porta : et in me psalébant, qui bibébant vinum : ego verò oratióem meam ad te Dómine : tempus benepláciti Deus in multitúdine misericórdiæ tuæ.

Postcommunio.

SANCTIFICATIONIBUS tuis, omnipotens Deus, et vitia nostra curéntur, et remédia nobis sempitérna provéniant. Per Dóminum.

Posteà vel Quæsumus Dómine. *vel* Hæc nos. fol. 120.

Super populum. Orémus. Humiliáte cápita vestra Deo.

Oratio.

TUA nos misericórdia, Deus, et ab omni subreptióne vetustátis expúrget, et capaces sanctæ novitátis efficiat. Per Dóminum.

FERIA QUARTA.

Statio ad S. Mariam majorem.

Introitus. Phil. 2.

IN nómine Jesu omne genuflectátur, cœléstium, teréstrium, et infernórum : quia Dóminus factus est obédiens usque ad mortem, mortem autem crucis : idéò Dóminus Jesus Christus in glória est Dei Patris.

Psal. 101. Dómine exáudi oratióem meam : et clamor meus ad te véniat. In nómine. *Post Kyrie* eléison. *dicitur* Orémus. Flectámus génuâ. R. Leváte.

Oratio.

PRÆSTA, quæsumus omnipotens Deus : ut qui nostris excéssibus incessánter affligimur, per unigéniti Filii tui passióem liberémur. Qui tecum vivit.

Léctio Isaíæ Prophétæ.

Is. 62. d. et 63.

HÆC dicit Dóminus Deus : Salvátor tuus venit : ecce merces ejus cum eo. Quis est iste, qui venit de Edom, tinctis véstibus de Bosra ? iste formósus in stola sua, grádiens in multitúdine fortitúdinis suæ. Ego, qui loquor justítiam, et propugnátor sum ad salvándum. Quare ergo rubrum est indumentum tuum, et vestiménta tua sicut calcántium in torculari ? Tórcular calcávi solus ; et de Géntibus non est vir mecum : calcávi eos in furóre meo, et conculcávi eos in ira mea : et aspérsus est sanguis eórum super vestiménta mea, et ómnia indumentá mea iniquinávi. Dies enim ultiónis in corde meo, annus redemptionis mee venit. Circumspéxi, et non erat auxiliátor : quæsívi, et non fuit qui adjuváret : et salvávit mihi bráchium meum, et indignatio mea ipsa auxiliáta est mihi. Et conculcávi pópulos in furóre meo, et inebriávi eos in indignatióne mea, et detráxi in terram virtútem eórum. Misératiónum Dómini recordábor, laudem Dómini super ómnibus quæ réddidit nobis, Dóminus Deus noster.

Graduale. Ps. 68. Ne avértas faciém tuam à púero tuo, quóniam tribulor : velóciter exáudi me. V. Salvum me fac Deus,

quóniam intravérunt aquæ usque ad ánimam meam : infixus sum in limo profúndi, et non est substantia.

Hic dicitur Dóminus vobiscum. Sine Flectámus génua.

Oratio.

DEUS, qui pro nobis Fílium tuum crucis patibulum subíre voluísti, ut inimíci à nobis expélleres potestátem : concede nobis fámulis tuis, ut resurrectionis grátiam cosequámur. Per eúndem Dóminum.

Posteà vel Ecclésiæ tuæ. vel Deus ómnium fidélium. f. 118.

Léctio Isaíæ Prophétæ.

Isai. 53.

IN diébus illis: Dixit Isaías: Dómine, quis crédidit aúditui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti: non est spécies ei, neque decor: et vídimus eum, et non erat aspéctus, et desiderávimus eum: Despéctum, et novíssimum virórum, virum dolórum, et sciéntem infirmitátem: et quasi absconditus vultus ejus, et despéctus, unde nec reputávimus eum. Verè languóres nostros ipse tulit, et dolóres nostros ipse portávit: et nos putávimus eum quasi leprósum, et percússum à Deo, et humiliátum. Ipse autem vulnerátus est propter iniquitátes nostras, attritus est propter scélera nostra: disciplína pacis nostræ super eum, et livóre ejus sanátí sumus. Omnes nos quasi oves errávimus, unusquisque in viam suam declinávit: et pósuit Dóminus in eo iniquitátem ómnium nostrúm. Oblatus est, quia ipse voluit, et non apéruit

os suum: sicut ovís ad occisiónem ducétur, et quasi agnus coram tondénte se obmutéscet, et non apériet os suum. De angústia, et de júdicio sublátus est: generatióem ejus quis enarrábit? quia abscíssus est de terra vivéntium: propter scelus pópuli mei percússi eum. Et dabit ímpios pro sepultúra, et dívitem pro morte sua: eò quòd iniquitátem non fécerit, neque dolus fúerit in ore ejus. Et Dóminus voluit contétere eum in infirmitáte: si posúerit pro peccáto ánimam suam, vidébit semen longævum, et volúntas Dómini in manu ejus dirigétur. Pro eo quòd laborávit ánima ejus, vidébit, et saturábitur: in sciéntia sua justificábit ipse justus servus meus multos, et iniquitátes eórum ipse portábit. Ideò dispértiam ei plúrimos: et sórtium dívidet spólia, pro eo quòd trádidit in mortem ánimam suam, et cum scelerátis reputátus est: et ipse peccáta multórum tulit, et pro transgressóribus rogávit.

Tractus. Psalm. 101. Dómine exáudi oratióem meam, et clamor meus ad te véniat.

℣. Ne avértas faciém tuam à me: in quacúmque die tribulor, inclína ad me aurem tuam.

℣. In quacúmque die invocávero te, velóriter exáudi me.

℣. Quia defecérunt sicut fumus dies mei: et ossa mea sicut in frixório confríxa sunt.

℣. Percússus sum sicut fœnum, et áruit cor meum: quia oblitus sum manducáre panem meum.

¶ Tu exurgens Dómine, miseréberis Sion: quia venit tempus miseréndi ejus.

Pássio Dómini nostri Jesu Christi secúndum Lucam.

Luc. 22.

IN illo témpore: Appropinquábat dies festus Azymórum, qui dicitur Pascha: et quærébant príncipes sacerdotum, et Scribæ quómodo Jesum interficerent: timébant verò plebem. Intrávit autem Sátanas in Judam, qui cognominabátur Iscariótes, unum de duódecim. Et ábiit, et locútus est cum princípibus sacerdotum, et magistrátibus, quemádmódu illum tráderet eis. Et gavísi sunt, et pacti sunt pecúniám illi dare. Et spóndit. Et quærébat opportunitátem, ut tráderet illum sine turbis. Venit autem dies Azymórum, in qua necesse erat occídi Pascha: et misit Petrum et Joánnem, dicens: ¶ Eúntes paráte nobis Pascha, ut manducémus. *C.* At illi dixerunt: *S.* Ubi vis parémus? *C.* Et dixit ad eos: ¶ Ecce introeúntibus vobis in civitátem, occúrret vobis homo quidam ámphoram aquæ portans: sequímini eum in domum, in quam intrat, et dicétis patri-fámiliás domus: dicit tibi Magíster: Ubi est diversórium, ubi Pascha cum discípu-lis meis mandúcem? Et ipse osténdet vobis coenáculum magnum stratum, et ibi paráte. *C.* Eúntes autem invenérunt sicut dixit illis, et paravérunt Pascha. Et cùm facta esset hora, discúbuit, et duódecim Apóstoli cum eo. Et ait

illis: ¶ Desidério desiderávi hoc Pascha manducáre vobiscum, ántequam pátiar. Dico enim vobis, quia ex hoc non manducábo illud, donec impleátur in regno Dei. *C.* Et accépto cálice, grátias egit, et dixit: ¶ Accípíte, et dividíte inter vos. Dico enim vobis, quòd non bibam de generatióne vitis, donec regnum Dei véniat. *C.* Et accépto pane, grátias egit, et fregit, et dedit eis, dicens: ¶ Hoc est corpus meum, quod pro vobis datur, hoc fácite in meam commemoratiónem. *C.* Similiter et cálicem, postquam cœnavit, dicens: ¶ Hic est calix novum testaméntum in ságuine meo, qui pro vobis fundétur. Verúmtamen ecce manus tradéntis me, mecum est in mensa. Et quidem Fílius hóminis, secúndum quod definitum est, vadit: verúmtamen væ hómini illi, per quem tradétur. *C.* Et ipsi cœpérunt quærere inter se, quis esset ex eis, qui hoc factúrus esset. Facta est autem et conténtio inter eos, quis eórum viderétur esse major. Dixit autem eis: ¶ Reges Géntium dominántur eórum: et qui potestátem habent super eos, benéfici vocántur. Vos autem non sic: sed qui major est in vobis, fiat sicut minor: et qui præcëssor est, sicut ministrátor. Nam quis major est, qui recúmbit, an qui ministrat? nónne qui recúmbit? Ego autem in médio vestrúm sum, sicut qui ministrat: vos autem estis, qui permansístis mecum in tentatióibus meis. Et ego dispóno

vobis, sicut dispósuit mihi Pater meus regnum, ut edátis, et bibátis super mensam meam in regno meo : et sedeátis super thronos, judicántes duódecim tribus Israël. *C.* Ait autem Dóminus : ✠ Simon, Simon, ecce Sátanas expetívit vos, ut cribráret sicut triticum : ego autem rogávi pro te, ut non deficiat fides tua : et tu aliquándo convérsus, confirma fratres tuos. *C.* Qui dixit ei : *S.* Dómine, tecum parátus sum et in cárcerem et in mortem ire. *C.* At ille dixit : ✠ Dico tibi Petre : Non cantábit hódie gallus, donec ter ábneges nosse me. *C.* Et dixit eis : ✠ Quando misi vos sine fácculo, et pera, et calceamentís, numquid áliquíd defuit vobis ? *C.* At illi dixerunt : *S.* Nihil. *C.* Dixit ergo eis : ✠ Sed nunc, qui habet sácculum, tollat similiter et peram : et qui non habet, vendat tunicam suam, et emat gládium. Dico enim vobis, quóniam adhuc hoc, quod scriptum est, opórtet impléri in me : Et cum iníquis deputátus est. Etenim ea, quæ sunt de me, finem habent. *C.* At illi dixerunt : *S.* Dómine, ecce duo gládii híc. *C.* At ille dixit eis : ✠ Satis est. *C.* Et egréssus ibat secúndum consuetúdinem in montem Olivárum. Secúti sunt autem illum et discipuli. Et cùm pervénisset ad locum, dixit illis : ✠ Oráte, ne intrétis in tentatióne. *C.* Et ipse avúlsus est ab eis quantum jactus est lápidis : et positus gé nibus orábat, dicens : ✠ Pater, si vis transfer cálicem istum à me : verúntamen non

mea volúntas, sed tua fiat. *C.* Appáruit autem illi Angelus de cœlo, confortans eum. Et factus in agonia prolixius orábat. Et factus est sudor ejus, sicut guttæ ságuinis decurréntis in terram. Et cùm surrexisset ab oratióne, et vénisset ad discipulos suos, invénit eos dormiéntes præ tristítia. Et ait illis : ✠ Quid dormitis ? súrgite, oráte, ne intrétis in tentatióne. *C.* Adhuc eo loquente, ecce turba : et qui vocabátur Judas, unus de duódecim, antecedebat eos : et appropinquávit Jesu, ut oscularétur eum. Jesus autem dixit illi : ✠ Juda, ósculo Fílium hóminis tradis ? *C.* Videntes autem hi, qui circa ipsum erant, quod futúrum erat, dixerunt ei : *S.* Dómine, si percútimus in gládio ? *C.* Et percússit unus ex illis servum princípis sacerdotum, et amputávit aurículam ejus dexteram. Respóndens autem Jesus, ait : ✠ Sínite usque huc. *C.* Et cùm tetigisset aurículam ejus, sanávit eum. Dixit autem Jesus ad eos, qui vénerant ad se, principes sacerdotum, et magistrátus témpli, et senióres : ✠ Quasi ad latrónem existis cum gládiis et fústibus ? Cùm quotidie vobiscum fúerim in templo, non extendístis manus in me : sed hæc est hora vestra, et potéstas tenebrárum. *C.* Comprehendéntes autem eum, duxérunt ad domum princípis sacerdotum : Petrus verò sequebátur à longè. Accénso autem igne in médio átrii, et circumsedéntibus illis, erat Petrus in médio eó-

rum. Quem cùm vidisset ancilla quædam sedentem ad lumen, et eum fuisset intùita, dixit: *S.* Et hic cum illo erat. *C.* At ille negavit eum, dicens: *S.* Múlier, non novi illum. *C.* Et post pusillum álius videns eum, dixit: *S.* Et tu de illis es. *C.* Petrus verò ait: *S.* O homo, non sum. *C.* Et intervallo facto quasi horæ unius, álius quidam affirmábat, dicens: *S.* Verè et hic cum illo erat: nam et Galilæus est. *C.* Et ait Petrus: *S.* Homo nescio quid dicis. *C.* Et continuò, adhuc illo loquente, cantávit gallus. Et conversus Dóminus respéxit Petrum. Et recordátus est Petrus verbi Dómini, sicut dixerat: Quia priúsqum gallus cantet, ter me negábis. Et egressus foras Petrus flevit amàrè. Et viri, qui tenébant illum, illudébant ei, cædentes. Et velarunt eum, et percutiébant facièm ejus: et interrogábant eum, dicentes: *S.* Prophetíza, quis est, qui te percússit? *C.* Et ália multa blasphemántes dicébant in eum. Et ut factus est dies, convenérunt senióres plebis, et príncipes sacerdotum, et Scribæ, et duxerunt illum in concílium suum, dicentes: Si tu es Christus, dic nobis. *C.* Et ait illis: ✠ Si vobis dixerò, non credétis mihi: si autem et interrogávero, non respondébitis mihi, neque dimittétis. Ex hoc autem erit Filius hóminis sedens à dextris virtútis Dei. *C.* Dixérunt autem omnes: *S.* Tu ergo es Filius Dei? *C.* Qui ait: ✠ Vos dicitis, quia ego sum. *C.* At illi dixerunt:

S. Quid adhuc desiderámus testimónium? ipsi enim audívimus de ore ejus. *C.* Et surgens omnis multitúdo eórum, duxérunt illum ad Pilátum. Cœpérunt autem illum accusáre, dicentes: *S.* Hunc invénimus subvertentem gentem nostram, et prohibentem tribúta dare Cæsari, et dicentem se Christum Regem esse. *C.* Pilátus autem interrogávit eum, dicens: *S.* Tu es Rex Judæórum? *C.* At ille respóndens, ait: ✠ Tu dicis. *C.* Ait autem Pilátus ad príncipes sacerdotum, et turbas: *S.* Nihil invénio causæ in hoc hómine. *C.* At illi invalescébant, dicentes: *S.* Cómmoveat pópulum, docens per univérsam Judæam, incípiens à Galilæa usque huc. *C.* Pilátus autem audiens Galilæam, interrogávit si homo Galilæus esset. Et ut cognóvit, quòd de Heródis potestate esset, remisit eum ad Heródem, qui et ipse Jerosólymis erat illis diébus. Heródes autem viso Jesu, gávisus est valdè. Erat enim cúpiens ex multo témpore vidére eum, eó quòd audierat multa de eo, et sperábat signum áliquod vidére ab eo fieri. Interrogábat autem eum multis sermónibus. At ipse nihil illi respondébat. Stabant autem príncipes sacerdotum, et Scribæ constánter accusántes eum. Sprevit autem illum Heródes cum exercitu suo: et illúsit indútum veste alba, et remisit ad Pilátum. Et facti sunt amici Heródes et Pilátus in ipsa die: nam antea inimici erant ad invi-

cem. Pilátus autem convocatis principibus sacerdotum, et magistratibus, et plebe, dixit ad illos: *S.* Obtulistis mihi hunc hominem, quasi avertentem populum: et ecce ego coram vobis interrogans, nullam causam inveni in homine isto ex his, in quibus eum accusatis. Sed neque Heródes: nam remisit vos ad illum, et ecce nihil dignum morte actum est ei. Emendatum ergo illum dimittam. *C.* Necesse autem habebat dimittere eis per diem festum, unum. Exclamavit autem simul universa turba, dicens: *S.* Tolle hunc, et dimitte nobis Barábbam. *C.* Qui erat propter seditionem quamdam factam in civitate, et homicidium, missus in carcerem. Iterum autem Pilátus locutus est ad eos, volens dimittere Jesum. At illi succlamabant dicentes: *S.* Crucifige, crucifige eum. *C.* Ille autem tertio dixit ad illos: *S.* Quid enim mali fecit iste? Nullam causam mortis invenio in eo: corripiam ergo illum, et dimittam. *C.* At illi instabant vocibus magnis postulantes, ut crucifigeretur. Et inualescebant voces eorum. Et Pilátus adjudicavit fieri petitionem eorum. Dimisit autem illis eum, qui propter homicidium, et seditionem missus fuerat in carcerem, quem petebant: Jesum verò tradidit voluntati eorum. Et cum ducerent eum, apprehenderunt Simónem quemdam Cyrenensem venientem de villa: et imposuerunt illi

crucem portare post Jesum. Sequebatur autem illum multa turba populi, et mulierum, quæ plangebant, et lamentabantur eum. Conversus autem ad illas Jesus, dixit: ✝ Filie Jerúsalem, nolite flere super me, sed super vos ipsas flete, et super filios vestros. Quoniam ecce venient dies, in quibus dicent: Beatae steriles, et ventres qui non genuerunt, et ubera quæ non lactaverunt. Tunc incipient dicere montibus: Cadite super nos. Et collibus: Operite nos. Quia si in viridi ligno hæc faciunt, in arido quid fiet? *C.* Ducebantur autem et alii duo nequam cum eo, ut interficerentur. Et postquam venerunt in locum, qui vocatur Calvaria, ibi crucifixerunt eum; et latrones, unum a dextris, et alterum a sinistris. Jesus autem dicebat: ✝ Pater, dimitte illis: non enim sciunt, quid faciunt. *C.* Dividentes verò vestimenta ejus, miserunt fortes. Et stabat populus spectans, et deridebant eum principes cum eis, dicentes: *S.* Alios salvos fecit: se salvum faciat, si hic est Christus Dei electus. *C.* Illudabant autem ei et milites accedentes, et acetum offerentes ei, et dicentes: *S.* Si tu es Rex Judæorum, salvum te fac. *C.* Erat autem et superscriptio scripta super eum litteris Græcis, et Latinis, et Hebraicis: Hic est Rex Judæorum. Unus autem de his, qui pendebant, latronibus, blasphemabat eum, dicens: *S.* Si tu es Christus, salvum

fac temetipsum, et nos. *C.* Respondens autem alter increpabat eum, dicens: *S.* Neque tu times Deum quod in eadem damnatione es? Et nos quidem justè; nam digna factis recipimus: hic verò nihil mali gessit. *C.* Et dicebat ad Jesum: *C.* Dómine, meménto mei, cùm véneris in regnum tuum. *C.* Et dixit illi Jesus: ✠ Amen dico tibi: Hódie mecum eris in paradiso. *C.* Erat autem ferè hora sexta, et ténebræ factæ sunt in univérsam terram usque in horam nonam. Et obscurátus est sol: et velum templi scissum est médium. Et clamans voce magna Jesus ait: ✠ Pater, in manus tuas comméndo spíritum meum. *C.* Et hæc dicens, expirávit. (*Hic genuflectitur, et pausatur aliquantulum.*) Videns autem Centúrio quod factum fúerat, glorificávit Deum, dicens: *S.* Verè hic homo justus erat. *C.* Et omnis turba eórum, qui simul áderant ad spectáculum istud, et vidébant quæ fiébant, percutiéntes pectora sua revertébantur. Stabant autem omnes noti ejus à longè: et mulieres, quæ secútæ eum erant à Galilæa, hæc vidéntes.

Quod sequitur, legitur in tono Evangelii: et alia sunt ut supra in Dominica.

ET ecce vir nómine Joseph, qui erat decúrio, vir bonus et justus: hic non consenserat consílio et áctibus eórum, ab Arimathæa civitate Judææ, qui expectábat et ipse regnum Dei. Hic accéssit ad Pilátum, et pétiit corpus Jesu: et depósitum invólvit sín-

done, et pósuit eum in monumento exciso, in quo nondum quisquam pósitus fuerat.

Offertorium. Psal. 101. Dómine exáudi orationem meam, et clamor meus ad te perveniat: ne avértas fáciem tuam à me.

Secreta.

SUSCIPE, quæsumus Dómine, munus oblátum, et dignánter operáre: ut, quod passionis Filii tui Dómini nostri mystério gérimus, piis afféctibus cousequámur. Per eúdem Dóminum.

Posteà vel Prótege nos. vel Oblátis quæsumus. fol. 120.

Communio. ibid. Potum meum cum fletu temperábam: quia élevans allisisti me, et ego sicut fœnum árui: tu autem dómine in ætérnum pérmanes: tu exúrgens miseréberis Sion, quia venit tempus miseréndi ejus.

Postcommunio.

LARGIRE sénsibus nostris omnípotens Deus: ut, per temporalem Filii tui mortem, quam mystéria veneránda testántur, vitam te nobis dedísse perpétuam confidámus. Per eúdem Dóminum nostrum.

Posteà vel Quæsumus Dómine. vel Hæc nos, quæsumus. fol. 120.

Super populum. Orémus. Humiliáte cápita vestra Deo.

Oratio.

RESPICE, quæsumus Dómine, super hanc familiam tuam: pro qua Dóminus noster Jesus Christus non dubitávit má nibus tradi nocéntium, et crucis subire torméntum. Qui tecum vivit et regnat, in unitáte, &c.

FERIA QUINTA IN CÆNA
DOMINI.

*Statio ad S. Joannem in Late-
rano.*

Introitus. Gal. 6.

NOS autem gloriari oportet in cruce Dómini nostri Jesu Christi: in quo est salus, vita, et resurrectio nostra: per quem salvati, et liberati sumus.

Psal. 66. Deus miseretur nostri, et benedicat nobis: illuminet vultum suum super nos, et miseretur nostri. Nos autem.

Dicitur Glória in excelsis. et tunc pulsantur campanæ, et deinceps non amplius usque ad sabbatum sanctum.

Oratio.

DEUS, à quo et Judas reatus sui pœnam, et confessionis suæ latro præmium sumpsit: concède nobis tuæ propitiatiónis effectum: ut sicut in Passiône sua Jesus Christus Dóminus noster diversa utrisque intulit stipendia meritórum, ita nobis, ablato vetustatis errore, resurrectiõnis suæ grátiam largiatur. Qui tecum vivit.

Et hæc Oratio tantùm dicitur.

Lectio Epistolæ beati Pauli Apóstoli ad Corínthios.

1. Cor. II. d.

FRATRES, convenientibus vobis in unum, jam non est Dominicam cœnam manducare. Unusquisque enim suam cœnam præsumit ad manducandum. Et alius quidem esurit: alius autem ebrius est. Numquid domos non habetis ad manducandum et bi-

bendum? aut Ecclésiã Dei contemnitis, et confunditis eos, qui non habent? Quid dicam vobis? Laudo vos? in hoc non laudo. Ego enim accépi à Dómino quod et tradidi vobis: quóniam Dóminus Jesus, in qua nocte tradebatur, accépit panem, et grátias agens fregit, et dixit: Accípite, et manducate: Hoc est corpus meum, quod pro vobis tradetur; hoc facite in meam commemoratiónem. Simíliter et cálicem, postquam cœnavit, dicens: Hic calix novum testaméntum est in meo ságuine. Hoc facite, quotiescúmque bibétis, in meam commemoratiónem. Quotiescúmque enim manducabitis panem hunc, et cálicem bibétis: mortem Dómini annuntiabitis, donec véniat. Itaque quicumque manducaverit panem hunc, vel biberit cálicem Dómini indigné: reus erit corporis et ságuinis Dómini. Probet autem seípsum homo: et sic de pane illo edat, et de cálice bibat. Qui enim manducat et bibit indigné, júdicium sibi manducat et bibit: non dijúdicans corpus Domini. Ideò inter vos multi infirmi et imbecíles, et dormiunt multi. Quòd si nosmetipsos dijúdicarémus, non útique judicarémur. Dum judicámur autem, à Dómino corripimur, ut non cum hoc mundo damnemur.

Graduale. Philip. 2. Christus factus est pro nobis obediens usque ad mortem, mortem autem crucis. V. Propter quod et Deus exaltávit illum, et dedit illi nomen, quod est super omne nomen.

Sequéntia sancti Evangélii se-
cúudum Joánnem.

Joan. 13.

ANTE diem festum Pas-
chæ, sciens Jesus quia
venit hora ejus: Iut transeat
ex hoc mundo ad Patrem:
cùm dilexisset suos, qui erant
in mundo, in finem diléxit
eos. Et cœna facta, cùm diá-
bolus jam misisset in cor, ut
tráderet eum Judas Simónis
Iscariótæ: sciens quia ómnia
dedit ei Pater in manus, et
quia à Deo exívit, et ad De-
um vadit: surgit à cœna, et
ponit vestiménta sua: et cùm
accepisset línteum, præcínxit
se. Deínde mittit aquam in
pelvim, et cœpit laváre pedes
discipulórum, et extérgere
línteo, quo erat præcinctus.
Venit ergo ad Simónem Pe-
trum. Et dicit ei Petrus: Dó-
mine, tu mihi lavas pedes?
Respóndit Jesus, et dixit ei:
Quod ego facio, tu nescis mo-
dò, scies autem pósteà. Dicit
ei Petrus: Non lavábis mihi
pedes in ætérnum. Respóndit
ei Jesus: Si non lávero te, non
habébis partem mecum. Di-
cit ei Simon Petrus: Dómine,
non tantùm pedes meos, sed
et manus, et caput. Dicit ei
Jesus: Qui lotus est, non ín-
diget nisi ut pedes lavet, sed
est mundus totus. Et vos mún-
di estis, sed non omnes. Scié-
bat enim quisnam esset, qui
tráderet eum: propterea dix-
it: Non estis mundi omnes.
Postquam ergo lavit pedes eó-
rum, et accépit vestiménta
sua, cùm recubuisset íterùm,
dixit eis: Scitis quid fécerim
vobis? Vos vocátis me Magí-
ster, et Dómine: et bene dicitis:

sum etenim. Si ergo ego
lavi pedes vestros, Dóminus
et Magíster: et vos debétis
alter altérius laváre pedes.
Exémplum enim dedi vobis,
ut quemádmódu ego feci
vobis, ita et vos facitátis.

Et dicitur Credo.

Offertorium. Psal. 117. Dêx-
tera Dómini fecit virtútem,
dêxtera Dómini exaltávit me:
non móriar, sed vivam, et nar-
rábo ópera Dómini.

Secreta.

IPSE tibi, quæsumus Dómi-
ne sancte, Pater omnípo-
tens, ætérne Deus, sacrificium
nostrum reddat accéptum, qui
discipulis suis in sui commemo-
ratióne hoc fieri hodiérna
traditióne monstrávit, Je-
sus Christus Fílius tuus Dó-
minus noster: Qui tecum vivit
et regnat.

Præfatio de Cruce. Qui sa-
lútem humáni géneris.

Infra actionem.

COMMUNICANTES, et
diem sacratíssimum cele-
brántes, quo Dóminus noster
Jesus Christus pro nobis est
tráditus, sed et memóriam ve-
nerántes, in primis gloriósæ
semper vírginis Mariæ, genitri-
cis ejúsdem Dei, et Dómini
nostri Jesu Christi: sed et
beatórum Apostolórum ac
mártýrum tuórum Petri et
Pauli, Andréæ, Jacóbi, Joán-
nis, Thomæ, Jacóbi, Philippi,
Bartholomæi, Matthæi, Si-
mónis et Thaddæi: Lini,
Cleti, Cleméntis, Xysti, Cor-
nélii, Cypriáni, Lauréntii,
Chrysógoni, Joánnis et Pauli,
Cosmæ et Damiáni, et óm-
nium Sanctórum tuórum:
quorum méritis, precibúsque

concedas, ut in ómnibus protectionis tuæ muniámur auxilio. Per eúndem Christum Dóminum nostrum. Amen.

Sequitur.

HANC igitur oblationem servitutis nostræ, sed et cunctæ familiæ tuæ, quam tibi offerimus ob diem, in qua Dóminus noster Jesus Christus tradidit discipulis suis corporis et sanguinis sui mysteria celebránda: quæsumus Dómine, ut placátus accípias: diésque nostros in tua pace dispónas: atque ab ætérna damnatione nos éripi, et in electórum tuórum júbeas grege numerári. Per eúndem Christum Dóminum nostrum. Amen.

QUAM oblationem tu, Deus, in ómnibus, quæsumus, bene ✠ dictam, adscrí ✠ ptam, ra ✠ tam, rationábilem, acceptabilémque fácere dignéris, ut nobis Cor ✠ pus, et San ✠ guis fiat dilectissimi Filii tui Dómini nostri Jesu Christi.

QUI pridie, quàm pro nostra omniúmque salute paterétur, hoc est, hódie: accépit panem. *et reliqua ut in Canone.*

Agnus Dei, *dicitur de more, sed pax non datur. Dicuntur tamen tres consuetæ Orationes ante Communionem.*

¶ *Hodie Sacerdos consecrat duas Hostias, quarum unam sumit, alteram reservat pro die sequenti, in quo non conficitur Sacramentum: reservat etiam aliquas particulas consecratas, si opus fuerit, pro infirmis: sanguinem verò totum sumit: et ante abluitionem digitorum ponit Hos-*

tiam reservatam in alio Calice, quem Diaconus palla et patena cooperit, et desuper velum expandit, et in medio Altaris collocat. Deinde fit Communio, et completur Missa. Sacerdos autem genuflectit, quandocumque accedit, vel recedit à medio Altaris, vel transit ante Sacramentum in Calice reservatum: et cum dicere debet, Dóminus vobiscum, non vertit se ad populum in medio Altaris, ne terga vertat Sacramento, sed à latere Evangelii: et in fine ibidem dat benedictionem, et non perficit circumulum.

Communio. Joan. 13. Dóminus Jesus, postquam cenávit cum discipulis suis, lavit pedes eórum, et ait illis: Scitis quid fécerim vobis ego Dóminus, et Magíster? Exémplum dedi vobis, et ut vos ita faciátis.

Postcommunio.

REFFECTI vítalibus aliméntis, quæsumus Dómine Deus noster: ut quod tēpore nostræ mortalitátis exéquimur, immortalitátis tuæ múnere consequámur. Per Dóminum.

Dicitur Ite Missa est, et datur benedictio, et legitur Evangelium S. Joannis, in cujus initio Sacerdos non signat Altare, sed seipsum tantum.

¶ *Hodie paretur locus aptus in aliqua Capella Ecclesiæ, vel Altari, et decenter quoad fieri potest ornetur cum velis et luminibus, ubi Calix cum Hostia, ut suprâ reservata, reponatur. Finita autem Missa, accenduntur intorticia, et fit Processio moresolito, alio tamen Subdiacono parato Crucem ferente. Celebrans indu-*

tus pluviali albo, stans ante Altare, imponit incensum in duobus thuribulis absque benedictione: deinde in medio genuflexus, cum altero incensat ter Sacramentum: et accepto Calice cum Sacramento de manu Diaconi stantis, et cooperto extremitatibus veli, quo ejus humeri teguntur, procedit medius inter eundem Diaconum à dextris, et Subdiaconum à sinistris sub baldachino, duobus Acolythis Sacramentum continuè incensantibus usque ad locum preparatum, ubi pro crastino servandum est. Interea dum fit Processio, cantatur Hymnus, Pange lingua gloriósi Corporis mysterium. Cùm autem perventum fuerit ad locum paratum, Diaconus genuflexus à Sacerdote stante accipit Calicem cum Sacramento, et ponit illum primò super Altare, ubi à Sacerdote genuflexo incensatur ut suprà, deinde reponit in capsula. Postèd in Choro dicuntur Vesperæ sine cantu. Et Sacerdos cum ministris denudet Altaria, legendo Antiphonam.

Psalm. 21. Diviserunt sibi vestimenta mea: et super vestem meam miserunt sortem, cum toto Psalmo. Deus Deus meus respice in me.

¶ Post denudationem Altarium, hora competenti facto signo cum tabula, conveniunt Clerici ad faciendum mandatum. Prælati, seu Superior, super amictu et alba induitur stola et pluviali violaceis, et in loco ad id deputato, ministrante Diacono, (qui paratus cum Subdiacono, ut in Missa, pamentis albis, ei assistit) imponit incensum in thuribulo: deinde Diaconus librum Evangeliorum ante pectus

tenens, genuflexus ante Superiorem, petit benedictionem: qua accepta, astantibus duobus Acolythis cum candelabris accensis, et Subdiacono librum tenente, signat librum, et incensat, et cantat, ut moris est, Evangelium. Ante diem festum Paschæ. ut in Missa. Quo finito, Subdiaconus portat librum apertum osculandum Superiori, et Diaconus eum de more incensat. Postèd Superior exiit pluviali, et per Diaconum, et Subdiaconum præcingitur linteo, et sic præcinctus, assistentibus sibi iisdem Diacono et Subdiacono, accedit ad lotionem pedum, et per ordinem dispositis iis qui lavandi sunt, Clericis pelvim et aquam ministrantibus, Subdiacono singulorum pedem dextrum tenente, genuflectens singulis, illorum pedem lavat, extergit, et osculatur, Diacono præbente linteum ad abstergendum. Et interim hæc subscripta cantantur.

Antiphona. Joan. 13. Mandatum novum do vobis: ut diligatis invicem, sicut dilexi vos, dicit Dóminus.

Psal. 118. Beati immaculati in via: qui ambulat in lege Dómini. Et repetitur immediate Antiphona. Mandatum novum. Et sic aliæ Antiphonæ, quæ habent Psalmos, vel versus, repetuntur. Et de quolibet Psalmo dicitur tantum primus Versus.

Antiphona. Joan. 13. Postquam surrexit Dóminus à cœna, misit aquam in pelvim, et cœpit lavare pedes discipulorum suorum: hoc exemplum reliquit eis.

Psalmus 47. Magnus Dominus, et laudabilis nimis, in

civitate Dei nostri, in monte sancto ejus.

Antiphona. Joan. 13. Dominus Jesus, postquam cœnavit cum discipulis suis, lavit pedes eorum, et ait illis: Scitis quid fecerim vobis ego Dominus et Magister? Exemplum dedi vobis, ut et vos ita faciatis.

Psal. 84. Benedixisti, Domine, terram tuam: avertisti captivitatem Jacob.

Antiphona. Joan. 13. Domine, tu mihi lavas pedes? respondit Jesus, et dixit ei: Si non lavero tibi pedes, non habebis partem mecum. V. Venit ergo ad Simonem Petrum, et dixit ei Petrus:

Et repetitur Antiphona. Domine, tu mihi lavas pedes? respondit Jesus, et dixit ei: Si non lavero tibi pedes, non habebis partem mecum.

V. Quod ego facio, tu nescis modò; scies autem postea.

Tertio repetitur Antiphona. Domine, tu mihi lavas pedes? respondit Jesus, et dixit ei: Si non lavero tibi pedes, non habebis partem mecum. V. Si ego Dominus et Magister vester lavi vobis pedes: quantò magis debetis alter alterius lavare pedes?

Psal. 48. Audite hæc omnes Gentes: auribus percipite qui habitatis orbem.

Antiph. Joan. 13. In hoc cognoscent omnes, quia discipuli mei estis, si dilectionem habueritis ad invicem. V. Dixit Jesus discipulis suis.

Antiphona. 1. Cor. 13. Maneant in vobis fides, spes, caritas, tria hæc: major autem horum est caritas. V. Nunc

autem manent fides, spes, caritas, tria hæc: major horum est caritas.

Antiph. Benedicta sit sancta Trinitas, atque indivisa unitas: confitebimur ei, quia fecit nobiscum misericordiam suam. V. Benedicamus Patrem, et Filium cum sancto Spiritu.

Psal. 83. Quam dilecta tabernacula tua Domine virtutum! concupiscit, et deficit anima mea in atria Domini.

Antiph. 1. Jo. 2, 3, 4. Ubi caritas et amor, Deus ibi est.

V. Congregavit nos in unum Christi amor. V. Exultemus, et in ipso jucundemur.

V. Timeamus, et amemus Deum vivum. V. Et ex corde diligamus nos sincero.

Et repetitur Antiphona. Ubi caritas et amor, Deus ibi est.

V. Simul ergo cum in unum congregamur. V. Ne nos mente dividamur, caveamus.

V. Cessent jurgia maligna, cessent lites. V. Et in medio nostri sit Christus Deus.

Et repetitur Antiphona. Ubi caritas et amor, Deus ibi est. V. Simul quoque cum Beatis videamus. V. Glorianter vultum tuum, Christe Deus. V. Gaudium, quod est immensum, atque probum. V. Sæcula per infinita sæculorum, Amen.

Post lotionem, Superior, vel qui aliis abluit pedes, lavat manus, et abstergit alio linteo: deinde rediens ad locum, ubi prius fuerat, accipit pluviale: et stans capite detecto, dicit: Pater noster, secretò. V. Et ne nos inducas in tentationem.

℞. Sed libera nos à malo.

℣. Tu mandásti mandáta tua, Dómine. ℞. Custodíri nimis.

℣. Tu lavásti pedes discipulórum tuórum. ℞. Opera mánuum tuárum ne despicias.

℣. Dómine exáudi oratióne meam. ℞. Et clamor meus ad te véniat. ℣. Dóminus vobiscum. ℞. Et cum spíritu tuo.

Orémus. Oratio.

ADESTO, Dómine, quæsumus, officio servitútis nostræ: et quia tu discipulis tuis pedes laváre dignátus es, ne despicias ópera mánuum tuárum, quæ nobis retinénda mandásti, ut sicut híc nobis, et à nobis exterióra abluúntur inquinaménta, sic à te ómnium nostrum interióra lavéntur peccáta. Quod ipse præstáre dignéris: qui vivis et regnas Deus, per ómnia sæcula sæculórum. ℞. Amen.

FERIA SEXTA IN PARASCEVE.

Statio ad S. Crucem in Jerusalem.

FINITA Nona, Sacerdos et ministri induiti paramentis nigri coloris, sine luminaribus et incenso procedunt ad Altare: et ante illud prostrati aliquandiu orant. Interim Acolythi unam tantum tobaleam extendunt super Altare. Sacerdos cum ministris facta oratione ascendit ad Altare, et osculatur illud in medio: deinde Lector accedit ad legendum Prophetiam in loco ubi legitur Epistola, et incipit eam sine titulo: quam etiam Sa-

cerdos legit submissa voce apud Altare in cornu Epistolæ.

Osee 6.

HÆC dicit Dóminus: In tribulatióne sua manè consúrgent ad me: Veníte, et revertámur ad Dóminum: quia ipse cepit, et sanabit nos: percútiet, et curábit nos. Vivificábit nos post duos dies: in die tértia suscitábit nos, et vivémus in conspéctu ejus. Sciémus, sequemúrque, ut cognoscámus Dóminum: quasi dilúculum præparátus est egréssus ejus, et véniat quasi imber nobis temporáneus et serótinus terræ. Quid fáciam tibi Ephraim? quid fáciam tibi Juda? misericórdia vestra quasi nubes matutína, et quasi ros manè pertránsiens. Propter hoc dolávi in prophétis, occídi eos in verbis oris mei: et júdicia tua quasi lux egrediéntur. Quia misericórdiam vólui, et non sacrificium; et sciéntiam Dei plus quám holo-cáusta.

Tractus. Habac. 3. Dómine, audívi audítum tuum, et tímuí: considerávi ópera tua, et expávi. ℣. In médio duórum animálium innotescéris: dum appropinquáverint anni, cognoscéris: dum advénerit tempus, ostendéris. ℣. In eo, dum conturbáta fúerit ánima mea: in ira, misericórdiæ memoreris. ℣. Deus à Líbano véniat, et Sanctus de monte umbróso et condénso. ℣. Opéruiet coelos majéstas ejus, et laudis ejus plena est terra.

Finito Tractu Sacerdos in cornu Epistolæ dicit, Oremus. Diaconus, Flectámus genua, et Subdiaconus, Leváte.

Oratio.

DEUS, à quo et Judas reatus sui pœnam, et confessionis suæ latro præmium sumpsit: concède nobis tuæ propitiatiônis effectum: ut sicut in Passiône sua Jesus Christus Dóminus noster diversa utrísque intulit stipéncia meritórum, ita nobis, ablato vetustátis errore, resurrectiônis suæ grátiam largiatur. Qui tecum vivit et regnat.

Subdiaconus in tono Epistola similiter sine titulo cantat sequentem Lectionem.

Exod. 12.

IN diébus illis: Dixit Dóminus ad Móysen et Aaron in terra Ægypti: Mensis iste, vobis princípium ménsium: primus erit in ménsibus anni. Loquimini ad univérsum cœtum filiórum Israël, et dícite eis: Décima die mensis hujus tollat unusquisque agnum per famílias et domos suas. Sin autem minor est númerus, ut sufficere possit ad vescéndum agnum, assumet vicinum suum, qui junctus est dómuisuæ, juxta númerum animárum, quæ sufficere possunt ad esum agni. Erit autem agnus absque mácula, másculus, annículus: juxta quem ritum tollétis et hœdum. Et servábitis eum usque ad quartamdecimam diem mensis hujus, immolabítque eum univérsa multitúdo filiórum Israël ad vésperam. Et sument de sángine ejus, ac ponent super utrúmque postem, et in superlimináribus domórum, in quibus cómedent illum. Et edent carnes nocte illa assas igni, et ázimos panes cum láctúcis agrés-

tibus. Non comédetis ex eo crudum quid, nec coctum aqua, sed tantum assum igni: caput cum pédibus ejus et intestínis vorábitis. Nec remanébit quidquam ex eo usque manè. Si quid resíduum fuerit, igne comburétis. Sic autem comedétis illum: Renes vestros accingétis, et calceaménta habébitis in pédibus, tenétes báculos in mánibus, et comedétis festinánter: est enim Phase (id est tránsitus) Domini.

Tractus. Psal. 139. Eripe me Dómine ab hómíne malo: à viro iníquo líbera me.

℣. Qui cogitavérunt malítias in corde, tota die constituébant pralia.

℣. Acuérunt linguas suas sicut serpéntis: venénium áspidum sub lábiis eorum.

℣. Custódi me Dómine de manu peccatóris, et ab homínibus iníquis líbera me.

℣. Qui cogitavérunt supplantáre gressus meos, abscondérunt superbi láqueum mihi.

℣. Et funes extendérunt in láqueum pedibus meis: juxta iter scándalum posuérunt mihi.

℣. Dixi Dómino, Deus meus es tu: exáudi Dómine vocem oratiónis meæ.

℣. Dómine, Dómine virtus salútis meæ, obúmbrá caput meum in die belli.

℣. Ne tradas me à desidério meo peccatóri: cogitaverunt advérsus me: ne derelínquas me, ne unquam exalténtur.

℣. Caput circúitus eórum: labor labiórum ipsórum opériet eos.

℣. Verúm tamen justí confitebúntur nómini tuo, et habitábunt recti cum vultu tuo,

Finito Tractu, dicitur Passio super nudum pulpitem: quam Celebrans submissa voce legit in cornu Epistolæ.

Passio Dómini nostri Jesu Christi secúndum Joánnem.

Joan. 18.

IN illo témpore: Egréssus est Jesus cum discipulis suis trans torrémentem Cedron, ubi erat hortus, in quem introiit ipse, et discipuli ejus. Sciébat autem et Judas, qui tradébat eum, locum: quia frequénter Jesus convénerat illuc cum discipulis suis. Judas ergo cùm accepisset cohórtem, et à Pontificibus et Pharisæis ministros, venit illuc cum latérnis, et fácibus, et armis. Jesus itaque sciens ómnia, quæ ventúra erant super eum, processit, et dixit eis: ✚ Quem quæritis? *C.* Respondérunt ei: *S.* Jesum Nazarénum. *C.* Dicit eis Jesus: ✚ Ego sum. *C.* Stabat autem et Judas, qui tradébat eum, cum ipsis. Ut ergo dixit eis: Ego sum: abierunt retrórsum, et ceciderunt in terram. Iterùm ergo interrogávit eos: ✚ Quem quæritis? *C.* Illi autem dixerunt: *S.* Jesum Nazarénum. *C.* Respondit Jesus: ✚ Dixi vobis, quia ego sum: si ergo me quæritis, sínite hos abire. *C.* Ut implerétur sermo, quem dixit: Quia quos dedisti mihi, non pérdidi ex eis quemquam. Simon ergo Petrus habens gládium eduxit eum, et percussit Pontificis servum, et abscídit aurículam ejus dexteram. Erat autem nomen servo Malchus. Dixit ergo Jesus

Petro: ✚ Mitte gládium tuum in vaginam. Cálicem, quem dedit mihi Pater, non bibam illum? *C.* Cohors ergo, et tribúnus, et ministri Judæórum comprehendérunt Jesum, et ligavérunt eum: et adduxérunt eum ad Annam primùm: erat enim socer Cáiphæ, qui erat Póntifex anni illíus. Erat autem Cáiphas, qui consilium déderat Judæis: Quia éxpedit, unum hómínem mori pro pópulo. Sequebátur autem Jesum Simon Petrus, et álius discipulus. Discipulus autem ille erat notus Pontífici, et introiit cum Jesu in átrium Pontificis. Petrus autem stabat ad óstium foris. Exiit ergo discipulus álius, qui erat notus Pontífici, et dixit ostiáriæ: et introduxit Petrum. Dicit ergo Petro ancilla ostiária: *S.* Numquid et tu ex discipulis es hómínis istíus? *C.* Dicit illi: *S.* Non sum. *C.* Stabant autem servi et ministri ad prunas, quia frigus erat, et calefaciébant se: erat autem cum eis et Petrus stans, et caleficiens se. Póntifex ergo interrogávit Jesum de discipulis suis, et de doctrína ejus. Respondit ei Jesus: ✚ Ego palàm locútus sum mundo: ego semper dócui in synagóga et in templo, quò omnes Judæi convéniunt, et in occúlto locútus sum nihil. Quid me intérogas? intéroga eos, qui audiérunt, quid locútus sim ipsis: ecce hi sciunt, quæ dixerim ego. *C.* Hæc autem cùm dixisset, unus assistens ministrórum dedit álapam Jesu, dicens: *S*

Sic respondes Pontifici? *C.* Respondit ei Jesus: ✠ Si male locutus sum, testimonium perhibe de malo: si autem bene, quid me cadis? *C.* Et misit eum Annas ligatum ad Caiapham Pontificem. Erat autem Simon Petrus stans, et calefaciens se. Dixérunt ergo ei: *S.* Numquid et tu ex discipulis ejus es? *C.* Negavit ille, et dixit: *S.* Non sum. *C.* Dicit ei unus ex servis Pontificis, cognatus ejus, cujus abscidit Petrus auriculam: *S.* Nonne ego te vidi in horto cum illo? *C.* Iterum ergo negavit Petrus: et statim gallus cantavit. Adducunt ergo Jesum à Cáípha in prætorium. Erat autem manè, et ipsi non introierunt in prætorium, ut non contaminarentur, sed ut manducarent Pascha. Exiit ergo Pilátus ad eos foras, et dixit: *S.* Quam accusationem affertis adversus hominem hunc? *C.* Respondérunt, et dixerunt ei: *S.* Si non esset hic malefactor, non tibi tradidissimus eum. *C.* Dixit ergo eis Pilátus: *S.* Accipite eum vos, et secundum legem vestram judicate eum. *C.* Dixerunt ergo ei Judæi: *S.* Nobis non licet interficere quemquam. *C.* Ut sermo Jesu impleretur, quem dixit, significans qua morte esset moriturus. Introivit ergo iterum in prætorium Pilátus, et vocavit Jesum, et dixit ei: *S.* Tu es Rex Judæorum? *C.* Respondit Jesus: ✠ A temetipso hoc dicis, an alii dixerunt tibi de me? *C.* Respondit Pilátus: *S.* Numquid ego Judæus sum? Gens tua, et Pontifices tradiderunt te mihi,

quid fecisti? *C.* Respondit Jesus: ✠ Regnum meum non est de hoc mundo. Si ex hoc mundo esset regnum meum, ministri mei utique decertarent, ut non traderer Judæis: nunc autem regnum meum non est hinc. *C.* Dixit itaque ei Pilátus: *S.* Ergo Rex es tu? *C.* Respondit Jesus: ✠ Tu dicis, quia Rex sum ego. Ego in hoc natus sum, et ad hoc veni in mundum, ut testimonium perhibeam veritati: omnis, qui est ex veritate, audit vocem meam. *C.* Dicit ei Pilátus: *S.* Quid est veritas? *C.* Et cum hoc dixisset, iterum exiit ad Judæos, et dicit eis: *S.* Ego nullam invenio in eo causam. Est autem consuetudo vobis, ut unum dimittam vobis in Pascha: vultis ergo dimittam vobis Regem Judæorum? *C.* Clamaverunt ergo rursus omnes, dicentes: *S.* Non hunc, sed Barabbam. *C.* Erat autem Barabbas latro. Tunc ergo apprehendit Pilátus Jesum, et flagellavit. Et milites plectentes coronam de spinis imposuerunt capiti ejus, et veste purpurea circumdederunt eum. Et veniebant ad eum, et dicebant: *S.* Ave Rex Judæorum. *C.* Et dabant ei alapas. Exiit ergo iterum Pilátus foras, et dicit eis: *S.* Ecce, adduco vobis eum foras, ut cognoscatis, quia nullam invenio in eo causam. *C.* (Exiit ergo Jesus portans coronam spineam, et purpureum vestimentum.) Et dicit eis: *S.* Ecce homo. *C.* Cum ergo vidissent eum Pontifices et ministri, clamabant, dicentes: *S.* Crucifige, crucifige eum. *C.* Dicit eis Pilátus: *S.* Accipite

eum vos, et crucifigite : ego enim non invénio in eo causam. *C.* Respondérunt ei Judæi : *S.* Nos legem habémus, et secúndam legem debet mori, quia Filium Dei se fecit. *C.* Cùm ergo audisset Pilátus hunc sermónem, magis tímuit. Et ingressus est prætorium iterùm : et dixit ad Jesum : *S.* Unde es tu ? *C.* Jesus autem respónsum non dedit ei. Dicit ergo ei Pilátus : *S.* Mihi non lóqueris ? nescis quia potestátem hábeo crucifigere te, et potestátem hábeo dimittere te ? *C.* Respóndit Jesus : ✠ Non habéres potestátem advérsus me ullam, nisi tibi datum esset désuper. Prop-térea qui me trádidit tibi, majus peccátum habet. *C.* Et exinde quærébat Pilátus dimittere eum. Judæi autem clamábant, dicéntes : *S.* Si hunc dimíttis, non es amicus Cæsaris. Omnis enim, qui se regem facit, contradíct Cæsari. *C.* Pilátus autem cùm audisset hos sermónes, adduxit foras Jesum, et sedit pro tribunáli, in loco, qui dicitur Lithóstrotos, Hebraicè autem Gábbatha. Erat autem parasceve Paschæ, hora quasi sexta, et dicit Judæis : *S.* Ecce Rex vester. *C.* Illi autem clamábant : *S.* Tolle, tolle, crucifige eum. *C.* Dicit eis Pilátus : *S.* Regem vestrum crucifigam ? *C.* Respondérunt Pontífices : *S.* Non habémus regem, nisi Cæsarem. *C.* Tunc ergo trádidit eis illum, ut crucifigerétur. Suscepérunt autem Jesum, et eduxérunt. Et bájulans sibi crucem, exívit in eum, qui dicitur

Calváriæ, locum, Hebraicè autem Gólgotha : ubi crucifixerunt eum, et cum eo álios duos, hinc et hinc, médium autem Jesum. Scripsit autem et titulum Pilátus, et pósuit super crucem. Erat autem scriptum : Jesus Nazaréus, Rex Judæórum. Hunc ergo titulum multi Judæórum légerunt : quia prope civitátem erat locus, ubi crucifixus est Jesus. Et erat scriptum Hebraicè, Græcè, et Latínè. Dicébant ergo Piláto Pontífices Judæórum : *S.* Noli scribere, Rex Judæórum : sed quia ipse dixit : Rex sum Judæórum. *C.* Respóndit Pilátus : *S.* Quod scripsi, scripsi. *C.* Milites ergo cùm crucifixissent eum, accepérunt vestiménta ejus, (et fecérunt quátuor partes : unicuique militi pártem) et tunicam. Erat autem túnica inconsútilis, désuper contéxta per totum. Dixérunt ergo ad ívicem : *S.* Non scindámus eam, sed sortiámur de illa, cujus sit. *C.* Ut Scriptúra implerétur, dicens : Partiti sunt vestiménta mea sibi : et in vestem meam misérunt sortem. Et milites quidem hæc fecérunt. Stabant autem juxta crucem Jesu mater ejus, et soror matris ejus María Cléophæ, et María Magdaléne. Cùm vidisset ergo Jesus matrem, et discipulum stantem, quem diligébat, dicit matri suæ : ✠ Múlier, ecce filius tuus. *C.* Deínde dicit discipulo : ✠ Ecce mater tua. *C.* Et ex illa hora accépit eam discipulùs in sua. Póstea sciens Jesus, quia ómnia consummáta sunt, ut consumma-

rétur Scriptúra, dixit: ✠ Sítio. C. Vas ergo erat pósito acéto plenum. Illi autem spóngiam plenam acéto, hyssópo circumponéntes, obtulérunt ori ejus. Cùm ergo accepisset Jesus acétum, dixit: ✠ Consummátum est. C. Et inclináto cápite tradidit spíritum. (*Hic genuflectitur, et pausat aliquantulum.*) Judæi ergo (quóniam Parasceve erat) ut non remanérent in cruce córpora sábbato, (erat enim magnus dies ille sábbati) rogavérunt Pilátum, ut frangeréntur eórum crura, et tolleréntur. Venérunt ergo mílites: et primi quidem fregérunt crura, et altérius, qui crucifixus est cum eo. Ad Jesum autem cùm veníssent, ut vidérunt eum jam mórtuum, non fregérunt ejus crura, sed unus mílitum lancea latus ejus aperuit, et continuò exívit sanguis et aqua. Et qui vidit, testimónium perhibuit: et verum est testimónium ejus. Et ille scit, quia vera dicit: ut et vos credátis. Facta sunt enim hæc, ut Scriptúra imple-rétur: Os non comminuétis ex eo. Et iterum ália Scriptúra dicit: Vidébunt in quem transfixérunt.

Quod sequitur, legitur in tono Evangelii, et dicitur, Munda cor meum. sed non petitur benedictio, et non deferuntur luminaria, neque incensum, et Celebrans in fine non osculatur librum.

POST hæc autem rogávit Pilátum Joseph ab Arimathæa (eò quòd esset discipulus Jesu, occúltus autem propter metum Judæórum)

ut tólleret corpus Jesu. Et permísit Pilátus. Venit ergo, et tulit corpus Jesu. Venit autem et Nicodémus, qui vénerat ad Jesum nocte primùm, ferens mixtúram myrrhæ ét áloes, quasi libras centum. Accepérunt ergo corpus Jesu, et ligavérunt illud línteis cum aromátibus, sicut mos est Judæis sepelire. Erat autem in loco, ubi crucifixus est, hortus: et in horto monuméntum novum, in quo nondum quisquam pósito erat. Ibi ergo propter Parasceven Judæórum, quia juxtà erat monuméntum, posuérunt Jesum.

Deinde Sacerdos stans in cornu Epistolæ, incipit absolute junctis manibus.

Orémus, dilectíssimí nobis, pro Ecclésia sancta Dei: ut eam Deus et Dóminus noster, pacificáre, adunáre, et custodire dignétur toto orbe terrárum: subjiciens ei principátus, et potestátes: detque nobis quietam et tranquillam vitam degéntibus, glorificáre Deum Patrem omnipoténtem.

Orémus.

Diaconus. Flectámus génua. *Subdiaconus.* R. Leváte.

Oratio cantatur in tono feriali Orationis Missæ, extensis manibus. Et hic modus servatur in subsequéntibus.

OMNIPOTENS sempitérne Deus, qui glóriam tuam ómnibus in Christo Géntibus revelásti: custódi ópera misericórdiæ tuæ, ut Ecclésia tua toto orbe diffúsa, stábili fide in confessióne tui nómi-

nls perseveret. Per eúndem
Dóminum nostrum.

R. Amen.

O REMUS et pro beátissimo
Papa nostro *N.* ut Deus
et Dóminus noster, qui elégit
eum in órđine Episcopátus, sal-
vum atque incólumem custó-
diat Ecclésiæ suæ sanctæ, ad
regéndum pópulum sanctum
Dei.

Orémus. Flectámus génua.

R. Leváte.

O MNIPOTENS sempitérne
Deus, cujus iudicio uni-
vérsa fundántur: réspice pro-
pítius ad preces nostras, et
eléctum nobis Antístitem tua
pietáte consérva; ut Christiána
plebs, quæ te gubernatur auc-
tóre, sub tanto Pontífice, cre-
dulitátis suæ méritis augeátur.
Per Dóminum nostrum.

R. Amen.

O REMUS et pro ómnibus
Episcopis, Presbyteris,
Diacónibus, Subdiacónibus,
Acólythis, Exorcistis, Lectó-
ribus, Ostiáriis, Confessoribus,
Virgínibus, Víduis: et pro
omni pópulo sancto Dei.

Orémus. Flectámus génua.

R. Leváte.

O MNIPOTENS sempitérne
Deus, cuius spírítu totum
corpus Ecclésiæ sanctificátur
et régitur: exáudi nos pro uni-
vérsis ordínibus supplicátes:
ut grátiae tuæ múnere, ab
ómnibus tibi grádibus fidé-
liter serviátur. Per Dóminum
nostrum.

R. Amen.

Si non est coronatus, dicatur:
elécto Imperátore.

O REMUS et pro Christian-
íssimo Imperátore nostro
N. ut Deus et Dóminus nos-
ter súbditas illi fáciat omnes

bárbaras natiónes, ad nostram
perpétuam pacem.

Orémus. Flectámus génua.

R. Leváte.

O MNIPOTENS sempitérne
Deus, in cujus manu sunt
ómnium potestátes, et ómnium
jura regnórum: réspice ad Ro-
mánun benignus Impérium;
ut gentes, quæ in sua feritáte
confidunt, poténtiæ tuæ dex-
tera comprímantur. Per Dó-
minum nostrum.

R. Amen.

O REMUS et pro catechú-
menis nostris: ut Deus
et Dóminus noster adapériat
aures præcordiórum ipsórum,
januámque misericórdiæ; ut
per lavácrum regenerationis,
accépta remissióne ómnium
peccatórum, et ipsi invenián-
tur in Christo Jesu Dómino
nostro.

Orémus. Flectámus génua.

R. Leváte.

O MNIPOTENS sempitérne
Deus, qui Ecelésiam tuam
nova semper prole fœcúndas:
auge fidem et intelléctum ca-
techúmenis nostris; ut renáti
fonte baptismatis, adoptiόνis
tuæ filiis aggregéntur. Per
Dóminum nostrum.

R. Amen.

O REMUS, dilectíssimi no-
bis, Deum Patrem omni-
poténtem, ut cunctis mundum
purget erróribus: morbos áu-
ferat, famen depéllat, apériat
cárceres, víncula dissólvat, pe-
regrinántibus réditum, infir-
mántibus sanitatem, navigánti-
bus portum salútis indúlgeat.

Orémus. Flectámus génua.

R. Leváte.

O MNIPOTENS sempitérne
Deus, mœstórum consolá-
tio, laborántiumf ortitúdo: per-

veníant ad te preces de quacúm- que tribulatióne clamántium; ut omnes sibi in necessitatibus suis misericórdiam tuam gaudeant adfuisse. Per Dóminum nostrum.

R. Amen.

OREMUS et pro hæréticis et schismáticis: ut Deus et Dóminus noster éruat eos ab erróribus univérsis; et ad sanctam matrem Ecclésiám Cathólicam atque Apostólicam revocáre dignétur.

Orémus. Flectámus génuá.

R. Leváte.

OMNIPOTENS sempitérne Deus, qui salvás omnes, et néminem vis perire: respice ad ánimas diabólicá fraude decéptas: ut omni hærética pravitate depósita, errántium corda resipiscant, et ad veritátis tuæ rédeant unitátem. Per Dóminum nostrum.

R. Amen.

OREMUS et pro pérfidis Judæis, ut Deus et Dóminus noster áuferat velámen de córdibus eórum: ut et ipsi agnóscant Jesum Christum Dóminum nestrum.

Non respondetur Amen. sed statim dicitur.

OMNIPOTENS sempitérne Deus, qui étiam Judáicam perfidiam à tua misericórdia non repéllis: exáudi preces nostras, quas pro illius pópuli obcæcatione deférimus, ut, ág-nita veritátis tuæ luce, quæ Christus est, à suis ténebris eruántur. Per eúndem Dóminum.

R. Amen.

OREMUS et pro pagánis, ut Deus omnípotens áuferat iniquitátem à córdibus eórum: ut relictis idólis suis, convertántur ad Deum vivum, et ve-

rum, et únicum Fílium ejus Jesum Christum Deum et Dóminum nostrum.

Orémus. Flectámus génuá.

R. Leváte.

OMNIPOTENS sempitérne Deus, qui non mortem peccatórum, sed vitam semper inquiris: súscipe propítius oratióne nostram, et libera eos ab idolorum cultúra, et ág-grega Ecclésiæ tuæ sanctæ, ad laudem et glóriam nóminis tui. Per Dóminum.

R. Amen.

¶ *Complectis Orationibus, Sacerdos deposita casula accedit ad cornu Epistolæ, et ibi in posteriori parte anguli Altaris accipit à Diacono Crucem jam in Altari præparatam: quam, versa facie ad populum, a summitate parum discooperit, incipiens solus Antiphonam. Ecce lignum Crucis. ac deinceps in reliquis juvatur in cantu à ministris usque ad Venite, adorémus. Choro autem cantante, Venite, adorémus. omnes se prosternunt, excepto Celebrante. Deinde procedit ad anteriorem partem anguli ejusdem cornu Epistolæ: et discooperiens brachium dextrum Crucis, elevansque eam paulisper, altiùs, quàm primò, incipit, Ecce lignum Crucis, aliis cantantibus et adorantibus, ut suprà.*

Deinde Sacerdos procedit ad medium Altaris: et discooperiens Crucem totaliter, ac elevans eam, tertio altiùs incipit, Ecce lignum Crucis. aliis cantantibus et adorantibus, ut suprà.

Ecce lignum Crucis, in quo salus mundi pepéndit.

Chorus R. Venite adorémus.

Posteà Sacerdos solus portat Crucem ad locum ante Altare præparatum, et genuflexus ibi-

dem eam locat: mox depositis calceamentis, accedit ad adorandam Crucem, ter genua flectens antequam eam deosculetur. Hoc facto, revertitur, et accipit calceamenta et casulam. Postmodum ministri Altaris, deinde alii Clerici et laici, bini et bini, ter genibus flexis, ut dictum est, Crucem adorant. Interim, dum fit adoratio Crucis, cantantur impropria, et alia quæ sequuntur; vel omnia, vel pars eorum, prout multitudo adorantium vel paucitas requirit, hoc modo.

Duo Cantores in medio chori cantant. V. Pópule meus, usque ad Agios ò Theós. V. Pópule meus, quid feci tibi? aut in quo contristávi te? respónde mihi. V. Quia edúxi te de terra Ægypti: parásti crucem Salvatóri tuo.

Unus chorus cantat, Agios ò Theós.

Alius chorus respondet, Sanctus Deus.

Primus chorus. Agios ischyros.

Secundus chorus. Sanctus fortis.

Primus chorus. Agios athánatos eléison imas.

Secundus chorus. Sanctus immortalis miserére nobis.

Posteà duo de secundo choro cantant. V. Quia edúxi te per désertum quadragínta annis et manna cibávi te, et introdúxi te in terram satis bonam: parásti crucem Salvatóri tuo.

Chori respondent alternatim, Agios ò Theós, &c. Sanctus Déus, &c. ita tamen, ut primus chorus semper repetat, Agios.

Deinde duo de primo choro cantant. V. Quid ultrà débui fácere tibi, et non feci? Ego

quidem plantávi te vineam meam speciosíssimam, et tu facta es mihi nimis amára: acéto namque sitim meam potásti: et láncea perforásti latus Salvatóri tuo.

Item Chori alternatim respondent, Agios ò Theós. Sanctus Deus, &c.

¶ Versus sequentis impropria à duobus cantoribus alternatim cantantur, utroque choro simul repetente post quemlibet versum. Pópule meus, usque ad Quia edúxi te de terra Ægypti.

Duo de secundo choro cantant V. Ego propter te flagellávi Ægyptum cum primogénitis suis: et tu me flagellátum tradidisti.

Chorus repet. Pópule meus.

Duo de primo choro, V. Ego edúxi te de Ægypto, demérsó Pharaóne in Mare rubrum et tu me tradidisti princípibus sacerdotum.

Chorus. Pópule meus.

Duo de secundo choro, V. Ego ante te aperuí mare: et tu aperuísti láncea latus meum.

Chorus. Pópule meus.

Duo de primo choro, V. Ego ante te præívi in colúmna nubis: et tu me duxísti ad prætóríum Piláti.

Chorus. Pópule meus.

Duo de secundo choro, V. Ego te pavi manna per désertum: et tu me cæcidísti álapis et flagéllis.

Chorus. Pópule meus.

Duo de primo choro, V. Ego te potávi aqua salutis de petra, et tu me potásti felle et aceto.

Chorus. Pópule meus.

Duo de secundo choro. V. Ego propter te Chananæorum reges

percussi: et tu percussisti arundine caput meum.

Chorus. Pópule meus.

Duo de primo choro, V. Ego dedi tibi sceptrum regale: et tu dedisti cápiti meo spineam corónam.

Chorus. Pópule meus.

Duo de secundo choro, V. Ego te exaltávi magna virtúte: et tu me suspendísti in patíbulo crucis.

Chorus. Pópule meus.

Deinde cantatur communiter Antiphon. Crucem tuam adorámus, Dómine, et sanctam resurrectionem tuam laudámus et glorificámus: ecce enim propter lignum venit gáudium in univérso mundo.

Psalm. 66. Deus misereátur nostri, et benedicat nobis: illuminet vultum suum super nos, et misereátur nostri.

Et repetitur immediate Antiphona. Crucem tuam.

Posteà cantatur, V. Crux fidélis. *cum Hymn.* Pange lingua gloriósi. *et post quemlibet ejus versum repetitur,* Crux fidélis, *vel,* Dulce lignum. *eo modo, quo inferiùs notatur.* Crux fidélis, inter omnes arbor una nóbilis: nulla silva talem profert, fronde, flore, gérmine. Dulce lignúm, dulces clavos, dulce pondus sústinet.

Hymn. Pange lingua gloriósi láuream certáminis, et super crucis trophæo dic triúmphum nóbilem: quáliter Redémptor orbis immolátus vicerit.

Repetitur. Crux fidélis, usque ad Dulce lignum. *Et sic fit quoties repetitur,* Crux fidélis. *V.* De paréntis protoplásti fraude Factor cóndolens: quando pomi noxiális

in necem morsu ruit: ipse lignum tunc notávit, damna ligni ut sólveret.

Repetitur. Dulce lignum.

V. Hoc opus nostræ salútis ordo depopóscerat, multifórmis proditóris ars ut artem fálleret: et medélam ferret inde, hostis unde læserat.

Repetitur. Crux fidélis.

V. Quando venit ergo sacri plenitúdo témporis, missus est ab arce Patris Natus, orbis cónditor: atque ventre virgínali carne amíctus pródiit.

Repetitur. Dulce lignum.

V. Vagit infans inter arcta cónditus præsepia: membra pánnis involúta Virgo mater alligat: et Dei manus pedésque stricta cingit fáscia.

Repetitur. Crux fidélis.

V. Lustra sex qui jam perégit, tempus implens córporis, sponte líbera Redémptor passióni déditus, Agnus in crucis levátur immolándus stípíte.

Repetitur. Dulce lignum.

V. Felle potus ecce languet, spina clavi, lancea mite corpus perforárunť, unda manat, et cruor: terra, pontus, astra, mundus, quo lavántur flúmíne.

Repetitur. Crux fidélis.

V. Flecte ramos arbor alta, tensa laxa viscera, et rigor lentéscat ille, quem dedit natívitas, et supérni membra Regis tende miti stípíte.

Repetitur. Dulce lignum.

V. Sola digna tu fuísti ferre mundi víctimam: atque portum præparáre arca mundo náufrago, quam sacer cruor perúnxit, fusus Agni córpore.

Repetitur. Crux fidélis.

¶ Sempiterna sit beatæ Trinitati gloria, æqua Patri, Filioque: par decus Paráclito: Unius Trinique nomen laudet universitas. Amen.

Repetitur. Dulce lignum.

Circa finem adorationis Crucis accenduntur candelæ super Altare, et Diaconus accipiens bursam corporalium, extendit corporale more solito, et juxta illud ponit purificatorium: et finita adoratione, Crucem reverenter accipit, et reportat ad Altare. Postea ordinatur Processio ad locum, ubi pridie Sacramentum repositum fuerat. Præcedit Subdiaconus cum Cruce inter duos Acolythos deferentes candelabra cum cereis accensis, et Clerus per ordinem, ultimus Sacerdos cum ministris. Cum perventum fuerit ad locum Sacramenti, accenduntur intorticia, quæ non extinguuntur nisi post sumptionem Sacramenti: et Sacerdos genuflectit ante Sacramentum, orat aliquantulum: Diaconus interim aperit capsulam, in qua reconditum est Corpus Domini: postea Sacerdos surgens, absque benedictione imponit incensum in duobus thuribulis, Diacono naviculam ministrante, et genuflexus incensat Sacramentum: tum Diaconus extrahens Calicem cum Sacramento de capsula, dat ad manus Sacerdotis, et tegit extremitatibus veli, quod humeros illius circumdat: et procedunt ordine quo venerunt: defertur baldachinum super Sacramentum: et duo Acolythi cum thuribulis continentur Sacramentum incensant: interim cantatur Hymnus. Vexilla Regis prædeunt.

Cum venerit Sacerdos ad Altare, posito super illud Calice, genuflexus rursus incensat, et

accedens deponit Hostiam ex Calice super patenam, quem Diaconus tenet: et accipiens patenam de manu Diaconi, Hostiam sacram ponit super corporale, nihil dicens. Si tetigerit Sacramentum, digitos abluat in aliquo vase. Interim Diaconus imponit vinum in Calicem, et Subdiaconus aquam, quam Sacerdos non benedicit, nec dicit super eam Orationem consuetam: sed accipiens Calicem à Diacono, ponit super Altare, nihil dicens: et Diaconus illum cooperit palla: deinde imponit incensum in thuribulo absque benedictione, et incensat oblata et Altare more solito, genuflectens antè et post, et quandocumque transit ante Sacramentum.

Cum incensat oblata, dicit:

INCENSUM istud à te benedictum, ascéndat at te Dómine, et descéndat super nos misericórdia tua.

Cum incensat Altare, dicit:

DIRIGATUR, Dómine, oratio mea, sicut incensum in conspéctu tuo: elevatio mánuum meárum sacrificium vespertinum. Pone Dómine custódiam ori meo, et óstium circumstántiæ lábiis meis: ut non declinet cor meum in verba malitiæ, ad excusándas excusatiónes in peccátis.

Quando reddit thuribulum Diacono dicit:

ACCENDAT in nobis Dóminus ignem sui amoris, et flammam æternæ charitátis. Amen.

Et ipse non incensantur.

Postea aliquantulum extra Altare in cornu Epistolæ lavat manus, nihil dicens: deinde in

medio Altaris inclinatus, junctis manibus dicit:

IN spíritu humilitátis, et in ánimo contrito suscipiámur à te Dómine: et sic fiat sacrificium nostrum in cospéctu tuo hódie, ut pláceat tibi, Dómine Deus.

Deinde versus ad populum in cornu Evangelii, dicit more solito:

ORATE fratres, ut meum ac vestrum sacrificium acceptábile fiat apud Deum Patrem omnipoténtem.

Et per eandem viam revertitur, non perficiens circulum: et consequenter, omissis aliis, dicit:

Orémus. Præceptis salutáribus móniti, et divína institutione formáti, audémus dicere.

Pater noster, qui es in cælis: sanctificétur nomen tuum: advéniat regnum tuum: fiat volúntas tua, sicut in cælo, et in terra. Panem nostrum quotidianum da nobis hódie: Et dimitte nobis débita nostra: sicut et nos dimíttimus debitoribus nostris: Et ne nos indúcas in tentatiónem.

R. Sed libera nos à malo.

Sacerdos, sub silentio dicto, Amen, eadem voce, qua dixit, Pater noster, absolutè sine Orémus, in tono Orationis Missæ ferialis dicit:

LIBERA nos, quæsumus Dómine, ab ómnibus malis, prætéritis, præsentibus, et futúris: et intercedente beáta et gloriósa semper vírgine Dei genitrice María, cum beátis Apóstolis tuis Petro et Paulo, atque Andréa, et omnibus Sanctis, *Non signat se patena,* da propítius pacem in diébus

nostris, ut ope misericórdiæ tuæ adjúti, et à peccáto simus semper liberi, et ab omni perturbatione secúri. Per eúndem Dóminum nostrum Jesum Christum Filium tuum: Qui tecum vivit et regnat in unitate Spíritus sancti Deus, &c.

R. Amen.

¶ Tunc Celebrans, facta reverentia usque ad terram, supponit patenam Sacramento, quod in dextera accipiens, elevat ut videri possit à populo: et statim supra Calicem dividit in tres partes, quarum ultimam mittit in Calicem more solito, nihil dicens. Pax Dómini, non dicitur, nec Agnus Dei, neque pacis osculum datur. Postmodum prætermisissis duabus primis Orationibus, dicit tantum sequentem.

PERCEPTIO Corporis tui, Dómine Jesu Christe, quod ego indignus súmerè præsumo, non mihi provéniat in júdicium et condemnatiónem: sed pro tua pietáte prosit mihi ad tutaméntum mentis et córporis, et ad medélam percipiéndam. Qui vivis et regnas cum Deo Patre in unitate Spíritus sancti Deus, per ómnia sæcula sæculórum. Amen.

Tum genuflectit, et accipit patenam cum Corpore Christi: et maxima humilitate ac reverentia dicit: Panem cœlestem accipiam, et nomen Dómini invocábo.

Percutit pectus suam ter, dicens: Dómine non sum dignus, ut intres sub tectum meum: sed tantum dic verbo, et sanábitur ánima mea.

Posteà signat se Sacramento, dicens: Corpus Dómini nostri Jesu Christi custódiat animam

meam in vitam ætérnam. Amen.

Et sumit Corpus reverenter.

Deinde omissis omnibus, quæ dici solent ante sumptionem sanguinis, immediatè particulam Hostiæ cum vino reverenter sumit de Calice. Et more solito facta ablutione digitorum, et sumpta purificatione, in medio Altaris inclinatus, manibus junctis dicit: Quod ore sumpsimus, Dómine, pura mente capiámus: et de múnere temporáli fiat nobis remédium sempitérnum.

Non dicitur Corpus tuum, Dómiue. nec Postcommunio. nec Pláceat tibi. nec datur benedictio: sed facta reverentia Altari, Sacerdos cum ministris discedit: et dicuntur Vesperæ sine cantu: et denudatur Altare.

SABBATO SANCTO.

Statio ad S. Joannem in Lateran.

HORA competenti cooperiuntur Altaria, et dicuntur Horæ, candelis Altaris extinctis usque ad principium Missæ. Interim excutitur ignis de lapide foris Ecclesiam, et ex eo accenduntur carbones. Dicta Nona, Sacerdos indutus amictu, alba, cingulo, stola, et pluviali violaceo, vel sine casula, astantibus sibi ministris, cum Cruce, aqua benedicta, et incenso, antè portam Ecclesiæ si commode potest, vel in ipso aditu Ecclesiæ benedicit novum ignem, dicens *V. Dóminus vobiscum. R. Et cum spiritu tuo.*

Orémus. Oratio.

DEUS, qui per Filium tuum angularem scilicet lapidem, claritátis tuæ ignem fídelibus contulisti: productum è sílice, nostris profutúrum úsi-

bus, novum hunc ignem sanctificá: et concéde nobis, ita per hæc festa Paschália cœlestibus desidériis inflammári, ut ad perpétuæ claritátis, puris mentibus valeámus festa pertingere. Per eúndem Christum Dóminum nostrum.

R. Amen.

Orémus.

DOMINE Deus, Pater omnipotens, lumen indeficiens, qui es conditor ómnium lúminum: béne *✠*dic hoc lumén, quod à te sanctificátum, atque benedíctum est, qui illuminásti omnem mundum; ut ab eo lúmine accendámur, atque illuminémur igne claritátis tuæ: et sicut illuminásti Móysen exéuntem de Ægypto, ita illúmines corda et sensus nostros: ut ad vitam et lucem ætérnam pervenire mereámur. Per Christum Dóminum nostrum.

R. Amen.

Orémus.

DOMINE sancte, Pater omnipotens, ætérne Deus, benedicéntibus nobis hunc ignem in nómine tuo, et unigéniti Filii tui Dei ac Dómini nostri Jesu Christi, et Spíritus sancti, cooperári dignéris: et ádjuva nos contra igníta tela inimíci, et illústra grátia cœlesti. Qui vivis et regnas cum eódem Unigénito tuo, et Spíritu sancto Deus, per ómnia sæcula sæculórum.

R. Amen.

Deinde benedicit quinque grana incensi ponenda in Cereo, dicens absolutè hanc Orationem.

VENIAT, quæsumus, omnipotens Deus, super hoc incensum larga tuæ bene *✠*dictiónis infusio, et huic noctúr-

num splendorem invisibilis re-
generator accende: ut non so-
lum sacrificium, quod hac noc-
te litatum est, arcana luminis
tui admixtione refulgeat; sed
in quocumque loco ex hujus
sanctificationis mysterio ali-
quid fuerit deportatum, expul-
sa diabolicæ fraudis nequitia,
virtus tuæ majestatis assistat.
Per Christum Dominum nos-
trum.

R. Amen.

¶ *Dum benedicit grana incen-
si, Acolythus assumens de carbo-
nibus benedictis ponit in thuri-
bulo: et finita Oratione supra-
dicta, Sacerdos de navicula ponit
incensum in thuribulo: benedi-
cens illud more solito: deinde
prædicta grana incensi et ignem
ter aspergit aqua benedicta, di-
cens: Aspèges me Dòmine, si-
ne cantu, et sine Psalmo, et ter
adolet incenso. Interim omnia
luminaria Ecclesiæ extinguuntur,
ut de igne benedicto post-
modum accendantur. Tum Dia-
conus indutus dalmatica albi co-
loris, accipit arundinem cum tri-
bus candelis in summitate illius
triangulo distinctis. Præcedit
thuriferarius cum Acolytho dese-
rente in vase quinque grana in-
censi; sequitur Subdiaconus cum
Cruce, et Clerus per ordinem:
deinde Diaconus cum arundine
post eum Celebrans. Cùm Dia-
conus ingressus est Ecclesiam,
inclinat arundinem, et Acolythus
deferens candelam accensam de
novo igne, accendit unam ex illis
tribus candelis desuper positis:
et Diaconus elevans arundinem,
genuflectit, similiter et omnes alii
cum eo, præter Subdiaconum
Crucem ferentem: et cantat so-
lus, Lumen Christi.*

R. Deo grátias.

*Et procedens ad medium Eccle-
siæ, ibi accenditur alia candela;
et iterum genuflexus, ut supra,
altius cantat, Lumen Christi.*

R. Deo grátias.

*Tertiò procedit ante Altare
ubi accenditur tertia candela:
et rursus genuflexus ut prius, ad-
huc altius dicit: Lumen Christi.*

R. Deo grátias.

*Deinde Celebrans ascendit ad
Altare in cornu Epistolæ, et Dia-
conus dat arundinem uni Acoly-
tho: et accipiens librum, petit à
Celebrante benedictionem, ut fit
ad Evangelium, Sacerdote dicente:
Dòminus sit in corde tuo, et in
lábiiis tuis: ut dignè et competen-
tèr annúnties suum Paschále
præcónium: In nómine Patris,
et Filii, ✠ et Spíritus sancti,
Amen.*

*Posteà vadit ad pulpitem, et
ponit super eo librum, et incen-
sat. A dextris Diaconi stent Sub-
diaconus cum Cruce, et thurife-
rarius: à sinistris, duo Acolythi,
ille qui tenet arundinem, et alius
tenens in vase quinque grana in-
censi benedicti figenda in Cereo.
Tunc, surgentibus omnibus, et
stantibus, ut fit ad Evangelium,
Diaconus cantat:*

EXULTET jam Angelica
divina mysteria: et pro tanti
Regis victoria, tuba insonet
salutaris. Gáudeat et tellus
tantis irradiata fulgóribus: et
ætérni Regis splendóre illustra-
ta totius orbis se sentiat amis-
se caliginem. Lætetur et mater
Ecclésia, tanti luminis adornata
fulgóribus: et magnis populó-
rum vocibus hæc aula resúttet.
Quaprópter adstantes vos, fra-
tres charíssimi, ad tam miram
hujus sancti luminis claritatem,
unà mecum, quæso, Dei omni-

poténtis misericórdiam invocáte. Ut qui me non meis méritis intra Levitárum númerum dignátus est aggregáre : lúminis sui claritátem infúdens, Cérei hujus laudem implére perficiat. Per Dóminum nostrum Jesum Christum Fílium suum, qui cum eo vivit et regnat in unitáte Spíritus sancti Deus.

PER ómnia sæcula sæculórum. *R.* Amen. *V.* Dóminus vobíscum. *R.* Et cum spíritu tuo. *V.* Sursum corda. *R.* Habémus ad Dóminum. *V.* Grátias agámus Dómino Deo nostro. *R.* Dignum et justum est. Verè dignum et justum est, invisibilem Deum Patrem omnipoténtem, Fíliúmque ejus Unigénitum, Dóminum nostrum Jesum Christum, toto cordis ac mentis afféctu, et vocis ministério personáre. Qui pro nobis æterno Patri, Adæ débitum solvit : et véteris piáculi cautionem pio cruóre detérsit. Hæc sunt enim festa Paschália, in quibus verus ille Agnus occíditur, cujus sángine postes fidélium consecrántur. Hæc nox est, in qua primùm patres nostros, filios Israël edúctos de Ægypto, Mare rubrum sicco vestigio transíre fecisti. Hæc igitur nox est, quæ peccatórum ténebras, colúmnæ illuminatione purgávit. Hæc nox est, quæ hódie per univérsum mundum, in Christo credéntes, à vítiis sæculi, et calígine peccatórum segregátos, reddít grátiae, sóciat sanctitáti. Hæc nox est, in qua, destrúctis vínculis mortis, Christus ab ínferis victor ascendit. Nihil enim nobis nasci prófuit,

nisi rédimi profuisset. O mira circa nos tuæ pietátis dignátio ! O inæstimábilis diléctio charitátis, ut servum redímeres, Fílium tradidisti ! O certè necessárium Adæ peccátum, quod Christi morte delétum est ? O felix culpa, quæ talem ac tantum méruit habére redemptórem ! O verè beáta nox, quæ sola méruit scire tempus et horam, in qua Christus ab ínferis resurréxit ! Hæc nox est, de qua scriptum est : Et nox sicut dies illuminábitur : Et nox illuminátio mea in deliciis meis. Hujus igitur sanctificátio noctis, fugat scélera, culpas lavat : et reddit innocéntiam lapsis, et mœstis lætítiam. Fugat ódia, concórdiam parat, et curvat impéria.

Hic Diaconus infigit quinque grana incensi benedicti in Cereo in modum Crucis.

In hujus igitur noctis grátia, súscipe sancte Pater, incénsi hujus sacrificium vespertinum : quod tibi in hac Cérei oblatióne solémni, per ministrórum manus de opéribus apum, sacrosáncta reddit Ecclésia. Sed jam colúmnæ hujus præcónia nóvimus, quam in honórem Dei rútilans ignis accéndit.

Hic Diaconus accendit Cereum cum una ex tribus candelis in arundine positis.

Qui licèt sit divisus in partes, mutuáti tamen lúminis detriménta non novit. Alitur enim liquántibus ceris, quas in substantiam pretiósæ hujus lámpadis, apis mater edúxít.

Hic accenduntur lampades. O verè beáta nox, quæ expoliávit Ægyptios, ditávit He-

bræos! Nox, in qua terrénis coeléstia, humánis divína jun-
guntur. Oramus ergo te Dó-
mine: ut Céreus iste in ho-
nórem tui nominis consecrá-
tus, ad noctis hujus caligi-
nem destruéndam, indeficiens
persevéret. Et in odórem sua-
vitátis accéptus, supérnis lu-
mináribus misceátur. Flam-
mas ejus lúcifer matutínus in-
véniat. Ille, inquam, lúcifer,
qui nescit occásus. Ille, qui
regréssus ab ínferis, humáno
géneri sérénus illúxit. Precá-
mur ergo te Dómine: ut nos
fámulos tuos, omnémque cle-
rum, et devotíssimum pópu-
lum: unà cum beatíssimo Pa-
pa nostro *N.* et Antístite nos-
tro *N.* quiéte témporum con-
césa, in his Paschálibus gáu-
diis, assídua protectióne ré-
gere, gubernáre, et conserváre
dignéris. Réspice étiam ad
devotíssimum Regem nostrum
N. cujus tu Deus desidérii
vota prænóscens, ineffábili pié-
tátis et misericórdiæ tuæ mú-
nere, tranquillum perpétuæ
pacis accómmoda: et coelés-
tem victóriam cum omni pó-
pulo suo. Pereúmdem Dómi-
num nostrum Jesum Christum
Filium tuum: quí tecum vi-
vit et regnat in unitáte Spíri-
tus sancti Deus, per ómnia
sæcula sæculórum. R. Amen.

¶ *Completa benedictione Ce-
rei, Diaconus, depositis albis,
sumit violacea paramenta, et
vadit ad Celebrantem: qui exiit
pluviali, et sumit manipulum
et casulam violacei coloris. Pos-
teà leguntur Prophetiæ sine titu-
lo: et Celebrans legit eas sub-
missa voce ad Altare in cornu
Epistolæ. In fine Prophetiarum*

*dicuntur Orationes modo sub-
scripto. Antè, vel interim dum
Prophetiæ leguntur, Presbyteri
catechizent catechumenos bap-
tizandos, et præparent ad bap-
tismum.*

Prophetia prima.

Gen. 1.

IN principio creávit Deus
coelum, et terram. Terra
autem erat inánis et vácu-
a, et ténebræ erant super fáciem
abyssi: et Spíritus Dei ferebá-
tur super aquas. Dixitque
Deus: Fiat lux. Et facta est
lux. Et vidit Deus lucem,
quòd esset bona; et divisit lu-
cem à ténebris. Appellávit-
que lucem Diem, et ténebras
Noctem: factúmque est vés-
pere et manè, dies unus. Dixit
quoque Deus: Fiat firma-
méntum in médio aquárum:
et dividat aquas ab aquis. Et
fecit Deus firmaméntum, di-
visitque aquas, quæ erant
sub firmaménto, ab his quæ
erant super firmaméntum. Et
factum est ita. Vocávitque
Deus firmaméntum, Coelum.
Et factum est vésperere et
manè, dies secúndus. Dixit
verò Deus: Congregéntur
aquæ, quæ sub coelo sunt, in
locum unum: et appáreat
árida. Et factum est ita.
Et vocávit Deus áridam, Ter-
ram: congregationésque aquá-
rum appellávit Mária. Et vidit
Deus, quòd esset bonum. Et
ait: Gérminet terrá herbam vi-
réntem, et faciéntem semen,
et lignum pomíferum fáciens
fructum juxta genus suum,
cujus semen in semetípso sit
super terram. Et factum est
ita. Et prótulit terra herbam

viréntem, et faciéntem semen juxta genus suum, lignúmque faciens fructum, et habens unumquódque seméntem secúndum spéciem suam. Et vidit Deus, quòd esset bonum. Et factum est vespere et manè, dies tértius. Dixit autem Deus: Fiant luminária in firmamento cœli, et dívidant diem ac noctem, et sint in signa, et témpora, et dies, et annos: ut lúceant in firmaménto cœli, et illúminent terram. Et factum est ita. Fecitque Deus duo luminária magna: lumináre majus, ut præssset diéi: et lumináre minus, ut præssset nocti: et stellas. Et pósuit eas in firmaménto cœli, ut lucérent super terram, et præssset diéi ac nocti, et díviderent lucem ac ténebras. Et vidit Deus, quòd esset bonum. Et factum est vespere et manè, dies quartus. Dixit étiam Deus: Producant aquæ réptile ánimæ vivéntis, et volátile super terram sub firmaménto cœli. Creavitque Deus Cete grándia, et omnem ánimam vivéntem, atque motábilem, quam prodúxerant aquæ in spéciés suas, et omne volátile secúndum genus suum. Et vidit Deus, quòd esset bonum. Benedixitque eis, dicens: Créscite, et multiplicámini, et repléte aquas maris: avésque multiplicéntur super terram. Et factum est vespere et manè, dies quintus. Dixit quoque Deus: Producát terra ánimam vivéntem in génere suo: juménta, et reptília, et béstias terræ secúndum spéciés suas. Factúmque est

ita. Et fecit Deus béstias terræ juxta spéciés suas, et juménta, et omne réptile terræ in génere suo. Et vidit Deus, quòd esset bonum, et ait: Faciámus hómínem ad imáginem, et similitúdinem nostram: et præsit piscibus maris, et volatilibus cœli, et béstis, universæque terræ, omnique réptili, quod movétur in terra. Et creávit Deus hómínem ad imáginem suam: ad imáginem Dei creávit illum: másculum et féminam creávit eos. Benedixitque illis Deus, et ait: Créscite, et multiplicámini, et repléte terram, et subjicite eam, et dominámini piscibus maris, et volatilibus cœli, et univérsis animántibus, quæ movéntur super terram. Dixitque Deus: Ecce dedi vobis omnem herbam afferéntem semen super terram, et univérsa ligna, quæ habent in semetipsis seméntem géneris sui, ut sint vobis in escam, et cunctis animántibus terræ, omnique vólucris cœli, et univérsis, quæ movéntur in terra, et in quibus est ánimá vivens, ut hábeant ad vescéndum. Et factum est ita. Viditque Deus cuncta, quæ fécerat: et erant valdè bona. Et factum est vespere et manè, dies sextus. Igitur perfécti sunt cœli et terra, et omnis ornátus eórum. Complevitque Deus die séptimo opus suum, quod fécerat: et requiévit die séptimo ab univérso ópere, quod patrarat.

Qua completa, Sacerdos dicit: Orémus. Diaconus, Flectámus genus. et Subdiaconus, Leváte.

Oratio.

DEUS, qui mirabiliter creásti hóminem, et mirabiliùs redemísti : da nobis, quæsumus, contra oblectaménta peccáti, mentis ratióne persistere : ut mereámur ad ætérna gáudia pervenire. Per Dóminum.

*Prophetia secunda.**Gen. 5. et 6.*

NOË verò cùm quingentórum esset annórum, génuít Sem, Cham, et Japheth. Cùmque cœpíssent hómines multiplicári super terram, et filias procreássent, vidéntes filii Dei filias hóminum, quòd essent pulchræ, accepérunt sibi uxóres ex ómnibus, quas elégerant. Dixítque Deus : Non permanébit spíritus meus in hómine in ætérnum, quia caro est : erúntque dies illius centum vigintí annórum. Gigántes autem erant super terram in diébus illis. Postquam enim ingrèssi sunt filii Dei ad filias hóminum, illæque genuérunt, isti sunt poténtes à sæculo viri famósi. Videns autem Deus, quòd multa malítia hóminum esset in terra, et cuncta cogitátio cordis inténta esset ad malum omni témpore, pœnítuit eum, quòd hóminem fecisset in terra. Et tactus dolóre cordis intrínsecùs : Delébo, inquit, hóminem, quem creávi, à fácie terræ, ab hómine usque ad animántia, à réptili usque ad volúcris cœli. Pœnitet enim me fecísse eos. Noe verè invénit gratiam coram Dómino. Hæ sunt generatiónes Noe : Noe vir justus, atque perféctus fuit in generatióni-

bus suis, cum Deo ambulávit. Et génuít tres filios, Sem, Cham, et Japheth. Corrupta est autem terra coram Deo, et repléta est iniquitáte. Cùmque vidísset Deus terram esse corruptam, (omnis quippe caro corrúperat viam suam super terram) dixit ad Noe : Finis univérsæ carnis venit coram me : repléta est terra iniquitáte à fácie córum, et ego dispérdam eos cum terra. Fac tibi arcam de lignis lævigátis : mansiúnculas in arca fácies, et bitúmine linies intrínsecùs, et extrínsecùs. Et sic fácies eam : Trecentórum cubitórum erit longitúdo arcæ, quinquaginta cubitórum latitúdo, et triginta cubitórum altitúdo illius. Fenéstram in arca fácies, et in cúbito consummábis summitátem ejus : óstium autem arcæ pones ex látere : deórsum cœnácula, et trístega fácies in ea. Ecce ego addúcam aquas dilúvii super terram, ut interficiam omnem carnem, in qua spíritus vitæ est subter cœlum. Univérsa, quæ in terra sunt, consuméntur. Ponámque fœdus meum tecum : et ingrediéris arcam tu, et filii tui, uxor tua, et uxóres filiórum tuórum tecum. Et ex cunctis animántibus univérsæ carnis bina indúces in arcam, ut vivant tecum : masculíni sexus et feminíni. De volúcribus juxta genus suum, et de juméntis in génere suo, et ex omni réptili terræ secúndum genus suum : bina de ómnibus ingrediéntur tecum, ut possint vivere. Tolles ígitur tecum ex ómnibus escis, quæ mandi possunt, et com-

portabis apud te: et erunt tam tibi, quàm illis in cibum. Fecit igitur Noe omnia, quæ præcéperat illi Deus. Eratque sexcentorum annorum, quando dilúvii aquæ inundavérunt super terram. Rupti sunt omnes fontes abyssi magnæ, et cataractæ cœli apértæ sunt: et facta est plúvia super terram quadraginta diébus et quadraginta noctibus. In artículo diéi illius ingressus est Noe, et Sem, et Cham, et Japheth filii ejus: uxor illius, et tres uxóres filiórum ejus cum eís in arcam: ipsi, et omne animal secundum genus suum, univérsaque juménta in genere suo, et omne quod movetur supra terram in genere suo, cunctámque volátile secundum genus suum. Porrò arca ferebátur super aquas. Et aquæ prævaluérunt nimis super terram: opertique sunt omnes montes excélsi sub univérso cœlo. Quíndecim cúbitis áltior fuit aqua super montes, quos operúerat. Consumptaque est omnis caro, quæ movebátur super terram, volucrum, animántium, bestiárum, omniúmque reptílium, quæ reptant super terram: Remánsit autem solus Noe, et qui cum eo erant in arca. Obtinuerúntque aquæ terram centum quinquaginta diébus. Recordátus autem Deus Noe, cunctorúmque animántium et omniúm juméntórum, quæ erant cum eo in arca, addúxit spíritum super terram, et imminútæ sunt aquæ. Et clausi sunt fontes abyssi, et cataractæ cœli: et prohibitæ sunt plúviæ de

cœlo. Reversæque sunt aquæ de terra eúntes, et redeúntes: et cœpérunt mínui post centum quinquaginta dies. Cúmque transíssent quadraginta dies, apériens Noe fenéstram arcæ, quam fécerat, dimísit corvum: qui egrediebátur, et non revertébatur, donec siccaréntur aquæ super terram. Emísit quoque colúmbam post eum, ut vidéret si jam cessássent aquæ super faciém terræ. Quæ cùm non invenísset ubi requiésce-ret pes ejus, reversa est ad eum in arcam: aquæ enim erant super univérsam terram: extendítque manum, et apprehénsam intulit in arcam. Expectátis autem ultrà septem diébus áliis, rursum dimísit colúmbam ex arca. At illa venit ad eum ad vésperam, portans ramum olivæ viréntibus fóliis in ore suo. Intelléxit ergo Noe, quòd cessássent aquæ super terram. Expectávitque nihilómí-nus septem álios dies: et emísit colúmbam, quæ non est reversa ultrá ad eum. Locútus est autem Deus ad Noe, dicens: Egrédere de arca tu, et uxor tua, filii tui, ex uxóres filiórum tuórum tecum. Cuncta animántia, quæ sunt apud te, ex omni carne, tam in volatílibus, quàm in béstiis, et univérsis reptílibus, quæ reptant super terram, educ tecum, et ingredimini super terram: créscite, et multiplicámini super eam. Egréssus est ergo Noe, et filii ejus: uxor illius, et uxóres filiórum ejus cum eo. Sed et omnia animántia, juménta, et reptília, quæ reptant super terram secundum genus suum, egréssa sunt

de arca. *Ædificávit autem Noe altáre Dómino, et tollens de cunctis pecóribus, et volúcribus mundis, obtulit holocáusta super altáre. Odoratúsque est Dóminus odórem suavitátis. Orémus. Flectámus génuá. R. Leváte.*

Oratio.

DEUS, incommutábilis virtus, et lumen ætérnum, réspice propítius ad totíus Ecclésiæ tuæ mirábile sacraméntum, et opus salutis humanæ, perpétuæ dispositiónis effectus tranquillíus operáre: totúsque mundus experiátur, et vídeat, dejécta érgi, inveteráta renovári, et per ipsum redíre ómnia in íntegrum, à quo sumpseré princípium, Dóminum nostrum Jesum Christum Fílium tuum. Qui tecum.

Prophetia tertia.

Gen. 22.

IN diébus illis: Tentávit Deus Abraham, et dixit ad eum: Abraham, Abraham. At ille respóndit: Adsum. Ait illi: Tolle filium tuum unigénitum, quem dilígis, Isaac, et vade in terram visiónis: atque ibi offeres eum in holocáustum super unum móntium, quem monstrávero tibi. Igitur Abraham de nocte consúrgens, stravit ásinum suum: ducens secum duos júvenes, et Isaac filium suum: cùmque concidisset ligna in holocáustum, ábiit ad locum, quem præcéperat ei Deus. Die autem tertio, elevátis óculis, vidit locum procul: dixítque ad púeros suos: Expectáte híc cum ásino: ego et puer illuc usque properántes, postquam adoravérimus, revertémur ad

vos. Tulit quoque ligna holocáusti, et impósuit super Isaac filium suum: ipse verò portábat in mánibus ignem et gládium. Cùmque duo pérgerent simul, dixit Isaac patri suo: Pater mi. At ille respóndit: Quid vis fili? Ecce, inquit, ignis, et ligna: ubi est víctima holocáusti? Dixit autem Abraham: Deus providébit sibi víctimam holocáusti, fili mi. Pergébant ergo páriter: et venerunt ad locum, quem osténderat ei Deus, in quo ædificávit altáre, et désuper ligna compósuit: cùmque alligasset Isaac filium suum, pósuit eum in altáre super struem lignórum. Extendítque manum, et arrípuit gládium, ut immoláret filium suum. Et ecce Angelus Dómini de cœlo clamávit, dicens: Abraham, Abraham. Qui respóndit: Adsum. Dixítque ei: Non exténdas manum tuam super púerum, neque, fácias illi quidquam: nunc cognóvi, quòd times Deum, et non pepercisti unigénito filio tuo propter me. Levávit Abraham óculos suos, vidítque post tergum arietem inter vepres hæréntem córnis, quem assúmens obtulit holocáustum pro filio. Appellávitque nomen loci illíus, Dóminus videt. Unde usque hódie dicitur: In monte Dóminus vidébit. Vocávit autem Angelus Dómini Abraham secúndò de cœlo, dicens: Per memetípsum jurávi, dicit Dóminus: quia fecísti hanc rem, et non pepercísti filio tuo unigénito propter me: benedícám tibi, et multiplicábo semen tuum sicut stellas cœli, et velut arénam, quæ est in

littore maris: possidébit semen tuum portas inimicórum suórum, et benedicéntur in sémine tuo omnes gentes terræ, quia obedísti uoci meæ. Reversus est Abraham ad púeros suos, abierúntque Bersabée simul, et habitávit ibi.

Orémus. Flectámus génuá.

℞. Leváte.

Oratio.

DEUS, fidelium Pater summe, qui in toto orbe terrarum, promissionis tuæ filios diffúsa adoptiónis grátia multiplicas; et per Paschále sacraméntum, Abraham púerum tuum universárum, sicut jurásti, Géntium éfficis patrem: da pópulis tuis digné ad grátiam tuæ vocatiónis introire. Per Dóminum.

Prophetia quarta.

Exod. 14. f.

IN diébus illis: Factum est in vigília matutína et ecce respiciens Dóminus super castra Ægyptiórum per colúnam ignis et nubis, interfécit exercitum eórum, et subvértit rotas cúrruum, ferebantúrque in profundum. Dixérunt ergo Ægyptii: Fugiámus Israélem: Dóminus enim pugnat pro eis contra nos. Et ait Dóminus ad Móysen: Exténde manum tuam super mare, ut revertántur aquæ ad Ægyptios super currus et équites eórum. Cumque extendisset Móyses manum contra mare, revérsus est primo dilúculo ad priórem locum: fugientibúsq; Ægyptiis occurrerunt aquæ, et invólvit eos Dóminus in médiis flúctibus. Reversæque sunt aquæ, et operuerunt currus et équites cuncti exercitus Pharáonis, qui

sequéntes ingrési fúerant mare: nec unus quidem superfuit ex eis. Filii autem Israél perrexérunt per médium sicci maris, et aquæ eis erant quasi promuro à dextris et à sinistris: liberavitque Dóminus in die illa Israél de manu Ægyptiórum. Et vidérunt Ægyptios mórtuos super littus maris, et manum magnam, quam exercúerat Dóminus contra eos: timuitque pópulus Dominum, et credidérunt Dómino, et Móysi servo ejus. Tunc cécinuit Móyses, et filii Israél carmen hoc Dómino, et dixerunt.

Tractus. Exod. 15. Cantémus Dómino: gloriósè enim honorificátus est: equum et ascensórem projéxit in mare: adjútor et protéctor factus est mihi in salútem. *℞.* Hic Deus meus, et honorificábo eum: Deus patris mei, et exaltábo eum. *℞.* Dóminus conterens bella: Dóminus nomen est illi.

Orémus. Flectámus génuá.

℞. Leváte.

Oratio.

DEUS, cujus antiqua miracula étiam nostris sæculis coruscáre sentimus, dum quod uni pópulo, à persecutióne Ægyptiáca liberándo, dexteræ tuæ poténtia contulisti, id in salútem Géntium per aquam regeneratiónis operáris: præsta, ut in Abrahæ filios, et in Israeliticam dignitátem, totíus mundi tránseat plenitúdo. Per Dóminum.

Prophetia quinta.

Is. 54. g.

HÆC est hæreditas servórum Dómini, et justítia eórum apud me, dicit Dóminus. Omnes sitiéntes veníte ad

aquas: et qui non habétis argentum, properáte, émite, et comédite. Veníte, émite, absque argénto, et absque ulla commutatóne vinum et lac. Quare appénditis argéntum non in pánibus, et labórem vestrum non in saturitáte? Audíte audiéntes me, et comédite bonum, et delectábitur in crassítudine ánima vestra. Inclínate aurem vestram: et veníte ad me: audíte, et vivet ánima vestra, et fériam vobíscum pactum sempitérnium, misericórdias David fidéles. Ecce testem pópulis dedi eum, ducem ac præceptórem Géntibus. Ecce Gentem, quam nesciébas, vocábis: et Gentes, quæ te non cognovérunt, ad te current propter Dóminum Deum tuum, et Sanctum Israél, quia gloriificávit te. Quærite Dóminum, dum inveniri potest: invocáte eum, dum propè est. Derelinquat impius viam suam, et vir iniquus cogitatíones suas, et revertátur ad Dóminum, et miserébitur ejus, et ad Deum nostrum: quóniam multus est ad ignoscéndum. Non enim cogitatíones meæ cogitatíones vestræ: nequæ viæ vestræ, viæ meæ, dicit Dóminus. Quia sicut exaltántur cœli à terra, sic exaltatæ sunt viæ meæ à viis vestris, et cogitatíones meæ à cogitatíonibus vestris. Et quómodo descendit imber et nix de cœlo, et illuc ultrà non revértitur, sed inébriat terram, et infúndit eam, et germináre eam facit, et dat semen serénti, et panem comedénti: Sic erit verbum meum, quod egrediétur de ore meo: non revertétur ad me vácuum, sed

fáciat quæcúmque vólui, et prosperábitur in his, ad quæ misi illud: dicit Dóminus omnipotens.

Orémus. Flectámus génua.
R. Leváte.

Oratio.

OMNIPOTENS sempitérne Deus, múltiplica in honórem nóminis tui, quod patrum fidei spondisti, et promissíonis filios sacra adoptióne diláta: ut quod prióres sancti non dubitavérunt futúrum, Ecclesia tua magna jam ex parte cognóscat implétum. Per Dóminum.

Prophetia sexta.

Baruch. 33. c.

AUDI Israél mandáta vitæ: áuribus pércipe, ut scias prudéntiam. Quid est Israél, quòd in terra inimicórum es? inveterásti in terra aliéna, coinquinátus es cum mórtuis, deputátus es cum descendéntibus in inférnum. Dereliquísti fontem sapiéntiæ. Nam si in via Dei ambulásses, habitásses útique in pace sempitérna. Disce ubi sit prudéntia, ubi sit virtus, ubi sit intelléctus: ut scias simul ubi sit longitúrnitas vitæ, et victus, ubi sit lumen oculórum, et pax. Quis invenit locum ejus? et quis intrávit in thesauros ejus? Ubi sunt principes Géntium, et qui domínantur super béstias, quæ sunt super terram? qui in ávibus cœli ludunt, qui argéntum thesaurizant et aurum, in quo confidunt hómines, et non est finis acquisitíonis eorum? Qui argéntum fábricant, et solíciti sunt, nec est invéntio óperum illórum. Extermináti sunt, et ad inferos descendérunt, et álii loco eórum surrexérunt. Ju-

venes vidérunt lumen, et habitavérunt super terram : viam autem disciplinæ ignoravérunt, neque intellexérunt sémitas ejus, neque filii eórum suscepérunt eam, à fácie ipsórum longè facta est : non est audíta in Terra Chánaan, neque visa est in Theman. Filii quoque Agar, qui exquirunt prudéntiam, quæ de terra est, negotiatóres Merrhæ, et Theman, et fabulatóres, et exquisitóres prudéntiæ et intelligéntiæ : viam autem sapiéntiæ nesciérunt, neque commemoráti sunt sémitas ejus. O Israël, quàm magna est domus Dei, et ingens locus possessiónis ejus ! Magnus est, et non habet finem : excélsus, et imménsus. Ibi fuérunt gigántes nomináti illi, qui ab inítio fuérunt, statúra magna, sciéntes bellum. Non hos elégit Dóminus, neque viam disciplinæ invenérunt : proptérea periérunt. Et quóniam non habuérunt sapiéntiam, interiérunt propter suam insipiéntiam. Quis ascéndit in cœlum, et accépit eam, et edúxit eam de núbibus ? Quis transfretávit mare, et invénit illam, et áttulit illam super aurum eléctum ? Non est qui possit scire vias ejus, neque qui exquirat sémitas ejus : sed qui scit univérsa, novit eam, et adinvénit eam prudéntia sua : qui præparávit terram in ætérno témpore, et replévit eam pecúdibus et quadrupédibus : qui emíttit lumen, et vadit : et vocávit illud, et obédit illi in tremóre. Stellæ autem dedérunt lumen in custódiis suis, et lætátæ sunt : vocátæ sunt, et

dixérunt : Adsumus : et luxérunt ei cum jucunditáte, qui fecit illas. Hic est Deus noster, et non æstimábitur álius advérsus eum. Hic adinvénit omnem viam disciplinæ, et trádidit illam Jacob púero suo, et Israël dilécto suo. Post hæc in terris visus est, et cum homínibus conversátus est.

Orémus. Flectámus génua.

R. Leváte.

Oratio.

DEUS, qui Ecclésiám tuam semper Géntium vocatióne multiplicas : concéde propítius : ut quos aqua baptismatis ábluis, contínua protectiόne tueáris. Per Dóminum nostrum.

Prophetia septima.

Ezech. 37.

IN diébus illis : Facta est super me manus Dómini : et edúxit me in spíritu Dómini : et dimísit me in médio campi, qui erat plenus óssibus. Et circumdúxit me per ea in gyro. Erant autem multa valdè super fáciem campi, sícæque vehementer. Et dixit ad me : Fili hóminis, putásne vivent ossa ista ? Et dixi : Dómine Deus, tu nosti. Et dixit ad me : Vaticináre de ossibus istis : et dices eis : Ossa árida audíte verbum Dómini. Hæc dicit Dóminus Deus óssibus his : Ecce ego intromíttam in vos spíritum, et vivétis. Et dabo super vos nervos, et succrésce faciam super vos carnes, et superexténdam in vobis cutem : et dabo vobis spíritum, et vivétis et sciétis quia ego Dóminus. Et prophetávi, sicut præceperat mihi : factus est autem sónitus, prophetánte me, et ecce commótiō : et accessérunt ossa

ad ossa, unumquodque ad juncturam suam. Et vidi, et ecce super ea nervi, et carnes ascenderunt, et extenta est in eis cutis desuper, et spiritum non habebant. Et dixit ad me: Vaticinare ad spiritum, vaticinare filii hominis, et dices ad spiritum: Hæc dicit Dominus Deus: A quatuor ventis veni spiritus, et insuffla super interfectos istos, et reviviscant. Et prophetavi sicut præceperat mihi: et ingressus est in ea spiritus, et vixerunt: steteruntque super pedes suos exercitus grandis nimis valde. Et dixit ad me: Filii hominis ossa hæc universa, domus Israël est: ipsi dicunt, Arruerunt ossa nostra, et periit spes nostra, et abscissi sumus. Prosterea vaticinare, et dices ad eos: Hæc dicit Dominus Deus: Ecce ego aperiam tumulos vestros, et educam vos de sepulchris vestris, populus meus: et inducam vos in terram Israël. Et sciétis, quia ego Dominus, cum aperiero sepulchra vestra, et educero vos de tumulis vestris, popule meus. Et dederò spiritum meum in vobis, et vixeritis et requiescere vos faciam super humum vestram: dicit Dominus omnipotens.

Orémus. Flectamus genua.
R. Levate.

Oratio.

DEUS, qui nos ad celebrandum Paschale sacramentum, utriusque testamenti pagine instruis: da nobis intelligere misericordiam tuam, ut ex perceptione presentium munerum, firma sit expectatio futurorum. Per Dominum.

Prophetia octava.

Isaïæ 4.

APPREHENDENT septem mulieres virum unum in die illa, dicentes: Panem nostrum comedemus, et vestimentis nostris operiemur: tantummodo invocetur nomen tuum super nos, aufer opprobrium nostrum. In die illa erit germen Domini in magnificentia, et gloria, et fructus terre sublimis, et exultatio his, qui salvati fuerint de Israël. Et erit: Omnis qui relictus fuerit in Sion, et residuus in Jerusalem, sanctus vocabitur, omnis qui scriptus est in vita in Jerusalem. Si abluerit Dominus sordes filiarum Sion, et sanguinem Jerusalem laverit de medio ejus in spiritu judicii, et spiritu ardoris. Et creabit Dominus super omnem locum montis Sion, et ubi invocatus est, nubem per diem, et fumum et splendorem ignis flammantis in nocte: super omnem enim gloriam protectio. Et tabernaculum erit in umbraculum dici ab æstu, et in securitatem, et absconsionem à turbine, et à pluvia.

Tractus. Isa. 5. Vineam factam dilecto in cornu, in loco uberi.

℣. Et maceriam circumdedit, et circumfodit: et plantavit vineam Sorec, et edificavit turrim in medio ejus.

℣. Et torcular fodit in ea: vinea enim Domini Sabaoth, domus Israël est.

Orémus. Flectamus genua.
R. Levate.

Oratio.

DEUS, qui in omnibus Ecclesie tuæ filijs, sanctorum

Prophetarum voce manifestasti, in omni loco dominationis tuæ, satorem te bonorum seminum, et electorum palmitum esse cultorem: tribue populis tuis, qui et vinearum apud te uomine censentur, et segetum; ut, spinarum et tribulorum squalore resecatò digna efficiantur fruge fecundi. Per Dominum.

Propheta nona.

Exod. 12.

IN diebus illis: Dixit Dominus ad Moysen et Aaron in terra Ægypti: Mensis iste, vobis principium mensium: primus erit in mensibus anni. Loquimini ad universum cœtum filiorum Israël, et dicite eis: Décima die mensis hujus tollat unusquisque agnum per familias et domos suos. Sin autem minor est numerus, ut sufficere possit ad vescendum agnum, assumet vicinum suum, qui junctus est domui suæ, juxta numerum animarum, quæ sufficere possunt ad esum agni. Erit autem agnus absque macula, masculus, anniculus: juxta quem ritum tollētis et hœdum. Et servabitis eum usque ad quartadécimam diem mensis hujus, immolabitque eum universa multitudo filiorum Israël ad vesperam. Et sument de sanguine ejus, ac ponent super utrumque postem, et in super liminaribus domorum, in quibus comedent illum. Et edent carnes nocte illa assas igni, et azymos panes cum lactucis agréstibus. Non comedētis ex eo crudum quid, nec coctum aqua, sed tantum assum igni: caput cum pedibus ejus et intestinis vorabitis. Nec

remanebit quidquam ex eo usque manè. Si quid residuum fuerit, igne comburētis. Sic autem comedētis illum: Renes vestros accingētis, et calceamenta habebitis in pedibus, tenentes baculos in manibus, et comedētis festinanter: est enim Phase (id est transitus) Domini.

Orémus. Flectamus genua.
R. Levate.

Oratio.

OMNIPOTENS sempiternè Deus, qui in omnium operum tuorum dispensatione mirabilis es: intèlligant redempti tui, non fuisse excellentius, quòd initio factus est mundus, quàm quòd in fine sæculorum Pascha nostrum immolatus est Christus. Qui tecum vivit.

Propheta decima.

Jona 3.

IN diebus illis: Factum est verbum Domini ad Jonam prophetam secundo, dicens: Surge, et vade in Niniven civitatem magnam: et prædica in ea prædicationem, quam ego loquor ad te. Et surrexit Jonas, et abiit in Niniven, juxta verbum Domini. Et Ninive erat civitas magna itinere dierum trium. Et cepit Jonas introire in civitatem itinere diei unius: et clamavit, et dixit: Adhuc quadraginta dies, et Ninive subvertetur. Et crediderunt viri Ninivite in Deum: et prædicaverunt jejunium, et vestiti sunt saccis à majore usque ad minorem. Et pervenit verbum ad regem Ninive: et surrexit de solio suo, et abjecit vestimentum suum à se, et indutus est sacco, et

sedit in cinere. Et clamávit, et dixit in Nínive ex ore regis, et príncipum ejus, dicens: Hómínes, et juménta, et boves, et pécora non gustent quidquam: nec pascántur, et aquam non bibant. Et operiántur saccis hómínes, et júménta, et clament ad Dóminum in fortitú-dine, et convertátur vir à viá sua mala, et ab iniquitáte, quæ est in má-nibus eórum. Quis scit si convertátur, et ignóscat Deus, et revertátur à furóre iræ suæ, et non períbimus? Et vidit Deus ópera eórum, quia convérsi sunt de via sua mala: et misér-tus est pópulo suo Dóminus Deus noster.

Orémus. Flectámus génua.

R. Leváte.

Oratio.

DEUS, qui diversitátem Géntium in confessióne tui nóminis adunásti: da nobis et velle, et posse quæ præcipis; ut pópulo ad ætérnitátem vocato, una sit fides méntium, et pietas actiónum. Per Dóminum.

Prophetia undecima.

Deut. 31. f.

IN diébus illis: Scripsit Móyses cánticum, et dócuít filios Israél. Præcepitque Dóminus Jósue filio Nun, et ait: Confortáre, et esto robústus: tu enim introdúces filios Israél in terram, quam pollicítus sum, et ego ero tecum. Postquam ergo scripsit Móyses verba legis hujus in volúmine, atque complévit, præcepit Levítis, qui portábant arcam fœderis Dómini, dicas: Tól-lite librum istum, et pónite eum in látere arcæ fœderis

Dómini Dei vestri: ut fit ibi contra te in testimónium. Ego enim scio contentiónem tuam, et cervícem tuam duríssimam. Adhuc vivénte me, et ingrediénte vobiscum, semper contentiósè egistis contra Dóminum: quantó magis cùm mórtuus fúero? Congregáte ad me omnes majóres natu per tribus vestras, atque doctóres, et loquar audiéntibus eis sermónes istos: et invocábo contra eos cœlum et terram. Novi enim, quòd post mortem meam iniquè agétis, et declinábitis citò de via, quam præcépi vobis: et occúrent vobis mala in extrémó tēmpore, quando fecéritis malum in conspéctu Dómini, ut irritétis eum per ópera mánuum vestrárum. Locútus est ergo Móyses, audiénte univérso cœtu Israél, verba cárminis hujus, et ad finem usque complévit.

Tractus. Deuter. 32. Atténde cœlum, et loquar: et áudiat terra verbo ex ore meo.

V. Expectétur sicut plúvia elóquium meum: et descendant sicut ros verba mea.

V. Sicut imber super gramen, et sicut nix super fœnum: quia nomen Dómini invocábo.

V. Date magnitúdinem Deo nostro: Deus, vera ópera ejus, et omnes viæ ejus júdicia.

V. Deus fidélis, in quo non est iniquitas: justus et sanctus Dóminus.

Orémus. Flectámus génua.

R. Leváte.

Oratio.

DEUS celsitúdo humílium, et fortitúdo rectórum, qui per sanctum Móysen púerum tuum, ita erudire pópulo-

lum tuum sacri cárminis tui decantatióne voluisti, ut illa legis iteratio, fieret étiam nostra directio: éxcitata in omnem justificatarum Géntium plenitudinem poténtiam tuam, et da lætítiam, mitigándo terrórum; ut ómnium peccátis tua remissióne delétis, quod denunciátum est in ultiónem, tránsseat in salutem. Per Dóminum.

Prophetia duodecima.

Dan. 3.

IN diébus illis: Nabuchodónosor rex fecit státuam áuream altitudine cubitórum sexaginta, latitudine cubitórum sex, et státuit eam in campo Dura provinciæ Babylónis. Itaque Nabuchodónosor rex misit ad congregándos sátrapas, magistrátus, et júdices, duces, et tyránnos, et præféctos, omnesque príncipes regiónum, ut convenirent ad dedicatiónem státuæ, quam eréxerat Nabuchodónosor rex. Tunc congregáti sunt sátrapæ, magistrátus, et júdices, duces, et tyránni, et optimátes, qui erant in potestátibus constitúti, et univérsi príncipes regiónum, ut convenirent ad dedicatiónem státuæ, quam eréxerat Nabuchodónosor rex. Strabant autem in conspéctu státuæ, quam posúerat Nabuchodónosor rex: et præco clamábat valénter: Vobis dicitur pópulis, tribubus, et linguis: In hora, qua audieritis sónitum tubæ, et fistulæ, et cítharæ, sambúcæ, et psaltérii, et symphoníæ, et univérsi géneris musicórum, cadéntes

adoráte státuam áuream, quam constituit Nabuchodónosor rex. Si quis autem non prostrátus adoráverit eádem hora mittétur in fornácem ignis ardéntis. Post hæc ígitur statim, ut audierunt omnes pópuli sónitum tubæ, fistulæ, et cítharæ, sambúca, et psaltérii, et symphoníæ, et omnis géneris musicórum, cadéntes omnes pópuli, tribus, et linguæ adoráverunt státuam áuream, quam constitúerat Nabuchodónosor rex. Statimque in ipso témpore accedéntes viri Chaldæi accusáverunt Judæos: dixerúntque Nabuchodónosor regi: Rex in ætérnum vive: tu rex posuisti decretum, ut omnis homo, qui audierit sónitum tubæ, fistulæ, et cítharæ, sambúcæ, et psaltérii, et symphoníæ, et univérsi géneris musicórum, prostérnat se, et adóret státuam áuream: si quis autem non prócidens adoráverit, mittátur in fornácem ignis ardéntis. Sunt ergo viri Judæi, quos constituisti super ópera regiõnis Babylónis, Sidrach, Misach, et Abdénago: viri isti contempsérunt, rex, decretum tuum: deos tuos non colunt, et státuam áuream, quam erexisti, non adórant. Tunc Nabuchodónosor in furóre et in ira præcepit, ut adduceréntur Sidrach, Misach, et Abdénago: qui confestim addúcti sunt in conspéctu regis. Pronuntiánsque Nabuchodónosor rex, ait: Verè ue Sidrach, Misach, et Abdénago deos meos nou colitis, et státuam áuream, quam constitui, non

adorátis? Nunc ergo, si estis paráti, quacúmque hora audieritis sónitum tubæ, fistulæ, cítharæ, sambúcæ, et psalterii, et symphoníæ, omnisque géneris musicórum, prostérnite vos, et adoráte státuam, quam feci: quòd si non adoraveritis, eádem hora mittémini in fornácem ignis ardéntis: et quis est Deus, qui erípiet vos de manu mea? Respondéntes Sidrach, Misach, et Abdénago, dixerunt regi Nabuchodónosor: Non opórtet nos de hac re respondére tibi. Ecce enim Deus noster, quem cólimus, potest eripere nos de camíno ignis ardéntis, et de mánibus tuis, ò rex, liberáre. Quòd si nolúerit, notum sit tibi, rex, quia deos tuos non cólimus, et státuam áuream, quam erexísti, non adorámus. Tunc Nabuchodónosor replétus est furóre: et aspéctus faciéi illius immutátus est super Sidrach, Misach, et Abdénago, et præcepit, ut succenderétur fornax séptuplum, quàm succéndi contínuéverat. Et viris fortissimis de exércitu suo jussit, ut ligátis pédibus Sidrach, Misach, et Abdénago, mitteret eos in fornácem ignis ardéntis. Et conféstim viri illi vincti cum braccis suis, et tiáris, et calceaméntis, et véstibus missi sunt in médium fornacis ignis ardéntis. Nam jússio regis urgebat: fornax autem succénsa erat nimis. Porrò viros illos, qui miserant Sidrach, Misach, et Abdénago, interfécit flamma ignis. Viri autem hi

tres, id est, Sidrach, Misach, et Abdénago, cecidérunt in médio camíno ignis ardéntis, colligáti. Et ambulábant in médio flammæ laudántes Deum, et benedicéntes Dómino.

Hic non dicitur, Flectámus genua. sed tantùm, Orémus.

Oratio.

OMNIPOTENS sempitérne Deus, spes única mundi, qui Prophetárum tuórum præcónio, præsentium tórum præconio declarásti mystéria; auge pópuli tui vota placátus, quia in nullo fidélium, nisi ex tua inspiratióne, provéniunt quarúmlibet incrementa virtútum. Per Dóminum nostrum, &c.

His expletis, si Ecclesia habuerit fontem Baptismalem, Sacerdos benedicturus fontem, accipit pluviale violaceum, et præcedente Cruce cum candelabris, et Cereo benedicto accenso, descendit cum Clero et ministris paratis ad Fontem: et interim cantatur sequens:

Tractus. Psalmus 41. Sicut cervus desiderat ad fontes aquarum, ita desiderat ánima mea ad te, Deus.

Ÿ. Sitívit ánima mea ad Deum vivum: quando véniam, et apparébo ante faciém Dei?

Ÿ. Fuérunt mihi lácrymæ meæ panes die ac nocte, dum dicitur mihi per singulos dies: Ubi est Deus tuus?

Deinde Sacerdos antequam intret ad benedictionem fontis, dicit hanc Orationem juxta fontem.

Ÿ. Dóminus vobiscum.

R. Et cum spíritu tuo.

Orémus. Oratio.

OMNIPOTENS sempitérne Deus, réspice propítius ad devotíonem pópuli renascéntis, qui, sicut cervus, aquárum tuárum éxpétit fontem: et concéde propítius; ut fidei ipíus sitis, baptísmatis mystério ánimam corpúsque sanctíficet. Per Dóminum nostrum, &c. *R.* Amen.

Posteà procedit ad benedictíonem Fontis, dicens. V. Dóminus vobíscum.

R. Et cum spírítu tuo.

Orémus. Oratio.

OMNIPOTENS sempitérne Deus, adéstó magnæ pietátis tuæ mystériis, adéstó sacraméntis: et ad recreándos novos pópulos, quos tibi fons baptísmatis párturit, Spírítum adoptíonis emítte: ut quod nostræ humilitátis geréndum est ministério, virtútis tuæ impleátur efféctu. Per Dóminum nostrum, in unitáte ejúdem Spírítus sancti Deus.

Elevans vocem in modum Præfationis, prosequitur:

PER ómnia sæcula sæculórum. *R.* Amen.

V. Dóminus vobíscum. *R.* Et cum spírítu tuo. *V.* Sursum corda. *R.* Habémus ad Dóminum. *V.* Gratias ágámus Dómino Deo nostro. *R.* Dignum et justum est. Verè dignum et justum est, æquum et salutáre; nos tibi semper, et ubique grátias ágere: Dómine sancte, Pater omnípotens, ætérne Deus. Qui invisibili poténtia, sacraméntórum tuórum mirabiliter operáris efféctum: Et licèt nos tantis mystériis exequéndis si-

mus indigni: tu tamen grátia tuæ dona non déserens, étiam ad nostras preces, aures tuæ pietátis inclínas. Deus, cujus Spírítus super aquas, inter ipsa mundi primórdia ferebátur: ut jam tunc virtútem sanctificatíonis, aquárum nátura concíperet. Deus, qui nocéntis mundi crimína per aquas ábluens, regeneratíonis spécíem in ipsa dilúvii effusíone signásti: ut unius ejusdémque eleménti mystério, et finis esset vítiis, et origo virtútibus. Réspice Dómine in fáciem Ecclésiæ tuæ, et múltiplica in ea regeneratíones tuas, qui grátia tuæ affluéntis impetu lætíficas civitátem tuam: fontémque baptísmatis áperis toto orbe terrárum Génitibus innovándis, ut tuæ majestátis império, sumat Unigéniti tui grátiam de Spírítu sancto.

Hic Sacerdos manu extensa dividit aquam in modum crucis, et eam statim linteo extergit, dicens:

Qui hanc aquam regenerándis homínibus præparátam, arcána sui núminis admixtíone fœcúndet, ut sanctificatíone concépta, ab immaculáto divíni fontis útero, in novam renáta creaturam, progénies coeléstis emérgat: Et quos aut sexus in corpore, aut ætas discérnit in témpore, omnes in unam páriat grátia máter infántiam. Procul ergo hinc, jubénte te Dómine, omnis spírítus immúndus abscedat; procul tota nequítia diabólicæ fraudis absístat. Nihil híc loci hábeat contráriæ virtútis admixtío: non insidiándo circúmvolet: non la-

téndo subrépat: non inficien-
do corrúmpat.

Aquam manu tangit.

Sit hæc sancta et innocens creatúra, libera ab omni impugnatóris incúrsu, et totius nequítiae purgáta discéssu. Sit fons vivus, aqua regénerans, unda purificans: ut omnes hoc lavácro salutífero diluéndi, operánte in eis Spíritu sancto, perfectæ purgatiónis indulgéntiam consequántur.

Facit tres cruces supra fontem, dicens:

Unde benedico te creatúra aquæ: per Deum ✚ vivum, per Deum ✚ verum, per Deum ✚ sanctum: per Deum, qui te in princípío, verbo separávit ab árida, cujus spíritus super te ferebátur.

Hic manu aquam dividit, et effundit eam versus quatuor mundi partes dicens:

Qui te de paradísi fonte manáre fecit, et in quátuor fluminibus totam terram rigáre præcépít. Qui te in desérto amáram, suavitate índita fecit esse potábilem, et sitiénti pópulo de petra prodúxit. Be ✚ nedico te, et per Jesum Christum Filium ejus únícum, Dóminum nostrum: qui te in Cana Galilæa signo admirábili, sua poténtia convertit in vinum. Qui pédibus super te ambulávit: et à Joánnē in Jordane in te baptizátus est. Qui te uná cum ságuine de látere suo prodúxit: et discíplis suis jussit, ut credentes baptizaréntur in te, dicens: *Ite, docéte omnes Gentes, baptizantes eos in nó-*

mine Pátris, et Filii, et Spíritus sancti.

Mutat vocem, et prosequitur in tono Lectionis:

HÆC nobis præcépta servántibus, tu Deus omnipotens clemens adésto: tu benignus adspíra. *Halat ter in aquam in modum Crucis, dicens: Tu has simplices aquas tuo ore benedicto: ut præter naturálem emundatiónem, quam lavándis possunt adhibere corpóribus, sint étiam purificándis méntibus efficaces.*

Hic Sacerdos paululum demittit Cereum in aquam: et resumens tonum Prefationis, dicit:

Descéndat in hanc plenitudinem fontis, virtus Spíritus sancti.

Deinde extractum Cereum de aqua, iterum profundius mergit, aliquantò altiùs repetens, Descéndat in hanc. Postèa Cereum rursus de aqua extractum, tertio immergens usque ad fundum, altiori adhuc voce repetit. Descéndat. ut suprà. Et deinde sufflans ter in aquam, secundùm hanc figuram ✚ prosequitur:

Totámque hujus aquæ substantiam, regenerándi foecúndet efféctu.

Hic tollitur Cereus de aqua, et prosequitur:

Hic ómnium peccatórum maculæ deleántur: hic natúra ad imáginem tuam cóndita, et ad honórem sui reformáta princípíi, cunctis vetustátis squalóribus emundétur: ut omnis homo sacraméntum hoc regeneratiónis ingrèssus, in veræ innocéntiæ novam infántiam renascátur.

Sequentia dicit legendo :

Per Dóminum nostrum Jesum Christum Filium tuum : qui venturus est judicare vivos et mortuos, et sæculum per ignem. R. Amen.

Deinde per assistentes Sacerdotes spargitur de ipsa aqua benedicta super populum. Et interim unus ex ministris Ecclesiæ accipit in vase aliquo de eadem aqua, ad aspergendum in domibus, et aliis locis. His peractis, Sacerdos qui benedicit Fontem, infundit de oleo Catechumenorum in aquam in modum Crucis, intelligibili voce dicens :

Sanctificétur, et fœcundétur fons iste óleo salutis renascéntibus ex eo, in vitam ætérnam.

R. Amen.

Deinde infundit de Chrismate, modo quo suprà, dicens :

Infúsis Chrismatis Dómini nostri Jesu Christi, et Spiritus sancti Parácliti fiat in nómine sanctæ Trinitátis.

R. Amen.

Postèa accipit ambas ampullas dicti olei sancti et Chrysmatis, et de utroque simul in modum crucis infundendo, dicit : Commixtio Chrysmatis sanctificationis, et ólei unctiónis, et aquæ baptismatis, páriter fiat, in nómine Pa-tris, et Filii, et Spíritus sancti.

R. Amen.

Tunc miscet ipsum oleum cum aqua, et spargit manu sua per omnem Fontem. Si aderunt baptizandi, eos baptizet more consueto. Deinde revertentibus Sacerdote et ministris ad Altare, cantantur Litaniæ à duobus clericis, et Chorus idem simul repetit, ut dicitur infrà.

¶ *Ubi verò non est fons Baptismalis, finita ultima Prophetia*

cum sua Oratione, Celebrans casualam deponit, et cum ministris ante Altare procumbit : et aliis omnibus genuflexis, cantantur Litaniæ in medio Chori, à duobus cantoribus, utroque Choro idem simul respondente. Cum autem perventum fuerit ad V. Peccatóres, te rogámus. Sacerdos et ministri surgunt, et accedentes ad Sacristiam, induuntur paramentis albi coloris pro Missa solemniter celebranda : et interim accenduntur luminaria in Altari. In fine Litaniarum cantantur solemniter, Kyrie eléison. et repetuntur, ut in Missa moris est.

KYRIE eléison.
Christe eléison.

Kyrie eléison.

Christe audi nos.

Christe exáudi nos.

Pater de cœlis Deus, miserére nobis.

Fili Redémptor mundi Deus, miserére nobis.

Spíritus sancte Deus, miserére nobis.

Sancta Trínitas unus Deus, miserére nobis.

Sancta María, ora pro nobis.

Sancta Dei Génitrix, ora.

Sancta Virgo vírginum, ora.

Sancte Michaël, ora.

Sancte Gábriël, ora.

Sancte Ráphaël, ora.

Omnes sancti Angeli et Archàngeli, oráte pro nobis.

Omnes sancti beatórum spírituum órdines, orate.

Sancte Joánnes Baptísta, ora pro nobis.

Sancte Joseph, ora.

Omnes sancti Patriárchæ et

Prophétæ, oráte pro nobis.

Sancte Petre, ora.

Sancte Paule, ora.

Sancte Andréa, ora.

| | | |
|--------------------------------|------------------|--------------------------------|
| Sancte Joáñnes, | ora. | Per mortem et sepultúram tu- |
| Omnes sancti Apóstoli et Evan- | | am, |
| gelistæ, | oráte pro nobis. | libera. |
| Omnes sancti discipuli Dó- | | Per sanctam resurrectiónem |
| mini, | oráte pro nobis. | tuam, |
| Sancte Stéphane, | ora. | libera. |
| Sancte Lauréti, | ora. | Per admirábilem ascensiónem |
| Sancte Vincéti, | ora. | tuam, |
| Omnes sancti Mártynes, | oráte | libera. |
| pro nobis. | | Per advéntum Spíritus sancti |
| Sancte Silvéster, | ora. | Parácliti, |
| Sancte Gregóri, | ora. | libera. |
| Sancte Augustíne, | ora. | In die Judicií, |
| Omnes sancti Pontífices et | | libera. |
| Confessóres, | oráte. | Peccatóres, Te rogámas audi |
| Omnes sancti Doctóres, | oráte | nos. |
| pro nobis. | | Ut nobis parcas, Te rogámas |
| Sancti Antóni, | ora. | audi nos. |
| Sancte Benedicte, | ora. | Ut Ecclesiám tuam sanctam |
| Sancte Domínice, | ora. | régere et conserváre digné- |
| Sancte Francíscæ, | ora. | ris, te rogámas audi nos. |
| Omnes sancti Sacerdótes et | | Ut domnum Apostolicum et |
| Levitæ, | oráte pro nobis. | omnes Ecclesiásticos órdenes |
| Omnes sancti Mónachi, et | | in sancta religióne conser- |
| Eremítæ, | oráte. | váre dignéris, te rogámas. |
| Sancta María Magdaléna, | ora. | Ut inimicos sanctæ Ecclesiæ |
| Sancta Agnes, | ora. | humiliáre dignéris, te rogá- |
| Sancta Cæcília, | ora. | mus. |
| Sancta Agatha, | ora. | Ut régibus et princípibus |
| Sancta Anastásia, | ora. | Christiánis pacem et veram |
| Omnes sanctæ Vírgines et Vi- | | concordíam donáre digné- |
| duæ, | oráte pro nobis. | ris, te rogámas. |
| Omnes Sancti et Sanctæ Dei, | | Ut nosmetípsos in tuo sancto |
| intercédite pro nobis. | | servítio confortáre et conser- |
| Propítius esto, Parce nobis | | váre dignéris, te rogámas. |
| Dómine. | | Ut ómnibus benefactoribus |
| Propítius esto, Exáudi nos. | | nostris sempitérna bona re- |
| Ab omni malo, Libera nos. | | tribuas, te rogámas. |
| Ab omni peccáto, libera. | | Ut ómnibus fidélibus defunctis |
| A morte perpétua, libera. | | réquiem ætérnam donáre |
| Per mystérium sanctæ incar- | | dignéris, te rogámas. |
| natiónis tuæ, libera. | | Ut nos exaudíre dignéris, te |
| Per advéntum tuum, libera. | | rogámas audi nos. |
| Per nativitátem tuam, libera. | | Agnus Dei, qui tollis peccáta |
| Per baptísmum et sanctum je- | | múndi, Parce nobis Dómine. |
| júnium tuum, libera. | | Agnus Dei, qui tollis peccá- |
| Per crucem et passióem tu- | | ta mundi, Eváudi nos Dó- |
| am, | libera. | mine. |
| | | Agnus Dei, qui tollis peccá- |
| | | ta mundi, miserére nobis. |
| | | Christe audi nos. |

Christe exáudi nos.

Hic cantores solemniter incipiunt. Kyrie eléison. Christe eléison. Kyrie eleïson. et ter singula repetuntur. Interim Sacerdos cum ministris in paramentis albis accedit ad Altare, et dicto *Psalmo*, Júdica me Deus, cum Glória Patri. *facit Confessionem, ut moris est, in loco consueto, deinde ascendens, osculatur Altare, incensat more solito, et finitis à Choro,* Kyrie eléison. *incipit solemniter, Glória in excelsis, et pulsantur campanæ.*

Posteà Sacerdos dicit: Dóminus vobiscum.

℞. Et cum spiritu tuo.

Orémus. Oratio.

DEUUS, qui hanc sacratissimam noctem glória Dóminicæ resurrectionis illústras: consérva in nova familiæ tuæ progénie adoptiónis Spíritum, quem dedisti: ut corpore et mente renováti, puram tibi exhibeant servitútem. Per eúdem Dóminum nostrum. In unitáte ejúsdem Spíritus sancti Deus, per ómnia sæcula sæculorum.

℞. Amen.

Lectio Epístolæ beáti Pauli Apóstoli ad Colossénses.

Coloss. 3.

FRATRES, Si consurrexistis cum Christo, quæ sursum sunt quærite, ubi Christus est in dextera Dei sedens: quæ sursum sunt sápite, non quæ super terram. Mórtui enim estis, et vita vestra est abscondita cum Christo in Deo. Cùm Christus apparuerit, vita vestra: tunc et vos apparébitis cum ipso in glória.

Finita Epístola Celebrans incipit, Allelúia.

Et totum decantat ter, elevando vocem gradatim, et Chorus post quamlibet vicem, in eodem tono repetit illud idem. Posteà Chorus prosequitur. ℞. Psalm. 117. Confitémini Dómino, quóniam bonus: quóniam in sæculum misericórdia ejus.

Deinde dicitur Tract. Ps. 116. Laudáte Dóminum omnes Gentes: et collaudáte eum omnes pópuli.

℥. Quoniam confirmáta est super nos misericórdia ejus: et véritas Dómini manet in ætérnum.

Ad Evangelium non portantur luminaria, sed tantum incensum: petitur benedictio, et alia fiunt de more.

Sequéntia sancti Evangelii secundum Matthæum.

Matth. 28.

VESPERE autem sábbati, quæ lucéscit in prima sábbati, venit María Magdaléne, et áltera María videre sepúlchrum. Et ecce terrémótus factus est magnus. Angelus enim Dómini descendit de cælo, et accédens revólvit lápidem et sedébat super eum: erat autem aspéctus ejus sicut fulgur: et vestiméntum ejus sicut nix. Præ timóre autem ejus extérriti sunt custódes, et facti sunt velut mórtui. Respóndens autem Angelus, dixit muliéribus: Nolite timére vos: sció enim, quòd Jesum, qui crucifixus est, quæritis: non est híc: surréxit enim, sicut dixit. Veníte, et vidéte locum, ubi pósitus erat Dóminus. Et citò eúntes, dicite discípulis ejus, quia surréxit: et

ecce præcédit vos in Galilæam : ibi eum vidébitis. Ecce prædixi vobis.

Non dicitur, Credo ; sed finito Evangelio, Sacerdos dicit : Dóminus vobiscum. Postea Orémus. Non dicitur Offertorium. Ad Lavábo, dicitur Glória Patri.

Secreta.

SUSCIPE, quæsumus Dómine, preces pópuli tui, cum oblatiónibus hostiárum : ut Paschálibus initiáta mysteriis, ad æternitátis nobis medélam, te operánte, proficiant. Per Dóminum nostrum.

Præfatio, Te quidem Dómine omni témpore, sed in hac potíssimùm nocte.

Infra actionem.

COMMUNICANTES, et noctem sacratíssimam celebrántes Resurrectiónis Dómini nostri Jesu Christi secúndum carnem, sed et memóriam venerántes, in primis gloriósæ semper virginis Mariæ, genitricis ejúsdem Dei, et Dómini nostri Jesu Christi, &c.

HANC igitur oblatiónem servitútis nostræ, sed et cunctæ familiæ tuæ, quam tibi offerimus pro his quoque quos regeneráre dignátus es ex aqua et Spíritu sancto, tribuens eis remissionem ómnium peccatórum, quæsumus Dómine, ut placátus accipias, &c.

Dicitur. Pax Dómini sit semper vobiscum. sed pacis osculum non datur, Agnus Dei, non dicitur, nec Postcommunio ;

dicuntur tamen tres consuetæ Orationes ante Communionem.

Post sumpcionem Sacramenti, pro Vesperis in Choro cantatur Antiph. Allelúia, allel. allel. et Psalmus. Laudáte Dóminum omnes Gentes, cum Glória Patri, in fine ; et post repetitur eadem Antiphona. Capitulum, Hymnus, et Versus non dicuntur, sed statim Celebrans in cantu incipit Antiphonam ad Magnificat.

Véspere autem sábbati, *Et prosequitur Chorus, quæ lucéscit in prima sábbati, venit Maria Magdaléne, et áltera Maria vidére sepúlchrum, allelúia.*

Deinde cantatur, Magnificat, cum Glória Patri, in fine : et fit incensatio, ut aliàs in Vesperis.

Repetita Antiphona, Celebrans dicit : Dóminus vobiscum. R. Et cum spiritu tuo.

Orémus.

SPIRITUM nobis Dómine, tuæ charitátis infúnde : ut quos sacraméntis Paschálibus satiásti, tua fácias pietáte concórdes. Per Dóminum. In unitáte ejúsdem Spíritus sancti Deus.

Deinde dicit : Dóminus vobiscum.

Et Diaconus vertens se ad populum cantat :

Ite Missa est, allelúia, allelúia. R. Deo grátias, allelúia, allelúia.

Et dicitur usque ad Sabbatum in Albis inclusivè.

Et Sacerdos dicto, Pláceat tibi sancta Trínitas. dat benedictionem more solito.

ORDO MISSÆ.

Sacerdos paratus cum ingreditur ad Altare, facta illi debita reverentia, signat se signo Crucis à fronte ad pectus, et clara voce dicit :

IN nómine Patris, et Filii, et Spíritus sancti, Amen.

Deinde junctis manibus ante pectus, incipit Antiphonam. Introíbo ad altare Dei.

Minister R. Ad Deum, qui lætíficat juventútem meam.

Posteà alternatim cum Ministris dicit sequentem Psalmum.

Psalmus 42.

JUDICA me Deus, et discérne causam meam de gente non sancta: ab hómine iniquo et dolóso érue me.

M. Quia tu es Deus fortitúdo mea: quare me repulísti, et quare tristis incédo, dum affligit me inimicus?

S. Emítte lucem tuam, et veritátem tuam: ipsa me deduxérunt, et adduxérunt in montem sanctum tuum, et in tabernácula tua.

M. Et introíbo ad altáre Dei: ad Deum, qui lætíficat juventútem meam.

S. Confitébor tibi in citharta, Deus Deus meus: quare tristis es ánima mea, et quare contúrbas me?

M. Spera in Deo, quóniam adhuc confitébor illi: salutáre vultus mei, et Deus meus.

S. Glória Patri, et Filio, et Spíritui sancto.

M. Sicut erat in princípío, et nunc, et semper, et in sæcula sæculórum, Amen.

S. *Repetit Antiphonam.* Introíbo ad altáre Dei.

R. Ad Deum, qui lætíficat juventútem meam.

Signat se dicens. V. Adjutórium nostrum in nómine Dómini. R. Qui fecit cœlum et terram.

Deinde junctis manibus, profundè inclinatus facit Confessionem.

¶ *In Missis Defunctorum, et in Missis de Tempore, à Dominica Passionis usque ad Sabbatum sanctum exclusivè, omittitur Ps. Júdica me Deus, cum Glória Patri, et repetitione Antiphonæ: sed dicto, In nómine Patris, Introíbo, et Adjutórium, sit Confessio, ut sequitur.*

CONFITEOR Deo omnipoténti beátæ Mariæ semper virgini, beáto Michaéli Archángelo, beáto Joánni Baptístæ, sanctis Apóstolis Petro et Paulo, ómnibus sanctis, et vobis fratres: quia peccávi nimis cogitátione, verbo, et ópere: *Percutit sibi pectus ter, dicens: mea culpa, mea culpa, mea máxima culpa.* Idèd precor beatam Mariam semper vírginem, beátum Michaélem Archángelum, beátum Joánnem Baptístam, sanctos Apóstolos Petrum et Paulum, omnes Sanctos, et vos fratres, oráre pro me ad Dóminum Deum nostrum.

Ministri R.

MISEREATUR tui omnipotens Deus, et dimissis peccatis tuis, perducat te ad vitam æternam.

Sacerdos dicit, Amen. et erigit se.

Deinde ministri repetunt Confessionem: et ubi à Sacerdote dicebatur, vobis fratres, et vos fratres, à ministris dicitur, tibi pater, et te pater.

Posteà Sacerdos junctis manibus facit absolutionem, dicens:

MISEREATUR vestri omnipotens Deus, et dimissis peccatis vestris, perducat vos ad vitam æternam.

R. Amen.

Signat se signo Crucis, dicens:

INDULGENTIAM, absolutionem, et remissionem peccatorum nostrorum, tribuat nobis omnipotens et misericors Dominus.

R. Amen.

Et inclinatus prosequitur V.
Deus tu conversus vivificabis nos.

R. Et plebs tua lætabitur in te.

V. Ostende nobis Domine misericordiam tuam.

R. Et salutare tuum da nobis.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Et extendens ac jungens manus, clara voce dicit, Orémus. et ascendens ad Altare, dicit secretò:

AUFER à nobis, quæsumus Domine, iniquitates nostras: ut ad Sancta sanctorum

puris mereamur mentibus introire. Per Christum Dominum nostrum, Amen.

Deinde manibus junctis super Altare, inclinatus dicit:

ORAMUS te Domine per mérita sanctorum tuorum, *Osculatur Altare in medio, quorum reliquie hic sunt, et omnium sanctorum: ut indulgere digneris omnia peccata mea, Amen.*

In Missa solemnè, Celebrans antequam legat Introitum, benedicit incensum, dicens: Ab illo benedicaris, in cujus honore cremaberis. Amen. Et accepto thuribulo à Diacono, incensat Altare, nihil dicens. Posteà Diaconus recepto thuribulo à Celebrante, incenset illum tantum. Deinde Celebrans signans se signo crucis, incipit Introitum: quo finito, junctis manibus alternatim cum ministris dicit:

KYRIE eléison. Kyrie eléison.

Christe eléison. Christe eléison. Christe eléison. Kyrie eléison. Kyrie eléison. Kyrie eléison.

Posteà in medio Altaris extendens et jungens manus, caputque aliquantulum inclinans, dicit, si dicendum est, Glória in excelsis Deo. et prosequitur junctis manibus. Cum dicit, Adoramus te, Grátias ágimus tibi, et Jesu Christe, et Súscipe deprecationem. inclinat caput: et in fine dicens, Cum sancto Spíritu, signat se à fronte ad pectus:

GLORIA in excelsis Deo. Et in terrâ pax hominibus bonæ voluntátis. Lau-

dámus te, Benedícimus te, Adorámus te, Glorificámus te. Grátias ágimus tibi, propter magnam glóriam tuam. Dómine Deus Rex cœléstis, Deus Pater omnípotens, Dómine Fili unigénite Jesu Christe. Dómine Deus, Agnus Dei, Fílius Patris. Qui tollis peccáta mundi, miserére nobis. Qui tollis peccáta mundi, súscipe deprecationem nostram. Qui sedes ad dexteram Patris, miserére nobis. Quóniam tu solus sanctus, Tu solus Dóminus, Tu solus altíssimus Jesu Christe, Cum sancto Spírítu in glória Dei Patris. Amen.

Sic dicitur, Glória in excélsis, etiam in Missis beatæ Mariæ, quando dicenda est.

Deinde osculatur Altare in medio, et versus ad populum, dicit: V. Dóminus vobíscum. R. Et cum spiritu tuo. postea dicit, Orémus. et Orationes, unam, aut plures, ut ordo Officij postulat; sequitur Epístola, Graduale, Tractus, vel Allelúia, cum Versu, aut Sequéntia, ut tempus postulat. His finitis, si est Missa solemnis, Diaconus deponit librum Evangeliorum super medium Altaris, et Celebrans benedicit incensum, ut supra: deinde Diaconus genuflexus, ante Altare, manibus junctis, dicit:

MUNDA cor meum, ac lábia mea, omnípotens Deus, qui lábia Isaíæ Prophætæ cálculo mundásti igníto: ita me tua grata miseratióne dignáre mundáre, ut sanctum Evangelium tuum dignè váleam nuntiáre. Per Christum Dóminum nostrum. Amen.

Postea accipit librum de Altari, et rursus genuflexus petit

benedictionem à Sacerdote, dicens: Jube domne benedicere.

Sacerdos respondet:

DOMINUS sit in corde tuo, et in lábiis tuis: ut dignè et competèter annúnties Evangelium suum: In nómine Patris, et Filii, † et Spírítus sancti. Amen.

Et accepta benedictione, osculatur manum Celebrantis: et cum aliis ministris, incenso et luminaribus, accedens ad locum Evangelij, stans junctis manibus, dicit V. Dóminus vobíscum. R. Et cum spiritu tuo. Et pronuntians, Sequéntia sancti Evangelij secundum N. sive Inítium. pollice dextræ manus signat librum in principio Evangelij, quod est lecturus, deinde seipsum in fronte, ore, et pectore: et dum ministri respondent, Gloria tibi Dómine. incensat ter librum, postea prosequitur Evangelium junctis manibus. Quo finito, Subdiaconus defert librum Sacerdoti, qui osculatur Evangelium, dicens: Per Evangélica dicta deleántur nostra delicta.

Deinde Sacerdos incensatur à Diacono. Si verò Sacerdos sine Diacono, et Subdiacono celebret, delato libro ad aliud cornu Altaris, inclinatus in medio, junctis manibus, dicit: Munda cor meum. ut supra: et Jube Domine benedicere. Dóminus sit in corde meo, et in lábiis meis: ut dignè et competèter annúntiem Evangelium suum, Amen.

Deinde conversus ad librum, junctis manibus, dicit V. Dóminus vobíscum. R. Et cum spiritu tuo. et pronuntians, Inítium. sive Sequéntia sancti Evangelij secundum, &c. sig-

nat librum, et se in fronte, ore, et pectore, et legit Evangelium, ut dictum est. Quo finito, respondet minister. Laus tibi Christe, et Sacerdos osculatur Evangelium, dicens: Per Evangelica dicta, ut suprâ. In Missis Defunctorum dicitur, Munda cor meum. sed non petitur benedictio, non deferuntur luminaria, nec Celebrans osculatur librum. Deinde ad medium Altaris extendens, elevans, et jungens manus, dicit, si dicendum est, Credo in unum Deum, et prosequitur junctis manibus. Cùm dicit, Deum, caput Crucis inclinât: quod similiter facit cùm dicit, Jesum Christum, et simul adorâtur. Ad illa autem verba, Et incarnatus est, genuflectit usque dum dicatur, Et homo factus est. In fine ad Et vitam ventûri sæculi, signat se signo Crucis à fronte ad pectus.

Credo in unum Deum, Patrem, omnipotentem, factorem cœli et terræ, visibîlium omnium, et invisibîlium. Et in unum Dóminum Jesum Christum, Fílium Dei unigénitum. Et ex Patre natum ante ómnia sæcula. Deum de Deo, lumen de lumine, Deum verum de Deo vero. Génitum, non factum, consubstantialem Patri: per quem ómnia facta sunt. Qui propter nos hómines, et propter nostram salutem descendit de cœlis. *Hic genuflectitur.* Et incarnatus est de Spíritu Sancto ex María virgine: Et homo factus est. Crucifixus étiam pro nobis, sub Póntio Piláto passus, et sepúltus est. Et resurrexit tertia die, secundum Scripturas. Et ascendit in cœlum: sedet ad dexteram Patris. Et

iterum venturus est cum glória, judicare vivos et mórtuos: cujus regni non erit finis. Et in Spíritum sanctum Dóminum, et vivificántem: qui ex Patre, Filióque procedit. Qui cum Patre et Fílio simul adoratur, et conglorificatur: qui locutus est per Prophétas. Et unam, sanctam, Cathólicam, et Apostólicam Ecclésiám. Confiteor unum baptísma in remissionem peccatorum. Et expécto resurrectionem mortuórum. Et vitam ventûri sæculi. Amen.

Deinde osculatur Altare, et versus ad populum dicit, V. Dóminus vobiscum. R. Et cum spíritu tuo. Postea dicit Orémus. et Offertorium. Quo dicto, si est Missa solemnis, Diaconus porrigit Celebranti patenam cum Hostia: si privata, Sacerdos ipse accipit patenam cum Hostia, quam offerens, dicit:

SUSCIPE sancte Pater omnipotens ætérne Deus, hanc immaculatam Hóstiam, quam ego indignus famulus tuus offero tibi Deo meo, vivo et vero, pro innumerabilibus peccatis, et offensionibus, et negligentíis meis, et pro ómnibus circumstantibus, sed et pro ómnibus fidélibus Christiánis vivis atque defúctis: ut mihi, et illis proficiat ad salutem in vitam ætérnam. Amen.

Deinde faciens crucem cum eadem patena, deponit Hostiam super corporale. Diaconus ministrat vinum, Subdiaconus aquam in Calice: vel si privata est Missa, utrumque infundit Sacerdos, et aquam miscendam in Calice, benedicit ✠ dicens:

DEUS, qui humanæ substantiæ dignitatem mirabiliter condidisti, et mirabilius reformasti: da nobis per hujus aquæ et vini mysterium, ejus divinitatis esse consortes, qui humanitatis nostræ fieri dignatus est particeps, Jesus Christus Filius tuus Dominus noster: Qui tecum vivit et regnat in unitate Spiritus sancti Deus, per omnia sæcula sæculorum. Amen.

In Missis pro Defunctis dicitur prædicta Oratio, sed aqua non benedicitur. Postea accipit Calicem et offert, dicens:

OFFERIMUS tibi, Domine, calicem salutaris, tuam deprecantes clementiam: ut in conspectu divinæ majestatis tuæ, pro nostra, et totius mundi salute cum odore suavitatis ascendant. Amen.

Deinde facit signum Crucis cum Calice, et illud ponit super corporale, et palla cooperit, tum junctis manibus super Altare, aliquantulum inclinatus dicit:

IN spiritu humilitatis, et in animo contrito suscipiamur à te, Domine: et sic fiat sacrificium nostrum in conspectu tuo hodie, ut placeat tibi, Domine Deus.

Erectus expandit manus, easque in altum porrectas jungens, elevatis ad cælum oculis, et statim demissis, dicit:

VENI sanctificator omnipotens æternæ Deus: Benedicet oblata, proseguendo, et benedicet hoc sacrificium tuo sancto nomini preparatum.

Postea si solemniter celebrat, benedicit incensum dicens:

PER intercessionem beati Michaëlis Archàngeli stantis à dextris altaris incensi, et omnium electorum suorum, incensum istud dignetur Dominus benedicere, et in odorem suavitatis accipere. Per Christum Dominum nostrum. Amen.

Et accepto thuribulo à Diacono, incensat oblata, modo in Rubricis generalibus præscripto, dicens:

INCENSUM istud à te benedictum, ascendant ad te, Domine: et descendant super nos misericordia tua.

Deinde incensat Altare, dicens:

Psalm. 140.

DIRIGATUR, Domine, oratio mea, sicut incensum, in conspectu tuo: elevatio manuum mearum sacrificium vespertinum. Pone Domine custodiam ori meo, et ostium circumstantiæ labiis meis: ut non declinet cor meum in verba malitiæ, ad excusandas excusationes in peccatis.

Dum reddit thuribulum Diacono, dicit:

ACCENDAT in nobis Dominus ignem sui amoris, et flammam æternæ charitatis. Amen.

Postea incensatur Sacerdos à Diacono, deinde alii per ordinem. Interim Sacerdos lavat manus dicens:

Psalmus 25.

LAVABO inter innocentes manus meas: et circumdabo altare tuum Domine:

Ut audiam vocem laudis, et enarrem universa mirabilia tua.

Dómine diléxi decórem domus tuæ, et locum habitatiónis glóriæ tuæ.

Ne perdas cum ímpii Deus ánimam meam: et cum viris sánguinum vitam meam:

In quorum mánibus iniquitátes sunt: délixtera eórum repléta est munéribus.

Ego autem in innocéntia mea ingræssus sum: rédime me, et miserére mei.

Pes meus stetit in dirécto: in ecclésiis benedicam te Dómine.

Glória Patri, et Filio, et Spirítui sancto:

Sicut erat in principio, et nunc, et semper, et in sæcula sæculórum. Amen.

In Missis pro Defunctis, et tempore Passionis in Missis de Tempore, omittitur Glória Patri. Deinde Aliquantulum inclinatus in medio Altaris, junctis manibus super eo, dicit:

SUSCIPE sancta Trinitas hanc oblatiõnem, quam tibi offérimus ob memóriam passiõnis, resurrectiõnis, et ascensiõnis Jesu Christi Dómini nostri, et in honórem beátæ Mariæ semper vírginis, et beáti Joánnis Baptistæ, et sanctórum Apostolorum Petri et Pauli, et istórum, et ómnium sanctórum: ut illis proficiat ad honórem, nobis autem ad sálutem: et illi pro nobis intercédere dignéntur in cœlis, quórum memóriam ágimus in terris. Per

eúndem Christum Dóminum nostrum. Amen.

Posteà osculatur Altare, et versus ad populum, extendens, et jungens manus, voce paululum elevata, dicit:

ORATE fratres: ut meum ac vestrum sacrificium acceptábile fiat apud Deum Patrem omnipoténtem.

Minister, seu circumstantes respondent: alioquin ipsemet Sacerdos.

SUSCIPIAT Dóminus sacrificium de mánibus tuis (vel meis) ad laudem et glóriam nóminis sui, ad utilitátem quoque nostram, totiúsque Ecclésiæ suæ sanctæ.

Sacerdos submissa voce dicit: Amen.

Deinde manibus extensis absolute sine Orémus, subjungit Orationes secretas. Quibus finitis, cum pervenerit ad conclusionem, clara voce dicit: Per ómnia sæcula sæculórum, cum Præfatione, ut in sequentibus. Præfatio incipitur ambabus manibus positis hinc inde super Altare: quas aliquantulum elevat, cum dicit: Sursum corda. Jungit eas ante pectus, et caput inclinat, cum dicit, Grátias agámus Dómino Deo nostro. Deinde disjungit manus, et disjunctas tenet usque ad finem Præfationis: qua finita, iterum jungit eas, et inclinatus dicit, Sanctus. Et cum dicit, Benedictus qui venit. signum Crucis sibi producit à fronte ad pectus.

PRÆFATIONES

PER TOTUM ANNUM.

¶ *Sequens Præfatio dicitur à Nativitate Domini usque ad Epiphaniam, (præterquam in die Oct. S. Joannis Apostoli,) et in Purificatione B. Mariæ; et in festo Corporis Christi, et per Octavam, nisi in ea occurrat Festum, quod propriam Præfationem habeat: et in Transfiguratione Domini.*

PER omnia sæcula sæculórum.

R. Amen.

V. Dóminus vobiscum.

R. Et cum spiritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est. Verè dignum et justum est, æquum et salutáre; nos tibi semper, et ubique grátias ágere: Dómine sancte, Pater omnipotens, ætérne Deus. Quia per incarnáti Verbi mystérium, nova mentis nostræ óculis lux tuæ claritátis infúlsit: ut dum visibiliter Deum cognóscimus, per hunc in invisíbilium amórem rapiámur. Et ideò cum Angelis, et Archángelis, cum Thronis, et Dominatió nibus, cumque omni militiá cœléstis exércitus, hymnum glóriæ tuæ cánimus, sine fine dicétes:

Sanctus, Sanctus, Sanctus, Dóminus Deus Sábaoth.

Pleni sunt cœli, et terra glória tua, Hosánna in excélsis.

Benedictus, qui venit in nómine Dómini, Hosánna in excélsis.

Infra actionem.

COMMUNICANTES, et diem sacratíssimum celebrántes, quo beatæ Mariæ, intemeráta virginitas, huic mundo édedit Salvatórem: sed et memóriam venerántes, in primis ejúsdem gloriósæ semper vírginis Mariæ, genitricis ejúsdem Dei, &c. *ut infrà in Canone.*

In prima verò Missa dicitur, et noctem sacratíssimam celebrántes, quá. deinde semper dicitur, diem sacratíssimum, quo. usque ad Oct. Nativitatis Domini inclusivè, et non ultra.

¶ *Sequens Præfatio dicitur in Epiphania Domini, et per Octavam.*

PER omnia sæcula sæculórum.

R. Amen.

V. Dóminus vobiscum.

R. Et cum spiritu tuo.

V. Sursum corda.

R. Habemus ad Dóminum.

V. Grátias agámus Dómino Deo nostro.

R. Dignum et justum est. Verè dignum et justum est, æquum et salutáre, nos tibi semper, et ubique grátias ágere: Dómine sancte, Pater omnipotens, ætérne Deus. Quia cum Unigénitus tuus in substántia nostræ mortalitátis apparuit, nova nos immortalitátis suæ luce reparávit. Et ideò cum Angelis et Archángelis, cum Thronis, et Dominatió nibus, cumque omni militiá cœléstis exércitus, hymnum gló-

riæ tuæ cānimus, sine fine dicētes: Sanctus, Sanctus, &c.

Infra actionem.

COMMUNICANTES, et diem sacratissimum celebrantes, quo Unigénitus tuus in tua tecum glória coæternus, in veritate carnis nostræ visibíliter corporális apparuit: sed et memóriam venerantes, in primis gloriósæ semper Virgínis Mariæ, genitricis ejúsdem Dei, et Dómini nostri Jesu Christi: sed et beatórum Apostolórum. &c. *ut in Canone.*

Et dicitur per totam Octavam.

¶ *Sequens Præfatio dicitur à Feria quarta Cinerum usque ad Sabbatum ante Dominicam Passionis, nisi in Festis propria assignetur.*

PER ómnia sæcula sæculórum.

R. Amen.

V. Dóminus vobiscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est. Verè dignum et justum est, æquum et salutáre, nos tibi semper, et ubique grátias agere: Dómine sancte, Pater omnípotens, ætérne Deus. Qui corporáli jejunio vítia cómpri-
mis, mentem élevas, virtútem largiris et præmia: per Christum Dóminum nostrum. Per quem majestátem tuam laudant Angeli, adórant Dominatiónes, tremunt Potestátes. Cœli, cœlorúmque virtútes, ac beáta Séraphim, sócia exultatióne concélebrant. Cum quibus et nostras voces, ut admitti jú-

beas deprecámur, súpplíci confessióne dicētes:

Sanctus, Sanctus, &c.

¶ *Sequens Præfatio dicitur à Dominica Passionis usque ad Feriam v. in Cœna Domini inclusivè (nisi in Festis tunc occurrentibus propria assignetur) et in Missis de Cruce, et de Passione.*

PER ómnia sæcula sæculórum.

R. Amen.

V. Dóminus vobiscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est. Verè dignum et justum est, æquum et salutáre, nos tibi semper, et ubique grátias agere: Dómine sancte, Pater omnípotens, ætérne Deus. Qui salutem humáni géneris in lig-
no Crucis constituísti: ut unde mors oriebátur, inde vita resúrgeret: et qui in ligno vincebat, in ligno quoque vince-
rétur: per Christum Dóminum nostrum. Per quem majestátem tuam laudant Angeli, adórant Dominatiónes, tremunt Potestates. Cœli, cœlorúmque virtútes, ac beáta Séraphim, sócia exultatióne concélebrant. Cum quibus et nostras voces, ut admitti júbeas deprecámur, súpplíci confessióne dicētes:
Sanctus, Sanctus, &c.

¶ *Sequens Præfatio dicitur à Vigilia Paschæ usque ad ascensionem, etiam in Festis eo tempore occurrentibus, nisi in eis propria*

assignetur. In Missa Sabbati sancti dicitur, in hac potissimum nocte: in die Paschæ usque ad Sabbatum in Albis inclusivè, in hac potissimum die; et deinceps in hoc potissimum gloriósius.

PER ómnia sæcula sæculórum. R. Amen.

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro. R. Dignum et justum est. Verè dignum et justum est, æquum et salutáre, Te quidem Dómine omni tẽmpore, sed in hac potíssimùm die (*vel in hoc potíssimùm gloriósius prædicáre, cùm Pascha nostrum immolátus est Christus. Ipse enim verus est Agnus, qui ábstulit peccáta mundi. Qui mortem nostram moriẽdo destrúxit: et vitam resurgẽdo reparávit. Et idẽo cum Angelis, et Archángelis, cum Thronis, et Dominatióibus, cumque omni militiã cœléstis exércitus, hymnum glóriæ tuæ cánimus, sine fine dicentes:*

Sanctus, Sanctus, &c.

Infra actionem.

COMMUNICANTES, et diem sacratíssimum celebrántes Resurrectiõnis Dómini nostri Jesu Christi secúndum carnem: sed et memóriam venerántes in primis gloriosæ semper virginitatis Mariæ, genitricis ejúsdem Dei, et Dómini nostri Jesu Christi: sed et beatórum Apostolórum ac Mártyrum tuórum, Petri et Pauli, Andréæ, Jacóbi, Jo-

ánnis, Thomæ, Jacóbi, Philippi, Bartholomæi, Matthæi, Simónis, et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum: quorum méritis, precibúsq; concédas, ut in ómnibus protectiõnis tuæ muniámur auxilió. *Jungit manus.* Per eúmdem Christum Dóminum nostrum. Amen.

Tenens manus expansas super oblata, dicit: Hanc igitur oblatiõnem servitútis nostræ, sed et cunctæ familiæ tuæ, quam tibi offérimus pro his quoque, quos regeneráre dignátus es ex aqua et Spírítu sancto, tribuens eis remissiõnem ómnium peccatórum: quæsumus Domine, ut placátus accipias: diésque nostros in tua pace dispónas, atque ab ætérna damnatiõne nos éripi, et in electórum tuórum júbeas grege numerári. *Jungit manus.* Per Christum Dóminum nostrum. Amen. Quam oblatiõnem, &c.

Sic dicitur à Vigilia Paschæ usque ad Sabbatum in Albis inclusivè. Sed in Missa Sabbati sancti dicitur, et noctem sacratíssimam celebrántes.

¶ *Sequens Præfatio dicitur in die Ascensionis usque ad Vigiliam Pentecostes exclusivè, et in Festis tunc occurrentibus, nisi propriam habuerint.*

PER ómnia sæcula sæculórum. R. Amen.

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

℣. Grátias agámus Dómino Deo nostro.

℞. Dignum et justum est.

Verè dignum et justum est, æquum et salutàre, nos tibi semper, et ubiqúe grátias ágere, Dómine sancte, Pater omnípotens, ætérne Deus : per Christum Dóminum nostrum. Qui post resurrectiõnem suam ómnibus discíplulis suis manifestus apparuit, et ipsis cernéntibus est elevátus in cœlum, ut nos divinitátis suæ tribúeret esse partícipes. Et ideò cum Angelis, et Arch-ángelis, cum Thronis, et Dominatiõnibus, cumque omni militiã cœlestis exércitus, hymnum glóriæ tuæ cánimus, sine fine dicéntes : Sanctus, Sanctus, &c.

Infra actionem.

COMMUNICANTES, et diem sacratíssimum celebrántes, quo Dóminus noster unigénitus Fílius tuus unitam sibi fragilitátis nostræ substántiam, in glóriæ tuæ dextera collocávit : sed et memóriam venerántes, in primis gloriósæ semper Virginis Mariæ, genitricis ejúsdem Dei, &c. *ut in Canone.*

Et dicitur per totam Octavam.

¶ *Sequens Præfatio dicitur à Vigilia Pentecostes, usque ad sequens Sabbatum inclusivè ; et in Missis votivis de Spiritu sancto, sed omisso hodiérna die.*

PER ómnia sæcula sæculórum. ℞. Amen. ℣. Dóminus vobiscum. ℞. Et cum spíritu tuo. ℣. Sursum corda. ℞. Habémus ad Dóminum. ℣. Grátias agámus Dómino Deo nostro. ℞. Dignum et

justum est. Verè dignum et justum est, æquum et salutàre, nos tibi semper, et ubiqúe grátias ágere : Dómine sancte, Pater omnípotens, ætérne Deus : per Christum Dóminum nostrum. Qui ascéndens super omnes cœlos, sedénsque ad dexteram tuam, promíssum Spírítum sanctum (hodiérna die) in filios adoptiõnis effúdit. Qua própter profúsis gáudiis, totus in orbe terrárum mundus exúltat. Sed et supérnæ virtútes, atque Angélicæ potestátes hymnum glóriæ tuæ concinunt, sine fine dicéntes : Sanctus, Sanctus, &c.

Infra actionem.

COMMUNICANTES, et diem sacratíssimum Pentecóstes celebrántes, quo Spírítus sanctus Apóstolis, innúmeris linguis apparuit. Sed et memóriam venerántes, in primis gloriósæ semper virginis Mariæ, genitricis Dei, et Dómini nostri Jesu Christi : sed et beatórum Apostolórum ac Mártyrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philippi, Bartholomæi, Matthæi, Simónis, et Thaddæi : Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum : quorum méritis, precibusque concédas, ut in ómnibus protectiõnis tuæ muniámur auxilio. *Jungit manus.* Per eúmdem Christum Dóminum nostrum. Amen.

Tenens manus expansas super oblata, dicit : Hanc ígitur ob-

lationem servitutis nostræ, sed et cunctæ familiæ tuæ, quam tibi offerimus pro his quoque, quos regenerare dignatus es ex aqua et Spiritu sancto, tribuens eis remissionem omnium peccatorum, quæsumus Dómine, ut placatus accipias: diésque nostros in tua pace dispónas, atque ab æterna damnatione nos éripi, et in electórum tuórum júbeas grege numerári. *Jungit manus.* Per Christum Dóminum nostrum, Amen. Quam oblationem, &c.

Et dicitur usque ad sequens Sabbatum inclusivè.

¶ *Sequens Præfatio dicitur in Festo SS. Trinitatis, et in Missis votivis de SS. Trinitate: necnon et in omnibus Dominicis per Annum, quæ propriam Præfationem non habent.*

PER ómnia sæcula sæculórum.

R. Amen.

℣. Dóminus vobiscum.

℞. Et cum spiritu tuo.

℣. Sursum corda.

R. Habémus ad Dóminum.

℣. Grátias agámus Dómino Deo nostro.

R. Dignum et justum est. Verè dignum et justum est, æquum et salutáre, nos tibi semper, et ubique grátias ágere: Dómine sancte, Pater omnípotens, ætérne Deus. Qui cum unigénito Filio tuo, et Spiritu sancto, unus es Deus, unus es Dóminus: non in unius singularitáte personæ, sed in unius Trinitáte substántiæ. Quod enim de tua glória, revelánte te crédimus, hoc de Filio tuo, hoc de Spiritu sancto, sine differentia discreti-

nis sentimus. Ut in confessione veræ sempiternæque Deitátis et in personis proprietas, et in esséntia únitas, et in majestáte adorétur æqualitas. Quam laudant Angeli, atque Archángeli, Cherubim quoque, ac Séraphim: qui non cessant clamáre quotidie, una voce dicétes: Sanctus, Sanctus, &c.

¶ *Sequens Præfatio dicitur in Festis B. Mariæ (excepto festo Purificationis, in quo dicitur de Nativitate Domini) et per eorum Oct. etiam in Festis infra eas occurrentibus, si propriam non habuerint. Dicitur autem, vel Et te in Annuntiatióne, vel Visitatióne, vel Assumptiόne, vel Nativitáte, vel Præsentiatiόne, vel Conceptione, secundum denominationem Festi. In festo Septem Dolorum B. V. M. dicitur. Et te in Transfixiόne. In Festo B. V. M. de Monte Carmelo, dicitur, Et te in Commemoratione. In dedicatione autem S. Mariæ ad Nives, ac in Festo Mercedis dicitur, Et te in festivitate. In festo SS. Rosarii, dicatur, Et te in Solemnitate. In Missis verò votivis; et in Sabbato dicitur, Et te in veneratiόne.*

PER ómnia sæcula sæculórum.

R. Amen.

℣. Dóminus vobiscum.

℞. Et cum spiritu tuo.

℣. Sursum corda.

R. Habémus ad Dóminum.

℣. Grátias agámus Dómino Deo nostro.

R. Dignum et justum est. Verè dignum et justum est, æquum et salutáre, nos tibi

semper, et ubique gratias ágere, Dómine sancte, Pater omnipotens, ætérne Deus. Et te in **** beátæ Mariæ semper virginis collaudare, benedicere, et prædicare. Quæ et Unigénitum tuum sancti Spíritus obumbratióne concépit: et virginitatis glória permanénte, lumen ætérnum mundo effúdit Jesum Christum Dóminum nostrum. Per quem majestátem tuam laudant Angéli, adórant Dominatiónes, tremunt Potestátes. Cœli, cœlorúmque virtútes, ac beáta Séraphim, sócia exultatióne concelébrant. Cum quibus et nostras voces, ut admitti júbeas deprecámur, súpplíci confessiône dicétes:

Sanctus, Sanctus, &c.

¶ *Sequens Præfatio dicitur in Festis Apostolorum et Evangelistarum (præterquam in die S. Joannis Apostoli,) et per Octavas eorum, et in Festis infra eas currentibus, nisi in eis propria assignetur; et in Missis votivis de Apostolis.*

PER ómnia sæcula sæculórum.

R. Amen.

V. Dominus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est. Verè dignum et justum est, æquum et salutáre, Te Dómine suppliciter exórare, ut gregem tuum pastor ætérne non déseras; sed per beátos Apóstolos tuos continúa protectiône custódiás. Ut iisdem

rectóribus gubernétur, quos óperis tui vicários eidem contulísti præesse pastóres. Et ideò cum Angelis, et Archángelis, cum Thronis, et Dominatió nibus, cumque omni militiá cœlestis exércitus, hymnum glóriæ tuæ cánimus, sine fine dicétes:

¶ *Sequens Præfatio dicitur in omnibus Feriis, et in Festis quæ propriam non habent, et in omnibus Missis Defunctorum.*

PER ómnia sæcula sæculórum.

R. Amen.

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est. Verè dignum et justum est, æquum et salutáre, nos tibi semper, et ubique grátias ágere: Dómine sancte, Pater omnipotens, ætérne Deus: per Christum Dóminum nostrum. Per quem majestátem tuam laudant Angeli, adórant Dominatiónes, tremunt Potestátes. Cœli, cœlorúmque virtútes, ac beáta Séraphim, sócia exultatióne concelébrant. Cum quibus et nostras voces, ut admitti júbeas deprecámur, súpplíci confessiône dicétes:

Sanctus, Sanctus, Sanctus, Dóminus Deus Sábaoth.

Pleni sunt cœli, et terra glória tua.

Hosánna in excélsis.

Benedictus qui venit in nómine Dómini.

Hosánna in excélsis.





THE RESURRECTION.

Sold by P. Wogan

CANON MISSÆ.

Sacerdos extendens et jungens manus, elevans ad cælum oculos, et statim demittens, profundè inclinatus ante Altare, manibus super eo positis, dicit :

TE igitur, clementissime Pater, per Jesum Christum Filium tuum Dóminum nostrum, súpplices rogámus ac pétimus, *Osculatur Altare*, uti accépta hábeas, et benedícas, *Jungat manus, deindè signet ter super oblata*, hæc ✠ dona, hæc ✠ múnera, hæc ✠ sancta sacrificia illibáta, *Extensis manibus prosequitur* : in primis quæ tibi offerimus pro Ecclésia tua sancta cathólica : quam pacificáre, custodíre, adu-

nàre, et régere dignéris toto orbe terrarum : unà cum fámulo tuo Papa nostro N. et Antistite nostro N. et ómnibus orthodoxis, atque cathólicæ et Apostólicæ fidei cultóribus.

*Commemoratio
pro vivis.*

MEMENTO, Dómine, famulorum famularúmque tuárum N. et N. *Jungit manus, orat aliquantulùm pro quibus orare intendit : deindè manibus extensis prosequitur* : Et ómnium circumstántium, quorum tibi fides cógnota est, et nota devótio : pro quibus tibi offerimus ; vel qui tibi offerunt hoc sacrificium laudis, pro se,

suisque omnibus, pro redemptione animarum suarum, pro spe salutis et incolumitatis suæ: tibi que reddunt vota sua ætérno Deo, vivo et vero.

Infra actionem.

COMMUNICANTES, et memoriã venerãntes in primis gloriôsæ semper vîrginis Mariæ, genitricis Dei et Dómini nostri Jesu Christi: sed et beatórum Apostolorum ac Mártyrum tuórum, Petri et Pauli, Andræ, Jacóbi, Joãnnis, Thomæ, Jacóbi, Philippi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornelii, Cypriãni, Lauréntii, Chrysógoni, Joãnnis et Pauli, Cosmæ et Damiãni, et ómnium

Sanctórum tuórum: quorum méritis precibusque concédas, ut in ómnibus protectiõnis tuæ muniãmur auxilió. *Jungit manus.* Per eúndem Christum Dóminum nostrum. Amen.

Tenens manus expansas super oblata, dicit:

HANC igitur oblationem servitútis nostræ, sed et cunctæ familiæ tuæ, quæsumus Dómine, ut placátus accípias: diésque nostros in tua pace dispónas, atque ab ætérna damnatione nos éripi, et in electórum tuórum júbeas grege numerári. *Jungit manus.* Per Christum Dóminum nostrum. Amen.

QUAM oblationem tu Deus in ómnibus, quæsu-

mus, *Signat ter super oblata* : bene ✠ dic-
tam, adscrip ✠ tam,
ra ✠ tam, rationâbil-
lem, acceptabilém-
que fácere dignéris :

Signat semel super Hostiam, et semel super Calicem : ut no-
bis Cor ✠ pus, et San-
✠ guis fiat dilectis-
simi Fílii tui Dómini
nostri Jesu Christi.

QUI prídíe quàm
páteretur, *Accí-
pit Hostiam*, accé-
pit panem in sanctas
ac venerábiles manus
suas : *Elevat oculos
ad cælum* : et elevátis
óculis in cælum ad
te Deum Patrem su-
um omnipoténtem, ti-
bi grátias agens, *Sig-
nat super Hostiam* :
bene ✠ dixit, fregit,
dedítque discíplis su-
is, dicens : *Accípite,*
et manducáte ex hoc
omnes.

*Tenens ambabus má-
nibus Hostiam inter
índices et pollices, pró-
fert verba consecratio-
nis secretè, distinctè et
attentè.*

**Hoc est enim
Corpus meum.**

*Prolatis verbis conse-
crationis, statim Hos-
tiam consecratam ge-
nuflexus adorat : sur-
git, ostendit populo,
reponit super Corpo-
rale, iterùm adorat :
et non disjungit pol-
lices et índices, nisi
quando Hostia trac-
tanda est, usque ad
ablutionem digitorum.
Tunc detecto calice,
dicit :*

SIMILI modo post-
quam cœnátum
est, *Ambabus manibus
accipit Calicem, ac-
cípiens et hunc præ-
clárum Cálicem in*

sanctas, ac venerábiles manus suas: item tibi grátias agens, *Sinistra tenens*

Calicem, dextera signat super eum, benedixit, deditque discipulis suis, dicens: Accípite et bíbite ex eo omnes.

Profert verba consecrationis secretè super Calicem, tenens illum parùm elevatum.

Hic est enim Calix sanguinis mei, novi & æterni testamenti: mysterium fidei: qui pro vobis & pro multis effundetur in remissionem peccatorum.

Prolatis verbis consecrationis, deponit Calicem super Corpo-

ræ, et dicens secretè: Hæc quotiescúmque fecéritis, in mei memóriam faciétis.

Genuflexus adorat, surgit, ostendit populo, deponit, cooperit, et iterùm adorat. Deinde disjunctis manibus dicit:

UNDE et memores, Dómine, nos servi tui, sed et plebs tua sancta, ejúsdem Christi Fílii tui Dómini nostri tam beátæ passiónis, necnon et ab ínferis resurrectionis, sed et in cœlos gloriósæ ascensionis, offerimus præcláræ majestáti tuæ de tuis donis ac datis, *Jungit manus, et signat ter super Hostiam et Calicem simul, Hóstiam puram, hóstiam sanctam, hóstiam*

immaculátam, *Signat semel super Hostiam, et semel super Calicem*: Panem ✠ sanctum vitæ æternæ, et Cálicem ✠ salutis perpétuæ.

*Extensis manibus
prosequitur.*

SUPRA quæ propítio ac seréno vultu respícere dignéris: et accépta habére, sícuti accépta habére, dignátus es múnera púeri tui justí Abel, et sacrifici-um Patriárchæ nostri Abrahæ: et quod tibi obtulit summus sacerdos tuus Melchisedech, sanctum sacrificium, immaculátam hóstiam.

*Profundè inclinatus
junctis manibus, et super
Altare positus, di-
cit:*

SUPPLICES te rogámus, omnipotens Deus: jube hæc perférri per manus sancti Angeli tui in sublímè altáre tuum, in conspéctu divínæ majestátis tuæ: ut quotquot, *Osculatur Altare*, ex hac altáris participatióne, sacrosánctum Filii tui, *Jungit manus et signat semel super Hostiam, et semel super Calicem*, Cor✠pus, et San✠guinem sumpserimus, *Seipsum signat*, omni benedicti-óne cœlésti, et grátia repleámur. Per eúdem Christum Dóminum nostrum. Amen.

*Commemoratio pro
defunctis.*

MEMENTO éti-
am, Dómine,
famulórum famula-
rúmque tuárum N.

et *N.* qui nos præcesserunt cum signo fidei, et dormiunt in somno pacis.

Jungit manus; orat aliquantulum pro iis defunctis, pro quibus orare intendit, deindē extensis manibus prosequitur: Ipsis Dōmine, et omnibus in Christo quiescentibus, locum refrigerii, lucis, et pacis, ut indulgeas, deprecāmur.

Jungit manus, et caput inclinat. Per eūdem Christum Dōminum nostrum. Amen.

Manu dextera percutit sibi pectus, elata parūm voce dicens:

NOBIS quoque peccatoribus famulis tuis, de multitudīne miseratiō-

num tuārum sperantibus, partem aliquam et societatem donāre digneris, cum tuis sanctis Apōstolis et Martyribus: cum Joāne, Stēphano, Matthia, Bārna-
ba, Ignātio, Alexandro, Marcellino, Petro, Felicitate, Perpetua, Agatha, Lūcia, Agnēte, Cæcilia, Anastasia, et omnibus Sanctis tuis: intra quorum nos consortium, non æstimātor mēriti, sed veniā, quæsumus, largitor admitte. *Jungit manus. Per Christum Dōminum nostrum.*

PER quem hæc omnia, Dōmine, semper bona creas, *Signat ter super Hostiam et Calicem simul, dicens: sanctificas, vivi-
ficās,*

bene✠dícis, et præstas nobis. *Discooperit Calicem, genuflectit, accipit Sacramentum dextera, tenens sinistra Calicem: signat cum Hostia ter à labio ad labium Calicis, dicens: Per ipsum, et cum ipso, et in ipso bis signat inter Calicem et pectus, est tibi Deo Patri✠omnipotenti, in unitate Spíritus✠sancti, Elevans parùm Calicem cum Hostia, dicit: omnis honor et glória. Reponit Hostiam, cooperit Calicem, genuflectit, surgit, et dicit:*

PER omnia sæcula sæculórum.

R. Amen.

Jungit manus. Orémus. Præceptis salutáribus móniti, et divína institutióne

formáti audémus dicere.

Extendit manus.

PATER noster, qui es in cœlis: sanctificétur nomen tuum: Advéniat regnum tuum: Fiat voluntas tua, sicut in cœlo et in terra. Panem nostrum quodiánum da nobis hódie: Et dimítte nobis débita nostra, sicut et nos dimíttimus debitóribus nostris. Et ne nos indúcas in tentatiónem. R. Sed libera nos à malo.

Sacerdos secretè dicit: Amen.

Deinde accipit Patenam inter indicem et medium digitos, et dicit:

LIBERA nos, quæsumus Dó-

mine, ab omnibus malis, præteritis, præsentibus, et futuris: et intercedente beata et gloriôsa semper virgine Dei genitrice Maria, cum beatis Apóstolis tuis Petro et Paulo, atque Andréa, et omnibus Sanctis, *Signat se cum Patena à fronte ad pectus, et eam osculatur*, da propitius pacem in dièbus nostris; ut ope misericordiæ tuæ adjuti, et à peccáto simus semper liberi, et ab omni perturbatióne secûri.

Submittit Patenam Hostiæ, discooperit Calicem, genuflectit, surgit, accipit Hostiam, frangit eam super Calicem per medium, dicens: Per

eúndem Dóminum nostrum Jesum Christum Fílium tuum.

Partem, quæ in dextera est, ponit super Patenam. Deinde ex parte, quæ in sinistra remansit, frangit particulam, dicens: Qui tecum vivit et regnat in unitate Spíritus sancti Deus.

Aliam mediam partem cum ipsa sinistra ponit super Patenam, et dextera tenens particulam super Calice, sinistra Calicem, dicit: Per ómnia sæcula sæculórum. R. Amen.

Cum ipsa particula signat ter super Calicem, dicens: Pax ✠ *Dómini sit ✠ semper vobis ✠ cum. R. Et cum spíritu tuo.*

Particulam ipsam immittit in Calicem, dicens secretò :

HÆC commixtio et consecratio Corporis et Sanguinis Domini nostri Jesu Christi, fiat accipientibus nobis in vitam æternam. Amen.

Cooperit Calicem, genuflectit, surgit, et inclinatus Sacramento, junctis manibus, et ter pectus percutiens, dicit :

Agnus Dei, qui tollis peccata mundi, miserere nobis.

Agnus Dei, qui tollis peccata mundi, miserere nobis.

Agnus Dei, qui tollis peccata mundi, dona nobis pacem.

In Missis pro Defunctis non dicitur, miserere nobis, sed ejus loco, dona eis ré-

quiem, et in tertio additur, sempiternam. Deindè junctis manibus super Altare, inclinatus dicit sequentes Orationes.

DOMINE JESU Christe, qui dixisti Apóstolis tuis : Pacem relinquo vobis, pacem meam do vobis : ne respicias peccata mea, sed fidem Ecclesiæ tuæ : eamque secundum voluntatem tuam pacificare et coadunare digneris. Qui vivis et regnas Deus, per omnia sæcula sæculorum. Amen.

Si danda est pax, osculatur Altare, et dans pacem, dicit : Pax tecum. R. Et cum spiritu tuo.

In Missis Defunctorum non datur pax, neque dicitur præcedens Oratio.

DOMINE Jesu Christe, Fili Dei vivi, qui ex voluntate Patris, cooperante Spiritu sancto, per mortem tuam mundum vivificasti: libera me per hoc sacrosanctum Corpus, et Sanguinem tuum, ab omnibus iniquitatibus meis, et universis malis: et fac me tuis semper inhærere mandatis, et à te nunquam separari permittas. Qui cum eodem Deo Patre et Spiritu sancto vivis et regnas Deus in sæcula sæculorum. Amen.

PERCEPTIO Corporis tui, Domine Jesu Christe, quod ego indignus sumere præsumo, non mihi provéniat in iudicium, et condemnationem: sed pro tua pietate prosit mi-

hi ad tutamentum mentis et corporis, et ad medelam percipiendam. Qui vivis et regnas cum Deo Patre in unitate Spiritus sancti Deus, per omnia sæcula sæculorum. Amen.

Genuflectit, surgit, et dicit:

PANEM coelestem accipiam, et nomen Domini invocabo.

Deinde parum inclinatus, accipit ambas partes Hostiæ inter pollicem et indicem sinistræ manus, et Patenam inter eundem indicem et medium, et dextera percutiens pectus, elevata aliquantulum voce, dicit ter devotè et humiliter:

DOMINE, non sum dignus ut intres sub tectum me-

um : sed tantum dic
verbo, et sanabitur
anima mea.

*Postea dextera se
signans cum Hostia
super Patenam, dicit :*

CORPUS Dómi-
ni nostri Jesu
Christi custodiat ani-
mam meam in vitam
æternam. Amen.

*Sumit reverenter
ambas partes Hostiæ ;
jungit manus, et qui-
escit aliquantulum in
meditatione sanctissimi
Sacramenti. De-
inde discooperit Ca-
licem, genuflectit, col-
ligit fragmenta, si
quæ sint, extergit Pa-
tenam super Calicem,
interim dicens :*

QUID retribuam
Dómino pro
omnibus, quæ retri-
buit mihi ? Cálicem
salutáris accipiam, et
nomen Dómini invo-
cábo. Laudans in-

vocábo Dóminum, et
ab inimicis meis sal-
vus ero.

*Accipit Calicem
manu dextera, et eo
se signans, dicit :*

SANGUIS Dómi-
ni nostri Jesu
Christi custodiat ani-
mam meam in vitam
æternam. Amen.

*Sumit totum San-
guinem cum particu-
la. Quo sumpto, si
qui sunt communican-
di, eos communicet,
antequam se purificet,
Postea dicit :*

QUOD ore sump-
simus, Dómine
pura mente capiá-
mus : et de múnere
temporáli fiat nobis
remédium sempitér-
num.

*Interim porrigit
Calicem ministro, qui
infundit in eo parum
vini, quo se purificat :
deinde prosequitur :*

CORPUS tuum, Dómine, quod sumpsi, et Sanguis, quem potávi, adhæreat viscéribus meis: et præsta, ut in me non remáneat scelerum mácula, quem pura et sancta refecerunt sacraménta. Qui vivis et regnas in sæcula sæculórum. Amen.

Abluit digitos, extergit, et sumit ablu-tionem: extergit os, et Calicem, quem operit, et plicato Corporali, collocat in Altari ut priùs: deindè prosequitur Missam.

Dicto, post ultimam Orationem: Dóminus vobíscum,

R. Et cum spírítu tuo. *dicit pro Missæ qualitate, vel, Ite missa est, vel, Benedicámus Dómino. R. Deo grátias.*

In Missis Defunctorum dicit: Requi-

escant in pace. R. Amen.

In dominicis, et Festis per Annum, præter Adventum, et Quadragesimam, dicitur Ite missa est.

Tempore Paschali, hoc est, à Missa Sabbati sancti usque ad Sabbatum in Albis inclusivè: Ite missa est, allelúia, allelúia.

In Dominicis Adventus, in Vigilia Nativitatis Domini, in Festo SS. Innocentium, et in Quadragesima, dicitur Benedicámus Dómino.

In Missis Defunctorum, dicitur Requi-escant in pace.

Dicto, Ite missa est, vel Benedicámus Dómino, Sacerdos inclinat se ante medium Altaris, et manibus junctis per illud, dicit:

PLACEAT tibi sancta Trínitas,

obséquium servitútis meæ, et præsta: ut sacrificium, quod óculis tuæ majestátis indignus óbtuli, tibi sit acceptábile; mihique et ómnibus, pro quibus illud óbtuli, sit, te miseránte, propitiá-
bile. Per Christum Dóminum nostrum, Amen.

Deindè osculatur Altare: et elevatis oculis, extendens, elevans, et jungens manus, caputque Cruci inclinans, dicit: Benedícat vos omnípotenti Deus, et versus ad populum, semel tantùm benedicens, etiam in Missis solemnibus, prosequitur: Pater, et Filius, ✠ et Spíritus sanctus. R. Amen.

In Missa Pontificali ter benedicitur, ut in Pontificali habetur.

Deindè in cornu Evangelii, dicto, Dó-

minus vobíscum, et Inítium, vel Sequéntia sancti Evangelii signans Altare vel librum, et se, ut suprà in Evangelio Missæ, legit Evangelium secundùm Joannem, In princípio erat Verbum, ut infra fol. 222. vel aliud Evangelium, ut dictum est in Rubricis generalibus. Cùm dicit, Et Verbum caro factum est, genuflectit. In fine R. Deo grátias.

¶ In Missis Defunctorum non datur benedictio, sed dicto Requiescant in pace, dicit: Pláceat tibi sancta Trínitas. deindè osculato Altari, legit Evangelium S. Joannis; quo finito, descendens ab Altari, pro gratiarum actione dicit Antiphonam. Trium puerórum. cum reliquis, ut habetur in principio Missalis.



INITIUM SANCTI EVANGELII
SECUNDUM JOANNEM.

Joan. 1.

IN principio erat omnem hominem venientem in hunc mundum. In mundo erat, et Deus erat Verbum. et mundus per ipsum factus est, et mundus eum non cognovit. In hoc erat in principio apud Deum. Omnia per ipsum facta sunt: et sine ipso factum est nihil, quod factum est: in ipso vita erat, et vita erat lux hominum: et lux in tenebris lucet, et tenebrae eam non comprehenderunt. Fuit homo missus à Deo, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quae illuminat

Quotquot autem receperunt eum, dedit eis potestatem filios Dei fieri, his, qui credunt in nomine ejus: qui non ex sanguinibus, neque ex voluntate carnis, neque ex voluntate viri, sed ex Deo nati sunt. *Hic genuflectitur:* Et Verbum caro factum est, et habitavit in nobis, et vidimus gloriam ejus, gloriam quasi unigeniti à Patre, plenum gratiae et veritatis.

R. Deo gratias.

DOMINICA

RESURRECTIONIS.

Statio ad S. Mariam majorem.

Introitus. Psal. 138.

RESURREXI, et adhuc tecum sum, allelúia : posuisti super me manum tuam, allelúia : mirábilis facta est sciéntia tua, allelúia, allelúia.

Psal. ibid. Dómine probásti me, et cognovísti me : tu cognovísti sessiónem meam, et resurrectionem meam.

℟. Glória Patri.

Oratio.

DEUS, qui hodiérna die per Unigénitum tuum, æternitátis nobis áditum, devicta morte, reserásti : vota nostra, quæ præveniéndò aspiras, étiam adjuvándò proséquere. Per eúndem Dóminum.

Lectio Epístolæ beáti Pauli Apóstoli ad Corínthios.

1 Cor. 5. c.

FRATRES, Expurgáte vetus fermentum, ut sitis nova conspersio, sicut estis ázymi. Etenim Pascha nostrum immolátus est Christus. Itaque epulémur : non in fermento véteri, neque in fermento malitiæ et nequitiæ : sed in ázymis sinceritátis, et veritatis.

Graduale. Ps. 117. Hæc dies, quam fecit Dóminus : exultemus et lætémur in ea.

℟. Confitémini Dómino, quóniam bonus : quóniam in sæculum misericórdia ejus.

Allelúia, allelúia.

℟. Pascha nostrum immolátus est Christus.

Sequentia.

VICTIMÆ Pascháli laudes immolent Christiáni.

Agnus redémit oves : Christus innocens Patri reconciliávit peccatóres.

Mors et vita duéllo conflixére mirándò : dux vitæ mortuus, regnat vivus.

Dic nobis María, quid vidisti in via ?

Sepúlchrum Christi vivéntis : et glóriam vidi resurgéntis.

Angélicos testes, sudárium et vestes.

Surréxit Christus spes mea : præcédet vos in Galilæam.

Scimus Christum surrexisse à mórtuis verè : tu nobis victor Rex miserére, Amen. Allelúia.

Sequentia dicitur usque ad Sabbatum in Albis inclusivè.

Sequentia sancti Evangélii secúndum Marcum.

Marci 16.

IN illo témpore : María Magdaléne, et María Jacóbi, et Salóme emérunt arómata ut veniéntes úngerent Jesum. Et valdè manè una sabbatórum véniunt ad monuméntum, orto jam sole. Et dicébant ad invicem : Quis revólvet nobis lápidem ab óstio monuménti : Et respiciéntes, vidérunt revólutum lápidem. Erat quippe magnus valdé. Et introeúntes in monuméntum, vidérunt juvenem sedéntem in dextris, coo-

pértum stola cándida, et ob-
stupuérunt. Quí dicit illis:
Nolíte expavéscere: Jesum
quæritis Nazarénum, crucifix-
um: surréxit, non est híc, ecce
locus ubi posuérunt eum. Sed
ite, dícite discíplulis ejus, et
Petro, quia præcedet vos in
Galilæam: ibi eum vidébitis,
sicut dixit vobis. Credo.

Offertorium. Ps. 75. Terra
trémuit; et quiévit, dum re-
súrgeret in júdicio Deus, alle-
lúia.

Secreta.

SUSCIPE, quæsumus Dó-
mine, preces pópuli tui
cum oblatiónibus hostiárum:
ut Paschálibus initiáta myste-
riis, ad æternitátis nobis medé-
lam, te operánte, proficiant.
Per Dóminum.

Præfatio. Te quidem Dómi-
ne omni témpore: sed in hac
potíssimùm die.

Infra actionem. Communi-
cántes, et Hanc igitur oblati-
onem. ut suprà.

*Et sic dicitur usque ad Sab-
batum in Albis inclusivè.*

Communio. 1. Cor. 5. Pascha
nostrum immolátus est Chris-
tus, allelúia: itaque epulémur
in ázymis sinceritátis, et veri-
tátis, allelúia, allel. allel.

Postcommunio.

SPIRITUM nobis, Dómine,
tuæ charitátis infúnde: ut
quos Sacraméntis Paschálibus
satiásti, tua fácias pietáte con-
córdes. Per Dóminum nos-
trum... in unitáte ejusdem
Spíritus sancti.

Post. Dóminus vobiscum,
dicitur, Ite missa est, allelúia,
allelúia, R. Deo grátias, alle-
lúia, allelúia.

*Et sic dicitur usque ad Sabba-
tum in Albis inclusivè.*

¶ *Infra Octavam Paschæ non
fit de aliquo Festo Duplici, vel
Semiduplici, sed post Octavam
celebrantur. De Simplicibus au-
tem occurrentibus post hoc tri-
dium, fit tantùm Commemoratio.*

FERIA SECUNDA.

Statio ad Sanctum Petrum.

Introitus. Exodi 13.

INTRODUXIT vos Dómi-
nus in terram fluéntem lac
et mel. allelúia, et ut lex Dó-
mini semper sit in ore vestro.
allelúia, allelúia.

Psalmus 104. Confitémini
Dómini, et invocáte nomen
ejus: annuntiáte inter Gentes
ópera ejus. V. Glória Patri.

Oratio.

DEUS, qui solemnitate Pas-
cháli, mundo remédia con-
tulisti: pópulum tuum, quæsu-
mus, cœlésti dono proséquere;
ut et perféctam libertátem cón-
sequi mereátur, et ad vitam
proficiat sempitérnám. Per Dó-
minum.

Léctio Actuum Apostolorum.

Act. 10. f.

IN diébus illis: Stans Petrus
in médio plebis, dixit: Vi-
ri fratres, vos scitis, quod fac-
tum est verbum per univér-
sam Judæam: incipiens enim à
Galilæa post baptismum, quod
prædicávit Joannes, Jesum à
Názareth: quómodo unxit
eum Deus Spíritu sancto, et
virtúte, qui pertránsiit bene-
ficiéndo, et sanádo omnes
oppressos à diabolo, quóniam
Deus erat cum illo. Et nos tes-
tes sumus ómnium, quæ fecit

in regione Judæorum, et Jerúsalem, quem occiderunt suspendentes in ligno. Hunc Deus suscitavit tertia die, et dedit eum manifestum fieri non omni populo, sed testibus præordinatis à Deo: nobis qui manducavimus et bibimus cum illo, postquam resurrexit à mortuis. Et præcepit nobis predicare populo, et testificari, quia ipse est, qui constitutus est à Deo iudex vivorum et mortuorum. Huic omnes Prophætæ testimoniū perhibent, remissionem peccatorum accipere per nomen ejus omnes, qui credunt in eum.

Graduale. Ps. 117. Hæc dies, quam fecit Dominus: exultemus et lætemur in ea.

V. Dicat nunc Israël, quoniam bonus: quoniam in sæculum misericordia ejus.

Allelúia, allelúia.

V. *Matth. 28.* Angelus Domini descendit de cælo, et accedens revolvit lapidem, et sedebat super eum.

Sequentia. Victimæ Paschali eum Allelúia, in fine, ut supra in Dominica Paschæ. fol. 223.

Sequentia sancti Evangelii secundum Lucam.

Luc. 24.

IN illo tempore: Duo ex discipulis Jesu ibant ipsa die in castellum, quod erat in spatio stadiorum sexaginta ab Jerúsalem, nomine Emmaus. Et ipsi loquebantur ad invicem de his omnibus, quæ acciderant. Et factum est, dum fabularentur, et secum quærerent, et ipse Jesus appropinquans ibat cum illis: oculi

autem illorum tenebantur, ne eum agnoscerent. Et ait ad illos: Qui sunt hi sermões, quos confertis ad invicem ambulantes, et estis tristes? Et respondens unus, cui nomen Cleóphas, dixit ei: Tu solus peregrinus es in Jerúsalem, et non cognovisti quæ facta sunt in illa his diebus? Quibus ille dixit: Quæ? Et dixerunt: De Jesu Nazarëno, qui fuit vir propheta, potens in opere et sermone coram Deo et omni populo. Et quomodo eum tradiderunt summi sacerdotes, et principes nostri in damnationem mortis, et crucifixerunt eum. Nos autem sperabamus, quia ipse esset redempturus Israël: et nunc super hæc omnia, tertia dies est hodie, quod hæc facta sunt. Sed et mulieres quædam ex nostris terruerunt nos, quæ ante lucem fuerunt ad monumentum, et non invento corpore ejus, venerunt, dicentes se etiam visionem Angelorum vidisse, qui dicunt eum vivere. Et abiierunt quidam ex nostris ad monumentum: et ita invenerunt sicut mulieres dixerunt, ipsum verò non invenerunt. Et ipse dixit ad eos: O stulti, et tardi corde ad credendum in omnibus, quæ locuti sunt Prophætæ! Nonne hæc oportuit pati Christum, et ita intrare in gloriam suam: Et incipiens à Mõyse, et omnibus Prophætis, interpretabatur illis in omnibus Scripturis, quæ de ipso erant. Et appropinquaverunt castello, quod ibant: et ipse se finxit longius ire. Et coegerunt illum, dicentes:

Mane nobiscum, quóniam ad-
vesperáscit, et inclináta est
jam dies. Et intrávit cum
illis. Et factum est dum re-
cumberet cum eis, accépit pa-
nem, et benedixit, ac fregit,
et porrigébat illis. Et apérti
sunt óculi eórum, et cognov-
erunt eum: et ipse evánuit
ex óculis eórum. Et dixerunt
ad invicem: Nonne cor nos-
trum ardens erat in nobis, dum
loquerétur in via, et aperí-
ret nobis Scriptúras? Et sur-
géntes eádem hora regréssi
sunt in Jerúsalem, et invené-
runt congregátos undecim, et
eos, qui cum illis erant, di-
centes: Quòd surréxit Dómi-
nus verè, et apparuit Simóni,
Et ipsi narrábant quæ gesta
erant in via, et quómodo cog-
novérunt eum in fractióne pa-
nis. Credo.

Offertorium. Matt. 28. An-
gelus Dómini descendit de
cœlo, et dixit mulieribus:
Quem quæritis, surréxit sicut
dixit, allelúia.

Secreta.

SUSCIPE, quæsumus Dó-
mine, preces pópuli tui
cum oblatiónibus hostiárum: ut
Paschálibus initiáta mystériis,
ad æternitátis nobis medélam
te operánte proficiant. Per
Dóminum.

Communio. Luc. 24. Surréxit
Dóminus, et apparuit Petro,
allelúia.

Postcommunio.

SPIRITUM nobis, Dómine,
tuæ charitátis infúnde: ut
quos sacraméntis Paschálibus
satiásti, tua fácias pietáte con-
córdes. Per Dóminum nos-
trum. In unitáte ejúsdem Spi-
ritus sancti.

FERIA TERTIA.

Statio ad Sanctum Paulum.

Introitus. Eccl. 15.

AQUA sapiéntiæ potávit
eos, allelúia: firmábi-
tur in illis, et non flectétur,
allelúia: et exaltábit eos in
æternum, allelúia, allelúia.

Psal. 104. Confitémini Dó-
mino, et invocáte nomen ejus:
annuntiáte inter Gentes ópera
ejus.

¶ Glória Patri.

Oratio.

DEUS, qui Ecclesiám tuám
novo semper foetu mul-
típlas: concéde famúlis tuis,
ut sacraméntum vivéndo té-
neant, quod fide percéperunt.
Per Dominum nostrum.

Lectio Actuum Apostolorum.

Act. 13. d.

IN diébus illis: Surgens Pau-
lus, et manu siléntium in-
dicens, ait: Viri fratres, filii
géneris Abraham, et qui in
vobis timent Deum, vobis ver-
bum salútis hujus missum est.
Qui enim habitábant Jerúsa-
lem, et, príncipes ejus igno-
rantes Jesum, et voces Pro-
phetárum, quæ per omne sab-
batum léguntur, judicántes
implevérunt: et nullam cau-
sam mortis inveniéntes in eo,
petiérunt à Piláto, ut interfí-
cerent eum. Cúmque consum-
mássent ómnia, quæ de eo
scripta erant, deponéntes eum
de ligno, posuérunt eum in mo-
numénto. Deus verò suscitá-
vit eum à mórtuis tértia die:
qui visus est per dies multos
his, qui simul ascénderant cum
eo de Galilæa in Jerúsalem:
qui usque nunc sunt testes ejus
ad plebem. Et nos vobis an-

nuntiámus eam, quæ ad patres nostros repromissio facta est: quóniam hanc Deus adimplévit filiis nostris, resuscitans Jesum Christum Dóminum nostrum.

Graduale. Ps. 117. Hæc dies, quam fecit Dóminus, exultémus et lætémur in ea.

V. Ps. 106. Dicant nunc qui redempti sunt à Dómino: quos redemit de manu inimici, et de regiónibus congregávit eos. Allelúia, allelúia, *V.* Surrexit Dóminus de sepúlchro, qui pro nobis pepéndit in ligno. *Sequentia. Victimæ Paschæ. ut in Dominica Paschæ. fol. 223.*

Sequentia sancti Evangélii scúndum Lucam.

Luc. 24. e.

IN illo témpore: Stetit Jesus in médio discipulorum suorum, et dicit eis: Pax vobis: ego sum, nolite timere. Conturbáti verò, et contérriti, existimábant se spíritum vidére. Et dixit eis: Quid turbáti estis, et cogitátiones, ascéndunt in corda vestra: Vidéte manus meas, et pedes; quia ego ipse sum: palpáte, et vidéte: quia spíritus carnem et ossa non habet, sicut me vidétis habére. Et cùm hoc dixisset, osténdit eis manus, et pedes. Adhuc autem illis non credéntibus, et mirántibus præ gáudio, dixit: Habétis hic áliquid, quod manducétur? At illi obtulerunt ei partem piscis assi, et favum mellis. Et cùm manducáset coram eis, sumens reliquias, dedit eis. Et dixit ad eos: Hæc sunt verba, quæ locútus sum ad vos, cùm adhuc

essem vobiscum, quóniam necesse est impléri ómnia, quæ scripta sunt in lege Móysi, et Prophétis, et Psalmis de me. Tunc aperuit illis sensum, ut intelligerent Scriptúras. Et dixit eis: Quóniam sic scriptum est, et sic oportébat Christum pati, et resurgere à mortuis tértia die: et prædicári in nómine ejus poeniténtiam, et remissionem peccatórum in omnes Gentes. Credo.

Offertorium. Psalm. 17. Intónuit de cœlo Dóminus, et Altíssimus dedit vocem suam, et apparuerunt fontes aquarum, allelúia.

Secreta.

SUSCIPE Dómine, fidélium preces cum oblatiónibus hostiarum: ut per hæc piæ devotiónis officia, ad cœlestem glóriam transeámus. Per Dóminum.

Communio. Col. 3. Si surrexistis cum Christo, quæ sursum sunt quærite, ubi Christus est in dextera Dei sedens, allelúia: quæ sursum sunt sápite, allelúia.

Postcommunio.

CONCEDE, quæsumus, Omnípotens Deus: ut Paschális percéptio sacraménti continua in nostris méntibus perseveret. Per Dóminum.

FERIA QUARTA.

Statio ad S. Laurentium extra muros.

Introitus. Matt. 25.

VENITE benedicti Patris mei, percípите regnum, allelúia: quod vobis parátum est ab origine mundi, allelúia. allelúia, allelúia.

Psalmus. 95. Cantáte Dómino cánticum novum : can-
táte Dómino omnis terra.

℣. Glória Patri.

Oratio.

DEUS, qui nos Resurrec-
tiónis Dóminicæ ánnua
solemnitate lætíficas : concéde
propítius ; ut per temporália
festa, quæ ágimus, pervenire
ad gáudia ætérna mereámur.
Per eúndem Dóminum nostrum
Jesum Christum Filium
tuum : Qui tecum vivit.

*Ab hac die usque ad Sabbatum
in Albis inclusivè, post Orationem
diei dicitur una ex sequen-
tibus Orationibus tantum, nisi
facienda sit commemoratio ali-
cujus Festi simplicis occurrentis.*

Contra persecutores Ecclesiæ.

Oratio.

ECCLESIAE tuæ, quæsu-
mus Dómine, preces pla-
cátus admítte : ut, destrúctis
ad versitatibus et erróribus uni-
vérsis, secúra tibi sérviat liber-
tate. Per Dóminum.

Vel pro Papa. Oratio.

DEUS ómnium fidélium
pastor et rector, fámulum
tuum N. quem pastórem
Ecclesiæ tuæ præesse voluísti,
propítius respice : da ei, quæ-
sumus, verbo et exémplo, qui-
bus præest, proficere : ut ad
vitam, unà cum grege sibi cré-
dito, perveniat sempitérnam.
Per Dóminum.

Lectio Actuum Apostolorum.

Act. 3. b.

IN diébus illis : Apériens Pe-
trus os suum dixit : Viri Is-
raëlitæ, et qui timétis Deum,
audíte. Deus Abraham, et
Deus Isaac, et Deus Jacob,

Deus patrum nostrórum glo-
rificávit Filium suum Jesum,
quem vos quidem tradidístis,
et negástis ante fáciem Piláti,
judicánte illo dimítti. Vos
autem sanctum et justum ne-
gástis, et petístis virum ho-
micídám donári vobis : auctórem
verò vitæ interfecístis,
quem Deus suscitávit à mór-
tuis, cujus nos testes sumus.
Et nunc, fratres, scio quia per
ignorántiam fecístis, sicut et
príncipes vestri. Deus autem,
quæ prænuntiávit per os om-
nium Prophetárum, pati Chris-
tum suum, sic implévit. Pœ-
nitémini igitur, et convertí-
mini, ut deléantur peccáta ves-
tra.

Graduale. Psal. 117. Hæc
dies, quam fecit Dóminus : ex-
ultémus et lætémur in ea.

℣. Déxtera Dómini fecit
virtútem, déxtera Dómini ex-
altavit me. Allelúia, alle-
luia.

℣. *Luc. 24.* Surréxit Dómi-
nus verè : et apparuit Petro.

*Sequentia Victimæ Pascháli,
ut in Dominica Paschæ. fol. 223.*

Sequentia sancti Evangelii se-
cúndum Joánnem.

Joan. 21.

IN illo tẽpore : Manifestá-
vit se iterum Jesus discipu-
lis ad mare Tiberiadis. Mani-
festávit autem sic. Erant simul
Simon Petrus et Thomas, qui
dicitur Didymus, et Nathána-
el, qui erat à Cana Galilææ, et
filii Zebedæi, et álíi ex disci-
pulis ejus duo. Dicit eis Simon
Petrus : Vado piscári. Dicunt
ei : Venimus et nos tecum.
Et exiérunt, et ascendérunt
in navim : et illa nocte nihil
prendidérunt. Manè autem

facto, stetit Jesus in littore: non tamen cognoverunt discipuli, quia Jesus est. Dixit ergo eis Jesus: Pueri, numquid pulmentarium habetis? Responderunt ei: Non. Dicit eis: Mittite in dexteram navigii rete, et inveniatis. Miserunt ergo: et jam non valabant illud trahere prae multitudi-
 ne piscium. Dixit ergo discipulus ille, quem diligebat Jesus, Petro: Dominus est. Simon Petrus cum audisset, quia Dominus est, tunica succinxit se (erat enim nudus) et misit se in mare. Alii autem discipuli navigio venerunt (non enim longè erant à terra, sed quasi cubitis ducentis) trahentes rete piscium. Ut ergo descenderunt in terram, viderunt prunas positas, et piscem superpositum, et panem. Dicit eis Jesus: Afferte de piscibus, quos prendidistis nunc. Ascendit Simon Petrus, et traxit rete in terram: plenum magnis piscibus centum quinquaginta tribus. Et cum tanti essent, non est scissum rete. Dicit eis Jesus: Venite, prandete. Et nemo audebat discumbentium interrogare eum, Tu quis es? scientes, quia Dominus est. Et venit Jesus, et accipit panem, et dat eis, et piscem similiter. Hoc jam tertio manifestatus est Jesus discipulis suis, cum resurrexisset à mortuis. Credo.

Offertorium Psal. 77. Portas coeli aperuit Dominus: et pluit illis manna, ut ederent: panem coeli dedit eis: panem Angelorum manducavit homo, allelúia.

Secreta.

SA CRIFICIA, Dómine, Paschálibus gaudiis immolamus: quibus Ecclesia tua mirabiliter et pascitur, et nutritur. Per Dóminum.

Contra persecutores Ecclesiae.

Secreta.

PROTEGE nos, Dómine, tuis mysteriis servientes: ut divinis rebus inhærentes, et corpore tibi famulémur, et mente. Per Dóminum.

Vel pro Papa. Secreta.

OBLATIS, quæsumus Dómine, placare munéribus: et famulum tuum N. quem pastorem Ecclesiae tuæ præesse voluisti, assidua protectione guberná. Per Dóminum.

Communio, Rom. 6. Christus resurgens ex mortuis, jam non moritur, allelúia: mors illi ultra non dominabitur, allelúia, allelúia.

Postcommunio.

AB omni nos, quæsumus Dómine vetustate purgatos, sacramenti tui veneranda percéptio in novam transférat creaturam. Qui vivis et regnas.

Contra persecutores Ecclesiae.

Postcommunio.

QUÆSUMUS Dómine Deus noster: ut quos divina tribus participatione gaudere, humanis non sinas subjacere periculis. Per Dóminum.

Vel pro Papa. Postcommunio.

HÆC nos, quæsumus Dómine, divini sacramenti percéptio protégat: et famulum tuum N. quem pastorem Ecclesiae tuæ præesse voluisti, unà cum commisso sibi grege, salvet semper, et muniat. Per Dóminum.

FERIA QUINTA.

Statio ad sanctos duodecim Apostolos.

Introitus. Sap. 10.

VICTRICE manum tuam, Dómine, laudavérunt páriter, allelúia: quia sapiéntia apéruit os mutum, et linguas infántium fecit disértas, allelúia, allelúia.

Psalm. 97. Cantáte Dómino cánticum novum: quia mirabilia fecit. *V.* Glória Patri.

Oratio.

DEUS, qui diversitatem Géntium in confessióne tui nóminis adunásti: da, ut renátis fonte baptismatis, una sit fides méntium, et pietas actiónum. Per Dóminum.

Secunda Oratio, Ecclesiæ. vel Deus ómnium. ut in Feria præced. fol. 228.

Lectio Actuum Apostolorum.

Act. 8. e.

IN diébus illis: Angelus Dómini locútus est ad Philippum, dicens: Surge, et vade contra meridiánum ad viam, quæ descéndit ab Jerúsalem in Gazam: hæc est désérta. Et surgens abiit. Et ecce vir Æthiops Eunúchus, potens Candácis reginæ Æthiopum, qui erat super omnes gazas ejus, vénerat adoráre in Jerúsalem, et revertebátur sedens super currum suum, legénsque Isaíam Prophétam. Dixit autem Spíritus Philippo: Accéde, et adjúnge te ad currum istum. Accúrrens autem Philippus, audivit eum legéntem Isaíam Prophétam, et dixit: Putásne intélligis

quæ legis? Qui ait: Et quómodo possum, si non áliquis osténderit mihi? Rogavitque Philippum, ut ascénderet, et sedéret secum. Locus autem Scriptúræ, quam legébat, erat hic: Tamquam ovis ad occisiónem ductus est: et sicut agnus coram tondénte se, sine voce, sic non apéruit os suum. In humilitáte iudícium ejus sublátum est. Generatióem ejus quis enarrábit, quóniam tollétur de terra vita ejus? Respondens autem Eunúchus Philippo, dixit: Obsecro te, de quo Prophéta dicit hoc: de se, an de álio áliquo? Apériens autem Philippus os suum, et incípiens à Scriptúra ista, evangelizávit illi Jesum. Et dum irent per viam, vénerunt ad quamdam aquam, et ait Eunúchus: Ecce aqua, quid próhibet me baptizári? Dixit autem Philippus: Si credis ex toto corde, licet. Et respóndens, ait: Credo, Fílium Dei esse Jesum Christum. Et jussit stare currum: et descendérunt utérque in aquam, Philippus et Eunúchus, et baptizávit eum. Cúm autem ascendissent de aqua, Spíritus Dómini rápuit Philippum, et ámpliùs non vidit eum Eunúchus, Ibat autem per viam suam gaudens. Philippus autem invéntus est in Azóto. Et pertránsiens evangelizábat civitatibus cunctis (donec veníret Cæsarám) nomen Dómini Jesu Christi.

Graduale. Psalm. 117. Hæc dies, quam fecit Dóminus: exultémus et lætémur in ea.

V. Lápide[m], quem reproba-vérunt ædificántes, hic factus est in caput ánguli: à Dómino

factum est istud, et est mirabile in óculis nostris. Alleluia, alleluia. V. Surrexit Christus qui creávit ómnia : et misértus est humano géneri.

Sequentia. Victimæ Paschali. ut in Dominica Paschæ. 223.

Sequentia sancti Evangélii secundum Joánnem.

Joan. 20. b.

IN illo témpore : Maria stabat ad monuméntum foris plorans. Dum ergo fleret, inclinávit se, et prospéxit in monuméntum : et vidit duos Angelos in albis sedéntes, unum ad caput, et unum ad pedes, ubi pósito fúerat corpus Jesu. Dicunt ei illi : Múlier, quid ploras ? Dicit eis : Quia tulérunt Dóminum meum, et nescio ubi posúerunt eum. Hæc cum dixisset, convérsa est retrórsùm, et vidit Jesum stantem, et non sciébat quia Jesus est. Dicit ei Jesus : Múlier, quid ploras, quem quæris ? Illa exístimans, quia hortulánus esset, dicit ei : Dómine, si tu sustulisti eum, dicito mihi ubi posuisti eum, et ego eum tollam. Dicit ei Jesus : María. Convérsa illa, dicit ei : Rabbóni (quod dicitur Magister.) Dicit ei Jesus : Noli me tángere ; nondum enim ascéndo ad Patrem meum : vade autem ad fratres meos, et dic eis : Ascéndo ad Patrem meum, et Patrem vestrum ; Deum meum, et Deum vestrum. Venit María Magdaléne annúntians discipulis : Quia vidi Dóminum, et hæc dixit mihi. Credo.

Offertorium. Exod. 13. In die solemnitétis vestræ, dicit Dóminus, indúcam vos in terram fluéntem lac et mel, alleluia.

Secreta.

SUSCIPE, quæsumus Dómine, múnera populórum tuórum propítius : ut confessióne tui nóminis, et baptismate renováti, sempitérnam beatitúdinem consequántur. Per Dóminum.

Altera Secreta, vel Prótege nos. vel Oblátis ut in Feria præced. fol. 229.

Communio. 1 Petr. 2. Pópulus acquisitionis annuntiáte virtútes ejus, alleluia : qui vos de ténébris vocávit in admirábile lumen suum, alleluia.

Postcommunio.

EXAUDI Dómine preces nostras : ut redemptiónis nostræ sacrosáncta commércia, et vitæ nobis cónferant præsentis auxiliúm, et gáudia sempitérna concílient. Per Dóminum.

Altera Postcommunio, ad Quæsumus Dómine. vel Hæc nos. 229.

FERIA SEXTA.

Statio ad S. Mariam ad Martyres.

Introitus. Psal. 77.

EDUXIT eos Dóminus in spe, alleluia : et inimicos eórum opéruit mare, alleluia, alleluia, alleluia.

Psal. ibid. Atténdite popule meus legem meam ; inclináte aurem vestram in verba oris mei.

V. Glória Patri.

Oratio.

OMNIPOTENS sempitérne Deus, qui Paschále sacraméntum in reconciliatiónis humanæ foedére contulisti : dámentibus nostris, ut quod pro-

fessione celebrámus, imitémur effectú. Per Dóminum nostrum.

Secunda Oratio, vel Ecclesiæ tuæ. vel Deus ómnium. f. 228.

Lectio Epístolæ beáti Petri Apóstoli.

1 Pet. 3. d.

CHARISSIMI, Christus semel pro peccátiis nostris mórtuus est, justus pro injústis, ut nos offérret Déo, mortificátus quidem carne, vivificátus autem spíritu. In quo et his, qui in cárcere erant, spíritibus, véniens prædicávit: qui increduli fúerant aliquándo, quando expectábant Dei patiéntiam in diébus Noë, cùm fabricarétur arca, in qua pauci, id est, octo animæ salvæ factæ sunt per aquam. Quod et vos nunc símilis formæ salvos facit baptisma: non carnis depositio sórdium, sed consciéntiæ bonæ interrogatio in Deum per resurrectionem Jesu Christi Dómini nostri, qui est in dextera Dei.

Graduale, Psal. 117. Hæc dies, quam fecit Dóminus: exultémus et lætémur in ea.

V. Benedictus qui venit in nómine Dómini: Deus Dómini, et illúxit nobis.

Allelúia, allelúia.

V. Ps. 95. Dícite in Géntibus: quia Dóminus regnavit à ligno.

Sequentia. Victimæ Paschali ut in *Dominica Paschæ.* fol. 223.

Sequentia sancti Evangélii secúndum Matthæum.

Matth. 28. d.

IN illo témpore: Undecim discipuli abiérunt in Galilæam in montem, ubi con-

stitúerat illis Jesus. Et vidéntes eum adoravérunt: quidam autem dubitavérunt. Et accédens Jesus locútus est eis, dicens: Data est mihi omnis potéstas in cœlo et in terra. Euntes ergo, docéte omnes Gentes, baptizántes eos in nómine Patris, et Filii, et Spíritus sancti: docéntes eos serváre ómnia quæcúmque mandávi vobis: et ecce ego vobiscum sum ómnibus diébus, usque ad consummationem sæculi. Credo.

Offertorium. Exod. 12. Erit nobis hæc dies memoriális, allelúia: et diem festum celebrábitis solémnem Dómino in progénies vestras; legítimum sempitérnum diem, allelúia, allelúia, allelúia.

Secreta.

HOSTIAS, quæsumus Dómine, placátus assúme: quas et pro renatórum expiátione peccáti deférimus, et pro acceleratióne cœlestis auxilií. Per Dóminum.

Altera Secreta, Prótege nos. vel Oblátis, quæsumus. fol. 229.

Communio. Matth. 28. Data est mihi omnis potéstas in cœlo et in terra, allelúia: euntes docéte omnes Gentes, baptizántes eos in nómine Patris, et Filii, et Spíritus sancti, allelúia, allelúia.

Postcommunio.

RESPICE, quæsumus Dómine, pópulum tuum: et quem ætérnis dignátus es renováre mystériis, á temporálibus culpis dignánter absólve. Per Dóminum.

Altera Postcomm. vel Quæsumus Dómine. vel Hæc nos. ut in Feria iv. præced. fol. 229.

SABBATO IN ALBIS.

Statio ad S. Joannem in Laterano.

Introitus. Psal. 104.

EDUXIT Dóminus pópulum suum in exultatióne, allelúia : et eléctos suos in lætítia, allelúia, allelúia.

Psal. ibid. Confitémini Dómino, et invocáte nomen ejus : annuntiáte inter Gentes ópera ejus.

Ÿ. Glória Patri.

Oratio.

CONCEDE quæsumus omnipotens Deus : ut qui festa Paschália venerádo égimus ; per hæc contingere ad gáudia ætérna mereámur. Per Dóminum.

Secunda Oratio, vel Ecclésiæ. vel Deus ómnium fidélium. ut in Feria iv. præcedenti. fol. 228.

Léctio Epístolæ beáti Petri Apóstoli.

1. Pet. 2.

CHARISSIMI : Depónentes omnem malítiam, et omnem dolum, et simulatióne, et invidias, et omnes detractiões, sicut modo géniti infántes, rationábiles, sine dolo lac concupiscite, ut in eo crescátis in salútem : si tamen gustástis, quóniam dulcis est Dóminus. Ad quem accedentes lápidem vivum, ab homínibus quidem reprobátum, à Deo autem eléctum et honorificátum : et ipsi tamquam lápides vivi superædicámini, domus spirituális, sacerdotium sanctum, offerre spirituáles hóstias, acceptábiles Deo per Jesum Christum. Propter quod cóntinet Scriptúra : Ecce pono in Sion lápidem summum an-

gulárem, eléctum, pretiósus : et qui crediderit in eum, non confundétur. Vobis igitur honor credéntibus : non credéntibus autem, lapis quem reprobavérunt ædificántes, hic factus est in caput ánguli : et lapis offensiónis, et petra scándali his, qui offéndunt verbo, nec credunt in quo et pósito sunt. Vos autem genus eléctum, regále sacerdotium, gens sancta, pópulus acquisitiónis : ut virtútes annuntiétis ejus, qui de ténebris vos vocávit in admirábile lumen suum. Qui aliquándo non pópulus, nunc autem pópulus Dei : qui non consecúti misericórdiam, nunc autem misericórdiam consecúti.

¶ *Ab hac die usque ad Oct. Pentec. tam in Offic. de Temp. quam de Sanctis, non dicitur Graduale : sed ejus loco dicuntur duo Versus cum quatuor Allelúia, ordine infra scripto : præterquam in Missis Rogationum, et Vigilæ Pentec. in quibus dicitur unum Allelúia, cum uno versu : similiter et post quamlibet Lectionem in Sabbato Quat. Temp. post Pentec. Alio tempore usque ad Septuag. quando dicitur Graduale, dicuntur tria Allelúia, post Graduale, bis ante Versum, et semel post Versum : cum autem dicitur Sequentia, Allelúia, quod dicendum esset post Versum, dicitur post Sequentiam.*

Allelúia, allelúia.

Ÿ. *Psal. 117.* Hæc dies quam fecit Dóminus : exultémus et lætémur in ea. Allelúia.

Ÿ. *Psal. 112.* Laudáte púeri Dóminum : laudáte nomen Dómini.

Sequentia. Victimæ Pascháli. fol. 223.

Sequëntia sancti Evangélii secúndum Joánnem.

Joan. 20.

IN illo témpore: Una sá-bati María Magdaléne venit manè, cùm adhuc ténebræ essent, ad monuméntum: et vidit lápidem sublátum à monuménto. Cucúrrit ergo, et venit ad Simónem Petrum, et ad álium discipulum, quem amábat Jesus, et dicit illis: Tulérunt Dóminum de monuménto, et nescímus ubi posuérunt eum. Exiit ergo Petrus, et ille álius discipulus, et venérunt ad monuméntum. Currébant autem duo simul, et ille álius discipulus præcucúrrit citùs Petro, et venit primus ad monuméntum. Et cùm se inclinásset, vidit pósita linteámina, non tamen introívit. Venit ergo Simon Petrus sequens eum, et introívit in monuméntum, et vidit linteámina pósita, et sudárium, quod fuerat super caput ejus, non cum linteaminibus pósitum, sed separátim involútum in unum locum. Tunc ergo introívit et ille discipulus, qui vénerat primus ad monuméntum: et vidit, et crédidit: nondum enim sciébant Scriptúram, quia oportébat eum à mórtuis resúrgere. Credo.

Offertorium Psal. 117. Benedictus, qui venit in nómine Dómini: benedíximus vobis de domo Dómini: Deus Dóminus, et illúxit nobis, allelúia, allelúia.

Secreta.

CONCEDE quæsumus Dómine, semper nos per hæc mystéria Paschália gratulári: ut continúa nostræ reparatiónis operatió, perpétuæ nobis

fiat causa lætitiæ. Per Dóminum.

Alia Secreta, vel Prótege. vel Oblátis, quæsumus. fol. 229.

Communio. Gal. 5. Omnes qui in Christo baptizáti estis, Christum induístis, allelúia.

Postcommunio.

REDEMPCTIONIS nostræ múnere vegetáti, quæsumus Dómine: ut hoc perpétuæ salutis auxilió, fides semper vera proficiat. Per Dóminum.

Altera Postcomm. vel Quæsumus. vel Hæc nos, quæsumus. fol. 229.

DOMINICA IN ALBIS IN OCTAVA PASCHÆ.

Statio ad S. Pancratium.

Introitus. 1. Pet. 2.

QUASI modò géniti infántes, allelúia: rationábiles, sine dolo lac concupís-cite, allel. allel.

Psal. 80. Exultáte Deo adjutóri nostro: jubiláte Deo Jacob. *V. Glória.*

Oratio.

PRÆSTA quæsumus omnipotens Deus: ut qui Paschália festa perégimus, hæc, te largiënte, móribus et vita teneámus. Per Dóminum.

Léctio Epístolæ beáti Joánnis Apóstoli.

1. Joan. 5.

CHARISSIMI: Omne, quod natum est ex Deo, vincit mundum, et hæc est victória, quæ vincit mundum, fides nostra. Quis est qui vincit mundum, nisi qui credit, quóniam Jesus est Filius Dei? hic est qui venit per aquam, et sanguinè, Jesu Christus: non in aqua solùm, sed in aqua et sanguine. Et spíritus est, qui tes-

tificátur quóniam Christus est véritas. Quóniam tres sunt, qui testimónium dant in cœlo: Pater, Verbum, et Spíritus sanctus: et hi tres unum sunt. Et tres sunt, qui testimónium dant in terra: Spíritus, et aqua, et sanguis: et hi tres unum sunt. Si testimónium hóminum accípiamus, testimónium Dei majus est: quóniam hoc est testimónium Dei, quod majus est: quóniam testificátus est de Filio suo. Qui credit in Filium Dei, habet testimónium Dei in se.

Allelúia, allel. *ŷ. Matt. 28.* In die resurrectionis meæ, dicit Dóminus, præcedam vos in Galilæam. Allelúia.

ŷ. Joan. 20. Post dies octo, jánuis clausis, stetit Jesus in médio discipulórum suórum, et dixit: Pax vobis, Allelúia. Sequéntia sancti Evangélii secúndum Joánnem.

Joan. 20. c.

IN illo témpore: Cùm serò esset die illo, una sabbatorum, et fores essent clausæ, ubi erant discipuli congregati propter metum Judæorum: vénit Jesus, et stetit in médio, et dixit eis: Pax vobis. Et cùm hoc dixisset, osténdit eis manus, et latus. Gavísi sunt ergo discipuli, viso Dómino. Dixit ergo eis iterum: Pax vobis. Sicut misit me Pater, et ego mitto vos. Hæc cùm dixisset, insufflavit, et dixit eis: Accípite Spíritum sanctum: quorum remiséritis peccáta, remittúntur eis: et quorum retinúeritis, rétenta sunt. Thomas autem unus ex duódecim, qui dicitur Dídymus, non erat cum eis, quando venit Jesus. Dixérunt ergo ei alii discipuli: Vídimus Dóminum.

Ille autem dixit eis: Nisi vídero in mánibus ejus fixúram clavórum, et mittam dígitum meum in locum clavórum, et mittam manum meam in latus ejus, non credam. Et post díes octo, iterum erant discipuli ejus intus, et Thomas cum eis. Venit Jesus jánuis clausis, et stetit in medio, et dixit: Pax vobis. Deínde dicit Thomæ: Infer dígitum tuum huc, et vide manus meas, et affer manum tuam, et mitte in latus meum: et noli esse incrédulus, sed fidélis. Respóndit Thomas, et dixit ei: Dóminus meus, et Deus meus. Dixit ei Jesus: Quia vidisti me Thoma, credidísti: beáti, qui non vidé-runt, et credidérunt. Multa quidem et ália signa fecit Jesus in conspéctu discipulórum suórum, quæ non sunt scripta in libro hoc. Hæc autem scripta sunt, ut credátis, quia Jesus est Christus Filius Dei: et ut credétes, vitam habeátis in nómine ejus. Credo.

Offertorium. Matth. 22. Angelus Dómini descendit de cœlo, et dixit muliéribus: Quem quæritis? surrêxit sicut dixit, allelúia.

Secreta.

SUSCIPE múnera, Dómine quæsumus, exultántis Ecclésiæ: et cui causam tanti gáudii præstitísti, perpétuæ fructum concéde lætitiæ. Per Dóminum.

Communio. Jo. 20. Mitte manum tuam, et cognósce loca clavórum, allelúia: et noli esse incrédulus, sed fidélis, allelúia, allelúia.

Postcommunio.

QUÆSUMUS Dómine Deus noster: ut sacrosancta

mystéria, quæ pro reparatiõnis nostræ munimine contulisti, et præsens nobis remédiũ esse faciãs, et futũrum. Per Dõminũ.

¶ *A Feria ii. post Octavam Paschæ usque ad Ascensionem post Orationem diei dicuntur Orationes sequentes, nisi sit Festum Duplex.*

De beata Maria. Oratio.

CONCEDE nos famulos tuos, quæsumus Dõmine Deus, perpétua mentis et corpõs sanitãte gaudere: et gloriõsa beatæ Mariæ semper virginis intercessiõne, à præsentĩ liberãri tristitia, et æterna perfrui lætitiã.

Contra persecutores Ecclesiæ.

Oratio.

ECCLESIAE tuæ, quæsumus Dõmine, preces placãtus admittẽ: ut destructis adversitatibus et erroribus universis, securã tibi seruiat libertãte. Per Dõminũ.

Vel pro Papa. Oratio.

DEUS, omnium fideliũ pastor et rector, famulum tuum N. quem pastõrem Ecclesiæ tuæ præesse voluisti, propitiũ respice: da ei, quæsumus, verbo et exemplo, quibus præest, proficere; ut ad vitam, unã cum grege sibi cõdito, perveniat sempiternã. Per Dõminũ.

De Beata Maria. Secreta.

TUA, Dõmine, propitiatiõne, et beatæ Mariæ semper virginis intercessiõne, ad perpétuã atque præsentẽ hæc oblãtio nobis proficiat prosperitatẽ et pacẽ.

Contra persecutores Ecclesiæ.

Secreta.

PROTEGE nos, Dõmine, tuis mysteriis serviẽtes:

ut divinis rebus inhærentes, et corpore tibi famulẽmur, et mente. Per Dõminũ.

Vel pro Papa. Secreta.

OBLATIS, quæsumus Dõmine, placare munõribus: famulum tuum N. quem pastõrem Ecclesiæ tuæ præesse voluisti, assidua protectiõne gubernã. Per Dõminũ.

De beata Maria. Postcomm.

SUMPTIS, Dõmine, salutis nostræ subsidiis: da, quæsumus, beatæ Mariæ semper virginis patrociniis nos ubique protegi; in cuius veneratiõne, hæc tuæ obtulimus majestãti.

Contra Persecutores Ecclesiæ.

Postcommunio.

QUÆSUMUS, Dõmine Deus noster: ut, quos divina tribuis participatiõne gaudere, humanis non sinas subjacere periculis. Per Dõminũ nostrum.

Vel pro Papa. Postcommunio.

HÆC nos, quæsumus Dõmine, divini sacramenti percẽptio protegat: et famulum tuum N. quem pastõrem Ecclesiæ tuæ præesse voluisti, unã cum commisso sibi grege, salvet semper et muniãt. Per Dõminũ.

DOMINICA SECUNDA POST PASCHA.

Introitus. Psalm. 32.

MISERICORDIA Dõmini plena est terra, allelũia: verbo Dõmini cœli firmãti sunt, allelũia, allelũia.

Psalm. ibid. Exultãte justi in Dõmino: rectos decet claudãtio. V. Glõria Patri.

Oratio.

DEUS, qui in Filii tui humilitate, jacentem mundum erexisti: fidelibus tuis perpetuam concede lætitiã; ut quos perpetuæ mortis eripuisti casibus, gaudiis facias perfrui sempiternis. Per eundem Dominum.

Aliæ Orationes, Concede nos. et Ecclesiæ tuæ. vel Deus omnium. ut suprâ post Oct. Paschæ. fol. 236.

Lectio Epistolæ beati Petri Apostoli.

1 Pet. 10. d.

CHARISSIMI: Christus passus est pro nobis, vobis relinquens exemplum, ut sequamini vestigia ejus. Qui peccatum non fecit, nec inventus est dolus in ore ejus: qui cum malediceretur, non maledicebat: cum pateretur, non comminabatur: tradebat autem judicanti se injuste: qui peccata nostra ipse pertulit in corpore suo super lignum: ut peccatis mortui, justitiæ vivamus: cujus livore sanati estis. Eratis enim sicut oves errantes, sed conversi estis nunc ad pastorem et episcopum animarum vestrarum.

Alleluia, alleluia.

V. Luc. 24. Cognoverunt discipuli Dominum Jesum in fractione panis. Alleluia.

V. Joan. 10. Ego sum pastor bonus, et cognosco oves meas, et cognoscunt me meæ. Alleluia.

Sequentia sancti Evangelii secundum Joannem.

Joan. 10. b.

IN illo tempore: Dixit Jesus Pharisæis: Ego sum pastor bonus. Bonus pastor

animam suam dat pro ovibus suis. Mercenarius autem, et qui non est pastor, cujus non sunt oves propriæ, videt lupum venientem, et dimittit oves, et fugit, et lupus rapit, et dispergit oves: mercenarius autem fugit, quia mercenarius est, et non pertinet ad eum de ovibus. Ego sum pastor bonus, et cognosco meas, et cognoscunt me meæ. Sicut novit me Pater: et ego agnosco Patrem: et animam meam pono pro ovibus meis. Et alias oves habeo, quæ non sunt ex hoc ovili: et illas oportet me adducere, et vocem meam audient, et fiet unum ovile, et unus pastor. Credo.

Offertorium. Psal. 62. Deus Deus meus, ad te de luce vigilo: et in nomine tuo levabo manus meas, alleluia.

Secreta.

BENEDICTIONEM nobis, Domine, conferat salutarem sacra semper oblatio: ut, quod agit mysterio, virtute perficiat. Per Dominum.

Aliæ Secreta, Tua Domine. et Protege nos, vel Oblatis. ut suprâ post Octavam Paschæ. fol. 236.

Communio. Joan. 10. Ego sum pastor bonus, alleluia: et cognosco oves meas, et cognoscunt me meæ, alleluia, alleluia.

Postcommunio.

PRÆSTA nobis, quæsumus omnipotens Deus: ut vivificationis tuæ gratiam consequentes, in tuo semper munere gloriemur. Per Dominum nostrum.

Aliæ Postcommun. Sumptis Domine. et Quæsumus Domine. vel Hæc nos. fol. 236.

DOMINICA III. POST
PASCHA.*Introitus. Psalm. 65.*

JUBILATE Deo omnis terra, allelúia: psalmum dicite nómini ejus, allelúia: date glóriam laudi ejus, allelúia, allelúia, allelúia.

Psal. ibid. Dicite Deo, quàm terribília sunt ópera tua Dómine! in multitudíne virtútis tuæ mentiéntur tibi inimíci tui.

✠. Glória Patri.

Oratio.

DEUS, qui errántibus, ut in viam possint redire justitiæ, veritátis tuæ lumen osténdis: da cunctis, qui Christiána professione censéntur, et illa respúere, quæ huic inimíca sunt nómini; et ea, quæ sunt apta, sectári. Per Dóminum.

Aliæ Orationes, Concède nos et Ecclésiæ. vel Deus ómnium. fol. 236.

Lectio Epistolæ beáti Petri Apósteli.

1 Petr. 2. b.

CHARISSIMI: Obsecro vos tamquam ádvenas et peregrinos abstinére vos à carnálibus desidériis, quæ militant advérsus ánimam, conversatióem vestram inter Gentes habéntes bonam: ut in eo, quod detréctant de vobis, tamquam de malefactoribus, ex bonis opéribus vos considerántes, glorificent Deum in die visitatiónis. Subjécti igitur estóte omni humanæ creaturæ propter Deum, sive regi quasi præcellénti, sive ducibus tamquam ab eo missis ad vindictam malefactorum, laudem verò bonórum: quia sic est vo-

lúntas Dei, ut benefaciéntes obmutescere faciátis imprudentium hóminum ignorántiam: quasi liberi, et non quasi velámen habéntes malitiæ libertátem, sed sicut servi Dei. Omnes honoráte: fraternitátem dilígite: Deum timéte: regem honorificáte. Servi súbditi estóte in omni timóre dóminis, non tantum bonis, et modéstis, sed etiam dyscolis. Hæc est enim grátia: in Christo Jesu Dómino nostro.

Allelúia, allelúia.

✠. *Psal. 110.* Redemptiónem misit Dóminus pópulo suo. Allelúia.

✠. *Luc. 24.* Oportébat pati Christum, et resurgere à mórtuis: et ita intráre in glóriam suam. Alleluia.

Sequéntia sancti Evangélii secúndum Joánnem.

Joan. 16. b.

IN illo tẽpore: Dixit Jesus discipulis suis: Módicum, et jam non vidébitis me: et iterum: Módicum, et vidébitis me: quia vado ad Patrem. Dixérunt ergo ex discipulis ejus ad ínvicem: Quid est hoc, quod dicit nobis: Módicum, et non vidébitis me: et iterum módicum, et vidébitis me, et quia vado ad Patrem? Dicébant ergo: Quid est hoc, quod dicit Módicum? nescimus quid loquitur. Cognóvit autem Jesus, quia volébat eum interrogáre, et dixit eis: De hoc quæritis inter vos, quia dixi: Módicum, et non vidébitis me: et iterum módicum, et vidébitis me? Amen, amen dico vobis: quia plorábitis, et flébitis vos, mundus autem gaudébit, vos verò contristabimini, sed tristitia

vestra vertetur in gaudium. Mulier cum parit, tristitiam habet, quia venit hora ejus: cum autem pepererit puerum, jam non meminit pressuræ propter gaudium, quia natus est homo in mundum. Et vos igitur nunc quidem tristitiam habetis: iterum autem videbo vos, et gaudabit cor vestrum, et gaudium vestrum nemo tollet à vobis.

Offertorium. Psal. 145. Laudanda anima mea Dominum: laudabo Dominum in vita mea: psallam Deo meo, quamdiu ero, alleluia.

Secreta.

HIS nobis, Domine, mysteriis conferatur, quo terrena desideria mitigantes, discamus amare cœlestia. Per Dominum.

Alia Secreta, Tua Domine. Protege, vel Oblatis. fol. 236.

Communio. Jo. 16. Mōdicum, et non videbitis me, alleluia: iterum mōdicum, et videbitis me, quia vado ad Patrem, alleluia, alleluia.

Postcommunio.

SACRAMENTA, quæ sumpsimus, quæsumus Domine, et spiritualibus nos instaurant alimentis, et corporalibus tueantur auxiliis. Per Dominum.

Alia Postcomm. Sumptis Domine. et Quæsumus Domine. vel Hæc nos, quæsumus, fol. 236.

DOMINICA QUARTA
POST PASCHA.

Intrōitus. Psal. 67.

CANTATE Domino canticum novum, alleluia: quia mirabilia fecit Dominus, alle-

luia: ante conspectum Gentium revelavit justitiam suam; alleluia, alleluia, alleluia.

Psal. ibid. Salvabit sibi dextera ejus, et brachium sanctum ejus.

℟. Gloria Patri.

Oratio.

DEUS, qui fidelium mentes: unius efficacis voluntatis: da populis tuis id amare quod præcipis, id desiderare quod promittis; ut inter mundanas varietates ibi nostra fixa sint corda, ubi vera sunt gaudia. Per Dominum.

Alia Orationes. Concede nos. et Ecclesiæ tuæ. vel Deus omnium fidelium. ut suprâ. fol. 236.

Lectio Epistolæ beati Jacobi Apostoli.

Jac. 1. c.

CHARISSIMI: Omne datum optimum, et omne donum perfectum desursum est, descendens à Patre luminum, apud quem non est transmutatio, nec vicissitudinis obumbratio. Voluntariè enim genuit nos verbo veritatis, ut simus initium aliquod creaturæ ejus. Scitis fratres mei dilectissimi. Sit autem omnis homo velox ad audiendum, tardus autem ad loquendum, et tardus ad iram. Ira enim viri justitiam Dei non operatur. Propter quod abjicientes omnem immunditiam, et abundantiam malitiæ, in mansuetudine suscipite insitum verbum, quod potest salvare animas vestras.

Alleluia, alleluia.

℟. *Psal. 117.* Dextera Domini fecit virtutem: dextera Domini exaltavit me. Alleluia.

℟. *Rom. 6.* Christus resurgens ex mortuis, jam non mō-

riatur: mors illi ultra non dominabitur. Alleluia.

Sequentia sancti Evangelii secundum Joannem.

Joan. 16. c.

IN illo tempore: Dixit Jesus discipulis suis: Vado ad eum, qui misit me: et nemo ex vobis interrogat me, Quò vadis? Sed quia hæc locutus sum vobis, tristitia implévit cor vestrum. Sed ego veritatem dico vobis: expedit vobis, ut ego vadam: si enim non abiero, Paráclitus non veniet ad vos: si autem abiero, mittam eum ad vos. Et cum vénerit ille, arguet mundum de peccato, et de justitia, et de iudicio. De peccato quidem, quia non crediderunt in me: de justitia verò, quia ad Patrem vado, et jam non vidébitis me: de iudicio autem, quia princeps hujus mundi jam iudicatus est. Adhuc multa habeo vobis dicere: sed non potéstis portare modò. Cum autem vénerit ille Spiritus veritatis, docébit vos omnem veritatem. Non enim loquétur à semetipso: sed quæcúmque áudiet, loquétur, et quæ ventúra sunt, annuntiábit vobis. Ille me clarificábit: quia de meo accipiet, et annuntiábit vobis. Credo.

Offertorium. Psal. 65. Jubiláte Deo univérsa terra, psalmum dicite nómini ejus: venite, et audíte, et narrábo vobis omnes, qui timétis Deum, quanta fecit Dóminus animæ meæ, alleluia.

Secreta.

DEUS, qui nos per hujus sacrificii veneranda comércia, unius summæ divini-

tatis participes effecísti: præsta, quæsumus, ut sicut tuam cognóscimus veritatem, sic eam dignis moribus assequámur. Per Dóminum.

Alia Secreta, Tua Dómine. et Prótege nos. vel Oblátis. fol. 236.

Communio. Jo. 16. Cum vénerit Paráclitus Spíritus veritatis, ille arguet mundum de peccato, et de justitia, et de iudicio, alleluia, alleluia.

Postcommunio.

ADESTO nobis Dómine Deus noster: ut per hæc, quæ fidéliter sumpsimus, et purgémur à vitiis et à periculis ómnibus eruámur. Per Dóminum.

Alia Postcomm. Sumptis Dómine. et Quæsumus, Dómine. vel Hæc nos quæsumus. fol. 236.

DOMINICA QUINTA POST PASCHA.

Introitus. Isa. 48.

VOCEM jucunditatis annuntiáte, et audiatur, alleluia, annuntiáte usque ad extrémum terræ: liberávit Dóminus pópulum suum, alleluia, alleluia.

Psal. 65. Jubiláte Deo omnis terra: psalmum dicite nómini ejus, date glóriam laudi ejus. *X.* Glória Patri.

Oratio.

DEUS, à quo bona cuncta procédunt, largire supplicibus tuis: ut cogitemus, te inspirante, quæ recta sunt, et te gubernante, eadem faciámus. Per Dóminum.

Alia Orationes, Concède nos. et Ecclesiæ tuæ. vel Deus ómnium fidélium. fol. 236.

Lectio Epistolæ beati Jacobi
Apóstoli.

Jac. 1. d.

CHARISSIMI: Estóte factóres verbi, et non auditóres tantum, fallétes vosmetipsos. Quia si quis auditor est verbi, et non factor: hic comparábitur viro consideránti vultum nativitatís suæ in spéculo: considerávit enim se, et ábiit, et statim oblítus est qualis fúerit. Qui autem perspéxerit in legem perféctam libertátis, et permánerit in ea, non auditor obliuósus factus, sed factor óperis: hic beátus in facto suo erit. Si quis autem putat se religiósus esse, non refrænans linguam suam, sed sedúcens cor suum, hujus vana est religio. Religio munda et immaculáta apud Deum et Patrem, hæc est: Visitáre pupillos et víduas in tribulatióne eórum, et immaculátum se custodire ab hoc sæculo.

Allelúia, allelúia.

¶ Surréxit Christus, et illúxit nobis, quos redémit sanguine suo. Allelúia.

¶ *Joan. 16.* Exívi à Patre, et veni in mundum: iterum relinquo mundum, et vado ad Patrem. Allelúia.

Sequéntia sancti Evangélli secundum Joánnem.

Joan. 16. c.

IN illo témpore: Dixit Jesus discipulis suis: Amen, amen dico vobis: si quid petéritis Patrem in nómine meo, dabit vobis. Usque modò non petistis quidquam in nómine meo: Pétite, et accipiétis, ut gáudium vestrum sit plenum. Hæc in provérbis locútus sum

vobis. Venit hora, cum jam non in provérbis loquar vobis, sed palàm de Patre annuntiábo vobis. In illo die in nómine meo petétis: et non dico vobis, quia ego rogábo Patrem de vobis: ipse enim Pater amat vos, quia vos me amástis, et credidistis, quia ego à Deo exívi. Exívi à Patre, et veni in mundum: iterum relinquo mundum, et vado ad Patrem. Dicunt ei discipuli ejus: Ecce nunc palàm loqueris, et provérbium nullum dicis. Nunc scimus, quia scis ómnia, et non opus est tibi, ut quis te intéroget: in hoc crédimus, quia à Deo existi. Credo.

Offertorium. Ps. 65. Benedicite Gentes Dóminum Deum nostrum, et obaudíte vocem laudis ejus: qui pósuit ánimam meam ad vitam, et non dedit commoveri pedes meos: benedictus Dóminus, qui non amóvit deprecationem meam, et misericórdiam suam à me, allelúia.

Secreta.

SUSCIPE Dómine fidélium precés cum oblatiónibus hostiárum: ut per hæc piæ devotiónis officia, ad cœlestem glóriam transeámus. Per Dóminum.

Alia Secr. Tua Dómine. Prótege nos. *vel* Oblátis. fol. 236.

Communio. Ps. 95. Cantáte Dómino, allelúia: cantáte Dómino, et benedicite nomen ejus: benè nuntiáte de die in diem salutáre ejus, allelúia, allelúia.

Postcommunio.

TRIBUE nobis, Dómine, cœlestis mensæ virtúte satiátis, et desideráre quæ recta

sunt, et desiderata percipere.
Per Dominum.

Alia Postcommuniones. Sump-
tis Domine. et Quæsumus Do-
mine. *vel* Hæc nos quæsumus.
fol. 236.

IN LITANIIS MAJORI- BUS.

*In festo S. Marci Evang.
Statio ad S. Petrum. Et in mi-
noribus ante Ascensionem, Fer. ii.
Rogat. Statio ad S. Mariam
majorem. Feria iii. Statio ad
S. Joannem in Laterano. Feria
iv. Statio ad S. Petrum.*

¶ *Sequens Missa dicitur in
Litaniis majoribus et minoribus
ad Processionem, sine commem.
Festi occur. In Feriis autem
Rogationum, in Missis privatis,
si dicitur de Sancto, fit commem.
Rogationum: si dicitur de Rog-
ationibus, fit commemoratio Festi
occurrentis. Feria verò iii. si
Festum non occurrat, dicatur
Missa de Rogationibus, sine
Gloria in excelsis, licet in Offi-
cio dictum sit, Te Deum, et
Oratio Dominicæ.*

Introitus. Psal. 17.

EXAUDIVIT de templo
sancto suo vocem meam,
alleluia: et clamor meus in
conspéctu ejus introivit in au-
res ejus, alleluia, alleluia.

Psal. ibid. Diligam te Do-
mine virtus mea: Dominus fir-
mamentum meum, et refugium
meum, et liberator meus.

V. Gloria Patri.

*In hac Missa non dicitur Gló-
ria in excelsis, neque Credo.*

Oratio.

PRÆSTA quæsumus omni-
potens Deus: ut qui in
afflictione nostra de tua pietate

confidimus, contra adversa
omnia, tua semper protectione
muniámur. Per Dominum nos-
trum.

*Alia Orationes, Concede nos.
et Ecclesiæ tuæ. vel Deus om-
nium fidelium. fol. 236.*

Lectio Epistolæ beati Jacobi
Apóstoli.

Jac. 5. d.

CHARISSIMI: Confitemi-
ni alterutrum peccata vestra,
et orate pro invicem, ut
salvémini: multum enim valet
deprecatio justis assidua. Elias
homo erat similis nobis passi-
bilis: et oratione oravit, ut non
plueret super terram, et non
pluit annos tres, et menses sex.
Et rursum oravit: et cœlum
dedit pluviam, et terra dedit
fructum suum. Fratres mei, si
quis ex vobis erraverit à veri-
tate, et converterit quis eum:
scire debet quoniam qui con-
verti fecerit peccatorem ab ér-
rore viæ suæ, salvabit animam
ejus à morte, et operiet multi-
tudinem peccatorum.

Alleluia. V. *Psal. 117.* Con-
fitemini Domino, quoniam bo-
nus: quoniam in sæculum mi-
sericordia ejus.

Sequentia sancti Evangelii se-
cundum Lucam.

Luc. 11.

IN illo tempore: Dixit Je-
sus discipulis suis: Quis
vestrum habebit amicum, et
ibit ad illum média nocte, et
dicet illi: Amice, comoda mi-
hi tres panes, quoniam amicus
meus venit de via ad me, et non
habeo quod ponam ante illum,
et ille deintus respondens,

dicat: Noli mihi moléstus esse, jam óstium clausum est, et púeri mei mecum sunt in cubili, non possum súrgere, et dare tibi. Et si ille perseveráverit pulsans: dico vobis, et si non dabit illi, surgens eò quòd amicus ejus sit, propter improbitátem tamen ejus surget, et dabit illi quotquot habet necessários. Et ego dico vobis: Pétite, et dábitur vobis: quæritè, et inveniétis: pulsáte, et aperiétur vobis. Omnis enim qui petit, áccipit: et qui quærit, inveniit: et pulsánti aperiétur. Quis autem ex vobis patrem petit panem, numquid lápidem dabit illi? Aut piscem: Numquid pro pisce serpéntem dabit illi? Aut si petierit ovum: numquid pórriget illi scoriónem? Si ergo vós cum sitis mali, nostis bona datá dare filiis vèstris: quantò magis Pater vèster de cælo dabit spíritum bonum peténtibus se?

Offertorium. Psal. 108. Confitébór Dómino nimis in ore meo: et in médio multórum laudábo eum, quia ástitit à dextris páuperis: ut salvam fáceret à persecúentibus ánimam meam, allelúia.

Secreta.

HÆC múnera, quæsumus Dómine, et víncula nostræ pravitátis absólvant, et tuæ nobis misericórdiæ dona concílient. Per Dóminum.

Alia Secretæ, Tu, Dómine, Prótege, vel Oblátis. fol. 236.

Et dicitur Præfatio Paschalis. Communio. Luc. 11. Pétite, et accipiétis: quæritè, et inveniétis: pulsáte, et aperié-

tur vobis: omnis enim, qui pétit, áccipit: et qui quærit, inveniit: et pulsánti aperiétur, allelúia.

Postcommunio.

VOTA nostra quæsumus Dómine, pio favóre prósequere: ut dum dona tua in tribulatióne percípimus, de consolatióne nostra in tuo amore crescámus. Per Dóminum.

Alia Postcommun. Sumptis, Dómine. et Quæsumus. vel Hæc nos. fol. 236.

IN VIGILIA ASCENSIONIS.

Si hodie occurrat Festum Simplex, fit de ipso tantum commemoratio, Si occurrat Festum Duplex, vel Seniduplex, Missa dicitur de Festo cum cõmmem. Vigiliæ, et Rogationum. Sed in Ecclesiis Collegiatis, præter Missam de Rogationibus, dicuntur duæ Missæ, una de Festo, et alia de Vigilia.

Introitus. Is. 48.

VOCEM jucunditátis annuntiáte, et audiáture, allelúia, annuntiáte usque ad extrémum terræ: liberávit Dóminus pópulum suum, allelúia.

Psal. 65. Jubiláte Deo omnis terra: psalmum dicite nómini ejus, daté glóriam laudi ejus.

Ÿ. Glória Patri.

Et dicitur Glória in excelsis.

Oratio.

DEUS, à quo bona cuncta procedunt, largire supplicibus tuis: ut cogitémus, te inspirante, quæ recta sunt, et te

gubernante, eadem faciamus.
Per Dóminum.

Secunda Oratio de Rogationibus. Præsta quæsumus. f. 242.
tertia de S. Maria Concède nos famulos tuos. fol. 236.

In Ecclesiis autem Collegiatis, ubi dicitur alia quoque Missa de Rogat. secunda Oratio erit de beata Maria; tertia Ecclesiæ tuæ. vel Deus ómnium. fol. 236.

Lectio Epistolæ beati Pauli
Apóstoli ad Ephésios.

Eph. 4. b.

FRATRÉS, Unicuique nostrum data est grátia secundum mensuram donationis Christi. Propter quod dicit: Ascendens in altum, captivam duxit captivatem: dedit dona hominibus. Quod autem ascendit, quid est, nisi quia et descendit primum in inferiores partes terræ? Qui descendit, ipse est et qui ascendit super omnes celos, ut impleret ómnia. Et ipse dedit quosdam quidem Apostolos quosdam autem Prophétas, alios verò Evangelistas, alios autem pastores, et doctores ad consummationem sanctorum in opus ministerii, in ædificationem corporis Christi: donec occurramus omnes in unitatem fidei, et agnitionis filii Dei, in virum perfectum, in mensuram ætatis plenitudinis Christi.

Allelúia, allelúia.

V. Surrexit Christus, et illuxit nobis, quos redemit sanguine suo. Allelúia.

V. *Joan. 16.* Exivi à Patre, et veni in mundum: iterum relinquo mundum, et vado ad Patrem. Allelúia.

Sequentia sancti Evangelii secundum Joannem.

Joan. 17.

IN illo tempore: Sublevatis Jesus oculis in cælum, dixit: Pater, venit hora, clarifica Filium tuum, ut Filius tuus clarificet te. Sicut dedisti ei potestatem omnis carnis, ut ómne, quod dedisti ei, det eis vitam ætérnam. Hæc est autem vita ætérna: ut cognoscant te solum Deum verum, et quem misisti Jesum Christum. Ego te clarificavi super terram: opus consummavi, quod dedisti mihi ut faciam: et nunc clarifica me tu Pater apud temetipsum, claritate quam habui prius, quam mundus esset apud te. Manifestavi nomen tuum hominibus, quos dedisti mihi de mundo. Tui erant, et mihi eos dedisti, et sermonem tuum servaverunt. Nunc cognoverunt, quia ómnia, quæ dedisti mihi, abs te sunt: quia verba, quæ dedisti mihi, dedi eis: et ipsi acceperunt, et cognoverunt verè, quia à te exivi, et crediderunt, quia tu me misisti. Ego pro eis rogo, non pro mundo rogo, sed pro his, quos dedisti mihi: quia tui sunt: et mea ómnia tua sunt, et tua mea sunt, et clarificatus sum in eis. Et jam non sum in mundo, et hi in mundo sunt, et ego ad te venio.

Offertorium. Ps. 65. Benedicite Gentes Dóminum Deum nostrum, et obaudite vocem laudis ejus: qui posuit animam meam ad vitam, et non dedit commoveri pedes meos: benedictus Dóminus, qui non amovit deprecatio-

nem meam, et misericórdiám suam à me, allelúia.

Secreta.

SUSCIPE Dómine fidélium preces cum oblatiónibus hostiárum : ut per hæc piæ devotionis officia, ad coeléstem glóriam transeámus. Per Dóminum.

Secunda Secreta de Rogationibus. Hæc múnera, fol. 243.
tertia de beata Maria, Tua Dómine. fol. 236.

Vel Secunda de B. Maria : *tertia, Prótege. vel Oblatis.* fol. 236.

Communio. Ps. 95. Cantáte Dómino, allelúia : cantáte Dó-

mino, et benedicite nomen ejus: benè nuntiáte de die in diem salutáre ejus, allelúia, allelúia.

Postcommunio.

TRIBUE nobis, Dómine, coeléstis mensæ virtúte satiátis, et desideráre quæ recta sunt, et desideráta percípere. Per Dóminum.

Secunda Postcomm. de Rogationibus. Vota nostra. fol. 243.
tertia de beata Maria, Sumptis, Dómine, fol. 236.

Vel secunda de B. Maria : *tertia, Quæsumus Dómine. vel Hæc nos quæsumus.* fol. 236.

DIE ASCENSIONIS

D O M I N I .

Statio ad sanctum Petrum.

Introitus. Act. 1.

VIRI Galilæi, quid admirâmini aspicientes in cœlum? alleluia: quemadmodum vidistis eum ascendentem in cœlum, ita veniet, alleluia, alleluia.

Psalm. 46. Omnes Gentes plaudite manibus: jubilate Deo in voce exultationis.

℟. Glória Patri.

Oratio.

CONCEDE quæsumus omnipotens Deus: ut qui hodierna die Unigenitum tuum Redemptorem nostrum ad cœlos ascendisse credimus, ipsi quoque mente in cœlestibus habitemus. Per eundem Dominum.

Lectio Actuum Apostolorum.

Act. 1.

PRIMUM quidem sermonem feci de omnibus, o Theophile, quæ cœpit Jesus facere et docere usque in diem, qua præcipiens Apóstolis per Spiritum sanctum, quos elegit, assumptus est: quibus et præbuit seipsum vivum post passionem suam in multis argumentis, per dies quadraginta apparens eis, et loquens de regno Dei. Et convescens, præcepit eis, ab Jerosólymis ne discederent, sed expec-

tarent promissionem Patris, quam audistis (inquit) per os meum: quia Joannes quidem baptizavit aqua, vos autem baptizabimini Spiritu sancto non post multos hos dies. Igitur qui convenerant, interrogabant eum, dicentes: Domine, si in tempore hoc restitues regnum Israël? Dixit autem eis: Non est vestrum nosse tempora, vel momenta, quæ Pater posuit in sua potestate: sed accipietis virtutem superveniéntis Spiritus sancti in vos, et eritis mihi testes in Jerúsalem, et in omni Judæa, et Samaría, et usque ad ultimum terræ. Et cum hæc dixisset, vidéntibus illis, elevatus est: et nubes suscepit eum ab oculis eorum. Cumque intuerentur in cœlum euntem illum, ecce duo viri astiterunt juxta illos in vestibus albis, qui et dixerunt: Viri Galilæi, quid statis aspicientes in cœlum? Hic Jesus, qui assumptus est à vobis in cœlum, sic veniet, quemadmodum vidistis eum euntem in cœlum.

Alleluia, allel. ℟. *Psal. 46.* Ascendit Deus in jubilatione, et Dominus in voce tubæ. Alleluia. ℟. *Psal. 67.* Dominus in Sina in sancto, ascéndens in altum, captivam duxit captivitatem. Alleluia.

Sequéntia sancti Evangélii se-
cúndum Marcum.

Marci 16. c.

IN illo témpore : Recum-
béntibus úndecim discipu-
lis, apparuit illis Jesus : et ex-
probrávit incredulitátem eó-
rum, et durítiam cordis : quia
iis, qui viderant eum resur-
rexisse, non crediderunt. Et
dixit eis : Eúntes in mun-
dum univérsum, prædicáte
Evangélium omni creatúræ.
Qui crediderit, et baptizátus
fúerit, salvus erit : qui verò
non crediderit, condemnábitur.
Signa autem eos, qui
crediderint, hæc sequéntur :
In nómine meo dæmónia eji-
cient : linguis loquéntur no-
vis : serpéntes tollent : et si
mortíferum quid biberint, non
eis nocébit : super ægros ma-
nus impónent, et benè habé-
bunt. Et Dóminus quidem
Jesus, postquam locútus est
eis, assúptus est in cœlum,
et sedet à dextris Dei. Illi
autem profécti, prædicavérunt
ubique, Dómino cooperánte,
et sermónem confirmánte, se-
quéntibus signis.

*Dicto Evangelio extinguitur
Cereus Paschalis, nec ulterius
accenditur, nisi in Sabbato Pen-
tecostes ad benedictionem fontis.
Credo.*

*Offertorium. Psal. 46. As-
céndit Deus in jubilatíone, et
Dóminus in voce tubæ, alle-
lúia.*

Secreta.

SUSCIPE, Dómine, múnera,
quæ pro Filii tui gloriósa
Ascensióne deférimus : et con-
cède propitius ; ut à præsentí-
bus periculis liberémur, et ad

vitam perveniámus ætérnam.
Per eúndem Dóminum.

*Præfatio. Qui post resurrec-
tíonem suam. fol. 205.*

*Et dicitur usque ad Vigiliam
Pentecostes exclusivè.*

*Infra actionem. Communi-
cántes, et diem sacratíssimum.
fol. 206. et dicitur per Octavam
tantum.*

*Communio. Psal. 67. Psállite
Dómino, qui ascéndit super
cœlos cœlorum ad Oriéntem,
allelúia.*

Postcommunio.

PRÆSTA nobis, quæsumus
omnípotens et miséricors
Deus : ut quæ visibílibus mys-
tériis suménda percépimus, in-
visibíli consequámur efféctu.
Per Dóminum.

*¶ Infra Octavam Ascensionis
dicitur Missa de Ascensione, nisi
occurrat Festum duplex, vel Se-
miduplex, de quo tunc fit cum
commemoratione Octavæ : de
Simplici autem fit tantum com-
memoratio. Post Orationem
diei dicitur secunda Oratio de
sancta Maria, Concède nos. et
tertia, Ecclésiæ tuæ. vel Deus
ómnium.*

DOMINICA INFRA OC- TAVAM ASCENSIONIS.

Introitus. Psalm. 26.

EXAUDI, Dómine, vocem
meam, qua clamávi ad
te, allelúia : tibi dixit cor me-
um, quæsívi vultum tuum, vul-
tum tuum Dómine requíram :
ne avértas faciém tuam à me,
allelúia, allelúia.

*Psal. ibid. Dóminus illumi-
natio mea, et sálus mea, quem
timébo ? V. Glória Patri.*

Oratio.

OMNIPOTENS sempitérne Deus, fac nos tibi semper et devótam gérere voluntátem, et majéstati tuæ sincéro corde servire. Per Dóminum.

Et fit commem. de Ascensione tantum. Conséde quæsumus. fol. 246.

Léctio Epístolæ beáti Petri Apóstoli.

1 Pet. 4. b.

CHARISSIMI: Estóte prudéntes, et vigiláte in oratió nibus. Ante ómnia autem, mútuam in vobismetipsis charitátem continuam habéntes: quia charitas óperit multitudinem peccatórum. Hospitáles invicem sine murmuratióne. Unusquisque, sicut accépit grátiam, in alterútrum illam administrántes, sicut boni dispensatóres multifórmis grátiae Dei. Si quis loquitur, quasi sermónes Dei: si quis ministrat, tamquam ex virtúte, quam administrat Deus: ut in óm nibus honorificétur Deus per Jesum Christum Dóminum nostrum.

Allelúia, allelúia.

℣. *Psal.* 46. Regnávit Dóminus super omnes gentes: Deus sedet super sedem sanctam suam. Allelúia.

℣. *Joan.* 14. Non vos relinquam órphanos: vado, et vénio ad vos, et gaudébit cor vestrum. Allelúia.

Sequéntia sancti Evangélii secúndum Joánnem.

Joan. 15. et 16.

IN illo témpore: Dixit Jesus discipulis suis: Cúm vénerit Paráclitus, quem ego mittam vobis à Patre, Spíri-

tum veritátis, qui à Patre procedit, ille testimónium perhibébit de me, et vos testimónium perhibébitis, quia initio mecum estis. Hæc locútus sum vobis, ut non scandalizémini. Absque synagógis fácient vos: sed venit hora, ut omnis qui interficit vos, arbitrétur obséqium se præstáre Deo. Et hæc fácient vobis, quia non novérunt Patrem, neque me. Sed hæc locútus sum vobis: ut cúm vénerit hora eórum, reminiscámini quia ego dixi vobis. Credo.

Offertorium. Ps. 46. Ascéndit Deus in jubilatióné, et Dóminus in voce tubæ, allelúia.

Secreta.

SACRIFICIA nos, Dómine, immaculáta purifícent: et méntibus nostris supérnæ grátiae dent vigórem. Per Dóminum nostrum.

Pro Ascensione. Súscipe, Dómine, múnera. fol. 247.

Communio. Jo. 17. Pater, cúm essem cum eis, ego servábam eos, quos dedísti mihi, allelúia: nunc autem ad te vénio: non rogo ut tollas eos de mundo, sed ut serves eos à malo, allelúia, allelúia.

Postcommunio.

REPLETI, Dómine, múnibus sacris: da quæsumus, ut in gratiárum semper actióne maneámus. Per Dóminum.

Pro Ascensione. Præsta nobis, quæsumus. fol. 247.

In Octava Ascensionis dicitur Missa sicut in die, cum una tantum Oratione.

¶ *Feria vi. post Octav. Ascensionis, si non fuerit festum Duplex. vel Semiduplex, Missa dicitur de Dominica præterita,*

cum commemoratione de sancta Maria, Cóncede nos. et Ecclésiæ: vel Deus ómnium. fol. 236.

De Simplici fit tantùm comem. Et non dicitur Credo.

SABBATO IN VIGILIA PENTECOSTES.

Statio ad S. Joannem in Laterano.

DICTA Nona, Sacerdos, et ministri induti paramentis violacei coloris, accedunt ad Altare, et facta reverentia, Sacerdos illud osculatur in medio. Deinde leguntur Prophetiæ sine titulo, candelis Altaris extinctis usque ad principium Missæ, sicut in Sabbato Sancto. Sacerdos legit eas submissa voce ad Altare in cornu Epistolæ.

In fine Prophetiarum dicuntur Orationes sine Flectamus genua.

Prophetia prima. In diébus illis: Tentávit Deus Abraham. *ut sup. in Sabbato sancto. fol. 182. qua finita, Sacerdos dicit:*

Orémus. Oratio.

DEUS, qui in Abrahæ famuli tui ópere, humano géneri obediéntiæ exéempla præbuisti: concéde nobis, et nostræ voluntátis pravitatem frángere, et tuórum præceptórum rectitudinem in ómnibus adimplére. Per Dóminum.

Prophetia secunda. In diébus illis: Factum est in vigília matutina. *et Tract.* Cantémus Dómino, *ut in Sabbato sancto. fol. 183.*

Orémus. Oratio.

DEUS, qui primis temporibus impléta miracula, novi testaméti luce reserásti

ut et Mare rubrum forma sacri fontis existeret, et liberáta plebs ab Ægyptiaca servitúte, Christiána pópuli sacraménta præferret: da, ut omnes Gentes Israëlís privilégium mérito fidei consecútæ, Spíritus tui participatióne regeneréntur. Per Dóminum nostrum. In unitáte ejúsdem Spíritus sancti Deus.

Prophetia tertia. In diébus illis: Scripsit Móyses cánticum. *et Tract.* Atténde cœlum, et loquar. *ut in Sabbato sancto. fol. 188.*

Orémus. Oratio.

DEUS, gloriificatió fidélium, et vita justórum, qui per Móysen famulum tuum nos quoque modulatióne sacri cáminis erudísti: univérsis Géntibus misericórdiæ tuæ munus operáre, tribuendo beatitudinem, auferendo terrórem: ut quod pronuntiátum est ad supplicium, in remédiu transfératur ætérnum. Per Dóminum.

Prophetia quarta. Apprehéndent septem mulieres virum unum. *et Tract.* Vinea facta est dilecto. *ut in Sabbato sancto. fol. 186.*

Orémus. Oratio.

OMNIPOTENS sempitérne Deus, qui per únicum Filium tuum, Ecclésiæ tuæ demonstrásti te esse cultórem: omnem pálmitem, fructum in eódem Christo tuo, qui vera vitis est, afferentem, cleménter éxcolens, ut fructus áfferat amplióres: fidélibus tuis, quos velut vineam ex Ægypto per fontem baptísmi transtulisti, nullæ peccatórum spinæ præváleant: ut Spíritus tui sanctificatióne muníti, perpétua fruge

ditentur. Per eúndem Dóminum. In unitate ejúsdem Spiritus sancti.

Prophetia quinta. Audi Israël mandata vitæ. *ut in Sabbato sancto.* fol. 184.

Orémus. Oratio.

DEUUS, qui nobis per Prophetarum ora præcepisti temporalia relinquere, atque ad æterna festinare da famulis tuis, ut quæ à te jussa cognovimus, implere cœlesti inspiratione valeamus. Per Dóminum.

Prophetia sexta. In diebus illis: Facta est super manus Dómini. *ut in Sabbato sancto.* fol. 185.

Orémus. Oratio.

DOMINE Deus virtutum, qui collapsa reparas, et reparata conservas, auge populos in tui nómínis sanctificatione renovandos: ut omnes, qui sacro baptismate diluuntur, tua semper inspiratione dirigantur. Per Dóminum nostrum.

His expletis, Celebrans accipit pluviale violaceum, et descendendo ad fontem cantatur Tractus. Psal. 41. Sicut cervus desiderat ad fontes aquarum: ita desiderat ánima mea ad te, Deus. *V.* Sitivit ánima mea ad Deum vivum: quando véniam, et apparébo ante faciem Dei?

V. Fuérunt mihi lácrymæ meæ panes die ac nocte, dum dicitur mihi per singulos dies: Ubi est Deus tuus?

Deinde Sacerdos antequam intret ad benedictionem fontis, dicit. *V.* Dóminus vobiscum.

R. Et cum spiritu tuo.

Orémus. Oratio.

CONCEDE quæsumus omnipotens Deus: ut, qui solemnitatem doni sancti Spiritus cõlimus, cœlestibus desideriiis accénsi, fontem vitæ sitiámus. Per Dóminum nostrum. In unitate ejusdem Spiritus sancti Deus.

Deinde proceditur ad benedictionem fontis, ut suprâ in Sabbato sancto. 190.

¶ Ubi verò non fuerint fontes, finita sexta Prophetia cum sua Oratione, Celebrans deponit casulam, et cum ministris ante Altare procumbit, et aliis omnibus genuflexis, cantantur Litanicæ à duobus cantoribus in medio chori, utroque choro idem simul respondente. Cùm autem perventum fuerit ad V. Peccatores, Te rogâmus, Sacerdos et ministri surgunt, et accedentes ad Sacristiam, induuntur paramentis rubeis, et accenduntur luminaria circa Altare. In fine Litaniarum cantatur solemniter Kyrie Eléison, pro Missa, et repetuntur, ut moris est. Quo incepto, Sacerdos cum ministris procedit ad Altare, et facit Confessionem: deinde ascendens, illud osculatur, et incensat more solito. Finitis Kyrie eleison, incipit solemniter, Glória in excelsis Deo. Et campanæ pulsantur.

Oratio.

PRÆSTA quæsumus omnipotens Deus, ut claritatis tuæ super nos splendor effulgeat: et lux tuæ lucis corda eórum, qui per grátiam tuam renáti sunt, sancti Spiritus illustratione confirmet. Per Dé-

minum nostrum, In unitate ejusdem Spiritus sancti Deus.

Lectio Actuum Apostolorum.

Act. 19.

IN diebus illis: Factum est, cum Apóllo esset Corínthi, ut Paulus peragratis superioribus partibus veniret Ephesum, et inveniret quosdam discipulos: dixitque ad eos: Si Spiritum sanctum accepistis credentes? At illi dixerunt ad eum: Sed neque si Spiritus sanctus est, audivimus. Ille verò ait: In quo ergo baptizati estis? Qui dixerunt: In Joánnis baptisate. Dixit autem Paulus: Joánnes baptizavit baptismo poenitentiae populum, dicens: In eum, qui venturus esset post ipsum: ut crederent, hoc est, in Jesum. His auditis, baptizati sunt in nómine Dómini Jesu. Et cum imposuisset illis manus Paulus, venit Spiritus sanctus super eos, et loquebantur linguis et prophetabant. Erant autem omnes viri ferè duodecim. Introgressus autem synagógam cum fiducia loquebatur per tres menses, disputans, et suadens de regno Dei.

Allelúia. *V. Psal. 106.* Confitemini Dómino, quóniam bonus: quóniam in sæculum misericórdia ejus.

Non repetitur, Allelúia, sed immediatè sequitur, Tractus, Psal. 116. Laudate Dóminum omnes Gentes: et collaudate eum omnes populi.

V. Quóniam confirmata est super nos misericórdia ejus: et veritas Dómini manet in ætérnum.

Ad Evangelium non portantur luminaria, sed incensum tantum.

Sequéntia sancti Evangélii secundum Joánnem.

Joan. 14.

IN illo tempore: Dixit Jesus discipulis suis: Si diligitis me, mandata mea servate. Et ego rogabo Patrem, et alium Paráclitum dabit vobis, ut maneat vobiscum in ætérnum, Spiritum veritatis, quem mundus non potest accipere, quia non videt eum, nec scit eum. Vos autem cognoscetis eum: quia apud vos manebit, et in vobis erit. Non relinquam vos orphanos: veniam ad vos. Adhuc modicum, et mundus me jam non videt. Vos autem videtis me, quia ego vivo, et vos vivetis. In illo die vos cognoscetis, quia ego sum in Patre meo, et vos in me, et ego in vobis. Qui habet mandata mea, et servat ea, ille est, qui diligit me. Qui autem diligit me diligetur à Patre meo: et ego diligam eum, et manifestabo ei meipsum.

Non dicitur Credo.

Offertorium. Psal. 103. Emitte spiritum tuum, et creabuntur, et renovabis faciem terræ: sit glória Dómini in sæcula, allelúia.

Secreta.

MUNERA, quæsumus Dómine, oblata sanctifica et corda nostra sancti Spiritus illustratióne emúnda. Per Dóminum. In unitate ejusdem Spiritus sancti Deus.

Præfatio. Qui ascendens super omnes cœlos. fol. 206.

Infra actionem. Communicantes, et diem sacratissimum

Pentecóstes celebrátes. *et* *tionibus, et Litanis, Missa absolute incipitur ab Introitu, ut*
 Hanc igitur oblatiónem, 206. *absolutè incipitur ab Introitu, ut*
infrd.

Et dicuntur usque ad sequens
Sabbatum inclusivè.

Communio. Joan. 7. Ultimo
 festivitátis die dicébat Jesus :
 Qui in me credit, flúmina de
 ventre ejus fluent aquæ vivæ :
 hoc autem dixit de Spíritu,
 quem acceptúri erant credétes
 in eum, allelúia, allelúia.

Postcommunio.

SANCTI Spíritus Dómine,
 corda nostra mundet infú-
 sio : et sui roris íntima asper-
 sióné fœcúndet. Per Dóminum
 nostrum. In unitáte ejúdem
 Spíritus sancti Deus.

¶ *In Missis privatis hujus*
Vigiliæ, omissis Prophetiis, Ora-

Introitus. Ezech. 36.

CUM sanctificátus fúero in
 vobis, congregábo vos de
 univérsis terris : et effúdam
 super vos aquam mundam, et
 mundabímíni ab ómnibus in-
 quinaméntis vestris : et dabo
 vóbis spíritum novum, allelúia,
 allelúia.

Psalm. 33. Benedícam Dó-
 minum in omni témpore : sem-
 per laus ejus in ore meo.

¶ Glória Patri.

Deinde dicitur Kyrie eléison :
 Glória in excélsis, *et alia ut*
suprà.

DOMINICA

PENTECOSTES.

Statio ad sanctum Petrum.

Introitus. Sap. 1.

SPIRITUS Dómini replévit orbem terrárum, allelúia : et hoc quod cóntinet ómnia, scíentiam habet vocis, allelúia, allelúia, allelúia.

Psal. 67. Exúrgat Deus, et dissipéntur inimíci ejus : et fúgiant, qui odérunt eum, à fácie ejus. *V.* Glória Patri.

Oratio.

DEUS, qui hodiérna die corda fidélium sancti Spíritus illustratióne docuisti : da nobis in eódem Spíritu recta sápere, et de ejus semper consolatióne gaudére. Per Dóminum nostrum. In unitáte ejúsdem Spíritus.

Lectio Actuum Apostolorum.

Act. 2.

CUM compleréntur dies Pentecóstes, erant omnes discipuli páriter in eódem loco : et factus est repéntè de cælo sonus, tamquam adveniéntis spíritus veheméntis, et replévit totam domum ubi erant sedéntes. Et apparuérunt illis dispertítæ línguæ tamquam ignis, seditque supra síngulos eórum : et repléti sunt omnes Spíritu sancto, et cœpérunt loqui váriis linguis, prout Spíritus sanctus dabat éloqui illis. Erant autem in Jerúsalem habitántes Judæi, viri religiósi ex

omni natióne, quæ sub cælo est. Facta autem hac voce, convénit multitúdo, et mente confúsa est, quóniam audiébat unusquisque lingua sua illos loquéntes. Stupébant autem omnes, et mirabántur, dicéntes : Nónne ecce omnes isti, qui loquúntur, Galilæi sunt? Et quómodo nos audívimus unusquisque linguam nostram, in qua nati sumus? Parthi, et Medi, et Ælamítæ, et qui hábitant Mesopotámiam, Judæam, et Cappadóciam, Pontum, et Asiam, Phrygiam, et Pamphylíam, Ægyptum, et partes Líbyæ, quæ est circa Cyrénen, et ádvenæ Románi : Judæi quoque, et Prosélyti, Cretes, et Arabes : audívimus eos loquéntes nostris linguis magnália Dei.

Allelúia, allelúia.

V. Ps. 103. Emítte spíritum tuum, et creabúntur, et renovábis fáciem terræ. Allelúia. *V. Hæc genuflectitur.* Veni sancte Spíritus : reple tuórum corda fidélium : et tui amóris in eis ignem accénde.

Sequentia.

VENI sancte Spíritus, et emítte cœlitus lucis tuæ rádiu.

Veni pater páuperum, veni dator múnere, veni lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu tempéries, in fletu solátium.

O lux beatíssima, reple cordis íntima tuórum fidélium.

Sine tuo númine nihil est in hómine, nihil est innóxium.

Lava quod est sórdidum, riga quod est áridum, sana quod est saucium.

Flecte quod est rigidum, fove quod est frigidum, rege quod est dévium.

Da tuis fidélibus, in te confidéntibus, sacrum septenárium.

Da virtútis méritum, da salutis éxitum, da perénne gaudium. Amen. Allelúia.

Et dicitur quotidie usque ad sequens Sabbatum inclusivè.

Sequéntia sancti Evangélii secúndum Joánnem.

Joan. 14. c.

IN illo témpore: Dixit Jesus discípuis: Si quis diligit me, sermónem meum servábit, et Pater meus diliget eum et ad eum veniémus, et mansiónem apud eum faciemus. Qui non diligit me, sermónes meos non servat. Et sérmonem, quem audistis, non est meus, sed ejus, qui misit me, Patris. Hæc locútus sum vobis, apud vos manens. Paráclitus autem Spíritus sanctus, quem mittet Pater in nómine meo, ille vos docébit ómnia, et súgget vobis ómnia, quæcúmq; dixero vobis. Pacem relínquo vobis, pacem meam do vobis: non quómodo mundus dat, ego do vobis. Non turbétur cor vestrum, neque formidet. Audistis quia ego dixi vobis: Vado, et vénio ad vos. Si diligérétis me, gauderétis utique,

quia vado ad Patrem, quia Pater major me est. Et nunc dixi vobis priúsq; fiat: ut cùm factum fuerit, credátis. Jam non multa loquar vobiscum. Venit enim princeps mundi hujus, et in me non habet quidquam. Sed ut cognóscat mundus, quia diligo Patrem, et sicut mandátum dedit mihi Pater, sic fácio. Credo.

Offertorium. Ps. 67. Confirma hoc Deus, quod operátus es in nobis: à templo tuo, quod est in Jerúsalem, tibi ófferent reges múnera, allelúia.

Secreta.

MUNERA, quæsumus Dómine, oblata sanctífica, et corda nostra sancti Spíritus illustratióne emúnda. Per Dóminum nostrum. In unitáte ejúsdem Spíritus sancti Deus.

Præfatio. Qui ascéndens. Communicantes, et Hanc igitur. fol. 206.

Communio. Act. 2. Factus est repéntè de cælo sonus tamquam adveniéntis spíritus vehementis, ubi erant sedéntes, allelúia: et repléti sunt omnes Spíritu sancto, loquéntes magnália Dei, allelúia, allelúia.

Postcommunio.

SANCTI Spíritus, Dómine, corda nostra mundet infúsió: et sui roris íntima aspersione fœcúndet. Per Dóminum nostrum. In unitáte ejúsdem Spíritus sancti.

Infra Octavam Pentecostes non fit de aliquo Festo Duplici, vel Semiduplici, sed post Octavam celebrantur: de Simplici occurrenti post tridium fit commemoratió tantum.

FERIA II. POST PENTECOSTEN.

*Statio ad S. Petrum in Vincula.**Introitus. Psal. 80.*

CIBAVIT eos ex ádipe fruménti, allelúia : et de petra, melle saturávit eos, allelúia, allelúia.

Psal. ibid. Exultáte Deo adjutóri nostro : jubilate Deo Jacob. *V.* Glória.

Oratio.

DÉUS, qui Apóstolis tuis sanctum dedisti Spíritum : concéde plebi tuæ piæ petitionís efféctum ; ut quibus dedisti fidem, largiáris et pacem. Per Dóminum. In unitáte ejúsdem Spíritus sancti Deus.

Lectio Actuum Apostolorum.

Act. 10. f.

IN diébus illis : Apériens Petrus os suum, dixit : Viri fratres, nobis præcépit Dóminus prædicáre pópulo, et testificári, quia ipse est, qui constitútus est à Deo iudex vivórum, et mortuórum. Huic omnes Prophétæ testimónium pérhibent remissionem peccatórum accíperere per nomen ejus omnes, qui credunt in eum. Adhuc loquente Petro verba hæc, cecidit Spíritus sanctus super omnes, qui audiébant verbum. Et obstupuérunt ex circumcisióne fidéles, qui vénerant cum Petro : quia et in nátióne grátia Spíritus sancti effúsa est. Audiébant enim illos loquéntes linguis, et magnificántes Deum. Tunc respóndit Petrus : Numquid aquam quis prohibére potest, ut non baptizéntur hi, qui Spí-

ritum sanctum acceperunt sicut et nos ? et jussit eos baptizári in nómine Dómini Jesu Christi.

Allelúia, allelúia.

V. Act. 2. Loquebántur váriis linguis Apóstoli magnália Dei. Allelúia.

V. Hic genuflectitur. Veni sancte Spíritus, reple tuórum corda fidélium : et tui amóris in eis ignem accénde.

Sequentia. Veni sancte Spíritus. *et in fine,* Allelúia, *ut supra in Dominica,* fol. 253.

Sequentia sancti Evangélii secúndum Joánnem.

Joan. 3. b.

IN illo témpore : Dixit Jesus Nicodémo : Sic Deus diléxit múndum, ut Filium suum unigénitum daret : ut omnis, qui credit in eum, non péreat, sed hábeat vitam ætérnam. Non enim misit Deus Filium suum in mundum, ut júdicet mundum, sed ut salvétur mundus per ipsum. Qui credit in eum, non judicátur : qui autem non credit, jam judicátus est : quia non credit in nómine unigéniti Filii Dei. Hoc est autem iudicium : quia lux venit in mundum, et dilexérunt hómines magis ténebras, quàm lucem : erant enim eórum mala ópera. Omnis enim, qui malè agit, odit lucem, et non venit ad lucem, ut non arguántur ópera ejus : qui autem facit veritátem, venit ad lucem, ut manifesténtur ópera ejus, ut manifesténtur ópera ejus, quia in Deo sunt facta. Credo.

Offertorium. Psal. 17. Intónuit de Cælo Dóminus, et Altíssimus dedit vocem suam : et apparuérunt fontes aquárum, allelúia.

Secreta.

PROPITIUS, Dómine quæsumus, hæc dona sanctífica : et hóstiæ spiritalis oblatiõne suscepta, nosmetip-sos tibi pèrficemunus ætèrnum. Per Dóminum nostrum.

Communio. Joan. 14. Spíri-tus sanctus docébit vos, alle-lúia, quæcúmque dixerò vobis, allelúia, allelúia.

Postcommunio.

ADESTO, quæsumus Dó-minè, pópulo tuo : et quem mystèriis cœlestibus im-buisti, ab hóstium furóre de-fènde. Per Dóminum.

FERIA III. POST PENTE-COSTEN.

Statio ad S. Anastasiam.

Introitus. 4. Esd. 2.

ACCIPITE jucunditatem glóriæ vestræ, allelúia : grátias ágèntes Deo, allelúia : qui vos ad cœlestia regna vo-cávit, allelúia, allelúia, allelúia.

Psal. 77. Attèndite pópule meus legem meam : inclináte aurem vestram in verba oris mei. *V.* Glória Patri.

Oratio.

ADSIT nobis, quæsumus Dómine, virtus Spíritus sancti : quæ et corda nostra clemènter expúrget, et ab ómni-bus tueátur advèrsis. Per Dó-minum nostrum. In unitate ejúsdem Spíritus sancti Deus.

Lectio Actuum Apostolorum.

Act. 8. c.

IN diébus illis : Cùm audis-sent Apóstoli, qui erant Je-rosolymis, quòd recepisset Sa-maria verbum Dei, misèrunt ad eos Pètrum et Joánnem. Qui cùm venissent, oravèrunt

pro ipsis, ut acciperent Spí-ritum sanctum : nondum enim in quemquam illòrum véne-rat, sed baptizáti tantum erant in nómine Dómini Jesu. Tunc imponébant manus súper il-los, et accipiébant Spíritum sanctum.

Allelúia, allelúia.

V. Jo. 14. Spíritus sanctus docébit vos quæcúmque dixerò vobis. Allelúia.

V. Hic genuflectitur. Veni sancte Spíritus, reple tuòrum corda fidélium : et tui amóris in eis ignem accènde.

Sequentia. Veni sancte Spí-ritus. *ut suprà in Dominica Pentecostes.* fol. 253.

Sequentia sancti Evangélii se-cúndum Joánnem.

Joan. 10.

IN illo témpore : Dixit Je-sus Pharisæis : Amen, amen dico vobis : qui non in-trat per óstium in ovile óvium, sed ascéndit aliúndè, ille fur est et latro. Qui autem in-trat per óstium, pastor est óvium. Huic ostiárius áperit, et oves vocem ejus áudiunt, et próprias oves vocat nomi-nátim, et edúcit eas. Et cùm próprias oves emiserit, ante eas vadit : et oves illum se-quúntur, quia sciunt vocem ejus. Aliènum autem non se-quúntur, sed fúgiunt ab eo : quia non novèrunt vocem alien-órum. Hoc próverbiùm dixit eis Jesus. Illi autem non cognovèrunt quid loquerétur eis. Dixit ergo eis iterum Je-sus : Amen, amen dico vobis, quia ego sum óstium óvium. Omnes quotquot venèrunt, fures sunt, et latrónes, et non audièrunt eos oves. Ego sum

óstium. Per me si quis introí-
erit, salvábitur: et ingrediétur,
et egrediétur, et páscua invé-
niet. Fur non venit nisi ut
furétur, et mactet, et perdat.
Ego veni, ut vitam hábeant, et
abundántiùs hábeant. Credo.

Offertorium. Psal. 77. Por-
tas cœli apéruit Dóminus, et
pluit illis manna ut éderent:
panem cœli dedit eis, panem
Angelórum manducávit homo,
allelúia.

Secreta.

PURIFICET nos, quæsu-
mus Dómine, múneris præ-
séntis oblátio: et dignos sacra
participatióne efficiat. Per
Dóminum.

Communio. Jo. 15. Spíritus,
qui à Patre procedit, allelúia:
ille me clarificábit, allelúia,
allelúia.

Postcommunio.

MENTES nostras, quæsu-
mus Dómine, Spíritus
sanctus divinis réparet sacra-
méntis: quia ipse est remissio
ómnium peccatórum. Per Dó-
minum nostrum. In unitate
ejúsdem, &c.

FERIA IV. QUATUOR
TEMP. PENTECOST.

Statio ad S. Mariam majorem.

Introitus. Psal. 67.

DEUS, dum egredereris co-
ram pópulo tuo, iter fá-
ciens eis, hábitans in illis, al-
lelúia: terra mota est, cœli
distillavérunt, allelúia, allelúia.

Psal. ibid. Exúrgat Deus,
et dissipéntur inimíci ejus, et
fúgiant, qui odérunt eum, à
fácie ejus.

¶ Glória Patri.

Post Kyrie eléison. dicitur
Orémus. *et non dicitur,* Flec-
támus genua.

Oratio.

MENTES nostras, quæsu-
mus Dómine, Paráclitus,
qui à te procedit, illúminet: et
indúcat in omnem, sicut tuus
promísit Filius, veritátem. Qui
tecum vivit et regnat in nnitáte
ejúsdem Spíritus sancti Deus.

Léctio Actuum Apostolórum.

Act. 2. b.

IN diébus illis: Stans Petrus
cum úndecim, levávit vo-
cem suam, et locútus est eis:
Viri Judæi, et qui habitátis
Jerúsalem univérsi, hoc vobis
notum sit, et áuribus percípíte
verba mea. Non enim, sicut
vos æstimátis, hi ébrii sunt,
cùm sit hora diéi tértia: sed
hoc est, quod dictum est per
Prophétam Joel: Et erit in
novíssimis diébus (dicit Dó-
minus) effúdam de Spíritu
meo super omnem carnem, et
prophetábunt filii vestri, et
filiaë vestraë, et júvenes vestri
visiónes vidébunt, et senióres
vestri sómnia somniábunt, Et
quidem super servos meos, et
super ancillas meas in diébus
illis effúdam de Spíritu meo,
et prophetábunt: et dabo pro-
dígia in cœlo sursùm, et signa
in terra deórsùm, sánguinem,
et ignem, et vapórem fumi.
Sol convertétur in ténebras, et
luna in sánguinem, ántequam
véniat dies Dómini magnus, et
maniféstus. Et erit: Omnis,
quicúmque invocáverit nomen
Dómini, salvus erit.

Allelúia. ¶ *Psal. 32.* Verbo
Dómini cœli firmáti sunt, et
spíritu oris ejus omnis virtus
eórum.

Hic dicitur Glória in excélsis, et postea, Dóminus vobiscum.

Oratio.

PRÆSTA quæsumus omnipotens et miséricors Deus: ut Spiritus sanctus advéniens, templum nos glóriæ suæ dignanter inhabitando perficiat. Per Dóminum nostrum. In unitate ejusdem Spiritus sancti Deus.

¶ *Ab hac die usque ad Sabbatum sequens inclusivè, post Orationem diei dicitur,*

Contra persecutores Ecclesiæ.

Oratio.

ECCLESIAE tuæ, quæsumus Dómine, preces placatus admitte: ut destrúctis adversitatibus et erroribus universis, secúra tibi sérviat libertate. Per Dóminum.

Vel pro Papa. Oratio.

DEUS ómnium fidélium pastor et rector, fámulum tuum *N.* quem pastórem Ecclesiæ tuæ præesse voluisti, propítius respice: da ei, quæsumus, verbo et exémplo, quibus præest, proficere: ut ad vitam, unà cum grege sibi crédito, perveniat sempiternam. Per Dóminum.

Lectio Actuum Apostolorum.

Act. 5. b.

IN diébus illis: Per manus autem Apostolorum fiébant signa, et prodigia multa in plebe. Et erant unanimitè omnes in pórticu Salomónis. Ceterórum autem nemo audebat se conjungere illis: sed magnificabat eos pópulus. Magis autem augebátur credentium in Dómino multitúdo virórum ac mulierum, ita ut in

plataeas ejicerent infirmos, et ponérent in lectulis, ac grabatis, ut, veniente Petro, saltem umbra illius obumbráret quemquam illórum, et liberaréntur ab infirmitatibus suis. Concurrébat autem et multitúdo vicinarum civitárum Jérusalem, afferéntes ægros, et vexátos à spiritibus immúndis: qui curabántur omnes.

Allelúia, allel. *V. Hic genuflectitur.* Veni sancte Spiritus, reple tuórum corda fidélium, et tui amóris in eis ignem accénde. *Sequentia.* Veni sancte Spiritus. fol. 253.

Sequentia sancti Evangélii secundum Joánnem.

Jo. 6. c.

IN illo témpore: Dixit Jesus turbis Judæórum: Nemo potest venire ad me, nisi Pater, qui misit me, tráxerit eum: et ego resuscitábo eum in novíssimo die. Est scriptum in Prophétis: Et erunt omnes docibiles Dei. Omnis, qui audívit à Patre, et didicit, venit ad me. Non quia Patrem vidit quisquam, nisi is, qui est à Deo, hic vidit Patrem. Amen, amen dico vobis: Qui credit in me, habet vitam ætérnam. Ego sum panis vitæ. Patres vestri manducavérunt manna in déserto, et mórtui sunt. Hic est panis de cælo descéndens, ut si quis ex ipso manducáverit, non moriátur. Ego sum panis vivus, qui de cælo descendi. Si quis manducáverit ex hoc pane, vivet in ætérnum: et panis, quem ego dabo, caro mea est pro mundi vita. Credo.

Offertorium. Ps. 118. Mediátor in mundátis tuis, quæ

diléxi valdè : et levábo manus meas ad mandáta tua, quæ diléxi, allelúia.

Secreta.

ACCIPE, quæsumus Dómine, munus oblátum : et dignánter operáre, ut quod mystériis ágimus, piis afféctibus celebrémus. Per Dóminum.

Alia Secreta.

PROTEGE nos, Dómine, tuis mystériis serviéntes : ut divinis rebus inhæréntes, et corpore tibi famulémur, et mente. Per Dóminum.

Vel pro Papa. Secreta.

OBLATIS, quæsumus Dómine, placáre munéribus : et famulum tuum *N.* quem pastórem Ecclésiæ tuæ præesse voluísti, assídua proteccióne guberná. Per Dóminum.

Communio. Joan. 14. Pacem relinquo vobis, allelúia : pacem meam do vobis, allelúia, allelúia.

Postcommunio.

SUMENTES, Dómine, cœlestia sacraménta, quæsumus cleméntiam tuam : ut quod temporáliter gérimus, ætérnis gáudiis consequámur. Per Dóminum nostrum.

Alia Postcommunio.

QUÆSUMUS, Dómine Deus noster : ut, quos divína tribuis participatióne gaudére, humanis non sinas subjacére periculis. Per Dóminum.

Vel pro Papa.

HÆC nos, quæsumus Dómine, divini sacraménti percéptio próteget : et famulum tuum *N.* quem pastórem Ecclésiæ tuæ præesse voluísti, uná cum commisso sibi grege, salvét semper et múniat. Per Dóminum.

FERIA QUINTA POST PENTECOSTEN.

Statio ad S. Laurentium extra muros.

Introitus. Sap. 1.

SPIRITUS Dómini replévit orbem terrarum, allelúia : et hoc quod cóninet ómnia, sciéntiam habet vocis, allelúia, allelúia, allelúia.

Psal. 67. Exúrgat Deus, et dissipéntur inimíci ejus : et fúgiant, qui odérunt eum, à fácie ejus.

✠. Glória Patri.

Oratio.

DEUS, qui hodiérna die corda fidélium sancti Spíritus illustratióne docuísti : da nobis in eódem Spíritu recta sápere, et de ejus semper consolatióne gaudére. Per Dóminum nostrum. In unitáte ejúdem Spíritus, &c.

Alia Oratio. Ecclésiæ tuæ, vel Deus ómnium fidélium. 258.

Léctio Actuum Apostolórum.

Act. 8.

IN diébus illis : Philíppus descéndens in civitátem Samariæ, prædicábat illis Christum. Intendébant autem turbæ his, quæ à Philippo dicebantur unánimiter audiéntes, et vidéntes signa, quæ faciébat. Multi enim eórum, qui habébant spíritus immúndos, clamántes voce magna, exibant. Multi autem paralytici et claudi curáti sunt. Factum est ergo gáudium magnum in illa civitáte.

Allelúia, Allelúia.

✠. *Ps. 103.* Emitte Spíritum tuum, et creabúntur, et renovábis fáciem terræ. Allelúia.

✠. *Hic genuflectitur.* Veni

sancte Spíritus, reple tuórum corda fidélium : et tui amóris in eis ignem accénde.

Sequentia. Veni sancte Spíritus. *ut suprà in Dominica Pentecost.* fol. 253.

Sequentia sancti Evangelii secundum Lucam.

Luc. 9.

IN illo tempore : Convocatis Jesus duodecim Apostolis, dedit illis virtutem et potestatem super omnia demonia, et ut languores curarent. Et misit illos predicare regnum Dei, et sanare infirmos. Et ait ad illos : Nihil tulertis in via, neque virgam, neque peram, neque panem, neque pecuniam, neque duas tunicas habeatis. Et in quamcumque domum intraveritis, ibi manete, et inde ne exeatis. Et quicumque non receperint vos : exeuntes de civitate illa, etiam pulverem pedum vestrorum excutite in testimonium supra illos. Egressi autem circuibant per castella evangelizantes, et curantes ubique. Credo.

Offertorium. Psal. 67. Confirma hoc Deus, quod operatus es in nobis : a templo tuo, quod est in Jerusalem, tibi offerent reges munera, alleluia.

Secreta.

MUNERA, quæsumus Domine, oblata sanctifica : et corda nostra sancti Spíritus illustratione emunda. Per Dominum. In unitate ejusdem.

Alia Secreta. Prætege nos. *vel* Oblatis. *ut in Feria præcedenti.* 259.

Communio. Act. 2. Factus est repente de cælo sonus tamquam advenientis spíritus vehementis, ubi erant sedentes,

alleluia : et replati sunt omnes Spíritu sancto, loquentes magnalia Dei, alleluia.

Postcommunio.

SANCTI Spíritus, Domine, corda nostra mundet infusio : et sui roris íntima aspersiõne fecundet. Per Dóminum nostrum. In unitate ejusdem.

Alia Postcom. vel Quæsumus Domine. et Hæc nos. 259.

FERIA VI. QUATUOR TEMP. PENTECOST.

Statio ad sanctos duodecim Apostolos.

Introitus. Psal. 70.

REPLEATUR os meum laude tua, alleluia : ut possim cantare alleluia, gaudébunt labia mea, dum cantavero tibi, alleluia, alleluia.

Psal. ib. In te Domine speravi, non confundar in æternum : in justitia tua libera me, et eripe me.

V. Glória Patri.

Oratio.

DA, quæsumus, Ecclesiæ tuæ misericos Deus : ut sancto Spíritu congregata, hostili nullatenus incursiõne turbetur. Per Dóminum nostrum. In unitate ejusdem, &c.

Secunda Oratio. Ecclesiæ tuæ. *vel* Deus omnium. fol. 258.

Lectio Joélis Prophætæ.

Joel. 2. e.

HÆC dicit Dominus Deus : exultate filii Sion, et lætamini in Domino Deo vestro : quia dedit vobis doctorem justitiæ, et descendere faciet ad vos imbrem matutinum et serotinum, sicut in principio. Et implebuntur area frumento, et redundabunt torcularia vino,

et oleo. Et comedétis vescéntes, et saturabímíni, et laudábítis nomen Dómini Dei vestri, qui fecit mirabília vobíscum: et non confundétur pópulus meus in sempitérnúm. Et sciétis quia in médio Israël ego sum: et ego Dóminus Deus vester, et non est ámplíus: et non confundétur pópulus meus in aetérnum: ait Dóminus omnípotens.

Allelúia, allelúia.

℣. *Sap. 12.* O quàm bonus et suávis est, Dómine, spíritus tuus in nobis. Allelúia.

℣. *Hic genuflectitur.* Veni sancte Spíritus, reple tuórum corda fidélium: et tui amóris in eis ignem accénde.

Sequentia. Veni sancte Spíritus. *ut suprà in Dominica Pentecost. fol. 253.*

Sequentia sancti Evangélíi secúndum Lucam.

Luc. 5. c.

IN illo témpore: Factum est in una diérum, et Jesus sedébat docens. Et erant Pharisæi sedéntes, et legis doctores, qui vénerant ex omni castélló Galilææ, et Judææ, et Jerúsalem, et virtus Dómini erat ad sanándum eos. Et ecce viri portántes in lecto hóminem, qui erat paralyticus: et quærébant eum inférre, et pónere ante eum. Et non inveniéntes qua parte illum inférrent præ turba, ascendérunt supra tectum, et per tégulas summísérunt eum cum lecto in médium, ante Jesum. Quorum fidem ut vidit, dixit: Homo remittúntur tibi peccáta tua. Et cœpérunt cogítare Scribæ et Pharisæi, dicéntes: Quis est hic, qui lóquitur blasphemias?

Quis potest dimíttere peccáta nisi solus Deus? Ut cognóvit autem Jesus cogitátiones eórum, respondens, dixit ad illos: Quid cogitátis in córdibus vestris? Quid est facílius dicere: Dimittúntur tibi peccáta: an dicere: Surge, et ámbula? Ut autem sciátis, quia Fílius hóminis habet potestátem in terra dimitténdi peccáta, (ait paralytico:) Tibi dico, surge, tolle lectum tuum, et vade in domum tuam. Et conféstim consúrgens coram illis, tulit lectum, in quo jacébat: et ábiit in domum suam, magníficans Deum. Et stupor apprehéndit omnes, et magnificábant Deum. Et repléti sunt timóre, dicéntes: Quia vídimus mirabília hódie. Credo.

Offertorium. Ps. 145. Lauda ánima mea Dóminum: laudábo Dóminum in vita mea: psallam Deo meo, quamdiu ero, allelúia.

Secreta.

SACRIFICIA, Dómine, tuis obláta conspéctibus, ignis ille divínus absúmat, qui discipulórum Christi Fílii tui per Spíritum sanctum corda succéndit. Per eúndem Dóminum nostrum. In unitáte ejusdem, &c.

Aliæ Secreta. Prótege nos. vel Oblátis. *ut sup. in Fer. iv. fol. 259.*

Communio. Jo. 14. Non vos relínquam órphanos: véniam ad vos iterum, allelúia: et gaudébit cor vestrum, allelúia.

Postcommunio.

SUMPSIMUS, Dómine, sacri dona mystérii, humíliter deprecántes: ut quæ in tui commemoratiónem nos fácere præcepísti, in nostræ proficiant

infirmittatis auxiliũ. Qui vi-
vis et regnas, &c.

Altera Postcommunio. Quæ-
sumus, Dómine, *vel* Hæc nos,
quæsumus, fol. 259.

SABBATO QUATUOR TEMP. PENTECOST.

Statio ad sanctum Petrum.

Introitus. Rom. 5.

CHARITAS Dei diffusa est
in cõrdibus nostris, alle-
lúia: per inhabitantem Spí-
ritum ejus in nobis, allelúia,
allelúia.

Psal. 102. Bénedic ánima
mea Dómino: et ómnia, quæ
intra me sunt, nómini sancto
ejus. *℟. Glória Patri.*

Post Kyrie eléison, dicitur,
Orémus, *tantũ, sine* Flectá-
mus gœna, *et similiter ad Ora-*
tiones sequentes.

Oratio.

MENTIBUS nostris, quæ-
sumus Dómine, Spíritum
sanctum benígnus infúnde: cu-
jus et sapiéntia cõnditi sumus,
et providéntia gubernámur.
Per Dóminum nostrum. In
unitate ejusdem.

Lectio Joélis Prophætæ.

Joélis 2. f.

HÆC dicit Dóminus Deus:
Effúndam spíritum meum
super omnem carnem: et
prophetábunt filii vestri, et
filíæ vestræ: senes vestri sóm-
nia somniábunt, et júvenes
vestri visiones vidébunt. Sed
et super servos meos, et an-
cillas in diébus illis effúdam
spíritum meum. Et dabo pro-
digia in cœlo, et in terra, sân-
guinem et ignem et vapórem
fumi. Sol convertétur in té-
nebras, et luna in sânguinem,

ántequam véniat dies Dómini
magnus, et horribilis. Et erit:
Omnis, qui invocáverit nomen
Dómini, salvus erit.

Allelúia. ℟. Joan. 6. Spí-
ritus est qui vivificat: caro au-
tem non prodest quidquam.

Orémus. Oratio.

ILLO nos igne, quæsumus
Dómine, Spíritus sanctus
inflámmet: quem Dóminus
noster Jesus Christus misit in
terram: et vóluit veheménter
accéndi. Qui tecum vivit et
regnat in unitate ejusdem Spí-
ritus sancti Deus.

Lectio libri Levítici.

Lev. 23. b.

IN diébus illis: Locútus est
Dóminus ad Móysen, di-
cens: Lóquere filiis Israél, et
dices ad eos: Cũ ingressi fué-
ritis terram, quam ego dabo
vobis, et messuérítis ségetem,
ferétis manípulos spicárum
primitias messis vestræ ad sa-
cerdótem: qui elevábit fascí-
culum coram Dómino, ut ac-
ceptabile sit pro vobis altero
die Sábbati, et sanctificábit
illum. Numerábitis ergo ab
áltero die Sábbati, in quo ob-
tulístis manípulum primitiá-
rum, septem hebdómadas plen-
nas, usque ad álteram diem
expletiónis hebdómadæ sép-
timæ, id est, quinquaginta
dies: et sic offerétis sacrificium
novum Dómino ex ómnibus
habitáculis vestris, panes pri-
mitiárum duos de duábus dé-
cimis similæ fermentatæ, quos
coquétis in primitias Dómini.
Et vocábitis hunc diem cele-
bérrimum, atque sanctíssim-
um: omne opus servile non
faciétis in eo. Legítimum
sempitérnum erit in cunctis

habitaculis, et generationibus vestris: dicit Dominus omnipotens.

Alleluia. *V. Joan. 26.* Spiritus ejus ornavit coelos.

Orémus. Oratio.

DEUS, qui ad animarum medelam, jejunii devotione castigari corpora praecipisti: concede nobis propitius, et mente et corpore tibi semper esse devotos. Per Dominum.

Lectio libri Deuteronomii.

Deut. 26.

IN diebus illis: Dixit Moyses filiis Israel: Audi Israel quae ego praecipio tibi hodie. Cum intraveris Terram, quam Dominus Deus tuus tibi daturus est possidendam, et obtinueris eam, atque habitaveris in ea: tolles de cunctis frugibus tuis primitias, et pones in cartallo, pergesque ad locum, quem Dominus Deus tuus elegerit, ut ibi invocetur nomen ejus, accedesque ad sacerdotem, qui fuerit in diebus illis, et dices ad eum: Profiteor hodie coram Domino Deo tuo, qui exaudivit nos, et respexit humilitatem nostram, et laborem, atque angustiam: et eduxit nos de Aegypto in manu forti, et brachio extento, in ingenti pavore, in signis atque portentis: et introduxit ad locum istum, et tradidit nobis Terram lacte et melle manantem. Et idcirco nunc offero primitias frugum Terrae, quam Dominus dedit mihi. Et dimittes eas in conspectu Domini Dei tui, et adorato Domino Deo tuo. Et epulaberis in omnibus bonis, quae Dominus Deus tuus dederit tibi.

Alleluia. *V. Act. 2.* Cum complerentur dies Pentecostes, erant omnes pariter sedentes.

Orémus. Oratio.

PRAESTA quaesumus omnipotens Deus: ut salutariibus jejuniis eruditi, ab omnibus etiam vitis abstinentes, propitiationem tuam facilius impetremus. Per Dominum.

Lectio libri Levitici.

Lev. 26.

IN diebus illis. Dixit Dominus ad Moysen: Loquere filiis Israel, et dices ad eos: Si in praecipis meis ambulaveritis, et mandata mea custodieritis, et feceritis ea, dabo vobis pluvias temporibus suis, et terra gignet germen suum, et pomis arbores replebuntur. Apprehendet messium tritura vindemiam, et vindemia occupabit sementem: et comedetis panem vestrum in saturitate, et absque pavore habitabitis in terra vestra. Dabo pacem in finibus vestris: dormietis, et non erit qui exterreat. Auferam malas bestias: et gladius non transibit terminos vestros. Persequimini inimicos vestros, et corrueant coram vobis. Persequentur quinque de vestris centum alienos, et centum de vobis decem milia: cadent inimici vestri gladio in conspectu vestro. Respiciam vos, et crescere faciam: multiplicabimini, et firmabo pactum meum vobiscum. Comedetis vetustissima veterum, et vetera novis superveniens projicietis. Ponam tabernaculum meum in medio vestri; et non abjiciet vos anima mea. Ambulabo inter vos, et ero Deus vester, vosque

éritis pópulus méus : dicit
Dóminus omnipotens.

Allelúia.

V. Hic genuflectitur. Veni
sancte Spíritus, reple tuórum
corda fidélium : et tui amóris
in eis ignem accénde.

Orémus. Oratio.

PRÆSTA quæsumus omni-
potens Deus, sic nos ab
épulis carnálibus abstinére : ut
à vitiis irruéntibus páriter jeju-
nemus. Per Dóminum.

Léctio Daniélis Prophætæ.

Dan. 3. e.

IN diébus illis : Angelus Dó-
mini descendit cum Aza-
ria, et sóciis ejus in forná-
cem : et excússit flammam
ignis de fornáce, et fecit mé-
dium fornácis quasi ventum
roris flantem. Flamma autem
effundebátur super fornácem
cúbitis quadraginta novem :
et erúpit, et incéndit quos ré-
perit juxta fornácem de Chal-
dæis ministros regis, qui eam
incendébant. Et non tétigit
eos omnino ignis, neque con-
tristávit, nec quidquam mo-
lestiæ íntulit. Tunc hi tres
quasi ex uno ore laudábant, et
glorificábant, et benedicébant
Deum in fornáce, dicétes :

*Hic non respondetur, Deo
grátias.*

Allelúia. *V. ib.* Benedictus
es Dómine Deus patrum nos-
trórum, et laudábilis in sæcula.

Finito Versu, dicitur Glória
in excelsis, *deinde* Dóminus
vobiscum. *R.* Et cum spíri-
tu tuo.

Orémus. Oratio.

DEUS, qui tribus púeris
mitigásti flammam ignium :
concéde propítius ; ut nos fa-

mulos tuos non exúrat flamma
vitiórum. Per Dóminum.

*Secunda Oratio Ecclésiæ tuæ,
vel Deus ómnium. fol. 258.*

Léctio Epístolæ beáti Pauli
Apóstoli ad Romános.

Rom. 5.

FRATRES, Justificáti ex
fide, pacem habeámus ad
Deum per Dóminum nostrum
Jesum Christum : per quem et
habémus accessum per fidem
in grátiam istam, in qua sta-
mus, et gloriámur in spe gló-
riæ filiórum Dei. Non solúm
autem, sed et gloriámur in tri-
bulatióibus : sciétes quòd
tribulatio patiéntiam operátur :
patiéntia autem probatióem,
probatio verò spem, spes au-
tem non confúndit : quia chá-
ritas Dei diffúsa est in córdi-
bus nostris per Spíritum sanc-
tum, qui datus est nobis.

Tractus. Psal. 116. Laudáte
Dóminum omnes Gentes, et
collaudáte eum omnes pópuli.
V. Quóniam confirmáta est su-
per nos misericórdia ejus : et
véritas Dómini manet in ætér-
num.

Sequentia. Veni sancte Spí-
ritus. *ut supra in Dominica
Pentec. fol. 253, sed in sine non
dicitur Allelúia.*

Sequentia sancti Evangélii se-
cúndum Lucam.

Luc. 4. j.

IN illo témpore : Surgens
Jesús de synagóga intro-
vit in domum Simónis. So-
crus autem Simónis tenebátur
magnis fétribus : et rogavé-
runt illum pro ea. Et stans su-
per illam imperávit febrí : et
dimisit illam. Et continuó sur-
gens, ministrábat illis. Cúm

autem sol occidisset, omnes qui habebant infirmos variis languoribus, ducabant illos ad eum. At ille singulis manus imponens, curabat eos. Exibant autem dæmonia à multis clamantia, et dicentia: Quia tu es Filius Dei: et increpans, non sinebat ea loqui: quia sciebant ipsum esse Christum. Facta autem die, egressus ibat in desertum locum, et turbæ requirebant eum, et venerunt usque ad ipsum: et detinebant illum, ne discederet ab eis. Quibus ille ait: Quia et aliis civitatibus oportet me evangelizare regnum Dei: quia ideo missus sum. Et erat prædicans in synagogis Galilææ. Credo.

Offertorium. Psal. 87. Dómine Deus salutis meæ, in die clamavi, et nocte coram te: intret oratio mea in conspectu tuo, Dómine, allelúia.

Secreta.

UT accepta tibi sint, Dómine, nostra jejunia: præsta nobis, quæsumus, hujus munere sacramenti purificatum tibi pectus offerre. Per Dóminum.

Altera Secreta. Prótege nos, vel Oblátis, quæsumus. fol. 259.

Communio. Joan. 3. Spíritus ubi vult spirat: et vocem ejus audis, allelúia, allelúia: sed nescis unde véniat, aut quò vadat, allelúia, allelúia, allelúia.

Postcommunio.

PRÆBEANT nobis, Dómine divinum tua sancto fervorem: quo eorum páriter et actu delectémur, et fructu. Per Dóminum nostrum.

Altera Postcom. Quæsumus, Dómine, vel Hæc nos, quæsumus. fol. 259.

IN FESTO

SS. TRINITATIS.

Introitus. Tob. 12.

BENEDICTA sit sancta Trínitas, atque indivisa unitas: confitébimur ei, quia fecit nobiscum misericórdiam suam.

Psal. 8. Dómine Dóminus noster, quàm admirábile est nomen tuum in univérsa terra!

Ÿ. Glória Patri.

Oratio.

OMNIPOTENS sempitérne Deus, qui dedisti famulis tuis in confessióne veræ fidei, æternæ Trinitátis, glóriam ag-

noscere, et in poténtia majestátis adoráre unitatem: quæsumus, ut ejúsdem fidei firmitate, ab ómnibus semper muniámur advérsis. Per Dóminum.

Deinde fit commem. de Dominica prima post Pentecosten.

Oratio.

DEUS, in te sperantium fortitúdo, adesto propítius invocatióibus nostris: et quia sine te nihil potest mortális infirmitas, præsta auxiliúm grátiaæ tuæ: ut in exequéndis mandátis tuis, et voluntáte

tibi, et actiōne placeāmus.
Per Dóminum.

Léctio Epístolæ beāti Pauli
Apóstoli ad Romános.

Rom. 11. d.

O ALTITUDO divitiarum
sapiéntiæ et sciéntiæ Dei :
quàm incomprehensibilia sunt
judicia ejus, et investigábiles
viæ ejus! Quis enim cognóvit
sensum Dómini? Aut quis
consiliárius ejus fuit? Aut
quis prior dedit illi, et retribu-
étur ei? Quóniam ex ipso, et
per ipsum, et in ipso sunt óm-
nia: ipsi honor et glória in
sæcula, Amen.

Graduale. Dan. 3. Benedic-
tus es Dómine, qui intuéris
abyssos et sedes super Chéru-
bim. *V.* Benedictus es Dómine
in firmaménto cœli, et laudá-
bilis in sæcula. Allelúia, alle-
lúia: *V.* Benedictus es Dó-
mine Deus patrum nostrórum,
et laudábilis in sæcula. Alle-
lúia.

Sequéntia sancti Evangélii se-
cúndum Matthæum.

Matth. 28. d.

IN illo témpore: Dixit Jesus
discípulis suis: Data est
mihi omnis potéstas in cœlo et
in terra. Eúntes ergo docéte
omnes gentes: baptizántes eos
in nómine Patris, et Filii, et
Spíritus sancti: docéntes eos
serváre ómnia quæcúmque
mandávi vobis: et ecce ego
vobiscum sum ómnibus diébus,
usque ad consummationem sæ-
culi. Credo.

Offertorium. Tob. 12. Benedic-
tus sit Deus Pater, unigeni-
túsque Dei Fílius, sanctus
quoque Spíritus: quia fecit
nobiscum misericórdiam suam.

Secreta.

SANCTIFICA, quæsumus
Dómine Deus noster, per
tui sancti nóminis invocatió-
nem, hujus oblatiōnis hóstiam:
et per eam nosmetipsos tibi
pérfice munus ætérnum. Per
Dóminum.

Pro Dominica. Secreta.

HOSTIAS nostras, quæsu-
mus Dómine, tibi dicátas
placátus assúme: et ad perpé-
tuum nobis tribue provenire
subsídium. Per Dóminum.

Præfatio. Qui cum unigé-
nito Fílio tuo, fol. 207.

Communio. Tob. 12. Bene-
dicimus Deum cœli, et coram
ómnibus vivéntibus confitébi-
mur ei: quia fecit nobiscum
misericórdiam suam.

Postcommunio.

PROFICIAT nobis ad salu-
tem córporis et ánimæ,
Dómine Deus noster, hujus sa-
craménti suscéptio: et sempit-
térnæ sanctæ Trinitátis, ejus-
démque individuæ unitátis con-
fessio. Per Dóminum.

Pro Dominica. Postcomm.

TANTIS, Dómine repléti
munéribus, præsta quæ-
sumus: ut et salutária dona
capiámus, et à tua numquam
laude cessémus. Per Dóminum.

*In fine Missæ legitur Evange-
lium Dominicæ sequentis, ut in-
frà, fol. 268.*

DOMINICA I. POST PEN-
TECOSTEN.

Introitus. Psal. 12.

DOMINE, in tua misericór-
dia sperávi: exultávit cor
meum in salutári tuo: cantábo
Dómino, qui bona tribuit mihi.

Psal. ibid. Usquequò Dómine obliviscêris me in finem? usquequò avértis fáciem tuam à me? *℣.* Glória Patri.

Oratio.

DEUS, in sperántium fortitúdo, adésto propítius invocatióibus nostris: et quia sine te nihil potest mortális infirmitas: præsta auxiliùm grátiæ tuæ: ut in exequéndis mandátis tuis, et voluntáte tibi, et actiône placeámus. Per Dóminum.

Ad poscenda suffragia Sanctorum.

Oratio.

ACUNCTIS nos, quæsumus Dómine, mentis et córporis defénde periculis: et intercedénte beáta et gloriósa semper vírgine Dei genitrice María, cum beátis Apóstolis tuis Petro et Paulo, atque beáto, *N.* et ómnibus sanctis, salútem nobis tríbue benignus, et pacem; ut destrúctis adversitatibus et erróribus univérsis, Ecclésia tua secúra tibi sérviat libertáte.

Et dicitur in Missis tam de Tempore, quàm de Sanctis, usque ad Adventum, nisi sit Duplex, vel infra Octavam. Tertia verò Oratio dicatur ad libitum Sacerdotis.

Lectio Epistolæ beáti Joánnis Apóstoli.

1. Joan. 4. b.

CHARISSIMI, Deus charitas est. In hoc apparuit charitas Dei in nobis, quóniam Fílium suum unigénitum misit Deus in mundum, ut vivámus per eum. In hoc est charitas: non quasi nos dilexérimus Deum, sed quóniam ipse prior diléxit nos, et misit Fílium suum propitiatióem pro peccátis

nostris. Charíssimi, si sic Deus diléxit nos, et nos debémus altérutrum dilígere. Deum nemo vidit umquam. Si dilígámus invicem, Deus in nobis manet, et charitas ejus in nobis perfecta est. In hoc cognóscimus, quóniam in eo manémus, et ipse in nobis: quóniam de Spíritu suo dedit nobis. Et nos vídimus, et testificámur, quóniam Pater misit Fílium suum Salvatórem mundi. Quisquis conféssus fúerit, quóniam Jesus est Fílius Dei, Deus in eo manet, et ipse in Deo. Et nos cognóvimus, et credídimus charitati, quam habet Deus in nobis. Deus charitas est: et qui manet in charitate, in Deo manet, et Deus in eo. In hoc perfecta est charitas Dei nobiscum, ut fidúciam habeámus in die judícii: quia sicut ille est, et nos sumus in hoc mundo. Timor non est in charitate: sed perfecta charitas foras mittit timórem, quóniam timor pœnam habet. Qui autem timet, non est perfectus in charitate. Nos ergo dilígámus Deum, quóniam Deus prior diléxit nos. Si quis díxerit, quóniam diligo Deum et fratrem suum óderit, mendax est. Qui enim non diligit fratrem suum quem videt, Deum, quem non videt, quómo modo potest dilígere? Et hoc mandátum habémus à Deo: ut qui diligit Deum, dilígat et fratrem suum.

Graduale. Psal. 40. Ego dixi: Dómine miserere mei: sana ánimam meam, quia peccávi tibi. *℣.* Beátus qui intélligit super egénium et páuperem: in die mala liberábit eum Dóminus. Allelúia, allelúia.

¶ *Psal. 5.* Verba mea áuribus pécipie Dómine, intéllige clamórem meum. Allelúia.

Sequéntia sancti Evangéllii secúndum Lucam.

Luc. 6. d.

IN illo tempore: Dixit Jesus discipulis suis: Estóte misericórdes sicut et Pater vester miséricors est. Nolite judicáre, et non judicabímmini: nolite condemnáre, et non condemnabímmini. Dimittite et dimittémmini. Date, et dábitur vobis: mensúram bonam, et confértam, et coagitátam, et supereffluéntem dabunt in sinum vestrum. Eádem quippe mensúra, qua mensi fuéritis, remetiétur vobis. Dicébat autem illis et similitúdinem: Numquid potest cæcus cæcum dúcere? nóne ambo in fóveam cadunt? Non est discipulus super magístrum: perfectus autem omnis erit, si sit sicut magíster ejus. Quid autem vides festucam in óculo fratris tui, trabem autem, quæ in óculo tuo est, non cónsideras? Aut quómodo potes dicere fratri tuo: Frater, sine ejiciam festúcam de óculo tuo: ipse in óculo tuo trabem non videns: Hypócrita, éjice primùm trabem de óculo tuo: et tunc perspícies, ut edúcas festúcam de óculo fratris tui.

Offertorium. Psal. 5. Intén-de voci orátionis meæ, Rex meus, et Deus meus: quóniam ad te orábo Dómine.

Secreta.

HOSTIAS nostras, quæsumus Dómine, tibi dicátas

placátus assúme: et ad perpétuum nobis tríbue proveníre subídium. Per Dóminum nostrum Jesum Christum Fílium tuum: Qui tecum vivit, &c.

Ad poscenda suffragia Sanctorum.

Secreta.

EXAUDI nos Deus salutáris noster: ut per hujus sacraménti virtútem à cunctis nos mentis et córporis hóstibus tueáris grátiam tribuens in præsentí, et glóriam in futúro.

Tertia ad libítum Sacerdotis.

Communio. Psal. 9. Narrábo ómnia mirábilia tua: lætábor et exultábo in te: psallam nómini tuo. Altíssime.

Postcommunio.

TANTIS, Dómine, repléti munéribus, præsta quæsumus: ut et salutária dona capiámus, et à tua núnquam laude cessémus. Per Dóminum nostrum Jesum Christum, &c.

Ad poscenda suffragia Sanctorum.

Postcommunio.

MUNDET et múniat nos, quæsumus Dómine, divíni sacraménti munus oblatum: et intercedénte beáta vírgine Dei genitrice María, cum beátis Apóstolis tuis Petro et Paulo, atque beáto N. et ómnibus Sanctis, à cunctis nos reddat et perversitatibus expiátos, et adversitatibus expeditos.

Tertia ad libítum Sacerdotis.

IN SOLEMNITATE
C O R P O R I S
CHRISTI.

Introitus. Psal. 80.

CIBAVIT eos ex ádipe fruménti, allelúia : et de petra, melle saturávit eos, allelúia, allelúia.

Psalm. ibid. Exultáte Deo adjutóri nostro : jubiláte Deo Jacob. *V.* Glória Patri.

Oratio.

DEUS, qui nobis sub Sacraménto mirábili, passiónis tuæ memóriam reliquisti : tribue, quæsumus, ita, nos cõporis et sãguinis tui sacra mystéria venerári, ut redemptiónis tuæ fructum in nobis júgiter sentiámus. Qui vivis et regnas cum Deo.

Lectio Epístolæ beáti Pauli Apóstoli ad Corínthios.

1 Cor. 11. d.

FRATRES, Ego enim accépi à Dómino, quod et trádidi vobis, quóniam Dóminus Jesus in qua nocte tradebátur, accépit panem, et grátias agens, fregit, et dixit: Accípite, et manducáte : hoc est corpus meum, quod pro vobis tradétur: hoc fácite in meam commemoratióem. Similiter et cálicem, postquam cœnavit, dicens : Hic calix novum testaméntum est in meo sãguine. Hoc fácite quotiescúmque bibétis, in meam commemoratióem. Quotiescúmque enim manducábitis panem hunc, et

cálicem bibétis : mortem Dómini annuntiábitis, donec véniat. Itaque quicúmque manducáverit panem hunc, vel biberit cálicem Dómini indignè : reus erit cõporis et sãguinis Dómini. Probet autem seípsum homo : et sic de pane illo edat, et de cálice bibat. Qui enim manducat, et bibit indignè, júdiciu[m] sibi manducat et bibit, non dijúdicans corpus Dómini.

Graduale. Psalm. 144. Oculi ómnium in te sperant, Dómine : et tu das illis escam in témpore opportúno. *V.* Aperis tu manum tuam : et imples omne ánimam benedictióe.

Allelúia, allelúia.

V. Joan. 6. Caro mea verè est cibus, et sanguis meus verè est potus : qui manducat meam carnem, et bibit meum sãguinem, in me manet, et ego in eo.

Sequentia.

LAUDA Sion Salvatórem, lauda ducem et pastórem in hymnis et cánticis.

Quantum potes, tantum aude : quia major omni laude, nec laudáre súfficis.

Laudis thema speciális, panis vivus et vitális hódie propónitur.

Quem in sacrae mensae cœnae, turbæ fratrum duodénæ datum non ambígitur.

Sit laus plena, sit sonóra, sit jucúnda, sit decóra mentis jubilátio.

Dies enim solémnis ágitur, in qua mensæ prima recólitur hujus institútio.

In hæc mensa novi Regis, novum Pascha novæ legis, phase vetus términat.

Vetustátem nóvitas, umbram fugat véritas, noctem lux eliminat.

Quod in cœna Christus gessit, faciéndum hoc exprésit in sui memóriam.

Docti sacris institútis, panem vinum in salutis consecrámus hóstiam.

Dogma datur Christiánis, quòd in carnem transit panis, et vinum in ságuinem.

Quod non capis, quod non vides, animósa firmat fides, præter rerum órđinem.

Sub diversis speciëbus, signis tantùm, et non rebus, latent res exímia.

Caro cibus, ságuis potus : manet tamen Christus totus sub utrâque spécie.

A suménte non concisus, non confráctus, non divisus, integer accípitur.

Sumit unus, sumunt mille : quantum isti, tantum ille : nec sumptus consúmitur.

Sumunt boni, sumunt mali : sorte tamen inæquáli, vitæ, vel intéritus.

Mors est malis, vita bonis : vide paris sumptiónis, quàm sit dispar éxitus.

Fracto demum Sacraméto, ne vacilles, sed meméto, tantum esse sub fragméto, quantum toto tégitur.

Nulla rei sit scissúra : signi tantùm fit fractúra : qua nec

status, nec statúra signáti minúitur.

Ecce panis Angelórum, factus cibus viatórum : verè panis filiórum, non mitténdus cá-nibus.

In figuris præsignátur, cùm Isaac immolátur : Agnus Paschæ deputátur : datur manna pátribus.

Bone pastor, panis vere, Jesu nostri miserére : tu nos pasce, nos tuére : tu nos bona fac vidére in terra vivéntium.

Tu qui cuncta scis, et vales : qui nos pascis hic mortáles : tuos ibi commensáles, cohærédes, et sodáles fac sanctorum cívium, Amen. Allelúia.

Sequéntia sancti Evangélii secúndum Joánnem.

Joan. 6. f.

IN illo témpore : Dixit Jesus turbis Judæórum : Caro mea verè est cibus : et sanguis meus verè est potus. Qui mandúcat meam carnem, et bibit meum ságuinem, in me manet, et ego in illo. Sicut misit me vivens Pater, et ego vivo propter Patrem ; et qui mandúcat me, et ipse vivet propter me. Hic est panis, qui de cœlo descéndit. Non sicut manducavérunt patres vestri manna, et mórtui sunt. Qui mandúcat hunc panem, vivet in ætérnum. Credo.

Offertorium. Lev. 21. Sacerdótes Dómini incénsus et panes ófierunt Deo, et idéò sancti erunt Deo suo, et non póluent nomen ejus, allelúia.

Secreta.

ECCLESIAE tuæ, quæsumus Dómine, unitátis et pacis propítius dona concéde :

quæ sub oblâtis munëribus mysticè designântur. Per Dóminum.

Præfatio de Nativitate. Quia per incarnâti Verbi. fol. 203.

Et dicitur per totum Octavam.

Communio. 1 Cor. 11. Quotiescúmque manducâbitis panem hunc, et cálicem bibëtis, mortem Dómini annuntiâbitis, donec véniat: itaque quicumque manducáverit panem, vel biberit cálicem Dómini indignè, reus erit córporis et sânguinis Dómini, allelúia.

Postcommunio.

FAC nos, quæsumus Dómine, divinitâtis tuæ sempitérna fruiçione replëri: quam pretiôsi córporis et sânguinis tui témporalis percéptio præfigurât. Qui vivis et regnas.

¶ *Infra Octavam dicitur hæc eadem Missa, et non fit de aliquo Sancto, nisi fuerit Duplex occurrens, non autem translatum: in die Octavæ non fit nisi de festo sancti Joannis Baptistæ, et SS. Apostolorum Petri et Pauli, si occurrant, cum commem. Octavæ. Infra Octavam secunda Oratio de sancta Maria, Concède nos. Tertia, Ecclésiæ tuæ. Vel Deus ómnium fidélium.* fol. 236.

Et si in ea venerit Vigilia, fit de Octava cum commemoratione Vigiliæ.

DOMINICA INFRA OCTAVAM CORPORIS CHRISTI, SECUNDA POST PENTECOSTEN.

Introitus. Psal.

FACTUS est Dóminus protector meus, et eduxit me in latitudinem: salvum me fecit, quóniam vóluit me.

Psal. ibid. Diligam te, Dó-

mine, virtus mea: Dóminus firmaméntum meum, et refúgium meum, et liberátor meus.

¶ Glória Patri.

Oratio.

SANCTI nóminis tui, Dómine timórem páriter, et amórem fac nos habére perpétuum: quia numquam tua gubernatióne destituis, quos in soliditâte tuæ dilectiônis instituis. Per Dóminum.

Deinde fit commem. de Oct. Corporis Christi tantum, Oratio. Deus, qui nobis. fol. 269.

Lectio Epístolæ beáti Joánnis Apóstoli.

1 Joan. 3. b.

CHARISSIMI: Nolite mirári, si odit vos mundus. Nos scimus quóniam translâti fumus de morte ad vitam, quóniam diligimus fratres. Qui non diligit, manet in morte: omnis, qui odit fratrem suum homicida est. Et scitis quóniam omnis homicida non habet vitam ætérnam in semetípso manéntem. In hoc cognóvimus charitâtem Dei, quóniam ille ánimam suam pro nobis, pósuit: et nos debémus pro frâtribus, ánimas pónerere. Qui habúerit substántiam hujus mundi, et viderit fratrem suum necessitâtem habére, et clâuserit viscera sua ab eo: quómodo charitas Dei manet in eo? Filioli mei, non diligámus verbo, neque lingua, sed ópere et veritâte.

Graduale. Ps. 119. Ad Dóminum, cùm tribulârer, clamávi, et exaudivit me. ¶ Dómine, libera ánimam meam à lábiis iníquis, et à lingua dolósa. Allelúia, allelúia.

¶ *Psal. 7.* Dómine Deus meus, in te sperávi: salvum me

fac ex ómnibus persecúentibus me, et libera me. Alleluia.

Sequéntia sancti Evangélii secúndum Lucam.

Luc. 14. d.

IN illo témpore : Dixit Jesus Pharisæis parábolam hanc : Homo quidam fecit cœnam magnam, et vocávit multos, Et misit servum suum hora cœnæ dicere invitátis, ut venirent, quia jam paráta sunt ómnia. Et cœpérunt simul omnes excusáre. Primus dixit ei : Villam emi, et necesse hábeo exíre, et vidére illam : rogo te, habe me excusátum. Et alter dixit : Juga boum emi quinque, et eo probáre illa : rogo te, habe me excusátum. Et álius dixit : Uxórem duxi, et idéò non possum veníre, Et réversus servus nuntiávit hæc domino suo. Tunc irátus pater famílias, dixit servo suo : Exi citò in platéas et vicos civitátis : et páuperes ac débiles, et cæcos, et claudos íntroduc huc. Et ait servus : Dómine, factum est ut imperásti, et adhuc locus est. Et ait dóminus servo : Exi in vias et sepes : et compélle intráre, ut impleátur domus mea. Dico autem vobis : quòd nemo virórum illórum, qui vocáti sunt, gustábit cœnam meam. Credo.

Offertorium. Psal. 6. Dómine convertere, et éripe ánimam meam : salvum me fac propter misericórdiam tuam.

Secreta.

OBLATIO nos, Dómine, tuo nómini dicánda purificet : et de die in diem ad cœlestis vitæ transférat actiónem. Per Dóminum.

De Oct. Corporis Christi, Secreta Ecclesiæ tuæ. fol. 270.

Communio. Psal. 12. Cantábo Dómino, qui bona tribuit mihi : et psallam nómini Dómini altíssimi.

Postcommunio.

SUMPTIS munéribus sacris, quæsumus Dómine, ut cum frequentatióne mystérii, crescat nostræ salutis effectus. Per Dóminum.

De Oct. Corporis Christi, Postcommunio. Fac nos quæsumus Dómine. fol. 271.

DOMINICA III. POST PENTECOSTEN.

Introitus. Psal. 24.

RESPICE in me, et misere mei Dómine, quóniam únicus, et pauper sum ego : vide humilitátem meam, et labórem meum : et dimitte ómnia peccáta mea, Deus meus.

Psal. ib. Ad te, Dómine levávi ánimam meam : Deus meus, in te confido, non erubescam.

V. Glória Patri.

Oratio.

PROTECTOR in te sperántium Deus, sine quo nihil est válidum, nihil sanctum, multiplica súper nos misericórdiam tuam : ut te rectóre, te duce, sic transeámus per bona temporália, ut non amittámus ætérna. Per Dóminum.

Secunda Oratio. A cunctis. *ut in Dominica i. post Pentecosten. fol. 267.*

Tertia ad libitum.

Léctio Epístolæ beáti Petri Apóstoli.

1 Pet. 5. b.

CHARISSIMI ; Humiliámini sub poténti manu Dei, ut vos exaltet in témpore vi-

sitatiónis : omnem sollicitúdi-
nem vestram projiciétes in
eum, quóniam ipsi cura est
de vobis. Sóbrii estóte, et
vigiláte : quíia adversárius ves-
ter diábolus tamquam leo rú-
giens circuit, quærens quem
dévoret : cui resistite fortes in
fide : sciétes eámdem passió-
nem ei, quæ in mundo est,
vestræ fraternitáti fieri. Deus
autem omnis grátia, qui vo-
cávit nos in aetérnam suam
glóriam in Christo Jesu, mó-
dicum passos ipse perficiet,
confirmábit, solidabítque. Ip-
si glória et impérium in sæcu-
la sæculórum, Amen.

Graduale. Psal. 54. Jacta
cogitátum tuum in Dómino : et
ipse te enútriet. *V.* Dum cla-
márem ad Dóminum, exau-
dívit vocem meam ab his, qui
appropínquant mihi.

Allelúia, allelúia.

V. Ps. 7. Deus judex jus-
tus, fortis, et pátiens, numquid
irascitur per singulos dies ?
Allelúia.

Sequéntia sancti Evangélli se-
cúndum Lucam.

Luc. 15.

IN illo témpore : Erant ap-
propinquátes ad Jesum
publicáni, et peccatóres, ut
audírent illum. Et murmurá-
bant Pharisæi et Scribæ di-
cétes : Quia hic peccatóres
récipit, et mandúcat cum illis.
Et ait ad illos parábolam istam,
dicens : Quis ex vobis homo,
qui habet centum oves : et si
perdiderit unam ex illis, nón-
ne dimíttit nonagintanóvem in
desérto, et vadit ad illam,
quæ perierat, donec invéniat
eam ? Et cùm invénerit eam,
impónit in húmeros suos gau-

dens : et véniens domum, cón-
vocat amícos et vicínos, di-
cens illis : Congratulámini mi-
hi, quia invéni ovem meam,
quæ perierat. Dico vobis,
quòd ita gáudium erit in cœlo
super uno peccatóre pœnitén-
tiam agente, quàm super non-
nagintanóvem justis, qui non
índigent pœniténtia. Aut quæ
múlier habens drachmas de-
cem, si perdiderit drachmam
unam, nónne accéndit lucér-
nam, et evérrit domum, et quæ-
rit diligénter, donec invéniat ?
Et cùm invénerit, cónvocat
amicas et vicínas, dicens : Con-
gratulámini mihi, quia invéni
drachmam, quam perdideram.
Ita dico vobis : gáudium erit
coram Angelis Dei super uno
peccatóre pœniténtiam agente.
Credo.

Offertorium. Psal. 9. Sperent
in te omnes, qui novérunt no-
men tuum, Dómine, quóniam
non derelínquis quærétes te :
psállite Dómino, qui hábitat in
Sion, quóniam non est oblítus
oratiónem páuperum.

Secreta.

RESPICE, Dómine, mú-
nera supplicántis Ecclé-
siæ : et salúti credéntium per-
pétua sanctificatióne suménda
concéde. Per Dóminum.

Alia Secr. Exáudi nos. f. 268.

Tertia ad libitum.

Communio. Luc. 15. Dico vo-
bis gáudium est Angelis Dei
super uno peccatóre pœnitén-
tiam agente.

Postcommunio.

SANCTA tua nos, Dómine,
sumpta vivificent : et mi-
sericórdia sempiternæ præpa-
rent expiátos. Per Dóminum.

Altera Postcomm. Mundet et
múniat. f. 268. *Tertia ad libit.*

DOMINICA IV. POST
PENTECOSTEN.*Introitus. Psal. 26.*

DOMINUS illuminatio mea, et salus mea, quem timébo? Dóminus defénsor vitæ meæ, à quo trepidábo? qui tribulant me inimici mei, ipsi infirmáti sunt, et ceciderunt.

Psal. ibid. Si consistant advérsus me castra, non timébit cor meum. *V.* Glória.

Oratio.

DA nobis, quæsumus Dómine: ut et mundi cursus pacificè nobis tuo ordine dirigátur, et Ecclésia tua tranquilla devotióne lætétur. Per Dóminum.

Secunda Oratio. A cunctis. fol. 267.

Tertia ad libitum.

Lectio Epístolæ beáti Pauli Apostóli ad Romános.

Rom. 8. d.

FRATRES: Exístimo, quòd non sunt condignæ passiónes hujus témporis ad futúram glóriam, quæ revelábitur in nobis. Nam expectatio creatúræ revelatióem filiórum Dei expéctat. Vanitati enim creatúra subjécta est, non volens, sed propter eum, qui subjécit eam in spe: quia et ipsa creatúra liberábitur à servitute corruptiõnis in libertatem glóriæ filiórum Dei. Scimus enim, quòd omnis creatúra ingemiscit, et párturit usque adhuc. Non solùm autem illa, sed et nos ipsi primitias spiritus habentes, et ipsi intra nos géimus, adoptiõnem filiórum Dei expectantes, redemptiõnem corpõris nostri: in Christo Jesu Dómino nostro.

Graduale. Psal. 78. Propitius esto Dómine peccátiis nostris: ne quando dicant Gentes ubi est Deus eórum? *V.* Adjuva nos Deus salutáris noster, et propter honórem nóminis tui Dómine libera nos. Allelúia, allelúia. *V.* Ps. 9. Deus, qui sedes super thronum, et júdicas æquitátem: esto refúgium páuperum in tribulatióne. Allelúia.

Sequéntia sancti Evangélii secundùm Lucam.

Luc. 5.

IN illo témpore: Cùm turbæ irrúerent in Jesum, ut audírent verbum Dei, et ipse stabat secus stagnum Genésareth. Et vidit duas naves stantes secus stagnum: piscatóres autem descéndérant, et lavábant rétia. Ascéndens autem in unam navim, quæ erat Simónis, rogávit eum à terra redúcere pusillum. Et sedens, docébat de navícula turbas. Ut cessávit autem loqui, dixit ad Simónem: Duc in altum, et laxáte rétia vestra in captúram. Et respóndens Simon, dixit illi: Præcéptor, per totam noctem laborántes, nihil cépimus: in verbo autem tuo laxábo rete. Et cùm hoc fecissent conclusérunt piscium multitudinem copiósam: rumpebátur autem rete eórum. Et annuérunt sóciis, qui erant in ália navi, ut venírent, et adjuvárent eos. Et venérunt, et implevérunt ambas navículas, ita ut penè mergeréntur. Quod cùm vidérít Simon Petrus, prócidit ad gènuá Jesu, dicens: Exi à me, quia homo peccátor sum, Dómine. Stu-

por enim circumdederat eum, et omnes, qui cum illo erant, in captura piscium, quam ceperant. Similiter autem Jacobum et Joannem, filios Zebedæi, qui erant socii Simonis. Et ait ad Simonem Jesus: Noli timere: ex hoc jam homines eris capiens. Et subductis ad terram navibus, relictis omnibus, secuti sunt eum. Credo.

Offertorium. Ps. 12. Illumina oculos meos, ne umquam obdormiam in morte: ne quando dicat inimicus meus, Prævalui adversus eum.

Secreta.

OBLATIONIBUS nostris, quæsumus Domine, placare susceptis: et ad te nostras etiam rebelles compelle propitius voluntates. Per Dominum.

Alia Secreta. Exaudi nos. fol. 268. Tertia ad libitum.

Communio. Psal. 17. Dominus firmamentum meum, et refugium meum, et liberator meus, Deus meus, adjutor meus.

Postcommunio.

MYSTERIA nos, Domine quæsumus, sumpta purificent, et suo munere tueantur. Per Dominum.

Altera Postc. Mundet et muniat. fol. 268. Tertia ad libit.

DOMINICA V. POST PENTECOSTEN.

Introitus. Psal. 26.

EXAUDI, Domine, vocem meam, qua clamavi ad te: adjutor meus esto, ne derelinquas me, neque despicias me Deus salutaris meus.

Psal. ibid. Dominus illuminatio mea, et salus mea, quem timebo? V. Gloria.

Oratio.

DEUS, qui diligentibus te, bona invisibilia præparasti: infunde cordibus nostris tui amoris affectum; ut te in omnibus, et super omnia diligentes, promissiones tuas, quæ omne desiderium superant, consequamur. Per Dominum.

Secunda Oratio. A cunctis nos. ut suprâ. fol. 267.

Tertia ad libitum.

Lectio Epistolæ beati Petri Apostoli.

1 Pet. 3. b.

CHARISSIMI: Omnes unânimes in oratione estote, patientes, fraternitatis amatores, misericordes, modesti, humiles: non reddentes malum pro malo, nec maledictum pro maledicto, sed è contrario benedicentes: quia in hoc vocati estis, ut benedictionem hæreditate possideatis. Qui enim vult vitam diligere, et dies videre bonos, coarceat linguam suam à malo, et labia ejus ne loquantur dolum. Declinet à malo, et faciat bonum: inquirat pacem, et sequatur eam. Quia oculi Domini super justos, et aures ejus in preces eorum: vultus autem Domini super facientes mala. Et quis est qui vobis noceat, si boni æmulatores fueritis? Sed et si quid patimini propter justitiam, beati. Timorem autem eorum ne timeveritis, et non conturbemini. Dominum autem Christum sanctificate in cordibus vestris.

Grad. Ps. 83. Protector noster aspice Deus: et respice super servos tuos. V. Domine Deus virtutum, exaudi preces servorum tuorum. Allel. allel.

Ÿ. *Ps. 20.* Dómine in virtúte tua lætábitur rex, et super salutáre tuum exultábit vehementer. Allelúia.

Sequéntia sancti Evangélii secúndum Matthæum.

Matth. 5. c.

IN illo témpore: Dixit Jesus discipulis suis: Nisi abundáverit justítia vestra plus quàm Scribárum, et Pharisæórum, non intrábitis in regnum cœlórum. Audístis, quia dictum est antiquis: Non occides: qui autem occiderit, reus erit iudicio. Ego autem dico vobis, quia omnis, qui iráscitur fratri suo, reus erit iudicio. Qui autem dixerit fratri suo, raca: reus erit concilio. Qui autem dixerit, fá-tue: reus erit gehénnæ ignis. Si ergo offers munus tuum ad altáre, et ibi recordátus fúeris, quia frater tuus habet ali-quid advérsum te: relínque ibi munus tuum ante altáre, et vade priùs reconciliári fratri tuo: et tunc veniens offers munus tuum. Credo.

Offertorium. Ps. 15. Benedicam Dóminum, qui tribuit mihi intelléctum: providébam Deum in conspéctu meo semper: quóniam à dextris est mihi, ne commóvear.

Secreta.

PROPITIARE Dómine supplicatióibus nostris: et hás oblatiões famulórum famularúmque tuárum benignus assúme; ut quod singuli obtulerunt ad honórem nóminis tui, cunctis proficiat ad salútem. Per Dóminum.

Alia Secr. Exáudi nos Deus. *ut sup.* fol. 268. *Tertia ad lib.*

Communio. Psal. 26. Unam pétii à Dómino, hanc requíram: ut inhábitem in domo Dómini ómnibus diébus vitæ meæ.

Postcommunio.

QUOS cœlésti Dómine, dono satiásti, præsta, quæsumus, ut à nostris mundémur occúltis, et ab hóstium liberémur insídiis. Per Dóminum.

Altera Postc. Mundet et múniat. fol. 268. *Tertia ad libit.*

DOMINICA VI. POST PENTECOSTEN.

Introitus. Psal. 27.

DOMINUS fortitúdo plebis suæ, et protéctor salutárium Christi sui est: salvum fac pópulum tuum Dómine, et bédedic hæreditáti tuæ, et rege eos usque in sæculum.

Psal. ib. Ad te Dómine, clamábo, Deus meus ne sileas à me: ne quando táceas à me, et assimilábor descendéntibus in lacum.

Ÿ. Glória Patri.

Oratio.

DEUS virtútum, cujus est insere pectóribus nostris amórem tui nóminis, et præsta in nobis religiónis augméntum; ut quæ sunt bona, nútrias; ac pietátis stúdio, quæ sunt nutrita, custódiás. Per Dóminum.

Secunda Oratio. A cunctis nos. *ut sup.* f. 267. *Tertia ad libitum.*

Léctio Epístolæ beáti Pauli Apóstoli ad Romános.

Rom. 6.

FRATRES, Quicúmque baptizáti sumus in Christo Jesu, in morte ipsíus baptizáti sumus. Consepúlti enim sumus cum illo per baptismum in mortem: ut quómodo Chris-

tus surrēxit à mórtuis per glóriam Patris, ita et nos in novitáte vitæ ambulémus. Si enim complantáti facti sumus similitúdini mortis ejus : simul et resurrectionis érimus. Hoc sciéntes, quia vetus homo noster simul crucifixus est, ut destrúatur corpus peccáti, et ultrà non serviámus peccáto. Qui enim mórtuus est, justificátus est à peccáto. Si autem mórtui sumus cum Christo, crédimus, quia simul étiam vivémus cum Christo : sciéntes quòd Christus resúr-gens ex mórtuis jam non mó-ritur : mors illi ultrà non dominábitur. Quòd enim mórtuus est peccáto ; mórtuus est semel : quòd autem vivit, vivit Deo. Ita et vos existimáte, vos mórtuos quidem esse peccáto, vivéntes autem Deo : in Christo Jesu Dómino nostro.

Graduale. Psal. 89. Convértere Dómine aliquántulùm, et deprecáre super servos tuos.

Ÿ. Dómine refúgium factus es nobis, à generatióne et progénie. Allelúia, allelúia.

Ÿ. *Psal. 30.* In te Dómine sperávi, non confundar in ætérnum : in justitia tua libera me, et éripe me : inclína ad me aurem tuam, accélera, ut erípias me. Allelúia.

Sequéntia sancti Evangélii secúndùm Marcum.

Marc. 8.

IN illo témpore : Cùm turba multa esset cum Jesu, nec habérent quod manducárent : convocátis discíplis, ait illis : Miséreor super turbam : quia ecce jam trídno sústinent me, nec habent quod mandúcent : et si dimise-

ro eos jejúnos in domum suam, deficient in via : quidam enim ex eis de longè venérunt. Et responderunt ei discípli sui : Unde illos quis póterit hic saturáre pánibus in solitúdine ? Et interrogávit eos : Quot panes habétis ? Qui dixerunt : Septem. Et præcépit turbæ discúmbere super terram. Et accípiens septem panes, grátias agens, fregit, et dabat discíplis suis, ut appónerent, et apposuerunt turbæ. Et habébant piscículos paucos : et ipsos benedíxit, et jussit appóni. Et manducavérunt, et saturáti sunt, et sustulérunt, quod superáverat de fragmentis, septem sportas. Erant autem qui manducáverant, quasi quátuor millia : et dimísit eos. Credo.

Offert. Psal. 10. Pérfice gressus meos in sémitis tuis, ut non moveántur vestigia mea : inclína aurem tuam, et exáudi verba mea : mirífica misericórdias tuas, qui salvos facis sperántes in te Dómine.

Secreta.

PROPITIARE, Dómine, supplicatióne nostris, et has pópuli tui oblatiões benignus assúme : et ut nullius sit írritum votum, nullíus vácuca postulátió, præsta, ut quod fidéliter pétimus, effícaciter consequámur. Per Dóminum.

Alia Secr. Exáudi nos. f. 268.

Tertia ad libitum.

Communio. Ps. 26. Circuíbo et immolábo in tabernáculo ejus hóstiam jubilatiónis : cantábo, et psalmum dicam Dómino.

Postcommunio.

REPLETI sumus, Dómine, munéribus tuis : tríbe

quæsumus, ut eorum et mundenur effectu, et muniamur auxilio. Per Dominum.

Alia Postcomm. Mundet et muniat. fol. 268.

Tertia ad libitum.

DOMINICA VII. POST PENTECOSTEN.

Introitus. Psal. 46.

OMNES Gentes plaudite manibus: jubilate Deo in voce exultationis.

Psal. ibid. Quoniam Dominus excelsus, terribilis: Rex magnus super omnem terram.

V. Gloria Patri.

Oratio.

DEUS, cujus providentia in sui dispositione non fallitur: te supplices exoramus, ut noxia cuncta submoveas, et omnia nobis profutura concedas. Per Dominum.

Secunda Oratio. A cunctis nos. ut *supra*. fol. 267.

Tertia ad libitum.

Lectio Epistolæ beati Pauli Apostoli ad Romanos.

Rom. 6.

FRATRES, Humanum dico, propter infirmitatem carnis vestræ: sicut enim exhibuistis membra vestra servire immunditiæ et iniquitati ad iniquitatem; ita nunc exhibete membra vestra servire justitiæ in sanctificationem. Cum enim servi essetis peccati, liberi fuistis justitiæ. Quem ergo fructum habuistis tunc in illis, in quibus nunc erubescitis? Nam finis illorum mors est. Nunc vero liberati à peccato, servi autem facti Deo, habetis fructum vestrum in sanctificationem, finem vero vitam æternam. Stipendia enim pec-

cati, mors. Gratia autem Dei, vita æterna: in Christo Jesu Domino nostro.

Graduale. Psal. 33. Venite filii, audite me: timorem Domini docebo vos.

V. Accedite ad eum, et illuminamini: et facies vestræ non confundentur.

Allelúia, allelúia.

V. Ps. 46. Omnes Gentes plaudite manibus, jubilate Deo in voce exultationis. Allelúia.

Sequencia sancti Evangelii secundum Matthæum.

Matth. 7. c.

IN illo tempore: Dixit Jesus discipulis suis: attendite à falsis prophetis, qui veniunt ad vos in vestimentis ovium, intrinsecus autem sunt lupi rapaces. A fructibus eorum cognoscetis eos. Numquid colligunt de spinis uvas, aut de tribulis ficus? Sic omnis arbor bona fructus bonos facit: mala autem arbor malos fructus facit. Non potest arbor bona malos fructus facere: neque arbor mala bonos fructus facere. Omnis arbor, quæ non facit fructum bonum, excidetur, et in ignem mittetur. Igitur ex fructibus eorum cognoscetis eos. Non omnis, qui dicit mihi, Domine, Domine, intrabit in regnum cælorum: sed qui facit voluntatem Patris mei, qui in cælis est, ipse intrabit in regnum cælorum. Credo.

Offertorium. Dan. 3. Sicut in holocaustis arietum et taurorum, et sicut in millibus agnorum pinguium: sic fiat sacrificium nostrum in conspectu tuo hodie, ut placeat tibi: quia

non est confusio confidentibus in te, Dómine.

Secreta.

DEUS, qui legálium differentiam hostiárum, unius sacrificii perfectióne sanxisti: áccipe sacrificium à devótis tibi fámulis, et pari benedictióne, sicut múnera Abel, sanctifica: ut quod singuli obtulerunt ad majestátis tuæ honórem, cunctis proficiat ad salutem. Per Dóminum.

Alia Secr. Exáudi nos. fol. 268.

Tertia ad libitum.

Communio. Psal. 30. Inclina aurem tuam, accélera, ut erípias me.

Postcommunio.

TUA nos, Dómine, medicinalis operátio, et à nostris perversitatibus cleménter expédíat, et ad ea, quæ sunt recta, perdúcat. Per Dóminum.

Alia Postc. Mundet et múníat. fol. 268. *Tertia ad libit.*

DOMINICA VIII. POST PENTECOSTEN.

Introitus. Psal. 47.

SUSCEPIMUS Deus misericórdiam tuam in médio templi tui: secúndum nomen tuum Deus, ita et laus tua in fines terræ: justítia plena est dextera tua.

Psal. ibid. Magnus Dóminus, et laudábilis nimis: in civitate Dei nostri, in monte sancto ejus.

✠. Glória Patri.

Oratio.

LARGIRE nobis, quæsumus Dómine, semper spíritum cogitándi quæ recta sunt, propítius et agéndi: ut qui sine te esse non póssumus, secúndum te vívere valeámus. Per Dóminum.

Secunda Oratio. A cunctis nos. fol. 267. *Tertia ad libit.*

Léctio Epístolæ beáti Pauli Apóstoli ad Romános.

Rom. 8.

FRATRES, Debitóres sumus non carni, ut secúndum carnem vivámus. Si enim secúndum carnem vixeritis, moriémini: si autem spíritu facta carnis mortificaveritis, vivétis. Quicumque enim spíritu Dei agúntur, ii sunt filii Dei. Non enim accepistis spíritum servitútis íterum in timóre, sed accepistis spíritum adoptiónis filiórum, in quo clamámus, Abba (Pater.) Ipse enim spíritus testimónium reddit spíritui nostro, quòd sumus filii Dei. Si autem filii, et hærédes: hærédes quidem Dei, cohærédes autem Christi.

Graduale, Ps. 30. Esto mihi in Deum protectórem, et in locum refúgii, ut salvum me fácias. ✠. Deus in te sperávi: Dómine, non confundar in ætérnum. Allelúia, allelúia. ✠. *Ps. 47.* Magnus Dóminus, et laudábilis valdè, in civitate Dei nostri, in monte sancto ejus. Allelúia.

Sequéntia sancti Evangélii secúndum Lucam.

Luc. 16.

IN illo témpore: Dixit Jesus discipulis suis parábolam hanc: Homo quidam erat dives, qui habébat villicum: et hic diffamátus est apud illum, quasi dissipasset bona ipsíus. Et vocávit illum, et ait illi: Quid hoc áudio de te? redde ratiónerem villicatiónis tuæ: jam enim non póteris villicáre. Ait autem villicus intra se: Quid fáciam, quia dóminus meus aufert à me villi-

catiōnem? fōdere non vāleo, mendicāre erubēscō. Scio quid faciā, ut, cūm amōtus fūero à villicatiōne, recipiant me in domos suas. Convocātis itaque singulis debitōribus dōmini sui, dicēbat primo: Quantum debes dōmino meo? At ille dixit: Centum cados olei. Dixitque illi: Accipe cautiōnem tuam: et sede citō, scribe quinquaginta. Deinde alii dixit: Tu verō quantum debes? Qui ait: Centum coros tritici, Ait illi: Accipe litteras tuas, et scribe octoginta. Et laudavit dōminus villicum iniquitatis, quia prudēter fecisset: quia filii hujus sæculi prudentiōres filiis lucis in generatiōne sua sunt, Et ego vobis dico: Facite vobis amicos de mammona iniquitatis: ut, cūm defeceritis, recipiant vos in æterna tabernacula. Credo.

Offertorium. Ps. 17. Pōpulum hūmīlem saluum faciēs Dōmine, et ōculos superbōrum humiliābis: quōniam quis Deus præter te Dōmine?

Secreta.

SUSCIPE, quæsumus Dōmine, mūnera, quæ tibi de tua largitate defērimus: ut hæc sacrosāncta mystēria, gratiæ tuæ operānte virtūte et præsentis vitæ nos conversatiōne sanctificent, et ad gaudia sempiterna perdūcant. Per Dōminum.

Alia Secreta. Exāudinos. 268.

Tertiā ad libitum.

Communio. Ps. 33. Gustāte et vidēte, quōniam suāvis est Dōminus: beātus vir, qui sperat in eo.

Postcommunio.

SIT nobis, Dōmine, reparātiō mentis et cōrporis cœ-

lestē mystērium: ut cujus exequimur cultum, sentiāmus effectum. Per Dōminum.

Alia Postcomm. Mundet et mūniat. fol. 268. Tertiā ad libit.

DOMINICA IX. POST PENTECOSTEN.

Introitus. Psalm. 53.

ECCE Deus adjuvat me, et Dōminus susceptor est animæ meæ: avēte mala inimicis meis, et in veritate tua dispēde illos, protēctor meus Dōmine.

Psal. ibid. Deus in nōmine tuo salvum me fac: et in virtūte tua libera me. V. Glōria.

Oratio.

PATEANT aures misericordiæ tuæ, Dōmine, precibus supplicāntium: et ut peccatibus desiderata concēdas, fac eos, quæ tibi sunt placita, postulāre. Per Dōminum.

Secunda Oratio. A cunctis nos. 267. Tertiā ad libitum.

Lectiō Epistolæ beāti Pauli Apōstoli ad Corīnthios.

1 Cor. 10. b.

FRATRES, Non simus concupiscētes malōrum, sicut et illi concupiērunt. Neque idololatræ efficiāmini, sicut quidam ex ipsis: quemadmodum scriptum est: Sedit pōpulus manducāre, et bibere; et surrexerunt ludere. Neque fornicēmur, sicut quidam ex ipsis fornicāti sunt, et ceciderunt una die viginti tria millia. Neque tentēmus Christum, sicut quidam eōrum tentaverunt, et à serpētibz periērunt. Neque murmuraveritis, sicut quidam eōrum murmuraverunt, et periērunt ab exterminatōre. Hæc autem ōmnia in figurā

contingebant illis : scripta sunt autem ad correptionem nostram, in quos fines sæculorum devenérunt. Itaque qui se existimat stare, videat ne cadat. Tentatio vos non apprehendat, nisi humana : fidelis autem Deus est, qui non patietur vos tentari supra id, quod potestis, sed faciet etiam cum tentatione proventum, ut possitis sustinere.

Graduale. Psal. 8. Dómine Dóminus noster, quàm admirabile est nomen tuum in universa terra !

¶ Quóniam elevata est magnificentia tua super cælos.

Allelúia, allelúia.

¶ *Ps. 58.* Eripe me de inimicis meis Deus meus : et ab insurgentibus in me libera me. Allelúia.

Sequéntia sancti Evangélíi secúndum Lucam.

Luca 19. f.

IN illo tempore : Cùm appropinquáret Jesus Jerúsalem, videns civitatem, flevit super illam, dicens : Quia si cognovisses et tu, et quidem in hac die tua, quæ ad pacem tibi : nunc autem abscondita sunt ab óculis tuis. Quia veniént dies in te : et circumdabunt te inimici tui vallo, et circumdabunt te : et coangustabunt te úndique : et ad terram prostérnent te, et filios tuos, qui in te sunt, et non relinquent in te lapidem super lapidem : eò quòd non cognoveris tempus visitationis tuæ. Et ingressus in templum, cœpit ejicere vendentes in illo, et ementes, dicens illis : Scriptum est : Quia domus mea, domus orationis est : Vos au-

tem fecistis illam spelúncam latronum. Et erat docens quotidie in templo. Credo.

Offertorium. Ps. 18. Justitiæ Dómini rectæ, lætificantes corda, et judícia ejus dulcióra super mel et favum : nam et servus tuus custódit ea.

Secreta.

CONCEDE nobis, quæsumus Dómine, hæc dignè frequentare mystéria : quia quoties hujus hóstiæ commemoratio celebratur, opus nostræ redemptionis exercetur. Per Dóminum.

Alia Secreta. Exáudi nos, 268. *Tertia ad libitum.*

Communio. Jo. 6. Qui manducat meam carnem, et bibit meum sanguinem, in me manet et ego in eo, dicit Dóminus.

Postcommunio.

TUI nobis, quæsumus Dómine, commúnio sacraménti, et purificationem conferat, et tríbuat unitatem. Per Dóminum.

Alia Postcom. Mundet et múniat. 268. *Tertia ad libitum.*

DOMINICA X. POST PENTECOSTEN.

Introitus. Psal. 54.

CUM clamárem ad Dóminum, exáudívit vocem meam, ab his, qui appropinquant mihi : et humiliávit eos, qui est ante sæcula, et manet in ætérnum : jacta cogitatum tuum in Dómino, et ipse te enútriet.

Psal. ibid. Exáudi Deus orationem meam, et ne despexeris deprecationem meam : inténde mihi, et exáudi me.

¶ Glória Patri.

Oratio.

DEUS, qui omnipoténtiam tuam parcéndo máximè, et miserándo maniféstatas : múltiplica super nos misericórdiam tuam: ut ad tua promissa curréntes, coeléstium bonórum fácias esse consórtes. Per Dóminum nostrum.

Secunda Oratio. A cunctis. 267.

Tertia ad libitum.

Léctio Epístolæ beáti Pauli Apóstoli ad Corinthios.

1 Cor. 12.

FRATRES, Scitis quóniam cùm Gentes essétis, ad simulácula muta prout ducebámini eúntes. Ideò notum vobis fácio, quòd nemo in spiritu Dei loquens, dicit anáthema Jesu. Et nemo potest dicere, Dóminus Jesus, nisi in Spíritu sancto. Divisiónes verò gratiárum sunt, idem autem Spíritus. Et divisiónes ministratiónum sunt, idem autem Dóminus. Et divisiónes operatiónum sunt, idem verò Deus, qui operátur ómnia in ómnibus. Unicuique autem datur manifestatió Spíritus, ad utilitátem. Alii quidem per Spíritum datur sermo sapiéntiæ: álíi autem sermo sciéntiæ secúndum eúmdem Spíritum: álteri fides in eódem Spíritu: álíi grátia sanitátum in uno Spíritu: álíi operatió virtútum, álíi prophetia, álíi discretiό spírituum, álíi génera linguárum, álíi interpretatió sermónum. Hæc autem ómnia operátur unus atque idem Spíritus, dividens singulis prout vult.

Graduale. Psalm. 16. Custódi me Dómine, ut pupillam óculi: sub umbra alárum tuárum prótege me.

V. De vultu tuo iudicium meum pródeat: óculi tui vídeant æquitátem.

Alleluia, alleluia. *V.* *Psal.* 64. Te decet hymnus Deus in Sion: et tibi reddétur votum in Jerúsalem. Alleluia.

Sequéntia sancti Evangélii secúndum Lucam.

Luc. 18. b.

IN illo témpore: Dixit Jesus ad quosdam, qui in se confidébant tamquam iusti, et aspernabántur céteros, parabolam istam: Duo hómines ascendérunt in templum, ut orárent: unus Pharisæus, et alter publicánus. Pharisæus stans, hæc apud se orábat: Deus, grátias ago tibi, quia non sum, sicut céteri hóminum: raptóres, injústi, adúlteri: velut étiam hic publicánus. Jejúno bis in sábbato: décimas do ómnium, quæ possídeo. Et publicánus à longè stans, nolébat, nec óculos ad cælum leváre: sed percutiébat pectus suum, dicens: Deus propítius esto mihi peccatóri. Dico vobis: descéndit hic justificátus in domum suam ab illo: quia omnis qui se exáltat, humiliábitur: et qui se humiliat, exaltábitur. Credo.

Offertorium. *Psal.* 24. Ad te Dómine levávi ánimam meam: Deus meus, in te confido, non erubéscam, neque irrideant me inimíci mei: etenim univérsi, qui te expéctant, non confundéntur.

Secreta.

TIBI, Dómine, sacrificia dicáta reddántur: quæ sic ad honórem nóminis tui deferénda tribuísti, ut eadem re-

média fieri nostra præstares.
Per Dóminum.

Alia Secreta. Exáudi nos.
268.

Tertia ad libitum.

Communio. Ps. 50. Acceptá-
bis sacrificium justitiæ, obla-
tiones et holocausta, super al-
täre tuum Dómine.

Postcommunio.

QUÆSUMUS Dómine De-
us noster: ut quos divi-
nis reparáre non désinis sacra-
mentis, tuis non destituas beníg-
nus auxiliis. Per Dóminum.

Alia Postcommunio. Mun-
det et múniat. 268.

Tertia ad libitum.

DOMINICA XI. POST PENTECOSTEN.

Introitus. Psal. 67.

DEUS in loco sancto suo:
Deus qui inhabitáre fa-
cit unánimes in domo: ipse
dabit virtútem, et fortitúdinem
plebi suæ.

Psal. ibid. Exúrgat Deus,
et dissipéntur inimíci ejus: et
fúgiant, qui odérunt eum, à
fácie ejus. V. Glória Patri.

Oratio.

OMNIPOTENS sempitérne
Deus, qui abundántia pi-
etátis tuæ, et mérita súpli-
cum excédis, et vota: effúnde
super nos misericórdiam tuam,
ut dimíttas, quæ consciéntia
métuit, et adjicias quod orá-
tio non præsumit. Per Dómi-
num.

Secunda Oratio. A cunctis
nos. 267. *Tertia ad libitum.*

Léctio Epístolæ beáti Pauli
Apostoli ad Corínthios.

1 Cor. 15.

FRATRES, Notum vobis
fácio Evangélium, quod

prædicávi vobis, quod et accep-
pistis, in quo et statis, per quod
et salvámini: qua ratióne præ-
dicáverim vobis si tenétis, nisi
frustrà credidístis. Tráddi
enim vobis in primis quod et
accépi: quóniam Christus mór-
tuus est pro peccátis nostris
secúndum Scriptúras: et quia
sepúltus est, et quia resur-
réxit tértia die secúndum Scrip-
túras: et quia visus est Ce-
phæ, et post hoc úndecim.
Deínde visus est plus quàm
quingéntis frátribus simul: ex
quibus multi manent usque ad-
huc, quidam autem dormiérunt.
Deínde visus est Jacóbo, de-
índe Apóstolis ómnibus: no-
vissimè autem ónnium, tam-
quam abortivo, visus est et
mihi. Ego enim sum mínimus
Apostolórum, qui non sum
dignus vocári Apóstolus, quón-
iam persecútus sum Ecclé-
siam Dei. Grátia autem Dei
sum id, quod sum: et grátia
ejus in me vácuá non fuit.

Graduale. Ps. 27. In Deo
sperávit cor meum, et adjútu-
sum, et reflóruit caro mea: et
ex voluntáte mea confitébor
illi.

V. Ad te Dómine clamávi:
Deus meus ne síleas: ne discé-
das à me. Allelúia, allelúia.

V. *Psal.* 80. Exultáte Deo
adjutóri nostro, jubiláte Deo
Jacob: súmite psalmum jucún-
dum cum cíthara. Allelúia.

Sequéntia sancti Evangélii se-
cúndum Marcum.

Marci 7. d.

IN illo témpore: Exiens
Jesus de finibus Tyri, ve-
nit per Sidónem ad mare Ga-
lilææ, inter médios fines De-
capóleos: Et addúcunt ei sur-

dum et mutum, et deprecabântur eum, ut impónat illi manum. Et apprehéndens eum de turba seórsùm, misit dígitos suos in aurículas ejus: et expuens, tétigit linguam ejus, et suspiciens in cœlum, ingémuit, et ait illi Ephpheta, quod est adaperíre. Et statim apértæ sunt aures ejus, et solútum est vinculum linguæ ejus: et loquebátur recte. Et præcépít illis, ne cui dicérent. Quanto autem eis præcipiébat, tantò magis plus prædicábant: et eò ampliùs admirabântur, dicentes: Benè ómnia fecit: et surdos fecit audíre, et mutos loqui. Credo.

Offertorium. Ps. 29. Exaltábo te Dómine, quóniam suscepisti me, nec delectásti inimicos meos super me: Dómine, clamávi ad te, et sanásti me.

Secreta.

RESPICE, Dómine quæsumus, nostram propítius servitútem: ut quod offérimus, sit tibi munus accéptum; et sit nostræ fragilitátis subsídium. Per Dóminum.

Alia Secreta. Exáudi nos. 268.

Tertia ad libitum.

Communio. Prov. 3. Honóra Dóminum de tua substántia, et de primítiis frugum tuárum: et implebúntur hórrea tua saturitáte, et vino torcularia redundábunt.

Postcommunio.

SENTIAMUS, quæsumus Dómine, tui perceptióne sacraménti, subsídium mentis et córporis: ut in utròque salváti, cœlestis remédii plenitúdine glóriémur. Per Dóminum nostrum.

Alia Postcomm. Mundet et múniat. 268. *Tertia ad libitum.*

DOMINICA XII. POST PENTECOSTEN.

Introitus. Psal. 69.

DEUS in adjutórium meum inténde: Dómine ad adjuvándum me festína: confundántur, et reveereántur inimíci mei, qui quærunť ánimam meam.

Psal. ibid. Avertántur retrórsùm, et erubéscant, qui cógitant mihi mala. *V. Glória.*

Oratio.

OMNIPOTENS et miséricors Deus, de cujus múnere venit, ut tibi à fidélibus tuis dignè et laudábíliter serviátur: tribue quæsumus nobis; ut ad promissiónes tuas sine offensione currámus. Per Dóminum.

Secunda Oratio. A cunctis. 267.

Tertia ad libitum.

Léctio Epístolæ beáti Pauli Apóstoli ad Corinthios.

1 Cor. 3.

FRATRES, Fidúciam talem habémus per Christum ad Deum: non quòd sufficéntes simus cogitare áliquíd à nobis, quasi ex nobis: sed sufficéntia nostra ex Deo est: qui et idóneos nos fecit ministros novi testaménti, non littera, sed Spíritu: littera enim occídít, Spíritus autem vivificat. Quòd si ministrátio mortis litteris deformáta in lapídibus, fuit in glória: ita ut non possent inténdere filii Israél in faciém Móysi, propter glóriam vultus ejus, quæ evacuátur: quómodo non magis ministrátio Spíritus erit in glória? Nam si ministrátio damnatiónis glória est: multò magis abúndat ministérium justítiae in glória.

Graduale. Ps. 33. Benedicam Dóminum in omni tēpore: semper laus ejus in ore meo. *V.* In Dómino laudabitur ánima mea: áudiant mansuéti, et læténtur. Allelúia, allelúia.

V. Ps. 87. Dómine Deus salútis meæ, in die clamávi et nocte coram te. Allelúia.

Sequéntia sancti Evangélii secúndum Lucam.

Lucæ 10. d.

IN illo tēpore: Dixit Jesus discipulis suis: Beáti óculi, qui vident, quæ vos vidétis. Dico enim vobis, quòd multi Prophætæ et reges voluerunt vidére quæ vos vidétis, et non vidérunt: et audire quæ auditis, et non audiérunt. Et ecce quidam Legisperitus surréxit, tentans illum, et dicens: Magíster, quid faciéndò vitam ætérnam possidébo? At ille dixit ad eum: In lege quid scriptum est? quómodo legis? Ille respóndens, dixit: Diliges Dóminum Deum tuum ex toto corde tuo, et ex tota ánima tua, et ex ómnibus víribus tuis, et ex omni mente tua: et próximum tuum sicut teipsum. Dixítque illi: Rectè respondísti: hoc fac, et vives. Ille autem volens justificáre seípsum, dixit ad Jesum: Et quis est meus próximus? Suscípíens autem Jesus, dixit: Homo quidam descendébat ab Jerúsalem in Jéricho, et incidit in latrónes, qui étiam despoliavérunt eum: et plagis impósitis, abiérunt, semivivo relicto. Accidit autem, ut sacérdos quidam descénderet eádem via: et viso illo, præterívit. Simí-

liter et Levíta cùm esset secus locum, et vidéret eum, pertránsiit: Samarítanus autem quidam iter faciēns, venit secus eum: et videns eum misericórdia motus est. Et apprópians, alligávit vúlnera ejus, infúndens óleo, et vinum: et imponens illum in juméntum suum, duxit in stábulum, et curam ejus egit. Et áltera die prótulit duos denários, et dedit stabulário, et ait: Curam illius habe: et quodcúmque supererogáveris, ego cùm rediero reddam tibi. Quis horum trium vidétur tibi próximus fuisse illi, qui incidit in latrónes? At ille dixit: Qui fecit misericórdiam in illum. Et ait illi Jesus: Vade, et tu fac simíliter. Credo.

Offertor. Exod. 32. Precátus est Móyses in conspéctu Dómini Dei sui, et dixit. Quare Dómine irásceris in pópulo tuo? Parce iræ ánimæ tuæ: meménto Abraham, Isaac, et Jacob, quibus jurásti dare terram fluéntem lac et mel: et placátus factus est Dóminus de malignitáte, quam dixit fácere pópulo suo.

Secreta.

HOSTIAS, quæsumus Dómine propítius intēde, quas sacris altáribus exhibémus: ut nobis indulgéntiam largiéndò, tuo nómini dent honórem. Per Dóminum.

Alia Secr. Exáudi nos. 268. Tertia ad libitum.

Communio. Psal. 103. De fructu óperum tuórum, Dómine, satiábitur terra, ut edúcas panem de terra, et vinum lætificet cor hominis: ut exhiberet faciē in óleo, et panis cor hóminis confirmet.

Postcommunio.

VIVIFICET nos, quæsumus Dómine, hujus participatio sancta mystérii : et páriter nobis expiationem tribuat, et munimen. Per Dóminum.

Alia Postcom. Mundet et múniat. fol. 268. Tertia ad libit.

DOMINICA XIII. POST PENTECOSTEN.

Introitus. Psal. 73.

RESPICE Dómine in testaméntum tuum, et ánimas páuperum tuórum ne derelinquas in finem : exúrge Dómine, et júdica causam tuam, et ne obliviscáris voces quæréntium te.

Psal. ibid. Ut quid Deus repulisti in finem ? irátus est furor tuus super oves páscuæ tuæ.

✠. Glória Patri.

Oratio.

OMNIPOTENS sempitérne Deus, da nobis fidei, spei, et charitátis augmentum : et ut mereámur ássequi quod promíttis, fac nos amáre quod præcipis. Per Dóminum.

Secunda Oratio. A cunctis. 267.

Tertia ad libitum.

Lectio Epístolæ beáti Pauli Apóstoli ad Gálatas.

Gal. 3. e.

FRATRES, Abrahæ dictæ sunt promissiones, et sémini ejus. Non dicit : Et seminibus, quasi in multis : sed quasi in uno : Et sémini tuo, qui est Christus. Hoc autem dico, testaméntum confirmátum à Deo : quæ post quadringéntos et triginta annos facta est lex, non irritum facit ad evacuándam promissionem. Nam si ex

lege hæréditas, jam non ex promissionem. Abrahæ autem per repromissionem donávit Deus. Quid igitur lex : Propter transgressiones pósitæ est, donec veniret semen, cui promiserat, ordináta per Angelos in manu mediátoris. Mediátor autem unius non est : Deus autem unus est. Lex ergo advérsus promissa Dei ? Absit. Si enim data esset lex, quæ posset vivificáre, verè ex lege esset justitia. Sed conclúsit Scriptúra ómnia sub peccato, ut promissio ex fide Jesus Christi darétur credéntibus.

Graduale. Psal. 73. Réspice Dómine, in testaméntum tuum, et ánimas páuperum tuórum ne obliviscáris in finem.

✠. Exurge Dómine, et júdica causam tuam : memor esto opprobrii servórum tuórum.

✠. *Psal. 89.* Dómine refúgium factus es nobis à generatióne et progénie. Allelúia.

Sequéntia sancti Evangélli secúndum Lucam.

Luc. 17. c.

IN illo témpore : Dum iret Jesus in Jerúsalem, transibat per médiam Samáriam, et Galilæam. Et cùm ingrederétur quoddam castéllum, occurrerunt éi decem víri leprosi, qui steterunt à longè, et levaverunt vocem, dicéntes : Jesu præcéptor, miserére nostri. Quos ut vidit, dixit : Ite, osténdite vos sacerdotibus ! Et factum est, dum irent, mundáti sunt. Unus autem ex illis, ut vidit quia mundátus est, regréssus est, cum magna voce magnificans Deum, et cecidit in faciém ante pedes

ejus, grátias agens: et hic erat Samaritánus. Respóndens autem Jesus, dixit: Nónne decem mundáti sunt? et novem ubi sunt? Non est invéntus qui redíret, et daret glóriam Deo, nisi hic alienígena. Et ait illi: Surge, vade: quia fides tua te salvum fecit. Credo.

Offertorium. Psal. 30. In te sperávi, Dómine: dixi, Tu es Deus meus, in má nibus tuis témpora mea.

Secreta.

PROPITIARE Dómine populo tuo, propitiáre muneribus: ut hac oblatióne placátus, et indulgéntiam nobis tribuas, et postuláta concédas. Per Dóminum.

Alia Secreta. Exáudi nos. 268. *Tertia ad libitum.*

Commun. Sap. 16. Panem de cœlo dedísti nobis, Dómine, habéntem omne delectaméntum, et omnem sapórem suavítatis.

Postcommunio.

SUMPTIS, Dómine, cœlestibus sacraméntis, ad redemptionis æternæ, quæsumus, proficiamus augméntum. Per Dóminum.

Alia Postcommunio. Mundet et múniat. 268. *Tertia ad libit.*

DOMINICA XIV. POST PENTECOSTEN.

Introitus. Psal. 83.

PROTECTOR noster aspice Deus, et respice in faciém Christi tui: quia mélior est dies una in átriis tuis super millia.

Psal. ibid. Quàm dilécta tabernácula tua Dómine virtutum! concupíscit, et déficit ánima mea in átria Dómini.

✠. Glória Patri.

Oratio.

CUSTODI, Dómine quæsumus, Ecclésiám tuam propitiatióne perpétua: et quia sine te lábitur humana mortalitas, tuis semper auxiliis, et abstrahátur à nóxiis, et ad salutária dirigátur. Per Dóminum.

Secunda Oratio. A cunctis. 267. *Tertia ad libitum.*

Léctio Epístolæ beáti Pauli Apóstoli ad Gálatas.

Gal. 5. c.

FRATRES, Spíritu ambuláte, et desidéria carnis non perficiétis. Caro enim concupíscit advérsus spíritum: spíritus autem advérsus carnem: hæc enim sibi invicem adversántur ut non quæcúmque vultis, illa faciátis. Quod si spíritu ducimini, nón estis sub lege. Manifesta sunt autem ópera carnis: quæ sunt fornicatio, immundítia, impudicítia, luxúria, idolórum sérvitus, veneficia, inimicítia, contentiões, æmulatiões: iræ, rixæ, dissensiões, sectæ, invidiæ, homicidia: ebrietátes, comessatiões, et his simília: quæ prædico vobis, sicut prædixi: quóniam qui tália agunt, regnum Dei non consequéntur. Fructus autem Spíritus est: charitas, gáudium, pax, paciéntia, benignitas, bónitas, longanimitas, mansuetúdo, fides, modéstia, contiéntia, cástitas. Advérsus hujusmodi non est lex. Qui autem sunt Christi, carnem suam crucifixérunt cum vítiis et concupiscéntiis.

Graduale. Ps. 117. Bonum est confidere in Dómino, quàm confidere in hómino. ✠. Bo-

num est sperare in Dòmino, quàm sperare in princípibus.

Allelúia, allelúia.

¶ *Ps. 94.* Veníte exultemus Dòmino: jubilémus Deo salutári nostro. Allelúia.

Sequéntia sancti Evangélii secundùm Matthæum.

Matth. 6. c.

IN illo tempore: Dixit Jesus discípuulis suis: Nemo potest duóbus dómínis servíre: aut enim unum ódio habébit, et álterum díliget, aut unum sustinébit, et álterum contémnet. Non potéstis Deo servíre, et mammónæ. Ideò dico vobis, ne solíciti sitis ánimæ vestræ quid manducétis, neque córpori vestro quid induámini. Nónne ánima plus est quàm esca: et corpus plus quàm vestiméntum: Respícite volatília cœli, quóniam non serunt, neque metunt, neque cóngregant in hórrea: et Pater vester cœléstis pascit illa. Nónne vos magis pluris estis illis? Quis autem vestrùm cógitans, potest adjícere ad statúram suam cúbitum unum: Et de vestiménto quid solíciti estis? Consideráte lília agri quómodo crescunt: non labórant, neque nent. Dico autem vobis: quóniam nec Sálomon in omni glória sua cóopértus est sicut unum ex istís. Si autem fœnum agri, quod hódie est, et cras in clíbanum mittitur, Deus sic vestit: quantò magis vos módicæ fidei? Nolíte ergo solíciti esse, dicéntes: Quid manducábimus, aut quid bibémus, aut quo operiémur? hæc enim ómnia Gentes inquírun. Scit enim Pater vester, quia his ómnibus indigétis. Quærite

ergo primùm regnum Dei et justítiam ejus, et hæc ómnia adjiciéntur vobis. Credo.

Offertorium. Psal. 33. Immittet Angelus Dòmini in circuitu tíméntium eum, et erípiet eos: gustáte, et vidéte, quóniam suávis est Dóminus.

Secreta.

CONCEDE nobis, Dómine, quæsumus: ut hæc hóstia salutáris et nostrórum fiat purgátio delictórum, et tuæ propitiátio potestátis. Per Dóminus nostrum.

Alia Secreta. Exáudi nos, 268. *Tertia ad libitum.*

Communio. Matt. 6. Primùm quærite regnum Dei, et ómnia adjiciéntur vobis, dicit Dóminus.

Postcommunio.

PURIFICENT semper et múniant tua sacraménta nos Deus: et ad perpetuæ ducant salvatiónis efféctum. Per Dóminus nostrum.

Alia Postcom. Mundet et múniant. 268. *Tertia ad libit.*

DOMINICA XV. POST PENTECOSTEN.

Introitus. Psal. 85.

INCLINA Dómine aurem tuam ad me, et exáudi me: salvum fac servum tuum, Deus meus, sperántem in te: miserére mihi, Dómine, quóniam ad te clamávi tota die.

Psal. ibid. Lætifica ánimam servi tui: quia ad te, Dómine, ánimam meam levávi.

¶ Glória Patri.

Oratio.

ECCLIAM tuam, Dómine, miserátio continuáta mundet et múniant: et quia sine te non potest salva consis-

tere, tuo semper múnere gubernétur. Per Dóminum.

Secunda Oratio. A cunctis, 267.

Tertia ad libitum.

Léctio Epístolæ beáti Pauli Apóstoli ad Gálatas.

Gal. 5. d.

FRATRES, Si spírítu vívímus, spírítu et ambulémus. Non efficiámur inánis glóriæ cúpidi, ínvicem provocántes, ínvicem invidéntes. Fratres, et si præoccupátus fúerit homo in áliquo delícto, vos, qui spírítuáles estis, hujúsmodi instrúite in spírítu lenítatis, considérans teípsum, ne et tu tentéris. Alter altérius ónera portáte, et sic adimplébitis legem Christi. Nam si quis existimat se áliquid esse, cùm nihil sit, ipse se sedúcit. Opus autem suum probet unusquisque, et sic in semetípso tantum glóriam habébit, et non in áltero. Unusquisque enim onus suum portábit. Commúnicet autem is, qui catechizátur verbo, ei qui se catechizat, in ómnibus bonis. Nolíte erráre: Deus non irridétur. Quæ enim semináverit homo, hæc et metet. Quóniam qui séminat in carne sua, de carne et metet corruptiónem: qui autem séminat in spírítu, de spírítu metet vitam ætérnam. Bonum autem faciéntes, non deficiámus: témpore enim suo metémus, non deficiéntes. Ergo dum tempus habémus, operémur bonum ad omnes, máximè autem ad domésticos fidei.

Grauale. Ps. 91. Bonum est confitéri Dómino: et psállere nómini tuo, Altíssime.

V. Ad annuntiándum manè misericórdiam tuam, et veritatem tuam, per noctem.

Allelúia, allelúia.

V. Ps. 97. Quóniam Deus magnus Dóminus, et rex magnus super omnem terram. Allelúia.

Sequéntia sancti Evangéli secundum Lucam.

Luc. 7. b.

IN illo témpore: Ibat Jesus in civitatem, quæ vocátur Naim: et ibant cum eo discipuli ejus et turba copiósa. Cùm autem appropinquáret portæ civitátis, ecce defúctus efferebátur filius únicus matris suæ: et hæc vídua erat: et turba civitátis multa cum illa. Quam cùm vidísset Dóminus, misericórdia motus super eam, dixit illi: Noli flere. Et accessit, et tétigit lóculum. (Hi autem, qui portabant, steterunt.) Et ait: Adolésens, tibi dico, surge. Et resédit qui erat mórtuus, et cœpit loqui. Et dedit illum matri suæ: Accépit autem omnes timor, et magnificábant Deum, dicéntes: Quia Prophéta magnus surréxit in nobis: et quia Deus visitávit plebem suam. Credo.

Offertorium. Ps. 39. Expéctans expectávi Dóminum, et respéxit me: et exaudivit deprecationem meam, et immísit in os meum cánticum novum, hymnum Deo nostro.

Secreta.

TUA nos, Dómine, sacraménta custódiat et contra diabólicos semper tueántur incúrsus. Per Dóminum.

Alia Secr. Exáudi nos. fol. 268.

Tertia ad libitum.

Communio. Jo. 6. Panis, quem ego dédero, caro mea est pro sæculi vita.

Postcommunio.

MENTES nostras et cõrpora possideat, quæsumus Dõmine, doni cœlestis operatio: ut non nõster sensus in nobis, sed júgiter ejus præveniãt effectus. Per Dõminum.

Alia Postcommunio. Mundet et múniat. fol. 268.

Tertia ad libitum.

DOMINICA XVI. POST PENTECOSTEN.

Intrõitus. Psal. 85.

MISERERE mihi Dõmine, quõniam ad te clamãvi tota diẽ: quia tu Dõmine suãvis ac mitis es, et copiõsus in misericõrdia õmnibus invocãntibus te.

Psal. ibid. Inclina Dõmine aurem tuam mihi, et exãudi me: quõniam inops et pauper sum ego. V. Glõria Patri.

Oratio.

TUA nos, quæsumus Dõmine, grãtia semper et præveniãt, et sequãtur: ac bonis opẽribus júgiter præstet esse intẽntos. Per Dõminum.

Secunda Oratio. A cunctis. fol. 267. Tertia ad libitum.

Lectio Epistolæ beãti Pauli Apõstoli ad Ephesios.

Ephes. 3. c.

FRATRES, Obsecro vos, ne deficiãtis in tribulatiõnibus meis pro vobis: quæ est glõria vestra. Hujus rei grãtia flecto gẽnua mea ad Patrem Dõmini nostri Jesu Christi, ex quo omnis patẽrnitas in cœlis et in terra nominãtur, ut det vobis secũdum divitias glõ-

riæ suæ, virtute corroborãri per Spiritum ejus in interiõrem hõminem, Christum habitãre per fidem in cõrdibus vestris, in charitate radicãti, et fundãti, ut possit comprehendere cum õmnibus sanctis, quæ sit latitudo, et longitudo, et sublimitas, et profundum: scire etiã supereminẽntem sciẽtiæ charitatem Christi, ut impleãmini in omnem plenitudinem Dei. Ei autem, qui potens est omnia facere superabundãnter quã pẽtimus aut intelligimus, secũdum virtutem, quæ operãtur in nobis: Ipsi glõria in Ecclẽsia, et in Christo Jesu in omnes generatiõnes sæculi sæculõrum. Amen.

Graduale. Psal. 101. Timẽbunt Gentes nomen tuum, Dõmine, et omnes reges terræ glõriam tuam. V. Quõniam ædificãvit Dõminus Sion: et vidẽbitur in majestãte sua.

Allelõia, allelõia.

V. Psal. 97. Cantãte Dõmino cãnticum novum: quia mirabilia fecit Dõminus. Allelõia.

Sequẽntia sancti Evangẽlii secũdum Lucam.

Luc. 14.

IN illo tẽpore: Cũ intrãret Jesus in domum cujũsdam principis Pharisæõrum sãbbato manducãre panem, et ipsi observãbant eum. Et ecce homo quidãm hydrõpicus erat ante illum. Et respõndens Jesus, dixit ad Legisperitos et Pharisæos, dicens: Si licet sãbbato curãre? At illi tacuerunt. Ipse verõ apprehẽsum sanãvit eum, ac dimisit. Et respõndens ad illos,

dixit: Cujus vestrum ásinus, aut bos in puteum cadet, et non continuo extrahet illum die sabbati? Et non poterant ad hæc respondere illi. Dicebat autem et ad invitatos parabolam, intendens quomodo primos accubitus eligerent, dicens ad illos: Cum invitatus fueris ad nuptias, non discumbas in primo loco, ne forte honoratior te sit invitatus ab illo, et veniens is, qui te, et illum vocavit, dicat tibi: Da huic locum: et tunc incipias cum rubore novissimum locum tenere. Sed cum vocatus fueris, vade, recumbe in novissimo loco: ut, cum venerit qui te invitavit, dicat tibi: Amice, ascende superius. Tunc erit tibi gloria coram simul discumbentibus: quia omnis, qui se exaltat, humiliabitur: et qui se humiliat, exaltabitur. Credo.

Offertorium. Psal. 39. Domine in auxilium meum respice: confundantur et reverentur qui querunt animam meam, ut auferant eam: Domine in auxilium meum respice.

Secreta.

MUNDA nos, quæsumus Domine, sacrificii presentis effectu: et perfice miseratus in nobis, ut ejus mereamur esse participes. Per Dominum.

Alia Secreta. Exaudi nos. 268. *Tertia ad libitum.*

Communio. Ps. 70. Domine, memorabor justitiæ tuæ solius: Deus docuisti me à juventute mea: et usque in senectam et senium, Deus ne derelinquas me.

Postcommunio.

PURIFICA, quæsumus Domine, mentes nostras

benignus, et renova cœlestibus sacramentis: ut consequenter et corporum præsens pariter et futurum capiamus auxilium. Per Dominum.

Alia Postcommunio. Mundet et uniat. 268.

Tertia ad libitum.

DOMINICA XVII. POST PENTECOSTEN.

Introitus. Psal. 118.

JUSTUS es Domine, et rectum judicium tuum: fac cum servo tuo secundum misericordiam tuam.

Psal. ibid. Beati immaculati in via, qui ambulant in lege Domini.

¶ Glória Patri.

Oratio.

DA, quæsumus Domine, populo tuo diabolica vitare contagia: et te solum Deum pura mente sectari. Per Dominum.

Secunda Oratio. A cunctis 267. *Tertia ad libitum.*

Lectio Epistolæ beati Pauli Apóstoli ad Ephésios.

Ephes. 4.

FRATRES, Obsecro vos ego vinctus in Domino, ut dignè ambulétis vocatione, qua vocati estis cum omni humilitate et mansuetudine, cum patientia, supportantes invicem in charitate, solliciti servare unitatem Spiritus in vinculo pacis. Unum corpus, et unus spiritus, sicut vocati estis in una spe vocationis vestræ. Unus Dominus, una fides, unum baptisma. Unus Deus, et Pater omnium, qui est super omnes, et per omnia, et in omnibus nobis. Qui est be-

nedictus in sæcula sæculorum.
Amen.

Graduale. Psal. 32. Beáta gens, cujus est Dóminus Deus eórum: pópulus, quem elégit Dóminus in hereditátem sibi. *Ÿ.* Verbo Dómini cœli firmáti sunt: et spírítu oris ejus omnis virtus eórum. Allelúia, allelúia.

Ÿ. Ps. 101. Dómine exáudi oratiónem meam, et clamor meus ad te pervéniat. Allel.

Sequéntia sancti Evangélii secúndum Matthæum.

Matth. 22. d.

IN illo témpore: Accesserunt ad Jesum Pharisæi: et interrogávit eum unus ex eis legis doctor, tentans eum: Magister, quod est mandátum magnum in lege? Ait illi Jesus: Dílignes Dóminum Deum tuum ex toto corde tuo, et in tota ánima tua, et in tota mente tua. Hoc est máximum et primum mandátum. Secúndum autem símile est huic: Dílignes próximum tuum, sicut teípsum. In his duóbus mandátis univérsa lex pendet, et Prophétæ. Congregátis autem Pharisæis, interrogávit eos Jesus, dicens: Quid vobis vidétur de Christo? cujus filius est? Dicunt ei: David. Ait illis: Quómodo ergo David in spírítu vocat eum Dóminum, dicens: Dixit Dóminus Dómino meo, Sede à dextris meis, donec ponam inimicos tuos scabéllum pedum tuórum? Si ergo David vocat eum Dóminum, quómodo filius ejus est? et nemo póterat ei respondére verbum: neque ausus fuit quisquam ex illa die eum ámplius interrogáre. Credo.

Offertorium. Dan. 9. Orávi Deum meum ego Dániel, dicens: Exáudi Dómine preces servi tui, illúmina fáciem tuam super sánctuárium tuum, et propítius inténde pópulum istum, super quem invocátum est nomen tuum, Deus.

Secreta.

MAJESTATEM tuam, Dómine, suppliciter deprecámur: ut hæc sáncta, quæ gérimus, et à præteritis nos delictis éxuant, et futúris. Per Dóminum.

Alia Secr. Exáudi nos. fol. 268. *Tertia ad libitum.*

Communio. Psal. 75. Vovéte, et réddite Dómino Deo vestro omnes, qui in circúitu ejus affértis múnera: terríbili et ei, qui aufert spírítum princípum: terríbili apud omnes reges terræ.

Postcommunio.

SANCTIFICATIONIBUS tuis, omnípotens Deus, et vítia nostra curéntur, et remédia nobis ætérna provéniant. Per Dóminum.

Alia Postcommunio. Mundet et múniat. 268. *Tertia ad lib.*

FERIA IV. QUATUOR TEMP. SEPTEMBRIS.

Statio ad S. Mariam majorem.

Introitus. Psal. 80.

EXULTATE Deo adjutóri nostro, jubilate Deo Jacob: súmite psalmum jucúndum cum cíthara: cánite in initio mensis tuba, quia præcéptum in Israel est, et júdicium Deo Jacob.

Ps. ib. Testimónium in Joseph pósuit illud, cùm exíret de terra Ægypti: linguám, quam non nóverat, audivit.

Ÿ. Glória Patri.

Post Kyrie elíson. *dicitur*
Orémus. Flectámus genua.
R. Leváte.

Oratio.

MISERICORDIÆ tuæ re-
médiis, quæsumus Dó-
mine, fragilitas nostra subsis-
tat: ut quæ sua conditióne at-
tératur, tua cleméntia reparétur.
Per Dóminum.

Léctio Amos Prophétæ.

Amos. 9. d.

HÆC dicit Dóminus Deus:
Ecce dies véniunt: et
comprehéndet arátor messó-
rem, et calcátor uvæ mittén-
tem semen: et stillábunt mon-
tes dulcédinem, et omnes col-
les culti erunt. Et convértam
captivitátem populi mei Israëli:
et ædificábunt civitátes desér-
tas, et inhabitábunt: et plantá-
bunt véneas, et bibent vinum
eárum: et fácient hortos, et
cómedent fructus eórum. Et
plantábo eos super humum
suam, et non evéllam eos ul-
trá de terra sua, quam dedi eis:
dicit Dóminus Deus tuus.

Graduale. Ps. 112. Quis si-
cut Dóminus Deus noster, qui
in altis hábitat: et humília rés-
picit in cælo et in terra?

℟. Súscitans à terra ínopem,
et de stércore érigens páupe-
rem.

*Hic dicitur Dóminus vobís-
cum. sine* Flectámus genua.

Orémus. Oratio.

PRÆSTA, quæsumus Dó-
mine, familiæ tuæ suppli-
cánti: ut dum à cibis corpo-
rálibus se ábstinet, à vitíis
quoque mente jejúnet. Per
Dóminum nostrum.

Secunda Oratio. A cunctis
267. *Tertia ad libitum.*

Léctio libri Esdræ.

Neh. vel 2. Esd. 8.

IN diébus illis: Congregátus
est omnis pópulus quasi vir
unus ad platéam, quæ est ante
portam aquárum: et dixerunt
Esdræ scribæ, ut afférret Li-
brum legis Móysi, quam præ-
céperat Dóminus Israéli. At-
tulit ergo Esdras sacérdos le-
gem coram multitudíne viró-
rum et mulierum, cunctisque
qui póterant intelligere, in die
prima mensis séptimi. Et legit
in eo apértè in platéa quæ erat
ante portam aquárum, de ma-
nè usque ad médiam diem, in
conspéctu virórum et mulie-
rum, et sapiéntium: et aures
omnis pópuli erant eréctæ ad
Librum. Stetit autem Esdras
Scriba super gradum lígneum,
quem fécerat ad loquéndum.
Et apéruit Librum coram om-
ni pópulo: super univérsum
quippe pópulum eminébat: et
cùm aperuisset eum, stetit om-
nis pópulus. Et benedíxit Es-
dras Dómino Deo magno: et
respóndit omnis pópulus:
Amen, amen: elevans manus
suas. Et incurvátí sunt, et ado-
ravérunt Deum proni in ter-
ram. Porrò Levítæ siléntium
faciébant in pópulo ad audi-
éndam legem: pópulus au-
tem stabat in gradu suo. Et le-
gérunt in Libro legis Dei dis-
tinctè et apértè ad intelligén-
dum: et intellexérunt cùm le-
gerétur. Dixit autem Nehe-
mías, et Esdras sacérdos et
scriba, et Levítæ interpretántes
univérso pópulo: Dies sancti-
ficátus est Dómino Deo nostro:
nolíte, lugére, et nolíte flere.
Et dixit eis: Ite, comédite
pínguia, et bíbite mulsum, et

míttite partes his, qui non præparavérunt sibi : quia sanctus dies Dómini est, et nolite contristari : gáudium étenim Dómini est fortitúdo nostra.

Graduale. Ps. 32. Beáta gens, cujus est Dóminus Deus eórum : pópulus quem elégit Dóminus in hæreditátem sibi.

℟. Verbo Dómini cœli firmáti sunt : et spírítu oris ejus omnis virtus eórum.

Sequéntia sancti Evangélii secúndum Marcum.

Marc. 9. c.

IN illo tempore : Respóndens unus de turba, dixit ad Jesum : Magister, áttuli filium meum ad te habéntem spírítum mutum : qui ubicúmque eum apprehénderit, allidit illum, et spumat, et stridet déntibus, et aréscit : et dixi discipulis tuis, ut ejicerent illum, et non potuérunt. Qui respóndens eis, dixit : O generátiocrédula, quámdu apud vos ero ? quámdu vos pátiar ? afférte illum ad me. Et attulérunt eum. Et cùm vidisset eum, statim spírítus conturbávit illum : et elísus in terram, volutabátur spumans. Et interrogávit patrem ejus : Quantum témporis est, ex quo ei hoc accidit ? At ille ait : Ab infántia, et frequénter eum in ignem, et in aquas misit ut eum pérderet. Sed si quid potes, ádjuva nos, misértus nostri. Jesus autem ait illi : Si potes crédere, ómnia possibilía sunt credéti. Et continuò exclámans pater púeri, cum lácrymis aiébat : Credo, Dómine : ádjuva incredulitátem meam. Et cùm vidéret Jesus concurréntem turbam, commi-

nátus est spírítu immúndo, dicens illi : Surde et mute spírítus, ego præcipio tibi, exi ab eo, et ámplius ne intróeas in eum. Et exclámans, et multum discérpens eum, éxiit ab eo : et factus est sicut mórtuus, ita ut multi dicerent : Quia mórtuus est. Jesus autem tenens manum ejus, elevávit eum, et surrexit. Et cùm introisset in domum, discípuli ejus secrétò interrogábant eum : Quare nos non potúimus ejicere eum ? Et dixit illis : Hoc genus in nullo potest exíre, nisi in oratióne et jejúnio.

Offertorium. Ps. 118. Meditábor in mandátis tuis, quæ diléxi valdè : et levábo manus meas ad mandáta tua, quæ diléxi.

Secreta.

HÆC hóstia, Dómine quæsumus, emúndet nostra delicta : et ad sacrificium celebrandum, subditórum tibi cõpora mentésque sanctificet. Per Dóminum.

Alia Secr. Exáudi nos. f. 268.

Tertia ad libitum.

Communio. 2. Esd. 8. Comédite pínguia, et bíbite mulsum, et míttite partes his, qui non præparavérunt sibi : sanctus enim dies Dómini est, nolite contristári : gáudium étenim Dómini, est fortitúdo nostra.

Postcommunio.

SUMENTES, Dómine, dona cœléstia, suppliciter deprecámur, ut quæ sédula servitúte, donánte te, gérimus, dignis sénsibus tuo múnere capíamus. Per Dóminum.

Altera Postcommunio. Múndet et múniat. 268.

Tertia ad libitum.

FERIA VI. QUATUOR
TEMP. SEPTEMBRIS.*Statio ad sanctos duodecim
Apostolos.**Introitus. Psal. 104.***L**ÆTETUR cor quæren-
tium Dóminum: quærite
Dóminum et confirmámini:
quærite faciẽm ejus sẽmper.*Psal. ibid.* Confitẽmini Dó-
mino, et invocáte nomen ejus:
annuntiáte inter gentes ópera
ejus. *V. Glória Patri.**Oratio.***P**RÆSTA quæsumus omni-
potens Deus: ut observa-
tiones sacras ánnua devotiõe
recolẽntes, et córpore tibi
placeámus et mente. Per Dó-
minum.*Secunda Oratio. A cunctis.
267.**Tertia ad libitum.*

Lectio Osée Prophætæ.

*Osee 14.***H**ÆC dicit Dóminus Deus:
Convertere Israël ad
Dóminum Deum tuum: quón-
iam corruísti in iniquitate
tua. Tóllite vobiscum verba,
et convertimini ad Dóminum:
et dicite ei: Omnem aufer
iniquitatem, accipe bonum:
et reddẽmus vítulos labiõrum
nostrõrum. Assur non salvá-
bit nos, super equum non ascen-
dẽmus, nec dicẽmus ultrà: Dii
nostri, ópera mánuum nostrá-
rum: quia ejus, qui in te est,
miserẽberis pupílli. Sanábo
conritiões eõrum, diligam
eos spontáneẽ: quia aversus
est furor meus ab eis. Ero qua-
si ros, Israël germinábit sicut
lílium, et erumpet radix ejus,
ut Líbani. Ibunt rami ejus, et
erit quasi olíva glória ejus, etodor ejus, ut Líbani. Conver-
tẽntur sedẽntes in umbra ejus:
vivent trítico, et germinábunt
quasi vínea: memoriále ejus
sicut vinum Líbani. Ephraim
quid mihi ultrà idóla? Ego
exáudiam, et dirigam eum ego,
ut abietem virẽntem: ex me
fructus tuus invẽntus est. Quis
sápiens, et intélliget ista? in-
télligens, et sciet hæc? quia
rectæ viæ Dómini, et justí
ambulábunt in eis: prævari-
catóres verò córruent in eis.*Graduale. Psal. 89.* Convér-
tere Dómine aliquántulũm, et
deprecáre super servos tuos.*V. Dómine refúgium factus
es nobis, à generatiõe et pro-
geniẽ.*Sequẽtia sancti Evangélli se-
cúndũm Lucam.*Luc. 7. f.***I**N illo tẽpore: Rogábat
Jesum quidam de Phari-
sæis, ut manducáret cum il-
lo. Et ingressus domum Pha-
risæi, discúbuit. Et ecce mú-
lier, quæ erat in civitáte pec-
cátrix, ut cognóvit, quòd ac-
cubúisset in domo Pharisæi,
áttulit alabástrum unguẽnti,
et stans retrò secus pedes
ejus, lácrymis cœpit rigáre
pedes ejus, et capillis cápi-
tis sui tergébat, et oscula-
bátur pedes ejus, et unguẽn-
to ungébat. Videns autem
Pharisæus, qui vocáverat eum,
ait intra se, dicens: Hic si esset
Prophéta, sciret útique, quæ
et qualis est múlier, quæ tan-
git eum: quia peccátrix est.
Et respóndens Jesus, dixit ad
illum: Simon, hábeo tibi áli-
quid dícere. At ille ait: Ma-
gister dic. Duo debitóres erant
cuidam fœneratóri: unus de-

bébat denários quingéntos, et álius quinquaginta. Non habéntibus illis unde rédderent, donávit utrisque. Quis ergo eum plus diligit? Respóndens Simon, dixit: Æstimo quia is, cui plus donávit. At ille dixit ei: Rectè judicásti. Et convérsus ad mulierem, dixit Simóni: Vides hanc mulierem? Intrávi in domum tuam; aquam pédibus meis non dedísti: hæc autem lácrymis rigávit pedes meos, et capillis suis tersit. Osculum mihi non dedísti: hæc autem, ex quo intrávit non cessávit osculári pedes meos. Oleo caput meum non unxísti: hæc autem unguénto unxit pedes meos. Propter quod dico tibi: Remittúntur ei peccáta multa, quóniam diléxit multum. Cui autem minus dimittitur, minús diligit. Dixit autem ad illam: Remittúntur tibi peccáta. Et cœperunt qui simul accumbébant, dicere intra se: Quis est hic, qui étiam peccáta dimittit? Dixit autem ad mulierem: Fides tua te salvam fecit: vade in pace.

Offertorium. Psal. 102. Bénedic ánima mea Dómino, et noli oblivísci omnes retributiónes ejus, et renovábitur sicut áquilæ juvéntus tua.

Secreta.

ACCEPTA tibi sint, Dómine quæsumus, nostri dona jejúnii: quæ et expiánda nos tua grátia dignos efficiant, et ad sempitérna promissa perducant. Per Dóminum.

Alia Secreta. Exáudi nos. 268.

Tertia ad libitum.

Communio. Psal. 118. Aufer à me oppróbrium et contemp-

tum, quia mandáta tua exquisívi, Dómine: nam et testimónia tua, meditatio mea est.

Postcommunio.

QUÆSUMUS, omnipotens Deus: ut de percéptis munéribus grátias exhibentes, beneficia potióra sumámus. Per Dóminum.

Alia Postcommunio. Mundet et múniat. 268.

Tertia ad libitum.

SABBATO QUATUOR TEMP. SEPTEMB.

Statio ad Sanctum Petrum.

Introitus. Psal. 94.

VENITE, adorémus Deum, et procidámus ante Dóminum: plorémus ante eum, qui fecit nos; quia ipse est Dóminus Deus noster.

Psal. ibid. Venite exultémus Dómino: jubilémus Deo salutari nostro.

✠. Glória Patri.

Post Kyrie eléison. dicitur Orémus. Flectámus génuá.

R. Leváte.

Oratio.

OMNIPOTEN Ssempitérne Deus, qui per continéntiam salutárem, corpóribus medéris et méntibus: majestátem tuam súpplices exorámus: ut pia jejunántium deprecatióne placátus, et præsentia nobis subsidia tríbuas et futúra. Per Dóminum.

Léctio libri Levítici.

Levit. 23. d.

IN diébus illis: Locútus est Dóminus ad Móysen, dicens: Décimo die mensis hujus séptimi, dies expiatiónum erit celebérrimus, et vocábitur sanctus: affligetisque ánimas vestras in eo, et offerétis holocáustum Dómino. Omne

opus servile non faciétis in témpore diéi hujus: quia dies propitiatiónis est, ut propitiétur vobis Dóminus Deus vester. Omnis ánima, quæ afflicta non fúerit die hac, peribit de pópulis suis: et quæ óperis quídpian fécerit, delébo eam de pópulo suo. Nihil ergo óperis faciétis in eo: legítimum sempitérnium erit vobis in cunctis generatióibus et habitatióibus vestris. Sábbatum requietiÓnis est, et affligétis ánimas vestras die nono mensis. A vespera usque ad vésperam celebrabitis sábbata vestra: dicit Dóminus omnipotens.

Graduale. Psal. 78. Propítius esto Dómine peccátis nostris: ne quando dicant Gentes, Ubi est Deus eórum?

V. Adjuva nos Deus salutáris noster: et propter honórem nóminis tui, Dómine, libera nos. *Orémus.* Flectámus genua. *R.* Leváte.

Oratio.

DA nobis, quæsumus omnípotens Deus: ut jejunádo, tua grátia satiémur; et abstinédo, cunctis efficiámur hóstibus fortióres. Per Dominum.

Léctio libri Levítici.

Lev. 23. f.

IN diébus illis: Locútus est Dóminus ad Móysen, dicens: A quintodécimo die mensis séptimi, quando congregavéritis omnes fructus terræ vestræ, celebrábitis férias Dómini septem diébus: Die primo, et die octávo erit sábbatum, id est réquies. Sume-tis que vobis die primo fructus árboris pulchérrimæ, spatulasque palmárum, et ramos ligni densárum fróndium, et

sálices de torrén-te, et lætabimini coram Dómino Deo vestro. Celebrabitisque solemnitátem ejus septem diébus per annum. Legítimum sempitérnium erit in generatióibus vestris: Mense séptimo festa celebrábitis, et habitábitis in umbráculis septem diébus. Omnis qui de genere est Israél, manébit in tabernáculis: ut discant pósteri vestri quòd in tabernáculis habitáre fécerim filios Israél, cùm edúcerem eos de Terra Ægypti: Ego Dóminus Deus vester.

Graduale. Psal. 83. Protéctor noster aspice Deus: et respice super servos tuos. *V.* Dómine Deus virtútum exáudi preces servórum tuórum. *Orémus.* Flectámus genua. *R.* Leváte.

Oratio.

TUERE, quæsumus Dómine, familiam tuam: ut salutis æternæ remédia, quæ te inspiránte requírimus, te largiénte consequámur. Per Dóminum.

Léctio Michææ Prophætæ.

Mich. 7. c.

DOMINE Deus noster, pasce pópulum tuum in virga tua, gregem hæreditátis tuæ, habitátes solos in saltu, juxta dies antiquos. Vidébunt gentes, et confundéntur super omni fortitúdine sua. Quis Deus símilis tui, qui aufers iniquitátem, et transis peccátum reliquiárum hæreditátis tuæ? Non immittet ultrá furórem suum, quóniam volens misericórdiam est. Revertétur, et miserébitur nostri: depónet iniquitátes nostras, et projiciet in profúndum maris omnia peccáta nostra. Dabis véritátem Jacob, misericórdiam.

Abraham : quæ jurasti pátribus nostris à diébus antiquis : Dómine Deus noster.

Graduale. Psal. 89. Convértere Dómine aliquántulúm : et deprecáre super servos tuos.

Ÿ. Dómine refúgium factus es nobis à generatióne et progénie. Orémus. Flectámus génuá. R. Leváte.

Oratio.

PRÆSTA, quæsumus Dómine, sic nos ab épulis abstinére carnálibus : ut à vitiis irruéntibus páriter jejúnemus. Per Dóminum.

Léctio Zachariæ Prophætæ.

Zach. 8. c.

IN diébus illis : Factum est verbum Dómini ad me, dicens : Hæc dicit Dóminus exercítuum : Sicut cogitávi ut affligerem vos, cùm ad iracúndiam provocássent patres vestri me, dicit Dóminus, et non sum misértus : sic convérsus cogitávi in diébus istis, ut benefáciam dómui Juda et Jerúsalem : nolíte timére. Hæc sunt ergo verba, quæ faciétis. Loquimini veritátem unusquisque cum próximo suo : veritátem et judicium pacis judicáte in portis vestris. Et unusquisque malum contra amicum suum ne cogitétis in córdibus vestris : et juraméntum mendax ne diligátis : ómnia enim hæc sunt, quæ odi, dicit Dóminus. Et factum est verbum Dómini exercítuum ad me, dicens : Hæc dicit Dóminus exercítuum : Jejúnium quarti, et jejúnium quinti, et jejúnium séptimi, et jejúnium décimi erit dómui Juda in gáudium, et lætítiam, et in solemnitates præcláras : veritátem tantúm, et pacem diligíte : dicit Dóminus exercítuum.

Graduale. Ps. 140. Dirigátur orátio mea, sicut incénsus in conspéctu tuo Dómine.

Ÿ. Elevátio manuum méarum sacrificium vespertinum.

Orémus. Flectámus génuá.

R. Leváte.

Oratio.

UT nobis, Dómine, tribuis solémne tibi deferre jejúnium : sic nobis, quæsumus, indulgéntiæ præsta subsídium. Per Dóminum.

Léctio Daniélis Prophætæ.

Dan. 3. c.

IN diébus illis : Angelus Dómini descéndit cum Azaríá, et sóciis ejus in fornácem : et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadragintánovem : et erúpit, et incéndit quos réperit juxta fornácem de Chaldæis ministros regis, qui eam incendebant. Et non tétigit eos omnínò ignis, neque contristávit, nec quidquam moléstie intulit. Tunc hi tres quasi ex uno ore laudábant, et glorificábant, et benedicébant Deum in fornáce.

Hic non respondetur, Deo grátias. Hymnus. Ibid.

BENEDICTUS es Dómine Deus patrum nostrórum. Et laudábilis et gloriósus in sæcula.

Et benedictum nomen glóriæ tuæ, quod est sanctum. Et laudábile et gloriósum in sæcula.

Benedictus es in templo sancto glóriæ tuæ. Et laudábilis et gloriósus in sæcula.

Benedictus es super thronum sanctum regni tui. Et laudábilis et gloriósus in sæcula.

Benedictus es super sceptrum divinitatis tuæ. Et laudabilis et gloriósus in sæcula.

Benedictus es, qui sedes super Chérubim, intuens abyssos. Et laudabilis et gloriósus in sæcula.

Benedictus es, qui ámbulas super pennas ventórum, et super undas maris. Et laudabilis et gloriósus in sæcula.

Benedicant te omnes Angeli, et Sancti tui. Et laudent te, et gloríficent in sæcula.

Benedicant te cœli, terra, mare, et ómnia quæ in eis sunt. Et laudent te et gloríficent in sæcula :

Glória Patri, et Filio, et Spiritu sancto. Et laudabili et glorióso in sæcula.

Sicut erat in princípio, et nunc, et semper, et in sæcula sæculórum, Amen. Et laudabili et glorióso in sæcula.

Benedictus es Dómine Deus patrum nostrórum. Et laudabilis et gloriósus in sæcula.

Hic dicitur V. Dóminus vobiscum, sine Flectámus genua.

Oratio.

DEUS, qui tribus púeris mitigásti flammam ignium : concéde propítius ; ut nos fámulos tuos non exúrat flamma vitiórum. Per Dóminum.

Secunda Oratio. A cunctis. 267. *Tertia ad libitum.*

Lectio Epistolæ beáti Pauli Apóstoli ad Hebræos.

Heb. 9.

FRATRES, Tabernáculum factum est primum, in quo erant candelábra, et mensa, et propositio panum, quæ dicitur Sancta. Post velaméntum autem secúndum, taber-

náculum, quod dicitur Sancta sanctorum, áureum habens thuribulum : et arcam testaménti circumtáctam ex ómni parte auro, in qua urna áurea habens manna, et virga Aaron, quæ frondúerat, et tabulæ testaménti, supérque eam erant Chérubim glóriæ obumbrántia propitiatórium : de quibus non est modò dicéndum per singula. His verò ita compósitis : in prióri quidem tabernáculo semper introíbant sacerdótes, sacrificiórum officia consummántes : in secúndo autem semel in anno solus Póntifex, non sine ságuine, quem offert pro sua, et pópuli ignorántia : hoc significánte Spíritu sancto, nondum propalátam esse sanctorum viam, adhuc prióre tabernáculo habénte statum, quæ parábola est témporis instántis : juxta quam múnera et hóstiæ offerúntur, quæ non possunt juxta consciéntiam perféctum fácere serviéntem, solúmmodò in cibis, et in pótibus, et váriis baptismátibus, et justítiis carnis usque ad témpus correctiónis impósitis. Christus autem assistens Póntifex futurórum bonórum, per ámplius et perféctius tabernáculum non manufactum, id est, non hujus creatiónis : neque per ságuinem hircórum, aut vitulórum, sed per próprium ságuinem introívit semel in Sancta, æténa redemptióne invénta.

Tractus. Ps. 116. Laudáte Dóminum omnes Gentes : et collaudáte eum omnes pópuli.

V. Quóniam confirmáta est super nos misericórdia ejus ; et véritas Dómini manet in ætérnum.

Sequéntia sancti Evangélii se-
cúndum Lucam.

Luc. 13.

IN illo tēpore : Dicébat
Jesus turbis hanc similitu-
dinem : Arborem ficí habébat
quidam plantátam in vinea sua,
et venit quærens fructum in
illa, et non invénit. Dixit au-
tem ad cultórem vineæ : Ecce
anni tres sunt ex quo vénio
quærens fructum in ficúlnea
hac, et non invénio : Succíde
ergo illam, ut quid étiam terram
óccupat ? At ille respóndens,
dicit illi : Dómine dimitte illam
et hoc anno usque dum fódiam
circa illam, et mittam stércora :
et si quidem fécerit fructum,
sin autem, in futúrum succí-
des eam. Erat autem docens
in synagóga eórum sábbatis.
Et ecce múlter, quæ habébat
spírítum infirmitátis annis de-
cem et octo : et erat inclináta,
nec omníno póterat sursum
respícere. Quam cùm vidéret
Jesus, vocávit eam ad se, et
ait illi : Múlter dimissa es ab
infirmitate tua. Et impósuit
illi manus, et conféstim erécta
est, et glorificábat Deum. Res-
póndens autem archisynagó-
gus, indignans quia sábbato
curáset Jesus, dicébat turbæ :
Sex dies sunt, in quibus opór-
tet operári : in his ergo vénite,
et curámini, et non in die sá-
bbati. Respóndens autem ad
illum Dóminus dixit : Hypó-
critæ, unusquisque vestrúm
sábbato non solvit bovem suum
aut ásinum à præsépio, et du-
cit adaquáre ? Hanc autem
filiam Abrahæ, quam alligávit
Sátanas, ecce decem et octo
annis, non opórtuit solvi à vín-
culo isto die sábbati ? Et cùm

hæc diceret, erubescébant om-
nes adversárii ejus : et omnis
pópulus gaudébat in univérsis,
quæ gloriósè fiébant ab eo.

Offertorium. Ps. 87. Dómine
Deus salutis meæ, in die cla-
mávi et nocte coram te : intret
orátio mea in conspéctu tuo,
Dómine.

Secreta.

CONCEDE, quæsumus om-
nipotens Deus : ut óculis
tuæ majestátis munus oblátum,
et grátiam nobis devotiónis ob-
tineat, et effectum beátæ pe-
rennitátis acquirat. Per Dó-
minum.

Alia Secreta. Exáudi nos. 268.

Tertia ad libitum.

Communio. Lev. 23. Mense
séptimo festa celebrábitis, cùm
in tabernáculis habitáre féce-
rim filios Israël, cùm educe-
rem eos de Terra Ægypti, ego
Dóminus Deus vester.

Postcommunio.

PERFICIANT in nobis,
Dómine quæsumus, tua
sacraménta quod cónitent :
ut quæ nunc spécie gérimus,
rerum veritate capiámus. Per
Dóminum.

*Alia Postcomm. Mundet et
múniat. f. 268. Tertia ad libit.*

DOMINICA XVIII. POST
PENTECOSTEN.

Introitus. Eccl. 36. c.

DA pacem Dómine susti-
néntibus te, ut Prophé-
tæ tui fidéles inveniántur : ex-
áudi preces servi tui, et plebis
tuæ Israël.

Psal. 121. Lætátus sum in
his, quæ dicta sunt mihi : in
domum Dómini íbimus.

V. Glória Patri.

Oratio.

DIRIGAT corda nostra, quæsumus Dómine, tuæ miseratiónis operatio: quia tibi sine te placere non possumus. Per Dóminum.

Secunda Oratio. A cunctis. 267.

Tertia ad libitum.

Lectio Epistolæ beati Pauli Apóstoli ad Corinthios.

1 Cor. 1.

FRATRES, Grátias ago Deo meo semper pro vobis in grátia Dei, quæ data est vobis in Christo Jesu: quòd in ómnibus divites facti estis in illo, in omni verbo, et in omni sciéntia: sicut testimónium Christi confirmátum est in vobis: ita ut nihil vobis desit in ulla grátia, expectántibus revelatiónem Dómini nostri Jesu Christi, qui et confirmábit vos usque in finem sine crimine, in die advéntus Dómini nostri Jesu Christi.

Graduale. Ps. 121. Lætátus sum in his, quæ dicta sunt mihi: in domum Dómini ibimus.

V. Fiat pax in virtúte tua, et abundantia in túrribus tuis. Allelúia, allel. V. Ps. 101. Timébunt Gentes nomen tuum Dómine: et omnes reges terræ glóriam tuam. Allelúia.

Sequéntia sancti Evangélii secúndum Matthæum.

Matth. 9.

IN illo tempore: Ascéndens Iesus in naviculam, transfretávit, et venit in civitatem suam. Et ecce offerébant ei paralyticum jacéntem in lecto. Et videns Iesus fidem illórum, dixit paralytico: Confide fili, remittuntur tibi peccáta tua. Et ecce quidam de

Scribis dixerunt intra se: Hic blasphemát. Et cum vidisset Iesus cogitatiónes eórum, dixit: Ut quid cogitátis mala in córdibus vestris? Quid est fácius dicere: Dimittúntur tibi peccáta tua; an dicere; Surge, et ámbula? Ut autem sciátis, quia Fílius hóminis habet potestátem in terra dimitténdi peccáta, tunc ait paralytico: Surge, tolle lectum tuum, et vade in domum tuam. Et surrexit, et abiit in domum suam. Vidéntes autem turbæ timuérunr, et glorificavérunt Deum, qui dedit potestátem talem hominibus. Credo.

Offertorium. Exod. 24. Sanctificávit Móyses altáre Dómino, offerens super illud holocáusta, et immolans victimas: fecit sacrificum vespertinum in odórem suavitátis Dómino Deo, in conspectu filiórum Israél.

Secreta.

DEUS, qui nos per hujus sacrificii veneránda comércia, unius summæ divinitátis partícipes éfficis: præsta quæsumus: ut sicut tuam cognóscimus veritátem, sic eam dignis móribus assequámur. Per Dóminum.

Alia Sec. Exáudi nos. 268.

Tertia ad libitum.

Communio. Psal. 95. Tóllite hóstias, et introíte in átria ejus: adorate Dóminum in aula sancta ejus.

Postcommunio.

GRATIAS tibi reférimus, Dómine, sacro múnere vegetáti, tuam misericórdiam deprecántes: ut dignos nos ejus participatióne perficias. Per Dóminum.

Alia Postcom. Mundet et múniat. 268. *Tertia ad libitum.*

DOMINICA XIX. POST
PENTECOSTEN.*Introitus.*

SALUS pópuli ego sum, dicit Dóminus: de quacúmque tribulatione clamáverint ad me, exáudiam eos: et ero illórum Dóminus in perpétuum.

Psal. 77. Atténdite pópule meus legem meam: inclináte autem vestram in verba oris mei. *V.* Glória Patri.

Oratio.

OMNIPOTENS et miséricors Deus, univérsa nobis adversántia propitiátus excludé: ut mente et córpore páriter expediti, quæ tua sunt, liberis méntibus exequámur. Per Dóminum.

Secunda Oratio. A cunctis. 267. *Tertia ad libitum.*

Léctio Epístolæ beáti Pauli Apóstoli ad Ephésios.

Ephes. 4. c.

FRATRES, Renovámini spíritu mentis vestræ, et indúite novum hóminem, qui secúndum Deum creátus est in justítia, et sanctitáte veritátis. Propter quod deponétes mendácium, loquimini veritátem unusquisque cum próximo suo: quóniam sumus ínicem membra. Irascimini, et nolite peccáre: sol non occidat super iracúndiam vestram. Nolite locum dare diabolo: qui furabátur, jam non furétur: magis autem labóret, operándo máibus suis quod bonum est, ut hábeat unde tribuat necessitátem patiénti.

Graduale. Ps. 140. Dirigátur orátio mea, sicut incensum in conspectu tuo, Dómine.

V. Elevátio mánuum meárum, sacrificium vespertinum. Allelúia, allelúia.

V. Ps. 104. Confitémini Dómino, et invocáte nomen ejus: annuntiáte inter Gentes ópera ejus. Allelúia.

Sequéntia sancti Evangélii secúndum Matthæum.

Matth. 22.

IN illo témpore: Loquebátur Jesus princípibus sacerdotum, et Pharisæis in parabolis, dicens: Símile factum est regnum cœlórum hómini regi, qui fecit nuptias filio suo. Ei misit servos suos vocáre invitátos ad nuptias, et nolébant veníre. Iterum misit álios servos, dicens: Dícite invitátis: Ecce prandium meum parávi, tauri mei, et altília occisa sunt, et ómnia paráta: veníte ad nuptias. Illi autem neglexérunt: et abiérunt álius in villam suam, álius verò ad negotiatiónem suam: réliqui verò tenuérunt servos ejus, et contuméliis afféctos, occidérunt. Rex autem cum audisset, irátus est: et missis exercítibus suis, pèrdidit homicidas illos, et civitátem illórum succéndit. Tunc ait servis suis: Nuptiæ quidem paratæ sunt, sed qui invitáti erant, non fuérunt digni. Ite ergo ad éxitus viárum et quoscúmque invenéritis, vocáte ad nuptias. Et egréssi servi ejus in vias, congregavérunt omnes, quos invenerunt, malos et bonos: et implétæ sunt nuptiæ discumbéntium. Intrávit autem rex, ut vidéret discumbétes, et vidit ibi hóminem non vestítum veste nuptiáli. Et ait illi:

Amice, quómodo huc intrásti, non habens vestem nuptiálem? At ille obmútuít. Tunc dixit rex ministris: Ligátis má nibus et pé dibus ejus, mittite eum in ténebras exterióres: ibi erit fletus et stridor déntium. Multi enim súnt vocáti, pauci verò elécti. Credo.

Offertorium. Psal. 137. Si ambulávero in médio tribulatiónis, vivificabis me, Dómine: et super iram inimicórum meórum exténde manum tuam: et salvum me fáciét délixera tua.

Secreta.

HÆC múnera, quæsumus Dómine, quæ óculis tuæ majestátis offérimus, salutaria nobis esse concéde. Per Dóminum.

Alia Secr. Exáudi nos. 268.

Tertia ad libitum.

Communio. Psalm. 118. Tu mandásti, mandáta tua custodiri nimis: útinam dirigántur viæ meæ ad custodiénda justifications tuas.

Postcommunio.

TUA nos, Dómine, medicinalis operátio, et à nostris perversitatibus cleménter expédiat, et tuis semper fáciat inhærére mandátis. Per Dóminum.

Alia Postcom. Mundet et múniat. 268. Tertia ad libitum.

DOMINICA XX. POST PENTECOSTEN.

Introitus. Dan. 3.

OMNIA, quæ fecísti nobis Dómine, in vero júdicio fecísti: quia peccávimus tibi, et mandátis tuis non obedívimus, sed da glóriam nómini

tuo, et fac nobíscum secúndum multitudínem misericórdiæ tuæ.

Psal. 118. Beáti immaculáti in via: qui ámbulant in lege Dómini. V. Glória Patri.

Oratio.

LARGIRE, quæsumus Dómine, fidélibus tuis, indulgéntiam placátus et pacem: ut páriter ab ómnibus mundéntur offénsis, et segura tibi mente desérviant. Per Dóminum.

Secunda Oratio. A cunctis. 267. Tertia ad libitum.

Léctio Epístolæ beáti Pauli Apóstoli ad Ephésios.

Ephes. 5. d.

FRATRES, Vidéte quómodo caute ambulétis: non quasi insipiéntes, sed ut sapiéntes: rediméntes tempus, quóniam dies mali sunt. Proptérea nolíte fieri imprudéntes: sed intelligéntes, quæ sit volúntas Dei. Et nolíte inebriári vino, in quo est luxúria: sed implémini Spíritu sancto, loquéntes vobismetipsis in psalmis, et hymnis, et cánticis spirituálibus, cantántes et psalléntes in córdibus vestris Dómino, grátias ágéntes semper pro ómnibus, in nómine Dómini nostri Jesu Christi, Deo, et Patri. Subjécti invicem in timóre Christi.

Graduale. Ps. 144. Oculi ómnium in te sperant, Dómine: et tu das illis escam in témpore opportúno. V. Aperis tu manum tuam, et ímples omne ánimál benedictióne.

Allelúia, allelúia.

V. *Psalm. 107.* Parátum cor meum Deus, parátum cor meum: cantábo, et psallam tibi, glória mea. Allelúia.

Sequéntia sancti Evangéllii se-
cúndum Joánnem.

Joan. 4. f.

IN illo témpore: Erat qui-
dam Régulus, cujus filius
infirmabátur Caphárnaum. Hic
cúm audisset, quia Jesus ad-
veníret à Judæa in Galilæam,
ábiit ad eum: et rogábat eum,
ut descénderet, et sanáret filium
ejus: incipiébat enim mori.
Dixit ergo Jesus ad eum: Nisi
signa et prodígia vidéritis, non
créditis. Dicit ad eum Régu-
lus: Dómine, descénde priús-
quam moriátur filius meus. Di-
cit ei Jesus: Vade, filius tuus
vivit. Crédidit homo sermóni,
quem dixit ei Jesus, et ibat.
Jam autem eo descendénte,
servi occurrérunt ei, et nun-
tiavérunt dicétes: quia filius
ejus víveret. Interrogábat ergo
horam ab eis, in qua melíus
habúerit. Et dixerunt ei:
Quia heri hora séptima reliquit
eum febris. Cognóvit ergo pa-
ter, quia illa hora erat, in qua
dixit ei Jesus: Filius tuus
vivit: et crédidit ipse, et do-
mus ejus tota. Credo.

Offertorium. Ps. 136. Super
flúmina Babylónis illic sédimus
et flévimus, dum recordarémur
tui Sion.

Secreta.

CELESTEM nobis præ-
beant hæc mystéria, quæ-
sumus Dómine, medicínam: et
vítia nostri cordis expúrgent.
Per Dóminum.

Alia Secr. Exáudi nos. 268.
Tertia ad libitum.

Communio. Ps. 118. Memén-
to verbi tui servo tuo Dómi-
ne, in quo mihi spem dedísti:
hæc me consoláta est in humi-
lité mea.

Postcommunio.

UT sacris, Dómine, red-
dámur digni munéribus,
fac nos, quæsumus, tuis, sem-
per obedire mandátis. Per
Dóminum.

Alia Postcom. Mundet et
múniat. 268. *Tertia ad libit.*

DOMINICA XXI. POST PENTECOSTEN.

Introitus. Esth. 13.

IN voluntáte tua Dómine,
univérsa sunt póstita: et
non est qui possit resistere vo-
luntáti tuæ: tu enim fecisti
ómnia, cælum, et terram, et
univérsa, quæ cœli ámbitu
continéntur: Dóminus univer-
sórum tu es.

Psal. 118. Beáti immaculáti
in via: quia ámbulant in lege
Dómini. V. Glória Patri.

Oratio.

FAMILIAM tuam, quæsu-
mus, Dómine, continúa
pietáte custódi: ut à cunctis
adversitátibus, te protegénte,
sit libera: et in bonis áctibus
tuo nómini sit devóta. Per
Dóminum.

Secunda Oratio. A cunctis.
267. *Tertia ad libitum.*

Léctio Epístolæ beáti Pauli
Apóstoli ad Ephésios.

Eph. 6. b.

FRATRES, Confortámini
in Dómino, et in poténtia
virtútis ejus. Indúite vos ar-
matúram Dei, ut possítis sta-
re advérsus insídias diaboli.
Quóniam non est nobis col-
luctátio advérsus carnem, et
sánguinem: sed advérsus prin-
cipes et potestátes, advérsus
mundi rectóres tenebrárum
harum, contra spirituália ne-
quitiæ, in cœlestibus. Prop-

ea accipite armaturam Dei, ut possitis resistere in die malo, et in omnibus perfecti stare. State ergo succincti lumbos vestros in veritate, et indui loricae iustitiae, et calceati pedes in preparatione Evangelii pacis: in omnibus sumentes scutum fidei, in quo possitis omnia tela nequissimi ignea extinguere: et galeam salutis assumite: et gladium spiritus, quod est verbum Dei.

Graduale. Psal. 89. Domine refugium factus es nobis a generatione et progenie.

V. Priusquam montes fierent, aut formaretur terra et orbis: a saeculo, et usque in saeculum tu es Deus. Alleluia, alleluia.

V. *Ps. 113.* In exitu Israel de Aegypto, domus Jacob de populo barbaro. Alleluia.

Sequentia sancti Evangelii secundum Matthaeum.

Matth. 18. c.

IN illo tempore: Dixit Jesus discipulis suis parabolam hanc: Assimilatum est regnum caelorum homini regi, qui voluit rationem ponere cum servis suis. Et cum coepisset rationem ponere, oblitus est ei unus, qui debebat ei decem millia talenta. Cum autem non haberet unde redderet, iussit eum dominus ejus venditari, et uxorem ejus, et filios, et omnia, quae habebat, et reddi. Procidens autem servus ille, orabat eum, dicens: Patientiam habe in me, et omnia reddam tibi. Misertus autem dominus servi illius, dimisit eum, et debitum dimisit ei. Egressus autem servus ille, invenit unum de con-

servis suis, qui debebat ei centum denarios: et tenens suffocabat eum, dicens: Redde quod debes. Et procidens conservus ejus, rogabat eum, dicens: Patientiam habe in me, et omnia reddam tibi. Ille autem noluit: sed abiit, et misit eum in carcerem, donec redderet debitum. Videntes autem conservi ejus quae fiebant, contristati sunt valde: et venerunt, et narraverunt domino suo omnia, quae facta fuerant. Tunc vocavit illum dominus suus, et ait illi: Serve nequam, omne debitum dimisi tibi, quoniam rogasti me: nonne ergo oportuit et te misereri conservi tui, sicut et ego tui misertus sum? Et iratus dominus ejus, tradidit eum tortoribus, quoad usque redderet universum debitum. Sic et Pater meus caelestis faciet vobis, si non remiseritis unusquisque fratri suo de cordibus vestris. Credo.

Offertorium. Job. 1. Vir erat in terra Hus, nomine Job, simplex, et rectus, ac timens Deum: quem Satan petiit, ut tentaret: et data est ei potestas a Domino in facultates, et in carnem ejus: perdiditque omnem substantiam ipsius, et filios: carnem quoque ejus gravi ulcere vulneravit.

Secreta.

SUSCIPE Domine propitius hostias, quibus et te placari voluisti, et nobis salutem potenti pietate restitue. Per Dominum.

Alia Secreta. Exaudinos. 268.

Tertia ad libitum.

Communio. Psal. 118. In salutari tuo anima mea, et in verbum tuum speravi: quan-

do faciēs de persequētibz me iudiciū? iniqui persecūti sunt me, adjuva me Dōmine Deus meus.

Postcommunio.

IMMORTALITATIS ali-
mōniam consecūti, quæsumus, Dōmine: ut quod ore percēpimus, pura mente sectēmur. Per Dōminum.

Alia Postcomm. Mundet et mūniat. f. 268. *Tertia ad libit.*

DOMINICA XXII. POST PENTECOSTEN.

Introitus. Psalm. 129.

SI iniquitātes observāveris Dōmine, Dōmine, quis sustinēbit? quia apud te propitiatio est, Deus Israhel.

Psalm. ibid. De profundis clamāvi ad te, Dōmine: Dōmine exaudi vocem meam.

℟. Glōria Patri.

Oratio.

DEUS refūgium nostrum, et virtus: adēsto piis Ecclēsiæ tuæ precibus, auctor ipse pietātis, et præsta; ut quod fidēlīter pētīmus effīcācīter consequāmur. Per Dōminum.

Secunda Oratio. A cunctis. 267. *Tertia ad libitum.*

Lectio Epistolæ beāti Pauli Apōstoli ad Philippēnses.

Phil. 1.

FRATRES, Confidimus in Dōmino Jesu, quia qui cœpit in vobis opus bonum, perficiet usque in diem Christi Jesu. Sicut est mihi iustum hoc sentire pro omnibus vobis: eò quòd hābeam vos in corde, et in vīnculis meis, et in defēsiōne et confirmatiōne Evangēlii, socios gaudiī mei

omnes vos esse. Testis enim mihi est Deus, quòmodo cūpīam omnes vos in visceribus Jesu Christi. Et hoc oro, ut chāritas vestra magis ac magis abūndet in sciētia, et in omni sensu: ut probētis potiōra, ut sitis sincēri, et sine offēnsa in diem Christi, replēti fructu justitiæ per Jesum Christum in glōriam, et laudem Dei.

Graduale. Psal. 132. Ecce quàm bonum, et quàm jucūndum habitāre fratres in unum.

℟. Sicut unguētum in cāpite, quod descēdit in barbā, barbā Aaron. Allel. allel.

℟. *Psalm. 113.* Qui timent Dōminum sperent in eo: adjuōtor et protēctor eōrum est. Allelūia.

Sequēntia sancti Evangēlii sequēdum Matthæum.

Matth. 22. b.

IN illo tēpore: Abeūntes Pharisæi consiliū iniērunt, ut cāperent Jesum in sermōne. Et mittunt ei discipulos suos cum Herodiānis, dicētes: Magīster, scimus quia verax es, et viam Dei in veritate doces, et non est tibi cura de aliquo: non enim respicis personam hōminum: dic ergo nobis, quid tibi vidētur? licet census dare Cæsari, an non? Cōgnita autem Jesus nequitia eōrum ait: Quid me tentātis hypōcritæ? ostēdite mihi numisma census. At illi obtulērunt ei denārium. Et ait illis Jesus: Cujus est imāgo hæc, et superscriptio? Dicunt ei: Cæsaris. Tunc ait illis: Rēddite ergo quæ sunt Cæsaris, Cæsari: et quæ sunt Dei, Deo. Credo.

Offertorium. Esth. 14. Recor-

dare mei Dómine omni potentatui dómínans: et da sermónem rectum in os meum, ut pláceant verba mea in conspéctu princípis.

Secreta.

DA miséricors Deus: ut hæc salutáris oblátio, et à propriis nos reátibus indésinénter expédíat, et ab ómnibus tueátur advérsis. Per Dóminum.

Alia Secreta. Exáudi nos. 268.

Tertia ad libitum.

Communio. Psal. 16. Ego clamávi, quóniam exaudisti me Deus: inclína aurem tuam, et exáudi verba mea.

Postcommunio.

SUMPSIMUS, Dómine, scri dona mystérii, humiliter deprecátes: ut quæ in tui commemoratióem nos fácere præcepísti, in nostræ proficiant infirmitátis auxiliúm. Qui vivis et regnas.

Alia Postcomm. Mundet et múniat. 268. Tertia ad libitum.

DOMINICA XXIII.

post Pentecosten, quando non fuerit ultima post Pentecosten, quia si erit ultima, tunc loco vigesimæ tertiæ ponetur, quæ inferiùs est xxiv. et Missa xxiii. dicetur in Sabbato præcedenti, non impedito festo Duplici, vel Semiduplici, alioquin in alia præcedenti Feria similiter non impedita.

Introitus. Jer. 29.

DICIT Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis.

Psal. 84. Benedixísti Dómine terram tuam: avertísti captivitátem Jacob.

V. Glória Patri.

Oratio.

ABSOLVE, quæsumus Dómine, tuórum delicta populórum, ut à peccatórum néxibus, quæ pro nostra fragilitáte contráximus, tua benignitáte liberémur. Per Dóminum.

Secunda Oratio. A cunctis. 267. Tertia ad libitum.

Léctio Epístolæ beáti Pauli Apóstoli ad Philippénes.

Philip. 3. d.

FRATRES: Imitatóres mei estóte, et observáte eos, qui ita ámbulant, sicut habétis formam nostram. Multi enim ámbulant, quos sæpé dicébam vobis (nunc autem et flens dico) inimícos crucis Christi: quorum finis intéritus: quórum Deus venter est: et gloria in confusióne ipsórum, qui terrena sápiunt. Nostra autem conversátió in cœlis est: unde étiam Salvatórem expectámus Dóminum nostrum Jesum Christum, qui reformábit corpus humilitátis nostræ, configurátum córpori claritátis suæ, secúndum operatióem, qua étiam possit subjícere sibi ómnia. Itaque fratres mei charíssimi et desideratíssimi, gáudium meum, et coróna mea: sic state in Dómino, charíssimi. Euódiam rogo, et Syntychen déprecor idípsum sapere in Dómino. Etiam rogo et te germáne compar, ádjuva illas, quæ mecum laboravérunt in Evángélio cum Cleménte, et céteris adjutóribus meis, quórum nómina sunt in libro vitæ.

Graduale. Ps. 43. Liberásti nos. Dómine, ex affligéntibus nos: et eos, qui nos odérunt, confudisti. *V.* In Deo laudá-bimur tota die, et in nómine tuo confitébimur in sæcula.

Allel. allel. *V.* *Psalm. 129.* De profúndis clamávi ad te Dómine, Dómine exáudi oratió-nem meam. Allelúia.

Sequéntia sancti Evangéliei scúndum Matthæum.

Matth. 9. c.

IN illo témpore: Loquente Jesu ad turbas, ecce princeps unus accéssit, et adorábat eum, dicens: Dómine, filia mea modò defúncta est: sed veni, impóne manum tuam super eam, et vivet. Et surgens Jesus sequebátur eum, et discípuli ejus. Et ecce múl-ier, quæ sánguine fluxum patiebátur duódecim annis, accéssit retrò, et tétigit fimbriam vestiménti ejus. Dicébat enim intra se: Si tetigero tantum vestiméntum ejus, salva ero. At Jesus convérsus, et videns eam, dixit: Confide filia, fides tua te salvam fecit. Et salva facta est múl-ier ex illa hora. Et cùm venisset Jesus in domum principis, et vidisset tibícines, et turbam tumultuántem, dicébat: Recédite; non est enim mórtua puélla, sed dormit. Et deridébant eum. Et cùm e-jécta esset turba, intrávit, et ténuit manum ejus. Et surréxit puélla. Et éxiit fama hæc in univérsam terram illam, Credo.

Offertorium. Psalm. 129. De profúndis clamávi ad te Dómine: Dómine exáudi oratió-nem meam: de profúndis clamávi ad te Dómine.

Secreta.

PRO nostræ servitútis augménto sacrificium tibi Dómine laudis offerimus: ut quod imméritis contulisti, propítius exequáris. Per Dóminum.

Alia Secr. Exáudi nos. 268.
Tertia ad libitum.

Communio. Marc. 11. Amen dico vobis: quidquid orántes pétitis, créдите quia accipiétis, et fiet vobis.

Postcommunio.

QUÆSUMUS, omnipotens Deus: ut quos divina tribuis participatióne gaudére, humánis non sinas subjacére pericúlis. Per Dóminum.

Alia Postcom. Mundet et múniat. 268. *Tertia ad libitum.*

¶ *Si Dominicæ post Pentecosten fuerint plures vigintiquatuor, tunc post xxiii. resumantur (quoad Orationes, Epistolas, et Evangelia) Missæ Dominicanarum, quæ superfuerunt post Epiphaniam (ut infra post Dominicam xxiv.) hoc ordine.*

Si Dominicæ fuerint xxv. in Dominica xxiv. dicitur Missa Dominicæ vi. post Epiphaniam.

Si fuerint xxvi. in Dominica xxiv. dicitur Missa Dominicæ v. post Epiphaniam: et in vigesimaquinta, Missa Dominicæ vi.

Si fuerint xxvii. in Dominica xxiv. dicitur Missa Dominicæ iv. post Epiphaniam: in vigesimaquinta, Dominicæ quintæ: et in vigesimasexta, Dominicæ sextæ.

Si fuerint xxviii. in Dominica xxiv. dicitur Missa Dominicæ iii. post Epiph. in vigesima-

quinta, *Dominicæ iv. in vigesima sexta, Dominicæ quintæ: et in Dominica vigesima septima Dominicæ sextæ.*

Et ultimo loco semper ponitur Missa Dominicæ xxiv. post Pentecosten.

¶ *Introitus autem, Graduale, Offertorium, et Communio in prædictis Dominicis semper dicuntur, ut in Dominica vigesima tertia.*

DOMINICA XXIV. ET ULTIMA POST PENTECOSTEN.

Introitus. Jer. 29.

DICIT Dóminus, Ego cógito cogitationes pacis, et non afflictiónis: invocabitis me, et ego exáudiam vos: et redúcam captivitátem vestram de cunctis locis.

Psal. 84. Benedixísti Dómine terram tuam: avertísti captivitátem Jacob.

¶ *Glória Patri,*

Oratio.

EXCITA, quæsumus Dómine, tuórum fidelium voluntátes: ut divini óperis fructum propénsius exequentes, pietátis tuæ remédia majóra percípiant. Per Dóminum.

Secunda Oratio. A cunctis. fol. 267. Tertia ad libitum.

Lectio Epistolæ beáti Pauli Apóstoli ad Colossénses.

Col. 1. b.

FRATRES, Non cessámus pro vobis orántes et postulántes, ut impleámmini agnitióne voluntátis Dei, in omni sapiéntia et intelléctu spiritali: ut ambulétis dignè Deo per ómnia placéntes: in omni ópe-

re bono fructificántes, et crescéntes in sciéntia Dei: in omni virtúte confortáti secúndum poténtiam claritátis ejus, in omni patiéntia et longanimitáte, cum gáudio grátias ágéntes Deo Patri, qui dignos nos fecit in partem sortis sanctorum in lúmine: qui erípuit nos de potestáte tenebrárum, et tránstulit in regnum Filii dilectiónis suæ, in quo habémus redemptionem per sánguinem ejus, remissionem peccatórum.

Graduale. Ps. 43. Liberásti nos Dómine ex affligéntibus nos: et eos, qui nos odérunt, confudísti. V. In Deo laudábitur tota die, et in nómine tuo confitébimur in sæcula.

Allelúia, allel. V. Psal. 129. De profúndis clamávi ad te Dómine, Dómine exáudi oratióne meam. Allelúia.

Sequéntia sancti Evangélii secúndum Matthæum.

Matth. 24. b.

IN illo témpore: Dixit Jesús discíplulis suis: Cúm vidéritis abominatióne desolatiónis, quæ dicta est à Daniéle Prophéta, stantem in loco sancto: qui legit, intélligat: tunc qui in Judæa sunt, fúgiant ad montes: et qui in tecto, non descéndat tollere áliquid de domo sua: et qui in agro, non revertátur tollere tunicam suam. Væ autem prægnántibus, et nutriéntibus in illis diebus. Oráte autem, ut non fiat fuga vestra in hieme, vel sábbato. Erit enim tunc tribulátió magna, qualis non fuit ab iníitio mundi usque modò, neque fiet. Etnisi breviáti fuissent dies illi, non fieret salva omnis

caro: sed propter electos bre-
viabuntur dies illi. Tunc si
quis vobis dixerit: Ecce hic est
Christus, aut illic: nolite crede-
re. Surgent enim pseudo-
christi, et pseudoprophetae: et
dabunt signa magna, et prodigi-
a, ita ut in errorem inducantur
(si fieri potest) etiam electi.
Ecce praedixi vobis. Si ergo
dixerint vobis: Ecce in deserto
est, nolite exire: ecce in penetra-
libus, nolite credere. Sicut
enim fulgur exit ab Oriente et
paret usque in Occidentem: ita
erit et adventus Filii hominis.
Ubi cumque fuerit corpus,
illic congregabuntur et aquilae.
Statim autem post tribulationem
dierum illorum sol obscurabitur,
et luna non dabit lumen suum,
et stellae cadent de caelo, et
virtutes caelorum commovebuntur:
et tunc parabitur signum Filii
hominis in caelo: et tunc plangent
omnes tribus terrae: et videbunt
Filius hominis venientem in
nubibus caeli, cum virtute multa,
et maiestate. Et mittet
Angelos suos cum tuba, et
voce magna: et congregabunt
electos ejus a quatuor ventis,
a summis caelorum usque ad
terminos eorum. Ab arbore
autem ficis discite parabolam:
cum jam ramus ejus tener fuerit,
et folia nata, scitis quia
prope est aestas: ita et vos,
cum videritis haec omnia, scitote
quia prope est in januis. Amen
dico vobis: quia non praeteribit
generatio haec, donec omnia haec
fiant. Caelum et terra transibunt,
verba autem mea non praeteribunt.
Credo.

Offertorium. Ps. 129. De profundis
clamavi ad te Domine, Domine
exaudi orationem me-

am: de profundis clamavi ad
te Domine.

Secreta.

PROPITIUS esto Domine
supplicationibus nostris:
et populi tui oblationibus precibusque
susceptis, omnium
nostrum ad te corda converte:
ut a terrenis cupiditatibus liberati,
ad caelestia desideria transeamus.
Per Dominum.

Alia Secr. Exaudi nos. 268.

Tertia ad libitum.

Communio. Marc. 11. Amen
dico vobis, quidquid orantes
petitis, credite quia accipietis,
et fiet vobis.

Postcommunio.

CONCEDE nobis, quaesumus
Domine: ut per haec
sacramenta, quae sumpsimus,
quidquid in nostra mente vitiosum
est, ipsorum medicationis dono
curetur. Per.

Alia Postcommunio. Mundet
et muniat. 268. *Tertia ad lib.*

DOMINICA TERTIA
*quae superfuit post Epiphani-
am, ponenda secundum superiorem
Rubricam.*

Introitus. Jer. 29.

DICIT Dominus, Ego cogito
cogitationes pacis,
et non afflictionis: invocabitis
me, et ego exaudiam vos: et
reducam captivitatem vestram
de cunctis locis.

Psalm. 84. Benedixisti Domine
terram tuam: avertisti
captivitatem Jacob.

¶. Gloria Patri.

Oratio.

OMNIPOTENS sempiternus
Deus, infirmitatem nos-
tram propitius respice: atque
ad protegendum nos dexteram
tuae maiestatis extende. Per
Dominum.

Secunda Oratio. A cunctis.
nos. *ut suprà.* 267.
Tertia ad libitum.

Lectio Epistolæ beati Pauli
Apóstoli ad Romános.

Rom. 12. d.

FRATRES, Nolite esse prudéntes apud vosmetipsos: Nulli malum pro malo reddéntes; providéntes bona non tantum coram Deo, sed étiam corum ómnibus homínibus. Si fieri potest, quod ex vobis est, cum ómnibus homínibus pacem habéntes: Non vosmetipsos defendéntes, charíssimi, sed date locum iræ. Scriptum est enim: Mihi vindicta; ego retribuam, dicit Dóminus. Sed si esurierit inimícus tuus, ciba illum: si sitit, potum da illi: hoc enim faciens, carbónes ignis cóngeres super caput ejus. Noli vinci à malo: sed vince in bono malum.

Graduale. Ps. 43. Liberásti nos Dómine ex affligéntibus nos: et eos, qui nos odérunt, confudísti. *V.* In Deo laudábimur tota die, et in nómine tuo confitébimur in sæcula.

Allelúia, allel. *V. Psal. 129.* De profúndis clamávi ad te Dómine, Dómine exáudi oratiónem meam. Allelúia.

Sequéntia sancti Evangélii secúndum Matthæum.

Matth. 8.

IN illo témpore: Cùm descendísset Jesus de monte, secútæ sunt eum turbæ multæ: et ecce leprósus véniens, adorábat eum, dicens: Dómine, si vis, potes me mundáre. Et exténdens Jesus manum, tétigit eum, dicens: Vo-

lo, mundáre. Et conféstim mundáta est lepra ejus. Et ait illi Jesus: Vide, némini dixeris: sed vade, osténde te sacerdoti, et offer munus, quod præcépit Móyses, in testimónium illis. Cùm autem introísset Capharnaum, accéssit ad eum Centúrio, rogans eum, et dicens: Dómine, puer meus jacet in domo paralyticus, et malè torquétur. Et ait illi Jesus: Ego véniam, et curábo eum. Et respóndens Centúrio, ait: Dómine, non sum dignus ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites, et dico huic: Vade, et vadit: et alii, Veni, et venit: et servo meo, Fac hoc, et facit. Audiens autem Jesus, mirátus est, et sequéntibus se dixit: Amen dico vobis, non invéni tantam fidem in Israél. Dico autem vobis, quod multi ab Oriénte et Occidénte, venient, et recumbent cum Abraham, et Isaac, et Jacob in regno cælórum: filii autem regni ejiciéntur in ténebras exterióres: ibi erit fletus, et stridor déntium. Et dixit Jesus Centurióni: Vade, et sicut credidísti, fiat tibi. Et sanátus est puer in illa hora. Credo.

Offertorium. Psalm. 129. De profúndis clamávi ad te, Dómine: Dómine exáudi oratiónem meam: de profúndis clamávi ad te Dómine.

Secreta.

HÆC hóstia, Dómine quæsumus, emúndet nostra delicta: et ad sacrificium celebrándum, subditórum tibi

tibi cōpora mentésque sanctificet. Per Dóminum.

Alia Secr. Exáudi nos. 268.

Tertia ad libitum.

Communio. Marci 11. Amen dico vobis, quidquid orantes pétitis, créдите quia accipiétis, et fiet vobis.

Postcommunio.

QUOS tantis, Dómine, largiris uti mystériis: quæsumus, ut effectibus nos eórum veráciter aptáre dignéris. Per Dóminum.

Alia Postcom. Mundet et múniat. 268. *Tertia ad libit.*

DOMINICA IV. QUÆ SUPERFUIT POST EPIPH.

Introitus. Jer. 29.

DICIT Dóminus, Ego cogito cogitationes pacis, et non afflictionis: invocábitis me, et exáudiam vos: et reducám captivitátem vestram de cunctis locis.

Psal. 84. Benedixísti Dómine terram tuam: avertísti captivitátem Jacob.

V. Glória Patri.

Oratio.

DEUS, qui nos in tantis periculis constitutos, pro humana scis fragilitate non posse subsistere: da nobis salutem mentis et corporis; ut ea, quæ pro peccatis nostris patimur, te adjuvante, vincamus. Per Dóminum.

Secunda Oratio. A cunctis nos. *ut suprà.* 267.

Tertia ad libitum.

Lectio Epistolæ beati Pauli Apostoli ad Romanos.

Rom. 13. b.

FRATRES, Némini quidquam debeátis, nisi ut invicem diligátis: qui enim dí-

ligit próximum, legem implévit. Nam: Non adulterábis: Non occides: Non furáberis: Non falsum testimónium dices: Non concupíscas: et si quod est aliud mandátum, in hoc verbo instaurátur: Diliges próximum tuum sicut teípsum. Diléctio próximi malum non operátur. Plenitúdo ergo legis est diléctio.

Graduale. Psal. 43. Liberásti nos Dómine ex affligéntibus nos: et eos, qui nos odérunt, confudisti.

V. In Deo laudábimur tota die, et in nómine tuo confitébimur in sæcula.

Allelúia, allelúia.

V. Psal. 129. De profúndis clamávi ad te Dómine, Domine exáudi orationem meam. Allelúia.

Sequéntia sancti Evangélii secundum Matthæum.

Matth. 8. c.

IN illo tempore: Ascendente Jesu in naviculam, secuti sunt eum discipuli ejus: et ecce motus magnus factus est in mari, ita ut navicula operiretur fluctibus: ipse verò dormiebat. Et accesserunt ad eum discipuli ejus, et suscitaverunt eum, dicentes: Dómine, salva nos, perimus. Et dicit eis Jesus: Quid tímidi estis, módicæ fidei? Tunc surgens, imperávit ventis, et mari, et facta est tranquillitas magna. Porrò hómines mirati sunt, dicentes: Qualis est hic, quia venti et mare obédiunt ei? Credo.

Offertorium. Psal. 129. De profúndis clamávi ad te, Dómine: Dómine exáudi orationem meam: de profúndis clamávi ad te Dómine.

Secreta.

CONCEDE quæsumus omnipotens Deus: ut hujus sacrificii munus oblátum, fragilitatem nostram ab omni malo purget semper et múniat. Per Dóminum.

Alia Secr. Exáudi nos. fol. 268.

Tertia ad libitum.

Communio. Marc. 11. Amen dico vobis, quidquid orantes pétitis, créдите quia accipiétis, et fiet vobis.

Postcommunio.

MUNERA tua nos Deus à delectationibus terrénis expédiant: et coeléstibus semper instaurant aliméntis. Per Dóminum.

Alia Postcommunio. Mundet et múniat. 268.

Tertia ad libitum.

DOMINICA V. QUÆ SUPERFUIT POST EPIPH.

Introitus. Jer. 29.

DICIT Dóminus, Ego cógito cogitationes pacis, et non afflictiónis: invocábitis me, et ego exáudiam vos: et redúcam captivitatem vestram de cunctis locis.

Psal. 84. Benedixísti Dómine terram tuam: avertísti captivitatem Jacob.

℟. Glória Patri.

Oratio.

FAMILIAM tuam, quæsumus Dómine, continua pietate custódi: ut quæ in sola spe gratiæ coeléstis innítitur, tua semper protectióne muniátur. Per Dóminum.

Secunda Oratio. A cunctis. 267.

Tertia ad libitum.

Lectio Epístolæ beáti Pauli Apóstoli ad Colossénses.

Col. 3. b.

FRATRES, Indúite vos sicut elécti Dei, sancti et dilécti, viscera misericórdiæ, benignitatem, humilitatem, modestiam, patientiam: supportantes invicem, et donantes vobismetipsis, si quis adversus aliquem habet querelam: sicut et Dóminus donavit vobis, ita et vos. Super ómnia autem hæc, charitatem habéte, quod est vinculum perfectiónis: et pax Christi exúltet in córdibus vestris, in qua et vocáti estis in uno corpore: et grati estóte. Verbum Christi hábitet in vobis abundanter, in omni sapiéntia: docentes, et commonentes vosmetipsos, psalmis, hymnis, et cánticis spirituálibus, in grátia cantantes in córdibus vestris Deo. Omne quodcúmque fácitis in verbo, aut in ópere, ómnia in nómine Dómini Jesu Christi, grátias agentes Deo, et Patri per Jesum Christum Dóminum nostrum.

Graduale. Psal. 43. Libérasti nos Dómine ex affligentibus nos: et eos, qui nos odérunt, confudísti. ℟. In Deo laudábimur tota die, et in nómine tuo confitébimur in sæcula. Allelúia, allel. ℟. *Ps. 129.* De profúndis clamávi ad te Dómine, Dómine exáudi oratióne meam. Allelúia.

Sequéntia sancti Evangélii secundum Matthæum.

Matth. 13. c.

IN illo témpore: Dixit Jesus turbis parábolam hanc: 2 R

Simile factum est regnum cœlorum homini, qui seminavit bonum semen in agro suo. Cùm autem dormirent homines, venit inimicus ejus, et superseminavit zizania in medio tritici, et abiit. Cùm autem crevisset herba, et fructum fecisset, tunc apparuerunt et zizania. Accedentes autem servi patrisfamilias, dixerunt ei: Domine, nonne bonum semen seminasti in agro tuo? Unde ergo habet zizania? Et ait illis: Inimicus homo hoc fecit. Servi autem dixerunt ei: Vis, imus, et colligimus ea? Et ait: Non: ne fortè colligentes zizania, eradicetis simul cum eis et triticum. Sinite utraque crescere usque ad messem, et in tempore messis dicam messoribus: Colligite primùm zizania, et alligate ea in fasciculos ad comburendum, triticum autem congregate in horreum meum. Credo.

Offertorium. Psal. 129. De profundis clamavi ad te Domine, Domine exaudi orationem meam: de profundis clamavi ad te Domine.

Secreta.

HOSTIAS tibi, Domine, placationis offerimus: ut et delicta nostra miseratus absolvas, et nutantia corda tu dirigas. Per Dominum.

Alia Secr. Exaudi nos. fol. 268. *Tertia ad libitum.*

Communio. Marci 11. Amen dico vobis: quidquid orantes petitis, credite quia accipietis, et fiet vobis.

Postcommunio.

QUÆSUMUS omnipotens Deus: ut illius salutaris

capiamus effectum, cujus per hæc mysteria pignus accepimus. Per Dominum.

Alia Postcomm. Mundet et muniat. 268.

Tertia ad libitum.

DOMINICA VI. QUÆ SUPERFUIT POST EPIPH.

Introitus. Jer. 29.

DICIT Dominus, Ego cogito cogitationes pacis, et non afflictionis: invocabitis me, et ego exaudiam vos: et reducam captivitatem vestram de cunctis locis.

Psal. 84. Benedixisti Domine terram tuam: avertisti captivitatem Jacob.

✠. Glória Patri.

Oratio.

PRÆSTA, quæsumus omnipotens Deus: ut semper rationabilia meditantés, quæ tibi sunt placita, et dictis exequamur, et factis. Per Dominum nostrum.

Secunda Oratio. A cunctis. nos. 267. *Tertia ad libitum.*

Lectio Epistolæ beati Pauli Apóstoli ad Thessalonicenses.

1. *Thess. 1.*

FRATRES, Grátias ágimus Deo semper pro omnibus vobis, memóriam vestri sciéntes in orationibus nostris sine intermissione, memores óperis fidei vestræ, et labóris, et charitátis, et sustinéntiæ spei Dómini nostri Jesu Christi, ante Deum, et Patrem nostrum: sciéntes, fratres dilécti à Deo, electionem vestram: quia Evángélium nostrum non fuit ad vos in sermóne tantum, sed et in virtúte, et in Spíritu sancto, et in plenitú-

dine multa : sicut scitis quales fuérimus in vobis propter vos. Et vos imitatóres nostri facti estis, et Dómini : excipiéntes verbum in tribulatióne multa cum gáudio Spíritus sancti : ita ut facti sitis forma ómnibus credéntibus in Macedónia, et in Acháia. A vobis enim diffamátus est sermo Dómini, non solum in Macedónia, et in Acháia, sed et in omni loco fides vestra, quæ est ad Deum, profecta est, ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos : et quómodo convérsi estis ad Deum à simulácris, servíre Deo vivo et vero, et expectáre Filium ejus de cœlis (quem suscitávit ex mórtuis) Jesum, qui eripuit nos ab ira ventúra.

Graduale. Psalm. 43. Libérasti nos Dómine ex affligéntibus nos : et eos, qui nos odérunt confudisti.

¶ In Deo laudábitur tota die, et in nómine tuo confitébitur in sæcula.

Allelúia, allelúia.

¶ *Psalm. 129.* De profúndis clamávi ad te Dómine, Dómine exáudi oratiónem meam. Alleluia.

Sequéntia sancti Evangélii secúndum Matthæum.

Matth. 13. d.

IN illo témpore : dixit Jesus turbis parabolam hanc : Simile est regnum cœlorum grano sinápis, quod accípiens homo seminávit in agro suo : quod mínimum quidem est ómnibus semínibus : cum autem créverit, majus est ómni-

bus oléribus, et fit arbor, ita ut volúcrés cœli véniant, et hábitent in ramis ejus. Aliam parabolam locútus est eis : Simile est regnum cœlorum fermento, quod accéptum múlier abscondit in farínæ satis tribus, donec fermentátum est totum. Hæc ómnia locútus est Jesus in parabolis ad turbas : et sine parabolis non loquebatur eis : ut implerétur quod dictum erat per Prophétam dicéntem : Apériam in parabolis os meum, eructábo abscondita à constitutióne mundi. Credo.

Offertorium. Psal. 129. De profúndis clamávi ad te Dómine, Dómine exáudi oratiónem meam : de profúndis clamávi ad te Dómine.

Secreta.

HÆC nos oblátio, Deus, mundet quæsumus, et rénovet : gubérnet, et protégat. Per Dóminum.

Alia Secr. Exáudi nos. f. 268.

Tertia ad libitum.

Communio. Marc. 11. Amen dico vobis, quidquid orántes pétitis, crédite quia accipiétis, et fiet vobis.

Postcommunio.

CŒLESTIBUS, Dómine, pasti deliciis, quæsumus, semper eadem, per quæ veráriter vivimus, appetámus. Per Dóminum.

Alia Postcommunio. Mundet et múniat. fol. 268.

Tertia ad libitum.

¶ *Dominica xxviii. et última post Pentecosten, quæ superius posita est in ordine xxiv.*
309.

PROPRIUM
M I S S A R U M
DE SANCTIS.

Die xxix. Novembris.

**IN VIGILIA S. ANDREÆ
APOSTOLI.**

Introitus. Matth. 4.

DOMINUS secus mare Galilææ vidit duos fratres, Petrum et Andréam, et vocavit eos: Venite post me, faciam vos fieri piscatores hominum.

Psal. 18. Cœli enarrant glóriam Dei: et ópera mánuum ejus annúntiat firmamentum.

V. Glória Patri.

Oratio.

QUÆSUMUS omnipotens Deus, ut beátus Andréas Apóstolus, cujus prævenimus festivitátem, tuum pro nobis implóret auxiliúm: ut à nostris reátibus absolúti, à cunctis étiam perículis cruámur. Per Dóminum.

¶ *Pro commem. S. Saturnini martyris.*

Oratio.

DEUS, qui nos beáti Saturnini mártiris tui concédís natalítio pérfrui: ejus nos tribue méritis adjuvári. Per Dóminum.

¶ *Si Vigilia S. Andreæ venerit in Adventu, Missa dicitur de Vigilia, et secunda Oratio erit de Adventu, tertio de S. Saturnino.*

¶ *Si festum S. Andreæ venerit Feria secunda, Missa de Vigilia dicitur in Sabbato; et se-*

cunda Oratio erit de S. Maria, Concède nos. tertia, Ecclesiæ tuæ. vel pro Papa, Deus ómnium fidelium. 236. et commem, S. Saturnini fit in Dominica. Quod et in aliis Vigiliis (excepta Vigilia Nativitatis Domini) servatur.

¶ *Si autem Festum S. Andreæ venerit in Dominica, transfertur in secundam Feriam et Missa de Vigilia dicitur in Sabbato cum commemoratione S. Saturnini, ut suprâ. et tertia Oratio erit de sancta Maria, Concède nos. 236.*

Léctio Libri Sapiéntiæ.

Eccli. 44. d.

BENEDICTIO Dómini super caput justi. Ideò dedit illi Dóminus hæreditátem, et divisit illi partem in tribubus duódecim: et invenit grátiam in conspéctu omnis carnis. Et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Et dedit illi coram præcépta, et legem vitæ et disciplinæ, et excélsam fecit illum. Státuit ei testaméntum ætérnum: et circumcinxit eum zona justítiæ: et induit eum Dóminus corónam glóriæ.

Graduale. Ps. 138. Nimis honorátí sunt amici tuí Deus : nimis confortátus est principátus eórum.

V. Dinumerábo eos : et super arénam multiplicabúntur.

Sequéntia sancti Evangélii secúndum Joánnem.

Joan. 1. e.

IN illo tempore : Stabat Joánnes et ex discipulis ejus duo. Et respiciens Jesum ambulántem, dicit : Ecce Agnus Dei. Et audiérunt eum duo discipuli loquéntem, et secúti sunt Jesum. Convérsus autem Jesus, et videns eos sequéntes se, dicit eis : Quid quæritis : Qui dixérunt ei : Rabbi (quod dicitur interpretátum Magíster) ubi hábitas ? Dicit eis : Veníte, et vidéte. Venérunt, et vidérunt ubi manéret, et apud eum mansérunt die illo : hora autem erat quasi décima. Erat autem Andréas frater Simónis Petri unus ex duóbus, qui audierant à Joáanne, et secúti fuerant eum. Invenit hic primùm fratrem suum Simónem, et dicit ei : Invenimus Messiam, (quod est interpretátum Christus.) Et addúxit eum ad Jesum. Intúitus autem eum Jesus dixit : Tu es Simon filius Jona : tu vocáberis Cephás. Quod interpretátur Petrus. In crástinum voluit exire in Galilæam, et invenit Philíppum. Et dicit ei Jesus : Séquere me. Erat autem Philíppus à Bethsáida, civitaté Andréæ et Petri. Invenit Philíppus Nathánaël, et dicit ei : Quem scripsit Móyses in lege, et Prophætæ, invenimus Jesum filium Joseph à Náza-reth. Et dixit ei Natha-

naël : A Náza-reth potest aliquid boni esse ? Dicit ei Philíppus : Veni, et vide. Vidit Jesus Nathánaël veniéntem ad se, et dicit de eo : Ecce verè Israelita, in quo dolus non est. Dicit ei Nathánaël : Unde me nosti ? Respóndit Jesus, et dixit ei : Priúsqvam te Philíppus vocáret, cum esses sub ficu, vidi te. Respóndit ei Nathánaël, et ait : Rabbi, tu es Filius Dei, tu es Rex Israël. Respóndit Jesus, et dixit ei : Quia dixi tibi : Vidi te sub ficu, credis : majus his vidébis. Et dicit ei : Amen, amen dico vobis, vidébitis cælum apértum, et Angelos Dei ascendéntes et descendéntes supra Filium hóminis.

Offertorium. Psal. 8. Glória et honóre coronásti eum : et constituísti eum super ópera mánuum tuárum, Dómine.

Secreta.

SACRANDUM tibi, Dómine, munus offerimus : quo beáti Andréæ Apóstoli solémnia recoléntes, purificatió-nem quoque nostris méntibus implorá-mus. Per Dóminum.

Pro S. Saturnino. Secreta.

MUNERA, Dómine, tibi dicáta sanctífica : et intercedénte beáto Saturnino mártire tuo, per hæc éadem nos placátus inténde. Per Dóminum nostrum.

Communio. Joan. 1. Dicit Andréas Simóni fratri suo : Invenimus Messiam, qui dicitur Christus : et addúxit eum ad Jesum.

Postcommunio.

PERCEPTIS, Dómine sacraméntis, suppliciter exóramus, ut intercedénte beáto Andréa Apóstolo tuo, quæ pro illius veneránda gérimus

passiōne, nobis proficiant ad medelam. Per Dóminum.

Pro sancto Saturnino.

Postcommunio.

SANCTIFICET nos, quæsumus Dómine, tui percéptio sacraménti : et intercessiōne sanctórum tuórum tibi reddat accéptos. Per Dóminum.

¶ *Si festum S. Andree venerit in Dominica transfertur in sequentem diem festo Duplici vel Semiduplici non impeditam : quod et de aliis festis Duplicibus in Dominicis Adventus occurrentibus servatur ; et in illis semper fit commem. de Adventu. De Simplicibus autem toto Adventu fit tantum commemoratio.*

Die xxx. Novembris.

**IN FESTO S. ANDREÆ
APOSTOLI.**

Introitus. Psal. 138.

MIHI autem nimis bonorati sunt amici tui Deus : nimis confortatus est principatus eorum.

Psalm. ibid. Dómine probasti me, et cognovisti me : tu cognovisti sessionem meam, et resurrectionem meam.

V. Glória Patri.

Oratio.

MAJESTATEM tuam, Dómine, suppliciter exoramus : ut, sicut Ecclesiæ tuæ beatus Andréas Apóstolus extitit prædicátor et rector ; ita apud te sit pro nobis perpétuus intercëssor. Per Dóminum.

Lectio Epístolæ beati Pauli Apóstoli ad Romános.

Rom. 10. b.

FRATRES, Corde enim creditur ad justitiam : ore autem confessio fit at salutem.

Dicit enim Scriptúra : Omnis, qui credit in illum, non confundetur. Non enim est distinctio Judæi, et Græci : nam idem Dóminus ómnium, dives in omnes, qui invocant illum. Omnis enim, quicumque invocaverit nomen Dómini, salvus erit. Quómodo ergo invocábunt, in quem non crediderunt ? Aut quómodo credent ei, quem non audierunt ? Quómodo autem audient sine prædicante ? Quómodo verò prædicábunt nisi mittántur ? sicut scriptum est : Quàm speciósi pedes evangelizantium pacem, evangelizantium bona ! Sed non omnes obédiunt Evángelio. Isaías enim dicit : Dómine, quis credidit auditui nostro ? Ergo fides ex auditu, auditus autem per verbum Christi. Sed dico : Numquid non audierunt ? Et quidem in omnem terram exivit sonus eorum, et in fines orbis terræ verba eorum.

Graduale. Ps. 44. Constitues eos principes super omnem terram : memores erunt nominis tui tui Dómine.

V. Pro pátribus tuis nati sunt tibi filii : propterea pópuli confitebúntur tibi. Allelúia, allelúia.

V. Diléxit Andréam Dóminus in odórem suavitatis. Allelúia. Sequéntia sancti Evángelii secundum Matthæum.

Matth. 4. c.

IN illo témpore : Ambulans Jesus juxta mare Galilææ, vidit duos fratres, Simónem, qui vocátur Petrus, et Andréam fratrem ejus, mittentes rete in mare (erant enim piscatóres) et ait illis : Venite post me : et fáciam vos fieri pesca-

tores hóminum. At illi continuo, relictis rétibus, secúti sunt eum. Et procedens inde, vidit álios duos fratres, Jácobum Zebedæi, et Joánnem fratrem ejus, in navi cum Zebedæo patre eórum, reficiétes rétia sua : et vocávit eos. Illi autem statim relictis rétibus et patre, secúti sunt eum. Credo.

Offertorium. Psal. 138. Mihi autem nimis honoráti sunt amici tui Deus : nimis confortátus est principátus eórum.

Secreta.

SACRIFICIUM nostrum tibi, Dómine quæsumus, beáti Andréæ Apóstoli precátio sancta concíliet : ut in cuius honóre solémniter exhibétur, ejus méritis efficiátur accéptum. Per Dóminum.

Præfatio de Apostolis.

Communio. Matth. 4. Veníte post me : fáciam vos fieri piscatóres hóminum : At illi continuo, relictis rétibus, secúti sunt Dóminum.

Postcommunio.

SUMPSIMUS, Dómine, divína mystéria, beáti Andréæ festivitáte lætántes : quæ sicut tuis sanctis ad glóriam, ita nobis, quæsumus, ad véniam prodésse perficias. Per Dóminum.

FESTA DECEMBRIS.

Die ii. Decembris.

IN FESTO S. BIBIANÆ
virginis et Martyris.

Missa. Me expectavérunt. de Communí Virginis et Martyris. xxvii. excepta Oratione propria.

Oratio.

DEUS ómnium largítor bonórum, qui in fámula tua Bibiána cum virginitátis flore mártirii palmam conjunxisti :

mentes nostras ejus intercessióne tibi charitáte conjunge : ut amótiis periculis, præmia consequámur æterna. Per Dóminum nostrum.

Si celebretur in Adventu, secunda Oratio de Feria ; tertia de S. Maria, Deus, qui de beátæ Mariæ. 1. quæ terminatur sic : Per eúmdem Dóminum.

Die iii. Decembris.

IN FESTO S. FRANCISCI
XAVERII Confessoris.

Introitus. Psal. 118.

LOQUEBAR de testimóniis tuis in conspéctu regum, et non confundébar : et meditábar in mandátis tuis, quæ diléxi nimis.

Psal. 116. Laudáte Dóminum omnes Gentes : laudáte eum omnes pópuli, quóniam confirmáta est super nos misericórdia ejus, et véritas Dómini manet in ætérnum.

✠. Glória Patri.

Oratio.

DEUS, qui Indiárum Gentes beáti Francisci prædicatióne et miraculis Ecclésiæ tuæ aggregáre voluisti : concéde propítius ; ut cuius gloriósa mérita venerámur, virtutum quoque imitémurexémpla. Per Dóminum.

Et fit commemoratio Feriæ.

Léctio Epístolæ beáti Pauli Apóstoli ad Romános.

Rom. 10. b.

FRATRES, Corde enim créditur ad justítiam : ore autem conféssio fit ad salutem : Dicit enim Scriptúra : Omnis, qui credit in illum, non confundétur. Non enim est distinctio Judæi, et Græci : nam idem Dóminus ómnium, dives

in omnes qui invocant illum. Omnis enim, quicumque invocaverit nomen Domini, salvus erit. Quomodo ergo invocabunt, in quem non crediderunt? Aut quomodo credent ei, quem non audierunt? Quomodo autem audient sine predicante? Quomodo verò predicabunt nisi mittantur? sicut scriptum est: Quam speciosi pedes evangelizantium pacem, evangelizantium bona! Sed non omnes obediunt Evangelio. Isaias enim dicit: Domine, quis credidit auditui nostro? Ergo fides ex auditu, auditus autem per verbum Christi. Sed dico: Numquid non audierunt? Et quidem in omnem terram exiit sonus eorum, et in fines orbis terrae verba eorum.

Graduale. Psal. 91. Justus ut palma florébit: sicut cedrus Libani multiplicabitur in domo Domini.

V. Ad annuntiandum mané misericordiam tuam, et veritatem tuam per noctem. Alleluia, alleluia.

V. Jac. 1. Beatus vir, qui suffert tentationem: quoniam cum probatus fuerit, accipiet coronam vitae. Alleluia.

Sequentia sancti Evangelii secundum Lucam.

Marc. 16.

In illo tempore: Dixit Jesus discipulis suis: Euntes in mundum univèrsam, predicáte Evangelium omni creaturæ. Qui crediderit, et baptizátus fuerit, salvus erit: qui verò non crediderit, condemnabitur. Signa autem eos, qui crediderint, hæc sequentur: In nomine meo dæmónia ejicient, linguis loquentur novis: serpentes tollent: et si

mortiferum quid biberint, non eis nocébit: super ægros manus impónent, et benè habébunt.

Offertorium. Psal. 88. Veritas mea, et misericordia mea cum ipso: et in nomine meo exaltabitur cornu ejus.

Secreta.

PRÆSTA nobis, quæsumus omnipotens Deus: ut nostræ humilitatis oblátio, et pro tuorum tibi grata sit honore sanctorum, et nos corpore pariter et mente purificet. Per Dominum.

Communio. Luc. 12. Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum.

Postcommunio.

QUÆSUMUS omnipotens Deus: ut qui cœlestia aliménta percépimus, intercedente beato Francisco Confessore tuo, per hæc contra omnia adversa muniamur. Per Dominum.

Die iv. Decembris.

IN FESTO S. PETRI CHRYSOLOGI Episc. et Confessoris.

Introitus. Eccli. 15.

In medio Ecclesiæ aperuit os ejus: et implévit eum Dominus spiritu sapientiæ et intelléctus: stolam glóriæ induit eum. *Ps. 91.* Bonum est confiteri Domino, et psállere nomini tuo, Altissime.

V. Glória Patri.

Oratio.

DEUS, qui beatum Petrum Chrysólogum, Doctorem egrégium, divinitus præmonstratum, ad regendam, et instruendam Ecclesiam tuam eligi voluisti: præsta quæsumus, ut quem Doctorem

vita habuimus in terris intercessorem habere mereamur in caelis. Per Dominum.

Deinde fit commemor. Feriae.

Postea S. Barbarae, Oratio.
Deus, qui inter caetera. xxv.

Lectio Epistolae beati Pauli
Apostoli ad Timotheum.

2. Tim. 4.

CHARISSIME, Testificor coram Deo, et Jesu Christo, qui iudicaturus est vivos et mortuos, per adventum ipsius, et regnum ejus: praedica verbum, insta opportune, importune; argue, obsecra, increpa in omni patientia et doctrina. Erat enim tempus, cum sanam doctrinam non sustinébunt: sed ad sua desideria coacervábunt sibi magistros, pruriéntes auribus, et a veritate quidem auditum avértent, ad fabulas autem converténtur. Tu vero vigila, in ómnibus labora, opus fac Evangelistae, ministérium tuum imple. Sobrius esto. Ego enim jam delibor, et tempus resolutionis meae instat. Bonum certamen certavi, cursum consummavi, fidem servavi. In reliquo reposita est mihi corona justitiae, quam reddet mihi Dominus in illa die justus júdex: non solum autem mihi, sed et iis qui diligunt adventum ejus.

Graduale. Ecce sacerdos magnus, qui in diebus suis placuit Deo.

V. Non est inventus similis illi, qui conservaret legem Excelesi. Alleluia, alleluia.

V. Ps. 109. Tu es sacerdos in aeternum, secundum ordinem Melchisedech. Alleluia.

Sequentia sancti Evangelii secundum Matthaeum.

Matth. 5.

IN illo tempore: Dixit Jesus discipulis suis: Vos estis sal terrae. Quod si sal evanuerit, in quo salietur? ad nihilum valet ultra, nisi ut mittatur foras, et conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, et ponunt eam sub modio, sed super candelabrum, ut luceat omnibus qui in domo sunt. Sic luceat lux vestra coram hominibus, ut videant opera vestra bona et glorificent Patrem vestrum, qui in caelis est. Nolite putare quoniam veni solvere legem, aut Prophetas: non veni solvere, sed adimplere. Amen quippe dico vobis, donec transeat caelum et terra, iota unum, aut unus apex non praeteribit a lege, donec omnia fiant. Qui ergo solverit unum de mandatis istis minimis et docuerit sic homines, minimus vocabitur in regno caelorum: qui autem fecerit et docuerit, hic magnus vocabitur in regno caelorum. Credo.

Offertorium. Ps. 91. Justus ut palma florébit: sicut cedrus quae in Libano est, multiplicabitur.

Secreta.

SANCTI tui Petri Chrysologi, nobis Domine, pia non desit oratio: quae et munera nostra conciliet, et tuam nobis indulgentiam semper obtineat. Per Dominum.

Deinde fit commemor. Feriae.

Postea S. Barbarae virg. Secreta. Suscipe Domine. de Communi Virg. xxvii.

Communio. Matth. 25. Dómine, quínque talénta tradidisti mihi, ecce alia quínque superlucrátus sum: euge sérve bóne et fidélis: quia in pauca fuisti fidélis, supra múlta te constituam, intra in gáudium Dómini tui.

Postcommunio.

UT nobis, Dómine, tua sacrificia dent salutem: beátus Petrus Chrysólogus, Póntifex tuus, et doctor egrégus, quæsumus, précorator accédát. Per Dóminum.

Deinde fit commem. Feriæ.

Postea de S. Barbara, Postcommunio. Auxiliéntur nobis de *Communi. Virg.*

Die v. Decembris.

¶ *Pro commemoratione S. Sabbe Abbatis.*

Oratio.

INTERCESSIO nos, quæsumus Dómine, beáti Sabbe Abbátis comméndet; ut quod nostris méritis non valémus, ejus patrocínio assequámur. Per Dóminum nostrum.

Secreta.

SACRIS altáribus, Dómine, hostias superpósitas sanctus Sabbas, quæsumus, in salutem nobis proveníre depóscat. Per Dóminum.

Postcommunio.

PROTEGAT nos, Dómine, cum tui percéptione sacraménti beátus Sabbas pro nobis intercedédo: ut et conversatiónis ejus experiámur insignia, et intercessiōnis percipiámus suffrágia. Per Dóminum.

Die vi. Decembris.

IN FESTO S. NICOLAI
Episc. et Confessoris.

Introitus. Eccli. 45.

STATUIT ei Dóminus testaméntum pácis: et princi-

pem fecit eum: ut sit illi sacerdoti dignitas in ætérnum.

Ps. 131. Meménto Dómine David, et omnis mansuetúdidis ejus.

V. Glória Patri.

Oratio.

DEUS, qui beátum Nicolás Pontíficem innumeris decorásti miraculis: tribue quæsumus; ut ejus méritis et précibus á gehénnæ incendiis liberemur. Per Dóminum.

Léctio Epístolæ beáti Pauli Apóstoli ad Hebræos.

Hebr. 13. b.

FRATRES, Mementóte præpositórum vestrorum, qui vobis locúti sunt vèrbum Dei: quorum intúentes exitum conversatiónis, imitámini fidem. Jesus Christus heri, et hodie: ipse et in sæcula. Doctrinis variis et peregrinis nolite abdúci. Optimum est enim gratia stabilíre cor, non escis: quæ non profuerunt ambulántibus in eis. Habémus altáre, de quo édere non hábent protestátem qui tabernáculo deserviunt. Quórum enim animálium infértur ságuis pro peccáto in Sáncta per pontíficem, hórum córpora cremántur extra cástra. Própter quod et Jesus, ut sanctificáret per suum ságuinem pópulum, extra pórtam pássus est. Exeámus igitur ad eum extra castra, impropérium ejus portántes. Non enim habémus hic manéntem civitátem, sed futúram inquirimus. Per ipsum ergo offerámus hóstiam laudis semper Deo, idest, frúctum labiórú confiténtium nómini ejus. Beneficéntiæ autem et communiónis nolite oblivisci: talibus enim hostiis promerétur Deus. Obedite præpósitis véstris, et

subjacéte eis. Ipsi enim per-
vigilant, quási ratiónem pro
animábus véstris redditúri.

Graduale. Psalm. 88. Inveni
David sérvum meum, oleó
sáncto meo únxi eum: manus
enim meá auxiliábitur ei, et
bráchium meum confortábit
eum.

V. Nihil próficiet inimicus
in eo, et filius iniquitátis non
nocébit ei. Allelúia, allelúia.

V. *Psal. 91.* Justus ut palma
florébit: sicut cedrus Líbani
multiplicábitur. Allelúia.

Sequéntia sancti Evangélii se-
cúndum Matthæum.

Matth. 25.

In illo témpore: Dixit Je-
sus discipulis suis parabo-
lam hanc: Homo pégre pro-
ficiens, vocávit sérvos suos,
et trádidit illis bona sua. Et
uni dedit quinque talenta, alii
autem duo, alii vero unum,
unicúique secúndum própriam
virtútem, et proféctus est stam-
tim. Abiit autem qui quinque
talénta accéperat, et operátus
est in eis, et lucrátus est alia
quinque. Simíliter et qui duo
accéperat, lucrátus est alia duo.
Qui autem unum accéperat,
abiens fodit in terram, et ab-
scóndit pecúniám Dómini sui.
Post multum vero témporis
venit Dóminus servórum illó-
rum, et posuit ratiónem cum
eis. Et accédens qui quinque
talénta accéperat, obtulit alia
quinque talénta, dicens: Dó-
mine, quinque talénta tradi-
disti mihi, ecce alia quinque
superlucrátus sum. Ait illi Dó-
minus ejus: Euge serve bone
et fidélis, quia super paúca fu-
isti fidélis, super multa te con-
stítuam, intra in gaudium Dó-
mini tui. Accéssit autem et
qui duo talénta accéperat, et

ait; Dómine, duo talénta tra-
didisti mihi, ecce alia duo lu-
crátus sum. Ait illi Dóminus
ejus; Euge serve bone et fidélis,
quia super paúca fuisti
fidélis, super multa te consti-
tuam, intra in gaudium Dómini
tui.

Offertorium. Ps. 88. Véritas
mea, et misericórdia mea cum
ípso: et in nomine meo exal-
tábitur córnu ejus.

Secreta.

SANCTIFICA, quæsumus
Dómine Deus, hæc mú-
nera, quæ in solemnitate sancti
Antístitis tui Nicolái offerimus:
ut per ea, vita nostra inter ad-
vérsa et próspéra ubique diri-
gátur. Per Dóminum.

Communio. ib. Semel juravi
in sáncto meo: semen ejus in
ætérnum manébit: et sedes
ejus sicut sol in conspéctu meo,
et sicut luna perfécta in ætér-
num, et testis in cælo fidélis.

Postcommunio.

SACRIFICIA, quæ sump-
simus, Dómine, pro solém-
nitate sancti Pontificis tui Ni-
colái, sempiterna nos protec-
tione conservent. Per Dómi-
num.

Die vii. Decembris.

IN FESTO S. AMBROSII
Episc. Conf. et Eccl. Doct.

Introitus. Ecclí.

In médio Ecclésiæ apéruit
os ejus: et implévit eum
Dóminus spiritu sapiéntiæ et
intelléctus: stólam glóriæ in-
duit eum.

Psal. 91. Bonum est con-
fiteri Dómino, et psállere no-
mini tuo, Altissime.

V. Glória Patri.

Oratio.

DEUS, qui populo tuo æ-
térnæ salútis beátum,

Ambrósium ministrum tribuisti: præsta quæsumus; ut, quem doctorem vitæ habuimus in terris, intercessorem habere mereamur in cœlis. Per Dóminum.

Lectio Epistolæ beati Pauli Apóstoli ad Timótheum.

2. *Tim.* 4.

CHARISSIME, Testificor coram Deo et Jesu Christo, qui judicaturus est vivos et mortuos, per adventum ipsius, et régnum ejus: prædica verbum, insta opportune, importune: argue, obsecra, increpa in omni patientia, et doctrina. Erit enim tempus, cum sanam doctrinam non sustinebunt, sed ad sua desideria coacervabunt sibi magistros, prurientes auribus, et à veritate quidem auditum avertent, ad fabulas autem convertentur. Tu vero vigila, in omnibus labora, opus fac Evangelistæ, ministerium tuum imple. Sobrius esto. Ego enim jam delibor et tempus resolutionis meæ instat. Bonum certamen certavi, cursum consummavi, fidem servavi. In reliquo repõsita est mihi corona justitiæ, quam reddet mihi Dóminus in illa die justus júdex: non solum autem mihi, sed et iis qui diligunt adventum ejus.

Graduale. Eccl. 44. Ecce sacerdos magnus, qui in diebus suis placuit Deo. *V.* Non est inventus similis illi, qui conservaret legem Excelsi.

Allelúia, allel. *V. Ps.* 109. Juravit Dóminus, et non poenitebit eum: tu es sacerdos in æternum secundum ordinem Melchisedech. Allelúia.

Sequéntia sancti Evangélii secundum Matthæum.

Matth. 5. b.

IN illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? ad nihilum valet ultra, nisi ut mittatur foras et conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, et ponunt eam sub módio, sed super candelabrum, ut luceat omnibus qui in domo sunt. Sic luceat lux vestra coram hominibus, ut videant ópera vestra bona, et glorificent Patrem vestrum, qui in cœlis est. Nolite putare quoniam veni solvere legem, aut Prophetas: non veni solvere, sed adimplere. Amen quippe dico vobis, donec transeat cœlum et terra, iota unum, aut unus apex non præteribit a lege, donec omnia fiant. Qui ergo solverit unum de mandatis istis minimis, et docuerit sic homines, minimus vocabitur in regno cœlorum: qui autem fecerit et docuerit, hic magnus vocabitur in regno cœlorum. Credo.

Offertorium. Psal. 88. Veritas mea, et misericordia mea cum ipso: et in nomine meo exaltabitur cornu ejus.

Secreta.

OMNIPOTENS sempiternè Deus, múnera tuæ majestati oblata, per intercessionem beati Ambrósii confessoris tui atque Pontificis, ad perpetuam nobis fac provenire salutem. Per Dóminum nostrum.

Communio. ibid. Semel juravi in sancto meo: semen ejus

in ætérnum manébit : et sédes ejus sicut sol in conspéctu méo, et sicut lúna perfécta in ætérnum, et testis in cœlo fidélis.

Postcommunio.

SACRAMENTI salutis nostræ suscipientes, concède, quæsumus, omnipotens Deus : ut beáti Ambrósii confessóris tui atque Pontíficis nos ubique orátio adjuvet : in cujus veneratióne hæc tuæ obtúlimus majestáti. Per Dóminum.

Die viii. Decembris.

**IN CONCEPTIONE
B. MARIE VIRGINIS.**

Introitus. Sedulius.

SALVE sáncta Párens, enixa puérpera Regem ; qui cælum terrámque régít in sæcula sæculórum.

Psalm. 44. Eructávit cor meum vérbum bonum : dico ego ópera mea Regi.

℟. Glória Patri.

Oratio.

FAMULIS tuis, quæsumus Dómine, cœlestis grátie múnus impertíre : ut, quibus beátæ Virgínis pártus éxtitit salutis exórdium, Conceptiónis ejus votíva solémnitas, pácis tríbuat incrementum. Per Dóminum.

Et fit commemoratio Feriæ.

Léctio libri Sapiéntiæ.

Prov. 8. c.

DOMINUS possédit me in inítio viárum suárum, ántequam quídquam fáceret à principio. Ab ætérno ordináta sum et ex antiquis, ántequam térra fieret. Nón dum erant abyssi, et ego jam concepta éram : nécdum fóntes

aquárum erúperant : nécdum móntes grávi móle constítuerant : ante colles ego parturiébar : adhuc terram non fécerat, et flúmina, et cárdines orbis terræ. Quándo præparábat cœlos, áderam : quándo cërta lége, et gyro vallábat abyssos : quando æthera firmábat súrsus, et librábat fontes aquárum : quándò circúmdabat mari términum suum, et légem ponébat aquis, ne transírent fines suos : quando appendébat fundaménta terræ. Cùm eo eram, cuncta compónens : et delectábar per singulos dies, lúdens coram eo omni témpore : lúdens in orbe terrárum : et deliciæ meæ esse, cùm filiis hóminum. Nunc ergo filii audíte me. Beáti qui custódiunt vias meas. Audíte disciplinam, et estóte sapiéntes, et nolíte abjícere eam. Beátus homo qui audit me, et qui vígilat ad fores meas quotidie, et obsérvat ad postes ostii mei. Qui me invénit, invéniet vitam, et háuriet salútem a Dómino.

Graduale. Benedicta et venerabilis es virgo Maria : quæ sine tactu pudóris, invénta es mater Salvatóris. ℟. Virgo Dei génitrix, quem totus non cápít orbis, in tua se cláusit viscera, factus homo. Allelúia, ellel. ℟. Félix es, sácra virgo María, et omni laude digníssima : quia ex te órtus est sol justitiæ, Christus Déus noster. Allelúia.

Inítium sancti Evangélii secúndum Matthæum.

Matth. 1.

LIBER generatiónis Jesu Christi filii Dávid, filii

Abraham. Abraham genuit Isaac. Isaac autem genuit Jácob. Jácob autem genuit Júdam, et fratres ejus. Júdas autem genuit Pháres, et Záram de Thánar. Pháres autem genuit Esron. Esron autem genuit Aram. Aram autem genuit Amínadab. Amínadab autem genuit Naásson. Naásson autem genuit Sálmon. Sálmon autem genuit Bóoz de Ráhab. Bóoz autem genuit Obed ex Ruth. Obed autem genuit Jéssé. Jéssé autem genuit Dávid régem. Dávid autem rex genuit Salomónem ex ea quæ fuit Uriæ. Sálomon autem genuit Róboam. Róboam autem genuit Abíam. Abías autem genuit Asa. Asa autem genuit Jósaphat. Jósaphat autem genuit Jóram. Jóram autem genuit Ozíam. Ozias autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manás-sen. Manás-sen autem genuit Amon. Amon autem genuit Josíam. Josías autem genuit Jechoniam, et fratres ejus in transmigratióne Babylónis. Et post transmigratióne Babylónis: Jechonías genuit Saláthiel. Saláthiel autem genuit Zoróbabel. Zoróbabel autem genuit Abíud. Abíud autem genuit Eliacim. Eliacim autem genuit Azor. Azor autem genuit Sádóc, Sádóc autem genuit Achim. Achim autem genuit Elíud. Elíud autem genuit Eleázar. Eleázar autem genuit Máthan. Máthan autem genuit Jácob. Jácob autem genuit Józeph virum Mariæ, de qua natus est Jesus, qui vocátur Christus. Credo.

Et dicitur per totam Octavam, etiam in Festis.

Offertorium. Beáta es virgo Mariá, quæ ómnium portásti Creatórem: genuisti qui te fecit, et in ætérnum pérmanes virgo.

Secreta.

UNIGENITI tui, Dómine, nobis succúrrat humanitas: ut, qui nátus de Virgine, matris integritátem non minuit, sed sacrávit, in Conceptionis ejus solénniis, nostris nos piáculis éxuens, oblatiorem nostram tibi faciat accéptam Jesus Christus Dóminus noster. Qui tecum vivit, &c.

Præfatio de B. V. Et te in Conceptione. *Et dicitur etiam in festis infra Oct.*

Communio. Beáta viscera Mariæ virginis, quæ portavérunt ætérni Patrís Filium.

Postcommunio.

SUMPSIMUS, Dómine, celebri-tatis annuæ votiva sacramenta: præsta quæsumus, ut et temporális vítæ nobis remédia præbeant, et ætérnæ. Per Dóminum.

Die ix. Decembris.

¶ *Infra Octavam Conceptionis B. M. et in die Octava dicitur Missa sicut in die Festi: et infra Oct. dicitur secunda Oratio Ferie, tertia de Spiritu sancto, nisi hæc occurrat dici de aliquo Festo Simplici.*

Die x. Decembris.

¶ *Pro commemorat. S. Melchiadis Papæ et mart.*

Oratio.

INFIRMITATEM nóstram réspice omnipotens Deus: et quia pón-dus próp-riæ acti-ónis

grávat, beati Melchiadis mártiris tui atque Pontíficis, intercessio gloriósa nos prótegat. Per Dóminum.

Secreta.

HOSTIAS tibi, Dómine, beáti Melchiadis mártiris tui atque Pontíficis dicátas méritis, benignus assúme: et ad perpétuum nobis tribue proveníre subsidium. Per Dóminum.

Postcommunio.

REFACTI participátione múnieris sacri, quæsumus Dómine Deus noster: ut, cujus exéquimur cultum, intercedente beáto Melchiade mártire tuo atque Pontífice, sentiámus effectum. Per Dóminum.

Die xi. Decembris.

IN FESTO S. DAMASI
Papæ et Confessoris.

Introitus. Psal. 131.

SACERDOTES tui, Dómine, indúant justítiam, et sánci tui exúltent: propter Dávid sérvum tuum, non avértas fáciem Christi tui.

Psalm. ibid. Meménto Dómine Dávid, et omnis mansuetúdinis ejus.

Ū. Glória Patri.

Oratio.

EX A U D I Dómine préces nostras: et interveniénte beáto Damáso Confessóre tuo atque Pontífice, indulgéntiam nobis tribue placátus et pacem. Per Dóminum.

Et fit commem. de Oct. Concept. Famulis tuis. 325. et Ferie.

Léctio Epistolæ beáti Pauli Apóstoli ad Hebræos.

Hebr. 7. d.

FRATRES, Plúres facti sunt sacerdótes, idcirco

quod morte prohiberéntur permanére: Jesus autem eo quod máneat in ætérnum, sempitérnum habet sacerdotium. Unde et salváre in perpétuum potest accedéntes per seméipsum ad Deum: semper vívens ad interpellándum pro nobis. Talis enim decébát ut nobis ésset Póntifex, sanctus, innocens, impollútus, segregátus a peccatóribus, et excélsior cœlis factus: qui non habet necessitátem quotidie, quemádmódu sacerdotés, prius pro suis delictis hóstias offerre, deinde pro pópuli: hoc enim fecit sémel, seipsum offeréndo, Jesus Christus Dóminus noster.

Graduale. Eccli. 44. Ecce sacerdos mágnus, qui in diébus suis plácuít Deo. Ū. Non est invéntus similis illi, qui conserváret légem Excélsi.

Allelúia, allel. Ū. *Ps. 109.* Tu es sacerdos in ætérnum, secúndum órđinem Melchisedech. Allelúia.

Sequéntia sancti Evangélii secúndum Matthæum.

Matth. 24.

IN illo témpore: Dixit Jesus discipulis suis: Vigilate quia nescitis qua hora Dóminus vester ventúrus sit. Illud autém scitóte, quóniam si scíret paterfámilias, qua hora fur ventúrus esset, vigiláret utique, et non sineret pérfođi domum suam. Ideo et vos estóte paráti: quia qua nescitis hóra Filius hóminis ventúrus est. Quis, pútas, est fidélis sérvus et prudens, quem constitúit Dóminus suus super fámiham suam, ut det illis cibum in témpore? Beátus ille

sérvus, quem, cum vénerit Dóminus ejus, invénerit sic faciéntem. Amen dico vobis, quóniam super ómnia bona sua constituet eum. Credo.

Offertorium. Psalm. 88. Inveni Dávid sérvum meum, óleo sáncto meo únxi eum: manus enim mea auxiliábitur ei, et bráchium meum confortábit eum.

Secreta.

ACCEPTA tibi sit Dómine, sacrátæ plébis oblátio, pro tuórum honóre Sanctorum: quórum se méritis de tribulatióne percepisse cognóscit auxiliúm. Per Dóminum.

Pro Oct. Concept. Secreta. Unigeniti tui. 326.

Communio. Matth. 25. Dómine, quínque talénta tradidísti mihi, ecce alia quinque superlucrátus sum: euge serve bóne et fidélis: quia in pauca fuísti fidélis, suprà multa te constituam, intra in gáudium Dómini tui.

Postcommunio.

DA, quæsumus Dómine, fidélibus pópulis sanctorum tuórum semper veneratióne lætári: et eórum perpétua supplicatióne muníri. Per Dóminum nostrum.

Pro Octava Conceptionis.

Postcommunio. Sumpsimus Dómine, ut suprà. 326.

Die xiii. Decembris.

IN FESTO S. LUCIÆ
Virginis et Martyris.

Introitus. Psalm. 44.

DILEXISTI justítiam, et odisti iniquitátem: proptérea unxit te Deus, Deus tuus oleo lætitiæ pro consórtibus tuis.

Psalm. ibid. Eructávit cor meum verbum bonum: dico ego opera mea Regi.

℣. Glória Patri.

Oratio.

EXAUDI nos Deus salutáris noster: ut sicut de beatæ Lúciæ virginis et mártiris tuæ festivitáte gaudémus: ita piæ devotiónis erudiámur afféctu. Per Dóminum.

Et fit commemor. de Octava Conceptionis, Oratio. Famulis tuis. 325. et Feriæ.

Léctio Epístolæ beáti Páuli Apóstoli ad Corínthios.

2. Cor. 10. d. et 11.

FRATRES, Qui gloriátur, in Dómino gloriétur. Non enim qui séipsum comméndat, ille probátus est: sed quem Deus comméndat. Utinam sustínerétis módicum quid insipiéntiæ meæ, sed et supportáte me. Æmulor enim vos Dei æmulatióne. Despóndi enim vos uni viro vírginem cástam exhibére Christo.

Graduale. Psal. 44. Dilexísti justítiam, et odisti iniquitátem. ℣. Proptérea unxit te Deus, Deus tuus oleo lætitiæ. Allelúia, allelúia. ℣. Diffúsa est grátia in lábiis tuis: proptérea benedixit te Deus in ætérnum. Allelúia.

Sequéntia sancti Evangélli secúndum Matthæum.

Matth. 13. f.

IN illo témpore: Dixit Jesus discipulis suis parabolam hanc: Símile est régnum coelórum thesauro abscondito in agro: quem qui invenit homo abscondit, et præ gaudio illius vádit, et véndit univérsta quæ habet, et emit ágrum illum. Iterum símile est

regnum cœlorum hómīni negotiātōri quærēnti bonas margaritas. Invēnta autem una pretiosa margarita, abiit, et vendidit omnia quæ habuit, et emit eam. Iterum simile est regnum cœlorum sagēnæ misæ in mare, et ex omni genere piscium congregānti. Quam, cum implēta esset, educētes, et secus littus sedētes, elegērunt bonos in vasa, malos autem forās miserunt. Sic erit in consummatione sæculi. Exibunt Angeli, et separābunt malos de medio justorum, et mittent eos in caminum ignis: ibi erit fletus, et stridor dentium. Intellexistis hæc omnia? Dicunt ei: Etiam. Ait illis: Ideo omnis scriba doctus in regno cœlorum, similis est hómīni patrifamilias, qui profert de thesauro suo nova et vëtera. Credo.

Offertorium. Psal. 44. Affērentur Regi virgines post eam: proximæ ejus afferentur tibi in lætitia et exultatione: adducēntur in templum Regi Dómīno.

Secreta.

ACCEPTA tibi sit, Dómīne, sacratæ plebis oblatio, pro tuorum honore sanctorum: quorum se meritis percepisse de tribulatione cognoscit auxilium. Per Dómīnum.

Pro Octava Conceptionis.

Secreta. Unigēnti tui. *ut supra.* 326.

Communio. Psal. 118. Principes persecuti sunt me gratis: et à verbis tuis formidavit cor meum: lætabor ego super eloquia tua, quasi qui invenit spolia multa.

Postcommunio.

SATIASTI Dómīne familiam tuam munēribus sacris: ejus, quæsumus, semper intervēntione nos réfove, cujus solémnia celebrāmus. Per Dómīnum.

Pro Oct. Concept. Postcommunio. Sumpsimus Dómīne. *ut supra.* 326.

Die xv. Decembris.

In Octava Conceptionis B. Mariæ, Missa, ut in die, cum commem. Feriæ.

Die xvi. Decembris.

IN FESTO S. EUSEBII
Episcopi Vercellensis, et martyris.

Missa. Sacerdotes Dei. ut in Communi unius Mart. Pontificis, cum commemor. Feriæ.

Die xx. Decembris.

IN VIGILIA S. THOMÆ.
dicitur Missa. Ego autem sicut oliva. de Communi in Vigil. Apostolorum. i. cum commem. Feriæ Adventus: et in ea servetur Rubrica posita in Vigilia S. Andreae. 316.

Si autem hæc Vigilia venerit in Quatuor Temporibus, de ea fit tantum commemoratio.

Die xxi. Decembris.

IN FESTO S. THOMÆ APOSTOLI.

Introitus. Psal. 138.

MIHI autem nimis honorati sunt amici tui De-

us : nimis confortatus est principátus eorum.

Psal. ibid. Dómine probásti me, et cognovísti me : tu cognovísti sessiónem meam, et resurrectionem meam.

V. Glória Patri.

Oratio.

DA nobis, quæsumus Dómine, beáti Apóstoli tui Thomæ solemnitatibus gloriári : ut ejus semper et patrocíniis sublevémur, et fidem cógrua devotióne sectémur. Per Dóminum.

Lectio Epístolæ beáti Pauli Apóstoli ad Ephésios.

Ephes. 3. d.

FRATRES, Jam non estis hóspites, et advenæ : sed estis cives sanctorum, et doméstici Dei : superædificáti super fundamentum Apóstolorum, et Prophetarum, ipso summo angulári lapide Christo Jesu : in quo omnis ædificatio constructa crescit in templum sanctum in Dómino, in quo et vos coædificámini in habitaculum Dei, in Spiritu.

Graduale. Psal. 138. Nimis honoráti sunt amici tui Deus : nimis confortátus est principátus eorum.

V. Dinumerábo eos : et super arenam multiplicabúntur. Allelúia, allelúia.

V. Psal. 32. Gaudéte justi in Dómino : rectos decet colaudátio. Allelúia.

Sequéntia sancti Evangélii secúndum Joánnem.

Joan. 20. f.

IN illo témpore : Thomas, unus ex duódecim, qui

dicitur Didymus, non erat cum eis, quando venit Jesus. Dixerunt ergo ei alii discipuli : Vidimus Dóminum. Ille autem dixit eis : Nisi videro in manibus ejus fixuram clavórum, et mittam dígitum meum in locum clavórum, et mittam manum meam in latus ejus, non credam. Et post dies octo, iterum erant discipuli ejus intus : et Thomas cum eis. Venit Jesus januis clausis, et stetit in médio, et dixit : Pax vobis. Deinde dicit Thomæ : Infer dígitum tuum huc, vide manus meas, et affer manum tuam, et mitte in latus meum : et noli esse incrédulus, sed fidélis. Respondit Thomas, et dixit ei : Dóminus meus, et Deus meus. Dixit ei Jesus : Quia vidisti me Thoma, credidisti : beáti qui non vident, et crediderunt. Credo.

Offertorium. Ps. 18. In omnem terram exívit sonus eorum : in fines orbis terræ verba eorum.

Secreta.

DEBITUM tibi, Dómine, nostræ réddimus servitútis, suppliciter exorántes : ut suffrágiis beáti Thomæ Apóstoli, in nobis tua múnera tueáris, cujus honoránda confessiône, laudis tibi hóstias immolámus. Per Dóminum nostrum.

Prefatio de Apostolis.

Communio. Jo. 20. Mitte manum tuam, et cognósce loca clavórum : et noli esse incrédulus, sed fidélis.

Postcommunio.

ADESTO nobis miséricors Deus : et intercedente pro

nobis beáto Thoma Apóstolo, tua circa nos propitiátus dona custódi. Per Dóminum.

FESTA JANUARIJ.

Die xi. Januarii.

¶ *Pro commem. S. Hygini
Papa et martyris.*

Oratio.

INFIRMITATEM nostram respice omnipotens Deus: et quia pondus propriæ actionis gravat, beáti Hygini mártiris tui atque Pontificis, intercessio gloriósa nos próteget. Per Dóminum.

*Tertia Oratio de S. Maria.
Deus, qui salutis. ut infrà. 333.*

Secreta.

HOSTIAS tibi, Dómine, beáti Hygini mártiris tui atque Pontificis dicátas méritis, benignus assúme: et ad perpétuum nobis tribue provenire subsidium. Per Dóminum nostrum.

Postcommunio.

REFACTI participatióne múnis sacri, quæsumus Dómine Deus noster: ut, cujus exequimur cultum, intercedente beáto Hygino mártire tuo atque Pontífice, sentiámus effectum. Per Dóminum.

DOMINICA II. POSTEPIP.
IN FESTO SS. NOMINIS
JESU.

Introitus. Phil. 2.

IN nómine Jesu omne genu flectátur, coeléstium: ter-

restrium, et infernórum: et omnes língua confiteátur, quia Dóminus Jesu Christus in glória est Dei Patris.

*Psal. 8. Dómine Dóminus noster, quàm admirábile est nomen tuum in univérsta terra!
V. Glória Patri.*

Oratio.

DEUS, qui unigénitum Filium tuum constituísti húmáni géneris Salvátorem, et Jesum vocári jussísti: concéde propítius; ut cujus sanctum Nomen venerámur in terris, ejus quoque aspéctu perfruámur in cœlis. Per eundem Dóminum.

*Deinde fit commem. Dominicæ
secundæ post Epiphaniam.*

Oratio.

OMNIPOTENS sempitérne Deus, qui coeléstia simul et terréna moderáris: supplicatiónes pópuli tui cleménter exáudi, et pacem tuam nostris concéde tempóribus. Per Dóminum.

Léctio Actuum Apostolórum.

Act. 4.

IN diébus illis: Petrus replétus Spíritu sancto, dixit: Príncipes pópuli, et senióres audíte: Si nos hódie didjudicámur in benefácto hómínis infirmí; in quo iste salvus factus est: notum sit ómnibus vobis, et omni plebi Israël, quia in nómine Dómini nostri Jesu Christi Nazaréni, quem Deus suscitávit à mórtuis, in hoc iste astat coram vobis sanus. Hic est lapis, qui reprobátus est à vobis ædificántibus: qui factus est in caput ánguli: et non

est in alio aliquo salus. Nec enim aliud nomen est sub cœlo datum hominibus, in quo oporteat nos salvos fieri.

Graduale. Psal. 105. Salvos fac nos Dómine Deus noster, et cóngrega nos de nationibus: ut confiteámur nómini sancto tuo, et gloriémur in glória tua.

V. Isaia 63. Tu Dómine, Pater noster, et redemptor noster, à sæculo nomen tuum. Allelúia, allelúia.

V. Psal. 144. Laudem Dómini loquétur os meum, et benedicat omnis caro nomen sanctum ejus. Allelúia.

Post Septuagesimam, omíssis Allelúia, et V. sequenti dicitur Tractus. Psalm. 79. et Cant. 2. Dómine Deus virtútum converté nos: et osténde faciém tuam, et salvi érimus: sonet vox tua in áuribus meis.

V. Cant. 2. Vox enim tua dulcis, et faciés tua decóra nimis.

V. Cant. 1. Oleum effúsum nomen tuum Jesu: idéò adulescéntulæ dilexérunt te.

Tempore Pasch. in Missis Votivis. Allelúia, allelúia.

V. Psal. 144. Laudem Dómini loquétur os meum, et benedicat ómnis caro nomen sanctum ejus, Allelúia.

V. ibid. Exaltábo te, Deus meus Rex, et benedicam nómini sancto tuo Jesu in sæculum, et in sæculum sæculi. Allelúia.

Sequéntia sancti Evangélii secúndum Lucam.

Luc. 2. c.

IN illo témpore: Postquam consummati sunt dies octo,

ut circumciderétur puer: vocátum est nomen ejus Jesus, quod vocátum est ab Angelo priúsqvam in útero conciperétur.

Et dicitur Credo.

Offertorium. Psal. 85. Confitebor tibi Dómine Deus meus in toto corde meo, et glorificábo nomen tuum in ætérnum. Quóniam tu Dómine suávis et mitis es, et multæ misericórdiæ ómnibus invocántibus te. Allelúia.

Secreta.

BENEDICTIO tua, clementissime Deus, qua omnis viget creatúra, sanctificet, quæsumus, hoc sacrificium nostrum, quod ad glóriam nominis Filii tui Dómini nostri Jesu Christi offérimus tibi: ut majestáti tuæ placére possit ad laudem, et nobis proficere ad salutem. Per eúndem Dóminum.

Pro Dominica secunda post Epiphanium.

Secreta.

OBLATA, Dómine, múnera sanctifica: nosque à peccatórum nostrórum máculis emúnda. Per Dóminum.

Præfatio de Nativitate.

Communio. ibid. Omnes gentes quascúmque fecisti, vénient, et adorábunt coram te, Dómine, et glorificábunt nomen tuum: quóniam magnus es tu, et faciens mirabilia: tu es Deus solus. Allelúia.

Postcommunio.

OMNIPÓTENS ætérne Deus, qui creásti, et redemísti

nos, respice propitius vota nostra: et sacrificium salutaris hostiæ, quod in honorem Nominis Filii tui Domini nostri Jesu Christi, majestati tuæ obtulimus; placido et benigno vultu suscipere digneris: ut gratia tua nobis infusa, sub glorioso nomine Jesu, æternæ prædestinationis titulo gaudeamus nomina nostra scripta esse in cœlis. Per eundem Dominum.

Pro Dominica secunda post Epiphaniam.

Postcommunio.

AUGEATUR in nobis, quæsumus Domine, tuæ virtutis operatio: ut divinis vegetati sacramentis, ad eorum promissa capienda, tuo munere præparemur. Per Dominum.

In fine Missæ legitur Evang. Dominicæ.

Die xiv. Januarii.

IN FESTO S. HILARII
Episcopi et Confessoris.

Introitus. Eccli. 15.

IN médio Ecclésiæ aperuit os ejus: et implévit eum Dominus spiritu sapientiæ et intellectus: stolam gloriæ induit eum.

Psal. 91. Bonum est confiteri Domino, et psallere nomini tuo, Altissime.

V. Glória Patri.

Oratio.

DEUS, qui populo tuo æternæ salutis beatum Hilarium ministrum tribuisti: præsta quæsumus; ut, quem doctorem vitæ habuimus in

terris, intercessorem habere mereamur in cœlis. Per Dominum.

¶ *Pro commemor. S. Felicis Presbyteri, et martyris.*

Oratio.

CONCEDE quæsumus omnipotens Deus: ut ad meliorem vitam, sanctorum tuorum exempla nos provocent: quatenus quorum solennia agimus, etiam actus imitemur.

Tertia Oratio.

DEUS, qui salutis æternæ, beatæ Mariæ virginitate fecunda, humano generi præmia præstitisti: tribue quæsumus; ut ipsam pro nobis intercedere sentiamus, per quam meruimus auctorem vitæ suscipere, Dominum nostrum Jesum Christum Filium tuum: Qui tecum vivit et regnat.

Lectio Epistolæ beati Pauli Apóstoli ad Timotheum.

2. Tim. 4.

CHARISSIME, Testificor coram Deo, et Jesu Christo, qui judicaturus est vivos et mortuos, per adventum ipsius, et regnum ejus: prædica verbum, in ta opportunè, importunè: argue, obsecra, increpa in omni patientia, et doctrina. Erit enim tempus, cum sanam doctrinam non sustinebunt, sed ad sua desideria coacervabunt sibi magistros, prurièntes auribus, et à veritate quidem auditum avertent, ad fabulas autem convertentur. Tu verò vigila, in omnibus labora, opus fac Evangelistæ,

ministérium tuum imple. Sóbrius esto. Ego enim jam defibor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna justitiæ, quam reddet mihi Dóminus in illa die justus judex: non solum autem mihi, sed et iis qui diligunt advéntum ejus.

Graduale. Psal. 36. Os justi meditábitur sapiéntiam, et lingua ejus loquétur judícium.

V. Lex Dei ejus in corde ipsius: et non supplantabúntur gressus ejus. Allelúia, allel.

V. Eccli. 46. Amávit eum Dóminus, et ornávit eum: stólam glóriæ induit eum. Allelúia.

Post Septuag. omissis Allelúia, et V. sequenti dicitur Tractus. Psal. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generátio rectórum benedicétur.

V. Glória et divítiae in domo ejus: et justitia ejus manet in sæculum sæculi.

Sequéntia sancti Evangélii secúndum Matthæum.

Matth. 5. b.

IN illo témpore: Dixit Jesus discipulis suis: Vos estis sal terræ. Quòd si sal evanúerit, in quo saliétur? ad níhilum valet ultrà, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed

super candelábrum, ut luceat ómnibus qui in domo sunt. Sic luceat lux vestra coram homínibus, ut videant ópera vestra bona: et gloríficent Patrem vestrum, qui in cœlis est. Nolite putáre quóniam veni sólvare legem, aut Prophétas: non veni sólvare, sed adimplére. Amen quippe dico vobis, donec tránseat cœlum et terra, ióta unum, aut unus apex non præteríbit à lege, donec ómnia fiant. Qui ergo sólverit unum de mandátis istis mínimis, et docúerit sic homines, mínimus vocábitur in regno cœlórum: qui autem fécerit et doeúerit, hic magnus vocábitur in regno cœlórum.

Offertorium. Psal. 91. Justus ut palma florébit: sicut cedrus, quæ in Líbano est, multiplicábitur.

Secreta.

SANCTI tui Hilárii nobis, Dómine, pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum nostrum.

Pro S. Felice. Secreta.

HOSTIAS tibi, Dómine, beáti Felicis mártiris tui dicátas méritis, benignus assúme: et ad perpétuum nobis tribue provenire subsidium.

De S. Maria. Secreta.

MUNERIBUS nostris, quæsumus Dómine, precibusque suscèptis: et cœlestibus nos munda mystériis, et

clémenter exáudi. Per Dóminum.

Communio. Luc. 12. Fidélis servus et prudens, quem constituit dóminus super familiam suam: ut det illis in tēpore tritici mensúram.

Postcommunio.

UT nobis, Dómine, tua sacrificia dent salútem: beátus Hilárius confessor tuus, et doctor egrégius, precátor accédát. Per Dóminum.

Pro S. Felice. Postcommunio.

QUÆSUMUS Dómine, sataribus repléti mystériis: ut beáti Felicis mártiris tui, cujus solémnia celebrámus, oratióibus adjuvémur.

De S. Maria. Postcommunio.

HÆC nos commúnio, Dómine, purget à crímine: et intercedente beáta virgine Dei genitrice Maria, coeléstis remédii faciat esse consórtes. Per eúmdem Dóminum.

¶ *Si contingat festum S. Hilarii transferri in alium diem, non tamen prædicta commem. S. Felicis transfertur, sed de ea fit suo die: quod et in sequenti festo, et in semilibus semper servatur.*

Die xv. Januarii.

IN FESTO S. PAULI PRIMI EREMITÆ.

Introitus. Psal. 91.

JUSTUS ut palma florébit: sicut cédrus Líbani multiplicábitur: plantátus in domo Dómini, in átriis dómus Dei nostri.

Psal. ibid. Bonum est confiteri Dómino, et psállere nómini tuo, Altissime. V. Glória Patri.

Oratio.

DEUS, qui nos beáti Pauli Confessoris tui ánnua solemnitate lætificas: concéde propítius; ut cujus natalitia cólimus, étiam actiões imitémur. Per Dóminum.

Pro commem. S. Mauri Abbatis.

Oratio.

INTERCESSIO nos, quæsumus Dómine, beáti Mauri Abbátis comméndet: ut quod nostris méritis non valémus, ejus patrocínio assequámur. Per Dóminum.

Lectio Epístolæ beáti Pauli Apóstoli ad Philippéenses.

Phil. 3. b.

FRATRES, Quæ mihi fuerunt lucra, hæc arbitrátus sum propter Christum detriménta. Verúmtamen existimo ómnia detriméntum esse propter eminentem sciéntiam Jesu Christi Dómini mei: propter quem ómnia detriméntum feci, et árbitor ut stercora, ut Christum lucrificáram, et invéniam in illo, non habens meam justítiam, quæ ex lege est: sed illam quæ ex fide est Christi Jesu: quæ ex Deo est justítia in fide ad cognoscéndum illum, et virtútem resurrectionis ejus, et societátem passionum illius: configurátus morti ejus: si quo modo occúrram ad resurrectionem, quæ est ex mórtuis: non quòd jam accéperim, aut jam perfectus sim: sequor autem; si quo modo comprehéndam, in-

quo et comprehensus sum à Christo Jesu.

Graduale. Psal. 91. Justus ut palma florébit : sicut cedrus Líbani multiplicábitur in domo Dómini. *V.* Ad annuntiándam manè misericórdiam tuam, et veritátem tuam per nocentem. Allelúia, allelúia.

V. Osee 14. Justus germinábit sicut lilium : et florébit in ætérnum ante Dóminum. Allelúia.

Si hoc Festum celebretur post Septuagesimam, omissis Allelúia, et V. sequenti, dicitur Tractus. Psal. 111. Beátus vir, qui timet Dóminum : in mandátis ejus cupit nimis.

V. Potens in terra erit semen ejus : generatio rectórum benedicétur. *V.* Gloria et divítiae in domo ejus : et justitia ejus manet in sæculum sæculi.

Sequéntia sancti Evangélij secúndum Matthæum.

Matth. 11. d.

IN illo témpore : respóndens Jesus dixit : Confiteor tibi Pater, Dómine cœli et terræ, quia abscondisti hæc à sapiéntibus et prudentibus, et revelásti ea párvulis. Ita Pater : quóniam sic fuit plácitum ante te. Omnia mihi tráda sunt à Patre meo ; Et nemo novit Filium, nisi Pater : neque Patrem quis novit, nisi Filius, et cui volúerit Filius reveláre. Veníte ad me omnes, qui laborátis, et onerátí estis, et ego reficiam vos. Tóllite jugum meum super vos, et discite à me, quía mitis sum, et húmilis corde : et inveniétis

réquiem animábus vestris. Jugum enim meum suáve est, et onus meum leve.

Offertorium. Psal. 20. In virtúte tua, Dómine, lætábitur justus, et super salutáre tuum exultábit veheménter : desiderium ánimæ ejus tribuísti ei.

Secreta.

LAUDIS tibi, Dómine, hostias immolámus, in tuórum commemoratióne sanctórum : quibus nos et præsentibus éxui malis confidimus, et futúris. Per Dóminum.

Pro S. Mauro. Secreta.

PRÆSTA nobis, quæsumus omnipotens Deus : ut nostræ humilitátis oblátio, et pro tuórum tibi grata sit honóre sanctórum, et nos córpore páriter et mente purificet. Per Dóminum.

Communio. Ps. 63. Lætábitur justus in Dómino, et sperábit in eo : et laudabúntur omnes recti corde.

Postcommunio.

REFACTI cibo potúque cœlesti, Deus noster, te supplices exorámus : ut in cujus hæc commemoratióne percépimus, ejus muniámur et précibus. Per Dóminum.

Pro S. Mauro Abbate.

Postcommunio.

PROTEGAT nos, Dómine, cum tui perceptiône sacraménti beátus Maurus Abbas, pro nobis intercedéndo : ut et conversatiónis ejus experiámur insignia, et inter-

cessiónis percipiámus suffrágia. Per Dóminum.

Die xvi. Januarii.

**IN FESTO S. MARCELLI
PAPÆ ET MARTYRIS.**

Introitus. Eccli. 45. c.

STATUIT ei Dóminus testaméntum pacis: et principem fecit eum: ut sit illi sacerdotii dignitas in ætérnum.

Ps. 181. Meménto Dómine David, et omnis mansuetúdinis ejus.

℣. Glória Patri.

Oratio.

PRECES pópuli tui, quæsumus Dómine, cleménter exáudi: ut beáti Marcélli mártiris tui atque Pontíficis méritis adjuvémur, cujus passióne lætámur: Per Dóminum.

Léctio Epístolæ beáti Pauli
Apostoli ad Corínthios.

2. *Cor. 1.*

FRATRES, Benedictus Deus, et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra: ut possimus et ipsi consolári eos, qui in omni pressúra sunt, per exhortatióne, qua exhortámur et ipsi à Deo. Quóniam sicut abúndant passiones Christi in nobis: ita et per Christum abúndat consolatio nostra. Sive autem tribulámur pro vestra exhortatióne et salute, sive consolámur pro vestra consolatióne, sive exhortámur pro vestra exhortatióne et salute, quæ operátur to-

lerántiam earúndem passiónum, quas et nos pátimur: ut spes nostra firma sit pro vobis: sciéntes, quòd sicut sócii passiónum estis, sic éritis et consolatiónis: in Christo Jesu Dómino nostro.

Graduale. Psal. 88. Inveni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

℣. Nihil proficiet inimicus in eo, et filius iniquitatis non nocébit ei. Allelúia, allelúia.

℣. *Psal. 109.* Tu es sacerdos in ætérnum secúndum ordinem Melchisedech. Allelúia.

Si hoc Festum celebretur post Septuagesimam, omissis Allelúia, et ℣. sequenti, dicitur Tractus. Psalm. 20. Desidérium animæ ejus tribuísti ei, et voluntáte labiórum ejus non fraudásti eum. ℣. Quóniam prævenísti eum in benedictiónibus dulcédinis. ℣. Posuísti in cápite ejus corónam de lápide pretióso.

Sequéntia sancti Evangélii secúndum Matthæum.

Matth. 16.

IN illo témpore: Dixit Jesus discípulis suis: Si quis vult post me venire, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam. Qui autem perdiderit ánimam suam propter me, invéniet eam. Quid enim prodest hómini, si mundum univérsum lucrétur, animæ verò suæ detriméntum patiátur? Aut quam dabit homo commutatióne pro áni-

ma sua? Filius enim hominis venturus est in gloria Patris sui cum Angelis suis: et tunc reddet unicuique secundum opera ejus.

Offertorium. Psal. 88. Veritas mea, et misericordia mea cum ipso: et in nomine meo exaltabitur cornu ejus.

Secreta.

SUSCIPE, quæsumus Domine, mûnera dignanter oblata: et beati Marcelli martyris tui atque Pontificis suffragantibus meritis, ad nostræ salutis auxilium provenire concede. Per Dominum.

Communio. Matt. 25. Domine, quinque talenta tradidisti mihi, ecce alia quinque superlucratum sum: euge serve bone et fidelis: quia in pauca fuisti fidelis, supra multa te constituam, intra in gaudium Domini tui.

Postcommunio.

SATIASTI Domine familiam tuam munerebus saceris: ejus, quæsumus, semper interventione nos refove, cuius solennia celebramus. Per Dominum.

Die xvii. Januarii.

IN FESTO S. ANTONII
ABBATIS.

Introitus. Psal. 36.

OS justus meditabitur sapientiam, et lingua ejus loquetur judicium: lex Dei ejus in corde ipsius.

Psal. ibid. Noli æmulari in malignantibus: neque zelaveris facientes iniquitatem.

℣. Gloria Patri.

Oratio.

INTERCESSIO nos, quæsumus Domine, beati Antonii Abbatis commendet: ut quod nostris meritis non valemus, ejus patrocinio assequamur. Per Dominum.

Lectio libri Sapientie.

Eccli. 45.

DILECTUS Deo et hominibus, cujus memoria in benedictione est. Similem illum fecit in gloria sanctorum, et magnificavit eum in timore inimicorum, et in verbis suis monstra placavit. Glorificavit illum in conspectu regum, et jussit illi coram populo suo, et ostendit illi gloriam suam. In fide et lenitate ipsius sanctur fecit illum, et elegit eum ex omni carne. Audivit enim eum et vocem ipsius, et induxit illum in nubem. Et dedit illi coram præcepta, et legem vitæ disciplinæ.

Graduale. Psal. 20. Domine prævenisti eum in benedictionibus dulcedinis: posuisti in capite ejus coronam de lapide pretioso. ℣. Vitam petiit à te, et tribuisti ei longitudinem dierum in sæculum sæculi. Allelûia, allelûia.

℣. *Psal. 91.* Justus ut palma florébit: sicut cedrus Libani multiplicabitur. Allelûia.

Post Septuagesimam, omissis Allelûia, et Versu sequenti dicitur Tract. Psal. 111. Beatus vir, qui timet Dominum: in mandatis ejus cupit nimis.

℣. Potens in terra erit semen ejus: generatio rectorum benedicetur. ℣. Gloria et divitiæ in domo ejus: et justitia ejus manet in sæculum sæculi.

Sequéntia sancti Evangélii se-
cúndum Lucam.

Luc. 12. c.

IN illo témpore : Dixit Je-
sus discipulis suis : Sint
lumbi vestri præcincti, et lu-
cérnæ ardéntes in mánuibus ves-
tris : et vos símiles hominibus
expectántibus dómimum suum,
quando revertátur à nuptiis :
ut, cum vénerit, et pulsáverit,
conféstim apériant ei. Beáti
servi illi, quos, cum vénerit
dóminus, invénerit vigilántes :
amen dico vobis, quòd præ-
cínget se, et fáciat illos discúm-
bere, et tránsiens ministrábit
illis. Et si vénerit in secúnda
vigília, et si in tertia vigília vé-
nerit, et ita invénerit, beáti
sunt servi illi. Hoc autem
scitóté, quóniam si sciret pa-
terfamílias, qua hora fur vení-
ret, vigiláret útique, et non sí-
neret pérodi domum suam.
Et vos estóte paráti, quia qua
hora non putátis, Fílius hómi-
nis veniet.

Offertórium. Psal. 20. Desi-
dérium ánimæ ejus tribuísti ei
Dómine, et voluntáte labiórum
ejus non fraudásti eum : posu-
ísti in cápite ejus corónam de
lápide pretiósó.

Secreta.

SACRIS altáribus, Dómine,
hóstias superpósitas sanc-
tus Antónius Abbas, quæsumus,
in salútem nobis prove-
nire depóscat. Per Dómimum.

Communio. Luc. 12. Fidélis
servus et prudens, quem con-
stituit dómimus super famíliam
suam : ut det illis in témpore
trítiti mensúram.

Postcommunio.

PROTEGAT nos, Dómine,
cum tui perceptióne sa-

craménti beátus Antónius Ab-
bas, pro nobis intercedéndo :
ut et conversatiónis ejus ex-
periámur insignia, et interces-
siónis percipiámus suffrágia.
Per Dómimum.

Die xviii. Januarii.

IN FESTO CATHEDRÆ
S. PETRI, qua Romæ pri-
mum sedit.

Introitus. Eccl. 45.

STATUIT ei, Dóminus tes-
tamentum pacis, et prin-
cipem fecit eum : ut sit illi sa-
cerdótii dignitas in ætérnum.

Psal. 131. Meménto Dómi-
ne David, et omnis mansue-
túdinis ejus. V. Glória Patri.

Oratio.

DEUS, qui beáto Petro
Apóstolo tuo, collátis
clávis regni cœlestis, ligán-
di atque solvéndi pontificium
tradidisti : concéde, ut inter-
cessiόnis ejus auxilió, à pec-
cátórum nostrórum nexibus
liberémur. Qui vivis et reg-
nas,

*Et fit commem, de S. Paulo
ante quascunque commemoratio-
nes, etiam Dominicæ : quod et
servatur in commem. S. Petri,
quæ fit in festis S. Pauli.*

Oratio.

DEUS, qui multitudinem
Géntium beáti Pauli
Apóstoli prædicatióne docuísti :
da nobis quæsumus ; ut
cujus commemoratiónem có-
limus, ejus apud te patrocínia
sentiámus.

*Deinde fit commem. S. Priscæ
virginis et mart.*

Oratio.

DA, quæsumus, omnípo-
tens Deus : ut qui beátæ
Priscæ virgínis et mártiris

tuæ natalitia cõlimus, et ánnua solemnitáte lætemur, et tantæ fidei proficiámus exémplo. Per Dóminum.

Léctio Epistolæ beáti Petri Apóstoli.

1. Pet. 1.

PETRUS Apóstolus Jesu Christi, eléctis ádvenis dispersiónis Ponti, Galátiaë, Cappadóciæ, Asiaë, et Bithyniæ, secúndum præsciéntiam Dei Patris, in sanctificatiónem Spíritus, in obediéntiam, et aspersionem sánguinis Jesu Christi: Grátia vobis, et pax multiplicétur. Benedictus Deus, et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hæreditátem incorruptibilem, et incontaminatam, et immarcessibilem, conservátam in cõelis in vobis, qui in virtúte Dei custodimini per fidem in salutem, parátam revelári in tẽpore novíssimo. In quo exultábitis, módicum nunc si opórtet contristári in váriis tentatióibus: ut probatió vestræ fidei multò pretiósior auro (quod per ignem probátur) inveniátur in laudem, et glóriam, et honórem, in revelatióne Jesu Christi Dómini nostri.

Graduale. Psal. 106. Exáltent eum in ecclésia plebis: et in cáthedra seniõrum laudent eum.

℣. Confiteàntur Dómino misericórdiæ ejus: et mirabilia ejus filiis hóminum.

Si festum Cathedræ venerit ante Septuagesimam, post Graduale statim dicitur, Allelúia, allelúia,

℣. *Matth. 16.* Tu es Petrus, et super hanc petram ædificábo Ecclésiam meam. Allelúia.

Si autem venerit post Septuagesimam, omissis Allelúia, et ℣. dicitur sequens Tractus, ibid. Tu es Petrus, et super hanc petram ædificábo Ecclésiam meam.

℣. Et portæ ínferi non prævalébunt advérsus eam: et tibi dabo claves regni cõelórum.

℣. Quodcúmque ligáveris super terram, erit ligátum et in cõelis.

℣. Et quodcúmque sólveris super terram, erit solútum et in cõelis.

Sequéntia sancti Evangélij secúndum Matthæum.

Matth. 16. b.

IN illo tẽpore: Venit Jesus in partes Cæsaráe Philippi: et interrogábat discipulos suos, dicens: Quem dicunt hómines esse Fílium hóminis? At illi dixerunt: Alii Joánnem Baptístam, álii autem Eliám, álii verò Jeremíam, aut unum ex Prophétis. Dicit illis Jesus: Vos autem quem me esse dicitis? Respóndens Simon Petrus dixit: Tu es Christus Fílius Dei vivi, Respóndens autem Jesus dixit ei: Beatus es Simon Barjóna: quia caro et sanguis non revelávit tibi, sed Pater meus, qui in cõelis est. Et ego dico tibi, quia tu es Petrus, et super hanc petram ædificábo Ecclésiam meam, et portæ ínferi non prævalébunt advérsus eam. Et tibi dabo claves regni cõelórum. Et quodcúmque ligáveris super terram, erit ligátum et in cõelis: et quodcúmque sólveris super terram, erit solútum et in cõelis. Credo.

Offertorium. ibid. Tu es Petrus, et super hanc petram ædificábo Ecclésiám meam : et portæ inferi non prævalébunt advérsus eam : et tibi dabo claves regni cœlórum.

Secreta.

ECCLESIAË tuæ, quæsumus Dómine, preces et hóstias beáti Petri Apóstoli comméndet orátio : ut quod pro illius glória celebrámus, nobis prosit ad véniam. Per Dóminum.

Pro S. Paulo. Secreta.

APOSTOLI tui Pauli, præcibus, Dómine, plebis tuæ dona sanctífica : ut quæ tibi tuo grata sunt institúto, gratióra fiant patrocínio supplicántis.

Pro S. Prisca. Secreta.

HÆC hóstia, quæsumus Dómine, quam sanctórum tuórum natalítia recenséntes offérimus, et víncula nostræ pravítatis absólvat, et tuæ nobis misericórdiæ dona concíliet. Per Dóminum.

Præfatio de Apostolis.

Communio. ibid. Tu es Petrus, et super hanc petram ædificábo Ecclésiám meam.

Postcommunio.

LÆTIFICET nos, Dómine, munus oblátum : ut, sicut in Apóstolo tuo Petro te mirábilem prædicámus, sic per illum tuæ sumámus indulgéntiæ largitátem. Per Dóminum.

Pro S. Paulo. Postcomm.

SANCTIFICATI, Dómine, salutári mystério : quæsumus, ut nobis ejus non desit orátio, cujus nos donásti patrocínio gubernári.

Pro S. Prisca. Postcomm.

QUÆSUMUS Dómine, salutáribus repléti mysté-

riis : ut, cujus solémnia celebrámus, ejus oratióibus adjuvémur. Per Dóminum.

Die xix. Januarii.

IN FESTO S. CANUTI
Regis et mart. Semiduplex
ad libitum.

Missa. In virtúte tua. de Comuni unius Mart. non Pontificis. iv. præter Orationem sequentem, et Evangelium.

Oratio.

DEUS, qui ad illustrándam Ecclésiám tuam beátum Canútum Regem martyrii palma, et gloriósis miráculis decoráre dignátus es : concéde propítius ; ut, sicut ipse Dóminicæ passiónis imitátor fuit, ita nos per ejus vestigia gradiétes, ad gaudia sempitérna pervenire mereámur. Per eúdem Dóminum.

Et fit commem. SS. Martyrum Marii, Marthæ, Audifacis, et Abachum, cum Oratione. Exaudi Dómine. Ex Missa propria, ut sequitur : et tertia Oratio erit de S. Maria. Deus, qui salutis. 344.

Evangelium. Si quis vult post me venire. sumatur ex Missa. Sacerdótes Dei. de eodem Comuni, iii.

Secreta pro commemor. SS. Martyrum. Preces, Domine. ut infrá.

Tertia Secreta de S. Maria. Tua, Dómine, propitiatióne. 236.

Pro commemor. SS. Mart. Postcommunio. Sanctórum tuórum. ut infrá.

Tertia Postcommunio de S. Maria, Hæc nos communio. 336.

MISSA SS. MARIJ, MARTHÆ, AUDIFACIS, ET ABACHUM martyrum.

Introitus. Psal. 67.

JUSTI epuléntur, et exúltent in conspéctu Dei, et delecténtur in lætítia.

Psalm. ibid. Exúrgat Deus, et dissipentur inimíci ejus: et fúgiant qui odérunt eum, à fácie ejus.

℣. Glória Patri.

Oratio.

EX AUDI Dómine pópulum tuum, cum sanctorum tuorum patrocínio supplicántem: ut et temporalis vitæ nos tríbuas pace gaudére, et æternæ resperíre subsidium. Per Dóminum.

Lectio Epistolæ beáti Pauli Apóstoli ad Hebræos,

Heb. 10. f.

FRATRES, Rememorámini pristinos dies, in quibus illumináti, magnum certámen sustinuístis passiónum: et in áltero quidem oppróbriis et tribulatióibus spectáculum facti: in áltero autem sócii táliter conversántium effecti. Nam et vinctis compássi estis, et rapinam bonórum vestrórum cum gáudio suscepistis, cognoscéntes vos habére meliorem, et manéntem substántiam. Nolíte itaque amittere confidéntiam vestram, quæ magnam habet remuneratió-nem. Patiéntia enim vobis necessária est: ut voluntátem Dei faciéntes, reportétis promissionem. Adhuc enim módicum aliquántulum, qui ventúrus est, véniet, et non tardábit. Justus autem meus ex fide vivit.

Graduale. Sap. 3. Justórum animæ in manu Dei sunt: et non tanget illos torméntum malitiæ. ℣. Visi sunt óculis insipiéntium mori: illi autem sunt in pace. Allelúia, allel.

℣. *Ps. 67.* Mirábilis Deus noster in sanctis suis. Allelúia.

Si hoc Festum venerit post Septuag. omissis Allelúia, et ℣. sequenti, dicitur Tractus. Ps. 125. Qui séminant in lácrymis, in gáudio metent. ℣. Eúntes ibant et flebant, mitténtes sémina sua. ℣. Veniéntes autem vénient cum exultatióne, portántes manípulos suos.

Sequéntia sancti Evangélii secúndum Matthæum.

Matth. 24.

IN illo témpore: Sedénte Jesu super montem Olivéti, accessérunt ad eum discipuli secréto dicéntes: Dic nobis, quando hæc erunt? et quod signum advéntus tui, et consummationis sæculi? Et respóndens Jesus, dixit eis: Vidéte ne quis vos sedúcat. Multi enim vénient in nómine meo, dicéntes: Ego sum Christus, et multos sedúcent. Auditúri enim estis prælia, et opiniónes præliórum. Vidéte ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum: et erunt pestilentíæ, et fames, et terræmótus per loca. Hæc autem ómnia inítia sunt dolórum. Tunc tradent vos in tribulatió-nem, et occident vos, et éritis ódio ómnibus Géntibus propter nomen meum. Et tunc scandalizabúntur multi, et invicem tradent, et ódio habébunt invicem. Et multi

pseudoprophætæ surgent : et sedúcent multos. Et quóniam abundávit iníquitas, refrigéscet cháritas multórum. Qui autem perseveráverit usque in finem, hic salvus erit.

Offertorium. Psal. 123. Anima nostra, sicut passer, erépta est de láqueo venántium : láqueus contrítus est, et nos liberáti sumus.

Secreta.

PRECES, Dómine, tuórum réspice, oblationésque fidélium : ut et tibi grata sint pro tuórum festivitáte sanctórum, et nobis cónferant tuæ propitiatiónis auxiliú. Per Dóminum.

Communio. Luc. 12. Dico autem vobis amícis meis : ne terreámini ab his, qui vos persequúntur.

Postcommunio.

SANCTORUM tuórum, Dómine, intercessióne placátus, præsta quæsumus : ut quæ temporáli celebrámus actióne, perpétua salvatióne capiamus. Per Dóminum.

Die xx. Januarii.

IN FESTO SS. FABIANI
ET SEBASTIANI marty-
rum.

Introitus. Psal. 78.

INTRET in conspectu tuo, Dómine, gémitus compeditórum : redde vicínis nostris séptuplum in sinu eórum : víndica ságuinem sanctórum tuórum, qui effúsus est.

Psal. ibid. Deus venérunt Gentes in hæreditátem tuam, polluérunt templum sanctum tuum : posuérunt Jerúsalem in pomórum custódiam.

¶ Glória Patri.

Oratio.

INFIRMITATEM nostram réspice omnipotens Deus : et quia pondus própriæ actiónis gravat, beatórum mártýrum tuórum Fabiáni et Sebastiani intercésio gloriósa nos próte-
gat. Per Dóminum.

Léctio Epístolæ beáti Pauli
Apóstoli ad Hebræos.

Heb. 11. f.

FRATRES, Sancti per fidem vicérunt regna, operáti sunt justítiam, adépti sunt repromissiónes, obturavérunt ora leónum, extinxérunt ímpetum ignis, effugerunt áciem gladii, convaluérunt de infirmitáte, fortes facti sunt in bello, castra vertérunt exterórum : accepérunt mulieres de resurrectióne mórtuos suos : álii autem disténti sunt, non suscipiéntes redemptiónem, ut meliorem invenírent resurrectiónem. Alii verò ludibria et vérbera experti, ínsuper et víncula et cárteres : lapidáti sunt, secti sunt, tentáti sunt, in occisióne gládii mórtui sunt, circuíerunt in melótis, in péllibus caprinis, egéntes, angustiáti, afflícti : quibus dignus non erat mundus : in solitudinibus errántes, in móntibus, et spelúncis, et in cavérnis terræ. Et hi omnes testimonió fidei probáti invénti sunt : in Christo Jesu Dómino nostro.

Graduale. Exod. 15. Gloriósus Deus in sanctis suis : mirábilis in majestáte, fáciens prodígia. ¶ Déxtera tua Dómine gloriósa est in virtúte : déxtera manus tua confrégit inimicos. Allelúia, allelúia.

¶ *Psal. 144.* Sancti tui, Dómine, benedícunt te : glóriam regni tui dicent. Allelúia.

Si hoc Festum venerit post Septuages. omissis Allelúia et Versu sequenti, dicitur Tractus.

Psal. 125. Qui séminant in lácrymis, in gáudio metent.

℟. Eúntes ibant et flebant, mitténtes sémina sua.

℣. Veniéntes autem vénient cum exultatióne, portántes manípulos suos.

Sequéntia sancti Evangéllii secúndum Lucam.

Luc. 6. c.

IN illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judea, et Jerúsalem, et marítima, et Tyri, et Sidónis, qui vénerant, ut audírent eum, et sanaréntur à languóribus suis. Et qui vexabántur à spirítibus immúndis, curabántur. Et omnis turba quærébat eum tangere: quia virtus de illo exíbat, et sanábat omnes. Et ipse elevátis óculis in discípulos suos, dicébat: Beáti páuperes: quia vestrum est regnum Dei. Beáti qui nunc esurítis: quia saturabímmini. Beáti qui nunc fletis: quia ridébitis. Beáti éritis, cum vos óderint hómines, et cùm separáverint vos, et exprobráverint, et ejectionem nomen vestrum tamquam malum, propter Fílium hóminis. Gaudéte in illa die, et exultáte: ecce enim merces vestra multa est in cælo.

Offertorium. Ps. 31. Lætámini in Dómino, et exultáte justi: et glóriamini omnes recti corde.

Secreta.

HOSTIAS tibi, Dómine, beatorum mártýrum tuó-

rum Fabiáni et Sebastiáni dícatas méritis, benignus assúme: et ad perpétuum nobis tribue provenire subsídium. Per Dóminum.

Communio. Luc. 6. Multitudo languéntium, et qui vexabantur à spirítibus immúndis, veniébat ad eum; quia virtus de illo exibat, et sanábat omnes.

Postcommunio.

REFACTI participatióne múnieris sacri, quæsumus Dómine Deus noster: ut, cujus exéquimur cultum, intercedéntibus sanctis mártýribus tuis Fabiáno et Sebastiáno sentiámus efféctum. Per Dóminum nostrum.

Die xxi. Januarii.

IN FESTO S. AGNETIS virginis, et mártýris.

Introitus. Psal. 118.

ME expectavérunt peccatóres, ut pérderent me: testimónia tua Dómine intellexi: ómnis consummationis vidi finem: latum mandatum tuum nimis.

Psal. ibid. Beáti immaculáti in via: qui ámbulant in legé Dómini.

℟. Glória Patri.

Oratio.

OMNIPOTENS sempitérne Deus, qui infirma mundi éligis, ut fortia quæque confúndas: concéde propítius; ut qui beátæ Agnetis vírginis et mártýris tuæ solémnia cólimus, ejus apud te patrocínia sentiámus. Per Dóminum.

Léctio libri Sapiéntiæ.

Eccli. 51.

CONFITEBOR tibi Dómine Rex, et collaudábo te Deum Salvatórem meum.

Confitébor nómini tuo : quóniam adjútor et protéctor factus es mihi, et liberásti corpus meum à perditíone, à láqueo linguæ iniquæ, et à lábiis operántium mendácium, et in conspéctu astántium factus es mihi adjútor. Et liberásti me secúndum multitudínem misericórdiæ nóminis tui à rugiéntibus, præparátis ad escam, de mánuibus quæréntium ánimam meam, et de portis tribulatiónum, quæ circumdedérunt me, à pressúra flammæ, quæ circumdedit me, et in médio ignis non sum æstuáta; de altitúdine ventris inferi, et à lingua coinquináta, et à verbo mendáci, à rege iniquo, et à lingua injústa : laudábit usque ad mortem ánima mea Dóminum, quóniam éruis sustinéntes te, et liberas eos de mánuibus Géntium, Dómine Deus noster.

Graduale. Ps. 44. Diffúsa est grátia in lábiis tuis : propterea benedíxit te Deus in ætérnum.

V. Propter veritátem, et mánsuetúdinem, et justítiam, et dedúcet te mirábiliter dextera tua. Allelúia, allelúia.

V. *Matth. 25.* Quinque prudentes vírgines accépérunt óleum in vasis suis cum lampáribus : média autem nocte clamor factus est : Ecce sponsus venit, exíte óbviám Christo Dómino. Allelúia.

Post Septuag. omissis Allel. et V. sequenti, dicitur Tractus. Veni sponsa Christi, áccipe corónam, quam tibi Dóminus præparávit in ætérnum : pro cuius amóre sánguinem tuum fudísti.

V. *Psal. 44.* Dilexísti justítiam, et odísti iniquitátem : propterea unxit te Deus, Deus tuus óleo lætitiæ præ consórtibus tuis. V. Spécie tua, et pulchritúdine tua inténde, prospère procéde et regna.

Sequéntia sancti Evangélii secúndum Matthæum.

Matth. 25.

IN illo témpore : Dixit Jesus discipulis suis parábolam hanc : Símile erit regnum cœlorum decem vírginibus : quæ accipiéntes lampades suas, exiérunt óbviám sponso et sponsæ. Quinque autem ex eis erant fátuæ, et quinque prudentes : sed quinque fátuæ, acceptis lampáribus, non sumpsérunt óleum secum : prudentes verò accepérunt óleum in vasis suis cum lampáribus. Moram autem faciénte sponso, dormitavérunt omnes, et dormiérunt. Media autem nocte clamor factus est : Ecce sponsus venit : exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixérunt : Date nobis de óleo vestro : quia lámpades nostræ extingúntur. Respondérunt prudentes, dicéntes : Ne forté non sufficiat nobis et vobis, ite pótius ad vendéntes, et émite vobis. Dum autem irent émere, venit sponsus : et quæ parátæ erant, intravérunt cum eo ad nuptias, et clausa est jánuá. Novissimè verò véniunt et réliquæ vírgines, dicéntes : Dómine, Dómine, áperi nobis. At ille respóndens, ait; Amen dico vobis,

nescionos. Vigiláte itaque, quia nescitis diem, neque horam.

Offertorium. Ps. 44. Afferéntur Regi vírgines post eam: próximæ ejus afferéntur tibi in lætítia et exultatióne: adducéntur in templum Regi Dómino.

Secreta.

HOSTIAS, Dómine, quas tibi offerimus, propítius súscipe: et intercedénte beáta Agnéte vírgine et mártire tua vincula peccatórum nostrórum absólve. Per Dóminum.

Communio. Matth. 25. Quinque prudentes vírgines acceperunt óleum in vasis suis cum lampádibus: média autem nocte clamor factus est: Ecce sponsus venit, exíte óbviam Christo Dómino.

Postcommunio.

REFFECTI cibo potúque cœlésti, Deus noster, te súpplices exorámus: ut in cujus hæc commemoratióne percépimus, ejus muniámur et precibus. Per Dóminum.

Die xxii. Januarii.

IN FESTO SS. VINCENTII ET ANASTASII mart. *Missa.* Intret in conspectu tuo. *de Comuni plurimorum Martyrum. xii. exceptis Orationibus quæ dicuntur ut infra.*

Oratio.

ADESTO Dómine supplicatió nibus nostris: ut qui ex iniquitate nostra reos nos esse cognoscimus, beatórum mártýrum tuórum Vincéntii et Anastásii. intercessióne liberémur. Per Dóminum.

Secreta.

MUNERA tibi, Dómine, nostræ devotiónis offerimus: quæ et pro tuórum tibi

grata sint honóre justórum, et nobis salutária, te miseránte, reddántur. Per Dóminum.

Postcommunio.

QUÆSUMUS omnipotens Deus: ut qui cœléstia aliménta percépimus, intercedéntibus beátis mártýribus tuis Vincéntio et Anastásio, per hæc contra ómnia advérsa muniámur. Per Dóminum.

Die xxiii. Januarii.

IN FESTO S. RAYMUNDI de Pennafort Confessoris, *Missa.* Os justi. *ut in Comuni Confessoris non Pontif. xxii.*

Oratio.

DEUS, qui beátum Raymúndum Pœniténtiæ sacraménti insígnem místrum elegísti, et per maris undas mirabiliter traduxísti: concéde, ut ejus intercessióne dignos pœniténtiæ fructús fácere, et ad ætérnæ salutis portum pervenire valeámus. Per Dóminum.

Pro S. Emerentiana.

Oratio.

INDULGENTIAM nobis, quæsumus Dómine, beáta Emerentiána virgo et mártýr implóret: quæ tibi grata semper éxtitit, et mérito castitátis, et tuæ professióne virtútis. Per Dóminum nostrum.

Pro S. Emerentiana.

Secreta.

HOSTIAS tibi, Dómine, beátæ Emerentiánæ vírginis et mártýris tuæ dicátas méritis, benignus assúme, et ad perpétuum nobis tribue provenire subsidium. Per Dóminum nostrum.

Pro S. Emerentiana.

Postcommunio.

DIVINI muneris largitate satiati, quæsumus Dómine Deus noster, ut intercedente beáta Emerentiána virgine et mártire tua, in ejus semper participatióne vivamus. Per Dóminum.

Die xxiv. Januarii.

IN FESTO S. TIMOTHEI
Episcopi et martyris.

Introitus. Eccli. 45. c.

STATUIT ei Dóminus testaméntum pacis, et principem fecit eum: ut sit illi sacerdotií dignitas in ætérnum.

Psal. 131. Meménto Dómine David, et omnis mansuetudinis ejus.

V. Glória Patri.

Oratio.

INFIRMITATEM nostram respice omnipotens Deus: et quia pondus propriæ actionis gravat, beáti Timóthei mártiris tui atque Pontificis, intercessio gloriósa nos próteget. Per Dóminum.

Léctio Epístolæ beáti Pauli
Apóstoli ad Timótheum.

1. Tim. 6. c.

CHARISSIME, Sectáre justítiam, pietátem, fidem, charitátem, paciéntiam, mansuetúdinem. Certa bonum certámen fidei, apprehende vitam ætérnam, in qua vocátus es, et conféssus bonam confessiónem coram multis téstibus. Præcipio tibi coram Deo, qui vivificat ómnia, et Christo Jesu, qui testimónium réddidit sub Póntio Piláto, bonam confessiónem: ut serves mandátum sine mácula, irreprensí-

bile usque in advéntum Dómini nostri Jesu Christi: quem suis tempóribus osténdet beátus et solus potens, Rex regum, et Dóminus dominántium: qui solus habet immortalitátem, et lucem inhábitat inaccessibilem, quem nullus hóminum vidit, sed nec vidére potest: cui honor et impérium sempitérnum: Amen.

Graduale. Ps. 88. Inveni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

V. Nihil proficiet inimicus in eo, et filius iniquitátis non nocébit ei. Allelúia, allelúia.

V. Ps. 109. Tu es sacerdos in ætérnum secúndum órđinem Melchisedech. Allelúia.

Si venerit post Septuages. omissis Allelúia, et Versu sequenti, dicitur Tractus. Desiderium ánimæ ejus tribuisti ei, et voluntáte labiórum ejus non fraudásti eum.

V. Quóniam prævenisti eum in benedictiónibus dulcédinis.

V. Posuisti in cápite ejus corónam de lapide pretióso.

Sequéntia sancti Evangélii secúndum Lucam.

Luc. 14. f.

IN illo témpore: Dixit Jesus turbis: Si quis venit ad me, et non odit patrem suum, et matrem, et uxórem, et filios, fratres, et soróres, adhuc autem et ánimam suam, non potest meus esse discipulus. Et qui non hájulat erucem suam, et venit post me, non potest meus esse discipulus. Quis enim ex vobis volens turrim ædificáre, non priùs sedens cómputat sumptus, qui

necessárii sunt, si hábeát ad perficiéndum; ne, posteáquam posúerit fundaméntum, et non potúerit perficere, omnes qui vident, incipient illúdere ei, dicéntes: Quia hic homo coepit ædificáre, et non pótuít consummáre? Aut quis rex itúrus committere bellum advérsus álium regem, non sedens priús cógitat, si possit cum decem míllibus occurrere ei, qui cum viginti míllibus venit ad se? alióquin adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non rénnuntiat ómnibus quæ póssidet, non potest meus esse discipulus.

Offertorium. Ps. 88. Veritas mea, et misericórdia mea cum ipso: et in nómine meo exaltábitur cornu ejus.

Secreta.

HOSTIAS tibi, Dómine, beáti Timóthei mártiris tui atque Pontíficis dicátas méritis, benignus assúme: et ad perpétuum nobis tríbue proveníre subsidium. Per Dóminum nostrum.

Communio. ib. Semel jurávi in sancto meo: semen ejus in ætérnum manébit: et sedes ejus sicut sol in conspéctu meo, et sicut luna perfécta in ætérnum, et testis in cœlo fidélis.

Postcommunio.

REFFECTI participatióne múneris sacri, quæsumus Dómine Deus noster: ut, cujus exéquimur cultum, intercedénte beáto Timótheo mártire

tuo atque Pontífice sentiámus effectum. Per Dóminum.

Die xxv. Januarii.

**IN CONVERSIONE
S. PAULI Apostoli.**

Introitus. 2. Tim. 1.

SCIO cui crédidi, et certus sum, quia potens est depósitum meum serváre in illum diem, justus iudex.

Psal. 138. Dómine probásti me, et cognovísti me: tu cognovísti sessiónem meam, et resurrectionem meam.

V. Glória Patri.

Oratio.

DEUS, qui univérsum mundum beáti Pauli Apóstoli prædicatióne docuísti: da nobis quæsumus; ut, qui ejus hódie Conversiónem cólimus: per ejus ad te exémpa gradiámur. Per Dóminum.

Et fit commem. de S. Petro.

Oratio.

DEUS, qui beáto Petro Apóstolo tuo, collátis clévis regni cœlestis, ligándi atque solvéndi pontificium tradidísti: concéde, ut intercessiónis ejus auxílio, à peccatórum nostrórum néxibus liberémur. Qui vivis et regnas.

Lectio Actuum Apostolorum.

Act. 9.

IN diébus illis: Saulus adhuc spirans minárum, et cædis in discipulos Dómini, accéssit ad principem sacerdotum, et pétiit ab eo epístolas in Damáscum ad synagógas: ut si quos invenisset hujus viæ viros ac muliéres, vinctos perdúceret in Jerúsalem. Et cum iter fáceret, cóntigit ut appropinquáret Damáscus: et súbito

circumfúlsit eum lux de cœlo. Et cadens in terram, audivit vocem dicentem sibi : Saule, Saule, quid me perséqueris ? Qui dixit : Quis es Dómine ? Et ille : Ego sum Jesus, quem tu perséqueris. Durum est tibi contra stímulum calcitráre. Et tremens, ac stupens, dixit : Dómine, quid me vis fácere ? Et Dóminus ad eum : Surge, et ingrédere civitátem, et ibi dicétur tibi, quid te opórteat fácere. Viri autem illi, qui comitabántur cum eo, stabant stupefácti, audiéntes quidem vocem, néminem autem vidéntes. Surrexit autem Saulus de terra, apertisque óculis nihil vidébat. Ad manus autem illum trahéntes, introduxérunt Damáscum. Et erat ibi tribus diébus non vídens, et non manducávit, neque bibit. Erat autem quidam discipulus Damásci, nomine Ananías : et dixit ad illum in visu Dóminus : Ananía. At ille ait : Ecce ego, Dómine. Et Dóminus ad eum : Surge, et vade in vicum, qui vocátur Rectus : et quære in domo Judæ Saulum nómine Tarsensem : ecce enim orat. (Et vidit virum, Ananiam nómine, introéuntem, et imponéntem sibi manus, ut visum recípiat.) Respóndit autem Ananías : Dómine, audivi à multis de viro hoc, quanta mala fécerit sanctis tuis in Jerúsalem : et hic habet potestátem à princípibus sacerdotum alligándi omnes, qui invocant nomen tuum. Dixit autem ad eum Dóminus : Vade, quóniam vas electiónis est mihi iste, ut portet nomen meum coram Géntibus, et régibus, et filiis Israél. Ego enim os-

téndam illi quanta opórteat eum pro nómine meo pati. Et ábiit Ananías, et introívit in domum : et impónens ei manus, dixit : Saule frater, Dóminus misit me Jesus, qui apparuit tibi in via qua veniébas, ut videas, et impleáris Spíritu sancto. Et conféstim cecidérunt ab óculis ejus tamquam squamæ, et visum recépit : et surgens baptizátus est. Et cùm accepisset cibum, confortátus est. Fuit autem cum discipulis, qui erant Damásci, per dies áliquot. Et continuò in synagógis prædicábat Jesus : quóniam hic est Fílius Dei. Stupébant autem omnes qui audiébant, et dicébant : Nónne hic est, qui expugnabat in Jerúsalem eos, qui invocábant nomen istud : et huc ad hoc venit, ut vinctos illos dúceret ad príncipes sacerdotum ? Saulus autem multò magis convalescébat, et confundébat Judæos, qui habitábant Damásci, affirmans quóniam hic est Christus.

Graduale. Gal. 2. Qui operátus est Petro in Apostolátum, operátus est et mihi inter Gentes : et cognóverunt grátiam Dei, quæ data est mihi.

℣. Grátia Dei in me vácua non fuit : sed grátia ejus semper in me manet. Allelúia, allelúia.

℣. Magnus sanctus Paulus vas electiónis, verè dignè est glorificándus, qui et méruit thronum duodécimum possidére. Allelúia.

Si venerit post Septuages. Tract. Tu es vas electiónis sancte Paule Apóstole : verè dignè es glorificándus.

✠. Prædicátor veritatis, et doctor Géntium in fide et veritate.

✠. Per te omnes Gentes cognóverunt grátiam Dei.

✠. Intercéde pro nobis ad Deum, qui te elégit.

Sequéntia sancti Evangélii secundùm Matthæum.

Matth. 19. d.

IN illo témpore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Jesus autem dixit illis: Amen dico vobis, quòd vos, qui secúti estis me, in regeneratióne cum séderit Filius hóminis in sede majestátis suæ, sedébitis et vos super sedes duódecim, judicántes duódecim tribus Israël. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accipiet, et vitam ætérnam possidébit. Credo.

Offertorium. Psal. 138. Mihi autem nimis honoráti sunt amici tui Deus: nimis confortátus est principátus eórum.

Secreta.

APOSTOLI tui Pauli pręcibus, Dómine, plebis tuę dona sanctifica: ut quę tibi tuo grata sunt institúto, gratióra fiant patrocínio supplicántis. Per Dóminum.

Pro S. Petro. Secreta.

ECCLESIÆ tuę, quęsumus Dómine, preces et hóstias beáti Petri Apóstoli

comméndet orátio: ut quòd pro illius glória celebrámus, nobis prosit ad veniam. Per Dóminum nostrum.

Pręfatio de Apostolis.

Communio. Matth. 19. Amen dico vobis, quòd vos qui reliquistis ómnia, et secúti estis me, céntuplum accipiétis, et vitam ætérnam possidébitis.

Postcommunio.

SANCTIFICATI, Dómine, salutári mystério: quęsumus, ut nobis ejus non desit orátio, cujus nos donásti patrocínio gubernári. Per Dóminum.

Pro S. Petro. Postcomm.

LÆTIFICET nos, Dómine, munus oblátum: ut, sicut in Apóstolo tuo Petro te mirábilem prædicámus, sic per illum tuę sumámus indulgętię largitatem. Per Dóminum nostrum.

Die xxvi. Januarii.

IN FESTO S. POLYCARPI
Episcopi et martyris.

Introitus. Dan. 3.

SACERDOTES Dei benedicite Dóminum: sancti et húmiles corde laudáte Deum.

Dan. ibid. Benedicite ómnia ópera Dómini Dómino: laudáte et superexaltáte eum in sæcula.

✠. Glória Patri.

Oratio.

DEUS, qui nos beáti Polycarpi mártiris tui atque Pontificis ánnua solemnitate lætificas: concéde propítius; ut cujus natalítia cólimus, de ejúsdem étiam protectióne gaudeámus. Per Dóminum.

Lectio Epistolæ beati Joannis
Apóstoli.

1. Joan. 3. b.

CHARISSIMI, omnis qui non est justus, non est ex Deo, et qui non diligit fratrem suum, quóniam hæc est annuntiatio, quam audistis ab initio, ut diligatis alterutrum. Non sicut Cain, qui ex maligno erat, et occidit fratrem suum. Et propter quid occidit eum? Quóniam ópera ejus maligna erant: fratris autem ejus, justa. Nolite mirari fratres, si odit vos mundus. Nos scimus quóniam transláti sumus de morte ad vitam, quóniam diligimus fratres. Qui non diligit, manet in morte: omnis qui odit fratrem suum, homicida est. Et scitis, quóniam omnis homicida non habet vitam ætérnam in semetípso manentem. In hoc cognóvimus charitatem Dei, quóniam ille ánimam suam pro nobis pósuit: et nos debémus pro fratribus ánimas pónere.

Graduale. Psalm. 8. Glória et honóre coronásti eum.

V. Et constituísti eum super ópera mánuum tuárum, Dómine. Allelúia, allelúia.

V. Hic est sacerdos, quem coronávit Dóminus. Allelúia.

Post Septuages. Tract. Psal. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generatio rectórum benedicétur.

V. Glória et divitiæ in domo ejus: et justitia ejus manet in sæculum sæculi.

Sequéntia sancti Evangélii se-
cúndum Matthæum.*Matth. 10. c.*

IN illo témpore: Dixit Jesus discipulis suis: Nihil est opértum, quod non revelábitur: et occúltum, quod non sciétur. Quod dico vobis in ténebris, dícite in lúmine: et quod in aure auditis, prædicáte super tecta. Et nolite timére eos, qui occidunt corpus, ánimam autem non possunt occidere: sed pótius timéte eum, qui potest et ánimam et corpus pérdere in gehénnam. Nónne duo pásseres asse væneunt: et unus ex illis non cadet super terram sine Patre vestro? Vestri autem capilli cápitis omnes numeráti sunt. Nolite ergo timére: multis passéribus meliôres estis vos. Omnis ergo, qui confitébitur me coram homínibus, confitébor et ego eum coram Patre meo, qui in cœlis est.

Offertorium. Ps. 88. Inveni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

MUNERA tibi, Dómine, dicata sanctífica: et intercedente beáto Polycárpo mártire tuo atque Pontífice, per eádem nos placátus inténde. Per Dóminum.

Communio. Ps. 20. Posuísti Dómine in cápite ejus corónam de lápide pretiôso.

Postcommunio.

REFFECTI participatióne múnis sacri, quæsumus

Dómine Deus noster: ut, cū-
jus exequimur cultum, interce-
dente beáto Polycárpo már-
tyre tuo atque Pontífice, senti-
tiamus efféctum. Per Dómi-
num.

Die xxvii. Januarii.

IN FESTO S. JOANNIS
CHRYSOSTOMI Epis. et
Confessoris.

Introitus. Eccli. 15.

IN médio Ecclésiæ apérnit
os ejus: et implévit eum
Dóminus spírítu sapiéntiæ et
intelléctus: stolam glóriæ ín-
duit eum.

Psal. 91. Bonum est confi-
téri Dómino: et psállere nó-
mini tuo, Altíssime.

℣. Glória Patri.

Oratio.

ECCLESIAM tuam, quæ-
sumus Dómine, grátia
cœléstis amplíficet: quam beáti
Joánnis Chrysóstomi Confes-
soris tui atque Pontíficis illus-
tráre volúisti gloriósis méritis
et doctrínis. Per Dóminum.

Léctio Epístolæ beáti Pauli
Apóstoli ad Timótheum.

2 Tim. 4.

CHARISSIME, Testificor
coram Deo, et Jesu Chris-
to, qui judicatúrus est vivos
et mórtuos, per advéntum ip-
sius, et regnum ejus: prædi-
ca verbum, insta opportunè,
importúnè: árgue, óbsecre,
íncrepa in omni patiéntia, et
doctrína. Erit enim tempus,
cū sanam doctrínam non sus-
tinebunt, sed ad sua desidéria

coacervábunt sibi magistros,
pruriéntes áuribus, et à veri-
tate quidem auditum avértent,
ad fábulas autem converténtur.
Tu verò vigila, in ómniaus la-
bóra, opus fac Evangelistæ,
ministérium tuum imple. Só-
brius esto. Ego enim jam de-
líbor, et tempus resolutiónis
meæ instat. Bonum certámen
certávi, cursum consummávi,
fidem servávi. In réliquo re-
pósita est mihi coróna justítiæ,
quam reddet mihi Dóminus in
illa die justus judex: non so-
lùm autem mihi, sed et iis qui
diligunt advéntum ejus.

Graduale. Eccli. 44. Ecce
sacerdos magnus, qui in diébus
suis plácuít Deo.

℣. Non est invéntus símilis
illi, qui conserváret legem Ex-
celsi. Allelúia, allelúia.

℣. *Jac. 1.* Beátus vir, qui
suffert tentatiónem: quóniam
cū probátus fúerit, accipiet
corónam vitæ. Allelúia.

Post Septuagesimam, omissis
Allelúia, et. ℣ *Sequenti, dici-*
tur Tractus. Ps. 111. Beátus
vir, qui timet Dóminum: in
mandátis ejus cupit nimis.

℣. Potens in terra erit semen
ejus: generatio rectórum bene-
dicétur.

℣. Glória et divítiæ in domo
ejus: et justítia ejus manet in
sæculi.

Sequéntia sancti Evangélii se-
cúndum Matthæum.

Matth. 5. b.

IN illo témpore: Dixit Je-
sus discipulis suis: Vos
estis sal terræ. Quòd si sal
evanúerit, in quo saliétur? ad
níhilum valet ultrà, nisi ut

mittátur foras, et conculcétur ab homínibus. Vos estis lux mundi. Non potest civitas abscondi supra montem pósito. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona: et gloríficent Patrem vestrum, qui in cœlis est. Nolíte putáre quóniam veni sólvare legem, aut Prophétas: non veni sólvare, sed adimplére. Amen quippe dico vobis, donec tránseat cœlum et terra, ióta unum, aut unus apex non præteribit à lege, donec ómnia fiant. Qui ergo sólverit unum de mandátis istis mínimis, et docúerit sic hómnes, mínimus vocábitur in regno cœlórum: qui autem fécerit et docúerit, hic magnus vocábitur in regno cœlórum. Credo.

Offertorium. Ps. 91. Justus ut palma florébit: sicut cedrus, quæ in Líbano est multiplicábitur.

Secreta.

SANCTI Pontíficis tui Joánnis Chrysóstomi nobis, Dómine, pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum.

Communio. Luc. 12. Fidélis fervus et prudens, quem constituit dóminus super familiam suam: ut det illis in témpore tritici mensúram.

Postcommunio.

UT nobis, Dómine, tua sacrificia dent salútem: be-

átus Joánnes Chrysóstomus Pontífex tuus, et doctor egrégus, quæsumus, precátor accédát. Per Dóminum.

Die xxviii. Januarii.

S. AGNETIS Secondò.

Introitus. Psal. 44.

VULTUM tuum deprecabuntur omnes divites plebis: adducuntur Regi virgines post eam: próximæ ejus adducuntur tibi in lætitiâ et exultatióne.

Psal. ibid. Eructávit cor meum verbum bonum: dico ego ópera mea Regi.

℟. Glória Patri.

Oratio.

DEUS, qui nos ánnua beatæ Agnétis vírginis et mártýris tuæ solemnitate lætíficas: da quæsumus; ut quam venerámur officio, étiam piæ conversatiónis sequámur exémplo. Per Dóminum nostrum.

Léctio Epistolæ beáti Pauli Apóstoli ad Corínthios.

2. Cor. 10. d.

FRATRES, Qui gloriátur, in Dómino gloriétur. Non enim qui seípsum comméndat, ille probátus est; sed quem Deus comméndat. Utinam sustinerétis módicum quid insipiéntiæ meæ, sed et supportáte me. Æmulor enim vos Dei æmulatióne. Despóndi enim vos uni viro vírginem castam exhibére Christo.

Graduale. Ps. 44. Spécie tua et pulchritúdine tua inténde, prospère procéde, et regna.

℣. Propter veritatem, et mansuetudinem, et justitiam, et deducet te mirabiliter dextera tua. Alleluia, alleluia.

℣. Adducuntur Regi virgines post eam, proximæ ejus afferentur tibi in lætitia. Alleluia.

Post Septuagesimam. Tract. ibid. Audi filia, et vide, et inclina aurem tuam: quia concupivit Rex speciem tuam.

℣. Vultum tuum deprecabuntur omnes divites plebis: filia regum in honore tuo.

℣. Adducuntur Regi virgines post eam: proximæ ejus afferentur tibi.

℣. Afferentur in lætitia et exultatione: adducuntur in templum Regis.

Sequentia sancti Evangelii secundum Matthæum.

Matth. 13.

IN illo tempore: Dixit Jesus discipulis suis parabolam hanc: Simile est regnum cœlorum thesauro abscondito in agro: quem qui invenit homo, abscondit, et præ gaudio illius vadit, et vendit universa, quæ habet, et emit agrum illum. Iterum simile est regnum cœlorum homini negotiatóri querenti bonas margaritas. Inventa autem una pretiosa margarita, abiit, et vendidit omnia quæ habuit, et emit eam. Iterum simile est regnum cœlorum sagænæ missæ in mare, et ex omni genere piscium congreganti. Quam, cum impleta esset, educentes, et secus littus sedentes: elegerunt bonos in vasa, malos autem foras miserunt. Sic erit in consummatione sæculi. Exibunt An-

geli, et separabunt malos de medio justorum, et mittent eos in caminum ignis: ibi erit fletus, et stridor dentium. Intellexistis hæc omnia? Dicunt ei: Etiam. Ait illis: Ideo omnis scribe doctus in regno cœlorum, similis est homini patrifamilias, qui profert de thesauro suo nova et vetera.

Offertorium. Psalm. 44. Diffusa est gratia in labiis tuis: propterea benedixit te Deus in æternum, et in sæculum sæculi.

Secreta.

SUPER has, quæsumus Domine, hostias benedictio copiosa descendat: quæ et sanctificationem nobis clementer operatur, et de Martyrum nos solemnitate lætificet. Per Dominum.

Communio. Matth. 13. Simile est regnum cœlorum homini negotiatori, querenti bonas margaritas: inventa una pretiosa margarita, dedit omnia sua, et comparavit eam.

Postcommunio.

SUMPSIMUS, Domine, celestitatis annuæ votiva sacramenta: præsta quæsumus; ut et temporalis vitæ nobis remedia præbeant, et æternæ. Per Dominum.

Die xxix. Januarii.

IN FESTO S. FRANCISCI SALESTI Epis. et Confess.
Missa. Státuit ei Dominus.
de Communi Confess. Pontif.
xvi.

Oratio.

DEUS, qui ad animarum salutem, beátum Franciscum Confessorem tuum atque

Pontificem, ómnibus ómnia factum esse voluisti : concéde propítius ; ut charitátis tuæ dulcédine perfúsi, ejus dirigéntibus mónitis, ac suffragántibus méritis, æténa gáudia consequámur. Per Dóminum.

Die xxx. Januarii.

IN FESTO S. MARTINÆ virginis et mart. *Missæ. Loquébar. de Communi Virginum et martyrum. xxv.*

Die xxxi. Januarii.

IN FESTO S. PETRINO-LASCI confessoris, *Missæ. Justus ut palma. de Communi Confessoris non Pontificis. xxiii.*

Oratio.

DEUS, qui in tuæ charitátis exéplum ad Fidélium redemptiónem sanctum Petrum Noláscum. Ecclésiám tuam nova prole fœcundáre divínitùs docuísti : ipsius nobis intercessióne concéde, à peccáti servitúte solútis, in cœlésti pátria perpétua libertáte gaudére. Qui vivis et regnas.

FESTA FEBRUARII.

Die i. Februarii.

IN FESTO S. IGNATII Episcopi et martyris.

Introitus. Gal. 6.

MIHI autem absit gloriári, nisi in Cruce Dómini nostri Jesu Christi, per quem mihi mundus crucifixus est, et ego mundo.

Psal. 131. Meménto, Dómine, David, et omnis mansuetúdinis ejus.

✠. Glória Patri.

Oratio.

INFIRMITATEM nostram, respice omnipotens Deus : et quia pondus própriæ actiónis gravat, beáti Ignátii mártiris tui atque Pontíficis intercessió gloriósa nos prótegat. Per Dóminum.

Léctio Epístolæ beáti Pauli Apóstoli ad Romános.

Rom. 8.

FRATRES, Quis nos separábit à charitáte Christi ? Tribulátio, an angústia, an fames, an núditas, an perículum, an persecútio, an gláudius ? (sicut scriptum est : Quia propter te mortificámur tota die : æstimáti sumus sicut oves occisiónis.) Sed in his ómnibus superámus propter eum, qui diléxit nos. Certus sum enim, quia neque mors, neque vita, neque Angeli, neque Principátus, neque Virtútes, neque instántia, neque futúra, neque fortitúdo, neque altitúdo, neque profúndum, neque creatúra ália póterit nos separáre à charitáte Dei, quæ est in Christo Jesu Dómino nostro.

Graduale. Eccl. 44. Ecce sacerdos magnus, qui in diébus suis plácuit Deo.

✠. Non est invéntus símilis illi, qui conserváret legem Excélsi.

Allelúia, allelúia.

✠. *Gal. 2.* Christo confixus sum cruce : vivo ego, jam non ego, vivit verò in me Christus. Allelúia.

Post Septuages. Tractus. Ps. 20. Desidérium ánimæ ejus

tribuisti ei, et voluntate labiorum ejus non fraudasti eum.

V. Quoniam pravenisti eum in benedictionibus dulcedinis.

V. Posuisti in capite ejus coronam de lapide pretioso.

Sequentia sancti Evangelii secundum Joannem.

Joan. 12. d.

IN illo tempore: Dixit Jesus discipulis suis: Amen, amen dico vobis, nisi granum frumenti cadens in terram, mortuum fuerit; ipsum solum manet. Si autem mortuum fuerit, multum fructum affert. Qui amat animam suam, perdet eam: et qui odit animam suam in hoc mundo, in vitam aeternam custodit eam. Si quis mihi ministrat, me sequatur: et ubi sum ego, illic et minister meus erit. Si quis mihi ministraverit, honorificabit eum Pater meus.

Offertorium. Ps. 8. Gloria et honore coronasti eum: et constituisti eum super opera manuum tuarum, Domine.

Secreta.

HOSTIAS tibi, Domine, beati Ignatii martyris atque Pontificis dicatas meritis, benignus assume: et ad perpetuum nobis tribue provenire subsidium. Per Dominum.

Communio. Frumentum Christi sum, dentibus bestiarum molar, ut panis mundus inveniar.

Postcommunio.

REFACTI participatione muneri sacri, quaesumus Domine Deus noster: ut, cujus, exequimur cultum, intercedente beato Ignatio martyre tuo atque Pontifice, sentiamus effectum. Per Dominum.

Die ii. Februarii.

IN FESTO PURIFICATIONIS B. V. M.

Si hoc festum venerit in Dominica Septuagesimae, Sexagesimae, vel Quinquagesimae, fit tantum benedictio, et distributio Candelarum, et Processio: et Missa dicitur de Dominica: Missa vero Festi transfertur in sequentem diem.

¶ *Finita Tertia, Sacerdos indutus pluviali violaceo, vel sine casula, cum ministris similiter indutis, procedit ad benedicendum Candelas in medio ante Altare, vel ad cornu Epistolae positus; et ipse ibidem stans versus ad Altare, dicit in tono Orationis Missae Ferialis: Dominus vobiscum.*

R. Et cum spiritu tuo.

Orémus. Oratio.

DOMINE sancte, Pater omnipotens, aeternae Deus, qui omnia ex nihilo creasti, et jussu tuo per opera apum, hunc liquorem ad perfectionem cerei venire fecisti: et qui hodierna die petitionem justissimi Simeonis implisti: te humiliter deprecamur, ut has Candelas ad usum hominum, et sanitatem corporum et animarum, sive in terra, sive in aquis, per invocationem tui sanctissimi nominis, et per intercessionem beatae Mariae semper virginis, cujus hodie festa devotè celebrantur, et per preces omnium Sanctorum tuorum, bene ✠ dicere, et sancti ✠ ficare digneris: et hujus plebis tuae, quae illas honorifice in manibus desiderat portare, teque cantando laudare, exaudias voces de caelo sancto tuo, et de sede majestatis tuae: et propitius sis omnibus cla-

mántibus ad te, quos redemísti pretiósó sáanguine Filii tui. Qui tecum vivit et regnat in unitáte Spíritus sancti Deus, per ómnia sæcula sæculórum. R. Amen.

Orémus.

OMNIPOTENS sempitérne Deus, qui hodierna die Unigénitum tuum, ulnis sancti Simeónis in templo sancto tuo suscipiéndum præsentásti: tuam súpplicis deprecámur eleméntiam, ut has Candélas, quas nos fámuli tui, in tui nóminis magnificéntiam suscipiéntes, gestáre cúpimus luce accénsas, bene ✠ dícere, et sancti ✠ ficáre, atque lúmine supérnæ benedictiónis accéndere dignéris: quátenùs eas tibi Dómino Deo nostro offeréndo, digni, et sancto igne dulcíssimæ charitatís tuæ succénsi, in templo sancto glóriæ tuæ præsentári mereámur. Per eúndem Dóminum nostrum.

R. Amen.

Orémus.

DOMINE Jesu Christe, lux vera, qui illúminas omnem hómínem veniéntem in hunc mundum: effunde bene ✠ dictionem tuam super hos Céreos, et sancti ✠ fica eos lúmine grátia tuæ, et concéde propítius, ut sicut hæc luminária igne visíbili accénsa, noctúrnas depélluat ténebras; ita corda nostra invisíbili igne, idest, sancti Spíritus splendóre illustráta, ómnium vitiórum cæcitate cáreant: ut, purgáto mentis óculo, ea cernere possimus, quæ tibi sunt plácita, et nostræ salúti utilia: quátenus post hujus sæculi caliginósa discrímína, ad lucem indeficiéntem pèrvenire mereámur. Per

te Christe Jesu Salvátor mundi, qui in Trinitáte perfécta vivis et regnas Deus, per ómnia sæcula sæculórum.

R. Amen.

Orémus.

OMNIPOTENS sempitérne Deus, qui per Móysen fámulum tuum puríssimum ólei liquórem ad luminária ante conspéctum tuum júgiter concinnánda præparári jussisti: bene ✠ dictionís tuæ grátiam super hos Céreos benígnus infúnde: quátenùs sic administrent lumen extériùs, ut te donánte, lumen Spíritus tui, nostris non desit méntibus intériùs. Per Dóminum nostrum, . . . in unitáte ejúsdem Spíritus sancti Deus. R. Amen.

Orémus.

DOMINE Jesu Christe, qui hodiérna die, in nostræ carnis substántia inter hómínes appárens, à paréntibus in templo es præsentátus: quem Simeon venerábilis senex, lúmine Spíritus tui irradiátus, agnóvit, suscepit, et benedíxit: præstá propítius; ut ejúsdem Spíritus sancti grátia illumináti atque edócti, te veráciter agnoscámus, et fidéliter diligámus. Qui cum Deo Patre in unitáte ejúsdem Spíritus sancti vivis et regnas Deus, per ómnia sæcula sæculórum. R. Amen.

¶ *Finitis Orationibus, Celebrans ponit incensum in thuribulum, deinde ter aspergit Candelas aqua benedicta, dicendo Antiphonam. Asperges me, sine cantu et sine Psalmo: et ter adolet incenso. Tum dignior ex Clero accedit ad Altare, et ab eo Celebrans accipit Candelam non genuflectens, nec osculans*

manum illius. Postèa Celebrans stans in medio ante Altare, versus ad populum distribuit Candelas, primùm digniori, à quo ipse acceperat: deinde Diacono et Subdiacono paratis, et aliis Clericis singulatim per ordinem, ultimò laicis, omnibus genuflectentibus, Candelam et manum Celebrantis osculantibus, exceptis Prælati, si adsint. Et cùm inceperit distribuere Candelas, à Choro cantatur Antiphona. Lucæ 2. Lucem ad revelatió-nem Géntium: et glóriam plebis tuæ Israël.

Canticum. Nunc dimittis ser-vum tuum Dómine, secúndum verbum tuum in pace.

Deinde repetitur tota Anti-phona. Lumen ad revelatió-nem Géntium. quæ similiter repeti-tur post quemlibet Versum.

Quia vidérunt óculi mei sal-utáre tuum. Antiphona. Lu-men.

Quod parásti ante fáciem ómnium populórum.

Antiphona. Lumen. Glória Patri.

Antiph. Lumen. Sicut erat.

Antiph. Lumen. His expletis cantatar Antiph. Ps. 43. Exúrge Dómine, ádjuva nos: et líbera nos propter nomen tuum.

Psal. Deus áuribus nostris audívimus: patres nostri an-nuntiavérunt nobis.

V. Glória Patri.

Et repetitur, Exúrge Dómine. Deinde Sacerdos dicit: Orémus.

Et si fuerit post Septuagesimam, et non in die Dominica, Diaconus dicit: Flectámus gé-nua. R. Leváte.

Oratio.

EXAUDI, quæsumus Dómine, plebem tuam: et

quæ extrinsecùs ánnua tribuis devotió-ne venerári, intérius ás-sequi grátia tuæ luce concéde. Per Christum Dóminum nos-trum. R. Amen.

Deinde fit Processio. Et pri-mò Celebrans imponit incensum in thuribulum: postèa Diaconus vertens se ad populum, dicit: Procedámus in pace. Et Cho-rus respondet: In nómine Christi, Amen. Præcedit thuriferarius cum thuribulo fumigante: de-ince Subdiaconus paratus, defe-rens Crucem, medius inter duos Acolythos cum candelabris ac-censis: sequitur Clerus per or-dinem, ultimò Celebrans cum Diacono à sinistris, omnes cum Candelis accensis in manibus: et cantatur Antiphonæ sequen-tes. Antiphona. Adórna thá-lamum tuum Sion, et súscipe Regem Christum: ampléctere Mariám, quæ est coeléstis por-ta: ipsa enim portat Regem glóriæ novi lúminis subsistit virgo, addúcens mámbus filium ante lucíferum génitum: quem accípiens Símeon in ulnas suas, prædicávit pópulis Dómi-num eum esse vitæ et mortis, et Salvatórem mundi.

Alia Antiphona. Respónsum accépit Símeon à Spíritu sanc-to, non visúrum se mortem, nisi vidéret Christum Dómini: et cùm indúcerent púerum in templum, accépit eum in ul-nas suas, et benedixit Deum, et dixit: Nunc dimittis ser-vum tuum Dómine in pace.

V. Cùm indúcerent púerum Jesum parentes ejus, ut fáce-rent secúndum consuetúdinem legis pro eo, ipse accépit eum in ulnas suas.

Et ingrediendo Ecclesiam, can-tatur. R. Obtulérunt pro eo

Dómino par túrturum, aut duos pullos columbárum,* Sicut scriptum est in lege Dómini.

¶ Postquam impléti sunt dies purgatiónis Mariæ secúndum legem Móysi, tulérunt Jesum in Jerúsalem, ut sístent eum Dómino. Sicut scriptum est.

¶ Glória Patri, et Fílio, et Spiritui sancto. Sicut scriptum est.

Finitu Processione, Celebrans, et ministri, depositis violaceis, accipiunt paramenta alba pro Missa. Et candelæ tenentur in manibus accensæ dum legitur Evangelium, et iterum ad elevationem Sacramenti usque ad Communionem.

AD MISSAM.

Introitus. Psal. 47.

SUSCEPIMUS Deus misericórdiam tuam in médio templi tui: secúndum nomen tuum Deus, ita et laus tua in fines terræ: justítia plena est dextera tua.

Psal. ibid. Magnus Dóminus, et laudábilis nimis: in civitate Dei nostri, in monte sancto ejus.

¶ Glória Patri.

Oratio.

OMNIPOTENS sempitérne Deus, majestátem tuam súpplices exorámus: ut sicut unigénitus Fílius tuus hodiérna die cum nostræ carnis substantia in templo est præsentátus; ita nos fácias purificáti tibi méntibus præsentári. Per eúmdem Dóminum.

Léctio Maláchiaë Prophétæ.

Malach. 3.

HÆC dicit Dóminus Deus: Ecce ego mitto Angelum meum, et præparábit viam ante faciém meam. Et statim véniet ad templum suum Dóminátor, quem vos quæritis, et Angelus testaméti, quem vos vultis. Ecce venit, dicit Dóminus exercítuum: et quis póterit cogitare diem advéntus ejus, et quis stabit ad vidéndum eum? Ipse enim quasi ignis conflans, et quasi herba fullónum: et sedébit conflans, et emúndans argéntum, et purgábit filios Levi, et colábit eos quasi aurum, et quasi argéntum: et erunt Dómino offeréntes sacrificia in justítia. Et placébit Dómino sacrificium Juda et Jerúsalem, sicut dies sæculi, et sicut anni antiqui: dicit Dóminus omnipotens.

Graduale. Psal. 47. Suscépimus, Deus, misericórdiam tuam in médio templi tui: secúndum nomen tuum Deus, ita et laus tua in fines terræ.

¶ Sicut audivimus, ita et vidimus in civitate Dei nostri, in monte sancto ejus. Allelúia, allelúia. ¶ Senex puerum portábat: puer autem senem regébat. Allelúia.

Post Septuagesimam, omissis Allelúia, et Versu sequenti, dicitur Tractus. Luc. 2. Nunc dimittis servum tuum Dómine, secúndum verbum tuum in pace. ¶ Quia vidérunt óculi mei salutáre tuum.

¶ Quod parásti ante faciém ómnium populórum. ¶ Lumen ad revelatiónem Gentium, et glóriam plebis tuæ Israël.

Sequéntia sancti Evangélii secúndum Lucam.

Luc. 2.

IN illo témpore: Postquam impléti sunt dies purgatiónis Mariæ secúndum legem Móysi, tulérunt Jesum in Jerúsalem, ut siserent eum Dómino, sicut scriptum est in lege Dómini: Quia omne masculinum adapériens vulvam, sanctum Dómino vocábitur. Et ut darent hóstiam secúndum quod dictum est in lege Dómini, par túrturum, aut duos pullos columbárum. Et ecce homo erat in Jerúsalem, cui nomen Símeon, et homo iste justus, et timorátus, expéctans consolatióem Israël, et Spíritus sanctus erat in eo. Et respónsum accéperat à Spírítu sancto, non visúrum se mortem, nisi priùs vidéret Christum Dómini. Et venit in spírítu in templum. Et cùm indúcerent púerum Jesum paréntes ejus, ut fácerent secúndum consuetúdinem legis pro eo: et ipse accépit eum in ulnas suas: et benedíxit Deum, et dixit: Nunc dimíttis servum tuum Dómine, secúndum verbum tuum in pace: Quia vidérunt óculi mei salutáre tuum: Quod parásti ante fáciem ómnium populórum: Lumen ad revelatióem Géntium, et glóriam plebis tuæ Israël. Credo.

Offertorium. Ps. 44. Diffúsa est grátia in lábiis tuis: prop-térea benedíxit te Deus in ætérnum, et in sæculum sæculi.

Secreta.

EXAUDI, Dómine, preces nostras: et ut digna sint

múnera, quæ óculis tuæ majestátis offérimus, subsidium nobis tuæ pietátis impénde. Per Dóminum.

Præfatio de Nativitate Domini.

Communio. Luc. 2. Respónsum accépit Símeon à Spírítu sancto, non visúrum se mortem, nisi vidéret Christum Dómini.

Postcommunio.

QUÆSUMUS Dómine Deus noster: ut sacrosancta mystéria, quæ pro reparatiónis nostræ munímine contulisti, intercedénte beáta Maria semper vírgine, et præsens nobis remédiu[m] esse fácias, et futúrum. Per Dóminum.

Die iii. Februarii.

S. BLASII Episc. et mart.
Missæ. Sacerdótes Dei. ut in Communi unius Mart. Pontif. iii.

Die iv. Februarii.

IN FESTO S. ANDREÆ
Corsini Episcopi et Confess.

Missæ. Státuit ei Dóminus. ut in Communi Confessoris Pontificis. xvi.

Oratio.

DEUS, qui in Ecclésia tua nova semper instáuras exéempla virtútum: da pópulo tuo, beáti Andréæ Confessoris tui atque Pontificis ita sequi vestigia, ut assequátur et præmia. Per Dóminum.

Die v. Februarii.

IN FESTO S. AGATHÆ
virginis et mart.

Introitus.

GAUDEAMUS omnes in
Dómino, diem festum ce-
lebrántes sub honóre beátæ
Agathæ virginis et mártiris:
de cujus passióne gaudent An-
geli, et colláudant Filium Dei.

Ps. 44. Eructávit cor meum
verbum bonum: dico ego ópe-
ra mea Regi.

℣. Glória Patri.

Oratio.

DEUS, qui inter cétera po-
téntiæ tuæ miracula,
étiam in sexu frágili victóriam
martyrii contulisti: concéde
propítius; ut qui beátæ Aga-
thæ virginis et mártiris tuæ
natalitia cólimus, per ejus ad
te exémpa gradiámur. Per
Dóminum.

Léctio Epístolæ beáti Pauli
Apóstoli ad Corinthios.

1. Cor. 1. d.

FRATRES, Vidéte vocatió-
nem vestram, quia non
multi sapiéntes secúndum car-
nem, non multi poténtes, non
multi nóbiles; sed quæ stulta
sunt mundi elégit Deus, ut
confúndat sapiéntes; et infir-
ma mundi elégit Deus, ut con-
fúndat fórtia: et ignobília
mundi, et contéptibília elégit
Deus, et ea quæ non sunt, ut
ea quæ sunt destrúeret: ut non
gloriétur omnis caro in conspé-
ctu ejus. Ex ipso autem
vos estis in Christo Jesu, qui
factus est nobis sapiéntia à
Deo, et justítia, et sanctificá-
tio, et redéptio: ut quemád-

modum scriptum est: Qui glo-
riátur, in Dómino gloriétur.

Graduale. Ps. 45. Adjuvabit
eám Deus vultu suo: Deus in
médio ejus, non commovébi-
tur. ℣. Flúminis ímpetus lætifi-
cat civitátem Dei: sanctifi-
cávit tabernáculum suum Al-
tíssimus. Allelúia, allelúia.

℣. *Psal. 118.* Loquébar de
testimóniis tuis in conspéctu
regum, et non confundébar.
Allelúia.

*Si venerit post Septuag. omis-
sis Allelúia, et Versu sequenti,
dicitur Tractus. Psal. 125.* Qui
séminant in lácrymis, in gáu-
dio metent. ℣. Eúntes ibant,
et flebant, mitténtes sémina
sua. ℣. Veniéntes autem vé-
nient cum exultatióne, por-
tántes manípulos suos.

Sequéntia sancti Evangélii se-
cúndum Matthæum.

Matth. 19.

IN illo témpore: Accessé-
runt ad Jesum Pharisæi
tentántes eum, et dicéntes:
Si licet hómimi dimíttre ux-
órem suam, quacúmque ex
causa? Qui respóndens, ait
eis: Non legístis, quia qui fe-
cit hómínem ab inítio, máscu-
lum et féminam fecit eos? et
dixit: Propter hoc dimittet ho-
mo patrem, et matrem, et ad-
hærébit uxóri suæ, et erunt
duo in carne una. Itaque jam
non sunt duo, sed una caro.
Quod ergo Deus conjúnxit,
homo non séparet. Dicunt il-
li: Quid ergo Móyses mandá-
vit dare libélum repúdií, et
dimíttre? Ait illis: Quóniam
Móyses ad durítiam cordis ves-
tri permísit vobis dimíttre ux-
óres vestras: ab inítio autem

non fuit sic. Dico autem vobis, quia quicumque dimiserit uxorem suam, nisi ob fornicationem, et aliam duxerit, mœchatur: et qui dimissam duxerit, mœchatur. Dicunt ei discipuli ejus: Si ita est causa hominis cum uxore, non expedit nubere. Qui dixit illis: Non omnes capiunt verbum istud, sed quibus datum est. Sunt enim eunuchi, qui de matris utero sic nati sunt: et sunt eunuchi, qui facti sunt ab hominibus: et sunt eunuchi, qui seipsos castraverunt propter regnum cœlorum. Qui potest capere capiat.

Offertorium. Psal. 44. Afferentur Regi virgines post eam: proximæ ejus afferentur tibi.

Secreta.

SUSCIPE Dómine múnera, quæ in beátæ Agathæ virginis et mátyris tuæ solemnitate desérimus: cujus nos confidimus patrocinio liberári. Per Dóminum.

Postcommunio.

AUXILIENTUR nobis, Dómine, sumpta mysteria: et intercedente beáta Agatha vírgine et mátyre tua, sempiterna protectióne confirment. Per Dóminum.

Die vi. Februarii.

SANCTÆ DOROTHEÆ virginis et mart. *Missa.* Me

expectaverunt. *de Communi. Virginum et mart xxxi.*

Die vii. Februarii.

IN FESTO S. ROMUALDI Abbatis, *Missa.* Os justi meditabitur. *de Communi Abbatum. xxiv.*

Die viii. Februarii.

IN FESTO S. JOANNIS de Matha Confessoris. *Missa.* Os justi, *de Communi Confess. non Pontif. xxii.*

Oratio.

DEUS, qui per sanctum Joánnem Ordinem sanctissimæ Trinitatis ad redimendum de potestate Saracenorum captivos cœlitus instituire dignatus es: præsta quæsumus; ut ejus suffragantibus méritis, à captivitate corporis et animæ te adjuvante liberemur. Per Dóminum.

Die ix. Februarii.

S. APOLLONIÆ virginis et mart. *Missa.* Loquébar de testimoniis. *de Communi Virg. et mart. xxv.*

Die x. Februarii.

IN FESTO S. SCHOLASTICÆ Virginis, *Missa.* Dilixisti. *ut in Communi Virg. xxix.*

Oratio.

DEUS, qui animam beátæ virginis tuæ Scholasticæ,

ad ostendendam innocentiae suae viam, in columbae specie caelum penetrare fecisti; da nobis ejus meritis et precibus ita innocenter vivere, ut ad aeterna mereamur gaudia pervenire. Per Dominum.

Deinde fit commemor. Feriae, si celebretur in Quadragesima.

Die xiv. Februarii.

SANCTI VALENTINI
Presbyt. et Mart.

Missa. In virtute tua. de Communi unius Mart. iv. praeter Orationes, quae infra assignantur.

Oratio.

PRÆSTA quæsumus omnipotens Deus: ut qui beati Valentini martyris tui natalitia colimus, à cunctis malis imminéntibus, ejus intercessione liberémur. Per Dominum.

Secreta.

OBLATIS, quæsumus Domine, placare munéribus: et intercedente beato Valentino martyre tuo, à cunctis nos defende periculis. Per Dominum.

Postcommunio.

SIT nobis Domine, reparatio mentis et corporis celeste mysterium: ut, cujus exequimur actionem, intercedente beato Valentino martyre tuo, sentiamus effectum. Per Dominum.

Die xv. Februarii.

SS. MARTYRUM FAUSTINI ET JOVITÆ, Missa.
Salus autem. *in Communi plurim. Mart. xiv.*

Die xviii. Februarii.

S. SIMEONIS episc. et mart. *Missa. Státuit ei Dominus. de Communi unius Martyris Pontif. ii.*

Die xxii. Februarii.

**IN CATHEDRA ANTI-
OCHENA S. PETRI, Omnia dicuntur, sicut in festo Cathedralæ Romanæ, ut suprâ. 339. omissa commemoratione sanctæ Priscæ, et cum commemor. Feriæ, si venerit in Quadragesima.**

Die xxiii. vel xxiv. Februarii.

IN VIGILIA S. MATHIÆ, Missa. Ego autem sicut oliva. *de Communi in Vigilia unius Apostoli. i.*

Si hæc Vigilia venerit in Quadragesima. fit de ea tantum commemor. in Missa.

Die xxiv. vel xxv. Februarii.

IN FESTO S. MATHIÆ
Apostoli.

Introitus. Psal. 138.

MIHI autem nimis honorati sunt amici tui Deus: nimis confortatus est principatus eorum. *Psal. ibid.* Domine probasti me, et cognovisti me: tu cognovisti sessio-

nem meam, et resurrectionem meam.

℟. Glória Patri.

Oratio.

DE U S, qui beatum Mathiam Apostolorum tuorum collegio sociasti: tribue quaesumus; ut ejus interventione, tuae circa nos pietatis semper viscera sentiamus. Per Dominum.

Lectio Actuum Apostolorum.

Act. I. c.

IN diebus illis: Exurgens Petrus in medio fratrum, dixit, (erat autem turba hominum simul ferè centum viginti.) Viri fratres, oportet impleri Scripturam, quam praedixit Spiritus sanctus per os David de Juda, qui fuit dux eorum, qui comprehenderunt Jesum, qui connumeratus erat in nobis et sortitus est sortem ministerii hujus. Et hic quidem possedit agrum de mercede iniquitatis, et suspensus crepuit medius: et diffusa sunt omnia viscera ejus. Et notum factum est omnibus habitantibus Jerusalem, ita ut appellaretur ager ille, lingua eorum, Haceldama, hoc est, ager sanguinis. Scriptum est enim in libro Psalmorum: Fiat commoratio eorum deserta, et non sit qui inhabitet in ea: et episcopatum ejus accipiat alter. Oportet ergo ex his viris, qui nobiscum sunt congregati in omni tempore, quo intravit, et exiit inter nos Dominus Jesus, incipiens a baptismo Joannis, usque in diem, qua assumptus est a nobis, testem resurrectionis ejus nobiscum

fieri unum ex istis. Et statuerunt duos, Joseph, qui vocabatur Barsabas, qui cognominatus est justus: et Mathiam. Et orantes, dixerunt: Tu Domine, qui corda nosti omnium, ostende, quem elegeris ex his duobus unum, accipere locum ministerii hujus, et Apostolatus, de quo praevaricatus est Judas, ut abiret in locum suum. Et dederunt sortes eis, et cecidit sors super Mathiam, et annumeratus est cum undecim Apostolis.

Graduale. Psal. 138. Nimis honorati sunt amici tui Deus: nimis confortatus est principatus eorum. ℟. Dinumerabo eos: et super arenam multiplicabuntur.

Tractus. Desiderium animae ejus tribuisti ei, et voluntate labiorum ejus non fraudasti eum. ℟. Quoniam praeveneristi eum in benedictionibus dulcedinis. ℟. Posuisti in capite ejus coronam de lapide pretioso.

Sequentia sancti Evangelii secundum Matthaeum.

Matth. 11.

IN illo tempore respondens Jesus dixit: Confiteor tibi Pater, Domine caeli et terrae, quia abscondisti haec a sapientibus et prudentibus, et revelasti ea parvulis. Ita Pater: quoniam sic fuit placitum ante te. Omnia mihi tradita sunt a Patre meo. Et nemo novit Filium, nisi Pater: neque Patrem quis novit, nisi Filius, et cui voluerit Filius revelare. Venite ad me omnes, qui laboratis, et onerati estis, et ego reficiam vos. Tollite jugum

meum super vos, et discite à me, quia mitis sum, et húmilis corde : et inveniétis réquiem animábus vestris. Jugum enim meum suáve est, et onus meum leve. Credo.

Offertorium. Psal. 44. Constitues eos príncipes super omnem terram : mémores erunt nóminis tui Dómine, in omni progénie et generatióne.

Secreta.

HOSTIAS tibi, Dómine, quas nómini tuo sacrádas offerimus, sancti Mathiæ Apóstoli tui prosequátur oratio : per quam vos expiári fácias, et deféndi. Per Dóminum.

Præfatio de Apostolis.

Communio. Matth. 19. Vos qui secúti estis me, sedébitis super sedes, judicántes duódecim tribus Israël.

Postcommunio.

PRÆSTA quæsumus omnipotens Deus : ut per hæc sancta quæ súmpsimus, interveniénte beáto Mathiá Apóstolo tuo, véniam consequámur et pacem. Per Dóminum.

FESTA MARTII.

Die iv. Martii.

IN FESTO S. CASIMIRI
Confessoris.

Introitus. Psal. 36.

OS justí meditábitur sapiéntiam, et lingua ejus loquétur júdicium : lex Dei ejus in corde ipsíus.

Psal. ibid. Noli æmulári in malignántibus : neque zeláveris faciéntes iniquitátem.

℣. Glória Patri.

Oratio.

DEUS, qui inter regáles delicias, et mundi illécebras, Sauctum Casimírum virtúte constántiæ roborásti : quæsumus, ut ejus intercessióne fidéles tui terréna despiciant, et ad cœléstia semper aspirent. Per Dóminum.

Si venerit in Quadragesima, fit commemoratio Feriæ.

Pro commemoratione S. Lucii Papæ et mart.

Oratio.

DEUS, qui nos beáti Lúcii mártiris tui atque Pontíficis ánnua solemnitate lætíficas : concéde propítius ; ut cujus natalítia cólimus, de ejúsdem étiam protectióne gaudeámus. Per Dóminum.

Léctio libri Sapiéntiæ.

Eccli. 31.

BEATUS vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua. Qui probátus est in illo, et perféctus est, erit illi glória æténa : qui pótuít transgredi, et non est transgréssus : fácere mala, et non fecit : ideò stabilita sunt bona illius in Dómino, et eleemósynas illius enarrábit omnis Ecclésia sanctórum.

Graduale. Psal. 91. Justus ut palma florébit : sicut cedrus Líbani multiplicábitur in domo Dómini.

℣. Ad annuntiándum mané misericórdiam tuam, et veritátem tuam per noctem.

Tractus. Psal. III. Beátus vir, qui timet Dóminum : in mandátis ejus cupit nimis.

✠. Potens in terra erit semen ejus : generatio rectórum benedicétur.

✠. Glória et divítiae in domo ejus : et justítia ejus manet in sæculum sæculi.

Sequéntia sancti Evangelíi secúndum Lucam.

Luc. 12. c.

IN illo témpore : Dixit Jesus discipulis suis : Sint Iumbi vestri præcincti, et lucernæ ardéntes in mânibus vestris : et vos símiles homínibus expectántibus dóminum suum, quando revertátur à nuptiis : ut, cùm vénerit, et pulsáverit, conféstim apériant ei. Beáti servi illi, quos, cùm vénerit dóminus, invénerit vigilántes : amen dico vobis, quòd præcínget se, et faciet illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamilias, qua hora fur veníret, vigiláret útique, et non síneret pérfodi domum suam. Et vos estóte paráti, quia qua hora non putátis, Filius hóminis véniet.

Offertorium. Ps. 88. Véritas mea, et misericórdia mea cum ipso : et in nómine meo exaltábitur cornu ejus.

Secreta.

LAUDIS tibi, Dómine, hostias immolámus in tuórum commemoratióne Sanctórum : quibus nos et præsentibus éxui malis confidimas et futúris. Per Dóminum.

Pro S. Lucio. Secreta.

MUNERA tibi, Dómine, dicáta sanctífica : et intercedénte beáto Lúcio mártire tuo atque Pontífice, per éadem nos placátus inténde. Per Dóminum.

Communio. Matt. 24. Beátus servus, quem, cùm vénerit dóminus, invénerit vigilántem : amen dico vobis, super ómnia bona sua constitúet eum.

Postcommunio.

REFACTI cibo potúque coelésti, Deus noster, te súpplices exorámus : ut in cujus hæc commemoratióne percépipimus, ejus muniámur et précibus. Per Dóminum.

Pro S. Lucio. Postcom.

HÆC nos commúnio, Dómine, purget à crimine : et intercedénte beáto Lúcio mártire tuo atque Pontífice, coeléstis remédii faciat esse consórtes. Per Dóminum.

Die vii. Martii.

IN FESTO S. THOMÆ DE AQUINO Confessoris, et Ecclesiæ Doctoris.

Introitus. Eccli. 15.

IN médio Ecclesiæ aperuit os ejus : et implévit eum Dóminus spíritu sapiéntia et intelléctus : stolam glóriæ induit eum.

Ps. 91. Bonum est confitéri Dómino : et psállere nómini tuo, Altíssime.

✠. Glória Patri.

Oratio.

DEUS, qui Ecclesiám tuam beáti Thomæ Confessoris tui mira eruditiónem clarificas, et sancta operatióne fœcúndas : da nobis quæsumus, et quæ

dócuit, intelléctū conspícere, et quæ egit, imitatione complere. Per Dóminum.

Et fit commem. Feriæ, si venerit in Quadragesima, et postea SS. Perpetuæ et Felicitatis martyrum.

Oratio.

DA nobis, quæsumus Dómine Deus noster, sanctarum máryrum tuarum Perpetuæ et Felicitatis palmas incessabili devotíone venerári: ut quas digna mente non póssumus celebráre, humilibus saltem frequentémus obsequiis. Per Dóminum.

Léctio libri Sapiéntiæ.

Sap. 7.

OPTAVI, et datus est mihi sensus: et invocávi, et venit in me spíritus sapiéntiæ: et præpósui illam regnis et fé-dibus, et divítias nihil esse duxi in comparatióne illius: nec comparávi illi lápidem preti-ósum: quóniam omne aurum in comparatióne illius, aréna est exígua, et tamquam lutum æstimábitur argéntum in conspéctu illius. Super salutem et spéciem diléxi illam, et propósui pro luce habére illam: quóniam inextinguibile est lumen illius. Venérunt autem mihi ómnia bona páriter cum illa, et innumerábilis honestas per manus illius, et lætátus sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictiÓne didici, et sine invidia commúnice, et honestátam illius non abscóndo. Infínitus enim thesáurus est hominibus: quo qui usi sunt, participes facti sunt amicítie Dei, propter disciplinæ dona commendáti.

Graduale. Ps. 36. Os justi meditábitur sapiéntiam, et lingua ejus loquétur júdicium.

V. Lex Dei ejus in corde ipsius: et non supplantabúntur gressus ejus.

Tractus. Ps. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generatio rectórum benedicétur.

V. Glória et divítie in domo ejus: et justítia ejus manet in sæculum sæculi.

Sequéntia sancti Evangélii secúndum Matthæum.

Matth. 5. b.

IN illo témpore: Dixit Jesus discipulis suis: Vos estis sal terræ. Quòd si sal evanúerit, in quo salietur? ad nihilum valet ultrà, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósitá. Neque accéndunt lucérnam, et ponunt eam sub módio, sed super candelábrum, ut luceat ómnibus qui in domo sunt. Sic luceat lux vestra coram homínibus, ut vídeant ópera vestra bona, et gloríficent Patrem vestrum, qui in cœlis est. Nolite putáre quóniam veni sólvere legem, aut Prophétas: non veni sólvere, sed adimplére. Amen quippe dico vobis, donec tránseat cœlum et terra, ióta unum, aut unus apex non præteríbit à lege, donec ómnia fiant. Qui ergo sólverit unum de mandátis istis mínimis, et docúerit sic hómínes, mínimus vocábitur in regno cœlórum: qui autem fécerit et docúerit, hic magnus vocábitur in regno cœlórum. Credo.

Offertorium. Psal. 91. Justus ut palma florébit: sicut cedrus, quæ in Líbano est, multiplicabitur.

Secreta.

SANCTI Thomæ Confessoris tui, atque Doctoris nobis, Dómine, pia non desit oratio: quæ et múnera nostra concíliet, et tuam nobis indulgéntiam semper obtíneat. Per Dóminum.

Pro SS. martyribus Perpetua et Felicitate. Secreta.

INTEUDE, quæsumus Dómine, múnera, altáribus tuis pro sanctárum mártýrum Perpétuæ et Felicitátis festivitáte propósita: ut sicut per hæc beáta mystéria illis glóriam contulisti: ita nobis indulgéntiam largiáris. Per Dóminum.

Communio. Luc. 12. Fidélis servus et prudens, quem constituit dóminus super familiam suam: ut det illis in témpore tritici meusúram.

Postcommunio.

UT nobis, Dómine, tua sacrificia dent salútem: beátus Thomas Confessor tuus, et doctor egrégíus, quæsumus, precátor accédát. Per Dóminum.

Pro SS. martyrib. Perpetua et Felicitate. Postcomm.

PRÆSTA nobis, quæsumus Dómine, intercedéntibus sanctis martyribus tuis Perpétua et Felicitáte: ut quod ore contíngimus, pura mente capiámus. Per Dóminum.

Die viii. Martii.

IN FESTO S. JOANNIS
DE DEO Confessoris.

Introitus. Psal. 36.

OS justi meditábitur sapiéntiam, et língua ejus

loquetur júdicium: lex Dei ejus in corde ipsius.

Psal. ibid. Noli æmulári in malignántibus: neque zeláveris faciéntes iniquitatem.

℟. Glória Patri.

Oratio.

DEUS, qui beátum Joán-nem, tuo amóre succénsum, inter flammás innóxium incédere fecisti, et per eum Ecclésiám tuam nova prole fœcundásti: præsta ipsíus suffragántibus méritis; ut igne charitátis tuæ vítia nostra curéntur, et remédia nobis æténa provéniant. Per Dóminum nostrum.

In Quadrag. fit commem. Feriæ.

Léctio libri Sapiéntiæ.

Eccli. 31.

BEATUS vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua. Qui probátus est in illo, et perféctus est, erit illi glória æténa: qui pótuit transgrédi, et non est transgréssus: fácere mala, et non fecit: ídeò stabilita sunt bona illius in Dómino, et elemósynas illius enarábit omnis Ecclésia sanctórum.

Graduale. Psal. 91. Justus ut palma florébit: sicut cedrus Líbani multiplicábitur in domo Dómini.

℟. Ad annuntiándum mané misericórdiam tuam, et veritatem tuam per noctem.

Tractus. Psalm. 111. Beátus vir, qui timet Dóminum: in mandátis ejus cupit nimis.

℟. Potens in terra erit semen ejus : generatio rectorum benedicetur.

℣. Glória et divitiæ in domo ejus : et justitia ejus manet in sæculum sæculi.

Sequentia sancti Evangelii secundum Matthæum.

Matth. 22. d.

IN illo tempore : Accesserunt ad Jesum Pharisei : et interrogavit eum unus ex eis legis doctor, tentans eum : Magister, quod est mandatum magnum in lege? Ait illi Jesus : Diliges Dominum Deum tuum ex toto corde tuo, et in tota anima tua, et in tota mente tua. Hoc est maximum, et primum mandatum. Secundum autem simile est huic : Diliges proximum tuum, sicut teipsum. In his duobus mandatis universa lex pendet, et Prophætæ. Congregatis autem Phariseis, interrogavit eos Jesus, dicens : Quid vobis videtur de Christo? cujus filius est? Dicunt ei : David. Ait illis : Quomodo ergo David in spiritu vocat eum Dominum, dicens : Dixit Dominus Domino meo, Sede à dextris meis, donec ponam inimicos tuos scabellum pedum tuorum? Si ergo David vocat eum Dominum, quomodo filius ejus est? et nemo poterat ei respondere verbum : neque ausus fuit quisquam ex illa die eum amplius interrogare.

Offertorium. Psal. 88. Veritas tua, et misericordia mea cum ipso : et in nomine meo exaltabitur cornu ejus.

Secreta.

LAUDIS tibi, Domine, hostias immolamus in tuorum

rum commemoratione Sanctorum : quibus nos et presentibus exui malis confidimus et futuris. Per Dominum.

Communio. Matth. 24. Beatus servus, quem, cum venerit dominus, invenerit vigilantem : amen dico vobis, super omnia bona sua constituet eum.

Postcommunio.

REFFECTI cibo potuque cœlesti, Deus noster, te supplices exoramus : ut in cujus hæc commemoratione percipimus. ejus muniamur et precibus. Per Dominum.

Die ix. Martii.

IN FESTO S. FRANCISCÆ Viduæ, *Missa. Cognovi. de Comuni nec Virginis nec Mart. xxxii.*

Oratio.

DEUS, qui beatam Franciscam famulam tuam, inter cetera gratiæ tuæ dona familiari Angeli consuetudine decorasti : concede quaesumus ; ut, intercessionis ejus auxilio, Angelorum consortium consequi mereamur. Per Dominum nostrum.

Et fit commem. Feriæ si venerit, in Quadragesima.

Die x. Martii.

IN FESTO SS. QUADRAGINTA MARTYRUM.

Introitus. Psal. 33.

CLAMAVERTUR justii, et Dominus exaudivit eos : et ex omnibus tribulationibus eorum liberavit eos.

Psal. ibid. Benedicam Dominum in omni tempore : semper laus ejus in ore meo.

℣. Glória Patri.

Oratio.

PRÆSTA quæsumus, omnípotens Deus: ut qui glorióſos Mártýres fortes in ſua confeſſiõne cognóvimus, pios apud te in noſtra interceſſiõne ſentiámus. Per Dóminum.

Deinde fit commem. Feriæ.

Léctio Epíſtolæ beáti Pauli Apóſtoli ad Hebræos.

Heb. 11.

FRATRES, Sancti per fidem vicérunt regna, operáti ſunt juſtítiam, adépti ſunt re-promiſſiões, obturavérunt orationem, extinxérunt ímpetum ignis, effugérunt aciem gládii, convaluérunt de infirmitate, fortes facti ſunt in bello, caſtra vertérunt exterórum: accepérunt mulieres de reſurrectiõne mórtuos ſuos: álii autem diſténti ſunt, non ſuſcipiéntes redemptionem, ut meliõrem invenírent reſurrectiõnem. Alii verò ludibria et vébera expérti, in ſuper et vincula et cárceres: lapidati ſunt, ſecti ſunt, tentáti ſunt, in occiſiõne gládii mórtui ſunt, circuíerunt in melótiſ, in péllibus caprínis, egéntes, anguſtiáti, afflícti: quibus dignus non erat mundus: in ſolitudínibus errántes, in móntibus, et spelúncis, et in cavérnis terræ. Et hi omnes teſtimónio fidei probáti invénti ſunt: in Chriſto Jeſu Dómino noſtro.

Graduale. Psalm. 132. Ecce quàm bonum, et quàm jucúndum, habitáre fratres in unum.

V. Sicut unguéntum in cápite, quod deſcendit in barbam, barbam Aaron.

Tractus. Psal. 125. Qui séminant in lácrymis, in gáudio metent.

V. Eúntes ibant et flebant, mitténtes sémina ſua.

V. Veniéntes autem vénient cum exultatiõne, portántes mánipulos ſuos.

Sequéntia ſancti Evangélii ſecúndum Lucam.

Luc. 6.

IN illo témpore: Descéndens Jeſus de monte, ſtetit in loco campéſtri, et turba diſcipulórum ejus, et multitúdo copiõſa plebis ab omni Judæa, et Jerúſalem, et marítima, et Tyri, et Sidónis, qui vénerant, ut audirent eum, et ſanaréntur à languóribus ſuis. Et qui vexabántur à ſpíritibus immúndis, curabántur. Et omnis turba querébat eum tangere: quia virtus de illo exíbat, et ſanabat omnes. Et ipſe, elevátis óculis in diſcipulos ſuos, dicebat: Beáti páuperes: quia veſtrúm eſt regnum Dei. Beáti qui nunc eſuritis: quia ſaturabímmini. Beáti qui nunc fletis: quia ridébitis. Beáti éritis, cum vos óderint hómines, et cum ſeparáverint vos, et exprobráverint, et ejectionem nomen veſtrum tamquam malum, propter Filium hóminis. Gaudéte in illa die, et exultáte: ecce enim merces veſtra multa eſt in cœlo.

Offertorium. Ps. 31. Lætámini in Dómino, et exultáte juſti: et glóriamini omnes recti corde.

Secreta.

SACRIFICIIS præſentibus, quæsumus Dómine, inténde placátus: ut intercedéntibus ſanctis Martyribus tuis, et devotiõni noſtræ pro-

ficiant, et salutí. Per Dóminum nostrum, &c.

¶ *Si hoc festum venerit in Feriam quintam post Cineres, tunc Secreta pro commem. Feriæ debet mutari, quia est eadem cum Secreta SS. Martyrum, supra, et debet sumi Secreta ex Missa Feriæ sextæ sequentis, nempe, Sacrificium Dómine, &c.*

Communio. Matth. 12. Quicumque fecerit voluntatem Patris mei, qui in cælis est: ipse meus frater, et soror, et mater est, dicit Dóminus.

Postcommunio.

QUÆSUMUS omnipotens Deus: ut illius salutáris capiamus effectum, cujus per hæc mystéria pignus accepimus. Per Dóminum.

Die xii. Martii.

IN FESTO S. GREGORII
Papæ Conf. et Ecclesiæ Doctoris.

Introitus. Dan. 3.

SACERDOTES Dei benedicite Dóminum: sancti et húmiles corde laudáte Deum.

Dan. ibid. Benedicite ómnia ópera Dómini Dómino: laudáte et superexaltáte eum in sæcula.

℣. Glória Patri.

Oratio.

DEUS, qui animæ fámuli tui Gregórii, æternæ beatitudinis præmia contulisti: concéde propítius; ut qui peccatórum nostrórum póndere prémimur, ejus apud te precibus sublevémur. Per Dóminam.

Deinde fit commem. Feriæ.

Léctio Epístolæ beáti Pauli
Apóstoli ad Timótheum.

2 Tim. 4.

CHARISSIME, Testificor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus: prædica verbum, insta opportunè, importunè: argue, óbseca, increpa in omni patiéntia, et doctrína. Erit enim tempus, cum sanam doctrinam non sustinébunt, sed ad sua desidéria coacervábunt sibi magistros, pruriéntes áuribus, et à veritate quidem auditum avértent, ad fábulas autem converténtur. Tu verò vigila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delibor, et tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiae, quam reddet mihi Dóminus in illa die justus judex: non solum autem mihi, sed et iis qui diligunt advéntum ejus.

Graduale. Psalm. 109. Jurávit Dóminus, et non pœnitébit eum: tu es sacérdos in ætérnum secúndum órđinem Melchisedech.

℣. Dixit Dóminus Dómino meo: Sede à dextris meis.

Tractus Psalm. 111. Beátus vir, qui timet Dóminum: in mandátis ejus cupit nimis.

℣. Potens in terra erit semen ejus: generátio rectórum benedicétur. ℣. Glória et divítiae in domo ejus: et justítia ejus manet in sæculum sæculi.

Sequéntia sancti Evangélli se-
cúndum Matthæum.

Matth. 5. b.

IN illo témpore : Dixit Je-
sus discipulis suis : Vos
estis sal terræ. Quòd si sal
evanúerit, in quo saliétur ? ad
nihilum valet ultrà, nisi ut mit-
tátur foras, et conculcétur ab
homínibus. Vos estis lux mun-
di. Non potest civitas abscón-
di supra montem pósite. Ne-
que accéndunt lucérnam, et
ponunt eam sub módio, sed
super candelábrum, ut lúceat
ómibus qui in domo sunt. Sic
lúceat lux vestra coram homí-
nibus, ut vídeant ópera vestra
bona : et glorificent Patrem
vestrum, qui in cœlis est. No-
líte putáre quóniam veni sól-
vere legem, aut Prophétas :
non veni sólvete, sed adimplére.
Amen quippe dico vobis, do-
nec tránseat cœlum in terra
ióta unum, aut unus apex non
præteríbit à lege, donec ómnia
fiant. Qui ergo sólverit unum
de mandátis istis mínimis, et
docúerit sic hómines, mínimus
vocábitur in regno cœlórum :
qui autem fécerit et docúerit,
hic magnus vocábitur in re-
gno cœlórum. Credo.

Offertorium. Ps. 88. Véritas
mea, et misericórdia mea cum
ipso : et in nómine meo exal-
tábitur cornu ejus.

Secreta.

ANNUE nobis, quæsumus
Dómine, ut intercessióne
beáti Gregórii hæc nobis pro-
sit oblátio : quam immolándo,
totius mundi tribuísti relaxári
delicta. Per Dóminum.

Communio. Luc. 12. Fidélis
servus et prudens, quem con-
stituit dóminus super familiam

suam : ut det illis in témpore
tritici mensúram.

Postcommunio.

DEUS, qui beátum Gregó-
rium Pontíficem, sanctó-
rum tuórum méritis coæquás-
ti : concéde propítius ; ut qui
commemoratiónis ejus festa
percólimus, vitæ quoque imi-
témur exémpia. Per Dómi-
num.

Die xvii. Martii.

IN FESTO S. PATRITII
Episcopi et Confessoris.

Missa. Státuit ei Dóminus. de
Communi Conf. Pontif. xvi.
præter Orationem.

Oratio.

DEUS, qui ad prædicándam
Géntibus glóriam tuam
beátum Patritium Confessórem
atque Pontíficem mittere dig-
nátus es : ejus méritis, et in-
tercessióne concéde ; ut quæ
nobis agénda præcipis, te mi-
seránte adimplére possimus.
Per Dóminum.

Deinde fit commem. Feriæ.

Die xix. Martii.

IN FESTO S. JOSEPH
Sponsi B. M. V. Confessoris.

Introitus. Psal. 91.

JUSTUS, ut palma florébit :
sicut cedrus Líbani mul-
tiplicábitur : plantátus in domo
Dómini, in átriis domus Dei
nostri.

Psal. ibid. Bonum est con-
fiteri Dómino, et psállere nó-
mini tuo, Altíssime.

V. Glória Patri.

Oratio.

SANCTISSIMÆ genitricis
tuæ Sponsi, quæsumus Dó-

mine, méritis adjuvémur : ut, quod possibilitas nostra non óbtinet, ejus nobis intercessióne donétur. Qui vivis et regnas, &c.

In Quadrág. fit commem. Feriæ.

Lectio libri Sapiéntiæ.

Eccli. 45.

DILECTUS Deo et hominibus, cujus memória in benedictióne est. Símilem illum fecit in glória sanctorum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Audívit enim eum et vocem ipsíus, et indúxit illum in nubem. Et dedit illi coram præcépta, et legem vitæ et disciplinæ.

Graduale. Psal. 20. Dómine prævenisti eum in benedictiónibus dulcédinis : posuisti in cápite ejus coronam de lápide pretiósó.

✠. Vitam pétiit à te, et tribuisti ei longitudínem diérum in sæculum sæculi.

Tract. Psal. 111. Beátus vir, qui timet Dóminum : in mandátis ejus cupit nimis.

✠. Potens in terra erit semen ejus : generatio rectórum benedicétur.

✠. Glória et divítia in domo ejus : et justitia ejus manet in sæculum sæculi.

Post Pascha, dicitur : Allelúia, allelúia.

✠. *Eccli. 45.* Amávit eum Dóminus, et ornávit eum : sto-

lam glóriæ induit eum. Allelúia, allelúia.

✠. *Os. 14.* Justus germinábit sicut lílium : et florébit in ætérnum ante Dóminum. Allelúia.

Sequéntia sancti Evangélii secúndum Matthæum.

Matth. 1. c.

CUM esset desponsáta mater Jesu Maria Joseph ; ántequam convenirent, invénta est in útero habens de Spíritu sancto. Joseph autem vir ejus cum esset justus, et nollet eam tradúcere, vóluit occúltè dímítere eam. Hæc autem eo cogitánte, ecce Angelus Domini appáruit in somnis ei, dicens : Joseph filii David, noli timére accipere Mariam conjugem tuam : quod enim in ea natum est, de Spíritu sancto est. Páriet autem filium, et vocábis nomen ejus Jesum : ipse enim salvum fáciét pópulum suum à peccátis eórum.

Offertorium. Ps. 88. Véritas mea, et misericórdia mea cum ipso : et in nómine meo exaltábitur cornu ejus.

Secreta.

DEBITUM tibi, Dómine, nostræ réddimus servitútis, suppliciter exoránte : ut suffrágiis beáti Joseph Sponsi genitricis Filii tui Jesu Christi Dómini nostri, in nobis tua múnera tueáris ; ob cujus venerándam festivitátem, laudis tibi hóstias immolámus. Per eúndem Dóminum.

Communió. Matth. 1. Joseph fili David, noli timére accipere Mariam conjugem tuam : quod enim in ea natum est de Spíritu sancto est.

Postcommunio.

ADESTO nobis, quæsumus, misericors Deus: et intercedente pro nobis beato Joseph Confessore, tua circa nos propitiatus dona custodi. Per Dóminum.

*Die xxi. Martii.*IN FESTO S. BENEDICTI
Abbatis.

Missa. Os justi. de Communi Abbatum. xxiv.

De Festis Duplicibus, et Semiduplicibus, quæ veniunt à Dominica Palmarum usque ad Oct. Paschæ, nihil fit, sed post Oct. celebrantur: et tunc in fine Introitus ante Psalmum dicuntur duo Allelúia, et in fine Offertorii, et Communionis unum Allelúia. Post Epistolam non dicitur Graduale, sed dicuntur duo Versus, cum quatuor Allelúia, ut notatum est in Sabbato in Albis.

Et hoc idem observatur in omnibus Festis, quæ celebrantur inter Pascha et Pentecosten.

*Die xxv. Martii.*IN FESTO ANNUNTIATIONIS
B. M. VIRG.

Introitus. Psal. 44.

VULTUM tuum deprecabuntur omnes divites plebis: adducéntur Regi vírgines post eam: próximæ ejus adducéntur tibi in lætítia et exultatione.

Psal. ibid. Eructávit cor meum verbum bonum: dico ego opera mea Regi.

℣. Glória Patri.

Oratio.

DEUS, qui de beatæ Mariæ virginis útero, Verbum tuum, Angelo nuntiánte, carnem suscipere voluísti: præsta

supplicibus tuis: ut qui verè eam genitricem Dei crédimus, ejus apud te intercessiónibus adjuvémur. Per eúndem Dóminum.

Si celebretur in Quadrages. fit commem. Feriæ.

Lectio Isaíæ Prophætæ.

Isa. 7. b.

IN diébus illis: Locútus est Dóminus ad Achaz, dicens: Pete tibi signum à Dómino Deo tuo in profúndum inférni, sive in excélsum suprà. Et dixit Achaz: Non petam, et non tentábo Dóminum. Et dixit: Audíte ergo domus David: Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce virgo concípíet, et páriet filium, et vocábitur nomen ejus Emmánuel. Butyrum et mel cómedet, ut sciat reprobáre malum, et eligere bonum.

Graduale. Psal. 44. Diffúsa est grátia in lábiis tuis: propterea benedíxit te Deus in ætérnum.

℣. Propter veritátem, et mansuetúdinem, et justítiam, dedúcet te mirabíliter dextera tua.

Tractus. ibid. Audi filia, et vide, et inclína aurem tuam: quia concupívit Rex spécíem tuam.

℣. Vultum tuum deprecabuntur omnes divites plebis: filiæ regum in honóre tuo.

℣. Adducéntur Regi vírgines post eam: próximæ ejus afferéntur tibi.

℣. Adducéntur in lætítia, et exultatione: adducéntur in templum Regis.

Post Pascha, omissis Graduali, et Tractu, dicitur Allelúia, allelúia.

V. Luc. 1. Ave María, grátia plena: Dóminus tecum: Benedicta tu in muliéribus. Allelúia.

V. Virga Jesse flóruit: virgo Deum et hóminem génuít: pacem Deus réddidit: in se reconcilians ima summis. Allelúia.

Sequéntia sancti Evangéllii secúndum Lucam.

Luc. 1.

IN illo témpore: Missus est Angelus Gábriél à Deo in civitátem Galilææ, cui nomen Názareth, ad vírginem desponsátam viro, cui nomen erat Joseph, de domo David: et nomen vírginis María. Et ingressus Angelus ad eam, dixit: Ave grátia plena: Dóminus tecum: Benedicta tu in muliéribus. Quæ cùm audíssit, turbáta est in sermóne ejus et cogitábat qualis esset ista salutatío. Et ait Angelus ei: Ne timeás María, invenísti enim grátiam apud Deum: ecce concípies in útero, et páries filium, et vocábis nomen ejus Jesum. Hic erit magnus, et Filius Altíssimi vocábitur: et dabit illi Dóminus Deus sedem David patris ejus: et regnábit in domo Jacob in ætérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognóscó? Et respóndens Angelus, dixit ei: Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Filius Dei. Et ecce Elisabeth cognáta tua, et ipsa concépit filium in senectúte sua, et hic

mensis sextus est illi, quæ vocátur stérilis: quia non erit impossibile apud Deum omne verbum. Dixit autem María: Ecce ancílla Dómini, fiat mihi secúndum verbum tuum. Credo.

Offertorium. Luc. 1. Ave María, grátia plena: Dóminus tecum: Benedicta tu in muliéribus, et benedictus fructus ventris tui.

Secreta.

IN méntibus nostris, quæsumus Dómine, veræ fidei sacraménta confirma: ut, qui concéptum de vírgine Deum verum et hóminem confitémur, per ejus salutíferæ resurrectionis poténtiam, ad ætérnam mereámur pervenire lætítiam. Per eúmdem Dóminum.

Præfatio de B. Maria. Et te in Annuntiatióne Beátæ Mariæ.

Communio. Isa. 7. Ecce virgo concipiet, et páriet filium: et vocábitur nomen ejus Emánuël.

Postcommunio:

GRATIAM tuam, quæsumus Dómine, méntibus nostris infúnde: ut, qui Angelo nuntiánte, Christi Filii tui incarnationem cognóvimus: per passiónem ejus et crucem, ad resurrectionis glóriam perducámur. Per eúmdem Dóminum.

Feria vi. post Dominicam Passionis.

MISSA DE SEPTEM DOLORIBUS, B. M. VIRG.

Si autem hoc Festum occurrat cum alio duplici primæ vel secundæ classis, transfertur ad

Sabbatum sequens, non obstante quod illa die occurrat aliud Festum, dummodo non sit altioris dignitatis; non tamen transferatur ad tempus Paschale.

Introitus. Joan. 10.

STABANT juxta Crucem Jesu, Mater ejus, et soror Matris ejus, Maria Cléophæ, et Salómæ, et Maria Magdaléne.

Vers. ibid. Múlier, ecce filius tuus, dixit Jesus; ad discipulum autem: Ecce mater tua.

V. Glória Patri.

Oratio.

DEUS, in cujus Passióne, secundùm Simeónis prophetiam, dulcíssimam ánimam gloriósæ vírginis et matris Mariæ dolóris gládus pertransívit: concéde propítius; ut qui transfixiónem ejus et passiónem venerándo recólimus, gloriósis meritis et précibus ómnium Sanctórum Cruci fidéliter astántium intercedéntibus, passiónis tuæ efféctum felicem consequámur. Qui vivis et regnas cum Deo Patre in unitate, &c.

Lectio libri Judith.

Jud. 13.

BENEDIXIT te Dóminus in virtúte sua, quia per te ad níhilum redégit inimicos nostros. Benedícta es tu filia à Dómino Deo excélsó, præ ómnibus muliéribus super terram. Benedíctus Dóminus, qui creávit cælum et terram: quia hódie nomen tuum ita magnificávit, ut non recédát laus tua de ore hóminum, qui mémoires fúerint virtútis Dómini in ætérnum: pro quibus non pepercisti ánimæ tuæ propter angústias et tribulatióne

généris tui, sed subvenísti ruínæ ante conspéctum Dei nostri.

Graduale. Dolorósa et lacrymábilis es virgo María, stans juxta Crucem Dómini Jesu filii tui Redemptóris.

V. Virgo Dei Génitrix, quem totus non capit orbis, hoc Crucis fert supplicium vitæ factus homo.

Tractus. Joan. 19. Stabat sancta María, cœli Regína, et mundi Dómina, juxta Crucem Dómini nostri Jesu Christi dolorósa.

V. Thren. 1. O vos omnes, qui transítis per viam, attendite, et vidéte si est dolor sicut dolor meus.

Sequentia.

[*In Missis Motiv. omittitur.*]

STABAT Mater dolorósa
Juxta Crucem lacrymósa,
Dum pendébat Fílius.
Cujus ánimam geméntem,
Contristátam et doléntem,
Pertransívit gládus.

O quàm trístis et afflícta
Fuit illa benedícta
Mater Unigéniti!

Quæ mœrébat, et dolébat,
Et tremébat, cùm vidébat
Nati poenas ínclýti.

Quis est homo qui non fleret,
Christi Matrem si vidéret
In tanto supplicio?

Quis posset non contristári,
Píam Matrem contemplári,
Doléntem cum Filio?

Pro peccátis suæ gentis
Vidit Jesum in torméntis,
Et flagéllis súbditum.

Vidit suum dulcem natum
Moriéntem desolátum.

Dum emísit spíritum.
Eja Mater fons amóris,
Me sentíre vim dolóris
Fac, ut tecum lúgeam.

Fac ut árdeat cor meum
 In amándo Christum Deum,
 Ut sibi compláceam.
 Sancta mater istud agas,
 Crucifixi fige plagas
 Cordi meo válide.
 Tui nati vulneráti,
 Tam dignáti pro me pati,
 Pœnas mecum dívide.
 Fac me verè tecum flere,
 Crucifixo condolère,
 Donec ego víxero.
 Juxta Crucem tecum stare,
 Te libénter sociáre
 In planctu desidéro.
 Virgo víginum præclára,
 Mihi jam non sis amára.
 Fac me tecum plángere.
 Fac ut portem Christi mortem.
 Passiónis fac consórtem,
 Et plagas recólere.
 Fac me plagis vulnerári,
 Cruce hac inebriári,
 Ob amórem Fílii.
 Inflammátus, et accénsus,
 Per te, Virgo, sim defénsus
 In die Judícii.
 Fac me cruce custodíri,
 Morte Christi, præmuníri,
 Confoveri grátia.
 Quando corpus moriétur,
 Fac ut ánimæ donétur
 Paradísi glória. Amen.

Sequéntia sancti Evangéllii se-
 cúndum Joánnem.

Joan. 19. c.

IN illo témpore : Stabant
 juxta Crucem Jesu Mater
 ejus, et soror Matris ejus Ma-
 ria Cléophæ, et María Mag-
 daléne. Cùm vidisset ergo
 Jesus Matrem, et discipulum
 stantem, quem diligébat, di-
 cit Matri suæ : Múlier, ecce
 filius tuus. Deínde dicit discí-
 pulo : Ecce Mater tua. Et ex

illa hora accépit eam discípu-
 lus in sua. Credo.

Offertorium. Recordáre vir-
 go Mater Dei, dum stéteris in
 conspéctu Dómini ut loquá-
 ris pro nobis bona, et ut avér-
 tas indignatiónem suam à no-
 bis.

Secreta.

OFFERIMUS tibi preces et
 hostias, Dómine Jesu
 Christe, humiliter supplicán-
 tes : ut qui transfixiónem dul-
 císsimi spíritus beátæ Mariæ
 Matris tuæ précibus recensé-
 mus ; suæ, suorúmque sub
 Cruce Sanctórum consórtium,
 multiplicáto piíssimo interven-
 tu, méritis mortis tuæ, méritum
 cum Beátis habeámus.
 Qui vivis et regnas.

Præfatio, de B. M. V. Et te
 in transfixiónem.

Communio. Felices sensus
 beátæ Mariæ virginis, qui si-
 ne morte meruerunt martyrii
 palmam sub Cruce Dómini.

Postcommunio.

SACRIFICIA quæ súmpsi-
 mus, Dómine Jesu Christe,
 transfixiónem Matris tuæ et
 virginis devotè celebrántes, no-
 bis ímpetrent apud clemén-
 tiam tuam omnis boni salutáris
 efféctum. Qui vivis et regnas.

In Missis votivis dicatur sequens

Oratio.

INTERVENIAT pro nobis,
 quæsumus Dómine Jesu
 Christe, nunc, et in hora mor-
 tis nostræ apud tuam clemén-
 tiam beáta virgo María mater
 tua, cujus sacratíssimam áni-
 mam in hora tuæ passiónis do-
 lóris gládus pertransívit. Qui
 vivis et regnas.

FESTA APRILIS.

*Die ii. Aprilis.*IN FESTO S. FRANCISCI
de Paula Confessoris.*Introitus. Psal. 91.***J**USTUS ut palma florébit :
sicut cedrus Líbani multiplicábitur : plantátus in domo Dómini, in átriis domus Dei nostri.*Psal. ibid.* Bonum est confitéri Domino, et psállere nómini tuo, Altíssime.

V. Glória Patri.

*Oratio.***D**EUS humílium celsitúdo, qui beátum Franciscum Confessórem, sanctórum tuórum glória sublimásti : tribue quæsumus, ut ejus méritis et imitatioe promissa humílibus præmia feliciter consequámur. Per Dóminum.*In Quadrag. fit comm. Feriæ.*Léctio Epístolæ beáti Pauli
Apóstoli ad Philippéneses.*Phil. 3. b.***F**RATRES, Quæ mihi fuerunt lucra, hæc arbitrátus sum propter Christum detrimenta. Verúmtamen exístimo, ómnia detrimentum esse propter eminentem sciéntiam Jesu Christi Dómini mei : propter quem ómnia detrimentum feci, et árbitor ut stercora : ut Christum lucrifáciam, et invéniar in illo, non habens meam justítiam, quæ ex lege est, sed illam, quæ ex fide est, Christi Jesu : quæ ex Deo est justítia in fide, ad cognoscéndum illum, et virtútem resurrectiois ejus, et societátem passiois illius : configurátus morti ejus. Si quo modo occúrram ad resurrectioem, quæ est ex mórtuis :

non quòd jam accéperim, aut jam perféctus sim : sequor autem, si quo modo comprehéndam, in quo et comprehénsus sum à Christo Jesu.

Graduale. Psal. 36. Os justí meditábitur sapiéntiam, et lingua ejus loquétur judícium. V. Lex Dei ejus in corde ipsíus : et non supplantabúntur gressus ejus.*Tractus. Psal. 111.* Beátus vir, qui timet Dóminum : in mandátis ejus cupit nimis.

V. Potens in terra erit semen ejus : generatio rectórum benedicétur.

V. Glória et divítia in domo ejus : et justítia ejus manet in sæculum sæculi.

Tempore Paschali omittitur Graduale, et ejus loco dicitur, Allelúia, allelúia. V. Beátus vir, qui timet Dóminum : in mandátis ejus cupit nimis. Allelúia. V. Osee 14. Justus germinábit sicut lílium : et florébit in ætérnum ante Dóminum. Allelúia.

Sequéntia sancti Evangélii secúndum Lucam.

*Luc. 12. d.***I**N illo tẽpore : Dixit Jesus discíplis suis : Nolite timére pusillus grex, quia complácuít Patri vestro dare vobis regnum. Véndite quæ possidétiis, et date eleemósynam. Facite vobis fácculos qui non veteráscunt, thesáurum non deficiéntem in cœlis : quòd fur non apprópiat, neque tinea corrúmpit. Ubi enim thesáurus vester est, ibi et cor vestrum erit.*Offertorium. Psal. 20.* In virtúte tua, Dómine, lætábitur justus, et super salutáre tuum

exultabit vehemēter : desiderium animæ ejus tribuisti ei.

Secreta.

HÆC dona devotæ plebis, Dómine, quibus tua cumulamus altária, beati Francisci méritis, tibi grata, nobisque salutária, te miserante, reddantur. Per Dóminum.

Communio. Matth. 19. Amen dico vobis, quod vos qui reliquistis ómnia, et secuti estis me, centuplum accipietis, et vitam æternam possidebitis.

Postcommunio.

SUMPTA, Dómine, sacramenta cœlestia : beato Francisco Confessore tuo intercedente precamur, ut et temporalis vitæ subsidia nobis conferant, et æternæ. Per Dóminum.

Die iv. Aprilis.

IN FESTO S. ISIDORI
Episcopi, et Confess.

Missa. In médio Ecclésiæ. de Communi Doctorum. xx. cum Credo.

Die v. Aprilis.

IN FESTO S. VINCENTII
FERRERII Confess.

Missa. Os justi. de Communi Confess. non Pontificis xxii. præter Orationem sequentem.

Oratio.

DEUS, qui Ecclésiam tuam beati Vincéntii Confessoris tui méritis et prædicatione illustrare dignatus es : concède nobis famulis tuis, ut et ipsius instruamur exemplis, et ab ómnibus ejus patrocinio liberemur adversis. Per Dóminum.

Die xi. Aprilis.

IN FESTO S. LEONIS
Papæ et Confess.

Introitus. Eccli. 15.

IN médio Ecclésiæ aperuit os ejus : et implevit eum Dóminus spiritu sapiéntiæ, et intelléctus : stolam glóriæ induit eum.

Psal. 91. Bonum est confiteri Dómino : et psallere nómini tuo, Altíssime.

V. Glória Patri.

Oratio.

EXAUDI, quæsumus Dómine, preces nostras, quas in beati Leonis Confessoris tui atque Pontificis solemnitate deférimus : et qui tibi dignè méruit famulári, ejus intercedentibus méritis, ab ómnibus nos absolve peccátis. Per Dóminum.

Lectio libri Sapiéntiæ.

Eccli. 39.

JUSTUS cor suum tradet ad vigilandum dilúculò ad Dóminum, qui fecit illum, et in conspéctu Altíssimi deprecábitur. Apériet os suum in oratione, et pro delictis suis deprecábitur. Si enim Dóminus magnus volúerit, spiritu intelligéntiæ replébit illum : et ipse tamquam imbres mittet elóquia sapiéntiæ suæ, et in oratione confitébitur Dómino : et ipse diriget consílium ejus, et disciplinam, et in absconditis suis consiliábitur. Ipse palám faciet disciplinam doctrinæ suæ, et in lege testaménti Dómini gloriábitur. Collaudábunt multi sapiéntiam ejus : et usque in sæculum non delébitur. Non recedet memória ejus : et nomen ejus requiré-

tur à generatióne in generatióne. Sapiéntiam ejus enarrábunt gentes, et laudem ejus enuntiábit Ecclésia.

Graduale. Psal. 36. Os justi meditábitur sapiéntiam, et lingua ejus loquétur judicium.

℣. Lex Dei ejus in corde ipsius: et non supplantabúntur gressus ejus.

Tractus. Beátus vir, qui timet Dóminum: in mandátis ejus cupit nimis. ℣. Potens in terra erit semen ejus: generatio rectórum benedicétur. ℣. Glória, et divitiæ in domo ejus: et justitia ejus manet in sæculum sæculi.

Post Pascha. Allelúia, allelúia.

℣. *Eccl. 45.* Amávit eum Dóminus, et ornávit eum: stolam glóriæ induit eum. Allelúia.

℣. *Osee 14.* Justus germinábit sicut lilium: et florébit in ætérnum ante Dóminum. Allelúia.

Sequéntia sancti Evangélii secúndum Matthæum.

Matth. 16.

IN illo témpore: Venit Jesus in partes Cæsaráe Philippí: et interrogábat discipulos suos, dicens: Quem dicunt hómines esse Filium hóminis? At illi dixérunt: Alii Joánnem Baptístam, alii autem Eliám, alii verò Jeremíam, aut unum ex Prophétis. Dicit illis Jesus: Vos autem quem me esse dicitis? Respóndens Simon Petrus dixit: Tu es Christus Filius Dei vivi. Respóndens autem, Jesus dixit ei: Beátus es Simon Bar-Jóna: quia caro et sanguis non revelávit tibi, sed Pater meus, qui in cœlis est. Et ego dico tibi,

quia tu es Petrus, et super hanc petram ædificábo Ecclésiam meam, et portæ inferi non prævalébunt advérsus eam. Et tibi dabo claves regni cœlórum. Et quodcúmque ligáveris super terram, erit ligátum et in cœlis: et quodcúmque sólveris super terram, erit solútum et in cœlis. Credo.

Offertorium. Psal. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

SANCTI Leónis confessóris tui atque Pontificis, quæsumus Dómine, ánnua solémnitas pietáti tuæ nos reddat accéptos: ut per hæc piæ placatiónis officia, et illum beáta retribútió comitétur, et nobis grátia tuæ dona concíliet. Per Dóminum.

Communio. Matth. 24. Beátus servus, quem, cùm vénerit Dóminus, invénerit vigilántem: amen dico vobis, super ómnia bona sua constitúet eum.

Postcommunio.

DEUS, fidélium remunerátor animárum: præsta, ut beáti Leónis confessóris tui atque Pontificis cujus venerándam celebrámus festivitátem, précibus indulgéntiam consequámur. Per Dóminum.

Die xiii. Aprilis.

IN FESTO S. HERMENE-
GILDI martyris.

Introitus. Psal. 20.

PROTEXISTI me Deus à
convéntu malignántium, al-

allelúia: à multitudíne operántium iniquitátem, allelúia, allelúia.

Psalm. ibid. Exáudi Deus orationem meam cum deprecor: à timóre inimíci éripe animam meam.

℣. Glória Patri.

Oratio.

DEUS, qui beátum Hermenegildum mártýrem tuum cœlesti regno terrénium postpónere docuísti; da quæsumus nobis, ejus exémplo cadúca despícere, atque æterna sectári. Per Dóminum.

Lectio libri Sapiéntiæ.

Sap. 5.

STABUNT justí in magna constantia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitióné insperatæ salutis, dicéntes intra se, poeniténtiam agéntes, et præ angústia spiritus geméntes: Hi sunt, quos habúimus aliquándo in derisum, et in similitúdinem improperii. Nos insensáti vitam illórum æstimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est.

Allelúia, allelúia. ℣. Confitebúntur cœli mirabilia tua Dómine: étenim veritátem tuam in ecclésia sanctórum. Allelúia. ℣. Posuísti Dómine super caput ejus corónam de lapide pretiósó. Allelúia.

Sequéntia sancti Evangélii secúndum Lucam.

Luc. 14.

IN illo témpore: Dixit Jesus turbis: Si quis venit

ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discipulus. Et qui non bájulat crucem suam, et venit post me, non potest meus esse discipulus. Quis enim ex vobis volens turrim ædificáre, non prius sedens cômputat sumptus, qui necessarij sunt, si hábeat ad perficiéndum; ne, posteaquam posúerit fundaméntum, et non potúerit perficere, omnes qui vident, incípiant illúdere ei, dicéntes: Quia hic homo cœpit ædificáre, et non pótuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem millibus occúrrere ei, qui cum viginti millibus venit ad se? alióquin adhuc illo longè agente, legatiónem mittens, rogat ea quæ pacis sunt. Sic ergo omnis ex vobis, qui non renúntiat ómnibus quæ póssidet, non potest meus esse discipulus.

Offertorium. Psal. 88. Confitebúntur cœli mirabilia tua Dómine, et veritátem tuam in Ecclésiam sanctórum, allelúia, allelúia.

Secreta.

MUNERIBUS nostris, quæsumus Dómine, precibusque suscéptis, et cœlestibus nos munda mystériis, et cleménter exáudi. Per Dóminum.

Communio. Psal. 63. Lætábitur justus in Dómino, et sperábit in eo: et laudabúntur omnes recti corde, allelúia, allelúia.

Postcommunio.

DA quæsumus Dómine Deus noster: ut sicut tuórum commemoratióne Sanctórum, temporáli gratulamur officio; ita perpétuo lætémur aspéctu. Per Dóminum.

Si autem celebretur tempore Quadrag. Missa: In virtúte. ut in Communi unius Mart. non Pontificis iv. cum Orationibus et Evangelio supradictis: et fit commemor. Feriæ occurr. et Oratio tertia erit, A cunctis. et in fine Missæ legitur Evangel. Feriæ.

Die xiv. Aprilis.

SS. MART. TIBURTHII, VALERIANI, ET MAXIMI.

Si venerit in Quadragesima, fit de eis commemoratio tantum. Si autem post Pascha dicitur sequens Missa; quod et in similibus servatur.

Introitus. Psal. 144.

SANCTI tui, Dómine, benedicent te: glóriam regni tui dicent, allelúia, allelúia.

Ps. ibid. Exaltábo te Deus meus Rex, et benedicam nómini tuo in sæculum, et in sæculum sæculi.

V. Glória Patri.

Oratio.

PRÆSTA quæsumus omnipotens Deus: ut, qui sanctórum mártýrum tuórum Tibúrtii, Valeriani, et Máximi solémnia cólimus, eórum étiam virtútes imitémur. Per Dóminum.

Léctio libri Sapiéntiæ.

Sap. 5.

STABUNT justi in magna constantia advérsus eos, qui se angustiavérunt, et qui ab-

stulérunt labóres eórum. Vidéntes turbabúntur timóre horribili, et mirabúntur in subitantióne insperatæ salutis, dicéntes intra se, pœniténtiam agéntes, et præ angústia spíritus geméntes: Hi sunt, quos habúimus aliquándo in derisum, et in similitúdinem impropérii. Nos insensáti vitam illórum æstimabámus insániam, et finem illórum sine honóre: ecce quómo modo computáti sunt inter filios Dei, et inter sanctos sors illórum est.

Allelúia, allelúia. *V. Sancti tui Dómine florébunt sicut lílium, et sicut odor bálsami erunt ante te. Allelúia.*

V. Psal. 115. Pretiósá in conspéctu Dómini mors sanctórum ejus. Allelúia.

Sequéntia sancti Evangélii secúndum Joánnem.

Joan. 15.

IN illo témpore: Dixit Jesus discipulis suis: Ego sum vitis vera: et Pater meus agricola est. Omnem pálmitem in me non feréntem fructum, tollet eum: et omnem qui fert fructum, purgábit eum, ut fructum plus áfferat. Jam vos mundi estis propter sermónem, quem locúsus sum vobis. Manéte in me: et ego in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me manséritis. Ego sum vitis, vos pálmítes: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, et arescet,

et colligent eum, et in ignem mittent, et ardet. Si manseritis in me, et verba mea in vobis manserint, quodcumque volueritis, petetis, et fiet vobis.

Offertorium. Psal. 31. Lætámini in Dómino, et exultáte justí: et gloriámini omnes recti corde, allelúia, allelúia.

Secreta.

HÆC hóstia, quæsumus Dómine, quam Sanctórum mártýrum tuórum natalítia recensétes offerimus, et víncula nostræ pravitátis absolvat, et tuæ nobis misericórdiæ dona conciliet. Per Dóminum.

Communio. Psal. 32. Gaudéte justí in Dómino, allelúia: rectos decet collaudátio, allelúia.

Postcommunio.

SACRO múnere satiáti, supplices te Dómine deprecámur: ut quod débitæ servitútis celebrámus officio, salvatiónis tuæ sentiámus augmentum. Per Dóminum.

Die xvii. Aprilis.

S. ANICETI Papæ et Mártýris.

Introitus. Psal. 63.

PROTEXISTI me Deus à convéntu malignántium, allelúia: à multítudine operántium iniquitátem, allelúia, allelúia.

Psalm. ibid. Exáudi Deus oratiónem meam cum deprecor: à timóre inimíci éripe ánimam meam.

℟. Glória Patri.

Oratio.

DEUS, qui nos beáti Aniceti mártýris tui atque

Pontíficis, ánnua solemnitáte lætifícas: concéde propítius: ut cujus natalítia cólimus, de ejúsdem étiam protectióne gaudeámus. Per Dóminum.

Léctio libri Sapiéntiæ.

Sap. 5.

STABUNT justí in magna constantia advérsus eos qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitátione insperátæ salutis, dicéntes intra se, pœniténtiam ágéntes, et præ angústia spíritus geméntes: Hi sunt, quos habúimus aliquándo in dérísu, et in similitúdinem impropéperii. Nos incensáti vítam illórum æstimábamus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est.

Allelúia, allelúia.

℟. *Psal. 88.* Confitebúntur cœli mirabília tua Dómine; étenim veritátem tuam in Ecclésia sanctórum. Allelúia.

℟. *Psal. 20.* Posuisti Dómine super caput ejus corónam de lápide pretiósó. Allelúia.

Sequéntia sancti Evangélii secúndum Joánnem.

Joan. 16. c.

IN illo témpore: Dixit Jesus discíplis suis: Amen, amen dico vobis: quia plorábitis, et flébitis vos, mundus autem gaudébit: vos verò contristabimini, sed tristítia vestra vertétur in gáudium. Múlier cum parit, tristítiam habet, quia venit hora ejus: cum autem pepérerit púerum, jam non méminit pressúræ, propter gáudium.

dium, quia natus est homo in mundum. Et vos igitur nunc quidem tristitiam habétis: iterum autem vidébo vos, et gaudébit cor vestrum: et gáudium vestrum nemo tollet à vobis.

Offertorium. Psal. 88. Confitebúntur cœli mirabilia tua Dómine, et veritátem tuam in Ecclésia sanctorum. Allelúia, allelúia.

Secreta.

MUNERA tibi, Dómine, dicáta sanctifica: et intercedente beáto Anicéto mártire tuo atque Pontífice, per eadem nos placátus inténde. Per Dóminum.

Communio. Ps. 67. Lætábitur justus in Dómino, et sperábit in eo: et laudabúntur omnes recti corde. Allelúia, allelúia.

Postcommunio.

HÆC nos commúio, Dómine, purget à crimine: et intercedente beáto Anicéto mártire tuo atque Pontífice, cœlestis remédii fáciat esse consórtes. Per Dóminum.

Die xxi. Aprilis.

IN FESTO S. ANSELMI
Episcopi et Confessoris.

Missa. In médio Ecclésiæ.
de Communi Doctorum. xx. cum
Credo.

Die xxii. Aprilis.

IN FESTO SS. SOTERIS,
ET CAII Pontíficum, et
martyrum.

Introitus. Psal. 144.

SANCTI tui, Dómine, benedicent te: glóriam regni tui dicent. Allelúia, allelúia.

Psal. ibid. Exaltábo te Deus meus Rex, et benedicam nómini tuo in sæculum, et in sæculum sæculi.

Ÿ. Glória Patri.

Oratio.

BEATORUM mártirum, paritérque Pontíficum Sotéris et Caii nos, quæsumus Dómine, festa tueántur: et eórum comméndet oratio veneránda. Per Dóminum.

Léctio libri Apocalypsis beáti
Joánnis Apóstoli.

Apoc. 19.

IN diébus illis: Post hæc ego Joánes audivi quasi vocem turbárum multárum in cœlo, dicéntium: Allelúia: Salus, et glória, et virtus Deo nostro est: quia vera et justa sunt judícia ejus, qui judicávit de meretrice magna, quæ corrúpit terram in prostitutióne sua, et vindicávit sánguinem servórum suórum de mánibus ejus. Et iterum dixerunt: Allelúia. Et fumus ejus ascéndit in sæcula sæculórum. Et ceciderunt senióres viginti-quátuor, et quátuor animalia, et adoravérunt Deum sedentem super thronum, dicéntes: Amen: Allelúia. Et vox de throno exívit, dicens: Laudem dicite Deo nostro omnes servi ejus, et qui tímétis eum, pusilli et magni. Et audivi quasi vocem turbæ magnæ, et sicut vocem aquárum multárum, et sicut vocem tonitruórum magnórum, dicéntium: Allelúia: quóniam regnávit Dóminus Deus noster omnipotens. Gaudeámus, et exultémus, et demus glóriam ei: quia venerunt nuptiæ

Agni, et uxor ejus præparávit se. Et datum est illi, ut coopériat se byssino splendénti et cándido. Byssinum enim justificatiónes sunt sanctórum. Et dixit mihi: Scribe: Beáti, qui ad cœnam nuptiárum Agni vocati sunt.

Allelúia, allelúia. *℟.* Sancti tui Dómine florébunt sicut lílium, et sicut odor balsami erunt ante te. Allelúia.

℣. *Psalm.* 115. Pretiósá in conspéctu Dómini mors sanctórum ejus. Allelúia.

Sequéntia sancti Evangélii secúndum Joánnem.

Joan. 15.

IN illo témpore: Dixit Jesus discipulis suis: Ego sum vitis, vos pálmites: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint: quodcúmque voluéritis, petétis, et fiet vobis. In hoc clarificátus est Pater meus, ut fructum plúrium afferátis, et efficiámini mei discipuli. Sicut diléxit me Pater, et ego diléxi vos. Manéte in dilectiône mea. Si præcépta mea servavéritis, manébitis in dilectiône mea, sicut et ego Patris mei præcépta servávi, et máneo in ejus dilectiône. Hæc loqútus sum vobis: ut gáudium meum in vobis sit, et gáudium vestrum impleátur.

Offertorium. *Ps.* 31. Lætámini in Dómino, et exultáte

justi: et gloriámini omnes recti corde. Allelúia.

Secreta.

ADESTO Domine supplicatióibus nostris, quas in Sanctórum tuórum commemoratióne deférimus: ut, qui nostræ justítiæ fidúciam non habémus, eórum qui tibi placuérunt, méritis adjuvémur. Per Dóminum.

Communio. *Psal.* 32. Gaudéte justi in Dómino, allelúia: rectos decet collaudátio, allelúia.

Postcommunio.

QUÆSUMUS Dómine, salutáribus repléti mystériis: ut quorum solémnia celebrámus, eórum oratióibus adjuvémur. Per Dóminum nostrum Jesum Christum Filium tuum, &c.

Si hoc Festum transferatur post Pentecosten, tunc Missa erit, Intret in conspéctu tuo.

Oratio. Beatórum mártýrum. *de Communi plurimorum Mártýrum extra tempus Paschale.* xii.

Die xxiii. Aprilis.

IN FESTO S. GEORGII
martyris.

PROTEXISTI me Deus à convéntu malignántium, allelúia: à multitúdiine operántium iniquitátem. Allelúia, allelúia.

Psal. ibid. Exáudi Deus oratiónem meam cùm deprecor: à timóre inimíci éripe ánimam meam.

℟. Glória Patri.

Oratio.

DEUS, qui nos beáti Geórgii mártýris tui méritis et intercessiône lætíficas: con-

cède propitius ; ut, qui, tua per eum beneficia póscimus, dono tuæ grátia consequámur. Per Dóminum.

Léctio Epístolæ beáti Pauli Apóstoli ad Timótheum.

2 Tim. 2.

CHARISSIME, Memor esto Dóminum Jesum Christum resurrexisse à mórtuis ex sémine David, secúndum Evangelium meum, in quo labóro usque ad víncula, quasi malè óperans : sed verbum Dei non est alligátum. Ideò ómnia sustíneo propter eléctos, ut et ipsi salútem consequántur, quæ est in Christo Jesu, cum glória cœlésti. Tu autem assecútus es meam doctrínam, institutió- nem, propósitum, fidem, longanimitátem, dilectiÓNem, patiéntiam, persecutiÓnes, passiÓnes : quália mihi facta sunt Antiochiæ, Iconii, et Lystris : quales persecutiÓnes sustinui, et ex ómnibus erípuit me Dóminus. Et omnes, qui piè volunt vívere in Christo Jesu, persecutiÓnem patiéntur.

Allelúia, allelúia.

V. Psal. 88. Confitebúntur cœli mirabilia tuæ Dómine : étenim veritátem tuam in Ecclesia sanctorum. Allelúia.

V. Psal. 20. Posuisti Dómine super caput ejus corónam de lapide pretiÓso. Allelúia.

Sequéntia sancti Evangelii secúndum Joánnem.

Joan. 15.

IN illo témpore : Dixit Jesus discipulis suis : Ego sum vitis vera : et Pater meus agricola est. Omnem pálm-

tem in me non feréntem fructum, tollet eum : et omnem qui fert fructum, purgábit eum, ut fructum plus afferat. Jam vos mundi estis propter sermónem, quem locútus sum vobis. Manéte in me : et ego in vobis. Sicut palmes non potest ferre fructum à semetípso, nisi mánserit in vite : sic nec vos, nisi in me manséritis. Ego sum vitis, vos pálmities : qui manet in me, et ego in eo, hic fert fructum multum : quia sine me nihil potéstis fácere. Si quis in me non mánserit, mittétur foras sicut palmes, et aréscet, et cölligent eum, et in ignem mittent, et ardet. Si manséritis in me, et verba mea in vobis mánserint : quodcúmque volúeritis, petétis, et fiet vobis.

Offertorium. Psal. 88. Confitebúntur cœli mirabilia tua Dómine : et veritátem tuam in Ecclesia sanctorum. Allelúia, allelúia.

Secreta.

MUNERA Dómine, oblata sanctífica : et intercedénte beáto Geórgio martyre tuo, nos per hæc à peccatórum nostrórum máculis emúnda. Per Dóminum.

Communio. Psal. 63. Lætábitur justus in Dómino, et sperábit in eo : et laudabúntur omnes recti corde. Allelúia, allelúia.

Postcommunio.

SUPPLICES te rogámus S omnípotens Deus : ut, quos tuis réficis sacraméntis, intercedénte beáto Geórgio martyre tuo, tibi étiam plácitis

móribus dignanter tribuas deservire. Per Dóminum.

¶ *Si prædictum Festum transferatur post Dominicam Trinit. Missa erit, In virtúte. de Comuni. iv. cum Orationibus ex Missa, Protexisti. ut suprâ. Evangel. Si quis venit. iii.*

Die xxiv. Aprilis.

IN FESTO S. FIDELIS A SIGMARINGA Martyris.

Missa: Protexisti me, Deus. de Comuni unius Martyris tempore Paschali, præter Orationem sequentem.

Oratio.

DEUS qui beátum Fidélem seráphico spíritus ardóre succénsus, in veræ fidei propagatione martyrii palma, et gloriósis miraculis decoráre dignátus es: ejus quæsumus méritis et intercessióne; ita nos per grátiam tuam, in fide et charitaté confirma, ut in servítio tuo fidéles, usque ad mortem inveniri mereámur. Per Dóminum.

Die xxv. Aprilis.

IN FESTO S. MARCI Evangelistæ. Litanix majores.

Statio ad sanctum Petrum.

Ad Processionem dicitur Missa de Rogationibus. 242. sine commemoratione S. Marci: et si contingat transferri festum S. Marci, non tamen transfertur Processio, nisi quando prædictum festum occurreret in die Paschatis; tunc enim in Feriam tertiam sequentem transferatur.

Introitus. Psal. 63.

PROTEXISTI me Deus à convéntu malignántium,

allelúia: à multitudíne operántium iniquitátem. Allelúia, allelúia.

Psal. ibid. Exáudi Deus orationem meam cum deprecor: à timóre inimíci éripe animam meam.

V. Glória Patri.

Oratio.

DEUS, qui beátum Marcum Evangelístam tuum, Evangélicæ prædicatiónis grátia sublimásti: tribue quæsumus; ejus nos semper et eruditióné proficere, et oratióné deféndi. Per Dóminum.

Lectio Ezechiélis Prophætæ.

Ezech. 1. c.

SIMILITUDO vultus quatuor animálium: fácies hóminis, et fácies leónis à dextris ipsórum quatuor: fácies autem bovis à sinístris ipsórum quatuor, et fácies áquilæ desuper ipsórum quatuor. Fácies eórum, et pennæ eórum exténtæ desuper: duæ pennæ singulórum jungebántur, et duæ tegébant corpóra eórum: et unumquódque eórum coram fácie sua ambulábat: ubi erat ímpetus spíritus, illuc gradiebántur, nec revertébantur cum ambulárent. Et similitúdo animálium, aspéctus eórum quasi carbónum ignis ardéntium, et quasi aspéctus lampadárum. Hæc erat visio discúrrens in médio animálium, splendor ignis, et de igne fulgur egrédiens, Et animália ibant, et revertébantur in similitúdinem fúlgoris coruscántis.

Allelúia, allelúia.

V. Psal. 88. Confitebúntur cœli mirabilia tua Dómine: étenim veritátem tuam in Ecclésia sanctórum. Allelúia.

V. Ps. 20. Posuisti Dómine super caput ejus coronam de lápide pretiósó. Allelúia.

Sequéntia sancti Evangélii secúndum Lucam.

Luc. 10.

IN illo témpore : Designávit Dóminus et álios septuaginta duos, et misit illos binos ante faciém suam in omnem civitátem, et locum, quò erat ipse ventúrus. Et dicébat illis : Messis quidem multa, operárii autem pauci. Rogáte ergo dómimum messis, ut mittat operários in messem suam. Ite : ecce ego mitto vos sicut agnos inter lupos. Nolite portáre sácculum, neque peram, neque calceaménta : et néminem per viam salutavéritis. In quamcúmque domum intravéritis, primùm dicite : Pax huic dómui, et si ibi fúerit filius pacis, requiescet super illum pax vestra : sin autem, ad vos revertétur. In eádem autem domo manéte, edéntes et bibéntes quæ apud illos sunt : dignus est enim operárius mercéde sua. Nolite transíre de domo in domum. Et in quamcúmque civitátem intravéritis, et suscéperint vos, manducáte quæ apponúntur vobis : et curáte infirmos, qui in illa sunt, et dicite illis : Appropinquávit in vos regnum Dei. Credo.

Offertorium. Psal. 88. Confitebúntur cœli mirabília tua Dómine : et veritátem tuam in Ecclésia sanctorum. Allelúia, allelúia.

Secreta.

BEATI Marci Evangelistæ tui solémnitáte, tibi mú-

nera deferéntes, quæsumus Dómine : ut sicut illum prædicatio Evangélica fecit gloriósus ; ita nos ejus intercessio, et verbo et ópere tibi reddat accéptos. Per Dómimum.

Præfatio de Apostolis.

Communio. Ps. 63. Lætábitur justus in Dómimo, et sperábit in eo : et laudabúntur omnes recti corde. Allelúia, allelúia.

Postcommunio.

TRIBUANT nobis, quæsumus Dómine, contínuum tua sancta præsidium : quo beati Marci Evangelistæ tui précibus, nos ab ómnibus semper tueántur advérsis. Per Dómimum.

Die xxvi. Aprilis.

IN FESTO SS. CLETI, ET MARCELLINI Pontificum et Mart.

Introitus. Psal. 144.

SANCTI tui, Dómine, benedicent te : glóriam regni tui dicent. Allelúia, allel.

Psal. ibid. Exaltábo te Deus meus Rex : et benedicam nómini tuo in sæculum, et in sæculum sæculi.

V. Glória Patri.

Oratio.

BEATORUM mártýrum, paritérque Pontificum Cleti et Marcellini nos Dómine foveat pretiósá confessio : et pia júgiter intercessio tueátur. Per Dómimum.

Léctio Epístolæ beati Petri Apóstoli.

1. Pet. 1.

BENEDICTUS Deus, et Pater Dómini nostri Jesu

Christi, qui secundum misericordiam suam magnam regeneravit nos in spem vivam, per resurrectionem Jesu Christi ex mortuis, in hereditatem incorruptibilem, et incontaminatam, et immarcescibilem, conservatam in caelis in vobis, qui in virtute Dei, custodimini per fidem in salutem, paratam revelari in tempore novissimo. In quo exultabitis, modicum nunc si oportet contristari in variis tentationibus: ut probatio vestrae fidei multo pretiosior auro (quod per ignem probatur) inveniat in laudem, et gloriam, et honorem, in revelatione Jesu Christi Domini nostri.

Alleluia, alleluia.

¶ Sancti tui Domine florébunt sicut lilium, et sicut odor balsami erunt ante te. Alleluia.

¶ Ps. 115. Pretiosa in conspectu Domini mors sanctorum ejus. Alleluia.

Sequentia sancti Evangelii secundum Joannem.

Joan. 15.

IN illo tempore: Dixit Jesus discipulis suis: Ego sum vitis, vos palmites: qui manet in me, et ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palme, et arcescet, et colligent eum, et in ignem mittent, et ardet. Si manseritis in me, et verba mea in vobis manserint: quodcumque volueritis, petetis, et fiet vobis. In hoc clarificatus est Pater meus, ut fructum plurimum afferatis, et efficiamini mei discipuli. Sicut di-

lexit me Pater, et ego dilexi vos. Manete in dilectione mea. Si praecepta mea servaveritis, manebitis in dilectione mea, sicut et ego Patris mei praecepta servavi, et maneo in ejus dilectione. Haec locutus sum vobis: ut gaudium meum in vobis sit, et gaudium vestrum impleatur.

Offertorium. Psal. 31. Laetamini in Domino, et exultate justi: et gloriamini omnes recti corde. Alleluia, alleluia.

Secreta.

ADESTO Domine supplicationibus nostris, quas in Sanctorum tuorum commemoratione deferrimus: ut, qui nostrae justitiae fiduciam non habemus, eorum qui tibi placuerunt, meritis adjuvemur. Per Dominum.

Communio. Ps. 32. Gaudete justi in Domino, alleluia: rectos decet collaudatio, alleluia.

Postcommunio.

QUAESUMUS, Domine, salutariis replenti mysteriis: ut quorum sollemnia celebramus, eorum orationibus adjuvemur. Per Dominum.

¶ *Extra tempus Paschale, Missa erit, Intret in conspectu. Oratio. Beatorum martyrum. de Comuni plurim. Martyr. extra tempus Paschale. xii.*

Die xxviii. Aprilis.

S. VITALIS Martyris.

Missa. Protexisti me Deus. de Comuni unus Martyr. temp.

Pasch. viii. præter Orationes sequentes.

Oratio.

PRÆSTA quæsumus omnipotens Deus: ut qui beati Vitalis martyris tui natalitia cõlimus, intercessiõne ejus in tui nõminis amore roborémur. Per Dõminum.

Secreta.

MUNERIBUS nostris, quæsumus Dõmine, precibusque susceptis, et cœlestibus nos munda mystériis, et cleménter exáudi. Per Dõminum.

Postcommunio.

DA quæsumus Dõmine Deus noster: ut sicut tuõrum commemoratiõne Sanctõrum, temporáli gratulamur officio: ita perpétuo lætémur aspéctu. Per Dõminum.

Die xxix. Aprilis.

IN FESTO S. PETRI
Martyris.

Introitus. Psalm. 63.

PROTEXISTI me Deus à convéntu malignántium, allelúia: à multitudíne operántium iniquitátem, allel. allel.

Psalm. ibid. Exáudi Deus oratiõnem meam cum deprecor: à timóre inimíci éripe animam meam.

V. Gloria Patri.

Oratio.

PRÆSTA quæsumus omnipotens Deus: ut beati Petri martyris tui fidem cõgrua devotiõne sectémur qui pro ejusdem fidei dilatatiõne, martyrii palmam mérui obtinere. Per Dõminum.

Lectio Epístolæ beati Pauli
Apóstoli ad Timótheum.

2. Tim. 2. b.

CHARISSIME, Memor esto Dõminum Jesum Christum resurrexisse à mortuis ex semine David, secúndum Evangélium meum, in quo labóro usque ad víncula, quasi malè óperans: sed verbum Dei non est alligátum. Ideò ómnia sustíneo propter éléctos, ut et ipsi salutem consequántur, quæ est in Christo Jesu, cum glória cœlesti. Tu autem assecútus es meam doctrinam, institutiõnem, propósitum, fidem, longanimitátem, dilectiõnem, paciéntiam, persecutiõnes, passiones: quália mihi facta sunt Antiochiæ, Icónii, et Lystris: quales persecutiõnes sustinui, et ex ómnibus eripuit me Dõminus. Et omnes, qui piè volunt vívere in Christo Jesu, persecutiõnem patiéntur.

Allelúia, allelúia.

V. *Psalm. 88.* Confitebúntur cœli mirabília tua Dõmine: étenim veritátem tuam in Ecclésia sanctõrum. Allelúia.

V. Posuisti Dõmine super caput ejus coronam de lápide pretiõso. Allelúia.

Sequéntia sancti Evangélii secúndum Joánnem.

Joan. 15.

IN illo tẽpore: Dixit Jesus discipulis suis: Ego sum vitis vera: et Pater meus agricola est. Omnem palmitem in me non ferentem fructum, tollet eum: et omnem qui fert fructum, purgábit eum, ut fruc-

tum plus áfferat. Jam vos mundi estis propter sermónem, quem locútus sum vobis. Manéte in me: et egó in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me manséritis. Ego sum vítis, vos pálmities, qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent euni, et in ignem mittent, et ardet. Si manséritis in me, et verba mea in vobis mánserint: quodcúmque voluéritis, petétis, et fiet vobis.

Offertorium. Psal. 88. Confitebúntur cœli mirabilia tua Dómine: et veritátem tuam in Ecclesia sanctórum, allelúia, allelúia.

Secreta.

PRECES, quas tibi Dómine offerimus, intercedente beáto Petro mártire tuo, cleménter inténde: et propugnatóne fidei sub tua protectióne custódi. Per Dóminum.

Communio. Psal. 63. Lætábitur justus in Dómino, et sperábit in eo: et laudabúntur omnes recti corde, allelúia, allelúia.

Postcommunio.

FIDELES tuos, Dómine, custódiant sacraménta quæ sumpsimus: et intercedente beáto Petro mártire tuo, contra omnes advérsos, tueántur incúrsus. Per Dóminum.

Quando Festum hoc transferendum sit post Festum Trinitatis, tunc dicitur Missa, Lætábitur justus. de Comuni

unius Mart. non Pontificis. vi. præter Orationes proprias, ut suprà, et Evangelium. Si quis vult post me veníre, iv.

Die xxx. Aprilis.

IN FESTO S. CATHARINÆ, SENENSIS Virginitis.

Introitus. Psal. 36.

DILEXISTI justitiam, et odisti iniquitátem: propterea unxit te Deus, Deus tuus óleo lætitiæ præ consortibus tuis, allelúia, allelúia.

Psal. ibid. Eructávit cor meum verbum bonum: dico ego ópera mea Regi.

✠. Glória Patri.

Oratio.

DA, quæsumus omnípotens Deus: ut qui beátæ Catharinæ vírginis tuæ natalítia cólimus, et ánnua solemnitate lætémur, et tantæ virtútis proficiámus exémplo. Per Dóminum.

Lectio Epistolæ beáti Pauli Apóstoli ad Corínthios.

2. Cor. 10.

FRATRES, qui gloriátur, in Dómino gloriétur. Non enim qui seípsum comméndat, ille probátus est; sed quem Deus comméndat. Utinam sustinerétis módicum quid insipientiæ meæ, sed et supportate me. Æmulor enim vos Dei æmulatióne. Despóndi enim vos uni viro vírginem castam exhibére Christo.

Allelúia, allelúia.

✠. *Ps. 44.* Adducéntur Regi vírgines post eam, próximæ ejus afferéntur tibi in lætítia. Allelúia.

V. Spécie tua, et pulchritudine tua, inténde, prospère procéde, et regna. Allelúia.

Sequéntia sancti Evangélii secundum Matthæum.

Matth. 25.

IN illo tēpore: Dixit Jesus discipulis suis parabolam hanc: Simile erit regnum cœlorum decem virginibus: quæ accipiéntes lámpades suas, exiérunt óbviā sponso et sponsæ. Quinque autem ex eis erant fátuæ, et quinque prudéntes: sed quinque fátuæ, acceptis lámpadibus, non sumpsérunt óleum secum: prudéntes verò acceperunt óleum in vasis suis cum lámpadibus. Moram autem faciéntē sponso, dormitavérunt omnes, et dormiérunt. Média autem nocte clamor factus est: Ecce sponsus venit, exite óbviā ei. Tunc surrexérunt omnes virgines illæ, et ornavérunt lámpades suas. Fátuæ autem sapiéntibus dixerunt: Date nobis de óleo vestro: quia lámpades nostræ extingúntur. Respondérunt prudéntes, dicéntes: Ne forte non sufficiat nobis et vobis, ite pótius ad vendéntes, et émite vobis. Dum autem irent émere, venit sponsus: et quæ paratæ erant, intravérunt cum eo ad núptias, et clausa est jánuā. Novissimè verò véniunt et réliquæ virgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigiláte itaque, quia nescitis diem, neque horam.

Offertorium. Ps. 44. Fíliæ regum in honóre tuo: ástitit

regína à dextris tuis in vestítu deauráto, circúdata varietate, allelúia.

Secreta.

ASCENDANT ad te, Dómine quas in beátæ Cathrinæ solemnitate offerimus preces, et hóstia salutáris virgíneo, fragrans odóre. Per Dóminum.

Communio. Matth. 25. Quinque prudéntes virgines acceperunt óleum in vasis suis cum lámpadibus: média autem nocte clamor factus est, ecce sponsus venit, exite óbviā Christo Dómino, allelúia.

Postcommunio.

ÆTERNITATEM nobis, Dómine, cónferat, qua pasti sumus, mensa cœlestis: quæ beátæ Catharinæ virginis vitam étiam áluit temporálem. Per Dominum.

FESTA MAII.

Die i. Maii.

IN FESTO SANCTORUM APOSTOLORUM PHILIPPI ET JACOBI.

Introitus. 2. Esdr. 9.

CLAMAUERUNT ad te, Dómine, in tēpore afflictiónis suæ; et tu de cœlo exaudisti eos. Allelúia, allelúia.

Psal. 32. Exultáte justi in Dómino: rectos decet collaudatio.

V. Glória Patri.

Oratio.

DEUS, qui nos ánnua Apostolorum tuórum Philippí et Jacóbi solemnitate læti-

ficas : præsta quæsumus ; ut quorum gaudemus méritis, instruámur exémpis. Per Dóminum nostrum.

Léctio libri Sapiéntiæ.

Sap. 5.

STABUNT justí in magna constantia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitátione insperátæ salútis, dicéntes intra se, pœniténtiam agéntes, et præ angústia spiritus geméntes : Hi sunt quos habúimus aliquándo in derisum, et in similitúdinem impropérii. Nos insensáti vitam illórum æstimabámus, insániam, et finem illórum sine honóre : ecce quómodo computáti sunt inter filios Dei, et inter sanctos sors illórum est.

Allelúia, allelúia.

V. Psal. 88. Confitebúntur cœli mirabília tua Dómine : étenim veritátem tuam in Ecclésia sanctórum. Allelúia.

V. Joan. 14. Tanto témpore vobiscum sum, et non cognovístis me ? Philíppe, qui videt me, videt et Patrem meum. Allelúia.

Sequéntia sancti Evangélii secúndum Joánnem.

Joan. 14.

IN illo témpore : Dixit Jesus discipulis suis : Non turbétur cor vestrum. Créditis in Deum, et in me crédite. In domo Patris mei mansiónes multæ sunt. Si quò minùs, dixissem vobis : Quia vado paráre vobis locum. Et si abiero, et præparávero vobis

locum : iterùm vénio, et accípiam vos ad meípsum, ut ubi sum ego, vos sitis. Et quò ego vado scitis, et viam scitis. Dicit ei Thomas : Dómine nescímus quò vadis : et quómodo póssumus viam scire ? Dicit ei Jesus : Ego sum via, et véritas, et vita. Nemo venit ad Patrem, nisi per me. Si cognovissétis me, et Patrem meum útique cognovissétis : et ámodò cognoscétis eum, et vidístis eum. Dicit ei Philippus : Dómine, osténde nobis Patrem, et súfficit nobis. Dicit ei Jesus : Tanto témpore vobiscum sum, et non cognovístis me ? Philíppe, qui videt me, videt et Patrem. Quómodo tu dicis : Osténde nobis Patrem ? Non créditis, quia ego in Patre, et Pater in me est ? Verba, quæ ego loquor vobis, à me ipse non loquor. Pater autem in me manens, ipse facit ópera. Non créditis, quia ego in Patre, et Pater in me est ? Alióquin propter ópera ipsa crédite. Amen, amen dico vobis : qui credit in me, ópera quæ ego fácio, et ipse fáciat, et májora horum fáciat : quia ego ad Patrem vado. Et quodcúmque petiéritis Patrem in nómine meo, hoc fáciam. Credo.

Offertorium. Psal 88. Confitebúntur cœli mirabília tua Dómine, et veritátem tuam in Ecclésia sanctórum. Allelúia, allelúia.

Secreta.

MUNERA, Dómine, quæ pro Apostolórum tuórum Philíppi et Jacóbi solemnitáte deférimus, propítius súscipe : et mala ómnia quæ

quæ merémur, avérte. Per Dóminum.

Præfatio de Apostolis.

Communio. Joan. 14. Tanto tēpore vobiscum sum, et non cognovistis me? Philippe, qui videt me, videt et Patrem meum, allelúia: non credis, quia ego in Patre, et Pater in me est? Allelúia, allelúia.

Postcommunio.

QUÆSUMUS Dómine, salutáribus repléti mystériis: ut, quorum solémnia celebrámus, eórum oratióibus adjuvémur. Per Dóminum.

¶ *Si hoc Festum transferendum sit post Pentecosten, dicitur Missa ut suprà, præter Epistolam, Graduale, et Offertor. quæ sumuntur ex Missa votiva SS. Apostolorum Petri et Pauli, xxxix.*

Die ii. Maii.

IN FESTO S. ATHANASII
Episcopi, et Confessoris.

Introitus. Eccli. 15.

IN médio Ecclésiæ apéruit Ios ejus: et implévit eum Dóminus spíritu sapiéntiæ et intelléctus: stolam glóriæ induit eum. Allelúia, allelúia.

Psal. 91. Bonum est confitéri Dómino: et psállere nómini tuo. Altíssime.

V. Glória Patri.

Oratio.

EXAUDI, quæsumus Dómine, preces nostras, quas in beáti Athanásii Confessoris tui atque Pontificis solemnitate desérimus: et qui tibi dignè méruit famulári, ejus intercedéntibus méritis, ab ómnibus nos absolve peccátis. Per Dóminum nostrum.

Léctio Epistolæ beáti Pauli
Apóstoli ad Corinthios.

2. Cor. 4. b.

FRATRES, Non nosmetipsos prædicámus, sed Jesum Christum Dóminum nostrum; nos autem servos vestros per Jesum: quóniam Deus, qui dixit de ténebris lucem splendescere, ipse illúxit in córdibus nostris ad illuminationem sciéntiæ claritátis Dei in fácie Christi Jesu. Habémus autem thesáurum istum in vasis fictilibus: ut sublimitas sit virtútis Dei, et non ex nobis. In ómnibus tribulatió-nem pátimur, sed non angustiamur: aporiámur, sed non destituimur: persecutió-nem pátimur, sed non derelinquimur: dejícimur, sed non perimur: semper mortificatió-nem Jesu in corpore nostro circumferéntes, ut et vita Jesu manifestétur in corpóribus nostris. Semper enim nos, qui vivimus, in mortem trádimur propter Jesum: ut et vita Jesu manifestétur in carne nostra mortáli. Ergo mors in nobis operátur, vita autem in vobis. Habétes autem eúndem spíritum fidei, sicut scriptum est: Crédidi, propter quod locútus sum: et nos crédimus, propter quod et lóquimur: sciéntes, quóniam qui suscitávit Jesum, et nos cum Jesu suscitábit, et constituet vobiscum.

Allelúia, allelúia.

V. *Ps. 109.* Tu es sacérdos in ætérnum, secúndum ór-dinem Melchisedech. Allelúia.

V. *Jac. 1.* Beátus vir, qui suffert tentatió-nem: quóniam

cùm probátus fúerit, accípiet corónam vitæ. Alleluía.

Sequéntia sancti Evangélíi secundùm Matthæum.

Matth. 10.

IN illó témpore: Dixit Jesus discíplis suis: Cùm persequéntur vos in civitáte ista, fúgite in áliam. Amen dico vobis, non consummábítis civitátes Israël, donec véniat Filius hóminis. Non est discíplis super magístrum, nec servus super dómínium suum. Súfficit discípulo, ut sit sicut magíster ejus: et servo, sicut dómínus ejus. Si patremfámílias Beélzebub vocáverunt: quantò magis domésticos ejus? Ne ergo timuéritis eos. Nihil enim est opértum, quod non revelábitur: et occultum, quod non sciétur. Quod dico vobis in ténebris, dicite in lúmine: et quod in aure audítis, prædicáte super tecta. Et nolíte timére eos, qui occídunt corpus, ánimam autem non possunt occidere: sed pótiùs timéte eum, qui potest et ánimam et corpus pèrdere in gehénnam. Credo.

Offertorium. Ps. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum. Alleluía.

Secreta.

SANCTI Athanásii Confessoris tui atque Pontíficis, quæsumus Dómine, ánnua solémnitas pietáti tuæ nos reddat accéptos: ut per hæc piæ placatiónis officia, et illum beáta retribútió comitétur, et nobis grátia tuæ dona concíliet. Per Dómínium.

Communio. Matth. 10. Quod dico vobis in ténebris, dicite in lúmine, dicit Dómínus: et quod in aure audítis, prædicáte super tecta. Alleluía.

Postcommunio.

DEUS, fidélium remunerátor animárum: præsta, ut beáti Athanásii Confessoris tui atque Pontíficis, cujus venerándam celebrámus festivitátem, précibus indulgéntiam consequámur. Per Dómínium nostrum.

Die iii. Maii.

IN FESTO INVENTIONIS
S. CRUCIS.

Introitus. Gal. 6.

NOS autem gloriári opórtet in cruce Dómini nostri Jesu Christi: in quo est salus, vita, et resurréctio nostra: per quem salváti, et liberáti sumus. Alleluía, alleluía.

Psal. 66. Deus misereátur nostri, et benedicat nobis: illuminet vultum suum super nos, et misereátur nostri.

V. Glória Patri.

Oratio.

DEUS, qui in præclára salutíferæ Crucis inventiône, passiónis tuæ miracula suscitásti: concéde, ut vitális ligni prætio, æternæ vitæ suffrágia consequámur. Qui vivis et regnas.

In Missis privatis pro commem. SS. Alexandri, Eventii, et Theoduli mart. ac Juvenalis Episc. et Confess.

Oratio.

PRÆSTA quæsumus omnipotens Deus: ut qui sanctorum tuorum Alexandri Evén-

tii, Theodúli, atque Juvenális natalítia cólimus, à cunctis malis imminéntibus, eórum intercessiónibus liberémur. Per Dóminum.

Léctio Epistolæ beáti Pauli Apóstoli ad Philippenses.

Phil. 2.

FRATRES, Hoc enim sentíte in vobis, quod et in Christo Jesu : qui cùm in forma Dei esset, non rapinam arbitrátus est esse se æquálem Deo : sed semetípsum exinánívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis. Propter quod et Deus exultávit illum, et donávit illi nomen, quod est super omne nomen : *Hic genuflectitur* : ut in nómine Jesu omne genu flectátur, coeléstium, terréstrium, et infernórum : et omnis lingua confiteátur, quia Dóminus Jesus Christus in glória est Dei Patris.

Allelúia, allelúia.

℣. Dícite in Géntibus, quia Dóminus regnávit à ligno. Allelúia. ℣. Dulce lignum, dulces clavos, dúlcia ferens pón-dera : quæ sola fuísti digna sustinére Regem coelórum, et Dóminum. Allelúia.

Sequéntia sancti Evangéllii secúndum Joánnem.

Joan. 3.

IN illo témpore : Erat homo ex Pharisæis, Nicodémus nómine, princeps Judæórum. Hic venit ad Jesum nocte, et dixit ei : Rabbi, sci-

mus quia à Deo venísti mágister ; nemo enim potest hæc signa fácere, quæ tu facis, nisi fúerit Deus cum eo. Respóndit Jesus, et dixit ei : Amen, amen dico tibi : nisi quis renátus fúerit dénudò, non potest vidére regnum Dei. Dicit ad eum Nicodémus : Quómodo potest homo nasci, cùm sit senex ? numquid potest in ventre matris suæ iterátò introíre, et renásci ? Respóndit Jesus : Amen, amen dico tibi : nisi quis renátus fúerit ex aqua et Spíritu sancto, non potest introíre in regnum Dei. Quod natum est ex carne, caro est : et quod natum est ex spíritu, spíritus est. Non miréris quia dixi tibi : opórtet vos nasci dénudò. Spíritus ubi vult spirat : et vocem ejus audis, sed nescis unde véniat, aut quò vadat : sic est omnis, qui natus est ex spíritu. Respóndit Nicodémus, et dixit ei : Quómodo possunt hæc fieri ? Respóndit Jesus, et dixit ei : Tu es mágister in Israël, et hæc ignóras ? Amen, amen dico tibi : quia quod scimus lóquimur, et quod vídimus testámur, et testimónium nostrum non accípitis. Si terréna dixi vobis, et non créditis : quómodo si díxero vobis coeléstia, credétis ? Et nemo ascéndit in coelum, nisi qui descéndit de celo, Fílius hóminis, qui est in celo. Et sicut Móyses exaltávit serpéntem in desérto, ita exaltári opórtet Fílium hóminis : ut omnis, qui credit in ipsum, non péreat, sed habeat vitam ætérnam. Credo.

Offertorium. Ps. 117. Déxtera Dómini fecit virtútem, déxtera Dómini exaltávit me :

non móriar, sed vivam et nar-
rábo ópera Dómini, allelúia.

Secreta.

SACRIFICIUM, Dómine,
quod tibi immolámus, pla-
cátus inténde : ut ab omni nos
éruat bellórum nequítia ; et per
vexillum sanctæ Crucis Filii
tui, ad conteréndas potestátis
advérsæ insídias, nos in tuæ
protectiónis securitáte consti-
tuat. Per eúmdem Dóminum.

Pro SS. Alexandro, &c.

Secreta.

SUPER has hóstias, quæ-
sumus Dómine, benedic-
tio copiósá descéndat : quæ et
sanctificatióem nobis clemén-
ter operétur, et de sanctorum
nos solemnitate lætíficet. Per
Dóminum.

Præfatio de Cruce. Qui sa-
lútem.

Communio. Per signum Cru-
cis de inimicis nostris libera
nos Deus noster, allelúia.

Postcommunio.

REPLETI alimónia cœ-
lesti, et spiritali pócuro
recreáti, quæsumus omnípo-
tens Deus : ut ab hoste malig-
no deféndas, quos per lignum
sanctæ Crucis Filii tui, arma
justitia pro salute mundi tri-
umpháre jussisti. Per eúmdem
Dóminum.

Pro SS. Alexandro, &c.

Postcommunio.

REFFECTI participatióem
múneris sacri, quæsumus
Dómine Deus noster ; ut, cu-
jus exéquimur cultum, inter-
cedéntibus sanctis tuis Alex-
ándro, Evéntio, Theodúlo, et
Juvenále, sentiámus effectum.
Per Dóminum.

¶ *Sed si Festum Inventionis
S. Crucis contigerit transferri*

*post Pentecosten, tunc omnia
sumenda erunt ex Festo Exalta-
tionis 14. Septembris : Orati-
ones verò, Evangelium, et Offer-
torium erunt ex Missa Inveni-
tionis, suprà.*

Die iv. Maii.

IN FESTO S. MONICÆ
Viduæ.

Introitus. Psal. 118.

COGNOVI Dómine, quia
cæquitas judicia tua, et in
veritate tua humiliásti me :
confige timóre tuo carnes meas :
à mandátis tuis tímui, allelúia,
allelúia.

Psalm. ibid. Beáti immacu-
láti in via, qui ámbulant in
lege Dómini.

℟. Glória Patri.

Oratio.

DEUS mœréntium consolá-
tor, et in te sperántium
salus, qui beátæ Mónica piæ
lácrymas in Conversiône filii
sui Augustíni misericórditer
suscepisti : da nobis utriúsque
intervéntu peccáta nostra de-
ploráre ; et grátia tuæ indul-
géntiam invenire. Per Dómi-
num nostrum.

Lectio Epístolæ beáti Pauli
Apóstoli ad Timótheum.

1. Tim. 5.

CHARISSIME, Viduas
honóra, quæ verè viduæ
sunt. Si qua autem vídua fi-
lios, aut nepótes habet, dis-
cat primùm domum suam ré-
gere, et mutuam vicem réddere
paréntibus : hoc énim accép-
tum est coram Deo. Quæ au-
tem verè vídua est, et deso-
láta, speret in Deum, et instet
obsecratióibus et oratióibus
nocte ac die. Nam quæ in

deliciis est, vivens mórtua est. Et hoc præcipe, ut irreprehensibiles sint. Si quis autem suorum, et máximè domesticórum curam non habet, fidem negávit, et est infidéli detérior. Vidua eligátur non minús sexaginta annórum, quæ fuerit uníus viri uxor, in opéribus bonis testimónium habens, si filios educavit, si hospítio recepit, si sanctórum pedes lavit, si tribulatiónem patiéntibus subministrávit, si omne opus bonam subsecúta est.

Allelúia, allelúia.

V. *Ps. 44.* Spécie tua, et pulchritúdine, tua inténde, prospère procéde, et regna. Allelúia. V. Propter veritátem, et mansuetúdinem, et justítiam, et dedúcet te mirabíliter dextera tua. Allelúia.

Sequéntia sancti Evangélli secúndum Lucam.

Luc. 7. b.

IN illo témpore: Ibat Jesus in civitátem, quæ vocátur Naim: et ibant cum eo discipuli ejus, et turba copiósa. Cúm autem appropinquáret portæ civitátis, ecce defúctus efferebátur filius úniceus matris suæ: et hæc vidua erat, et turba civitátis multa cum illa. Quam cùm vidisset Dóminus, misericórdia motus super eam, dixit illi: Noli flere. Et accessit, et tétigit lóculum. (Hi autem, qui portábant, steterunt.) Et ait: Adolescens, tibi dico, surge. Et resédit qui erat mórtuus, et cœpit loqui. Et dedit illum matrí suæ. Accépit autem omnes timor: et magnificábant Deum, dicéntes: Quia Prophéta magnus surrexit in nobis: et quia Deus visitávit plebem suam.

Offertorium. Ps. 44. Diffúsa est grátia in lábiis tuis, propterea benedixit te Deus in æternum, et in sæculum sæculi, allelúia.

Secreta.

ACCEPTA tibi sit, Dómine, sacratæ plebis oblátio, pro tuórum honóre sanctórum, quorum se méritis percepisse de tribulatióne cognóscit auxiliú. Per Dóminum.

Communio. ibid. Dilexisti justítiam, et odisti iniquitatem: propterea unxit te Deus, Deus tuus, óleo lætitiæ præ consórtibus tuis, allelúia.

Postcommunio.

SATIASTI, Dómine, familiam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dóminum.

Die v. Maii.

IN FESTO S. PII V. Papæ et Confessoris.

Missa. Státuit ei Dóminus. *de Communii Confess. Pontif. xvi.*

Oratio.

DEUS, qui ad conteréndos Ecclésiæ tuæ hostes, et ad divinum cultum reparándum, Pium quintum Pontíficem máximum eligere dignátus es: fac nos ipsíus deféndi præsidíis, et ita tuis inhærere obséquiis; ut ómnium hóstium superátis insídiis, perpétua pace lætémur. Per Dóminum nostrum Jesum Christum Fílium tuum; Qui tecum vivit et regnat in unitáte Spíritus sancti Deus.

Die vi. Maii.

IN FESTO S. JOANNIS
ante Portam Latinam.

Introitus. Psal. 63.

PROTEXISTI me Deus à convéntu malignántium, allelúia : à multitudíne operántium iniquitátem. Allelúia, allelúia.

Psal. ibid. Exáudi Deus orationem meam cùm deprecor : à timóre inimici éripe ánimam meam.

℣. Glória Patri.

Oratio.

DEUS, qui cónspicis, quia nos úndique mala nostra pertúrbant : præsta quæsumus ; ut beáti Joánnis Apóstoli tui et Evangelistæ intercéssio gloriósa nos prótegat. Per Dóminum.

Lectio libri Sapiéntiæ.

Sap. 5.

STABUNT justí in magna constántia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horribíli, et mirabúntur in subitióné insperátæ salútis, dicéntes intra se, pœniténtiam agéntes, et præ angústia spíritus geméntes : Hi sunt quos habúimus aliquándo in derisum, et in similitúdinem improperii. Nos insensáti vitam illórum æstimabámus insániám, et finem illórum sine honóre : ecce quómodo computáti sunt inter filios Dei, et inter sanctos sors illórum est. Allelúia, allelúia.

℣. *Psal. 91.* Justus ut palma florébit : sicut cedrus Libani multiplicábitur. Allelúia.

℣. *Osee 14.* Justus germi-

nabit sicut lílium : et florébit in æternum ante Dóminum. Allelúia.

Sequéntia sancti Evangélii secúndum Matthæum.

Matth. 20. c.

IN illo témpore : Accessit ad Jesum mater filiórum Zebedæi cum filiis suis, adorans et petens aliquid ab eo. Qui dixit ei : Quid vis ? Ait illi : Dic ut sédeant hi duo filii mei, unus ad dexteram tuam, et unus ad sinistram in regno tuo. Respóndens autem Jesus, dixit : Nescitis quid petátis. Potéstis bibere cálicem, quem ego bibitúrus sum ? Dicunt ei : Póssumus. Ait illis : Cálicem quidem meum bíbetis : sedére autem ad dexteram meam vel sinistram, non est meum dare vobis, sed quibus parátum est à Patre meo. Credo.

Offertorium. Psal. 88. Confitebúntur cœli mirabília tua Dómine, et veritátem tuam in Ecclésia sanctórum. Allelúia, allelúia.

Secreta.

MUNERIBUS nostris, quæsumus Dómine, precibúsq; susceptis, et cœlestibus nos munda mystériis, et cleméntur exáudi. Per Dóminum.

Præfatio de Apostolis.

Communio. Ps. 63. Lætábitur justus in Dómino, et sperábit in eo : et laudabúntur omnes recti corde. Allelúia,

Postcommunio.

REFFECTI, Dómine, pane cœlesti : ad vitam quæsumus nutriámur ætérnam. Per Dóminum.

¶ *Si contigerit Festum S. Joannis transferri post Pentecosten, tunc Missa sumatur ex alio Festo ejusdem Sancti, Mense Decembri, fol. 23. Orationes verò et Evangelium ut supra in hoc Festo.*

Die vii. Maii.

IN FESTO S. STANISLAI
Episcopi, et martyris.

Missa. Protexisti me Deus. ut in Communi unius Mart. Pontificis temp. Pasch. viii. præter Orationes sequentes.

Oratio.

DEUS, pro cujus honore gloriosus Pontifex Stanisláus gládiis impiórum occubuit: præsta quæsumus; ut omnes qui ejus implórant auxiliúm, petitiónis suæ salutárem consequántur effectum. Per Dóminum.

Secreta.

MUNERA tibi, Dómine, dicáta sanctifica: et intercedénte beáto Stanisláo mártire tuo atque Pontífice, per eádem nos placátus inténde. Per Dóminum.

Postcommunio.

HÆC nos commúnio, Dómine, purget à crimine: et intercedénte beáto Stanisláo mártire tuo atque Pontífice, cœlestis remédii faciát esse consórtes. Per Dóminum.

¶ *Si hoc Festum celebrari contigerit post Pentecosten, tunc dicitur Missa, Sacerdótes Dei. de Communi unius Martyris Pontificis secundo loco. iii. Orationes verò, supra positæ.*

¶ *Notandum, quòd si Festum Apparitionis S. Michaelis, vel aliquod ex Festis sequentibus, sive Duplex, sive Semiduplex, inciderit in Feriam sex-*

tam post Oct. Ascensionis, tunc in Missa de Festo fit commemor. de Feria sexta prædicta, cùm Orationibus ex Missa Dominicæ infra Octav. Ascensionis: idem agatur etiam si contigerit fieri de aliquo Festo translato dummodò non sit primæ vel secundæ Classis, quia tunc nulla commemor. facienda erit.

Die viii. Maii.

IN APPARITIONE
S. MICHAELIS ARCHANGELI.

Introitus. Psal. 102.

BENEDICITE Dóminum omnes Angeli ejus: poténtes virtúte, qui faciitis verbum ejus, ad audiéndam vocem sermónum ejus, allelúia, allelúia.

Psal. ibid. Benedic ánima mea Dómino: et ómnia, quæ intra me sunt, nómini sancto ejus.

v. Glória Patri.

Oratio.

DEUS, qui miro órdine, Angelórum ministéria, hominúmque dispénsas: concede propítius: ut, à quibus tibi ministrántibus in cœlo semper assístitur, ab his in terra vita nostra muniátur. Per Dóminum nostrum.

Lectio libri Apocalypsis beáti Joánnis Apóstoli.

Apoc. 1.

IN diébus illis: Significávit Deus, quæ opórtet fieri citò, mittens per Angelum suum servo suo Joánni, qui testimónium perhibuit verbo Dei, et testimónium Jesu Christi quæcúmque vidit. Beatus, qui legit et audit verba prophetiæ hujus: et servat ea, quæ in

ea scripta sunt: tempus enim propè est. Joannes septem Ecclesiis, quæ sunt in Asia. Grátia vobis et pax ab eo, qui est, et qui erat, et qui venturus est: et à septem spirítibus, qui in conspéctu throni ejus sunt: et à Jesu Christo, qui est testis fidélis, primogénitus mortuórum et princeps regum terræ, qui diléxit nos, et lavit nos à peccátis nostris in sanguine suo.

Allelúia, allelúia.

℟. Sancte Míchaël Archángele, défende nos in prælio: ut non pereámus in treméndo judicio. Allelúia. ℣. Concúsum est mare, et contrémuit terra, ubi Archángelus Míchaël descendit de cælo. Allelúia.

Sequéntia sancti Evangélii secúndum Matthæum.

Matth. 18.

IN illo témpore: Accessérunt discípuli ad Jesum, dicéntes: Quis, putas, major est in regno cœlórum? Et advocans Jesus párvulum, stáuit eum in médio eórum, et dixit: Amen dico vobis, nisi conversi fuéritis, et efficiámini sicut párvuli, non intrábitis in regnum cœlórum. Quicúmque ergo humiliáverit se sicut párvulus iste, hic est major in regno cœlórum. Et qui suscepérit unum párvulum talem in nómine meo, me súscipit. Qui autem scandalizáverit unum de pusíllis istis, qui in me credunt, expedit ei, ut suspendátur mola asinária in collo ejus, et demergátur in profúndum maris. Væ mundo à scándalis. Necesse est enim

ut véniant scándala: verúmtamen væ hómini illi, per quem scándalum venit. Si autem manus tua, vel pes tuus scandalizat te, abscíde eum, et prójice abs te: bonum tibi est ad vitam ingredi débilem, vel claudum, quàm duas manus, vel duos pedes habéntem mitti in ignem ætérnum. Et si óculus tuus scandalizat te, érue eum, et prójice abs te: bonum tibi est cum uno óculo in vitam intráre, quàm duos óculos habéntem mitti in gehénnam ignis. Vidéte, ne contemnátis unum ex his pusíllis: dico enim vobis, quia Angeli eórum in cœlis semper vident fáciem Patris mei, qui in cœlis est. Credo.

Offertorium. Apoc. 5. Stetit Angelus juxta aram templi, habens thuríbulum áureum in manu sua, et data sunt ei incénsa multa: et ascéndit fumes arómatum in conspéctu Dei, allelúia.

Secreta.

HOSTIAS tibi, Dómine, laudis offerimus, suppliciter deprecántes: ut eásdem Angélico pro nobis interveniénte suffrágio, et placátus accípias, et ad salútem nostram provenire concédas. Per Dóminum.

Communio. Dan. 3. Benedícite omnes Angeli Dómini Dóminum: hymnum dicite, et superexaltáte eum in sæcula, allelúia.

Postcommunio.

BEATI Archángeli tui Míchaëlis intercessióne suffúlti, supplicis te, Dómine,

deprecámur : ut quod ore
proséquimur, contingámus et
mente. Per Dóminum.

¶ *Quando Festum prædictum
transferri contigerit post Pen-
tecosten, tunc Missa sumatur ex
Festo. Dedicationis ejusdem die
29. Septembris, infra.*

Die ix. Maii.

IN FESTO S. GREGORII
Nazianzeni Episc. et Conf.

Introitus. Eccli. 31.

IN médio Ecclésiæ aperuit
os ejus : et implévit eum
Dóminus spíritu sapiéntiæ et
intelléctus : stolam glóriæ ín-
duit eum. Allelúia, allelúia.

Psal. 91. Bonum est confi-
téri Dómino : et psállere nó-
mini tuo, Altíssime.

¶ Gloria Patri.

Oratio.

DE U S, qui pópulo tuo
æternæ salutis beátum
Gregórium místrum tribuísti :
præsta quæsumus ; ut, quem
doctórem vitæ habúimus ín-
terris, intercessórem habére me-
reámur in cœlis. Per Dómi-
num.

Lectio libri Sapiéntiæ.

Eccli. 39.

JUSTUS cor suum tradet ad
vigilándum dilúculò ad
Dóminum, qui fecit illum, et
in conspéctu Altíssimi depre-
cábitur. Apériet os suum in
oratióne, et pro delíctis suis
deprecábitur. Si enim Dómi-
nus magnus volúerit : spíritu
intelligéntiæ replébit illum : et
ipse tamquam imbres mittet
elóquia sapiéntiæ suæ, et in
oratióne confitébitur Dómino :

et ipse diriget consílium ejus,
et disciplínam, et in abscón-
ditis suis consiliábitur. Ipse
palàm fáciét disciplínam doc-
trínæ suæ, et in lege testaménti
Dómini gloriábitur. Collaudá-
bunt multi sapiéntiam ejus, et
usque in sæculum non delé-
bitur. Non recédet memória
ejus, et nomen ejus requirétur
à generatióne in generatióne.
Sapiéntiam ejus enarrábunt
Gentes, et laudem ejus enun-
tiábit Ecclésia.

Allelúia, allelúia.

¶ *Eccli. 45.* Amávit eum
Dóminus, et ornávit eum : sto-
lam glóriæ índuit eum. Al-
lelúia.

¶ *Osee 14.* Justus germiná-
bit sicut lílium : et florébit in
æternum ante Dóminum. Al-
lelúia.

Sequéntia sancti Evangélii se-
cúndum Matthæum.

Matth. 5. b.

IN illo témpore : Dixit Je-
sus discíplulis suis : Vos
estis sal terræ. Quòd si sal
evanúerit, in quo saliétur ? ad
níhilum valet ultrà, nisi ut
mittátur foras, et conculcétur
ab homínibus. Vos estis lux
mundi. Non potest civitas
abscónði supra montem pósta.
Neque accéndunt lucernam,
et ponunt eam sub módio ; sed
super candelábrum : ut líceat
ómnibus qui in domo sunt. Sic
líceat lux vestra coram homí-
nibus, ut vídeant ópera vestra
bona, et gloríficent Patrem
vestrum, qui in cœlis est. No-
líte putáre quóniam veni sól-
vere legem, aut Prophétas :
non veni sólvete, sed adim-
plere. Amen quippe dico vo-

bis, donec transeat cœlum et terra, ióta unum, aut unus apex non præteribit à lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cœlórum : qui autem fécerit et docúerit, hic magnus vocábitur in regno cœlórum. Credo.

Offertorium. Psal. 91. Justus ut palma florébit : sicut cedrus, quæ in Líbano est, multiplicábitur. Allelúia.

Secreta.

SANCTI tui Gregórii nobis, Dómine, pia non desit orátio : quæ et múnera nostra conciliet, et tuam nobis indulgéntiam semper obtíneat. Per Dóminum.

Communio. Luc. 12. Fidélis servus et prudens, quem constitúit dónus super familiam suam : ut det illis in tẽpore trítici mensúram. Allelúia.

Postcommunio.

UT nobis, Dómine, tua sacrificia dent salútem : beátus Gregórius Confessor tuus, et doctor egrégius, præcátor accédât. Per Dóminum.

Die x. Maii.

IN FESTO S. ANTONINI
Epis. et Confess.

Missa. Státuit ei. de Comuni Confess. Pontificis. xvi. præter Orationem sequentem.

Oratio.

SANCTI Antoníni, Dómine, Confessoris tui atque Pontificis méritis adjuvémur : ut

sicut te in illo mirábilem prædicámus : ita in nos misericórdem fuisse gloriémur. Per Dóminum.

Pro Commemoratione SS. Gordiani et Epimachi martyrum.

Oratio.

DA, quæsumus omnipotens Deus, ut qui beatórum mártýrum tuórum Gordiáni et Epímachi solémnia cólimus, eórum apud te intercessiónibus adjuvémur. Per Dóminum.

Secreta.

HOSTIAS tibi, Dómine, beatórum mártýrum tuórum Gordiáni et Epímachi dicátas méritis, benígnus assúme : et ad perpétuum nobis tríbue proveníre subsidiúm. Per Dóminum.

Postcommunio.

QUÆSUMUS omnipotens Deus : ut qui cœlestia aliménta percépimus, intercedéntibus sanctis martyribus tuis Gordiáno et Epímacho, per hæc contra ómnia advérsa muniámur. Per Dóminum.

Die xii. Maii.

IN FESTO SS. NEREI,
ACHILLEI, ET DOMI-
TILLÆ Virginis, atque
PANCRATII Martyrum.

Introitus. Psal. 32.

ECCE óculi Dómini super tímèntes eum, sperántes in misericórdia ejus, allelúia : ut erípiat à morte ánimas eórum : quóniam ad-

jutor et protector noster est, alleluia, alleluia.

Psal. ibid. Exultate justi in Domino: rectos decet collaudatio.

V. Gloria Patri.

Oratio.

SEMPER nos, Domine, martyrum tuorum Nerei, Achillei, Domitillae atque Pancratii foveat quaesumus beata sollemnitas: et tuo dignos reddat obsequio. Per Dominum.

Lectio libri Sapientiae.

Sap. 5.

STABUNT justi in magna constantia adversus eos, qui se angustiaverunt, et qui abstulerunt labores eorum. Videntes turbabuntur timore horribili, et mirabuntur in subitacione insperatae salutis, dicentes intra se, poenitentiam agentes, et prae angustia spiritus gementes: Hi sunt, quos habuimus aliquando in derisum, et in similitudinem improperii. Nos insensati vitam illorum aestimabamus insaniam, et finem illorum sine honore: ecce quomodo computati sunt inter filios Dei, et inter sanctos sors illorum est.

Alleluia, alleluia. V. Haec est vera fraternitas, quae vicit mundi crimina: Christum secuta est, inelyta tenens regna caelestia. Alleluia.

V. Te Martyrum candidatus laudat exercitus, Domine. Alleluia.

Sequentia sancti Evangelii secundum Joannem.

Joan. 4. f.

IN illo tempore: Erat quidam regulus, cujus filius

infirmabatur Capharnaum. Hic cum audisset quia Jesus adveniret a Judaea in Galilaeam, abiit ad eum, et rogabat eum ut descenderet, et sanaret filium ejus: incipiebat enim mori. Dixit ergo Jesus ad eum: Nisi signa et prodigia videritis, non creditis. Dicit ad eum regulus: Domine, descende priusquam moriatur filius meus. Dicit ei Jesus: Vade, filius tuus vivit. Credit homo sermone, quem dixit ei Jesus, et ibat. Jam autem eo descendente, servi occurrerunt ei, et nuntiaverunt, dicentes, quia filius ejus viveret. Interrogabat ergo horam ab eis, in qua melius habuerit. Et dixerunt ei: Quia heri hora septima reliquit eum febris. Cognovit ergo pater, quia illa hora erat, in qua dixit ei Jesus: Filius tuus vivit: et credit ipse, et domus ejus tota.

Offertorium. Ps. 88. Confitebuntur caeli mirabilia tua Domine, et veritatem tuam in Ecclesia sanctorum, alleluia, alleluia.

Secreta.

SANCTORUM martyrum tuorum, quaesumus Domine, Nerei, Achillei, Domitillae, atque Pancratii sit tibi grata confessio: quae et munera nostra commendet, et tuam nobis indulgentiam semper impleret. Per Dominum.

Communio. Gaudete justi in Domino, alleluia: rectos decet collaudatio, alleluia.

Postcommunio.

QUAESUMUS Domine, ut beatorum martyrum tuorum Nerei, Achillei, Domi-

mitillæ, atque Pancratii deprecationibus, sacramenta sancta quæ sumpsimus, ad tuæ nobis proficiant placationis augmentum. Per Dóminum.

¶ *Si verò hoc Festum celebretur post Pentecosten, dicitur Missa. Sapiéntiam. ut in Comuni plurium Martyrum. xiii. exceptis Orationibus et Evangelio propriis, ut suprà. 404.*

Die xiv. Maii.

SANCTI BONIFACII
martyris.

Missa. Protexisti me. de Comuni Martyrum temp. Paschali viii. præter Orationem sequentem.

Oratio.

DA quæsumus omnipotens Deus: ut qui Beati Bonifacii martyris tui solémnia cólimus, ejus apud te intercessionibus adjuvémur. Per Dóminum.

Secreta. Munéribus nostris. ix.

Postcommunio. Refécti participatione. ix.

Die xvi. Maii.

IN FESTO S. UBALDI
Episcopi et Confess.

Missa. Státuit. de Comuni Conf. Pontif. xvi. præter Orationem sequentem.

Oratio.

AUXILIUM tuum nobis, Dómine, quæsumus, placatus impénde: et intercessióne beati Ubaldi Confessoris tui atque Pontificis contra omnes diaboli nequítias dexteram super nos tuæ propitiatiónis exténde. Per Dóminum.

Die xvii. Maii.

IN FESTO S. PASCHALIS
Baylon, Confessoris.

Missa. Os justi. de Comuni Confessoris non Pontificis. xxii.

Oratio.

DEUS, qui beátum Paschalem, Confessórem tuum, mirífica erga Córporis et Sanguinis, tui sacra mystéria dilectióne decorásti: concéde propítius; ut, quam ille ex hoc divíno convivio spíritus percépit pinguédinem, eámdem et nos percípere mereámur. Qui vivis, et regnas cum Deo Patre, &c.

Die xviii. Maii.

IN FESTO S. VENANTII
martyris.

Missa. Protexisti me Deus. de Comuni Mart. tempore Pasch. viii. præter Orationes sequentes.

Oratio.

DEUS, qui hunc diem beati Venántii martyris tui triúmpho consecrásti: exáudi preces pópuli tui, et præsta; ut qui ejus mérita venerámur, fidei constántiam imitémur. Per Dóminum.

Secreta.

HANC oblationem, omnipotens Deus, beati Venántii mérita tibi reddant accéptam; ut ipsius subsidiis adjúti, glóriæ ejus consórtes efficiámur. Per Dóminum.

Postcommunio.

SUMPSIMUS, Dómine ætérnæ vitæ sacraménta, te humíliter deprecántes, ut beáto Venántio martyre tuo pro nobis deprecánte, véniam nobis concíliet et grátiam. Per Dóminum.

Si autem celebretur extra tempus Paschale, Missa. In virtute tua. ut in Communi unius Mart. non Pontif. Orationes, ut suprà, et Evangel. Si quis venit ad me. de Communi Mart. Pontificis. iii.

¶ *Si aliquod Festum ex sequentibus venerit tempore Paschali, Missa dicitur ut in Communi temp. Pasch. Si autem venerit post Oct. Pentec. dicitur ut infrà assignatur.*

Die xix. Maii.

IN FESTO S. PETRI Cœlestini Papæ et Conf.

Introitus. Eccli. 45. c.

STATUIT ei Dóminus testaméntum pacis, et principem fecit eum : ut sit illi sacerdotií dignitas in ætérnum.

Psal. 131. Meménto Dómine David, et omnes mansuetúdinis ejus. V. Glória Patri.

Oratio.

DEUS, qui beátum Petrum Cœlestínum ad summi Pontificátus ápicem sublimásti, quique illum humilitáti postpónere docuísti : concéde propítius : ut ejus exémplo cuncta mundi despícere, et ad promissa humilibus præmia pervenire feliciter meréamur. Per Dóminum.

Deinde fit commemoratio S. Pudéntianæ virginis.

Oratio.

EXAUDI nos Deus salutaris noster : ut sicut de beátæ Pudéntianæ virginis tuæ festivitáte gaudemus ; ita piæ devotiónis erudiámur afféctu. Per Dóminum.

Lectio libri Sapiéntiæ.

Eccli. 44. c.

ECCE sacerdos magnus, qui in diébus suis plácuit

Deo, et inventus est Justus : et in tempore iracúndiæ factus est reconciliátio. Non est inventus similis illi, qui conservávit legem Excélsi. Ideò jurejurádo fecit illum Dóminus créscere in plebem suam. Benedictionem ómnium Géntium dedit illi, et testaméntum suum confirmávit super caput ejus. Agnóvit eum in benedictiónibus suis : conservávit illi misericórdiam suam : et invenit grátiam coram óculis Dómini. Magnificávit eum in conspéctu regum : et dedit illi coronam glóriæ. Státuit illi testaméntum ætérnum : et dedit illi sacerdotií magnum : et beatificávit illum in glória. Fungi sacerdotio, et habere laudem in nómine ipsíus, et offerre illi incénsus dignum, in odórem suavitatís.

Graduale, Eccli. 44. Ecce sacerdos magnus : qui in diébus suis plácuit Deo.

V. Non est inventus similis illi, qui conserváret legem Excélsi. Allelúia, allelúia.

V. Tu es sacerdos in ætérnum secúndum órđinem Melchisedech. Allelúia.

Si celebretur tempore Paschali, omissis Graduali et V. dicitur Allelúia, allelúia.

V. *Psal. ibid.* Tu es sacerdos in ætérnum secúndum órđinem Melchisedech. Allelúia.

V. Hic est sacerdos, quem coronávit Dóminus. Allelúia.

Sequéntia sancti Evangelii secúndum Matthæum.

Matth. 19.

IN illo tempore : Dixit Petrus ad Jesum : Ecce nos reliquimus ómnia, et secuti sumus te : quid ergo erit nobis ?

Jesus autem dixit illis : Amen dico vobis, quod vos, qui secuti estis me, in regeneratione cum sederit Filius hominis in sede majestatis suae, sedebitis et vos super sedes duodecim, judicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, et vitam aeternam possidebit.

Offertorium. Psal. 88. Inveni David servum meum, oleo sancto meo unxi eum : manus enim mea auxiliabitur ei, et brachium meum confortabit eum.

Secreta.

SANCTI tui, quaesumus Domine, nos ubique laetificent : ut dum eorum merita recolimus, patrocinia sentiamus. Per Dominum.

Pro S. Pudentiana.

Secreta.

ACCEPTA tibi sit, Domine, sacratae plebis oblatio, pro tuorum honore sanctorum : quorum se meritis de tribulatione percepisse cognoscit auxilium. Per Dominum.

Communio. Luc. 12. Fidelis servus et prudens, quem constituit dominus super familiam suam : ut det illis in tempore tritici mensuram.

Postcommunio.

PRAESTA quaesumus omnipotens Deus : ut de perceptis muneribus gratias exhibentes, intercedente beato Petro Coelestino Confessore tuo atque Pontifice, beneficia potiora sumamus. Per Dominum.

Pro S. Pudentiana.

Postcommunio.

SATIASTI Domine familliam tuam muneribus sacris : ejus, quaesumus, semper interventione nos resolve, cujus solemniam celebramus. Per Dominum.

Die xx. Maii.

IN FESTO S. BERNARDINI Senensis Conf.

Missa. Os justi. de Communi Confessoris non Pontificis. xxii. praeter Orationem et Evangel.

Oratio.

DOMINE Jesu, qui beato Bernardino Confessori tuo, eximium sancti Nominis tui amorem tribuisti : ejus, quaesumus, meritis et intercessione, spiritum nobis tuae dilectionis benignus infunde. Qui vivis, in unitate ejusdem.

Evangelium. Ecce nos reliquimus. de Communi Abbatum. xxv.

Die xxv. Maii.

IN FESTO S. GREGORII VII. Papae et Confessoris.

Missa. Statuit ei Dominus. de Communi Confess. Pontif. primo loco. xvi.

Oratio.

DEUS in te sperantium fortitudo, qui beatum Gregorium Confessorem tuum atque Pontificem, pro tuenda Ecclesiae libertate, virtute constantiae roborasti : da nobis ejus exemplo et intercessione, omnia adversantia fortiter superare. Per Dominum.

Et fit Commemor. S. Urbani Papae et martyris.

Oratio.

DA quaesumus omnipotens Deus : ut qui beati

Urbáni mártiris tui atque Pontificis solémnia cólimus, ejus apud te intercessiónibus adjuvémur. Per Dóminum.

Evangelium. Vigiláte. de eodem Communi secundo loco. xix.

Pro S. Urbano. Secreta.

HÆC hóstia, Dómine quæsumus, emúndet nostra delicta: et ad sácrificium celebrándum, subditórum tibi cörpera, mentésque sanctíficet. Per Dóminum.

Pro S. Urbano. Postcommunio.

REFFECTI participatióne Dómine Deus noster: ut, cujus exéquimur cultum, intercedente beáto Urbáno mártire tuo atque Pontífice, sentiámus effectum. Per Dóminum.

Die xxvi. Maii.

IN FESTO S. PHILIPPI
Nerii, Confessoris.

Introitus. Rom. 5.

CHARITAS Dei diffúsa est in córdibus nostris per inhabitántem spíritum ejus in nobis.

Ps. 102. Bénedic ánima mea Dómino: et ómnia quæ intra me sunt, nómini sancto ejus.

℟. Glória Patri.

Oratio.

DEUS, qui beátum Philip-pum Confessórem tuum sanctórum tuórum glória sublimásti: concéde propítius: ut, cujus solemnitáte lætámur, ejus virtútem proficiámus ex-emplo. Per Dóminum.

Pro commem. S. Eleutherii Papæ et mart.

Oratio.

INFIRMITATEM nostram Iréspice omnípotens Deus: et quia pondus própriæ actiόνis gravat, beáti Eleuthérii mártiris tui atque Pontificis inter-

cessio gloriósa nos prótegat. Per Dóminum.

Lectio libri Sapientíæ.

Sap. 7.

OPTAVI, et datus est mihi sensus: et invocávi, et venit in me spíritus sapientíæ: et præpósui illam regnis et sedibus, et divítias nihil esse duxi in comparatióne illius: nec comparávi illi lápidem pretiósus: quóniam omne aurum in comparatióne illius, aréna est exígua, et tamquam lutum æstimábitur argéntum in conspéctu illius. Super salútem et spéciem diléxi illam, et propósui pro luce habère illam: quóniam inextinguibile est lumen illius. Venérunt autem mihi ómnia bona páriter cum illa, et innumerábilis honestas per manus illius, et lætatus sum in ómnibus: quóniam antecedébat me ista sapiéntia, et ignorabám quóniam horum ómnium mater est. Quam sine fictiÓne didici, et sine invidia commúnico, et honestátem illius non abscondo. Infinitus enim thesáurus est hómínibus: quo qui usi sunt, participes facti sunt amicitíæ Dei, propter disciplínæ dona commendáti.

Graduale. Psal. 33. Veníte filii, audíte me: timórem Dómini docébo vos. ℟. Accédite ad eum, et illuminámini: et fácies vestræ non confundéntur. Allelúia, allelúia.

℟. Thren. 1. De excélso misit ignem in óssibus meis, et erudívit me. Allelúia.

Tempore Pasch. omissis Graduali et Versu, dicitur Allelúia, allelúia.

℟. ib. De excélso misit ignem in óssibus meis, et erudívit me. Allel. ℟. Psal. 38. Concá-

luit cor meum intra me: et in meditatione mea exardescet ignis. Alleluia.

Sequentia sancti Evangelii secundum Lucam.

Luc. 12. c.

IN illo tempore: Dixit Jesus discipulis suis: Sint lumbi vestri praecincti, et lucernae ardentes in manibus vestris: et vos similes hominibus expectantibus dominum suum, quando revertatur a nuptiis: ut, cum venerit, et pulsaverit, confestim aperiant ei. Beati servi illi, quos, cum venerit dominus, invenerit vigilantes: amen dico vobis, quod praecinet se, et faciet illos discumbere, et transiens ministrabit illis. Et si venerit in secunda vigilia, et si in tertia vigilia venerit, et ita invenerit, beati sunt servi illi. Hoc autem scitote, quoniam si sciret paterfamilias, qua hora veniret, vigilaret utique, et non sineret perfodi domum suam. Et vos estote parati, quia qua hora non putatis, Filius hominis veniet.

Offertorium. Ps. 118. Viam mandatorum tuorum cucurri, cum dilatasti cor meum.

Secreta.

SACRIFICIIS praesentibus, quaesumus Domine, intende placatus, et praesta; ut illo nos igne Spiritus sanctus inflammet, quo beati Philippi cor mirabiliter penetravit. Per Dominum in unitate ejusdem.

Pro S. Eleutherio. Secreta.

HOSTIAS tibi, Domine, beati Eleutherii martyris tui atque Pontificis dicatas meritis, benignus assume: et

ad perpetuum nobis tribue provenire subsidium. Per Dominum nostrum.

Communio. Psalm. 83. Cor meum, et caro mea exultaverunt in Deum vivum.

Postcommunio.

CELESTIBUS Domine pasti deliciis, quaesumus: ut beati Philippi Confessoris tui meritis et imitatione, semper eadem, per qua veraciter vivimus, appetamus. Per Dominum nostrum.

Pro S. Eleutherio. Postcomm.

REFECTIONI participatione muneri sacri, quaesumus Domine Deus noster: ut, cujus exequimur cultum, intercedente beato Eleutherio martyre tuo atque Pontifice, sentiamus effectum. Per Dominum.

Die xxvii. Maii.

IN FESTO S. MARIAE Magdalenae de Pazzis Virg.

Missa. Dilexisti justitiam. de Communi Virg. xxix.

Oratio.

DEUS virginitatis amator, qui beatam Mariam Magdalenam virginem tuo amore succensam, coelestibus donis decorasti: da, ut, quam festiva celebritate veneramur, puritate et charitate imitemur. Per Dominum.

Et fit commemoratio. S. Joannis Papae et Mart. cum Orationibus de Missa. Sacerdotes. ut in Communi unius Martyris. iii.

Die xxx. Maii.

S. FELICIS Papae et Mart.

Missa. Stavit ei Dominus. ut in Communi unius Mart. ii.

Die xxxi. Maii.

S. PETRONILLÆ Virginis.

Missa. Vultum tuum. *de Communi Virginum nec Martyrum.* xxx.

FESTA JUNII.

Die ii. Junii.

SS. MARTYRUM MARCELLINI, PETRI atque ERASMI.

Introitus. *Psal.* 33.

CLAMAUERUNT justī, et Dóminus exaudivit eos: et ex ómnibus tribulatióibus eórum liberávit eos.

Psal. ibid. Benedicam Dóminum in omni tēpore: semper laus ejus in ore meo.

℟. Glória Patri.

Oratio.

DEUS, qui nos ánnua beatorum mártýrum tuorum Marcellini, Petri, atque Erasmi solemnitate lætificas: præsta quæsumus: ut quorum gaudemus méritis, accendámur exémples. Per Dóminum nostrum.

Léctio Epistolæ beáti Pauli Apóstoli ad Romános.

Rom. 8.

FRATRES, Non sunt condignæ passiones hujus temporis ad futúram glóriam, quæ revelábitur in nobis. Nam expectatio creatúre, revelatió-nem filiorum Dei expéctat: Vanitati enim creatúra subjécta est non volens, sed propter eum, qui subjécit eam in spe: quia et ipsa creatúra liberábitur à servitute corruptiōnis, in libertatē glóriæ filiorum Dei. Scimus enim quòd omnis creatúra ingemiscit, et párturit

usque adhuc. Non solúm autem illa, sed et nos ipsi primitias spiritus habéntes: et ipsi intra nos géminos, adoptiō-nem filiorum Dei expectántes, redemptiōnem córporis nostri.

Graduale. *Ps.* 33. Clamavérunt Justi, et Dóminus exaudivit eos: et ex ómnibus tribulatióibus eórum liberávit eos.

℟. Juxta est Dóminus his, qui tribuláto sunt corde: et húmiles spiritu salvábit.

Allelúia, allelúia.

℟. *Joan.* 15. Ego vos elégi de mundo: ut eátis, et fructum afferátis, et fructus vester máneat. Allelúia.

Sequéntia sancti Evangélii secúndum Lucam.

Luc. 21.

IN illo tēpore: Dixit Jesus discipulis suis: Cùm audieritis prælia et seditiōnes, nolite terreri: opórtet primúm hæc fieri, sed nondum statim finis. Tunc dicébat illis. Surgat gens contra gentem, et regnum advérsus regnum. Et terrémótus magni erunt per loca, et pestilentiæ, et fames, terróresque de cœlo, et signa magna erunt. Sed ante hæc ómnia injicient vobis manus suas, et persequéntur, tradéntes in synagógas et custodias, trahéntes ad reges et præsides propter nomen meum: continget autem vobis in testimónium vestris non præmeditari quemadmodum respondeátis. Ego enim dabo vobis os et sapiéntiam, cui non póterunt resistere et contradicere, omnes advérsarii vestri. Tradémini autem à paréntibus, et frátribus, et cognátis, et amicis, et morte afficient ex vobis: et

éritis ódio ómnibus propter nomen meum: et capillus de capite vestro non peribit. In patientia vestra possidébis animas vestras.

Offertorium. Psal. 31. Lætámini in Dómino, et exultáte justi: et gloriámini omnes recti corde.

Secreta.

HÆC hóstia, quæsumus Dómine, quam sanctórum Martyrum tuórum natalitia recenséntes offérimus, et vincula nostræ pravitätis absolvat, et tuæ nobis misericórdiæ dona conciliet. Per Dóminum nostrum.

Communio. Sap. 3. Justórum animæ in manu Dei sunt, et non tanget illos torméntum malitiæ: visi sunt óculis insipientium mori, illi autem sunt in pace.

Postcommunio.

SACRO múnere satiáti, supplices te Dómine deprecámur, ut quod débitæ servitútis celebrámus officio, salvatiónis tuæ sentiámus augméntum. Per Dóminum.

Die iv. Junii.

IN FESTO S. FRANCISCI
CARRACCIOLO.

Confessoris, Duplex.

Missa. Os justi, de Comm. Confessoris non Pont. 1 loco.

Oratio.

DEUS, qui beátum Franciscum, novi Ordinis Institutorem, orandi studio, et pœnitentiæ amore decorasti; da famulis tuis in ejus imitatione ita proficere, ut semper orantes, et corpus in servitutem redigentes ad cœlestem gloriam pervenire mereantur. Per Dóminum nostrum.

Die vi. Junii.

IN FESTO S. NORBERTI
Episcopi et Confessoris.

Missa. Státuit ei Dóminus. de Communi Conf. Pontif. xvi.

Oratio.

DEUS, qui beátum Norbertum confessorém tuum atque Pontíficem, verbi tui præcónem eximium effecisti, et per eum Ecclésiám tuam nova prole fœcundásti: præsta quæsumus; ut ejúdem suffragántibus méritis, quod ore simul et ópere dócuit, te adjuvánte exercére valeámus. Per Dóminum.

Die ix. Junii.

SS. MARTYRUM PRIMI
ET FELICIANI.

Introitus. Eccli. 44.

SAPIENTIAM sanctórum narrent pópuli, et laudes eórum nuntiet Ecclésia: nómina autem eórum vivent in sæculum sæculi.

Psal. 32. Exultáte justi in Dómino: rectos decet collaudatio.

V. Glória Patri.

Oratio.

FAC nos, quæsumus Dómine, sanctórum mátyrum tuórum Primi et Feliciani semper festa sectári: quorum suffrágus, protectiÓnis tuæ dona sentiámus. Per Dóminum.

Léctio libri Sapiéntiæ.

Sap. 5. c.

JUSTI autem in perpétuum est merces eórum, et cogitatio illórum apud Altíssimum. Ideo accipiént regnum decóris, et diadéma speciéi de manu Dó-

mini; quóniam dextera sua tēget eos, et bráchio sancto suo defēdet illos. Accipiet armatúram zelus illius, et armábit creatúram ad ultiónem inimicórum. Induet pro thoráce justitiam, et accipiet pro gálea judicium certum. Sumet scutum inexpugnábile æquitatem.

Graduale. Psal. 88. Confitebúntur cœli mirabilia tua Dómine: etenim veritátem tuam in Ecclésia sanctorum.

Ÿ. Misericórdias tuas Dómine in ætérnum cantábo, in generatióne, et progénie.

Alleluia, alleluia. Ÿ. Hæc est vera fraternitas, quæ vicit mundi crimina: Christum secúta est, inclýta tenens regna cœlestia. Alleluia.

Sequéntia sancti Evangelii secundum Matthæum.

Matth. 11.

IN illo tēpore respóndens Jesus dixit: Confiteor tibi Pater, Dómine cœli et terræ, quia abscondisti hæc à sapientibus et prudentibus, et revelásti ea párvulis. Ita Pater: quóniam sic fuit plácitum ante te. Omnia mihi tráditá sunt à Patre meo. Et nemo novit Filium, nisi Pater: neque Patrem quis novit, nisi Filius, et cui volúerit Filius reveláre. Veníte ad me omnes, qui laborátis, et oneráti estis et ego reficiam vos. Tóllite jugum meum super vos, et discite à me, quia mitis sum, et húmili corde: et inveniétis réquiem animábus vestris. Jugum enim meum suáve est, et onus meum leve.

Offertorium. Psal. 67. Mirabilis Deus in sanctis suis: Deus Israël ipse dabit virtú-

tem, et fortitúdinem plebi suæ: benedictus Deus, alleluia.

Secreta.

F IAT tibi, quæsumus Dómine, hóstia sacranda placábilis, pretiósí celebritáte martyrii: quæ et peccáta nostra purificet: et tuórum tibi vota conciliet famulórum. Per Dóminum nostrum.

Communio. Joan. 12. Ego vos elégi de mundo, ut eátis, et fructum afferátis: et fructus vester máneat.

Postcommunio.

Q UÆSUMUS omnipotens Deus: ut sanctorum martyrum tuórum Primi et Feliciáni cœlestibus mystériis celebráta solémnitas, indulgentiam nobis tuæ propitiatiónis acquirat. Per Dóminum.

Die x. Junii.

IN FESTO S. MARGARITÆ Reginæ Scotiæ.

Missá. Cognovi. de Communione nec Virginum nec Martyrum, xxxii. præter Orationem.

Oratio.

D EUS, qui beatam Margaritam reginam eximia in páuperes charitáte mirabilem effecísti: da, ut ejus intercessióne et exémplo tua in córdibus nostris charitas júgiter augeátur. Per Dóminum.

Die xi. Junii.

IN FESTO S. BARNABÆ Apostoli.

Notandum quòd si hoc Festum celebretur tempore Paschali, Missá dicitur ut suprà in Festo S. Marci, 387. præter Orationes Epistolam, et Evangelium, quæ sumuntur ex Missá sequenti.

Si verò fuerit post tempus Paschale, Missá erit sequens.

Introitus. Psal. 138.

MIHI autem nimis honorati sunt amici tui Deus: nimis confortatus est principatus eorum.

Psal. ibid. Dómine probasti me, et cognovisti me: tu cognovisti sessionem meam, et resurrectionem meam.

℣. Glória Patri.

Oratio.

DEUS, qui nos beati Barnabæ Apóstoli tui méritis et intercessióne lætíficas: concéde propítius; ut, qui tua per eum beneficia póscimus, dono tuæ grátiaē consequámur. Per Dóminum nostrum.

Léctio Actuum Apostolorum.

Act. 11. c.

IN diébus illis: Multus numerus credentium, Antiochiæ conversus est ad Dóminum. Pervénit autem sermo ad aures Ecclésiæ, quæ erat Jerosólymis super istis: et miserunt Barnabam usque ad Antiochiám. Qui cum pervénisset, et vidisset grátiam Dei, gavisus est: et hortabátur omnes in propósito cordis permanere in Dómino: quia erat vir bonus, et plenus Spíritu sancto, et fide. Et appósita est multa turba Dómino. Profécus est autem Barnabas Tarsum, ut quæreret Saulum: quem cum invenisset, perdúxit Antiochiám. Et annus totum conversáti sunt ibi in Ecclésia: et docuerunt turbam multam, ita ut cognominarentur primùm Antiochiæ discipuli, Christiáni. Erant autem in Ecclésia, quæ erat Antiochiæ, Prophætæ, et doctóres, in quibus Barnabas, et Simon, qui vocabátur Ni-

ger, et Lúcius Cyrenénsis, et Mánahen, qui erat Heródis Tetrárchæ collectáneus, et Saulus. Ministrántibus autem illis Dómino, et jejunántibus, dixit illis Spíritus sanctus: Segregáte mihi Saulum et Barnabam in opus, ad quod assúpsi eos. Tunc jejunántes, et orántes, imponéntesque eis manus, dimiserunt illos.

Graduale. Ps. 18. In omnem terram exívit sonum eorum: et in fines orbis terræ verba eorum. ℣. Cœli enarrant glóriam Dei: et ópera mánuum ejus annúnciat firmaméntum.

Allelúia, allelúia.

℣. *Joan. 15.* Ego vos elégi de mundo, ut eátis, et fructum afferátis: et fructus vester maneat. Allelúia.

Sequéntia sancti Evangélii secundum Matthæum.

Matth. 10.

IN illo tēpore: Dixit Jesus discipulis suis: Ecce ego mitto vos sicut oves in médio lupórum. Estóte ergo prudéntes sicut serpéntes, et simplices sicut colúmbæ. Cavéte autem ab homínibus. Tradent enim vos in conciliis, et in synagógis suis flagellábunt vos: et ad præsides et ad reges ducémini propter me in testimónium illis, et Génitibus. Cum autem tradent vos, nolite cogitare quómo do aut quid loquámini: dábitur enim vobis in illa hora, quid loquámini. Non enim vos estis qui loquimini, sed Spíritus Patris vestri, qui loquitur in vobis. Tradet autem frater fratrem in mortem, et pater filium: et insúrgent filii

in paréntes, et morte eos afficiant: et éritis ódio ómnibus propter nomen meum: qui autem perseveráverit usque in finem, hic salvus erit. Credo.

Offertorium. Ps. 44. Constitues eos príncipes super omnem terram: mémores erunt nóminis tui Dómine, in omni progénie et generatióne.

Secreta.

MUNERA, Dómine, oblata sanctifica: et intercedente beáto Bárnaba Apóstolo tuo, nos per hæc à peccatorum nostrórum máculis emúnda. Per Dóminum.

Præfatio de Apostolis.

Communio. Matth. 19. Vos qui secúti estis me, sedébitis super sedes, iudicántes duódecim tribus Israël.

Postcommunio.

SUPPLICES te rogámus omnipotens Deus: ut, quos tuis réficis sacraméntis, intercedente beáto Bárnaba Apóstolo tuo, tibi étiam plácitis móribus dignánter tribuas deservire. Per Dóminum.

Die xii. Junii.

IN FESTO S. JOANNIS
à S. Facundo Confess.

Missæ. Os justi. de Communi Confessoris non Pontificis. xxii. præter Orationem sequentem.

Oratio.

DEUS auctor pacis, et amátor charitátis, qui beátum Joánnem Confessórem tuum mirífica dissidentes componéndi grátia decorásti: ejus méritis, et intercessióne concéde; ut in tua charitáte firmáti, nul-

lis à te tentatióibus separémur. Per Dóminum.

Et fit commem. SS. Basilidis, Cyrini, Naboris et Nazarii. Martyrum.

Oratio.

SANCTORUM mártýrum tuórum Basilidis, Cyrini, Náboris, atque Nazárii, quæsumus Dómine, natalítia nobis votíva resplédeant: et quod illis cóntulit excelléntia sempitérna, frúctibus nostræ devotiónis accrésca. Per Dóminum.

Pro Commem. SS. Mart.

Secreta.

PRO sanctorum tuorum Basilidis, Cyrini, Náboris, atque Nazárii, sángine venerándo, hóstias tibi Dómine solémniter immolámus, tua mirabilia pertractántes: per quem talis est perfécta victória. Per Dóminum.

Pro Commem. SS. Mart.

Postcommunio.

SEMPER, Dómine, sanctorum mártýrum tuorum Basilidis, Cyrini, Náboris, atque Nazárii solémnia celebrántes: præsta quæsumus; ut eórum patrocínia júgiter sentiámus. Per Dóminum.

Die xiii. Junii.

IN FESTO S. ANTONII
de Padua Confessoris.

Introitus. Psal. 36.

OS justi meditábitur sapientiam, et lingua ejus loquétur júdicium: lex Dei ejus in corde ipsíus.

Psal. ibid. Noli æmulári in malignántibus: neque zeláveris faciéntes iniquitátem.

V. Glória Patri.

Oratio.

ECCELESIAM tuam, Deus, beáti Antónii Confessóris tui solémnitas votíva lætíficet: ut spirituálibus semper uníatur auxiliis, et gáudiis pérfrui mereatur ætérnis. Per Dóminum.

Léctio Epístolæ beáti Pauli Apóstoli ad Corínthios.

1 Cor. 4. b.

FRATRES, Spectáculum facti sumus mundo, et Angelis et homínibus. Nos stulti propter Christum, vos autem prudéntes in Christo: nos infirmi, vos autem fortes: vos nobiles, nos autem ignóbiles. Usque in hanc horam et esurimus, et sitimus, et nudi sumus et cólaphis cædimur, et instábiles sumus, et laborámus operántes má nibus nostris: maledícimur, et benedícimus: persecutió nem pátimur, et sustinémus: blasphemámur, et obsecrámus: tamquam purgamenta hujus mundi facti sumus, ómnium peripséma usque adhuc. Non ut confúdam vos, hæc scribo, sed ut filios meos charíssimos móneo: in Christo Jesu Dómino nostro.

Graduale. Psal. 91. Justus ut palma florébit; sicut cedrus Líbani multiplicábitur in domo Dómini. *V.* Ad annuntiándum manè misericórdiam tuam, et veritátem tuam per noctem.

Allelúia, allelúia.

V. Amávit eum Dóminus, et ornávit eum: stolam glóriæ induit eum. Allelúia.

Sequéntia sancti Evangélii secúndum Lucam.

Luc. 12. c.

IN illo témpore: Dixit Jesus discipulis suis: Sint lumbi vestri præcincti, et lucernæ ardéntes in manibus vestris: et vos símiles homínibus expectántibus dóminum suum, quandó revertátur à nuptiis: ut, cum venerit, et pulsáverit, conféstim apériant ei. Beáti servi illi, quos, cum vénerit dóminus, invénerit vigilátes: amen dico vobis, quòd præcinget se, et fáciat illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamilias, qua hora fur veníret, vigiláret útique, et non síneret pérfodi domum suam. Et vos estóte paráti, quia qua hora non putátis, Filius hóminis véniet.

Offertorium. Psal. 88. Veritas mea, et misericórdia mea cum ipso: et in nómine meo exaltábitur cornu ejus.

Secreta.

PRÆSENS oblátio fiat, Dómine, pópulo tuo salutáris: pró quo dignátus es Patri tuo te vivéntem hostiam immoláre. Qui cum eódem Deo Patre, et Spiritu sancto vivis, et regnas, Deus, per ómnia.

Communio. Matth. 24. Beátus servus, quem, cum vénerit dóminus, invénerit vigilántem: amen dico vobis, super ómnia bona sua constituet eum.

Postcommunio.

DIVINIS, Dómine, munéribus satiáti, quæsumus,

ut beáti Antónii Confessóris tui méritis et intercessióne, salutáris sacrificii sentiámus effectum. Per Dóminum.

Die xiv. Junii.

IN FESTO S. BASILII
Episcopi et Confessoris.

Introitus. Eccli. 45.

IN médio Ecclésiæ apéruit os ejus: et implévit eum Dóminus spíritu sapiéntiæ et intelléctus: stolam glóriæ induit eum.

Psal. 91. Bonum est confitéri Dómino: et psállere nómini tuo, Altíssime.

℣. Glória Patri.

Oratio.

EXAUDI, quæsumus Dómine, preces nostras, quas in beáti Basilii Confessóris tui atque Pontificis solemnitate deférimus: et qui tibi dignè méruit famulári, ejus intercedéntibus méritis, ab ómnibus nos absólve peccátis. Per Dóminum.

Lectio Epístolæ beáti Pauli Apóstoli ad Timótheum.

2. *Tim. 4.*

CHARISSIME, Testificor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus: prædica verbum, insta opportunè, importunè: árgue, óbseca, increpa in omni paciéntia, et doctrína. Erit enim tempus, cùm sanam doctrínam non sustinébunt, sed ad sua desidéria coace, ábunt sibi magistros, pruriéntes áuribus, et à veritate quidem auditum avértent, ad fábulas autem convertén-

tur. Tu verò vígila, in ómnibus labóra, opus fac Evange-listæ, ministérium tuum imple. Sóbrius esto. Ego enim jam delíbor, et tempus resolutiónis meæ instat. Bonum certámen certávi, cursum consummávi, fidem servávi. In rélinquo reposita est mihi coróna justitiæ, quam reddet mihi Dóminus in illa die justus judex: non solum autem mihi, sed et iis qui diligunt advéntum ejus.

Graduale. Psal. 36. Os justí meditábitur sapiéntiam, et lingua ejus loquétur judícium.

℣. Lex Dei ejus in corde ipsíus: et non supplantabúntur gressus ejus.

Allelúia, allelúia.

℣. *Psal. 88.* Invéni David servum meum, óleo sancto meo unxi eum. Allelúia.

Sequéntia sancti Evangélii secúndum Lucam.

Luc. 14. f.

IN illo témpore: Dixit Jesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discipulus. Et qui non bájulat crucem suam, et venit post me, non potest meus esse discipulus. Quis enim ex vobis volens turrim ædificáre, non priùs sedens cómputat sumptus, qui necessarij sunt, si hábeat ad perficiéndum; ne, posteaquam posúerit fundaméntum, et non potúerit perficere, omnes qui vident, incipiánt illúdere ei, dicéntes: Quia hic homo cœpit ædificáre, et non pótuit consummáre? Aut quis rex itú-

rus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se? alioquin adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renuntiat omnibus quæ possidet, non potest meus esse discipulus. Bonum est sal. Si autem sal evenerit, in quo condiétur? Neque in terram, neque in sterquilinium utile est: sed foras mittétur. Qui habet aures audiendi, audiat. Credo.

Offertorium. Psal. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

SANCTI Basilii confessóris tui atque Pontíficis, quæsumus Dómine, ánnua solémnitas pietáti tuæ nos reddat accéptos: ut per hæc piæ placatiónis officia, et illum beáta retribútio comitétur, et nobis grátia tuæ dona conciliet. Per Dóminum.

Communio. Luc. 12. Fidélis servus et prudens, quem constituit dóminus super familiam suam: ut det illis in témpore trítici mensúram.

Postcommunio.

DEUS, fidélium remunerátor animárum, præsta: ut beáti Basilii confessóris tui atque Pontíficis, cujus venerándam celebrámus festivitátem, précibus indulgéntiam consequamur. Per Dóminum.

Die xv. Junii.

SS. VITI, MODESTI, ATQUE CRESCENTIÆ Martyrum.

Introitus. Psal. 33.

MULTÆ tribulatiónes justórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur. *Psal. ibid.* Benedícam Dóminum in omni témpore: semper laus ejus in ore meo. ✠. Glória Patri.

Oratio.

DA Ecclésiæ tuæ, quæsumus Dómine, sanctis martyribus tuis Vito, Modesto, atque Crescentia intercedéntibus, supérbè non sápere, sed tibi plácita humilitáte proficere: ut prava despiciens, quæcúmque recta sunt, libera exerceat charitáte. Per Dóminum nostrum.

Léctio libri Sapientiæ.

Sap. 3.

JUSTORUM animæ in manu Dei sunt, et non tanget illos tormentum mortis. Visi sunt óculis insipientium mori: et æstimáta est afflictio éxitus illórum: et quod à nobis est iter, exterminium: illi autem sunt in pace. Et si coram hominibus tormenta passi sunt, spes illórum immortalitáte plena est. In paucis vexáti, in multis benè disponéntur: quóniam Deus tentávit eos, et invénit illos dignos se. Tamquam aurum in fornáce probávit illos, et quasi holocáusti hóstiam accépit illos,

et in t mpore erit respectus illorum. Fulgebunt justi, et tamquam scintillae in arundinato discurrent. Judicabunt, nationes, et dominabuntur populis, et regnabit Dominus illorum in perpetuum.

Graduale, Ps. 149. Exultabunt Sancti in gloria: laetabuntur in cubilibus suis. *Ps.* Cantate Domino canticum novum: laus ejus in Ecclesia sanctorum. Alleluia, alleluia.

Ps. 144. Sancti tui Domine benedicent te: gloriam regni tui dicent. Alleluia.

Sequentia sancti Evangelii secundum Lucam.

Luc. 10. c.

IN illo tempore: Dixit Jesus discipulis suis: Qui vos audit, me audit: et qui vos spernit, me spernit. Qui autem me spernit, spernit eum, qui misit me. Reversi sunt autem septuaginta duo cum gaudio, dicentes: Domine, etiam daemonia subjiciuntur nobis in nomine tuo. Et ait illis: Videbam satanam sicut fulgur de caelo cadentem. Ecce dedi vobis potestatem calcandi supra serpentes, et scorpiones, et super omnem virtutem inimici: et nihil vobis nocabit. Verumtamen in hoc nolite gaudere, quia spiritus vobis subjiciuntur: gaudete autem, quod nomina vestra scripta sunt in caelis.

Offertorium, Ps. 67. Mirabilis Deus in sanctis suis: Deus Israel ipse dabit virtutem, et fortitudinem plebi suae: benedictus Deus.

Secreta.

SICUT gloriam divinae potentiae, munera pro sanc-

tis oblata testantur: sic nobis effectum, Domine, tuae salvationis impendant. Per Dominum.

Communio, Sap. 3. Justorum animae in manu Dei sunt, et non tanget illos tormentum malitiae: visi sunt oculis insipientium mori, illi autem sunt in pace.

Postcommunio.

REPLETI, Domine, benedictione solenni, quaesumus: ut per intercessionem sanctorum martyrum tuorum Viti, Modesti, et Crescentiae, medicina sacramenti et corporibus nostris prosit, et mentibus. Per Dominum.

Die xviii. Junii.

SS. MARCI ET MARCELLIANI Martyrum.

Introitus. Psal. 36.

SALUS autem justorum a Domino: et protector eorum est in tempore tribulationis. *Psal. ibid.* Noli emulari in malignantibus, neque zelaveris facientes iniquitatem. *Ps.* Gloria Patri.

Oratio.

PRAESTA quaesumus omnipotens Deus: ut, qui sanctorum martyrum tuorum Marci et Marcelliani natalitia colimus, a cunctis malis imminentibus eorum intercessionibus liberemur. Per Dominum.

Lectio Epistolae beati Pauli Apostoli ad Romanos.

Rom. 5.

FRATRES, Justificati ex fide, pacem habeamus ad

Deum per Dóminum nostrum Jesum Christum : per quem et habémus accessum per fidem in grátiam istam, in qua stámus, et gloriámur in spe glóriæ filiórum Dei. Non solúm autem, sed et glóriamur in tribulatióibus : sciéntes quòd tribulatio patiéntiam operátur : patiéntia autem probatióem, probatio vero spem, spes autem non confundit : quia cháritas Dei diffusa est in córdibus nostris per Spíritum sanctum, qui datus est nobis.

Graduale. Sap. 3. Justórum animæ in manu Dei sunt, et non tanget illos tormentum malitiæ. *V.* Visi sunt óculis insipientium mori illi autem sunt in pace. Alleluía, alleluía.

V. Hæc est vera fraternitas, quæ nunquam potuit violári certámine : qui effúso ságuine, secúti sunt Dóminum. Allel.

Sequéntia sancti Evangéllii secúndum Lucam.

Luc. 11. f.

IN illo témpore : Dicébat Jesus Scribis, et Pharisæis : Væ vobis, qui ædificátis monuménta Prophetárum ; patres autem vestri occiderunt illos. Profectò testificámini quod consentitis opéribus patrum vestrórum : quóniam ipsi quidem eos occiderunt vos autem ædificátis eórum sepúlchra. Propterea et sapiéntia Dei dixit : Mittam ad illos Prophétas et Apóstolos, et ex illis occident, et persecúntur. Ut inquirátur sanguis ómnium Phophetárum, qui effusus est à constitutióne mundi à generatióne ista, à ságuine Abel, usque ad ságuinem Zachariæ,

qui périit inter altáre et ædem. Ita dico vobis, requirétur ab hac generatióne.

Offertorium. Ps. 123. Anima nostra, sicut passer, erépta est de láqueo venántium : láqueus contritus est, et nos liberati sumus.

Secreta.

MUNERA tibi Dómine, dicáta sanctifica : et intercedéntibus sanctis martyribus tuis Marco et Marcelliano, per eádem nos placátus inténde. Per Dóminum.

Communio. Matth. 25. Amen dico vobis : quod uni ex mínimis meis fecístis : mihi fecístis : veníte benedicti Patris mei, possidéte parátum vobis regnum ab initio sæculi.

Postcommunio.

SALUTARIS tui Dómine, múnere satiáti, súpplices exórámus : ut cujus lætámur gustu, intercedéntibus sanctis martyribus tuis Marco et Marcelliano renovémur effectú. Per Dóminum.

Die xix. Junii.

IN FESTO S. JULIANÆ
de Falconeriis Virginis.

Missa. Dilexisti. de Comuni Virg. xxix.

Oratio.

DEUS, qui beátam Juliánam Virgínam tuam extrémó morbo laborántem pretiósó Filii tui Córpoire mirabíliter recreáre dignátus es : concéde quæsumus ; ut, ejus intercedéntibus méritis nos quoque

eódem in mortis agóne refécti ac roboráti, ad cœlestem pátriam perducámur. Per eúdem Dóminum.

Pro commem. SS. Gervasii et Protasii Mart.

Oratio.

DEUS, qui nos ánnua sanctorum mártýrum tuórum Gervásii et Protásii solemnitate lætíficas: concéde propítius: ut, quorum gaudémus méritis, accendámur exémplic. Per Dóminum.

Secreta.

OBLATIS, quæsumus Dómine, placáre munéribus et intercedéntibus sanctis mártýribus tuis, à cunctis nos defendé periculis. Per Dóminum nostrum.

Postcommunio.

HÆC nos commúnio, Dómine, purget à crimine: et intercedéntibus sanctis mártýribus tuis Gervásio et Protásio, cœlestis remedii fáciat esse consórtes. Per Dóminum.

Die xx. Junii.

S. SILVERII Papæ et Mart.

Missæ. Státuit. ut in Communi unius Martyris Pontificis, ii. sed Epistola ut infra.

Léctio Epístolæ beáti Judæ Apóstoli.

CHARISSIMI, Mémoires estóte verbórum, quæ prædicta sunt ab Apóstolis Dómini nostri Jesu Christi, qui dicébant vobis, quóniam in novissimo témpore vénient illusóres, secúndum desidéria sua ambulátes in impietatibus. Hi sunt, qui ségregant semetipsos, animáles, spíritum non

habéntes. Vos autem charissimi, superædificátes vosmetipsos sanctíssimæ vestræ fidei, in Spíritu sancto órantes, vosmetipsos in dilectióne Dei serváte, expectátes misericórdiam Dómini nostri Jesu Christi in vitam ætérnam.

Die xxii. Junii.

S. PAULINI Episcopi et Conf.

Introitus. Psal. 131.

SACERDOTES tui, Dómine, induant justítiam: et sancti tui exúltent: propter David servum tuum, non avértas fáciem Christi tui.

Psalm. ibid. Meménto Dómine David, et omnis mansuetúdinis ejus.

V. Glória Patri.

Oratio.

DA quæsumus omnipotens Deus: ut beáti Paulini Confessóris tui atque Pontificis veneránda solémnitas, et devotiónem nobis áugeat, et salútem. Per Dóminum.

Léctio Epístolæ beáti Pauli Apóstoli ad Corínthios.

2. Cor. 8. b.

FRATRES, Scitis grátiam Dómini nostri Jesu Christi, quóniam propter vos egénus factus est, cum esset dives, ut illius inópia vos dívites essétis. Et consílium in hoc do: hoc enim vobis útile est, qui non solum fácere, sed et velle cœpístis ab anno prióre: nunc verò et facto perficite: ut quemámodum promptus est ánimus voluntátis, ita sit et perficiéndi ex eo quod habétis. Si enim volúntas prompta est, secúndum id quod habet, accèpta est, non secúndum id

quod non habet. Non enim ut aliis fit remissio, vobis autem tribulatio, sed ex æqualitate. In præsentí tempore, vestra abundantia illórum inopiam suppleat: ut et illórum abundantia vestræ inopiæ sit supplementum, ut fiat æqualitas, sicut scriptum est: Qui multum non abundavit: et qui modicum, non minoravit.

Graduale. Eccli. 44. Ecce sacerdos magnus, qui in diébus suis placuit Deo. *V.* Non est inventus similis illi, qui conservaret legem Excelsi.

Allelúia, allelúia.

V. Ps. 109. Tu es sacerdos in ætérnum secúndum órđinem Melchisedech. Allelúia.

Evangelium. Nolite timere pusillus grex. *de Communi, p. xxiv.*

Offertorium. Ps. 88. Inveni David servum meum, oleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

SANCTI tui, quæsumus Dómine, nos ubique lætificent: ut dum eórum mérita recólimus, patrocínia sentiámus. Per Dóminum.

Communio. Luc. 12. Fidélis servus et prudens, quem constituit dóminus super familiam suam: ut det illis in tempore tritici mensúram.

Postcommunio.

PRÆSTA quæsumus omnipotens Deus, ut de perceptis munéribus grátias exhibentes, intercedente beáto Paulino Confessóre tuo atque Pontífice, beneficia potióra sumámus. Per Dóminum.

Die xxiii. Junii.

IN VIGILIA S. JOANNIS Baptistæ.

Introitus. Luc. 1.

NE timeas Zacharía: exaudita est oratio tua, et Elisabeth uxor tua páriet tibi filium, et vocábis nomen ejus Joánnem: et erit magnus coram Dómino, et Spíritu sancto replébitur adhuc ex útero matris suæ gaudébunt. *Psal. 20.* Dómine in virtúte tua lætábitur rex: et super salutáre tuum exultábit veheméter.

V. Glória Patri.

Oratio.

PRÆSTA quæsumus omnipotens Deus, ut familia tua per viam salutis incédát: et beáti Joánnis præcursóris hortaménta sectándo, ad eum quem prædixit, secúra perveniat, Dóminum nostrum Jesum Christum Filium tuum, Qui tecum vivit et regnat.

Secunda Oratio de S. Maria, Concède. tertia, Ecclésiæ. vel pro Papa, Deus. 236.

Léctio Jeremíæ Prophétæ.

Jerem. 1.

IN diébus illis: Factum est verbum Dómini ad me, dicens: Priúsqvam te formárem in útero, novi te: et ántequam exíres de vulva, sanctificávi te, et Prophétam in Géntibus dedi te. Et dixi, A, a, a, Dómine Deus: ecce nescio loqui, quíá puer ego sum. Et dixit Dóminus ad me: Noli dicere: Puer sum: quóniam ad ómnia, quæ mittam te, ibis: et univérsa quæcúmque mandávero tibi, loquerís. Ne timeas á fácie eórum: quia tecum ego

sum, ut éruam te, dicit Dóminus. Et misit Dóminus manum suam, et tétigit os meum: et dixit Dóminus ad me: Ecce dedi verba mea in ore tuo: ecce constitúti te hódie super Gentes, et super regna, ut evélias, et déstruas, et dispérdas, et dissipés, et ædífices, et plantes: dicit Dóminus omnípotens.

Graduale. Joan. 1. Fuit homo missus à Deo, cui nomen erat Joánnes. V. Hic venit ut testimónium perhibéret de lúmine, paráre Dómino plebem perféctam.

Initium sancti Evangélii secundum Lucam.

Luc. 1.

FUIT in diébus Heródis regis Judææ, sacérdos quidam nómine Zachariás, de vice Abía, et uxor illius de filiábus Aaron, et nomen ejus Elisabeth. Erant autem justí ambo ante Deum, incedéntes in ómnibus mandátis et justificatió-nibus Dómini sine queréla, et non erat illis filius, eò quòd esset Elisabeth stérilis, et ambo processissent in diébus suis. Factum est autem, cùm sacerdotio fungerétur in órdine vicis suæ ante Deum, secundum consuetúdinem sacerdotií, sorte éxiit, ut incénsus póneret, ingressus in templum Dómini: et omnis multitúdo pópuli erat orans foris hora incénsi. Appáruit autem illi Angelus Dómini, stans à dextris altáris incénsi. Et Zachariás turbatus est, videns; et timor írruit super eum. Ait autem ad illum Angelus: Ne timeas Zacharía, quóniam exaudíta est deprecátio tua: et uxor tua Elisa-

beth páriet tibi filium, et vocábis nomen ejus Joánnem: et erit gáudium tibi et exultátio, et multi in nativitatè ejus gaudebunt: erit enim magnus coram Dómino: vinum et síceram non bibet, et Spiritu sancto replébitur adhuc ex útero matris suæ, et multos filiórum Israél convertet ad Dóminum Deum ipsórum: et ipse præcedet ante illum in spíritu et virtuté Eliæ: ut convertat corda patrum in filios, et incredulos ad prudéntiam justórum, paráre Dómino plebem perféctam.

Offertorium. Psal. 8. Glória et honóre coronásti eum, et constituísti eum super ópera mánuum tuárum, Dómine.

Secreta.

MUNERA, Dómine, oblata sanctífica: et intercedente beáto Joáanne Baptísta, nos per hæc à peccatórum nostrórum máculis emúnda. Per Dóminum.

Commúnio. Psal. 20. Magna est glória ejus in salutári tuo: glóriam et magnum decórem impónes super eum, Dómine.

Postcommunio.

BEATI Joánnis Baptístæ nos, Dómine, præclára comitétur orátio: et quem ventúrum esse prædixit, poscat nobis fore placátum, Dóminum nostrum Jesum Christum Fílium tuum: Qui tecum vivit.

Die xxiv. Junii.

IN NATIVITATE S. JO-
ANNIS BAPTISTÆ.

Introitus. Is. 49.

DE ventre matris meæ vocávit me Dóminus nó-

mine meo : et p̄sueit os meum ut gládium acútum : sub teguménto manus suæ protexit me, et p̄sueit me quasi sagittam eléctam. *Psalm. 91.* Bonum est confitéri Dómino, et psállere nómini tuo, Altíssime.

℣. Glória Patri.

Oratio.

DEUS, qui præséntem diem honorábilem nobis in beáti Joánnis nativitate fecisti : da pópulis tuis spirituálium grátiam gaudiórum ; et ómnium fidélium mentes dirige in viam salutis ætérnæ. Per Dóminum.

Léctio Isaíæ Prophétæ.

Isa. 49.

AUDITE insulæ, et attendite pópuli de longè : Dóminus ab útero vocávit me, de ventre matris meæ recordátus est nóminis mei. Et p̄sueit os meum quasi gládium acútum : in umbra manus suæ protéxit me, et p̄sueit me sicut sagittam eléctam : in pháretra sua abscondit me. Et dixit mihi : Servus meus es tu Israël, quia in te gloriabor. Et nunc dicit Dóminus, formans me ex útero servum sibi : Ecce dedi te in lucem Géntium, ut sis salus mea usque ad extrémum terræ. Reges vidébunt, et consúrgent príncipes, et adorábunt propter Dóminum, et sanctum Israël, qui elégit te.

Graduale. Jer. 1. Priúsquam te formárem in útero, novi te : et ántequam exíres de ventre, sanctificávi te. ℣. Misit Dóminus manum suam, tétigit os meum : et dixit mihi.

Allelúia, allelúia.

℣. *Luc. 1.* Tu puer, Prophéta Altíssimi vocáberis : præibis ante Dóminum parare vias ejus. Allelúia.

Sequéntia sancti Evangélii secúndum Lucam.

Luc. 1.

ELISABETH implétum est tempus pariéndi, et péperit filium. Ei audierunt vicíni et cognáta ejus, quia magnificávit Dóminus misericórdiam suam cum illa, et congratulábantur ei. Et factum est in die octávo, venérunt circumcidere p̄uerum, et vocábant eum nómine patris sui Zachariám. Et respóndens mater ejus, dixit : Nequáquam, sed vocábitur Joánnes. Et dixerunt ad illam : Quia nemo est in cognatióne tua, qui vocétur hoc nómine. Innuébant autem patri ejus, quem vellet vocári eum. Et p̄ostulans pugillárem, scripsit, dicens : Joánnes est nomen ejus. Et miráti sunt univérsi. Apértum est autem illic os ejus, et lingua ejus, et loquebátur benedicens Deum. Et factus est timor super omnes vicinos eórum : et super ómnia montána Judææ divulgábantur ómnia verba hæc : et posuerunt omnes qui audierant in corde suo, dicentes : Quis, putas, puer iste erit ? Etenim manus Dómini erat cum illo. Et Zachariás pater ejus replétus est Spíritu sancto, et prophetávit, dicens : Benedictus Dóminus Deus Israël, quia visitávit, et fecit redemptiόνem plebis suæ.

Non dicitur Credo, nisi in Ecclesia propria : vel nisi venerit in Dominica, aut inf. Oct.

Corporis Christi: sed in die Oct. dicitur, propter Oct. Apostol.

Offertorium. Ps. 91. Justus ut palma florébit: sicut cedrus, quæ in Libano est, multiplicabitur.

Secreta.

TUA, Dómine, munéribus altária cumulámus: illius nativitétem honóre débito celebrántes, qui Salvatórem mundi et cécinit adfutúrum, et adesse monstrávit, Dóminum nostrum Jesum Christum Filium tuum: Qui tecum vivit et regnat.

Communio. Luc. 1. Tu puer, Prophéta Altissimi vocáberis: præibis enim ante faciém Dómini paráre vias ejus.

Postcommunio.

SUMAT Ecclesia tua, Deus, beáti Joánnis Baptis-tæ generatióne lætítiam: per quem suæ regeneratiónis cognóvit auctórem, Dóminum nostrum Jesum Christum Filium tuum: Qui tecum vivit.

¶ *Infra Oct. S. Joannis, et in ipso die Octavæ fit idem Officium quod in die. Sed infra Octavam post Orationem diei dicitur secunda Oratio de S. Maria. Concede nos. Tertia, contra persecutores Ecclesiæ, vel pro Papa. 236.*

Die xxv. Junii.

IN FESTO S. GULIELMI
Abbatis.

*Missa. Os justí. de Communi
Abbatum xxiv.*

Oratio.

DEUS, qui infirmitáti nostræ ad teréndam salutis viam, in Sanctis tuis exéplum et præsidium collocásti: da nobis ita beáti Gulielmi Abba-

tis mérita venerári; ut ejúsdem excipiámus suffrágia, et vestigia prosequámur. Per Dóminum nostrum Jesum Christum Filium tuum, &c.

Et fit commemoratio Octavæ sancti Joannis Baptistæ.

Die xxvi. Junii.

IN FESTO SS. JOANNIS
ET PAULI Martyrum.

Introitus. Psal. 33.

MULTÆ tribulatiónis justórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur.

Psal. ibid. Benedicam Dóminum in omni témpore: semper laus ejus in ore meo.

¶ Glória Patri.

Oratio.

QUÆSUMUS omnipotens Deus: ut nos gemináta lætítia hodiérnæ festivitátis excipiat, quæ de beatórum Joánnis et Pauli glorificatióne procedit: quos eádem fides et pássio verè esse germános. Per Dóminum.

Et fit comm. Oct. S. Joannis, Oratio. Deus, qui præsentem. ut supra 423.

Lectio libri Sapiéntiæ.

Eclli. 44. b.

HI viri misericórdiæ sunt, quorum pietátes non defuerunt: cum sémine eórum pórmanent bona, hæréditas sancta nepótes eórum, et in testaméntis stetit senem eórum: et filii eorum propter illos usque in ætérnum manent: semen eórum, et glória eórum non derelinquétur. Córpora ipsórum in pace sepúlta sunt, et nomen eórum vivit in ge-

nerationem et generationem. Sapientiam ipsorum narrent populi, et laudem eorum nuntiet Ecclesia.

Graduale. Psalm. 132. Ecce quam bonum, et quam jucundum habitare fratres in unum.

V. Sicut unguentum in capite, quod descendit in barbam, barbam Aaron.

Alleluia, alleluia.

V. Hæc est vera fraternitas, quæ vicit mundi crimina: Christum secuta est, inclyta tenens regna cœlestia. Allel.

Sequentia sancti Evangelii secundum Lucam.

Luc. 12.

IN illo tempore: Dixit Jesus discipulis suis: Attendite à fermento Pharisæorum, quod est hypocrisis. Nihil autem opertum est, quod non revelatur: neque absconditum, quod non sciatur. Quoniam quæ in tenebris dixistis, in lumine dicentur: et quod in aure locuti estis in cubiculis, prædicabitur in tectis. Dico autem vobis amicis meis: Ne terreâmini ab his qui occidunt corpus, et post hæc non habent ampliùs quid faciant. Ostendam autem vobis quem timeatis: timeate eum, qui postquam occiderit, habet potestatem mittere in gehennam. Ita dico vobis, hunc timeate. Nonne quinque passeret veniunt dipondio, et unus ex illis non est in oblivione coram Deo? Sed et capilli capitis vestri omnes numerati sunt. Nolite ergo timere: multis passeribus pluris estis vos. Dico autem vobis: Omnis, quicum-

que confessus fuerit me coram hominibus, et Filius hominis confitebitur illum coram Angelis Dei.

Offertorium. Psalm. 5. Gloriantur in te omnes, qui diligunt nomen tuum, quoniam tu Domine benedices justo: Domine, ut scuto bonæ voluntatis tuæ coronasti nos.

Secreta.

HOSTIAS tibi, Domine, sanctorum martyrum tuorum Joannis et Pauli dicatas meritis, benignus assume: et ad perpetuum nobis tribue provenire subsidium. Per Dominum nostrum.

Communio. Sap. 3. Et si coram hominibus tormenta passi sunt, Deus tentavit eos: tamquam aurum in fornace probavit eos, et quasi holocausta accepit eos.

Postcommunio.

SUMPSIMUS, Domine, sanctorum martyrum tuorum Joannis et Pauli solèmnia celebrantes, sacramenta cœlestia: præsta quæsumus; ut, quod temporaliter gerimus, æternis gaudiis consequamur. Per Dominum.

¶ *Si sequens festum S. Leonis venerit in Dominica, transfertur post Octavam Apostolorum: et Missa dicitur de Dominica cum commemoratione sancti Joannis: et in Sabbato precedenti dicitur Missa de Vigilia Apostolorum: secunda Oratio de sancto Joanne; tertia de beata Maria, Concède nos. 236.*

Quocumque verò alio die venerit festum S. Leonis, fit de eo, cum commemoratione Octavæ S. Joannis, et Vigiliæ.

Die xxviii. Junii.

IN FESTO S. LEONIS

Papæ et Confessoris.

Introitus. Psal. 131.

SACERDOTES tui, Dómine, induant justitiám : et sancti tui exultant : propter David servum tuum, non avértas faciém Christi tui.

Psalm. ibid. Meménto Dómine David, et omnis mansuetúdinis ejus.

℣. Glória Patri.

Oratio.

DEUS, qui beátum Leónem Pontíficem, sanctórum tuórum méritis coæquásti : concéde propítius ; ut, qui commemoratiónis ejus festa percólimus : vitæ quoque imitémur exéempla. Per Dóminum.

Pro commem. Oct. S. Joannis.

Oratio.

DEUS, qui præsentem diem honorábilem nobis in beáti Joánnis nativité fecisti : da pópulis tuis spirituálium grátiam gaudiórum ; et ómnium fidélium mentes dirige in viam salutis æternæ.

Pro commemoratione Vigilæ.

Oratio.

PRÆSTA quæsumus omnípotens Deus : ut nullis nos permíttas perturbatióibus concuti, quos in Apostólicæ confessiósni petra solidásti. Per Dóminum.

Léctio Epístolæ beáti Pauli Apóstoli ad Hebræos.

Hebr. 7.

FRATRES, Plures facti sunt sacerdótes, idcirco quòd morté prohiberéntur permanére : Jesus autem eò quòd máneat in ætérnum, sempitérnum habet sacerdotium. Unde et salváre in perpétuum po-

test accedéntes per semetipsum ad Deum : semper vivens ad interpellándum pro nobis. Talis enim decébat, ut nobis esset pónlífex, sanctus, innocens, impollútus, segregátus à peccatóribus, et excélsior cœlis factus : qui non habet necessitátem quotidie, quemámodum sacerdótes, prius pro suis delictis hóstias offérre, deinde pro pópuli : hoc enim fecit semel, seípsum offeréndo, Jesus Christus Dóminus noster.

Graduale. Psal. 131. Sacerdótes ejus induam salutári : et sancti ejus exultatióne exultábunt. ℣. Illuc producám cornu David : parávi lucérnam Christo meo. Allelúia, allelúia.

℣. *Psal. 109.* Jurávit Dóminus, et non poenitébit eum : Tu es sacerdos in ætérnum secúndum ordinem Melchisedech. Allelúia.

Sequéntia sancti Evangélii secúndum Matthæum.

Matth. 25.

IN illo témpore : Dixit Jesus discipulis suis parábolam hanc : Homo pégrè proficiscens, vocávit servos suos, et trádidit illis bona sua. Et uni dedit quinque talénta, álíi autem duo, álíi verò unum ; unicuíque secúndum própriam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniám dómini sui. Post multum verò témporis venit dóminus servórum illórum, et pósuit ratiónem

cum eis. Et accédens qui quinque talénta accéperat, obtulit ália quinque talénta, dicens: Dómine, quinque talénta tradidisti mihi, ecce ália quinque superlucrátus sum. Ait illi dóminus ejus: Euge serve bone et fidélis, quia super pauca fuisti fidélis, super multa te constituam, intra in gáudium dómni tui. Accessit autem et qui duo talénta accéperat, et ait: Dómine, duo talénta tradidisti mihi, ecce ália duo lucrátus sum. Ait illi dóminus ejus: Euge serve bone et fidélis: quia super pauca fuisti fidélis, super multa te constituam, intra in gáudium dómni tui.

Offertorium. Psal. 88. Veritas mea, et misericórdia mea cum ipso: et in nómine meo exaltábitur cornu ejus.

Secreta.

ANNUE nobis, quæsumus Dómine, ut intercessióne beáti Leónis hæc nobis prosit oblátio: quam immolándo, totius mundi tribuisti relaxári delicta. Per Dóminum.

Pro S. Joanne.

Secreta.

TUA Dómine, munéribus altária cumulámus, illius nativitátem honóre débito celebrátes: qui Salvatórem mundi et cécinít adfutúrum, et adesse monstrávit, Dóminum nostrum Jesum Christum Fílium tuum.

Pro Vigilia. Secreta.

MUNUS pópuli tui, quæsumus Dómine, Apostólica intercessióne sanctífica: nosque à peccatórum nostrórum máculis emúnda. Per Dóminum nostrum.

Communio. Matth. 24. Beátus servus, quem, cùm vénerit dóminus, invénerit vigilántem: amen dico vobis, super ómnia bona sua constituet eum.

Postcommunio.

DEUS, qui ánima fámuli tui Leónis, æternæ beatitúdinis præmia contulisti: concéde propítius, ut, qui peccatórum nostrórum póndere prémimur, ejus apud te préci-bus sublevémur. Per Dóminum.

Pro S. Joanne. Postcommunio.

SUMAT Ecclésia tua, Deus, beáti Joánnis Baptístæ generatióne lætítiam: per quem suæ regeneratiónis cognóvit auctórem, Dóminum nostrum Jesum Christum Fílium tuum.

Pro Vigilia. Postcommunio.

QUOS coelésti, Dómine, Q aliménto satiásti, Apostólicis intercessiónibus ab omni adversitaté custódi. Per Dóminum nostrum.

Die xxviii. Junii.

IN VIGILIA SS. APOSTOLORUM PETRI ET PAULI.

Introitus. Jo. 21.

DICIT Dóminus Petro: Cùm esses júnior, cingébas te, et ambulábas ubi volébas: cùm autem senúeris, exténdes manus tuas, et álius te cinget, et ducet quò tu non vis: hoc autem dixit, significans qua morte clarificaturus esset Deum.

Psal. 18. Cœli enarrant glóriam Dei: et ópera mánuum ejus annúntiat firmaméntum. V. Glória Patri.

Non dicitur, Glória in excelsis.

Oratio.

PRÆSTA quæsumus omnipotens Deus: ut nullis nos permittas perturbatiõibus concuti, quos in Apostolicæ confessiõnis petra solidasti. Per Dõminum.

Secunda Oratio et tertia, ut in superiori Rubrica notatur.

Lectio Actuum Apostolorum.

Act. 3.

IN diõibus illis: Petrus et Joannes ascendebant in templum ad horam oratiõnis nominam. Ut quidam vir, qui erat claudus ex útero matris suæ, bajulabatur: quem ponebant quotidie ad portam templi quæ dicitur Speciõsa, ut pèteret eleemõsynam ab introeuntibus in templum. Is, cum vidisset Petrum et Joannem incipientes introire in templum, rogabat ut eleemõsynam acciperet. Intuens autem in eum Petrus cum Joanne, dixit: Respice in nos. At ille intendebat in eos, sperans se aliquid accepturum ab eis. Petrus autem dixit: Argentum et aurum non est mihi: quod autem habeo, hoc tibi do: In nõmine Jesu Christi Nazarenii surge, et ambula. Et apprehensa manu ejus dextera, allevavit eum, et protinùs consolidatæ sunt bases ejus et plantæ. Et exiliens stetit, et ambulabat: et intravit cum illis in templum ambulans et exiliens, et laudans Deum. Et vidit omnis pòpulus eum ambulantem, et laudantem Deum. Cognoscèbant autem illum, quod ipse erat, qui ad eleemõsynam sedebat ad Speciõsam

portam templi: et implèti sunt stupore et extasi, in eo quod contigerat illi.

Graduale. Ps. 18. In omnem terram exivit sonus eorum: et in fines orbis terræ verba eorum.

V. Cœli enarrant glóriam Dei: et ópera manuum ejus annuntiat firmamentum.

Sequèntia sancti Evangelii secúndum Joannem.

Joan. 21.

IN illo tempore: Dixit Jesus Simõni Petro: Simõn Joannis, diligis me plus his? Dicit ei: Etiam Dõmine, tu scis quia amo te. Dicit ei: Pasce agnos meos. Dicit ei iterum: Simõn Joannis, diligis me? Ait illi: Etiam Dõmine, tu scis quia amo te. Dicit ei: Pasce agnos meos. Dicit ei tertio: Simõn Joannis, amas me? Contristatus est Petrus, quia dixit ei tertio, Amas me? et dixit ei: Dõmine tu omnia nosti: tu scis quia amo te. Dixit ei: Pasce oves meas. Amen, amen dico tibi: cum esses junior, cingebas te, et ambulabas ubi volébas: cum autem senueris, extendes manus tuas, et alius te cinget, et ducet quod tu non vis. Hoc autem dixit, significans qua morte clarificaturus esset Deum.

Offertorium. Psal. 138. Mihi autem nimis honorati sunt amici tui Deus: nimis confortatus est principatus eorum.

Secreta.

MUNUS pòpuli tui, quæsumus Dõmine, Apostolica intercessiõne sanctifica: nosque à peccatorum nostrò-

rum máculis emúnda. Per Dóminum nostrum.

Communio. Joan. 21. Simon Joánnis, diligis me plus his? Dómine, tu ómnia nosti: tu scis Dómine, quia amo te.

Postcommunio.

QUOS cœlesti, Dómine, aliménto satiásti: Apostólicis intercessiónibus ab omni adversitatē custódi. Per Dóminum.

Die xxix. Junii.

IN FESTO SS. APOSTOLORUM PETRI ET PAULI.

Introitus. Act. 12.

NUNC scio verè, quia misit Dóminus Angelum suum: et eripuit me de manu Heródis, et de omni expectatióne plebis Judæórum.

Psal. 138. Dómine probásti me, et cognovísti me: tu cognovísti sessiónem meam, et resurrectionem meam.

V. Glória Patri.

Oratio.

DEUS, qui hodiérnam diem Apostolorum tuórum Petri et Pauli martyrio consecrásti: da Ecclésiæ tuæ, eórum in ómnibus sequi præcéptum, per quos religiónis sumpsit exórdium. Per Dóminum.

Et non fit comm. de S. Paulo, quia Oratio est communis: nec de Octava sancti Joannis.

Lectio Actuum Apostolorum.

Act. 12.

IN diébus illis: Misit Heródes rex manus, ut affligeret quosdam de Ecclésia. Occidit autem Jacóbum fratrem Joánnis gládio. Videns autem quia placéret Judæis, appósuit ut apprehénderet et Petrum. Erant autem dies Azymórum. Quem cùm apprehendisset,

misit in cárcerem, tradens quatuor quaterniónibus militum custodiéndum, volens post Pascha producere eum pópulo. Et Petrus quidem servabátur in cárcere. Oratio autem fiebat sine intermissióne ab Ecclésia ad Deum pro eo. Cùm autem producturus eum esset Heródes, in ipsa nocte erat Petrus dórmienti inter duos milites, vinctus caténis duabus: et custódes ante óstium custodiébant cárcerem. Et ecce Angelus Dómini ástitit: et lumen refúlsit in habitáculo: percussóque látere Petri, excitávit eum, dicens: Surge velociter. Et ceciderunt caténæ de manibus ejus. Dixit autem Angelus ad eum: Præcingere, et cálcea te cáligas tuas. Et fecit sic. Et dixit illi: Circúmde tibi vestiméntum tuum, et séquere me. Et éxiens sequebátur eum, et nesciabat quia verum est quod fiebat per Angelum: existimábat autem se visum vidére. Transeúntes autem primam et secúndam custódiám, venérunt ad portam férream, quæ ducit ad civitatem: quæ ultrò apérta est eis. Et exeúntes processérunt vicum unum: et continuò discessit Angelus ab eo. Et Petrus ad se revérsus, dixit: Nunc scio verè, quia misit Dóminus Angelum suum, et eripuit me de manu Heródis, et de omni expectatióne plebis Judæórum.

Graduale. Psal. 44. Constitués eos príncipes super omnem terram: mémores erunt nóminis tui Dómine.

V. Pro pátribus tuis nati sunt tibi filii: propterea pópuli confitebúntur tibi.

Allelúia, allelúia.

℟. Matth. 16. Tu es Petrus, et super hanc petram ædificábo Ecclésiám meam. Alleluía.

Sequéntia sancti Evangélii secúndum Matthæum.

Matth. 16.

IN illo témpore: Venit Jesus in partes Cæsaráe Philippi: et interrogábat discipulos suos, dicens: Quem dicunt hómines esse Fílium hóminis? At illi dixerunt: Alii Joánnem Baptístam, álii autem Eliam, álii verò Jeremíam, aut unum ex Prophétis. Dicit illis Jesus: Vos autem quem me esse dicitis? Respóndens Simon Petrus dixit: Tu es Christus Fílius Dei vivi. Respóndens autem Jesus, dixit ei: Beátus es Simon Bar-Jóna: quia caro et sanguis non revelávit tibi, sed Pater meus, qui in cœlis est. Et ego dico tibi, quia tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam. Et tibi dabo claves regni cœlorum. Et quodcúmque ligáveris super terram, erit ligátum et in cœlis: et quodcúmque solvéris super terram, erit solútum et in cœlis. Credo.

Offertorium. Ps. 44. Constitues eos principes super omnem terram: mémores erunt nóminis tui Dómine, in omni progénie et generatióne.

Secreta.

HOSTIAS, Dómine, quas nómini tuo sacrádas offerimus, Apostólica prosequátur orátio: per quam nos expiári tribuas, et deféndi. Per Dóminum.

Præfatio de Apostolis.

Communio. Matth. 16. Tu es

Petrus, et super hanc petram ædificábo Ecclésiám meam.

Postcommunio.

QUOS cœlesti, Dómine, aliménto satiásti: Apostólicis intercessiónibus ab omni adversitaté custódi. Per Dóminum.

Die xxx. Junii.

IN COMMEMORATIONE
S. PAULI Apostoli.

Introitus. 2 Tim. 1.

SCIO cui crédidi, et certus sum, quia potens est de-pósitum meum serváre in illum diem, justus judex.

Psalm. 138. Dómine probásti me, et cognovisti me: tu cognovisti sessiónem meam et resurrectionem meam.

℟. Glória Patri.

Oratio.

DEUS, qui multitudínem Géntium beáti Pauli Apóstoli prædicatióne docuisti: da nobis, quæsumus; ut cujus natalítia cólimus, ejus apud te patrocínia sentiámus. Per Dóminum.

Et fit commem. S. Petri Apostoli.

Oratio.

DEUS, qui beáto Petro Apóstolo tuo, collátis clávibus regni cœlestis, ligándi átque solvéndi pontificium tradidisti: concéde, ut intercessiónis ejus auxilio, à peccatórum nostrórum néxibus liberémur.

Deinde fit commemoratio S. Joannis, præterquam in Ecclesia propria S. Pauli.

Oratio.

DEUS, qui præsentem diem honorábilem nobis in beáti Joánnis nativitaté fecis-

ti: da pópulis tuis spírítuá-
lium grátiam gaudiórum; et
ómniúm fidéliúm mentes dí-
rige in viam salutis ætérnæ.
Per Dóminum.

Léctio Epístolæ beáti Pauli
Apóstoli ad Gálatas.

Gal. 1.

FRATRES, Notum vobis
fácio Evángélium, quod
evangelizátum est à me, quia
non est secúndum hóminem:
neque enim ego ab hómine
accépi illud, neque didici, sed
per revelatióem Jesu Christi.
Audistis enim conversatióem
meam aliquándo in Judaísmo:
quóniam supra modum perse-
québar Ecclésiám Dei, et ex-
pugnábam illam, et proficié-
bam in Judaísmo supra mul-
tos coætáneos meos in génere
meo, abundántius æmulátor
existens paternárum meárum
traditiónum. Cúm autem plá-
cuit ei, qui me segregávit ex
útero matris meæ, et vocávit
per grátiam suam, ut reveláret
Filiúm suum in me, ut Evan-
gelizárem illum in Géntibus:
continúò non acquiévi carni et
sánguini, neque veni Jerosóly-
mam ad antecessóres meos
Apóstolos: sed ábii in Ará-
biam: et iterúm revérsus sum
Damáscum: deínde post an-
nos tres veni Jerosólymam vi-
dere Petrum, et mansi apud
eum diébus quíndecim: álium
autem Apostolórum vidi né-
minem, nisi Jacóbum fratrem
Dómini. Quæ autem scribo
vobis, ecce coram Deo, quia
non méntior.

Graduale. Gal. 2. Qui ope-
rátus est Petro in Apostolá-
tum, operátus est et mihi inter

Gentes: et cognovérunt grá-
tiam Dei, quæ data est mihi.

V. 1. Cor. 15. Grátia Dei in
me vácuá non fuit: sed grátia
ejus semper in me manet.

Allelúia, allelúia.

V. Sancte Paule Apóstole
prædicátor veritátis, et Doctor
Géntium, intercède pro nobis.
Allelúia.

Sequéntia sancti Evángelii se-
cúndum Matthæum.

Matth. 10.

IN illo témpore: Dixit Je-
sus discipulis suis: Ecce
ego mitto vos sicut oves in mé-
dio lupórum. Estóte ergo
prudéntes sicut serpéntes, et
simplices sicut colúmbæ. Ca-
véte autem ab homínibus. Tra-
dent enim vos in conciliis, et
in synagógis suis flagellábunt
vos: et ad præsides et ad
reges ducémini propter me in
testimónium illis, et Géntibus.
Cúm autem tradent vos, nolite
cogitare quómodo aut quid
loquámini: dábitur enim vobis
in illa hora, quid loquámini.
Non enim vos estis qui loquí-
mini, sed Spíritus Patris vesti-
tri, qui loquitur in vobis. Tra-
det autem frater fratrem in mor-
tem, et pater filium: et insúr-
gent filii in paréntes, et morte
eos afficient: et éritis ódio
ómniúm propter nomen meum:
qui autem perseveráverit usque
in finem, hic salvus erit. Credo.

Offertorium. Psal. 138. Mihi
autem nimis honoráti sunt
amíci tui Deus: nimis confor-
tátus est principátus eórum.

Secreta.

APOSTOLI tui Pauli pré-
cibus, Dómine, plebis tuæ
dona sanctífica: ut, quæ tibi

tuo grata sint institúto, gratióra fiant patrocínio supplícantis. Per Dóminum.

Pro S. Petro. Secreta.

ECCLESIAE tuæ, quæsumus Dómine, preces et hóstias beáti Petri Apóstoli comméndet oratio: ut, quod pro illius glória celebrámus, nobis prosit ad véniam.

Pro S. Joanne. Secreta.

TUA, Dómine, munéribus altária cumulámus, illius nativitétem honóre débito celebrántes, qui Salvatórem mundi et cécinit adfutúrum, et adesse monstrávit, Dóminum nostrum Jesum Christum Fílium tuum. Qui tecum vivit et regnat.

Præfatio de Apostolis.

Communio. Matth. 19. Amen dico vobis: quòd vos qui reliquistis ómnia, et secúti estis me, céntuplum accipiétis, et vitam æternam possidébítis.

Postcommunio.

PERCEPTIS, Dómine, sacraméntis, beáto Paulo Apóstolo tuo interveniénte deprecámur: ut, quæ pro illius celebráta sunt glória, nobis proficiant ad medélam. Per Dóminum nostrum.

Pro S. Petro. Postcomm.

LÆTIFICET nos, Dómine, munus oblátum: ut sicut in Apóstolo tuo Petro, te mirábilem prædicámus, sic per illum tuæ sumámus indulgéntiæ largitátem.

Pro sancto Joanne. Postcom.

SUMAT Ecclésia tua, Deus, beáti Joánnis Baptistæ generatióne lætítiam: per quem suæ regeneratiónis cognóvit auctórem, Dóminum nos-

trum Jesum Christum Fílium tuum. Qui tecum vivit et regnat.

FESTA JULII.

Die i. Julii.

IN OCTAVA S. JOANNIS Baptistæ.

Dicitur Missa ut in ejus die Festo 422. cum Commemoratione Apostolorum ut supra in eorum Festo, et in ea dicitur Credo, et Præfatio de Apostolis.

Die ii. Julii.

IN FESTO VISITATIONIS BEATÆ MARLÆ VIRGINIS.

Introitus. Sedulius.

SALVE sancta Parens, enixa puérpera Regem: qui cœlum terrámque regit in sæcula sæculórum.

Psal. 44. Eructávit cor meum verbum bonum: dico ego ópera mea Regi.

V. Glória Patri.

Oratio.

FAMULIS tuis, quæsumus Dómine, cœlestis grátia munus impertire: ut quibus beátæ Virginitis partus éxstitit salutis exórdium, Visitationis ejus votiva solémnitas, pacis tribuat incrementum. Per Dóminum nostrum.

Pro commem. SS. Apostolorum Petri et Pauli.

Oratio.

DEUS, qui hodiérnam diem Apóstolorum tuórum Petri et Pauli martyrio consecrásti: da Ecclésia tuæ, eórum ómnibus sequi præcèptum, per quos religiónis sumpsit exórdium.

*Pro SS. martyribus Processo
et Martiniano.*

Oratio.

DEUS, qui nos sanctorum
martyrum tuorum Pro-
cessi et Martiniani gloriosis
confessionibus circumdas, et
protegis: da nobis et eorum
imitatione proficere, et inter-
cessione gaudere. Per Domi-
num nostrum.

Lectio libri Sapientiae.

Cant. 2. b.

ECCE iste venit saliens in
montibus, transiliens col-
les: similis est dilectus meus
capreae, hinnuloque cervorum.
En ipse stat post parietem nos-
trum, respiciens per fenestras,
prospiciens per cancellos. En
dilectus meus loquitur mihi:
Surge, prospera amica mea, co-
lumba mea, formosa mea, et
veni. Jam enim hiems tran-
siit, imber abiit, et recessit.
Flores apparuerunt in terra
nostra: tempus putationis ad-
venit: vox turturis audita est
in terra nostra: ficus protulit
grossos suos: vineae florentes
dederunt odorem suum. Surge
amica mea, speciosa mea, et
veni: columba mea in foramini-
bus petrae, in caverna ma-
ceriae, ostende mihi faciem tu-
am: sonet vox tua in auribus
meis: vox enim tua dulcis, et
facies tua decora.

Graduale. Benedicta et ve-
nerabilis es virgo Maria: quae
sine tactu pudoris inventa es
mater Salvatoris. V. Virgo
Dei genitrix, quem totus non
capit orbis, in tua se clausit
viscera factus homo. Alleluia,
alleluia.

V. Felix es sacra virgo Ma-
ria, et omni laude dignissima:

quia ex te ortus est sol justi-
tiae Christus Deus noster. Al-
leluia.

Sequentia sancti Evangelii se-
cundum Lucam.

Luc. 1. d.

IN illo tempore: Exurgens
Maria, abiit in montana
cum festinatione in civitatem
Juda: et intravit in domum
Zachariae, et salutavit Elisa-
beth. Et factum est, ut au-
divit salutationem Mariae Eli-
sabeth, exultavit infans in ute-
ro ejus: et replata est Spiri-
tu sancto Elisabeth: et excla-
mavit voce magna, et dixit:
Benedicta tu inter mulieres, et
benedictus fructus ventris tui.
Et unde hoc mihi, ut veniat
mater Domini mei ad me? ec-
ce enim ut facta est vox salu-
tationis tuae in auribus meis,
exultavit in gaudio infans in
utero meo. Et beata, quae cre-
didisti, quoniam perficiuntur
ea, quae dicta sunt tibi a Do-
mino. Et ait Maria: Magnifi-
cat anima mea Dominum: et
exultavit spiritus meus in Deo
salutari meo. Credo.

Offertorium. Beata es virgo
Maria, quae omnium portasti
creatorem: genuisti qui te fe-
cit, et in aeternum permanes
virgo.

Secreta.

UNIGENITI tui, Domine,
nobis succurrat humani-
tas: ut qui natus de Virgine,
matris integritatem non minuit,
sed sacravit: in Visitationis
ejus solenniis, nostris nos pia-
culis exuens, oblationem nos-
tram tibi faciat acceptam Jesus
Christus Dominus noster: Qui
tecum vivit.

Pro SS. Apostolis Petro et Paulo.
Secreta.

HOSTIAS, Dómine, quas nómini tui sacrádas oférimus, Apostólica prosequá-tur orátio: per quam nos expiári tribuas, et deféndi.

Pro SS. martyribus Processo et Martiniano.
Secreta.

SUSCIPE Dómine preces et múnera: quæ ut tuo sint digna conspéctui, sanctórum tuórum précibus adjuvémur. Per Dóminum.

Præfatio de B. Maria. Et te in Visitatione.

Communio. Beáta viscera Mariæ vírginis; quæ portavérunt ætérni Patris Filium.

Postcommunio.

SUMPSIMUS, Dómine, celebritátis ánnuæ votíva sacraménta: præsta quæsumus; ut temporális vitæ nobis remédia præbeant et ætérnæ. Per Dóminum.

Pro SS. Apostolis Petro et Paulo.
Postcommunio.

QUOS cœlésti, Dómine, aliménto satiásti, Apostólicis intercessiónibus ab omni adversitaté custódi.

Pro SS. martyribus Processo et Martiniano.

Postcommunio.

CORPORIS sacri et preti-ósi sánguini repléti libámine, quæsumus Dómine Deus noster: ut quod pia devotióne gérimus, certa redempti-óne capiámus. Per eúndem Dóminum.

Die iii. Julii.

INFRA OCT. SS. APOST.
PETRI ET PAULI.

Introitus. *Psal.* 138.

MIHI autem nimis hono-ráti sunt amíci tui De-

us: nimis confortátus est prin-cipátus eórum.

Psal. ibid. Dómine probás-ti me, et cognovisti me: tu cognovisti sessi-ónem meam, et resurrecti-ónem meam.

℣. Glória Patri.

Oratio.

DEUS, qui hodiérnam diem Apostolórum tuórum Pe-tri et Pauli martyrio conse-crásti: da Ecclésiæ tuæ, eórum in ómnibus sequi præcép-tum, per quos religi-ónis sump-sit exórdium. Per Dómi-num.

Secunda Oratio de S. Maria. Concéde nos. *tertia,* Ecclésiæ tuæ. *vel pro Papa.* 236.

Léctio Actuum Apostolórum.

Act. 1. b.

IN diébus illis: Per manus Apostolórum fiébant signa et prodigia multa in plebe. Et erant unanimiter omnes in pórticu Salomónis. Ceterórum autem nemo audébat se conjúgere illis: sed magnificábat eos pópulus. Magis autem augebátur credéntium in Dómino multitúdo virórum, ac mulierum, ita ut in platéas eji-cerent infirmos, et pónerent in léctulis ac grabátis; ut, veni-énte Petro, saltem umbra il-lius obumbráret quemquam il-lórum, et liberaréntur ab infirmitátibus suis. Concurrébat autem et multitúdo vicinárum civitátum Jerúsalem, afferéntes ægros, et vexátos á spiritibus immúdis: qui curabántur omnes.

Graduale. Psal. 44. Consti-tues eos príncipes super om-nem terram: mémores erunt nóminis tui Dómine.

℣. Pro pátribus tuis nati

sunt tibi filii: propterea pópuli confitebúntur tibi.

Allelúia, allelúia.

¶ *Luc. 2.* Rogávi pro te, Petre, ut non deficiat fides tua: et tu aliquándo convérsus, confirma fratres tuos. Allelúia.

Sequéntia sancti Evangélii secúndum Matthæum.

Matth. 19.

IN illo tempore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Jesus autem dixit illis: Amen dico vobis, quòd vos, qui secúti estis me, in regeneratióne cum séderit Fílius hóminis in sede majestátis suæ, sedébitis et vos super sedes duódecim tribus Israël. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accipiet, et vitam ætérnam possidébit. Credo.

Offertorium. Ps. 18. In omnem terram exívit sonus eórum: et in fines orbis terræ verba eórum.

Secreta.

HOSTIAS, Dómine, quas nómini tuo sacrádas offérimus, Apostólíca prosequátur orátio: per quam nos expiári tríbuas, et deféndi. Per Dóminum.

Secunda Secreta. Tua Dómine. *Tertia,* Prótege. *vel Oblátis.* 236.

Prefatio de Apostolis.

Communio. Matth. 19. Vos

qui secúti estis me, sedébitis super sedes, judicántes duódecim tribus Israël.

Postcommunio.

QUOS cœlesti, Dómine, aliménto satiásti: Apostólicis intercessiónibus ab omni adversitaté custódi. Per Dóminum.

Secunda Postcomm. Sump-tis Dómine. *Tertia,* Quæsumus Dómine. *vel.* Hæc nos. 236.

Die vi. Julii.

IN OCTAVA APOSTOLORUM PETRI ET PAULI.

Introitus. Eccli. 44.

SAPIENTIAM Sanctórum narrent pópuli, et laudes eórum núntiet Ecclésia: nómina autem eórum vivent in sæculum sæculi.

Psal. 32. Exultáte justi in Dómino: rectos decet collaudátio.

¶ Glória Patri.

Oratio.

DEUS, cujus dextera beátum Petrum ambulántem in flúctibus, ne mergerétur, eréxit: et coapóstolum ejus Paulum tértiò naufragántem, de profúndo pélagi liberávit: exáudi nos propítius, et concéde; ut ambórum méritis, æternitátis glóriam consequámur. Qui vivis et regnas.

Léctio libri Sapiéntiæ.

Eccli. 44. b.

HI viri misericórdiæ sunt, quorum pietates non defuerunt, cum sémine eórum pórmanent bona, hæreditas sancta nepótes eórum, et in testaméntis stetit semen eó-

rum: et filii eorum propter illos usque in æternum manent: semen eorum, et gloria eorum non derelinquetur. Corpora ipsorum in pace sepulta sunt, et nomen eorum vivit in generationem et generationem. Sapientiam ipsorum narrent populi, et laudem eorum nuntiet Ecclesia.

Graduale. Sap. 3. Justorum animæ in manu Dei sunt, et non tanget illos tormentum malitiæ. *V.* Visi sunt oculis insipientium mori: illi autem sunt in pace. Alleluia, alleluia.

V. Luc. 22. Vos estis, qui permansistis mecum in tentationibus meis: et ego dispono vobis regnum, ut sedeatis super thronos, judicantes duodecim tribus Israël. Alleluia.

Sequentia sancti Evangelii secundum Matthæum.

Matth. 14.

IN illo tempore: Compulit Jesus discipulos ascendere in naviculam, et præcedere eum trans fretum, donec dimitteret turbas. Et dimissa turbâ, ascendit in montem solus orare. Vespere autem facte, solus erat ibi. Navicula autem in medio mari jactabatur fluctibus: erat enim contrarius ventus. Quarta autem vigilia noctis venit ad eos, ambulans super mare. Et videntes eum super mare ambulantem, turbati sunt, dicentes: Quia phantasma est. Et præ timore clamaverunt. Statimque Jesus locutus est eis, dicens: Habete fiduciam: ego sum, nolite timere. Respondens autem Petrus, dixit: Domine, si tu es, jube me ad te venire super aquas. At ipse ait: Veni. Et

descendens Petrus de navicula, ambulabat super aquam ut veniret ad Jesum. Videns verò ventum validum, timuit: et cum cœpisset mergi, clamavit dicens: Domine, salvum me fac. Et continuo Jesus extendens manum, apprehendit eum: et ait illi: Modicæ fidei, quare dubitasti? Et cum ascendissent in naviculam, cessavit ventus. Qui autem in navicula erant, venerunt, et adoraverunt eum, dicentes: Verè Filius Dei es. Credo.

Offertorium. Psal. 149. Exultabunt Sancti in gloria: lætabuntur in cubilibus suis: exaltationes Dei in faucibus eorum.

Secreta.

OFFERIMUS tibi, Domine, preces et munerâ: quæ ut tuo sint digna conspectu, Apostolorum tuorum Petri et Pauli precibus adjuvemur. Per Dominum.

Præfatio de Apostolis.

Communio. Sap. 3. Justorum animæ in manu Dei sunt, et non tanget illos tormentum malitiæ: visi sunt oculis insipientium mori, illi autem sunt in pace.

Postcommunio.

PROTEGE Domine populum tuum: et Apostolorum tuorum Petri et Pauli patrocinio confidentem, perpétua defensione conserva. Per Dominum nostrum.

Die viii. Julii.

IN FESTO S. ELISABETH
Reginæ Portugalliæ Viduæ.

Missa. Cognovi Domine. de Communi nec virg. nec martyris xxxii.

Oratio.

CLEMENTISSIME Deus, qui beatam Elisabeth reginam, inter ceteras egregias dotes, bellici furoris sedandi prerogativa decorasti: da nobis ejus intercessione, post mortalis vitae, quam suppliciter petimus, pacem, ad aeterna gaudia pervenire. Per Dominum nostrum.

Die x. Julii.

IN FESTO SANCTORUM
SEPTEM FRATRUM, ac
RUFINÆ et SECUNDÆ
Virg. et Mart.

Introitus. Psal. 112.

LAUDATE pueri Domini, laudate nomen Domini: qui habitare facit sterilem in domo, matrem filiorum laetantem.

Psal. ibid. Sit nomen Domini benedictum: ex hoc nunc, et usque in saeculum.

V. Gloria Patri.

Oratio.

PRÆSTA quæsumus omnipotens Deus, ut, qui gloriosos Martyres, fortes in sua confessione cognovimus, pios apud te in nostra intercessione sentiamus. Per Dominum.

Lectio libri Sapiëntiæ.

Prov. 31. d.

MULIERUM fortem quis inveniet? procul, et de ultimis finibus pretium ejus. Confidit in ea cor viri sui, et spoliis non indigebit. Reddet ei bonum et non malum omnibus diebus vite sue. Quæsit lanam, et linum, et operata est consilio manuum suarum. Facta est quasi navis in-

stitoris, de longe portans panem suum. Et de nocte surrexit, deditque prædam domesticis suis, et cibaria ancillis suis. Consideravit agrum, et emit eum: de fructu manuum suarum plantavit vineam. Accinxit fortitudine lumbos suos, et roboravit brachium suum. Gustavit, et vidit quia bona est negotiatio ejus: non extinguetur in nocte lucerna ejus. Manum suam misit ad fortia; et digiti ejus apprehenderunt fusum. Manum suam aperuit inopi, et palmas suas extendit ad pauperem. Non timebit domui suae à frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, et purpura indumentum ejus. Nobilis in portis vir ejus, quando sederit cum senatoribus terrae. Sindonem fecit, et vendidit, et cingulum tradidit Chanaanæo. Fortitudo et decor indumentum ejus, et ridebit in die novissimo. Os suum aperuit sapientiæ, et lex clementiæ in lingua ejus. Consideravit semitas domus suae, et panem otiosa non comedit. Surrexerunt filii ejus, et beatissimam prædicaverunt, vir ejus, et laudavit eam. Multae filiae congregaverunt divitias: tu supergressa es universas. Fallax gratia, et vana est pulchritudo: mulier timens Dominum, ipsa laudabitur. Date ei de fructu manuum suarum: et laudem eam in portis opera ejus.

Graduale. Psal. 123. Anima nostra, sicut passer, erepta est de laqueo venantium.

V. Laqueus contritus est, et nos liberati sumus: adiutorium nostrum in nomine Dõ-

mini, qui fecit cœlum et terram. Allelúia, allelúia.

✠. Hæc est vera fraternitas, quæ vicit mundi crimina : Christum secúta est, inclýta tenens regna cœlestia.

Allelúia.

Sequéntia sancti Evangélii secúndum Matthæum.

Matth. 12.

IN illo témpore : Loquente Jesu ad turbas, ecce mater ejus et fratres stabant foris, quæréntes loqui ei. Dixit autem ei quidam : Ecce mater tua et fratres tui foris stant, quæréntes te. At ipse respóndens dicéti sibi, ait : Quæ est mater mea, et qui sunt fratres mei ? Et exténdens manum in discípulos suos, dixit : Ecce mater mea et fratres mei. Quicumque enim fécerit voluntatem Patris mei, qui in cœlis est : ipse meus frater, et soror, et mater est.

Offertorium. Psal. 123. Anima nostra, sicut passer, erépta est de láqueo venántium : laqueus contrítus est, et nos liberáti sumus.

Secreta.

SACRIFICIIS præsentibus quæsumus Dómine, inténde plácatus : et intercedéntibus sanctis tuis, devotióni nostræ proficiant, et salúti. Per Dóminum.

Communio. Matth. 12. Quicumque fécerit voluntatem Patris mei, qui in cœlis est : ipse meus frater, et soror, et mater est, dicit Dóminus.

Postcommunio.

QUÆSUMUS omnipotens Deus : ut intercedéntibus sanctis tuis, illius salutáris ca-

píamus efféctum, cujus per hæc mystéria pignus accépi-mus. Per Dóminum.

Die xi. Julii.

SANCTI PII Papæ et Mart.

Dicitur Missa. Státuit. ut in Comuni unius Mart. Pontif. ii.

Die xii. Julii.

IN FESTO S. JOANNIS
Gualberti Abbatis.

Introitus. Psal. 36.

OS justi meditábitur sapiéntiam, et lingua ejus loquétur judícium : lex Dei ejus in corde ipsíus.

Psalm. ibid. Noli æmulári in malignántibus : neque zeláveris faciéntes iniquitatem.

✠. Glória Patri.

Oratio.

INTERCESSIO nos, quæsumus Dómine, beáti Joánnis Abbátis commédet : ut quod nostris méritis non valémus, ejus patrocínio assequámur. Per Dóminum.

Pro commem. SS. Naboris et Felicis martyrum.

Oratio.

PRÆSTA, quæsumus Dómine, ut sicut nos sanctórum mártýrum tuórum Náboris et Felicis natalítia celebránda non déserunt, ita júgiter suffrágiis comiténtur. Per Dóminum.

Léctio libri Sapiéntiæ.

Eccli. 45.

DILECTIS Deo et hominibus, cujus memória in benedictióne est. Símilem illum fecit in glória sanctórum, et magnificávit eum in timóre

inimicórum, et in verbis suis monstra placávit. Glorificávit illum in conspéctu regum, et jussit illi coram púpulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Audívit enim eum, et vocem ipsíus, et indúxit illum in nubem. Et dedit illi coràm præcépta, et legem vitæ, et disciplinæ.

Graduale. Psal. 20. Dómine, prævenísti eum in benedictiónibus dulcédinis: posuísti in cápite ejus coronam de lápide pretiósio. *V.* Vitam pétiit a te, et tribuísti ei longitudinem dierum in sæculum sæculi.

Allelúia, allelúia.

V. Justus ut palma florébit: sicut cedrus, Libani multiplicábitur. Allelúia.

Sequéntia sancti Evángelii secúndum Matthæum.

Matth. 5. f.

IN illo témpore: Dixit Jesus discipulis suis: Audístis quia dictum est: Díliges próximum tuum, et ódio habébis inimicum tuum. Ego autem dico vobis: Dilígite inimicos vestros, benefácite his, qui odérunt vos: et oráte pro persequéntibus et calumniántibus vos: ut sitis filii Patris vestri, qui in cœlis est: qui solem suum oriri facit super bonos et malos, et pluit super justos et injústos. Si enim dilígitis eos, qui vos díligunt, quam mercédem habébitis? nóne et publicáni hoc faciunt? Et si salutavéritis fratres vestros tantum, quid ámplius faciatis: nóne et éthnici hoc faciunt? Estóte ergo vos perfecti, sicut et Pater vester cœlestis perfectus est.

Offertorium Psal. 20. Desiderium animæ ejus tribuísti ei, Dómine, et voluntáte labiórurum ejus non fraudásti eum: posuísti in cápite ejus coronam de lápide pretiósio.

Secreta.

SACRIS altáribus, Domine, hóstias superpósitas, sanctus Joánes Abbas, quæsumus, in salutem nobis provenire depóscat. Per Dóminum.

Pro SS. Nabore et Felice mart.

Secreta.

MUNERA plebis tuæ, quæsumus Dómine, sanctórum mártirum tuórum Náboris et Felicis fiant grata suffrágiis: et quorum triúmphis tuo nómini offerúntur, ipsórum digna perficiántur et méritis. Per Dóminum.

Communió. Luc. 12. Fidélis servus et prudens, quem constituit dóminus super familiam suam: ut det illis in témpore tritici mensúram.

Postcommunió.

PROTEGAT nos, Dómine, cum tui perceptiõe sacraménti beátus Joánes Abbas, pro nobis intercedédo: ut et conversatiõe ejus experiámur insígnia, et intercessiõe percipiámus suffrágia. Per Dóminum.

Pro SS. Nabore et Felice mart.

Postcommunió.

NATALITIIS Sanctórum tuórum, quæsumus Dómine, ut sacraménti múnere vegetáti: bonis, quibus per tuam grátiam nunc fovémur, perfruámur ætérnis. Per Dóminum.

Die xiii. Julii.

IN FESTO S. ANACLETI
Papæ et Martyris.

Intritus. Dan. 3.

SACERDOTES Dei benedicite Dóminum: sancti et húmiles corde laudate Deum.

Dan. ib. Benedicite ómnia ópera Dómini Dómino: laudate et superexaltate eum in sæcula. *V.* Glória Patri.

Oratio.

DEUS, qui nos beáti Anacleti mártiris tui atque Pontificis ánnua solemnitate lætificas: concède propítius; ut cujus natalítia cólimus, de ejúsdem etiam protectióne gaudeámus. Per Dóminum.

Lectio Epístolæ beáti Pauli Apóstoli ad Corinthios.

2 Cor. 1.

FRATRES, Benedictus Deus, et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omne tribulatióne nostrâ: ut possimus et ipsi consolári eos, qui in omni pressúra sunt, per exhortatiónem, qua exhortámur et ipsi à Deo. Quóniam sicut abúndant passiones Christi in nobis: ita et per Christum abúndat consolatio nostra. Sive autem tribulamur pro vestra exhortatióne et salute, sive consolámur pro vestra consolatióne, sive exhortámur pro vestra exhortatióne et salute, quæ operáitur tolerántiam earúmdem passiónum, quas et nos pátimur: ut spes nostra firma sit pro vobis: sciéntes, quod sicut sócii passiónum estis, sic éritis et consolatiónis: in Christo Jesu Dómino nostro.

Graduale. Psal. 8. Glória et honóre coronásti eum. *V.* Et constituísti eum super ópera mánuum tuárum Dómine.

Allelúia, allelúia.

V. Hic est sacérdos, quem coronávit Dóminus. Allelúia.

Sequéntia sancti Evangélii secúndum Lucam.

Luc. 14. f.

IN illo témpore: Dixit Jesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discipulus. Et qui non hájulat crucem suam, et venit post me, non potest meus esse discipulus. Quis enim ex vobis volens turrim ædificáre, non priús sedens cómputat sumptus, qui necessarij sunt, si hábeat ad perficiéndum; ne, posteáquam posúerit fundaméntum, et non potúerit perficere, omnes qui vident, incípiant illúdere ei, dicéntes: Quia hic homo cœpit ædificáre, et non pótuit consummáre? Aut quis rex itúrus committere bellum advérsus álium regem, non sedens priús cógitat, si possit cum decem millibus occúrrere ei, qui cum viginti millibus venit ad se? alióquin adhuc illo longé agente, legatiónem mittens, rogat ea quæ pacis sunt. Sic ergo omnis ex vobis, qui non renúnciat ómnibus quæ póssidet, non potest meus esse discipulus.

Offertorium. Ps. 88. Inveni David servum meum, óleo sancto meo unxi eum: manus enim mea auxiliábitur ei, et

bráchiū meū confortábit eum.

Secreta.

MUNERA tibi, Dómine, dicáta sanctifica: et intercedente beáto Anacléto mártire tuo atque Pontífice, per eádem nos placátus inténde. Per Dóminum.

Communio. Ps. 20. Posuisti Dómine in cápite ejus corónam de lápide pretioso.

Postcommunio.

HÆC nos commúnio, Dómine, purget à crímīne: et intercedente beáto Anacléto mártire tuo atque Pontífice, cœlestis remédii faciat esse consórtes. Per Dóminum.

Die xiv. Julii.

IN FESTO S. BONAVENTURÆ Episcopi et Confessoris.

Introitus. Eccli. 15.

IN médio Ecclésiæ aperuit os ejus: et implévit eum Dóminus spírītu sapiéntiæ et intelléctus: stolam glóriæ induit eum.

Psal. 91. Bonum est confiteri Dómino: et psállere nómino tuo, Altíssime.

℣. Glória Patri.

Oratio.

DEUS, qui pópulo tuo æternæ salútis beátum Bonaventúram mínistrum tribuísti: præsta quæsumus; ut, quem doctórem vitæ habúimus in terris, intercessórem habére mereámur in cœlis. Per Dóminum.

Lectio Epístolæ beáti Pauli Apóstoli ad Timótheum.

2 Tim. 4.

CHARISSIME, Testificor coram Deo, et Jesu Chris-

to, qui judicatúrus est vivos et mórtuos, per advéntum ipsius, et regnum ejus: prædica verbum, insta opportúne, importúne: árgue, óbseca, increpa in omni patiéntia, et doctrína. Erit enim tempus, cū sanam doctrínam non sustinébunt, sed ad sua desidéria coacervábunt sibi magistros, pruriéntes áuribus, et à veritate quidem audítum avértent, ad fábulas autem converténtur. Tu verò vigila, in ómnibus labóra, opus fac Evangelistæ, ministérium, tuum imple. Sóbrius esto. Ego enim jam delibor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna justitiæ, quam reddet mihi Dóminus in illa die justus judex: non solum autem mihi, sed et iis qui díligunt advéntum ejus.

Graduale. Psalmus 36. Os justi meditábitur sapiéntiam, et lingua ejus loquétur júdicium.

℣. Lex Dei ejus in corde ipsius: et non supplantábuntur gressus ejus.

Allelúia, allelúia.

℣. *Psal. 109.* Jurávit Dóminus, et non pœnitébit eum: Tu es sacérdos in ætérnum secúndum órđinem Melchisedech. Allelúia.

Sequéntia sancti Evangélii secúndum Matthæum.

Matth. 5. b.

IN illo tempore: Dixit Jesus discípulis suis: Vos estis sal terræ. Quòd si sal evanúerit, in quo saliétur? ad

nihilum valet ultrā, nisi ut mittatur foras, et conculcetur ab hominibus. Vos estis civitas abscondi supra montem posita. Neque accendunt lucernam, et ponunt eam sub mōdio, sed super candelabrum: ut luceat omnibus qui in domo sunt. Sic luceat lux vestra coram hominibus, ut videant opera vestra bona, et glorificent Patrem vestrum, qui in cælis est. Nolite putare quoniam veni solvere legem, aut Prophetas: non veni solvere, sed adimplere. Amen quippe dico vobis, donec transeat cælum et terra, iota unum, aut unus apex non præteribit à lege, donec omnia fiant. Qui ergo solverit unum de mandatis istis minimis, et docuerit sic homines, minimus vocabitur in regno cælorum: qui autem fecerit et docuerit, hic magnus vocabitur in regno cælorum. Credo.

Offertorium. Ps. 88. Veritas mea, et misericordia mea cum ipso: et in nomine meo exaltabitur cornu ejus.

Secreta.

SANCTI Bonaventuræ Confessoris tui atque Pontificis, quæsumus Dōmine, annua sollemnitas pietati tuæ nos reddat acceptos: ut per hæc piæ placationis officia, et illum beata retributio committatur, et nobis gratiæ tuæ dona conciliet. Per Dōminum.

Communio. Luc. 12. Fidélis servus et prudens, quem constituit Dōminus super familiam suam: ut det illis in tempore tritici mensuram.

Postcommunio.

DEUS, fidélium remunerátor animarum, præsta: ut beati Bonaventuræ Confessoris tui atque Pontificis, cuius venerandam celebramus festivitatem, precibus indulgentiam consequamur. Per Dōminum.

Die xv. Julii.

IN FESTO S. HENRICI Confessoris.

Missa. Os justi. ut in Comuni Confessoris non Pontificis. xxii.

Oratio.

DEUS, qui hodierna die beatum Henricum Confessorem tuum è terrèni culmine imperii ad regnum æternum transtulisti: te supplices exoramus; ut sicut illum gratiæ tuæ ubertate præventum, illécebras sæculi superare fecisti; ita nos facias, ejus imitatione, mundi hujus blandimenta vitare, et ad te puris mentibus pervenire. Per Dōminum nostrum.

Die xvi. Julii.

COMMEMORATIO SOLEMNIS BEATÆ MARIÆ VIRGINIS de Monte Carmelo.

Introitus.

GAUDEAMUS omnes in Dōmino, diem festum celebrantes, sub honore beatæ Mariæ virginis: de cuius sollemnitate gaudent Angeli, et collaudant Filium Dei.

Psal. 44. Eructavit cor meum verbum bonum: dico ego opera mea Regi.

℟. Glória Patri.

Oratio.

DEUS, qui beatissimæ semper virginis et genitricis tuæ Mariæ singulari titulo Carméli Ordinem decorasti: concede propitius, ut cujus hodie commemorationem solènni celebramus officio, ejus muniti præsiidiis, ad gaudia sempiterna pervenire mereamur. Qui vivis et regnas.

Lectio libri Sapientiæ.

Eccli. 24. c.

EGO quasi vitis fructificavi suavitatem odoris: et flores mei fructus honoris, et honestatis. Ego mater pulchræ dilectionis, et timoris, et agnitionis, et sanctæ spei. In me grátia omnis viæ et veritatis, in me omnis spes vitæ et virtutis. Transite ad me, omnes qui concupiscitis me, et à generationibus meis implèmini. Spiritus enim meus super mel dulcis, et hæreditas mea super mel, et favum. Memoria mea in generationes sæculorum. Qui edent me, adhuc esurient: et qui bibunt me, adhuc sitient. Qui audit me, non confundetur: et qui operantur in me, non peccabunt. Qui elúcidant me, vitam æternam habebunt.

Graduale. Benedicta et venerabilis es virgo María, quæ fine tactu pudoris, inventa es Mater Salvatoris.

¶ Virgo Dei Génitrix, quem totus non capit orbis, in tua se clausit viscera factus homo. Alleluia, alleluia.

¶ Per te Dei Génitrix nobis est vita perdata data: quæ de cælo suscepisti prolem; et mundo genuisti Salvatorem. Alleluia.

Sequéntia sancti Evangélii secundum Lucam.

Luc. 11.

IN illo tempore: Loquente Jesu ad turbas, extollens vocem quædam mulier de turba, dixit illi: Beatus venter, qui te portavit: et úbera, quæ suxisti. At ille dixit: Quinimo, beati qui audiunt verbum Dei, et custodiunt illud. Credo.

Offertorium. Recordare virgo Mater, in conspectu Dei, ut loquaris pro nobis bona, et ut avertas indignationem suam à nobis.

Secreta.

SANCTIFICA, Dómine quæsumus, oblata libamina: et beatæ Dei Genitricis Mariæ saluberrima intercessiõne, nobis salutaria fore concede. Per eundem Dóminum.

Præfatio. Et te in Commemoratione beatæ Mariæ.

Communio. Regina mundi dignissima, María virgo perpetua, intercede pro nostra pace et salute, quæ genuisti Christum Dóminum Salvatorem omnium.

Postcommunio.

ADJUVET nos, quæsumus Dómine, gloriósæ tuæ genitricis, sempérque virginis Mariæ intercessio veneranda: ut quos perpétuis cumulavit beneficiis, à cunctis periculis absolutos sua faciat pietate concordes. Qui vivis et regnas.

Die xvii. Julii.

IN FESTO S. ALEXII
Confess.

Introitus. Psal. 36.

OS justi meditabitur sapientiam, et lingua ejus

loquétur iudicium : lex Dei ejus in corde ipsius.

Psal. ibid. Noli æmulári in malignántibus : neque zeláveris faciéntes iniquitátem,
V. Glória Patri.

Oratio.

DEUS, qui nos beáti Aléxii Conféssoris tui ánnua solemnitate lætíficas : concéde propítius ; ut cujus natalítia cólimus, étiam actiónes imitémur. Per Dóminum.

Léctio Epístolæ beáti Pauli Apóstoli ad Timótheum.

1 Tim. 6. b.

CHARISSIME, Est quæstus magnus, piétas cum sufficiéntia. Nihil enim intúlimus in hunc mundum : haud dúbium quòd nec auférré quid póssumus. Habéntes autem aliménta, et quibus tegámur, his conténti sumus. Nam qui volunt divítes fieri, incidunt in tentatiónem, et in láqueum diaboli, et desidéria multa inútilia et nociva, quæ mergunt hómines in intéritum et perditiónem. Radix enim ómnium malórem est cupiditas : quam quidam appeténtes, erravérunt à fide, et inseruérunt se dolóribus multis. Tu autem ó homo Dei, hæc fuge, sectáre verò justitiam, pietátem, fidem, charitátem, patiéntiam, mansuetúdinem. Certa bonum certámen fidei, apprehénde vitam ætérnam.

Graduale. Psal. 91. Justus ut palma florébit : sicut cedrus Líbani multiplicábitur in domo Dómini. *V.* Ad annuntiándum manè misericórdiam

tuam, et veritátem tuam per noctem. Allelúia, allelúia.

V. Jac. 1. Beátus vir, qui suffert tentatiónem : quóniam cùm probátus fuerit, accipiet corónam vitæ. Allelúia.

Sequéntia sancti Evangélli scúndum Matthæum.

Matth. 19.

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis ? Jesus autem dixit illis : Amen dico vobis, quòd vos, qui secúti estis me, in regeneratióne cùm séderit Filius hóminis in sede majestátis suæ, sedébitis et vos super sedes duódecim, judicántes duódecim tribus Israël. Et omnis, qui reliquerit dómum, vel fratres, aut soróres, aut patrem, aut matrem, aut uxórem aut filios, aut agros, propter nomen meum, centuplum accipiet, et vitam ætérnam possidébit.

Offertorium. Psal. 88. Véritas mea, et misericórdia mea cum ipso : et in nómine meo exaltábitur cornu ejus.

Secreta.

LAUDIS tibi, Dómine, hóstias immolámus in tuórum commemoratióne Sanctórum : quibus nos et præséntibus éxui malis confidimus, et futúris. Per Dóminum.

Communio. Matth. 24. Beátus servus, quem, cùm vénerit dóminus, invénerit vigilántem ; amen dico vobis, super ómnia bona sua constituet eum.

Postcommunio.

REFECTI cibo potúque cœlesti, Deus noster, te supplices exoramus: ut in cuius hæc commemoratióne percépimus, ejus muniámur et précibus. Per Dóminum.

Die xviii. Julii.

IN FESTO S. CAMILLI de
Lellis Confessóris.

Introitus. Joan. 15.

MAJOREM hac dilecti-
onem nemo habet, ut áni-
mam suam ponat quis pro amí-
cis suis.

Psal. 40. Beátus, qui intél-
ligit super egénum, et paupe-
rem: in die mala liberábit eum
Dóminus.

· V. Glória Patri.

Oratio.

DEUS, qui sanctum Camí-
lum, ad animárum in ex-
trémo agóne luctántium subsí-
dium, singulári charitátis præ-
rogativa decorásti: ejus, quæ-
sumus, méritis, Spíritum nobis
tuæ dilectiónis infúnde: ut in
hora éxitus nostri, hostem vín-
cere, et ad cœlestem mereá-
mur corónam pervenire. Per
Dóminum nostrum....in uni-
tate ejúsdem Spíritus sancti.

*Pro commemorat. SS. Sym-
phorosæ et Septem Filiorum
Martyrum.*

Oratio.

DEUS, qui nos concédís
sanctorum Mártyrum tu-
orum Symphorósæ et filiórum
ejus, natalítia cólere: da nobis
in æterna beatitúdine de eórum
societate gaudere. Per Dómi-
num nostrum Jesum Christum
Filium tuum: Qui tecum.

Lectio Epístolæ beáti Joánnis
Apóstoli.

I. 3. b.

CHARISSIMI: Nolíte mi-
rari, si odit vos mundus.
Nos scimus, quóniam transláti
sumus de morte ad vitam, quó-
niam diligimus fratres. Qui
non diligit, manet in morte:
omnis, qui odit fratrem suum,
homicida est. Et scitis, quó-
niam omnis homicida, non ha-
bet vitam ætérnam in seme-
típo manéntem. In hoc cog-
novimus charitátem Dei, quó-
niam ille ánimam suam pro no-
bis pósuit, et nos debémus pro
frátribus ánimas pónere. Qui
habúerit substántiam hujus
mundi, et viderit fratrem suum
necessitátem habere, et cláu-
serit viscera sua ab eo, quó-
modo cháritas Dei manet in eo?
Filioli mei, non diligámus ver-
bo, neque linguâ, sed ópere,
et veritate.

Graduale. Psal. 36. Os justi
meditábitur sapiéntiam, et lin-
gua ejus loquétur júdicium.
Lex Dei ejus in corde ipsíus,
et non supplantabúntur gressus
ejus. Allelúia, allelúia.

· V. *Psal. 111.* Beátus vir,
qui timet Dóminum, in man-
dátis ejus cupit nimis. Allel.

Sequéntia sancti Evangélii se-
cúndum Joánnem. 15.

IN illo témpore: Dixit Jesus
discípulis suis: Hoc est
præcéptum meum, ut diligáti
invicem, sicut diléxi vos. Ma-
jorem hac dilectiónem nemo
habet, ut ánimam suam ponat
quis pro amícis suis. Vos amí-
ci mei estis, si feceritis, quæ
ego præcipio vobis. Jam non
dicam vos servos: quia servus
nescit, quid fáciat dóninus

ejus. Vos autem dixi amicos: quia omnia quaecumque audivi à Patre meo, nota feci vobis. Non vos me elegistis: sed ego elégi vos, et pòsui vos, ut eatis, et fructum afferatis, et fructus vester maneat: ut quodcumque petieritis Patrem in nomine meo, det vobis.

Offertorium. Ps. 20. In virtute tua, Dómine, lætabitur justus, et super salutáre tuum exultábit veheménter: desiderium animæ ejus tribuisti ei.

Secreta.

HOSTIA immaculáta, qua illud Dómini nostri Jesu Christi imménsæ charitátis opus renovámus, sancto Camillo intercedente, sit contra omnes córporis, et animæ infirmitates, salutáre remédium, et in extrémò agóne solátium, et tutéla. Per eúndem Dóminum nostrum.

Pro SS. Symphorosa, et septem Filiis Martyribus.

Secreta.

MUNERA tibi, Dómine, nostræ devotiõnis offérimus: quæ et pro tuórum tibi grata sint honóre, justórum, et nobis salutária, te miserante, reddántur. Per Dóminum nostrum Jesum Christum Fílium tuum.

Communio. Matt. 25. Infirmitas sui, et visitástis me: Amen, amen, dico vobis: quám diu fecistis uni ex his frátribus meis minimis, mihi fecistis.

Postcommunio.

PER hæc cœlestia aliménta, quæ, sancti Camilli Confessóris tui solémnia celebrántes, pia devotiõne suscepimus: da, quæsumus, Dómine, ut in

hora mortis nostræ Sacraméntis refecti, et culpis ómnibus expiáti, in sinum misericórdiæ tuæ, læti súscipi mereámur. Qui vivis et regnas cum.

Pro SS. Symphorosa, et septem Filiis Martyribus.

Postcommunio.

PRÆSTA nobis, quæsumus, Dómine intercedéntibus sanctis Martyribus tuis Symphorosa et filiis ejus: ut quod ore contingimus, pura mente eapiámus. Per Dóminum.

Die xix. Julii.

IN FESTO S. VINCENTII à Paulo, Confessoris.

Missæ. Justus ut palma. de Communi Confess. non Pontif. xxiii.

Oratio.

DEUS, qui ad evangelizándum paupéribus, et Ecclesiástici Ordinis decórem promovéndum, beátum Vincéntium Apostólica virtúte roborásti: præsta quæsumus; ut cujus pia mérita venerámur, virtútum quoque instruímur, exémples. Per Dóminum nostrum.

Evangelium. Designávit Dóminus. sumatur ex Festo S. Ignatii die 31. hujus Mensis.

Die xx. Julii.

IN FESTO S. HIERONYMI Æmiliani Confessoris.

Intróitus. Jer. Thr. 2.

EFFUSUM est in terra jecur meum super contritiõne filiæ pópuli mei, cum deficeret párvulus, et lactens in

platéis oppidi. *Ps.* 112. Lau-
dáte pueri Dóminum : laudáte
nomen Dómini.

℟. Glória Patri.

Oratio.

DE U S, misericordiárum
Pater, per mérita et in-
tercessiónem beáti Hieronymi,
quem órphanis adjutórem et
patrem esse voluísti : concéde,
ut spíritum adoptiónis, quo
filii tui nominámur et sumus,
fidéliter custodiámus. Per Dó-
minum.

*Pro Commem. S. Margaritæ
Virg. et Mart. Oratio.* Indul-
gentiam nobis. *de Communi*
xxvii.

Léctio Isaíæ Prophétæ.

Isa. 58.

FRANGE esuriénti panem
tuum, et egénos vagós-
que induc in domum tuam :
cùm videris nudum, óperi eum,
et carnem tuam ne despéxeris.
Tunc erúmpet quasi mane lu-
men tuum, et sánitas tua citi-
ùs oriétur, et anteíbit fáciem
tuam justítia tua, et glória Dó-
mini cólliget te. Tunc invo-
cábis, et Dóminus exáudiet :
clamábis, et dicet, Ecce ad-
sum : si abstúleris de médio
tui caténam, et desieris extén-
dere dígitum, et loqui quod
non predest. Cùm effúderis
esuriénti ánimam tuam, et
ánimam afflíctam repléveris,
oriétur in ténebris lux tua, et
ténebræ tuæ erunt sicut merí-
dies. Et réquiem tibi dabit
Dóminus sempér, et implébit
splendóribus ánimam tuam, et
ossa tua liberábit, et eris quasi
hortus irriguus, et sicut fons
aquárum, cujus non deficient
aquæ.

Grad. Prov. 5. Derivéntur
fontes tui foràs, et in platéis
aquas tuas divide.

℟. *Ps.* 111. Jucúndus ho-
mo, qui miserétur et cómmo-
dat : dispónet sermónes suos
in judício, quia in ætérnum
non commovébitur.

Allelúia, allelúia.

℟. Dispérsit, dedit paupé-
ribus : justítia ejus manet in
sæculum sæculi. Allelúia.

Sequéntia sancti Evangélii se-
cúndum Matthæum.

Matth. 19.

IN illo témpore : Obláti sunt
Jesu párvuli, ut manus eis
impóneret et oráret. Discípuli
autem increpábant eos. Jesus
verò ait eis : Símite párvulos,
et nolite eos prohibére ad me
veníre : tálium est enim reg-
num cœlórum. Et cùm impo-
suisset eis manus, ábiit inde.
Et ecce unus accédens, ait illi :
Magíster bone, quid boni faci-
am, ut hábeam vitam ætér-
nám ? Qui dixit ei ? Quid me
intérrogas de bono ? Unus est
bonus, Deus. Si autem vis ad
vitam íngredi, serva mandáta :
Dicit illi : Quæ ? Jesus autem
dixit : Non homicídium fácies :
Non adulterábis : Non fácies
furtum : Non falsum testimó-
nium dices : Honóra patrem
tuum, et matrem tuam, et dí-
liges próximum tuum sicut te-
ípsum. Dicit illi adoléscens :
Omnia hæc custodívi à juven-
túte mea, quid adhuc mihi
deest ? Ait illi Jesus : Si vis
perféctus esse, vade, vende
quæ habes, et da paupéribus,
et habébis thesáurum in cœlo :
et veni, séquere me.

Offertorium. Tob. 12. Quando orábas cum lácrymis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego óbtuli oratiónem tuam Dómino.

Secreta.

CLEMENTISSIME Deus, qui véteri hómine consumpto, novum secúndum te in beáto Hierónymo creáre dignátus es: da, per mérita ipsius, ut nos páriter renováti, hanc placatiónis hóstiam in odórem tibi suavíssimum offerámus. Per Dóminum.

Pro S. Margarita, Secreta. Hostias tibi, &c. xxviii.

Communio. Jac. 1. Relígio munda et immaculáta apud Deum et Patrem, hæc est: Visitare pupillos, et víduas in tribulatióne eórum, et immaculátum se custodire ab hoc sæculo.

Postcommunio.

ANGELORUM pane refécti te, Dómine, suppliciter deprecámur: ut qui ánuam beáti Hierónymi Confessóris tui memóriam celebráre gaudémus, ejúsdem étiam et exéplum imitémur, et amplíssimum in regno tuo præmíum obtinére valeámus. Per Dóminum.

Pro S. Margarita. Postcom. Divini muneris, &c. xxviii.

Die xxi. Julii.

S. PRAXEDIS VIRGINIS.

Introitus. Ps. 118.

LOQUEBAR de testimóniis tuis in conspéctu regum, et non confundébar: et

meditábar in mandátis tuis, quæ diléxi nimis.

Psal. ibid. Beáti immaculáti in via: qui ámbulant in lege Dómini.

V. Glória Patri.

Oratio.

EXAUDI nos Deus salutaris noster: ut sicut de beátæ Praxedis vírginis tuæ festivitáte gaudémus; ita piæ devotiónis erudiámur afféctu. Per Dóminum.

Léctio Epistolæ beáti Pauli Apóstoli ad Corínthios.

1 Cor. 7.

FRATRES, De vírgínibus præcéptum Dómini non hábeo: consílium autem do, tamquam misericórdiam consecútus à Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómíni sic esse. Alligátus es uxóri? noli quærere solutiónem. Solútus es ab uxóre? noli quærere uxórem. Si autém accéperis uxórem, non peccásti. Et si núpserit virgo, non peccávit. Tribulatiónem tamen carnis habébunt hujúsmodi. Ego autem vobis parco. Hoc itaque dico, fratres: Tempus breve est: réliquum est, ut et qui habent uxóres, tamquam non habéntes sint: et qui fient, tamquam non fientes: et qui gaudent, tamquam non gaudéntes: et qui emunt, tamquam non possidéntes: et qui utúntur hoc mundo, tamquam non utántur: præterit enim figúra hujus mundi. Volo autem vos sine solícitudine esse. Qui sine uxóre est: solícitus est quæ Dómini sunt, quómodo pláceat Deo. Qui autem cum

uxóre est: solícitus est quæ sunt mundi, quómodo pláceat uxóri, et divisus est. Et múlier innúpta, et virgo cógitat quæ Dómini sunt, ut sit sancta corpore et spírítu. In Christo Jesu Dómino nostro.

Graduale. Psal. 44. Dilixisti justítiam, et odisti iniquitátem. V. Proptérea unxit te Deus, Deus tuus óleo lætítie. Allelúia, allelúia. V. Spécie tua, et pulchritúdine tua inténde, próspere procéde, et regna. Allelúia.

Sequéntia sancti Evangélíi secúndum Matthæum.

Matth. 13.

In illo témpore: Dixit Jesus discipulis suis parábolam hanc: Símile est regnum cœlórum thesauro abscondito in agro: quem qui invenit homo, abscondit, et præ gáudio illius vadit, et vendit univérsa quæ habet, et emit agrum illum. Iterum símile est regnum cœlórum hómini negotiátóri quærénti bonis margaritas. Invénta autem una pretiósa margarita, ábit, et vendidit ómnia quæ hábuit, et emit eam. Iterum símile est regnum cœlórum sagénæ missæ in mare, et ex ómni genere piscium congregánti. Quam, cum impléta esset, educétes, et secus littus sedéntes, elegérunt bonos in vasa, malos autem foras miserunt. Sic erit in consummatione sæculi. Exibunt Angelii, et separábunt malos de médio justórum, et mittent eos in caminum ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis:

Ideo omnis scribe doctus in regno cœlórum, símilis est hómini patrifamilias, qui profert de thesauro suo nova et vetera.

Offertorium. Ps. 44. Diffúsa est grátia in lábiis tuis: proptérea benedíxit te Deus in ætérnum, et in sæculum sæculi.

Secreta.

ACCEPTA tibi sit, Dómine, sacrátæ plebis oblátio, pro tuórum honóre Sanctórum: quorum se méritis de tribulatione percepisse cognóscit auxiliúm. Per Dóminum.

Communio. Matth. 13. Símile est regnum cœlórum hómini negotiátóri, quærénti bonas margaritas: invénta una pretiósa margarita dedit ómnia sua, et comparávit eam.

Postcommunio.

SATIASTI Dómine famíliam tuam munéribus sacris: ejus quæsumus, semper interventióne nos réfove, cujus solémnia celebrámus. Per Dóminum.

Die xxii. Julii.

IN FESTO S. MARIE
Magdalénæ.

Introitus. Psal. 118.

ME expectavérunt peccatóres, ut pérderent me: testimónia tua Dómine intellexi: ómnis consummationis vidi finem: latum mandátum tuum nimis.

Psal. ibid. Beáti immaculáti in via: qui ámbulant in lege Dómini.

V. Glória Patri.

Oratio.

BEATÆ Mariæ Magdalénæ, quæsumus Dómine, suffrágiis adjuvémur: cujus précibus exóratus, quatrídúa-

num fratrem Lázarum vivum ab inferis resuscitásti. Qui vivis et regnas.

Lectio libri Sapiéntiæ.

Cant. 3.

SURGAM, et circuibó civitatem: per vicos et plateas quæram quem diligit anima mea: quæsi vi illum, et non invéni. Invenérunt me vigiles, qui custodiunt civitatem. Num quem diligit anima mea, vidistis? Páululum cum pertransissem eos, invéni quem diligit anima mea: tenui eum; nec dimittam, donec introducam illum in domum matris meæ, et in cubiculum genetrícis meæ. Adjuro vos filiæ Jérusalem per capreas cervosque campórum; ne suscitétis, neque evigiláre faciátis diléctam, donec ipsa velit. Pone me ut signáculum super cor tuum, ut signáculum super bráchium tuum: quia fortis est ut mors diléctio: dura sicut inférnus æmulatio: lámpades ejus, lámpades ignis, atque flammárum. Aquæ multæ non potuerunt extinguere charitatem, nec flúmina óbruent illam: si déderit homo omnem substantiam domus suæ pro dilectione, quasi nihil despiciet eam.

Graduale. Ps. 44. Dilexisti justitiam, et odisti iniquitatem. *V.* Propterea unxit te Deus, Deus tuus oleo lætitiæ. Allelúia, allelúia.

V. Diffusa est grátia in lábiis tuis, propterea benedixit te Deus in ætérnum. Allelúia. Sequéntia sancti Evangélii secúndum Lucam.

Luc. 7. f.

IN illo témpore: Rogábat Iesum quidam de Phari-

sæis, ut manducáret cum illo. Et ingressus domum Pharisæi, discubuit. Et ecce mulier, quæ erat in civitate peccátrix, ut cognóvit quòd accubuisset in domo Pharisæi, áttulit alabástrum unguénti: et stans retrò secus pedes ejus, lácrymis cœpit rigáre pedes ejus, et capillis cápitis sui tergébat, et osculabátur pedes ejus, et unguénto ungebát. Videns autem Pharisæus, qui vocáverat eum, ait intra se, dicens: Hic si esset Prophéta, sciret útique quæ et qualis est mulier, quæ tangit eum: quia peccátrix est. Et respóndens Jesus, dixit ad illum: Simon, hábeo tibi áliquod dicere. At ille ait: Magister dic. Duo debitóres erant cuidam fœneratóri: unus debébat denários quingéntos, et álius quinquagínta. Non habéntibus illis unde rédderent, donávit utrisque. Quis ergo eum plus diligit? Respóndens Simon, dixit: Æstimo quia is, cui plus donávit. At ille dixit ei: Rectè judicásti. Et convérsus ad mulierem, dixit Simóni? Vides hanc mulierem? Intrávi in domum tuam, aquam pédibus meis non dedísti: hæc autem lácrymis rigávit pedes meos, et capillis suis tersit. Osculum mihi non dedísti: hæc autem, ex quo intrávit, non cessávit osculári pedes meos. Oleo caput meum non unxisti: hæc autem unguénto unxit pedes meos. Propter quod dico tibi: Remittúntur ei peccáta multa, quóniam diléxit multum. Cui autem minus dimittitur, minus diligit. Dixit autem ad illam: Remittúntur tibi peccáta. Et cœperunt qui simul

accumbébant, dicere intra se : Quis est hic, qui étiam peccáta dimíttit? Dixit autem ad mulierem : fides tua te salvam fecit : vade in pace. Credo.

Offertorium. Psal. 44. Filíæ regum in honóre tuo : ástitit regína à dextris tuis in vestítu deauráto, circúmdata varietáte.

Secreta.

MMUNERA nostra, quæsumus Dómine, beátæ Mariæ Magdalénæ gloriósa mérita tibi reddant accépta : cujus oblatiónis obséquium unigénitus Filius tuus cleménter suscepit impénsus. Qui tecum vivit.

Communio. Psal. 118. Feci judícium et justítiam, Dómine, non calumniéntur mihi supérbi : ad ómnia mandáta tua dirigébar, omnem viam iniquitátis ódio hábui.

Postcommunio.

SSUMPTO, quæsumus Dómine único ac salutári remedio, córpore et ságuine tuo pretióso : ab ómnibus mális, sanctæ Mariæ Magdalénæ patrociníis eruámur. Qui vivís et regnas.

Die xxiii. Julii.

IN FESTO S. APOLLINARIS Episc. et Mart.

Introitus. Dan. 3.

SSACERDOTES Dei benedicite Dóminum : sancti et húmiles corde laudáte Deum.

Dan. ib. Benedicite ómnia ópera Dómini Dómino : laudáte et superexaltáte eum in sæcula.

✠. Glória Patri.

Oratio.

DDEUS, fidélium remanerátor animárum, qui hunc diem beáti Apollináris sacerdotís tui martyrio consecrásti : tribue nobis, quæsumus, fámulis tuis ; ut, cujus venerándam celebrámus festivitátem précibus ejus indulgéntiam consequámur. Per Dóminum nostrum.

¶ *Pro commem. S. Liborii Episcopi et Confess.*

Oratio.

DDA, quæsumus omnipotens Deus : ut beáti Libórii Confessóris tui atque Pontíficis veneránda solémnitas, et devotiónem nobis áugeat et salutem. Per Dóminum nostrum.

Léctio Epístolæ beáti Petri Apóstoli.

1 Pet. 5.

CCHARISSIMI, Senióres, qui in vobis sunt, óbsecro, consénior et testis Christi passiónum : qui et ejus, quæ in futúro revelánda est, gloriæ comunicátor : páscite qui in vobis est, gregem Dei, providéntes non coáctè, sed spontáneè secúndum Deum : neque turpis lucrí grátia, sed voluntáriè : neque ut dominántes in cleris, sed forma facti gregis ex ánimo. Et cùm apparúerit princeps pastórum, percipiétis immarcescibilem glóriæ coronam. Similiter adolescéntes súbditi estóte senióribus. Omnes autem ínvicem humilitátem insínuáte ; quia Deus superbis resístit, humílibus autem dat grátiam. Humiliámini ígitur sub poténti manu Dei, ut vos exáltet in témpore visitatiónis : omnem sollicitúdinem vestram projiciéntes in eum quóniam ipsi cura est de

vobis. Sóbrii estóte, et vigiláte : quia adversárius vester diábolus tamquam leo rúgiens circuit, quærens quem dévoret : cui resistite fortes in fide ; sciétes eámdem passiónem ei, quæ in mundo est, vestræ fraternitáti fieri. Deus autem omnis grátiae, qui vocávit nos in ætérnam suam glóriam in Christo Jesu, módicum passus ipse perficiet, confirmábit, solidábitque. Ipsi glória, et impérium in sæcula sæculórum. Amen.

Graduale. Ps. 88. Inveni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum. *V.* Nihil proficiet inimícus in eo : et filius iniquitátis non nocébit ei. Allelúia, allelúia.

V. Psal. 109. Jurávit Dóminus, et non pœnitébit eum : Tu es sacérdos in ætérnum, secúndum órđinem Melchisedech. Allelúia.

Sequéntia sancti Evangéllii secúndum Lucam.

Luc. 22.

IN illo témpore : Facta est conténtio inter discipulos, quis eórum viderétur esse major ? Dixit autem eis Jesus : Reges Géntium dominántur eórum : et qui potestátem habeát super eos, benéfici vocántur. Vos autem non sic : sed qui major est in vobis, fiat sicut minor ; et qui præcëssor est, sicut ministrátor. Nam quis major est, qui recúmbit, an qui ministrat ? nóne qui recúmbit ? Ego autem in médio vestrúm sum, sicut qui minis-

trat : vos autem estis, qui permansistis mecum in tentatióibus meis. Et ego dispóno vobis, sicut dispósuit mihi Pater meus regnum, ut edátis, et bibátis super mensam meam in regno meo : et sedeátis super thronos judicántes duódecim tribus Israël.

Offertorium. Ps. 88. Véritas mea, et misericórdia mea cum ipso : et in nómine meo exaltábitur cornu ejus.

Secreta.

RESPICE Dómine propítius super hæc múnera, quæ pro beáti sacerdotis et Mártiris tui Apollínaris commemoratióne deferimus ; et pro nostris offensióibus immolámus. Per Dóminum.

Pro S. Liborio. Secreta.

SANCTI tui, quæsumus Dómine, nos ubique lætificent : ut dum eórum mérita recólimus, patrocínia sentiámus. Per Dóminum.

Communio. Matth. 25. Dómine, quinque talénta tradidisti mihi : ecce ália quinque superlucrátus sum : euge serve bone et fidélis : quia in pauca fuisti fidélis, suprâ multa te constitutam, intra in gáudium dómini tui.

Postcommunio.

TUA sancta sumétes, quæsumus Dómine, ut beáti Apollínaris nos fóveant continuáta præsidia : quia non desinís propítius intuéri, quos talibus auxiliis concésseris adjuvári. Per Dóminum.

Pro S. Liborio. Postcomm.

PRÆSTA quæsumus omnípotens Deus : ut de percéptis munéribus grátias exhibétes, intercedénte beáto Liborio Confessóre tuo atque

Pontífice, beneficia potióra sumámus. Per Dóminum.

Die xxiv. Julii.

IN VIGILIA S. JACOBI
Apostoli.

Missa. Ego autem sicut olíva. de Communi. i. Et fit commemor. S. Christinæ virg. et mart. cum Orationibus ex Missa, Me expectavérunt. xxxi. et tertia Oratio de S. Maria, Concede nos. 236.

¶ *Si festum S. Jacobi venerit Feria ii. de Vigilia fit commemor. in Sabbato in Missa S. Apollinaris, et tunc pro commemor. S. Liborii sumatur Oratio. Exáudi, quæsumus xviii. de S. Christina verò fit in Dominica.*

Die xxv. Julii.

IN FESTO S. JACOBI
Apostoli.

Introitus. Psal. 138.

MIHI autem nimis honoráti sunt amici tui Deus: nimis confortátus est principátus eórum.

Psal. ibid. Dómine probásti me, et cognovísti me: tu cognovísti sessiónem meam, et resurrectionem meam.

✠ Glória Patri.

Oratio.

ESTO Dómine, plebi tuæ sanctificátor et custos: ut Apóstoli tui Jacóbi múnita præsídiis, et conversatióne tibi pláceat, et secúra mente desérviat. Per Dóminum.

¶ *Pro commemoratióne S. Christophori mart.*

Oratio.

PRÆSTA quæsumus omnipotens Deus: ut qui, beáti Christóphori mártiris tui natalítia cólimus, intercessióne ejus in tui nóminis amore roborémur. Per Dóminum.

Léctio Epístolæ heáti Pauli Apóstoli ad Corínthios.

1 Cor. 2. b.

FRATRES, Puto quod Deus nos Apóstolos novísimos osténdit, tamquam morti destinátos; quia spectáculum facti sumus mundo, et Angelis, et homínibus. Nos stulti propter Christum, vos autem prudentes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurímus, et sitímus, et nudi sumus, et coláphis cædimur, et instábiles sumus, et laborámus operátes mánuibus nostris: maledicimur, et benedicimus: persecutióne pátimur, et sustinémus: blasphemárum, et obsecrámus: tamquam purgaménta hujus mundi facti sumus, ómpium peripséma usque adhuc. Non ut confundam vos, hæc scribo, sed ut filios meos charíssimos móneo. Nam si decem míllia pædagogórum habeátis in Christo: sed non multos patres. Nam in Christo Jesu per Evangelíum ego vos genui.

Graduale. Ps. 44. Constitues eos príncipes super omnem terram: mémoires erunt nóminis tui, Dómine. ✠. Pro pátribus tuis nati sunt tibi filii: propterea pópuli confitebúntur tibi. Allelúia, allelúia.

✠. Ego vos elégi de mundo, ut eátis, et fructum afferátis,

et fructus vester maneat. Alleluia.

Sequentia sancti Evangelii secundum Matthæum.

Matth. 20.

In illo tempore: Accessit ad Jesum mater filiorum Zebedæi cum filiis suis, adorans et petens aliquid ab eo. Qui dixit ei: Quid vis? Ait illi: Dic ut sedeant hi duo filii mei, unus ad dexteram tuam, et unus ad sinistram in regno tuo. Respondens autem Jesus, dixit: Nescitis quid petatis. Potestis bibere calicem, quem ego bibiturus sum? Dicunt ei: Possumus. Ait illis: Calicem quidem meum bibetis: sedere autem ad dexteram meam, vel sinistram, non est meum dare vobis, sed quibus paratum est à Patre meo. Credo.

Offertorium. Ps. 18. In omnem terram exivit sonus eorum, et in fines orbis terræ verba eorum.

Secreta.

OBLATIONES populi tui, quæsumus Domine, beati Jacobi Apostoli passio beata conciliet: et quæ nostris non aptæ sunt meritis, fiant tibi placitæ ejus deprecatione. Per Dominum.

Pro S. Christophoro martyre.

Secreta.

MUNERIBUS nostris, quæsumus Domine, precibusque susceptis: et cælestibus nos munda mysteriis, et clementer exaudi. Per Dominum nostrum.

Præfatio de Apostolis.

Communio. Matt. 19. Vos qui secuti estis me, sedebitis super

sedes, judicantes duodecim tribus Israël.

Postcommunio.

BEATI Apostoli tui Jacobi, quæsumus Domine, intercessione nos adjuva: pro cujus festivitate percipimus tua sancta lætantes. Per Dominum.

Pro S. Christophoro mart.

Postcommunio.

DA quæsumus Domine Deus noster: ut sicut tuorum commemoratione Sanctorum, temporali gratulamur officio, ita perpetuo lætémur aspectu. Per Dominum.

Die xxvi. Julii.

IN FESTO S. ANNÆ Matris B. Mariæ Virginis.

Introitus.

GAUDEAMUS omnes in Domino, diem festum celebrantes sub honore beatæ Annæ: de cujus solemnitate gaudent Angeli, et collaudant Filium Dei.

Psalm. 44. Eructavit cor meum verbum bonum: dico ego opera mea Regi.

℟. Glória Patri.

Oratio.

DEUS, qui beatæ Annæ gratiam conferre dignatus es: et genitricis unigeniti Filii tui mater effici mereretur: concede propitius: ut cujus sollemnia celebramus, ejus apud te patrocinii adjuvemur. Per eundem Dominum.

Lectio libri Sapientiæ.

Prov. 31. b.

MULIEREM fortem quis inveniet? procul, et de ultimis finibus pretium ejus. Confidit in ea cor viri sui, et

spóliis non indigébit. Reddet ei bonum, et non malum ómnibus diébus vitæ suæ. Quæsiuit lanam et linum, et operata est consilio mánuum suarum. Facta est quasi navis institóris, de longè portans panem suum. Et de nocte surrexit, deditque prædam domésticis suis, et cibária ancillis suis. Confiderávit agrum, et emit eum: de fructu mánuum suarum plantávit vineam. Accinxit fortitúdine lumbos suos, et roborávit bráchium suum. Gustávit, et vidit quia bona est negotiatio ejus: non extingúetur in nocte lucérna ejus. Manum suam misit ad fórtia; et dígiti ejus apprehendérunt fusum. Manum suam aperuit inopi, et palmas suas exténdit ad páuperem. Non timébit dómui suæ à frigóribus nivis: omnes enim doméstici ejus vestiti sunt duplicibus. Stragulátam vestem fecit sibi: byssus, et púrpura indumentum ejus. Nóbilis in portis vir ejus, quando séderit cum senatóribus terræ. Síndonem fecit, et vendidit, et cingulum trádidit Chanæo. Fortitúdo et decor indumentum ejus, et ridébit in die novíssimo. Os suum aperuit sapiéntiæ, et lex cleméntiæ in lingua ejus. Considerávit sémitas domus suæ, et panem ctiosa non comédit. Surrexérunt filii ejus, et beatíssimam prædicavérunt, vir ejus, et laudávit eam. Multæ filiæ congregavérunt divítias: tu supergréssa es univérsas. Fallax grátia, et vana est pulchritúdo: múlier timens Dóminum, ipsa laudábitur; date ei de fructu mánuum suarum: et

laudent eam in portis ópera ejus.

Graduale. Psal. 44. Dilexisti justitiam, et odisti iniquitatem.

V. Propterea unxit te Deus, Deus tuus oleo lætitiæ.

Allelúia, allelúia.

V. Diffusa est grátia in labiis tuis: propterea benedixit te Deus in ætérnum. Allelúia.

Sequéntia sancti Evangélii secúndum Matthæum.

Matth. 13.

IN illo témpore: Dixit Jesus discipulis suis parabólam hanc: Simile est regnum cœlorum thesauro abscondito in agro: quem qui invenit homo, abscondit, et præ gáudio illius vadit, et vendit univérsa quæ habet, et emit agrum illum. Iterum simile est regnum cœlorum hómini negotiátóri quærénti bonas margaritas. Inventa autem una pretiosa margarita, abiit, et vendidit ómnia quæ hábuit, et emit eam. Iterum simile est regnum cœlorum sagénæ missæ in mare, et ex omni genere piscium congregánti; quam, cum impléta esset, educéntes, et secus littus sedéntes, elegerunt bonos in vasa, malos autem foras miserunt. Sic erit in consummatione sæculi. Exibunt Angeli, et separábunt malos de médio justórum, et mittent eos in caminum ignis: ibi erit fletus, et stridor dentium. Intellexistis hæc ómnia? Dicunt ei: Etiam. Ait illis: Ideò omnis scriba doctus in regno cœlorum, similis est hómini patrifamilias, qui profert de thesauro suo nova et vétera.

Offertorium. Psal. 44. Filia regum in honore tuo: astitit regina à dextris tuis in vestitu deaurato, circumdata varietate.

Secreta.

SACRIFICIIS presentibus, quæsumus Domine, placatus intende: ut per intercessionem beatæ Annæ, quæ genitricis Filii tui Domini nostri Jesu Christi mater extitit, et devotioni nostræ proficiant et salutem. Qui tecum vivit.

Communio. ibid. Diffusa est gratia in labiis tuis, propterea benedixit te Deus in æternum, et in sæculum sæculi.

Postcommunio.

CŒLESTIBUS sacramentis vegetati, quæsumus Domine Deus noster; ut intercessione beatæ Annæ, quam genitricis Filii tui matrem esse voluisti, ad æternam salutem pervenire mereamur. Qui tecum vivit.

Die xxvii. Julii.

S. PANTALEONIS martyris.

Missa. Lætabitur justus. *de Communi unius Martyris. vi.*

Die xxviii. Julii.

IN FESTO SS. NAZARII, CELSI, ET VICTORIS martyr. ac INNOCENTII Papæ et Conf.

Introitus. Psal. 78.

INTRET in conspectu tuo Domine gemitus compeditorum: redde vicinis nostris septuplum in sinu eorum: vindica sanguinem sanctorum

tuorum, qui effusus est. *Psal. ibid.* Deus venerunt Gentes in hereditatem tuam, polluérunt templum sanctum tuum: posuerunt Jerusalem in pomerium custodiam.

℣. Glória Patri.

Oratio.

SANCTORUM tuorum nos, Domine, Nazarii, Celsi, Victoris, et Innocentii confessio beata communiat: et fragilitati nostræ subsidium dignanter exoret. Per Dominum.

Lectio libri Sapientiæ.

Sap. 10. c.

REDDIDIT Deus justus mercedem laborum suorum, et deduxit illos in via mirabili: et fuit illis in velamento diei, et in luce stellarum per noctem: transtulit illos per Mare rubrum, et transvexit illos per aquam nimiam. Inimicos autem illorum demersit in mare, et ab altitudine inferorum eduxit illos. Ideo justi tulerunt spolia impiorum, et decantaverunt, Domine, nomen sanctum tuum, et victricem manum tuam laudaverunt pariter, Domine Deus noster.

Graduale. Exod. 15. Gloriosus Deus in sanctis suis: mirabilis in majestate, faciens prodigia. ℣. Dextera tua, Domine, glorificata est in virtute: dextera manus tua confrégit inimicos.

Allelúia, allelúia.

℣. *Eccli. 44.* Corpora sanctorum in pace sepulta sunt: et nomina eorum vivent in generatione et generationem. Allelúia.

Sequéntia sancti Evangélii secundùm Lucam.

Luc. 21.

IN illo tẽpore: Dixit Jesus discipulis suis: Cũ audiéritis prælia et seditiões, nolite terreri: opórtet primũ hæc fieri, sed nondum statim finis. Tunc dicébat illis: Surget gens contra gentem, et regnum advérsus regnum. Et terrãmótus magni erunt per loca, et pestilentiaẽ, et fames, terrorésque de cœlo, et signa magna erunt. Sed ante hæc ómnia injicient vobis manus suas, et perséquentur, tradéntes in synagogas et custodias, trahéntes ad reges et præsides propter nomen meum: contínget autem vobis in testimónium. Pónite ergó in córdibus vestris non præmeditari quemádmódum respondeátis. Ego enim dabo vobis os et sapiéntiam, cui non póterunt resistere et contradícere omnes adversárii vestri. Tradémini autem à paréntibus, et frátribus, et cognátis, et amicis, et morte afficient ex vobis: et éritis ódio ómnibus propter nomen meum; et capillus de cápite vestro non peribit. In patientia vestra possidébitis ánimas vestras.

Offertorium. Ps. 67. Mirabilis Deus in sanctis suis: Deus Israël ipse dabit virtútem, et fortitudinem plebi suæ: benedictus Deus, alleluia.

Secreta.

CONCEDE nobis omnípotens Deus: ut his muneribus, quæ in sanctorum tuorum Nazarii, Celsi, Victoris, et

Innocentii honóre deférimus, et te placémus exhibitis, et nos vivificémur accéptis. Per Dóminum,

Communio. Sap. 3. Et si coram hominibus tormenta passi sunt, Deus tantávit eos: tamquam aurum in fornace probávit eos, et quasi holocausta accépit eos.

Postcommunio.

SANCTORUM Nazarii, Celsi, Victoris, et Innocentii, Dómine, intercessiõe placátus: præsta quæsumus; ut quod temporáli celebrámus actione, perpétua salvatiõe capiamus. Per Dóminum.

Die xxix. Julii.

IN FESTO S. MARTHÆ virginis.

Introitus. Psal. 44.

DILEXISTI justitiam, et odisti iniquitatem: propterea unxit te Deus, Deus tuus óleo lætitiæ præ consoribus tuis.

Psalm. ibid. Eructávit cor meum verbum bonum: dico ego ópera mea Regi.

✠. Glória Patri.

Oratio.

EXAUDI nos Deus salutaris noster: ut sicut de beatæ Marthæ virginis tuæ festivitáte gaudémus; ita piæ devotiõnis erudiámur afféctu. Per Dóminum nostrum.

Pro commem. SS. Felicis, Simplicii, Faustini, et Beatricis martyrum.

Oratio.

PRÆSTA quæsumus Dómine: ut sicut pópulus Christiánus martyrum tuorum Felicis, Simplicii, Faustini, et

Beatricis temporali solemnitate congáudet, ita perfruátur ætérna: et quod votis célebrat, comprehendat efféctu.

Ad poscenda Suffragia Sanctorum.

Oratio.

A CUNCTIS nos, quæsumus Dómine, mentis et córporis defénde periculis: et intercedénte beáta et gloriósa semper vírgine Dei genitríce María, cum beátis Apóstolis tuis Petro et Paulo, atque beáto *N.* et ómnibus Sanctis, salutem nobis tríbue benignus, et pacem; ut destrúctis adversitatibus et erróribus universis, Ecclésia tua securá tibi sérviat libertáte. Per eúndem Dóminum.

Léctio Epístolæ beáti Pauli Apóstoli ad Corínthios.

2 Cor. 10.

F RATES, Qui gloriátur, in Dómino gloriétur. Non enim qui seípsum comméndat, ille probátus est; sed quem Deus comméndat. Utinam sustinerétis módicum quid insipiéntiæ meæ, sed et supportáte me. Æmulor enim vos Dei æmulatione. Despóndi enim vos uni viro virginem castam exhibére Christo.

Graduale. Ps. 44. Spécie tuâ, et pulchritúdine tuâ inténde, próspere procéde, et regna. *V.* Propter veritátem, et mansuetúdinem, et iustítiam: et dedúcet te mirábiliter dextera tua. Allelúia, allelúia.

V. Adducéntur Regi vírgines post eam: próximæ ejus afferéntur tibi in lætítia. Allelúia.

Sequéntia sancti Evangélii secúndum Lucam.

Luc. 10. g.

I N illo témpore: Intrávit Jesus in quoddam castéllum: et múlier quædam Martha nómine, excépit illum in domum suam: et huic erat soror nómine María, quæ étiam sedens secus pedes Dómini, audiébat verbum illius. Martha autem satagébat circa frequens ministérium: quæ stetit, et ait: Dómine, non est tibi curæ quòd soror mea relíquit me solam ministráre? dic ergo illi, ut me ádjuvet. Et respóndens, dixit illi Dóminus: Martha, Martha solícita es, et turbáris erga plúrima. Porro unum est necessárium. María óptimam partem elégit, quæ non auferétur ab ea.

Offertorium. Psal. 44. Filiæ regum in honóre tuo: ástitit regína à dextris tuis in vestitu deauráto, circumdata varietáte.

Secreta.

A CCEPTA tibi sit, Dómine, sacrátæ plebis oblátio, pro tuórum honóre sanctorum: quorum se méritis de tribulatione percepisse cognóscit auxiliium. Per Dóminum.

Pro SS. Mart. Felice, &c.

Secreta.

H OSTIAS tibi, Dómine, pro sanctorum mártýrum tuórum Felicis, Simplici, Faustini, et Beatricis commemoratióne deférimus, suppliciter deprecántes: ut indulgéntiam nobis páriter cónferant, et salutem.

Ad poscenda suffragia Sanctorum.

Secreta.

E XAUDI nos Deus salutáris noster: ut per hujus

sacraménti virtútem, à cunctis nos méntis et córporis hóstibus tueáris, grátiam tríbuens in præsentí, et glóriam in futúro. Per Dóminum.

Communio. Matth. 25. Quinque prudéntes vírgines acceperunt óleum in vasis suis cum lampádibus: médiâ autem nocte clamor factus est, Ecce spónsus venit, exíte óbviâm Christo Dómino.

Postcommunio.

SATIASTI Dómine famíliam tuam munéribus sacris: ejus, quæsumus, semper interventióne nos refóve, cujus solémnia celebrámus. Per Dóminum.

Pro SS. marty. Felice, et sociis.

Postcommunio.

PRÆSTA quæsumus omnipotens Deus: ut sanctorum mártýrum tuorum Felícis, Simplícii, Faustíni, et Beatricis cœlestibus mystériis celebráta solémnitas, indulgéntiam nobis tuæ propitiatiónis acquirat.

Ad poscenda suffragia Sanctorum.

Postcommunio.

MUNDET et múniat nos, quæsumus Dómine, divini sacraménti munus oblátum: et intercedénte beáta vírgine Dei genitrice María, cum beátis Apóstolis tuis Petro et Paulo, atque beáto N. et ómnibus Sanctis; à cunctis nos reddat et perversitatibus expeditos. Per eúdem Dóminum.

Die xxx. Julii.

SS. ABDON ET SENNEN
Martyrum.

Introitus. Psal. 78.

ENTRET in conspéctu tuo Dómine gémitus compedi-

tórum: redde vicinis nostris séptuplum in sinu eórum: vindica sánguinem sanctorum tuórum, qui effusus est.

Psal. ibid. Deus venerunt Gentes in hæreditátem tuam, polluerunt templum sanctum tuum: posuerunt Jerúsalem in pomorum custódiam.

V. Glória Patri.

Oratio.

DEUS, qui sanctis tuis Abdon et Sennen ad hanc glóriam veniéndi copiósum munus grátie contulisti: da famulis tuis suorum véniam peccatórum; ut sanctorum tuorum intercedéntibus méritis, ab ómnibus meréamur adversitatibus liberári. Per Dóminum.

Lectio Epistolæ beáti Pauli Apóstoli ad Corínthios.

2 Cor. 6.

FRATRES, Exhibeámus nosmetipsos sicut Dei ministros in multa paciéntia, in tribulatióibus, in necessitatibus, in augústis, in plagis, in carcéribus, in seditiõibus, in labóribus, in vigiliis, in jejuniis, in castitate, in sciéntia, in longanimitate, in suavitate, in Spíritu sánccto, in charitate non ficta, in verbo veritatis, in virtute Dei, per arma justitiæ à dextris, et à sinistris: per glóriam et ignobilitatem: per infámiam, et bonam famam: ut seductóres, et veraces: sicut qui ignóti et cõgniti: quasi moriéntes, et ecce vívimus: ut castigati, et non mortificati quasi tristes, semper autem gaudéntes: sicut egéntes, multos autem locupletantes: tamquam nihil habéntes, et ómnia possidéntes.

Graduale. Exod. 15. Gloriosus Deus in sanctis suis : mirabilis in majestate, faciens prodigia. *V.* Dextera tua, Domine, glorificata est in virtute : dextera manus tua confrégit inimicos. Alleluia, alleluia.

V. Sap. 3. Justorum animae in manu Dei sunt : et non tanget illos tormentum malitiae. Alleluia.

Sequentia sancti Evangelii secundum Matthaeum.

Matth. 5.

IN illo tempore : Videns Jesu turbas, ascendit in montem, et cum sedisset, accesserunt ad eum discipuli ejus, et apertis os suum, docebat eos, dicens : Beati pauperes spiritu : quoniam ipsorum est regnum caelorum. Beati mites : quoniam ipsi possidebunt terram. Beati, qui lugent : quoniam ipsi consolabuntur. Beati, qui esuriunt et sitiunt justitiam : quoniam ipsi saturabuntur. Beati misericordes : quoniam ipsi misericordiam consequentur. Beati mundo corde : quoniam ipsi Deum videbunt. Beati pacifici : quoniam filii Dei vocabuntur. Beati qui persecutionem patiuntur propter justitiam : quoniam ipsorum est regnum caelorum. Beati estis cum maledixerint vobis, et persecuti vos fuerint, et dixerint omne malum adversum vos, mentientes, propter me : gaudete, et exultate, quoniam merces vestra copiosa est in caelis.

Offertorium. Psal. 67. Mirabilis Deus in sanctis suis : Deus Israel ipse dabit virtutem,

et fortitudinem plebi suae : benedictus Deus.

Secreta.

HAEC hostia, quaesumus Domine, quam sanctorum martyrum tuorum natalitia recensentes offerimus, et vincula nostrae pravitatis absolvat, et tuae nobis misericordiae dona conciliet. Per Dominum.

Communio. Ps. 78. Posuerunt mortalia servorum tuorum, Domine, escas volatilibus caeli, carnes sanctorum tuorum bestis terrae, secundum magnitudinem brachii tui posside filios morte punitorum.

Postcommunio.

PER hujus, Domine, operationem mysterii, et vitia nostra purgentur, et intercedentibus sanctis martyribus tuis Abdon et Sennen, justa desideria compleantur Per Dominum.

Die xxxi. Julii.

IN FESTO S. IGNATII
Confessoris.

Introitus. Phil. 2.

IN nomine Jesu omne genua flectatur, caelestium, terrestrium, et inferorum, et omnis lingua confiteatur, quia Dominus Jesus Christus in gloria est Dei Patris.

Psal. 5. Gloriantur in te omnes, qui diligunt nomen tuum : quoniam tu benedices justo.

V. Gloria Patri.

Oratio.

DEUS, qui ad majorem tui Nominis gloriam propa-

gándam, novo per béatum Ignátium subsidio militántem Ecclesiám roborásti: concéde, ut ejus auxilio et imitatione certántes in terris, coronári cum ipso mereámur in cœlis. Per Dóminum.

Lectio Epistolæ beáti Pauli Apóstoli ad Timótheum.

2 Tim. 2.

CHARISSIME, Memor esto Dóminum Jesum Christum resurrexisse à mórtuis ex sémine David, secúndum Evangelium meum, in quo labóro usque ad víncula, quasi malè óperans: sed verbum Dei non est alligátum. Idèò ómnia sustíneo propter eléctos, ut et ipsi salutem consequántur, quæ est in Christo Jesu, cum glória cœlesti. Tu autem assecútus es meam doctrínam, institutiónem, propósitum, fidem, longanimitatem, dilecti- ónem, paciéntiam, persecuti- ónes, passiónes: quália mihi facta sunt Antiochiæ, Icónii, et Lystris: quales persecuti- ónes sustinui, et ex ómnibus eripuit me Dóminus. Et omnes, qui piè volunt vivere in Christo Jesu, persecutiónem patiéntur.

Graduale. Psal. 91. Justus ut palma florébit: sicut cedrus Líbani multiplicábitur in domo Dómini. *V.* Ad annuntiándum manè misericórdiam tuam, et veritatem tuam per noctem. Allelúia, allelúia.

V. Jac. 1. Beátus vir, qui suffert tentatiónem: quóniam cum probátus fuerit, accipiet corónam vitæ. Allelúia.

Sequéntia sancti Evangelii se- cúndum Lucam.

Luc. 10.

IN illo témpore: Designávit Dóminus et alios septuaginta duos: et misit illos binos ante faciém suam, in omnem civitatem, et locum quò erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portare sácculum, neque peram, neque calceaménta, et némí- nem per viam salutáveritis. In quamcúmque domum intravé- ritis, primùm dicite: Pax huic dómui: et si ibi fuerit filius pacis, requiescet super illum pax vestra: sin autem, ad vos revertétur. In eádem au- tem domo manéte, edéntes et bibéntes quæ apud illos sunt: dignus est enim operárius mer- cède sua. Nolíte transire de domo in domum. Et in quam- cúmque civitatem intravé- ritis, et suscéperint vos, manducáte quæ apponúntur vobis: et curáte infirmos, qui in illa sunt, et dicite illis: Appropinquávit in vos regnum Dei.

Offertorium. Psal. 88. Vé- ritas mea, et misericórdia mea cum ipso: et in nómine meo exaltábitur cornu ejus.

Secreta.

ADSINT Dómine Deus ob- lati- ónibus nostris sancti Ignátii benigna suffrágia, ut sacrosáncta mystéria, in qui- bus omnis sanctitátis fontem constituisti, nos quoque in ve-

ritate sanctificent. Per Dóminum nostrum.

Communio. Luc. 12. Ignem veni mittere in terram, et quid volo, nisi ut accendátur?

Postcommunio.

LAUDIS hóstia, Dómine, quam pro sancto Ignátio grátias agéntes obtúlimus, ad perpétuam nos Majestátis tuæ laudatiónem, ejus intercessióne perdúcat. Per Dóminum.

FESTA AUGUSTI.

Die i. Augusti.

IN FESTO S. PETRI ad Vincula.

Introitus. Act. 12.

NUNC scio verè, quia misit Dóminus Angelum suum: et eripuit me de manu Heródis, et de omni expectatióne plebis Judæórum.

Psal. 138. Dómine probásti me, et cognovísti me: tu cognovísti sessiόnem meam, et resurrectionem meam.

V. Glória Patri.

Oratio.

DEUS, qui beátum Petrum Apóstolum, à vinctulis absolútum, illæsum abire fecísti: nostrórum, quæsumus, absolve vinctula peccatórum; et ómnia mala à nobis propitiátus exclúde. Per Dóminum.

Et fit commem. S. Pauli.

Oratio.

DEUS, qui multitudinem Géntium beáti Pauli Apóstoli prædicatióne docuísti: da nobis quæsumus; ut cujus commemoratiónem cólimus, ejus apud te patrocínia sentiámus.

Deinde SS. Machabæorum mart.

Oratio.

FRATERNA nos, Dómine, mártýrum tuórum corónæ lætificet: quæ et fidei nostræ præbeat increménta virtútum; et multiplici nos suffrágio consolétur. Per Dóminum.

Léctio Actuum Apostolórum.

Act. 12.

IN diébus illis: Misit Heródes rex manus, ut affligeret quosdam de Ecclesiá. Occidit autem Jacóbum fratrem Joánis gládio. Videns autem quia placéret Judæis, appósuit ut apprehénderet et Petrum. Erant autem dies Azymórum. Quem cùm apprehendisset, misit in cárcerem, tradens quátuor quaterniónibus militum custodiéndum, volens post Pascha producere eum pópulo. Et Petrus quidem servabátur in carcere. Oratió autem fiebat sine intermissiόne ab Ecclesiá ad Deum pro eo. Cùm autem producturus eum esset Heródes, in ipsa nocte erat Petrus dórmienti inter duos milites, vinctus caténis duabus: et custódes ante óstium custodiébant cárcerem. Et ecce Angelus Dómini ástitit: et lumen refúlsit in habitáculo: percussóque látere Petri, excitávit eum, dicens: Surge velociter. Et cecidérunt caténæ de mánibus ejus: Dixit autem Angelus ad eum: Præcingere, et cálcea te cáligas tuas. Et fecit sic. Et dixit illi: Circúmde tibi vestiméntum tuum, et séquere me. Et éxiens sequebátur eum, et nesciébát quia verum est quod fiebat per Angélum: existi-

mábat autem se visum vidére. Transeúntes autem primam et secúndam custódiám, venérunt ad portam férream, quæ ducit ad civitátem : quæ ultrò apérta est eis. Et exeúntes processérunt vicum unum : et continuo discéssit Angelus ab eo. Et Petrus ad se revérsus, dixit : Nunc scio verè, quia misit Dóminus Angelum suum, et erípuit me de manu Heródis, et de omni expectatióne plebis Judæórum.

Graduale. Psal. 44. Constitues eos principes super omnem terram : memores erunt nóminis tui, Dómine.

℣. Pro pátribus tuis nati sunt tibi filii : propterea pópuli confitebúntur tibi.

Allelúia, allelúia.

℟. Solve jubénte Deo terrarum Petre caténas : qui facis, ut páteant cœlestia regna Beátis. Allelúia.

Sequéntia sancti Evangéllii secúndum Matthæum.

Matth. 16.

IN illo témpore : Venit Jesus in partes Cæsaráe Philippi : et interrogábat discipulos suos, dicens : Quem dicunt hómines esse Fílium hóminis ? At illi dixerunt : Alii Joánnem Baptistam, álii autem Eliám, álii verò Jeremíam, aut unum ex Prophétis. Dicit illis Jesus : Vos autem quem me esse dicitis ? Respóndens Simon Petrus dixit : Tu es Christus Filius Dei vivi. Respóndens autem Jesus, dixit ei : Beátus es Simon Bar-Jóna : quia caro et sanguis non revelávit tibi, sed Pater meus, qui in cœlis est. Et ego dico tibi, quia tu es

Petrus, et super hanc petram ædificábo Ecclésiám meam, et portæ inferi non prævalébunt advérsus eam. Et tibi dabo claves regni cœlórum. Et quodcúmque ligáveris super terram, erit ligátum et in cœlis : et quodcúmque sólveris super terram, erit solútum et in cœlis. Credo.

Offertorium. Psal. 44. Constitues eos principes super omnem terram : memores erunt nóminis tui Dómine, in omni progénie et generatióne.

Secreta.

OBLATUM tibi, Dómine, sacrificium, intercedénte beáto Petro Apóstolo tuo vivíficet nos semper, et múniat. Per Dóminum.

Pro S. Paulo. Secreta.

APOSTOLI tui Paúli pręcibus, Dómine, plebis tuæ dona sanctifica : ut quæ tibi tuo grata sunt institúto, gratióra fiant patrocínio supplicántis.

Pro SS. Machabæis. Secreta.

MYSTERIA tua, Dómine, pro sanctórum mártýrum tuórum honóre, devóta mente tractémus : quibus et præsidium nobis crescat, et gáudium. Per Dóminum.

Præfatio de Apostolis.

Communio. Matth. 16. Tu es Petrus, et super hanc petram ædificábo Ecclésiám meam.

Postcommunio.

CORPORIS sacri et pretiósí sánguinis repléti libámine, quæsumus Dómine Deus noster : ut quod pia devotióne gérimus, certa redemptióne capiámus. Per eúndem Dóminum.

Pro S. Paulo. Postcommunio.

PERCEPTIS, Dómine, sacraméntis, beáto Paulo Apóstolo tuo interveniēte, deprecámur : ut quæ pro illius celebráta sunt glória, nobis, proficiant ad medélam.

Pro SS. Machabæis.

Postcommunio.

PRÆSTA quæsumus omnipotens Deus : ut quorum memóriam sacraménti participatióne recólimus, fidem quoque proficiēdo sectémur. Per Dóminum.

Die ii. Augusti.

S. STEPHANI Papæ et Martyris.

Introitus. Psal. 31.

SACERDOTES ejus in-
duam salutári : et sancti
ejus exultatióne exultábunt.

Psal. ibid. Meménto Dómine David, et omnis mansuetúdinis ejus.

V. Glória Patri.

Oratio.

DEUS qui nos beáti Stéphaní mártiris tui atque Pontíficis ánnua solemnitate lætificas : concéde propítius ; ut ejuſdem natalítia cólimus, de ejuſdem etiám protectiόne gaudeámus. Per Dóminum.

Lectio Actuum Apostolorum.

Act. 20. d.

IN diébus illis : A Miléto Paulus mittens Ephesum, vocávit Majóres natu Ecclésiæ. Qui cū venissent ad eum, et simul essent, dixit eis : Vos scitis à prima die, qua ingressus sum in Asiam, quáliter vobiscum per omne tempus fuérim, sérviens Dómino cum

omni humilitate, et lácrymis, et tentatióibus, quæ mihi accidérunt ex insídiis Judæórum : quómo do nihil subtráxerim útilium, quò minùs annuntiárem vobis, et docérem vos públicè, et per domos, testíficans Judæis atque Gentílibus in Deum poeniténtiam, et fidem in Dóminum nostrum Jesum Christum.

Graduale. Eccli. 44. Ecce sacérdoſ magnus, qui in diébus suis plácuít Deo. V. Non est invéntus símilis illi, qui conserváret legem Excélsi.

Allelúia, allelúia.

V. Ps. 109. Tu es sacérdoſ in ætérnum secúndum órđinem Melchisedech. Allelúia.

Sequéntia sancti Evangélii secúndum Matthæum.

Matth. 16.

IN illo témpore : Dixit Jesus discipulis suis : Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam. Qui autem perdiderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ verò suæ detriméntum patiátur ? Aut quam dabit homo commutatiónem pro ánimá sua ? Filius enim hóminis ventúrus est in glória Patris sui cum Angelis suis : et tunc reddet unicuique secúndum ópera ejus.

Offertorium. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

MUNERA tibi, Dómine, dicáta sanctífica : et intercedénte beáto Stéphanó martyre tuo atque Pontífice, per éadem nos placátus inténde. Per Dóminum nostrum.

Communio. Matth. 25. Dómine, quinque talénta tradidísti mihi : ecce ália quinque superlucrátus sum : euge serve bone et fidélis : quia in pauca fuísti fidélis, supra multa te constituam, intra in gáudium Dómini tui.

Postcommunio.

HÆC nos commúnio, Dómine, purget à crímine : et intercedénte beáto Stéphanó mártire tuo atque Pontífice, cœléstis remédii fáciat esse consórtes. Per Dóminum.

Die iii. Augusti.

IN INVENTIONE,
S. STEPHANI Protomar.

Introitus. Psal. 118.

SEDERUNT principes, et advérsùm me loquebántur, et iníqui persecúti sunt me : ádjuva me Dómine Deus meus, quia servus tuus exercebátur in tuis justificatióibus.

Psal. ibid. Beáti immaculáti in via : qui ámbulant in lege Dómini.

℣. Glória Patri.

Oratio.

DA nobis, quæsumus Dómine, imitári quod cólimus, ut discámus et inimícos diligere : quia ejus Inventiönem celebrámus, qui novit étiam pro persecutóribus exoráre, Dóminum nostrum Jesum Christum Filium tuum : Qui tecum.

Ad poscenda Suffragia Sanctorum.
Oratio.

ACUNCTIS nos, quæsumus Dómine, mentis et córporis defénde perículis : et intercedénte beáta et gloriósa semper virgine Dei genitrice Maria, cum beátis Apóstolis tuis Petro et Paulo, atque beáto N. et ómnibus Sanctis, salútem nobis tribue benígnus, et pacem : ut destrúctis adversitatibus et erróribus univérsis, Ecclésia tua secúra tibi sérviat libertáte. Per eúdem Dóminum.

Tertia ad libitum.

Léctio Actuum Apostolorum.

Act. 6.

IN diébus illis : Stéphanus plenus grátia et fortitúdine, faciébat prodigia et signa magna in pópulo. Surrexérunt autem quidam de synagóga, quæ appellátur Libertinórum, et Cyrenénsium, et Alexandrinórum, et eórum qui erant à Cilicia, et Asia disputántes cum Stéphanó : et non póterant resistere sapiéntiæ, et Spíritui, qui loquebátur. Audiéntes autem hæc, dissecabántur córdibus suis, et stridébant déntibus in eum. Cùm autem esset Stéphanus plenus Spíritu sancto, inténdens in cœlum, vidit glóriam Dei, et Jesum stantem à dextris Dei. Et ait : Ecce video cœlos apértos, et Filium hómínis stantem à dextris Dei. Exclamántes autem voce magna continuérunt aures suas, et ímpetum fecérunt unánimiter in eum. Et ejiciéntes eum extra civitátem lapidábant : et testes deposuérunt vestiménta sua secus pedes adolescéntis, qui vocabá-

tur Saulus. Et lapidabant Stéphanum invocántem, et dicéntem : Dómine Jesu súscipe spíritum meum. Póstitis autem génibus, clamávit voce magna, dicens : Dómine, ne státuas illis hoc peccátum. Et cùm hoc dixisset, obdormívit in Dómino.

Graduale. Ps. 118. Sedérunt príncipes, et advérsùm me loquebántur : et iníqui persecúti sunt me. *V.* Adjuva me Dómine Deus meus : salvum me fac propter misericórdiam tuam.

Allelúia, allelúia.

V. Vídeo cœlos apértos, et Jesum stantem à dextris virtútis Dei. Allelúia.

Sequéntia sancti Evangélii secúndum Matthæum.

Matth. 23.

IN illo témpore : Dicébat Jesus Scribis et Pharisæis : Ecce ego mitto ad vos Prophétas, et sapiéntes, et Scribas, et ex illis occidétis, et crucifigétis, et ex eis flagellábitis in synagógis vestris, et persecuémini de civitáte in civitátem : ut véniat super vos omnis sanguis justus, qui effúsus est super terram, à sanguine Abel justí usque ad sanguinem Zachariæ filii Barachíæ, quem occidístis inter templum et altáre. Amen dico vobis, venient hæc ómnia super generatióem istam. Jerúsalem, Jerúsalem, quæ occidís Prophétas, et lápidas eos qui ad te missi sunt, quóties vólui congregáre filios tuos, quemádmódum gallína congregat pullos suos, sub alas, et nolúisti ? Ecce relinquétur vo-

bis domus vestra desérta. Dico enim vobis : non me vidébitis ámodò, donec dicátis : Benedictus, qui venit in nómine Dómini. *Non dicitur.* Credo.

Offertorium. Act. 6. et 7. Elerunt Apóstoli Stéphanum Levítam, plenum fide et Spíritu sancto : quem lapidáverunt Judæi orántem, et dicentem : Dómine Jesu, áccipe spíritum meum, allelúia.

Secreta.

SUSCIPE Dómine múnera, pro tuórum commemoratióne sanctórum : ut sicut illos passio gloriósa effécit, ita nos devótió reddat innócuos. Per Dóminum.

Ad poscenda suffragia Sanctórum. Secreta.

EXAUDI nos Deus salutáris noster : ut per hujus sacraménti virtútem, à cunctis nos mentis et córporis hóstibus tueáris, grátiam tribuens in præsentí, et glóriam in futúro.

Tertia ad libitum.

Communio. Act. 7. Vídeo cœlos apértos, et Jesum stantem à dextris virtútis Dei : Dómine Jesu, áccipe spíritum meum, et ne státuas illis hoc peccátum.

Postcommunio.

AUXILIENTUR nobis, Dómine, sumpta mystéria : et intercedente beáto Stéphanano mártire tuo, sempitérna protectióne confirment. Per Dóminum nostrum.

Ad poscenda suffragia Sanctórum. Postcommunio.

MUNDET et múniat nos, quæsumus Dómine, divíni sacraménti munus oblátum : et intercedente beáta

virgine Dei genitrice María, cum beáteis Apóstolis tuis Petro et Paulo, atque beáto N. et ómnibus Sanctis; à cunctis nos reddat et perversitatibus expiátos, et adversitatibus expeditos.

Tertia ad libitum.

Die iv. Augusti.

IN FESTO S. DOMINICI
Confessoris.

Introitus. Psal. 36.

OS justi meditábitur sapiéntiam, et lingua ejus loquétur judicium: lex Dei ejus in corde ipsíus.

Psal. ibid. Noli æmulári in malignántibus: neque zeláveris faciéntes iniquitátem.

℣. Glória Patri.

Oratio.

DEUS, qui Ecclésiám tuám beáti Domínici Confessoris tui illumináre dignátus es méritis et doctrínis: concéde, ut ejus intercessióne, temporálibus non destituátur auxiliis, et spirituálibus semper proficiat incrementis. Per Dóminum nostrum.

Lectio Epístolæ beáti Pauli Apóstoli ad Timótheum.

2 *Tim. 4.*

CHARISSIME, Testificor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus: prædica verbum, insta opportunè, importunè: árgue, óbseca, increpa in omni paciéntia, et doctrína. Erit enim tempus, cum sanám doctrínám non sustinébunt, sed ad sua desidéria coacervábunt sibi magistros, pruriéntes áuribus, et à veritate quidem auditum avértent,

ad fábulas autem converténtur. Tu verò vigila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delibor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die justus judex: non solúm autem mihi, sed et iis qui diligunt advéntum ejus.

Graduale. Psal. 91. Justus ut palma florébit: sicut cedrus Líbani multiplicábitur in domo Dómini. ℣. Ad annuntiándum manè misericórdiam tuam, et veritátem tuam per noctem. Allelúia, allelúia.

℣. Justus germinábit sicut lílium: et florébit in ætérnum ante Dóminum. Allelúia.

Sequéntia sancti Evangélii secúndum Lucam.

Luc. 12. c.

IN illo témpore: Dixit Jesus discipulis suis: Sint lumbi vestri præcincti, et lucernæ ardéntes in mánibus vestris: et vos símiles homínibus expectántibus dóminum suum, quando revertátur à nuptiis: ut, cum vénerit, et pulsáverit, conféstim apériant ei. Beáti servi illi, quos, cum vénerit dóminus, invénerit vigílantes: amen dico vobis, quòd præcinget se, et faciet illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamilias,

qua hora fur veniret, vigilaret útique, et non síneret pèrfodi domum suam. Et vos estóte paráti, quia qua hora non putátis, Fílius hóminis veniet.

Offertorium. Psal. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

MUNERA tibi, Dómine, dicáta sanctífica: ut méritis beáti Domínici Confessoris tui, nobis proficiant ad medélam. Per Dóminum.

Communio. Luc. 12. Fidélis servus et prudens, quem constituit dónus super familiam suam: ut det illis in témpore tritici mensúram.

Postcommunio.

CONCEDE quæsumus omnipotens Deus: ut qui peccatórum nostrórum póndere préminur, beáti Domínici Confessoris tui patrocinio sublevémur. Per Dóminum.

Die v. Augusti.

IN DEDICATIONE S. MARIÆ ad Nives, *Missa.* Salve sancta parens. *ut in Missis votivis B. Mariæ virginis à Pentecoste usque ad Adventum. xlix. Et dicitur Credo. et Præfatio de S. Maria.* Et te in festivitate beátæ Mariæ.

Die vi. Augusti.

IN FESTO TRANSFIGURATIONIS DOMINI NOSTRI JESU CHRISTI.

Introitus. Psal. 76.

ILLUXERUNT coruscationes tuæ orbi terræ: comóta est, et contrémuit terra.

Psal. 83. Quàm dilécta tabernacula tua, Dómine virtutum! concupiscit, et déficit ánima mea in átria Dómini.

V. Glória Patri.

Oratio.

DEUS, qui fidei sacraménta, in Unigéniti tui gloriósa Transfiguratióne, patrum testimonio roborásti, et adoptiõem filiórum perfectam, voce delápsa in nube lúcida, mirabiliter præsignásti: concede propítius; ut ipsius Regis glóriæ nos cohærédes efficias, et ejúsdem glóriæ tríbuas esse consórtes. Per eúndem Dóminum.

Pro commem. SS. Xysti, Felicissimi, et Agapiti mart.

Oratio.

DEUS, qui nos concédís sanctórum mártirum tuórum Xysti, Felicissimi, et Agapiti natalítia cólere: da nobis in æterna beatitúdine de eórum societáte gaudere. Per Dóminum.

Léctio Epístolæ beáti Petri Apóstoli.

2 Pet. 1.

CHARISSIMI, Non doctas fábulas secúti, notam fécimus vobis Dómini nostri Jesu Christi virtútem et præsentiam: sed speculatóres facti illius magnitúdinis. Accípiens enim à Deo Patre honórem et glóriam, voce delápsa ad eum hujuscémodi à magnífica glória: Hic est Fílius meus diléctus, in quo mihi complácu, ipsum audíte. Et hanc vocem nos audívimus de coelo allátam, cùm essémus cum ipso in monte sancto. Et habémus firmiorem prophéti-

cum sermónem : cui bené fá-
citis attendéntes, quasi lucer-
næ lucénti in caliginóso loco,
donec dies elucéscat, et líci-
fer oriátur in córdibus vestris.

Graduale. Psal. 44. Speci-
ósus forma præ filiis hómi-
num : diffúsa est grátia in lá-
biis tuis.

Ÿ. Eructávit cor meum ver-
bum bonum, dico ego ópera
mea Regi.

Allelúia, allelúia.

Ÿ. *Sap. 7.* Candor est lucis
æternæ, spéculum sine mácu-
la, et imágo bonitátis illius.
Allelúia.

Sequéntia sancti Evangélii se-
cúndum Matthæum.

Matth. 17.

IN illo témpore : Assúmp-
sit Jesus Petrum, et Ja-
cóbum, et Joánnem fratrem
ejus, et duxit illos in montem
excélsu seórsum : et trans-
figurátus est ante eos. Et res-
plénduit fácies ejus sicut sol :
vestiménta autem ejus facta
sunt alba sicut nix. Et ecce
apparuerunt illis Móyses et
Elías cum eo loquéntes. Res-
spóndens autem Petrus, dixit
ad Jesus : Dómine, bonum
est nos híc esse : si vis faciámus
híc tria tabernácula, tibi
unum, Móysi unum, et Elíæ
unum. Adhuc eo loquente,
ecce nubes lúcida obumbrávit
eos. Et ecce vox de nube, di-
cens : Hic est Fílius meus dí-
léctus, in quo mihi benè com-
plácuí : ipsum audíte. Et au-
diéntes discípuli cecidérunt
in fáciem suam, et timuérunť
valdè. Et accéssit Jesus, et
tétigit eos, dixítque eis : Súr-
gite, et nolíte timére. Le-

vántes autem óculos suos, né-
minem vidérunt, nisi solum
Jesus. Et descendéntibus il-
lis de monte, præcépít eis
Jesus, dicens : Némini dixé-
ritis visiónem, donec Fílius
hóminis à mórtuis resúrgat.
Credo.

Offertorium. Psal. 111. Gló-
ria et divítiae in domo ejus ;
et justítia ejus manet in sæcu-
lum sæculi, allelúia.

Secreta.

OBLATA, quæsumus Dó-
mine múnera, glóriosa
Unigéniti tui Transfiguratióne
sanctifica : nosque à pecca-
tórum máculis, splendóribus
ipsíus illustratiónis emúnda.
Per eúmdem Dóminum.

*Pro SS. martyribus Xysto, Fe-
licissimo, et Agapito.*

Secreta.

MUNERA tibi, Dómine,
nostræ devotiónis offé-
rimus : quæ et pro tuórum tibi
grata sint honóre justórum ; et
nobis salutária, te miseránte,
reddántur. Per Dóminum.

Præfatio de Nativ. Domini.
Quia per incarnáti Verbi.

Communio. Matth. 17. Vi-
siónem quam vidístis, némini
dixéritis, donec à mórtuis re-
súrgat Fílius hóminis.

Postcommunio.

PRÆSTA quæsumus omni-
potens Deus : ut sacro-
sáncta Fílii tui Transfigura-
tiónis mystéria, quæ solémni
celebrámus officio, purificátæ
mentis intelligéntia consequá-
mur. Per eúmdem Dóminum.

Pro SS. martyribus Xysto, Felicissimo, et Agapito.

Postcommunio.

PRÆSTA nobis, quæsumus Dómine, intercedéntibus sanctis martyribus tuis Xysto, Felicissimo, et Agapito: ut quod ore contingimus, pura mente capiámus. Per Dóminum.

Die vii. Augusti.

IN FESTO S. CAJETANI
Confessoris.

Introitus. Psal. 36.

OS justi meditábitur sapientiam, et lingua ejus loquétur judícium: lex Dei ejus in corde ipsius.

Psal. ibid. Noli æmulári in malignántibus: neque zeláveris faciéntes iniquitatem.

V. Glória Patri.

Oratio.

DEUS qui beáto Cajetano Confessóri tuo Apostólicam vivéndi formam imitári tribuísti: da nobis ejus intercessióne et exémplo in te semper confidere, et sola coeléstia desiderare. Per Dóminum.

Pro commem. S. Donati Episcopi et martyris.

Oratio.

DEUS tuórum glória sacerdotum: præsta quæsumus; ut sancti mártiris tui et Episcopi Donati, cujus festa gérimus, sentiámus auxílium. Per Dóminum.

Lectio libri Sapientiae.

Eccli. 31.

BEATUS vir, qui invéntus est sine mácula, et qui post aurum non ábiit, nec sperávit in pecúnia et thesáuris: Quis est hic, et laudábimus eum? fecit enim mirabilia in vita sua. Qui probátus est in illo,

et perfectus est, erit illi glória ætérna: qui pótuit transgredi, et non est transgressus; fácere mala, et non fecit: ideo stabilita sunt bona illius in Dómino, et eleemósynas illius enarrábit omnis Ecclésia sanctorum.

Graduale. Ps. 91. Justus ut palma florébit: sicut cedrus Libani multiplicábitur in domo Dómini. *V.* Ad annuntiándum manè misericórdiam tuam, et veritatem tuam per noctem. Allelúia, allelúia.

V. Jac. 1. Beátus vir, qui suffert tentatióne: quóniam cum probátus fuerit, accipiet coronam vitæ. Allelúia.

Sequéntia sancti Evangélii secundum Matthæum.

Matth. 6. c.

IN illo témpore: Dixit Jesus discipulis suis: Nemo potest duobus dóninis servire: aut enim unum odio habébit, et álterum diliget: aut unum sustinébit, et álterum contémnet. Non potéstis Deo servire, et mammonæ. Ideò dico vobis, ne solíciti sitis animæ vestræ quid manducétis, neque córpori vestro quid induámini. Nónne ánima plus est quàm esca: et corpus plus quàm vestiméntum? Respícite volatília cœli, quóniam non serunt, neque metunt, neque cóngregant in hórrea: et Pater vester cœléstis pascit illa. Nónne vos magis pluris estis illis? Quis autem véstrum cógitans, potest adjicere ad statúram suam cúbitum unum? Et de vestiménto quid solíciti estis? Consideráte lília agri quómodo crescunt: non labórant, neque nent. Dico autem vobis: quóniam nec Sálomon in omni

glória sua coopértus est sicut unum ex istis. Si autem fœnum agri, quod hódie est, et cras in clibanum míttitur, Deus sic vestit: quantò magis vos módicæ fidei? Nolíte ergo solíciti esse dicétes: Quid manducábimus, aut quid bibémus, aut quo operiémur? Hæc enim ómnia Gentes inquirunt. Scit enim Pater vester, quia his ómnibus indigetis. Quærite ergo primùm regnum Dei et justítiam ejus, et hæc ómnia adjiciéntur vobis.

Offertorium. Psal. 88. Veritas mea, et misericórdia mea cum ipso: et in nómine meo exaltábitur cornu ejus.

Secreta.

PRÆSTA nobis, quæsumus, omnipotens Deus: ut nostræ humilitátis oblátio, et pro tuórum tibi grata sit honóre Sanctórum, et nos corpore páriter et mente purificet. Per Dóminum.

Pro S. Donato Episcop. et mart.

Secreta.

PRÆSTA, quæsumus Dómine: ut sancti mártiris tui et Episcopi Donátii intercessióne, quem ad laudem nóminis tui dicátis munéribus honorámus, pia nobis fructus devotiónis accrésceat. Per Dóminum.

Communio. Matth. 24. Beátus servus, quem, cùm vénerit Dóminus, invénerit vigilántem: amen dico vobis, super ómnia bona sua constitúet eum.

Postcommunio.

QUÆSUMUS omnipotens Deus: ut qui cœlestia alimenta percépimus, intercedénte beáto Cajetáno Confessore tuo, per hæc contra óm-

nia advérsa muniámur. Per Dóminum.

Pro sancto Donato.

Postcommunio.

OMNIPOTENS et misericors Deus, qui nos sacramentórum tuórum et participes éfficis, et ministros: præsta quæsumus; ut intercedénte beáto Donato mártire tuo atque Pontifice, ejusdem proficiámus et fidei consórtio, et digno servítio. Per Dóminum.

Die viii. Augusti.

IN FESTO SS. CYRIACI
LARGI, ET SMARAGDI
Mart.

Introitus. Psal. 33.

TIMETE Dóminum omnes sancti ejus, quóniam nihil deest timéntibus eum: dívites eguérunt et esuriérunt: inquirentes autem Dóminum, non deficient omni bœno.

Psal. ibid. Benedicam Dóminum in omni témpore: semper laus ejus in ore meo.

¶ Glória Patri.

Oratio.

DEUS, qui nos ánnua sanctorum mártirum tuórum Cyriaci, Largi, et Smaragdi solemnitate lætíficas: concede propítius; ut quorum natalítia cólimus, virtútem quoque passionis imitémur. Per Dóminum.

Léctio Epistolæ beáti Pauli Apóstoli ad Thessalonicénses.

1 *Thess. 2. c.*

FRATRES, Grátias ágimus Deo sine intermissióne: quóniam cùm accepissétis à nobis verbum audítus Dei, accepistis illud, non ut verbum hóminum, sed (sicut est verè)

verbum Dei, qui operatur in vobis, qui credidistis. Vos enim imitatores facti estis, fratres, Ecclesiarum Dei, quæ sunt in Judæa in Christo Jesu: quia eadem passi estis et vos à contribulibus vestris, sicut et ipsi à Judæis, qui et Dominum occiderunt Jesum, et Prophetas, et nos persecuti sunt, et Deo non placent, et omnibus hominibus adversantur, prohibentes nos Gèntibus loqui, ut salvæ fiant, ut impleant peccata sua semper: pervenit enim ira Dei super illos, usque in finem.

Graduale. Psal. 33. Timeat Dominum omnes sancti ejus: quoniam nihil deest timentibus eum. *V.* Inquirentes autem Dominum, non deficient omni bono.

Alleluia, alleluia.

V. Sap. 3. Fulgebunt justi, et tamquam scintillæ in arundinato discurrent in æternum. Alleluia.

Sequentia sancti Evangelii secundum Matthæum.

Matth. 16. c.

IN illo tempore: Dixit Jesus discipulis suis: Euntes in mundum univèrsum prædicatè Evangelium omni creaturæ. Qui crediderit, et baptizatus fuerit, salvus erit: qui verò non crediderit, condemnabitur. Signa autem eos, qui crediderint hæc sequentur. In nomine meo dæmónia ejicient: linguis loquentur novis: serpentes tollent: et si mortiferum quid biberint, non eis nocèbit: super ægros manus imponent, et benè habebunt.

Offertorium. Psal. 31. Lætâmini in Dômino, et exultate

justi: et gloriâmini omnes recti corde.

Secreta.

ACCEPTA sit in conspectu tuo, Dômine, nostra devotio: et eorum nobis fiat supplicatiône salutâris, pro quorum solemnitate defertur. Per Dôminum.

Communio. Marc. 16. Signa autem eos qui in me credunt, hæc sequentur: dæmónia ejicient: super ægros manus imponent, et benè habebunt

Postcommunio.

REFFECTI participatiône muneris sacri, quæsumus Dômine Deus noster: ut cujus exequimur cultum; intercedentibus sanctis martyribus tuis Cyriaco, Largo, et Smarâgdo, sentiâmus effectum. Per Dôminum.

¶ *Si festum S. Laurentii venerit Feria ii. commem. S. Romani fit in Dominica, et de Vigilia in Sabbato, in quo celebratur festum SS. Cyriaci, &c. et de ea legitur Evangelium in fine.*

Die ix. Augusti.

IN VIGILIA S. LAURENTII Martyris.

Introitus. - Psal. 111.

DISPERSIT, dedit pauperibus: justitia ejus manet in sæculum sæculi: cornu ejus exaltabitur in glória.

Psal. ibid. Beatus vir, qui timet Dôminum: in mandatis ejus cupit nimis. Glória Patri.

Oratio.

ADESTO Dômine supplicatiônibus nostris: et in-

tercessióne beáti Lauréntii mártiris tui, cujus prævenimus festivitátem, perpétuam nobis misericórdiam benígnus impénde. Per Dóminum.

Pro commem. S. Romani mart.

Oratio.

PRÆSTA quæsumus omnipotens Deus: ut intercedente beato Romano mártire tuo, et à cunctis adversitatibus liberémur in córpore, et à pravis cogitacionibus mundémur in mente.

De sancta Maria. Oratio.

CONCEDE nos fámulos tuos, quæsumus Dómine Deus, perpétua mentis et córporis sanitáte gaudere: et gloriósa beátæ Mariæ semper vírginis intercessióne, à præsentí liberári tristítia, et ætérna pérfrui lætítia. Per Dóminum.

Léctio libri Sapiéntiæ.

Eccli. 51.

CONFITEBOR tibi Dómine Rex, et collaudábo te Deum Salvatórem meum. Confitébor nómini tuo: quóniam adjútor, et protéctor factus es mihi, et liberásti corpus meum à perditíone, à láqueo linguæ iniquæ, et à lábiis operántium mendácium, et in conspéctu astántium factus es mihi adjútor. Et liberásti me secúndum multitudinem misericórdiæ nóminis tui à rugiéntibus, præparátis ad escam, de mánibus quæréntium ànimam meam, et de portis tribulatiónum, quæ circumdedérunt me: à pressúra flammæ, quæ

circúmdedit me, et in médio ignis non sum æstuátus: de altítudine ventris inferi, et lingua cóinquináta, et à verbo mendácií, à rege iníquo, et à lingua injústa: laudábit usque ad mortem ánima mea Dóminum; quóniam éruis sustinéntes te, et líberas eos de mánibus Géntium, Dómine Deus noster.

Graduale. Psalm. 111. Dispérsit, dedit paupéribus: justítia ejus manet in sæculum sæculi.

✠. Potens in terra erit semen ejus: generátio rectórum benedicétur.

Sequéntia sancti Evangélii secúndum Matthæum.

Matth. 16.

IN illo témpore: Dixit Jesus discipulis suis: Si quis vult post me venire, ábneget semetípsum, et tollat crucem suam, et sequátur me. Qui enim volúerit ànimam suam salvam fácere, perdet eam. Qui autem perdiderit ànimam suam propter me, invéniet eam. Quid enim prodest hómini, si mundum univérsum lucrétur, ànimæ verò suæ detriméntum patiátur? Aut quam dabit homo commutatiónem pro ánima sua? Filius enim hóminis ventúrus est in glória. Patris sui cum Angelis suis: et tunc reddet unicuíque secúndum ópera ejus.

Offertorium. Job. 16. Orátio mea munda est: et idéò peto, ut detur locus voci meæ in cœlo: quia ibi est judex meus, et cónscius meus in excélsis: ascéndant ad Dóminum deprecátio mea.

Secreta.

HOSTIAS, Dómine, quas tibi offérimus, propítius súscipe : et intercedénte beáto Lauréntio mártire tuo, vínculo peccatórum nostrórum absólve. Per Dóminum.

Pro sancto Romano martyre.

Secreta.

MUNERIBUS nostris, quæsumus Dómine, precibusque susceptis, et cœlestibus nos mundá mystériis, et cleménter exáudi.

De beata Maria. Secreta.

TUA, Dómine, propitiatióne, et beátæ Mariæ semper virginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Communio. Matth. 16. Qui vult venire post me, abneget semetípsum : et tollat crucem suam, et sequátur me.

Postcommunio.

DA quæsumus Dómine Deus noster : ut, sicut beáti Lauréntii mártiris tui commemoratióne, temporáli gratulamur officio, ita perpétuo lætémur aspéctu. Per Dóminum nostrum.

Pro sancto Romano.

Postcommunio.

QUÆSUMUS omnipotens Deus : ut qui cœlestia aliménta percépimus, intercedénte beáto Románo mártire tuo, per hæc contra ómnia advérsa muniámur.

De B. Maria. Postcommunio.

SUMPTIS, Dómine, salutis nostræ subsidiis : da quæsumus, beátæ Mariæ semper virginis patrocíniis nos ubique prótegi ; in cujus venera-

tióne, hæc tuæ obtúlimus majestáti. Per Dóminum.

Die x. Augusti.

IN FESTO S. LAURENTII
Martyris.

Introitus. Psal. 95.

CONFESSIO et pulchritúdo in conspéctu ejus : sanctitas et magnificéntia in sanctificatióne ejus.

Psal. ibid. Cantáte Dómino cánticum novum : cantáte Dómino omnis terra.

✠. Glória Patri.

Oratio.

DA nobis, quæsumus omnipotens Deus, vitiórum nostrórum flammam extingueré : qui beáto Lauréntio tribuísti tormentórum suórum incéndia superáre. Per Dóminum nostrum.

Léctio Epístolæ beati Pauli Apóstoli ad Corinthios.

2 Cor. 9. b.

FRATRES, Qui parcè séminat, parcè et metet : et qui séminat in benedictiónibus, de benedictiónibus et metet. Unusquisque prout destinávit in corde suo, non ex tristítia, aut ex necessitáte : hilarem enim datórem diligit Deus. Potens est autem Deus omnem grátiam abundáre fácere in vobis : ut in ómnibus semper omnem sufficiéntiam habéntes, abundétis in omne opus bonum, sicut scriptum est : Dispérsit, dedit paupéribus : justítia ejus manet in sæculum sæculi. Qui autem administrat semen seminánti : et panem ad manducándum præstábit, et multiplicábit semen vestrum, et augébit in-

creménta frugum justítiae vestrae.

Graduale. Psal. 16. Probásti Dómine cor meum : et visitásti nocte. *V.* Igne me examinasti : et non est invénta in me iníquitas. Allelúia, allelúia.

V. Levíta Lauréntius bonum opus operátus est : qui per signum crucis cæcos illuminávit. Allelúia.

Sequéntia sancti Evangélli secundùm Joánnem.

Joan. 13.

IN illo témpore : Dixit Jesus discipulis suis : Amen, amen dico vobis, nisi granum fruménti cadens in terram, mórtuum fúerit ; ipsum solum manet. Si autem mórtuum fúerit, multum fructum affert. Qui amat ánimam suam, perdet eam ; et qui odit ánimam suam in hoc mundo, in vitam ætérnam custódit eam. Si quis mihi minístrat, me sequátur et ubi sum ego, illic et miníster meus erit. Si quis mihi ministráverit, honorificábit eum Pater meus.

Non dicitur Credo. nisi in Ecclesia propria, vel nisi venerit in Dominica.

Offertorium. Ps. 95. Conféssio et pulchritúdo in conspéctu ejus : sánctitas et magnificéntia in sanctificatióne ejus.

Secreta.

ACCIPE, quæsumus Dómine, múnera dignánter obláta : et beáti Lauréntii suffragántibus méritis, ad nostræ salútis auxiliúm proveníre concéde. Per Dóminum.

Communio. Joan. 12. Qui mihi minístrat, me sequátur :

et ubi ego sum, illic et miníster meus erit.

Postcommunio.

SACRO múnere sátiati, supplices te Dómine deprecámur, ut quod débitæ servitútis celebrámus officio, intercedente beáto Lauréntio mártire tuo, salvatiónis tuæ sentiámus augméntum. Per Dóminum.

¶ Infra Octavam S. Laurentii dicitur eadem Missa sicut in ejus festo, et post Orationem diei fit commem. de festo Simplicii occurrente : et tertia Oratio dicitur de B. Maria, Concéde nos. fol. 236.

Sed si occurrat dies Dominica, secunda Oratio erit de Octava, et tertia de Sanctis.

Die xi. Augusti.

PRO COMMEM. SS. TIBURTII, ET SUSANNÆ mart.

Oratio.

SANCTORUM mártirum tuórum Tibúrtii et Susannæ, nos Dómine fóveant continuáta præsidia : quia non désinis propítius intuéri, quos tálibus auxiliis concésseris adjuvári.

Secreta.

ADESTO Dómine précibus pópuli tui, adésto múnere : ut quæ sacris sunt obláta mystériis tuórum tibi pláceant intercessióne sanctorum.

Postcommunio.

SUMPSIMUS, Dómine, pignus redemptionis ætérnæ : quod sit nobis, quæsumus, interveniéntibus sanctis Mártiribus tuis, vitæ præsentis auxiliúm páriter et futúra.

Die xii. Augusti.
IN FESTO S. CLARÆ
 Virginis.

Missa. Dilexisti justitiam.
de Communi Virginum xxix.
et fit commem. Oct. S. Laurentii
cum Orationibus, ut suprâ 474.

Die xiii. Augusti.
PRO COMMEM. SS. HIP-
POLYTI, ET CASSIANI
 martyrum.

Oratio.

DA quæsumus omnipotens
 Deus: ut beatorum mar-
 tyrum tuorum Hippolyti et
 Cassiani veneranda solémni-
 tas, et devotionem nobis au-
 geat, et salutem.

Secreta.

RESPICE, Dómine, mu-
 nera pópuli tui, sanctó-
 rum festivitate votiva: et tuæ
 testificatio veritátis nobis profi-
 ciat ad salutem.

Postcommunio.

SACRAMENTORUM tuó-
 rum, Dómine, commúnio
 sumpta nos salvet: et in tuæ
 veritátis luce confirmet.

Die xiv. Augusti.
IN VIGILIA ASSUMPTI-
ONIS B. M. Virg.

Introitus. Psal. 44.

VULTUM tuum depreca-
 buntur omnes dívites ple-
 bis: adducéntur Regi vírgines
 post eam: próximæ ejus addu-
 céntur tibi in lætítia et exul-
 tatióne.

Psal. ibid. Eructávit cor
 meum verbum bonum: dico ego
 ópera mea Regi.

℣. Glória Patri.

Non dicitur Glória excelsis.

Oratio.

DEUS, qui virgínalem au-
 lam beatæ Mariæ, in qua
 habitáres, eligere dignátus es:

da quæsumus; ut sua nos de-
 fensióne munitos, jucúndos
 fácias suæ interésse festivitáti.
 Qui vivis et regnas.

Et fit commemor. Octavæ S.
Laurentii, Oratio. Da nobis,
 quæsumus omnipotens Deus,
 ut suprâ. 474.

Deinde S. Eusebii Confessoris.
Oratio.

DEUS, qui nos beáti Eusé-
 bii Confessoris tui án-
 nua solémnitáte lætíficas:
 concéde propítius; ut ejus
 natalítia cólimus, per ejus ad
 te exémpa gradiámur. Per
 Dóminum nostrum.

Lectio libri Sapiéntiæ.

Eccli. 24. c.

EGO quasi vitis fructificá-
 vi suavitétem odóris: et
 flores mei fructus honóris,
 et honestátis. Ego mater
 pulchræ dilectiónis, et ti-
 móris, et agnitiónis, et sanc-
 tæ spei. In me grátia om-
 nis viæ et veritátis, in me
 omnis spes vitæ et virtútis.
 Transíte ad me omnes, qui
 concupiscitis me, et à genera-
 tióne meis implémini. Spiritus enim meus super mel
 dulcis, et hæreditas mea super
 mel, et favum. Memória
 méa in generatiónes sæculó-
 rum. Qui edunt me, adhuc
 esúrient, et qui bibunt me,
 adhuc sítient. Qui audit me,
 non confundétur: et qui ope-
 rántur in me, non peccábunt.
 Qui elúcidant me, vitam ætér-
 nam habébunt.

Graduale. Benedicta et ve-
 nerábilis es virgo María, quæ
 sine tactu pudóris, invénta es
 Mater Salvatóris. *℣. Virgo*
Dei Génitrix, quem totus non
capit orbis, in tua se clausit
viscera factus homo.

Sequéntia sancti Evangéllii secúndum Lucam.

Luc. 11.

IN illo témpore : Loquén-
te Jesu ad turbas, extól-
lens vocem quædam mûlier de
turba, dixit illi : Beátus ven-
ter, qui te portávit : et úbera,
quæ suxísti. At ille dixit :
Quinimmo, beáti, qui áudiunt
verbum Dei, et custódiunt il-
lud.

Offertorium. Beáta es vir-
go María, quæ ómnium por-
tásti Creatórem : genuísti, qui
te fecit, et in ætérnum pér-
manes virgo.

Secreta.

MUNERA nostra, Dómi-
ne, apud cleméntiam
tuam Dei genitricis commén-
det orátio : quam idcirco de
præsénti sæculo transtulísti,
ut pro peccátis nostris apud te
fiduciáliter intercédât. Per
eúmdem Dóminum.

Pro S. Laurentio. Secreta.

Accipe, quæsumus Dómi-
ne. 475.

Pro S. Eusebio. Secreta.

LAUDIS, tibi Dómine, hós-
tias immolámus in tuó-
rum commemoratióne sanctó-
rum : quibus nos et præsénti-
bus éxui malis confidimus, et
futúris. Per Dóminum.

Præfatio communis.

Communio. Beáta víscera
Maríæ vírginis : quæ portavé-
runt ætérni Patris Fílium.

Postcommunio.

CONCEDE misericors Deus
fragilitáti nostræ præsí-
dium : ut qui sanctæ Dei ge-
nitricis festivitátem præveni-
mus, intercessiόνis ejus auxí-
lio, à nostris iniquitatibus re-

surgámus. Per eúmdem Dó-
minum nostrum.

Pro sancto Laurentio.

Postcommunio.

Sacro múnere satiáti. 475.

Pro sancto Eusebio.

Postcommunio.

REFFECTI cibo potúque
cœlesti, Deus noster, te
supplices exorámus : ut in cu-
jus hæc commemoratióne per-
cépimus, ejus muniámur et
précibus. Per Dóminum.

Die xv. Augusti.

**IN ASSUMPTIONE BEA-
TÆ MARÍÆ VIRGINIS.**

Introitus.

GAUDEAMUS omnes in
Dómino, diem festum cœ-
lebrántes sub honóre beátæ
Maríæ vírginis : de cujus As-
sumptiόνem gaudent Angeli, et
colláudant Fílium Dei.

Psal. 44. Eructávit cor
meum verbum bonum : dico
ego ópera mea Regi.

℟. Glória Patri.

Oratio.

FAMULORUM tuórum,
quæsumus Dómine, de-
lictis ignósce : ut qui tibi pla-
cere de áctibus nostris non va-
lémus, genitricis Fílii tui Dó-
mini nostri intercessiόνem sal-
vémur. Qui tecum vivit et
regnat.

Léctio libri Sapiéntiæ.

Eccli. 24.

IN ómnibus réquiem quæsi-
vi, et in hæreditáte Dómini
morábor. Tunc præcépit, et
dixit mihi Créator ómnium :
et qui creávit me, requiévit in
tabernáculo meo, et dixit mi-
hi : In Jacob inhábita, et in
Israël hæreditáre, et in eléctis
meis mitte radices. Et sic in
Sion firmáta sum, et in civi-

tate sanctificata similiter requievi, et in Jerusalem potestas mea. Et radicavi in populo honorificato, et in parte Dei mei hereditas illius, et in plenitudine sanctorum detentio mea. Quasi cedrus exaltata sum in Libano, et quasi cyprissus in monte Sion: quasi palma exaltata sum in Cades, et quasi plantatio rosae in Jericho. Quasi oliva speciosa in campis, et quasi platanus exaltata sum juxta aquam in plateis. Sicut cinnamomum et balsamum aromatizans odorem dedi: quasi myrrha electa dedi suavitatem odoris.

Graduale. Psal. 44. Propter veritatem, et mansuetudinem, et justitiam, et deducet te mirabiliter dextera tua.

℣. Audi filia, et vide, et inclina aurem tuam: quia concupivit Rex speciem tuam.

Alleluia, alleluia.

℣. Assumpta est Maria in caelum, gaudet exercitus Angelorum. Alleluia.

Sequentia sancti Evangelii secundum Lucam.

Luc. 10. g.

IN illo tempore: Intravit Jesus in quoddam castellum: et mulier quaedam, Martha nomine, excepit illum in domum suam: et huic erat soror nomine Maria, quae etiam sedens secus pedes Domini, audiebat verbum illius. Martha autem satagebat circa frequens ministerium: quae stetit, et ait: Domine, non est tibi curae quod soror mea reliquit me solam ministrare? dic ergo illi, ut me adjuvet. Et respondens, dixit illi Dominus: Martha, Martha so-

licita es, et turbaris erga plurima. Porro unum est necessarium, Maria optimam partem elegit, quae non auferetur ab ea. Credo.

Offertorium. Assumpta est Maria in caelum: gaudent Angeli, collaudantes benedicunt Dominum, alleluia.

Secreta.

SUBVENIAT, Domine, plebi tuae Dei genitricis oratio: quam etsi pro conditione carnis migrasse cognoscimus, in caelesti gloria apud te pro nobis intercedere sentiamus. Per eundem Dominum.

Prefatio de Beata Maria. Et te in Assumptione.

Et dicitur per totam Octavam etiam in festis.

Communio. Luc. 10. Optimam partem elegit sibi Maria, quae non auferetur ab ea in aeternum.

Postcommunio.

MENSÆ caelestis participes effecti, imploramus clementiam tuam, Domine Deus noster: ut qui Assumptionem Dei genitricis colimus, a cunctis malis imminentibus, ejus intercessione liberemur. Per eundem Dominum.

Infra Octavam Assumpt. B. Mariae, et in ejus die Octava, fit idem Offic. quod in die festi. Et infra Oct. dicitur secunda Oratio de Spiritu sancto, Deus qui corda fidelium xl. tertia, Ecclesiae tuae vel pro Papa. 236.

DOMINICA INFRA OCTAVAM ASSUMPT. B. V. MARIE.

Fit de Festo S. Joachim Conf. et Patris B. M. V.

Si praedicta Dominica impe-

dita fuerit à die Octava S. Laurentii, vel à die Octava Assumptionis, tunc Festum S. Joachim transferatur in aliam diem.

IN FESTO S. JOACHIM
Conf. et Patris B. M. Virginis.

Introitus. Psal. 111.

DISPERSIT, dedit pauperibus: justitia ejus manet in sæculum sæculi: cornu ejus exaltabitur in glória.

Psal. ibid. Beátus vir, qui timet Dóminum: in mandatis ejus cupit nimis.

¶ Glória Patri.

Oratio.

DEUS, qui præ ómnibus Sanctis tuis beátum Jóachim genitrícis Filii tui patrem esse voluisti: concéde quæsumus; ut cujus festa venerámur, ejus quoque perpetuò patrocínia sentiámus. Per eúndem Dóminum.

Et fit commem. Dominicæ currentis; et postea de Octavis, nisi Festum S. Joachim transferatur post omnes Octavas: et in fine Missæ legitur Evangelium Dominicæ.

Lectio libri Sapiéntiæ.

Eccli. 31.

BEATUS vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua. Qui probátus est in illo, et perfectus est, erit illi glória æténa: qui pótuit transgredi, et non est transgressus: fácere mala, et non fecit: ideò stabilita sunt bona illius in Dómino, et elemósynas illius enarrábit omnis Ecclésia sanctorum.

Graduale. Psal. 111. Dispér-

sit, dedit pauperibus: justitia ejus manet in sæculum sæculi.

¶ Potens in terra erit semen ejus: generatio rectorum benedicétur.

Allelúia, allelúia.

¶ O Jóachim, sanctæ conjux Annæ, pater almæ Virginis, híc famulis confer salútis opem.

Initium sancti Evangéllii secundum Matthæum.

Matth. 1.

LIBER generatiónis Jesu Christi, filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, et fratres ejus. Judas autem genuit Phares, et Zaram de Thamar. Phares autem genuit Esron. Esron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea quæ fuit Uriæ. Salomon autem genuit Róboam. Róboam autem genuit Abíam. Abías autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manássen. Manásses autem genuit Amon. Amon autem genuit Josíam. Josías autem genuit Jechoníam, et fratres ejus in transmigratióne Babylónis. Et post transmigratió-

nem Babylónis, Jechonías genuit Saláthiël. Saláthiël autem genuit Zoróbabel. Zoróbabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocátur Christus.

Credo. nisi transferatur post Octavam.

Offertorium. Psal. 8. Glória et honóre coronásti eum : et constituísti eum super ópera mánuum tuárum, Dómine.

Secreta.

SUSCIPE clementissime Deus sacrificium in honórem sancti Patriárchæ Jóachim, patris Mariæ virginis, majestáti tuæ oblátum : ut ipso cum cónjuge sua, et beatíssima prole intercedente, perfectam cónsequi mereámur remissionem peccatórum, et glóriam sempitérnam. Per Dóminum.

Prefati de B. V. Maria. Et te in Assumptione. nisi transferatur post Oct.

Communio. Luc. 12. Fidélis servus et prudens, quem constituit dónus super familiam suam : ut det illis in tēpore tritici mensúram.

Postcommunio.

QUÆSUMUS omnipotens Deus : ut per hæc sacramenta quæ sumpsimus, intercedentibus méritis et precibus beáti Jóachim patris genitricis dilécti Filii tui Dómini nostri Jesu Christi, tuæ

gratiæ in præsentí, et æternæ glóriæ in futuro participes esse mereámur. Per eúdem Dóminum.

Die xvi. Augusti.

IN FESTO S. HYACINTHI
Confessoris.

Missa. Os justi. de Communi Confess. non Pontif. xxii. Et fit commem. Octavarum Assumptionis, et S. Laurentii. Et dicitur Credo.

Die xvii. Augusti.

IN OCTAVA S. LAURENTII.

Intróitus. Psal. 16.

PROBASTI Dómine cor meum, et visitásti nocte : igne me examinásti, et non est invénta in me iniquitas.

Psal. ibid. Exáudi Dómine justítiam meam : inténde deprecationem meam.

V. Glória Patri.

Oratio.

EXCITA, Dómine, in Ecclésia tua Spíritum, cui beátus Lauréntius Levíta servívit : ut eódem nos repléti, studeámus amáre quod amávit, et ópere exercére quod dócuit. Per Dóminum . . . in unitáte ejúsdem Spíritus.

Pro Octava Assumptionis B. Mariæ, Oratio. Famulórum tuórum. 477.

Léctio Epístolæ beáti Pauli Apóstoli ad Corinthios.

2 Cor. 9. b.

FRATRES, Qui parcè séminat, parcè et metet : et qui séminat in benedictionibus, de benedictionibus et metet. Unusquisque prout destinávit

in corde suo, non ex tristitia, aut ex necessitate: hilarem enim datorem diligit Deus. Potens est autem Deus omnem gratiam abundare facere in vobis: ut in omnibus semper omnem sufficientiam habentes, abundetis in omne opus bonum, sicut scriptum est: Dispersionis, dedit pauperibus: justitia ejus manet in saeculum saeculi. Qui autem administrat semen seminanti: et panem ad manducandum praestabit, et multiplicabit semen vestrum, et auget incrementa frugum justitiae vestrae.

Graduale. Psalm. 8. Gloria et honore coronasti eum Domine.

V. Et constituisti eum super opera manuum tuarum.

Alleluia, alleluia.

V. Levita Laurentius bonum opus operatus est: qui per signum crucis caecos illuminavit. Alleluia.

Sequentia sancti Evangelii secundum Joannem.

Joan. 12. d.

IN illo tempore: Dixit Jesus discipulis suis: Amen, amen dico vobis, nisi granum frumenti cadens in terram, mortuum fuerit; ipsum solum manet. Si autem mortuum fuerit, multum fructum affert. Qui amat animam suam, perdet eam: et qui odit animam suam in hoc mundo, in vitam aeternam custodit eam. Si quis mihi ministrat, me sequatur: et ubi sum ego, illic et minister meus erit. Si quis mihi ministraverit, honorificabit eum Pater meus. Credo.

Offertorium. Psal. 20. In virtute tua Domine laetabitur justus, et super salutare tuum exultabit vehementer: desiderium animae ejus tribuisti ei.

Secreta.

SACRIFICIUM nostrum tibi, Domine quaesumus, beati Laurentii precatio sancta conciliet: ut cujus honore solemniter exhibetur, ejus meritis efficiatur acceptum. Per Dominum.

Pro Octava Assumptionis, Secreta. Subveniat, Domine. 478.

Et dicitur Praefatio de B. Maria. Et te in Assumptione.

Communio. Matth. 16. Qui vult venire post me, abneget semetipsum: et tollat crucem suam, et sequatur me.

Postcommunio.

SUPPLICES te rogamus omnipotens Deus: ut quos donis caelestibus satiasti, intercedente beato Laurentio martyre tuo, perpetua protectione custodias. Per Dominum nostrum.

Pro Octava Assumpt. Postcommunio. Mensae caelestis participes. 478.

Die xviii. Augusti.

PRO COMMEMORATIONE S. AGAPITI Mart.

Oratio.

LAETETUR Ecclesia tua, Deus, beati Agapiti martyris tui confisa suffragiis: atque ejus precibus gloriosis et devota permaneat, et securum consistat.

Tertia Oratio de Spiritu sancto, Deus, qui corda fidélium.
 xl. nisi venerit in Dominica: quia tunc tertia Oratio erit de Sancto Agapito.

Secreta.

SUSCIPE Dómine múnera, quæ in ejus tibi solémnitáte deférimus, cujus nos confidimus patrocínio liberári.

Postcommunio.

SATIASTI Dómine famíliam tuam munéribus sacris: ejus, quæsumus, semper interventióne nos réfove, cujus solémnia celebrámus.

Die xx. Augusti.

IN FESTO S. BERNARDI
 Abbatis.

Introitus. Psal. 36.

OS justí meditábitur sapiéntiam, et lingua ejus loquétur júdicium: lex Dei ejus in corde ipsius.

Psal. ibid. Noli æmulári in malignántibus: neque zeláveris faciéntes iniquitátem.

℣. Glória Patri.

Oratio.

INTERCESSIO nos, quæsumus, Dómine, beáti Bernardi Abbátis comméndet: ut quod nostris méritis non valémus, ejus patrocínio assequámur. Per Dóminum.

Et fit commem. Oct. Assumpt. Oratio. Famulórum. 477.

Léctio libri Sapiéntiæ.

Eccli. 39.

JUSTUS cor suum tradet ad vigilándum dilúculò ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delictis suis

deprecábitur. Si enim Dóminus magnus volúerit: spíritus intelligéntiæ replébit illum: et ipse tamquam imbres mittet elóquia sapiéntiæ suæ, et in oratióne confitébitur Dómino: et ipse díriget consilium ejus, et disciplinam, et in absconditis suis consiliábitur. Ipse palám fáciat disciplinam doctrínæ suæ, et in lege testaménti Dómini gloriábitur. Collaudábunt multi sapiéntiam ejus, et usque in sæculum non delébitur. Non recédet memória ejus, et nomen ejus requirétur à generatióne in generatióne. Sapiéntiam ejus enarrábunt Gentes, et laudem ejus enuntiábit Ecclésia.

Graduale. Psal. 20. Dómine prævenísti eum in benedictiónibus dulcédinis: et posuísti in cápite ejus corónam de lapide pretiósò. ℣. Vitam pétiit à te, et tribuísti ei longitúdinem diérum in sæculum sæculi. Alleluia, alleluia.

℣. *Psal. 91.* Justus ut palma florébit: sicut cedrus Líbani multiplicábitur. Alleluia.

Sequéntia sancti Evangélii secúndum Matthæum.

Matth. 19.

IN illo tẽpore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Jesus autem dixit illis: Amen dico vobis, quòd vos, qui secúti estis me, in regeneratióne cùm séderit Filius hóminis in sede majestátis suæ, sedébitis et vos super sedes duódecim, judicántes duódecim tribus Israël. Et omnis, qui reliquerit domum, vel

fratres, aut soróres, aut patrem, aut matrem, aut uxórem, aut filios, aut agros, propter nomen meum, centuplum accípiet, et vitam ætérnam possidébit.

Et dicitur Credo.

Offertorium. Psal. 20. Desiderium animæ ejus tribuísti ei, Dómine, et voluntáte labiórum ejus non fraudásti eum : posuísti in cápite ejus corónam de lapide pretiósio.

Secreta.

SACRIS altáribus, Dómine, hóstias superpósitas, sanctus Bernárdus Abbas, quæsumus, in salutem nobis provenire depóscat. Per Dóminum.

Pro Oct. Assumpt. Secreta. Subvéniat, Dómine. 478.

Et dicitur Præfatio de B. Maria. Et te in Assumptióne.

Communio. Luc. 12. Fidélis servus et prudens, quem constituit dóminus super familiam suam : ut det illis in tẽpore trítici mensúram.

Postcommunio.

PROTEGAT nos, Dómine, cum tui perceptióne sacraménti beátus Bernárdus Abbas, pro nobis intercedendo : ut et conversatiónis ejus experiámur insígnia, et intercessiõnis percipiámus suffrágia. Per Dóminum.

Pro Octava Assumptionis B. Mariæ. Postcomm. Mensæ cœlestis. 478.

Die xxi. Augusti.

IN FESTO S. JOANNÆ FRANCISCÆ Fremiot à Chantal Viduæ.

Missa, Cognóvi Dómine. de Comuni nec Virginis nec Mart.

xxxii. *præter Orationes sequentes.*

Et fit commemoratio Octavæ ; dicitur Credo et Præfatio de beata Maria, Et te in Assumptióne, nisi hoc Fest. transferatur post Oct.

Oratio.

OMNIPOTENS et misericors Deus, qui beatam Joánnam Franciscam tuo amore succensam, admirabili spíritus fortitúdine per omnes vitæ sémitas in via perfectiõnis donásti ; qui que per illam illustráre Ecclésiám tuam nová prole voluísti : ejus méritis et précibus concéde ; ut, qui infirmitátis nostræ cónscii de tua virtúte confidimus, cœlestis grátia auxilio, cuncta nobis adversántia vincámus. Per Dóminum.

Secreta.

ILLO nos amoris igne, quæsumus Dómine, hæc hóstia salutáris inflámmet, quo beatæ Joánnæ Franciscæ cor vehementer incéndit, et flammis adússit ætérnæ charitátis. Per Dóminum.

Postcommunio.

SPIRITUM nobis, Dómine, tuæ charitátis infúnde : ut quos cœlestis panis virtúte satiásti, beáta Joánnæ Franciscæ intercedente, fácias terréna despícere, et te solum Deum pura mente sectári. Per Dóminum. . . . in unitáte ejusdem Spíritus sancti.

Die xxii. Augusti.

IN OCT. ASSUMPT. B. MARIE. *Missa ut in die, cum commem. SS. Timothei, Hippolyti, et Synphoriani mart.*

Oratio.

AUXILIUM tuum nobis, Dómine quæsumus, pla-

catus impénde: et intercedéntibus beátis mártýribus tuis Timótheo, Hippolyto, et Symphoriáno, dexteram super nos tuæ propitiatiónis exténde. Per Dóminum.

Secreta.

ACCEPTA tibi sit, Dómine, sacrátæ plebis oblátio, pro tuórum honóre sanctorum: quorum se méritis de tribulatióne percepisse cognóscit auxiliúm. Per Dóminum.

Postcommunio.

DIVINI múnemis largitáte satiáti, quæsumus Dómine Deus noster: ut intercedéntibus sanctis mártýribus tuis, Timótheo, Hýppolyto, et Symphoriáno, in ejus semper participatióne vivámus. Per Dóminum nostrum.

Die xxiii. Augusti.

IN FESTO S. PHILIPPI
Benítii Confessoris.

Missa. Justus ut palma. de Communi Confessoris non Pontif. xxiii.

Oratio.

DEUS, qui per beátum Philppum Confessórem tuum exímium nobis humiliátis exéplum tribuisti: da fámulis tuis próspéra mundi ex ejus imitatióne despícere, et cœléstia semper inquirere. Per Dóminum.

Et fit commem. Vigilæ sancti Bartholomæi, ubi Festum ejusdem celebratur die xxiv.

Die xxiii. vel xxiv. Augusti.

IN VIGILIA S. BARTHO-
LOMÆI Apostoli.

Missa. Ego autem sicut olíva. de Communi i. Secunda Oratio

de B. Maria, Concède nos. Tertia, Ecclésiæ. Vel pro Papa. 236.

¶ *Sequens festum sancti Bartholomæi celebretur secundùm consuetudinem locorum, vel 24. vel 25. Augusti. Romæ celebratur 25. et de sancto Ludovico fit die 26. cum commemorat. sancti Zephyrini.*

Die xxiv. vel xxv. Augusti.

IN FESTO S. BARTHO-
LOMÆI Apostoli.

Introitus. Psal. 138.

MIHI autem nimis honoráti sunt amici tui Deus: nimis confortátus est principátus eórum.

Psal. ibid. Dómine probásti me, et cognovisti me: tu cognovisti sessiónem meam, et resurrectionem meam.

¶ Glória Patri.

Oratio.

OMNIPOTENS sempitérne Deus, qui hujus diéi venerándam sanctámque lætítiam, in beáti Apóstoli tui Bartholomæi festivitáte tribuisti: da Ecclésiæ tuæ, quæsumus, et amáre quod crédidit, et prædicáre quod dócuit. Per Dóminum.

Léctio Epístolæ beáti Pauli
Apóstoli ad Corinthios.

1 Cor. 12. d.

FRATRES, Vos estis corpus Christi, et membra de membro. Et quosdam quidem pósuit Deus in Ecclésiá: primum Apóstolos, secúndò, Prophétas, tertió Doctóres, deinde virtútes, exinde grátias curatiónum opitulatiónes, gubernatiónes, génera linguá-

rum, interpretatiónes sermónum. Numquid omnes Apóstoli? numquid omnes Prophætæ? numquid omnes Doctóres? numquid omnes virtútes? numquid omnes grátiam habent curatiónum? numquid omnes linguis loquúntur? numquid omnes interpretántur? Æmulámini autem charismata melióra.

Graduale. Psal. 44. Constítues eos príncipes super omnem terram: mémoires erunt nóminis tui Dómine. *V.* Pro pátribus tuis nati sunt tibi filii: propterea pópuli confitebúntur tibi.

Allelúia, allelúia.

V. Te gloriósus Apostolorum chorus laudat, Dómine. Allelúia.

Sequéntia sancti Evangéllii secúndum Lucam.

Luc. 6. c.

IN illo témpore: Exiit Jesus in montem oráre, et erat pernóctans in oratióne Dei. Et cùm dies factus esset, vocávit discipulos suos: et elégit duódecim ex ipsis (quos et Apóstolos nominávit) Simónem, quem cognominávit Petrum, et Andréam fratrem ejus, Jacóbum et Joánnem, Philíppum et Bartholomæum, Matthæum, et Thomam, Jacóbum Alphæi, et Simónem, qui vocátur Zelótes, et Judam Jacóbi, et Judam Iscariótem, qui fuit próditor. Et descéndens cum illis, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerusalem, et marítima, et Tyri, et Sidónis, qui

vénéran't ut audírent eum, et sanaréntur à languóribus suis. Et qui vexabántur à spiritibus immúndis, curabántur. Et omnis turba quærébat eum tângere: quia virtus de illo exibat, et sanábat omnes. Credo.

Offertorium. Ps. 138. Mihi autem nimis honoráti sunt amici tui Deus: nimis confortátus est princípátus eórum.

Secreta.

BEATI Apóstoli tui Bartholomæi solémnia recenséntes, quæsumus Dómine: ut ejus auxilió tua beneficia capíamus, pro quo tibi laudis hóstias immolámus. Per Dóminum.

Præfatio de Apostolis.

Communio. Matth. 19. Vos, qui secúti estis me, sedébitis super sedes, judicántes duódecim tribus Israël, dicit Dóminus.

Postcommunio.

SUMPTUM, Dómine, pignus redemptionis æternæ, sit nobis, quæsumus, interveniénte beáto Bartholomæo Apóstolo tuo, vitæ præsentis auxilió paríter et futuræ. Per Dóminum.

Die xxv. Augusti.

IN FESTO S. LUDOVICI
Confessoris.

Introitus. Psal. 36.

OS justi meditábitur sapientiam, et lingua ejus loquétur judícium: lex Dei ejus in corde ipsius.

Psal. ibid. Noli æmulári in malignántibus: neque zeláveris faciéntes iniquitátem.

V. Glória Patri.

Oratio.

DEUS, qui beátum Ludovicum Confessórem tuum, de terréno regno ad cœlestis regni glóriam transtulisti: ejus, quæsumus, méritis et intercessióne, Regis regum Jesu Christi Filii tui fácias nos esse consórtes. Qui tecum vivit et regnat.

Lectio libri Sapiéntiæ.

Sap. 10. b.

JUSTUM deduxit Dóminus per vias rectas, et osténdit illi regnum Dei, et dedit illi sciéntiam sanctorum: honestávit illum in labóribus, et complévit labóres illius. In fraude circumveniéntium illum affuit illi; et honestum fecit illum. Custodívit illum ab inimicis, et à seductóribus tuávit illum, et certámen forte dedit illi ut vínceret, et sciret quóniam ómnium poténtior est sapiéntia. Hæc vénditum justum non dereliquit, sed à peccatóribus liberávit eum: descendítque cum illo in fóveam, et in vínculis non dereliquit illum, donec afférret illi sceptrum regni, et poténtiam advérsus eos, qui eum deprímébant: et mendáces osténdit, qui maculáverunt illum: et dedit illi claritátem æternam, Dóminus Deus noster.

Graduale. Psal. 91. Justus ut palma florébit: sicut cedrus Libani multiplicábitur in domo Dómini. *V.* Ad annuntiándum mané misericórdiam tuam, et veritátem tuam per noctem. Allelúia, allelúia.

V. Jac. 1. Beátus vir, qui suffert tentatióem: quóniam cum probátus fúerit, accípiet coronam vitæ. Allelúia.

Sequéntia sancti Evangélii secúndum Lucam.

Luc. 19. b.

IN illo témpore: Dixit Jesus discipulis suis parabolam hanc: Homo quidam nobilis ábiit in regióem longinquam accipere sibi regnum, et revérti. Vocátis autem decem servis suis, dedit eis decem mnas, et áit ad illos: Negotiamini dum vénio. Cives autem ejus óderant eum: et misérunt legatióem post illum, dicétes: Nólumus hunc regnare super nos. Et factum est ut redíret, accépto regno: et jussit vocári servos, quibus dedit pecúniam, ut sciret quantum quisque negotiátus esset. Venit autem primus, dicens: Dómine, mna tua decem mnas acquisívit. Et áit illi: Euge bone serve, quia in módico fuísti fidélis, eris potestátem habens super decem civitátes. Et alter venit, dicens: Dómine, mna tua fecit quinque mnas. Et huic áit: Et tu esto super quinque civitátes. Et alter venit, dicens: Dómine, ecce mna tua, quam hábui repósitam in sudário: tímui enim te, quia homo austérus es: tollis quod non posuísti, et metis quod non seminásti. Dicit ei: De ore tuo te júdico, serve nequam. Sciebas quòd ego homo austérus sum, tollens quod non pósui, et metens quod non seminávi: et quare non dedísti pecúniam meam ad mensam, ut ego véniens, cum usúris útique exegíssem illam? Et astántibus dixit: Auférte ab illo mnam, et date illi, qui decem mnas habet. Et dix-

erunt ei: Dómine: habet decem mnas. Dico autem vobis, quia omni habenti dabitur, et abundabit: ab eo autem, qui non habet, et quod habet, auferetur ab eo.

Offertorium. Psal. 88. Veritas mea, et misericórdia mea cum ipso: et in nómine meo exaltabitur cornu ejus.

Secreta.

PRÆSTA quæsumus omnipotens Deus: ut sicut beátus Ludovicus Confessor tuus, spretis mundi oblectamentis, soli Regi Christo placere stúduit; ita ejus oratio nos tibi reddat accéptos. Per eúmdem Dóminum.

Communio. Matth. 24. Beatus servus, quem, cum venerit Dóminus, invenerit vigílantem: amen dico vobis, super ómnia bona sua constituet eum.

Postcommunio.

DEUS, qui beátum Confessorem tuum Ludovicum mirificásti in terris, et gloriósum in cœlis fecísti; eúmdem, quæsumus, Ecclésiæ tuæ constitue defensorem. Per Dóminum nostrum.

Die xxvi. Augusti.

S. ZEPHYRINI Papæ et Martyris.

Missa. Sacerdotes Dei. de Comuni unius Martyr. Pontif. iii. præter Orationem sequentem.

Oratio.

PRÆSTA quæsumus omnipotens Deus: ut beátus Zephyríni mátyris tui atque Pontificis, cujus gaudemus méritis, instruámur exémplic. Per Dóminum.

Dei xxvii. Augusti.

IN FESTO S. JOSEPHI Calasanctii Confessoris.

Introitus. Psal. 33.

VENITE filii, audite me, timórem Dómini docébo vos. *Psal. ibid.* Benedicam Dóminum in omni témpore, semper laus ejus in ore meo.

✠. Glória Patri.

Oratio.

DEUS, qui per sanctum Joséphum Confessorem tuum, ad erudiendam spiritu intelligéntiæ ac pietátis, juventútem, novum Ecclésiæ tuæ subsidium providére dignátus es: præsta, quæsumus: nos ejus exémplo et intercessióne ita fácere et docére, ut præmia consequámur æterna. Per Dóminum.

Lectio libri Sapiéntiæ.

Sap. 10. b.

JUSTUM dedúxit Dóminus per vias rectas, et osténdit illi regnum Dei, et dedit illi sciéntiam sanctorum: honéstavit illum in labóribus, et complévit labóres illius. In fraude circumveniéntium illum áffluit illi, et honestum fecit illum. Custodívit illum ab inimicis, et à seductóribus tutávit illum, et certámen forte dedit illi ut vínceret, et sciret quóniam ómnium poténtior est sapiéntia. Hæc vénditum justum non derelíquit, sed à peccatóribus liberávit eum: descendítque cum illo in fóveam, et in vinculis non derelíquit illum, donec afférret illi sceptrum regni, et poténtiam advérsus eos, qui eum deprimébant: et mendaces osténdit, qui maculavérunt illum, et dedit illi clarí-

tátem ætérnam, Dóminus Deus noster.

Graduale. Psal. 36. Os justi meditábitur sapiéntiam, et lingua ejus loquétur iudicium.

℣. Lex Dei ejus in corde ipsius, et non supplantabúntur gressus ejus.

Allelúia, allelúia.

℣. *Jac. 1.* Beátus vir, qui suffert tentatióem, quóniam cùm probátus fúerit, accípiet coronam vitæ. Allelúia.

Sequéntia sancti Evangélii secúndum Matthæum.

Matth. 18. c.

IN illo témpore: Acceserunt discipuli ad Jesum dicéntes: Quis, patas, major est in regno cœlórum? Et ádvocans Jesus párvulum, stáruit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum cœlórum. Quicúmque ergo humiliáverit se sicut párvulus iste, hic est major in regno cœlórum: et qui suscéperit unum párvulum talem in nómine meo, me suscipit.

Offertorium. Psal. 10. Desiderium páuperum exaudivit Dóminus: præparatióem cordis eórum audivit auris tua.

Secreta.

ALTAIRE tuum, Dómine, munéribus cumulámus oblátis: ut ejus nobis fiant supplicatióne propítia, cujus nos donásti patrocínio adjuvári. Per Dóminum.

Communio. Marc. 10. Sínite párvulos veníre ad me, et ne prohibuérítis eos: tálíum est enim regnum Dei.

Postcommunio.

SANCTIFICATI, Dómine, salutári mystério, quæsumus: ut intercedénte sancto Josépho Confessóre tuo ad majus semper proficiámus pietátis incrementum. Per Dóminum.

Die xxviii. Augusti.

IN FESTO S. AUGUSTINI
Episcopi, et Confessoris, et
Ecclesiæ Doctoris.

Introitus. Eccli. 15.

IN médio Ecclesiæ apéruit os ejus: et implévit eum Dóminus spíritu sapiéntiæ et intelléctus: stolam glóriæ induit eum.

Psal. 91. Bonum est confitéri Dómino: et psállere nómini tuo, Altissime.

℣. Glória Patri.

Oratio.

ADESTO supplicatióibus nostris omnipotens Deus: et quibus fidúciam sperándæ pietátis indúlges, intercedénte beáto Augustino Confessóre tuo atque Pontífice, consuétæ misericórdiæ tribue benignus efféctum. Per Dóminum.

Pro commemor. S. Hermetis. mart. Oratio.

DEUS, qui beátum Hermétem mártirem tuum virtúte constantiæ in passióne roborásti: ex ejus nobis imitatióne tribue, pro amóre tuo próspéra mundi despícere, et nulla ejus advérsa formidáre. Per Dóminum.

Léctio Epístolæ beáti Pauli Apóstoli ad Timótheum.

2 Tim. 4.

CHARISSIME, Testificor coram Deo, et Jesu Chris-

to, qui judicáturus est vivos et mórtuos, per adyéntum ipsius, et regnum ejus: prædica verbum, insta opportunè, importunè: árgue, óbseca, increpa in omni patiéntia, et doctrina. Erit enim tempus, cúm sanam doctrinam non sustinébunt, sed ad sui desidéria coacervábunt sibi magístros, pruriéntes áuribus, et à veritate quidem auditum avértent, ad fábulas autem converténtur. Tu verò vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim jam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die justus judex: non solùm autem mihi, sed et iis qui dilígunt adyéntum ejus.

Graduale. Psal. 36. Os justi meditábitur sapiéntiam, et lingua ejus loquétur judícium.

✠. Lex Dei ejus in corde ipsius: et non supplantabúntur gressus ejus.

Allelúia, allelúia.

✠. *Psal. 88.* Inveni David servum meum, óleo sancto meo unxi eum. Allelúia.

Sequéntia sancti Evangelíi secúndum Matthæum.

Matth. 5.

IN illo témpore: Dixit Jesus discipulis suis: Vos estis sal terræ. Quòd si sal evanúerit, in quo saliétur? ad níhilum valet ultrà, nisi ut mittátur foras, et conculcétur ab homínibus. Vos estis lux

mundi. Non potest civitas abscondi supra montem pòsita. Neque accéndunt lucérnam, et ponunt eam sub módio, sed super candelábrum: ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cœlis est. Nolite putáre quóniam veni sólvere legem, aut Prophétas: non veni sólvere, sed adimplére. Amen quippe dico vobis, donec tránseat cœlum et terra, ióta unum, aut unus apex non præteribit à lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cœlorum: qui autem fécerit et docúerit, hic magnus vocábitur in regno cœlorum. Credo.

Offertorium. Psal. 91. Justus ut palma florébit: sicut cedrus, quæ in Líbano est, multiplicábitur.

Secreta.

SA N C T I Confessóris tui Augustíni nobis, Dómine, pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum nostrum.

Pro S. Hermete. Secreta.

SA C R I F I C I U M tibi, Dómine, laudis offerimus in tuórum commemoratióne Sanctórum: da, quæsumus; ut, quod illis cóntulit glóriam, nobis prosit ad salutem. Per Dóminum nostrum.

Communio. Luc. 12. Fidélis servus et prudens, quem constituit dóminus super famí-

liam suam : ut det illis in t  mpore tritici mensuram.

Postcommunio.

UT nobis, D  mine, tua sacrificia dent salutem : beatus confessor tuus Augustinus et P  ntifex, qu  sumus, precator accedat. Per D  minum.

Pro sancto Hermete.

Postcommunio.

REPLETI, D  mine, benedictione c  lesti, qu  sumus clem  ntiam tuam : ut intercedente beato Hermete m  rtyre tuo, qu   humiliter gerimus, sal  briter sentiamus. Per D  minum nostrum.

Die xxix. Augusti.

IN DECOLLATIONE S.
JOANNIS BAPTISTÆ.

Introitus. Psal. 118.

LOQUEBAR de testimonio tuis in conspectu regum, et non confund  bar : et meditabar in mandatis tuis, qu   dil  xi nimis.

Psal. 91. Bonum est confiteri D  mino : et psallere n  mini tuo, Altissime.

V. Gl  ria Patri.

Oratio.

SANCTI Jo  nnes Baptist  e pr  cursoris et m  rtyris tui, qu  sumus D  mine, veneranda festivit  s, salut  ris auxilii nobis pr  estet effectum. Qui vivis et regnas.

Pro commen. S. Sabin  e mart.

Oratio.

DEUS qui inter c  tera potentie tue miracula, etiam in sexu fragili victoriam martyrii contulisti : concede propitius : ut qui beat  e Sabin  e m  rtyris tue natalitia c  -

limus, per ejus ad te exemplum gradiamur. Per D  minum.

Lectio Jeremi  e Proph  t  e.

Jer. 1.

IN diebus illis : Factum est verbum D  mini ad me, dicens : Accinge lumbos tuos, et surge, et loquere ad Juda omnia qu   ego pr  cipio tibi. Ne formides a facie eorum : nec enim timere te faciam vultum eorum. Ego quippe dedi te hodie in civitatem munitam, et in columnam ferream, et in murum   reum, super omnem terram, regibus Juda, principibus ejus, et sacerdotibus, et populo terr  . Et bellabunt adversum te, et non preval  bunt : quia ego tecum sum, ait D  minus, ut liberem te.

Graduale. Psal. 91. Justus ut palma flor  bit : sicut cedrus Libani multiplicabitur in domo D  mini. V. Ad annuntiandum man   misericordiam tuam, et veritatem tuam per noctem. Alleluia, alleluia.

V. *Osee 14.* Justus germinabit sicut lilium : et flor  bit in   ternum ante D  minum. Alleluia.

Sequ  ntia sancti Evangelii secundum Marcum.

Marc. 6. c.

IN illo tempore : Misit Herodes, ac tenuit Jo  nnem : et vinxit eum in carcere propter Herodiadem uxorem Philippi fratris sui, quia duxerat eam. Dicebat enim Jo  nnes Herodi : Non licet tibi habere uxorem fratris tui. Herodias autem insidiabatur illi : et volebat occidere eum, nec

póterat. Heródes enim metuebatur Joánnem, sciens eum virum justum et sanctum: et custodiébat eum, et audito eo multa faciébat, et libénter eum audiébat. Et cùm dies opportunus accidisset, Heródes natalis sui cœnam fecit principibus, et tribúnis, et primis Galilææ. Cùmque introisset filia ipsius Herodiadis, et saltasset, et placuisset Heródi, simulque recumbéntibus; rex ait puéllæ: Pete à me quod vis, et dabo tibi: et jurávit illi: Quia quidquid petieris dabo tibi, licet dimidium regni mei. Quæ cùm exisset, dixit matri suæ: Quid petam? At illa dixit: Caput Joánnis Baptistæ. Cùmque introisset statim cum festinatione ad regem, petivit, dicens: Volo ut prótinus des mihi in disco caput Joánnis Baptistæ. Et contristátus est rex propter jusjurándum, et propter simul discumbéntes, noluit eam contristare: sed misso spiculatore præcepit afferri caput ejus in disco. Et decollávit eum in cárcere, et attulit caput ejus in disco: et dedit illud puéllæ, et puélla dedit matri suæ. Quo audito, discipuli ejus venérunt, et tulerunt corpus ejus, et posuerunt illud in monumento.

Offertorium. Psal. 20. In virtute tua Dómine lætábitur justus, et super salutáre tuum exultábit veheménter: desiderium animæ ejus tribuísti ei.

Secræta.

MUNERA, quæ tibi Dómine pro sancti mártiris tui Joánnis Baptistæ passióne deférimus; quæsumus, ut ejus

obténtu, nobis proficiant ad salutem. Per Dóminum.

Pro S. Sabina. Secræta.

HOSTIAS tibi, Dómine, beátæ Sabínæ mártiris tuæ dicátas méritis, benignus assúme: et ad perpétuum nobis tribue provenire subsidium. Per Dóminum.

Communio. ibid. Posuísti Dómine in cápite ejus coronam de lápide pretiósio.

Postcommunio.

CONFERAT nobis, Dómine, sancti Joánnis Baptistæ solémnitás: ut et magnífica sacraménta quæ súmptimus, significáta venerémur; et in nobis pótius édita gaudeámus. Per Dóminum.

Pro S. Sabina. Postcomm.

DIVINI múnere largitáte satiáti, quæsumus Dómine Deus noster: ut intercedente beáta Sabína mártire tua, in ejus semper participatióne vivámus. Per Dóminum.

Die xxx. Augusti.

IN FESTO S. ROSÆ virginis Limanæ.

Missa. Dilexisti. de Communi Virginum. xxix.

Oratio.

BONORUM ómnium largitor omnípotens Deus, qui beátam Rosam, cœlestis grátie rore præventam, virginitátis et paciéntiæ decóre Indis floréscere voluísti: da nobis fámulis tuis; ut in odórem suávitátis ejus currétes, Christi bonus odor effici mereámur. Qui tecum vivit.

Et fit commemor. SS. Felicis et Adaucti martyrum.

Oratio.

MAJESTATEM tuam, Dómine, súpplices exórámus: ut sicut nos júgiter sanctórum tuórum commemoratióne lætíficas, ita semper supplicatióne deféndas. Per Dóminum.

Secreta.

HOSTIAS, Dómine, tuæ plebis inténde: et quas in honóre sanctórum tuórum devóta mente célebrat, proficere sibi séntiat ad salútem. Per Dóminum.

Postcommunio.

REPLETI, Dómine, muneribus sacris, quæsumus: ut intercedéntibus sanctis tuis, in gratiárum semper actiõe maneámus. Per Dóminum.

Die xxxi. Augusti.

IN FESTO S. RAYMUN-
DI Nonnati Confessoris.

Missa. Os justi. ut in Comuni Conf. non Pontif. xxii. præter primam Orationem.

Oratio.

DEUS, qui in liberándis Fidélibus tuis ab impiórum captivitáte beátum Raymúndum Confessórem tuum mirábilè effecisti: ejus nobis intercessiõe concéde; ut à peccatórum vínculis absolúti, quæ tibi sunt plácita, liberis méntibus exequámur. Per Dóminum.

FESTA SEPTEMBRIS.

Die i. Septembris.

SANCTI ÆGIDII Abbatis.

Missa. Os justi. de Comuni Abbatum. xxiv.

Et fit commem. SS. martyrum duodecim Fratrum.

Oratio.

FRATERNA nos, Dómine, Mártyrum tuórum córona lætíficet: quæ et fidei nostræ præbeat increménta virtútum, et múltiplici nos suffrágio consolétur.

Secreta.

MYSTERIA tua, Dómine, pro sanctórum Mártyrum tuórum commemoratiõe devóta mente tractémus, quibus nobis et præsidium crescat, et gáudium.

Postcommunio.

PRÆSTA quæsumus omnípotens Deus: ut quorum memóriam sacraméti participatiõe recólimus, fidem quoque proficiéndo sectémur.

Die ii. Septembris.

IN FESTO S. STEPHANI
Hungariæ Regis Confess.

Introitus. Psal. 36.

OS justi meditábitur sapientiam, et lingua ejus loquétur júdicium: lex Dei ejus in corde ipsius.

Psal. ibid. Noli æmulári in malignántibus: neque zeláveris faciéntes iniquitátem.

✠. Glória Patri.

Oratio.

CONCEDE quæsumus Ecclésiæ tuæ omnípotens Deus: ut beátum Stéphanum Confessórem tuum, quem regnántem in terris propagatórem hábuit, propugnatórem habére mereátur gloriósum in cœlis. Per Dóminum.

Léctio libri Sapiéntiæ.

Eccli. 31.

BEATUS vir, qui invéntus est sine mácula: et qui

post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua. Qui probátus est in illo, et perféctus est, erit illi glória ætérna: qui pótuit tránsgridi, et non est transgréssus: fácere mala, et non fecit: idéo stabilita sunt bona illius in Dómino, et eleemósynas illius enarrábit omnis Ecclésia sanctorum.

Graduale. Psal. 91. Justus ut palma florébit; sicut cedrus Líbani multiplicábitur in domo Dómini. *V.* Ad annuntiándum manè misericórdiam tuam, et veritátem tuam per noctem. Allelúia, allelúia.

V. Jac. 1. Beátus vir, qui suffert tentatiónem: quóniam cùm probátus fúerit, accípiet corónam vitæ. Allelúia.

Sequéntia sancti Evangélij secúndum Lucam.

Luc. 19. b.

IN illo témpore: Dixit Jesus discipulis suis parábolam hanc: Homo quidam nóbilis ábiit in regiónem longínquam accípere sibi regnum, et revérti. Vocátis autem decem servis suis, dedit eis decem mnas, et ait ad illos: Negotiámini dum vénio. Cives autem ejus óderant eum: et miserunt legatiónem post illum, dicéntes: Nólumus hunc regnare super nos. Et factum est ut redíret, accépto regno: et jussit vocári servos, quibus dedit pecúniam, ut sciret quantum quisque negotiátus esset. Venit autem primus, dicens: Dómine, mna tua decem mnas

acquisívit. Et ait illi: Euge bone serve, quia in módico fuísti fidélis, eris potestátem habens super decem civitátes. Et alter venit, dicens: Dómine, mna tua fecit quinque mnas. Et huic ait: Et tu esto super quinque civitátes. Et alter venit, dicens: Dómine, ecce mna tua, quam hábui repósitam in sudário: tímui enim te, quia homo austérus es: tollis quod non posuísti, et metis quod non seminásti. Dicit ei: De ore tuo te júdico, serve nequam. Sciébas quòd ego homo austérus sum, tollens quod non pòsui, et metens quod non seminávi: et quare non dedísti pecúniam meam ad mensam, ut ego véniens, cum usúris úti que exegíssem illam? Et astántibus dixit: Auférte ab illo mnam, et date illi, qui decem mnas habet. Et dixerunt ei: Dómine, habet decem mnas. Dico autem vobis, quia omni habénti dábitur, et abundábit: ab eo autem, qui non habet, et quod habet, auferétur ab eo.

Offertorium. Ps. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

RESPICE, quas offérimus, hóstias, omnipotens Deus, et præsta: ut qui passiónis Domínicæ mystéria celebrámus, imitémur quod ágimus. Per Dóminum.

Communio. Matth. 24. Beátus servus, quem, cùm vénerit dóminus, invénerit vigilántem: amen dico vobis, super ómnia bona sua constituet eum.

Postcommunio.

PRÆSTA quæsumus omnipotens Deus : ut beati Stéphanii Confessóris tui fidem cóngrua devotióne sectémur, qui ejúsdem fidei dilatatióne, de terréno regno ad coeléstis regni glóriam méruiť pervenire. Per Dóminum.

Die v. Septembris.

IN FESTO S. LAURENTII
Justiniani Episc. et Confess.
Semiduplex.

Missa. Státuit ei Dóminus.
de Comuni Conf. Pontif. xvi.

Die viii. Septembris.

IN NATIVITATE BEATÆ
MARIE Virginis.

Introitus. Sedulius.

SA L V E sancta parens,
enixa puérpera Regem :
qui cœlum terrámque regit in
sæcula sæculórum.

Psal. 44. Eructávit cor me-
um verbum bonum : dico ego
ópera mea Regi.

℣. Glória Patri.

Oratio.

FAMULIS tuis, quæsumus
Dómine, coeléstis grátie
munus impertire : ut quibus
beatæ Virginis partus extitit
salutis exórdium, Nativitátis
ejus votiva solémnitas, pacis
tribuat incrementum. Per Dó-
minum nostrum.

In Missis privatis pro commemoratione S. Adriani martyris.

Oratio.

PRÆSTA quæsumus omnipotens Deus : ut, qui beati Adriani mártiris tui natalítia cólimus, intercessióne ejus in tui nóminis amore roborémur. Per Dóminum.

Léctio libri Sapiéntiæ.

Prov. 8. c.

DOMINUS possédit me in initio viárum suárum, ántequam quidquam fáceret á principio. Ab ætérno ordináta sum, et ex antiquis ántequam terra fieret. Nondum erant abyssi, et ego jam concépta eram : necdum fontes aquárum erúperant : necdum montes gravi mole constítuerant : ante colles ego parturiébar : adhuc terram non fécerat, et flúmina, et cárdines orbis terræ. Quando præparábat cœlos, áderam : quando cërta lege, et gyro vallábat abyssos : quando æthera firmábat sursùm, et librábat fontes aquárum : quando circúndabat mari términum suum, et legem ponébat aquis, ne transírent fines suos : quando appendébat fundaménta terræ. Cum eo eram, cuncta compónens : et delectábar per singulos dies, ludens coram eo omni témpore, ludens in orbe terrárum : et deliciae meæ, esse cum filiis hóminum. Nunc ergo filii audíte me : Beáti, qui custódiunt vias meas. Audíte disciplinam, et estóte sapiéntes, et nolíte abjicere eam. Beátus homo, qui audit me, et qui vígilat ad fores meas quotidie, et obsérvat ad postes óstii mei. Qui me invenerit, invéniet vitam, et háuriet salutem à Dómino.

Graduale. Benedícta et venerábilis es virgo Mariæ : quæ sine tactu pudóris invénta es mater Salvatóris. ℣. Virgo Dei génitrix, quem totus non capit orbis, in tua se clausit víscera factus homo.

Allelúia, allelúia.

V. Felix es sacra virgo María, et omni laude digníssima : quia ex te ortus est sol justitiæ, Christus Deus noster. Allelúia.

Initium sancti Evangélii secundùm Matthæum.

Matth. 1.

LIBER generatiónis Jesu Christi, filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, et fratres ejus. Judas autem genuit Phares, et Zaram de Thamar. Phares autem genuit Eson. Eson autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea quæ fuit Uriæ. Sálomon autem genuit Róboam. Róboam autem genuit Abíam. Abías autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manássen. Manásses autem genuit Amon. Amon autem genuit Josíam. Josías autem genuit Jechoníam, et fratres ejus in transmigratióne Babylónis. Et post transmigratióne Babylónis, Jechonías genuit Saláthiël. Saláthiël autem genuit Zoróbabel. Zoró-

babel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocátur Christus. Credo.

Offertorium. Beáta es virgo María, quæ ómnium portásti Creatórem : genuisti, qui te fecit, et in ætérnum pérmanes virgo.

Secreta.

UNIGENITI tui, Dómine, nobis succúrrat humanitas: ut qui natus de Vírgine, matris integritatem non mínuit, sed sacrávit; in Nativitátis ejus solémniis, nostris nos piáculis éxuens, oblatiõnem nostram tibi faciát accéptam Jesus Christus Dóminus noster. Qui tecum vivit et regnat.

Pro S. Adriano. Secreta.

MUNERIBUS nostris, quæsumus Dómine, precibúsque susceptis: et cœlestibus nos munda mystériis, et cleménter exáudi. Per Dóminum.

Præfatio de B. Maria. Et te in Nativitáte. quæ dicitur per totam Octavam, etiam in festis nisi habuerint propriam.

Communio. Beáta viscera Mariæ vírginis, quæ portavérunt ætérni Patris Fílium.

Postcommunio.

SUMPSIMUS, Dómine, celebritátis ánnuæ votíva sacraménta, præsta quæsumus; ut et temporális vitæ

nobis remédia præbeant, et ætérna. Per Dóminum.

Pro S. Adriano. Postcomm.

DA, quæsumus Dómine Deus noster: ut sicut tuórum commemoratióne sanctorum, temporáli gratulamur officio, ita perpétuo lætémur aspéctu. Per Dóminum.

Infra Oct. Nativitatis B. M. et in die Octava, dicitur Missa sicut in die Festi; sed infra Octavam, quando non fit commemoratio festi Simplicis, dicitur secunda Oratio de Spiritu sancto, Deus, qui corda. xl. tertia, Ecclésiæ. vel pro Papa. Deus omnium. 236.

DOMINICA infra Oct. Nativitatis Beatæ Mariæ Virginis.

FESTUM SS. NOMINIS BEATÆ MARIÆ Virginis.

VULTUM tuum deprecabuntur omnes dívites plebis: adducéntur Regi vírgines post eam: próximæ ejus adducéntur tibi in lætítia et exultatióne.

Psalm. ibid. Eructávit cor meum verbum bonum: dico ego ópera mea Regi.

V. Glória Patri.

Oratio.

CONCEDE, quæsumus omnípotens Deus: ut fidéles tui, qui sub sanctíssimæ virginis Mariæ Nómine et protectione lætántur; ejus pia intercessióne, à cunctis malis liberéntur in terris, et ad gáudia ætérna pervenire mereántur in cœlis. Per Dóminum.

Et fit commem. Dominicæ occurrentis.

Léctio libri Sapiéntiæ.

Eccli. 24.

EGO quasi vitis fructificávi suavitátem odóris: et flores mei fructus honóris, et honestátis. Ego mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis, in me omnes spes vitæ et virtútis. Transite ad me omnes, qui concupiscitis me, et à generatióibus meis implémini. Spíritus enim meus super mel dulcis, et hæreditas mea super mel, et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Graduale. Bénedicta et venerábilis es virgo María, quæ sine tactu pudóris, invénta es Mater Salvatóris. *V.* Virgo Dei Génitrix, quem totus non capit orbis, in tua se clausit víscera factus homo.

Allelúia, allelúia.

V. Post partum, Virgo, invioláta permansísti, Dei Génitrix intercède pro nobis. Allelúia.

Sequéntia sancti Evangélii secundùm Lucam.

Luc. 1.

In illo témpore: Missus est Angelus Gábriël à Deo in civitátem Galilææ, cui nomen Názareth, ad Virginem desponsátam viro, cui nomen erat Joseph, de domo David,

et nomen virginis María. Et ingressus Angelus ad eam dixit: Ave grátia plena: Dóminus tecum: Benedícta tu in mulieribus. Quæ cùm audisset, turbáta est in sermóne ejus, et cogitábat qualis esset ista salutátio. Et ait Angelus ei: Ne timeas María, invenisti enim grátiam apud Deum: ecce concípies in útero, et páries filium, et vocábis nomen ejus Jesum. Hic erit magnus, et Fílius Altíssimi vocábitur: et dabit illi Dóminus Deus sedem David patris ejus: et regnábit in domo Jacob in ætérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognóscó? Et respóndens Angelus, dixit ei: Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocabitur Fílius Dei. Et ecce Elisabeth cognáta tua, et ipsa concépit filium in senectúte sua: et hic mensis sextus est illi, quæ vocátur stérilis: quia non erit impossibile apud Deum omne verbum. Dixit autem María: Ecce ancilla Dómini, fiat mihi secúndum verbum tuum. Credo.

Offertorium. Luc. 1. Ave María, grátia plena: Dóminus tecum: Benedícta tu in mulieribus, et benedíctus fructus ventris tui.

Secreta.

TUA, Dómine, propitiátione, et beátæ Mariæ semper virginis intercessióne, ad perpétuam atque præsentem hæc oblátio nobis proficiat

prosperitátem et pacem. Per Dóminum.

Deinde fit commem. Dominicæ.

Præfatio de B. V. M. Et te in festivitáte beátæ Mariæ.

Communio. Beáta viscera Mariæ virginis: quæ portaverunt ætérni Patris Fílium.

Postcommunio.

SUMPTIS, Dómine, salutis nostræ subsidiis: da, quæsumus, beátæ Mariæ semper virginis patrocíniis nos ubique prótegi: in cuius veneratióne hæc tuæ obtúlimus majestáti. Per Dóminum.

Deinde fit commem. Dominicæ.

In fine Missæ legitur Evangelium Dominicæ.

Die ix. Septembris.

PRO COMMEMORATIONE S. GORGONII martyris.

Oratio.

SANCTUS tuus, Dómine, Gorgónius sua nos intercessióne lætíficet: et pia fáciat solemnitáte gaudere.

Tertia Oratio de Spiritu sancto. Deus qui corda, xl. nisi venerit in Dominica: tunc enim tertia Oratio erit de Sancto.

Secreta.

GRATA tibi sit, Dómine, nostræ servitútis oblátio: pro qua sanctus Gorgónius martyr intervéntor existat.

Postcommunio.

FAMILIAM tuam, Deus, suávitás ætérna contíngat, et végetet: quæ in mártire tuo Gorgónio, Christi Filii tui bono júgiter odóre pascátur.

Die x. Septembris.

IN FESTO S. NICOLAI
de Tolentino Conf.

Intróitus. Psal. 91.

JUSTUS ut palma florébit,
sicut cedrus Libani multiplicábitur : plantátus in domo
Dómini, in atriis domus Dei
nostri.

Psal. ibid. Bonum est confi-
téri Dómino : et psállere nó-
mini tuo, Altíssime.

℣. Glória Patri.

Oratio.

ADESTO Dómine suppli-
caciónibus nostris, quas
in beáti Nicolái Confessóris
tui solemnitáte deférimus : ut
qui nostræ justitiæ fidúciam
non habémus, ejus, qui tibi
plácuit précibus adjuvémur.
Per Dóminum.

*Pro commem. Octavæ Nativita-
tis B. Mariæ. Oratio.*

FA M U L I S tuis, quæsu-
mus Dómine, cœléstis
gratiæ munus impertire : ut
quibus beatæ Virginis partus
éxitit salutis exórdium, Na-
tivitátis ejus votíva solémnitas,
pacis tribuat incrementum.
Per Dóminum nostrum.

Lectio Epístolæ beáti Pauli
Apóstoli ad Corínthios.

1 Cor. 4.

FRATRES, Spectáculum
facti sumus mundo, et
Angelis, et homínibus. Nos
stulti propter Christum, vos
autem prudéntes in Christo :
nos infirmi, vos autem fortes :
vos nóbiles, nos autem ignó-
biles. Usque in hanc horam
et esurimus, et sitimus, et nudi
sumus, et cólaphis cædimur, et
instábiles sumus, et laborámus :
operántes mánibus nostris :

maledicimur, et benedicimus :
persecutiónem pátimur, et sus-
tinémus : blasphemámur, et
obsecrámus : tamquam purga-
ménta hujus mundi facti sumus,
ómnium peripséma usque ad-
huc. Non ut confundam vos,
hæc scribo, sed ut filios meos
charísimos móneo : in Christo
Jesu Dómino nostro.

Graduale. Psal. 36. Os justi
meditábitur sapiéntiam, et lin-
gua ejus loquétur judícium.

℣. Lex Dei ejus in corde
ipsíus : et non supplantabún-
tur gréssus ejus. Allel. allel.

℣. Ps. 111. Beátus vir, qui
timet Dóminum : in mandátis
ejus cupit nimis. Alleluía.

Sequéntia sancti Evangélii se-
cúndum Lucam.

Luc. 12. d.

IN illo témpore : Dixit Jesus
discipulis suis : Nolite timére
pusillus grex, quia complácuit
Patri vestro dare vobis regnum.
Véndite quæ possidéti, et date
eleemósynam. Fácite vobis sác-
culos qui non veteráscunt, the-
sáurum non deficientem in cœ-
lis : quò fur non apprópiat,
neque tinea corrúmpit. Ubi
enim thesáurus vester est, ibi
et cor vestrum erit. Credo.

Offertórium. Psal. 20. In vir-
túte tua, Dómine, lætábitur
justus, et super salutáre tuum
exultábit veheménter : desidé-
rium ánimæ ejus tribuisti ei.

Secreta.

PRÆSTA nobis, quæsumus
omnípotens Deus : ut
nostræ humilitátis oblátio, et
pro tuórum tibi grata sit ho-
nóre sanctórum, et nos cór-
pore páriter et mente puríficet.
Per Dóminum.

Pro commem. Octavæ Nativitatis B. Mariæ. Secreta.

UNIGENITI tui, Dómine, nobis succurrat humanitas: ut qui natus de Virgine, matris integritatem non minuit, sed sacravit: in Nativitatis ejus solémniis, nostris nos piaculis exuens, oblationem nostram tibi faciat acceptam Jesus Christus Dóminus noster. Qui tecum vivit et regnat.

Communio. Matth. 19. Amen dico vobis, quod vos qui reliquistis omnia, et secuti estis me, centuplum accipietis, et vitam æternam possidebitis.

Postcommunio.

QUÆSUMUS omnipotens Deus: ut qui cœlestia alimenta percépimus, intercedente beato Nicoláo Confessore tuo, per hæc contra omnia adversa muniámur. Per Dóminum nostrum.

Pro Oct. Nativitatis B. Mariæ.

Postcommunio.

SUMPSIMUS, Dómine, celebri-tatis annuæ votiva sacramenta: præsta quæsumus; ut et temporális vitæ nobis remédia præbeant, et æternæ. Per Dóminum nostrum.

Die xi. Septembris.

PRO COMM. SS. PROTI, ET HYACINTHI Mart.

Oratio.

BEATORUM mártýrum tuórum Proti et Hyacinthi nos, Dómine, foveat pretiosa confessio: et pia júgiter intercessio tueatur.

Tertia Oratio de Spiritu sancto. Secreta.

Deus, qui corda. fol. xl.

PRO sanctorum mártýrum tuórum Proti et Hyacín-

thi commemoratióne, múnera tibi, Dómine, quæ debemus, exsolvimus: præsta, quæsumus, ut remédium nobis perpetuæ salutis operentur.

Postcommunio.

UT percépta nos, Dómine, tua sancta purificent, beatorum mártýrum tuórum Proti et Hyacinthi, quæsumus, impleret oratio.

Die xiv. Septembris.

Introitus. Gal. 6.

NOS autem gloriári oportet in Cruce Dómini nostri Jesu Christi, in quo est salus, vita, et resurrectio nostra: per quem salvati, et liberati sumus.

Psal. 66. Deus misereatur nostri, et benedicat nobis: illuminet vultum suum super nos, et misereatur nostri.

✠. Glória Patri.

Oratio.

DEUS, qui nos hodierna die Exaltatiónis sanctæ Crucis annua solemnitate lætificas: præsta quæsumus; ut, cujus mystérium in terra cognovimus, ejus redemptiόνis præmia in cœlo mereámur. Per eúdem Dóminum.

Et fit commem. de Octava Nativitatis B. Mariæ.

Oratio.

FAMULIS tuis, quæsumus Dómine, cœlestis grátie munus impertire: ut quibus beátæ virginis partus extitit salutis exórdium, Nativitatis ejus votiva solémnitas, pacis tribuat incrementum. Per Dóminum.

Lectio Epistolæ beati Pauli Apóstoli ad Philippenses.

Phil. 2.

FRATRES, Hoc enim sentite in vobis, quod et in

Christo Jesu: qui cùm in forma Dei esset, non rapinam arbitratus est esse se æqualem Deo: sed semetipsum exinanivit, formam servi accipiens, in similitudinem hominum factus, et habitu inventus ut homo. Humiliavit semetipsum, factus obediens usque ad mortem, mortem autem crucis. Propter quod et Deus exaltavit illum: et donavit illi nomen, quod est super omne nomen: (*Hic genuflectitur.*) ut in nomine Jesu omne genu flectatur cœlestium, terrëstrium, et infernorum, et omnis lingua confiteatur, quia Dominus Jesus Christus in glória est Dei Patris.

Graduale. ibid. Christus factus est pro nobis obediens usque ad mortem, mortem autem crucis. *V.* Propter quod et Deus exaltavit illum: et dedit illi nomen, quod est super omne nomen. Allelúia, allelúia.

V. Dulce lignum, dulces clavos, dulcia ferens póndera: quæ sola fuisti digna sustinere Regem cœlorum, et Dominum, Allelúia.

Sequéntia sancti Evangelii secúndum Joánnem.

Joan. 12. c.

IN illo témpore: Dixit Jesus turbis Judæorum: Nunc iudicium est mundi: nunc princeps hujus mundi ejiciétur foras. Et ego, si exaltatus fuero à terra, omnia traham ad meipsum: (hoc autem dicebat, significans qua morte esset moritúrus.) Respondit ei turba: Nos audivimus ex lege, quia Christus manet in ætérnum: et quómodo tu dicis: Opórtet exaltari Filium hominis? Quis

est iste Filius hominis? Dixit ergo eis Jesus: Adhuc módicum lumen in vobis est. Ambulate dum lucem habétis, ut non vos ténebræ comprehéndant: et qui ambulat in ténebris, nescit quò vadat. Dum lucem habétis, créдите in lucem, ut filii lucis sitis. Credo.

Offertorium. Prótege Dómine plebem tuam per signum sanctæ Crucis, ab insídiis inimicórum ómnium; ut tibi gratam exhibeamus servitútem, et acceptábile fiat sacrificium nostrum, allelúia.

Secreta.

JESU Christi Dómini nostri corpore et sángine saginándi, per quem Crucis est sanctificátum vexillum, quæsumus Dómine Deus noster: ut sicut illud adorare merúimus, ita perénnerit ejus glóriæ salutáris potiámur effectú. Per eúndem Dóminum,

De Octava.

Secreta.

UNIGENITI tui, Dómine, nobis succúrrat humanitas: ut qui natus de Virgine, matris integritatem non minuit, sed sacravit: in Nativitatis ejus solémniis, nostris nos piáculis exuens, oblatiónem nostram tibi fáciat accéptam Jesus Christus Dóminus noster, Qui tecum vivit et regnat.

Prefatio de Cruce. Qui salutem.

Communio. Per signum Crucis de inimicis nostris libera nos Deus noster.

Postcommunio.

ADESTO nobis Dómine Deus noster: et quos sanctæ Crucis lætari facis honóre, ejus quoque perpétuis defén- de subsidiis. Per Dóminum,

De Octavo. Postcomm.

SUMPSIMUS, Dómine, ce-
lebritátis ánnuæ votíva
sacraménta: præsta quæsu-
mus; ut et temporális vitæ
nobis remédia præbeant, et
æternæ. Per Dóminum.

Die xv. Septembris.

IN OCTAVA NATIVITA-
TIS BEATÆ MARIE.

*Missa ut in Die, cum commem.
S. Nicomedis mart.*

Oratio.

ADESTO Dómine pópulo
tuo: ut beáti Nicomédis
mártýris tui mérita præclára
suscípiens, ad impetrándam
misericórdiam tuam semper
ejus patrocíniis adjuvétur. Per
Dóminum nostrum Jesum
Christum Filium.

Secreta.

SUSCIPE, Dómine, mune-
ra propítius obláta: quæ
majestáti tuæ beáti Nicomédis
mártýris comméndet orátio.
Per Dóminum nostrum.

Postcommunio.

PURIFICENT nos, Dó-
mine, sacraménta quæ
sumpsimus: et intercedénte
beáto Nicoméde mártýre tuo, à
cunctis efficiant vítiis absolu-
tos. Per Dóminum nostrum.

DOMINICA I. SEPTEMBRIS.

IN FESTO SEPTEM DO-
LORUM BEATÆ MA-
RIÆ VIRGINIS.

*Missa dicitur ut in ejus festo,
feria 6ta Passionis, sed Oratio
ut infra.*

Oratio.

DEUS, in cujus passióne,
secúndum Simeónis pro-
phétiam, dulcíssimam ánimam
gloriosæ Virgínis et Matris Ma-
riæ. dolóris gládus pertransí-

vit: concéde propítius, ut qui
dolóres ejus venerádo recóli-
mus passiónis tuæ efféctum fe-
licem consequámur. Qui vi-
vis et regnas.

*Et fit commemoratio Domi-
nicæ occurrentis.*

¶ *Si sequens festum SS. Cor-
nelii et Cypriani venerit in Do-
minica, transfertur in primam
diem non impeditam; sed com-
mem. SS. Euphemie, &c. fit
in Dominica. Si verò occurrat
in Feria iv. Quatuor Temp. fit
commem. primùm de Feria, pos-
ted de SS. Euphemia, &c.*

Die xvi. Septembris.

IN FESTO SS. CORNELII
ET CYPRIANI Pontificum
et martyrum.

*Missa. Intret in conspéctu.
de Communi plurimor. Marty-
rum. xii.*

*Et fit commem. SS. Euphe-
mie, Lucie, et Geminiani mart.*

Oratio.

PRÆSTA Dómine préci-
bus nostris cum exultati-
óne provéntum: ut sanctórum
mártýrum Euphémiæ, Lúciæ
et Geminiani, quorum diem
passiónis ánnua devotióne re-
cólimus, étiam fidei constán-
tiam subsequámur.

Tertia Oratio. A cunctis. 267.

*Pro commemor. SS. Euphe-
mie, &c. Secreta.*

VOTA pópuli tui, quæsu-
mus Dómine, propítius
inténde: et quorum nos trí-
buis solémnia celebráre, fac
gaudére suffrágiis.

*Tertia Secreta. Exáudi nos.
268.*

Pro SS. Euphemia, &c.

Postcommunio.

EXAUDI Dómine preces
nostras: et sanctórum

martyrum tuorum Euphemiæ, Lúciæ, et Geminiáni, quorum festa solémniter celebrámus, continuis foveámur auxiliis.

Tertia Postcommunio. Mundet et múniat. 268.

Die xvii. Septembris.

IN FESTO IMPRESSIO-
NIS Sacrorum Stigmatum in
corpore beati Francisci.

Introitus. Gal. 6.

MIHI autem absit gloriári, nisi in Cruce Dómini nostri Jesu Christi: per quem mihi mundus crucifixus est, et ego mundo.

Psal. 141. Voce mea ad Dóminum clamávi: voce mea ad Dóminum deprecátus sum.

V. Glória Patri.

Oratio.

DOMINE Jesu Christe, qui frígescénte mundo, ad inflammandum corda nostra tui amóris igne, in carne beatissimi Francisci passiónis tuæ sacra Stigmata renovásti: concede propítius: ut ejus méritis et précibus crucem júgiter ferámus, et dignos fructus pœnitentiæ faciámus. Qui vivis et regnas.

Lectio Epistolæ beati Pauli
Apóstoli ad Gálatas.

Gal. 6.

FRATRES, Mihi autem absit gloriári, nisi in Cruce Dómini nostri Jesu Christi: per quem mihi mundus crucifixus est, et ego mundo. In Christo enim Jesu, neque circumcisio aliquid valet, neque præputium, sed nova creatúra. Et quicumque hanc régulam secúti fúerint, pax super illos, et misericórdia, et super Israël Dei. De cétero nemo mihi moléstus sit: ego enim Stigmata Dómini Jesu in cór-

pore meo porto. Grátia Dómini nostri Jesu Christi, cum spiritu vestro, fratres. Amen.
Graduale. Psal. 36. Os justi meditábitur sapiéntiam, et lingua ejus loquétur judícium.

V. Lex Dei ejus in corde ipsius: et non supplantabúntur gressus ejus. Allelúia, allelúia.

V. Franciscus pauper et húmilis, cœlum dives ingreditur, hymnis cœlestibus honorátur. Allelúia.

Sequéntia sancti Evangélii secúndum Matthæum.

Matth. 16.

IN illo témpore: Dixit Jesus discipulis suis: Si quis vult post me veníre, abneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam. Qui autem perdiderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ verò suæ detriméntum patiátur? Aut quam dabit homo commutatiónem pro ánima sua? Filius enim hóminis ventúrus est in glória Patris sui cum Angelis suis: et tunc reddet unicuique secúndum ópera ejus.

Offertorium. Psal. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

MUNERA tibi, Dómine, dicáta sanctífica: et intercedénte beáto Francisco, ab omni nos culpárum labe purifica. Per Dóminum nostrum.

Communio. Luc. 12. Fidélis servus et prudens, quem constituit Dóminus super familiam suam: ut det illis in témpore tritici mensúram.

Postcommunio.

DEUS, qui mira crucis mysteria in beato Francisco Confessore tuo multifórmiter demonstrásti: da nobis, quæsumus, devotiõnis suæ semper exémpła sectári, et assidua ejúsdem Crucis meditatióne muniri. Per Dóminum.

Die xviii. Septembris.

IN FESTO S. JOSEPHI à
Cupertino Confessoris.

Introitus. Eccli. 1.

DILECTIO Dei honorábilis sapiéntia: quibus autem apparúerit in visu, díligunt eam in visióne, et in agnitióne magnálium suórum.

Psal. 83. Quàm dilécta tabernácula tua, Dómine virtútum! concupiscit et déficit ánima mea in átria Dómini.

℟. Glória Patri.

Oratio.

DEUS, qui ad Unigénitum Fílium tuum exaltátum à terra ómnia tráhere disposuísti: pérfice propítius: ut méritis et exémplo Seráphici Confessoris tui Joséphi supra terrénas omnes cupiditátes eleváti, ad eum pervenire mereámur. Qui tecum vivit et regnat.

Léctio Epístolæ beáti Pauli
Apóstoli ad Corínthios.

1. Cor. 13.

FRATRES, Si linguis hóminum loquar, et Angelórum, charitátem autem non hábeam, factus sum velut æsonans, aut cymbalum tinniens. Et si habúero prophetiam, et nóverim mysteria ómnia, et omnem sciéntiam; et si habúero omnem fidem, ita ut montes transférám, charitátem autem non habúero, nihil sum. Et si distribúero

in cibos páuperum omnes facultátes meas, et si tradidero corpus meum, ita ut árdeam, charitátem autem non habúero, nihil mihi prodest. Cháritas pátiens est, benígna est: Cháritas non æmulátur, non agit pérperám, non inflátur, non est ambióiosa, non quærit quæ sua sunt, non irritátur, non cógitat malum: non gaudet super iniquitáte, congáudet autem veritáti: ómnia suffert, ómnia credit, ómnia sperat, ómnia sústinet. Cháritas numquam éxcidit, sive prophetiæ evacuabúntur, sive linguæ cessábunt, sive sciéntia destrúetur.

Graduale. Psal. 20. Dómine prævenísti eum in benedictiõibus dulcedinis: posuísti in cápite ejus corónam de lapide pretiõso. ℟. Vitam pétiiit à te, et tribuísti ei longitúdinem díerum in sæculum, et in sæculum sæculi.

Allelúia, allelúia.

℟. *Eccli. 11.* Oculus Dei respéxit illum in bono, et eréxit eum ab humilitáte ipsius, ét exaltávit caput ejus. Allelúia.

Sequéntia sancti Evangélii secúndum Matthæum.

Matth. 22. c.

IN illo témpore: Loquebátur Jesus Princípibus Sacerdotum et Pharisæis in parábolis dicens: Simile factum est regnum cœlórum hómini regi, qui fecit nuptias filio suo. Et misit servos suos vocáre invitátos ad nuptias, et nolébant venire. Iterúm misit álios servos suos dicens: Dícite invitátis: Ecce prándium meum parávi, tauri mei et altília mea occisa sunt, et ómnia

parata: venite ad nuptias. Illi autem neglexerunt, et abierunt, alius in villam suam, alius vero ad negotiationem suam: reliqui vero tenuerunt servos ejus, et contumelios affectos occiderunt. Rex autem cum audisset, iratus est, et missis exercitibus suis perdidit homicidas illos, et civitatem eorum succendit. Tunc ait servis suis: Nuptiae quidem paratae sunt, sed qui invitati erant, non fuerunt digni. Ite ergo ad exitum viarum, et quoscunque inveneritis, vocate ad nuptias. Et egressi servi ejus in vias, congregaverunt omnes, quos invenerunt, malos et bonos: et implatae sunt nuptiae discumbentium. Intravit autem rex ut videret discumbentes, et vidit ibi hominem non vestitum veste nuptiali: Et ait illi: Amice quomodo huc intrasti non habens vestem nuptialem? At ille obmutuit. Tunc dixit rex ministris: Ligatis manibus et pedibus ejus, mittite eum in tenebras exteriores: ibi erit fletus et stridor dentium. Multi enim sunt vocati, pauci vero electi.

Offert. Psal. 34. Ego autem cum mihi molesti essent, inducbar cilicio. Humiliabam in jejuniis animam meam: et oratio mea in sinu meo convertetur.

Secreta.

LAUDIS tibi, Domine, hostias immolamus in tuorum commemoratione sanctorum: quibus nos et presentibus exui malis confidimus, et futuris. Per Dominum.

Communio. Psal. 68. Ego sum pauper et dolens: salus tua, Deus, suscepit me. Lau-

dabo nomen Dei cum cantico: et magnificabo eum in laude.

Postcommunio.

REFFECTI cibo potuque caelesti, Deus noster, te supplices exoramus: ut in cuius haec commemoratione percipimus, ejus muniamur et precibus. Per Dominum.

Die xix. Septembris.

IN FESTO SS. MART. JANUARI Episc. et sociorum.

Missa. Salus autem justorum. *de Communi plurimorum Martyrum. xiv.*

Si sequens festum SS. Eustachii et socior. Mart. venerit in Dominica, fit de eo; et in sabato praecedenti, in quo celebratur fest. SS. Januarii et socior. Mart. post commemorationem Quatuor temporum cujus Evangelium legitur in fine Missae additur commem. Vigiliae S. Matthaei: quocunque vero alio die venerit festum SS. Eustachii et sociorum fit commem. Vigiliae cum Evang. ejusdem nisi in aliquibus ex Quatuor Temporibus incidit.

Die xx. Septembris.

IN FESTO SS. EUSTACHII et sociorum mart.

Missa. Sapientiam Sanctorum. *de Communi plurimorum Martyrum. xiii.*

Die xx. Septembris.

IN VIGILIA S. MATTHAEI Apostoli et Evangelistae.

Introitus. Psal. 51.

EGO autem sicut oliva fructifera in domo Domini, speravi in misericordia

dia Dei mei: et expectábo nomen tuum, quóniam bonum est ante conspéctum sanctórum tuórum.

Psalm. ibid. Quid gloriáris in malítia, qui potens es in iniquitate?

V. Glória Patri:

Oratio:

DA quæsumus omnipotens Deus: ut beáti Matthæi Apóstoli tui et Evangelistæ, quam prævenimus, veneránda solémnitas, et devotiónem nobis áugeat, et salútem. Per Dóminum.

Secunda Oratio de S. Mariá, Concéde nos. Tertia, Ecclésiæ. Vel pro Papa, Deus ómnium fidélium. 236.

Lectio libri Sapiéntiæ.

Eccli. 44.

BENEDICTIO Dómini super caput justí. Ideó dedit illi Dóminus hæreditátem, et divisit illi partem in tribus duódecim: et invénit grátiam in conspéctu omnis carnis. Et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitate ipsius sanctum fecit illum, et elégit eum ex omni carne. Et dedit illi coram præcépta, et legem vitæ et disciplínæ: et excélsium fecit illum. Státuit ei testaméntum ætérnum, et circumcínxit eum zona justitiæ, et induit eum Dóminus coronám glóriæ.

Graduale. Psal. 91. Justus ut palma florébit; sicut cedrus Libani multiplicábitur in domo Dómini.

V. Ad annuntiándum manè misericórdiam tuam, et veritátem tuam per noctem.

Sequéntia sancti Evangélii secúndum Lucam.

Luc. 1. c.

IN illo tempore: Vidit Jesus publicánum, nómine Levi, sedéntem ad telónium, et ait illi: Séquere me. Et relictis ómnibus, surgens secútuş est eum. Et fecit eí convivium magnum Levi in domo sua: et erat turba multa publicanórum et aliórum, qui cum illis erant discumbéntes. Et múrmurábant Pharisæi et Scribæ eórum, dicétes ad discípulos ejus: Quare cum publicánis et peccatóribus manducátis et bibitis? Et respóndens Jesus, dixit ad illos: Non egent qui sani sunt médico, sed qui malè habent. Non veni vocáre justos, sed peccatóres ad pœniténtiam.

Offertorium. Psal. 8. Glória et honóre coronásti eum: et constituísti eum super ópera mánuum tuárum, Dómine.

Secreta.

APOSTOLICI reveréntia acúlminis offeréntes tibi sacra mystéria, Dómine quæsumus, ut beáti Matthæi Apóstoli tui et Evangelistæ suffrágiis, cñjus natalítia prævenimus, plebs tua semper et sua vota deprómat, et desideráta percípiat. Per Dóminum nostrum.

Secunda Secreta de S. Mariá, Tua Dómine.

Tertia, Prótege nos. Vel pro Papa. Oblátis. 236.

Communió. Ps. 20. Magna est glória ejus in salutári tuo:

glóriam et magnam decórem impónes super eum, Dómine.

Postcommunio.

SANCTI Apóstoli tui et Evangelistæ Matthæi, quæsumus Dómine, supplicatióne placátus, et véniam nobis tribue, et remédia sempitérna concédè. Per Dóminum.

Secunda Postcommunio de S. María, Sumptis, Dómine. Tertia, Quæsumus Dómine. Vel pro Papa. Hæc nos, quæsumus. 236.

Die xxi. Septembris.

IN FESTO S. MATTHÆI
Apóstoli et Evangelistæ.

Introitus. Psal. 36.

OS justi meditabitur sapientiam, et lingua ejus loquétur judicium: lex Dei ejus in corde ipsius.

Psalm. ibid. Noli æmulári in malignántibus: neque zelaveris faciéntes iniquitatem.

V. Glória Patri.

Oratio.

BEATI Apóstoli et Evangelistæ Matthæi, Dómine, précibus adjuvémur: ut quod possibilitas nostra non obtinet, ejus nobis intercessióne donétur. Per Dóminum.

Léctio Ezechiélis Prophétæ.

Ezech. 1. c.

SIMILITUDO vultus quatuor animálium, fácies hóminis, et fácies leónis à dextris ipsórum quatuor: fácies autem bóvis à sinístris ipsórum quatuor: et fácies áquilæ désuper ipsórum quatuor. Fácies eórum, et pennæ eórum exténtæ désuper: duæ pennæ singulórum jungebantur, et

duæ tegébant corpóra eórum: et unumquódque eórum córam fácie sua ambulábat: ubi erat ímpetus spíritus, illuc gradiebántur, nec revertébantur cùm ambulárent. Et similitúdo animálium, aspéctus eórum quasi carbónum ignis ardéntium et quasi aspéctus lampadárum. Hæc erat visió discúrrens in médio animálium, splendor ignis, et de igne fulgur egrédiens. Et animália ibant, et revertébantur in similitúdinem fúlgoris coruscántis.

Graduale. Psal. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generatio rectórum benedicétur. Allelúia, allelúia.

V. Te gloriósus. Apostolórum chorus laudat, Dómine. Allelúia.

Sequéntia sancti Evangélii secúndum Matthæum.

Matth. 10.

In illo tẽpore: Vidit Jesus hóminem sedentem in telõnio, Matthæum nómine. Et ait illi: Séquere me. Et surgens, secútus est eum. Et factum est, discumbente eo in domo, ecce multi publicáni et peccatóres veniéntes, discumbébant cum Jesu, et discipulis ejus. Et vidéntes Pharisæi, dicébant discipulis ejus: Quare cum publicánis et peccatóribus mandúcat Magíster vester? At Jesus audiens, ait: Non est opus valéntibus médicus, sed malè habéntibus. Eúntes autem discite quid est: Misericórdiam volo, et non sacrificium. Non enim veni vocáre justos, sed peccatóres. Credo.

Offertorium. Psal. 20. Posuisti Dómine in cápite ejus corónam de lápide pretiósó: vitam pétiit à te, et tribuisti ei, alleluía.

Secreta.

SUPPLICATIONIBUS beáti Matthæi Apóstoli et Evangelistæ, quæsumus Dómine, Ecclesiæ tuæ commendétur oblátio: cujus magnificis prædicatiónibus eruditur. Per Dóminum.

Præfatio de Apostolis.

Communio. ibid. Magna est glória ejus in salutári tuo: glóriam et magnùm decórem impónes super eum, Dómine.

Postcommunio.

PERCEPTIS, Dómine, sacraméntis, beato Matthæo Apóstolo tuo et Evangelista interveniénte, deprecámur: ut quæ pro ejus celebráta sunt glória, nobis proficiant ad medélam. Per Dóminum.

Die xxii. Septembris.

IN FESTO S. THOMÆ
de Villanoya Episcopi et Confessoris.

Missa. Státuit ei. de Comuni Conf. Pontif. xvi. Prima Oratio propria.

Oratio.

DEUS, qui beátum Thomam Pontíficem insígnis in pauperes misericórdiæ virtúte decorásti: quæsumus, ut ejus intercessióne in omnes, qui te deprecántur, divitias misericórdiæ tuæ benignus efúndas. Per Dóminum.

Pro commem. SS. Mart. Maurítii et sociorum ejus.

ANNUE, quæsumus omnipotens Deus: ut sanctó-

rum mártýrum tuórum Maurítii et sociórum ejus, nos lætíficet festiva solémnitas; ut quorum suffrágiis pítimur, eórum natalítiis gloriémur. Per Dóminum nóstrem.

Pro SS. Mart. Secreta.

RESPICE, quæsumus Dómine, múnera, quæ in sanctórum mártýrum tuórum Maurítii et sociórum ejus, commemoratióné deférimus, et præsta: ut quórum honóre sunt grata, eórum nobis fiant intercessióne perpétua. Per Dóminum nóstrem.

Pro SS. Mart. Postcomm.

CÆLESTIBUS refécti sacraméntis et gáudiis, supplices te rogámus, Dómine: ut, quorum gloriámur triúmphis, protegámur auxiliis. Per Dóminum nóstrem.

Die xxiii. Septembris.

IN FESTO S. LINI Papæ
et Mart.

Introitus. Eccli. 45.

STATUIT ei Dóminus testaméntum pacis, et príncipem fecit eum: ut sit illi sacerdotíi dignitas in ætérnum.

Ps. 131. Meménto Dómine David, et omnis mansuetúdinis ejus.

✠. Glória Patri.

Oratio.

DEUS, qui nos beáti Lini mártýris tui atque Pontíficis ánnua solemnitáte lætíficas: concéde propítius; ut cujus natalítia cólimus, de ejúsdem étiam protectióne gaudeámus. Per Dóminum.

Deinde fit commemor. S. Theclæ virg. et martyr. nisi fuerit Dominica: quia tunc commemor. S. Theclæ fit in Dominica et

festum S. Lini transfertur in aliam diem.

Oratio.

DA, quæsumus omnipotens Deus: ut qui beatæ Theclæ virginis et martyris tuæ natalitia cõlimus, et annua solemnitate lætémur, et tantæ fidei proficiámus exémplõ.

Tertia Oratio. A Cunctis. 267.

Lectio Epistolæ beati Jacobi Apóstoli. *Jac. 1.*

CHARISSIMI, Beatus vir, qui suffert tentationem: quoniam cum probatus fuerit, accipiet coronam vitæ, quam repromisit Deus diligentibus se. Nemo cum tentatur, dicat quoniam à Deo tentatur: Deus enim intentator malorum est: ipse autem neminem tentat. Unusquisque verò tentatur à concupiscèntia sua abstractus, et illèctus. Deinde concupiscèntia cum concèperit, parit peccatum: peccatum verò cum consummatum fuerit, generat mortem. Nolite itaque errare, fratres mei dilectissimi. Omne datum optimum, et omne donum perfectum desursum est, descendens à Patre luminum, apud quem non est transmutatio, nec vicissitudinis obumbratio. Voluntarie enim genuit nos verbo veritatis, ut simus initium aliquod creaturæ ejus.

Graduale. Ps. 88. Inveni David servum meum, oleo sancto meo unxi eum: manus enim mea auxiliabitur ei, et brachium meum confortabit eum.

V. Nihil proficiet inimicus in eo: et filius iniquitatis non nocèbit ei. Allelúia, allelúia.

V. Psal. 109. Tu es sacerdos in ætèrnum, secúndum ordinem Melchisedech. Allelúia.

Sequèntia sancti Evangelii secúndum Lucam,

Luc. 14.

IN illo tempore: Dixit Jesus turbis: Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et qui non bajulat crucem suam, et venit post me, non potest meus esse discipulus. Quis enim ex vobis volens turrim ædificare, non prius sedens computat sumptus, qui necessarij sunt, si habeat ad perficiendum; ne, posteaquam posuerit fundamentum, et non potuerit perficere, omnes qui vident, incipiant illudere ei, dicentes: Quia hic homo cœpit ædificare, et non potuit consummare? Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se? alioquin adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renuntiat omnibus quæ possidet, non potest meus esse discipulus.

Offertorium. Psal. 88. Veritas mea, et misericordia mea cum ipso: et in nomine meo exaltabitur cornu ejus.

Secreta.

MUNERA tibi, Dõmine, dicata sanctifica: et

intercedente beato Lino martyre tuo atque Pontifice, per eadem nos placatus intende. Per Dominum.

Pro S. Thecla. Secreta.

SUSCIPE Domine munera, quæ in beatæ Theclæ virginis et martyris tuæ sollemnitate deferimus, cujus nos confidimus patrocinio liberari.

Secreta iii. Exaudi nos 268.

Communio. ibid. Semel juravi in sancto meo: semen ejus in æternum manebit: et sedes ejus sicut sol in conspectu meo, et sicut luna perfecta in æternum, et testis in cælo fidelis,

Postcommunio.

HÆC nos communiò, Domine, purget à crimine: et intercedente beato Lino martyre tuo atque Pontifice, cœlestis remediï faciat esse consortes. Per Dominum.

Pro S. Thecla. Postcomm.

AUXILIENTUR nobis, Domine, sumpta mysteria: et intercedente beata Thecla virgine et martyre tua, sempiterna faciant protectione gaudere.

Postcommunio tertia. Munde. 268.

Die xxiv. Septembris.

IN FESTO B. MARIE
Virginis de Mercède.

Introitus. Sedulius.

SALVE sancta parens, enixa puérpera Regem: qui cœlum terramque regit in sæcula sæculorum.

Psal. 44. Eructavit cor meum verbum bonum: dico ego opera mea Regi.

✠. Glória Patri.

Oratio.

DEUS, qui per gloriosissimam Filii tui Matrem ad liberandos Christi fideles à potestate Paganorum nova Ecclesiam tuam prole amplificare dignatus es: præsta quaesumus; ut quam piè veneramur tanti operis Institutricem, ejus pariter meritis et intercessione à peccatis omnibus, et captivitate dæmonis liberemur. Per eundem Dominum.

Lectio libri Sapiëntiæ.

Eccli. 24.

AB initio, et ante sæcula creata sum, et usque ad futurum sæculum non desinam, et in habitatione sancta coram ipso ministravi. Et sic in Sion firmata sum, et in civitate sanctificata similiter requievi, et in Jerusalem potestas mea. Et radicaui in populo honorificato, et in parte Dei mei hæreditas illius, et in plenitudine sanctorum detentio mea.

Graduale. Benedicta et venerabilis es virgo Maria: quæ sine tactu pudoris inventa es mater Salvatoris. ✠. Virgo Dei genitrix, quem totus non capit orbis, in tua se clausit viscera factus homo. Allelúia, allelúia.

✠. Post partum, Virgo, inviolata permansisti, Dei Genitrix intercede pro nobis. Allelúia.

Sequentia sancti Evangelii secundum Lucam.

Luc. 11. d.

IN illo tempore: Loquente Jesu ad turbas, extollens vocem quædam mulier

de turba, dixit illi : Beátus venter, qui te portávit ; et úbera, quæ suxisti. At ille dixit: Quinímò, beáti qui audiunt verbum Dei, et custodiunt illud. Credo.

Offertorium. Ave Mariá, grátia plena : Dóminus tecum : Benedicta tu in muliéribus, et benedictus fructus ventris tui.

Secreta.

TUA, Dómine, propitiátione, et beátæ Mariæ semper virginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio. Et te in festivitáte beátæ Mariæ. 207.

Communio. Beáta viscera Mariæ virginis : quæ portaverunt ætérni Patris Filium.

Postcommunio.

SUMPTIS, Dómine, salútis nostræ subsidiis : da, quæsumus, beátæ Mariæ semper virginis patrociniis nos ubique prótegi ; in cujus veneratióne hæc tuæ obtúlimus majestáti. Per Dóminum.

Die xxvi. Septembris.

SS. MARTYRUM CYPRIANI ET JUSTINÆ.

Missa. Salus autem justórum. *de Comuni plurimorum Mart. xiv. præter Orationes sequentes.*

Oratio.

BEATORUM mártýrum Cypriáni et Justinæ nos, Dómine, foveant continuáta præsidia : quia non désinis propítius intuéri, quos talibus auxiliis concesseris adjuvári. Per Dóminum.

Secreta.

MUNERA tibi, Dómine, nostræ devotiónis offerimus : quæ et pro tuórum tibi grata sint honóre justórum, et nobis salutária, te miseránte, reddántur. Per Dóminum.

Postcommunio.

PRÆSTA nobis, quæsumus Dómine, intercedéntibus sanctis mártýribus tuis Cypriáno et Justiná : ut quod ore contingimus, pura mente capiamus. Per Dóminum.

Die xxvii. Septembris.

IN FESTO SS. Mart. COSMÆ ET DAMIANI.

Introitus. Ecclí. 44.

SAPIENTIAM sanctórum narrent pópuli, et laudes eórum nuntiet Ecclésia : nómina autem eórum vivent in sæculum sæculi.

Psal. 32. Exultáte justí in Dómino : rectos decet collaudátio.

℣. Glória Patri.

Oratio.

PRÆSTA quæsumus omnipotens Deus : ut qui sanctórum mártýrum tuórum Cosmæ et Damiani natalítia cõlimus, à cunctis malis imminéntibus, eórum intercessiónibus liberémur. Per Dóminum nostrum.

Léctio libri Sapiéntiæ.

Sap. 5. c.

JUSTI autem in perpétuum est merces eórum, et cogitatio illórum apud Altissimum. Ideò accipient regnum decóris, et diadéma speciéi de manu Dómini : quóniam dextera

sua teget eos, et bráchio sancto suo deféndet illos. Accipiet armaturam zelus illius, et armábit creaturam ad ultiónem inimicórum. Induet pro thoráce justítiam, et accipiet pro gálea iudícium certum. Sumet scutum inexpugnábile æquitátem.

Graduale. Psál. 33. Clamarérunt iusti, et Dóminus exaudivit eos: et ex ómnibus tribulatióibus eórum liberávit eos: *V.* Juxtà est Dóminus his qui tribuláto sunt corde: et húmiles spíritu salvábit. Allelúia, allelúia.

V. Hæc est vera fratérnitas, quæ vicit mundi crimina: Christum secúta est, ínclýta tenens regna coeléstia. Allel.

Sequéntia sancti Evangélii secúndum Lucam.

Luc. 6. c.

IN illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant ut audírent eum, et sanaréntur à languóribus suis. Et qui vexabántur à spirítibus immúndis, curabántur. Et omnis turba quærébat eum tángere: quia virtus de illo exibat, et sanábat omnes. Et ipse elevátis óculis in discipulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis cùm vos óderint hómínes, et cùm separáverint vos, et exprobráverint, et ejécerint nomen vestrum

tamquam malum, propter Filium hóminis. Gaudéte in illa die, et exultáte: ecce enim merces vestra multa est in cælo.

Offertorium. Psal. 5. Gloríabúntur in te omnes, qui diligunt nomen tuum, quóniam tu Dómine benedíces justo: Dómine, ut scuto bonæ voluntátis tuæ coronásti nos.

Secreta.

SANCTORUM tuórum nobis, Dómine, pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum.

Communio. Psal. 78. Posuerunt mortália servórum tuórum, Dómine, escas volatilibus cœli: carnes sanctórum tuórum béstiis terræ: secúndum magnitúdinem bráchii tui pösside filios morte punitórum.

Postcommunio.

PROTEGAT, quæsumus Dómine, pópulum tuum, et participátio cœlestis indúlta convívii, et deprecátio colláta sanctórum. Per Dóminum nostrum.

Die xxviii. Septembris.

IN FESTO S. WENCESLAI
Ducis et Martyris.

Missa. In virtúte tua de Comuni unius Martyr. vi.

Oratio.

DEUS, qui beátum Wencesláum per martyrii palmam à terréno principátu ad cœlestem glóriam transtulísti, ejus précibus nos ab omni adversitaté custódi, et ejúsdem tribue gaudére consórtio. Per Dóminum.

Die xxix. Septembris.

IN DEDICATIONE S. MICHAELIS Archang.

Introitus. Psal. 102.

BENEDICITE Dóminum omnes Angeli ejus: poténtes virtúte, qui fáctis verbum ejus ad audiéndam vocem sermónum ejus.

Ps. ibid. Benedic ánima mea Dómino: et ómnia quæ intra me sunt, nómini sancto ejus.

℟. Glória Patri.

Oratio.

DEUS, qui miro órdine, Angelórum ministéria, hominúmque dispénsas: concede propítius; ut à quibus tibi ministrántibus in celo semper assistitur, ab his in terra vita nostrá muniátur. Per Dóminum nostrum.

Léctio libri Apocalypsis beáti Joánnis Apóstoli.

Apoc. 1.

IN diébus illis: Significávit Deus quæ opórtet fieri cito, mittens per Angelum suum servo suo Joánni: qui testimónium perhibuit verbo Dei, et testimónium Jesu Christi, quæcúmque vidit. Beátus, qui legit et audit verba prophetiæ hujus: et servat ea, quæ in ea scripta sunt. Tempus enim propè est. Joánnes septem Ecclesiis, quæ sunt in Asia. Grátia vobis, et pax ab eo, qui est, et qui erat, et qui ventúrus est: et à septem spiritibus, qui in conspéctu throni ejus sunt: et à Jesu Christo, qui est testis fidélis, primogénitus mortuórum, et princeps regum terræ, qui diléxit nos, et lavit nos à peccátis nostris in ságuine suo.

Graduale. Ps. 102. Benedícite Dóminum omnes Angeli ejus, poténtes virtúte, qui fáctis verbum ejus. *℟.* Benedic ánima mea Dóminum, et ómnia interióra mea nomen sanctum ejus. Allelúia, allel.

℟. Sancte Michaél Archángele defénde nos in prælio, ut non pereámus in tremédo júdicio. Allelúia.

Sequéntia sancti Evangélii secúndum Matthæum.

Matth. 18.

IN illo témpore: Accessérunt discipuli ad Jesum, dicéntes: Quis, putas, major est in regno cœlórum? Et ádvocans Jesus párvulum, státuit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum cœlórum. Quicúmque ergo humiliáverit se sicut párvulus iste, hic est major in regno cœlórum. Et qui suscepérit unum párvulum talem in nómine meo, me súscipit. Qui autem scandalizáverit unum de pusíllis istis, qui in me credunt, expedit ei ut suspendátur mola asinária in collo ejus, et demergátur in profúndum maris. Væ mundo à scándalis. Necesse est enim ut véniant scándala: vérumtamen væ hómini illi per quem scándalum venit. Si autem manus tua, vel pes tuus scandalizat te; absconde eum, et prójice abs te: bonum tibi est ad vitam ingredi débilem, vel claudum, quàm duas manus, vel duos pedes habéntem mitti in ignem æternum. Et si óculus tuus

scandalizat te; érué eum, et prójice abs te: bonum tibi est cum uno óculo in vitam intráre, quam duos óculos habéntem mitti in gehénnam ignis. Vidéte ne contemnátis unum ex his pusillis: dico enim vobis, quía Angeli eórum in cœlis semper vident fáciem Pátris mei, qui in cœlis est. Credo.

Offertorium. Apoc. 8. Stetit Angelus juxta aram templi, habens thuríbulum áureum in manu sua: et data sunt ei incénsa multa: et ascéndit fumus arómatum in conspéctu Dei, allelúia.

Secreta.

HOSTIAS tibi Dómine, laudis offérimus, suppliciter deprecántes: ut eásdem Angélico pro nobis interveniénte suffrágio, et placátus accípias, et ad salutem nostram proveníre concédas. Per Dóminum nostrum.

Communio. Dan. 3. Benedicite omnes Angeli Dómini Dóminum: hymnum dícite, et superexaltáte eum in sæcula.

Postcommunio.

BEATI Archángeli tui Michaélis intercessióne suffúlti, súpplíces te, Dómine, deprecámur: ut quod ore proséquimur, contingámus et mente. Per Dóminum.

Die xxx. Septembris.

IN FESTO S. HIERONYMI Presb. Conf. et Ecclesiæ Doctoris.

Missa. In médio Ecclesiæ. de Comuni Doctorum. xx. præter Orationes sequentes.

Oratio.

DEUS, qui Ecclesiæ tuæ in exponéndis sacris

Scriptúris beátum Hierónymum Confessórem tuum, doctórem máximum providére dignátus es, præsta quæsumus; ut ejus suffragántibus méritis, quod ore simul et ópere dócuit, te adjuvánte, exercére valeámus. Per Dóminum nostrum.

Et dicitur Credo.

Secreta.

DONIS cœlestibus, da nobis quæsumus Dómine, libera tibi mente servíre: ut múnera, quæ deférimus, interveniénte beáto Hierónymo Confessóre tuo, et medélam nobis operéntur, et glóriam. Per Dóminum nostrum.

Postcommunio.

REPLETI alimónia cœlesti, quæsumus Dómine, ut interveniénte beáto Hierónymo Confessóre tuo, misericórdiæ tuæ grátiam cónsequi mereámur. Per Dóminum nostrum.

FESTA OCTOBRIS.

DOMINICA I. OCTOBRIS.

IN FESTO SS. ROSARII
Beatæ Mariæ Virginis.

Introitus. Sedulius.

SALVE sancta parens, énixá puérpera Regem: qui cœlum terrámque regit in sæcula sæculórum.

Ps. 44. Eructávit cor meum verbum bonum: dico ego ópera mea Regi.

Ÿ. Glória Patri.

Oratio.

DEUS, cújus Unigénitus, per Vitam, Mortem, et Resurrectiónem suam, nobis salutis æternæ præmia com-

parávit: concéde, quæsumus, ut hæc mystéria sanctissimo beátæ Mariæ Virginis Rosário recoléntes, et imitémur quod cóntinent; et quod promittunt, assequámur. Per eúndem Dóminum nostrum.

Et fit commem. Dominicæ occur.

Léctio libri Sapiéntiæ.

Eccli. 24. b.

AB initio, et ante sæcula creáta sum, et usque ad futúrum sæculum non désinam, et in habitatióne sáncta coram ipso ministrávi. Et sic in Sion firmáta sum, et in civitaté sanctificáta similiter requiévi, et in Jerúsalem potéstas mea. Et radicávi in pópulo honorificáto, et in parte Dei mei hæréditas illius, et in plenitúdine sanctórum deténtio mea.

Graduale. Benedícta et venerábilis es virgo María: quæ sine tactu pudóris invénta es mater Salvatóris.

¶ Virgo Dei génitrix, quem totus non capit orbis, in tua se clausit víscera factus homo. Allelúia, allelúia.

¶ Post partum, Virgo, invioláta permansísti, Dei Génitrix intercède pro nobis. Allelúia.

Sequéntia sancti Evangélii secúndum Lucam.

Luc. 11.

IN illo témpore: Loquén-te Jesu ad turbas, extóllens vocem quædam múlier de turba, dixit illi: Beátus venter, qui te portávit, et úbera, quæ suxísti. At ille dixit: Quinímò, beáti qui áudiunt verbum Dei, et custódiunt illud. Credo.

Offertorium. Luc. 1. Ave

María, grátia plena: Dóminus tecum: Benedícta tu in muliéribus, et benedíctus fructus ventris tui.

Secreta.

FAC nos, quæsumus, Dómine, his munéribus offérendis conveniénter aptári: et per sanctíssimi Rosárii mystéria sic Vitam, Passiónem, et Glóriam Unigéniti tui recólere; ut ejus digni promissionibus efficiámur. Per eúndem Dóminum.

Deinde fit commem. Dominicæ.

Præfatio. Et te in solemnitate beátæ Mariæ.

Communio. Beáta víscera Mariæ vírginis: quæ portavérunt æterni Patris Filium.

Postcommunio.

SANCTISSIMÆ Genitricis tuæ, cujus Rosarium celebrámus, quæsumus, Dómine, précibus adjuvémur; et mysteriorum, quæ recólimus, virtus percipiátur, et Sacramentórum, quæ sumpsimus, obtinéatur effectus. Qui vivis et regnas.

Deinde fit commem. Dominicæ.

Die i. Octobris.

IN FESTO S. REMIGII
Episcopi et Conf.

Missa. Státuit. de Communi Confess. Pontif. xvi.

Die ii. Octobris.

IN FESTO SS. ANGELO-
RUM CUSTODUM.

Introitus. Psal. 108.

BENEDICITE Dóminum Omnes Angeli ejus: poténtes virtúte, qui fácitis verbum

ejus, ad audiendam vocem sermonum ejus.

Psal. ibid. Benedic anima mea Domino: et omnia quae intra me sunt, nomini sancto ejus.

℣. Glória Patri.

Oratio.

DEUS, qui ineffabili providentia sanctos Angelos tuos ad nostram custodiam mittere dignaris: largire supplicibus tuis, et eorum semper protectione defendi, et aeterna societate gaudere. Per Dominum.

Lectio libri Exodi.

Exod. 23.

HAEC dicit Dominus Deus: Ecce ego mittam Angelum meum, qui praecedat te, et custodiat in via, et introducat in locum, quem paravi. Observa eum, et audi vocem ejus, nec contemnendum putes, quia non dimittet cum peccaveris, et est nomen meum in illo. Quod si audieris vocem ejus, et feceris omnia quae loquor, inimicus ero inimicis tuis, et affligam affligentes te: praecedetque te Angelus meus.

Graduale. Psal. 90. Angelis suis Deus mandavit de te, ut custodiant te in omnibus viis tuis. ℣. In manibus portabunt te, ne umquam offendas ad lapidem pedem tuum. Allel. allel.

℣. *Psal. 102.* Benedicite Domino omnes virtutes ejus: ministri ejus, qui facitis voluntatem ejus. Alleluia.

Sequentia sancti Evangelii secundum Matthaeum.

Matth. 18.

IN illo tempore: Accesserunt discipuli ad Jesum dicentes: Quis, putas, major est in regno caelorum? Et

advocans Jesus parvulum, statuit eum in medio eorum, et dixit: Amen dico vobis, nisi conversi fueritis, et efficiamini sicut parvuli, non intrabitis in regnum caelorum. Quicumque ergo humiliaverit se sicut parvulus iste, hic est major in regno caelorum. Et qui susceperit unum parvulum talem in nomine meo, me suscipit. Qui autem scandalizaverit unum de pusillis istis, qui in me credunt, expedit ei ut suspendatur mola asinaria in collo ejus, et demergatur in profundum maris. Vae mundo a scandalis. Necessesse est enim ut veniant scandala: verumtamen vae homini illi, per quem scandalum venit. Si autem manus tua, vel pes tuus scandalizat te; abscinde eum, et projice abs te: bonum tibi est ad vitam ingredi debilem, vel claudum, quam duas manus, vel duos pedes habentem mitti in ignem aeternum. Et si oculus tuus scandalizat te; erne eum, et projice abs te: bonum tibi est cum uno oculo in vitam intrare, quam duos oculos habentem mitti in gehennam ignis. Videte ne contemnatis unum ex his pusillis: dico enim vobis, quia Angeli eorum in caelis semper vident faciem Patris mei, qui in caelis est. Credo.

Offertorium. Ps. 102. Benedicite Dominum omnes Angeli ejus: ministri ejus, qui facitis verbum ejus, ad audiendam vocem sermonum ejus.

Secreta.

SUSCIPE Domine munera, quae pro sanctorum Angelorum tuorum veneratione deserimus: et concede propi-

tius; ut perpétuis eórum præsidiiis, à præsentibus periculis liberémur, et ad vitam perveniámus ætérnam. Per Dóminum nostrum.

Communio. Dan. 3. Benedicite omnes Angeli Dómini Dóminum: hymnum dícite, et superexaltáte eum in sæcula.

Postcommunio.

SUMPSIMUS, Dómine, divína mystéria, sanctórum Angelórum tuórum festivitáte lætántes: quæsumus, ut eórum protectióne ab hóstium júgiter liberémur insidiis, et contra ómnia advérsa muniámur. Per Dóminum.

Die iv. Octobris.

IN FESTO S. FRANCISCI
Confessoris.

Introitus. Gal. 6.

MIHI autem absit gloriári, nisi in Cruce Dómini nostri Jesu Christi: per quem mihi mundus crucifixus est, et ego mundo.

Psalm. 141. Voce mea ad Dóminum clamávi: voce mea ad Dóminum deprecátus sum.

V. Glória Patri.

Oratio.

DEUS, qui Ecclésiám tuam beáti Francisci méritis, foetu novæ prolis amplíficas: tribue nobis, ex ejus imitatio-
ne terréna despícere, et cœlestium donórum semper participatióne gaudére. Per Dóminum.

Léctio Epístolæ beáti Pauli
Apóstoli ad Gálatas.

Gal. 6. d.

FRATRES, Mihi autem absit gloriári, nisi in Cruce Dómini nostri Jesu Christi: per quem mihi mundus crucifixus

est, et ego mundo. In Christo enim Jesu, neque circumcisio áliquid valet, neque præputium, sed nova creatúra. Et quicúmque hanc régulam secúti fuerint, pax super illos, et misericórdia, et super Israël Dei. De cétero nemo mihi moléstus sit: ego enim Stigmata Dómini Jesu in corpore meo porto. Grátia Dómini nostri Jesu Christi, cum spiritu vestro, fratres. Amen.

Graduale. Psal. 30. Os justi meditábitur sapiéntiam, et lingua ejus loquétur iudicium.

V. Lex Dei ejus in corde ipsius: et non supplantabúntur gressus ejus. Allelúia, allelúia.

V. Franciscus pauper et húmilis, cœlum dives ingréditur, hymnis cœlestibus honorátur. Allelúia.

Sequéntia sancti Evangélii secúndum Matthæum.

Matth. 11.

IN illo témpore respóndens Jesus, dixit; Confíteor tibi, Pater, Dómine cœli et terræ, quia abscondísti hæc à sapiéntibus et prudéntibus, et revelásti ea párvulis. Ita Pater: quóniam sic fuit plácitum ante te. Omnia mihi tráditá sunt à Patre meo. Et nemo novit Filium, nisi Pater: neque Patrem quis novit, nisi Filius, et cui volúerit Filius reveláre. Veníte ad me omnes, qui laborátis, et oneráti estis, et ego reficiam vos. Tóllite jugum meum super vos: et discíte à me, quia mitis sum, et húmilis corde: et inveniétis réquiem animábus vestris. Jugum enim meum suáve est, et onus meum leve.

Offertorium. Ps. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

MUNERA tibi, Dómine, dicáta sanctífica: et intercedénte beáto Francíscó, ab omni nos culpárum labe purífica. Per Dóminum.

Communio. Luc. 12. Fidélis servus et prudens, quem constituit dónus super familiam suam: ut det illis in témpore tritici mensúram.

Postcommunio.

ECCELSIAM tuam, quæsumus Dómine, grátia cœléstis amplifícat: quam beáti Francísci Confessóris tui illumináre voluísti gloriósis méritis et exémpis. Per Dóminum nostrum.

Die v. Octobris.

SS. PLACIDI et soc. Mart.

Missá. Salus autem justórum. *de Communi plurimorum Mart. xiv. præter Orationes sequentes.*

Oratio.

DEUS, qui nos concédís sanctórum mártýrum tuórum Plácidi et sociórum ejus, natalítia cólere: da nobis in æténa beatitúdine de eórum societáte gaudére. Per Dóminum nostrum.

Secreta.

MUNERA tibi, Dómine, nostræ devotiónis offérimus: quæ et pro tuórum tibi grata sint honóre justórum, et nobis salutária, te miseránte, reddántur. Per Dóminum.

Postcommunio.

PRÆSTA nobis, quæsumus Dómine, intercedéntibus sanctis mártýribus tuis Pláci-

do et sóciis ejus: ut quod ore contingimus, pura mente capiámus. Per Dóminum.

Die vi. Octobris.

IN FESTO S. BRUNONIS, Confessoris.

Missá. Os justi. *de Communi Confessoris non Pontificis. xxii.*

Oratio.

SANCTI Brunónis Confessoris tui, quæsumus Dómine, intercessiúnibus adjuvémur: ut qui majestátem tuam grávitèr delinquéndo offéndimus: ejus méritis et précibus nostrórum delictórum véniam consequámur. Per Dóminum.

Secreta.

LAUDIS tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus, et futúris. Per Dóminum.

Postcommunio.

QUÆSUMUS, omnípotens Deus, ut qui cœléstia aliménta percépimus, intercedénte beáto Brunóne Confessóre tuo, per hæc contra ómnia advérsa muniámur. Per Dóminum.

Die vii. Octobris.

S. MARCI Papæ et Confessoris.

Introitus. Psal. 131.

SACERDOTES tui, Dómine, induant justítiam: et sancti tui exúltent: propter David servum tuum, non avértas faciém Christi tui.

Psal. ibid. Meménto Dómine David, et omnis mansuetúdinis ejus.

¶ Glória Patri.

Oratio.

EXAUDI Dómine preces nostras : et interveniēte beato Marco Confessore tuo atque Pontifice, indulgētiā nobis tribue placātus et pacem. Per Dóminum.

Commem. SS. mart. Sergii, Bacchi, Marcelli et Apuleii.

Oratio.

SANCTORUM mátyrum tuórum nos, Dómine, Sergii, Bacchi, Marcelli et Apuleii beata mérita prosequantur : et tuo semper faciant amore fervētes.

Tertia Oratio. A cunctis nos.
267.

Lectio Epístolæ beāti Pauli Apóstoli ad Hebræos.

Heb. 7. d.

FRATRES, Plures facti sunt sacerdotes, idcirco quod morte prohiberentur permanere : Jesus autem eo quod maneat in ætérnum, sempiternum habet sacerdotium. Unde et salvare in perpétuum potest accedentes per semetipsum ad Deum : semper vivens ad interpellandum pro nobis. Talis enim decēbat, ut nobis esset pōntifex, sanctus, innocens, impollutus, segregatus à peccatoribus, et excelsior cœlis factus, qui non habet necessitatem quotidie, quemadmodum sacerdotes, prius pro suis delictis hóstias offerre, deinde pro populi : hoc enim fecit semel, seipsum offerendo Jesus Christus. Dóminus noster.

Graduale. Psal. 131. Sacerdotes ejus induam salutari, et Sancti ejus exultatione exultabunt. *V.* Illuc producam

cornu David : paravi lucernam Christo meo. Alleluia, alleluia.

V. Ps. 109. Juravit Dóminus, et non pœnitēbit eum : Tu es sacerdos in ætérnum secundum ordinem Melchisedech. Alleluia.

Sequētia sancti Evangélii secundum Matthæum.

Matth. 24.

IN illo tempore : Dixit Jesus discipulis suis : Vigilate, quia nescitis qua hora Dóminus vester venturus sit. Illud autem scitote, quoniam si sciret paterfamilias, qua hora fur venturus esset, vigilaret utique, et non sineret perfodi domum suam. Ideo et vos estote parati : quia quia nescitis hora Filius hominis venturus est. Quis, putas, est fidelis servus et prudens, quem constituit dóminus suus super familiam suam, ut det illis cibum in tempore ? Beatus ille servus, quem, cum venerit dóminus ejus, invenerit sic facientem. Amen dico vobis, quoniam super omnia bona sua constituet eum.

Offertorium. Psal. 88. Veritas mea, et misericordia mea cum ipso : et in nomine meo exaltabitur cornu ejus.

Secreta.

ACCEPTA tibi sit, Dómine, sacratæ plebis oblatio, pro tuorum honore Sanctorum : quorum se méritis percipisse de tribulatione cognoscit auxilium. Per Dóminum.

Pro SS. martyribus Sergio, Baccho, Marcello et Apuleio.

Secreta.

MAJESTATEM tuam nobis, Dómine quaesumus,

hæc hóstia reddat immolánda placátam, tuórum digna postulatióne sanctorum.

Tertia Secreta. Exáudi nos Deus. 268.

Communio. *Matth.* 24. Beátus servus, quem, cum vénerit dóninus, invénerit vigilántem: amen dico vobis, super ómnia bona sua constituet eum.

Postcommunio.

DA, quæsumus Dómine, fidélibus pópulis sanctorum tuórum semper veneratióne lætári, et eórum perpétua supplicatióne muníri. Per Dóminum nostrum.

Pro SS. martyribus Sergio, Baccho, Marcello et Apuleio.

Postcommunio.

SACRAMENTIS, Dómine, muniámur accéptis, et sanctorum mártirum tuórum Sergii, Bacchi, Marcélli et Apuléii intercessiόne, contra omnes nequítias irruéntes, armis cœlestibus protegámur.

Tertia Postcommunio. Mundet et múniat. 268.

Die viii. Octobris.

IN FESTO S. BIRGITTÆ
Viduæ.

Missæ. Cognóvi. de Comuni nec Virg. nec Martyrum.
xxxii.

Oratio.

DOMINE Deus noster, qui beátæ Birgittæ per Fílium tuum unigénitum secretá cœlestia revelásti: ipsius pia intercessiόne da nobis fámulis tuis, in revelatióne sempitérnæ glóriæ tuæ gaudére lætántes. Per eúndem Dóminum nostrum.

Epistola. Chárisissime, Víduas honóra, ut *suprà in Festo S. Monicæ die 4. Maii.* 397.

Die ix. Octobris.

IN FESTO SS. MARTY-
RUM DIONYSII, RUS-
TICI, ET ELEUTHERII.

Introitus. *Eccli.* 44.

SAPIENTIAM sanctorum narrent pópuli, et laudes eórum nuntiet Ecclésia: nómina autem eórum vivent in sæculum sæculi.

Psalm. 32. Exultáte justi in Dómino: rectos decet collaudatio.

✠. Glória Patri.

Oratio.

DEUS, qui hodiérna die beátum Dionysium mártirem tuum atque Pontíficem, virtúte constántiæ in passiόne roborásti: quique illi ad prædicándum Géntibus glóriam tuam, Rústicum et Eleuthérium sociáre dignátus es: tríbe nobis, quæsumus, eórum imitatióne pro amóre tuo prospéra mundi despícere, et nulla ejus advérsa formidáre. Per Dóminum.

Léctio Actuum Apostolorum.

Act. 17.

IN diébus illis: Stans Paulus in médio Areopági, ait: Viri Atheniénses, per ómnia quasi supersticiosiōres vos vídeo. Prætériens enim, et vídens simulácrá vestra, invéni et aram, in qua scriptum erat: Ignóto Deo. Quod ergo ignorantes cólitis, hoc ego annúntio vobis. Deus, qui fecit mundum, et ómnia quæ in eo sunt, hic cœli et terræ

cùm sit Dóminus, non in manufáctis templis hábitat, nec mánibus humánis cólitur, indigens áliquo, cùm ipse det ómnibus vitam, et inspiratiónem, et ómnia : fecitque ex uno omne genús hóminum inhabitáre super univérsam fáciem terræ, definiens statúta témpora, et términos habitatiónis eórum, quærere Deum, si fortè attréctent eum, aut invéniant, quamvis non longè sit ab unoquóque nostrúm. In ipso enim vivimus, et movémur, et sumus : sicut et quidam vestrórum Poetarum dixerunt : Ipsius enim et genus sumus. Genus ergo cùm simus Dei, non debémus aestimáre auro, aut argénto, aut lápidi, sculpturæ artis, et cogitatiónis hóminis, divínium esse símile. Et témpora quidem hujus ignorántiæ despiciens Deus, nunc annúnciat homínibus, ut omnes ubique poenitentiam agant, eò quòd státuit diem, in quo judicatúrus est orbem in æquitáte, in viro, in quo státuit, fidem præbens ómnibus, súscitans eum à mórtuis. Cùm audissent autem resurrecciónem mortuórum, quidam quidem irridébant, quidam verò dixerunt : Audiémus te de hoc íterùm. Sic Paulus exívit de médio eórum. Quidam verò viri adhæréntes ei, credidérunt : in quibus et Dionysius Areopagíta, et múlier nómine Dámaris : et álíi cum eis.

Graduale. Psal. 123. Anima nostra, sicut passer, erépta est de láqueo venántium. *V.* Láqueus contrítus est, et nos liberáti sumus : adjutórium nostrum in nómine Dómini, qui

fecit cœlum et terram. Allelúia, allelúia.

V. Ps. 67. Justi epuléntur, et exúltent in conspéctu Dei : et delecténtur in lætítia. Allel.

Sequéntia sancti Evangélii secúndum Lucam.

Luc. 12. b.

IN illo témpore : Dixit Jesus discíplis suis : Atténdite à fermento Pharisæórum, quod est hypócrisis. Nihil autem opértum est, quod non revelétur : neque absconditum, quod non sciátur. Quóniam quæ in ténebris dixistis, in lumine dicéntur : et quod in aurem locúti estis in cubiculis, prædicábitur in tectis. Dico autem vobis amícis meis : Ne terreámini ab his qui occidunt corpus, et post hæc non habent ámplius quid fáciant. Osténdam autem vobis quem timeátis : timéte eum, qui postquam occiderit, habet potestatem mittere in gehénnam. Ita dico vobis, hunc timéte. Nónne quinque passerés véneunt dipóndio, et unus ex illis non est in oblivióne coram Deo? Sed et capilli cápitis vestri omnes numeráti sunt. Nolite ergo timére : multis passéribus pluris estis vos. Dico autem vobis : Omnis, quicúmque conféssus fúerit me coram homínibus, et Filius hóminis confitébitur illum coram Angelis Dei.

Offertórium. Psal. 149. Exultábunt Sancti in glória, lætabúntur in cubilibus suis : exaltatiónes Dei in fáucibus eórum, allelúia.

Secreta.

OBLATA tibi, Dómine, múnera pópuli tui, pro tu-

eorum honore Sanctorum, suscipe propitius, quaesumus: et eorum nos intercessione sanctifica. Per Dominum.

Communio. Luc. 12. Dico autem vobis amicis meis: ne terreamini ab his, qui vos persequuntur.

Postcommunio.

SUMPTIS Domine, sacramentis, quaesumus: ut intercedentibus beatis martyribus tuis Dionysio, Rustico et Eleutherio, ad redemptionis aeternae proficiamus augmentum. Per Dominum.

Die x. Octobris.

IN FESTO S. FRANCISCI
BORGIAE Confessoris.

Introitus. Psal. 36.

OS justi meditabitur sapientiam, et lingua ejus loquetur iudicium: lex Dei ejus in corde ipsius.

Psalm. ibid. Noli aemulari in malignantibus: neque zelaveris facientes iniquitatem.

℣. Gloria Patri.

Oratio.

DOMINE Jesu Christe, vere humilitatis et exemplar, et praemium: quaesumus, ut sicut beatum Franciscum in terreni honoris contemptu imitatore tu gloriosum effecisti; ita nos ejusdem imitationis, et gloriae tribuas esse consortes. Qui vivis et regnas cum Deo Patre.

Lectio libri Sapientiae.

Eccli. 45.

DILECTUS Deo et hominibus, cujus memoria in benedictione est. Similem il-

lum fecit in gloria Sanctorum, et magnificavit eum in timore inimicorum, et in verbis suis monstra placavit. Glorificavit illum in conspectu regum, et jussit illi coram populo suo, et ostendit illi gloriam suam. In fide et lenitate ipsius sanctum fecit illum, et elegit eum ex omni carne. Audivit enim eum, et vocem ipsius, et induxit illum in nubem. Et dedit illi coram praecpta, et legem vitae et disciplinae.

Graduale. Ps. 20. Domine, praeventisti eum in benedictionibus dulcedinis: posuisti in capite ejus coronam de lapide pretioso. ℣. Vitam petiit a te, et tribuisti ei longitudinem dierum in saeculum saeculi.

Alleluia, alleluia.

℣. *Psalm. 91.* Justus ut palma florabit: sicut cedrus Libani multiplicabitur. Alleluia.

Sequentia sancti Evangelii secundum Matthaeum.

Matth. 19.

IN illo tempore: Dixit Petrus ad Jesum: Ecce nos reliquimus omnia, et secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione cum sederit Filius hominis in sede majestatis suae, sedebitis et vos super sedes duodecim, iudicantes duodecim tribus Israel. Et omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, et vitam aeternam possidebit.

Offertorium. Psal. 20. Desiderium animæ ejus tribuisti ei Dómine, et voluntate labiorum ejus non fraudasti eum : posuisti in capite ejus coronam de lapide pretioso.

Secreta.

SACRIS altáribus, Dómine, hóstias superpósitas sanctus Franciscus, quæsumus, in salutem nobis provenire depóscat. Per Dóminum.

Communio. Luc. 12. Fidéls servus et prudens, quem constituit dóminus super familiam suam : ut det illis in tempore tritici mensuram.

Postcommunio.

PROTEGAT nos, Dómine, cum tui perceptiõne sacramenti, beátus Franciscus, pro nobis intercedendo : ut et conversatiõnis ejus experiámur insignia, et intercessiõnis percipiámus suffragia. Per Dóminum.

Die xiii. Octobris.

IN FESTO S. EDUARDI
Regis Confess.

*Missæ. Os justi. ut in Comm.
Conf. non Pont. xxii.*

Oratio.

DEUS, qui beátum regem Eduárdum Confessorem tuum æternitátis glória coronasti : fac nos, quæsumus, ita eum venerári in terris, ut cum eo regnare possimus in cœlis. Per Dóminum nostrum.

Die xiv. Octobris.

IN FESTO S. CALLISTI
Papæ et Martyris.

Introitus. Dan. 3.

SACERDOTES Dei benedicite Dóminum : Sancti et húmiles corde laudate Deum.

Dan. ibid. Benedicite omnia ópera Dómini Dómino : laudate et superexaltate eum in sæcula.

¶ Glória Patri.

Oratio.

DEUS, qui nos conspicias ex nostra infirmitate deficere : ad amorem tuum nos misericórditer per Sanctorum tuorum exempla restaura. Per Dóminum nostrum.

Lectio Epistolæ beati Pauli
Apóstoli ad Hebræos.

Heb. 5.

FRATRES, Omnis póntifex ex hominibus assumptus, pro hominibus constituitur in iis, quæ sunt ad Deum : ut offerat dona et sacrificia pro peccatis : qui condolere possit iis, qui ignorant, et errant : quóniam et ipse circumdatus est infirmitate : et propterea debet, quemadmodum pro populo, ita etiam et pro semetipso offerre pro peccatis. Nec quisquam sumit sibi honorem, sed qui vocatur à Deo, tamquam Aaron.

Graduale. Ps 88. Inveni David servum meum, oleo sancto meo unxi eum : manus enim mea auxiliabitur ei, et brachium meum confortabit eum.

¶ Nihil proficiet inimicus in eo : et filius iniquitatis non nocébit ei. Allelúia, allelúia.

¶ *Eccli. 45.* Amavit eum Dóminus, et ornávit eum : stolam glóriæ induit eum. Allelúia.

Sequéntia sancti Evangélii secundum Matthæum.

Matth. 10. c.

IN illo tempore : Dixit Jesus discipulis suis : Nihil

est opértum, quod non revelábitur: et occúltum, quod non sciétur. Quod dico vobis in ténebris, dícite in lúmine: et quod in aure audítis, prædicáte super tecta. Et nolíte timére eos, qui occídunt corpus, ánimam autem non possunt occídere: sed pótiùs timéte eum, qui potest et ánimam et corpus pérdere in gehénam. Nónne duo pásseres asse véneunt: et unus ex illis non cadet super terram sine Patre vestro? Vestri autem cápilli capitís omnes numeráti sunt. Nolíte ergo timére: multis passéribus meliôres estis vos. Omnis ergo, qui confitébitur me coram hominibus, confitébor et ego eum coram Patre meo, qui in cœlis est.

Offertorium. Psal. 88. Veritas mea, et misericórdia mea cum ipso: et in nómine meo exaltábitur cornu ejus.

Secreta.

MYSTICA nobis, Dómine, prosit oblátio: quæ nos et à reátibus nostris expédíat, et perpétua salvatióne confirmet. Per Dóminum.

Communio. Matth. 24. Beátus servus, quem, cùm vénerit dóminus, invénerit vigilántem: amen dico vobis, super ómnia bona sua constituet eum.

Postcommunio.

QUÆSUMUS omnipotens Deus: ut reátus nostros múnera sacráta puríficent; et rectè vivéndi nobis operéntur effectum. Per Dóminum.

Die xv. Octobris.

IN FESTO S. TERESIÆ
Virginis.

Missa. Dilexisti justitiam.

de Communi Virginum tantùm xxix. præter Orationem sequentem.

Oratio.

EXAUDI nos Deus salutaris noster: ut sicut de beátæ Teresiæ virginis tuæ festivitáte gaudémus; ita cœlestis ejus doctrínæ pábulo nutriámur, et piæ devotiônis erudiámur afféctu. Per Dóminum.

IN FESTO S. HEDVVIGIS
Viduæ.

Missa. Cognóvi. de Communi nec virg. nec mart. xxxii.

Oratio.

DEUS, qui beátam Hedvvígem à sæculi pompa ad húmilem tuæ crucis sequélam toto corde transire docuísti: concéde, ut ejus méritis et exémplo discámus peritúras mundi calcáre delicias, et in ampléxu tuæ crucis ómnia nobis aversántia superáre. Qui vivis et regnas cum Deo Patre.

Die xviii. Octobris.

IN FESTO S. LUCÆ
Evangelistæ.

Introitus. Psal. 138.

MIHI autem nimis honoráti sunt amici tui Deus: nimis confortátus est principátus eórum.

Psal. ibid. Dómine probásti me, et cognovísti me: tu cognovísti sessiônem meam, et resurrectionem meam.

℟. Glória Patri.

Oratio.

INTERVENIAT pro nobis, quæsumus, Dómine, sanctus tuus Lucas Evangelista: qui crucis mortificatióne júgiter in suo córpore, pro tui

nóminis honóre portávit. Per
Dóminum.

Léctio Epístolæ beáti Pauli
Apóstoli ad Corinthios.

2. Cor. 8. c.

FRATRES, Grátias ago
Deo, qui dedit eámdem
solicitúdinem pro vobis in cor-
de Titi, quóniam exhortatió-
nem quidem suscepit: sed cùm
solicítior esset, sua voluntáte
proféctus est ad vos. Misimus
étiam cum illo fratrem, cujus
laus est in Evangélio per om-
nes Ecclesiás: non solúm au-
tem, sed et ordinátus est ab Ec-
clésiis comes peregrinatiónis
nostræ in hanc grátiam, quæ
ministrátur à nobis ad Dómini
glóriam, et destinátam volun-
tátem nostram: devitátes hoc,
ne quis vos vitúperet in hac
plenitúdine, quæ ministrátur
à nobis. Providémus enim
bona non solúm coram Deo,
sed étiam coram homínibus.
Misimus autem cum illis et
fratrem nostrum, quem probá-
vimus in multis sæpè solici-
tum esse: nunc autem multò
solicítiórem, confidéntia mul-
ta in vos, sive pro Tito, qui
est sócius meus, et in vobis
adjútor, sive fratres nostri,
Apóstoli Ecclesiárum, glória
Christi. Ostensiónem ergo,
quæ est charitátis vestræ, et
nostræ glóriæ pro vobis, in
illos osténdite in fáciem Ec-
clesiárum.

Graduale. Psal. 18. In om-
nem terram exívit sonus eó-
rum: et in fines orbis terræ
verba eórum. *V.* Cæli enár-
rant glóriam Dei: et ópera
mánuum ejus annúntiat firma-
méntum. Allelúia, allelúia.

V. Joan. 5. Ego vos elégi
de mundo, ut eátis, et fruc-
tum afferátis: et fructus ves-
ter máneat. Allelúia.

Sequéntia sancti Evangélii se-
cúndum Lucam.

Luc. 10.

IN illo témpore: Designá-
vit Dóminus et álios sep-
tuaginta duos: et misit illos
binos ante fáciem suam, in
omnem civitátem, et locum
quò erat ipse ventúrus. Et di-
cébat illis: Messis quidem
multa, operárii autem pauci.
Rogáte ergo dómimum messis,
ut mittat operários in messem
suam. Ite: ecce ego mitto vos
sicut agnos inter lupos. Nolíte
portáre sácculum, neque
peram, neque calceaménta, et
néminem per viam salutavé-
ritis. In quacúmque do-
mum intravéritis, primùm dí-
cite: Pax huic dómui: et si
ibi fúerit filius pacis, requiescet
super illum pax vestra: sin au-
tem, ad vos revertétur. In eá-
dem autem domo manéte,
edéntes et bibéntes quæ apud
illos sunt: dignus est enim ope-
rárius mercéde sua. Nolíte
transíre de domo in domum.
Et in quacúmque civitátem
intravéritis, et suscepérint vos,
manducáte quæ apponúntur
vobis: et curáte infirmos, qui
in illa sunt, et dicite illis: Ap-
propinquávit in vos regnum
Dei. Credo,

Offertorium. Psal. 131. Mihi
autem nimis honóri sunt amí-
ci tui, Deus: nimis confortá-
tus est principátus eórum.

Secreta.

DONIS cœlestibus da no-
bis, quæsumus Dómine,

libera tibi mente servire: ut múnera, quæ deférimus, interveniente beáto Evangelista tuo Luca, et medélam nobis operéntur, et glóriam. Per Dóminum nostrum.

Præfatio de Apostolis.

Communio. Matth. 19. Vos, qui secúti estis me, sedébitis super sedes, judicántes duódecim tribus Israël.

Postcommunio.

PRÆSTA, quæsumus, omnipotens Deus: ut quod de sancto altári tuo accépimus, précibus beáti Evangelistæ tui Lucæ, sanctíficet ánimas nostras, per quod tuti esse possimus. Per Dóminum.

Die xix. Octobris.

IN FESTO S. PETRI de Alcantara Confessoris.

Introitus. Psal. 91.

JUSTUS ut palma florébit, sicut cedrus Líbani multiplicábitur: plantátus in domo Dómini, in átriis domus Dei nostri.

Psal. ibid. Bonum est confitéri Dómino: et psállere nómini tuo, Altíssime.

℣. Glória Patri.

Oratio.

DEUS, qui beátum Petrum Confessórem tuum admirábilis pœniténtiæ, et altíssimæ contemplatiónis múnere illustráre dignátus es: da nobis, quæsumus: ut ejus suffragántibus méritis, carne mortificáti, facilius coeléstia capiámus. Per Dóminum.

Léctio Epístolæ beáti Pauli Apóstoli ad Philippéenses.

Phil. 3. b.

FRATRES, Quæ mihi fuerunt lucra, hæc arbitrátus

sum propter Christum detriménta. Verúmtamen existimo, ómnia detriméntum esse propter eminentem sciéntiam Jesu Christi Dómini mei: propter quem ómnia detriméntum feci, et árbitor ut stérora, ut Christum lucrifáciam, et invéniam in illo, non habens meam justítiam, quæ ex lege est, sed illam, quæ ex fide est, Christi Jesu: quæ ex Deo est justítia in fide, ad cognoscéndum illum, et virtútem resurrectionis ejus, et sociétatem passiónum illíus: configurátus morti ejus. Si quo modo occurrám ad resurrectionem, quæ est ex mórtuis: non quòd jam accéperim, aut jam perféctus sim: sequor autem, si quo modo comprehéndam, in quo et comprehénsus sum à Christo Jesu.

Graduale. Os justí meditábitur sapiéntiam, et lingua ejus loquétur júdicium.

℣. Lex Dei ejus in corde ipsíus: et non supplantábuntur gressus ejus. Allelúia, allelúia.

℣. *Psal. 111.* Beátus vir, qui timet Dóminum: in mandátis ejus cupit nimis. Allelúia.

Sequéntia sancti Evangélii secúndum Lucam.

Luc. 12.

IN illo témpore: Dixit Jesus discipulis suis: Nolíte timére pusillus grex, quia complácuit Patri vestro dare vobis regnum. Véndite quæ possidéti, et date eleemósynam. Fácite vobis sácculos qui non veteráscunt, thesáurum non deficiéntem in cœlis: quòd fur non apprópiat, neque tinea corrúm-

pit. Ubi enim thesaurus vester est, ibi et cor vestrum erit.

Offertorium. Ps. 20. In virtute tua, Dómine, lætabitur justus, et super salutáre tuum exultábit veheménter: desiderium animæ ejus tribuisti ei.

Secreta.

PRÆSTA nobis, quæsumus omnipotens Deus: ut nostræ humilitátis oblatio, et pro tuórum tibi grata sit honóre sanctórum, et nos corpore páriter et mente purificet. Per Dóminum.

Communio. Matth. 19. Amen dico vobis, quòd vos qui reliquistis ómnia, et secúti estis me: centuplum accipiétis, et vitam ætérnam possidébis.

Postcommunio.

QUÆSUMUS omnipotens Deus: ut qui cœlestia aliménta percépimus, intercedente beáto Petro Confessore tuo, per hæc contra ómnia adversa muniámur. Per Dóminum.

Die xx. Octobris.

IN FESTO S. JOANNIS
Cantii Confessoris.

Introitus. Ecclí. 18.

MISERATIO hóminis circa próximum suum: Misericórdia autem Dei super omnem carnem. Qui misericórdiam habet, docet, et erúdit quasi pastor gregem suum.

Psal. 1. Beátus vir, qui non ábiit in consílio impiórum, et in via peccatórum non stetit, et in cáthedra pestilentíæ non sedit.

℣. Glória Patri.

Oratio.

DA, quæsumus, omnipotens Deus: ut sancti

Joánnis Confessoris exémplo in sciéntia sanctórum proficiéntes, atque áliis misericórdiam exhibéntes, ejus méritis indulgéntiam apud te consequámur. Per Dóminum.

Lectio Epistolæ beáti Jacóbi
Apóstoli.

Jac. 2. c.

SIC loquimini, et sic fácite, sicut per legem libertátis incipiéntes judicári: Judicium enim sine misericórdia illi, qui non fecit misericórdiam: superexáltat autem misericórdia judicium. Quid próderit, fratres mei, si fidem quis dicat se habére, ópera autem non hábeat? Numquid póterit fides salváre eum? Si autem frater et soror nudi sint, et indigeant victu quotidiano, dicat autem áliquis ex vobis illis: Ite in pace, calefacimini, et saturámini: non dedéritis autem eis, quæ necessária sunt corpore, quid próderit? Sic et fides, si non hábeat ópera, mórtua est in semetipsa.

Graduale. Psal. 106. Confiteántur Dómino misericórdiæ ejus; et mirabilia ejus filiis hóminum.

℣. Quia satiávit animam inánem, et animam esuriéntem satiávit bonis. Allelúia, allelúia.

℣. *Prov. 31.* Manum suam aperuit inopi, et pálmas suas exténdit ad páuperem. Allel.

Sequéntia sancti Evangélii secundùm Lucam.

Luc. 12.

In illo témpore: Dixit Jesus discipulis suis: Sint

lumbi vestri præcincti, et lucernæ ardentes in manibus vestris, et vos similes hominibus expectantibus dominum suum, quando revertatur à nuptiis: ut, cum venerit, et pulsaverit, confestim aperiant ei. Beati servi illi, quos, cum venerit dominus, invenerit vigilantes: amen dico vobis, quod præcinget se, et faciet illis discumbere, et transiens ministrabit illis. Et si venerit in secunda vigilia, et si in tertia vigilia venerit, et ita invenerit, beati sunt servi illi. Hoc autem scitote, quoniam si sciret paterfamilias quâ horâ fur veniret, vigilaret utique, et non sineret perferri domum suam. Et vos estote parati: quia quâ horâ non putatis, Filius hominis veniet.

Offertorium. Job. 29. Justitia indutus sum et vestivi me, sicut vestimento et diademate, iudicio meo: oculus fui cæco, et pes claudus; Pater eram pauperum.

Secreta.

HAS, quæsumus, Domine hostias sancti Joannis Confessoris tui meritis benignus assume, et presta: ut te super omnia, et omnes propter te diligentes, corde tibi et opere placeamus. Per Dominum.

Communio. Luc. 6. Date, et dabitur vobis: mensuram bonam, et conferam, et coagitatam, et supereffluentem dabunt in sinum vestrum.

Postcommunio.

PRETIOSI corporis et sanguinis tui, Domine, pasti

deliciis, tuam supplices deprecamur clementiam: ut sancti Joannis Confessoris tui meritis et exemplis, ejusdem charitatis imitatores effecti, consortes simus et gloriæ. Qui vivis et regnas cum Deo Patre.

Die xxi. Octobris.

S. HILARIONIS, Abbatis.

Missa. Os justi. de Communi Abbatum. xxiv.

Et fit commem. SS. Ursulæ et sociarum. Oratio.

DA nobis, quæsumus Domine Deus noster, sanctarum virginum et martyrum tuarum, Ursulæ et sociarum ejus, palmas incessabili devotione venerari; ut quas dignamente non possumus celebrare, humilibus saltem frequentemus obsequiis.

Tertia Oratio. A cunctis. 267.

Pro commem. SS. Ursulæ et sociarum. Secreta.

INTENDE, quæsumus Domine, manera altaribus tuis pro sanctarum virginum et martyrum tuarum, Ursulæ et sociarum ejus, festivitate propòsita: ut sicut per hæc beata mysteria illis gloriâ contulisti, ita nobis indulgentiam largiaris.

Alia Secreta. Exaudi. 268.

Pro sanctis Ursula et sociis.

Postcommunio.

PRÆSTA nobis, quæsumus, Domine, intercedentibus sanctis virginibus et martyribus tuis: ut quod ore contingimus, purâ mentemur.

Altera Postcommunio. Munded et múniat. 268.

Die xxv. Octobris.

SS. Martyrum CHRYSANTHI ET DARIAE.

Introitus. Psal. 78.

INTRET in conspéctu tuo, Dómine, gémitus compeditórum : redde vicínis nostris séptuplum in sinu eórum : vídica sánguinem sanctórum tuórum, qui effúsus est.

Psal. ibid. Deus venérunt Gentes in hæreditátem tuam, polluérunnt templum sanctum tuum : posuérunnt Jerúsalem in pomórum custódiam.

℟. Glória Patri.

Oratio.

BEATORUM mártýrum tuórum, Dómine, Chrysánthi et Dariae, quæsumus, adsit nobis orátio : ut quos venerámur obséquo, eórum píum júgiter experiámur auxiliúm. Per Dóminum nostrum.

Léctio Epístolæ beáti Pauli Apóstoli ad Corinthios.

2 Cor. 6.

FRATRES, Exhibeámus nosmetípsos sicut Dei ministros in multa paciéntia, in tribulatióibus, in necessitatibus, in angústiiis, in plagis, in carcéribus, in seditiÓibus, in labóribus, in vigiliis, in jejúnis, in castitate, in sciéntia, in longanimitate, in suavitate, in Spírítu sancto, in charitate non ficta, in verbo veritátis, in virtúte Dei, per arma justítiae à

dextris, et à sinistris : per glóriam, et ignobilitátem : per infámiam, et bonam famam : ut seductóres, et veráces : sicut qui ignóti, et cÓgniti : quasi moriéntes, et ecce vivimus : ut castigáti, et non mortificáti : quasi tristes, semper autem gaudéntes : sicut egéntes, multos autem locupletántes : tanquam nihil habéntes, et ómnia possidéntes.

Graduale. Exodi 15. Glórius Deus in sanctis suis : mirábilis in majestáte, fáciens prodigia. ℟. Déxtera tua, Dómine, glorificáta est in virtúte : déxtera manus tua confrégit inimicos. Allelúia, allelúia. ℟. *Eccli. 44.* Córpora sanctórum in pace sepúlta sunt : et nómina eórum vivent in generatiÓne et generatiÓnem. Allelúia.

Sequéntia sancti Evangélii secúndum Lucam.

Luc. 11. f.

IN illo témpore : Dicébat Jesus Scribis et Pharisæis : Væ vobis, qui ædificátis monuménta Prophetárum : patres autem vestri occidérunt illos. Proféctò testificámini, quòd consentitis opéribus patrum vestrórum : quóniam ipsi quidem eos occidérunt, vos autem ædificátis eórum sepulchra. Proptérea et sapiéntia Dei dixit : Mittam ad illos Prophétas et Apóstolos, et ex illis occident, et persequéntur, ut inquirátur sanguis ómnium Prophetárum, qui effúsus est à constitutiÓne mundi à generatiÓne ista, à sáanguine Abel, usque ad sangui-

nem Zachariæ, qui périit inter altäre et ædem. Ita dico vobis, requirétur ab hac generatióne.

Offertorium. Psal. 67. Mirabilis Deus in sanctis suis: Deus Israël ipse dabit virtútem, et fortitudinem plebi suæ: benedictus Deus, allelúia.

Secreta.

POPULI tui, quæsumus, Dómine, tibi grata sit hóstia: quæ in natalitiis sanctorum mártirum tuorum Chrysánthi et Daríæ solémniter immolétur. Per Dóminum.

Communio. Sap. 3. Et si coram homínibus torménta passi sunt, Deus tentávit eos: tamquam aurum in fornáce probávit eos, et quasi holocáusta accépit eos.

Postcommunio.

MYSTICIS, Dómine, repléti sumus votis et gáudiis: præsta quæsumus; ut intercessiónibus sanctorum mártirum tuorum Chrysánthi et Daríæ, quæ temporaliter ágimus, spirituáliter consequámur. Per Dóminum nostrum.

Die xxvi. Octobris.

S. EUARISTI Papæ et mártiris.

Missa. Státuit ei Dóminus. de Comuni unius Mart. Pontif. ii.

Die xxvii. Octobris.

IN VIGILIA SS. Apostolorum SIMONIS ET JUDÆ.

Introitus. Psal. 78.

INTRET in conspéctu tuo Dómine gémitus compeditó-

rum: redde vicinis nostris séptuplum in sinu eórum: víndica sánguinem sanctorum tuorum, qui effúsus est.

Psal. ibid. Deus venérunt Gentes in hæreditátem tuam, polluérent templum sanctum tuum: posuérent Jerúsalem in pomórum custódiam.

V. Glória Patri.

Oratio.

CONCEDE quæsumus, omnípotens Deus: ut sicut Apostolorum tuorum Simónis et Judæ gloriósa natalítia prævenímus; sic ad tua beneficia promerénda, majestátem tuam pro nobis ipsi præveniant. Per Dóminum nostrum.

Secunda Oratio de S. Maria, Concéde nos. Tertia, Ecclésiæ. Vel pro Papa. Deus ómnium fidélium. 236.

Léctio Epístolæ beáti Pauli Apóstoli ad Corínthios.

1 Cor. 4.

FRATRES, Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes mánibus nostris: maledicimur, et benedicimus: persecutióne pátimur, et sustinémus: blasphemámur, et obsecrámus: tamquam purgáménta hujus mundi facti sumus ómnium peripséma usque adhuc. Non ut confundam vos, hæc

scribo, sed ut filios meos charissimos moneo : in Christo Jesu Domino nostro.

Graduale. Psal. 78. Vindica Domine sanguinem sanctorum tuorum, qui effusus est. *V.* Posuerunt mortalia servorum tuorum, Domine, escas volatilibus cœli : carnes sanctorum tuorum bestiis terræ.

Sequentia sancti Evangelii secundum Joannem.

Joan. 15.

IN illo tempore : Dixit Jesus discipulis suis : Ego sum vitis vera : et Pater meus agricola est. Omnem palmitem in me non ferentem fructum, tollet eum : et omnem qui fert fructum, purgabit eum, ut fructum plus afferat. Jam vos mundi estis propter sermonem, quem locutus sum vobis. Manete in me : et ego in vobis. Sicut palmes non potest ferre fructum à semetipso, nisi manserit in vite : sic nec vos, nisi in me manseritis. Ego sum vitis, vos palmites : qui manet in me, et ego in eo, hic fert fructum multum : quia sine me nihil potestis facere. Si quis in me non manserit, mittetur foras sicut palmes, et aresecet, et colligent eum, et in ignem mittent, et ardet. Si manseritis in me, et verba mea in vobis manserint, quodcumque volueritis, petetis, et fiet vobis.

Offertorium. Psal. 149. Exultabunt sancti in gloria, lætabuntur in cubilibus suis ; exaltationes Dei in faucibus eorum.

Secreta.

MUNERIBUS nostris, Domine sanctorum Apostolorum tuorum Simonis et Judæ festa præcedimus, te suppliciter deprecantes : ut quæ conscientie nostræ præpediuntur obstaculis, illorum meritis grata reddantur. Per Dominum.

Secunda Secreta de S. Maria, Tua Domine. Tertia. Protege nos. Vel pro Papa, Oblatiis. 236.

Communio. Psal. 78. Posuerunt mortalia servorum tuorum, Domine, escas, volatilibus cœli : carnes sanctorum tuorum bestiis terræ : secundum magnitudinem brachii tui posside filios morte punitorum.

Postcommunio.

SUMPTO, Domine, sacramento, suppliciter deprecamur : ut intercedentibus beatis Apostolis tuis Simone et Juda, quod temporaliter gerimus, ad vitam capiamus æternam. Per Dominum.

Secunda Postcommunio de S. Maria, Sumptis Domine. Tertia, Quæsumus Domine. Vel pro Papa. Hæc nos, quæsumus Domine. 236.

Die xxviii. Octobris.

IN FESTO SS. APOSTOLORUM SIMONIS ET JUDÆ.

Introitus. Psal. 138.

MIHI autem nimis honorati sunt amici tui,

Deus: nimis confortatus est principatus eorum.

Psal. ibid. Dómine probasti me, et cognovisti me: tu cognovisti sessionem meam, et resurrectionem meam.

℣. Glória Patri.

Oratio.

DEUS, qui nos per beatos Apóstolos tuos Simónem et Judam, ad agnitionem tui nominis venire tribuisti: da nobis eorum gloriam sempiternam et proficiendo celebrare, et celebranda proficere. Per Dóminum.

Lectio Epístolæ beati Pauli Apóstoli ad Ephésios.

Ephes. 4.

FRATRES, Unicuique nostrum data est grátia secundum mensuram donationis Christi. Propter quod dicit: Ascendens in altum, captivam duxit captivitatem, dedit dona hominibus. Quod autem ascendit, quid est, nisi quia et descendit primum in inferiores partes terræ? Qui descendit, ipse est et qui ascendit super omnes cælos, ut impleret omnia. Et ipse dedit quosdam quidem Apóstolos, quosdam autem Prophétas, alios verò Evangelistas, alios autem pastores et doctores ad consummationem Sanctorum in opus ministerii, in ædificationem corporis Christi: donec occurramus omnes in unitatem fidei, et agnitionis Filii Dei, in virum perfectum, in mensuram ætatis plenitudinis Christi.

Graduale. Psal. 44. Constitues eos principes super om-

nem terram: memores erunt nominis tui, Dómine.

℣. Pro patribus tuis nati sunt tibi filii: propterea populi confitebuntur tibi. Alleluia, alleluia.

℣. *Psal. 138.* Nimis honorati sunt amici tui, Deus: nimis confortatus est principatus eorum. Alleluia.

Sequentia sancti Evangelii secundum Joannem.

Joan. 15.

IN illo tempore: Dixit Jesus discipulis suis: Hæc mando vobis, ut diligatis invicem. Si mundus vos odit, scitote, quia me priorem vobis odio habuit. Si de mundo fuissetis, mundus quod suum erat, diligeret: quia verò de mundo non estis, sed ego elégi vos de mundo, propterea odit vos mundus. Mementote sermonis mei, quem ego dixi vobis. Non est servus major domino suo. Si me persecuti sunt, et vos persequentur: si sermonem meum servaverunt, et vestrum servabunt. Sed hæc omnia facient vobis propter nomen meum: quia nesciunt eum, qui misit me. Si non venissem, et locutus fuisset eis, peccatum non haberent: nunc autem excusationem non habent de peccato suo. Qui me odit, et Patrem meum odit. Si ópera non fecissem in eis, quæ nemo alius fecit, peccatum non haberent: nunc autem et videntur, et oderunt et me, et Patrem meum. Sed ut adimpleatur sermo, qui in lege eorum scriptus est: Quia odio habuerunt me gratis. Credo

Offertorium. Ps. 18. In omnem terram exiit sonus eorum: et in fines orbis terræ verba eorum.

Secreta.

GLORIAM, Dómine, sanctorum Apostolorum tuorum Simónis et Judæ perpetuam venerantes, quæsumus: ut eam, sacris mystériis expiati, digniùs celebrémus. Per Dóminum.

Præfatio de Apostolis.

Communio. Matth. 19. Vos qui secuti estis me, sedebitis super sedes, iudicantes duodecim tribus Israël.

Postcommunio.

PERCEPTIS Dómine sacramentis, suppliciter exoramus: ut intercedentibus beatis Apóstolis tuis Simóne et Juda, quæ pro illorum veneranda gérimus passióne, nobis proficiant ad medélam. Per Dóminum.

Die xxxi. Octobris.

IN VIGILIA OMNIUM
SANCTORUM.

Introitus. Sap. 3.

JUDICANT Sancti Gentes, et dominántur pópulis: et regnabit Dóminus Deus illorum in perpétuum.

Psal. 32. Exultate justi in Dómino: rectos decet collaudatio.

Ÿ. Glória Patri.

Non dicitur Glória in excelsis.

Oratio.

DOMINE Deus noster, multiplica super nos grátiam tuam: et quorum præve-

nimus gloriósa solémnia, tribue súbsequi in sancta professione lætítiam. Per Dóminum.

De Spiritu sancto. Oratio.

DEUS, qui corda fidélium sancti Spíritus illustratióne docuisti: da nobis in eódem Spíritu recta sápere, et de ejus semper consolatióne gaudere.

Contra persecutores Ecclesiæ.

Oratio.

ECCLESIAE tuæ, quæsumus, Dómine, preces placátus admítte: ut destrúctis adversitatibus et erróribus univérsis, secúra tibi sérviat libertáte. Per Dóminum.

Vel pro Papa. Oratio.

DEUS ómnium fidélium pastor et rector, fámulum tuum *N.* quem pastórem Ecclesiæ tuæ præesse voluisti, propítius respice: da ei, quæsumus, verbo et exémplo, quibus præest, proficere; ut ad vitam, unà cum grege sibi crédito, perveniat sempitérnam. Per Dóminum nostrum.

Léctio libri Apocalypsis beati
Joánnis Apóstoli.

Apoc. 5.

IN diébus illis: Ecce ego Joánnes vidi in medio throni, et quátuor animalium, et in médio seniórum Agnum stantem tamquam occisum, habentem córnua septem, et óculos septem: qui sunt septem spíritus Dei, missi in omnem terram. Et venit, et accépit de dextera sedentis in throno librum. Et cùm aperuisset librum, quátuor animalia, et vi-

gintiquátuor senióres cecidérunt coram Agno, habéntes sínguli cítharas, et phíalas áureas, plenas odoraméntórum, quæ sunt oratiónes Sanctórum: et cantábant cánticum novum, dicéntes: Dignus es Dómine accíperere librum, et aperíre signácula ejus: quóniam occísus es, et redemísti nos Deo in sángine tuo ex omni tribu, et lingua, et pópulo, et natióne: et fecísti nos Deo nostro regnum, et sacerdotés; et regnábitis super terram. Et vidi, et audivi vocem Angelórum multórum in circúitu throni, et animálium, et seniórum, et erat númerus eórum míllia míllium, dicéntium voce magna: Dignus est Agnus, qui occísus est, accíperere virtútem, et divinitátem, et sapiéntiam, et fortitúdinem, et honórem, et glóriam, et benedictiónem, in sæcula sæculórum. Amen.

Graduale. Psal. 149. Exultábunt Sancti in glória, lætábuntur in cubilibus suis.

℣. Cantáte Dómino cánticum novum, laus ejus in Ecclésia Sanctórum.

Sequéntia sancti Evangélii secúndum Lucam.

Luc. 6. c.

IN illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima et Tyri, et Sidónis, qui vénerant ut audírent eum, et sanaréntur à languóribus suis. Et qui vexabántur à spirítibus

immúndis, curabántur. Et omnis turba quærébat eum tângere: quia virtus de illo exibat, et sanábat omnes. Et ipse elevátis oculis in discípuulos suos, dicébat: Beáti, paúperes: quia vestrúm est regnum Dei. Beáti, qui nunc esuritis: quia saturabimini. Beáti, qui nunc fletis: quia ridébitis. Beáti éritis cùm vos óderint hómines, et cùm separáverint vos, et exprobráverint, et ejécerint nomen vestrum tamquam malum, propter Filium hóminis. Gaudéte in illa die, et exultáte: ecce enim merces vestra multa est in cœlo.

Offertorium. Psal. 149. Exultábunt Sancti in glória, lætábuntur in cubilibus suis: exaltatiónes Dei in fáucibus eórum.

Secreta.

ALTAIRE tuum, Dómine, munéribus cumulámus oblátis: da quæsumus, ut ad salútem nostram, ómnium Sanctórum tuórum precatióne proficiánt, quorum solémnia ventúra præcúrrimus. Per Dóminum.

De Spiritu sancto. Secreta.

MUNERA, quæsumus Dómine, oblata sanctifica: et corda nostra sancti Spiritus illustratióne emúnda.

Contra persecutores Ecclesiæ.

Secreta.

PROTEGE nos, Dómine, tuis mystériis serviéntes: ut divínis rebus inhæréntes, et

corpore tibi famulémur et mente. Per Dóminum.

Vel pro Papa. Secreta.

OBLATIS, quæsumus Dómine, placáre munéribus: et famulum tuum *N.* quem pastórem Ecclésiæ tuæ præesse voluisti, assídua protectióne gubérna. Per Dóminum.

Communio. Sap. 3. Justórum animæ in manu Dei sunt, et non tanget illos tormentum malitiæ: visi sunt óculis insipientium mori: illi autem sunt in pace.

Postcommunio.

SACRAMENTIS, Dómine, et gáudiis optátæ celebritátis explétis, quæsumus; ut eórum précibus adjuvémur, quorum recordatióne exhibéntur. Per Dóminum.

De Spiritu Sancto. Postcomm.

SANCTI Spíritus, Dómine, cordá nostra mundet infúsis: et sui roris íntima aspersione fœcúndet.

Contra persecutores Ecclesiæ.

Postcommunio.

QUÆSUMUS Dómine Deus noster: ut quos divina tribuis participatióne gaudere, humanis non sinas subiacere periculis. Per Dóminum.

Vel pro Papa. Postcomm.

HÆC nos, quæsumus Dómine, divini sacraménti percéptio próteget: et famulum tuum *N.* quem pastórem Ecclésiæ tuæ præesse voluisti, uná cum commisso sibi grege salvet semper, et múniat. Per Dóminum nostrum.

FESTA NOVEMBRIS.

DIE I. NOVEMBRIS.

IN FESTO

OMNIUM SANCTORUM.

Introitus.

GAUDEAMUS omnes in Dómino, diem festum celebrántes sub honóre Sanctórum ómnium: de quorum solemnitate gaudent Angeli, et collaudant Filium Dei.

Psal. 32. Exultáte justi in Dómino: rectos decet collaudatio.

V. Glória Patri.

Oratio.

OMNIPOTENS sempitérne Deus, qui nos ómnium Sanctórum tuórum mérita sub una tribuísti celebritáte venerári: quæsumus, ut desiderátam nobis tuæ propitiatiónis abundántiam, multiplicátis intercessóribus largiáris. Per Dóminum.

Lectio libri Apocalypsis beáti Joánnis Apóstoli.

Apoc. 7.

IN diébus illis: Ecce ego Joánnes vidi álterum Angelum ascéndentem ab ortu solis, habéntem signum Dei vivi: et clamávit voce magna quátuor Angélis, quibus datum est nocére terræ et mari, dicens: Nolíte nocére terræ et mari, neque arbóribus, quoadúsque signémus servos Dei nostri in fróntibus eórum. Et

audivi número signatórum, centum quadraginta quátuor millia signáti, ex omni tribu filiórum Israél. Ex tribu Juda duódecim millia signáti. Ex tribu Ruben duódecim millia signáti. Ex tribu Gad duódecim millia signáti. Ex tribu Aser duódecim millia signáti. Ex tribu Néphthali duódecim millia signáti. Ex tribu Manásse duódecim millia signáti. Ex tribu Símeon duódecim millia signáti. Ex tribu Levi duódecim millia signáti. Ex tribu Issachar duódecim millia signáti. Ex tribu Zabulon duódecim millia signáti. Ex tribu Jóseph duódecim millia signáti. Ex tribu Bénéjamin duódecim millia signáti. Post hæc vidi turbam magnam, quam dinumeráre nemo póterat ex ómnibus géntibus, et tribubus, et pópulis, et linguis stantes ante thronum, et in conspéctu Agni, amícti stolis albis, et palmæ in mánibus eórum: et clamábant voce magna, dicétes: Salus Deo nostro, qui sedet super thronum, et Agno. Et omnes Angeli stabant in circúitu throni, et seniórum, et quátuor animálium, et cecidérunt in conspéctu throni in facies suas et adoravérunt Deum, dicétes, Amen. Benedictio, et cláritas, et sapiéntia, et gratiá-

rum actio, honor, et virtus, et fortitudo Deo nostro, in sæcula sæculorum, Amen.

Graduale. Psal. 33. Timete Dóminum omnes sancti ejus : quóniam nihil deest timéntibus eum.

℣. Inquiréntes autem Dóminum, non deficient omni bono. Allelúia, allelúia.

℣. *Matth. 11.* Veníte ad me omnes, qui laborátis, et oneráti estis : et ego reficiam vos. Allelúia.

Sequéntia sancti Evangélii secúndum Matthæum.

Matth. 5.

IN illo témpore : Videns Jesus turbas, ascéndit in montem, et cum sedisset, accesserunt ad eum discipuli ejus, et apériens os suum, docébat eos, dicens : Beáti páuperes spíritu : quóniam ipsórum est regnum cœlórum. Beáti mites, quóniam ipsi possidébunt terram. Beáti, qui lugent : quóniam ipsi consolabúntur. Beáti, qui esúriunt et sítiunt justítiam : quóniam ipsi saturabúntur. Beáti misericórdes : quóniam ipsi misericórdiam consequéntur. Beáti mundo corde : quóniam ipsi Deum vidébunt. Beáti pacifici : quóniam filii Dei vocabúntur. Beáti, qui persecutiónem patiúntur propter justítiam : quóniam ipsórum est regnum cœlórum. Beáti estis cum maledíxerint vobis, et persecúti vos fúerint, et dixerint omne malum advérsum vos, mentiéntes, propter me : gaudéte, et exultáte, quóniam

merces vestra copiósa est in cœlis. Credo.

Offertorium. Sap. 3. Justórum animæ in manu Dei sunt, et non tanget illos torméntum malítie : visi sunt óculis insipientium mori : illi autem sunt in pace.

Secreta.

MUNERA tibi, Dómine, nostræ devotiónis offerimus : quæ et pro cunctórum tibi grata sint honóre justórum, et nobis salutária, te miseránte, reddántur. Per Dóminum.

Communio. Matth. 5. Beáti mundo corde, quóniam ipsi Deum vidébunt : beáti pacifici, quóniam filii Dei vocabúntur : beáti qui persecutió-nem patiúntur propter justítiam, quóniam ipsórum est regnum cœlórum.

Postcommunio.

DA, quæsumus, Dómine, fidélibus pópulis, ómnium Sanctórum semper veneratióne lætári, et eórum perpétua supplicatióne muníri. Per Dóminum.

¶ *Infra Octavam, Missa dicitur sicut in die Festi : Oratio secunda de Spiritu Sancto.* Deus, qui corda. *tertia, Ecclésiæ. vel pro Papa, Deus ómnium fidélium. ut suprd. 236.*

Et dicitur. Credo.

Die ii. Novembris.

¶ *Secunda die fit Commem. omnium fidelium Defunctorum : et dicitur Missa, Réquiem ætérnam. quæ est prima pro Defunctis, circa finem Missalis.*

Die iv. Novembris.

IN FESTO S. CAROLI

Episcopi et Confessoris.

Introitus. Eccli. 45.

STATUIT ei Dóminus testaméntum pacis, et principem fecit eum: ut sit illi sacerdotií dignitas in ætérnum.

Psal. 131. Meménto Dómine David, et omnis mansuetúdinis ejus.

∞. Glória Patri.

Oratio.

ECCELSIAM tuam, Dómine, sancti Cároli Confessoris tui atque Pontíficis contínua protectióne custódi: ut sicut illum Pastoralis sollicitúdo glóriosum réddidit; ita nos ejus intercessió in tuo semper faciat amóre fervéntes. Per Dóminum.

De Octava Omnium Sanctorum.

Oratio.

OMNIPOTENS sempitérne Deus, qui nos ómnium Sanctórum tuórum mérita sub una tribuísti celebritáte venerári: quæsumus, ut desideráram nobis tuæ propitiatiónis abundantiam, multiplicátis intercessóribus largiáris.

Pro commem. SS. Vitalis et Agricolæ mart.

Oratio.

PRÆSTA quæsumus omnipotens Deus: ut qui sanctórum mártýrum tuórum Vitalis et Agricolæ solémnia cólimus, eórum apud te intercessiónibus adjuvémur. Per Dóminum nostrum.

Lectio libri Sapiéntiæ.

Eccli. 44. d.

ECCE sacerdos magnus, qui in diébus suis placuit Deo, et invéntus est justus, et in

témpore iracúndiæ factus est reconciliatio. Non est invéntus similis illi, qui conservávit legem Excélsi. Ideò jurejurándo fecit illum Dóminus créscere in plebem suam: Benedictiónem ómnium Géntium dedit illi, et testaméntum suum confirmávit super caput ejus. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi coronam glóriæ. Státuit illi testaméntum ætérnum: et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsíus, et offerre illi incensum dignum in odórem suavitátis.

Graduale. Eccli. 44. Ecce sacerdos magnus, qui in diébus suis placuit Deo. ∞. Non est invéntus similis illi, qui conserváret legem Excélsi. Allelúia, allelúia.

∞. *Psal. 109.* Tu es sacerdos in ætérnum secúndum órđinem Melchisedech. Allelúia.

Sequéntia sancti Evangélii secúndum Matthæum.

Matth. 25.

IN illo témpore: Dixit Jesus discipulis suis parabolam hanc: Homo pégre proficiscens, vocávit servos suos, et trádidit illis bona sua. Et uni dedit quinque talénta, álii autem duo, álii verò unum, unicuique secúndum própriam virtútem, et proféctus est statim. Abiit autem qui quinque talénta accéperat, et operatus est in eis, et lucrátus est ália

quinque. Similiter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniám dómini sui. Post multum verò témporis venit dóminus servórum illórum, et pósuit ratiónem cum eis. Et accédens qui quinque talénta accéperat, obtulit ália quinque talénta, dicens : Dómine, quinque talénta tradidisti mihi, ecce ália quinque superlucrátus sum. Ait illi dóminus ejus : Euge serve bone et fidélis, quia super pauca fuisti fidélis, super multa te constituam, intra in gáudium dómini tui. Accessit autem et qui duo talénta accéperat, et ait : Dómine, duo talénta tradidisti mihi, ecce ália duo lucrátus sum. Ait illi dóminus ejus : Euge serve bone et fidélis, quia super pauca fuisti fidélis, super multa te constituam, intra in gáudium dómini tui. Credo.

Graduale. Ps. 88. Inveni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

SANCTI tui, quæsumus, Dómine, nos ubique lætíficent : ut dum eórum mérita recólimus, patrocínia sentiámus. Per Dóminum.

Pro Octav. Omnium Sanctorum.

Secreta.

MUNERA tibi, Dómine, nostræ devotiónis offérimus : quæ et pro cunctórum tibi grata sint honóre justórum, et nobis salutária, te miseránte, reddántur.

Pro SS. mart. Vitale, et Agricola. Secreta.

OBLATIS, quæsumus, Dómine, placáre munéribus : et intercedéntibus sanctis martyribus tuis Vitále et Agricola, à cunctis nos defénde periculis. Per Dóminum.

Communio. Luc. 12. Fidélis servus et prudens, quem constituit dóminus super familiam suam : ut det illis in témpore tritici mensúram.

Postcommunio.

PRÆSTA, quæsumus, omnipotens Deus : ut de perceptis munéribus grátias exhibéntes, intercedénte beáto Cárolo Confessóre tuo atque Pontífice, beneficia potióra sumámus. Per Dóminum.

Pro Oct. Omnium Sanctorum.

Postcommunio.

DA, quæsumus, Dómine, fidélibus pópulis, ómnium Sanctórum semper veneratióne lætári, et eórum perpétua supplicatióne muníri.

Pro SS. mart. Vitale, et Agricola. Postcommunio.

HÆC nos commúnio, Dómine, purget a crimine : et intercedéntibus sanctis martyribus tuis Vitále et Agricola, cœléstis remédii fáciat esse consórtes. Per Dóminum.

Die viii. Novembris.

¶ **I**N OCT. OMNIUM SANCTORUM, dicitur *Missa sicut in die, cum commemor. SS. Martyr. Quatuor Coronatorum.*

Oratio.

PRÆSTA, quæsumus, omnipotens Deus : ut qui glo-

riosos mártýres fortes in sua confessióne cognóvimus, pios apud te in nostra intercessióne sentiámus. Per Dóminum.

Secreta.

BENEDICTIO tua, Dómine, larga descéndat: quæ et múnera nostra, deprecántibus sanctis Martyribus tuis, tibi reddat accépta, et nobis sacraméntum redemptiónis efficiat. Per Dóminum.

Postcommunio.

CŒLESTIBUS refécti sacraméntis et gáudiis, súpplices te, Dómine, deprecámur: ut quorum gloriámur triúmphis, protegámur auxiliis. Per Dóminum.

Die ix. Novembris.

IN DEDICATIONE BASILICÆ SALVATORIS.

Missa. Terribilis est locus. *de Communi Dedicationis Ecclesiæ, xxxiv.*

Pro commem. Theodori martyris.

Oratio.

DEUS, qui nos beáti Theodóri mártýris tui confessióne gloriósa circúmdas et prótegis: præsta nobis ex ejus imitatione proficere, et oratione fulciri. Per Dóminum nostrum.

Pro commem. S. Theodori.

Secreta.

SUSCIPE Dómine fidélium preces cum oblationibus hostiarum: et intercedente beáto Theodóro mártýre tuo, per hæc piæ devotiõnis officia, ad cœlestem glóriam transeámus. Per Dóminum nostrum.

Pro commem. S. Theodori.

Postcommunio.

PRÆSTA nobis, quæsumus Dómine, intercedente beáto Theodóro mártýre tuo: ut quod ore contingimus, pure mente capiámus. Per Dóminum nostrum Jesum Christum Filium tuum.

Die x. Novembris.

IN FESTO S. ANDREÆ
Avellini, Confessoris.

Missa. Os justi. *de Communi Conf. non Pont. xxii. præter Orationem seq.*

Oratio.

DEUS, qui in corde beáti Andréæ Confessoris tui per árduum quotidie in virtutibus proficiendi votum admirábiles ad te ascensiones disposuisti: concéde nobis ipsius méritis, et intercessióne, ita ejúsdem grátiae partícipes fieri, ut perfectiõra semper exequentes, ad glóriæ tuæ fastigium feliciter perducámur. Per Dóminum.

Et fit commemor. SS. mart. Tryphonis, et sociorum, cum Orationibus sequentibus.

Oratio.

FAC nos, quæsumus Dómine, sanctorum mártýrum tuorum Tryphónis, Respicii, et Nymphæ semper festa sectári: quorum suffrágiis, protectiõnis tuæ dona sentiámus. Per Dóminum nostrum.

Secreta.

MUNERA tibi, Dómine, nostræ devotiõnis offerimus: quæ et pro tuorum tibi grata sint honóre justorum; et nobis salutária, te miserante, reddántur. Per Dóminum.

Postcommunio.

PRÆSTA nobis, quæsumus, Dómine, intercedéntibus sanctis martyribus tuis Tryphóne, Respício, et Nympha : ut quod ore contingimus, pura mente capiámus. Per Dóminum nostrum.

Die xi. Novembris.

IN FESTO S. MARTINI
Episcopi et Confessoris.

Introitus. Eccli. 45.

STATUIT ei Dóminus testaméntum pacis, et principem fecit eum : ut sit illi sacerdotii dignitas in ætérnum.

Psal. 131. Meménto Dómine David, et omnis mansuetudinis ejus.

℣. Glória Patri.

Oratio.

DEUS, qui cónspicis, quia ex nulla nostra virtúte subsistimus : concéde propítius ; ut intercessióne beáti Martíni Confessoris tui atque Pontíficis, contra ómnia adversa muniámur. Per Dóminum nostrum.

Pro S. Menna. Oratio.

PRÆSTA, quæsumus, omnipotens Deus : ut qui beáti Mennæ mártiris tui natalítia cólimus, intercessióne ejus tui nóminis amóre roborémur. Per Dóminum.

Léctio libri Sapiéntiæ.

Eccli. 44. d.

ECCE sacerdos magnus, qui in diébus suis placuit Deo, et invéntus est justus,

et in témpore iracúndiæ factus est reconciliáto. Non est invéntus símilis illi, qui conservávit legem Excélsi. Ideo jurejurándo fecit illum Dóminus créscere in plebem suam. Benedictiónem ómnium Géntium dedit illi, et testaméntum suum confirmávit super caput ejus. Agnovit eum in benedictiónibus suis : conservávit illi misericórdiam suam : et invénit grátiam coram óculis Dómini. Magnificávit eum in conspéctu regum : et dedit illi corónam glóriæ. Státuit illi testaméntum ætérnum : et dedit illi sacerdotium magnum : et beatificávit illum in glória. Fungi sacerdotio, et habére laudem in nómine ipsius, et offerre illi incénsus dignum in odórem suavitátis.

Graduale. Eccli. 44. Ecce sacerdos magnus, qui in diébus suis placuit Deo. ℣. Non est invéntus símilis illi, qui conserváret legem Excélsi.

Allelúia, allelúia.

℣. Beátus vir sanctus Martinus, urbis Turónis Episcopus, requiévit : quem suscepérunt Angeli atque Archángeli, Throni, Dominatiónes, et Virtútes. Allelúia.

Sequéntia sancti Evangélii secúndum Lucam.

Luc. 6. c.

IN illo témpore : Dixit Jesus discipulis suis : Nemo lucérnam accéndit, et in abscondito : ponit, neque sub módio : sed supra candelábrum, ut qui ingrediúntur lumen vídeant. Lucérna corpóris tui, est óculus tuus. Si óculus tuus fúerit simplex, totum corpus tuum lícidum

erit: si autem nequam fuerit, etiam corpus tuum tenebrósum erit. Vide ergo ne lumen quod in te est, tenebræ sint. Si ergo corpus tuum totum lúcidum fuerit, non habens aliquam partem tenebrarum, erit lúcidum totum, et sicut lucerna fulgóris illuminábit te.

Offertorium. Psal. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

DA, miséricors Deus: ut hæc nos salutáris oblátio, et à propriis reátibus indesinenter expédiat, et ab ómnibus tueatur advérsis. Per Dóminum nostrum.

¶ *Si Festum S. Martini inciderit in Dominicam xxii. post Pentecosten, debet mutari Secreta Dominicæ, quia est eadem cum Secreta S. Martini, et sumi debet Secreta Dominicæ xxiii. sequentis, nempe, Pro nostræ servitútis, &c.*

Pro S. Menna mart.

Secreta.

MUNERIBUS nostris, quæsumus, Dómine, prohibéscas: et cœlestibus nos munda mystériis, et cleméner exáudi. Per Dóminum nostrum.

Communio. Matth. 24. Beatus servus, quem, cum vénerit dóminus, invénerit vigilántem: amen dico vobis, super ómnia bona sua constituet eum.

Postcommunio.

PRÆSTA, quæsumus, Dómine Deus noster: ut quorum festivitáte votíva sunt sa-

craménta, eórum intercessióne salutária nobis reddántur. Per Dóminum.

Pro S. Menna mart.

Postcommunio.

DA, quæsumus, Dómine Deus noster: ut sicut tuórum commemoratióne Sanc-tórum, temporáli gratulamur officio, ita perpétuo lætémur aspectu. Per Dóminum.

Die xii. Novembris.

IN FESTO S. MARTINI
Papæ et martyris.

Introitus. Dan. 3.

SACERDOTES Dei benedicite Dóminum: sancti et húmiles corde laudáte Deum.

Dan. ibid. Benedicite ómnia ópera Dómini Dómino: laudáte et superexaltáte eum in sæcula.

V. Glória Patri.

Oratio.

DEUS, qui nos beáti Martini mártiris tui atque Pontificis ánnua solemnitate lætificas: concéde propítius; ut cujus natalítia cólimus, de ejúsdem etiam protectióne gaudeámus. Per Dóminum.

Léctio Epístolæ beáti Petri Apóstoli.

1 Pet. 4.

CHARISSIMI, Communicántes Christi passió-nibus, gaudéte, ut et in revelatióne glóriæ ejus gaudeátis exultántes. Si exprobrámini in nómine Christi, beáti éritis; quóniam quod est honóris, gló-

riæ, et virtutis Dei, et qui est ejus Spîritus, super vos requiescit. Nemo autem vestram patiatur ut homicida, aut fur, aut malêdicus, aut alienorûm appetitor. Si autem ut Christianus, non erubescat : glorificet autem Deum in isto nomine. Quoniam tempus est, ut incipiat judicium à domo Dei. Si autem primum à nobis : quis finis eorûm, qui non credunt Dei Evangêlio ? Et si justus vix salvabitur, impius et peccator ubi parêbunt ? Itaque et hi, qui patiuntur secundum voluntatem Dei, fideli Creatori commendent animas suas in benefactis.

Graduale. Psal. 8. Glória et honore coronasti eum. *V.* Et constituisti eum super opera manuum tuarum Dómine.

Allelúia, allelúia.

V. Hic est sacerdos, quem coronavit Dóminus. Allelúia.

Sequéntia sancti Evangêlii secundum Lucam.

Luc. 14. c.

IN illo tempore : Dixit Jesus turbis : Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et qui non bajulat crucem suam, et venit post me, non potest meus esse discipulus. Quis enim ex vobis volens turrim ædificâre, non prius sedens computat sumptus, qui necessarij sunt, si habeat ad perficiendum : ne, posteaquam posuerit fundamentum, et non potuerit perficere, omnes qui

vident, incipiant illudere ei, dicentes : Quia hic homo cœpit ædificâre, et non potuit consummare ? Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se ? alioquin adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renuntiat omnibus quæ possidet, non potest meus esse discipulus.

Offertorium. Psal. 88. Inveni David servum meum, oleo sancto meo unxi eum : manus enim mea auxiliabitur ei, et brachium meum confortabit eum.

Secreta.

MUNERA tibi, Dómine, dicata sanctifica : et intercedente beato Martino martyre tuo atque Pontifice, per eadem nos placatus intende. Per Dóminum.

Communio. Psal. 20. Posuisti Dómine in capite ejus coronam de lapide pretioso.

Postcommunio.

HÆC nos commúnio, Domine, purget à crimine : et intercedente beato Martino martyre tuo atque Pontifice, cœlestis remédii faciat esse consortes. Per Dóminum.

Die xiii. Novembris.

IN FESTO S. DIDACI
Confessoris.

Missa. Justus ut palma florebit. ut in Communi Confess. non Pontif. xxiii.

Oratio.

OMNIPOTENS sempitérne Deus, qui dispositióne mirábili infirma mundi éligis: ut fórtia quæque confúndas: concède propítius humilitáti nostræ; ut piis beáti Didaci Confessóris tui précibus, ad perénnem in cœlis glóriam sublimári mereámur. Per Dóminum.

Die xv. Novembris.

IN FESTO S. GERTRUDIS
virginis.

Missa. Dillexisti justítiam.
de Communi Virginum. xxix.
præter Orationem sequentem.

Oratio.

DEUS, qui in corde beátæ Gertrúdis vírginis jucúndam tibi mansiónem præparásti: ipsius méritis et intercessióne cordis nostri máculas cleménter abstérge; et ejusdem tribue gaudére consórtio. Per Dóminum.

Die xvii. Novembris.

IN FESTO S. GREGORII
Thaumaturgi Ep. et Conf.

Introitus. Eccli. 45.

STATUIT ei Dóminus testaméntum pacis, et príncipem fecit eum: ut sit illi sacerdotií dignitas in ætérnum. *Psal. 131.* Meménto, Dómine, David, et omnis mansuetúdinis ejus.

℣. Glória Patri.

Oratio.

DA, quæsumus omnípotens Deus: ut beáti Gregórii Confessóris tui, atque Pontíficis veneránda solémni-

tas, et devotióne nobis áugeat, et salútem. Per Dóminum.

Lectio libri Sapientíæ.

Eccli. 44. d.

ECCE sacerdos magnus, qui in diébus suis plácuít Deo, et invéntus est justus, et in témpore iracúndiæ factus est reconciliátio. Non est invéntus similis illi, qui conservávit legem Excélsi. Ideò jurejurándo fecit illum Dóminus crescere in plebem suam. Benedictiónem ómnium Géntium dedit illi, et testaméntum suum confirmávit super caput ejus. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi coronam glóriæ. Státuit illi testaméntum ætérnum: et dedit illi sacerdotiú magnum: et beatificávit illum in glória. Fungi sacerdoti, et habére laudem in nómine ipsius, et offerre illi incensum dignum in odórem suavitátis.

Graduale. Eccli. 44. Ecce sacerdos magnus, qui in diébus suis plácuít Deo. ℣. Non est invéntus similis illi, qui conserváret legem Excélsi.

Allelúia, allelúia.

℣. *Psal. 109.* Tu es sacerdos in ætéraum, secúndum ór-dinem Melchisedech. Allel.

Sequéntia sancti Evangélii secúndum Marcum.

Marc. 11.

IN illo témpore: Respóndens Jesus discipulis suis,

ait illis : Habéte fidem Dei. Amen dico vobis, quia quicumque dixerit huic monti : Tóllere, et mittere in mare ; et non hæsitaverit in corde suo, sed crediderit, quia quodcumque dixerit, fiat, fiet ei. Propterea dico vobis : ómnia quæcumque orántes pétitis, créдите quia accipiétis, et evénient vobis.

Offertorium. Psalm. 88. Inveni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

SANCTI tui, quæsumus, Dómine, nos ubique lætificent : ut dum eórum mérita recólimus, patrocínia sentiámus. Per Dóminum.

Communio. Luc. 12. Fidélis servus et prudens, quem constituit dóminus super familiam suam : ut det illis in témpore trítici mensúram.

Postcommunio.

PRÆSTA, quæsumus, omnipotens Deus : ut de perceptis munéribus grátias exhibéntes, intercedénte beáto Gregório Confessóre tuo atque Pontífice, beneficia potióra sumámus. Per Dóminum nostrum.

Die xviii. Novembris.

IN DEDICATIONE BASILICARUM SS. APOSTOLORUM PETRI ET PAULI.

Missa. Terríbilis est locus iste. *de Communi Dedicat. Ecclesie, ut infrà. xxxiv.* Et dicitur Credo.

Die xix. Novembris.

IN FESTO S. ELISABETH
Reginæ Hungariæ Viduæ.

Missa. Cognóvi de Communi nec Virg. nec Mart. xxxii.

Oratio.

TUORUM corda fidélium Deus míserátor illústra, et beátæ Elisabeth précibus gloriósis fac nos próspéra mundi despícere, et cœlesti semper consolatióne gaudére. Per Dóminum.

Pro Commem. S. Pontiani.

Oratio.

INFIRMITATEM nostram respice omnipotens Deus : et quia pondus própriæ actionis gravat, beáti Pontiani mártiris tui atque Pontíficis, intercessio gloriósa nos protégat. Per Dóminum.

Secreta.

HOSTIAS tibi, Dómine, beáti Pontiani mártiris tui atque Pontíficis dicátas méritis, benignus assume : et ad perpétuum nobis tribue provenire subsidium. Per Dóminum nostrum.

Postcommunio.

REFACTI participatióne Dómine Deus noster : ut, cujus exequimur cultum, intercedénte beáto Pontiano mártire tuo atque Pontífice sentiámus effectum. Per Dóminum.

Die xx. Novembris.

IN FESTO S. FELICIS de
Valois Confessoris.

Missa. Justus ut palma. *de Communi Confess. non Pontif. xxiii. præter Orationem sequentem.*

Oratio.

DEUS, qui beátum Felicem Confessórem tuum ex erémo ad munus rediméndi captivos cœlitis vocáre dignátus es: præsta, quæsumus, ut per grátiam tuam ex peccatórum nostrórum captivitate, ejus intercessióne liberáti, ad cœlestem pátriam perducámur. Per Dóminum nostrum.

Die xxi. Novembris.

IN FESTO PRÆSENTATIONIS BEATÆ MARIÆ Virginis.

Introitus. Sedulius.

SALVE sancta parens, eníxa puérpera Regem: qui cœlum terrámque regit in sæcula sæculórum.

Psal. 44. Eructávit cor meum verbum bonum: dico ego ópera mea regi.

℣. Glória Patri.

Oratio.

DEUS, qui beátam Mariam semper vírginem, Spíritus sancti habitáculum, hodiérna die in templo præsentári voluísti: præsta quæsumus; ut ejus intercessióne, in templo glóriæ tuæ præsentári mereámur. Per Dóminum nostrum . . . in unitáte ejúsdem Spíritus sancti Deus.

Léctio libri Sapiéntiæ.

Eccli. 24.

AB iníto, et ante sæcula créata sum, et usque ad futúrum sæculum non désinam, et in habitatióne sancta coram ipso ministrávi. Et sic in Sion firmáta sum, et in ci-

vitáte sanctificáta similiter requiévi, et in Jerúsalem potestas mea. Et radicávi in pópulo honorificáto, et in parte Dei mei hæréditas illius, et in plenitúdine Sanctórum deténtio mea.

Graduale. Benedícta et venerábilis es virgo María, quæ sine tactu pudóris, invénta es Mater Salvatóris. ℣. Virgo Dei génitrix, quem totus non capit orbis, in tua se clausit víscera factus homo. Allelúia, allelúia.

℣. Post partum, Virgo, invioláta permansísti, Dei Génitrix intercède pro nobis. Allelúia.

Sequéntia sancti Evangéllii secúndum Lucam.

Luc. 11.

IN illo témpore: Loquente Jesu ad turbas, extóllens vocem quædam múlier de turba, dixit illi: Beátus venter, qui te portávit: et úbera, quæ suxísti. At ille dixit: Quinimò, beáti qui áudiunt verbum Dei, et custódiunt illud. Credo.

Offertorium. Luc. 1. Ave María, grátia plena, Dóminus tecum: Benedícta tu in mulieribus, et benedictus fructus ventris tui.

Secreta.

TUA, Dómine, propitiatióne, et beátæ Mariæ semper vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Præfatio de B. Maria. Et te in Præsentatióne.

Communio. Beata viscera Mariæ virginis, quæ portaverunt æterni Patris Filium.

Postcommunio.

SUMPTIS, Dómine, salutis nostræ subsidiis: da quæsumus, beatæ Mariæ semper virginis patrociniis nos ubique protégi; in cujus veneratióne hæc tuæ obtulimus majestati. Per Dóminum.

Die xxii. Novembris.

IN FESTO S. CÆCILIAE
Virginis et Martyris.

Introitus. Psal. 118.

LOQUEBAR de testimoniis tuis in conspectu regum, et non confundébar: et meditábar in mandátis tuis, quæ diléxi nimis.

Psal. ibid. Beati immaculati in via, qui ambulat in lege Dómini.

V. Glória Patri.

Oratio.

DEUS, qui nos ánnua beatæ Cæciliæ virginis et mártiris tuæ solemnitate lætificas: da, ut quam venerámur officio, étiam piæ conversatiónis sequámur exémplo. Per Dóminum.

Lectio libri Sapientiaæ.

Eccli. 51. b.

DOMINE Deus meus, exaltásti super terram habitatiónem meam, et pro morte defluente deprecáta sum. Invocávi Dóminum Patrem Dómini mei, ut non derelinquat me in die tribulatiónis meæ, et in tempore superbórum sine adjutório. Laudábo nomen tuum assiduè et collaudábo illud in confessiόne, et

exaudita est oratio mea. Et liberásti me de perditióne, et eripuísti me de tempore iníquo. Propterea confitébor, et laudem dicam tibi, Dóminus Deus noster.

Graduale. Psal. 44. Audi filia, et vide, et inclina aurem tuam: quia concupivit rex speciem tuam. *V.* Specie tua, et pulchritudine tua intende, prospere procede, et regna.

Alleluia, alleluia.

V. Matth. 25. Quinque prudentes virgines acceperunt oleum in vasis suis cum lampadibus: media autem nocte clamor factus est: Ecce sponsus venit, exite obviam Christo Dómino. Alleluia.

Sequentia sancti Evangelii secundum Matthæum.

Matth. 25.

IN illo tempore: Dixit Jesus discipulis suis parabolam hanc: Simile erit regnum cælorum decem virginibus: quæ accipientes lampades suas, exierunt obviam sponso et sponsæ. Quinque autem ex eis erant fatuæ, et quinque prudentes: sed quinque fatuæ accepit lampadibus, non sumpsérunt oleum secum: prudentes vero acceperunt oleum in vasis suis cum lampadibus: Moram autem faciente sponso, dormitaverunt omnes, et dormierunt. Media autem nocte clamor factus est: Ecce sponsus venit: exite obviam ei. Tunc surrexerunt omnes virgines illæ, et ornaverunt lampades suas. Fatuæ autem sapientibus dixerunt: Date nobis de oleo vestro, quia lampades nostræ extinguuntur. Respon-

dérunt prudentes, dicentes : Ne fortè non sufficiat nobis et vobis, ite potiùs ad vendentes, et émite vobis. Dum autem irent émere, venit sponsus : et quæ paratæ erant, intravérunt cum eo ad nuptias, et clausa est janua. Novíssimè verò véniunt et reliquæ vírgines, dicentes : Dómine, Dómine, áperi nobis. At ille respóndens, ait : Amen dico vobis, nescio vos. Vigiláte itaque, quia nescitis diem, neque horam.

Offertorium. Psal. 44. Afférentur Regi vírgines post eam : próximæ ejus afferéntur tibi in lætítia, et exultatióne : adducéntur in templum Regi Dómino.

Secreta.

HÆC hóstia, Dómine, placatiónis et laudis, quæsumus, ut intercedente beata Cæcília vírgine et mártire tua, nos propitiatióne tua dignos semper efficiat. Per Dóminum.

Communio. Psal. 118. Confundántur superbi, quia iníustè iniquitatem fecerunt in me : ego autem in mandátis tuis exercébor, in tuis justificatióne, ut non confundar.

Postcommunio.

SATIASTI Dómine famíliam tuam munéribus sacris : ejus, quæsumus, semper interventióne nos réfove, cujus solémnia celebrámus. Per Dóminum nostrum.

Die xxiii. Novembris.

IN FESTO S. CLEMEN-
TIS Papæ et martyris.

Introitus. Ex Is. 56. et 57.

DICIT Dóminus : Sermónes mei, quos dedi in os

tuum, non deficient de ore tuo : et múnera tua accépta erunt super altáre meum.

Psal. 111. Beátus vir, qui timet Dóminum : in mandátis ejus cupit nimis.

¶ Glória Patri.

Oratio.

DEUS, qui nos ánnua be-
áti Cleméntis mártiris tui atque Pontificis sollemnitate lætíficas : concede propítius, ut cujus natalítia cólimus, virtútem quoque passiónis imitémur. Per Dóminum.

Pro commem. S. Felicitatis mart.

Oratio.

PRÆSTA, quæsumus, omnípotens Deus, ut beata Felicitátis mártiris tuæ solémnia recensentes, méritis ipsíus protegámur et précibus.

Tertia Oratio. A cunctis nos. 267.

Léctio Epístolæ beáti Pauli Apóstoli ad Philippénes.

Phil. 3. d.

FRATRES, Imitatóres mei estóte, et observáte eos, qui ita ámbulant, sicut habétis formam nostram. Multi enim ámbulant, quos sæpè dicébam vobis (nunc autem et flens dico) inimícos crucis Christi : quorum finis intéritus, quórum Deus venter est : et glória in confusióne ipsórum, qui terréna sapiunt. Nostra autem conversatió in cœlis est : unde étiam Salvatórem expectámus Dóminum nostrum Jesum Christum, qui reformábit corpus humilitátis nostræ, configurátum córpori claritátis suæ, secúndum operatióne, qua étiam possit subjicere sibi óm-

nia. Itaque fratres mei charissimi, et desideratissimi, gaudium meum, et corona mea: sic state in Domino, charissimi. Euodiam rogo, et Syntychem deprecor idipsum sapere in Domino. Etiam rogo et te, germane compar, adjuva illas: quae mecum laboraverunt in Evangelio cum Clemente, et ceteris adiutoribus meis, quorum nomina sunt in libro vitae.

Graduale. Psal. 109. Juravit Dominus, et non poenitebit eum: Tu es sacerdos in aeternum, secundum ordinem Melchisedech. *V.* Dixit Dominus Domino meo: Sede a dextris meis. Alleluia, alleluia.

V. Hic est sacerdos, quem coronavit Dominus. Alleluia.

Sequentia sancti Evangelii secundum Matthaeum.

Matth. 24.

IN illo tempore: Dixit Jesus discipulis suis: Vigilate, quia nescitis qua hora Dominus vester venturus sit. Illud autem scitote, quoniam si sciret paterfamilias, qua hora fur venturus esset, vigilaret utique, et non sineret perfoedi domum suam. Ideo et vos estote parati: quia qua nescitis hora, Filius hominis venturus est. Quis, putas, est fidelis servus et prudens, quem constituit dominus suus super familiam suam, ut det illis cibum in tempore? Beatus ille servus, quem, cum venerit dominus ejus, invenerit sic facientem. Amen dico vobis, quoniam super omnia bona sua constituet eum.

Offertorium. Psal. 88. Veritas mea, et misericordia mea

cum ipso: et in nomine meo exaltabitur cornu ejus.

Secreta.

MUNERA tibi, Domine, oblata sanctifica: et intercedente beato Clemente martyre tuo atque Pontifice, per haec nos a peccatorum nostrorum maculis emunda. Per Dominum nostrum.

Pro S. Felicitate.

Secreta.

VOTA populi tui, Domine, propitiatus intende: et cujus nos tribuis solennia celebrare, fac gaudere suffragiis.

Tertia Secreta. Exaudi nos Deus. 268.

Communio. Matth. 24. Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum.

Postcommunio.

CORPORIS sacri et pretiosi sanguinis replenti libamine, quaesumus, Domine Deus noster, ut, quod pia devotione gerimus, intercedente beato Clemente martyre tuo atque Pontifice, certa redemptione capiamus. Per eundem Dominum nostrum.

Pro S. Felicitate.

Postcommunio.

SUPPLICES te rogamus, omnipotens Deus: ut intercedentibus Sanctis tuis, et tua in nobis dona multiplices, et tempora nostra disponas.

Tertia Postcommunio. Mundet et muniat. 268.

Die xxiv. Novembris.

IN FESTO S. JOANNIS
à Cruce, Confessoris.

*Missa. Os justi. de Communi
Confessoris non Pontificis. xxii.
præter Orationem sequentem.*

Oratio.

DEUS, qui sanctum Joán-
nem Confessórem tuum,
perfectæ sui abnegatiónis, et
Crucis amatórem exímium ef-
fecisti: concéde, ut ejus imi-
tatióni júgiter inhærentes, gló-
riam assequámur ætérnam.
Per Dóminum.

*Deinde fit commemor. S. Chry-
sogoni martyris.*

Oratio.

ADESTO Dómine supplica-
tió nibus nostris: ut qui
ex iniquitate nostra reos nos
esse cognóscimus, beáti Chry-
sógoni mártiris tui interces-
sióne liberémur. Per Dómi-
num.

Secreta.

OBLATIS, quæsumus, Dó-
mine, placare munéribus,
et intercédente beáto Chrysó-
gono mártire tuo, à cunctis
nos defénde periculis. Per
Dóminum.

Pro S. Chrygono mart.

Postcommunio.

TUI, Dómine, perceptióne
sacraménti, et à nostris
mundémur occultis, et ab hós-
tium liberémur insidiis. Per
Dóminum nostrum,

Die xxv. Novembris.

IN FESTO S. CATHARI-
NÆ virg. et mart.

Introitus. Psal. 118.

LOQUEBAR de testimoniis
tuis in conspéctu re-
gum, et non confundébar: et

meditábar in mandátis tuis,
quæ diléxi nimis.

Psal. ibid. Beáti immacu-
láti in via, qui ámbulant in
lege Dómini.

¶ Glória Patri.

Oratio.

DEUS, qui dedisti legem
Móysi in summitate mon-
tis Sínai, et in eódem loco per
sanctos Angelos tuos corpus
beátæ Catharinæ virginis et
mártiris tuæ mirabiliter collo-
cásti: præsta quæsumus, ut
ejus méritis et intercessióne,
ad montem, qui Christus est,
pervenire valeámus. Qui tecum
vivit et regnat.

Lectio libri Sapiéntiæ.

Eccli. 51.

CONFITEBOR tibi Dó-
mine Rex, et collaudábo
te Deum Salvatórem meum.
Confitebor nómini tuo: quón-
iam adjútor, et protéctor fac-
tus es mihi, et liberásti corpus
meum à perditióné, à láqueo
linguæ iniquæ, et à lábiis ope-
rántium mendácium, et in con-
spéctu astántium factus es mihi
adjútor. Et liberásti me se-
cúndum multitudinem miseri-
córdiæ nóminis tui à rugiénti-
bus, præparásti ad escam, de
mánibus quæréntium ánimam
meam, et de portis tribulatió-
num, quæ circumdedérunt me;
à pressúra flammæ, quæ cir-
cúmdedit me, et in médio ignis
non sum æstuátus; de altitú-
dine ventris ínferi, et à lingua
coinquináta, et à verbo mendá-
cii, à rege iníquo, et à lingua
injústa: laudábit usque ad mor-
tem ánima mea Dóminum; quón-
iam éruis sustinéntes te, et

liberas eos de manibus Gén-
tium, Dómine Deus noster.

Graduale. Dilexísti justíti-
am, et odísti iniquitátem.

℣. Propterea unxit te Deus,
Deus tuus, oleo lætitiæ.

Alleluia, alleluia.

℣. Adducéntur Regi vírgi-
nes post eam: próximæ ejus
afferéntur tibi in lætítia. Al-
leluia.

Sequéntia sancti Evangélii se-
cúndum Matthæum.

Matth. 25.

IN illo témpore: Dixit Je-
sus discipulis suis parábo-
lam hanc: Símile erit regnum
coelórum decem virginibus:
quæ accipientes lámpades suas,
exiérunt óbviám sponso et
sponsæ. Quinque autem ex
eis erant fátuæ, et quinque pru-
déntes: sed quinque fátuæ,
accéptis lampádibus, non sump-
sérunt óleum secum: prudén-
tes verò accepérunt óleum in
vasis suis cum lampádibus.
Moram autem faciénte sponso,
dormitavérunt omnes, et dor-
miérunt. Média autem nocte
clamor factus est: Ecce spon-
sus venit, exite óbviám ei.
Tunc surrexérunt omnes vír-
gines illæ, et ornavérunt lám-
pades suas. Fátuæ autem sa-
piéntibus dixerunt: Date no-
bis de óleo vestro: quia lám-
pades nostræ extingúntur.
Respondérunt prudéntes, di-
céntes: Ne fortè non sufficiat
nobis et vobis, ite potiùs ad-
vendéntes, et émite vobis. Dum
autem irent émere, venit spon-
sus: et quæ paratæ erant, in-

travérunt cum eo ad nuptias,
et clausa est jánuæ. Novissimè
verò véniunt et réliquæ vír-
gines, dicéntes: Dómine, Dó-
mine, áperi nobis. At ille res-
pondens, ait: Amen dico vo-
bis, nescio vos. Vigilate ita-
que, quia nescitis diem, neque
horam.

Offertorium. Psal. 44. Affe-
réntur Regi virgines post eam:
 próximæ ejus afferéntur tibi
in lætítia, et exultatióne: ad-
ducéntur in templum Regi
Dómino.

Secreta.

SUSCIPE Dómine múnera,
quæ in beátæ Catharinæ
virginis et mártiris tuæ solem-
nitáte deférimus: cujus nos
confidimus patrocínio liberári,
Per Dóminum.

Communio. Psal. 118. Con-
fundántur supérbi, quia injústè
iniquitátem fecérunt in me: ego
autem in mandátis tuis exercé-
bor, in tuis justificatióibus, ut
non confundar.

Postcommunio.

AUXILIENTUR nobis,
Dómine, sumpta mysté-
ria: et intercedénte beáta Ca-
tharina vírgine et mártire tua,
sempitérna fácient protectiÓne
gaudére. Per Dóminum.

Die xxvi. Novembris.

S. PETRI ALEXANDRINI
Episcopi et Mart.

Missæ. Státuit ei Dóminus.
ut in *Communi unius Marty-*
ris. ii.

C O M M U N E

SANCTORUM.

IN VIGILIA UNIUS APOSTOLI.

Introitus. Psal. 51.

EGO autem sicut oliva fructifera in domo Dómini, sperávi in misericórdia Dei mei : et expectábo nomen tuum, quóniam bonum est ante conspéctum Sanctórum tuórum.

Psal. ibid. Quid gloriáris in malítia, qui potens es in iniquitate ?

V. Glória Patri.

Oratio.

DA, quæsumus, omnipotens Deus, ut beáti *N.* Apóstoli tui, quam prævenimus, veneránda solémnitas, et devotió- nem nobis áugeat, et salútem. Per Dóminum nostrum.

Léctio libri Sapiéntiæ.

Eccli. 44.

BENEDICTIO Dómini super caput justí. Ideò dedit illi Dóminus hæreditátem, et divisit illi partem in tribubus duódecim : et invénit grátiam in conspéctu omnis carnis. Et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitate ipsíus sanctum fecit illum, et elégit eum ex omni carne. Et dedit illi coram præcepta, et legem vitæ et disciplinæ : et excélsam fe-

cit illum. Státuit ei testaméntum ætérnum, et circumcínxit eum zona justitiæ, et induit eum Dóminus corónam glóriæ.

Graduale. Psal. 91. Justus ut palma florébit : sicut cedrus Líbani multiplicábitur in domo Dómini.

V. Ad annuntiándum manè misericórdiam tuam, et veritátem tuam per noctem.

Sequéntia sancti Evangélii secúndum Joánnem.

Joan. 15.

IN illo témpore : Dixit Jesus discipulis suis : Hoc est præceptum meum, ut diligátis invicem, sicut diléxi vos. Majórem hac dilectiónem nemo habet, ut ánimam suam ponat quis pro amicis suis. Vos amici mei estis, si feceritis quæ ego præcipio vobis. Jam non dicam vos servos : quia servus nescit quid fáciat dóminus ejus. Vos autem dixi amicos : quia ómnia quæcumque audivi à Patre meo, nota feci vobis. Non vos me elegistis : sed ego elégi vos, et pósui vos, ut eátis, et fructum afferátis, et fructus vester máneat : ut quodcúmque petieritis Patrem in nómine meo, det vobis.

Offertorium. Psal. 8. Glória et honóre coronásti eum, et constituísti eum super ópera mánuum tuárum, Dómine.

Secreta.

APOSTOLICI reverentia
cúlmis offerentes tibi
sacra mysteria, Domine, quaesumus, ut beati N. Apostoli
tui suffragiis, cujus natalitia
praevenerimus, plebs tua semper
et sua vota deprimat, et deside-
rata percipiat. Per Dominum.

Communio. Psal. 20. Magna
est gloria ejus in salutari tuo:
gloriam, et magnum decorem
impones super eum, Domine.

Postcommunio.

SANCTI Apostoli tui N.
quaesumus, Domine, sup-
plicatione placatus, et veniam
nobis tribue, et remedia sempi-
terna concede. Per Dominum.

¶ *In festis Apostolorum et
Evangelistarum, omnia ut suis
locis in Proprio Sanctorum.*

COMMUNE UNIUS MAR- TYRIS PONTIFICIS.

Introitus. Eccli. 45.

STATUIT ei Dominus tes-
tamentum pacis, et prin-
cipem fecit eum: ut sit illi sa-
cerdotii dignitas in aeternum.

Psal. 131. Meménto Domi-
ne David, et omnis mansuetu-
dinis ejus.

¶ Glória Patri.

Oratio.

INFIRMITATEM nostram
respice omnipotens Deus:
et quia pondus propriae actio-
nis gravat, beati N. martyris
tui atque Pontificis intercessio
gloriosa nos protegat. Per
Dominum nostrum.

Lectio Epistolae beati Jacobi
Apostoli.

Jac. 1. b.

CHARISSIMI, Beatus vir,
qui suffert tentationem:

quoniam cum probatus fuerit,
accipiet coronam vitae, quam
repromisit Deus diligentibus
se. Nemo cum tentatur, dicat
quoniam a Deo tentatur: De-
us enim intentator malorum
est: ipse autem neminem ten-
tat. Unusquisque verò ten-
tatur a concupiscentia sua abs-
tractus, et illuctus. Deinde
concupiscentia cum concepe-
rit, parit peccatum: peccatum
verò cum consummatum fue-
rit, generat mortem. Nolite
itaque errare, fratres mei dilec-
tissimi. Omne datum opti-
mum, et omne donum perfec-
tum desursum est, descendens
a Patre luminum, apud quem
non est transmutatio, nec vi-
cissitudinis obumbratio. Vo-
luntarie enim genuit nos ver-
bo veritatis, ut simus initium
aliquod creaturae ejus.

Graduale. Psal. 88. Inveni
David servum meum, oleo
sancto meo unxi eum: manus
enim mea auxiliabitur ei, et
brachium meum confortabit
eum.

¶ Nihil proficiet inimicus
in eo: et filius iniquitatis non
nocerit ei.

Alleluia, alleluia.

¶ *Ps. 109.* Tu es sacerdos
in aeternum secundum ordinem
Melchisedech. Alleluia.

*Post Septuages. omissis Alle-
luia, et Versu seq. dicitur Trac-
tus.*

Psal. 20. Desiderium ani-
mae ejus tribuisti ei: et vo-
luntate labiorum ejus non frau-
dasti eum.

¶ Quoniam praeveneristi eum
in benedictionibus dulcedinis.

¶ Posuisti in capite ejus
coronam de lapide pretioso.

Sequéntia sancti Evangélij se-
cúndum Lucam.

Luc. 14. f.

IN illo témpore : Dixit Je-
sus turbis : Si quis venit
ad me, et non odit patrem su-
um, et matrem, et uxórem, et
filios, et fratres, et soróres,
adhuc autem et ánimam suam,
non potest meus esse discípu-
lus. Et qui non bájulat cru-
cem suam, et venit post me,
non potest meus esse discí-
pulus. Quis enim ex vobis
volens turrim ædificáre, non
priùs sedens cómputat sump-
tus, qui necessárii sunt, si há-
beat ad perficiéndum ; ne,
posteaquam posúerit funda-
méntum, et non potúerit perfí-
cere, omnes qui vident, inci-
píant illúdere ei, dicéntes :
Quia hic homo cœpít ædificáre,
et non pótuit consummáre ?
Aut quis rex itúrus commít-
tere bellum advérsus álium re-
gem, non sedens priùs cógitat,
si possit cum decem míllibus
occurrere ei, qui cum viginti
míllibus venit ad se ? alióquin
adhuc illo longè agente, lega-
tiónem mittens, rogat ea quæ
paci sunt. Sic ergo omnis ex
vobis, qui non renúnciat óm-
nibus, quæ pössidet, non pò-
test meus esse discípus.

Offertorium. Ps. 88. Véritas
mea, et misericórdia mea cum
ipso : et in nómine meo exal-
tábitur cornu ejus.

Secreta.

HOSTIAS tibi, Dómine,
beáti *N.* Mátyris tui at-
que Pontíficis dicátas méritis,
benígnus assúme : et ad perpé-
tuum nobis tribue provenire
subsídium. Per Dóminum.

Communio. ib. Semel jurávi

in Sancto meo : semen ejus in
ætérnum manébit : et sedes
ejus sicut sol in conspéctu
meo, et sicut luna perfécta in
ætérnum, et testis in cœlo fi-
délis.

Postcommunio.

REPECTI participatióne
múneris sacri, quæsumus,
Dómine Deus noster, ut cujus
exéquimur cultum, interce-
dente beáto *N.* mátyre tuo
atque Pontífice, sentiamus ef-
féctum. Per Dóminum.

DE EODEM COMMUNI ALIA MISSA.

Introitus. Dan. 3.

SACERDOTES Dei bene-
dicite Dóminum : Sancti
et húmiles corde laudáte Deum.

Dan. ib. Benedicite ómnia
ópera Dómini Dómino : lau-
dáte, et superexaltáte cum in
sæcula.

V. Glória Patri.

Oratio.

DEUS, qui nos beáti *N.*
mátyris tui atque Pon-
tíficis ánnua solemnitate læti-
ficas, concéde propítius, ut
cujus natalítia cólimus, de
ejúsdem étiam protectiône gau-
deámus. Per Dóminum.

Léctio Epístolæ beáti Pauli
Apóstoli ad Corínthios.

I Cor. 1.

FRATRES, Benedictus De-
us, et Pater Dómini nos-
tri Jesu Christi, Pater misericor-
diárum, et Deus totíus conso-
latiónis, qui consolátur nos in
omni tribulatióne nostra : ut
possimus et ipsi consolári eos,
qui in omni pressúra sunt, per
exhortatióem, qua exhortá-
mur et ipsi à Deo. Quóniam
sicut abúndant passiónes Chris-
ti in nobis, ita et per Chris-

tum abundat consolatio nostra. Sive autem tribulamur pro vestra exhortatione et salute, sive consolamur pro vestra consolatione, sive exhortamur pro vestra exhortatione et salute, quæ operatur tolerantiam earumdem passionum, quas et nos patimur: ut spes nostra firma sit pro vobis: scientes, quod sicut socii passionum estis, sic eritis et consolationis: in Christo Jesu Domino nostro.

Graduale. Psal. 8. Glória et honore coronasti eum.

℣. Et constituisti eum super opera manuum tuarum, Domine. Alleluia, alleluia.

℣. Hic est sacerdos, quem coronavit Dominus. Alleluia.

Post Septuagesimam, omissis Alleluia, et Versu sequenti dicitur Tract. Psal. 111. Beatus vir, qui timet Dominum: in mandatis ejus cupit nimis.

℣. Potens in terra erit semen ejus: generatio rectorum benedicetur. ℣. Glória et divitiæ in domo ejus: et justitia ejus manet in sæculum sæculi.

Sequentia sancti Evangelii secundum Matthæum.

Matth. 16. d.

IN illo tempore: Dixit Jesus discipulis suis: Si quis vult post me venire, abneget semetipsum, et tollat crucem suam, et sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commuta-

tionem pro anima sua? Filius enim hominis venturus est in gloria Patris sui cum Angelis suis: et tunc reddet unicuique secundum opera ejus.

Offertorium. Ps. 88. Inveni David servum meum, oleo sancto meo unxi eum: manus enim mea auxiliabitur ei, et brachium meum confortabit eum.

Secreta.

MUNERA tibi, Domine, dicata sanctifica: et intercedente beato N. martyre tuo atque Pontifice, per eadem nos placatus intende. Per Dominum.

Communio. Psal. 20. Posuisti Domine in capite ejus coronam de lapide pretioso.

Postcommunio.

HÆC nos communitio, Domine, purget à crimine: et intercedente beato N. martyre tuo atque Pontifice cœlestis remediū faciat esse consortes. Per Dominum.

Epistolæ, et Evangelia pro Pontifice et Martyre assignata, legi possunt etiam pro Martyre non Pontifice: et quæ infra de Martyre non Pontifice habentur, etiam pro Martyre Pontifice. Et similiter quæ in una Missa de eodem Communi ponuntur, dici possunt in aliis Missis de eodem Communi.

COMMUNE UNIUS MART. NON PONTIF.

Introitus. Psal. 20.

IN virtute tua, Domine, lætabitur justus: et super salutare tuum exultabit vehementer: desiderium animæ ejus tribuisti ei.

Ps. ibid. Quoniam prævenis-

ti eum in benedictionibus dulcedinis, posuisti in capite ejus coronam de lapide pretioso.

Ÿ. Glória Patri.

Oratio.

PRÆSTA quæsumus omnipotens Deus, ut qui beati N. martyris tui natalitia colimus, intercessione ejus in tui nominis amore roborémur. Per Dóminum.

Lectio libri Sapiéntiæ.

Sap. 10.

JUSTUM deduxit Dóminus per vias rectas, et ostendit illi regnum Dei, et dedit illi scientiam sanctorum: honestavit illum in laboribus, et complévit labores illius. In fraude circumveniéntium illum affuit illi, et honestum fecit illum. Custodivit illum ab inimicis, et à seductoribus tutavit illum, et certamen forte dedit illi ut vinceret, et sciret quóniam ómnium potentior est sapiéntia. Hæc venditum justum non dereliquit, sed à peccatoribus liberavit eum: descenditque cum illo in fóveam, et in vinculis non dereliquit illum, donec afferret illi sceptrum regni, et poténtiam adversus eos, qui eum deprimebant: et mendaces ostendit, qui macularunt illum: et dedit illi claritatem æternam, Dóminus Deus noster.

Graduale. Ps. 111. Beátus vir, qui timet Dóminum: in mandatis ejus cupit nimis. Ÿ. Potens in terra erit semen ejus: generatio rectorum benedicetur. Alleluia, alleluia.

Ÿ. *Psal. 20.* Posuisti Dómine super caput ejus coronam de lapide pretioso. Alleluia.

Post Septuagesimam, omissis

Alleluia, et Versu sequenti, dicitur Tractus. *ibid.* Desiderium animæ ejus tribuisti ei: et voluntate labiorum ejus non fraudasti eum.

Ÿ. Quóniam prævenisti eum in benedictionibus dulcedinis.

Ÿ. Posuisti in capite ejus coronam de lapide pretioso.

Sequéntia sancti Evangélii secundum Matthæum.

Matth. 10. d.

IN illo tempore: Dixit Jesus discipulis suis: Nolite arbitrari quia pacem venerim mittere in terram: non veni pacem mittere, sed gladium. Veni enim separare hominem adversus patrem suum, et filiam adversus matrem suam, et nurum adversus socrum suam: et inimici hominis; domestici ejus. Qui amat patrem, aut matrem plus quam me, non est me dignus. Et qui amat filium, aut filiam super me, non est me dignus. Et qui non accipit crucem suam, et sequitur me, non est me dignus. Qui invenit animam suam, perdet illam: et qui perdiderit animam suam propter me, inveniet eam. Qui recipit vos, me recipit: et qui me recipit, recipit eum, qui me misit. Qui recipit Prophétam in nomine Prophétæ, mercedem Prophétæ accipiet: et qui recipit justum in nomine justii, mercedem justii accipiet. Et quicumque potum dederit uni ex minimis istis cálicem aquæ frigidæ tantum in nomine discipuli: amen dico vobis, non perdet mercedem suam.

Offertorium. Psal. 8. Glória et honore coronasti eum, et

constituisti eum super ópera mánuum tuárum Dómine.

Secreta.

MUNERIBUS nostris, quæsumus, Dómine, precibúsque sucéptis : et cœlestibus nos munda mystériis, et cleménter exáudi. Per Dóminum.

Communio. Matth. 16. Qui vult venire post me, ábneget semetípsum : et tollat crucem suam, et sequátur me.

Postcommunio.

DA, quæsumus, Dómine Deus noster, ut sicut tuórum commemoratióne Sanctórum, temporáli gratulámur officio, ita perpétuo lætémur aspéctu. Per Dóminum.

DE EODEM COMMUNI ALIA MISSA.

Introitus. Psal. 63.

LÆTABITUR justus in Dómino, et sperábit in eo : et laudabúntur omnes recti corde. *Psal. ibid.* Exáudi Deus oratióem meam, cùm deprecor : à timóre inimíci éripe ánimam meam.

℣. Glória Patri.

Oratio.

PRÆSTA, quæsumus, omnipotens Deus, ut intercedente beáto *N.* mártire tuo, et à cunctis adversitatibus liberémur in corpore, et à pravis cogitatióibus mundémur in mente. Per Dóminum.

Lectio Epístolæ beáti Pauli Apóstoli ad Timótheum.

2 *Tim. 2. d.*

CHARISSIME, Memor esto Dóminum Jesum Christum resurrexisse à mórtuis ex sémine David, secúndum Evangélium meum, in quo la-

bóro usque ad víncula, quasi malè óperans : sed verbum Dei non est alligátum. Ideò ómnia sustíneo propter eléctos, ut et ipsi salutem consequántur, quæ est in Christo Jesu, cum glória cœlesti. Tu autem assecútus es meam doctrinam, institutióem, propósitum, fidem, longanimitátem, dilectiόem, paciéntiam, persecutiόnes, passiόnes : quália mihi facta sunt Antiochiæ, Iconii, et Lystris : quales persecutiόnes sustinui, et ex ómnibus eripuit me Dóminus. Et omnes, qui piè volunt vívere in Christo Jesu, persecutiόnem paciéntur.

Graduale. Psal. 36. Justus cùm ceciderit, non collidétur : quia Dóminus supponit manum suam. ℣. Tota die miserétur, et cōmodat, et semen ejus in benedictiόe erit. Allelúia, allelúia.

℣. *Joan. 8.* Qui séquitur me, non ámbulat in ténebris, sed habébit lumen vitæ æternæ. Allelúia.

Post Septuagesimam, omissis Allelúia, et Versu sequenti, dicitur Tract. Psal. 111. Beátus vir, qui timet Dóminum : in mandátis ejus cupit nimis. ℣. Potens in terra erit semen ejus : generatió rectórum benedicétur. ℣. Glória, et divitiæ in domo ejus : et justítia ejus manet in sæculum sæculi.

Sequéntia sancti Evangélii secúndum Matthæum.

Matth. 12. c.

IN illo tēpore : Dixit Jesus discipulis suis : Nihil est opértum, quod non revelábitur : et occúltum, quod

non sciétur. Quod dico vobis in ténebris, dicite in lúmine : et quod in aure audítis, prædicáte super tecta. Et nolíte timére eos, qui occidunt corpus, ánimam autem non possunt occidere : sed pótiùs timéte eum, qui potest et ánimam et corpus pèrdere in géhenam. Nonne duo pásseres asse véneunt : et unus ex illis non cadet super terram sine Patre vestro ? Vestri autem capilli cápitis omnes numeráti sunt. Nolíte ergo timére : multis passéribus meliôres estis vos. Omnis ergo, qui confitébitur me coram homínibus, confitébor et ego cum coram Patre meo, qui in cœlis est.

Offertorium. Ps. 20. Posuísti Dómine super caput ejus corónam de lápide pretiôso : vitam pétiit à te, et tribuísti ei, allelúia.

Secreta.

ACCEPTA sit in conspéctu tuo, Dómine, nostra devótio : et ejus nobis fiat supplicatióne salutáris, pro cujus solemnitáte defértur. Per Dóminum.

Communio. Joan. 12. Qui mihi ministrat, me sequátur : et ubi sum ego, illic et minister meus erit.

Postcommunio.

REFFECTI participatióne múnis sacri, quæsumus Dómine Deus noster, ut cujus exéquimur cultum, intercedente beáto *N.* mártire tuo sentiámus efféctum. Per Dóminum.

¶ *Item alie Epistolæ et Evangelium in Comuni unius Martyris.*

Léctio Epístolæ beáti Jacóbi Apóstoli. *Jac. 1.*

CHARISSIMI, Omne gáudium existimáte, cùm in tentatiónes várias incidéritis : sciéntes quòd probátió fidei vestræ patiéntiam operáatur. Patiéntia autem opus perféc-tum habeat : ut sitis perfécti et íntegri, in nullo deficiétes. Si quis autem vestrùm indiget sapiéntia, póstulet à Deo, qui dat ómnibus affluénter, et non impróperat : et dábitur ei. Pós-tulet autem in fide nihil hæsi-tans : qui enim hæsitat, símilis est flúctui maris, qui à ven-to movétur, et circumfértur. Non ergo æstimet homo ille, quòd accípiat áliquíd à Dó-mino. Vir duplex ánimo in-cónstans est in ómnibus viis suis. Gloriétur autem frater húmilis in exaltatióne sua : dives autem in humilitáte sua, quóniam sicut flos fœni trans-ibit ; exórtus est enim sol cum ardóre, et arefécit fœnum, et flos ejus décidit, et decor vul-tus ejus depéruit : ita et dives in itinéribus suis marcéscet. Beá-tus vir, qui suffert tentatiónem : quóniam cùm probátus fúerit, accipiet corónam vitæ, quam repromísit Deus diligéntibus se.

Léctio Epístolæ beáti Petri Apóstoli. *1 Pet. 4. c.*

CHARISSIMI, Communi-cántes Christi passiónebus, gaudéte, ut et in revelatióne glóriæ ejus gaudeátis exultán-tes. Si exprobrámini in nó-mine Christi, beáti éritis : quóniam quòd est honóris, gló-riæ, et virtútis Dei, et qui est ejus Spíritus, super vos requi-éscit. Nemo autem vestrùm patiáatur ut homicída, aut fur,

aut malédicus, aut alienórum appetitor. Si autem ut Christiánus, non erubéscat: gloriíficet autem Deum in isto nómine. Quóniam tempus est, ut incípiat iudícium à domo Dei. Si autem primùm à nobis: quis finis eórum, qui non credunt Dei Evangélio? Et si justus vix salvábitur, impius et peccátor ubi parébunt? Itaque et hi qui patiúntur secundùm voluntátem Dei, fidéli Creatóri comméndent ánimas suas in benefáctis.

Evangelium Nisi granum habetur in Festo S. Laurentii 10 Augusti.

COMMUNE MARTYRUM TEMP. PASCH.

PRO UNO MARTYRE.

Introitus. Ps. 63.

PROTEXISTI me Deus à convéntu malignántium, allelúia: à multitudine operántium iniquitátem, Allel. allel.

Psal. ibid. Exáudi Deus orátionem meam cum déprecor: à timóre inimíci éripe ánimam meam. Glória Patri.

Pro Martyre, et Pontifice.

Oratio.

INFIRMITATEM nostram respice omnipotens Deus: et quia pondus própriæ actiónis gravat, beáti *N.* mártiris tui atque Pontíficis intercessio gloriósa nos prótegat. Per Dóminum.

Pro Martyre, et Pontifice.

Alia Oratio.

DEUS, qui nos beáti *N.* mártiris tui atque Pontíficis ánnua solemnitate lætíficas, concéde propítius, ut cujus natalítia cólimus, de ejúsdem étiam protectióne gaudeámus. Per Dóminum.

Pro Martyre tantùm. Oratio.

PRÆSTA quæsumus omnipotens Deus, ut qui beáti *N.* mártiris tui natalítia cólimus, intercessióne ejus in tui nóminis amóre roborémur. Per Dóminum.

Pro Martyre tantùm.

Alia Oratio.

PRÆSTA quæsumus omnipotens Deus, ut intercedente beáto *N.* mártire tuo, et à cunctis adversitátibus liberémur in córpore, et á pravis cogitátionibus mundémur in mente. Per Dóminum.

Léctio libri Sapiéntiæ. Sap. 5.

STABUNT justí in magna constántia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in-subitátione insperatæ salutis, dicéntes intra se, peniténtiam agéntes, et præ angústia spíritus geméntes: Hi sunt, quos habúimus aliquándo in derísium, et in similitúdinem impropérii. Nos insensátí vitam illórum æstinabámus insániam, et finem illórum sine honóre: ecce quómo modo computátí sunt inter filios Dei, et inter sanctos sors illórum est.

Vel Epistola B. Pauli Apost. ad Timotheum. Memor esto. ut suprâ in Comuni únius mart. extra temp. Pasch. vi.

Allelúia, allelúia.

V. Ps. 88. Confitebúntur cœli mirabília tua, Dómine: étenim veritátem tuam in Ecclésia sanctórum. Allelúia.

V. Ps. 20. Posuísti Dómine super caput ejus corónam de lápide pretióso. Allelúia.

Sequéntia sancti Evangélij se-
cúndum Joánnem.

Joan. 15.

IN illo témpore: Dixit Jesus
discípulis suis: Ego sum
vitis vera: et Pater meus agri-
cola est. Omnem pálmitem in
me non feréntem fructum, tol-
let eum: et omnem qui fert
fructum, purgábit eum, ut
fructum plus áfferat. Jam vos
mundi estis propter sermó-
nem, quem locútus sum vo-
bis. Manéte in me: et ego in
vobis. Sicut palmes non po-
test ferre fructum à semetíp-
so, nisi mánserit in vite: sic
nec vos, nisi in me mansé-
ritis. Ego sum vitis, vos pál-
mites: qui manet in me, et
ego in eo, hic fert fructum
multum: quia sine me nihil
potéstis fácere. Si quis in me
non mánserit, mittétur forás
sicut palmes, et aréscet, et
cólligent eum, et in ignem mit-
tent, et ardet. Si manséritis
in me, et verba mea in vobis
mánserint, quodcúmque volu-
éritis, petétis, et fiet vobis.

Offertorium. Psal. 88. Con-
fitebúntur cœli mirabilia tua,
Dómine: et veritátem tuam in
Ecclésia sanctórum, Allelúia,
allelúia.

Pro Martyre, et Pontifice.

Secreta.

HOSTIAS tibi, Dómine,
beáti N. mártiris tui at-
que Pontificis dicátas méritis,
benígnus assúme: et ad perpé-
tuum nobis tribue proveníre
subsídium. Per Dóminum.

Pro Martyre, et Pontifice.

Alia Secreta.

MUNERA tibi Dómine di-
cáta sanctífica: et in-

tercedénte beáto N. mártire
tuo atque Pontifice, per éadem
nos placátus inténde. Per Dó-
minum.

Pro Martyre tantum.

Secreta.

MUNERIBUS nostris,
quæsumus, Dómine, pre-
cibúsq; susceptis: et cœlés-
tibus nos munda mystériis, et
cleménter exáudi. Per Dómi-
num.

Pro Martyre tantum.

Alia Secreta.

ACCEPTA sit in conspéctu
tuo, Dómine, nostra de-
vótió: et ejus nobis fiat sup-
plicatióne salutáris, pro cujus
solemnitáte defértur. Per Dó-
minum nostrum.

Communio. Psal. 63. Lætá-
bitur justus in Dómino, et spe-
rábit in eo: et laudabúntur
ómnes recti corde, allel. allel.

Pro Martyre, et Pontifice.

Postcommunio.

REFECTI participatióne
múneris sacri, quæsu-
mus, Dómine Deus noster, ut
cujus exéquimur cultum, inter-
cedénte beáto N. mártire tuo
atque Pontifice, sentiámus ef-
féctum. Per Dóminum.

Pro Martyre, et Pontifice.

Alia Postcommunio.

HÆC nos commúnio, Dó-
mine, purget a crímine:
et intercedénte beáto N. márt-
tyre tuo atque Pontifice, cœ-
léstis remédii fáciat esse con-
sórtes. Per Dóminum.

Pro Martyre tantum.

Postcommunio.

DA, quæsumus, Dómine
Deus noster, ut sicut tu-
órum commemoratióne Sanc-
tórum, temporáli gratulámur

officio, ita perpétuo lætémur aspéctu. Per Dóminum nostrum.

Pro Martyre tantum.

Alia Postcommunio.

REFFECTI participatióne múnieris sacri, quæsumus, Dómine Deus noster, ut cujus exequimur cultum, intercedente beáto *N.* mártire tuo sentiámus efféctum. Per Dóminum nostrum.

Epistolæ et Evangelium supradictæ Missæ dicuntur etiam in sequenti Missa : et quæ in sequenti habentur, dici possunt in superiori.

DE PLURIBUS MARTYRIBUS TEMPORE PASCHALI.

Intróitus. Psal. 144.

SANCTI tui, Dómine, benedícant te : glóriam regni tui dicent, allelúia, allelúia.

Psal. ibid. Exaltábo te Deus meus rex : et benedícam nómini tuo in sæculum, et in sæculum sæculi. V. Glória Patri.

Pro pluribus Martyribus Pontificibus.

Oratio.

BEATORUM mártirum, paritérque Pontíficum *N.* et *N.* nos, quæsumus Dómine, festa tueántur : et eórum coméndet orátio veneránda. Per Dóminum.

Pro pluribus Martyribus tantum.

Oratio.

DEUS, qui nos concédís sanctórum mártirum tuórum *N.* et *N.* natalítia cólere : da nobis in æténa beatitúdine de eórum societáte gaudére. Per Dóminum.

Pro pluribus Martyribus.

Alia Oratio.

DEUS, qui nos ánnua sanctorum mártirum tuórum *N.* et *N.* solemnitate lætíficas : concéde propítius, ut quorum gaudémus méritis, accendámur exémplic. Per Dóminum nostrum.

Léctio Epístolæ beáti Petri Apóstoli.

1 *Pet.* 1.

BENEDICTUS Deus, et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hæreditatem incorruptibilem, et incontaminátam, et immarcessibilem, conservátam in cœlis in vobis, qui in virtúte Dei custodímur per fidem in salutem, parátam revelári in témpore novíssimo. In quo exultábitis, módicum nunc si opórtet contristári in váriis tentatióibus : ut probátio vestræ fidei multò pretiósior auro (quod per ignem probátur) inveniátur in laudem, et glóriam, et honórem, in revelatióne Jesu Christi Dómini nostri.

Allelúia, allelúia.

V. Sancti tui, Dómine, florébunt sicut lílium, et sicut odor bálsami erunt ante te. Allelúia.

V. *Psal. 115.* Pretiósia in conspéctu Dómini mors Sanctórum ejus. Allelúia.

Sequéntia sancti Evangélíi secúndum Joánnem.

Joan. 15.

IN illo témpore : Dixit Jesus discipulis suis : Ego

sum vitis, vos palmites: qui manet in me, et ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palmes, et ardescet, et colligent eum, et in ignem mittent, et ardet. Si manseritis in me, et verba mea in vobis manserint: quodcumque volueritis, petetis, et fiet vobis. In hoc clarificatus est Pater meus, ut fructum plurimum afferatis, et efficiamini mei discipuli. Sicut dilexit me Pater, et ego dilexi vos. Manete in dilectione mea. Si precepta mea servaveritis, manebitis in dilectione mea, sicut et ego Patris mei precepta servavi, et maneo in ejus dilectione. Hæc locutus sum vobis: ut gaudium meum in vobis sit, et gaudium vestrum impleatur.

Offertorium. Ps. 31. Lætâmini in Dômino, et exultate justi, et gloriâmini omnes recti corde, alleluia, alleluia.

Pro pluribus Martyribus Pontificibus.

Secreta.

ADESTO, Dômine, supplicationibus nostris, quas in Sanctorum tuorum commemoratione deferimus: ut qui nostræ justitiæ fiduciam non habemus, eorum qui tibi placuerunt, meritis adjuvemur. Per Dôminum.

Pro pluribus Martyribus tantum.

Secreta.

MUNERA tibi, Dômine, nostræ devotionis offerimus: quæ et pro tuorum tibi grata sint honore justorum; et nobis salutaria, te mi-

serante, reddantur. Per Dôminum.

Pro pluribus Martyribus.

Alia Secreta.

OBLATIS quæsumus, Dômine, placare muneribus: et intercedentibus sanctis martyribus tuis *N. et N.* à cunctis nos defende periculis. Per Dôminum nostrum.

Communio. Ps. 32. Gaudete justi in Dômino, alleluia: rectos decet collaudatio, alleluia.

Pro pluribus Martyribus Pontificibus.

Postcommunio.

QUÆSUMUS Dômine, salutariis replenti mysteriis: ut quorum solennia celebramus, eorum orationibus adjuvemur. Per Dôminum.

Pro pluribus Martyribus tantum.

Postcommunio.

PRÆSTA nobis, quæsumus Dômine, intercedentibus sanctis martyribus tuis *N. et N.* ut quod ore contingimus, pura mente capiamus. Per Dôminum nostrum.

Pro pluribus Martyribus.

Alia Postcommunio.

HÆC nos communitio, Dômine, purget à crimine: et intercedentibus sanctis martyribus tuis *N. et N.* cœlestis remedii faciat esse consortes. Per Dôminum.

In Communi Martyrum tempore Paschali, alia Epistola et Evangelium.

Epistola. Post hæc ego Johannes. habetur in festo SS. Soteris et Caii Pontif. et mart. xxii. Aprilis.

Evangel. Amen, amen dico vobis: quia plorabitis. habetur in festo S. Aniceti Papæ et mart. xvii. Aprilis.

In Communi Conf. et Virg. et in aliis Missis temp. Pasch. omnia dicuntur ut infra, addito in Introitu ante psalmum duplici Allelúia, et in fine Offertorii, et Communionis uno Allelúia, ubi non habetur: et omisso Graduali dicuntur duo Versus, cum quatuor Allelúia, ut suis locis ponitur.

COMMUNE PLUR.
MARTYRUM EXTRA
TEMPUS PASCH.

Introitus. Psal. 78.

INTRET in conspéctu tuo, Dómino, gémitus, compeditórum: redde vicinis nostris séptuplum in sinu eórum: vindica sánguinem sanctórum tuórum, qui effúsus est.

Psal. ibid. Deus venérunt Gentes in hæreditátem tuam, polluérent templum sanctum tuum: posuérent Jerúsalem in pomórum custódiám.

V. Glória Patri.

Pro pluribus Martyribus Pontificibus.

Oratio.

BEATORUM mártýrum, paritérque Pontificum *N.* et *N.* nos, quæsumus Dómine, festa tueántur: et eórum coméndet orátio veneránda. Per Dóminum nostrum.

Si non fuerint Pontifices, dicitur Oratio, ut in sequenti Missa.

Léctio libri Sapiéntiæ. *Sap. 3.*

JUSTORUM ánimæ in manu Dei sunt, et non tanget illos torméntum mortis. Visi sunt oculis insipientium mori: et æstimáta est afflictio éxitus illórum: et quod à nobis est iter, exterminium: illi autem

sunt in pace. Et si coram hominibus torménta passi sunt, spes illórum immortalité plena est. In paucis vexáti, in multis benè disponéntur: quóniam Deus tentávit eos, et invénit illos dignos se. Tamquam aurum in fornáce probávit illos, et quasi holocáusti hóstiam accépit illos, et in tēpore erit respéctus illórum. Fulgébunt justí, et tamquam scintillæ in arundinétó discúrent. Judicábunt nátiónes, et dominabúntur pópulis, et regnábít Dóminus illórum in perpétuum.

Graduale. Exod. 15. Gloríus Deus in sanctis suis: mirábilis in majestáte, fáciens prodigia. *V.* Déxtera tua, Dómine, glorificáta est in virtúte: déxtera manus tua confrégit inimicos. Allelúia, allelúia.

V. Eccli. 44. Córpora sanctórum in pace sepálta sunt: et nómina eórum vivent in generatióne et generatióne. Allelúia.

Post Septuagesimam, omissis Allelúia, et Versu sequenti, dicitur Tract. Psal. 125. Qui séminant in lácrymis, in gáudio metent. *V.* Eúntes ibant, et flebant, mitténtes sémina sua.

V. Veniéntes autem venient cum exultatióne, portántes manipulos suos.

Sequéntia sancti Evangélli secúndum Lucam.

Luc. 21. b.

IN illo tēpore: Dixit Jesus discipulis suis: Cúm audieritis prælia et seditiões, nolite terréri: opórtet primùm hæc fieri, sed nondum statim

finis. Tunc dicébat illis : Surget gens contra gentem, et regnum advérsus regnum. Et terrémotus magni erunt per loca, et pestiléntiæ, et fames, terrorésque de cælo, et signa magna erunt. Sed ante hæc ómnia, injicient vobis manus suas, et persecúentur, tradéntes in synagógas et custódias, trahentes ad reges et præsidés, propter nomen meum : contínget autem vobis in testimónium. Pónite ergo in córdibus vestris non præmeditári quemádmódu[m] respondeátis. Ego enim dabo vobis os et sapiéntiam, cui non póterunt resistere et contradicere omnes adversárii vestri. Tradémini autem à paréntibus, et frátribus, et cognátis, et amícis, et morte afficient ex vobis : et éritis ódio ómnibus propter nomen meum : et capíllus de cápite vestro non peribit. In patiéntia vestra possidébitis ánimas vestras.

Offertorium. Psal. 67. Mirábilis Deus in sanctis suis : Deus Israël ipse dabit virtútem, et fortitúdinem plebi suæ : benedictus Deus, allelúia.

Secreta.

ADESTO, Dómine, supplicatió[n]ibus nostris, quas in sanctórum tuórum commemoratióne deférimus : ut qui nostræ justitiæ fidúciám non habémus, eórum, qui tibi placuérun[t], méritis adjuvémur. Per Dóminum.

Communio. Sap. 3. Et si coram homínibus torménta passi sunt, Deus tentávit eos : tamquam aurum in fornáce probávit eos, et quasi holocáusta accépit eos.

Postcommunio.

QUÆSUMUS Dómine, salutáribus repléti mystériis : ut quorum solémnia celebrámus, eórum oratió[n]ibus adjuvémur. Per Dóminum.

DE EODEM COMMUNI
ALIA MISSA.

Introitus. Eccli. 44.

SAPIENTIAM sanctórum narrent pópuli, et laudes eórum núntiet Ecclésia : nómina autem eórum vivent in sæculum sæculi.

Psal. 32. Exultáte justi in Dómino : rectos decet collaudátió.

✠. Glória Patri.

Oratio.

DEUS, qui nos concédis sanctórum mártirum tuórum *N. et N.* natalítia cólere : da nobis in æténa beatitúdine de eórum societáte gaudére. Per Dóminum.

Si fuerint Pontifices, dicatur Oratio præcedentis Missæ : quod et in sequentibus servetur.

Léctio libri Sapiéntiæ.

Sap. 5. c.

JUSTI autem in perpétuum vivent, et apud Dóminum est merces eórum, et cogitatio illórum apud Altíssimum. Ideò accipient regnum decóris, et diadéma speciéi de manu Dómini : quóniam dextera sua teget eos, et bráchio sancto suo deféndet illos. Accipiet armatúram zelus illius, et armábit creatúram ad ultió[n]em inimicórum. Induet pro thoráce justitiam, et accipiet pro gálea júdicium certum.

Sumet scutum inexpugnabile æquitatem.

Graduale. Psal. 123. Anima nostra, sicut passer, erépta est de láqueo venántium.

℣. Láqueus contrítus est, et nos liberáti sumus: adjutórium nostrum in nómine Dómini, qui fecit cœlum et terram.

Allelúia, allelúia.

℣. *Psal. 67.* Justi epuléntur et exúltent in conspéctu Dei: et delecténtur in lætítia. Allelúia.

Post Septuagesimam, omissis Allelúia, et Versu sequenti dicitur Tract. Psal. 125. Qui sémant in lácrymis, in gáudio metent.

℣. Eúntes ibant, et flebant, mitténtes sémina sua.

℣. Veniéntes autem vénient cum exultatióne, portántes manipulos suos.

Sequéntia sancti Evangélii secúndum Lucam.

Luc. 6. c.

IN illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant ut audirent eum, et sanaréntur à languóribus suis. Et qui vexabántur à spirítibus immúndis, curabántur. Et omnis turba quærébat eum tângere: quia virtus de illo exíbat, et sanábat omnes. Et ipse elevátis óculis in discipulos suos, dicébat: Beáti páuperes: quia vestrúm est regnum Dei. Beáti, qui nunc esurítis: quia saturabímmini. Beáti, qui nunc fletis: quia

ridébitis. Beáti éritis cùm vos óderint hómines, et cùm separáverint vos, et exprobráverint, et ejécerint nomen vestrum tamquam malum, propter Filium hómiáis. Gaudéte in illa die, et exultáte: ecce enim merces vestra multa est in cœlo.

Offertorium. Psal. 149. Exultábunt Sancti in glória, lætábuntur in cubilibus suis: exaltatiónes Dei in fáucibus eórum, allelúia.

Secreta.

MUNERA tibi, Dómine, nostræ devotiónis offerimus: quæ et pro tuórum tibi grata sint honóre justórum; et nobis salutária, te miseránte, reddántur. Per Dóminum.

Communio. Luc. 12. Dico autem vobis amicis meis: ne terreámini ab his, qui vos persequúntur.

Postcommunio.

PRÆSTA nobis, quæsumus Dómine, intercedéntibus sanctis martyribus tuis *N. et N.* ut quod ore contíngimus, purá mente capiámus. Per Dóminum nostrum.

DE EODEM COMMUNI ALIA MISSA.

Intróitus. Psal. 36.

SALUS autem justórum à Dómino: et protector eórum est in témpore tribulatiónis.

Psal. ibid. Noli æmulári in malignántibus: neque zeláveris faciéntes iniquitatem.

℣. Glória Patri.

Oratio.

DEUS, qui nos ánnua sanctorum mártýrum tuó-

rum N. et N. solemnitate lætíficas: concéde propítius, ut quorum gaudémus méritis, accendámur exémplic. Per Dóminum.

Léctio Epístolæ beáti Pauli Apóstoli ad Hebræos.

Heb. 10.

FRATRES, Rememorámini prístinos dies, in quibus illumináti, magnum certámen sustinuístis passiónum: et in áltero quidem oppróbriis et tribulatióibus spectáculum facti: in áltero autem sócii táliter conversántium effécti. Nam et vinctis compássi estis: et rapínam bonórum vestrórum cum gáudio suscepístis, cognoscéntes vos habére meliorem, et manéntem substántiam. Nolite itaque amíttre confidéntiam vestram, quæ magnam habet remuneratiónem. Patiéntia enim vobis necessariá est: ut voluntátem Dei faciéntes, reportétis promissiónem. Adhuc enim módicum aliquántulum, qui ventúrus est, véniet, et non tardábit. Justus autem meus ex fide vivit.

Graduale. Psal. 33. Clamarunt justí, et Dóminus exaudivit eos: et ex ómnibus tribulatióibus eórum liberávit eos.

¶ Juxtà est Dóminus his, qui tribuláto sunt corde: et húmiles spírítu salvábit.

Allelúia, allelúia. ¶ Te Mártyrum candidátus laudet exércitus, Dómine. Allelúia.

Post Septuagesimam, omissis Allelúia, et Versu sequenti, dicitur Tract. Psal. 125. Qui séminant in lácrymis, in gáudio

metent. ¶ Eúntes ibant, et flebant, mitténtes sémina sua. ¶ Veniéntes autem vénient cum exultatióne, portántes mánipulos suos.

Sequéntia sancti Evangélii secúndum Matthæum.

Matth. 24.

IN illo témpore: Sedénte Jesu super montem Olivéti, accessérunt ad eum discipuli secrétò, dicéntes: Dic nobis, quando hæc erunt? et quod signum advéntus tui, et consummatiónis sæculi? Et respóndens Jesús, dixit eis: Vidéte, ne quis vos sedúcat. Multi enim vénient in nómine meo, dicéntes: Ego sum Christus: et multos sedúcent. Auditúri enim estis prælia, et opiniónes præliórum. Vidéte, ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum: et erunt pestiléntiæ, et fames, et terrémótus per loca. Hæc autem ómnia inítia sunt dolorum. Tunc tradent vos in tribulatiónem, et occident vos: et éritis ódio ómnibus géntibus propter nomen meum. Et tunc scandalizabúntur multi, et invicem tradent: et ódio habébunt invicem. Et multi pseudoprophétæ surgent: et sedúcent multos. Et quóniam abundávit iniquitas, refrigescet cháritas multórum. Qui autem perseveráverit usque in finem, hic salvus erit.

Offertorium. Sap. 3. Justórum ánimæ in manu Dei sunt, et non tanget illos torméntum malitiæ: visi sunt óculis insi-

piéntium mori : illi autem sunt in pace, allelúia.

Secreta.

OBLATIS, quæsumus, Dómine, placáre munéribus : et intercedéntibus sanctis martyribus tuis *N.* et *N.* à cunctis nos defénde periculis. Per Dóminum.

Communio. Matth. 10. Quod dico vobis in ténebris, dicite in lúmine, dicit Dóminus : et quod in aure auditis, prædicáte super tecta.

Postcommunio.

HÆC nos commúnio, Dómine, purget à crímine : et intercedéntibus sanctis martyribus tuis *N.* et *N.* cœléstis remédii fáciat esse consórtes. Per Dóminum.

Item aliæ Epistolæ et Evangelia pro pluribus Martyribus. Réddidit Deus justis mercédem. *In festo SS. Nazar. et Celsi xxviii Julii.*

Epistola. Justificáti ex fide. *habetur in festo SS. Marci. et Marcell. xviii. Junii.*

Epistola. Non sunt condignæ. *habetur in festo SS. Tryphonis, &c. mart. x. Novembris.*

Epistola. Exhibeámus nosmetípsos. *habetur in festo SS. Abdon et Sen. mart. xxx Julii.*

Epistola. Sancti per fidem. *habetur in festo SS. Fabiani et Sebast. xx. Januarii.*

Léctio libri Apocalypsis beáti Joánnis Apóstoli.

Apoc. 7. c.

IN diébus illis : Respóndit unus de senióribus, et dixit mihi : Hi, qui amícti sunt stolis albis, qui sunt ? et unde venerunt ? Et dixi illi : Dó-

mine mi, tu scis. Et dixit mihi : Hi sunt, qui venérunt de tribulatióne magna, et lavérunt stolas suas, et dealbavérunt eas in ságuine Agni. Ideò sunt ante thronum Dei, et sérviant ei die ac nocte in templo ejus : et qui sedet in throno, habitábit super illos. Non esúrient, neque sitient ámpliùs, nec cadet super illos sol, neque ullus æstus : quóniam Agnus, qui in médio throni est, reget illos, et dedúcet eos ad vitæ fontes aquárum, et absterget Deus omnem lácrymam ab óculis eórum.

Evangelium. Videns Jesus turbas. *habetur in festo Omnium SS. i. Novembris.*

Evangelium. Confitéor tibi Pater. *habetur in festo sancti Francisci iv. Octobris.*

Evangelium. Væ vobis, qui ædificátis. *habetur in festo SS. Marci et Marcelliani, mart. xviii. Junii.*

Evangelium. Qui vos audit. *habetur in festo SS. mart. Viti et sociorum xv. Junii.*

Evangelium. Atténdite à fermento Pharisæórum. *habetur in festo SS. Dionysii, et socior. mart. ix. Octobris.*

COMMUNE CONFESSORIS PONTIFICIS.

Introitus. — Eccli. 45.

STATUIT ei Dóminus tetaméntum pacis, et príncipem fecit eum : ut sit illi sacerdotíi dignitas in ætérnum.

Psal. 131. Mémento Dómine David, et omnis mansuetúdinis ejus.

¶ Glória Patri.

Oratio.

DA, quæsumus omnipotens Deus, ut beáti N. Confessoris tui, atque Pontificis veneranda solénnitas, et devotiónem nobis áugeat, et salutem. Per Dóminum.

Léctio libri Sapiéntiæ.

Eccli. 44.

ECCE sacerdos magnus, qui in diébus suis plácuít Deo, et invéntus est justus, et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Idèd jurejurándo fecit illum Dóminus crésce in plebem suam. Benedictiónem ómnium Géntium dedit illi, et testaméntum suum confirmávit super caput ejus. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum: et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsius, et offérre illi incénsus dignum in odórem suavitatís.

Graduale. ibid. Ecce sacerdos magnus, qui in diébus suis plácuít Deo. V. Non est invéntus símilis illi, qui conserváret legem Excélsi.

Allelúia, allelúia.

V. Ps. 109. Tu es sacerdos in ætérnum, secúndum órđinem Melchisedech. Allelúia.

Post Septuagesimam, omissis Allelúia, et Versu sequenti, dicitur Tract. Psal. 111. Beátus

vir, qui timet Dóminum: in mandátis ejus cupit nimis. V. Potens in terra erit semen ejus: generátio rectórum benedicétur.

V. Glória, et divítia in domo ejus: et justitia ejus manet in sæculum sæculi.

Tempore Paschali omittitur Graduale, et ejus loco dicitur, Allelúia, allelúia.

V. Ps. 109. Tu es sacerdos in ætérnum, secúndum órđinem Melchisedech. Allelúia.

V. Hic est sacerdos, quem coronávit Dóminus. Allelúia.

Sequéntia sancti Evangélii secúndum Matthæum.

Matth. 25.

IN illo témpore: Dixit Jesus discipulis suis parabolam hanc: Homo péregrè proficiscens, vocávit servos suos, et trádidit illis bona sua. Et uni dedit quinque talénta, álii autem duo, álii verò unum, unicuique secúndum própriam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniám dómni sui. Post multum verò témporis venit dóminus servórum illórum, et posuit ratiónerum cum eis. Et accédens qui quinque talénta accéperat, óbtulit ália quinque talénta, dicens: Dómine, quinque talénta tradidisti mihi, ecce ália quinque superlucrátus sum. Ait illi dóminus ejus: Euge serve bone et

fidélis, quia super pauca fuisti fidélis, super multa te constituam, intra in gáudium dómini tui. Accessit autem et qui duo talénta accéperat, et ait: Dómine, duo talénta tradidisti mihi, ecce ália duo lucrátus sum. Ait illi dóminus ejus: Euge serve bone et fidélis, quia super pauca fuisti fidélis, super multa te constituam, intra in gáudium dómini tui.

Offertorium. Psal. 88. Invénit David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

SANCTI tui, quæsumus, Dómine, nos ubique lætificent: ut dum eórum mérita recólimus, patrocínia sentiámus. Per Dóminium.

Communio. Luc. 12. Fidélis servus et prudens, quem constituit dóminus super familiam suam: ut det illis in témpore tritici mensúram.

Postcommunio.

PRÆSTA, quæsumus, omnipotens Deus, ut de perceptis munéribus grátias exhibéntes, intercedénte beáto N. Confessóre tuo atque Pontífice, beneficia potióra sumámus. Per Dóminum.

**DE EODEM COMMUNI
ALIA MISSA.**

Introitus. Psal. 131.

SACERDOTES tui, Dómine, induant justítiam: et Sancti tui exúltent: propter David servum tuum, non avértas faciém Christi tui.

V. Psal. ibid. Meménto Dómine David, et omnis mansuetúdinis ejus.

V. Glória Patri.

Oratio.

EXAUDI quæsumus Dómine, preces nostras, quas in beáti N. confessoris tui atque Pontíficis solemnitate deférimus: et qui tibi dignè méruit famulári, ejus intercedéntibus méritis, ab ómnibus nos absólve peccátis. Per Dóminum.

Léctio Epistolæ beáti Pauli Apóstoli ad Hebræos.

Hebr. 7.

FRATRES, Plures facti sunt sacerdótes, idcirco quòd morte prohiberéntur permanére: Jesus autem eo quòd máneat in ætérnum, sempitérnum habet sacerdotium. Unde et salváre in perpétuum potest accedéntes per semetipsum ad Deum: semper vivens ad interpellándum pro nobis. Talis enim decébat, ut nobis esset póntifex, sanctus, innocens, impollútuS, segregátus à peccatóribus, et excélsior cœlis factus: qui non habet necessitátem quotidie, quemádmodum sacerdótes, prius pro suis delictis hóstias offerre, deinde pro pópuli: hoc enim fecit semel, seipsum offeréndo, Jesus Christus Dóminus noster.

Graduale. Psal. 131. Sacerdótes ejus induam salutári, et Sancti ejus exultatióne exultábunt. *V.* Illuc producám cornu David: parávi lucérnam Christo meo. Allelúia, allelúia.

¶ *Psal.* 109. Jurávit Dóminus, et non pœnitébit eum: Tu es sacérdos in ætérnum secúndum órđinem Melchisedech. Allelúia.

Post Septuagesimam, omissis Allelúia, et Versu sequenti, dicitur Tract. Ps. 111. Beátus vir, qui timet Dóminum: in mandátis ejus cupit nimis. ¶ Potens in terra erit semen ejus: generátio rectórum benedicetur.

¶ Glória, et divitiæ in domo ejus: et justítia ejus manet in sæculum sæculi.

Tempore Paschali omittitur Graduale, et ejus loco dicitur, Allelúia, Allelúia.

¶ *Psal.* 109. Jurávit Dóminus, et non pœnitébit eum: tu es sacérdos in ætérnum, secúndum órđinem Melchisedech. Allelúia.

¶ Amávit eum Dóminus, et ornávit eum: stolam glóriæ induit eum. Allelúia.

Sequéntia sancti Evangélii secúndum Matthæum.

Matth. 24.

IN illo tẽpore: Dixit Jesus discipulis suis: Vigilate, quia nescitis qua hora Dóminus vester ventúrus sit. Illud autem scitote, quoniam si sciret paterfamilias, qua hora fur ventúrus esset, vigilaret útique, et non síneret pèrfodi domum suam. Ideò et vos estote paráti: quia qua nescitis hora, Filius hóminis ventúrus est. Quis, putas, est fidéls servus et prudens, quem constituit dóminus suus super familiam suam, ut det illis ci-

bum in tẽpore? Beátus ille servus, quem, cùm vénerit dóminus ejus, invenerit sic faciéntem. Amen dico vobis, quoniam super ómnia bona sua constituet eum.

Offertorium. Psal. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

SANCTI N. confessóris tui atque Pontificis, quæsumus Dómine, ánnua solémnitas pietáti tuæ nos reddat accéptos: ut per hæc piæ placatiónis officia, et illum heáta retribútio comitétur, et nobis grátia tuæ dona concíliet. Per Dóminum nostrum.

Communio. Matth. 24. Beátus servus, quem, cùm vénerit dóminus, invenerit vigilántem: amen dico vobis, super ómnia bona sua constituet eum.

Postcommunio.

DEUS, fidélium remunerátor animárum, præsta, ut beáti N. confessóris tui atque Pontificis, cujus venerándam celebrámus festivitátem, précibus indulgéntiam consequámur. Per Dóminum.

Item aliæ Epistolæ et Evangelia pro Confessore Pontifice.

Epistola. Omnis Póntifex. *habetur in festo S. Callisti Papæ et mart. xiv. Octobris.*

Epistola. Mementote præpositórum vestrórum. *habetur in festo S. Nicolai Episc. et Conf. vi. Decembris.*

Evangelium. Nemo lucernam accendit. *habetur in festo S. Martini Episc. et Conf. xi. Novembris.*

Evangelium. Vidéte, vigilate, et oráte. *habetur infra in Missa in Anniversario electionis, seu consecrationis Episcopi.*

COMMUNE DOCTORUM.

Introitus. Eccli. 15.

IN médio Ecclésiæ aperuit os ejus: et implévit eum Dóminus spíritu sapiéntiæ, et intelléctus: stolam glóriæ induit eum.

Psal. 91. Bonum est confiteri Dómino: et psállere nómini tuo, Altíssime.

℟. Glória Patrî.

Oratio.

DEUS, qui pópulo tuo æternæ salutis beátum *N.* ministrum tribuísti: præsta quæsumus, ut quem doctórem vitæ habúimus in terris, intercessórem habere mereámur in cœlis. Per Dóminum.

Léctio Epístolæ beáti Pauli Apóstoli ad Timótheum.

1 *Tim. 4.*

CHARISSIME, Testíficor coram Deo, et Jesu Christo, qui judicáturus est vivos, et mórtuos, per advéntum ipsius, et regnum ejus, prædica verbum, insta' opportúnè, importúnè: argue, óbseca, increpa in omni paciéntia, et doctrína. Erit enim tempus, cùm sanam doctrínam non sustinébunt; sed ad sua desidéria coacervábunt sibi magístros,

pruriéntes áuribus, et à veritate quidem auditum avértent, ad fábulas autem converténtur. Tu verò vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delibor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna justitiæ, quam reddet mihi Dóminus in illa die, justus judex, non solum autem mihi, sed et iis, qui diligunt advéntum ejus.

Graduale. Psal. 36. Os justí meditábitur sapiéntiam, et lingua ejus loquétur judícium. ℣. Lex Dei ejus in corde ipsius: et non supplantábuntur gressus ejus.

Allelúia, allelúia.

℣. *Eccli. 45.* Amávit eum Dóminus, et ornávit eum: stolam glóriæ induit eum. Allelúia.

Post Septuag. omissis Allel. et Versu sequenti, dicitur,

Tractus. Beátus vir, qui timet Dóminum: in mandátis ejus cupit nimis.

℣. Potens in terra erit semen ejus: generátio rectórum benedicétur.

℣. Glória, et divitiæ in domo ejus: et justítia ejus manet in sæculum sæculi.

Tempore Paschali omittitur Graduale, et ejus loco dicitur, Allelúia, allelúia.

℣. *Eccli. 45.* Amávit eum Dóminus, et ornávit eum: stolam glóriæ induit eum. Allel.

℣. *Osee 14.* Justus germinábit sicut lílium: et florébit in ætérnum ante Dóminum. Allelúia.

Sequéntia sancti Evangélii se-
cúndum Matthæum.

Matth. 5. d.

IN illò témpore: Dixit Je-
sus discipulis suis: Vos es-
tis sal terræ. Quòd si sal eva-
núerit, in quo saliétur? ad ní-
hilum valet ultrà, nisi ut mit-
tátur foràs, et conculcétur ab
hominibus. Vos estis lux mun-
di. Non potest civitas abscon-
di supra montem pósita. Ne-
que accéndunt lucérnam, et
ponunt eam sub módio, sed su-
per candelábrum, ut lúceat óm-
nibus qui in domo sunt. Sic
lúceat lux vestra coram homi-
nibus, ut vídeant ópera vestra
bona: et glorificent Patrem
vestrum, qui in cœlis est. No-
lite putáre quóniam veni sól-
vere légem aut Prophétas: non
veni sólvete, sed adimpléte.
Amen quippe dico vobis, do-
nec tránseat cœlum et terra,
ióta unum, aut unus apex non
præteríbit à lege, donec óm-
nia fiant. Qui ergo sólverit
unum de mandátis istis míni-
mis, et docúerit sic hómines,
mínimus vocábitur in regno
cœlórum: qui autem fécerit et
docúerit, hic magnus vocábitur
in regno cœlórum.

Offertorium. Ps. 91. Justus
ut palma florébit: sicut cedrus,
quæ in Líbano est, multiplicá-
bitur.

Secreta.

SANCTI tui *N.* nobis, Dó-
mine, pia non desit oratio:
quæ et múnera nostra concí-
liet, et tuam nobis indulgén-
tiam semper obtíneat. Per
Dóminum nostrum.

Communio. Luc. 12. Fidé-
lis servus et prudens, quem
constituit dóminus super fa-
míliam suam: ut det illis in
témpore tritici mensúram.

Postcommunio.

UT nobis, Dómine, tua
sacrificia dent salútem: beátus *N.* confessor tuus, et
doctor egrégius, precátor, ac-
cédát. Per Dóminum nos-
trum.

*Alia Epistola pro Doctori-
bus.*

Léctio libri Sapiéntiæ.

Eccli. 39.

JUSTUS cor suum tradet ad
vigilándum dilúculò ad
Dóminum, qui fecit illum, et
in conspéctu Altíssimi depre-
cábitur. Apériet os suum in
oratióne, et pro delictis suis
deprecábitur. Si enim Dómi-
nus magnus volúerit, spírítu
intelligéntiæ replébit illum:
et ipse tamquam imbres mittet
elóquia sapiéntiæ suæ, et in
oratióne confitébitur Dómino:
et ipse díriget consílium ejus,
et disciplinam, et in abscon-
ditis suis consiliábitur. Ipse
palàm fáciét disciplinam doc-
trínæ suæ, et in lege testaménti
Dómini glóriábitur. Collaudá-
bunt multi sapiéntiam ejus: et
usque in sæculum non delébi-
tur. Non recédet memória
ejus: et nomen ejus requiré-
tur à generatióne in genera-
tiónem. Sapiéntiam ejus enar-
rábunt gentes, et laudem ejus
enuntiábit Ecclésia.

COMMUNE CONFESS.
NON PONTIFICIS.

Introitus. Psal. 36.

OS justi meditabitur sapiéntiam, et lingua ejus loquetur júdicium : lex Dei ejus in corde ipsius.

Psal. ibid. Noli æmulári in malignántibus : neque zeláveris faciéntes iniquitátem.

℣. Glória Patri.

Oratio.

DEUS, qui nos beáti N. Confessóris tui ánnua solemnitate lætificas, concéde propítius ; ut cujus natalítia cólimus, étiam actiónes imitémur. Per Dóminum.

Lectio libri Sapiéntiæ.

Eccli. 31.

BEATUS vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua. Qui probátus est in illo, et perfectus est, erit illi glória æténa : qui pótuit transgredi, et non est transgressus; fácere mala, et non fecit : idéò stabilíta sunt bona illius in Dómino, et eleémósynas illius enarrábit omnis Ecclésia Sanctorum.

Graduale. Psal. 91. Justus ut palma florébit : sicut cedrus Libani multiplicábitur in domo Dómini. ℣. Ad annuntiándum manè misericórdiam tuam, et veritátem tuam per noctem. Allelúia, allelúia.

℣. *Jac. 1.* Beátus vir, qui suffert tentatióem : quóniam cùm probátus fúerit, accipiet corónam vitæ. Allelúia.

Post Septuag. omissis Allelúia, et Versu sequenti, dicitur, Tractus. Psal. 111. Beátus vir, qui timet Dóminum : in mandátis ejus cupit nimis.

℣. Potens in terra erit semen ejus : generatio rectórum benedicétur.

℣. Glória et divitiæ in domo ejus : et justítia ejus manet in sæculum sæculi.

Tempore Paschali omittitur Graduale, et ejus loco dicitur, Allelúia, allelúia.

℣. *Jac. 1.* Beátus vir, qui suffert tentatióem : quóniam cùm probátus fúerit, accipiet corónam vitæ, Allelúia.

℣. *Eccli. 45.* Amávit eum Dóminus, et ornávit eum : stolam glóriæ induit eum, Allelúia.

Sequéntia sancti Evangélii secúndum Lucam.

Luc. 12.

IN illo témpore : Dixit Jesus discipulis suis : Sint lumbi vestri præcincti, et lucernæ ardéntes in manibus vestris : et vos símiles hominibus expectántibus dóminum suum, quando revertátur à nuptiis : ut, cùm vénerit, et pulsáverit, conféstim apériant ei. Beáti servi illi, quos, cùm vénerit dóminus, invénerit vigilántes : amen dico vobis, quod præcínget se, et faciet illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamilias, qua hora fur veníret, vigiláret útique, et non síneret pérfodi domum suam. Et vos estóte paráti, quia qua

hora non putátis, Filius hóminis véniet.

Offertorium. Ps. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

LAUDIS tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus, et fáturis. Per Dóminum.

Communio. Matth. 24. Beátus servus, quem, cùm vénerit dómínus, invénerit vigilántem: amen dico vobis, super ómnia bona sua constituet eum.

Postcommunio.

REFACTI cibo potúque cœlésti, Deus noster, te súpplices exorámus: ut in cújus hæc commemoratióne percépimus, ejus muniámur et précibus. Per Dóminum.

DE EODEM COMMUNI ALIA MISSA.

Introitus. Psal. 91.

JUSTUS ut palma florébit, sicut cedrus Líbani multiplicábitur: plantátus in domo Dómini, in átriis domus Dei nostri.

Psal. ibid. Bonum est confitéri Dómino: et psállere nomini tuo, Altíssime.

℣. Glória Patri.

Oratio.

ADESTO, Dómine, supplicatióibus nostris, quas in beáti *N.* confessóris tui solemnitáte deférimus: ut qui nostræ justítiæ fidúciã non habémus, ejus qui tibi placuit, précibus adjuvémur. Per Dóminum nostrum.

Léctio Epístolæ beáti Pauli Apóstoli ad Corínthios.

2 Cor. 4.

FRATRES, Spectáculum facti sūmus mundo, et Angélis, et homínibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurímus, et sitímus, et nudi sumus, et coláphis cædimur, et instábiles sumus, et laborámus operántes máibus nostris: maledícimur, et benedicimus: persecutiónem pátimur, et sustinémus: blasphemámur et obsecrámus: tamquam purgaménta hujus mundi facti sumus omnium peripséma usque adhuc. Non ut confúdam vos, hæc scribo, sed ut filios meos charíssimos móneo: in Christo Jesu Dómino nostro.

Graduale. Psal. 36. Os justí meditábitur sapiéntiam, et lingua ejus loquétur júdicium.

℣. Lex Dei ejus in corde ipsius: et non supplantábuntur gressus ejus, Allelúia, allel.

℣. *Psal. 111.* Beátus vir, qui timet Dóminum: in mandátis ejus cupit nimis, Allelúia.

Post Septuagesimam, omissis Allelúia, et Versu sequenti, dicitur,

Tractus. Beátus vir, qui timet Dóminum: in mandátis ejus cupit nimis. ℣. Potens in terra erit semen ejus: generatió rectórum benedicétur.

℣. Glória et divítiæ in domo ejus: et justítia ejus manet in sæculum sæculi.

Tempore Paschali omittitur Graduale, et ejus loco dicitur, Allelúia, allelúia.

℣. Beátus vir, qui timet Dóminum : in mandátis ejus cupit nimis, Allel. ℣. Osee 14. Justus germinábit sicut lílium : et florébit in ætérnum ante Dóminum, Allelúia.

Sequéntia sancti Evangélii secúndum Lucam.

Luc. 12.

IN illo témpore : Dixit Jesus discíplis suis : Nolíte timére pusíllus grex, quia complácuit Patri vestro dare nobis regnum. Véndite quæ possidéti, et date eleémósynam. Fácite vobis sácculos qui non veteráscunt, thesáurum non deficiéntem in cœlis : quò fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Offertorium. Ps. 20. In virtúte tua, Dómine, lætábitur justus, et super salutáre tuum exultábit veheménter : desidérium ánimæ ejus tribuísti ei.

Secreta.

PRÆSTA nobis, quæsumus omnipotens Deus, ut nostræ humilitátis oblátio, et pro tuórum tibi grata sit honóre sanctórum, et nos corpore páriter et mente purificet. Per Dóminum.

Communio. Matth. 19. Amen dico vobis, quòd vos qui reliquistis ómnia, et secúti estis me, céntuplum accipiétis, et vitam ætérnam possidébitis.

Postcommunio.

QUÆSUMUS omnipotens Deus, ut qui cœlestia aliménta percépimus, intercedénte beáto N. Confessóre tuo, per hæc contra ómnia advérsa muniámur. Per Dóminum.

Item alia Epístola, et Evangelium pro Confess. non Pont. Epístola. Quæ mihi fuérunt lucra. habetur in festo S. Francisci de Paula ii. Apr.

Evangelium. Homo quidam nóbilis. habetur in festo S. Ludovici Confessoris xxv. Augusti.

DE EODEM COMMUNI
MISSA PRO ABBATIBUS.

Introitus. Psal. 36.

OS justi meditábitur sapientiam, et lingua ejus loquétur júdicium : lex Dei ejus in corde ipsius.

Psal. ibid. Noli æmulári in malignántibus : neque zeláveris faciéntes iniquitátem.

℣. Glória Patri.

Oratio.

INTERCESSIO nos, quæsumus, Dómine, beáti N. Abbátis comméndet : ut quod nostris méritis non valémus, ejus patrocínio assequámur. Per Dóminum nostrum.

Léctio libri Sapiéntiæ.

Eccli. 45.

DILECTUS Deo et homínibus, cujus memória in benedictióne est. Similem illum fecit in glória Sanctórum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsius sanctum fecit illum, et elégit eum ex omni carne. Audívit enim eum, et vocem ipsius, et indúxit illum in nubem. Et dedit illi coram præcepta, et legem vitæ, et disciplinæ.

Graduale. Psal. 20. Dómine prævenisti eum in benedictionibus dulcedinis : posuisti in capite ejus coronam de lapide pretioso. *V.* Vitam petiit à te, et tribuisti ei longitudinem dièrum in sæculum sæculi.

Allelúia, allelúia.

V. Psal. 91. Justus ut palma florébit : sicut cedrus Libani multiplicábitur, Allelúia.

Post Septuagesimam, omissis Allelúia, et Versu sequenti, dicitur,

Tractus. Beátus vir, qui timet Dóminum : in mandátis ejus cupit nimis.

V. Potens in terra erit semen ejus : generatio rectórum benedicétur. *V.* Glória et divitiæ in domo ejus : et justítia ejus manet in sæculum sæculi.

Tempore Paschali omittitur Graduale, et ejus loco dicitur Allelúia, allelúia.

V. Psal. 91. Justus ut palma florébit : sicut cedrus Libani multiplicábitur, Allelúia.

V. Osee 14. Justus germinábit sicut lílium : et florébit in ætérnum ante Dóminum, Allel.

Sequéntia sancti Evangéllii secúndum Matthæum.

Matth. 19.

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis ? *Jesús* autem dixit illis : Amen dico vobis, quòd vos, qui secúti estis me, in regeneratione cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israél. Et omnis, qui reliquerit domum, vel fratres, aut soróres, aut patrem,

aut matrem, aut uxórem, aut filios, aut agros, propter nomen meum, centuplum accipiet, et vitam ætérnam possidebit.

Offertorium. Psal. 20. Desiderium animæ ejus tribuisti ei Dómine, et voluntáte labiórum ejus non fraudásti eum : posuisti in capite ejus coronam de lapide pretioso.

Secreta.

SACRIS altáribus, Dómine, hóstias superpósitas sanctus *N. Abbas*, quæsumus, in salutem nobis provenire deprecatur. Per Dóminum.

Communio. Luc. 12. Fidélis servus et prudens, quem constituit dóminus super familiam suam : ut det illis in témpore trítici mensúram.

Postcommunio.

PROTEGAT nos, Dómine, cum tui perceptióne sacraménti, beátus *N. Abbas* pro nobis intercedéndo : ut et conversatiónis ejus experiámur insígnia, et intercessiÓnis percipiámus suffrágia. Per Dóminum.

COMMUNE VIRGINUM.

Pro Virgine, et Martyre.

Introitus. Psal. 118.

LOQUEBAR de testimóniis tuis in conspéctu regum, et non confundébar : et meditábar in mandátis tuis, quæ diléxi nimis.

Psal. ibid. Beáti immaculáti in via, qui ámbulant in lege Dómini.

V. Glória Patri.

Oratio.

DEUS, qui inter cætera poténtiæ tuæ mirácula,

étiam in sexu frágili victóriam martyrii contulisti : concéde propítius, ut qui beátæ N. virginis et mártiris tuæ natalitia cólimus, per ejus ad te exémp-la gradiámur. Per Dóminum.

Léctio libri Sapiéntiæ.

Eccli. 51.

CONFITEBOR tibi Dómine Rex, et collaudábo te Deum Salvatórem meum. Confitébor nómini tuo: quóniam adjútor, et protéctor factus es mihi, et liberásti corpus meum à perditíone, à láqueo linguæ iníquæ, et à lábiis operántium mendácium, et in conspéctu astántium factus es mihi adjútor. Et liberásti me secúndum multitudinem misericórdiæ nóminis tui à rugiéntibus, præparátis ad escam de mánibus, quæréntium ánimam meam, et de portis tribulatiónum, quæ circumdedérunt me : à pressúra flammæ, quæ circumdedit me, et in médio ignis non sum aestuáta : de altítudine ventris inferi, et à lingua coinquináta, et à verbo mendáccii, à rege iníquo, et à lingua injústa : laudábit usque ad mortem ánima mea Dóminum ; quóniam éruis sustinéntes te, et liberas eos de mánibus Génitium, Dómine Deus noster.

Graduale. Ps. 44. Dilexísti justítiam, et odísti iniquitátem. *V.* Propterea unxit te Deus, Deus tuus, óleo lætitiæ.

Allelúia, allelúia.

V. Adducéntur Regi vírgines post eam : próximæ ejus afferentur tibi in lætítia. Allelúia.

Post Septuages. omissis Allel. et Versu sequenti, dicitur Tractus. Veni sponsa Christi, ac-

cipe coronám, quam tibi Dóminus præparávit in ætérnum : pro cujus amóre sánguinem tuum fudísti. *V. Ib.* Dilexísti justítiam, et odísti iniquitátem : propterea unxit te Deus, Deus tuus óleo lætitiæ præ consórtibus tuis. *V.* Spécie tua, et pulchritúdine tua inténde, próspere procéde, et regna.

Tempore Paschali omittitur Graduale, et ejus loco dicitur, Allelúia, allelúia.

V. ib. Adducéntur Regi vírgines post eam, próximæ ejus afferentur tibi in lætítia. Allel. *V.* Spécie tua, et pulchritúdine tua inténde, próspere procéde, et regna. Allelúia.

Sequéntia sancti Evangélii secúndum Matthæum.

Matth. 25.

IN illo témpore : Dixit Jesus discipulis suis parábolam hanc : Simile erit regnum cœlorum decem víginibus : quæ accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudéntes : sed quinque fátuæ, accéptis lámpadibus, non sumpsérunt óleo secum : prudéntes verò accepérunt óleo in vasis suis cum lámpadibus. Moram autem faciénte sponso, dormitavérunt omnes, et dormiérunt. Média autem nocte clamor factus est : Ecce sponsus venit, exíte obviam ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixérunt : Date nobis de óleo vestro : quia lámpades nostræ extingúntur. Respondérunt prudéntes, dicéntes : Ne fortè non

sufficiat nobis et vobis, ite potius ad vendentes, et emite vobis. Dum autem irent emere, venit sponsus: et quæ paratæ erant, intraverunt cum eo ad nuptias, et clausa est janua. Novissimè verò veniunt et reliquæ virgines, dicentes: Domine, Domine, aperi nobis. At ille respondens, ait: Amen dico vobis, nescio vos. Vigilate itaque, quia nescitis diem, neque horam.

Offertorium. Psal. 44. Afferentur Regi virgines post eam: proximæ ejus afferentur tibi in lætitia, et exultatione: adducentur in templum Regi Domino.

Secreta.

SUSCIPE Domine mûnera, quæ in beatæ N. virginis et martyris tuæ solemnitate deférimus: cujus nos confidimus patrocínio liberári. Per Dominum.

Communio. Psal. 118. Confundantur superbi, quia injústè iniquitatem fecerunt in me: ego autem in mandátis tuis exercébor, in tuis justificatiõnibus, ut non confundar.

Postcommunio.

AUXILIENTUR nobis, Domine, sumpta mysteria: et intercedente beatâ N. virgine et martyre tua, sempiterna faciant protectione gaudere. Per Dominum.

ITEM PRO VIRGINE ET MART. ALIA MISSA.

Introitus. Psal. 3.

ME expectaverunt peccatores, ut perderent me: testimonia tua, Domine, intellexi: omnis consummationis

vidi finem: latum mandatum tuum nimis.

Psal. ibid. Beati immaculati in via, qui ambulant in lege Domini.

℟. Glória Patri.

Oratio.

INDULGENTIAM nobis, quæsumus Domine, beatâ N. virgo et martyr impleret: quæ tibi grata semper extitit, et merito castitatis, et tuæ professione virtutis. Per Dominum.

Lectio libri Sapientiæ.

Eccli. 51.

DOMINE Deus meus, exaltasti super terram habitationem meam, et pro morte defluente deprecata sum. Invocavi Dominum Patrem Domini mei, ut non derelinquat me in die tribulationis meæ, et in tempore superborum sine adjutorio. Laudabo numen tuum assidue, et collaudabo illud in confessione, et exaudita est oratio mea. Et liberasti me de perditione, et eripuisti me de tempore iniquo. Propterea confitebor, et laudem dicam tibi, Domine Deus noster.

Graduale. Psal. 45. Adjuvabit eam Deus vultu suo: Deus in medio ejus, non commovebitur. ℟. Fluminis impetus lætificat civitatem Dei: sanctificavit tabernaculum suum Altissimus, Alleluia, alleluia.

℟. Hæc est virgo sapiens, et una de numero prudentum, Alleluia.

Post Septuag. omissis Allel. et Versu sequenti, dicitur:

Tractus. Veni sponsa Christi, accipe coronam, quam tibi Dominus præparavit in æternum: pro cujus amore sanguinem tuum fudisti.

V. Psal. 44. Dilexisti justitiam, et odisti iniquitatem : propterea unxit te Deus, Deus tuus oleo lætitiæ præ consoribus tuis. *V.* Spécie tua, et pulchritudine tua inténde, prospère procéde, et regna.

Tempore Paschali omittitur Graduale, et ejus loco dicitur, Allelúia, allelúia.

V. Hæc est virgo sapiens, et una de número prudentum, Allelúia.

V. Sap. 4. O quàm pulchra est casta generatio cum claritate ! Allelúia.

Sequéntia sancti Evangélii secundum Matthæum.

Matth. 13. f.

IN illo tempore : Dixit Jesus discipulis suis parabolam hanc : Simile est regnum cœlorum thesauro abscondito in agro : quem qui invenit homo, abscondit, et præ gaudio illius vadit, et vendit universa quæ habet, et emit agrum illum. Iterum simile est regnum cœlorum homini negotiatori quærenti bonas margaritas. Inventa autem una pretiosa margarita, abiit, et vendidit omnia quæ habuit, et emit eam. Iterum simile est regnum cœlorum sagænæ missæ in mare, et ex omni genere piscium congreganti. Quam, cum impléta esset, educéntes, et secus littus sedéntes, elegerunt bonos in vasa, malos autem foras miserunt. Sic erit in consummatione sæculi. Exibunt Angeli, et separabunt malos de medio justorum, et mittent eos, in caminum ignis : ibi erit fletus et stridor dentium. Intellexistis hæc omnia ? Dicunt ei : Etiam.

Ait illis : Ideò omnis scriba doctus in regno cœlorum, similis est homini patrifamilias, qui profert de thesauro suo nova et vetera.

Offertorium. Psal. 44. Diffusa est grátia in labiis tuis : propterea benedixit te Deus in ætérnum, et in sæculum sæculi.

Secreta.

HOSTIAS tibi Dómine, beátæ *N.* virginis et martyris tuæ dicátas méritis, benignus assúme : et ad perpétuum nobis tribue provenire subsidium. Per Dóminum.

Communio. Psal. 118. Feci judicium et justitiam, Dómine, non calumniéntur mihi superbi : ad omnia mandata tua dirigébar, omnem viam iniquitatis odio hábui.

Postcommunio.

DIVINI muneris largitate satiati, quæsumus Dómine Deus noster : ut intercedente beata *N.* virgine et martyre tua, in ejus semper participatióne vivámus. Per Dóminum.

COMMUNE PLURIUM VIRGINUM ET MARTYRUM.

Omnia dicuntur ut supra pro una Virgine et Martyre, exceptis Orationibus, quæ dicuntur ut sequitur : et Epist. quæ dicitur, ut in Communi Virginum non martyrum. De virginibus præceptum. xxx.

Oratio.

DA nobis, quæsumus Dómine Deus noster, sanctarum virginum et martyrum tuarum *N.* et *N.* palmas incessabili devotióne venerári : ut quas digna mente non possumus celebrare, humilibus sal-

tem frequentemus obséquijs.
Per Dóminum.

Secreta.

INTENDE, quæsumus Dómine, múnera altáribus tuis pro sanctárum virginum et mártýrum tuárum *N.* et *N.* festivitáte propósita : ut sicut per hæc beáta mystéria illis glóriam contulisti, ita nobis indulgéntiam largiáris. Per Dóminum.

Postcommunio.

PRÆSTA nobis, quæsumus Dómine, intercedéntibus sanctis virginibus et mártýribus tuis : ut quod ore contingimus, pura mente capiámus. Per Dóminum.

PRO VIRGINE TANTUM.

Introitus. Psal. 44.

DILEXISTI justitiam, et odisti iniquitatem : proptereà unxit te Deus, Deus tuus óleo lætitiæ præ consórtibus tuis.

Psal. ibid. Eructávit cor meum verbum bonum : dico ego ópera mea Regi.

℣. Glória Patri.

Oratio.

EXAUDI nos Deus salutáris noster : ut sicut de beátæ *N.* virginis tuæ festivitáte gaudémus ; ita piæ devotiónis erudiámur affectu. Per Dóminum.

Lectio Epístolæ beáti Pauli Apóstoli ad Corínthios.

1 Cor. 10.

FRATRES, Qui gloriátur, in Dómino gloriétur. Non enim qui seípsum comméndat, ille probátus est ; sed quem Deus comméndat. Utinam sustinerétis módicum quid insipiéntiæ meæ, sed et supportáte me. Æmulor enim vos

Dei æmulatióne. Despóndi enim vos uní viro virginem castam exhibére Christo.

Graduale. Psal. 44. Spécie tua, et pulchritúdine tua inténde, próspere procéde, et regna.

℣. Propter veritatem, et mansuetúdinem, et justítiam, et dedúcet te mirábiliter dextera tua, Allelúia, allelúia.

℣. Adducéntur Regi vírgines post eam : próximæ ejus afferéntur tibi lætítia, Allelúia.

Post Septuagesimam, omissis Allelúia, et Versu sequenti, dicitur Tractus. ib. Audi filia, et vide, et inclína aurem tuam : quia concupívit Rex spéciem tuam.

℣. Vultum tuum deprecábuntur omnes divites plebis : filiæ regum in honóre tuo.

℣. Adducéntur Regi vírgines post eam : próximæ ejus afferéntur tibi.

℣. Afferéntur in lætítia, et exultatióne : adducéntur in templum Regis.

Tempore Paschali omittitur Graduale, et ejus loco dicitur, Allelúia, allelúia. ℣. Adducéntur Regi vírgines post eam : próximæ ejus afferéntur tibi in lætítia, Allelúia.

℣. Spécie tua, et pulchritúdine tua inténde, próspere procéde, et regna, Allelúia.

Evangelium. Simile erit regnum coelórum decem virgíibus. *ut suprà in Missa virg. et mart. xxvi.*

Offertorium. ib. Fíliæ regum in honóre tuo, ástitit regina à dextris tuis in vestítu deauráto, circúmdata varietáte.

Secreta.

ACCEPTA tibi sit, Dómine, sacrátæ plebis oblátio,

pro tuórum honóre Sanctórum : quorum se méritis de tribulatióne percepisse cognóscit auxiliúm. Per Dóminum.

Communio. Matth. 25. Quinque prudentes vírgines acceperunt óleum in vasis suis cum lampádibus : média autem nocte clamor factus est, ecce sponsus venit, exite obviam Christo Dómino.

Postcommunio.

SATIASTI, Dómine, familiam tuam munéribus sacris : ejus quæsumus semper interventióne nos réfove, cujus solémnia celebrámus. Per Dóminum nostrum.

**ITEM PRO VIRGINE
TANTUM, ALIA MISSA.**

Introitus. Psal. 44.

VULTUM tuum deprecabuntur omnes dívites plebis adducéntur Regi vírgines post eam : próximæ ejus adducéntur tibi in lætítia et exultatióne.

Psal. ibid. Eructávit cor meum verbum bonum : dico ego ópera mea Regi.

℣. Glória Patri.

Oratio.

EXAUDI nos Deus salutáris noster : ut sicut de beátæ N. virginis tuæ festivitáte gaudémus, ita piæ devotiónis crudiamur afféctu. Per Dóminum,

Lectio Epístolæ beati Pauli Apóstoli ad Corinthios,

1 Cor. 7.

FRATRES, De virgínibus præcéptum Dómini non

hábeo : consílium autem do, tamquam misericórdiam consecútus à Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærere solutióne. Solútus es ab uxóre? noli quærere uxórem. Si autem accéperis uxórem, non peccásti. Et si nupserit virgo, non peccávit. Tribulatióne tamen carnis habébunt hujúsmodi. Ego autem vobis parco. Hoc itaque dico, fratres: Tempus breve est: réliquum est, ut et qui habent uxóres, tamquam non habétes sint: et qui flent, tamquam non flentes: et qui gaudent, tamquam non gaudétes: et qui emunt, tamquam non possidétes: et qui utúntur hoc mundo, tamquam non utántur: præterit enim figúra hujus mundi. Volo autem vos sine sollicitúde esse. Qui sine uxóre est, solícitus est quæ Dómini sunt, quómodo pláceat Deo. Qui autem cum uxóre est, solícitus est quæ sunt mundi, quómodo pláceat uxóri, et divisus est. Et múlier innúpta, et virgo cógitat quæ Dómini sunt, ut sit sancta córpore et spíritu: in Christo Jesu Dómino nostro.

Graduale. Ps. 44. Concupívit Rex decórem tuum, quóniam ipse est Dóminus Deus tuus. ℣. Audi filia, et vide, et inclína aurem tuam. Allelúia, allelúia.

℣. Hæc est virgo sápiens, et una de número prudentum. Allelúia.

Post Septuagesimam, omissis Allel. et Versu sequenti, dicitur:

Tractus. Audi filia, et vide, et inclina aurem tuam: quia concupivit Rex sp̄ciem tuam. *V.* Vultum tuum deprecabuntur omnes divites plebis: filiæ regum in honore tuo. *V.* Adducuntur Regi virgines post eam: proximæ ejus afferentur tibi. *V.* Afferentur in lætitia et exultatione: adducuntur in templum Regis.

Tempore Paschali omittitur Graduale, et ejus loco dicitur, Allel. allel. V. Hæc est virgo sapiens, et una de numero prudentum, Allelúia. *V. Sap. 4.* O quàm pulchra est casta generatio cum claritate. Allelúia.

Evangelium. Simile est regnum cœlorum thesauro abscondito. *ut supra in Missa Virg. et Mart. xxviii.*

Offertorium. Psal. 44. Afferentur Regi virgines post eam: proximæ ejus afferentur tibi in lætitia, et exultatione: adducuntur in templum Regi Dómino.

Secreta.

ACCEPTA tibi sit, Dómine, sacratæ plebis oblatio, pro tuorum honore Sanctorum: quorum se méritis de tribulatione percepisse cognoscit auxilium. Per Dóminum nostrum.

Communio. Matth. 13. Simile est regnum cœlorum hómini negotiatóri, quærenti bonas margaritas: inventa autem una pretiosa margarita dedit ómnia sua, et comparavit eam.

Postcommunio.

SATIASTI, Dómine, famíliam tuam munéribus sacris: ejus quæsumus semper interventione nos refóve, cujus solémnia celebrámus. Per Dóminum nostrum.

COMMUNE NON VIRGINUM.

PRO UNA MARTYRE NON VIRGINE.

Introitus. Psal. 118.

ME expectaverunt peccatores, ut perderent me: testimónia tua, Dómine, intellexi: omnis consummationis vidi finem: latum mandatum tuum nimis.

Psal. ibid. Beáti immaculati in via, qui ámbulant in lege Dómini.

V. Glória Patri.

Oratio.

DEUS, qui inter cætera poténtiæ tuæ miracula, étiam in sexu fragili victóriam martyrii contulisti: concède propitius; ut qui beátæ *N.* mártiris tuæ natalitia cólimus, per ejus ad te exéempla gradiámur. Per Dóminum.

Si fuerint plures. Oratio.

DA nobis, quæsumus Dómine Deus noster, sanctarum mártirum tuarum *N.* et *N.* palmas incessábili devotione venerári: ut quas dignamente non póssumus celebrare, humilibus saltem frequentémus obséquiiis. Per Dóminum.

Epistola. Confitébor tibi Dómine rex. *ut supra in Mssa Virg. et Mart. xxvi.*

Graduale. Ps. 44. Dilexisti justitiam, et odisti iniquitatem. *V.* Propterea unxit te Deus, Deus tuus oleo lætitiæ.

Allelúia, allelúia.

V. Spécia tua, et pulchritudine tua inténde, prospère procéde, et regna, Allelúia.

Post Septuag. omissis Allel. et Versu sequenti, dicitur:

Tractus. Veni sponsa Christi, áccipe corónam, quam tibi

Dóminus præparávit in ætérnum : pro cuius amóre sánguinem tuum fudisti.

℣. Dilexisti justitiam, et odisti iniquitátem : propterea unxit te Deus, Deus tuus óleo lætitiæ præ consórtibus tuis.

℣. Spécie tua, et pulchritudine tua inténde, próspere procéde, et regna.

Tempore Paschali omittitur Graduale, et ejus loco dicitur, Allelúia, allelúia.

℣. Spécie tua, et pulchritudine tua inténde, próspere procéde, et regna, Allelúia.

℣. Propter veritátem, et mansuetúdinem, et justitiam : et dedúcet te mirabiliter dextera tua, Allelúia.

Evangelium. Simile est regnum cœlorum thesauro abscondito in agro. xxviii.

Offertorium. ib. Diffusa est grátia in lábiis tuis : propterea benedixit te Deus in ætérnum, et in sæculum sæculi, allelúia.

Secreta.

SUSCIPE Dómine múnera, quæ in beátæ N. mártiris tuæ solemnitate deférimus : cuius nos confidimus patrocinio liberári. Per Dóminum.

Si fuerint plures. Secreta.

INTENDE, quæsumus Dómine, múnera, altáribus tui pro sanctárum mártýrum tuárum N. et N. festivitáte propósita : ut sicut per hæc beáta mystéria illis glóriam contulisti, ita nobis indulgéntiam largiáris. Per Dóminum.

Communio. Ps. 118. Principes persecúti sunt me gratis : et à verbis tuis formidávit cor meum : lætabor ego super elóquia tua : quasi qui invénit spólia múlta.

Postcommunio.

AUXILIENTUR nobis, Dómine, sumpta mystéria : et interdedénte beáta N. mártýre tua, sempitérna fáciant protectióne gaudére. Per Dóminum nostrum.

Si fuerint plures. Postcomm.

PRÆSTA nobis, quæsumus Dómine, intercedéntibus sanctis mártýribus tuis : ut quod ore contingimus, pura mente capiámus. Per Dóminum.

PRO NEC VIRGINE NEC MART.

Introitus. Psal. 118.

COGNOVI, Dómine, quia æquitas júdicia tua, et in veritate tua humiliásti me : confige timóre tuo carnes meas : à mandátis tuis timui. *Psal. ibid.* Beáti immaculáti in viá, qui ámbulant in lege Dómini. Glória Patri.

Oratio.

EXAUDI nos Deus salutáris noster : ut sicut de beátæ N. festivitáte gaudémus ; ita piæ devotiónis erudiámur affectu. Per Dóminum.

Léctio libri Sapiéntiæ.

Prov. 31.

MULIEREM fortem quis invéniet ? prócul, et de últimis finibus pretium ejus. Confidit in ea cor viri sui, et spóliis non indigébit. Reddet ei bonum, et non malum ómnibus diébus vitæ suæ. Quæsit lanam et linum, et operáta est consílio manuum suárum. Facta est quasi navis institóris, de longè portans panem suum. Et de nocte surréxit, deditque prædam domésticis suis, et cibária ancillis suis.

Considerávit agrum, et emit eum : de fructu mánuum suárum plantávit vineam. Accínxit fortitúdone lumbos suos, et roborávit bráchium suum. Gustávit, et vidit, quia bona est negotiátio ejus, non extingúetur in nocte lucérna ejus. Manum suam misit ad fórtia, et dígiti ejus apprehendérunt fúsum. Manum suam apéruit ínopi, et palmas suas exténdit ad páuperem. Non timébit dómui suæ à frigóribus nivis : omnes enim doméstici ejus vestíti sunt duplicibus. Stragulatam vestem fecit sibi : byssus, et púrpura indumentum ejus. Nóbilis in portis vir ejus, quando séderit cum senatóribus terræ. Síndonem fecit, et véndidit, et cíngulum trádidit Chananaeo. Fortitúdo, et decor indumentum ejus, et ridébit in die novíssimo. Os suum apéruit sapiéntiæ : et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam prædicavérunt ; vir ejus et laudávit eam. Multæ filiæ congregavérunt divítias : tu supergréssa es univérsas. Fallax grátia, et vana est pulchritúdo : múlier timens Dóminum, ipsa laudabitur. Date ei de fructu mánuum suárum : et laudent eam in portis ópera ejus.

Graduale. Ps. 44. Diffúsa est grátia in lábiis tuis, propterea benedíxit te Deus in ætérnum. *V.* Propter veritátem, et mansuetúdinem et justítiam : et dedúcet te mirabíliter dextera tua, Allelúia, allelúia.

V. Spécie tua, et pulchritú-dine tua inténde, próspere procéde, et regna, Allelúia.

Post Septuagesimam, omissis Allelúia, et Versu sequenti, dicitur Tractus. Veni sponsa Christi, ácccipe corónam, quam tibi Dóminus præparávit in ætérnum. *V.* Dilexisti justítiam, et odisti iniquitátem : propterea unxit te Deus, Deus tuus óleo lætítiæ præ consórtibus tuis. *V.* Spécie tua, et pulchritú-dine tua inténde, próspere procéde, et regna.

Tempore Paschali omittitur Graduale, et ejus loco dicitur Allelúia, allelúia.

V. Spécie tua, et pulchritú-dine tua inténde, próspere procéde, et regna, Allelúia.

V. Propter veritátem, et mansuetúdinem, et justítiam : et dedúcet te mirabíliter dextera tua, Allelúia.

Evangelium. Simile est regnum cælórum thesauro abscondito in agro. xxviii.

Offertorium. ib. Diffúsa est grátia in lábiis tuis : propterea benedíxit te Deus in ætérnum, et in sæculum sæculi.

Secreta.

ACCEPTA tibi sit, Dómine, sacrátæ plebis oblátio pro tuórum honóre Sanctórum : quorum se méritis de tribulatióne percepisse cognóscit auxiliúm. Per Dóminum.

Communio. ib. Dilexisti justítiam, et odisti iniquitátem : propterea unxit te Deus, Deus tuus óleo lætítiæ præ consórtibus tuis.

Postcommunio.

SATIASTI, Dómine, familiam tuam munéribus sacris : ejus quæsumus semper interventióne nos réfove, cujus solémnia celebrámus. Per Dóminum.

Item alia Epistola pro Vidua. Viduas honóra. habetur in festo S. Monicæ 4. Maii.

IN ANNIVERSARIO
DEDICATIONIS
ECCLESIAE.

Introitus. Gen. 28.

TERRIBILIS est locus iste : hic domus Dei est, et porta cœli : et vocábitur aula Dei.

Ps. 83. Quàm dilécta tabernácula tua, Dómine virtutum ! concupiscit, et déficit ánima mea in átria Dómini.

V. Glória Patri.

Oratio.

DEUS, qui nobis per singulos annos, hujus sancti templi tui consecratiónis réparas diem, et sacris semper mystériis repræsentas incólumes : exáudi preces pópuli tui et præsta ; ut quisquis hoc templum beneficia petiturus ingreditur, cuncta se impetrásse lætétur. Per Dóminum.

Lectio libri Apocalypsis beáti Joánnis Apóstoli.

Apoc. 5.

IN diébus illis : Vidi sanctam civitátem Jerúsalem novam descendéntem de cœlo à Deo, parátam sicut sponsam ornátam viro suo. Et audivi vocem magnam de throno dicéntem : Ecce tabernáculum Dei cum homínibus, et habitábit cum eis. Et ipsi pópulus ejus erunt, et ipse Deus cum eis erit eórum Deus : et abstérget Deus omnem lácrymam ab óculis eórum : et mors ultrà non erit, neque luctus, neque clamor, neque dolor erit ultrà, quia prima abiérunt. Et dixit qui

sedébat in throno : Ecce nova fácio omnia.

Graduale. Locus iste à Deo factus est, inæstimábile sacraméntum, irreprehensíbilis est. *V. Deus, cui adstat Angelórum chorus, exaudi preces servórum tuórum.*

Allelúia, allelúia.

V. Adorábo ad templum sanctum tuum : et confitébor nómini tuo. Allelúia.

Post Septuag. omissis Allel. et Versu sequenti, dicitur Tract.

Psalm. 124. Qui confidunt in Dómino, sicut mons Sion : non commovébitur in ætérnum qui hábitat in Jerúsalem, *V. Montes in circúitu ejus, et Dóminus in circúitu pópuli sui, ex hoc, nunc et usque in sæculum.*

Tempore Paschali omittitur Graduale, et ejus loco dicitur Allelúia, allelúia.

V. Ps. 137. Adorábo ad templum sanctum tuum, et confitébor nómini tuo. Allelúia.

V. Benè fundáta est domus Dómini supra firmam petram. Allelúia.

Sequéntia sancti Evangélii secúndum Lucam.

Luc. 19.

IN illo témpore : Ingressus Iesus perambulábat Jericho. Et ecce vir nómine Zachæus : et hic princeps erat publicanórum, et ipse dives : et quærébat vidére Jesum, quis esset : et non póterat præ turba, quia statúra pusillus erat. Et præcurrens ascéndit in árborem syncómorum, ut vidéret eum : quia inde erat transitúrus. Et cùm venisset ad locum, suspiciens Iesus vidit illum, et dixit ad eum : Zachæe festínans descende : quia ho-

die in domo tua oportet me manere. Et festinans descendit, et excipit illum gaudens. Et cum viderent omnes, murmurabant, dicentes, quod ad hominem peccatorem divertisset. Stans autem Zachæus, dixit ad Dominum: Ecce dimidium bonorum meorum, Domine, do pauperibus: et si quid aliquem defraudavi, reddo quadruplum. Ait Jesus ad eum: Quia hodie salus domui huic facta est: eo quod et ipse filius sit Abrahamæ. Venit enim Filius hominis querere, et salvum facere quod perierat. Credo.

Offertorium. 1. Par. 29. Domine Deus, in simplicitate cordis mei lætus obtuli universa: et populum tuum, qui repertus est, vidi cum ingenti gaudio: Deus Israël, custodi hanc voluntatem, alleluia.

Extra Ecclesiam dedicatam omit- titur tota parenthesis.

Secreta.

ANNUE quæsumus Domine, precibus nostris: (ut quicumque intra templi huius, cujus anniversarium dedicationis diem celebramus, ambitum continemur, plena tibi atque perfecta corporis et animæ devotione placeamus,) ut dum hæc vota presentia reddimus, ad æterna præmia, te adiuvante, pervenire mereamur. Per Dominum.

Communio. Domus mea, domus orationis vocabitur, dicit Dominus: in ea omnis qui petit, accipit: et qui quærit, invenit: et pulsanti aperietur.

Postcommunio.

DEUS, qui de vivis et electis lapidibus æternum majestati tuæ præparas habi-

taculum, auxiliare populo tuo supplicanti: ut quod Ecclesiæ tuæ corporalibus proficit spatiis, spiritalibus amplificetur augmentis. Per Dominum nostrum.

Infra Octavam Dedicationis Ecclesiæ, et in die Oct. dicitur Missa ut supra in die anniversario: sed infra Octavam secunda Oratio dicitur de B. Maria; tertia, Ecclesiæ. vel pro Papa 236.

In ipsa die Dedicationis Ecclesiæ Missa dicitur, ut supra in anniversario Dedicationis, exceptis Orationibus, quæ dicuntur ut infra.

Oratio.

DEUS, qui invisibiliter omnia continet, et tamen pro salute generis humani signa tuæ potentiae visibiliter ostendis: templum hoc potentia tuæ inhabitationis illustra, et concede; ut omnes, qui huc deprecaturi conveniunt, ex quacumque tribulatione ad te clamaverint, consolationis tuæ beneficia consequantur. Per Dominum.

Secreta.

DEUS, qui sacrandorum tibi auctor es munerum, effunde super hanc orationis domum, benedictionem tuam: ut ab omnibus in ea invocantibus nomen tuum, defensionis tuæ auxilium sentiatur. Per Dominum.

Postcommunio.

QUÆSUMUS, omnipotens Deus: ut in hoc loco, quem nomini tuo indigni dedicavimus, cunctis petentibus aures tuæ pietatis accommodes. Per Dominum.

In ipsa die Dedicationis Altaris dicitur Missa, ut supra in Anniversario Dedicationis Ec-

clesiæ, præter Orationes, quorum loco dicuntur sequentes.

Oratio.

DEUS, qui ex omni coaptatione Sanctórum, ætérnum tibi condis habitáculum: da ædificatióni tuæ incrementa cœlestia; ut quorum híc reliquias pio amore compléctimur, eórum semper méritis adjuvémur. Per Dóminum.

Secreta.

DESCENDAT, quæsumus Dómine Deus noster, Spíritus tuus sanctus super hoc altáre: qui et pópuli tui dona sanctificet, et suméntium corda dignánter emúndet. Per Dóminum nostrum... in unitate ejúsdem Spíritus sancti.

Postcommunio.

OMNIPOTENS sempitérne Deus, altáre hoc nómini tuo dedicátum, cœlestis virtútis benedictiône sanctífica, et ómnibus in te sperántibus auxilií tui munus osténde: ut et híc sacramentórum virtus, et votórum obtineátur efféctus. Per Dóminum nostrum.

Sequentes Missæ Votivæ, licet pro Sacerdotis devotione quacumque die dici possunt per Hebdomadam, quando Festum Duplex non occurrit: hoc tamen passim, nisi rationabili de causa, fieri non debet, sed quod fieri potest, Missa cum Officio conveniat. Cuique autem dici propria Missa potest assignari; ut Feria ii. nisi dicatur pro defunctis, Missa de SS. Trinitate. Feria iii. de Angelis. Feria iv. de Apostolis. Feria v. de Spiritu sancto, vel de Sanctissimo Eucharisticæ Sacramento. Feria vi. de Cruce. vel de Passione Domini. Sabbato de S. Maria. In ipsis

non dicitur, Glória in excelsis, nec Credo, nisi pro publica Ecclesiæ causa, et tunc, etiamsi, dicantur in paramentis violaceis, dicitur Credo, si sit Dominica, non autem Glória in excelsis. In Missa autem B Mariæ in Sabbato, et in Missa Angelorum, dicitur tantum Glória in excelsis.

Temp. Pasch. in fine Introitus dicuntur duo Allel. et in fine Offertorii, et Communionis addicitur Allelúia ubi non habetur.

MISSA DE SANCTISSIMA TRINITATE.

Introitus. Tob. 13.

BENEDICTA sit sancta Trinitas, atque indivisa unitas: confitébimur ei, quia fecit nobiscum misericórdiam suam. *Psal. 8.* Dómine Dóminus noster, quàm admirábile est nomen tuum in univérsa terra!

V. Glória Patri.

Oratio.

OMNIPOTENS sempitérne Deus, qui dedísti famulis tuis in confessiône veræ fidei, ætérnæ Trinitátis glóriam agnóscere, et in poténtia majestátis adoráre unitátem: quæsumus, ut ejúsdem fidei firmitáte ab ómnibus semper muniámur advérsis. Per Dóminum nostrum.

Léctio Epistolæ beáti Pauli Apóstoli ad Corínthios.

2 Cor. 13. d.

FRATRES, Gaudéte, perfécti estóte, exhortámini, idem sápite, pacem habéte, et Deus pacis et dilectiόνis erit

vobiscum. Grátia Dómini nostri Jesu Christi, et charitas Dei, et communicatio sancti Spiritus sit cum omnibus vobis. Amen.

Graduale. Benedictus es Dómine, qui intuéris abyssos, et sedes super Chérubim. *V.* Benedictus es Dómine in firmamento cœli, et laudábilis in sæcula. Allelúia, allelúia, *V.* Benedictus es Dómine Deus patrum nostrórum, et laudábilis in sæcula, Allelúia.

Post Septuagesimam, omissis Allelúia, et Versu sequenti, dicitur Tractus. Te Deum Patrem ingénitum, te Filium unigénitum, te Spíritum sanctum Paráclitum, sanctam et individuam Trinitatém, tóto corde confitémur, laudámus atque benedicimus. *V.* Quoniam mágnus es tu, et fáciens mirabilia, tu es Deus solus.

V. Tibi laus, tibi glória, tibi gratiarum actio in sæcula sempitérna, ò beáta Trínitas.

Tempore Paschali onmittitur Graduale, et ejus loco dicitur Allelúia, allel. V. Dan. 3. Benedictus es Dómine Deus patrum nostrórum, et laudábilis in sæcula. Allelúia. *V.* Benedicámus Pátrém, et Filiúm cum sancto Spíritu. Allelúia.

Evangelium. Cùm vènerit Paráclitus. *habetur in Missa Dominicæ infra Oct. Ascensionis. 248.*

Offertorium. Tob. 12. Benedictus sit Deus Pater, unigenitusque Dei Filius, sanctus quoque Spíritus: quia fecit nobiscum misericórdiam suam.

Secreta.

SANCTIFICA, quæsumus Dómine Deus noster, per

tui sancti nóminis invocatió-nem, hujus oblatiósni hóstiam: et per eam nosmetipsos tibi pérfice munus ætérnum. Per Dóminum.

Præfatio de SS. Trinitate.

Communio. Tob. 13. Benedicimus Deum cœli, et coram omnibus vivéntibus confitébimur ei: quia fecit nobiscum misericórdiam suam.

Postcommunio.

PROFICAT nobis ad salutem córporis et animæ, Dómine Deus noster, hujus sacraménti susceptio: et sempitérnæ sanctæ Trinitátis, ejusdémque individuæ unitátis confessio. Per Dóminum.

Pro gratiarum actione dicitur Missa SS. Trinitate, vel de Spiritu sancto, vel de beáta Maria, additis sequentibus Orationibus sub una conclusione.

Oratio.

DEUS, cujus misericórdiæ non est númerus, et bonitátis infinitus est thesáurus: piíssimæ majestáti tuæ pro collátis donis grátias ágimus, tuam semper cleméntiam exorantes: ut qui peténtibus postuláta concédis, eosdem non désereus, ad præmia futúra dispónas. Per Dóminum.

Secreta.

ODOREM, Dómine, sacrificii hujus cum gratiarum actionibus suscipe, et præsta: ut quos exaudire, et incólumes serváre dignátus es, ab omni impósterum adversitáte custódiás: et in tuo servítio, et amóre concréscaut. Per Dóminum.

Postcommunio.

DEUS, qui néminem in te sperántem, nímiùm af-

fligi permittis, sed pium præcibus præstas auditum: pro postulatiõibus nostris, votisque susceptis grãtias ágimus, te piissime deprecantes: ut per hæc, quæ sumpsimus, à cunctis éripi mereámur adversis. Per Dóminum.

MISSA DE ANGELIS.

Introitus. Psal. 102.

BENEDIDITE Dóminum omnes Angeli ejus: potentes virtute, qui faciis verbum ejus, ad audiendam vocem sermonum ejus.

Psal. ib. Bénedic ánima mea Dómino: et ómnia quæ intra me sunt, nómini sancto ejus. *V.* Glória Patri.

Oratio.

DEUS, qui miro órdine, Angelórum ministéria, hominúmque dispensas: concede propítius; ut à quibus tibi ministrantibus in cælo semper assistitur, ab his in terra vita nostra muniátur. Per Dóminum nostrum.

Lectio libri Apocalypsis beati Joánnis Apóstoli.

Apoc. 5. c.

IN diébus illis: Audivi vocem Angelórum multórum in circúitu throni, et animálum, et seniórum: et erat número eórum millia millium, dicéntium voce magna: Dignus est Agnus, qui occisus est, accipere virtutem, et divinitatem, et sapiéntiam, et fortitudinem, et honórem, et glóriam, et benedictiónem. Et omnem creatúram, quæ in cælo est, et super terram, et sub terra, et quæ sunt in mari, et quæ in eo: omnes audivi dicéntes: Sedénti in throno,

et Agno, benedictio, et honor, et gloria, et potestas in sæcula sæculórum. Et quátuor animália dicébant: Amen. Et vigintiquátuor senióres ceciderunt in facies, suas: et adoráverunt vivéntem in sæcula sæculórum.

Graduale. Ps. 149. Laudáte Dóminum de cælis: laudáte eum in excélsis. *V.* Laudáte eum omnes Angeli ejus: laudáte eum omnes virtútes ejus. Allelúia, allelúia.

V. In conspéctu Angelórum psallam tibi: adorábo ad templum sanctum tuum, et confitébor nómini tuo. Allelúia.

Post Septuagesimam, omissis Allelúia. Et Virsu sequenti, dicitur. Tract. Psal. 102. Benedicite Dóminum omnes Angeli ejus, potentes virtute, qui faciis verbum ejus. *V.* Benedicite Dómino omnes virtútes ejus, ministri ejus qui faciis voluntatem ejus. *V.* Benedicite Dómino omnia ópera ejus: in omni loco dominatiõis ejus, benedic ánima mea Dómino.

Tempore Paschali omittitur Graduale, et ejus loco dicitur. Allelúia, allelúia.

V. Psal. 137. In conspéctu Angelórum psallam tibi, adorábo ad templum sanctum tuum, et confitébor nómini tuo. Allelúia.

V. Matth. 28. Angelus Dómini descendit de cælo, et accédens revólvit lápidem, et sedébat super eum. Allelúia.

Sequéntia sancti Evangélii secúndum Joánnem.

Joan. 1. g.

IN ilio témpore: Vidit Jesus Nathánaël veniéntem

ad se, et dicit de eo: Ecce verè Israëlitá, in quo dolus non est. Dicit ei Nathánaël: Unde me nosti: Respondit Jesus, et dixit ei: Priúsqvam te Philíppus vocáret, cùm es- ses sub ficu, vidi te. Respón- dit ei Nathánaël, et ait: Rab- bi, tu es Fílius Dei, tu es Rex Israël. Respondit Jesus, et dixit ei: quia dixi tibi. Vidi te sub ficu, credis: majus his vidébis. Et dicit ei: Amen, amen dico vobis, vidébitis cœ- lum apértum, et Angelos Dei ascendéntes, et descendéntes supra Fílium hóminis.

Offertorium. Apoc. 8. Stetit Angelus juxta aram templi, habens thuríbulum áureum in manu sua; et data sunt ei incénsa multa; et ascendit fumus arómatum in conspéctu Dei.

Secreta.

HOSTIAS tibi Dómine, laudis offérimus, suppli- citer deprecántes: ut eásdem, Angelico pro nobis interveni- énte suffragio, et placátus ac- cípias, et ad salútem nostram proveníre concédas. Per Dó- minium nostrum.

Communio. Angeli, Archán- geli, Throni, et Dominatiónes, Principátus, et Potestátes, Virtútes cœlórum, Chérubim atque Séraphim, Dóminum be- nedicite in ætérnum.

Postcommunio.

REPLETI, Dómine, bene- dictióné cœlésti, suppli- citer implorámus: ut quod frá- gilis celebrámus: officio, sanc- tórum Angelórum atque Ar- changelórum nobis prodesse sentiámus auxílio. Per Dómi- num.

Alia Missa Votiva de S. Mi- chaele Archangelo dici potest,

prout in ejus Dedicacione die xxix. Septembris,

MISSA DE SS. APOSTO- LIS PETRO ET PAULO.

Introitus. Psal. 138.

MIHI autem nimis hono- ráti sunt amíci tui, De- us; nimis confortátus est prin- cipátus eórum.

Ps. ibid. Dómine probásti me, et cognovisti me; tu cog- novisti sessiónem meam, et resurrectionem meam.

V. Glória Patri.

Oratio.

DEUS, cujus dextera beá- tum Petrum ambulán- tem in flúctibus, ne mergerétur, eréxit; et coapóstolum ejus Paulum tértiò naufragántem, de profúndo pélagi liberávit: exáudi nos propítius, et con- cède; ut ambórum méritis, æternitátis glóriam consequá- mur. Qui vivis et regnas.

Lectio Actuum Apostolórum.

Act. 5.

IN diébus illis: Per manus Apostolórum fiébant signa, et prodígia multa in plebe. Et erant unánimiter omnes in pórtico Salomónis. Ceterórum autem nemo audébat se conjúgere illis: sed magnificábat eos pópulus. Magis autem augebátur credéntium in Dómino multitúdo virórum ac mulierum: ita ut in platéas ejícerent infirmos, et pónerent in léctulis ac grabá- tis, ut veniénte Petro, sal- tem umbra illius obumbráret quemquam illórum, et libe- raréntur ab infirmitátibus suis. Concurrébát autem et multi- túdo vicinárúm civitátum Je-

rúsaalem, afferentes ægros, et vexátos á spiritibus immúndis : qui curabántur omnes.

Graduale. Ps. 44. Constitues eos príncipes super omnem terram : mémores erunt nóminis tui, Dómine, *V.* Pro pátribus tuis nati sunt tibi filii : propterea pópuli confitébúntur tibi. Allelúia, allelúia.

V. Ps. 138. Nimis honoráti sunt amici tui Deus, nimis confortátus est principátus eórum. Allelúia

Post Septuagesimam, omissis Allelúia, et Versu sequenti, dicitur Tract. Psal. 125. Qui séminant in lácrymis, in gáudio metent. *V.* Eúntes ibant, et flebant, mittentes sémina sua.

V. Venientes autem vénient cum exultatióne, portántes manípulos suos.

Evangelium. Ecce nós reliquimus ómnia. *in Missa de Communi Abbatum. xxv.*

Offertorium. Psal. 18. In ómnem terram exivit sonus eórum : et in fines orbis terræ verba eórum.

Secreta.

OFFERIMUS tibi, Dómine, preces et múnera : quæ, ut tuo sint digna conspéctu, Apostolorum tuórum Petri et Pauli précibus adjuvémur. Per Dóminum nostrum.

Præfatio de Apostolis.

Communio. Matth. 19. Vos, qui secúti estis me, sedébitis super sedes, judicántes duodecim tribus Israël.

Postcommunio.

PROTEGE Dómine pópulum tuum : et Apostolorum tuórum Petri et Pauli patrocinio confidéntem, perpétua defénsiône consérva. Per Dóminum nostrum.

Tempore Paschali dicitur Missa, ut in festo S. Marci dié xxv. Aprilis, præter Orationes, Epistolam, et Evangelium, quæ dicuntur ut snpra.

MISSA DE SPIRITU SANCTO.

Introitus. Sap. 1.

SPIRITUS Dómini replévit orbem terrarum : et hoc quod contémet ómnia, sciéntiam habet vocis.

Psal. 67. Exúrgat Deus, et dissipéntur inimíci ejus : et fúgiant qui odérunt eum, à facie ejus.

V. Glória Patri.

Oratio.

DEUS, qui corda fidélium sancti Spíritus illustratióne docuisti : da nobis in eódem Spíritu recta sápere, et de ejus semper consolatióne gaudére. Per Dóminum . . . in unitáte ejúsdem Spíritus sancti.

Epistola. Cùm audissent Apóstoli. *habetur Feria iii. post Pentecost. 256.*

Graduale. Ps. 32. Beáta gens cujus est Dóminus Deus eórum : pópulus, quem elégit Dóminus in hæreditatem sibi. *V.* Verbo Dómini cœli firmáti sunt, et spírítu oris ejus ómnis virtus eórum. Allelúia, allel.

V. Hic genuflectitur. Veni sancte Spíritus, reple tnórum corda fidélium : et tui amoris in eis ignem accénde. Allel.

Post Septuag. omissis Allel. et Versu sequenti dicitur Tract. Psal. 103. Emítte Spíritum tuum, et creabúntur : et renovábis faciém terræ

V. O quàm bonus, et suávis est, Domine, Spíritus tuus in nobis.

¶ *Hic genuflectitur.* Veni sancte Spíritus, reple tuórum corda fidélium: et tui amóris in eis ignem accénde.

Tempore Paschali omittitur Graduale. et ejus loco dicitur Allel. allel. ¶ *Ps. 103.* Emitte Spíritum tuum, et creabúntur: et renovábis faciém terræ. Allelúia.

¶ *Hic genuflectitur.* Veni sancte Spíritus, reple tuórum corda fidélium: et tui amóris in eis ignem accénde. Allel.

Evangelium. Si quis diligit me. *habetur in festo Pent. 254.*

Offertorium. Ps. 67. Confirma hoc Deus, quod operátus es in nobis: à templo tuo, quod est in Jerúsalem, tibi ófferent reges múnera.

Secreta.

MUNERA, quæsumus, Dómine, obláta sanctífica: et corda nostra sancti Spíritus illustratióne emúnda. Per Dóminum. in unitáte ejúsdem Spíritus sancti Deus.

Præfatio. Qui ascéndens super omnes cælos.

Communio. Act. 2. Factus est repéntè de cælo sonus tamquam adveniéntis spíritus veheméntis, ubi erant sedéntes: et repléti sunt omnes Spíritu sancto, loquéntes magnália Dei.

Postcommunio.

SANCTI Spíritus, Dómine, corda nostra mundet infúsió: et sui roris íntima aspersiÓne fœcúndet. Per Dóminum. . . in unitáte ejúsdem.

Ad postulandam gratiam Spiritus sancti dicitur Missa ut supra cum sequentibus Orationibus.

Oratio.

DEUS, cui omne cor patet, et omnis volúntas loqui-

tur, et quem nullum latet secretum: purifica per infusiÓnem sancti Spíritus cogitatiÓnes cordis nostri, ut te perféc-tè diligere, et dignè laudáre mereámur. Per Dóminum... in unitáte ejúsdem Spíritus sancti.

Secreta.

HÆC oblátio, quæsumus, Dómine, cordis nostri máculas emúndet: ut sancti Spíritus digna efficiátur habitatiÓ. Per Dóminum nostrum. . . in unitáte ejúsdem.

Postcommunio.

CONCEDE, quæsumus, omnípotens Deus, sanctum nos Spíritum votis promeréri sédulis: quátenus ejus grátia, et ab ómnibus liberémur tentatiÓnibus, et peccatórum nostrórum indulgéntiam percípere mereámur. Per Dóminum. in unitáte ejúsdem Spíritus sancti.

MISSA DE SS. EUCHARISTIÆ SACRAMENTO.

Introitus. Psal. 80.

CIBAVIT eos ex ádipe fruménti, et de petra, melle saturávit eos.

Psal. ibid. Exultáte Deo adjutóri nostro: jubiláte Deo Jacob. F. Glória Patri.

Oratio.

DEUS, qui nobis sub Sacraménto mirábili passiónis tuæ memóriam reliquisti: tríbue, quæsumus; ita nos córporis et sánguinis tui sacra mystéria venerári, ut redemptiÓnis tuæ fructum in nobis júgiter sentiámus. Qui vivis, et regnas cum Deo Patre.

Epistola. Ego enim accépi à Dómino. *habetur in solemnitate Corporis Christi. 269.*

Graduale. Ps. 144. Oculi ómnium in te sperant, Dómine: et tu das illis escam in témpore opportúno.

℣. Aperis tu manum tuam: et imples omne ánimam benedictióne. Allelúia, allelúia.

℣. *Joan. 6.* Caro mea verè est cibus, et sanguis meus verè est potus: qui mandúcat meam carnem, et bibit meum sanguinem, in me manet, et ego in eo. Allelúia.

Post Septuagesimam, omissis Allelúia, et Versu sequenti, dicitur Tract. Mal. 1. Ab ortu solis usque ad occásum, magnum est nomen meum in Géntibus.

℣. Et in omni loco sacrificá-tur, et offértur nómini meo oblátio munda: quia magnum est nomen meum in Géntibus.

℣. *Prov. 9.* Veníte, comédite panem meum: et bibite vinum, quod miscui vobis.

Tempore Paschali omittitur Graduale, et ejus loco dicitur Allelúia, allelúia. ℣. *Luc. 24.* Cognóverunt discipuli Dóminum Jesum in fractióne panis. Allelúia,

℣. *Joan. 6.* Caro mea verè est cibus, et sanguis meus verè est potus: qui mandúcat meam carnem, et bibit meum sanguinem, in me manet, et ego in eo. Allelúia.

Sequéntia sancti Evangélij secúndum Joánnem.

Joan. 6.

IN illo témpore: Dixit Jesus turbis Judeórum: Caro mea verè est cibus, et sanguis meus verè est potus. Qui mandúcat meam carnem, et bibit meum sanguinem, in me manet, et ego in illo. Sicut

misit me vivens Pater, et ego vivo propter Patrem: et qui mandúcat me, et ipse vivet propter me. Hic est panis, qui de cœlo descéndit. Non sicut manducavérunt patres vestri manna, et mórtui sunt. Qui mandúcat hunc panem, vivet in ætérnum.

Offertorium. Luc. 21. Sacerdótes Dómini incénsus, et panes offerunt Deo: et idéo sancti erunt Deo suo, et non pólluent nomen ejus.

Secreta.

ECCELESIAE tuæ, quæsumus Dómine, unitátis et pacis propítius dona concéde, quæ sub oblátis munéribus mysticè designántur. Per Dóminum.

Præfatio de Nativ. Domini.

Communio. 1. Cor. 11. Quotiescúmque manducábitis panem hunc, et cálicem bibétis, mortem Dómini annuntiábitis, donec véniat: itaque quicúmque manducáverit panem, vel bíberit cálicem Dómini indignè: reus erit córporis, et sanguinis Dómini.

Postcommunio.

FAC nos, quæsumus, Dómine, divinitátis tuæ sempitérna fruitióne repléri; quam pretiósí córporis, et sanguinis tui temporális percéptio præfigurat. Qui vivis et régnas cum Deo Patre.

MISSA DE S. CRUCE.

Introitus. Gal. 6.

NOS autem glóriari opórtet in Cruce Dómini nostri Jesu Christi: in quo est salus, vita, et resurréctio nostra: per quem salváti, et liberáti sumus.

Psal. 66. Deus misereatur nostri, et benedicat nobis: illuminet vultum suum super nos, et misereatur nostri.

℣. Glória Patri.

Oratio.

DEUS, qui unigéniti Filii tui pretioso sanguine, vivificæ Crucis vexillum sanctificare voluisti: concede, quæsumus, eos, qui ejusdem sanctæ Crucis gaudent honore, tua quoque ubique protectione gaudere. Per eundem Dominum.

Lectio Epistolæ beati Pauli Apóstoli ad Philippenses

Philip. 2.

FRATRES, Christus, factus est pro nobis obediens usque ad mortem, mortem autem crucis. Propter quod et Deus exaltavit illum: et donavit illi nomen, quod est super omne nomen: *Hic genuflectitur.* ut in nomine Jesu omne genu flectatur cælestium, terrestrium, et infernorum, et omnis lingua confiteatur, quia Dominus Jesus Christus in gloria est Dei Patris.

Graduale. ib. Christus factus est pro nobis obediens usque ad mortem: mortem autem crucis. ℣. Propter quod et Deus exaltavit illum: et dedit illi nomen, quod est super omne nomen. Alleluia. allel. ℣. Dulce lignum, dulces clavos, dulcia ferens pondera: quæ sola fuisti digna sustinere Regem cælorum, et Dominum. Alleluia.

Post Septuagesimam, omissis Alleluia, et Versu sequenti, dicitur. Tract. Adoramus te Christe, et benedicimus tibi: quia per Crucem tuam redemisti mundum. ℣. Tuam Cru-

cem adoramus, Domine, tuam gloriosam recolimus passionem: miserere nostri, qui passus es pro nobis. ℣. O Crux benedicta, quæ sola fuisti digna portare Regem cælorum, et Dominum.

Tempore Paschali omittitur Graduale et ejus loco dicitur. Alleluia, alleluia.

℣. Dicite in Géntibus, quia Dominus regnavit à ligno. Alleluia.

℣. Dulce lignum, dulces clavos, dulcia ferens pondera: quæ sola fuisti digna sustinere Regem cælorum, et Dominum. Alleluia.

Sequéntia sancti Evangelii secundum Matthæum.

Matth. 20. b.

IN illo tempore: Assumpsit Jesus duodecim discipulos secretò, et ait illis: Ecce ascendimus Jerosolymam, et Filius hominis tradetur principibus Sacerdotum, et Scribis, et condemnabunt eum morte, et tradent eum Géntibus ad illudendum, et flagellandum, et crucifigendum, et tertia die resurget.

Offertorium. Protege Domine plebem tuam per signum sanctæ Crucis, ab omnibus insidiis inimicorum omnium: ut tibi gratam exhibeamus servitutem, et acceptabile fiat sacrificium nostrum.

Secreta.

HÆC oblatio, Domine quæsumus, ab omnibus nos purget offensis: quæ in ara crucis etiam totius mundi tulit offensam. Per eundem Dominum nostrum.

Prefatio. Qui salutem humani generis.

Communio. Per signum Crucis de inimicis nostris libera nos Deus noster.

Postcommunio.

A DESTO nobis Dómine Deus noster : et quos sanctæ Crucis lætari facis honóre, ejus quoque perpétuis de fende subsidiis. Per Dominum.

Tempore Paschali loco primæ Orationis, dicitur sequens.

Oratio.

DEUS, qui pro nobis Filium tuum Crucis patibulum subire voluisti, ut inimici à nobis expelleres potestatem : concede nobis famulis tuis, ut resurrectionis grátiam consequámur. Per eúndem Dóminum nostrum.

MISSA DE PASSIONE
DOMINI NOSTRI JESU
CHRISTI.

Introitus. Phil. 2.

HUMILIAVIT semetipsum Dóminus Jesus Christus usque ad mortem, mortem autem crucis : propter quod et Deus exaltávit illum, et donávit illi nomen, quod est super omne nomen.

Psal. 33. Misericórdias Dómini in æternum cantábo, in generatiónem et generatiónem. *V.* Glória Patri.

Secreta.

DOMINE Jesu Christe, qui de cœlis ad terram de sinu Patris descendisti, et sanguinem tuum pretiósium in remissionem peccatorum nostrórum fudisti : te humiliter deprecámur ; ut in die judicii, ad dexteram tuam audire mereámur, Veníte benedicti. Qui vivis et regnas.

Léctio Zachariæ Prophætæ.

Zach. 12. c.

HÆC dicit Dóminus : E fúndam super domum David, et super habitatóres Jerúsalem spiritum grátiae, et precum : et aspicient ad me, quem confixerunt : et plangent eum planctu quasi super unigénitum, et dolébunt super eum, ut dolére solet in morte primogéniti. In die ille magnus erit planctus in Jerúsalem, et dicétur : Quid sunt plagæ istæ in médio manuum tuárum ? Et dicet : His plagátus sum in domo eórum, qui diligébant me. Fræma suscitáre super pastórem meum, et super virum cohæréntem mihi, dicit Dóminus exercítuum : pércute pastórem, et dispergéntur oves : ait Dóminus omnipotens.

Graduale. Ps. 68. Improperium expectávit cor meum, et misériam : et sustinui, qui simul mecum contristarétur, et non fuit : consolántem me quæsivi, et non invéni. *V.* Dederunt in escam meam fel, et in siti mea potavérunt me acéto. Allelúia, allelúia.

V. Ave Rex noster, tu solus nostros es miserátus erróres : Patri obédiens, ductus es ad crucifigéndum, ut agnus mansuétus ad occisionem. Allel.

Post Septuagesimam, omissis Allelúia, et Versu sequenti, dicitur Tract. Is. 53. Verè languóres nostros ipse tulit, et dolóres nostros ipse portávit. *V.* Et nos putávimus eum quasi leprósum, et percússum à Deo et humiliátum.

V. Ipse autem vulnerátus est propter iniquitates nostras, at tritus est propter scélera nos-

tra. *Ÿ.* Disciplina pacis nostræ super eum : et livore ejus sanati sumus, .

Tempore Paschali omittitur Graduale, et ejus loco dicitur Allelúia, allelúia. Ÿ. Ave Rex noster: tu solus nostros es miseratus erróres: Patri obediens, ductus es ad crucifigendum, ut agnus mansuetus ad occisionem. Allelúia.

Ÿ. Tibi glória, Hosanna: tibi triumphus, et victória: tibi summæ laudis, et honóris coróna. Allelúia

Sequéntia sancti Evangélii secundum Joánnem.

Joan. 19. f.

IN illo tempore : Sciens Jesus, quia ómnia consummata sunt, ut consummarétur Scriptúra, dixit : Sitio. Vas ergo positum erat aceto plenum. Ili autem spongiam plenam aceto, hyssopo circumponentes, obtulerent ori ejus. Cùm ergo accepisset Jesui acetum, dixit : Consummatum est. Et inclinato capite tradidit spiritum. Judæi ergo (quóniam Parascève erat) ut non remanèrent in cruce cõrpora sabbato, (erat enim magnus dies ille sabbati) rogaverunt Pilátum, ut frangerentur eorum crura, et tollerentur. Venérunt ergo milites : et primi quidem fregérunt crura, et altérius, qui crucifixus est cum eo, Ad Jesum autem cùm venissent, ut viderunt eum jam mortuum, non fregérunt ejus crura, sed unus militum lancea latus ejus aperuit : et continuo exivit sanguis, et aqua. Et qui vidit, testimonium perhibuit : et verum est testimonium ejus.

Offertorium. Insurrexerunt in me viri iniqui : absque misericordia quæsierunt me interficere : et non pepercerunt in faciem meam spũere : lanceis suis vulneraverunt me, et concussa sunt ómnia ossa mea.

Secreta.

OBLATUM tibi, Dómine, sacrificium, intercedente unigéniti Filii tui passióne, vivificet nos semper, et múniat. Qui tecum vivit et regnat.

Prefatio de Cruce.

Communio. Psal. 21. Foderunt manus meas, et pedes meos : dinumeraverunt ómnia ossa mea.

Postcommunio.

DOMINE Jesu Christe, Fili Dei vivi, qui hora sexta pro redemptione mundi crucis patibulum ascendisti, et sanguinem tuum pretiosum in remissionem peccatorum nostrorum fudisti : te humiliter deprecámur ; ut post obitum nostrum, paradisi januas nos gaudenter introire concedas. Qui vivis et regnas.

MISSA DE S. MARIA AB
ADVENTU USQUE AD
NATIVITATEM DOMINI.

Introitus.

Is. 45.

RORATE cœli desuper, et nubes pluant justum : aperiatur terra, et germinet Salvatorem.

Psal. 84. Benedixisti Dómine terram tuam : avertisti captivitatem Jacob.

Ÿ. Glória Patri.

Oratio.

DEUS, qui de beatæ Mariæ virginitis útero, Verbum

tuum Angelo nuntiante, carnem suscipere voluisti: præsta supplicibus tuis; ut, qui verè eam genitricem Dei credimus, ejus apud te intercessionibus adjuvemur. Per eundem Dominum nostrum.

In hac, et sequentibus Missis votivis B. Mariæ dicitur secunda Oratio de officio illius diei, tertia de Spiritu sancto; sed in Sabbato, quando de ea factum est Officium, secunda Oratio erit de Spiritu sancto, tertia Ecclesiæ, vel pro Papa, ut infra.

De Spiritu sancto, Oratio. Deus, qui corda fidelium. ut supra in Missa votiva de Spiritu sancto, xl. *Contra persecutores Ecclesiæ, vel pro Papa, in fer. ii. post octav. Pasch. 236.*

Epistola. Locutus est Dominus ad Achaz. ut in Annuntiatione B. M. V. xxv. Martii.

Graduale. Psal. 23. Tollite portas, principes, vestras: et elevamini portæ æternales, et introibit Rex gloriæ. V. Quis ascendet in montem Domini, aut quis stabit in loco sancto ejus? innocens manibus, et mundo corde. Allel. allel.

V. *Lucæ 1.* Ave Mariæ, grátia plena, Dominus tecum: Benedicta tu in mulieribus. Allelúia.

Evangelium. Missus est Angelus Gábriël. ut in eodem Festo.

Offertorium. Luc. 1. Ave Mariæ, grátia plena, Dominus tecum: Benedicta tu in mulieribus, et benedictus fructus ventris tui.

Secreta.

IN méntibus nostris, quæsumus Dómine, veræ fidei sacraménta confirma: ut qui concéptum de virgine Deum

verum, et hóminem confitémur, per ejus salutiferæ resurrectionis poténtiam, ad ætérnam mereámur pervenire lætítiam. Per eúndem Dóminum.

De Spiritu sancto, Secreta. Múnera. xli.

Contra persecutores Ecclesiæ. Prótege nos. Vel pro Papa. 236.

Præfatio. Et te in veneratióne beátæ Mariæ. quæ dicitur et in sequentibus Missis de sancta Mariæ, etiam tempore Paschali, vel infra quascumque Oct. ejus Missa dicatur.

Communio. Ecce virgo concipiet, et páriet filium: et vocábitur nomen ejus Emmanuël.

Postcommunio.

GRATIAM tuam, quæsumus, Dómine, méntibus nostris infúnde: ut, qui Angelo nuntiante. Christi Fílii tui incarnatiónem cognóvimus, per passiónem ejus et crucem, ad resurrectiόνis glóriam perducámur. Per eúndem Dóminum.

De Spiritu sancto, Postcommunio. Sancti Spiritus, Dómine. xli.

Contra persecutores Ecclesiæ. Vel pro Papa. Hac nos commúnio. 236.

**A NATIVITATE DOMINI
USQUE AD PURIFICACIONEM.**

Introitus. Psal. 44.

VULTUM tuum deprecabuntur omnes dívites plebis: adducéntur Regi vírgines post eam: proximæ ejus adducéntur tibi in lætítia et exultatióne.

Psalm. ibid. Eructávit cor meum verbum bonum : dico ego ópera mea Regi.

℣. Glória Patri.

Oratio.

DEUS, qui salutis æternæ, beatæ Mariæ virginitate fœcúnda, humáno géneri præmia præstitisti : tribue, quæsumus ut ipsam pro nobis intercédere sentiámus, per quam merúimus auctórem vitæ suscipere Dóminum nostrum Jesum Christum Filium tuum : Qui tecum vivit et regnat.

Epistola. Apparuit benignitas et humanitas. *ut in secunda Missa Nativitatis Domini. 19.*

Graduale. Ps. 44. Speciósus forma præ filiis hóminum : diffusa est grátia in lábiis tuis.

℣. Eructávit cor meum verbum bonum : dico ego ópera mea Regi : lingua mea calamus scribæ velóciter scribentis.

Allelúia, allelúia.

℣. Post partum Virgo inviolata permansisti, Dei Génitrix intercède pro nobis. Allel.

Post Septuag. Tract. Gaude Maria virgo. *ut in sequenti Missa. xlviii.*

Evangél. Pastóres loquebantur. *ut in eadem Missa. 19.*

Offertorium. Felix namque es sacra virgo Maria, et omni laude digníssima : quia ex te ortus est sol justitiæ, Christus Deus noster.

Secreta.

MUNERIBUS nostris, quæsumus, Dómine, precibusque susceptis, et cœlestibus nos munda mystériis, et cleménter exáudi. Per Dóminum.

Communio. Beata viscera Mariæ virginis, quæ portavérunt æterni Patris Filium.

Postcommunio.

HÆC nos commúnio, Dómine, purget à crimine, et intercédente beata virgine Dei genitrice Maria, cœlestis remédii fáciat esse consórtes. Per eúndem Dóminum.

A PURIFICATIONE USQUE AD PASCHA.

Introitus.

Sedulius.

SALVE sancta parens, enixa puérpera Regem : quæ cœlum terrámque regit in sæcula sæculorum.

Ps. 44. Eructávit cor meum verbum bonum ; dico ego ópera mea Regi.

℣. Glória Patri.

Oratio.

CONCEDE nos fámulos tuos, quæsumus Dómine Deus, perpétua mentis et corpóris sanitáte gaudere ; et gloriósa beatæ Mariæ semper virginis intercessióne, à præsentí liberári tristitia, et ætérna pérfrui lætítia. Per Dóminum.

Léctio libri Sapiéntiæ,

Eccli. 44.

AB initio, et ante sæcula creata sum, et usque ad futúrum sæculum non désinam, et in habitatióne sancta coram ipso ministrávi. Et sic in Sion firmáta sum, et in civitate sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei hæréditas illius, et in plenitúdine Sanctórum detentio mea.

Graduale. Bénedicta et venerábilis es virgo Maria, quæ sine tactu pudóris, invénta es Mater Salvatóris. ℣. Virgo Dei

génitrix, quem totus non capit orbis, in tua se clausit viscera factus homo.

Allelúia, allelúia.

V. Num. 17. Virga Jesse floruit: virgo Deum, et hominem genuit; pacem Deus reddidit, in se reconcilians imas summis. Allelúia.

Post Septuag. omissis Allelúia, et Versu sequenti dicitur Tract. Gaude Maria virgo, cunctas hæreses sola interemisti. *V.* Quæ Gabriëlis Archangeli dictis credidisti. *X.* Dum virgo Deum, et hominem genuisti: et post partum, Virgo, inviolata permansisti. *X.* Dei Génitrix intercede pro nobis,

Sequéntia sancti Evangélii secundum Lucam.

Luce 11.

IN illo tempore: Loquente Jesu ad turbas, extollens vocem quædam mulier de turba, dixit illi: Beatus venter, qui te portavit; et ubera, quæ suxisti. At ille dixit: Quinimodò, beati qui audiunt verbum Dei, et custodiunt illud.

Offertorium. Felix namque es sacra virgo Maria, et omni laudè dignissima; quia ex te ortus est sol justitiæ, Christus Deus noster.

Secreta.

TUA, Dómine, propitiatióne, et beatæ Mariæ semper virginis intercessióne, ad perpétuam atque præsentem hæc oblatio nobis proficiat prosperitatem et pacem. Per Dóminum.

Communio. Beata viscera Mariæ virginis, quæ portaverunt æterni Patris Filium.

Postcommunio.

SUMPTIS, Dómine, salutis nostræ subsidiis; da, quæsumus, beatæ Mariæ semper virginis patrocinis nos ubique protégi; in cujus veneratióne hæc tuæ obtulimus majestati. Per Dóminum.

A PASCHA USQUE AD PENTECOSTEN.

Introitus. Sedulius.

SALVE sancta parens, enixa puérpera Regem; qui cælum terramque regit in sæcula sæculórum, allelúia, allelúia.

Psalmus. 44. Eructavit cor meum verbum bonum: dico ego ópera mea Regi.

V. Glória Patri.

Oratio.

CONCEDE, nos famulos tuos, quæsumus, Dómine Deus, perpétua mentis et córporis sanitáte gaudere; et gloriósa beatæ Mariæ semper virginis intercessióne, à præsentí liberári tristitia et æterna pérfrui lætitia. Per Dóminum nostrum.

Lectio libri Sapiéntiæ.

Eccli. 24.

AB initio, et ante sæcula creata sum, et usque ad futurum sæculum non desinam, et in habitatióne sancta coram ipso ministravi. Et sic in Sion firmata sum, et in civitate sanctificata similiter requievi, et in Jerúsalem potestas mea. Et radicavi in populo honorificato, et in parte Dei mei hæreditas illius, et in plenitudine sanctorum detentio mea.

Allelúia, allelúia.

℣. *Num. 17.* Virga Jesse floruit: virgo Deum, & hominem genuit: pacem Deus reddidit, in se reconcilians imasummis. Allelúia.

℣. Ave María, grátia plena, Dóminus tecum: Benedicta tu in mulieribus. Allelúia.

Sequéntia sancti Evangélíi secúndum Joánnem.

Joan. 19.

IN illo tempore: Stabant iuxta crucem Jesu mater ejus, et soror matris ejus Maria Cléophæ et María Magdaléne. Cúm vidisset ergo Jesus matrem, et discipulum stantem, quem diligébat, dicit matri suæ: Múlier, ecce filius tuus. Deínde dicit discipulo: Ecce mater tua. Et ex illa hora accépit eam discipulus in sua.

Offertorium. Beáta es virgo María, quæ ómnium portásti Creatórem: genuísti qui te fecit, et in ætérnum pérmanes virgo, allelúia.

Secreta.

TUA Dómine, propitiatióne, et beátæ Mariæ semper virginis intercessióne ad perpétuam atque præsentem hæc oblátio nobis proficiat prosperitatem et pacem. Per Dóminum.

Communio. Beáta viscera Mariæ virginis, quæ portaverunt æterni Patris Fílium, Allelúia.

Postcommunio.

SUMPTIS, Dómine, salutis nostræ subsidiis: da, quæsumus, beátæ Mariæ semper virginis patrocinii nos ubique prótegi; in cujus veneratióne

hæc tuæ obtúlimus majestáti. Per Dóminum.

A PENTECOSTE USQUE AD ADVENTUM.

Introitus. Sadulius.

SALVE sancta parens, enixa puerpera Regem: qui cælum terrámque regit in sæcula sæculórum.

Ps. 44. Eructávit cor meum verbum bonum: dico ego ópera mea Regi, Glória.

Oratio.

CONCEDE, nos fámulos tuos, quæsumus Dómine Deus, perpétua mentis et corpore sanitáte gaudere: et gloriósa beátæ Mariæ semper virginis intercessióne, à præsentí liberári tristítia, et ætérna perfrui lætítia. Per Dóminum nostrum.

Léctio libri Sapiéntiæ.

Eccli. 24.

AB inítio, et ante sæcula creàta sum, et usque ad futúrum sæculum non désinam, et in habitatióne sancta coram ipso ministrávi. Et sic in Sion firmáta sum, et in civitate sanctificáta simiter requiévi, et in Jerúsalem potestas mea. Et radicávi in pópulo honorificáto, et in parte Dei mei hæréditas illius, et in plenitúdine sanctórum détentio mea.

Graduale. Benedicta et venerábilis es virgo María, quæ sine tactu pudóris, invénta es Mater Salvatóris. ℣. Virgo Dei génitrix, quem totus non capit orbis, in tua se clausit viscera factus homo.

Allelúia, allelúia.

¶ Post partum Virgo in-
violata permansisti, Dei Gé-
nitris intercede pro nobis. Al-
leluia.

Sequéntia sancti Evangélii se-
cúndum Lucam.

Lucæ. 11.

IN illo témpore : Loquén-
te Jesu ad turbas, extól-
lens vocem quædam múlier de
turba, dixit illi : Beátus venter,
qui te portávit : et úbera, quæ
suxisti. At ille dixit : Qui-
námó, beáti qui áudiunt verbum
Dei, et custódiunt illud.

Offertorium. Lucæ 1. Ave
María, grátia plena : Dómi-
nus tecum : Benedicta tu in
mulieribus, et benedictus fruc-
tus ventris tui.

Oratio.

TUA, Dómine, propitióne,
et beátæ Mariæ semper
virginis intercessióne, ad per-
pétuam atque præsentem hæc
oblátio nobis proficiat prosperi-
tatem et pacem. Per Dómi-
num nostrum.

Communio. Beáta viscera
Mariæ virginis, quæ portavé-
runt ætérni Prtris Fílium.

Postcommunio.

SUMPTIS, Dómine, salutis
nostræ subsidiis : da, quæ-
sumus, beátæ Mariæ semper
virginis patrocíniis nos ubi-
que prótegi ; in cujus venera-
tione hæc tuæ obtúlimus ma-
jestáti. Per Dóminum.

*Aliæ Missæ Votivæ pro di-
versis rebus, quæ dici possunt
quacumque die, nisi fuerit Do-
minica, vel Officium duplex :
sed tamen passim non dicantur,
nisi urgenti de causa, ut suprà
dictum est de aliis Missis Votivis.*

MISSA PRO ELIGENDO
*summo Pontifice, Sede vacan-
te, dicitur de Spiritu sancto,
vel ut sequitur.*

Introitus. 1. Reg. 2.

SUSCITABO mihi sacerdotem
fidélem, qui juxta cor
meum, et ánimam meam faciet :
et ædificábo ei domum fide-
lem, et ambulabit coram
Christo meo cunctis diébus.

Psalm. 131. Meménto Dó-
mine David, et omnis man-
suetúdinis ejus. ¶ Glória Pa-
tri.

Secreta.

SUPPLICI, Dómine, humili-
táte depòscimus : ut sacro-
sáctæ Románæ Ecclésiæ con-
cedat Pontíficem illum tua
imménsa pietas : qui et pio in
nos stúdio semper tibi pláci-
tus, et tuo pópulo pro salúbri
regímine sit assíduè ad glori-
am tui nóminis reveréndus.
Per Dóminis nostrum.

Léctio Epístolæ beáti Pauli
Apóstoli ad Hebræos.

Heb. 4. d.

FRATRES, Adeámus cum
fidúcia ad thronum grá-
tiæ : ut misericórdiam conse-
quámur, et grátiam inveniá-
mus in auxílio opportúno.
Omnis namque Póntifex ex
homínibus assumptus, pro ho-
mínibus constitúitur in iis,
quæ sunt ad Deum, ut offerat
dona, et sacrificia pro peccá-
tis : qui condolére possit iis,
qui ignórant, et errant : quó-
niam et ipse circúmdatús est
infirmítate, et propterea de-
bet, quemádmódu pro pó-
pulo, ita étiam et pro semet-
ipso offerre pro peccátis. Nec
quisquam sumit sibi honórem,

sed qui vocátur à Deo, tamquam Aaron. Sic et Christus non semetipsum clarificávit, ut Póntifex fieret, sed qui locútus est ad eum: Filius meus es tu, ego hódie genui te. Quemádmódum et in alio loco dicit: Tu es sacerdos in ætérnum secundúm ordinem Melchisedech. Qui in diébus carnis suæ preces, supplicatiónesque ad eum, qui possit illum salvum fácere á morte cum clamóre válido, et lácrymis ófferens; exauditus est pro sua reveréntia.

Graduale. Lev. 21. Póntifex sacerdos magnus inter fratres suos, super cujus caput fustum est unctiúnis óleum, et cujus manus in sacerdotio consecratæ sunt, vestitúsque est sanctis véstibus: débuít per ómnia frátribus similári. *V.* Ut miséricors fieret, et fidéls Póntifex ad Deum: ut repropitiáret delicta pópuli. Allelúia, allel. *V.* Sacerdos sit sanctus, sicut et ego sanctus sum Dóminus, qui sanctifico vos. Allelúia.

Post Septuagesiman, omissis Allel. &c. Versu sequenti, dicitur Tractus. Psal. 131. Surge Dómine in réquiem tuam, tu et arca sanctificatiúnis tuæ. *V.* Sacerdótes tui induántur justítiam, et sancti tui exúltent. *V.* Propter David servum tuum, non avértas faciém Christi tui.

Temp. Pasch. omittitur Graduale, et ejus loco dicitur Allelúia, allelúia. V. Sacerdos sit sanctus, sicut et ego sanctus sum Dóminus, qui sanctifico vos. Allelúia. *V.* Ego sum pastor bonus: et cognóscó oves meas, et cognóscunt me meæ. Allelúia.

Sequéntia sancti Evangélii secundúm Joánnem.

Joan. 14.

IN illo tẽpore: Dixit Jesus discipulis suis: Si diligitis me, mandáta mea serváte. Et ego rogábo Patrem, et álium Paráclætum dabit vobis, ut máneat vobiscum in ætérnum, Spiritum veritátis, quem mundus non potest accípere, quia non videt eum, nec scit eum. Vos autem cognoscétis eum: quia apud vos manébit, et in vobis erit. Non relínquam vos órphanos: veniam ad vos. Adhuc módicum, et mundus me jam non vidét. Vos autem vidétis me: quia ego vivo, et vos vivétis. In illo die vos cognoscétis, quia ego sum in Patre meo, et vos in me, et ego in vobis. Qui habet mandáta mea, et servat ea, ille est, qui diligit me. Qui autem diligit me, diligétur á Patre meo: et ego diligam eum, et manifestábo ei meípsum.

Offertorium. 3. Esdr. 5. Non participéntur sancta, donec exúrgat Póntifex in ostensionem, et veritátem.

Secreta.

TUÆ nobis, Dómine, abundantia pietátis indúlgeat: ut per sacra múnera quæ tibi reveréter offerimus gratum majestáti tuæ Pontíficem sanctæ matris Ecelésiae regímini præesse gaudeámus. Per Dóminum.

Communio. Exod. 29. Veste sancta utétur Póntifex, qui fúerit constitútus, et ingrediétur tabernáculum testimónii, ut ministret in sanctuário.

Postcommunio.

PRETIOSI córporis et sanguinis tui nos, Dómine, sa-

craménto refectos, mirífica tuæ majestátis grátia de illius summi Pontificis concessióne lætificet: qui et plebem tuam virtútibus instruat, et fidélium mentes spirituálium aromátum odóre perfúndat. Qui vivis et regnas cum Deo Patre.

In die Creationis, et Coronationis Papæ, et ejusdem diei Anniversario, dicitur Missa ut in Cathedra beati Petri diei xviii. Januarii, cum Oratione. Deus ómnium fidélium. 236. omissis Orationibus SS. Petri et Pauli:

IN ANNIVERSARIO ELECTIONIS, SEU CONSECRATIONIS EPISC,

Introitus. Psal. 131.

SACERDOTES tui, Dómine, indúant justítiam: et sancti tui exúltent: propter David servum túum, non avértas faciém Christi tui.

Psal. ibid. Meménto Dómine David, et omnis mansuetúdinis ejus.

V. Glória Patri:

Oratio.

DEUS ómnium fidélium pastor et rector, famulum túum *N.* quem pastórem Ecclésiæ *N.* præesse voluísti, propítius respice: da ei, quæsumus, verbo et exémplo, quibus præest, proficere; ut ad vitam, uná cum grege sibi crédito, pervéniat sempitérnám. Per Dominum.

Lectio Epistolæ beati Pauli Apóstoli ad Hebræos.

Hebr. 5.

FRATRES, omnis Póntifex ex homínibus assumptus,

pro homínibus constitúitur in iis, quæ sunt ad Deum, ut offerat dona, et sacrificia pro peccátis: qui condolére possit iis, qui ignórant, et errant, quóniam et ipse circúmdatus est infirmitate: et propterea debet, quemádmódu pro pópulo, ita étiam et pro semetípso offerre pro peccátis. Nec quisquam sumit sibi honórem, sed qui vocátur á Deo, tamquam Aaron.

Graduale. Psal. 131. Sacerdotes ejus induam salutári: et sancti ejus exultatióne exultábunt. *V.* Illuc producám cornu David: parávi lucérnam Christo meo. Allelúia, allel.

V. Jurávit Dóminus, et non pœnitébit eum: Tu es sacerdos in ætérnum, secúndum órđinem Melchisedech. Allelúia.

Post Septuagesimam omissis Allelúia, et Versu sequenti, dicitur Tractus. Beátus vir, qui timet Dóminum: in mandátis ejus cupit nímis. *V.* Potens in terra erit semen ejus: generatió rectórum benedicétur.

V. Glória et divítia in domo ejus: et justítia ejus manét in sæculum sæculi.

Tempore Paschali omittitur Graduale, et ejus loco dicitur Allelúia allelúia.

V. Jurávit Dóminus, et non pœnitébit eum: tu es sacerdos in ætérnum, secúndum órđinem Melchisedech. Allelúia.

V. Amávit eum Dóminus, et ornávit eum: stolam glóriæ induit eum. Allelúia.

Sequéntia sancti Evangélii secúndum Marcum.

Marc. 13.

In illo témpore: Dixit Jesus discipulis suis: Vidéte, vigiláte, et oráte: nescitis enim

quando tempus sit. Sicut homo, qui peregri profectus reliquit domum suam, et dedit servis suis potestatem cuiusque operis, et janitori praecepit, ut vigilet. Vigilate ergo (nescitis enim quando dominus domus veniat: sero, an media nocte, an galli cantu, an mane) ne, cum venerit repente inveniat vos dormientes. Quod autem vobis dico, omnibus dico: Vigilate. *Dicitur Credo.*

Offertorium. Psal. 88. Veritas mea, et misericordia mea cum ipso: et in nomine meo exaltabitur cornu ejus.

Secreta.

OBLATIS quaesumus Domine, placare muneribus: et famulum tuum *N.* quem pastorem Ecclesiae *N.* praesse voluisti, assidua protectione gubernare. Per Dominum.

Communio. Beatus servus, quem, cum venerit dominus, invenerit vigilantem: amen dico vobis, super omnia bona sua constituit eum.

Postcommunio.

HAEC nos, quaesumus Domine, divini sacramenti perceptio protegat: et famulum tuum *N.* quem pastorem Ecclesiae *N.* praesse voluisti, una cum commisso sibi grege salvet semper, et muniat. Per Dominum.

MISSA AD TOLLENDUM SCHISMA.

Introitus. Psal. 105.

SALVOS nos fac, Domine Deus noster, et congrega nos de nationibus: ut confiteamur nomini sancto tuo, et gloriemur in laude tua.

Psal. ibid. Confitemini Domino, quoniam bonus: quoniam in saeculum misericordia ejus.

V. Gloria Patri.

Oratio.

DEUS, qui errata corrigis, et dispersa congregas, et congregata conservas: quaesumus, super populum Christianum tuae unionis gratiam clementer infunde: ut divisione rejecta, vera Pastori Ecclesiae tuae se uniens, tibi dignè valeat famulari. Per Dominum.

Lectio Epistolae beati Pauli Apostoli ad Ephesios.

Ephes. 4.

FRATRES, Obsecro vos, ut dignè ambulatis vocatione, qua vocati estis, cum omni humilitate et mansuetudine: cum patientia, supportantes invicem in charitate, solliciti servare unitatem Spiritus in vinculo pacis. Unum corpus, et unus Spiritus, sicut vocati estis in una spe vocationis vestrae. Unus Dominus, una fides, unum baptisma. Unus Deus, et Pater omnium, qui est super omnes, et per omnia, et in omnibus nobis. Unicuique autem nostrum data est gratia secundum mensuram donationis Christi: donec occurramus omnes in unitatem fidei, et agnitionis Filii Dei, in virum perfectum, in mensuram aetatis plenitudinis Christi: ut jam non simus parvuli fluctuantes, et circumferamur omni vento doctrinae in nequitia hominum, in astutia ad circumventionem erroris. Veritatem autem facientes in charitate, crescimus in illo per omnia, qui est caput Chris-

tus : ex quo totum corpus compactum, et connéxum per omnem juncturam subministratiónis, secúndum operatiónem in mensuram uniuscujúsque membri, augméntum córporis facit in ædificatióem sui in charitaté. Hoc igitur dico, et testificor in Dómino, ut jam non ambulétis, sicut et Gentes ámbulant in vanitaté sensus sui, ténebris obscurátum habéntes intelléctum, alienàti à vita Dei per ignorántiam, quæ est in illis, propter cæcitaté cordis ipsórum, qui desperántes, semetipsos tradidérunt impudicitæ in operatióem immunditiæ omnis, in avaritiam. Vos autem non ita didicistis Christum, si tamen illum audistis, et in ipso edócti estis, sicut est veritas in Christo Jesu Dómino nostro.

Graduale. Psal. 121. Rogáte quæ ad pacem sunt Jerúsalem: et abundantia diligéntibus te.

V. Fiat pax in virtúte tua: et abundantia in túrribus tuis. Allelúia, allelúia.

V. Psal. 147. Lauda Jerúsalem Dóminum: lauda Deum tuum Sion. Allelúia.

Post Septuages. Tract. Notus in Judæa Deus, in Israël magnum nomen ejus.

V. Et factus est in pace locus ejus, et habitatio ejus in Sion.

V. Ibi confrégit poténtias árcuum, scutum, gládium, et bellum.

Tempore Paschali omittitur Graduale, et ejus loco dicitur, Aallelúia, allelúia.

V. Lauda Jarúsalem Dóminum: lauda Deum tuum Sion. Allelúia. *V.* Qui pósuit fines

tuos pacem: et ádipe frumenti satiát te. Allelúia.

Sequéntia sancti Evangélii secúndum Joánnem.

Joan 17.

In illo témpore: Sublevátis Jesus óculis in cælum, dixit: Pater sancte, serva eos in nómine tuo, quos dedisti mihi: ut sint unum, sicut et nos. Cum essem cum eis, ego servábam eos in nómine tuo. Quos dedisti mihi, custodivi: et nemo ex eis périit, nisi filius perditionis, ut Scriptúra impleátur. Nunc autem ad te vénio: et hæc loquor in mundo, ut habeant gáudium meum implétum in semetipsis. Ego dedi eis sermónem tuum, et mundus eos ódio hábit, quia non sunt de mundo, sicut et ego non sum de mundo. Non rogo, ut tollas eos de mundo, sed ut serves eos à malo. De mundo non sunt, sicut et ego non sum de mundo. Sanctifica eos in veritaté. Sermo tuus veritas est. Sicut tu me misisti in mundum, et ego misi eos in mundum. Et pro eis ego sanctifico meípsum, ut sint et ipsi sanctificáti in veritaté. Non pro eis autem rogo tantum, sed et pro eis, qui creditúri sunt per verbum eórum in me: ut omnes unum sint, sicut tu Pater in me, et ego in te, ut et ipsi in nobis unum sint: ut credat mundus, quia tu me misisti. Et ego claritátem, quam dedisti mihi, dedi eis: ut sint unum, sicut et nos unum sumus. Ego in eis, et tu in me: ut sint consummáti in unum.

Offertorium. Rom. 15. Det vóbis Deus idípsum sápere in

altérutrum : ut unánimes uno ore honorificétis Deum nostrum.

Secreta.

MUNERA hæc pro unióne pópuli Christiáni tibi, Dómine, obláta sanctífica : per quæ unitátis, et pacis in Ecclésia tua nobis dona concédas. Per Dóminum.

Communio. 1. Cor. 10. Unus panis, et unum corpus multi sumus : omnes, qui de uno pane, et de uno cálice participámus.

Postcommunio.

HÆC tua, Dómine, sumpta sacra commúnio, sicut fidélium in te uniónem præsignat, sic iu tua Ecclésia unitátis, quæsumus, operétur effectum. Per Dóminum.

MISSA PRO QUACUMQUE NECESSITATE.

Introitus.

SALUS pópuli ego sum, dicit Dóminus : de quacúmque tribulatióne clamáverint ad me, exáudiam eos : et ero illórum Dóminus in perpétuum.

Ps. 77. Atténdite pópule meus legem meam : inclináte aurem vestram in verba oris mei.

Glória Patri.

Oratio.

INEFFABILEM misericórdiam tuam, Dómine, nobis cleménter osténde : ut simul nos et à peccátis ómnibus exuas, et à pœnis, quas pro his merémur, erípias. Per Dóminum nostrum.

Lectio Jeremíæ Prophétæ.

Jer. 14.

Si iniquitátes nostræ respónderint nobis : Dómi-

ne, fac propter nomen tuum, quóniam multæ sunt aversiónes nostræ : tibi peccávimus. Expectatió Israël, salvátor ejus in témpore tribulatiónis. Tu autem in nobis es Dómine, et nomen tuum invocátum est super nos : ne derelinquas nos, Dómine Deus noster.

Graduale. Ps. 43. Liberásti nos Dómine ex affligéntibus nos : et eos, qui nos oderunt, confundísti. *V.* In Deo laudábimur tota die, et in nómine tuo confitébimur in sæcula.

Allelúia. allelúia. .

V. Psal. 78. Propítius esto, Dómine, peccátis nostris : ne quando dicant Gentes, Ubi est Deus eórum ? Allelúia.

Post Septuagesimam, ommissis Allelúia, et Versu sequenti, dicitur Tractus. De necessitatibus meis éripe me Dómine : vide humilitátem meam, et labórem meum : et dimitte ómnia peccáta mea.

V. Ad te Dómine levávi animam meam : Deus meus in te confido, non erubescam : neque irrideant me inimíci mei.

V. Etenim univérsi, qui te expéctant, non confundéntur : confundántur omnes fácientes vana.

Tempore Paschali omittitur Graduale, et ejus loco dicitur, Allelúia, allelúia.

V. Ps. 78. Propítius esto, Dómine, peccátis nostris : ne quando dicant Gentes : Ubi est Deus eórum ? Allelúia.

V. Psalm. 30. Exultábo, et lætabor in misericórdia tua : quóniam respexisti humilitátem meam : salvásti de necessitatibus animam meam. Allelúia.

Sequéntia sancti Evangélii scúndum Marcum.

Marc. 11. c.

IN illo témpore : Dixit Jesus discipulis suis : Habéte fidem Dei. Amen dico vobis, quia quicumque dixerit huic monti : Tóllere, et mittere in mare, et non hæsitáverit in corde suo, sed credidérít, quia quodcúmque dixerit, fiat, fiet ei. Proptérea dico vobis : ómnia quæcúmque orántes pétitis, créдите, quia accipiétis, et evénient vobis. Et cùm stábitis ad orándum, dimíttite si quid habétis advérsùm aliquem : ut et Pater vester, qui in cœlis est, dimíttat vobis peccáta vestra. Quòd si vos non dimiserítis, nec Pater vester qui in cœlis est, dimíttet vobis peccáta vestra.

Offertorium. Ps. 137. Si ambulávero in médio tribulatiónis, vivificábis me Dómine : et super iram inimicórum meórum exténdes manum tuam, et salvum me fáciat dextera tua.

Secreta.

PURIFICET nos, Dómine quæsumus, múneris præsentis oblátio : et dignos sacra participatióne perficiat. Per Dóminum nostrum.

Communio. Ps. 118. Meménto verbi tui servo tuo, Dómine, in quo mihi spem dedísti : hæc me consoláta est in humilitáte mea.

Postcommunio.

PRÆSTA, quæsumus Dómine, ut terrénis afféctibus expiáti, ad supérni plenitudinem sacraménti, cujus libávimus sancta, tendámus. Per Dóminum nostrum.

MISSA PRO REMISSIONE PECCATORUM.

Introitus.

Sap. 11.

MISERERIS ómnium, Dómine, et nihil ódisti eórum, quæ fecísti, dissimulans peccáta hóminum propter poeniténtiam, et parcens illis : quia tu es Dóminus Deus noster.

Psal. 56. Miserére mei Deus : miserére mei : quoniam in te confidit ánima mea.

V. Glória Patri.

Oratio.

EXAUDI, quæsumus Dómine, súpplicum preces, et confiténtium tibi parce peccátis : ut páriter nobis indulgéntiam tribuas benígnus, et pacem. Per Dóminum.

Léctio Epístolæ beáti Pauli Apóstoli ad Romános.

Rom. 7. d.

FRATRES, Condeléctor legi Dei scúndum interiòrem hóminem : video autem áliam legem in membris meis repugnántem legi mentis meæ, et captivántem me in lege peccáti, quæ est in membris meis. Infélix ego homo, quis me liberábit de corpore mortis hujus ? Grátia Dei per Jesum Christum Dóminum nostrum.

Graduale. Ps. 78. Propítius esto Dómine peccátis nostris, ne quando dicant Gentes : Ubi est Deus eórum ?

V. Adjuva nos Deus salutáris noster : et propter honórem nóminis tui, Dómine, líbera nos. Alleiúia, allelúia.

V. *Psal. 7.* Deus iudex justus, fortis, et pátiens : numquid irascétur per singulos dies ? Allelúia.

Post Septuagesimam, omissis Allelúia. Et Versu sequenti, dicitur. Tract. Ps. 129. De profundis clamávi ad te Dómine, Dómine exáudi vocem meam.

Ÿ. Fiant aures tuæ intendentes in orationem servi tui.

Ÿ. Si iniquitátes observáveris Dómine, Dómine, quis sustinébit ?

Ÿ. Quia apud te propitiatio est : et propter legem tuam sustínui te, Dómine.

Tempore Paschali omittitur Graduale, et ejus loco dicitur Allelúia, allelúia.

Ÿ. *Psal. 7.* Deus judex justus, fortis et pátiens, numquid irascétur per singulos dies ? Allelúia.

Ÿ. Audítui meo dabis gáudium et lætítiam : et exultábunt ossa hamiliáta. Allelúia.

Sequéntia sancti Evangélii secúndum Lucam.

Luc. 11. b.

IN illo témpore : Dixit Jesus discipulis suis : Pétite, et dábitur vobis : quærite, et inveniétis : pulsáte, et aperiétur vobis. Omnis enim qui petit, áccipit : et qui quærit, invenit : et pulsánti aperiétur. Quis autem ex vobis patrem petit panem, numquid lapidem dabit illi ? Aut piscem : numquid pro pisce serpéntem dabit illi ? Aut si petiérít ovum : numquid pórriget illi scoriónem ? Si ergo vos cùm sitis mali, nôstis bona data dare filiis vestris : quantò magis Pater vester de cœlo dabit spíritum bonum peténtibus se ?

Offertorium. Ps. 101. Dómine exáudi orationem meam : et clamor meus ad te pervéniat.

Secreta.

HOSTIAS tibi, Dómine, placatiónis et laudis offerimus : ut et delicta nostra miserátus absólvas, et nutántia corda tu dirigas. Per Dóminum nostrum.

Communio. Luc. 11. Pétite, et accipiétis : quærite, et inveniétis : pulsáte, et aperiétur vobis ; omnis enim qui petit, áccipit : et qui quærit, invenit : et pulsánti aperiétur.

Postcommunio.

PRÆSTA nobis ætérne Salvátor : ut percipiéntes hoc múnere véniam peccatórum, deinceps peccáta vitémus. Per Dóminum nostrum.

MISSA AD POSTULANDAM GRATIAM BENE MORIENDI.

Introitus. Psal. 12.

ILLUMINA' óculos meos, ne unquam obdórmiam in morte : ne quando dicat inimicus meus, Præválui advérsus eum.

Psal. ibid. Usquequò Dómine oblivísceris me in finem ? úsquequò avértis faciém tuam à me ?

Ÿ. Glória Patri.

Oratio.

OMNIPOTENS et miséricors Deus, qui humano géneri et salutis remédia, et vitæ ætérnæ múnera contulisti : respice propítius nos fámulos tuos, et ánimas resove, quas creásti ; ut in hora éxitus eárum, absque peccáti mácula tibi Creatóri suo per manus sanctorum Angelórum repræsentári mercantur. Per Dóminum.

Lectio Epistolæ beati Pauli
Apóstoli ad Romános.

Cap. 14. vers. 7.

FRATRES, Nemo nostrum sibi vivit, et nemo sibi moritur. Sive enim vivimus, Domino vivimus: sive morimur. Domino morimur. Sive ergo vivimus, sive morimur Domini sumus. In hoc enim Christus mortuus est, et resurrexit: ut et mortuorum, et vivorum dominetur. Tu autem quid iudicas fratrem tuum? aut tu quare spernis fratrem tuum? Omnes enim stabimus ante tribunal Christi. Scriptum est enim: Vivo ego, dicit Dominus, quoniam mihi flectetur omne genu: et omnis lingua confitebitur Deo. Itaque unusquisque nostrum pro se rationem reddet Deo.

Graduale. Ps. 22. Si ambulem in medo umbræ mortis, non timebo mala: quoniam tu mecum es, Domine.

¶ *Virga tua, et baculus tuus, ipsa me consolata sunt.*

Allelúia, allelúia.

¶ *Ps. 30* In te Domine speravi, non confundar in æternum: in iustitia tua libera me, et eripe me: inclina ad me aurem tuam, accelera, ut eripias me. Allelúia.

Post Septuagesimam, omissis Allelúia, et Versu sequenti, dicitur Tractus, Ps. 24. De necessitatibus meis eripe me Domine: vide humilitatem meam, et laborem meum: et dimitte omnia peccata mea.

¶ *Ad te Domine levavi animam meam: Deus meus in te confido, non erubescam: neque irrideant me inimici*

mei. ¶ *Etenim universi, qui te expectant, non confundentur: confundantur omnes facientes vana.*

Tempore Paschali omittitur Graduale, et ejus loco dicitur Allelúia, allelúia.

¶ *Ps. 113.* In exitu Israël de Ægypto, domus Jacob de populo barbaro. Allelúia.

¶ *Psal. 107.* Paratum cor meum Deus, paratum cor meum: cantabo et psallam tibi, gloria mea. Allelúia.

Sequentia sancti Evangelii secundum Lucam.

Luc. 21. g.

IN illo tempore: Dixit Jesus discipulis suis: Attendite vobis, ne forte graventur corda vestra in crapula, et ebrietate, et curis hujus vite: et superveniat in vos repentina dies illa: tamquam laqueus enim superveniet in omnes, qui sedent super faciem omnis terræ. Vigilate itaque, omni tempore orantes, ut digni habeamini fugere ista omnia, quæ futura sunt, et stare ante Filium hominis.

Offertorium. Psal. 30. In te speravi Domine: dixi: Tu es Deus meus, in manibus tuis tempora mea.

Secreta.

SUSCIPE, quæsumus Domine, hostiam, quam tibi offerimus pro extremo vite nostræ, et concede; ut per eam universa nostra purgentur delicta; ut qui tuæ dispositionis flagellis in hac vita atterimur, in futura requiem consequamur æternam. Per Dominum.

Communio. Psal. 70. Domine, memorabor justitiæ tuæ solius: Deus, docuisti me à ju-

ventute mea: & usque in senectam & senium, Deus, ne derelinquas me.

Postcommunio.

QUÆSUMUS clementiam tuam, omnipotens Deus, ut per hujus virtutem Sacramenti nos famulos tuos gratia tua confirmare digneris: ut in hora mortis nostræ non prævaleat contra nos adversarius, sed cum Angelis tuis transitum habere mereamur ad vitam. Per Dominum.

MISSA CONTRA PAGANOS.

Introitus. Psal. 43.

EXURGE, quare obdormis Domine? exurge, & ne repellas in finem: quare faciem tuam avertis, oblivisceris tribulationem nostram? adhæsit in terra venter noster: exurge Domine, adjuva nos, & libera nos.

Psal. ibid. Deus auribus nostris audivimus: patres nostri annuntiaverunt nobis.

V. Gloria Patri.

Oratio.

OMNIPOTENS sempiternus Deus, in cujus manu sunt omnium potestates, & omnium jura regnorum: respice in auxilium Christianorum, ut gentes Paganorum, quæ in sua feritate confidunt, dexterae tuæ potentia conterantur. Per Dominum.

Epistola. In diebus illis: Oravit Mardocheus ad Dominum. *ut in Fer. iv. post Dominicam ii. Quadrages.*

Graduale. Psalm. 82. Sciant Gentes, quoniam nomen tibi Deus: tu solus Altissimus super omnem terram. V. Deus

meus, pone illos ut rotam, & sicut stipulam ante faciem venti. Alleluia, alleluia.

V. *Ps. 79.* Excita Domine potentiam tuam, & veni, ut salvos facias nos. Alleluia.

Post Septuag. omissis Alleluia, & Versu sequenti. dicitur Tractus, Adjuva nos Deus salutaris noster, & propter honorem nominis tui, Domine, libera nos: & propitius esto peccatis nostris propter nomen tuum. V. Ne quando dicant Gentes, Ubi est Deus eorum? & innotescat in nationibus coram oculis nostris.

V. Vindica sanguinem servorum tuorum, qui effusus est: intret in conspectu tuo gemitus compeditorum.

Tempore Paschali omittitur Graduale, & ejus loco dicitur Alleluia, alleluia.

V. *Ps. 79.* Excita Domine potentiam tuam, & veni, ut salvos facias nos. Allel. V. Deus virtutum convertere, respice de cælo, & vide, & visita vineam istam: & perfice eam, quam plantavit dextera tua. Alleluia.

Evangelium. Quis vestrum habebit amicum. *ut in Missa de Rogat. 242.*

Offertorium. Ps. 17. Populum humilem salvum facies, & oculos superbiorum humiliabis: quoniam quis Deus præter te Domine?

Secreta.

SACRIFICIUM, Domine, quod immolamus, intende: ut propugnatores tuos ab omni eruas Paganorum nequitia, & in tuæ protectionis securitate constituas. Per Dominum.

Communio. Ps. 118. In salutaris tuo anima mea, & in ver-

bum tuum speravi: quando facies de persequentibus me iudicium? iniqui persecuti sunt me: adjuva me Domine Deus meus.

Postcommunio.

PROTECTOR noster aspice Deus, & propugnatores tuos a Paganorum defende periculis: ut omni perturbatione submota, liberis tibi mentibus deserviant. Per Dominum.

MISSA TEMPORE BELLII.

Introitus. Psal. 24.

REMINISCERE miseratum tuarum, Domine, & misericordiae tuae, quae a saeculo sunt: ne unquam dominantur nobis inimici nostri: libera nos Deus Israël ex omnibus angustiis nostris.

Psalm. ibid. Ad te Domine levavi animam meam: Deus meus in te confido, non erubescam. V. Gloria Patri.

Oratio.

DEUS, qui conteris bella, & impugnatores in te sperantium potentia tuae defensionis expugnas: auxiliare famulis tuis implorantibus misericordiam tuam; ut inimicorum suorum feritate depressa, incessabili te gratiarum actione laudemus. Per Dominum.

Lectio Jeremiae Prophetæ.

Jer. 42.

IN diebus illis: Accesserunt omnes principes bellatorum: dixeruntque ad Jeremiam Prophetam: Ora pro nobis ad Dominum Deum tuum. Et factum est verbum Domini ad Jeremiam. Vocavitque omnes principes bellatorum, & universum populum a minimo usque ad magnum. Et dixit ad

eos: Hæc dicit Dominus Deus Israël, ad quem misisti me, ut prosternerem preces vestras in conspectu ejus: Si quiescentes manseritis in terra hac ædificabo vos, & non destruam: plantabo, & non evellam: jam enim placatus sum super malo, quod feci vobis. Nolite timere a facie regis Babylonis, quem vos pavidi formidatis: nolite metuere eum, dicit Dominus: quia vobiscum sum ego, ut salvos vos faciam, & eruam de manu ejus. Et dabo vobis misericordias, & miserebor vestri, & habitare vos faciam in terra vestra: dicit Dominus omnipotens.

Graduale. Ps. 76. Tu es Deus, qui facis mirabilia solus: notam fecisti in Gentibus virtutem tuam. V. Liberasti in brachio tuo populum tuum filios Israël & Joseph.

Alleluia. alleluia.

V. Ps. 58. Eripe me de inimicis meis Deus meus, & ab insurgentibus in me libera me. Alleluia.

Post Septuagesimam omissis Alleluia, & Versu sequenti, dicitur Tract. Psal. 102. Domine, non secundum peccata nostra, quæ fecimus nos: neque secundum iniquitates nostras retribuas nobis.

V. Ps 78. Domine, ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis. V. Adjuva nos Deus salutaris noster: & propter gloriam nominis tui, Domine, libera nos: & propitius esto peccatis nostris propter nomen tuum.

Tempore Paschali omittitur Graduale, & ejus loco dicitur

Allel. allel. V. *Ps.* 58. Eripe me de inimicis meis Deus meus, & ab insurgentibus in me libera me. Alleluia.

V. Ego autem cantabo fortitudinem tuam: & exultabo manè misericordiam tuam. Allel.

Sequèntia sancti Evangelii secundùm Matthæum.

Matth. 24.

In illo tempore: Accesserunt ad Jesum discipuli secretò, dicentes: Dic nobis, quando hæc erunt? & quod signum adventus tui, & consummationis sæculi? Et respondens Jesus, dixit eis: Videte ne quis vos seducat. Multi enim venient in nomine meo, dicentes: Ego sum Christus: & multos seducunt. Audituri enim estis prælia, & opinioniones præliorum. Videte ne turbemini. Oportet enim hæc fieri, sed nondum est finis. Consurget enim gens in gentem, & regnum in regnum, & erunt pestilentiae, & fames, & terræmotus per loca. Hæc autem omnia, initia sunt dolorum,

Offertorium. *Ps.* 17. Pópulum humilem salvum facies Domine, & oculos superbiorum humiliabis: quoniam quis Deus, præter te Domine?

Secreta.

SACRIFICIUM, Domine, quod immolamus, intende placatus: ut ab omni nõs eruat bellorum nequitia, & in tuæ protectionis securitate constituat. Per Dominum.

Communio. *Ps.* 30. Inclina aurem tuam, accelera, ut eripias nos.

Postcommunio.

DEUS regnorum omnium, regumque dominator,

qui nos & percutièdo sanas, & ignoscendo conservas: præ-tende nobis misericordiam tuam; ut tranquillitate pacis, tua potestate servata, ad remedia correctionis utamur. Per Dominum.

MISSA PRO PACE.

Introitus. *Eccli.* 36.

DA pacem, Domine, sustententibus te, ut Prophetæ tui fideles inveniantur: exaudi preces servi tui, & plebis tuæ Israël.

Ps. 121. Lætatus sum in his quæ dicta sunt mihi: in domum Domini ibimus.

V. Glória Patri.

Oratio.

DEUS, á quo sancta desideria, recta consilia, & justa sunt ópera: da servis tuis illam quam mundus dare non potest, pacem; ut & corda nostra mandatis tuis dedita, & hostium sublata formidine, tempora sint tua protectione tranquillã. Per Dominum.

Lectio libri Machabæorum.

2 Mach. 1. c.

FRATRIBUS, qui sunt per Ægyptum, Judæis, salutem dicunt fratres, qui sunt in Jerosólymis, Judæi, & qui in regione Judææ, & pacem bonam. Beneficiat vobis Deus, & meminerit testamenti sui, quod locutus est ad Abraham, & Isaac, & Jacob servorum suorum fidelium: & det vobis cor omnibus, ut colatis eum, & faciatis ejus voluntatem corde magno, & ánimo volenti. Adaperiat cor vestrum in lege sua, & in præceptis suis, & faciat pacem. Exaudiat orationes

vestras, & reconcilietur vobis, nec vos deserat in tempore malo, Dominus Deus noster.

Graduale. Ps. 121. Rogate quæ ad pacem sunt Jerusalem: & abundantia diligentibus te.

V. Fiat pax in virtute tua: & abundantia in turribus tuis. Alleluia. Alleluia

V. *Psal. 147.* Lauda Jerusalem Dominum: lauda Deum tuum Sion. Alleluia.

Post Septuagesimam, omissis Alleluia, & Versu sequenti, dicitur Tract. Psal. 75. Notus in Judæa Deus in Israël magnum nomen ejus. V. Et factus est in pace locus ejus, & habitatio ejus in Sion. V. Ibi confregit potentias arcuum, scutum, gladium, & bellum.

Tempore Paschali omittitur Graduale, & ejus loco dicitur. Alleluia, alleluia.

V. *Psal. 147.* Lauda Jerusalem Dominum: lauda Deum tuum Sion. Alleluia. V. Qui posuit fines tuos pacem: & adipe frumenti satiat te. Alleluia.

Sequentia sancti Evangelii secundum Joannem.

Joan. 20. c.

IN illo tempore: Cum sero esset die illo, una sabbatorum, & fores essent clausæ, ubi erant discipuli congregati propter metum Judæorum, venit Jesus, & stetit in medio, & dixit eis: Pax vobis. Et cum hoc dixisset, ostendit eis manus, & latus. Gavisi sunt ergo discipuli, viso Domino. Dixit ergo eis iterum: Pax vobis. Sicut misit me Pater, & ego mitto vos. Hæc cum dixisset, insufflavit: & dixit eis: Accipite Spiritum sanctum, quorum remiseritis peccata,

remittuntur eis: & quorum retinueritis, retenta sunt.

Offertorium. Ps. 134. Laudate Dominum, quia benignus est: psallite nomini ejus, quoniam suavis est: omnia quæcumque voluit, fecit in cælo, & in terra.

Secreta.

DEUS, qui credentes in te populos nullis sinis concuti terroribus: dignare preces & hostias dicatæ tibi plebis suscipere, ut pax a tua pietate concessa, Christianorum fines ab omni hoste faciat esse securos. Per Dominum.

Communio. Joan. 14. Pacem relinquo vobis: pacem meam do vobis, dicit Dominus.

Postcommunio.

DEUS auctor pacis & amator, quem nosse, vivere; cui servire, regnare est: protege ab omnibus impugnationibus supplices tuos; ut qui in defensione tua confidimus, nullius hostilitatis arma timeamus. Per Dominum.

MISSA PRO VITANDA MORTALITATE, VEL TEMPORE PESTILENTIÆ.

Introitus. 2 Reg. 24.

RECORDARE Domine testamenti tui, & dic Angelo percutenti: Cesset jam manus tua, & non desoletur terra, & ne perdas omnem animam viventem.

Psal. 79. Qui regis Israël, intende: qui deducis velut ovem Joseph.

V. Gloria Patri.

Oratio.

DEUS, qui non mortem, sed pœnitentiam deside-

ras peccatorum: populum tuum ad te revertentem propitius respice: ut, dum tibi devotus existit, iracundiae tuae flagella ab eo clementer amoveas. Per Dominum.

Lectio libri Regum.

2. Reg.

IN diebus illis: Immisit Dominus pestilentiam in Israel, de mane usque ad tempus constitutum, & mortui sunt ex populo à Dan usque ad Bersabee septuaginta millia virorum. Cumque extendisset manum suam Angelus Domini super Jerusalem, ut disperderet eam, misertus est Dominus super afflictionem, & ait Angelo percutienti populum: Sufficit nunc contine manum tuam. Erat autem Angelus Domini juxta Areum Jebusaei. Dixitque David ad Dominum, cum vidisset Angelum cadentem populum: Ego sum qui peccavi, ego inique egi: isti qui oves sunt, quid fecerunt? vertatur, obsecro, manus tua contra me, & contra domum patris mei. Venit autem Gad Propheta ad David in die illa, & dixit ei: Ascende & constitue altare Domino in area Areum Jebusaei. Et ascendit David juxta sermonem Gad, quem praeceperat ei Dominus, & aedificavit altare Domino, & obtulit holocausta, & pacifica: & propitiatus est Dominus terrae, & cohibita est plaga ab Israel.

Graduale. Psal. 106. Misit Dominus verbum suum, & sanavit eos: & eripuit eos de morte eorum. V. Confiteantur Domino misericordiae ejus: &

mirabilia ejus filiis hominum. Allelúia, allelúia.

V. *Psal. 68.* Salvum me fac Deus, quoniam intraverunt aquae usque ad animam meam. Allelúia.

Post Septuagesimam omissis Allelúia, & Versu sequenti, dicitur Tract. Psal. 102. Domine non secundum peccata nostra, quae fecimus nos: neque secundum iniquitates nostras retribuas nobis.

V. *Psal. 78.* Domine, ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis. V. Adjuva nos Deus salutaris noster: et propter gloriam nominis tui, Domine, libera nos: & propitius esto peccatis nostris propter nomen tuum.

Tempore Paschali omittitur Graduale, & ejus loco dicitur Allelúia, allelúia.

V. *Psal. 68.* Salvum me fac Deus, quoniam intraverunt aquae usque ad animam meam. Allelúia. V. Salvabo populum meum Israel in die malo: & ero eis in Deum, in veritate, & justitia. Allelúia.

Evangelium. Surgens Jesus de synagoga, introivit in domum Simonis. *ut in Feria v. post Dom. iii. Quadrag. 97.*

Offertorium. Num. 2. Stetit Pontifex inter mortuos & vivos, habens thuribulum aureum in manu sua: & offerens incensi sacrificium, placavit iram Dei, & cessavit quassatio à Domino.

Secreta.

SUBVENIAT nobis, quaesumus Domine sacrificii pra-

sentis oblatio: quæ nos & ab erroribus universis potenter absolvat, & à totius eripiat perditionis incursum. Per Dominum

Communio Luc. 6. Multitudo languentium, & qui vexabantur à spiritibus immundis, veniebant ad eum: quia virtus de illo exibat, & sanabat omnes.

Postcommunio.

EXAUDI nos Deus salutaris noster: & populum tuum ab iracundia tuæ terroribus liberum, & misericordiæ tuæ fac largitate securum. Per Dominum.

MISSA PRO INFIRMIS.

Introtus. Psal. 54.

EXAUDI nos Deus orationem meam, & ne despexeris deprecationem meam: intende in me, & exaudi me.

Psal. Ibid. Contristatus sum in exercitatione mea: & conturbatus sum à voce inimici, & à tribulatione peccatoris. V. Gloria Patri.

Oratio.

OMNIPOTENS sempiternus Deus, salus æterna credentium, exaudi nos pro famulis tuis infirmis, pro quibus misericordiæ tuæ imploramus auxilium: ut reddita sibi sanitate, gratiarum tibi in Ecclesia tua referant actiones. Per Dominum.

Si fuerit pro uno tantum dicatur semper in singulari.

Lectio Epistolæ beati Jacobi Apostoli.

CHARISSIMI, Tristatur aliquis vestrum? oret. Equo animo est? psallat. Infirmatur quis in vobis? inducat pres-

byteros Ecclesiæ, & orent super eum, ungentes eum oleo in nomine Domini. Et oratio fidei salvabit infirmum, & alleviabit eum Dominus: & si in peccatis sit, remittentur ei. Confitemini ergo alterutrum peccata vestra, & orate pro invicem, ut salvemini.

Graduale. Psal. 6. Miserere mihi Domine, quoniam infirmus sum, sana me Domine.

V. Conturbatas sunt omnia ossa mea, & anima mea turbata est valde. Alleluia, allel.

V. Domine, exaudi orationem meam: & clamor meus ad te perveniat. Alleluia.

Post Septuagesimam, omissis Alleluia, & Versu sequenti, dicitur Tract. Ps. 30. Miserere mei Domine, quoniam tribulor: conturbatus est in ira oculus meus, anima mea & venter meus. V. Quoniam profecit in dolore vita mea, & anni mei in gemitibus. V. Infirmata est in paupertate virtus mea: & ossa mea conturbata sunt.

Tempore Paschali omittitur Graduale, & ejus loco dicitur Allel. allel. V. Ps. 101. Domine exaudi orationem meam: & clamor meus ad te perveniat. Allel. V. In Deo speravit cor meum, & adjutus sum: & refloruit caro mea, & ex voluntate mea confitebor ei. Allel.

Evangel. Cum introisset Jesus Capharnaum. ut in Feria v. post diem Cinerum, 59.

Offertorium, Ps. 54. Exaudi Deus orationem meam, & ne despexeris deprecationem meam: intende in me, & exaudi me.

Secreta.

DEUS, cujus nutibus vitæ nostræ momenta decur-

runt, súscipe preces, & hóstias famulorum tuórum, pro quibus ægrotántibus misericórdiam tuam implorámus: ut de quorum periculo metúimus, de eórum salute lætémur. Per Dóminum.

Communio. Ps. 30. Illumína faciém tuam super servum tuum, & salvum me fac in tua misericórdia: Dómine, non confúndar, quòniám invocávi te.

Postcommunio.

DEUS, infirmitatis humanæ singuláre præsidium: auxiliíi tui super infirmos famulos tuos osténde virtútem: ut ope misericórdiæ tuæ adjúti, Ecclésiæ tuæ sanctæ incólumes representári mereantur. Per Dóminum.

Pro infirmo qui proximus est morti, dicuntur sequentes orationes.

Oratio.

OMNIPOTENS & misericors Deus, qui humano generi & salutis remedia, & vitæ ætrénæ múnera contulisti: respice propítius famulum tuum infirmitate córporis laborantem, & ánimam réfove, quam creásti: ut in hora éxitus illius, absque peccáti mácula tibi Creatóri suo per manus sanctórum Angelórum repræsentári mereátur. Per Dominum.

Secreta.

SUSCIPE, quæsumus, Dómine, hóstiam, quam tibi offerimus pro famulo tuo in extremo vitæ constitúto, & concede; ut per eam universa illius purgentur delicta: ut qui tuæ dispositiónis flagellis in hac vita atteriter, in futúra requiem consequátur æternam. Per Dóminum.

Postcommunio.

QUÆSUMUS clemetiam tuam, omnipotens Deus, ut per hujus virtútem sacramenti, famulum tuum grátia tua confirmáre digneris: ut in hora mortis ejus non præváleat contra eum adversarius, sed cum Angelis tuis transitum habere mereatur ad vitam. Per Dominum.

MISSA PRO PEREGRINANTIBUS, VEL ITER AGENTIBUS.

Introitus.

Psal. 25.

REDIME me, Domine, & miserere mei: pes enim meus stetit in via recta: in ecclesiis benedicam Dominum.

Ps. ib. Judica me Domine, quoniam ego in innocentia mea ingressus sum: & in Domino sperans non infirmabor. V. Gloria Patri.

Oratio.

ADESTO Domine supplicatiónibus nostris, & viam famulorum tuórum in salutis tuæ prosperitate dispone; ut inter omnes viæ & vitæ hujus varietates, tuo semper protegantur auxilio. Per Dominum.

Lectio libri Genesis.

Gen. 28. b.

IN diebus illis: Egressus Jacob de Barsabee, pergebat Haran. Cumque venisset ad quemdam locum, et vellet in eo requiescere post solis occubitum, tulit de lapidibus qui jacebant; & supponens capiti suo, dormivit in eodem loco. Viditque in somnis dominum dicentem sibi: Ego sum Dominus Deus Abraham patris tui, & Deus Isaac. Terram

in qua dormis, tibi dabo, & semini tuo. Eritque semen tuum quasi pulvis terræ: dilataberis ad Occidentem, & Orientem, Septemtrionem, & Meridiem: & benedicentur in te, & in semine tuo cunctæ tribus terræ. Et ero custos tuus quoquaque perrexeris, & reducam te in terram hanc: nec dimittam, nisi complevero universa, quæ dixi. Surgens ergo Jacob mane, tulit lapidem, quem supposuerit capiti suo, & erexit in titulum, fundens oleum desuper. Vovit etiam votum, dicens: Si fuerit Deus mecum, & custodierit me in via, per quam ego ambulo, & dederit mihi panem ad vescendum, et vestimentum ad induendum, reversusque fuero prospere ad domum patris mei: erit mihi Dominus in Deum, et lapis iste, quem erexi in titulum, vocabitur Domus Dei: cunctorumque quæ dederis mihi, decimas offeram tibi.

Graduale. Ps. 22. Si ambulem in mediõ umbræ mortis, non timebo mala, quoniam tu mecum es domine. V. Virga tua, & baculus tuus, ipsa me consolata sunt. Alleluia, alleluia. V. Gressus meos dirige secundum eloquium tuum, ut non dominetur mei omnis injustia. Alleluia.

Post Septuagesimam, omissis Alleluia. & Versu sequenti, dicitur Tractus. Psal. 90. Angelis suis Deus mandavit de te, ut custodiant te in omnibus viis tuis. V. In manibus portabunt te, ne umquam offendas ad lapidem pedem tuum.

V. Super aspidem, & basilicum ambulabis, & concul-

cabis leonem, & draconem.

Tempore Paschali omititur Graduale, & ejus loco dicitur Alleluia, alleluia.

V. *Ps. 118.* Gressus meos dirige secundum eloquium tuum, ut non dominetur mei omnis injustitia. Alleluia.

V. *Psal. 121.* Lætatus sum in his, quæ dicta sunt mihi: in domum Domini ibimus. Alleluia.

Sequentia Sancti Evangelii secundum Mathæum.

Matth. 10.

IN illo tempore: Dixit Jesus discipulis suis: Euntes, prædicate, dicentes: quia appropinquavit regnum cælorum. Infirmos curate, mortuos suscite, leprosos munde, dæmones eiecite: gratis accepistis, gratis date. Nolite possidere aurum, neque argentum, neque pecuniam in zonis vestris: non peram in via, neque duas tunicas, neque calceamenta, neque virgam: dignus enim est operarius cibo suo. In quamcumque autem civitatem, aut castellum intraveritis, interrogate quis in ea dignus sit: & ibi manete donec exeatis. Intranses autem in domum, salutate eam, dicentes: Pax huic domui. Et si quidem fuerit domus illa digna, veniet pax vestra super eam: si autem non fuerat digna, pax vestra revertetur ad vos. Et quicumque non receperit vos, neque audierit sermones vestros: exeuntes foras de domo, vel civitate, excutite pulverem de pedibus vestris.

Offertorium. Ps. 16. Perfice gressus meos in semitis tuis, ut

non moveántur vestígia mea, inclína aurem tuam mihi, & exáudi verba mea: mirífica misericórdias tuas, qui salvos facis sperántes in te Dómine.

Secreta.

PROPITIARE Dómine supplicatióibus nostris, & has oblatiões, quas tibi offérimus pro fámulis tuis, benignus assume: ut viam illórum, & præcedente grátia tua dirigas, & subsequente comitari dignéris: ut de actu atque incolunitate eórum, secúndum misericórdiæ tuæ præsidia gaudeamus. Per dominum.

Communio. Ps. 118. Tu mandásti, mandáta tua custodiri nimis: útinam dirigántur viæ meæ ad custodiendas justificatiões tuas.

Postcommunio.

TUA, Dómine, sacraménta, quæ sumpsimus, fámulos tuos in te seperántes custodiant: & contra omnes advérsos tueántur incúrsus. Per Dóminum nostrum.

Si benedictio Nuptiarum facienda sit die Dominica, vel alio die festo, dicatur Missa de Dominica, vel Festo, cum Glória in excelsis, & Credo, si illa Missa id requirit, & cum commem. sequentis Missæ pro Sponso & Sponsa, & reliquis, quæ pro Communionem, & complemento benedictionis in ea habentur.

MISSA PRO SPONSO & SPONSA.

Introitus. Tob. 7 & 8.

DEUS Israël conjúngat vos: & ipse sit vobiscúm, qui misértus est dudbus úniceis: & nunc Dómine, fac eos plénius benedicere te. *Ps. 127.* Be-

ati omnes qui timent Dóminum: qui ámbulant in viis ejus. v. Glória Patri.

Oratio.

EXAUDI nos omnipotens, & misericors Deus: ut quod nostro ministrátur officio, tua benedictione pótiùs impleatur. Per Dóminum.

Léctio Epístolæ beáti Pauli Apóstoli ad Ephésios.

Ephes. 7. d.

FRATRÈS, Mulieres viris suis súbditæ sint, sicut Dómino: quóniam vir caput est mulieris: sicut Christus caput est Ecclésiæ: Ipse, salvátor corporis ejus. Sed sicut Ecclésia subjécta est Christo, ita & mulieres viris suis in ómnibus. Viri dilígite uxóres vestras, sicut et Christus diléxit Ecclésiám, & seípsum trádidit pro ea, ut illam sanctificáret, mundans lavácro aquæ in verbo vitæ, ut exhiberet ipse sibi gloriósam Ecclesiám, non habentem máculam, aut rugam, aut áliquid hujúsmodi, sed ut sit sancta & immaculáta. Ita & viri debent dilígere uxóres suas, ut córpora sua. Qui suam uxórem diligit, seípsum diligit. Nemo enim umquam carnem suam ódio hábit: sed nutrit, & fovet eam, sicut & Christus Ecclésiám: quia membra sumus córporis ejus, de carne ejus, & de óssibus ejus. Propter hoc relínquet homo patrem matrem suam, & adhærébit uxori suæ: & erunt duo in carne una. Sacraméntum hoc magnum est, ego autem dico in Christo, & in Ecclésia. Verúntamen & vos sínguli, unusquisque ux-

órem suam sicut seipsum dí-
ligat: uxor autem tímeat vi-
rum suum.

Graduale. Ps. 127. Uxor tua
sicut vitis abundans in latéri-
bus domus tuæ. V. Fílii tui si-
cut novéllæ olivárum in circù-
tu mensæ tuæ, Allelúia, allel.

V. *Ps. 19.* Mittat vobis Do-
minus auxilium de sancto: &
de Sion tueátur vos. Allel.

Post Septuagesimam omissis
Allelúia, & *Versu sequenti, dicitur*
Tract. Psal. 127. Ecce sic
benedicétur omnis homo, qui
timet Dóminum. V. Benedí-
cat tibi Dóminus ex Sion: &
videas bona Jerúsalem ómni-
bus diébus vitæ tuæ. V. Et ví-
deas filios filiórum tuórum:
pax super Israël.

Tempore Paschali omittitur
Graduale, & ejus loco dicitur
Allelúia, allelúia.

V. *Ps. 19.* Mittat vobis Dó-
minus auxilium de sancto: &
de Sion tueátur vos. Allel.

V. *Ps. 113.* Benedícat vobis
Dóminus ex Sion, qui fecit
cælum, & terram, Allelúia.

Sequéntia sancti Evangelii se-
cúndum Matthæum.

Matth. 19.

IN illo tempore: Accesserunt ad Jesum Pharisæi tentantes eum, & dicentes: Si licet hómini dimittere uxórem suam quacúmque ex causa? Qui respondens, ait eis: Non legístis, quia qui fecit hóminem ab initio, másculum & feminam fecit eos? & dixit: Propter hoc dimittet homo patrem & matrem, & adhærebit uxóri suæ, & erunt duo in carne una. Itaque jam non sunt duo, sed una ca-

ro. Quad ergo Deus conjúnxit, homo non separet.

Offertorium. Psal. 30. In te speravi Dómine dixi, Tu es Deus meus: in mánibus tuis tempora mea.

Secreta.

SUSCIPE, quæsumus, Dómine. pro sacra connúbii lege munus oblátum: & cujus largitor es óperis, esto dispósitor. Per Dóminum.

Dicto Pater noster, Sacerdos antequam dicat, Libera nos quæsumus, Dómine, stans in cornu Epistolæ versus Sponsum & Sponsam ante Altare genuflexos, dicit super eos sequentes orationes

Oremus. *Oratio.*

PROPITIARE, Dómine supplicatióibus nostris, & institútis tuis, quibus propagatiónem humáni generis ordinasti, benignus assiste: ut quod te auctóre júngitur, te auxiliánte servetur. Per Dóminum.

Oremus.

DEUS, qui potestáte virtútis tuæ de níhilo cuncta fecísti: qui dispósitis universitátis exórdiis, hómini ad imáginem Dei facto, idéò inseparábile mulieris adjutórium condidísti, ut femíneo corpóri de virili dares carne princípium, docens quod ex uno placuísset instituí, numquam licere disjúngi: Deus, qui tam excellenti mysterio conjugalem cópulam consecrásti, ut Christi & Ecclesiæ sacramentum præsignáres in fœdere nuptiárum: Deus, per quem múlier júngitur viro, & societas princípáliter ordináta, ea benedictiône donátur, quæ sola nec per originális peccáti pœnam, nec per dilúvii est abláta sententiam: Respice

propítius super hanc fámulam tuam, quæ maritali jungenda consórtio, tua se expetit prótione muníri: sit in ea jugum dilectiónis & pacis: fidelis & casta nubat in Christo, imitatrixque sanctarum permaneat feminarum: sit amabilis viro suo ut Rachel: sapiens ut Rebecca: longæva, & fidelis ut Sara: nihil in ea ex actibus suis ille aucter prævaricatiónis usúrpet: nexa fidei mandatisque permaneat: uni thoro juncta, contáctus illícitos fúgiat: múniat infirmitátem suam róbre disciplinæ: sit verecúndia gravis, pudóre venerábilis, doctrinis cœlestibus erudíta, sit fœcunda in sóbole, sit probáta, & innocens, & ad Beatórum requiem atque ad cœlestia regna perveniat: & vídeant ambo filios filiórum suórum, usque in tertiam & quartam generatiónem, & ad optátam perveniant senectútem. Per eúndem Dóminum.

Tum Sacerdos reversus ad medium Allaris dicat, Libera nos. & reliqua more solito: & postquam sumpserit Sanguinem, communic et Sponsos, & prosequatur Missam.

Communio. Ps. 127. Ecce sic benedicetur omnis homo, qui timet Dóminum: & vídeas filios filiórum tuórum: pax super Israël.

Postcommunio.

QUÆSUMUS omnípotens Deus, institúta providentiæ tuæ pio favóre comitáre: ut quos legítima societáte connectis, longæva pace custódiás. Per Dóminum.

Dicto Benedicámus Dómino, vel, si Missæ illius diei con-

veniat, Ite missa est. Sacerdos antequam populo benedicat, conversus ad Sponsum, & Sponsam dicat:

DEUS Abraham, Deus Isaac, & Deus Jacob sit vobiscum: & ipse adimpleat benedictiónem suam in vobis: ut videátis filios filórum vestrórum usque ad tertiam, & quartam generationem: & postea vitam æternam habeátis sine fine, adjuvánte Dómino nostro Jesu Christo: qui cum Patre, & Spíritu sancto vivit & regnat Deus, per ómnia sæcula sæculórum. R. Amen.

Moneat eos Sacerdos sermone gravi, ut sibi invicem servent fidem: orationis tempore, & præsertim jejuniorum, ac solemnitatum, casti maneant: & vir uxorem atque uxor virum diligat: & in timore Dei permaneant. Postea eos aspergat aqua benedicta, & dicto, Placeat tibi sancta Trinitas, det benedictionem: & legat, ut solitum est, Evangelium sancti Joannis. In principio erat Verbum, &c.

ORATIONES DIVERSÆ

dicendæ in Missa ad libitum Sacerdotis, cum iis, quæ in propriis Missis assignantur, quando non est festum Duplex
Ad poscenda suffragia sanctorum.

Oratio.

CONCEDE quæsumus omnípotens Deus: ut intercessio sanctæ Dei genitricis Mariæ, sanctorúmque ómnium Apostolórum, Martyrum, Confessórum atque Vírginiam, & omnium elec-

torum tuorum, nos ubique lætificet: ut dum eorum merita recolimus, patrocinia sentiamus. Per eundem Dominum.

Secreta.

OBLATIS, Domine, placare muneribus: & intercedente beata Maria semper virgine, cum omnibus Sanctis tuis, à cunctis nos defende periculis. Per Dominum.

Postcommunio.

SUMPSIMUS, Domine, beatæ Mariæ semper virginis, & omnium Sanctorum tuorum memoriam recolentes, sacramenta cœlestia: præsta, quæsumus, ut quod temporaliter gerimus, æternis gaudiis consequamur. Per Dominum.

Alia Oratio ut supra.

Oratio.

ACUNCTIS nos, quæsumus, Domine, mentis & corporis defende periculis: & intercedente beatâ & gloriosa semper virgine Dei genitricis Mariæ, cum beatis Apostolis tuis Petro & Paulo, atque beato N. & omnibus sanctis, salutem nobis tribue benignus, & pacem: ut destructis adversitatibus, & erroribus universis, Ecclesia tua secûra tibi serviat libertate. Per eundem Dominum.

In hac oratione nomina Sancti Michaelis, & S. Joannis Baptistæ præponuntur Apostolis.

Secreta.

EXAUDI nos Deus salutâris noster: ut per hujus sacramenti virtutem, à cunctis nos mentis & corporis hostibus tueâris, grâtiâ tribuens in præsentî, & gloriam in futuro. Per Dominum.

Postcommunio.

MUNDET & mûniat nos, quæsumus, Domine, divini sacramenti munus oblâtum: & intercedente beata Virgine Dei genitricis Mariæ, cum beatis Apostolis tuis Petro et Paulo, atque beato N. & omnibus Sanctis, à cunctis nos reddat & perversitatibus expiâtos, & adversitatibus expeditos. Per eundem Dominum nostrum.

Pro omni gradu Ecclesiæ.

Oratio.

OMNIPOTENS sempiternus Deus, cujus spiritu totum corpus Ecclesiæ sanctificâtur, & regitur: exâudi nos pro universis ordinibus supplicantes: ut grâtiæ tuæ mûnere, ab omnibus tibi grâdibus fideliter serviâtur. Per Dominum. . . in unitate ejusdem Spiritus sancti.

Secreta.

DA fâmulis tuis, Domine, indulgentiam peccatorum, consolationem vitæ, gubernationem perpetuam: ut tibi servientes, ad tuam jugiter misericordiam pervenire mereântur. Per Dominum.

Postcommunio.

LIBERA, quæsumus, Domine, à peccâtis, & hostibus fâmulos tuos tibi supplicantes: ut in sancta conversatione viventes, nullis afficiantur adversis. Per Dominum.

Pro Papa.

Oratio.

DEUS, omnium fidelium pastor, & rector, fâmulum tuum N. quem pastorem Ecclesiæ tuæ præesse voluisti, propitiâ respice: da ei, quæsumus, verbo & exemplo, quibus præest, proficere: ut ad vitam, unâ cum grege sibi cre-

dito, perveniat sempiternam
Per Dominum nostrum.

Secreta.

OBLATIS, quæsumus, Dómine, placáre munéribus : & fámulum tuum *N.* quem pastórem Ecclesiæ tuæ præesse voluísti, assídua protectióne guberná. Per Dóminum.

Postcommunio.

HÆC nos, quæsumus Dómine, divini sacramenti perceptio prótegat, & famulum tuum *N.* quem pastórem Ecclesiæ tuæ præesse voluísti, una cum commisso sibi grege salvet semper, & múniat. Per Dóminum nostrum.

Pro Imperatore. Oratio.
Si non est coronatus, dicatur,
electo Imperatóri

DEUS, regnórum ómnium, & Christiáni máxime protector Imperii : da servo tuo Imperatóri nostro *N.* triumphum virtútis tuæ scienter excólere : ut quia tua institutióne est princeps, tuo sit semper múnere potens. Per Dóminum.

Secreta.

SUSCIPE, Dómine, preces & hostias Ecclesiæ tuæ pro salúte fámuli tui supplicantis : & in protectióne fidelium populórum, antíqua bráchii tui operáre miracula : ut superátis pacis inimícis, secúra tibi serviat Christiána libertas. Per Dóminum nostrum.

Postcommunio.

DEUS, qui ad prædicándum æterni Regis Evangelium, Románum Imperium præparásti : prætende fámulo tuo Imperatori nostro *N.* arma cœlestia : ut pax Ecclesiarum nulla turbetur tempestate bellorum, Per Dominum.

Pro Rege. Oratio.

QUÆSUMUS, omnipotens Deus: ut fámulus tuus *N.* Rex noster, qui tua miseratione suscepit regni gubernacula, virtutum etiam omnium percipiat incrementa: quibus decenter ornatus, & vitiorum monstra devitáre, & ad te, qui via, veritas, & vita es, gratiosus valeat pervenire. Per Dominum.

Secreta.

MUNERA, Domine quæsumus, obláta sanctifica : ut & nobis Unigeniti tui corpus & sanguis fiant ; & Regi nostro ad obtinendam ánimæ corporisque salútem, & peragendum injunctum officium, te largiente, usquequaque proficiant. Per eúdem Dominum.

Postcommunio.

HÆC, Domine, oblátio salutaris famulum tuum *N.* Regem nostrum ab omnibus tueátur adversis : quátenus & Ecclesiasticæ pacis obtineat tranquillitatem, & post hujus temporis decúrsum ad æternam perveniat hæreditatem. Per Dominum.

Pro Prælati, & congregationibus eis commissis.

Oratio.

OMNIPOTENS sempiterne Deus, qui facis mirabilia magna solus: prætende super fámulos tuos, & super congregationes illis commisas spiritum grátie salutaris ; & ut in veritáte tibi compláceant, perpetuum, eis rorem tuæ benedictionis infúnde. Per Dominum. in unitáte ejúsdem Spiritus sancti.

Secreta.

HOSTIAS, Domine, famulorum tuorum placátus intende : & quas in honorem nominis tui devota mente pro eis

celebramus, proficere sibi sentiant ad medelam. Per Dominum.

Postcommunio.

QUOS cœlesti recreas munere, perpetuo, Domine, comitari præsido: & quos fovere non desinis, dignos fieri sempiterna redemptione concede. Per Dominum.

Pro congregatione, & familia.

Oratio.

DELENDE, quæsumus, Domine, beata Maria semper virgine intercedente, istam ab omni adversitate familiam: & toto corde tibi prostratam, ab hostium propitius tuere clementer insidiis. Per Dominum.

Secreta.

SUSCIPE, quæsumus, omnipotens Deus, oblationem nostræ devotionis: & per virtutem hujus sacramenti, famulos tuos a cunctis adversitatibus protege. Per Dominum.

Postcommunio.

SUMPTIS redemptionis nostræ muneribus, præsta, quæsumus, misericors Deus, eorum nobis celebratione, tuæ protectionis contra omnes adversitates subsidium. Per Dominum.

Pro concordia in congregatione servanda.

Oratio.

DEUS largitor pacis, & amator charitatis, da famulis tuis veram cum tua voluntate concordiam: ut ab omnibus, quæ nos pulsant, tentationibus liberemur. Per Dominum.

Secreta.

HIS Sacrificiis Domine, quæsumus, concede placatus: ut qui propriis oramus absolvi delictis, non gravemur externis. Per Dominum.

Postcommunio.

SPIRITUM nobis, Domine, tuæ charitatis infunde: ut,

quos uno pane cœlesti satiasti, tua facias pietate concordēs. Per Dominum nostrum. in unitate ejusdem spiritus sancti.

Contra persecutores Ecclesie.

Oratio.

ECCLESIE tuæ, quæsumus, Domine, preces placatus admittite: ut destructis adversitatibus & erroribus universis, secura tibi serviat libertate. Per Dominum.

Secreta.

PROTEGE nos, Domine, tuis mysteriis servientes: ut divinis rebus inhærentes, & corpore tibi famulemur, & mente. Per Dominum.

Postcommunio.

QUÆSUMUS, Domine Deus noster: ut quos divina tribus participatione gaudere, humanis non sinas subjacere periculis. Per Dominum.

Contra persecutores, & male agentes.

Oratio.

HOSTIUM nostrorum, quæsumus, Domine, elide superbiam: & eorum contumaciam dexteræ tuæ virtute prosterne. Per Dominum.

Secreta.

HUJUS, Domine, virtute mysterii, & a propriis mundemur occultis, & ab inimicorum liberemur insidiis. Per Dominum.

Postcommunio.

PROTECTOR noster aspice Deus, & ab inimicorum nos defende periculis: ut omni perturbatione submota, liberis tibi mentibus serviâmus. Per Dominum.

Pro quacumque necessitate.

Oratio.

DEUS refugium nostrum, & virtus, adesto piis Ecclesie tuæ precibus auctor ipse

pietatis, & præsta: ut quod fideliter petimus, efficaciter consequamur. Per Dominum.

Secreta.

DA, misericors Deus: ut hæc salutaris oblatio, & a propriis nos reatibus indesinenter expediat, & ab omnibus tueatur adversis. Per Dominum.

Postcommunio.

Sumpsimus, Domine, sacri dona mysterii, humiliter deprecantes: ut quæ in tui commemorationem nos facere præcepisti, in nostræ proficiant infirmitatis auxilium. Qui vivis & regnas.

Pro quacumque tribulatione.

Oratio.

NE despicias omnipotens Deus populum tuum in afflictione clamantem: sed propter gloriam nominis tui, tribulatis succurre placatus. Per Dominum.

Secreta.

Suscipe Domine propitius hostias, quibus & te placari voluisti, & nobis salutem potenti pietate resitue. Per Dominum.

Postcommunio.

TRibulationem nostram, quæsumus, Domine, propitius respice: & iram tuæ indignationis, quam juste meremur, averte. Per Dominum.

Tempore famis. Oratio.

DA nobis, quæsumus, Domine, piæ supplicationis effectum, & famem propitiatus averte: ut mortalium corda cognoscant, & te indignante, talia flagella prodire, & te miserante, cessare. Per Dominum.

Secreta.

DEUS, qui humani generis utramque substantiam, præsentium munerum & alimento vegetas, & renovas sa-

cramento: tribue quæsumus, ut eorum & corporibus nostris subsidium non desit, & mentibus. Per Dominum.

Postcommunio.

Guberna, quæsumus, Domine, temporalibus alimentis, quos dignaris æternis informare mysteriis. Per Dominum nostrum.

Tempore terræmotus.

Oratio.

OMnipotens sempiterne Deus, qui respicis terram, & facias eam tremere; parce metuentibus, propitiare supplicibus: ut cujus iram, terræ fundamenta concutientem expavimus, clementiam contritiones ejus sanantem jugiter sentiamus. Per Dominum.

Secreta.

DEUS, qui fundasti terram super stabilitatem suam, suscipe oblationes & preces populi tui; ac trementis terræ periculis penitus amotis, Divinæ tuæ iracundiæ terrores, in humanæ salutis remedia converte: ut qui de terra sunt, & in terram revertentur, gaudeant se fieri sancta conversatione cœlestes. Per Dominum.

Postcommunio.

Tuere nos, Domine, quæsumus, tua sancta sumentes; & terram, quam vidimus nostris iniquitatibus trementem, superno munere firma; ut mortalium corda cognoscant & te indignante talia flagella prodire, & te miserante cessare. Per Dominum.

Ad petendam pluviam.

Oratio.

DEUS, in quo vivimus, movemur, & sumus, pluviam nobis tribue congruentem: ut præsentibus subsidiis

sufficienter adjúti, sempiterna fiducialius appetamus. Per Dominum.

Secreta.

OBLATIS, quæsumus, Domine, placare muneribus: & opportunum nobis tribue plúviæ sufficientis auxilium. Per Dominum.

Postcommunio.

DA nobis, quæsumus, Domine, pluviam salutarem: & aridam terræ faciem fluentis cœlestibus dignanter infunde. Per Dominum.

Ad postulandam serenitatem.

Oratio.

AD te nos, Domine, clamantes exaudi: & aëris serenitatem nobis tribue supplicantibus: ut qui juste pro peccatis nostris affligimur, misericordia tua præveniente, clementiam sentiamus. Per Dominum.

Secreta.

PRÆVENIAT nos, quæsumus, Domine, gratia tua semper, & subsequatur: & has oblationes, quas pro peccatis nostris nomini tuo consecrandas deferimus, benignus assume: ut per intercessionem sanctorum tuorum, cunctis nobis proficiant ad salutem. Per Dominum.

Postcommunio.

QUÆSUMUS, omnipotens Deus, clementiam tuam, ut inundantiam coerceas imbrium, & hilaritatem vultus tui nobis impertiri digneris. Per Dominum nostrum.

Ad repellendas tempestates.

Oratio.

A DOMO tua, quæsumus, Domine, spiritales nequitiae repellantur: & aëream discedat malignitas tempestatum. Per Dominum

Secreta.

OFFERIMUS tibi, Domine, laudes, & munera, pro concessis beneficiis gratias referentes, & pro concedendis semper suppliciter deprecantes. Per Dominum.

Postcommunio.

OMNIPOTENS sempiternus Deus, qui nos & castigando sanas, & ignoscendo conservas: præste supplicibus tuis; ut & tranquillitatibus hujus optatæ consolationis lætemur, & dono tuæ pietatis semper utamur. Per Dominum.

Pro peste animalium. Oratio.

DEUS, qui laboribus hominum, etiam de mutis animalibus solatia subrogasti: supplices te rogamus, ut sine quibus non alitur humana conditio, nostris facias usibus non perire. Per Dominum.

Secreta.

SACRIFICIIS, Domine, placatus oblatis opem tuam nostris temporibus clementer impende. Per Dominum.

Postcommunio.

BENEDICTIONEM tuam, Domine, populus fidelis accipiat, qua corpore salvetur, & mente: & congruam tibi exhibeat servitutem, & propitiationis tua beneficia semper inveniat. Per Dominum.

Pro seipso Sacerdote.

Oratio.

OMNIPOTENS, & misericors Deus, humilitatis meae preces benignus intende: & me famulum tuum, quem nullis suffragantibus meritis, sed immensa clementiæ tuæ largitate cœlestibus mysteriis servire tribuisti, dignum sacris altaribus fac ministrum: ut quod mea voce depromitur, tua

sanctificatione firmetur. Per Dóminum. *Secreta.*

Hujus, Dómine, virtute sacramenti, peccatorum meórum máculas abstérge: et præsta, ut ad exequéndum injuncti officii ministérium, me tua grátia dignum efficiat. Per Dóminum. *Postcomm.*

OMnipotens sempitérne Deus, qui me peccatórem sacris altáribus adstáre voluísti, et sancti nóminis tui laudáre poténtiam: concéde propítius per hujus sacramenti mysterium, meorum mihi veniam peccatorum: ut tuæ majestati dignè merear famulari, Per Dóminum nostrum.

Pro petitione lacrymarum.

Oratio.

OMnipotens et mitissime Deus, qui sitiénti populo fontem viventis aquæ de petra produxisti: educ de cordis nostri duritia lacrymas compunctionis; ut peccata nostra plangere valeamus, remissionemque eorum, te miserante, mereamur accipere. Per Dóminum. *Secreta.*

Hanc oblationem, quæsumus Domine Deus, quam tuæ majestati pro peccatis nostris offerimus, propítius respice: et produc de oculis nostris lacrymarum flumina, quibus debita flammaram incendia valeamus extinguere. Per Dóminum.

Postcommunio.

GRatiam Spiritus sancti, Domine Deus, cordibus nostris clementer infunde; quæ nos gemitibus lacrymarum efficiat maculas nostrorum diluere peccatorum: atque optatæ nobis, te largiente, indulgentiæ præstet effec-

tum. Per Dóminum nostrum. . . . in unitate ejusdem.

Pro remissione peccatorum.

Oratio.

DEUS, qui nullum respicis, sed quantumvis peccantibus, per pœnitentiam pia miseratione placaris: respice propítius ad preces humilitatis nostræ, et illumine corda nostra: ut tua valeamus implere præcepta. Per Dóminum.

Secreta.

PRæsens sacrificium, Domine, quod tibi pro delictis nostris offerimus, sit tibi munus acceptum: et tam viventibus, quam defunctis proficiat ad salutem. Per Dóminum.

Postcommunio.

EXaudi preces familiæ tuæ, omnipotens Deus, et præsta: ut sancta hæc, quæ à te sumpsimus, incorrupta in nobis, te donante, serventur. Per Dóminum nostrum.

Pro publice pœnitentibus.

Oratio.

OMnipotens sempitérne Deus, confitentibus tibi famulis tuis pro tua pietate relaxa peccata: ut non amplius eis noceat conscientia reatus ad pœnam, quam indulgentia tuæ propitiationis prosit ad veniam. Per Dóminum.

Secreta.

PRæsta quæsumus omnipotens et misericors Deus: ut hæc salutaris oblatio famulos tuos, et à propriis reatibus indesinenter expediat, et ab omnibus tueatur adversis. Per Dóminum. *Postcommunio.*

OMnipotens et misericors Deus, qui omnem animam pœnitentem, et confitentem tibi, magis vis emendari, quam perdere: respice super

hos famulos tuos, et per hæc sancta sacramenta, quæ sumpsimus, averte ab eis iram indignationis tuæ, et omnia eorum peccata dimitte. Per Dominum nostrum.

Pro tentatis, et tribulatis.

Oratio.

DEUS, qui justificas impium, et non vis mortem peccatoris: majestatem tuam suppliciter deprecamur: ut famulos tuos de tua misericordia confidentes, cœlesti protegas benignus auxilio, et assidua protectione conserves: ut tibi jugiter famulentur, et nullis tentationibus à te separentur. Per Dominum.

Secreta.

HUJUS, quæsumus Domine, virtute mysterii, et à propriis nos munda delictis, et famulos tuos ab omnibus absolute peccatis. Per Dominum.

Postcommunio.

PURIFICENT nos, quæsumus Domine, sacramenta, quæ sumpsimus: et famulos tuos ab omni culpa liberos esse concede; ut qui conscientie reatu constringuntur, cœlestis remedii plenitudine glorientur. Per Dominum nostrum.

Ad repellendas malas cogitationes. Oratio.

OMNIPOTENS et mitissime Deus, respice propitius ad preces nostras, et libera corda nostra de malarum tentationibus cogitationum: ut sancti Spiritus dignum fieri habitaculum mereamur. Per Dominum. . in unitate ejusdem.

Secreta.

HAS tibi, Domine, offerimus oblationes pro salute nostra: quatenus animas nostras ab immundis cogita-

tionibus purges, illæsasque custodias, et sancti Spiritus gratia illuminare digneris. Per Dominum. . . in unitate ejusdem.

Postcommunio.

DEUS, qui illuminas omnem hominem venientem in hunc mundum; illumina quæsumus corda nostra gratiæ tuæ splendore: ut digna ac placita majestati tuæ cogitare semper, et te sincere diligere valeamus. Per Dominum.

Ad postulandam continentiam.

Oratio.

URE igne sancti Spiritus renes nostros, et cor nostrum, Domine: ut tibi casto corpore serviamus, et mundo corde placeamus. Per Dominum. . . in unitate ejusdem.

Secreta.

DIRUMPE, Domine, vincula peccatorum nostrorum: et ut sacrificare tibi hostiam laudis absoluta libertate ac munda mente possimus, retribue quæ antè tribuisti: et salva nos per indulgentiam, quos dignatus es salvare per gratiam. Per Dominum.

Postcommunio.

DOMINE adjutor et protector noster, adjuva nos: et refloreat cor et caro nostra vigore pudicitie, et castimonie novitate: ut per hoc sacrificium, quod tuæ obtulimus pietati, ab omnibus tentationibus emundemur. Per Dominum.

Ad postulandam humilitatem.

Oratio.

DEUS, qui superbis resistis, et gratiam præstas humilibus: concede nobis veræ humilitatis virtutem, cujus in se formam fidelibus Unigenitus tuus exhibuit: ut numquam

indignationem tuam provocemus elati, sed potius gratiae tuae capiamus dona subiecti. Per eundem Dominum.

Secreta.

HÆC oblatio, Domine quæsumus, veræ nobis humilitatis gratiam obtineat: simulque a cordibus nostris concupiscentiam carnis, et oculorum, atque ambitionem sæculi auferat: quatenus sobriè, justè, pièque viventes, præmia consequamur æterna. Per Dominum.

Postcommunio.

HUJUS, Domine, sacramenti perceptio, peccatorum nostrorum maculas abstergat: et nos per humilitatis exhibitionem ad cœlestia regna perducat. Per Dominum.

Ad postulandam patientiam.

Oratio.

DEUS, qui Unigeniti tui patientia, antiqui hostis contrivisti superbiam: da nobis quæsumus, quæ idem piè pro nobis pertulit, digne recole: sicque exemplo ejus, nobis adversantia æquanimiter tolerare. Per eundem Dominum.

Secreta.

MUNERA nostræ oblationis, quæsumus Domine, suscipe placatus: quæ, ut nobis patientiæ donum largiri digneris, majestati tuæ devota offerimus actione. Per Dominum.

Postcommunio.

MYSTERIA, Domine, sacrosancta, quæ sumpsimus, amissam nobis, quæsumus, reconcilient gratiam: atque munus patientiæ in illatis omnibus semper et ubique protegendo, impertiant. Per Dominum.

Ad postulandum charitatem.

Oratio.

DEUS, qui diligentibus te facis cuncta prodesse: da cordibus nostris inviolabilem tuæ charitatis affectum: ut desideria de tua inspiratione concepta, nulla possint tentatione mutari. Per Dominum nostrum.

Secreta.

DEUS, qui nos ad imaginem tuam sacramentis renovas, et præceptis: perface gressus nostros in semitis tuis, ut charitatis donum, quod fecisti a nobis sperari; per hæc, quæ offerimus sacrificia, facias veraciter apprehendi. Per Dominum.

Postcommunio.

SANCTI Spiritus gratia, quæsumus Domine, corda nostra illuminet: et perfectæ charitatis dulcedine abundanter reficiat. Per Dominum. in unitate ejusdem Spiritus.

Pro devotis amicis.

Oratio.

DEUS, qui charitatis dona per gratiam sancti Spiritus tuorum fidelium cordibus infudisti: da famulis, et famulabus tuis, pro quibus tuam deprecamur clementiam, salutem mentis et corporis: ut te tota virtute diligant, et quæ tibi placita sunt, tota dilectione perficiant. Per Dominum. in unitate ejusdem Spiritus sancti.

Secreta.

MISERERE, quæsumus Domine, famulis, et famulabus tuis, pro quibus hoc sacrificium laudis tuæ offerimus majestati: ut per hæc sancta, supernæ benedictionis gratiam obtineant, et gloriam æternæ beatitudinis acquirant. Per Dominum nostrum.

Postcommunio.

DIVINA libantes mysteria, quæsumus Domine: ut hæc salutaria sacramenta illis proficiant ad prosperitatem, et pacem, pro quorum, quarumque dilectione, hæc tuæ obtulimus majestati. Per Dominum nostrum.

Pro inimicis. Oratio.

DEUS, pacis charitatisque amator et custos, da omnibus inimicis nostris pacem charitatemque veram, et cunctorum eis remissionem tribue peccatorum: nosque ab eorum insidiis potenter eripe. Per Dominum nostrum.

Secreta.

OBLATIS, quæsumus Domine, placare muneribus, et nos ab inimicis nostris clementer eripe: eisque indulgentiam tribue delictorum. Per Dominum.

Postcommunio.

HÆC nos communio, Domine, eruat a delictis: et ab inimicorum defendat insidiis. Per Dominum.

Pro constituto in carcere, vel in captivitate. Oratio.

DEUS, qui beatum Petrum Apostolum a vinculis absolutum, illæsum abire fecisti: famuli tui in captivitate positi vincula solve, eumque ipsius meritis illæsum abire concede. Per Dominum.

Secreta.

SUPER has, quæsumus Domine, hostias benedictio copiosa descendat: quæ captivi hujus vincula solvat, et de ejus liberatione nos cito lætificet. Per Dominum.

Postcommunio.

PRECES nostras, quæsumus Domine, clementer exau-

di: et per hæc sacramenta, quæ sumpsimus, famulum tuum a vinculis suæ captivitatis solve. Per Dominum.

Pro navigantibus. Oratio.

DEUS, qui transtulisti patres nostros per Mare rubrum, et transvexisti eos per aquam nimiam, laudem tui nominis decantantes: te suppliciter deprecamur; ut in navi famulos tuos, repulsis adversitatibus, portu semper optabili, cursuque tranquillo tuearis. Per Dominum.

Secreta.

SUSCIPE, quæsumus Domine, preces famulorum tuorum, cum oblationibus hostiarum: et eos, pro quibus tua mysteria celebramus, ab omnibus defende periculis. Per Dominum nostrum.

Postcommunio.

SANCTIFICATI divino mysterio, majestatem tuam, Domine, suppliciter deprecamur, et petimus: ut famulos tuos, quos donis facis cælestibus memorari, pro lignum sanctæ Crucis et a peccatis abstrahas, et a periculis cunctis miseratus eripias. Per Dominum nostrum.

Pro salute vivorum. Oratio.

PRÆTENDE Domine fidei libus tuis dexteram cælestis auxilii: ut te toto corde perquirant, et quæ digne postulant, consequi mereantur. Per Dominum.

Secreta.

PROPITIARE, Domine supplicationibus nostris: et has oblationes fidelium tuorum, quas tibi pro incolumitate eorum offerimus, benignus assume: et ut nullius sit irritum votum, nullius vacua pos-

tulatio, præsta, quæsumus; ut quod fideliter petimus, efficaciter consequamur. Per Dominum nostrum.

Postcommunio.

DA fidelibus tuis, quæsumus Domine, in tua fide et sinceritate constantiam: ut in charitate divina firmati, nullis tentationibus ab ejus integritate vellantur. Per Dominum.

Pro vivis et defunctis.

Oratio.

OMNIPOTENS sempiternæ Deus, qui vivorum dominaris, simul et mortuorum, omniumque misereris, quos tuos fide, et opere futuros esse prænoscis: te supplices exoramus, ut pro quibus effundere preces decrevimus, quosque vel præsens sæculum adhuc in carne retinet, vel futurum jam exutos corpore suscepit, intercedentibus omnibus sanctis tuis, pietatis tuæ clementia, omnium delictorum suorum veniam consequantur. Per Dominum.

Secreta.

DEUS, cui soli cognitus est numerus electorum in superna felicitate locandus: tribue, quæsumus; ut intercedentibus omnibus sanctis tuis, universorum, quos in oratione commendatos suscepimus, et omnium fidelium nomina, beatæ prædestinationis liber adscripta retineat. Per Dominum nostrum.

Postcommunio.

PURIFICENT nos, quæsumus omnipotens et misericors Deus, sacramenta, quæ sumpsimus; et intercedentibus omnibus sanctis tuis, præsta: ut hoc tuum sacramentum non sit nobis reatus ad pœnam, sed intercessio salutaris ad veniam: sit absolutio scelerum, sit fortitudo fragilium, sit contra omnia mundi pericula firmamentum; sit vivorum atque mortuorum fidelium, remissio omnium delictorum. Per Dominum nostrum Jesum Christum Filium tuum: Qui tecum vivit et regnat in unitate Spiritus sancti Deus, per omnia sæcula sæculorum.

R. Amen.

MISSÆ

PRO DEFUNCTIS.

IN COMMEMORATIONE OMNIUM
FIDELIUM DEFUNCTORUM.

Introitus.

REQUIEM ætérnam dona
eis Dómine: et lux
perpétua luceat eis.

Psal. 64. Te decet hymnus
Deus in Sion, et tibi reddétur
votum in Jerúsalem: exáudi
oratióem meam, ad te omnis
caro véniet. *Deinde absolutè
repetitur,* Requiem æternam,
usque ad Psalmum.

Oratio.

FIDELIUM, Deus, óm-
nium cónditor et redém-
ptor: animábus famulórum famu-
larúmque tuárum, remissi-
onem cunctórum tríbue pec-
catorum: ut indulgéntiam,
quam semper optavérunt, piis
supplicatióibus consequántur.
Quí vivis et regnas cum Deo
Patre.

Léctio Epístolæ beáti Pauli
Apóstoli ad Corínthios.

1. *Cor. 5. g.*

FRATES, Ecce mystérium
vobis dico: Omnes qui-
dem resurgémus, sed non om-
nes immutábimur. In mo-
mento, in ictu oculi, in no-
vissima tuba; canet enim tu-
ba, et mortuú resurgent in-
corrupti: et nos immutabi-
mur. Oportet enim corrupti-
bile hoc induere incorruptio-
nem: et mortale hoc induere
immortalitatem. Cum autem
mortale hoc induerit immor-

talitatem, tunc fiet sermo, qui
scriptus est: Absorpta est
mors in victoria. Ubi est mors
victoria tua? ubi est mors sti-
mulus tuus? Stimulus autem
mortis peccatum est: virtus
vero peccati lex. Deo autem
gratias, qui dedit nobis victo-
riam per Dominum nostrum
Jesum Christum.

Graduale. Requiem æter-
nam dona eis Domine: et lux
perpetua luceat eis.

V. Psalm. 111. In memoria
æterna erit justus: ab auditio-
ne mala non timebit.

Tractus. Absolve Domine
animas omnium fidelium de-
functorum ab omni vinculo
delictorum. *V.* Et gratia tua
illis succurrente, mereantur
evadere iudicium ultionis.

V. Et lucis æternæ beatitu-
dine perfrui.

SEQUENTIA.

DIES iræ, dies illa,
Solvat sæclum in favilla:
Teste David cum Sibylla.
Quantus tremor est futurus,
Quando Judex est ventu-
rus,
Cuncta stricte discussurus!
Tuba mirum spargens sonum
Per sepulchra regionum,
Coget omnes ante thro-
num.
Mors stupebit, et natura,
Cum resurget creatura,
Judicanti responsura.
Liber scriptus proferetur,
In quo totum continetur,
Unde mundus judicetur.
Judex ergo cum sedebit,
Quidquid latet, apparebit:

Nil inultum remanebit.
Quid sum miser tunc dicturus?

Quem patronum rogatorus?
Cum vix justus sit securus.

Rex tremendæ majestatis,
Qui salvandos salvas gratis,
Salva me fons pietatis.

Recordare Jesu pie,
Quod sum causa tuæ viæ,
Ne me perdas illa die.

Quærens me, sedisti lassus:
Redemisti, crucem passus:
Tantus labor non sit cassus.

Juste judex ultionis,
Donum fac remissionis
Ante diem rationis.

Ingemisco, tamquam reus:
Culpa rubet vultus meus:
Supplicanti parce Deus.

Qui Mariam absolvisti,
Et latronem exaudisti,
Mihi quoque spem dedisti.

Preces meæ non sunt dignæ:
Sed tu bonus fac benigne,
Ne perenni cremer igne.

Inter oves locum præsta,
Et ab hædis me sequestra,
Statuens in parte dextra.

Confutatis maledictis,
Flammis acribus addictis,
Voca me cum benedictis.

Oro supplex, et acclinis,
Cor contritum quasi cinis;
Gere curam mei finis.

Lacrymosa dies illa,
Qua resurget ex favilla
Judicandus homo reus.

Huic ergo parce Deus:
Pie Jesu Domine,
Dona eis requiem. Amen.

Sequentia sancti Evangelii secundum Joannem.

Joan. 5. d.

IN illo tempore: Dixit Jesus turbis Judæorum: Amen, amen dico vobis, quia venit hora, et nunc est, quan-

do mortui audient vocem Filii Dei: et qui audierint, vivent. Sicut enim Pater habet vitam in semetipso, sic dedit et Filio habere vitam in semetipso, et potestatem dedit ei iudicium facere, quia Filius hominis est. Nolite mirari hoc, quia venit hora, in qua omnes, qui in monumentis sunt, audient vocem Filii Dei: et procedent quia bona fecerunt in resurrectionem vitæ: qui vero mala egerunt, in resurrectionem iudicii.

Offertorium. Domine Jesu Christe, Rex gloriæ, libera animas omnium fidelium defunctorum de pœnis inferni, et de profundo lacu: libera eas de ore leonis, ne absorbeat eas tartarus, ne cadant in obscurum: sed signifer sanctus Michaël repræsentet eas in lucem sanctam: Quam olim Abrahæ promisisti, et semini ejus. *V.* Hostias et preces tibi, Domine, laudis offerimus: tu suscipe pro animabus illis, quarum hodie memoriam facimus: fac eas, Domine, de morte transire ad vitam. Quam olim.

Secreta.

HOSTIAS, quæsumus Domine, quas tibi pro animabus famulorum famularumque tuarum offerimus, propitiatus intende: ut quibus fidei Christianæ meritum contulisti, dones et præmium. Per Dominum nostrum Jesum Christum.

Communio. Lux æterna luceat eis, Domine, *Cum sanctis tuis in æternum: quia pius es. *V.* Requiem æternam dona eis Domine: et lux perpe-

tua luceat eis. Cum sanctis tuis in æternum.

Postcommunio.

ANIMABUS, quæsumus, Domine, famulorum famularumque tuarum oratio proficiat supplicantium: ut eas et à peccatis omnibus exuas, et tuæ redemptionis facias esse participes. Qui vivis et regnas cum Deo Patre.

Dicto Dominus vobiscum, dicitur Requiescant in pace.

R. Amen. et non datur benedictio: sed dicto secreto, Placeat tibi sancta Trinitas, et osculato Altari, legitur Evangelium sancti Joannis, In principio erat Verbum. ut moris est.

IN DIE OBITUS, SEU DEPOSITIONIS DEFUNCTI.

Introitus.

REQUIEM æternam dona eis Domine: et lux perpetua luceat eis.

Psal. 64. Te decet hymnus Deus in Sion, et tibi reddetur votum in Jerusalem: exaudi orationem meam, ad te omnis caro veniet. Requiem æternam.

Oratio.

DEUS, cui proprium est misereri semper, et parcere, te supplices exoramus pro anima famuli tui N. quam hodie de hoc sæculo migrare jussisti: ut non tradas eam in manus inimici, neque obliviscaris in finem, sed jubeas eam à sanctis Angelis suscipi, et ad patriam paradisi perduci: ut, quia in te speravit, et credidit, non

pœnas inferni sustineat, sed gaudia æterna possideat. Per Dominum nostrum.

Lectio Epistolæ beati Pauli Apostoli ad Thessalonicenses.

i. Thess. 4.

FRATRES, Nolumus vos ignorare de dormientibus, ut non contristemini, sicut et cæteri, qui spem non habent. Si enim credimus quod Jesus mortuus est, et resurrexit: ita et Deus eos, qui dormierunt per Jesum, adducet cum eo. Hoc enim vobis dicimus in verbo Domini, quia nos qui vivimus, qui residui sumus in adventum Domini, non prævenimus eos, qui dormierunt. Quoniam ipse Dominus in jussu, et in voce Archangeli, et in tuba Dei descendet de cælo: et mortui, qui in Christo sunt, resurgent primi. Deinde nos, qui vivimus, qui relinquimur, simul rapiemur cum illis in nubibus obviam Christo in aëra, et sic semper cum Domino erimus. Itaque consolamini invicem in verbis istis.

Graduale. Requiem æternam dona eis Domine: et lux perpetua luceat eis.

V. Psal. III. In memoria æterna erit justus: ab auditione mala non timebit.

Tractus. Absolve Domine animas omnium fidelium defunctorum ab omni vinculo delictorum.

V. Et gratia tua illis succurrente, mereantur evadere judicium ultionis.

V. Et lucis æternæ beatitudine perfrui.

Sententia. Dies iræ. lxxx.

Sequentia sancti Evangelii secundum Joannem.

Joan. II. c.

IN illo tempore: Dixit Martha ad Jesum: Domine, si fuisses hic, frater meus non fuisset mortuus: sed et nunc scio, quia quæcumque proposceris a Deo, dabit tibi Deus. Dicit illi Jesus: Resurget frater tuus. Dicit ei Martha: Scio quia resurget in resurrectione in novissimo die. Dixit ei Jesus: Ego sum resurrectio, et vita: qui credit in me, etiam si mortuus fuerit, vivet: et omnis, qui vivit, et credit in me, non morietur in æternum. Credis hoc? Ait illi: Utique Domine, ego credidi, quia tu es Christus Filius Dei vivi, qui in hunc mundum venisti.

Offertorium. Domine Jesu Christe, Rex gloriæ, libera animas omnium fidelium defunctorum de pœnis inferni, et de profundo lacu: libera eas de ore leonis, ne absorbeat eas tartarus, ne cadant in obscurum: sed signifer sanctus Michaël repræsentet eas in lucem sanctam: *Quam olim Abrahæ promisisti, et semini ejus. *V.* Hostias et preces tibi, Domine, laudis offerimus: tu suscipe pro animabus illis, quarum hodie memoriam facimus: fac eas Domine, de morte transire ad vitam. Quam olim.

Secreta.

PROPITIARE, quæsumus Domine, animæ famuli tui *N.* pro qua hostiam laudis tibi immolamus, majestatem tuam suppliciter deprecantes; ut per hæc piæ placationis of-

ficia, pervenire mereatur ad requiem sempiternam. Per Dominum nostrum.

Communio. Lux æterna luceat eis, Domine, *Cum sanctis tuis in æternum: quia pius es. *V.* Requiem æternam dona eis Domine; et lux perpetua luceat eis. Cum sanctis.

Postcommunio.

PRÆSTA quæsumus omnipotens Deus, ut anima famuli tui *N.* quæ hodie de hoc sæculo migravit, his sacrificiis purgata, et a peccatis expedita, indulgentiam pariter, et requiem capiat sempiternam. Per Dominum nostrum.

In die tertio, septimo, et trigesimo depositionis defuncti, dicitur Missa ut supra, exceptis Orationibus, quæ dicuntur ut infra.

Oratio.

QUÆSUMUS Domine, ut animæ famuli tui *N.* cujus depositionis diem tertium, vel septimum, vel trigesimum commemoramus, sanctorum, atque electorum tuorum largiri digneris consortium: et rorem misericordiæ tuæ perennem iundas. Per Dominum nostram.

Secreta.

MUNERA, quæsumus Domine, quæ tibi pro anima famuli tui *N.* offerimus, placatus intende: ut remediis purgata cœlestibus, in tua pietate requiescat. Per Dominum nostrum.

Postcommunio.

SUSCIPE Domine preces nostras, pro anima famuli tui *N.* ut si quæ ei maculæ de terrenis contagiis adhæserunt, remissionis tuæ misericordia deleantur. Per Dominum.

IN ANIVERSARIO DEFUNCTORUM.

Introitus.

REQUIEM æternam dona eis Domine: Et lux perpetua luceat eis.

Psal. 64. Te decet hymnus Deus in Sion, et tibi reddetur votum in Jerusalem: exaudi orationem meam, ad te omnis caro veniet. Requiem.

Oratio.

DEUS indulgentiarum, Domine, da animabus famulorum famularumque tuarum quorum anniversarium depositionis diem commemoramus, refrigerii sedem, quietis beatitudinem, et luminis claritatem. Per Dominum.

Lectio libri Machabæorum.

1. *Machab. 12. g.*

IN diebus illis: Vir fortissimus Judas, facta collatione, duodecim millia drachmas argenti misit Jerosolymam offerri pro peccatis mortuorum sacrificium, bene et religiose de resurrectione cogitans, (nisi enim eos, qui ceciderant, resurrecturos speraret, superfluum videretur, et vanum orare pro mortuis) et quia considerabat, quod hi, qui cum pietate dormitionem acceperant, optimam haberent repositam gratiam. Sancta ergo, et salubris est cogitatio pro defunctis exorare, ut a peccatis solvantur.

Graduale. Requiem æternam dona eis Domine: et lux perpetua luceat eis. *V. Psal. III.* In memoria æterna erit justus: ab auditione mala non timebit.

Tractus. Absolve Domine animas omnium fidelium de-

functorum ab omni vinculo delictorum. *V.* Et gratia tua illis succurrente, mereantur evadere iudicium ultionis.

V. Et lucis æternæ beatitudine perfrui.

Sequentia. Dies iræ. lxxx.

Sequentia sancti Evangelii secundum Joannem.

Joan. 6 f.

IN illo tempore: Dixit Jesus turbis Judæorum: Omne, quod dat mihi Pater, ad me veniet: et eum qui venit ad me, non ejiciam foras: quia descendi de cœlo, non ut faciam voluntatem meam, sed voluntatem ejus, qui misit me. Hæc est autem voluntas ejus, qui misit me, Patris: ut omne quod dedit mihi, non perdam ex eo, sed resuscitem illud in novissimo die. Hæc est autem voluntas Patris mei, qui misit me: ut omnis, qui videt Filium, et credit in eum, habeat vitam æternam: et ego resuscitabo eum in novissimo die.

Offertorium. Domine Jesu Christe, Rex glóriæ, libera animas omnium fidelium defunctorum de pœnis inferni, et de profundo lacu: libera eas de ore leónis, ne absorbeat eas tartarus, ne cadant in obscurum: sed signifer sanctus Michaël repræsentet eas in lucem sanctam: *Quam olim Abrahæ promisisti, et sémini ejus. *V.* Hostias et preces tibi, Domine, laudis offerimus: tu suscipe pro animabus illis, quarum hodie memóriam facimus: fac eas, Domine, de morte transire ad vitam. Quam olim.

Secreta.

PROPITIARE Dómine supplicationibus nostris, pro animábus famulórum famularumque tuarum, quorum hodie annua dies agitur, pro quibus tibi offerimus sacrificium laudis: ut eas sanctorum tuorum consortio sociáre dignéris. Per Dominum.

Communio. Lux æterna lúceat eis, Domine, *Cum sanctis tuis in æternum: qui pius es. *V.* Réquiem æternam dona eis Domine: et lux perpétua lúceat eis. Cum sanctis.

Postcommunio.

PRÆSTA quæsumus Domine, ut animæ famulorum famularumque tuarum, quorum anniversarium depositionis diem commemorámus, his purgátæ sacrificiis, indulgentiam pariter et réquiem cápant sempiternam. Per Dominum.

Si pro uno fiat anniversarium, prædictæ Orationes dicantur in singulari numero.

 IN MISSIS QUOTIDIANIS DEFUNCTORUM.
Introitus.

REQUIEM æternam dona eis Domine: et lux perpétua lúceat eis.

Psal. 64. Te decet hymnus Deus in Sion, et tibi reddétur votum in Jerusalem: exaudi orationem meam, ad te omnis caro véniet. Réquiem æternam dona eis Domine.

Pro defunctis Episcopis, seu sacerdotibus.

Oratio.

DEUS, qui inter Apostolicos sacerdotes, famulos

tuos Pontificali, seu sacerdotali fecisti dignitate vigere: præsta, quæsumus; ut eorum quoque perpétuo aggregentur consortio. Per Dominum.

Pro defunctis fratribus, propinquis et benefactoribus.

DEUS vénia largitor, et humanæ salutis amátor, quæquæsumus clementiam tuam: ut nostræ congregatiónis fratres, propinquos, et benefactóres, qui ex hoc sæculo transierunt, beáta María semper virgine intercedente cum omnibus Sanctis tuis, ad perpétuæ beatitudinis consortium pervenire concédas.

Pro fidelibus defunctis, generalis Oratio.

FIDELIUM, Deus omnium Conditor, et Redemptor, animábus famulorum famularumque tuarum, remissionem cunctórum tribue peccatórum: ut indulgentiam, quam semper optaverunt, piis supplicationibus consequantur. Qui vivis et regnas.

Lectio libri Apocalypsis beáti Joánnis Apóstoli. *Apoc.* 14.

IN diébus illis: Audívi vocem de cælo dicentem mihi; Scribe: Beáti mortui qui in Domino moriuntur. Amadó jam dicit Spiritus, ut requiescant à laboribus suis: opera enim illórum sequuntur illos.

Gradual. Réquiem æternam dona eis Domine: et lux perpétua lúceat eis.

V. Psal. III. In memória æterna erit justus: ab auditióne mala non timébit.

Tractus. Absolve Domine animas omnium fidelium de-

functorum ab omni vinculo delictórum. *V.* Et grátia tua illis succurrente, mereantur evádere iudícium ultiónis.

V. Et lucis æternæ beatitúdine perfrui.

Sequentia. Dies iræ, dies illa, &c. *ut suprà.* lxxx.
Sequentia sancti Evangelii secundum Joannem.

Joan. 6. f.

IN illo tempore: Dixit Jesus turbis Judæórum: Ego sum panis vivus, qui de cœlo descendi. Si quis manducáverit ex hoc pane, vivet in æternum: et panis quem ego dabo, caro mea est pro mundi vita. Litigábant ergo Judæi ad invicem, dicentes: Quómodo potest hic nobis carnem suam dare ad manducandum? Dixit ergo eis Jesus: Amen, amen dico vobis: nisi manducáveritis carnem Filii hominis, et bibéritis ejus sanguinem, non habebitis vitam in vobis. Qui mandúcat meam carnem et bibit meum sanguinem, habet vitam æternam: et ego resuscitabo eum in novissimo die.

Offertórium. Domine Jesu Christe, Rex glóriæ, libera ánimas omnium fidélium defunctorum de pœnis inferni, et de profundo lacu: libera eas de ore leonis, ne absorbeat eas tartarus, ne cadant in obscúrum: sed signifer sanctus Michael repræsentet eas in lucem sanctam: *Quam olim Abrahæ promisisti, et sémini ejus. *V.* Hostias et preces tibi, Domine, laudis offérimus: tu suscipe pro animábus illis, quarum hódie memóriam facimus: fac eas, Domine, de morto transíre ad vitam. *Quam olim.*

Pro Defunctis Episcopis, seu sacerdotibus.

Secreta.

SUSCIPE, Domine, quæsumus, pro animábus famulorum tuórum Pontíficum, seu sacerdotum, quas offérimus hostias: ut quibus in hoc sæculo Pontificále, seu sacerdotále donasti méritum, in cœlesti regno sanctorum tuórum júbeas jungi consortio. Per Dominum nostrum.

Pro defunctis fratribus, propinquis et benefactoribus.

Secreta.

DEUS, cujus misericordiæ non est númerus, suscipe propítius preces humilitátis nostræ: et animábus fratrum, propinquórum, et benefactorum nostrórum, quibus tui nóminis dedisti confessiónem, per hæc sacramenta salutis nostræ, cunctórum remissiónem tríbe peccatórum.

Per omnibus fidelibus defunctis.

Secreta.

HOSTIAS, quæsumus Domine, quas tibi pro animábus famulorum famularumque tuárum offerimus, propitiátus intende: ut quibus fidéi Christiánæ meritum contulisti, dones et præmium. Per Dominum.

Communio. Lux æterna líceat eis, Domine, *Cum sanctis tuis in æternum: quia pius es. *V.* Réquiem æternam dona eis Domine: et lux perpétua líceat eis. Cum sanctis.

Pro defunctis Episcopis, seu sacerdotibus.

Postcommunio.

PROSIT, quæsumus Domine, animabus famulorum tuórum Pontíficum, seu sacer-

dôtum, misericordiæ tuæ implorâta clementia: ut ejus, in quo speravérunt, et credidérunt, æternum cãpïant, te miserante, consortium. Per Dominum nostrum.

Pro defunctis fratribus, propinquis & benefactoribus.

Postcommunio.

PRÆSTA quæsumus omnípotens, et miséricors Deus: ut animæ fratrum, propinquorum, et benefactorum nostrorum, pro quibus hoc sacrificium laudis tuæ obtulimus majestati per hujus virtutem sacramenti à peccatis omnibus expiatæ, lucis perpétuæ, te miserante, recipiant beatitudinem.

Pro omnibus fidelibus defunctis.

Postcommunio.

ANIMABUS, quæsumus Domine, famulorum famularumque tuarum oratio proficiat supplicantium: ut eas et à peccatis omnibus exuas, et tuæ redemptionis facias esse participes. Qui vivis et regnas.

Epistolæ, et Evangelia superius posita in una Missa pro Defunctis, dici possunt etiam in alia Missa similiter pro Defunctis.

ORATIONES DIVERSÆ PRO DEFUNCTIS.

In die depositionis, et anniversario summi Pontificis, dicitur prima Missa, ut supra. lxxx. præter Orationes, quæ dicuntur ut infra.

Oratio.

DEUS, qui inter summos Sacerdotes famulum tuum *N.* ineffabili tua dispositione, connumerari voluisti: præsta quæsumus; ut qui unigeniti Filii tui vices in terris gerèbat, sanctorum tuorum Pontificum consortio perpétuo

aggregetur. Per eundem Dominum.

Secreta.

SUSCIPE, Domine quæsumus, pro anima famuli tui *N.* summi Pontificis, quas offerimus hostias: ut cui in hoc sæculo Pontificale donasti meritum, in cœlesti regno, sanctorum tuorum jubèas jungi consortio. Per Dominum.

Postcommunio.

PROSIT, quæsumus Domine, animæ famuli tui *N.* summi Pontificis, misericordiæ tuæ implorâta clementia: ut ejus, in quo speravit et credidit, æternum cãpiat, te miserante, consortium. Per Dominum.

Pro defuncto Episcopo dicitur prima Missa, ut supra. lxxx. Orationes verò ut infra.

Oratio.

DEUS, qui inter Apostolicos sacerdotes, famulum tuum *N.* Pontificali fecisti dignitate vigere: præsta quæsumus; ut eorum quoque perpétuo aggregetur consortio. Per Dominum.

Secreta.

SUSCIPE, Domine, quæsumus pro anima famuli tui *N.* Pontificis, quas offerimus hostias: ut cui in hoc sæculo Pontificale donasti meritum, in cœlesti regno, sanctorum tuorum jubèas jungi consortio. Per Dominum.

Postcommunio.

PROSIT, quæsumus Domine, animæ famuli tui *N.* Pontificis, misericordiæ tuæ implorâta clementia: ut ejus, in quo speravit, et credidit, æternum cãpiat, te miserante, consortium. Per Dominum.

Pro defuncto Sacerdote dicitur eadem Orationes: sed ubi dicitur Pontificali, dicatur,

sacerdotáli, et pro Pontíficis, dicatur sacerdotís. Si fuerint plures, dicatur ut *suprà* in quarta Missa lxxv.

Pro Episcopo Cardinale defuncto dicatur famulum tuum N. Episcopum Cardinalem Pontificáli fecisti dignitate, &c.

Pro Presbytero Cardinali dicatur, famulum tuum N. Presbyterum Cardinalem sacerdotáli fecisti, &c.

Pro Diacono autem Cardinali dicitur Oratio. Inclina Domine. quæ habetur paulò infrà, hoc modo, ut animam famuli tui N. Diaconi Cardinalis, quam de hoc sæculo, &c.

Pro defuncto Episcopo.

Alia Oratio.

DA nobis, Domine, ut animam famuli tui N. Episcopi, quam de hujus sæculi eduxísti laborioso certamine, sanctorum tuorum tribuas esse consortem. Per Dominum.

Secreta.

ANNUE nobis, quæsumus Domine, ut animæ famuli tui N. Episcopi hæc prosit oblátio: quam immolando, totius mundi tribuisti relaxári delicta. Per Dominum.

Postcommunio.

HIS sacrificiis, quæsumus omnipotens Deus, purgáta anima famuli tui N. Episcopi, ad indulgentiam, et refrigerium sempiternum pervenire mereátur. Per Dominum nostrum.

Pro defuncto Sacerdote. Et possunt dici pro pluribus in numero plurali.

Oratio.

PRÆSTA, quæsumus, Domine, ut anima famuli tui N. sacerdotís, quem in hoc

sæculo commorantem, sacris munéribus decorasti, in cœlesti sede gloriósa semper exultet. Per Dominum.

Secreta.

SUSCIPE Domine, quæsumus, pro anima famuli tui N. sacerdotís, quas offerimus hostias: ut cui sacerdotále donasti méritum, dones et præmium. Per Dóminum.

Postcommunio.

PRÆSTA, quæsumus, omnipotens Deus, ut animam famuli tui N. sacerdotís in congregatióne justorum, æternæ beatitudinis júbeas esse consortem. Per Dominum.

Pro uno defuncto.

Oratio.

INCLINA Domine aurem tuam ad preces nostras, quibus misericordiam tuam supplices deprecámur: ut animam famuli tui, quam de hoc sæculo migráre jussisti, in pacis, ac lucis regióne constituas; et sanctorum tuorum júbeas esse consortem. Per Dominum nostrum.

Secreta.

ANNUE nobis, quæsumus Domine, ut animæ famuli tui hæc prosit oblátio: quam immolando, totius mundi tribuisti relaxári delicta. Per Dominum nostrum.

Postcommunio.

ABSOLVE, quæsumus Domine, animam famuli tui ab omni vinculo delictorum: ut in resurrectiõnis glória inter sanctos et electos tuos resuscitatus respíret. Per Dominum nostrum.

Pro una defuncta.

Oratio.

QUÆSUMUS Domine, pro tua pietáte miserere ani-

mæ famulæ tuæ : et a contagiis mortalitatis exutam, in æternæ salvationis partem restitue. Per Dominum nostrum.

Secreta.

HIS sacrificiis, quæsumus Domine, anima famulæ tuæ à peccatis omnibus exuatur, sine quibus à culpa nemo liber extitit: ut per hæc piæ placationis officia, perpétuam misericordiam consequatur. Per Dominum.

Postcommunio.

INVENIANT quæsumus Domine, anima famulæ tuæ lucis æternæ consortium: cujus perpétuæ misericordiæ consecuta est sacramentum. Per Dominum nostrum.

Pro patre, et matre Sacerdotis.

Oratio.

DEUS, qui nos patrem, et matrem honorare præcepisti: miserere clementer animabus patris et matris meæ, eorumque peccata dimitte: meque eos in æternæ claritatis gaudio fac videre. Per Dominum nostrum.

Secreta.

SUSCIPE sacrificium, Domine, quod tibi pro animabus patris, et matris meæ offero: eisque gaudium sempiternum in regione vivorum concede, meque cum illis felicitati sanctorum conjunge. Per Dominum.

Postcommunio.

CÆLESTIS participatio sacramenti, quæsumus Domine, animabus patris, et matris meæ requiem, et lucem obtineat perpétuam: meque cum illis gratia tua coronet æterna. Per Dominum.

Si pro patre tantum, vel matre tantum, dicitur in singulari.

Oratio.

DEUS, qui nos patrem, et matrem honorare præcepisti: miserere clementer animæ patris mei, vel matris meæ, ejusque peccata dimitte: meque eum, vel eam in æternæ claritatis gaudio fac videre. Per Dominum.

Secreta.

SUSCIPE sacrificium Domine, quod tibi pro anima patris mei, vel matris meæ offero: eique gaudium sempiternum in regione vivorum concede: meque cum illo, vel illa felicitati sanctorum conjunge. Per Dominum.

Postcommunio.

CÆLESTIS participatio sacramenti, quæsumus Domine, animæ patris mei, vel matris meæ requiem, et lucem obtineat perpétuam: meque cum illo, vel illa gratia tua coronet æterna. Per Dominum.

Pro Defunctibus fratribus, propinquis, et benefactoribus.

Oratio.

DEUS véniæ largitor, et humanæ salutis amator, quæsumus clementiam tuam: ut nostræ congregationis fratres, propinquos, et benefactores, qui ex hoc sæculo transierunt, beata María semper virgine intercedente cum omnibus Sanctis tuis, ad perpétuæ beatitudinis consortium pervenire concedas. Per Dominum.

Secreta.

DEUS, cujus misericordiæ non est numerus, suscipe propitius preces humilitatis nostræ: et animabus fratrum, propinquorum, et benefactorum nostrorum, quibus tui nominis dedisti confessionem, per hæc sacramenta salutis nostræ,

cunctorum remissionem tribue peccatorum. Per Dominum.

Postcommunio.

PRÆSTA, quæsumus, omnipotens et misericors Deus: ut animæ fratrum, propinquorum, et benefactorum nostrorum, pro quibus hoc sacrificium laudis tuæ obtulimus majestati, per hujus virtutem sacramenti à peccatis omnibus expiatae, lucis perpetuæ, te miserante, recipiant beatitudinem. Per Dominum.

Pro his, qui in cæmeterio requiescunt.

Oratio.

DEUS, cujus miseratione animæ fidelium requiescunt, famulis et famulabus tuis, et omnibus hinc, et ubique in Christo quiescentibus, da propitius, veniam peccatorum: ut à cunctis reatibus absoluti, tecum sine fine lætentur: Per eundem Dominum.

Secreta.

PRO animabus famulorum famularumque tuarum, et omnium catholicorum hinc, et ubique in Christo dormientium, hostiam Domine, suscipe benignus oblata: ut hoc sacrificio singulari, vinculis horrendæ mortis exuti, vitam mereantur æternam. Per eundem Dominum.

Postcommunio.

DEUS, fidelium lumen animarum, adesto supplicationibus nostris, et da famulis, et famulabus tuis, quorum corpora hinc, et ubique in Christo requiescunt, refrigerii sedem, quietis beatitudinem, et luminis claritatem. Per eundem Dominum.

Pro pluribus Defunctis.

Oratio.

DEUS, cui proprium est misereri semper, et parcere: propitiare animabus famulorum famularumque tuarum, et omnia eorum peccata dimitte, ut mortalitatis vinculis absolutæ, transire mereantur ad vitam. Per Dominum.

Secreta.

ANNUE nobis, quæsumus Domine, ut animabus famulorum famularumque tuarum hæc prosit oblatio: quam immolando, totius mundi tribuisti relaxari delicta. Per Dominum nostrum.

Postcommunio.

DEUS, cui soli competit medicinam præstare post mortem: præsta quæsumus; ut animæ famulorum famularumque tuarum terræis exutæ contagiis, in tuæ redemptionis parte numerentur. Qui vivis, et regnas.

Alia pro pluribus Defunctis.

Oratio.

ANIMABUS, quæsumus Domine famulorum famularumque tuarum misericordiam concède perpetuam: ut eis proficiat in æternum, quod in te speraverunt, et crediderunt. Per Dominum. *Secreta.*

HIS, Domine quæsumus, placatus intende muneribus: et quod ad laudem tui nominis supplicantes offerimus, ad indulgentiam proficiat defunctorum. Per Dominum.

Postcommunio.

SUPPLICES, Domine, pro animabus famulorum famularumque tuarum preces effundimus, obsecrantes: ut quidquid conversatione, contraxerunt humana, et clemen-

ter indulgeas, et in tuorum sede lætantium constituas redemptorum. Per Dominum.

ORDO AD FACIENDAM AQUAM BENEDICTAM.

Die Dominica, in Sacristia præparato sale, et aqua benedicenda, Sacerdos celebraturus Missam, vel alius ad id deputatus, alba; vel superpelliceo indutus cum stola circa collum, primò dicit.

V. Adjutorium nostrum in nomine Domini.

R. Qui fecit cœlum et terram.

Deinde absolutè incipit exorcismum salis.

EXORCIZO te, creatura salis per Deum ✠ vivum, per Deum ✠ verum, per Deum ✠ sanctum: per Deum, qui te per Elisæum Prophétam in aquam mitti jussit, ut sanarétur sterilitas aquæ; ut efficiaris sal exorcizatum in salutem credentium: et sis omnibus sumentibus te sanitas animæ et corporis: et effugiat, atque discédât à loco, in quo aspersum fueris, omnis phantasia et nequítia, vel versutia diabolicæ fraudis, omnísque spíritus immundus adjuratus per eum, qui venturus est judicare vivos, et mortuos, et sæculum per ignem. R. Amen.

Oremus. *Oratio.*

IMMENSAM clementiam tuam, omnipotens æterne Deus, humíliter imploramus: ut hanc creaturam salis, quam in usum géneris humani tribuisti, bene ✠ dicere, et sancti-

✠ficare tua pietate digneris; ut sit omnibus sumentibus salus mentis et corporis: et quidquid ex eo tactum, vel respersum fuerit, careat omni immundítia, omníque impugnatione spiritalis nequítiae. Per Dominum.

Exorcismus aquæ; et dicitur absolute.

EXORCIZO te, creatura aquæ, in nomine Dei ✠ Patris omnipotentis, et in nomine Jesu ✠ Christi Filii ejus Domini nostri, et in virtute Spíritus ✠ sancti: ut fias aqua exorcizota ad effugendam omnem potestatem inimici, et ipsum inimicum eradicare, et explantare valeas cum angelis suis apostaticis, per virtutem ejusdem Domini nostri Jesu Christi: qui venturus est judicare vivos, et mortuos, et sæculum per ignem. R. Amen.

Oremus. *Oratio.*

DEUS, qui ad salutem humani géneris, maxima quæque sacramenta in aquarum substantia condidisti: adesto propítius invocatióibus nostris et elemento huic multimodis purificationibus præparato virtutem tuæ benedictionis infunde: ut creatura tua mysteriis tuis serviens, ab abigendos dæmones, morbosque pellendos, divinæ gratiæ sumat effectum: ut quidquid in domibus, vel in locis fidélium hæc unda resperserit, careat omni immunditia, liberétur à noxa: non illic resideat spiritus pestilens, non aura corrumpens: discédant omnes insidiæ latentis inimici: et si quid est

quod aut incolumitati habitantium invidet, aut quiëti, aspersione hujus aquæ effugiat: ut salubritas per invocationem sancti tui nominis expetita, ab omnibus sit impugnationibus defensa. Per Dominum.

Hic ter mittat sal in aquam in modum crucis dicendo semel:

COMMIXTO salis, et aquæ pariter fiat, in nomine Patris, et Filii, et Spiritus sancti. *R. Amen.*

V. Dominus vobiscum.

R. Et cum spiritu tuo.

Oremus. Oratio.

DEUS invictæ virtutis auctor, et insuperabilis imperii Rex, ac semper magnificus triumphator: qui adversæ dominationis vires reprimis: qui inimici rugientis sævitiam superas: qui hostiles nequitiâs potenter expugnas: te Domine, trementes, et supplices deprecâmur, ac petimus: ut hanc creaturam salis, et aquæ dignanter aspicias, benignus illustres, pietatis tuæ rore sanctifices: ut ubicumque fuerit aspersa, per invocationem sancti nominis tui, omnis infestatio immundi spiritus abigatur; terrorque venenosi serpentis procul pellatur: et præsentia sancti Spiritus nobis misericordiam tuam poscentibus, ubique adesse dignetur. Per Dominum. . . in unitate ejusdem.

Finita benedictione, Sacerdos celebraturus indutus pluviali coloris Officio convenientis, accedit ad Altare, et ibi ad gradus cum ministris genuflexus, etiam tempore Paschali, accipit à Diacono

aspersorium, et primò ter aspergit Altare, deinde se, ministros, et erectus incipens et Antiphonam. Asperges me. Et Chorus prosequitur: Domine hyssopo, &c. ut infra.

Interim Celebrans aspergit Clerum, deinde populum, dicens submissa voce cum ministris Psalmum. Misérere mei Deus, &c. Antiph. Aspérge me Domine hyssopo et mundabor: lavabis me, et super nivem dealabor.

Psalmus. Misérere mei Deus, secundum magnam misericordiam tuam.

V. Gloria Patri.

Et repetitur Antiph. Aspérge me.

Hæc Antiphona prædicto modo dicitur ad aspersionem aquæ benedictæ in Dominicis per totum annum: excepta Dominica de Passione, et Dominica Palmarum, in quibus non dicitur, Gloria Patri, sed post Psalmum Misérere mei Deus, &c. repetitur immediatè Antiphona. Asperges me. Excepto etiam tempore Paschali, scilicet à Dominica Paschæ usque ad Pentecosten inclusive, quo tempore cantatur sequens Antiphona. Vidi aquam egredientem de templo à latere dextro, alleluia: et omnes, ad quos pervenit aqua ista, salvi facti sunt et dicent, alleluia, alleluia.

Ps. 117. Confitemini Domino, quoniam bonus: quoniam in sæculum misericordia ejus.

V, Gloria Patri.

Repetitur Antiphona. Vidi aquam.

In Dominica verò Trinitatis resumitur, Asperges me Domine.

In die sancto Paschæ, et Pentecostes, ubi est fons Baptismalis, fit aspersio cum aqua pridie benedicta in fonte Baptismi, et ante infusionem olei, et Chrimatis accepta. Finita Antiphona supradicto modo, Sacerdos, qui aspersit aquam, reversus ad Altare, stans ante gradus Altaris junctis manibus, dicat V. Ostende nobis Domine misericordiam tuam.

Temp. Pasch. additur Allelûia.

R. Et salutare tuum da nobis.

V. Domine exaudi orationem meam, R. Et clamor meus ad te veniat. V. Dominus vobiscum. R. Et cum spiritu tuo.

Orémus. Oratio.

EXAUDI nos, Domine sancte, Pater omnipotens, æterne Deus: et mittere digneris sanctum Angelum tuum de cœlis, qui custodiat, foveat, protegat, visitet, atque defendat omnes habitantes in hoc habitaculo. Per Christum Dominum. *R. Amen.*

BENEDICTIO AGNI IN PASCHA.

V. Adjutorium nostrum in nomine Domine.

R. Qui fecit cœlum et terram.

V. Dominus vobiscum.

R. Et cum spiritu tuo.

Orémus.

DEUS, qui per famulum tuum Mòysen, in liberatione pòpuli tui de Ægypto, agnum occidi jussisti in similitudinem Domini nostri Jesu Christi, et utrosque postes domòrum, de sanguine ejusdem agni perungi præcepisti: ita bene ✠ dicere, et sanc-

ti ✠ ficare digneris hanc creaturam carnis, quam nos famuli tui ad laudem tuam sumere desideramus, per resurrectionem ejusdem Domini nostri Jesu Christi. Qui tecum vivit et regnat in sæcula sæculòrum. *R. Amen.*

Et mox aspergat aqua benedicta.

BENEDICTIO OVORUM.

V. Adjutorium nostrum in nomine Domini.

R. Qui fecit cœlum et terram.

V. Dominus vobiscum.

R. Et cum spiritu tuo.

Orémus.

SUBVENIAT, quæsumus Dòmine, tuæ benedictionis grátia huic ovòrum creaturæ: ut cibus salubris fiat fidelibus tuis in tuarum gratiarum actione sumentibus, ob resurrectionem Domini nostri Jesu Christi. Qui tecum vivit et regnat in sæcula sæculòrum:

R. Amen.

Et aspergat aqua benedicta.

BENEDICTIO PANIS.

V. Adjutorium nostrum in nomine Domini.

R. Qui fecit cœlum et terram.

V. Dominus vobiscum.

R. Et cum spiritu tuo.

Orémus.

DOMINE Jesu Christe, panis Angelorum, panis vivus æternæ vitæ, benedice dignare panem istum, sicut benedixisti quinque panes in deserto: ut omnes ex eo gustantes, inde corporis et animæ percipiant sanitatem. Qui vivis et regnas in sæcula sæculòrum. *R. Amen.*

Et aspergat aqua benedicta.

ALIA BENEDICTIO
PANIS.

V. Adjutorium nostrum in nomine Domini. *R.* Qui fecit cœlum et terram. *V.* Dominus vobiscum. *R.* Et cum spiritu tuo.

Orémus.

DOMINE sancte Pater omnipotens, æterne Deus, benedícere dignéris hunc panem tua sancta spirituáli benedictione: ut sit omnibus sumentibus salus mentis et corporis, atque contra omnes morbos, et universas inimicorum insidias tutámen. Per Dominum nostrum Jesum Christum Fílium tuum, panem vivum, qui de cœlo descendit, et dat vitam, et salutem mundo: et tecum vivit, et regnat in unitáte Spíritus sancti Deus, per omnia sæcula sæculorum.

R. Amen.

Aspergatur aqua benedicta.

BENEDICTIO NOVORUM
FRUCTUUM.

V. Adjutorium nostrum in nomine Domini. *R.* Qui fecit cœlum et terram. *V.* Dominus vobiscum. *R.* Et cum spiritu tuo.

Orémus.

BENEDÍCIC, Domine, hos novos fructus *N.* et præsta: ut qui ex eis in tuo sancto nomine vescentur, corporis et animæ salute potiantur. Per Christum Dominum nostrum.

R. Amen.

Et aspergantur aqua benedicta.

BENEDICTIO AD QUOD-
CUMQUE COMESTI-
BILE.

V. Adjutorium nostrum in nomine Domini. *R.* Qui fecit cœlum et terram. *V.* Dominus

vobiscum. *R.* Et cum spiritu tuo.

Orémus.

BENEDÍCIC, Domine, creaturam istam *N.* ut sit remédiúm salutáre genéri humano: et præsta per invocationem sancti nominis tui; ut quicumque ex ea sumpserint, corporis sanitátem, et animæ tutelám percípiant. Per Christum Dominum nostrum. *R.* Amen.

Aspergat id aqua benedicta.

BENEDICTIO CANDE-
LARUM.

V. Adjutorium nostrum in nomine Domini. *R.* Qui fecit cœlum et terram. *V.* Dominus vobiscum. *R.* Et cum spiritu tuo.

Orémus.

DOMINE Jesu Christe, Fili Dei vivi, benedíc candélas istas supplicationibus nostris: infunde eis Domine, per virtutem sanctæ Cru+ cis, benedictionem cœlestem, qui eas ad repellendas tenebras humano generi tribuísti, talemque benedictionem signaculo sanctæ Cru+ cis accipiant, ut quibuscumque locis accensæ, sive positæ fuerint, discedant principes tenebrarum et contremiscant, et fugiant pavidum omnibus ministris suis ab habitationibus illis: nec præsumant amplius inquietare, aut molestare servientes tibi omnipotenti Deo. Qui vivis, et regnas in sæcula sæculorum. *R.* Amen.

Postmodum aspergantur aqua benedicta.

BENEDICTIO LOCI.

V. Adjutorium nostrum in nomine Domini. *R.* Qui fecit

cælum et terram. *V.* Dominus vobiscum. *R.* Et cum spiritu tuo. *Oremus.*

BENE \times DIC Domine Deus omnipotens locum istum, ut sit in eo sánitas, castitas, victória, virtus, humílitas, bonitas, et mansuetúdo, plenitúdo legis, et gratiárum actio, Deo Patri, et Fílio, et Spirítui sancto: et hæc benedictio máneat super hunc locum, et super habitantes in eo, nunc et in omnia sæcula sæculórum. *R.* Amen.

Et aspergatur aqua benedicta

BENEDICTO DOMUS NOVÆ.

V. Adjutórium nostrum in nomine Domini. *R.* Qui fecit cælum et terram. *V.* Dominus vobiscum. *R.* Et cum spiritu tuo.

Oremus.

TE Deum Patrem omnipotentem suppliciter exorámus pro hac domo, et pro habitatóribus ejus, ac rebus: ut eam bene \times dícere, et sancti \times ficáre, ac bonis omnibus ampliáre dignéris: tríbue eis Domine de rore cœli abundantiam, et de pinguédine terræ vitæ substantiam, et desidéria voti eórum ad effectum tuæ miseratiónis perdúcas. Ad intróitum ergo nostrum bene \times dícere, et sancti \times ficáre dignéris hanc domum, sicut benedícere dignátus es domum Abrahám, et Isaac, et Jacob: et intra paríetes domus istíus, Angeli tuæ lucis inhábitent, eamque, et ejus habitátóres custódiant. Per Christum Dóminum nostrum. *R.* Amen.

Deinde aspergat aqua benedicta.

BENEDICTIO THA- LAMI.

V. Adjutórium nostrum in nomine Domini. *R.* Qui fecit cælum et terram. *V.* Dominus vobiscum. *R.* Et cum spiritu tuo.

Oremus.

BENE \times DIC, Domine, thálamum hunc: ut omnes habitantes in eo, tua pace consistant, et in tua voluntáte permáneant, et senescant, et multiplicentur in longitudínem diérum, et ad regna cœlórum pervéniant. Per Christum Dóminum nostrum. *R.* Amen.

Posteà aspergat thalamum aqua benedicta.

BENEDICTIO NOVÆ NAVIS.

V. Adjutórium nostrum in nomine Domini. *R.* Qui fecit cælum et terram. *V.* Dominus vobiscum. *R.* Et cum spiritu tuo.

Oremus.

PROPITIARE, Domine, supplicatióibus nostris, et bene \times díc navem istam dextera tua sancta, et omnes, qui in ea vehentur, sicut dignátus es benedícere arcam Noe ambulantem in dilúvio: porrige eis Domine dexteram tuam, sicut porrexisti beáto Petro ambulanti super mare: et mitte sanctum Angelum tuum de cœlis, qui liberet, et custódiat eam semper à periculis universis, cum ómnibus, quæ in ea erunt: et fámulos tuos, repulsis adversitátibus, portu semper optábili, cursúque tranquillo tueáris: transactisque, ac rectè perfectis negó-

tiis omnibus, iterato tempore ad propria cum omni gaudio revocare digneris. Qui vivis et regnas.

Aspergat navim aqua benedicta.

BENEDICTIONES

ab Episcopis, vel aliis facultatem habentibus faciendæ.

BENEDICTIO

Sacerdotalium indumentorum in genere.

V. Adjutorium nostrum in nomine Domini. *R.* Qui fecit cœlum et terram. *V.* Dominus vobiscum, *R.* Et cum spiritu tuo.

Orémus.

OMNIPOTENS sempiternus Deus, qui per Moysen famulum tuum pontificalia, et sacerdotalia, seu levitica vestimenta, ad explendum in conspectu tuo ministerium eorum, ad honorem, et decorem nominis tui fieri decrevisti: adesto propitius invocationibus nostris, ut hæc indumenta sacerdotalia, desuper irrigante gratia tua, ingenti benedictione per nostræ humilitatis servitium purificare, benedicere, et consecrare digneris: ut divinis cultibus, et sacris mysteriis apta, et benedicta existant: his quoque sacris vestibus Pontifices, et Sacerdotes, seu Levitæ tui induti, ab omnibus impulsio-nibus, seu tentationibus malignorum spirituum muniti, et defensi esse mereantur: tuisque mysteriis aptè et condignè servire, et inhærere, atque in his tibi placitè, et devotè perseverare tribue. Per Christum Dominum. *R.* Amen.

Orémus.

DEUS, invictæ virtutis triumphator, et omnium rerum creator, ac sanctificator, intende propitius preces nostras: et hæc indumenta leviticæ, sacerdotalis, et pontificalis gloriæ, ministris tuis fruenda, tuo ore proprio benedicere, sanctificare, et consecrare digneris: omnesque eis utentes, tuis mysteriis aptos, et tibi in eis devotè, ac laudabiliter servientes, gratos efficere digneris. Per Dominum.

Orémus.

DOMINE Deus omnipotens, qui vestimenta Pontificibus, Sacerdotibus, et Levitis, in usum tabernaculi fœderis necessaria, Moysen famulum tuum agere jusisti; eumque spiritu sapientiæ ad id peragendum replevisti: hæc vestimenta in usum, et cultum mysterii tui benedicere, sanctificare, et consecrare digneris: atque ministros altaris tui, qui ea induerint, septiformis Spiritus gratia dignanter repleri, atque castitatis stola, beata facias cum bonorum fructu operum ministerii congruentis immortalitate vestiri. Per Christum Dominum nostrum. *R.* Amen.

Deinde aspergit ipsa indumenta aqua benedicta.

BENEDICTIO

Mapparum et Tobalcarum, sive Lintheaminum Altaris.

V. Adjutorium nostrum in nomine Domini. *R.* Qui fecit cœlum et terram. *V.* Dominus vobiscum. *R.* Et cum spiritu tuo.

Oremus.

EXAUDI, Domine, preces nostras et hæc linteamina sacri altaris úsui præparata bene✠dicere, et sancti✠ficare digneris. Per Christum Dominum nostrum,

R. Amen.

Oremus.

DOMINE Deus omnipotens, qui Moysen famulum tuum ornamenta, et linteamina facere, per quadraginta dies docuisti, quæ étiam Maria texuit, et fecit in usum ministerii tabernaculi foederis: bene✠dicere, sancti✠ficare, et conse✠crare digneris hæc linteamina ad tegendum, involvendumque altare gloriosissimi Filii tui Domini nostri Jesu Christi: Qui tecum vivit, et regnat.

R. Amen.

B E N E D I C T I O CORPORALIUM.

V. Adjutorium nostrum in nomine Domini. R. Qui fecit cælum et terram. V. Dominus vobiscum. R. Et cum spiritu tuo.

Oremus.

CLEMENTISSIME Domine cujus inenarrabilis est virtus, cujus mysteria arcanis mirabilibus celebrantur: tribue, quæsumus, ut hoc linteamen tuæ propitiationis benedictione sanctificetur ad consecrandum super illud, corpus, et sanguinem Dei, et Domini nostri Jesu Christi Filii tui. Qui tecum vivit, et regnat. R. Amen.

Oremus.

OMNIPOTENS sempiternæ Deus, bene✠dicere, sancti✠ficare, et conse✠crare digneris linteamen istud ad tegendum involvendumque

corpus et sanguinem Domini nostri Jesu Christi Filii tui. Qui tecum vivit, et regnat. R. Amen.

Oremus.

OMNIPOTENS Deus, manibus nostris opem tuæ benedictionis infunde: ut per nostram bene✠dictionem hoc linteamen sanctificetur, et corporis, ac sanguinis Redemptoris nostri novum sudarium, Spíritus sanctis gratia efficiatur. Per eundem Dominum nostrum. R. Amen.

Et aspergat aqua benedicta.

B E N E D I C T I O

Tabernaculi, seu vasculi pro sacrosanctâ Eucharistia conservanda.

V. Adjutorium nostrum in nomine Domini. R. Qui fecit cælum et terram. V. Dominus vobiscum. R. Et cum spiritu tuo. Orémus.

OMNIPOTENS sempiternæ Deus, majestatem tuam supplices deprecamur: ut vasculum hoc pro Corpore Filii tui Domine nostri Jesu Christi in eo condendo fabricatum, bene✠dictionis tuæ gratiæ dicere digneris. Per eundem Dominum nostrum. R. Amen.

Et aspergit illud aqua benedicta.

O R A T I O.

In Consecratione Episcopi, quæ dicitur cum Oratione Missæ diei sub una conclusione: et similiter Secreta, et Postcommunio. Oratio.

ADESTO supplicationibus nostris omnipotens Deus: ut quod humilitatis nostræ gerendum est ministério, tuæ

virtutis impleatur effectu. Per Dominum nostrum.

Secreta. Consecrator.

SUSCIPE Domine mûnera, quæ tibi offerimus pro hoc famulo tuo: ut propitius in eo tua dona custodias. Per Dominum nostrum.

Consecratus dicit:

SUSCIPE Domine munera, quæ tibi offerimus pro me famulo tuo: ut propitius in me tua dona custodias. Per Dominum nostrum.

Infra actionem. Consecrator.

HANC igitur oblationem servitutis nostræ, sed et cunctæ familiæ tuæ, quam tibi offerimus etiam pro hoc famulo tuo, quem ad Episcopatus ordinem promovère dignatus es, quæsumus Domine, ut placatus accipias, et propitius in eo tua dona custodias: ut quod divino munere consecutus est, divinis effectibus exequatur: diesque nostros in tua pace disponas: atque ab æterna damnatione nos eripi, et in electorum tuorum jubeas grege numerari. Per Christum Dominum nostrum. Amen.

Consecratus dicit:

HANC igitur oblationem servitutis nostræ, sed et cunctæ familiæ tuæ, quam tibi offerimus etiam pro me famulo tuo, quem ad Episcopatus ordinem promovère dignatus es, quæsumus Domine, ut placatus accipias, et propitius in me tua dona custodias:

ut quod divino munere consecutus sum, divinis effectibus exequar: diesque nostros in tua pace disponas: atque ab æterna damnatione nos eripi, et in electorum tuorum jubeas grege numerari. Per Christum Dominum nostrum. Amen.

Postcommunio.

PLENUM, quæsumus Domine, in nobis remedium tuæ miserationis operare: ac tales nos esse perface propitius, et sic foveri: ut tibi in omnibus placere valeamus. Per Dominum nostrum.

In collatione sacrorum Ordinum, quæ dicitur eum Oratione Missæ dici sub una conclusione: et similiter Secreta, et Postcommunio. Oratio.

EXAUDI quæsumus Domine supplicum preces, et devoto tibi pectore famulantes, perpetua defensione custodi: ut nullis perturbationibus impediti, liberam servitutem tuis semper exhibeamus officiis. Per Dominum.

Secreta.

TUIS, quæsumus Domine, operare mystèriis: ut hæc tibi munera dignis mentibus offeramus. Per Dominum.

Postcommunio.

QUOS tuis Domine reficis sacramentis, continuis attolle benignus auxiliis: ut tuæ redemptionis effectum, et mystèriis capiamus, et moribus. Per Dominum.



MISSÆ SANCTORUM

Celebrandæ aliquibus in Locis ex indulto Apostolico.

DIE XXXIII. JANUARI.

IN FESTO DESPONSATIONIS BEATÆ MARIE VIRGINIS.

Introitus. Sedulius.

SALVE, sancta parens, enixa puerpera Regem: qui cœlum terramque regit in sæcula sæculorum.

Ps. 44. Fructavit cor meum verbum bonum: dicó ego ópera mea Regi.

V. Glória Patri.

Oratio.

FAMULIS tuis, quæsumus, Dómine, cœlestis grátie munus impertire: ut quibus beatæ Virginis partus éxstitit salutis exórdium, Despensationis ejus votiva solémnitas, pacis tríbuat increméntum. Per.

Pro Sancta Emerentiana.

Oratio.

INDULGENTIAM nobis, quæsumus, Dómine, beáta Emerentiána Virgo et Martyr implóret: quæ tibi grata semper éxstitit et mérito castitátis, et tuæ professione virtútis. Per.

Lectio libri Sapiéntiæ.

Prov. 8. c.

DOMINUS possédit me in initio viárum suárum, ántequam quidquam fáceret à principio. Ab æterno ordináta sum, et ex antiquis, ántequam terra fieret. Nondum erant abyssi, et ego jam concépta eram: necdum fontes aqú-

rum erúperant: necdum montes gravi mole constítierant: ante colles ego parturiébar: adhuc terram non fécerat, et flumina, et cárdines orbis teræ. Quando præparábat cœlos, áderam: quando certâ lege, et gyro vallabat abyssos: quando æthera firmábat sursúm, et librábat fontes aquárum: quando circúmdabat mari términum suum, et legem ponébat aquis, ne transirent fines suos: quando appendébat fundaménta terræ. Cum eo eram, cuncta compónens: et delectábar per singulos dies ludens coram eo omni témpore, ludens in orbe terrárum: et delíciæ meæ esse cum filiis hómonum. Nunc ergo filii audíte me: Beati, qui custódiunt vias meas. Audíte disciplinam et estóte sapiéntes, et nolite adjícere eam. Beátus homo qui audit me, et qui vígilat ad fores meas quotidie, et obsérvat ad postes óstii mei. Qui me invénerit, invéniet vitam, et háuriet salutem à Dómino.

Graduale. Benedícta et venerábilis es, Virgo María, quæ sine tactu pudóris, inventa es Mater Salvatóris. *V.* Virgo Dei génitrix, quem totus non capit orbis, in tua se clausit víscera, factus homo. *Allel. allel. V.* Felix es, sacra Virgo María, et omni laude, digníssima, quia ex te ortus est

sol justitiæ, Christus Deus noster. Alleluia.

Post Septuagesimam, omissis Alleluia, et Versu sequenti, dicitur Tractus :

Gaude, Maria Virgo, cunctas hæreses sola interemisti. *V.* Quæ Gabriëlis Archàngeli dictis credidisti. *V.* Deum virgo Deum et hómínem genuisti : et post partum Virgo invioláta permansisti. *V.* Dei génitrix intercède pro nobis.

Sequéntia sancti Evangélii secúndum Matthæum. I. c.

CUM esset desponsáta mater Jesu Mariá Joseph ántequam convenirent, invénta est in útero habens de Spíritu sancto. Joseph autem vir ejus cüm esset justus, et nollet eam traducere, vóluit occúlté dimittere eam. Hæc autem eo cogitánte, ecce Angelus Dómini apparuit in somnis ei, dicens : Joseph fili David, noli timére accíperere Mariám cónjugem tuam : quod enim in ea natum est, de Spíritu sancto est. Páriet autem Filium, et vocábis nomen ejus Jesum. Ipse enim salvum fáciat pópulum suum à peccátis eórum. Credo.

Offertorium. Beáta es, Virgo María, quæ ómnium portásti Creatórem : genuisti, qui te fecit, et in æternum pérmanes Virgo.

Secreta.

UNIGENITI tui, Dómine, nobis succúrrat humanitas : ut qui natus de Vírgine, matris integritátem non mínuit, sed sacrávit, in Desponsatiónis ejus solémniis, nostris nos piáculis éxuens, oblationem nostram tibi fáciat accéptam

Jesus Christus Dóminus noster, Qui tecum vivit et regnat.

Pro S. Emerentiana.

Secreta.

HOSTIAS tibi, Dómine, beátæ Emerentiánæ Vírginis et Martyris tuæ dicátas meritis, benignus assume : et ad perpétuum nobis tríbue provenire subsidium. Per Dóminum.

Præfatio de Beata Maria. Et te in Desponsatióne.

Communio. Beáta víscera Mariæ Virginis, quæ portavérunt ætérni Patris Filium.

Postcommunio.

SUMPSIMUS, Dómine, celebritátis annuæ votiva sacraménta : præsta quæsumus ; ut et temporális vitæ nobis remédia præbeant, et ætérnæ. Per Dóminum.

Pro S. Emerentiana.

Postcommunio.

DIVINI múnemis largitáte satiáti, quæsumus, Dómine Deus noster : ut intercedente beátá Emerentiánâ Vírgine et Mátyre tuâ, in ejus semper participatióne vivámus. Per Dóminum.

PRIMA FERIA VI.

QUADRAGESIMÆ.

MISSA DE PASSIONE
D. N. J. C.

HUMILIAVIT semetipsum, ut inter *Votivas : prima Oratio propria ut infra, et dicitur Gloria in excelsis. Et Credo. Et fit comm. feriæ cum ejus Evang. in fine Missæ.*

Oratio.

OMNIPOTENS semipitérne Deus, qui humano géneri, ad imitán-

dum humilitatis exemplum, Salvatorem nostrum carnem sumere, et crucem subire fecisti: concede propitius, ut sicut solemnem commemorationem passionis ejus celebramus, ita, et patientiæ ipsius habere documenta, et resurrectionis consortia mereamur. Per eundem Dominum nostrum.

SECUNDA FERIA VI.

QUADRAGESIMÆ.

MISSA SMÆ. SPINEÆ CORONÆ D. N. J. C.

Introitus. Cant. 3.

EGREDDIMINI et videte filia Sion regem Salomonem in diademate, quo coronavit illum mater sua, parans crucem Salvatori suo. *Psal. 8.* Gloria et honore coronasti eum Domine: et constituisti eum super opera manuum tuarum. *V. Gloria Patri.*

Oratio.

DEUS, qui Unigenitum tuum in Passione sua spinea Corona decorari, et Regem adorari voluisti: da nobis, quæsumus, ob piam venerationem sacre illius Spineæ Coronæ in cœlesti ejus regno Coronam gloriæ suæ, et æterni Regis majestatem perpetuo contemplari. Per eundem Dominum.

Et fit commemor. Feriæ.

Lectio libri Sapientiæ.

Cant. 3. et 4.

LECTULUM Salomonis sexaginta fortes ambiunt ex fortissimis Israel: omnes te-

nentes gladios, et ad bella doctissimi: uniuscujusque ensis super femur suum propter timores nocturnos. Ferculum fecit sibi rex Salomon de lignis Libani: Columnas ejus fecit argenteas, reclinatorium aureum, ascensum purpureum: media charitate constravit propter filias Jerusalem: Egredimini, et videte, filia Sion, regem Salomonem in diademate, quo coronavit eum mater sua in die desponsationis illius, et in die lætitiæ cordis ejus. Quam pulchra es amica meâ, quam pulchra es! Oculi tui columbarum, absque eo, quod intrinsecus latet. Veni de Libano, veni: coronaberis.

Graduale. Corona aurea super caput ejus, expressa signo sanctitatis, gloriâ honoris, et opus fortitudinis. *V.* Quoniam prævenisti eum in benedictionibus dulcedinis: posuisti in capite ejus coronam de lapide pretioso.

Tractus. Induit eum Dominus vestimentis salutis, et indumento justitiæ, quasi sponsum decoratum corona. *V.* Corona tribulationis effloruit in coronam gloriæ, et sertum exultationis. *V.* Accipit regnum decoris, et diadema speciei.

Sequentia sancti Evangelii secundum Joannem.

Cap. 19.

IN illo tempore: Apprehendit Pilatus Jesum, et flagellavit. Et milites plectentes coronam de spinis, imposuerunt capiti ejus: et veste purpurea circumdederunt eum.

Et veniebant ad eum, et dicebant: Ave Rex Judæorum, et dabant ei alapas, Exiit ergo iterum Pilatus foras, et dicit eis: Ecce adduco vobis eum foras, ut cognoscatis, quia nullam invenio in eo causam. Exiit ergo Jesus, portans coronam spineam et purpureum vestimentum. Credo.

Offertorium. Tuam coronam adoramus Domine: tuam gloriosam recolimus passionem.

Secreta.

TUORUM militum, Rex Omnipotens, virtutem robora: ut quos in hujus mortalitatis stadio Unigeniti Filii tui Coronam lætificat: consummato cursu certaminis, immortalitatis bravium apprehendant. Per eundem Dominum.

Præfatio de Cruce. Qui salutem.

Communio. Lætare mater nostra, quia dabit Dominus capiti tuo augmenta gratiarum, et corona inclyta prot eget te.

Postcommunio.

SUPPLICES te rogamus, Omnipotens Deus: ut hæc sacramenta, quæ sumpsimus, per sacrosanctæ Filii tui coronæ, cujus solènni recensemus, virtutem nobis proficiant ad medelam. Per eundem Dominum nostrum.

Legitur Evangelium Ferie in fine Missæ.

TERTIA FERIA VI.

QUADRAGESIMÆ.

MISSÆ LANCEA ET
CLAVIS. D. N. J. C.

Introitus. *Psal.* 21.

FODERUNT manus meas, et pedes meos: dinumerá-

verunt omnia ossa mea: et sicut aqua effusus sum. *Ibid.* Factum est cor meum tamquam cera liquescens in médio ventris mei. *V.* Glória Patri.

Oratio.

DEUS, qui in assumptæ carnis infirmitate clavis affigi, et lancea vulnerari pro mundi salute voluisti: concede propitius, ut qui eorúdem clavórum, et lanceæ solènnia venerámur in terris, de glorioso victóriæ tuæ triúmpho gratulamur in cœlis: Qui vivis et regnas cum Deo Patre in unitate Spíritus Sancti Deus.

Et fit commem. Ferie.

Epistola, Graduale, Tractus, Evangelium, Offertorium Secreta, Communio, Postcommunio, ut in Missa de Passione Domini inter Votivas: et dicitur Credo, et Evangelium Ferie in fine Missæ.

QUARTA FERIA VI.

QUADRAGESIMÆ.

MISSA QUINQUE VULNERUM D. N. J. C.

MISSA: Humiliavit semetipsum. *ut inter votivas, De Passione Domini, præter Orationes sequentes: et dicitur Gloria in excelsis. fit commemoratio Ferie, dicitur Credo, et Evangelium Ferie in fine Missæ.*

Oratio.

DEUS, qui Unigeniti Filii tui passióne, et per quinque Vúlnera ejus sanguínis effusióne humanam naturam peccáto perditam reparásti: tribue nobis, quæsumus, ut qui ab eo suscepta Vúlnera venerámur in terris, ejúsdem pretiosissimi Sanguinis fructum

consequi mereámur in cœlis. Per eúmdem Dóminum nostrum.

Secreta.

MAJESTATI tuæ, quæsumus Dómine, accépta sint dona, in quibus ipsa Unigéniti tui Vúlnera tibi offérimus, nostræ pretia libertátis. Per eúmdem Dóminum nostrum.

Præfatio de Cruce. Qui salutem humáni generis.

Postcommunio.

REFFECTI vitálibus alimóniis, quæsumus, Domine Deus noster, ut qui Vúlnera Domini nostri Jesu Christi hódie devótè cólimus, hæc in nostris córdibus impréssa, moribus et vita teneámus. Per eúmdem Dóminum.

QUINTA FERIA VI.

MISSA DE PRETIOSISSIMO SANGUINE D.N.J.C

Introitus. Apoc. Cap. 5.

REDEMISTI nos, Dómine, in ságuine tuo ex omni tribu, et lingua, et pópulo, et natione : et fecisti nos Deo nostro regnum. *Psal. 18.* Misericórdias Dómini in ætérnum cantábo : in generatióem et generatióem annuntiábo veritátem tuam in ore meo.

℣. Glória Patri.

Oratio.

OMNIPOTENS sempitérne Deus, qui Unigénitum Fílium tuum mundi Redemptórem constituísti, ac ejus Sanguine placári voluísti : concede, quæsumus, salútis nostræ prætium solémni cultu ita venerári, atque à præsentis vitæ malis, ejus virtúte deféndi in terris, ut fructu perpétuo lætémur in

cœlis. Per eúmdem Dóminum nostrum.

Deinde fit commemoratio Feriæ.

Léctio Epístolæ beáti Pauli Apóstoli ad Hebræos.

Cap. 9.

FRATRES : Christus assis-téns Póntifex futurórum bonórum per ámplius, et perfectíus tabernáculum non manufáctum, id est, non hujus creatiόνis : neque per ságuinem hircórum, aut vitulórum, sed per próprium ságuinem introívit semel in sancta, ætérna redemptiône invénta. Si enim ságuis hircórum, et taurórum, et cinis vitulæ aspér-sus inquinátos santificat ad emundatióem carnis : quanto majus sanguis Christi, qui per Spíritum sanctum semetipsum óbtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti ? Et ideo novi testaménti mediátor est : ut morte intercedénte, in redemptióem eárum prævaricatiónum, quæ erant sub prióri testaménto, repromissi-ónem accípiant, qui vocáti sunt ætérnæ hæreditátis : in Christo Jesu Dómino nostro.

Graduale : Hic est qui venit per aquam et ságuinem, Jesus Christus : non in aqua solum, sed in aqua et ságuine. ℣. Tres sunt qui testimónium dant in cœlo, Pater, Verbum, et Spíritus Sanctus : et hi tres unum sunt. Et tres sunt, qui testimónium dant in terra : spír-itus, aqua et sanguis : et hi tres unum sunt.

Tractus : Gratificávit nos Deus in dilécto Fílio suo, in quo habémus redemptióem

per Sanguinem ejus. *V.* Remissionem peccatorum, secundum divitias gratiae ejus, quae superabundavit in nobis. *V.* Justificati gratis per gratiam ipsius, per redemptionem, quae est in Christo Jesu. *V.* Quem proposuit Deus propitiationem per fidem in Sanguine ipsius. Sequentia sancti Evangelii secundum Joannem.

Cap. 19.

IN illo tempore: Cum accepisset Jesus acetum, dixit: Consummatum est. Et inclinato capite tradidit spiritum. Judaei ergo (quoniam Parasceve erat) ut non remanerent in cruce corpora sabbato, (erat enim magnus dies ille sabbati) rogaverunt Pilatum, ut frangerent eorum crura, et tollerentur. Venierunt ergo milites: et primi quidem fregerunt crura, et alterius, qui crucifixus est cum eo. Ad Jesum autem cum venissent, ut viderent eum jam mortuum, non fregerunt ejus crura; sed unum militum lancea latus ejus aperuit, et continuo exivit sanguis, et aqua. Et qui vidit, testimonium perhibuit: et verum est testimonium ejus. Credo.

Offertorium. Calix benedictionis, cui benedicimus, nonne communicatio sanguinis Christi est? Et panis, quem frangimus, nonne participatio corporis Domini est?

Secreta.

PER haec divina mysteria ad novi, quaesumus, testamenti mediatorem Jesum accedamus: et super altaria tua, Domine virtutum, aspersionem sanguinis, melius loquentem, quam Abel, innovemus. Per eundem Dominum.

Præfatio de Cruce. Qui salutem.

Communio. Christus semel oblatus est ad multorum exhaurienda peccata: secundo sine peccato apparebit omnibus expectantibus, in salutem.

Postcommunio.

AD sacram, Domine, mensam admissi, hausimus aquas in gaudio de fontibus Salvatoris: Sanguis ejus fiat nobis, quaesumus fons aquae in vitam aeternam salientis: Qui tecum vivit et regnat, in unitate Spiritus sancti Deus. Per.

Evang. Dom. in fine.

Die Martii xvii.

IN FESTO S. GABRIELIS.
Archangeli.

Introitus. Psal. 102.

BENEDICITE Dominum omnes Angeli ejus: potentes virtute, qui facitis verbum ejus, ad audiendam vocem sermonum ejus. *Ps. ib.* Benedic anima mea Domino; et omnia quae intra me sunt, nomini sancto ejus. *V.* Gloria Patri.

Oratio.

DEUS, qui inter caeteros Angelos, ad annuntiationem Incarnationis tuae mysterium, Gabrielem Archangelum elegisti; concede propitius; ut qui festum ejus celebramus in terris, ipsius patrocinium sentiamus in caelis. Qui vivis, et regnas.

Et fit Commem. Feriae occurrentis, si celebretur in Quadragesima.

Lectio Daniëlis Prophetae.

Dan. 9. f.

IN diebus illis: Ecce vir Gabriel, quem videram in

visiónē à principio, citò volans tétigit me in tēpore sacrificii vespertini. Et dócuit me, et locútus est mihi, dixitque : Dániël, nunc egréssus sum ut dócerem te, et intelligeres. Ab exórdio precum tuárum egréssus est sermo : ego autem veni, ut indicárem tibi, quia vir desideriórum es : tu ergo animadvérte sermónem, et intéllige visiónem. Septuaginta hebdómades abbreviátæ sunt super pópulum tuum, et super urbem sanctam tuam, ut consummétur prævaricatio, et finem accípiat peccátum et deleátur iniquitas, et adducátur justítia sempiterna, et impleátur visio, et prophetia, et ungátur Sanctus sanctorum. Scito ergo, et animadvérte : ab éxitu sermónis, ut íterum ædificétur Jerúsalem, usque ad Christum duces, hebdómades septem, et hebdómades sexáginta duæ erunt : et rursùm ædificábitur platea, et muri in angustia temporum. Et post hebdómades sexáginta duas occidétur Christus : et non erit ejus pópulus, qui eum negáturus est. Et civitátem et sanctuárium dissipábit pópulus cum duce ventúro : et finis ejus vastitas, et post finem belli stutúta desolatio,

Graduale. Ps. 102. Benedícite Dóminum omnes Angeli ejus : poténtes virtúte, qui fáctis verbum ejus : *V.* Bénedic ánima mea Dóminum : et ómnia interióra mea nomen sanctum ejus.

Tractus. Luc. 1. c. Ave Maria, grátia plena : Dóminus tecum. *V.* Benedicta tu in muliéribus, et benedictus fructus

ventris tui. *V.* Ecce concípies, et páries filium : et vocábis nomen ejus Emmáuël. *V.* Spíritus sanctus supervéniet in te, et virtus Altíssimi obumbrábit tibi. *V.* Ideòque et quod nascétur ex te Sanctum, vocábitur Filius Dei.

Si hoc Festum post Pascha celebratur, omissis Graduali et Tractu dicitur :

Allelúia, allelúia. *V.* Qui facit Angelos suos spíritus : et ministros suos flammam ignis, allelúia. *V.* Ave Maria, grátia plena : Dóminus tecum : Benedicta tu in muliéribus, allelúia.

Sequéntia sancti Evangélii secúndum Lucam.

Luc. 1. c.

IN illo tēpore : Missus est Angelus Gábriël à Deo in civitátem Galilææ, cui nomen Náza-reth, ad vírginem desponsátam viro, cui nomen erat Joseph, de domo David : et nomen vírginis María. Et ingrèssus Angelus ad eam, dixit : Ave grátia plena : Dóminus tecum : Benedicta tu in muliéribus. Quæ cùm audisset, turbáta est in sermóne ejus, et cogitábat qualis esset ista salutatio. Et ait Anelus ei : Ne tímeas María, invenísti enim grátiam apud Deum : ecce concípies in útero, et páries filium, et vocábis nomen ejus Jesum. Hic erit magnus, et Filius Altíssimi vocábitur : et dabit illi Dóminus Deus sedem David patris ejus : et regnábit in domo Jacob in ætérnum, et regni ejus non erit finis. Dixit autem María ad Angelum : Quómodo fiet istud, quóniam

virum non cognosco? Et respondens Angelus, dixit ei; Spiritus sanctus superveniet in te, et virtus Altissimi obumbrabit tibi. Ideoque et quod nascetur ex te Sanctum, vocabitur Filius Dei. Et ecce Elisabeth cognata tua, et ipsa concepit filium in senectute sua: et hic mensis sextus est illi, quæ vocatur stérilis: quia non erit impossibile apud Deum omne verbum. Dixit autem Maria: Ecce ancilla Domini, fiat mihi secundum verbum tuum. Credo.

Offertorium. Apoc. 8. Stetit Angelus juxta aram templi, habens thuribulum aureum in manu sua: et data sunt ei incensa multa: et ascendit fumus aromatum in conspectu Dei.

Secreta.

ACCEPTUM fiat in conspectu tuo, Domine nostræ servitutis munus, et beati Archangeli Gabriëlis oratio: ut venerantibus eum in terris, sit apud te advocatus in cælis. Per Dominum.

Deinde Secreta Ferie occurrentis, si in Quadragesima celebratur.

Communio. Dan. 3. Benedicite omnes Angeli Domini Domino: hymnum dicite, et superexaltate eum in sæcula.

Postcommunio.

CORPORIS tui, et sanguinis sumptis mysteris, tuam, Domine Deus noster, deprecamur clementiam, ut sicut, Gabriële nuntiante, Incarnationem tuam cognovimus, ita ipso adjuvante Incarnationis ejusdem beneficia consequamur.

mur. Qui vivis et regnas, cum Deo Patre in unitate Spiritus sancti Deus.

Deinde Poscommunio Ferie occurrentis, de qua in fine Missæ legitur Evangelium.

DOM. III. POST PASCHA
FESTUM PATROCINII
S. JOSEPH.

Introitus. Ps. 32.

ADJUTOR, et Protector noster est Dominus: in eo lætabitur cor nostrum: et in nomine sancto ejus speravimus, allel. allel. *Ps. ib.* Qui regis Israël intende: qui deducis velut ovem Joseph. V. Gloria Patri.

Oratio.

DEUS, qui ineffabili providentiâ beatum Joseph Sanctissimæ Genitricis tuæ sponsum eligere dignatus es: præsta, quæsumus; ut quem protectorem veneramur in terris, intercessorem habere mereamur in cælis. Qui vivis.

Et fit commemor. Dominicæ.

Lectio libri Genesis. 49.

FILIUS accrescens Joseph, filius accrescens et decorus aspectus: filiæ discurrerunt super murum. Sed exasperaverunt eum, et jurgati sunt, invideruntque illi habentes jacula. Sedit in forti arcus ejus, et dissoluta sunt vincula brachiorum, et manuum illius per manus potentis Jacob: inde pastoregressus est, lapis Israël, Deus patris tui erit adiutor tuus, et Omnipotens benedict tibi benedictionibus cæli desuper, benedictionibus abyssis

jacentis deorsum, Benedicti-
ónibus úberum, et vulvæ. Be-
nedictiões patris tui confor-
tatae sunt benedictionibus pa-
trum ejus, donec veniret de-
siderium collium æternórum:
fiant in cápite Joseph, et in ver-
tice Nazaræi inter fratres suos.

Allelúia, allelúia.

V. De quacumque tribulati-
one clamáverint ad me, ex-
áudiam eos: et ero protector
eórum semper, Allelúia. *V.*
Fac nos iunócuam, Joseph,
decurrere vitam, sitque tuo
semper tuta patrocínio. Allel.

Sequéntia sancti Evangéllii se-
cundúm Lucam. 3.

IN illo tempore: Factus est
autem cùm baptizáretur
omnis pópulus et Jesu bap-
tizáto, et orante, apertum est
cælum, et descendit Spiritus
sanctus corporáli spécie sicut
columba in ipsum, et vox de
cælo facta est: Tu es Filius
meus dilectus, in te complácuti
mihi. Et ipse Jesus erat inci-
piens quasi annórum triginta,
ut putabátur filius Joseph.

*Dicitur Credo, ratione Do-
minicæ.*

Offertorium. Ps. 147. Lauda,
Jerúsalem, Dominum: quón-
iam confortavit seras porta-
rum tuarum: benedixit filiis
tuis in te, Allel. allel.

Secreta.

SANCTISSIMÆ Genitricis
tuæ Sponsi Patrocínio suf-
fulti, rogamus, Domine, cle-
mentiam tuam: ut corda nostra
facias terréna cuncta despiciere,
ac te verum Deum perfectá cha-
ritate diligere. Qui vivis.

*Et fit commemoratio Dominicæ.
Communio.* Jacob autem gé-
nuit Joseph virum Mariæ:

de quâ natus est Jesus, qui
vocátur Christus, allel. allel.

Postcommunio.

DIVINI múnere fonte re-
fecti, quæsumus, Do-
mine Deus noster: ut sicut
nos facis beáti Joseph protec-
tióne gaudére, ita ejus méritis,
et intercessióne cœlestis gloriæ
facias esse participes. Per
Dóminum.

*Et fit commemoratio Domi-
nicæ, & in fine Missæ dicitur
Evangelium ejusdem.*

DIE XVI. MAII.

IN FESTO S. JOANNIS
Nepomuceni Martyris.

*Si non fuerit expletum tempus
Paschale, tunc dicitur Missa,
Protexisti me. de Comuni
Mart. tempore Paschali. fol. vij.
præter Orationes sequentes, &
Evangel. Nihil est opertum.
fol. vj.*

*Si vero fuerit post Pentecos.
tunc Missa erit, Lætábitur
justus. de Comuni unius Mart.
non Pontif. fol. v. exceptis Ora-
tionibus propriis, ut infra.*

Oratio.

DEUS, qui ob invictum
beati Joannis Sacramen-
tale silentium novâ Ecclesiam
tuam Martyrii coronâ deco-
rasti: da nobis ejus interces-
sióne, et exémplo linguam
cauté custodire, ac omnia pó-
tius mala, quam animæ detri-
mentum, in hoc sæculo tole-
rare. Per Dominum.

Secreta.

PER hæc tua, Domine,
sacra mystéria illo nos
charitatis igne accendamus,
quo inlytus martyr Joannes

eadem peragendo flagrabat.
Per.

Postcommunio.

SPIRITUM Domine, fortitudinis hæc nobis tribuat, mensa cælestis, quæ beati martyris tui Joannis pro Sacramento honore tentatam constantiam, jûgiter aluit ad victoriam. Per Dominum. . . in unitate ejusdem.

DIE XVI. JUNII.

IN FESTO S. JOANNIS
FRANCISCI Regis Confessoris.

Missa. Os Justi. de Communi Conf. non Pontificis, fol. xxii.

Oratio.

DEUS, qui ad plurimos pro salute animarum perferendos labores beatum Joannem Franciscum Confessorem tuum mirabili charitate, et invicta patientia decorasti: concede propitius; ut ejus exemplis instructi, et intercessionibus adjuti æternæ vitæ præmia consequamur. Per.

DIE XXI. JUNII.

IN FESTO S. ALOYSII
Gonzagæ Conf.

Introitus.

Ps. 8.

MINUISTI eum paulò minus ab Angelis: gloriâ et honore coronasti eum *Ps. 148.* Laudate Dominum; omnes Angeli ejus: laudate eum, omnes virtutes ejus. *V. Gloria Patri.*

Oratio.

CÆLESTIUM donorum distributor Deus; qui in angelico juvene Aloysio miram vitæ innocentiam pari cum poenitentia sociasti: ejus meritis et precibus concede ut innocentem non secuti, poeni-

tentem imitemur. Per Dominum.

Lectio libri Sapiëntiæ.

Ecc. 31.

BEATUS vir, qui inventus est sine macula, et qui post aurum non abiit, nec speravit in pecunia et thesauris. Quis est hic, et laudabimus eum? Fecit enim mirabilia in vita sua. Qui probatus est in illo, et perfectus est, erit illi gloria æterna: qui potuit transgredi, et non est transgressus; facere mala, et non fecit: ideo stabilita sunt bona illius in Domino.

Grad Ps. 70. Domine, spes mea à juventute mea: in te confirmatus sum ex útero; de ventre matris meæ tu es protector meus. *V. Ps. 40.* Me autem propter innocentiam suscepisti, et confirmasti me in conspectu tuo in æternum. Allel, allel. *V. Ps. 64.* Beatus quem elegisti et assumpsisti: inhabitabit in atriis tuis. Allel. Sequentia sancti Evangelii secundum Matthæum. 22.

IN illo tempore respondens Jesus ait Sadducæis: Erratis nescientes Scripturas, neque virtutem Dei. In resurrectione enim neque nubent, neque nubentur; sed erunt sicut Angeli Dei in cælo. De resurrectione autem mortuorum non legistis quod dictum est à Deo dicente vobis: Ego sum Deus Abraham, et Deus Isaac, et Deus Jacob? Non est Deus mortuorum, sed viventium. Et audientes turbæ mirabantur in doctrina ejus. Pharisei autem audientes quod silentium imposuisset Sadducæis, convenerunt in unum; et interrogavit eum unus ex eis

legis doctor, tentans eum: Magister, quod est mandatum magnum in lege? Ait illi Jesus: Diliges Dominum Deum tuum ex toto corde tuo, et in tota anima tua, et in tota mente tua. Hoc est maximum, et primum mandatum. Secundum autem simile est huic: Diliges proximum tuum sicut teipsum. In his duobus mandatis universa lex pendet, et Prophetæ.

Offert. Ps. 23. Quis ascendet in montem Domini? aut quis stabit in loco sancto ejus? Innocens manibus et mundo corde.

Secreta.

CŒLESTI convivio fac nos, Domine, nuptiali veste indutos accumbere: quam beati Aloysii pia præparatio, et juges lacrymæ inæstimabilibus ornabant margaritis. Per Dominum.

Communio, Psal. 77. Panem cœli dedit eis: Panem Angelorum manducavit homo.

ANGELORUM esca nutritos Angelicis etiam, Domine, da moribus vivere; et ejus, quem hodie colimus exemplo in gratiarum semper actione manere. Per Dominum.

MISSA IN FESTO SANCTISSIMI CORDIS JESU.

Celebranda in feria sexta post Octavam Corporis Christi.

Duplex majus.

Introitus. Cant. 111.

EGREDDIMINI, et videte, Filiæ Sion, Regem Salomonem in diademate, quo co-

ronavit eum mater sua, in die desponsationis ejus, et in die lætitiæ cordis ejus.

Psal. 44. Eructavit cor meum verbum bonum: dico ego opera mea regi. *V. Gloria Patri.*

Oratio.

FAC nos, Domine Jesu, Sanctissimi Cordis tui virtutibus indui, et affectibus inflammari; ut et imagini bonitatis tuæ conformes, et tuæ redemptionis mereamur esse participes. Qui vivis et regnas.

Lectio Epistolæ B. Pauli Apost. ad Epheseos. *Ephes. 3.*

FRATRES: mihi omnium sanctorum minimo data est grátia hæc in gentibus evangelizare investigabiles divitias Christi, et illuminare omnes quæ sit dispensatio Sacramenti absconditi a sæculis in Deo, qui omnia creavit. Hujus rei gratia flecto genua mea ad Patrem Domini nostri Jesu Christi, ex quo omnis paternitas in cœlis, et in terra nominatur, ut det vobis secundum divitias gloriæ suæ virtute corroborari per spiritum ejus in interiore hominem: Christum habitare per fidem in cordibus vestris: in charitate radicati et fundati, ut possitis comprehendere cum omnibus Sanctis quæ sit latitudo et longitudo, et sublimitas, et profundum: scire etiam supereminentem scientiæ charitatem Christum, ut impleamini in omnem plenitudinem Dei.

Graduale. Matth. 21. Dicitur Filiæ Sion: Ecce Rex tuus venit tibi mansuetus.

V. Isai. 42. Non erit tristis neque turbulentus: non clamabit, nec audietur vox ejus foris. Allel. allel.

V. Matth. 11. Discite a me, quia mitis sum, et humilis Corde: et invenietis requiem animabus vestris. Allel.

Post Septuagesimam.

Graduale. Ps. 68. Improprium expectavit Cor meum, et miseriam: et sustinui qui simul contristaretur, et non fuit: et qui consolaretur, et non inveni.

Tractus. Psalm 21. Ego autem sum vermis, et non homo; opprobrium hominum, et abjectio plebis. Omnes videntes me, deriserunt me: locuti sunt labiis, et moverunt caput: Sicut aqua effusus sum, et dispersa sunt omnia ossa mea. Factum est Cor meum tanquam cera liquescens in medio ventris mei.

Post Pacha. Alleluia, alleluia.

Psalm 29. Domine Deus meus clamavi ad te, et sanasti, me: eduxisti ab inferno animam meam. Allel.

Convertisti planctum meum in gaudium mihi: conscidisti saccum meum, et circumdedisti me lætitia. Alleluia.

Sequentia sancti Evangelii secundum Joannem.

c. 15.

IN illo tempore: dixit Jesus discipulis suis: Sicut dilexit me Pater, et ego dilexi vos. Manete in dilectione mea. Si quæcepta mea servaveritis, manebitis in dilectione mea, sicut et ego Patris mei præcepta servavi, et maneo in ejus dilectione. Hæc locutus sum

vobis, ut gaudium meum in vobis sit, et gaudium vestrum impleatur. Hoc est præceptum meum, ut diligatis invicem, sicut dilexi vos. Majorem hac dilectionem nemo habet, ut animam suam ponat quis pro amicis suis. Vos amici mei estis, si feceritis quæ ego præcipio vobis. Jam non dicam vos servos: quia servus nescit quid faciat Dominus ejus. Vos autem dixi amicos: quia omnia quæcumque audivi a Patre meo, nota feci vobis. Non vos me elegistis: sed ego elegi vos, et posui vos, ut eatis, et fructum afferatis: et fructus vester maneat: ut quodcumque petieritis Patrem in nomine meo, det vobis. Credo

Offertorium. 1 Parallip. 29.

Domine Deus in simplicitate Cordis mei lætus obtuli universa; et populum tuum vidi cum ingenti gaudio tibi offerre donaria; Deus Israel, custodi hanc voluntatem Cordis eorum. Alleluia.

Secreta.

ILLO nos igne, quæsumus Domine, Spiritus sanctus inflammet, quem Dominus noster Jesus Christus e penetralibus Cordis sui misit in terram, et voluit vehementer accendi: Qui tecum vivit et regnat in unitate ejusdem.

Præfatio de Nativitate Domini. Et sic dicitur etiam in Missis Votivis a Dominica Trinitatis usque ad Septuagesimam. A Septuagesima vero usque ad Pentecosten Præfatio de Cruce.

Communio. Ps. 33. & 99. Gustate, et videte, quoniam suavis est Dominus; in æternum misericordia ejus. Allel.

Postcommunio.

PRÆBEANT nobis, Domine Jesu, Divinum tua sancta fervorem; quo dulcissimi Cordis tui suavitate percepta, discamus terrena despiciere, et amare cœlestia. Qui vivis et regnas.

DIE IX. JULII.

IN FESTO BEATORUM
LEONARDI ET SOCI-
ORUM MARTYRUM
GORCOMIENSIIUM.

Missa. Intret in conspectu.
de Communi Plur. Mart. fol.
xii. *Oratio.*

DEUS, qui nos concedis sanctorum Martyrum tuorum Leonardi et Sociorum ejus natalitia colere: da nobis in æterna beatitudine de eorum societate gaudere. Per Dominum.

DE XXIV. OCTOBRIS.

IN FESTO S. RAPHAELIS
Archangeli.

Introitus. Psal. 102.

BENEDICITE Dominum omnes Angeli ejus; potentes virtute, qui facitis verbum ejus, ad audiendam vocem sermonum ejus. *Psal. ibid.* Benedic anima mea Domino: et omnia, quæ intra me sunt, nomini sancto ejus. *V. Gloria Patri.*

Oratio.

DEUS, qui beatum Raphaelem Archangelum Tobiae famulo tuo comitem dedisti in via: concede nobis famulis tuis; ut ejusdem semper protegámur custodia, et muniámur auxilio. Per Dominum nostrum.

Lectio libri Tobiae.

Tobiae 12 b.

IN diébus illis: dixit Angelus Raphaël ad Tobiam: Etenim sacramentum regis abscondere bonum est: opera autem Dei revelare et confiteri honorificum est. Bona est ergo oratio cum jejúnio et eleémósyna magis quam thesauros auri recondere; quoniam eleémósyna à morte liberat, et ipsa est, quæ purgat peccata, et facit invenire misericordiam et vitam æternam. Qui autem faciunt peccatum, et iniquitatem, hostes sunt animæ suæ. Manifesto ergo vobis veritatem, et non abscondam à vobis occultum sermonem. Quando orábas cum lacrymis, et sepeliébas mortuos, et derelinquébas prándium tuum, et mortuos abscondébas per diem in domo tua, et nocte sepeliébas eos, ego obtuli orationem tuam Domino. Et quia acceptus eras Deo, necesse fuit ut tentatio probaret te. Et nunc misit me Dominus ut curárem te: et Saram uxórem filii tui à dæmonio liberárem. Ego enim sum Raphaël Angelus, unus ex septem, qui astámus ante Dominum.

Graduale Ps. 148. Laudáte Dominum de cœlis: laudáte eum in sœxcelsis. *V.* Laudáte eum omnes Angeli ejus: laudáte eum omnes virtutes ejus. Allelúia, allelúia. *V. Psal. 137.* In conspéctu Angelórum psallam tibi: adorábo ad templum sanctum tuum, et confitébor nomini tuo. Allelúia.

Sequentia sancti Evangelii secundum Joannem.

Joannis 5.

IN illo tempore erat dies festus Judæorum et ascendit Jesus Jerosólymam. Est autem Jerosólymis probatica piscína quæ cognominatur Hebraïce Bethesda, quinque porticus habens. In his jacébat multitudo magna languéntium cæcórum, claudorum, aridorum, expectantium aquæ motum. Angelus autem Domini descendebat secundum tempus in piscinam post motionem aquæ, sanus fiebat à quacumque detinebatur infirmitate. Credo.

Offertorium Apoc. 8. Stetit Angelus juxta aram templi, habens thuribulum aureum in manu sua: et data sunt ei incénsa multa: et ascendit fumus aromatum in conspectu Dei.

Secreta.

HOSTIAS tibi, Domine, laudis offerimus suppliciter deprecantes: ut eandem, Angélico pro nobis interveniente suffragio, et placatus accipias, et ad salutem nostram provenire concédas. Per Dominum nostrum.

Communio. Angeli, Archangeli, Principatus et Potestates, Virtutes cœlorum, Dominationes, et Throni, Cherubim atque Séraphim, Dominum benedicite in æternum.

Postcommunio.

REPLETI, Domine, benedictione cœlesti, suppliciter imploramus: ut quod fragili celebramus officio,

sanctorum Angelorum atque Archangelorum nobis prodesse sentiamus auxilio. Per Dominum.

DIE XIII. NOVEMBRIS.

IN FESTO S. STANISLAI
KOSTKÆ, Confessoris.

Introitus. Sapient. 4.

CONSUMMATUS in brevi explevit tempora multa; placita enim erat Deo anima illius: propter hoc properavit educere illum de medio iniquitatum. *Ps. 112.* Laudate pueri Dominum: Laudate nomen Domini. *V. Gloria Patri.*

Oratio.

DEUS, qui inter cætera sapientiæ tuæ miracula etiam in tenera ætate maturæ sanctitatis gratiam contulisti; da quæsumus, ut beati Stanislai exemplo, tempus instanter operando redimentes, in æternam ingredi requiem festinemus. Per Dominum.

Lectio libri Sapientiæ.

Cap. 4. v. 7.

JUSTUS, si morte præoccupatus fuerit, in refrigerio erit. Senectus enim venerabilis est non diuturna, neque annorum numero computata: cani autem sunt sensus hominis, et ætas senectutis vita immaculata. Placens Deo factus est dilectus: et vivens inter peccatores translatus est. Raptus est, ne malitia mutaret intellectum ejus, aut ne fictio deciperet animam illius. Fascinatio enim nugacitatis obscurat bona, et inconstantia concupiscentiæ transvertit sen-

sum sine malitia. Consummatus in brevi explevit tempora multa; placita enim erat Deo anima illius: propter hoc properavit educere illum de medio iniquitatum. Populi autem videntes et non intelligentes, nec ponentes in præcordiis talia: quoniam gratia Dei et misericordia est in Sanctos ejus, et respectus in electos illius. Condemnat autem justus mortuus vivos impios, et juvenus celerius consummata longam vitam injusti.

Graduale. Psal. 20. 2. Desiderium cordis ejus tribuisti ei, et voluntate labiorum ejus non fraudasti eum.

V. Quoniam prævenisti eum in benedictionibus dulcedinis. Alleluia, alleluia.

V. Psal. 118. 52. Initio cognovi de testimoniis tuis, quia in æternum fundasti ea. Alleluia.

Sequentia sancti Evangelii secundum Matthæum.

Cap. 19. v. 13.

IN illo tempore: Oblati sunt Jesu parvuli, ut manus eis imponeret et oraret Discipuli autem increpabant eos. Jesus vero ait eis; Sinite parvulos, et nolite eos prohibere ad me venire; talium est enim regnum cœlorum. Et cum impossuisset eis manus, abiit inde. Et ecce unus accedens, ait illi: Magister bone, quid boni faciam, ut habeam vitam æternam? Qui dixit ei: Quid me interrogas de bono? Unus est bonus Deus. Si autem vis ad vitam ingredi, serva mandata. Dixit illi: Quæ? Jesus autem

dixit: Non homicidium facies, non adulterabis, non facies furtum, non falsum testimonium dices; honora patrem tuum et matrem tuam, et diliges proximum tuum sicut te ipsum. Dicit illi adolescens: Omnia hæc custodivi a juventute mea: quid adhuc mihi deest? Ait illi Jesus: Si vis perfectus esse, vade, vende quæ habes, et da pauperibus, et habebis thesaurum in cœlo: et veni sequere me.

Offertorium. Psal. 42. 4. Introibo ad altare Dei: ad Deum, qui lætificat juventutem meam.

Secreta.

ANGELORUM pane, quæsumus, Domine, beati Stanislai nos intercessio dignos efficiat, qui eo meruit Angelica manu recreari. Per Dominum nostrum.

Communi. Eccli. 14. 2. Cibavit illum Dominus pane vitæ, et intellectus: et aqua sapientiæ salutâris potavit illum.

Postcommunio.

UT nobis, Domine, cœlestis, quem sumpsimus, panis sit vitæ, beato Stanisláo Confessore tuo intercedente, quæsumus, ut panis sit intellectus, et potus aqua sapientiæ salutâris. Per Dóminum nostrum.

DOM. II. NOVEMBRIS.

IN FESTO PATROCINII
BEATÆ MARIÆ Virginis.

Missæ. Salve sancta parens. sumatur ex Votivis B. Mariæ à

Pentecoste usque ad Adventum.
Et dic. Gloria. et Credo.
Præfatio. Et te in festivitâte
 beatæ Mariæ.

*Et fit com. Dom. occur. cum
 ejus Evang. in fine.*

DIE XVIII. DECEMBRIS.

IN FESTO EXPECTATIO-
 NIS BEATÆ MARIÆ
 Virginis.

Introitus. Isaia. 45.

RORATE cœli désuper et
 nubes pluant justum:
 aperiâtur terra, et germinet
 Salvatorem. *Ps. 84.* Benedixisti,
 Domine, terram tuam:
 avertisti captivitatem Jacob.

V. Gloria Patri.

Oratio.

DEUS, qui de beatæ Ma-
 riæ Virginis útero, Ver-
 bum tuum, Angelo nuntiante,
 carnem suscipere voluisti;
 præsta supplicibus tuis; ut,
 qui vere eam genetricem Dei
 crédimus, ejus apud tè inter-
 cessionibus adjuvémur. Per
 eumdem Dóminum.

Lectio Isaíæ Prophætæ. 7. b.

IN diébus illis: Locúus est
 Dominus ad Achaz, dicens:
 Pete tibi signum à Domino
 Deo tuo in profundum inferni,
 sive in excelsum suprâ. Et
 dixit Achaz: Non petam, et
 non tentâbo Dominum. Et
 dixit: Audíte ergo domus
 David: Numquid parum vobis
 est molestos esse hominibus,
 qui molesti estis et Deo meo?
 Propter hoc dabit Dominus
 ipse vobis signum: Ecce vir-
 go concipiet, et páriet filium,
 et vocábitur nomen ejus Em-

mánuël. Butyrum et mel co-
 medet, ut sciat reprobâre ma-
 lum, et eligere bonum.

Grad. Ps. 23. Tollite portas
 principes vestras, et elevámini
 portæ æternâles, et introíbit
 Rêx glóriæ. *V.* Quis ascendet
 in montem Domini, aut quis
 stabit in loco sancto ejus? In-
 nocens mânibus, et mundo
 corde. Allelúia, allelúia. *V.*
Luc. 1. Ecce virgo concipiet,
 et páriet filium Jesum Christum
 Allelúia.

Sequentia sancti Evangélii se-
 cúndum Lucam. 1.

IN illo tempore: Missus est
 Angelus Gábríel á Deo in
 civitatem Galilææ, cui nomen
 Náza-reth, ad Virginem des-
 ponsátam viro, cui nomen erat
 Joseph, de domo David, et
 nomen virginis María. Et
 ingrêssus Angelus ad eam dixit:
 Ave, grátia plena: Dóminus
 tecum: Benedicta tu in muli-
 éribus. Quæ cùm audisset,
 turbáta est in sermóne ejus:
 et cogitábat qualis esset ista salu-
 tatio. Et ait Angelus ei: Ne
 timeas, María: invenisti enim
 grátiam apud Deum: Ecce,
 concípies in útero, et páries
 filium, et vocábis nomen ejus
 JESUM. Hic erit magnus, et
 Fílius Altissimi vocábitur, et
 dabit illi Dominus Deus sedem
 David patris ejus: et regnábít
 in domo Jacob in æternum, et
 regni ejus non erit finis. Dixit
 autem Maria ad Angelum:
 Quómodo fiet istud, quóniam
 virum non cognosco? Et res-
 pondens Angelus, dixit ei:
 Spiritus sanctus superveniet in
 te, et virtus Altissimi obum-
 brábit tibi. Ideóque et quod
 nascétur ex te Sanctum, vo-

cábitur Filius Dei. Et ecce Elisábeth cognata tua, et ipsa concépit filium in senectúte sua: et hic mensis sextus est illi, quæ vocátur stérilis: quia non erit impossibile apud Deum omne verbum. Dixit autem Maria: Ecce ancilla Domini, fiat mihi secundum verbum tuum. Credo

Offert. Luc. 1. Ave, Maria, gratia plena: Dominus tecum: Benedicta tu in mulieribus, et benedictus fructus ventris tui.

Secreta.

IN mentibus nostris, quæsumus, Domine, veræ fidei sacramenta confirma: ut qui conceptum de Virgine Deum verum et hóminem confitémur; per ejus salutiferæ resurrectionis potentiam, ad æternam mereámur pervenire lætitiám. Per eundem Dominum nostrum.

Præfatio. Et te in expectatione beátæ Mariæ.

Commun. Isaiæ 7. Ecce virgo concipiet, et pariet filium: et vocábitur nomen ejus Emmanuel.

Postcommunio.

GRATIAM tuam, quæsumus, Domine, mentibus nostris infunde: ut qui, Angelo nuntiante, Christi Filii tui incarnationem cognóvimus: per passionem ejus et crucem ad resurrectionis glóriam perducamur. Per eundem Dominum nostrum Jesum Christum Filium tuum: Qui tecum vivit et regnat.

Si hoc festum venerit Feria quarto Quatuor Temp. in fine non dicitur Evangelium Feriæ, quia dictum est; sed S. Joannis.

MISSA DE COMMEMORATIONE CONCEPTIONIS.

BEATÆ MARIÆ VIRGINIS.

Dicenda singulis sabbatis per annum non impeditis, quando recitatur ejus officium ex privilegio apostolico.

Semiduplex.

Introitus,

Sedulius.

SALVE sancta parens, enixa puerpera Regem, qui cœlum terramque regit in sæcula sæculorum.

Ps. 44. Eructavit cor meum verbum bonum, dico ego opera mea Regi. *V. Gloria Patri.*

Oratio.

FAMULIS tuis, quæsumus, Domine, cœlestis gratiæ munus impertire: ut quibus Beatæ Virginis partus extitit salutis exordium, Conceptionis ejus vota commemoratio, pacis tribuat incrementum. Per Dominum.

Secunda Oratio de Spiritu Sancto, tertia Ecclesiæ, vel pro Papa, ut habetur post Missas votivas B. Mariæ. Si fiat commemoratio Simplicis, tunc tertia Oratio erit de Sp. S. Deus, qui corda. . . Per Dnum. . . ejusdem Spiritus.

Lectio libri Sapientiæ. Prov. 8. c.

DOMINUS possedit me in initio viarum suarum, antequam quidquid faceret a principio. Ab æterno ordinata sum, et ex antiquis, antequam terra fieret. Nondum erant abyssi, et ego jam concepta eram: necdum fontes aquarum eruperant: necdum montes gravi mole constiterant: ante colles ego parturiebar: adhuc terram non fecerat, et flumina et car-

dines orbis terræ. Quando præparabat cœlos, aderam: quando certa lege, et gyro valabat abyssos: quando æthera firmabat sursum, et librabat fontes aquarum: quando circumdabat mari terminum suum, et legem ponebat aquis, ne transirent fines suos: quando appendebat fundamenta terræ. Cum eo eram, cuncta componens: et delectabar per singulos dies, ludens coram eo omni tempore, ludens in orbe terrarum, et deliciæ meæ esse cum filiis hominum. Nunc ergo, filii, audite me: Beati qui custodiunt vias meas. Audite disciplinam, et estote sapientes, et nolite abjicere eam. Beatus homo qui audit me, et qui vigilat ad fores meas quotidie, et observat ad postes ostii mei. Qui me invenerit, inveniet vitam, et hauriet salutem a Domino.

Graduale. Benedicta et venerabilis es, Virgo Maria quæ sine tactu pudoris inventa es mater Salvatoris.

V. Virgo Dei genetrix, quem totus non capit orbis, in tua se clausit viscera, factus homo. Alleluia, allel.

N. Felix es, sacra Virgo Maria, et omni laude dignissima: quia ex te ortus est sol justitiæ, Christus Deus noster. Alleluia.

Post Septuagesimam omissis Alleluja, et V. sequenti, dicitur, Tractus. Gaude Maria Virgo, cunctas hæreses sola interemisti. *V.* Qui Gabrielis Archangeli dictis credidisti. *V.* Dum Virgo Deum et Hominem genuisti, et post Partum Virgo inviolata permansisti. *V.* Dei Genetrix intercede pro nobis.

Tempore Paschali omittitur Graduale, et loco ejus dicitur: Alleluia, Alleluia.

V. Felix es sacra Virgo Maria, et omni laude dignissima, quia ex te ortus est sol justitiæ, Christus, Deus noster. Allel. *V.* Virga Jesse floruit; Virgo Deum et Hominem genuit; pacem Deus reddidit, in se reconcilians ima summis. Alleluia.

Initium S. Evangelii secundum Matthæum. *Mat. 1.*

LIBER generationis Jesu Christi, filii David, filii Abraham. Abraham genuit Isaac. Isaac autem genuit Jacob. Jacob autem genuit Judam et fratres ejus. Judas autem genuit Esron. Esron autem genuit Aram. Aram autem genuit Aminadab. Aminadab autem genuit Naasson. Naasson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David Regem. David autem Rex genuit Salomonem ex ea, quæ fuit Uriæ. Solomon autem genuit Roboam. Roboam autem genuit Abiam. Abias autem genuit Asa. Asa autem genuit Josaphat. Josaphat autem genuit Joram. Joram autem genuit Oziam. Ozias autem genuit Joatham. Joatham autem genuit Achaz. Achaz autem genuit Ezechiam. Ezechias autem genuit Manassen. Manasses autem genuit Josiam. Josias autem genuit Jechoniam, et fratres ejus in transmigratione Babylonis. Et post transmigrationem Babylonis, Jechonias genuit Salathiel. Salathiel autem genuit Zorobabel. Zorobabel autem genuit Abiud.

Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleazar. Eleazar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocatur Christus.

Offertorium. Beata es Virgo Maria, quæ omnium portasti Creatorem: genuisti qui te fecit, in æternum permanes Virgo.

Secreta.

UNIGENITI tui, Domine, nobis succurrat humanitas: ut qui natus de Virgine, matris integritatem non minuit, sed sacravit; in Conceptionis

ejus commemoratione nostris nos piaculis exuens, oblationem nostram tibi faciat acceptam, Jesus Christus Dominus noster: qui tecum vivit.

Secunda et tertia Oratio ut supra.

Præfatio de Beata Virgine.

Et te in commemoratione Conceptionis.

Communio. Beata viscera Maria Virginis, quæ portaverunt æterni Patris Filium.

Postcommunio.

SUMPSIMUS, Domine, celebritatis sanctæ votiva Sacramenta: præsta, quæsumus; ut et temporalis vitæ nobis remedia præbeant, et æternæ. Per Dominum.

Secunda et tertia Oratio ut supra.



MISSÆ

QUORUMDAM HIBERNIÆ

SANCTORUM,

A Sacra Rituum Congregatione approbatæ.

DIE XVI. JANUARIII.

IN FESTO S. FURSÆI,
Abbátis.

Missæ. Os justi ut in Communi Abbatum, fol. xxiv.

DIE I. FEBRUARIII.

IN FESTO S. BRIGIDÆ,
Virginis.

Missæ. Dilexisti. de Communi Virginum, fol. xxix.

Oratio.

DEUS, qui nos hodiernâ die beâtæ Brigidæ virginis tuæ, annuâ solemnitate lætificas: concède propitiis, ut ejus adjuvémur méritis cujus castitátis irradiámur exemplis. Per Dominum.

DIE XVII. FEBRUARIII.

IN FESTO S. FINTANI,
Abbátis.

Missæ. Os justi. ut in Communi Abbatum, fol. xxiv.

DIE VIII. MARTII.

IN FESTO S. CATALDI,
Episcopi et Confessoris.

Missæ. Statuit. de Communi Confessoris Pontificis, fol. xvi.

DIE XVII. MARTII.

IN FESTO S. PATRITII,
Episcopi et Confessoris, et
totius Regni Patroni.

Missæ, ut in Missali. Cum Credo-

DIE XX. MARTII.

IN FESTO S. CUTHBERTI,
Episc. et Confess.

Missæ. Statuit. de Communi Confessoris Pontificis, fol. xvi.

DIE XXII. MARTII.

IN FESTO S. FRIGIDIANI,
Episc. et Confess.

Missæ, Sacerdotes tui. de Communi Confessoris Pontificis, fol. xviii.

Oratio.

SANCTI Frigidiani Confessoris tui atque Pontificis, quæsumus, Domine, précibus adjuvémur, ut cujus mérita celebrámus, ejus continuum salutis sentiámus auxilium Per Dominum.

DIE XXVII. MARTII.

IN FESTO S. RUPERTI,
Episcopi et Confessoris.

Missæ Statuit. de Communi Confessoris Pontificis, fol. xvi. Evangelium autem: Homo quidam nobilis. Ante Missam pro Abb.

DIE VI. APRILIS.

IN FESTO S. CŒLESTINI Primi, Papæ et Confessoris.

Missa. Statuit. de Communi Confessoris Pontificis, fol. xvi.

DIE VII. APRILIS.

IN FESTO S. CELSI, Episcopi et Confessoris.

Missa Statuit. de Communi Confessoris Pontificis, fol. xvi.

DIE X. MAII.

IN FESTO S. CONGALLI, Abbatis.

Missa. Os justi de Communi Abbatum fol. xxiv. Cum Commem. SS. Gordiani et Epimachi Martyrum ut in proprio Sanctorum, die x. Maii.

DIE XV. MAII.

IN FESTO S. DYMPNÆ, Virginis et Martyris.

*Missa. Loquebar. de Communi Virginis et Martyris, fol. xxv.**Oratio.*

AMATOR pudicitiae Deus, supplicantibus nobis tribue, ut qui beatæ Dympnæ Virginis et Martyris tuæ festivitatem recensemus, ejus apud te meritis et precibus adjuvemur. Per Dominum.

DIE IX. JUNII.

IN FESTO S. COLUMBÆ, Abbatis.

*Missa. Os justi. de Communi Abbatum, fol. xxiv. Cum Commemoratione SS. Primi et Feliciani Martyrum, ut in proprio Sanctorum, die ix. Junii.*DIE III. JULII. *alias* I. JULII.

IN FESTO S. RUMOLDI, Episcopi et Martyris.

*Missa. Statuit. de Communi unius Martyris Pontificis, fol. ii. et dicitur Credo ratione Octavæ et Præfatio Apostolorum.**Oratio.*

DEUS qui intercedente beato Rumoldo martyre tuo atque pontifice, labentis fluminis undas tuâ virtute solidasti, et triduo submersum à mortis nexibus, et de profundis aquarum absque humore mirabiliter eripuisti: concède propitius ut ejus meritis et precibus à periculosis hujus sæculi fluctibus eripiamur, et ad portum æternæ beatitudinis perducamur. Per Dominum.

Et fit commem. Octavæ Apostolorum.

DIE VIII. JULII.

IN FESTO S. KILIANI, Episcopi et Martyris.

Missa. Statuit. de Communi unius Martyris Pontificis, fol. ii.

DIE XXX. AUGUSTI.

IN FESTO S. FIACRII, Confessoris non Pontificis.

Missa. Justus ut palma. de Communi Confessoris non Pontificis, fol. xxiii. Evangelium autem: Videte, vigilate et orate. quod repertire est ante Commune Doctorum: et fit Commemoratio SS. Martyrum Felicis et Adacti, ut in propria Sanctorum, die xxx. Augusti.

DOMINICA II. OCTOBRIS.
ANNIVERSARIUM DEDI-
CATIONIS ECCLESIA-
RUM HIBERNIÆ.

Missa. Terribilis est locus iste. *de Communi Dedicacionis Ecclesiæ, fol. xxxiv. Et dicitur Credo. per Octavam.*

DIE XI. OCTOBRIS.
IN FESTO S. CANICI,
Abbátis.

Missa. Os justi. *ut in Communi pro Abbatibus, fol. xxiv.*

DIE XVI. OCTOBRIS.
IN FESTO S. GALLI,
Abbátis.

Missa. Os justi. *ut in Communi pro Abbatibus, fol. xxiv.*

DIE XXII. OCTOBRIS.
IN FESTO S. DONATI,
Episcopi, et Confessoris.

Missa. Statuit. *de Communi Confessoris Pontificis, fol. xvi.*

DIE XXIX. OCTOBRIS.
IN FESTO S. COLMANI,
Episcopi et Confessoris.

Missa. Statuit. *de Communi Confessoris Pontificis, fol. xvi.*

DIE III. NOVEMBRIS.
IN FESTO S. MALACHIÆ,
Episcopi et Confess.

Missa. Statuit. *de Communi Confessoris Pontificis, fol. xvi.*

Oratio.

MAJESTATEM tuam, Domine, suppliciter exoramus, ut beáti Malachiæ Confessoris tui atque Pontificis adjuvemur meritis; cujus instruimur exemplis. Per Dominum.

Et fit Commem. Octavæ Omnium Sanctorum, et dicitur Credo. ratione Octavæ.

DIE XII. NOVEMBRIS.
IN FESTO S. LIVINI,
Episcopi et Martyris.

Missa. Statuit ei Dominus. *de Communi unius Martyris Pontificis, fol. ii.*

Oratio.

DEUS, qui Sanctórum Martyrum mérita pretiosissimo Filii tui sanguine dedicasti: venerandem natalis diem beati Livini Martyris tui atque Pontificis honorantes propitius intueri: et iisdem incolumitatem, pacem ac tandem vultus tui hilaritatem sine fine concede. Per eundem Dominum.

DIE XIV. NOVEMBRIS.
IN FESTO S. LAURENTII,
Episc. et Confess.

Missa. Statuit. *de Communi Confessoris Pontificis, fol. xvi.*

Oratio.

DEUS qui beatum Laurentium Confessorem tuum atque Pontificem, innumeris decorasti miraculis; tribue nobis, ut ejus meritis et intercessione, medelam corporum, et salutem animarum consequi mereamur. Per Dominum.

DIE XXIV. NOVEMBRIS.
IN FESTO S. COLUMBA-
NI. Abbatis.

Missa. Os justi. *de Communi pro Abbatibus, fol. xxiv. Cum Commeratione S. Chrysogoni Martyris, ut in proprio Sanctorum, die xxiv. Novembris.*

DIE XXVII. NOVEMBRIS.
IN FESTO S. VIRGILII,
Episcopi et Confessoris.

*Missa. Statuit. de Communi
Confessoris Pontificis, fol. xvi.*

MISSA SANCTISSIME
SACRAMENTI,

Quæ Feria V. cujusque Hebdomadæ (extra tempus Adventus, Quadragesimæ et Vigiliarum) non impedita Festo novem Lectionum, etiam translato, celebrari potest sub ritu Semiduplici, ab universo Clero Seculari Hiberniæ regni.

Missa. Cibavit eos. prout ponitur in Missis Votivis, in qua non dicitur Credo. Secundo, et tertia Oratio pro diversitate temporis, ut in Semiduplicibus.

MISSA CONCEPTIONIS
BEATÆ MARIÆ VIRGINIS.

Quæ quolibet Sabbato anni (extra adventum, Quadragesimam, Sabbata Vigiliarum et Quatuor Temporum) non impedita Festo novem Lectionum etiam translato, celebrari potest sub Ritu semiduplici, ab omni Clero Seculari hujus Regni.

Introitus.

SALVA sancta parens, enixa puerpera Regem: qui cœlum terramque regit in sæcula sæculorum. *Psal.* Eructavit cor meum verbum bonum: dico ego opera mea Regi.

V. Gloria Patri.

Oratio.

FAMULIS tuis, quæsumus Domine, cœlestis gaatiæ munus impertire: ut quibus beatæ Virginis partus extitit salutis exordium, conceptionis

ejus votiva Commemoratio pacis tribuat incrementum. Per Dominum nostrum.

Secunda Oratio, Deus qui corda. Tertia, Ecclesia. vel pro Papa.

Epistola. Dominus possedit. ut in ejus Festo, viii. Decembris, p. 325.

Graduale. Benedicta, et venerabilis es virgo Maria: quæ sine tactu pudoris, inventa es Mater Salvatoris. V. Virgo Dei Genitrix, quem totus non capit orbis, in tua se clausit viscera, factus homo. Alleluia, alleluia. V. Felix et sacra Virgo Maria, et omni laude dignissima: quia ex te ortus est sol justitiæ, Christus Deus noster. Alleluia.

Post Septuagesimam, omisso Alleluia. et versu sequenti, dicitur.

Tractus. Gaude Maria virgo, cunctas hereses sola interemisti. V. Quæ Gabrielis Archangeli dictis credidisti. V. Dum virgo Deum et hominem genuisti: et post partum virgo inviolata permansisti. V. Dei genitrix intercede pro nobis:

Tempore Paschali omittitur Graduale, et in ejus loco dicitur Alleluia, alleluia. V. Felix es sacra virgo Maria, et omni laude dignissima: quia ex te ortus est sol justitiæ, Christus Deus noster. Alleluia. V. Virga Jesse floruit; virgo Deum et hominem genuit: pacem Deus reddidit, in se reconcilians ima summis. Alleluia.

Evangelium. Liber generationis, ut in ejus Festo viii. Decembris.

Offertorium. Beata es virgo Maria, quæ omnium portasti

Creatorem: genuisti qui te fecit, et in æternum permanes virgo.

Secreta.

UNIGENITI tui, Domine, nobis succurrat humanitas: ut qui natus de Virgine, matris integritatem non minuit, sed sacravit, in conceptionis ejus Commemoratione, nostris nos piaculis exuens, oblationem nostram tibi faciat acceptam Jesus Christus Dominus noster. Qui tecum vivit et regnat.

Præfatio de beata Virgine.
Et te in Commemoratione Conceptionis.

Communio. Beata viscera Mariæ virginis, quæ portaverunt æterni Patris Filium.

Postcommunio.

SUMPSIMUS, Domine, celebritatis sanctæ votiva sacramenta: præsta quæsumus: ut et temporalis vitæ nobis remedia pæbeant, et æternæ. Per Dominum nostrum Jesum Christum.

AK 20
2005
A2
.52





OF C
DERY
03

LIBRARY OF CONGRESS



0 006 121 362 4